


IOANNES WIGGERS
DIESTENSIS
IN
SECUNDAM SECUNDÆ
DIVI THOMÆ
AQVINATIS.
DE VIRTUTIBVS THEOLOGICIS
CVMBVS ADNEXIS.

IN SECVNDAM SECVNDÆ
DIVI THOMÆ

AQVINATIS
COMMENTARIA
IOANNIS WIGGERS

DIESTENSIS
S. TH. DOCT. AC PROFESSORIS REGII
IN SCHOLIS PVBLICIS
ACADEMIÆ LOVANIENSIS.

A Quæstione I. vsque ad Quæstionem XLVI.
DE TRIBVS VIRTVTIBVS THEOLOGICIS
CVM SVIS ADNEXIS.



LOVANIÆ,
Apud IOANNEM OLIVERIVM,
& CORNELIVM COENESTENIVM,
M. DC. XXX.

AD MODVM REVERENDO
IN CHRISTO PATRI DOMINO
D. IOANNI DRVSIO
INSIGNIS MONASTERII
PARCENSIS
INSTITVTI NORBERTINI PROPE LOVANVM
ABBATI MERITISSIMO
REVERENDISSIMI GENERALIS ORDINIS
PRÆMONSTRATENSIS IN PROVINCIIS
BRABANTIÆ ET FRISIÆ
V I C A R I O, &c.

ADMODVM REVERENDE D. PRÆSVL:

DIVINÆ Sapientiæ studium semper tuæ cum Magno Augustino castæ delitiæ fuerunt: Hūic libenter, diligenter ipse insudasti: ab hoc tibi fructus honoris & honestatis. In alijs non inuidiosè idem suscitasti, fouisti, promouisti. Testis est multitudo illa doctissimorum, ac religiosissimorum virorum, quibus non tantum cultissimus ille bene conclusus, copiosè irriguus hortus Parcensis affluentissimè confitus est: Sed, & cuncta celeberrimi Ordinis vestri monasteria per Brabantiam & Belgium totum mirificè ornata præ alijs excellunt: qui te duce, tuâ curâ, tuâ vigilantia, tuis exhortationibus sapientiam adamarunt,

AD MODVM REVERENDO
 IN CHRISTO PATRI DOMINO
D. IOANNI DRVSIO
 INSIGNIS MONASTERII
PARCENSIS
 INSTITVTI NORBERTINI PROPE LOVANIVM
ABBATI MERITISSIMO
 REVERENDISSIMI GENERALIS ORDINIS
 PRÆMONSTRATENSIS IN PROVINCIIS
 BRABANTIÆ ET FRISIÆ
V I C A R I O, &c.

ADMODVM REVERENDE D. PRÆSVL:

DIVINÆ Sapientiæ studium semper tuæ cum Magno Augustino castæ delitiæ fuerunt: Hūic libenter, diligenter ipse insudasti: ab hoc tibi fructus honoris & honestatis. In alijs non inuidiosè idem fuscitasti, fouisti, promouisti. Testis est multitudo illa doctissimorum, ac religiosissimorum virorum, quibus non tantum cultissimus ille bene conclusus, copiosè irriguus hortus Parcensis affluentissimè confusus est: Sed, & cuncta celeberrimi Ordinis vestri monasteria per Brabantiam & Belgium totum mirificè ornata præ alijs excellunt: qui te duce, tuâ curâ, tuâ vigilantia, tuis exhortationibus sapientiam adamarunt,

runt, quæsierunt, inuenerunt. Mirantur sæpius Theologicæ Scholæ Louanij tantam candidæ ac religiosæ Iuuentutis ex Præmonstratensi Ordine ad se confluentiam : nec minùs tantam ingeniorû præstantiam, quæ in publicis exercitijs scholasticis præ multis ita in eis elucet, vt communi quâdam conspiratione, vel potius peculiari diuinâ prouidentia, præstantissima quæq; bonæ indolis ingenia ad sacri instituti D. Norberti collegia videantur conuolasse. Et quidni existimentur à *Domino messis*, eò singulariter directâ, vbi nouerat illa doctrinâ & sanctâ Religione probè excolenda ? vt scilicet inde operarios (sicuti ex nunc cœpit) educeret in messem suam multam, non in Belgio tantum, sed & in Germaniæ amplissimis regionibus albicantem. Mihi quidem gratum ac volupe semper fuit tales habere auditores, tales discipulos: Illi quoque, vt sæpius inaudiui, laboribus & prælectionibus nostris satis lætari solent, vt non modò complures ex ore nostro eas calamo exceperint, sed & plurimi vehementer desiderarint, vt quæ à nobis hic in Scholis tradita essent, postmodum in Conuentualibus suis scholis eadem prælegerentur; magis tamen exoptantes, vt typis aliquando mandarentur. Sanè licèt non eò direxerim studiû & commentationem in D. Thomæ Summariam doctrinam, vt eius quicquàm in lucem mitteretur, hoc præsertim tempore, quo tam multa, tam prolixa, tam operosa scripta in D. Thomam, & in omnem materiam Theologicam prodeunt : tamen votatum horum potissimùm, tum aliorum hoc apud
me obti-

me obtinuerunt, vt Typographis Ioanni Oliu-
rio, & Cornelio Conestenio, operam suam & sum-
ptus offerentibus, concesserim, tradiderimque ali-
quas partes nostrarum prælectionum prælo com-
mittēdas: ne quæ iudicabatur ex eis ad plures posse
manare utilitas, intra pauciores Scholæ Discipu-
los, illa concluderetur, consisteretque.

Quamuis itaq; Admodum Reuerende D. Præ-
sul, multæ præstantissimæq; animi vestri dotes, ac
virtutes: plurimaque vestra merita de Vniuersitate
Louanienfi, & singulariter de Sacrà Facultate no-
strâ omnibus perspicua, mihi quoque non possint
non ob oculos versari, tamen existimaui hanc no-
stram Theologicarū virtutum (quarum cum exer-
citatione cognitio, vera sapientia est) expositio-
nem peculiariter Studio vestro & zelo sapientiæ
tam multis tuis largè & fructuosè communicatis,
inscribendam, dedicandamque, vti inscribo & de-
dico, rogans vt hoc qualecumque nostræ obser-
uantiae symbolum, & propensioris vestri affectus
in Sacra Studia testimonium benignè pro solitâ
erga nos humanitate suscipias: Præcabor autem
Deum Patrem luminum, vt Reuerendam Ve-
stram in Christo Paternitatem cum cœtu suo Re-
ligioso & Candido, dignetur omni dato optimo,
& omni dono perfectò deforsum, cumulatim ad-
augere. Louanij, pridie nonas Maij anno 1630.

*Admodum Reuerenda V. in Christo Paternitatis
Observantissimus*

IOANNES WIGGERS.

C E N S U R A.

QUæ de virtutibus Theologicis cum suis annexis, E. D. IOANNES WIGGERS commentatus est in D. Thomam, Catholicæ fidei consona sunt; ut edictum possint: eadem Scholis publicis hætenus vtilissima fuerunt; ut præli propagine vniuersæ Ecclesiæ profutura meritò sperem, imò confidam. Louanij 17. April. 1630.

MART. LVNECENIVS Apostolicus
ac Reginus Librorum Censor.

SVMMA PRIVILEGII.

PHILIPPVS IV. *Dei gratiâ totius Hispania, vtriusque Sicilia, Indiarum, &c. Rex Catholicus, Serenissimus Belgarum Princeps, &c. diplomate suo sanxit, Ne quis Secundæ D. Thomæ Aquinatis Commentaria IOANNIS WIGGERS Diestensis S. Th. Doctoris ac Professoris Regij in Scholis publicis Academiæ Louaniensis, præter Ioan. Oliuerij Bibliopola Louaniensis voluntatem, vel vlllo modo in Belgio intra sexennium imprimat, vel alibi terrarum impressa in has Inferioris Germaniæ ditiones importet, venaliâve exponat. Qui secus faxit, & confiscatione librorum, & aliâ graui pœna, mulctabitur: Et latius patet in litteris datis Bruxella 24. Ianuarij Anno 1630.*

Signat.

Steenhuyse.

ERRATA vide correctâ in fine operis post Indicem.

IOANNIS WIGGERS,
DIESTENSIS.

S. Theologiæ Doctoris, ac Professoris Regij

IN SCHOLIS PVBLICIS

ACADEMIÆ LOVANIENSIS,

COMMENTARIA

IN

SECVNDAM SECVNDÆ

D. THOMÆ

AQVINATIS

A Quæstione I. vsq; ad Quæstionem XLVI.

PRÆFATIO.



EXPLICATIS in Primâ secundæ generalibus principijs, tum internis, tum externis humanorum actuum, quibus ad finem suum, & beatitudinem ibidem in principio demonstrata, homo pergit, aut ab iisdem deuiat, puta virtutum, & vitiorum in comuni: Pergit D. Tho. in 2. 2. tractare de iisdem actibus humanis in particulari, & secundum propriam speciem: qui proinde sic considerati, sunt materia siue obiectum huius partis. Proccedit autem in illis hoc ordine, vt primo loco tractet de tribus virtutibus Theologicis, Fide, Spe, & Charitate, tanquam ex proprio obiecto nobilioribus, & in primis homini in ordine ad finem suū supernatu-

Wiggers in 2. 2.

ralem necessarijs: idq; à principio vsq; ad quæstionem 46. Deinde de quatuor virtutibus Cardinalibus; Prudentia, Iustitia, Fortitudo, & Temperantia, cum suis respectiue annexis: videlicet à Quæstione 47. vsque ad 171. Ac denique postquam sic disputauit de virtutibus, quæ debent omnibus esse communes, & de vitijs respectiue singulis oppositis, Agit de quibusdam alijs communicationem quandam cum virtute habentibus, quæ non singula generaliter omnibus conueniunt; sed quibusdam sunt quasi propria, & diuersa quidem diuersis: puta de gratijs gratis datis: De diuersitate vitæ contemplatiuæ, & vitæ actiuæ: & de diuersis Ecclesiæ munij, & statibus viuendi; idque ad Quæstionem vsque finalem 189.

A

QVÆ.

QVÆSTIO PRIMA.

De Obiecto Fidei.

In decem Articulos diuisa.

ARTICVLVS I.

Vtrum obiectum fidei sit veritas prima.

NOTANDVM est, nomē fidei plures habere significatōnes: ex quibus tamen duæ sunt principales, & quasi primitiue, quarum Prima est, secundum quam capitur pro dictorū, conuentorumque constantiā, & veritate: & sic fides in latino sermone dicitur appellata (inquit D. Aug. epist. 19. ad Ieronymū) quia fit quod dicitur: quod & indicat Cicero lib. 1. Officiorum. In quā acceptione agit D. Th. infra de fide, siue de fidelitate: & quidem frequens est vsus huius nominis secundum eam significationem in litteris sacris; vt ad Rom. 3. *Namquid incredulitas illorum fidem Dei euacuauit?* id est, fidelitatem siue constantiam & veritatem Dei in suis promissionibus. Et ab hac fide sæpius nominatur Deus fidelis: Deutro. 22. *Fidelis & absque vlla iniquitate.* Pl. 144. *Fidelis Deus in omnibus verbis suis.* Hinc per accommodationem attribuitur alijs rebus significandis quæ ad fidelitatem aut veracitatem dicunt quendam ordinem: ita aliquando significat promissionem, quam fidelitas debet adimplere: vt 1. ad Timoth. c. 5. quando de Viduis iunioribus, quæ cum in Christo luxuriant fuerint, nubere volunt; dicitur: *Habentes damnationem, quia primam fidem* (id est, promissionem seu castitatis votum) *irritam fecerunt:* Aliquando sumitur pro fiducia, quam in nobis parit fides, seu fidelitas, & veracitas alterius in promissis suis implendis, vt hic tradunt q. 1. a. 1. Arragonius & Bannes. Andr. Vega q. 1. De Iustificatione, & alij nonnulli: & ita accipi volunt Mat. 14. *Modice fidei, quare dubitasti?* & Iacobi c. 1. *Postulet autem in fide nihil hesitant.* In ijs tamen locis nomen fidei sumi propriè iuxta significationem modò explicandam, ostendimus 1. 2. q. 113. a. 4. n. 50. vt proinde Dominicus Soto 1. 2. De Naturā & Gratiā, c. 6. non improbabilius contra Sectarios nostrī temporis sustineat, nusquam

in Scripturā sacrā fidem in ea significatione reperiri acceptam

Secunda itaq; principalior & primitiua significatio est, secundū quam capitur pro assensu intellectus, vel pro habitu inclinatē ad assensum, quo credamus alteri tantum qui sit verax in dictis, & constans in promissis. Sic vsus est Cicero hoc nomine 1. 2. De Diuinit. dum ait: In sanorum visis non est adhibenda fides. Vtramque autem tum primam, tum secundam significationē agnoscit, & distinguit D. Aug. 1. De Spiritu & Littera c. 31. Vbi scribit: Aliter dicimus, non mihi habuit fidem: aliter autem, non mihi seruauit fidem. Nam illud est: non mihi credidit quod dixi: istud, non fecit quod dixit. Ab hac significatione transfertur aliquando ad significandum obiectum seu materiam circa quam, assensus intellectus versatur: sic ad Galat. c. 3. sumitur: *Ex operibus legi spiritum acceperunt? an ex auditu fidei?* id est, an ex doctrinā fidei? Et in Symbolo Athanasij: Hæc est fides Catholica, id est, res credendæ fide Catholicā: Rectē itaq; Gabriel in 3. d. 23. q. 2. dicit fidem sumi aliquando pro actu, aliquando pro habitu, aliquando pro obiecto, quod dicit esse veritatē seu rem creditam. Porro fides in hac significatione diuidi potest secundum diuersitatem auctoritatis dicentium siue astringentium: quare sicut duplex occurrit auctoritas in astruendo; vna, scilicet humana, quæ ex se dubia & fallibilis est: altera diuina, quæ certa & infallibilis est, si etiā duplex potest statui fides, videlicet humana, & diuina: Prior est quā credimus aliquid verum esse, aut aliquid esse futurū propter auctoritatem hominis asserentis aut promittentis: Posterior autem, quā id credimus propter auctoritatem diuinā: & de hac fide hic nobis est sermo. Sit itaque

CONCLUSIO Prima: Obiectum materiale fidei non tantum est prima veritas, seu Deus ipse; sed etiam alia multa, vt puta, quæcumque in Scripturis diuinitus reuelata existunt. Est D. Thomæ: & certa. Constabit satis ex dicendis infra. Obseruandum autem est, quod Deus sit principale & primum obiectum, in ordine ad quæ-

quæ cætera omnia sub fidem cadunt: nam primò & principaliter versatur fides circa ea quæ Deo in se conveniunt, vt circa Dei vnitatem in substantiâ, & Trinitatem in personis: circa personarum proprietates: circa eius omnipotentiam, & alia attributa: atque ita principale fidei obiectum de Quo (quod alij vocant attributionis) habens se instat subiecti Conclusionis scientificæ, est Deus incomplexè consideratus: principale autem obiectum quod creditur habens se instat Conclusionis scientificæ quæ scitur, sunt propositiones siue articuli in quibus Deo attribuitur ea quæ ipsi insunt, aut conveniunt.

Inter cætera autem quæ habent ratione obiecti secundarij, obtinet primum locum humanitas Christi Domini, tam in ratione obiecti de quo, quàm in ratione obiecti quod, proportionabiliter loquendo & explicando, prout iam explicuimus, quòd Deus sit obiectum primum, tum de Quo, tum Quod: illa enim humanitas Deo est coniunctissima, & per eam non tantum de ineffabili suâ Deitate dignatur est nobis plurima enarrare, sed etiam mirabiliter reparationem generis nostri operari, & arcana mysteria, ac efficacia Sacramenta ad hominum iustificationem & salutem instituire, vt sic ad Deum, à quo per peccatum primi parentis dilapsi eramus, reduceremur. Quia autem quæcumque nobis revelauit Deus de alijs rebus, ad eum finem revelauit, vt aliquando perfecte cognoscamus ipsum verum Deum, & quem misit Iesum Christum, ideo dicit D. Th. Quod omnia quæ cadunt sub assensum fidei, non cadant nisi secundum quod, aliquem ordinem habent ad Deum, & in quantum per hæc ad Deum ordinantur: quia scilicet ea de causâ, & aliter non essent reuelata.

CONCLUSIO Secunda: Obiectum fidei formale Quod, est Deus vt Deus, siue sub ratione diuinitatis. Indicat D. Th. hic a. 1. quâdo dicit, nihil cadere sub fide nisi in ordine ad Deum: & clariùs 1. p. q. 1. a. 7. vbi docet subiectum doctrinæ Theologicæ esse Deum sub ratione Dei, contra aliquos qui attendentes ad ea quæ in istâ scientiâ tractantur (inquit) & non ad rationem secundum quam considerantur, assignauerunt aliter subiectum illius scientiæ. Probat autem D. Th. suam sententiam: quia in sacrâ doctrinâ pertractantur omnia sub ratione Dei: puta quia sunt ipse Deus, vel quia habent ordinem ad Deum vt ad principium, & finem: & similiter quoque omnia quæ creduntur, creduntur vt Deo conueniunt, vel vt habent ordinem ad illum. Idè docent Caiet. Bannef. Arragon. ad hunc articulum: Albertus in 3. dist. 23. a. 12. &

alij plures, contra Durandum in 3. d. 24. qui videtur Deum ponere obiectum sub ratione Saluatoris.

Probatur autem & simul explicatur conclusio: quia obiectum formale Quod habet cognoscitui appellatur subiectum totale aut saltè principale attributionis, siue subiectum de quo, cum adiuncta illi formali ratione, secundum quam versatur habitus circa illud: sicuti formale obiectum Quod Medicinæ est Corpus humanum receptiuum sanitatis vt tale: physicæ obiectum, Corpus naturale vt naturale, & sic de alijs. Contra hoc distinguitur obiectum formale quo, quod dicitur tum ipsa ratio sub qua subiectum consideratur, tum ratio quæ parit ipsius subiecti cognitionem tanquam medium, vel argumentum illius: et licet illa subiecto aliquando intrinseca, vt quando cognoscitur per causas essentielles intrinsecas: vel aliquando extrinseca, vt quando per effectus vel causas externas cognoscitur, vel tantum ex aliorum relatu & attentione quasi rei applicatæ: quod est proprium medium cognoscendi per fidem siue humanam, siue diuinam: Atqui habitus fidei diuinæ vt cognoscitiuus versatur circa Deum vt Deum, quemadmodum ex modò dictis satis intelligi potest: quia per illum hic cognoscimus Deum, & diuinitatis attributa, proprietates, & perfectiones per speculum in ænigmate: & licet etiam alia quædam per fidem de Deo cognoscantur, quæ illi tantum competunt ex ordine aliquo ad Creaturam, vt quod omnium sit Conditor, sit generis humani Saluator, & eiusdem tandem Glorificator, tamen horum cognitio est secundaria, & ordinatur ad cognitionem Dei & diuinitatis secundum sua essentialia, & quæ ab intrinseco ei per omnia conueniunt: quod indicant illa Christi verba, Ioannis cap. 17. *Hæc est autem vita æterna, vt cognoscant te solum Deum verum, & quem misisti Iesum Christum: scilicet vt Dei Patris Filium, id quæ hic per fidem, & in patriâ per speciem: & rursus apud Marcum cap. 11. *Habete fidem Dei. Idem innuit Apost. ad Ephes. c. 3. vbi precatur vt Christus habitet per fidem in cordibus eorum: vt possint comprehendere cum omnibus Sanctis, quæ sit latitudo & longitudo, & sublimitas & profundum, scire etiâ supereminentem scientiæ claritatè Christi, vt impleamini (inquit) in omni plenitudine Dei, & D. Petrus similiter 2. cap. 1. quando precatur: *Gratia vobis & pax adimpleatur in cognitione Dei, & Christi Iesu Domini nostri: ergo Deus vt Deus, siue secundum rationem diuinitatis, & earum perfectionum quæ essentialiter & ab intrinseco ei competunt, propriè est obiectum Quod formale fidei.***

A ij

CONCLV.

CONCLUSIO Tertia: Formale obiectum Quo: siue medium & ratio cognoscendi istud obiectum formale Quod, inducensque ad credendum, non est Veritas prima in Essendo vt sic: sed est Veritas prima in testificando, siue illa vt obscure reuelans: quemadmodum formalis ratio sciendi (inquit D. Thom.) sunt media demonstrationis. Prior pars colligitur ex Corpore Articuli, vbi dum agit de obiectis materialibus secundarijs, ita scribit: Et ideo ex hac parte (quâ scilicet istæ res creatæ de quibus loquitur, admittuntur etiam pertinere ad obiectum materiale secundarium) obiectum fidei est quodammodo etiam Veritas prima, in quantum nihil cadit sub fidem, nisi in ordine (inquit) ad Deum. quibus manifestè indicat, aut potius supponit eodem modo Deum & Veritatem primam in Essendo habere rationem obiecti respectu fidei, videlicet ratione obiecti materialis primarij, in ordine ad quod reliqua omnia sunt reuelata & credita: sicut iam hoc in prima conclusione explicuimus.

Et probatur, quia Veritas prima in Essendo non est secundum esse suum per se vnita omnibus quæ sunt obiectum fidei, neque vt sic est talis eius habitudo ad illa, vt faciat ea à nobis cognosci & credi: Nam v. g. Sacramenta à Christo instituta, eorumque virtutes & effectus, & quæ illis conueniunt, aliisque multa continentur sub secundo obiecto fidei, quibus tamè Veritas prima secundum esse suum non sic vnitur: nec ita sed illa habet secundum esse nudè spectata, vt sit ratio ista cognoscendi & credendi: ergo &c.

Posterior autem pars Conclusionis significatur hic à D. Thomâ euidenter, dum scribit: Sic igitur in fide si consideremus formalem rationem obiecti, nihil est aliud quam Veritas prima: non enim fides de quâ loquimur, assentit alicui, nisi quia à Deo est reuelatum. Et tenent Caietanus, Medina, Bannet, Arragonius, Malderus ad hunc articulum: Greg. à Valentia tom. 3. qu. 1. punct. 1. §. 4. Bonauent. in 3. dist. 24. art. 1. qu. 2. & 12. Richardus dist. 23. ar. 4. qu. 3. Durand. dist. 23. qu. 7. & alij communiter. Probatur autem primò ex Scripturis: Matth. 16. *Caro & sanguis non reuelauit tibi; sed Pater meus qui in cælis est.* 1. ad Thess. cap. 2. *Cum accepisset à nobis verbum audiui Dei, accepisti illud, non vt verbum hominum; sed sicut est verè, verbum Dei.* Ioannis cap. 1. *Vnigenitus filius qui est in sinu Patris, ipse enarrauit.* 1. Ioannis 5. *Spiritus est qui testificatur, quoniam Christus est veritas: si testimonium hominum accipimus, testimonium Dei maius est: quoniam hoc est testimonium Dei, quod*

maius est, quoniam testificatum est de filio suo, &c. & paulò intra: Qui non credit filio, mendacem faciet eum, quia non credit in testimonium, quod testificatus est Deus de filio suo: ad Gal. 1. cap. Neque enim ego ab homine accepi illud, neque didici: sed per reuelationem Iesu Christi. Quibus locis Apostoli declarant totam prædicationem suam inniti testimonijs diuinis, & abijs accipere & habere, quod meritò credi ab omnibus debeat. Quod & Christus similiter de suâ prædicatione diuersis locis ostendit. Ioannis cap. 8. *Sed qui me misit, veras est; & ego quæ audiui ab eo, hæc loquor in mundo.* Et ibidem: *Nunc autem quæritis me interficere, hominem qui veritatem vobis loquutus sum, quam audiui à Deo.* Et cap. 3. *Qui de cælo venit, super omnes est; qui autem accipit eius testimonium, signauit: quia Deus veras est: quem enim misit Deus, verba Dei loquitur.*

Quæ omnia manifestè significant, ea quæ fide credimus, nos credere tanquam dicta & verba Dei, siue propter testimonium diuinum. Vnde Apostolus ad Gal. cap. 1. addit: *Sed licet nos, aut Angelus de cælo euangelizet vobis, præterquam quod euangelizauimus vobis, anathema sit.* Ex quo colligunt veteres, vt in illum locum notant Hieronymus, Teophylactus, Chrysostomus, fidem maiori autoritate fundatam esse, quàm sit vel authoritas Angelorum, vel quorumque hominum: quia non est alia quam Dei reuelantis, & testificantis. Et addit D. Chrysostomus. Ideo dictum fuisse diuiti Epuloni Lucæ 16. *Si Moysen & Prophetas non audiuisti, neque si quis ex mortuis resurrexerit, credent:* Propterea scilicet quod illa quæ per Moysen & Prophetas scripta sunt, tantâ sint autoritate suffulta, vt maior nō possit desiderari, vnde qui illa nō credendo respuit, non credit quoque similia ab alijs quibuscumque proposita & asserta.

Probatur Secundò ratione: Quia quando credimus alicui homini non propter autoritatem aliorum, neque propter rationes quas allegat: sed tantum quia ipse dicit, tum eius veritas seu veracitas est formalis ratio credendi, & medium nos inducens ad fidem adhibendam dictis: quatenus enim illis applicata est veracitas viri dicentis, ipsæque dicta sunt quasi substrata illi, eiusque authoritati, eatenus nos accommodamus eis fidem: sicuti inhæremus Conclusioni scientificæ propter applicatum illi medium demonstrationis: Propositionibus fidei autè adhibemus assensum, quia sunt dictum siue verbum Dei, non propter alterius autoritatem quæ illi dicto credibilitatem conciliet, neque propter argumenta vel rationes; nec etiam propter rei apparentiam siue euidentiam: sed quia prima Veritas quæ nec falli nec fallere

fallere potest; astruit: ergo prima veritas & infallibilis autoritas testificans est formalis ratio obiecti fidei nostræ.

- 12 Pro pleniori autem intelligentiâ huius doctrinæ quædam hic sunt diligenter obseruanda: ac inprimis, quod minus rectè videtur Scotus exponere modum & rationem primæ veritatis reuelantis, quando in 3. Dist. 23. q. vnicâ: n. 6. ita scribit: Habens fidem non credit articulum esse verum ex euidentiâ obiecti, sed propter hoc quod assentit veritati infundentis habitum, & in hoc reuelantis credibilia; quasi scilicet formalis ratio credendi articulos fidei esset prima veritas, vt per habitum infusum præbet intellectui quoddam lumen ad assentiendum rebus fidei: quod etiam Bannes, Zumel, & Arregonius hic videntur sentire.

- 13 Verum non satis considerant illi, vt apparet, distinctionem inter rationem seu virtutem operatiuum actus fidei, & inter rationem ex parte obiecti moriuam & inductiuam ad credendum: quamvis enim fides seu fidei habitus sit quoddam Dei donum & lumen quo illustratur & adiuuat homo elicit actus fidei, non tamen hæc illustratio & eleuatio intellectus est reuelatio illa, quæ articulos fidei in ratione obiecti quasi formaliter perficit, vt propter illam tenendi sint fidei; sed quæ obiectiue facit eos cognosci, & formalis quasi causa est ex parte obiecti, licet extrinsecè applicata, est ipse diuinus sermo, quo Deus illos exposuit, & reuelauit SS. Prophetis, & Apostolis & scriptoribus Hagiographis; quod scripturæ allegatæ satis aptè indicant: & docet clarè D. Tho. 1. p. q. 1. a. 8. ad 2. vbi expressè dicit nostram fidem inniti reuelationi Apostolis & Prophetis factâ, qui Canonicos libros scripserunt, non autem reuelationi, si quæ fuit alijs Doctoribus facta: multo ergo minus isti illustrationi quam adfert habitus fidei singulis fidelibus.

- 14 Et potest à simili faciliè declarari: nam v. g. naturale lumen intellectus (cui D. Thom. q. seq. a. 3. ad 2. comparat lumen fidei) non est formalis ratio ex parte principiorum, quâ ipsa sunt intelligibilia vt principia, licet ex parte subiecti sit quasi virtus, quâ effectiue elicitur eorum cognitio: sed ex parte principiorum ratio intelligibilitatis est ipsa claritas obiecti & necessaria ac immediata connexio prædicati cum subiecto.

- 15 Secundo obseruandum est, assensum fidei non inniti principaliter in aliquo discursu, quo mediante applicetur aut cognoscatur rebus fidei applicata formalis prædicta credendi ratio; nequidem in hoc vel simili discursu: Quæcumque Deus dixit, vel quæ prima Veritas testificata est, illa vera sunt: atqui Deus dixit siue reuelauit. v. g. quod ipse sit vnus in substantiâ, & trinus in personis; ergo hoc verum

est; & ideo ex vi talis ratiocinationis assentior isti propositioni. Declaratur enim id dici non posse: Primo, quia hoc ipsum quod Deus tale quid reuelauerit, etiam fide creditur: vnde si assensus fidei principaliter & per se inniteretur tali discursui, oporteret iterum facere alium discursum, quo induceretur intellectus ad assentiendum illi quod in minori ponitur; & sic nasceretur progressus in infinitum. Secundò, quia certitudo assensus conclusionis pendet ex antecedente, & consequentiâ, siue connexionione Conclusionis cum Antecedente: atqui certius assentimur cuicumque articulo fidei, quam eiusmodi consequentiæ, siue dependentiæ Conclusionis cum antecedente: nam sine detrimento fidei posset quis dubitare de firmitate Consequentiarum illius, an v. g. in omni materiâ etiam diuinâ & supernaturali haberet locum; modò tamen conclusio fidei firmâ teneatur: quia firmitas aut necessitas consequentiæ tantummodo cognita est ratione naturali; non potest ergo fides principaliter inniti in discursu. Quare dum ex vno articulo fidei per discursum colligitur alius, cui tantummodo præbeatur assensus ex virtute istius discursus, & vt huic innitur, tunc assensus ille, non est assensus fidei; sed scientiæ Theologicæ.

Est igitur Veritas prima reuelans, seu testificans ratio credendi simplici modo, & sine discursu: quæ à Deo rebus applicatur, & sic sunt summè credibiles immediate propter illam tali assensu, qualis debetur veritati diuinæ; licet lumen est ratio videndi colores, vt hic indicat D. Thomas. Non enim necesse est, quod primo videamus lumen, & ex vi huius visionis procedat visio coloris: sed proximè videmus colores illuminatos propter lumen, quod dat illis vt sint visibiles acta. Ita igitur quæque sine discursu, aut saltem non in virtute discursus, fide assentior articulis diuinis reuelatis proximè propter primam veritatem eis applicatam, qua redduntur summè credibiles, vt diximus.

Tertiò obseruandum est: aliquas veritates fidei reuelatas esse secundum se & in proprijs terminis: aliquas autem in aliâ, in quâ continentur: & vtræque simpliciter fide credi, modò reuera posteriores quoque sint reuelatæ, & vt tales sufficienter proponantur: vt rectè docet Scotus in 3. dist. 35. Cans. lib. 6. De Locis c. vlt. Vega in Trident. lib. 1. cap. 29. Vasques 1. p. disp. 5. c. 3. & disp. 7. c. 7. Bellarm. lib. 3. De Ecclesia c. 15. & lib. 3. De Iustif. c. 8. Sic v. g. sicut est articulus fidei: Omnis qui legitime baptizatur, nec ponit obicem, consequitur iustitiam & peccatorum remissionem, ita etiam fide tenenda est hæc propositio: Hic infans legitime existens baptizatus, est consecutus gratiam & peccati remissionem.

▲ iij

Et de-

18 Et declaratur : Quia nulla est reuelatio fidei, quæ non fiat per aliquod medium tanquam signum interius locutionis diuinæ: quare nihil per se interest siue articulus in se, siue in alio sit reuelatus, modò simul etiam sufficienter proponatur tanquam reuelatus, & assensus non in ipsa ratiocinatione proponente, & elucidante reuelationem, sed in ipsa reuelatione ut causà motiua nitatur proximè & immediatè. Cur autem hoc addatur, ex nunc dictis constat.

19 Quartò hinc obseruandum est: Istam applicari nem primæ veritatis dicentis & reuelantis ad res, seu ad assertiones aliquas fidei posse quoque hominibus innotescere duobus modis: vno modo proximè & immediatè per ipsam primam veritatem, siue Deum qui illas per se manifestet, & eloquatur ad aliquem: sicuti factum est cum Moyse, Prophetis, & alijs scriptoribus Hagiographis: alio modo etiam per ipsam primam veritatem; verum non proximè & immediatè, sed per alios intermedios quos aut internuntios, qui ex parte Dei cæteris eiusmodi doctrinam dicunt, & proponant, quibus Deus per signa sufficientia authoritatem vicis suæ hac in parte, statuatur & confirmet: quo pacto reliqui homines passim accipiunt notitiam diuinorum testimoniorum & eloquiorum Dei.

20 Quintò obseruandum: Quemadmodum ab initio non tradidit, neque per se immediatè eloquuta est prima veritas omnibus hominibus, qui simul tempore tunc vivebant ea quæ credenda sunt: sed Prophetis & Apostolis, & per eos alijs illis qui tunc erant, sic quoque non loquitur & proponit posteris proximè & immediatè per se, ea quæ credere debent; sed per alios ad hoc à se constitutos, qui depositum verbum Dei sincerum & integrum conferuent, & alijs proponant ac edoceant, scilicet per Pastores & Doctores, siue per ipsam Ecclesiam, quam etiam sine testimonio huiusmodi authoritatis illi factæ & infallibilis securitatis non reliquit.

21 Sextò itaque obseruandum: Possè in Ecclesià triplicem considerari rationem, ex quâ attentè & persensè inducantur homines, ut credant vera esse, quæ ipsa proponit credenda.

22 Prima sit: Quia ipsa est cæteris multorum sapientiam & proborum hominum bene ordinatus, & legitimè rationi admodum consentaneis colligatus, & instructus. Si enim vni prudenti & bono sit adhibenda fides, quanto magis vbi multi tales in vno sensu cõueniunt.

23 Verum quia non faciliè in ijs quæ supra naturam sunt, & captum ingeni excedunt, credimus etiam hominibus quos alioquin habemus prudentes & bonos, nil aliudè & ab eo qui supra naturam est, accesserit testimoniū aliquod, hinc in Ecclesià esse secunda ratio

sublimior consideranda, videlicet quòd ipsa tum in suis primis fundatoribus & doctoribus, ad quos manifestè deducti sui originem; tum etiam omnibus sæculis in diuersis suis membris, ad confirmationem authoritatis suæ & doctrinæ præfulgeat diuinis oraculis. & miraculis, ac alijs diuersis notis; quibus diuina veritas quasi sigillo suo confirmat & munit authoritatem & doctrinam Ecclesiæ, sic ut vnusquisque istis bene attentis & perpensis non possit non prudenter iudicare omnia, quæ talis cæteris docet & prædicat sibi à Deo tradita ad hominum instructionem & salutem, omnino sic accipienda esse, & credenda, tanquam à Deo emanata.

Tertia ratio accedit: Quòd inter alia diuinitus reuelata, etiam hoc vnum sit; quòd Ecclesià sit columna & firmamentum veritatis, ac in suis propositionibus & fidei dogmatibus exponendis dirigatur infallibili Spiritu Sancti assistentiâ.

Septimò obseruandum: Quod ex tribus prædictis rationibus quæ faciunt ad Ecclesiæ authoritatem stabilendam, prima vt potest quæ humanæ & moralis tantum est, per se insufficiens sit ad tantam authoritatem tribuendam, quanta in hoc negotio requiritur, sicuti iam indicauimus: quia licet valere possit, ut credatur eam in propositionibus fidei non velle fallere mentiendo, nullum tamen est argumentum ad persuadendum, quòd non ipsa fallatur nescia aut inuita. Tertia ratio, vbi illa credita est Ecclesiæ competere, addit authoritatem sufficientissimam, ut quæcumque deinceps audiuntur ab eâ proponi credenda tanquam diuinitus accepta, iudicentur omnino sic accipienda & credenda.

Sed quia hæc ratio continetur inter alia, quæ diuinitus sunt reuelata, & quæ sunt fide credenda, hinc non potest ea vniuersaliter dici antecedenter requiritur, eiusque fides necessaria, ad hoc vt Ecclesià habeatur sufficienter instructa, ac omnino tantæ authoritatis, ut quas tradit propositiones tanquam à Deo reuelatas, possint & debeant prudenter iudicari omnino esse tales.

Quare Ecclesià quatenus secundà ratione instructa & persurgens est (quæ ratio non creditur fide diuinà ab initio, sed quasi experientiâ palpatur) est sufficienter proportionata, vt proponat doctrinam fidei tanquam diuinitus sibi traditam, sic vt ex eius propositione possit & debeat secundum prudentis iudiciū credi, quòd ea sit talis; & similiter credi debeat, Scripturas quas proponit tanquam à Deo dictatas, & tanquam Dei verbum, esse reuera tales; quæ quidem dum ex ipsam proponit & docet se esse firmamentum & columnam veritatis, & infallibiliter à Spiritu Sancto se regi ac dirigi, hoc ipsum mox quasi primo loco sit credendum. Quo iam credito consequenter

quenter facile creduntur cætera quæ proponit sibi à Deo reuelata & sibi concredita.

- 28 Vnde sic communiter fit progressus ab infidelitate, vt primò quidem ex signis & miraculis, ac alijs notis Ecclesiæ persuadeat quis sibi doctrinam & testimoniam eius esse omnino credibilia, & secundum prudens iudicium esse recipienda: quæ quidem persuasio nondum est ex fide infusa, sed ex argumentis humano modo expensis, & proinde neque actus fidei virtutis Theologicæ; quamuis ne ad eam quidem perueniatur absque aliquo speciali Dei auxilio; cum Scriptura dicat Deum aperuisse cor Lydiæ, vt vel intenderet ijs, quæ dicebantur à Paulo. Deinde fit vt credat doctrinam quæ ab Ecclesiâ talibus notis præfulgenti proponitur, esse diuinam; & Ecclesiam esse magistratam constitutâ, vt tradat hominibus eloquia Dei. Et hic actus est fidei Theologicæ, & omnino supernaturalis; quia id credit propter diuinam auctoritatem, quam Spiritus Sancti illustratione, & diuinâ gratiâ adiutus obseruat tali doctrinæ applicatam.

- 29 Octauo obseruandum: Quod licet dixerimus assensum fidei non inniti principaliter in aliquo discursu, non tamen negandum esse, quin possint & soleant precedere plures & varij discursus ante fidem plenè conceptam ex auditu, quibus scilicet intellectus præparetur, & quali disponatur ad fidem concipiendam, v. g. circa notas Ecclesiæ, eas examinando, & ex illis conclusiones aliquas ad fidem accedentes formando; quemadmodum licet habitu intellectus assentiatur quis principijs & propositionibus primò veris, non principaliter in virtute alicuius discursus, cui innitatur iste assensus; sed quia cognoscit & videt lumine intellectus immediatam & necessariam terminorum connexionem, nihilominus tamen, antequam perueniat ad illû assensum qui est actus istius habitus, scilicet & quali ordinariè præmittit multos discursus, siue ex singularibus, siue ex quibuscumque accidentibus aut proprietatibus, quibus intellectus inuatur, & quali magis illustratur aut perficitur vt videat, quod line istis non perficiebat.

- 30 Verum omnes assensus qui innituntur tantummodo in illis discursibus, non sunt assensus habitus principiorum, sed quando fide adiutus tandem intuetur intellectus immediatam & necessariam terminorum connexionem, & propter eam assentiatur, tunc assensus ille est actus ipsius habitus principiorum; quia non iam propter inductiones prius factas, neque propter argumenta dialectica prius exagitata; sed simpliciter propter necessariam & immediatam terminorum connexionem assentiatur, quam per habitum intellectus sic excitatum & illuminatum cognoscit.

- 31 Ita quoque secundum quandam proportionem accedit, vt plurimum ab initio in cre-

dendis rebus fidei, quod sic diuersi discursus & examina præcedant; Verum quicumque formantur assensus vel opiniones ignitentes principaliter in illis discursibus, non sunt assensus fidei Christianæ: sed quando mediante illis quis per lumen fidei agnoscit ibi diuinam auctoritatem, & assentiatur illis tanquam à primâ veritate dictatis & consignatis, eoque nomine credit, tunc assensus ille est actus fidei.

Ex dictis licet intelligere, posse aliquid diuinitus reuelatum aliquando credi ex habitu fidei Theologicæ, etiam non fuerit illud ab Ecclesiâ propositum vt credendum: quia imprimis Prophetæ & Apostoli qui immediate acceperunt res credendas à Deo, crediderunt illas eodem habitu fidei, quo nos credimus. Deinde si Deus reuelaret alicui suam persecutandam, posset eam credere fide diuinâ, vt indicat Conc. Trid. Sess. 6. Can. 16. etiam ab Ecclesiâ non proponeretur.

Ratio autem est, quia quod fide credimus, suscipimus vt verbum Dei, non vt verbum hominum: nihil itaque refert quoad substantiam fidei, siue per homines id accipiamus siue immediate ex Dei reuelatione nobis innotescat: habitus enim fidei generaliter inclinatur & mouet ad credendum omne illud, quod diuinitus reuelatur.

Neque obstat quod fides infusa sit fides Catholica: nam sic appellatur, quia obiectum eius ordinarium & vltimum est tale (quemadmodum loquitur Vincentius Lyrinensis) vt tota per Orbem terrarum Ecclesia illud consteatur, & quod vbique, quod semper, quod ab omnibus creditum est: cû quo potest consistere, quod ex speciali priuilegio quipiam reueletur alicui non pertinens ad omnes, sed ad particularem eius statum: cui tamen propter eandem formalem rationem, quam habet cum communi obiecto fidei, assentiatur eodem habitu, quo obiecto communi, quod omnes concernit & omnes credunt. Colligitur id ex D. Thomâ hic, vbi vniuersaliter docet medium seu rationem fidei esse primam veritatem reuelantem, ideoque nos fide assentiri, quia à Deo reuelatum est. Ita docent Vega. l. 9. in Trid. c. 3. Bellarmin. l. 3. de Iustificatione c. 3. & Malder. hic q. 1. art. 1. sect. 5. Arragon. hac quæst. artic. 3. fuit Concil. Trident. loco cit. & Apostolus ad Hebræos c. 11. vbi laudatur fides Abraham, Saræ, Isaac, Gedeonis & aliorum etiam in rebus ac reuelationibus eis factis, quæ propriè & immediate non fideles omnes & Ecclesiæ communiter concernebant: neque eis tanquam Scriptoribus Hagiographis reuelabantur, sed tanquam particularibus personis ad ipsorum directionem in priuatis factis.

Quamuis autem in illâ ipsâ tali reuelatione satis certò innotescat illi, cui reuelatio fit, Deum esse qui loquatur. (Scribit enim D. August.

A. iij. in Con-

in Confessionibus l. 6. c. 13. De Matre: quod diceret, discernere se, nescio quo sapore, quem verbis explicare non poterat, quid interesset inter Deum reuelantem & animam suam somniantem (non tamen idcirco proponitur hoc alijs sufficienter propter illius relatum, vt id similiter ipsi tanquam verbum Dei amplecti & credere debeant: quando aliunde non constat cum Prophetam vel Hagiographum scriptorem habendum.

- 36 Porro nemo post fidem Euangelicam semel traditam & Ecclesiam constitutam, ablandiri sibi debet, quod de nouo, siue noua quæ ab omnibus credenda sunt, ei à Deo reuelentur: neque quod contra Ecclesiæ sensum, diuinitus ei aperiat intellectionis sanctarum Scripturarum: nam quæcumque à Deo sunt, ordinatè fiunt, & seruiunt concordie & vnitati Ecclesiæ: non enim dissensionis est Deus, sed pacis: eiusmodi autem reuelationes essent contra ordinem à Christo institutum, & dissensiones ac scissuras inducerent.

Monetur difficultas Notabilis.

- 37 **C**irca hæcenus dicta occurrit grauis difficultas, Quod videlicet inter cetera credenda etiam hæc propositio: *Deus est*, sit fidei, ac fide tenenda: & tamen non videatur posse credi propter diuinam authoritatem testificantem: tum quia obscurus est, aut certe ad minus æque obscurum, Deum testari se esse; quàm ipsum esse: tum quia videretur esse imprudens Iudicium, credere aliquè esse, quia asserit se esse: nam vt credam illum hoc asserere, necesse est vt credam illum esse: non videtur ergo fieri posse, vt quis credat Deum esse, quia testatur se esse. Similis difficultas moueri potest ex hoc articulo, Deus est prima veritas, quia videtur ridiculum credere aliquem esse primam veritatem & ex naturâ suâ necessariò veracem, tantummodo quia dicit se talem.

- 38 Respondeo & Dico primò: D. Tho. infra artic. 5. ad 3. dicit hanc propositionem: Deus est, numerari inter credenda, quia est principium credendum, non quod ipsa credatur fide. Sed non videtur id dicendum, nisi commodo sensu explicetur. De quo infra: vnde

- 39 Dico Secundò: Quod argumentum illud foret multum efficax, si fides nostra inniteretur principaliter in aliquo discursu: quia tunc non appareret ex quo principio posset statui ista conclusio, sic vt ex vi discursus præberetur illi assensus fidei, vel cognosceretur illi applicata formalis credendi ratio. Verum quia dicimus nos fide adherere rebus à Deo reuelatis simpliciter modo & sine discursu, hinc efficaciam non habet: quia illa eadem quæ conciliant scriptoribus sacris authoritatem, quando primò elocuti sunt, aut scripserunt verbum Dei,

tantum & talem vt meritò & prudenter auditores iudicarent, quod verè Deus loqueretur in ijs, & sermo illorum esset sermo Domini: & quæ conciliant Ecclesiæ authoritatem consensibilem, non necessario præsupponebant in audientibus fidem, imò nec cognitionem vnius veri Dei: sed sunt talia, vt simul ingerant hominibus, non tantum vt credant quæ dicuntur tanquam à Deo profecta, sed etiam vt teneantur & manifestent ipsum Deum & eius testimonium & sermonem esse: sic vt si aliqui non audierint vel non crediderint vnum Deum esse summum & omnipotentem &c. per illa eadem quæ iuuentur, vt cognoscant in talibus non tantum diuinum testimonium applicatum rebus alijs quæ annunciantur, sed etiam ipsi Esse Dei, siue propositioni quæ dicitur ipse esse, mediante scilicet diuino auxilio, & lumine actuali fidei intrinsecus insulo.

Atq; ita Deus siue prima Veritas etiam testimonium perhibet sibi ipsi de suo Esse, & de suis attributis sine nugatione: cuius testificationis applicatio ad materiam siue ad rem testificatam nobis innotescit ipsdem modis & medijs, quibus innotescit eius applicatio ad alias materias. Sic Christus Dominus, Ioannis 8. dixit: *Ego sum lux mundi* & Ioannis 14. *Ego sum via, veritas, & vita*: & cum cap. 8. cit. obijcerent Pharisei: *Tu de te ipso testimonium perhibes, testimonium tuum non est verum*; respondit Iesvs, & dixit eis: *Est ego testimonium perhibeo de me ipso, verum est testimonium meum*: non solum scilicet, quod in veritate fundatum sit, sed etiam quod autenticum & legale: quia vt paulò infra declaratur: non solum de seipso perhibebat testimonium, sed etiam qui miserat eum Pater, videlicet per opera quæ in eo manens faciebat ad confirmationem doctrinæ Christi tam quoad ea quæ de se, quàm quæ de Patre & de alijs materijs docebat. Vnde ad Apostolos Ioannis cap. 14. dicit: *An non creditis, quia ego in Patre, & Pater in me est? alioqui propter opera ipsa credite.*

Nec tantum ex operibus, sed & ex verbis Christi reluxit, quod sermo eius esset sermo Dei: vnde Ioan. 7. redeuntes ministri à Phariseis missi ad eum apprehendendum, rogati quare non adducerent eum. Responderunt: *Nunquam scilicet est homo, sicut hic homo*. Sic igitur quoque per eadem quibus Deus in Exodo testificatur Moysen fuisse missum ab eo ad Pharaonem, vt educeret populum ad sacrificandum, testificatus quoque fuit se illum esse, Qui est: atque adeo se esse.

Est tamen obseruandum aliquid speciale esse circa propositionem huius articuli: quod scilicet huius propositio, eiusque reuelatio fiant quodammodo immediatè omnibus sufficienter ab ipso Deo in creaturis, & in mirabilibus Dei operibus, sic quod ex hac proponendi

ponendi formâ solâ possint homines cum interno diuino auxilio cognoscere & prouiderent credere Deum esse, etiam propter istud diuinum testimonium; vt colligitur ex Apostolo ad Rom. 1. quod non ita locum habet in omnibus alijs rebus fidei: quâuis & ista propositio vt plurimum negligatur, vt per experientiam constat, nisi aliud magisterium cum quo Deus intus operetur, accedat.

43

Modo non omnino dissimili explicari potest, quomodo fide credimus, v. g. Deum esse trinum & vnum, & quoque Deum id testificatum esse: non enim id fit, quod posterius distincto actu Deus reuelauerit, sed reuelando prius scilicet se trinum & vnum, simul eadem reuelatione ostendit se id reuelare, ipsaque reuelatio se ipsam, vt sic dicam, reuelat: quemadmodum August. quæst. 1. super Euangelij dicit; quod verbum non tantum id quod per ipsum significatur, sed etiam declarat se ipsum; & quemadmodum lumen quod reuelat colores visui, reuelatur & videtur per seipsum, vt notat Caiet. hic art. 1. dub. 4. atque ita in talibus euitatur progressus in infinitum.

44

Ex hæcenus dictis intelligi poterit, quomodo & in quâ fides nostra resolui possit & debeat; nam vltimatè tanquam in rationem à priori resoluitur in primam Veritatem reuelantem, ob cuius testimonium rebus fidei applicatum, adhæremus illis tantâ firmitate assensus, quantam conuenit adhibere primæ veritati affirmanti. Resolui quoque potest in autoritatè Ecclesiæ, Apostolorum & Prophetarum; Verum non tanquam in causam vltimam & formalem, sed tanquam in causam proponentem obiectum cum sua formali ratione credibiliter & accommodè intellectui nostro: non quidem sic, vt solo lumine suo naturali possit illud fide amplecti; sed accommodè vt per lumen supernaturale, quo illustratur à Deo possit illud tanquam Dei verbum agnoscere & recipere, illique vt tali firmissimè adhærere, accedente nimirum pio voluntatis affectu, quo id intellectui imperatur.

45

Quemadmodum assensus principiorum resoluitur vltimatè tanquam in causam per se & à priori in immediatam & necessariam subiecti & prædicati connexionem; & potest etiâ suo modo resolui in scientiâ magistri, qui per inductiones & alia argumenta à posteriori elucidauit istam immediatam connexionem; sed non tanquam in causam principalem & formalem assensus; verum vt in causam proponentem & instructentem oppositè ad captum audientiû, qui tamè postea assentiuntur non propter

argumenta prius facta, sed propter immediatam terminorum coniunctionem, quâ tandem lumine intellectus, siue habitu principiorum percipiunt.

46

Vnde quando fidelis interrogatur, v. g. quare credat Deum esse trinum & vnum, rectè respondere potest: & quia prima veritas ita reuelauit, & etiam, quia Ecclesia hoc credendum proponit: primæ responsionis nulla est vltior danda ratio, quasi à priori. Si autem queratur vnde sciat vel quare credat primam veritatem id reuelasse, tunc allegari poterit autoritas Ecclesiæ tanquam proponentis, dicendo; quia mediante propositione talis articuli mihi factâ ab Ecclesiâ Catholicâ tantis diuinis notis præfulgente cognoui per lumen fidei sermonem illum non esse sermonem hominum, sed sermonem Dei, & vt talem recipiendum & credendum. Et sic omnes alij articuli siue de Deo, siue etiam de ipsâ Ecclesiâ sunt resoluendi: quia omnes creduntur propter diuinam autoritatem reuelantem, & reuelatio factâ tali modo nobis innotescit: neque alia est reddenda ratio cognitiue reuelationis.

47

Quemadmodum si quis rogatus, quare assentiretur huic propositioni, Homo est animal rationale, & responderet: quia est propositio primò vera habens immediatâ & necessariam terminorum connexionem; si tunc rogaretur: vnde scis vel quare credis, quod termini illi ita sint connexi, non posset aliud dicere, quàm quia mediante instructione magistri, & mediatis argumentis à posteriori tandem cognoui & perspexi lumine intellectus istam immediatam & necessariam connexionem.

48

Ideoquæ rectè notant quidam, nos posse dicere id Ecclesiæ, quando iam credimus, quod Samaritani dicebant mulieri Ioannis cap. 4. *Iam non propter tuam loquelam credimus: ipsi enim audimus & scimus quia hic est verè Saluator mundi*: nimirum quia propter ipsam diuinam autoritatem quâ mediante Ecclesiæ propositione, & eius operâ percepimus rebus fidei adesse, credimus: non propter autoritatem Ecclesiæ res illas affirmatis, tanquam propter principale credendi rationem.

49

Posset nihilominus quoque reddi alia quædam ratio cogitæ reuelationis petita ex autoritate, dicendo scilicet; quia Ecclesia quæ est firmamentum & columna veritatis, & infallibilis spiritus Sancti directione regitur, proponit & tradit articulos tanquam diuinitus reuelatos: & quidem hæc responsio apud fideles, & qui admittunt Ecclesiæ infallibilem directionem, est idonea & satis plena: sed apud alios recurrit quæstio: quare credat Ecclesiam

eclesiam esse eiusmodi magistratam, & tunc respondendum venit propter authoritatē Dei reuelantis.

- 50 Vbi dum iterum quæritur, quare quis credat Deum id reuelasse, tunc oportet respondere non ad aliquam rationem à priori; sed ad responsum in supra datam: quia scilicet ex propositione articuloꝝ fidei nobis per Apostolos, & per Ecclesiam factā cum notis, & signis concurrentibus agnouimus per lumen supernaturale infusum eiusmodi articulos omnes à Deo profectos, & eius testimonio consignatos, inter quos etiam iste est, quod Ecclesia sit Columna & firmamentum veritatis.

- 51 Dico per lumen supernaturale infusum, quod scilicet eleuatur, & proportionatur intellectus ad talem veritatem reuelatam percipiendam, & credendam: quia haud dubiè sine interno lumine adiuuante, nulla propositio quantumlibet multis miraculis confirmata, imo etsi Deus intus in anima loqueretur (vt in 1. 2. ex D. Aug. in tract. de gratia, diximus) sufficeret, vt homo posset res supernaturales quasi diuinitus reuelatas credere, & amplecti eā firmitate assensus, quam requirit primæ veritatis testificatio.

- 52 Dicit aliquis: si fides resoluitur in authoritatem primæ veritatis sic simplici modo, & sine discursu applicatam, non erit ordo aliquis inter credenda: sed omnia simul credentur: sicuti omnia quæ lumine illustrata oculis obijciuntur æquè primò videtur: atqui credimus prius Trinitatem, quam incarnationē Verbi, & prius incarnationem, quam mortem vel resurrectionem Christi. Respondetur in de tantum sequi, quod via generationis quidam articuli prius, alij posterius veniant credendi; licet interim vt substantia reuelationi omnes simul credendi sint. Istud autem inde provenit, quod terminorum conceptus ad fidei actum requisitus postulet res ipsas ordine aliquo proponi, & credi: non autem quod assensus vnus principaliter innitatur in discursu, quo elicitur ex alio articulo.

- 53 Vltimò obseruandum, Veritatem primā de quā hic agimus, non sumi pro veritate transcendentali quæ rebus omnibus communis est, à quā res quælibet siue creata siue increata dicitur res vera: sed pro veracitate quā quis in dicendo verax est: quæ veracitas requirit diuinas perfectiones, scilicet scientiam & bonitatem: Scientia est in intellectu quā quis cognoscit rem de quā loquitur: bonitas est in voluntate, quā vult loqui de re sicut illam cognoscit, & non fallere auditorem cui loquitur. Veritas itaque primā nihil aliud est, quam Ve-

ritas diuina & infinita: nam sicut Deus respectu creaturarum dicitur primum & infinitum Ens, quia includit infinitam perfectionem in genere entis; sic etiam dicitur prima & infinita veritas quia includit infinitam perfectionem in genere veracitatis, scilicet infinitam sapientiam & infinitam bonitatem.

Neque hinc sequitur articulos fidei idcirco nō resolui vltimò in primam veritatem, sed in infinitam Dei sapientiam & bonitatem, ex quibus nostrum intelligendi modo quasi manat infinita veritas; vel etiam in ipsam Deitatem in quā fundantur omnes diuinæ perfectiones: quia licet secundum nostrum modum intelligendi sit assignare aliquas rationes veracitatis secundum suum Esse; non sunt tamen istæ rationes, quare primæ veracitati sit fides adhibenda; & quare infallibiliter & certissimè res omnis sit credenda, quæcumque eius testimonio est consignata: hoc enim per se & omnino originaliter, & primo nascitur ex ratione veritatis primæ secundum se: quemadmodum licet dari possit ratio cur corpus aliquod sit lucidum, non tamen ideo datur ratio quare istud corpus lucidum sit visibile: hoc enim primò & per se habet quia lucidum est.

ARTICVLVS II.

Utrum obiectum fidei sit aliquod complexum per modum enuntiabilis?

Conclusio Diui Thomæ est: Obiectum fidei dupliciter considerari potest: vno modo ex parte ipsius rei creditæ; & sic obiectum fidei est aliquid incomplexum, scilicet res ipsa de qua fides habetur: alio modo ex parte credentis, & secundum hoc, obiectum fidei est aliquid complexum.

Prior pars patet: Quia res ipsa præueniendo respectum ad nostrum intellectū, non sunt complexæ per modum enuntiabilis; vnde & possunt in se intelligi aut cognosci absque tali complexione, sicut Deus, & Angeli eas cognoscunt. Dicitur incomplexum per modum enuntiabilis; quia secundum rationem compositionis physice, etiam ex vi rei creditæ est obiectum fidei sæpius aliquid complexum, licet primarium obiectum, scilicet Deus sit omnino simplex.

Posterior pars declaratur: Primo, quia obiectum fidei nobis proponitur credendum iuxta nostrum proprium modum cognos-

cognoscendi res, earumque attributa; atque modus noster intelligendi est, ut componendo, & diuidendo res cognoscamus; ergo ex parte credentis consideratum obiectum, ut in eius est intellectu, est quid complexum per modum enuntiabilis. Deinde, quia quod credimus, verum est; atque verum, & falsum in compositione, & diuisione sunt. Vnde recte dixit D. Tho. in 3. dist. 24. Eos ignorare propriam vocem, qui negant omnino obiectum fidei esse quid complexum.

- 58 Quæret aliquis: quomodo D. Thom. ad secundum hic dicat actum credentis non terminari ad enuntiabile, sed ad rem; cum omnis assensus in nobis sit alicuius enuntiabilis? non enim assentimur nisi vero aut falso. Respondetur omnem quidem nostrum assensum immediate terminari ad enuntiabile quod est in mente: sed D. Th. loqui de vltimo, & principali termino actus credentis, in quem vltimatè tendit per fidem: ille autem terminus est res ipsa significata per subiectum enuntiationis: quia circa eam rem cognoscendam, & credendam principaliter fides versatur. Quod id tantum velit D. Thom. patet ex ratione adiuncta: non enim (inquit) formamus enuntiabilia, nisi ut de rebus ipsis cognitionem habeamus, videlicet de quibus aliquid enuntiat.

ARTICVLVS III.

Utrum fidei possit subesse falsum?

- 59 **C**onclusio est negatiua: estque communis tum hic, tum in 3. d. 24. & certa de fide. Probatur ratione D. Thomæ: quia nihil subest habitui vel etiã actui nisi mediante formali ratione obiecti: atque dictum est, quod formalis ratio obiecti fidei sit Veritas prima: vnde nihil potest cadere sub fidem, nisi in quantum stat sub veritate prima, sub quâ nullum falsum stare potest.

- 60 Occasione huius Conclusionis eiusque Probationis, disputant hic DD. Vtrū Deus nullo modo, neque per se ipsum, neque per alium possit falsum asserere, & hominem fallere? Priscillianistæ Hæretici à Prisciliano Episcopo Abulensi originem trahentes senserunt licitū esse mentiri ad secretum celandum, & quidem licitum etiam iuramento mendacium confirmare; quam hæresim refert Aug. lib. De Mendacio cap. 2. & lib. De Hæresibus, hæresis 70. Vnde consequens esset Deum quoque posse dicere falsum, & mentiri. Quidam vero Scholastici

quos refert Bannes in commentario circa hunc articulum, existimant quod licet Deus de potentia ordinariā non possit mentiri, tamen de potentia absolutā hoc posse.

Sed omnino tenendum est, neque de ordinariā, neque de potentia absolutā posse Deum falsum asserere, & sic hominem decipere: neque per se, neque per alium. Ita docent Scholastici communiter: Bannes, Arragonius, Mald. hic; Durand. in 3. dist. 24. q. 2. Ariminenfis in 1. dist. 42. qu. 2. Canus l. 2. locor. c. 4. A Valent. sup. qu. 1. puncto 3. estque sententia opposita ad minus temeraria, & erronea: Imo iuxta Bannes, contra fidem.

Probatur Primo ex Scripturis: Numerorum c. 23. *Non est Deus quasi homo ut mentiatur, nec ut filius hominis, ut mutetur.* Luc. 21. *Cælum & terra transibunt, verba autem mea non transibunt.* Ioannis 8. *Qui me misit, verax est.* ad Rom. 3. *Est autem Deus verax: omnis autem homo mendax.* 2. ad Timoth. 2. *Si non credimus, ille fidelis permanet, seipsum negare non potest.* ad Heb. 6. *Impossibile est mentiri Deum.* 1. Ioannis 4. *Omne mendacium ex veritate non est:* & apud eundem in Euangelio dicitur, mendacium esse ex Diabolo. Apocal. 19. *Ecce equus albus, & qui sedebat in eo, vocabatur fidelis & verax:* & paulò infra: *Ei vocabatur Verbum Dei.* In quibus testimonijs non tantum significatur Deum veracem esse secundum ordinarium agendi modum, sicuti sunt homines boni; sed ex naturā necessariò esse talem, ut quemadmodum ei competit immutabilitas, ita & veracitas: quod apertius significant loca citata ad Hebr. 6. & 2. ad Timoth. 2. & Lucæ 21.

Vnde & August. lib. 1. de Symbolo Catechumenos cap. 1. ait: mentiri non potest, & quod ait Apostolus, se ipsum negare non potest: quod scilicet futurum est, si mentiretur, cum natura eius sit veritas & veracitas. Et Eusebius lib. 6. De præparatione Evangelica cap. 4. ostendit ex eo Apollinem non esse Deum contra Porphyrium; eò quod ipso fatente profiteretur is se aliquando mentiri: quomodo Deus, inquit, qui natura verax est mentiretur? Hinc ergo recte D. August. l. 22. De Ciuit. c. 25. Si volunt inuenire (inquit) quod omnipotens nō potest, habent prorsus: ego dicam: mentiri non potest. Vide eundem l. 15. De Trinit. c. 15.

Probatur Secundo ratione: Inprimis, quia sicuti Deus non potest esse author mali, quia prima bonitas est; Ita neque author mendacij, quia prima veritas est: Si enim fallit, veritas nō est. Vt recte Aug. q. 14. lib. 83. quæstionum. Deinde, quia id repugnat infinitæ Dei sapientiæ, & bonitati. Tertiò, si Deus posset mentiri &

hominem fallere, concideret omnis firmitas fidei nostræ: Quomodo enim credendum est ei (inquit Aug. lib. contra mendacium cap. 4.) qui putet aliquando esse mentendum: vnde & gentiles Philosophi agnouerunt in Deum non posse cadere mendacium: scribit enim Plato lib. 2. De Rep. nullo modo eos esse ferendos, qui dicunt Deum aliquando mentiri, & ostendit omne mendacium dedecere Deum, quod autem Deum dedecet, hoc ipse facere non potest:

- 65 Sed contra obijcitur: Quæ Jacob Gen. 17. capite gessisse narratur vt præueniret Esau in benedictione Paternâ obtinendâ, gessit Deo auctore: atqui Jacob videtur ibi vsus mendacijs, & fraudibus: ergo Deus potest esse auctor mendacij, & deceptionis; & consequenter saltem per alium mœtiri, & decipere. Confirmatur minor (de quâ posset præcipua esse difficultas) ex verbis Isaac Patris: *Venit Germanus tuus fraudulenter* &c. Confirmatur Secundò ex Capitulo, Gaudemus: de Diuortijs: vbi Pontifex Innocentius dicit Jacob excusari à mendacio; quia Deo auctore facta, & dicta sunt quæ egit, sicut & ab adulterio excusatur, qui secundam superinduxerunt uxorem Deo id concedente: ergo &c.

- 66 Respondetur admissâ maiore N. Minorem cum D. August. lib. Contra mendacium cap. 10. Jacob (inquit) quod matre fecit auctore, vt Patrem fallere videretur, si diligenter & fideliter attendatur, non est mendacium, sed mysterium: quæ si mendacia dixerimus, omnes etiam parabolæ ac figuræ significandarum quarumcumque rerum quæ non per proprietatem accipiendæ sunt, sed in eis aliud ex alio intelligendum est, dicuntur esse mendacia: quod absit omnino: quæ significantur enim, & itque ipsa dicuntur: putantur autem mendacia, quoniam non ea quæ vera significantur, dicta intelliguntur: sed ea quæ falsa sunt, dicta esse creduntur. Figuratur itaque; dicit Jacob se esse primogenitum Esau, sicut Christus Matth. cap. 11. dicit Ioannem esse Eliam; & quemadmodum Paulus ad Rom. 9. dicit, Gentes ad fidem conuersas esse semen Abraham. Simili sensu Esau non erat Esau, sicut: *Non omnes qui ex Israël sunt Israëlita*, iuxta Apostolum loco citato: & sicuti Apoc. cap. 2. de quibdam dicitur: *Dicunt se Iudeos & non sunt*; non quodd secundum carnem non essent, sed quia non secundum spiritum, quos populus Israëliticus & Iudaicus præfigurabant.

- 67 Dicit itaque Jacob, se esse primogenitum Esau non ordine nascendi, sed diuinâ ordinatione, & etiam titulo Emptionis in ius

primogenituræ succedendo; atque ita primogeniti personâ, cuius ius & actionis obtinebat, representando: quod sic Diuinitus gerebatur vltioris mysterij significandi gratia: præsignabatur enim in eo reiectio Iudæorum, & assumptio gentium. Ad Primam Confirmationem Respondetur: Isaac Patre dicere Jacob venisse fraudulenter, propter exteriorem scilicet agendi modum, qui licet ex se indifferens esset, tamen apud homines solet similis modus iudicari ad fraudulentiam pertinere, quamuis vera, & propriè dicta fraudulentia non committatur. Sic enim & Apostolus dixit 2. ad Cor. 12. *Cum essem asinus, dolo vos capi*, non quidem vero & propriè dicto dolo, sed quâdam prudentia, & dexteritate: quæ dicuntur aliquando dolo quidam, sed non malus.

Dicit aliquis: Videtur Jacob egisse absolute, & propriè loquendo fraudulentem; quia hædinis pellibus collum & manus obtexit, vnde similitudo fratris expressa fuit: quodque id fraudulentem agere, ex eo insuper colligi potest, quod timuerit, ne tanquam illiusor malediceretur à Patre. Respondetur Neg. Assumpt. quod enim mater induerit illum taliter, factum fuit mysterij causa, vt videlicet foret conueniens typus Christi Domini primogeniti in multis fratribus, qui alienam asperitatem, scilicet debitum Adami, & totius generis ex peccatis contractum, in se susceperat: non autem ad fallendum.

Vnde bene dixit August. supra: Quod matre fecit auctore, vt Patrem fallere videretur (non autem vt Patrem falleret) si diligenter, & fideliter attendatur, non est mendacium, sed mysterium: Licet interim ex illâ occasione factum fuerit, quod Pater eum tanquam personam alteram apprehenderet, quod potuit Jacob permittere, quia non inferebat fratri iniuriam: sed iuri suo consulebat, & simul seruiebat diuinis mysterijs. Neque refert quod ab initio timeret, ne haberetur à Patre tanquam qui vellet illudere: quia hoc ipsum magis declarat, quod Jacob tanquam vir simplex & sine dolo noluerit decipere Patrem. Loquebatur autem ita quia nondum intelligebat mysterium: mater autem intelligebat: Vnde illa dixit: *In me sit fili mi, illa maledictio*: quo audito, illa quæ mater volebat fieri, egit ex sensu, & intentione matris, quibus suum iudicium submittebat: atque ita tam in facto, quam in verbis latuit figurata, & mystica significatio: non autem mendacium, aut vera & propriè dicta fraus vel deceptio.

Ad Secundam Confirmationem Respondetur: Pontificem nō excusare Jacob à menda-

mendacio, quia Deo auctore sit mentitus: sed quia quæ dicta & facta sunt, Deo auctore fecit: sicuti excusantur filij Israël à furto, qui Deo auctore abstulerunt spolia Ægyptiorum; & sicut ab adulterio Patriarchæ qui superinduxerunt secundas uxores ex diuinâ concessione vel dispensatione. Quare licet Hebræi excusantur à furto, & Patriarchæ ab adulterio, non quod ipsi commiserint verum factum, & verum adulterium, quæ illis non sint imputata: sed quia diuinâ autoritate factum est, vt non esset factum, nec adulterium propter materiam mutationis, sicut in Tract. de Legibus latius explicatum est:

71 Sic etiam excusatur Iacob à mendacio, quia Deo auctore ita facta sunt, non quod verè mentitus fuerit, & ei mendacium non sit imputatum: sed quia quæ dixit, & fecit, tantum egi vt secundum Dei ordinationem seruarent mysterijs; & figuræ essent futurorum: quâ ratione habebant veram significationem, non autem ad decipiendum: quamvis inde aliquis error Patriis forsitan acciderit.

72 Opponuntur hic & alia plura dicta, & facta ex Scripturis quæ videantur innuere Deum aliquos decepisse, aut in errorem misisse: vt illud Prophetæ 3. Reg. c. vlt. Nunc igitur ecce dedit Dominus spiritum mendacis in ore omnium Prophetarum tuorum qui hic sunt: & aliud simile Isa. 36. Verū quomodo talia de Deo dicantur tantum propter eius permissionem secundum certâ prouidentiam rationis, vel propter aliquam eius actionem in se bonâ, aut sermonem verum, vnde mali capiunt occasionem deceptionis vel erroris, satis intelligi potest ex dictis 1. 2. q. 79. a. 1. & 2. n. 47. & 48. Sed Disputant hic DD.

73 *Virum habitus fidei infusa pos-
sit inclinare ad assen-
sum falsum?*

Apparet enim quod sic: Primò, quia prudentia infusa inclinare potest ad falsum: vt. g. quando dicitur adorandâ esse hostiam eleuatam in Sacrificio à sacerdote, quam tamen potest contingere non esse consecratam, siue propter malitiam, siue propter negligentiam Sacerdotis, & per consequens neque dignam adoratione: ergo prudentia inclinabit ad falsum, cum absolute dicit istam hostiam hic & nunc esse adorandam: Sic quoque potest dicere: huic mulieri esse reddendum debitu conjugale, quæ tamen non sit coniux, cui proinde illud non debeat: ergo similiter poterit fides infusa inclinare in assensum aliquem falsum. Vtrūq; enim tam prudentia de quâ loquimur, quâ fides est

habitus quidam intellectus à Deo infusus. Secundò, quia cōtingit Episcopos alicuius provincie, & Pastores condescendere in aliquam propositionem falsam, & eam prædicare populo tanquam articulum fidei, sicuti tempore Cypriani videntur Episcopi Africæ in Concilio Carthagenensi definiuisse, eos qui baptizati essent ab hæreticis, esse rebaptizandos, & baptismum ab hæreticis collatum esse nullum: in tali autem casu videtur quod habitus fidei mouebit populum ad assentiendum eius modi doctrinæ suorum Episcoporum & Pastorum, quemadmodum inclinatur ad assentiendum toti reliquæ doctrinæ, quam proponunt. Tertiò ex propositione maiore quæ est de fide, & ex alterâ minore falsâ potest sequi conclusio falsa; argumtauer est causa conclusionis: ergo fides potest esse causa assensus falsi.

His tamen non obstantibus, Dicendum omnino est, habitum fidei infusæ qui est intellectus, nūquam inclinare in assensum falsum: & Probatur primò, eadem ratione D. Th. quâ supra probata est Conclusio eius: quia scilicet habitus nō inclinatur in aliquid quod non est informatum ratione formali sub quâ versatur circa obiectum suum, si autem potentia in aliquid aliud feratur non mouebitur ab habitu: atqui nullum falsum potest esse informatum, nec stare tanquam verum sub diuinâ reuelatione: ergo &c. Secundò, Deus est author fidei infusæ, ergo fides non mouet ad assensum falsum. Patet consequentia, quia alioqui Deus duceret in errorem, & esset causa falsi assensus. Neque simile est de hominis voluntate, cuius Deus est quoque causa quæ tamen est inclinata ad malitiam: nam in primis ex peccato, & vitio hominis orta est illa propensio cordis ad malum, neque enim cum illâ homo conditus est; Deinde voluntas hominis est causa libera, & domina suorum actuum: de causa autem libera verum non est, quod quidquid ipsius est causa hoc etiam sit causa effectuum eius: habitus autem fidei non est causa libera, sed determinata ad vnum quoad specificationem; qui proinde si tendat in falsum, Deus esset causa falsi, & quasi Pater mendacij. Denique virtus omnis disponit bene subiectum suum; atqui fides est virtus intellectualis: vt infra dicitur; ergo disponit bene intellectum: malè autem disponderet si aliquando inclinaret in assensum falsum, quia error est mala intellectus dispositio.

Ad Opposita itaque argumenta respondetur. Ad Primum quidem negando Antecedens, loquendo de falso practico; quia prudentia perficit intellectum in ordine

ad particularia agibilia conformiter ad rectam rationem. Ad id quod pro confirmatione adducitur; dicendum est, dictamen illud practice verum esse: Ista hostia hic & nunc mihi adoranda est, quando inuincibiliter ignoratur quod non sit consecrata. Similiter & illud: Debeo huic mulieri reddere debitum coniugale: quæ ex iustis argumentis creditur esse vxor, sic vt ignorantia de opposito sit inculpabilis. Imo neque tunc inclinatur proprie in falsum speculatione: quia predictæ propositiones sunt absolute veræ: dicerentur tamen speculatione falsæ, quia scilicet non subest aliquid à parte rei, quod si cognitum foret non subesse, tunc verum non esset: Hæc hostia hic & nunc est adoranda: Debeo huic mulieri debitum reddere. Prudentia autem non inclinatur ad iudicandum illud à parte rei subesse quod non subest: hoc enim iudicium non concernit particulare agibile, sed supponit subesse: illo autem supposito dicitur hanc hostiam esse adorandam, quod omnino verum est.

76 Sed replicabit aliquis: Quidquid sit de iudicio prudentiæ, attamen actus religionis, & actus iustitiæ ac castitatis coniugalis hic versatur circa obiectum reipsa, & materialiter non religiosum, vt circa merum panem: & circa obiectum non iustum, & non temperatum, vt circa mulierem non suam, & in ea inclinant virtus religionis, & iustitia, & castitas coniugalis: ergo videtur quod etiam fides similiter poterit inclinare in obiectum materialiter falsum, quod tanquam diuinitus reuelatum proponitur.

77 Respondetur Neg. Consequentiam. Diuersa enim lògè est ratio quoad hoc mali, & falsi: quia obiectum materialiter, & vt in se à parte rei subsistit malum, potest formaliter, prout in operantis intentionem cadit, esse bonum: quatenus scilicet adhibitis adhiberi debitis, vt cognoscatur, vtrum homo conuenienter rationi seu naturæ suæ rationali operando possit vel debeat ita operari, prudentia omnibus consideratis dicitur sic esse circa tale obiectum operandum: hoc ipso enim quo obiectum sic examinatum ita proponitur, omnino formaliter est honestum, atque adeo induit rationem in quam virtus talis per se tendit, quia illud dictamen prudentiæ applicatum obiecto est veluti vltima ratio & forma honestatis. At verò obiectum materialiter falsum, quantumcumque verum, & vt reuelatum proponatur, non tamen est formaliter verum neque reuelatum: quandoquidem veritas aut falsitas ipsius desumatur per conuenientiam aut disconuenientiam eius cum re ipsa, quid-

quid sit de argumentis facientibus illud apparet verum, aut de iudicio vel dispositione assentientis.

Ad Secundum Respondetur hæresim aut falsitatem aliquam nunquam posse sic proponi populo, vt prudenter possit & debeat iudicare eam recipendam tãquam diuinitus reuelatam, & sic esse credendam, & proinde neque habitum quibus possent ita obtrudi falsitatem, & tali modo ac modo prope ni, vt secundum pruden- iudicium debeat haberi tanquam res diuinitus reuelata: & quidem ex Scripturis constat, Deum veris Prophetis semper dedisse aliquas notas, & symbola quibus possent à falsis secerni, quando vellent homines prout tenentur diligenter attendere, vt patet in Moyse, & Magis Egyptiorum, qui factum Moylis volebant imitari. Item in Paulo, & Elyma; in Petro, & Simone Mago: Similiter in omnibus Hæresiar- chis semper fuit aduertere multa signa falsitatis, & inconstitutas doctrinæ ipsorum.

79 Quod verò attinet ad eiusmodi propositionem aliquam, quæ recipitur, & traditur ab Episcopis alicuius Prouinciæ in exemplo allegato, dicendum est inprimis, Notorium satis esse quod particulares Ecclesiæ non habeant illam auctoritatem, nec infallibilem Spiritus Sancti directionem, vt quod ille definit in rebus fidei, sit ab omnibus pro tali habendum: vnde licet populus, possit eiusmodi propositionem tanquam probabiliter veram recipere, non tamen tanquàm fidei articulum à Deo reuelatum & traditum. Deinde si quandoque contingat ab Episcopis aut Pastoribus sic aliquid noui tanquam articulum fidei induci aut proponi populo, nunquam id sit absque contradictione, & oppositione aliquorum, siue de istis, siue de alijs Ecclesijs, donec negotium referatur ad iudicium Ecclesiæ vniuersalis aut Pontificis, sicut accidit in calu allegato tempore Cypriani, quam oppositionem iterum poterit facile intelligere, qui prout potest, & debet negotium perpendet.

80 Sed replicabit aliquis: tamen si publica, & vniuersalis propositio cuiuscumque articuli fidei considerata cum omnibus, aut præcipuis, & grauioribus motiuis, & fundamentis credibilitatis sit omnino talis, & tã certa, vt impossibile sit falsum vel erroneum esse, quod tantis signis, & argumentis est confirmatum, tamen motiua frequenter illa, quibus Idiotæ, simplices fideles, pueri quoad ad usum rationis primò perueniunt, aut etiam aliquando infideles inducuntur, vt iudi-

vt iudicent res fidei credibiles tanquam diuinitus reuelatas, easque tanto assensu, quantum diuina authoritas postulat, esse credendas, non videntur semper prout eis proponuntur tam solida quin possint etiã similia accommodari, & locum habere in propositione alicuius falsitatis, & errorũ. Probatur, quia quando simplicioribus, & indoctis aliquid à parentibus, à Pastoribus, & Doctoribus proponitur tanquam diuinitus reuelatum, & vt ab antiquo confirmatum miraculis, idque ideo religiosã, & christianã fide credendum, tunc ex tali propositione solent illi iudicare sic esse credendum, & inde consequenter credunt illud tanquam tale.

81 Vnde D. Thomas quæst. seq. artic. 6. dicit, Quod minores, & simplices debent in credendis adhærere maioribus; quod D. Grégorius docet significari per illud Iob cap. 1. *Boues arabant, & Asina pascebantur iuxta eos*: per Boues intelligendo maiores, & per Asinas, minores qui in credendo maioribus adhærrent: Atqui contingere potest, quod Parentes, Pastores, Doctores, & maiores illi proponant aliquid minoribus vt reuelatum, & credendum, quod falsum, & erroneum est, vt ibidem D. Thomas videtur supponere. Sic etiam frequenter infideles leguntur conuersi ex consideratione tantũ constantiæ Martyrum in perferendis tormentis, & tamen etiam multi Hæretici animas decipientes multa talia patiuntur, vt tradit D. August. l. 1. De Serm. Dom. in monte: qui tam pertinaciter, quàm isti constanter perferunt supplicia: ergo admittendũ est, quod propositioni fidei, etiam illi quæ parit prudẽs iudicium de rebus illis tanquã reuelatis, & fide diuinã credẽdis, possit subesse falsum.

82 Confirmatur; quia alioquin isti minores non prudenter iudicarent illas res esse credibiles tanquam diuinitus reuelatas, & consequenter ipsorum credere non esset actus virtutis fidei, cum omnis actus virtutis dirigi debeat iudicio prudentiæ. Hoc autem non videtur villo modo dicendum, quia esset condemnare omnes passim simpliciores, & rudiores Christianos, quasi nunquam elicerent aut exercebant verum fidei actum. Quod si verò admittatur eiusmodi propositioni posse subesse falsum cui prudens iudicium de credibilitate tantã innititur, iam habitus fidei consequenter videbitur admittendus inclinare in falsitatem, quia virtus inclinatur in obiectum quod prudenter iudicatur obiectum eius: & sic opposcentes habebunt intentum.

83 Respondetur in primis, omnino tanquam certissimum esse tenendum, quod in replica. in priori parte antecedentis ad-

mittitur, & supponitur. Verissimè enim scribit Richardus de S. Victore lib. 1. De Trinitate cap. 2. Sanè quæ reuelata nobis sunt cœlitus, tam magnis, tam miris prodigijs confirmata sunt, vt genus videatur dementiae esse, in his vel aliquantulum dubitare: & paulò post: Nonne cum omni confidentiã dicere poterimus: Domine si error est: à te decepti sumus? Ista enim nobis sunt tantis signis, & prodigijs confirmata, & talibus, quæ non nisi per te fieri potuerunt. Idque ex infrã artic. 4. dicendis de argumentis credibilitatis in particulari, amplius constabit.

84 Pro responsione autem ad alteram partem quæ multum difficultati habet, obseruandum est; propositionem quã veritates fidei proponuntur, & redduntur credibiles tanquam à Deo reuelatæ, constare principijs, & motiuis partim externis, quæ tum ex naturali ratione, tum ex factis naturam excedentibus petuntur iuxta materię rationem, & personarum qualitates, quibus credibilitas persuaderetur: partim constare principijs motiuis internis, vt in quãdã mentis internã actuali illustratione, vel etiam in ipso habituali lumine fidei, vt quando infantes baptizati instruuntur in rebus credendis. Sumitur hæc doctrina ex D. Thoma quæst. seq. artic. 9. ad 3. vbi sic scribit: Ille qui credit habet sufficiens inductiuum ad credendum: inducitur enim authoritate diuinæ doctrinæ miraculis confirmatæ: & quod plus est (inquit) interiori instinctu Dei inuitantis. Idem significat ipse Quodlibet. 2. artic. 6.

85 His itaque præmissis: Dico ad secundam partem antecedentis, quamuis attendendo ad sola externa motiua, quibus per modum priuatæ propositionis, & instructionis fidei, contingit multos induci ad credenda mysteria fidei Christianæ tanquã à Deo reuelata, dici possit quod illa in se nudè spectata non semper videantur tam firma, & certa argumenta, quin similia concurrere, & adhiberi possint ad persuadendũ vt credibile aliquid erroneũ aut falsum, prout obiectio videtur satis ostendere: nego tamen quod absolute loquendo, & considerando omnia principia motiua tam interna quam externa quæ concurrunt ad propositionem fidei, & ad formandum iudicium de credibilitate eius tanquã doctrinæ à Deo reuelatæ & traditæ, contingere queat, quod illis subest falsum, siue quod similibus medijs, & modis proponi possit falsũ tanquã sub diuina authoritate credendũ. Declaratur, quia in ipsa dem externis propositionibus, & argumentis credibilitatis fidei v. g. quæ desumuntur

B ij

ex mase

ex martyrio quod intuemur Sanctos pro ea fide subire; per attestatorem alicuius miraculi, quod annuntians Evangelium operatur, per instructionem parentum & Pastoris &c. contingit in vno simul concurrere principium aliquod intrinsecum quasi illuminans eiusmodi propositionem siue argumentum, sic ut in illis cognoscat evidenter divinam esse credibile, quod predicatur sub divina autoritate credendum: quale principium non habet alter eadem externam propositionem, siue idem externum motuum audiens, aut videns: quare ille prudenter iudicabit ex eiusmodi argumento extrinsecus adhibito vno vel pluribus, illud quod proponitur esse ita credibile, & divinam fide credendum; non item aliter, tametsi possit prudenter inde iudicare esse illud in genere, & moraliter credibile.

86 Sic D. Ieronymus in cap. 9. Mat. Porphyrio, & Iuliano Augusto, qui stultitiam eorum qui statim secuti sunt Salvatorem arguebant, respondet: Certe fulgor ipse, & maiestas divinitatis occultæ, quæ etiam in humanâ facie relucebat, ex primo ad se videntes trahere poterat aspectu: ita scilicet ut prudenter iudicarent ei tanquam Messia adhærendum: non quidem quod nudus externus intuitus omnino esset sufficiens, sed is simul cum interno lumine, quod fulgorem illum, & maiestatem divinitatis occultæ illuminabat, & videri ac cognosci faciebat: unde nec omnes advertebant. Quod etiam indicat D. Ieronymus, quando subiicit: Si enim in magnete, lapide, & succinis hæc esse vis dicitur, ut annulos, & stipulas, & festucas sibi copulent; quanto magis Dominus omnium creaturarum, ad se trahere poterat, quos vocabat.

87 Ita quoque possunt duo videre idem martyrium, quod Evangelij Prædicator subit pro doctrinâ Christi quam annuntiat, sic ut vnus mediante internâ illuminatione obseruet, & quasi clarè cognoscat Martyrem ex motivo virtutis, & veræ pietatis subire illa tormenta, & divinis corroborari viribus, ac exhilarari solatijs: quod alter in eo non advertit neque cognoscit: quare ex illo solo intuitu tanquam argumento externo prudenter movetur hic, & iudicat fidem Christianam amplectendam: licet alius ex eo solo in se nude spectato ut tantum est tormentorum, & mortis toleratio, non sic prudenter moveretur: quemadmodum ex obiectis argumentis potest intelligi.

88 Hinc Respondeo ulterius, neque simpliciores Christianos passim esse condemnandos, tanquam qui veros actus fidei non exercent, neque infideles illos fuisse ar-

guendos stultitiæ aut imprudentiæ, qui aliquando leguntur subito conversi ad aliquas occasiones externas visas vel auditas, quæ in se nudæ, & communi iudicio apprehensæ, & consideratæ, videri possint non sufficienter fecisse mysteria Christianæ fidei credibilia tanquam divinitus tradita & reuelata. Ratio colligitur etiam dictis: quia scilicet illi imbuti habitu fidei sunt congruenter dispositi ad apprehensionem eorum quæ fidei subseruiunt, & sic iuvantur, ut facilius, & perfectius adverteant, & videant credibilitatem eorum quæ proponuntur: dispositio enim subiecti conformis, & quasi connaturalis obiecto, ratione illius sympathiæ causat, ut de habitudine, & convenientiâ obiecti melius, & clariùs intellectus cognoscat & iudicet: sicuti homo benè affectus ad temperantiam, facilius, & promptius iudicat de medio temperantiæ, quam quis intemperans.

Ita ergo habitus fidei disponens, & inclinans ad obiecta credibilia, consequenter etiam disponit, & faciliat ad benè iudicandum ex notis vel argumentis de eorum credibilitate, sic ut ex iisdem rationibus credibilitatis, hi evidentiùs & plenius intelligere & videre possint credibilitatem mysteriorum fidei, quam alij eam in illis cognoscere. Imò illamet proportio interna fidei est vnum ex motibus suadentibus illud obiectum esse credibile, & divinum.

Et hoc docet D. Thom. artic. 4. seq. ad 3. ubi scribit: Lumen fidei facit videre ea quæ creduntur, facit videre (inquam) sub communi ratione credibilis, ut ante in responsione ad secundum dixerat. Deinde explicat quomodo illud faciat: Sicuti enim per alios habitus virtutum homo videt illud quod est sibi conveniens secundum habitum illum, ita etiam per habitum fidei inclinatur mens hominis ad assentiendum his quæ conveniunt (id est serviunt) rectæ fidei, ut in eis credibilitas fidei videatur: & non alijs, scilicet iuxta modum, & sensum iam explicatum: declarat enim ibi, quomodo etiam in lumine fidei habeat locum, quod in eo aliquid videatur, scilicet credibilitas rerum fidei, etsi non veritates ipsæ in se.

Illud autem quod habituale fidei lumen confert, & præstat in ipsis fidelibus ad clariùs videndam credibilitatem, hoc etiam conferunt, & quidem efficacius, & quasi sensibilibus, illustrationes internæ actuales quibus infideles illi qui leguntur sic subito conversi, perfundi solent. Ita A. c. 13. De Proconsule Sergio dicitur, quod cum vidisset factum (scilicet quod ad man-

ad mandatum Pauli, quo dicebat: *Et nunc ecce manus Domini super te: & eris cæcus, &c.* cecidisset caligo, & tenebræ in Elymam magum, credidit admirans super doctrinam Domini: ubi in eo quod adijcitur: *Admirans super doctrinam Domini*, iudicatur eum particularem aliquam simul percepisse illuminationem, & intelligentiam cum intuitu, & inspectione illius facti.

- 92 Sic ergo non est necesse quod omnes ex iisdem omnino argumentis, & motiuis exterioribus cognoscant, & iudicent de credibilitate myfteriorum fidei, & inducantur ad ea credenda vt diuinitus reuelata, ad hoc vt prudenter dici possint formæ re iudicium; quin potius pro diuersa ratione personarum, ac temporum, alia atque alia argumenta, & motiua possunt sufficere: aut etiam prudenter adhiberi debent, vt docet à Valentia hic quæst. 1. punct. 1. §. 8. Quod & latè prolequitur, & declarat varijs exemplis D. Augustinus lib. 1. ad Simplicianum quæst. 2. Videmus alios aliter iisdem rebus demonstratis vel significatis ad credendum moueri: sicuti exempli gratiâ (inquit) Simeon in Dominum nostrum IESUM Christum adhuc infantem paruulum credidit spiritu ei reuelante cognoscens: Natanaël ad vnâ sententiam quam ab illo audiuit, respondit, Rabbi, Tu es filius Dei, tu es Rex Israël: & infra: Multi nec suscitatis motiuis crediderunt: De cruce atque morte eius conterriti etiam Discipuli titubarunt: & tamen Latro tuus credidit, &c.

- 93 Idem experientia quotidiana testatur, quâ videmus alios alijs adduci motiuis ad credendum: alios quidem npr nisi firmiteribus, alios verò etiam non rarò pro conditione suæ personæ, debiliioribus; ita tamen vt singulis credentibus pro capto ingenij debita concilietur credibilitatis euidentiâ ad id simul Deo internis illuminationibus & attractionibus cooperante.

- 94 Ne tamen occasione ignauitæ videamur præbere, siue Pastoribus quibus incumbit populum sollicitè instruere in fundamentis vt prudenter credat, siue etiam ipsi populo, cui incumbit, vt sollicitè ea addiscat, & apprehendat, addo etsi passim communes Christiani non sint existimandi carere verâ fide in exercitio, tamen merito quoque verendum esse, ne pluribus in locis multi ob defectum rectæ instructionis, ac sufficientis informationis in rationibus, & fundamentis credibilitatis non sint dispositi vt prudenter de veritatibus fidei amplectendis iudicent, eoque nomine veros fidei actus non exerceant, & frequenter tandem à fide totaliter excidant.

Ad Tertium Respondetur, quod eo casu non sequatur falsum ex vero, ne dum ex vero diuinitus reuelato: quia vt docet Philosophus rotum antecedens considerandum est vt integra quædam causa Conclusionis, quæ quidem causa defectum falsitatis habet in consequente propter defectum similem, quem habet in minore falsa. Itaque quod aliquid inferatur maior est simul concausa: sed quod aliquid falsi inferatur non aliunde prouenit, quàm ex minori propositione falsâ.

ARTICVLVS IV.

Vtrum obiectum fidei possit esse aliquid visum?

ARTICVLVS V.

Vtrum ea quæ sunt fidei possint esse scita?

PER Visum intelligit hic D. Thom. omne illud, quod vel per sensum, vel per intellectum euidenter in se sine medio est cognitum: vt sunt ea quæ immediatè subiiciuntur secundum se sensibus exterioribus, & principia indemonstrabilia quæ euidenter cognoscuntur habitu intellectus. Per Scitum autem intelligit, quod per demonstrationem cognoscitur. Supponit D. Thom. & meritò quidem, non esse necessarium ad assentiendum ijs, quæ sunt fidei, quòd prius cognoscantur siue visione, siue scientiâ quæ resoluit conclusionem in principia lumine naturali euidenter cognita: quod & Scriptura multis locis docet: Ecclesiastici 3. Non est enim tibi necessarium ea quæ abscondita sunt videre oculis tuis: & infra: Plurima enim supra sensum hominum ostensa sunt tibi. Psalm. 50. Incerta, & occulta sapientiæ tuæ manifestasti mihi. Matth. 11. Confiteor tibi Pater, quia abscondisti hæc à sapientibus, & prudentibus, & reuelasti ea paruulis: & ibidem. Nemo nouit Filium nisi Pater, neg. Pater qui nouit nisi Filius, & cui voluerit Filius reuelare: 1. ad Corinth. 1. Nos prædicamus Christum crucifixum, Iudæis quidem scandalum, gentibus autem stultitiam &c. vnde & Apostolus hortatur fideles ad captiuandum intellectum in obsequium fidei.

His præmissis Respondet Diuus Thomas ad vtrumque articulum negatiuè. Sed pro pleniori huius materiæ explanatione sit

97

CONCLUSIO Prima : Obiectum quodcumque fidei non potest esse visum vel scitum euidenter in se, vel in suis principiis per ipsum habitum fidei. Est communis, & certa: & quidem eo sensu responsio D. Thom. verissima est. Probatur primò ex Scripturis: Ad Heb. 11. dicitur fides, *Argumentum non apparentium*: ergo fides non facit res nobis euidenter cognitatas; sed quantum ex se est, facit tantum allentiri rebus non apparentibus, siue non clarè in se visis, aut cognitis. 1. ad Corinthios capite 13. *Videmus nunc per speculum in ænigmatè*: vbi de notitiâ agitur quam per fidem habemus: & significatur per eam nos non nisi obscure cognoscere quæ fide tenemus, quatenus saltem ex fide cognoscuntur. 2. ad Cor. 5. *Per fidem ambulamus, & non per speciem*: vbi cognitio fidei opponitur cognitioni per speciem, siue quæ res ipsas euidenter in se aut in suis principiis intuemur vel cognoscimus: ergo fides non præbet euidenter cognitionem sui obiecti.

98

Idem potest probari ex Sanctis PP. qui solent fidem & euidenter notitiâ inter se quodammodo opponere. D. Hil. lib. 8. De Trinitate: Habet non tam veniam, inquit, quàm præmium, ignorare quod credis. August. Tract. 41. in Ioannem: Quid enim est aliud fides, quàm credere quod non vides: & lib. 83. quæst. qu. 85. Imperfecta nostra visio perfectâ visione perimitur. D. Greg. hom. 26. in Evangelia: Quæ enim apparent, iam fidem non habent; sed agnitionem. D. Chrys. hom. 21. in epistolam ad Heb. fides ergo (inquit) est aspectus eorû quæ non sunt manifesta. Probatur denique ratione: quia fides est habituale lumen ex propriâ suâ ratione versans circa ea quæ nobis sunt obscura, adducens ad eorum assensum, non autem ea in se manifestans: ergo per ipsam non cognoscimus euidenter in se ea quæ fidei sunt.

99

CONCLUSIO Secunda : Obiectum fidei non potest ab eodem esse creditum, & esse visum eâ visione quæ adæquet certitudinem primæ veritatis reuelantis, qualis est beatifica visio in Patriâ. Probatur ex Apostolo 1. ad Cor. 13. *Ex parte enim cognoscimus, & ex parte prophetamus: cum autem venerit quod perfectum est, euacuabitur quod ex parte est*: quibus significatur fidem euacuari per visionem clarâ in Patriâ; prout etiam modò ex Aug. diximus, quod imperfecta nostra visio perfectâ visione perimitur.

Confirmatur Primò: Quia eiusmodi visione videtur clarè Deus ipse loquens siue manifestans, & quog; res ipsæ prout in se

sunt: ergo nō potest iam esse locus assensui propter auctoritatem tantū veritatis primæ obscure loquentis & reuelantis: quando enim cognitio euidens accedit, quæ etiam superat aut adæquat certitudine fidem prius habitam, tunc omnino intellectui naturale est, vt fidem abijciat: sicut in luce meridianâ non vitur quis luce lucernæ. Nullus enim esset fidei vltus; quia neque ad cognitionem rerum, neque ad certitudinem cognitionis seruiret. Confirmatur Secundo: Quia cum perfectione illius status non consistit cognitio imperfecta per speculum in ænigmatè, quæ in ordine supernaturali est infirma: ergo &c.

Hæc tamen intellige secundum ordinariam potentiam & ordinariam agendi modum: nam alioquin non videtur absolute implicari contradictio in eo, quod inprimis habitus fidei conseruetur in intellectu cum clarâ visione: quod etiam hic ad articulum 5. in solutione 4. argumenti admittit Bannes: & ostendi potest ex eo, quod probabiliter existimetur D. Paulus in raptu vidisse diuinam essentiam, nec tamen amiserit tunc habitum fidei: quin nec in eo videtur implicantis, quod etiam in actu exeat, puta quo quis secum diceret: Assentior omnibus his veritatibus, non tantum quia illas in se nunc clarè video; sed etiam ex illo motiui, quod Deus aliquando nobis verbo suo licet modo obscuro, illas contestatus sit.

CONCLUSIO Tertia: Non potest simul esse actus fidei & actus scientiæ in vno eodemque intellectu, saltem naturali modo. Patet, quia vt Philosophus docet, licet cotingat plura simul scire, non tamen cogitare: quia scilicet intellectus noster ad plura vt plura simul perfectè cogitanda nō sufficit: sed vna consideratio simul quasi exhauritur. Quare cum eadem res nō credatur simul, & sciatur, nisi actu considerentur diuersa media, in quantum diuersa manifestum apparet non posse simul idem credi, & sciri ab eodem in actu.

CONCLUSIO Quarta: Potest tamen idem simul habere fidem, & scientiam, aut etiam cognitionem experimentalem in habitu de vna eademque re; & alternatim elicere nunc assensum fidei, nunc scientiæ, non tantum per extraordinariam aliquam potentiam; sed etiam secundum communem agendi modum. Dico, quod idem de vnâ eademque re, quia, quod inter plures vnus habeat fidem de re aliqua, de quâ aliter habeat scientiam aut visionem; vel quod vnus & idem habeat de vna re fidem, & de altera scientiam, non habet quidquam difficultatis, & ab omnibus conformiter tenetur: sed quod in eodem circa vnum idemque

idemque obiectum id possit fieri, multi negant: quibus D. Thom. in his articulis videtur valde fauere.

103 Nihilominus Conclusio communiter à Doctoribus tenetur: Ita docent Durandus in Prologo ad 1. Sententiarum qu. 1. In 3. dist. 31. q. 3. Ibidem Gabriel, & Bonaventura dist. 24. qui dicit, fidem saltem posse consistere cum scientiâ ratiocinationis, vt loquitur, adeoque posse quæpiam hâc scientiâ cognoscere Deum esse, & tamen idem credere: quamuis neget posse esse fidem de eodem de quo fit visio, aut sensus exterior simpliciter, ita vt dicatur sensu exteriori clarè, & perfectè cognosci.

104 Sed probatur Conclusio secundum vtramque partem: Primò, Quia ex parte intellectus est melius dispositus qui fide diuinâ tenet Deum esse, quàm qui nouit id tantum per demonstrationem; certius enim nouit per fidem: quod etiam Bannes admittit: atqui inconueniens admodum est dicere, fidelem qui prius credebat Deum esse, iuxta illud Apostoli ad Heb. 11. *Credere oportet accedentem ad Deum, quia est; incipere prius esse dispositum, quàm erat prius, certiozemque cognitionem amittere hoc ipso, quo incipit idem per demonstrationem intelligere: quod tamen futurum omnino est, si non possit fides circa idem obiectum consistere cum scientiâ eiusdem; atque adeo quilibet rusticus fidelis certius cognoscat Deum esse, quàm Philosophus Christianus.*

105 Ad hoc Argumentum videtur respondere Bannes: quod licet fidem non retineat qui scientiam acquirit, tamen referuet certitudinem fidei, quam habebat de eodem obiecto: & proinde non sequi, ea quæ tanquam incommoda inferimus. Sed si certitudo maneat, restat vt explicet à quo habitu tum de cætero ea causetur. Deinde cum negare non possit, quin dependeat ex auctoritate veritatis primæ obsecrè reuelantis, & non clarè ac euidenter idem obiectum vt in se est exhibentis, nulla apparet ratio, quare ille certior assensus non sit assensus fidei.

106 Probatur Secundo: Quia fidelis non potest deliberate dubitare de veritate prædictæ propositionis absque hæresi: posset tamen dubitare de ipsâ demonstratione, quâ illam colligit, vtrum omni ex parte solidè, & firmiter procedat, idque sine hæresi, modo conclusionem firmiter teneat: ergo non tantum scientificè eam nouit; sed etiam fide tenere dicendus est. Probatur Tertiò: Dixerat Christus fe tertia die resurrecturum à mortuis: quod sine dubio Beata Virgo credidit: postea autem vidit

illum resurrexisse; non tamen existimandum est, quod tunc amiserit fidem illius articuli, Resurrexit à mortuis. Imò D. Ioannes cap. 2. dicit expresse: *Cum ergo resurrexisset à mortuis, recordati sunt Discipuli eius quia hoc dicebat, & crederunt Scripturæ, & sermoni quem dixit* I E S V S: ergo non tantum non scientiâ ratiocinationis; sed nec scientiâ visionis huius vitæ per sensus externos excludit fidem, quâ Scripturæ & verbis Christi credimus.

Ratio autem vtriusque eadem est: quia habitâ eiusmodi rerum cognitione, nihilominus adhuc magnus, & principalior subsistit vsus fidei, tum quia addit cognitionem earundem rerum certiorè (nec enim verum est, quod videtur existimasse Bonaventura scilicet intuitum notitiam sensus non minus certam esse, quàm fidem diuinam) tum etiam quia cognitio fidei sublimior est, vt pote supernaturalis quæ per se monstrat viam, & ducit ad Deum tanquam finem supernaturalem; quod naturalis scientia siue per demonstrationem, siue per sensus exteriores comparata præstare nequit.

Contra conclusionem autem opponunt alij autoritates, & testimonia suprâ in confirmationem primæ conclusionis adducta. Ad quæ proinde Respondetur, ea non aliud significare, quàm fidem non præbere argumentum faciens res creditas clarè siue euidenter in se cognosci; nec eam niti in rerum euidentia, sed quantum ex se est, dare tantum cognitionem obscuram rerum, & inclinare ad credendum etiam ea quæ non videntur aut intelligit quis, idque propter auctoritatem Dei dicentis, & reuelantis: ad istum enim finem principaliter fides ordinata est, & à Deo nobis donatur, vt per eam teneamus, & credamus illa quæ ad finem supernaturalem pertinent, & conducunt: quæque naturalem intellectus nostri capacitatem superant.

Cum quo tamen bene consistit, vt si quæ naturaliter à nobis cognoscibilia ad eundem finem supernaturalem faciant, & ea nos quoque Deus edoceat suo verbo, quod ipsdem pari veneratione, & assensus firmitate propter diuinam auctoritatem inhereamus, sicut alijs quæ capere non possumus. Si quis enim illis assentiretur tantum, quia videt aut per demonstrationem cognoscit, talis sine dubio non crederet: quia assensus fidei debet esse propter auctoritatem dicentis, & non propter rationem quæ facit rem videri, aut intelligi. Et propterea dicit Augustinus: Quid fides est, quàm credere quod non vides? quia scilicet propter auctoritatem quæ non ostendit rem ipsam, creditur: & D. Gregorius:

B iiij gorius:

gorius: Quæ enim apparent, iam fidem non habent; scilicet sub eâ ratione quâ apparent, si sub eâ tantum præstetur illis assensus. Sic etiam alibi dicit: fides non habet meritum, ubi humana ratio præbet experimentum.

110 Dicit aliquis D. Chryf. loco supra citato ita scribit: Si est ergo argumentum eorum quæ non videntur, quid ea vultis videre ut à fide excidatis? ubi videtur significare quod excidant à fide, qui vident ea quæ creduntur. Respondetur non illum esse Chrysostomi sensum: sed eum docere quod qui volunt videre aut intelligere omnia, & alioquin non assentiri ijs quæ annuntiantur, excidant à fide: quia fides non est tale argumentum quod faciat res in se videri, sed tantum obscure cognosci ea quæ non apparent.

111 Occasione autem eius quod D. Thom. art. 4. in responsione ad secundum scribit: ea scilicet quæ sunt fidei considerata in generali sub communi ratione credibilis, sic esse visa ab eo qui credit. Disputatur hic primo: Vtrum obiectum fidei, licet non sit evidētis veritatis, debeat tamen esse evidētis credibilitatis? Respondeo & Dico Primò, omnino necessarium esse, quod ea quæ fide divina creduntur, sint evidenter credibilia tanquā divinitus revelata quando secundum prudens iudicium expenduntur, & quidem ita ut oppositum secundum prudentem æstimationem reddatur omnino incredibile. Est manifesta doctrina D. Thomæ loco citato, ubi addit: Non enim crederet, nisi videret ea esse credenda, vel propter evidētiā signorum, vel propter aliquid huiusmodi: & teneat communiter. Probatur, quia alioquin credulitas non esset prudens: nam ad prudentem credendum, siue fide humanā, siue divinā non sufficit sola motio voluntatis quæ ad credendum inclinet, sed requiritur aliqua persuasio ex parte intellectus innitens argumentis accommodis, quamvis non ad exhibendam rem secundum se, tamen ad reddendam eam credibilem secundum eam rationem quā proponitur, ne locum habeat illud Ecclesiastici 19. *Qui credit cito, levis corde est.* Et quia mysteria fidei proponuntur credenda fide firmissimā, & planē indubitātā, qualem oportet tribuere Deo dicenti, ideo debent apparere tam credibilia, ut oppositum prudenter iudicando habeatur planē improbabile & incredibile. Idem significat Aug. epistola. 112. cap. 3. dum scribit: Si scire non immerito dicimur ea quæ idoneis testibus commoti credimus, possumus idem dicere, quod videmus ea quæ credimus, scilicet propter autoritatem, & argumenta

quæ faciūt illa tam evidenter, & clarē credibilia, ut eis quis mente adhæreat non minus quam si ea in seipsis videret: quod capite sequenti magis explicat, ubi docet ea quæ sunt fidei, nos videre quodam mētis intuitu secundum testimonia dicentū magis, quā secundum rerum præsentiam creditarum.

Sed contra Obijciunt Primò; Quod evidens est esse credibile, id etiā evidēs est non esse impossibile; & consequenter erit evidēs esse possibile: In æternis autem esse, & posse non distinguuntur ergo quæcumque de divinis attributis credimus, etiam evidenter vera esse cognoscemus.

Respondetur Primò Neg. Antecedens, generaliter loquendo de credibilibus: nam potest esse aliquid credibile fide humanā, & quidem evidenter, quod tamen falsum sit, aut impossibile. Vnde ad rationem credibilis evidenter in communi non requiritur, ut sit evidēs non esse id impossibile: sed bene ut non sit evidēs id esse impossibile. Deinde est alia ratio credibilitatis, & alia ratio possibilitatis vel impossibilitatis: nam credibilitas rei maximē desumitur ab argumentis extrinsecis; vnde potest esse evidēs, quod aliquid sit credibile, quamvis eius veritas, & possibilitas in se non evidenter cognoscantur: quæ evidenter cognosci non possunt, nisi se ipsa ut in se est, evidenter cognita.

Obijciunt Secundò: Si obiectum fidei deberet esse evidenter credibile, iam sequeretur non fore necessarium, ut intellectus moveatur à voluntate ad illi assentiendum. Confirmatur, nam intellectus satis videtur convinci ab obiecto evidenter credibili. Respondetur Neg. Assumptum. Ad Confirmationem autem: Est, quod intellectus satis convinceretur ab obiecto evidenter credibili ad iudicandum illud esse credibile, non tamen ideo satis convincitur ad credendum. Vnde requiritur ut ad hoc moveatur per voluntatem, sicut infra amplius dicitur. Possumus enim multa iudicare credibilia, quibus tamen non assentiamur.

114 Adde autem quod licet ea quæ fide creduntur, sint evidenter credibilia, atque adeo credenda secundum prudens iudicium, quando omnia attentē perpenduntur, quæ ad eorum propositionem concurrunt, contingere nihilominus quod intellectus hīs non intendat nisi per voluntatē applicetur: vnde fit etiam quando voluntas cōtrariis passionibus est imbuta, quod ut plurimum tunc quoque, contemnantur aut negligantur quæ à prædicatoribus Evangelij dicuntur, quantumvis cū maximis credibilitatis signis & argumentis sua

sua ponant, & confirmant. Quod Scribis, & Phariseis accidisse testatur Euangelium diuersis locis: vnde dicit Christus Ioannis 15. *Si opera non fecissem in eu, que nemo alius fecit, peccatum non haberent: nunc autem & videntur, & oderunt & me, & Patrem meum.*

115 Dico Secundò: Quæcumque proponit, & docet Catholica Christi Ecclesia sub diuinâ authoritate credenda, illa omnia sunt euidenter tanquam talia, credibilia & amplectenda præ omnibus alijs dogmatibus, & sectis, siue gentilium Philolophorum, siue hæreticorum, vel quorumcumq; aliorum, ita vt omne aliud dogma contrarium cernatur euidenter incredibile. Probari id potest, imprimis ex Plal. 92. vbi Regius Propheta explicat primo loco, quomodo Christus Dominus Dei filius regnabit: scilicet in regno Ecclesiæ, indutus fortitudine, & præcinctus virtute, quâ nimirum expeditus erit vt atrium fortis armati Diaboli ingreditur, & vasa eius diripiat, item vt ventis, & mari imperet, vt fanet omnes infirmitates, & alia multa naturæ inusitata operetur: Item quomodo vbi ipse ad sedem sanctam suam ex tunc ab æternitate ei paratam in altum ascenderit, Apostoli ab ipso sapientiæ fonte edocti, & Spiritu Sancto pleni, eleuabunt voces suas, & tanquam flumina emittent eloquia sua, reddentes testimonium resurrectionis, ac totius vitæ & doctrinæ Christi: iuxta illud A. 2. *Stans Petrus cum vndecim leuauit vocem suam.* Et post hæc propheticè enarrata quasi admirandus exclamat ipse Plates: *Testimonia tua credibilia facta sunt nimis:* testimonia, inquam, Euangelicæ prædicationis Christi tui.

116 Idem significat Apostolus ad Heb. 2. cap. dum ita scribit: *Que (scilicet salutis nostræ doctrina) cum initium accepisset enarrari per Dominum; ab eu qui audierunt, in nos confirmata est, contestante Deo signis, & portentijs, & varijs virtutibus, & Spiritu Sancti distributionibus.* Huc etiam facit, quod Marci vltimo dicantur Apostoli profecti, & prædicasse vbique Domino cooperante, & sermonem confirmante sequentibus signis. Docent idem ex professo Tertull. in Apologetico pro Christianis contra gentes: Eusebius toto Opere de preparatione Euangelica, & Opere de demonstratione Euangelica: Aug. lib. contra epistolam Fundamenti cap. 4. & alij Antiqui Patres. Ex Posterioribus autem, idem docent D. Tho. lib. 1. Contra gentes cap. 6. Scotus in prologo ad sententias qu. 2. Michael Medina lib. 2. de recta in Deum fide, & moderni D. D. plurimi.

117 Cæterum, quod attinet ad testimonia & argumenta, quibus doctrina Christiana si-

ue Ecclesiæ Catholicæ reddatur præ omnibus alijs doctrinis cultumque religionis aut sectæ euidenter credibilis, reprodu-
cuntur à Patribus, & Doctoribus eiusmodi plurima, è quibus quedam hic principaliora recensebimus. Primum itaque sit desumptum ex eo, quod Author & Doctor Legis Euangelicæ, eiusque vitæ, operationes, doctrina, mors, & alia multa particularia huc pertinentia, vt gentium vocatio & accessio ad hanc doctrinam, & Iudæorum reiectio multis retrò sæculis sint prænuntiata oraculis prophetarum, quos Spiritus diuinus inundarat. De quibus vide Tertull. Apolog. c. 21.

Et quidem tam clarè, & cum tot & tantis circumstantijs, vt possint videri Prophetæ, non tam futura prædicare, quàm præterita, & coram se gesta enarrare: quod inter cæteros præstat manifestius Isaias: quo nomine D. Amb. eius lectionem commendabat Augustinus, dum adhuc circa conuersionem suam fluctuaret. Vnde & Apostolus ad Rom. 1. cap. dicit, se segregatum in Euangelium Dei, quod antè promiserat per Prophetas suos in Scripturis Sanctis. Quid autem maioris credibilitatis esse potest argumentum doctrinæ alicuius tanquam à Deo hominibus traditæ, quàm quod à tot sæculis Deus præsignificauerit se aliquando daturum nobis eiusmodi Doctorem & Legislatorem, qualis hic Ioseph, & sermone fuit, qui doctrinam Euangelicam attulit.

Et ne quis fortè calumniari cū tempore posset ista vaticinia post factum fuisse cōficta ab istius doctrinæ cultoribus, diuinā providentiā singulari dispositum est, quod apud ipsos Iudæos æmulos maximos contra Christianam religionem, etiam in hæc tempora conseruarentur libri illi, & vaticinia: vt docet August. lib. 4. De Ciuitate cap. 34. cum alijs multis PP. Rursum, ne quis miretur, quomodo igitur Christus in propria veniens à suis, quibus credita erant vaticinia, & eloquia Dei, non fuerit receptus: Respondet Tertull. in Apologetico cap. 21. Ne enim intelligerent Iudæi pristinum (id est primum) aduentum Christi (inquit) creditari si intellexissent, & consecuturi salutem si credidissent, meritum fuit delictorum: imò hoc ipsum testatur eis prædictum fuisse: Ipsi legunt (inquit) ita scriptum, multatos fe sapientiā, & intelligentiā, & oculorum, & aurium fruge.

Ad idem argumentum facit, quod Christus ipse quoq; multa prænuntiauerit Apostolis futura, quæ ipso facto obseruantur euenisse, & quæ nondum eueniunt, non dubitanti suo tempore euentura; quia



his præteritorū euentus fidem facit. Vtuntur hoc argumento Iustinus Apologia 2. ad Antoninum, Tertull. in Apologetico cap. 20. Lactantius lib. 4. Diuinarum institutionum cap. 5. Aug. lib. 17. De Ciuitate cap. 15. & Prosper lib. De Promissionibus & Prædicationibus Dei.

121 Secundum Argumentum sit desumptū ex signis & miraculis, quibus hæc doctrina est confirmata, tum à Christo Domino primo eius Authore, tum ab Apostolis, & alijs Euangelij prædicatoribus; idque talibus & tantis, quæ omnem naturæ potentiam siue in sublimitate, siue in modo superarent. Quare cum miracula sint proprium opus Dei, & quasi sigillum verborum eius, efficitur eam doctrinam ad cuius prædicationem, & testificationem illa facta sunt, euidenter credibilem esse tantquam à Deo profectam, & vt talem credendam.

122 Et Confirmatur Primò ex Scripturis, quæ non tantum docent illud prudenter posse, sed etiam debere credi, quod miraculis comprobatur: Ioannis cap. 3. *Scimus* (inquit Nicodemus) *quia à Deo venisti magister, nemo enim potest hæc signa facere, quæ tu facis, nisi fuerit Deus cum eo.* Ioannis 5. *Ipsa opera quæ ego facio, testimonium perhibent de me.* Ioannis 10. *Si mihi non vultis credere, operibus credite:* & 15. *Si opera non fecissem in eu, quæ nemo alius fecit, &c.* 3. Regum c. 17. Mulier cuius filium suscitauerat Elias, ideo dicit: *Nunc in isto cognoui quoniam vir Dei es tu, & verbum Dei in ore tuo verum est.* & cap. 19. Elias hoc idem videtur voluisse, quando ad faciendum miraculum prouocat Prophetas Baal, dicens: *Deum qui exaudieris per ignem, ipse sit Deus.*

123 Idem docent Sancti Patres: D. Chrys. hom. 39. in Ioannem. Opera etiam infans persuaderet, ideo ipsorum adduxit testimonium. Isidorus lib. 1. De Summo Bono cap. 24. Tunc oportebat mundū miraculis credere. D. Greg. hom. 4. in Euangelia: *Adiuncta sunt Prædicatoribus Sanctis miracula, vt fidem verbis daret virtus ostensa, & noua facerent qui noua prædicarent.* Vnde vt suprâ allegatum fuit: rectè dixit Richardus de Sancto Victore lib. 1. De Trinitate cap. 2. Nonne cum omni confidentia Deo dicere poterimus: Domine, si error est, à te ipso decepti sumus: nam ista in nobis tantis signis, & prodigijs confirmata sunt, & talibus quæ non nisi per te fieri possunt.

124 Nec potest quisquam negare ea facta, quia non tantum libri Scripturæ Sacre illis pleni sunt, sed etiam passim apud alios Scriptores, tum Ecclesiasticos, tum etiam. Prophanos, & Ethnicos ea extant; quemadmodum Ecclipsin quæ contra naturæ

cōcursum accidit in morte Domini in Romanorum gentiliū archiuis adnotatam existere suo adhuc tempore testatur Tert. in Apolog. c. 21. ante citato, vbi dicit, quod Primores Iudæorū exasperati Christi doctrinā, quæ reuincebantur, violentiā suffragiorum in crucem, Iesus vni dedit à Pilato extorserunt: prædixerat, & ipse factus: parum hoc, si non & Prophetæ terrò etiam: Tamen suffixus multa mortis illius propria ostendit insignia: nam Spiritum eum verbo sponte dimisit, præuento carnificis officio: eodem momento dies, mediū orbem signante sole, subducta est: deliquium vtique putauerunt, qui id quoque super Christo prædicatum non sciuerunt: & tamen eum mundum casum relatum in archiuis vestris (loquitur Romanis) habetis. Hactenus Tertull.

Rectè etiam D. August. contra eos qui 125 miracula facta forsitan negant, ita scribit lib. 22. De Ciuitate cap. 5. Si verò per Apostolos Christi, vt eis crederetur resurrectionem, & ascensionem Christi prædicantibus, etiam ista miracula facta esse nō credunt, hoc vnum nobis grande miraculum sufficit: quod ea (videlicet resurrectionem, & ascensionem quæ tam supra omnem sunt naturam) terrarum orbis sine vllis miraculis credidit.

Neque tantum vno tempore, quando 126 primum cepit hæc doctrina mundo prædicari, fuerunt ad eius introductionem, & confirmationem signa, & miracula exhibita: sed consequenter omnibus sæculis in diuersis locis ab huius doctrinæ cultoribus semper facta sunt, & sunt: & quidem tam euidentia, vt nisi à peruicacissimis, aut inanis negari non possint; quales sese nostri temporis hæretici declarant, quando calumniantur, miracula SS. esse dæmonum præstigia, & arguunt Nicromantie eos, ad quorum preces Deus ista facere dignatur, vt Sanctum Martinum virum eminentissimæ, & notissimæ sanctitatis, vt videre est apud Caluinum in præfatione ad suas Institutiones, & apud Centuriatores Maderburgenses. Sed in eo imitantur execratos, & obduratos Iudæos, qui similes calumnias Christo Domino impegnerunt, quando opera ipsa non poterant vlla tergiversatione negare. Quod & prædixit Christus futurum Matth. cap. 10. *Si Patrem familias Beelzebub vocauerunt, quāto magis domesticos eius.*

Ad hoc argumentum etiam pertinet 127 singularis illa potestas, quæ cultores huius doctrinæ valent contra dæmones, vt non præcarid, sed per imperium in nomine Christi pellant eos, non tantum ex hominum corporibus, sed etiam ex idolorum statu

statu, & delubris; faciant eos obmutescere ne dent responſa, faciant quoque eos confiteri ſe non Deos, ſed miſeros, & infelices eſſe Spiritus. De quo Tertull. in Apologetico cap. 23. Sed hæcenus verba; iam hinc demonſtratio rei ipſius: edatur hic aliquis in tribunalibus veſtris (inquit) quem dæmone agi conſtet: Luſus à quolibet Chriſtiano loqui, Spiritus ille tam ſe dæmonem confitebitur de vero, quàm alibi Deum de falſo. Equè prouocetur aliquis ex ijs qui de Deo pati exiſtimantur (id eſt, quos Deos aut Deo plenos exiſtimatis) niſi ſe dæmones conſeſſi fuerint, Chriſtiano mentiri non audentes, ibidem illius Chriſtiani procaciſſimi ſanguinem fundite.

128 Quo etiam factum eſt, quod per vniuerſum orbem, vbicumque Chriſti nomen prædicatum fuerit, idololatria mox omnis ceſſauerit. Hoc enim fuit quaſi præmium mortis Chriſti inter reliqua, vt per Crucem contra Principem tenebrarum triumpharet, vt qui in ligno vincebat, in ligno vinceretur. Quod & Prophætæ prædixerant: Abacuc 3. Cornua in manibus eius, ibi auſcendita eſt fortitudo eius, ante faciem eius ibit mors, egreditur Diabolus ante pedes eius, id eſt, fugit à facie crucifixi, de quo teſtimonio licet videre D. Leonem ſerm. 8. de Paſſione Domini. Iſaie cap. 2. Et leuabitur Dominus ſolus in die illa, & idola penitus contemnentur, & Chriſtus Ioannis 12. idem prædixit: Nunc Princeps huius mundi eicietur foras.

129 Tertium Argumentum deſumi poteſt à ſapientiâ, & ſanctitate primarij Authoris huius doctrinæ, ſcilicet Chriſti Domini: qui nihil rerum terrenarum ambiuit: honores, & diuitias fugit, & contempſit: qui non niſi vnus veri Dei cultum, & fidem, pietatem, humilitatem, patientiam, manſuetudinem verbis, & factis commendauit ſuis diſcipulis. Quod augeri etiam poteſt ex ſanctitate, & ſapientiâ eorum, qui poſt Chriſtum, fidem noſtram prædicarunt per vniuerſum mundum: fuit enim diſſeminata ab Apoſtoliſ diuinitus edoctis, & illuminatis, & ab Apoſtolicis viris, vt Ignatio, Dionyſio, Policarpo, & ſimilibus alijs multis; qui etiam ſanguine ſuo confeſſionē ſuæ doctrinæ conſignauerunt.

130 Deinde vltimius continuata, & promulgata fuit à ſanctiſſimis Doctõribus Athanaſio, Baſilio, vtroque Cyrillo, Chryſoſtomo, vtroque Gregorio, Cypriano, Auguſtino, Ambroſio, Hieronymo, & pluriſimis alijs. Huc etiam accedit doctrinæ huius paritas, vt quæ gratiam, & miſericordiam Dei, ac uſititiam, & ſeueritatem eius inſupprimis commendat: & quæ veram ho-

minis felicitatem non in terrenis, ſed in cœleſtibus bonis ſitam oſtendit; & quomodo ad eam aſſequendâ quis mores ſuos debeat componere, demonſtret; quæque infinitos errores contra naturalem rationem, & turpiſſimos hominum mores correxerit. Non enim non poteſt illa Doctrina iudicari credibilis, & Deo digna, quæ humano generi à talibus viris eſt adminiſtrata, & quæ tam ſancta in ſe cõtinet præcepta, vt omnia vitia, & omnem turpitudinem prohibeat, & reſecet.

Quartum argumentum diuinitatis huius doctrinæ deſumi poteſt ex modo, quo ea eſt propagata per orbem vniuerſum: nam in primis conſtat hanc ab initio prædicatam, & diſſeminatam eſſe ab intimæ ſortis hominibus, Plebæis, Ignobilibus, Pauperibus, & Idiotis, qui litteras non didicerant, ſine humana philoſophiâ, ſine eloquentiâ: qui mechanicis artibus victum conquirebant, ſine armis, & ſine Principum fauoribus. Vnde Apoſtolus 1. ad Cor. cap. 1. Videte (inquit) vocationem veſtram fratres: quia non multi ſapientes ſecundum carnem, non multi potentes, non multi nobiles: ſed quæ ſtulta ſunt mundi elegit Deus, vt confundat ſapientes: & infirma mundi eligit Deus, vt confundat fortia: & ignobilia mundi & contemptibilia eligit Deus, & ea quæ non ſunt (id eſt, quæ pro nihilo reputantur) vt ea quæ ſunt (id eſt, quæ pro maximo habentur) deſtruat. Sic enim oſtendit Spiritus Sanctus illud eſſe opus ſuum, & verû eſſe quod eodem loco ſcribit Apoſtolus: Quia quod ſtultum eſt Dei, ſapientius eſt hominibus: & quod infirmum eſt Dei, fortius eſt hominibus, id eſt, Idiotas alloquitur & ignaros, ac quaſi inſipientes, ſed à Dei Spiritu edoctos: item infirmos ac nullius potentia homines; ſed Dei virtute imbutos ex alto, prævalere contra omnem mundi ſapientiam, & contra omnem potentiam eius, ac etiam ſæuitiam, & tyrannidem.

Vnde idem Apoſtolus cap. 2. ſcribit: Sermo meus, & prædicatio mea non in perſuaſibilibus humana ſapientia verbis: ſed in oſtentione Spiritus: & virtutis, ac ruſum: Quæ & loquimur (inquit) non in doctû humana ſapientia verbis: ſed in doctrina ſpiritus. Et A. cap. 4. Admirabantur Scribæ, & Sacerdotes conſtantiam Petri, & Ioannis: Comperito (inquit Scriptura) quod homines eſſent ſine litteris, & idiotæ.

Secundò conſtat eam, quàm iſti ſic per orbem terrarum prædicauerunt doctrinâ, eſſe talem, vt ſecundum externam ſpeciem appareret hominibus ſtultitia magis, quâ ſapientia: puta quod homo in crucem actus, & multa proba ac tormenta perpeſſus, ſit verus Dei filius, verus Deus de Deo

vero;

veroque quod à mortuis resurrexerit, quod non sit aliud nomen sub cælo datum hominibus in quo oporteat nos saluos fieri præterquam in nomine Christi crucifixi. Hinc Paulus 1. ad Cor. 1. *Nos autem prædicamus Christum crucifixum, Iudeis quidem scandalum* (quia Messiam magnificum, & potentem expectabant, unde in huius paupertate, & afflictione offendebantur) *gentibus autem stultitiam* (quia inani Philosophiâ tumida omnia per rationes demonstranda putabant) *ipsis autem vocatū Iudæis atque Græcis, Christum Dei virtutem, & Dei sapientiam.* Huc accedit quod doctrina illa non tantum quasi in se stolidâ possit videri, & sic humanitas abijcienda: sed quod etiam interdiceret, & rescinderet omnia quæ sensibus, & affectibus corrupti sæculi erant optabilia, & delectabilia: Et contra inculcasset poenitentiam, luctum, lachrymas, & nihil promitteret in hoc mundo præter pericula, persecutiones, cruces, & tormenta.

134 Tertiò constat hanc doctrinam fuisse prædicatam, & à mundo receptam repugnantibus Principum, & magistratuum potentij, contradicente Philosophorum inani sapientiâ, ac obstreperante Rhetorum dicacitate, atque adeo Diabolo omnibus modis, & artibus, ac scvitijs, & tormentis contranite: adeò enim certum impendebat Christianis supplicium, vt teste Tertulliano in Apologetico, dicerentur vulgò, Sarmenij, & Famissarij, quia ad stipitem medijs adfiss fumentorum ambitu exurebantur: & nihilominus quanto magis à mundo, & diabolo impugnabatur, tanto semper magis increvit & præualuit: vt sanguis Martyrù factus sit semen Christianorum, dum grana quæ singula cadunt, multiplicata in fide populorum resurgunt. Vnde & Iustinus Apologia 1. ad Senatū Rom. testatur se constantiâ Martyrum permotum fuisse ad Christianam fidem amplectendam.

135 Quæ omnia manifestè ostendunt hanc doctrinam verè esse diuinam; esse Legem Dei immaculatam quæ conuerit animas, esse præceptum Domini lucidum, quod illuminat oculos; esse testimonium Domini fidei, quod sapientiam præstat parvulis, vt habetur Psal. 18. esse verbum à Deo emissum, quod operatur quodcumque Dominus voluerit, & nõ reuertitur vacuum; esse formem Dei viuum & efficacem, qui penetrabilior est omni gladio, esse malleum conterentem petram, id est, humani cordis duritiem de quo Ieremias cap. 23.

136 Neque enim fieri potuit, quod hæc doctrina tam à sensibus humanis aliena, tam

supra omnem intellectum, tam aspera, grauis & dura corrupto homini ita per oibem vniuersum peruaderet, & recipere-tur inter tot contradictiones, & contrarios conatus; idque per homines ex se simplices & rudēs, nisi Deus peculiariter, & efficacissimè simul esset cooperatus, tum cum illis qui eam prædicauerunt, tum etiam in animis illorum qui eam audierunt & receperunt. Vnde D. August. lib. 22. De Ciuitate cap. 5. ponit inter præcipua miracula, quod pauci homines pauperes & inermes omnibus mundi prælijs destituti, mundum conuerterint; alie autem sectæ quæ aliquod incrementum habuerunt, vel armis inuictæ sunt, aut propter vitæ libertatē, & carnis blanditias quibus indulgebant, facilius admixtæ tantum ad tempus aliquod, & ad certa loca fuerunt.

Hinc Quintum argumentum potest desumi ex Antiquitate, & constante continuatione huius doctrinæ: Itē ex amplitudine locorum, & cōcordiâ Doctorum circa eandem. Quod ad antiquitatem & successione attinet, potest euidenter ostendi eam à Christi temporibus iam à mille sexcentis annis continuâ prædicatione quasi per manus abique interruptione, vel obscuratione ad nos vsque deuenisse. Quod probari inprimis potest ex notoria & continuatâ successione summorum Pontificum Romanæ Sedis, quam etiam suis temporibus pro magno argumento duxerunt Tertull. lib. De Præscriptionibus aduersus hæreticos. Ireneus lib. 3. cap. 3. & August. lib. De vtilitate credendi cap. 17. Item ex successione aliorum Episcoporum in antiquissimis quibuldam Ecclesijs, in quibus nihil vnquam quod ad substantiam fidei ac religionis pertinet, reperitur immutatum. Deinde quia non desunt celeberrimi Patres, & Doctores qui singulis sæculis scripserunt de rebus fidei, & religionis conformiter ad suos antecessores; vtilitatis ostendunt qui scribunt contrauersas huius temporis cum hæreticis.

138 Quod autem ad amplitudinem locorū ad quæ se extendit hæc doctrina, & concordiam eorum qui eam sustinuerunt, & sustinent, manifestum est nullam esse prouinciam, nullam nationem, aut gentem hæcenus cognitam ad quam non peruenerit, & vbi non fuerit, aut sint huius fidei cultores: atque adeo quamuis non simul, tamen successivè per totum mundum omni creaturæ eam annuntiarī iuxta verbum & mandatum Christi: *Euntes in mundum vniuersum, prædicate Evangelium omni creaturæ.* Quod autem id non vno aliquo aut breui tempore simul fieret, sed paulatim, & cum morâ præsignificauit, & indicauit Christus Matth.

Marth. 10. dum Apostolis dixit: *Cum autem persequentur vos in Civitate ista (inquit) fugite in aliam: amen dico vobis, non consummabitur civitates Israël, donec veniat filius hominis.* Quibus significat vsque ad finem mundi, fidem semper propaginandam ad novas gentes & regna; & sic successivè annuntiandam per totum orbem; quod & ipsa experientia obleruamus fieri. Similiter clarum est, inter omnes orthodoxos, quantumvis diffitis temporibus, aut locis vixerint & scriplerint; quantumvis ex diuersis nationibus & gentibus fuerint, summam esse concordiam in ijs quæ ad substantiam huius doctrinæ spectant: quæ omnia sunt evidens indicium & certum argumentum ab vno eodemque Spiritu omnes esse edoctos, qui semper & vbique præfens est, & qui per diuersitatem linguarum gentes in vnitatem fidei congregauit: de quo argumento licet videre Eusebium libro vltimo de Preparatione Evangelica cap. 11.

339 Et quidem specialiter hoc facit credibilem nostram doctrinam Christianam, prout hodie ab Ecclesiâ Catholicâ tenetur, & fidelibus credenda proponitur præ omnibus scâis & hæresibus tum huius, tum superiorum ætatum: quæ in prædictis omnibus notabiliter deficiunt: quia hæretici neque possunt per continuum successionem Episcoporum siue Pastorum, seu ministrorum vt vocant; neque per continuum Doctorem traditionem, & scriptiorem deducere dogmata sua quæ contra Ecclesiæ Catholicæ sensum, & definitionem inuehant, ad Apostolos aut Apostolicas Ecclesias: sed tantum ad definitas personas quæ noscuntur fuisse talis doctrinæ primi inventores: quod notorium est in hæresibus nostri temporis. nullus enim Episcopus, nulla Ecclesia ante Lutheri & Caluini tempora sic tradidit doctrinam Christianam, aut tales Catechismos, aut Confessiones fidei edidit, quemadmodum isti noui Doctores tradiderunt & ediderunt. Et si quandoque fuerint aliqui qui partem aliquam eiusmodi nouitatis vulerunt docere, constat eos mox ab Ecclesiâ fuisse reiectos & damnatos. Nullus autem omnino reperitur qui per omnia docuerit eandem doctrinam cum his quoad ea in quibus à communi Ecclesiæ sensu recedunt.

140 Vnde meritò potest ipsi opponi, quod Tertull. opposuit hæreticis sui temporis lib. de Præscriptionibus: Qui estis vos (inquit) vnde & quando venistis? ubi ramdiu itastis? & quod scribit Hil. lib. 6 de Trinitate ante medium: Tardè mihi hos pissimos Doctores ætas nunc huius

Wiggers in 2. 2.

sæculi protulit; serò hos habuit fides mea quam tu erudisti, Magistros: inauditis ego his omnibus, in te credidi: & D. Hieronymus in epistola ad Pamachium: Quisquis assertor es nouorum dogmatum, quæso te, vt parcas Romanis auribus, parcas fidei, quæ Apostolico ore laudata est: cur post 400. annos (nos autem dicemus post mille quingentos annos) docere nos niteris, quod ante nescimus: vsque in hanc diem sine vestrà istâ doctrinâ mundus Christianus fuit. Et denique quod Optatus Meleuitanus libro 2. contra Parmenianum, postquam enumerasset omnes Romanos Pontifices à Petro vsque ad Syricum, qui tunc Cathedram tenebat, à Donatistis hæreticis requisivit: Vos (inquit) vestræ Cathedræ originem ostendite (scilicet à Christo vel Apostolis derivatam) qui vobis vultis Sanctam Ecclesiam vindicare.

Similiter etiam nulla secta, siue hæresis ad eam locorum amplitudinem, & temporum se extendit, vt Catholica & vniuersalis dici possit per totum orbem recepta doctrina: sed fuerunt semper singulæ certis regnis & prouincijs conclusæ: licet aliquæ plura, aliquæ pauciora loca infecerint: & ad certa tantum tempora, vix vnaquæ ultra sæculum vnum durarunt, quin deficere inceperint, & postmodum penitus conciderint. Quod in Sectis quoque nostræ ætatis est obleruare: Iam enim Lutheri hæresis, vnde omnes alie sumperunt exordium, penè à cunctis deferitur, & ipsa quasi emoritur: reliquæ etiam minuantur & deficiunt: & quidem ita continuò mutantur, vt vix possint vna dici doctrina, prout modo proponuntur, & prædicantur cum doctrinâ quam primi authores & hæresiarchæ ediderunt.

Vnde patet, quàm etiam nulla sit concordia inter eos qui ab Ecclesiâ recedunt: vix enim noua hæresis nascitur, quin mox in plurimas sectas diuidatur: tot enim sunt propemodum diuersæ hæreses quæ se mutuo Anathematizant, quot fuerunt primarij discipuli scholæ Lutheri, qui vt nomen suum celebrarent, vulerunt singuli supra Magistrum suum sapere, & propriam fidem cudere.

Sextum & vltimum argumentum, præsertim quoque contra hæreticos sumi potest ex prouidentia Dei: de quâ nullo modo credibile est, quod vniuersum Christianum orbem præzioso sanguine Christi quasi agni immaculati redemptionem, ita deferuerit, & quasi despexerit, vt tot sæculis in crassam perfidiam, & in æternam damnationis reatum permisit totum corruere, donec Lutherus vitæ Sanctimo-

C nianz

niam quam professus erat, cum libidine turpi commutans veniret & lumen veritatis Evangelicæ reduceret.

144 Quare meritò ei, eiusque sectatoribus licet opponere, quod Tertull. suo tempore dixit hæreticis cum Ironiâ: Aliquos Marcionitas, & Valentinianos (nos Lutheranos & Calvinistas dicemus) liberada veritas expectabat: interea perperam evangelizabatur, perperam credebatur. Huc accedit Christi promissio Matthæi capite ultimo: quid dixit se futurum omnibus diebus cum Apostolis, & eorum in Ecclesiæ regimine successoribus vsque ad consummationem sæculi: quomodo autem cum illis fuerit omnibus diebus: si iam à mille annis, ut nostri hæretici volunt, puritas & veritas Evangelij fuerint depravata, & intolerabiles errores fidelibus obtrui, donec tandem illi impurissimi homines puritatem Evangelicâ restituerent. sed de his postremis argumentis infra plura erunt dicenda.

145 DISPUTATVR hic Secundo: Quo lumine res fidei videantur euidenter credibiles sub diuinâ autoritate, prout ostensum est iam eas videre. Occasionem huic quæstioni præbet Diuus Thomas, qui artic. 4. ad 3. scribit: quod lumen fidei facit videre ea quæ creduntur: facit (inquam) videre, videlicet sub communi ratione credibilis, prout supra art. 3. nu. 89. & 90. diximus illum explicuisse id in responsione ad 2. eodem artic. 4. Et artic. 5. ad primum dicit, quod ea quæ fidei sunt, per lumen fidei videantur esse credenda: quod tamen multis non placet: Primò, quia res fidei apparent euidenter credibiles & tales debent iudicari etiam ab ijs qui præparantur ad fidem antequam perfecte credant, aut sint informati habitu fidei: ergo dici non potest, quod per habitum fidei videant res illas sic propositas euidenter esse credibiles, & iuxta prudens iudicium credendas. Secundo, quia habitus fidei inclinat per se ad assentiendû ijs quæ non videntur, & ad hoc infunditur homini: ergo ipse non est qui videre facit res euidenter esse credibiles tanquam à Deo profectas: quia idem habitus non causat assensum euidentem & ineuidentem. PRO RESOLUTIONE

146 Dico Primò: loquendo de fidelibus, rectè & verè dicitur, quod per habitum fidei videant ea euidenter credibilia quæ ab Ecclesia proponuntur eis credenda, & hic est sensus Diui Thomæ. Ratio autem & veritas Conclusionis possunt intelligi ex dictis artic. 3. numeris iam citatis: & constabunt amplius ex solutione secundæ obiectionis.

Dico Secundo: Loquendo vniuersaliter de omnibus, etiam de illis qui primum ad fidem accedunt, sic dici non potest, quod videant illam credibilitatem per habitum fidei: non malè tamen de plebisque illorum dicitur etiam, quod videant per lumen fidei. Priorem partem probat sufficienter primum argumentum superà positum: nec amplius quidquam conuincit: & sic patet quidnam ad illud sit respondendum. Posterior pars declaratur: quia potest lumen fidei accipi generalius, ut non tantum dicat habitum fidei, sed etiam comprehendat actuales illustrationes quibus Deus præuenit & illuminat hominem ad percipienda & dijudicanda ea quæ sunt Spiritus Dei, quæ animalis homo aliquin non percipit; & per eiusmodi illuminationes fit, quod & intellectus ijs quæ prædicantur, intendat: sicut Dominus aperuit cor Lydiæ, ut intenderet ijs quæ dicebantur à Paulo, Act. 16. & quod etiam credibilitatem diuinam eis inesse obseruet & iudicet: ut supra artic. 3. amplius ostendimus: ad quæ postmodum sequitur ipsum credere & ipsa fides.

147 Dico Tertiò: Etiam per lumen naturale intellectus possunt videri res fidei euidenter credibiles propter multa extrinseca argumenta & testimonia quæ id clarè ostendunt, quando attentè & sine prauis passionibus perpenduntur & examinantur. Ita tradunt DD. communiter: & ex dictis Disputatione precedenti satis id potest constare. Vnde & dicunt iudicium illud de credibilitate mysteriorum non ex necessitate esse supernaturale. Tamen existimo quod vix vnquam constanter & fixè illis intellectus inherebit, & satis firmiter iudicabit eas esse euidenter credibiles sub diuinâ autoritate, sic ut proximè ad illud iudicium sequatur supernaturalis, & verus actus fidei etiam cum auxilio gratiæ concurrente: nisi prius diuino lumine præuentus illis creperit intendere, & sic iudicauerit eas esse euidenter credibiles, tanquam à Deo profectas. Ratio est: quia ista sunt præambula & dispositiones ad finem, quæ debent esse eiusdem ordinis cum ipso principali actu & formâ: & quamvis posset Deus per absolutam potentiam subito sic commouere voluntatem, & eleuare intellectum, ut post apprehensionem earum rerum merè naturalem, immediatè eliceret actum fidei, tamen id minus consentaneum est naturis rerum, & communi ac suaui Dei operandi modo: vnde ita non sit saltem ordinariè.

Ad Secundum itaque Argumentum quod

quod primæ conclusioni videtur aduersari, Respondetur Negando Consequentiam: quoniam epim assensus obscurus sit principalis effectus, & finis habitus fidei, non tamen inde sequitur non posse eundem habitum quoque valere & concurrere ad aliquas operationes præuias, & ad principalem eius effectum & finem quasi ex naturâ suâ tendentes, cuiusmodi est illud iudicium de credibilitate euidenti rerum fidei sub diuinâ autoritate, quia eo quasi mediante deducit intellectum in assensum eorum quæ non videt: quod satis apertè docet Diuus Thomas articulo 4. citato ad 3. atque ita ista euidencia non obstat quominus etiam circa illam habitus fidei operetur, quia hoc totum eò tendit, vt intellectus inclinetur ad assensum eorum quæ euidenter cognoscere non potest: non est autem contra rationem habitus intellectus inclinantis in assensum veritatis obscuræ, quod etiam inclinet in assensum rei euidentis, quatenus illa facit vt rei obscuræ præbeatur assensus, maxime quando res illa euidentis non facit rem, quæ obscura erat, in se, claram & clarè videri; sed addit tantum extrinsecum argumentum aut testimonium: quemadmodum idem Spiritus est qui operatur in ijs qui ad fidem conuertuntur, plenum assensum rerum diuinarum, & qui operatur, vt intendat ijs quæ proponuntur & videant ea esse credenda sub diuinâ autoritate: & quemadmodum idem argumentum dialecticum causat assensum opinionis, & monstrat euidenter rem esse probabilem.

ARTICVLVS VI.

Vtrum credibilia sint per articulos certos distinguenda?

149 **R**esponso Diui Thomæ est, Quod credibilia possint distingui per certos articulos. Vbi notandum nomine articuli in communi significari aliquam partem alicuius aggregati, quæ habeat quandam certam coactionem cum cæteris partibus, sitque talis quæ in alias partes nomine & vsu distinctas non vterius diuidatur: quemadmodum particula corporis sibi inuicem coactæ dicuntur membrorum articuli.

150 Per articulum itaque fidei proportionabiliter intelligitur aliqua primaria propositio inter credenda, habens particulare aliquam difficultatē in credendo, quatenus est non visa, vt explicat Diuus Thom-

mas: nam in diuersis occurrunt diuersæ difficultates respectu intellectus nostri, quatenus non videntur: verbi gratia, aliam difficultatem habet, quod Deus sit passus, & aliam difficultatem, quod mortuus resurrexerit: & ideo distinguitur articulus Resurrectionis ab articulo Passionis: sed quod sit passus, & sit mortuus, & sepultus, non habent nisi vnā & eandem difficultatem, ita vt vno suscepto non sit intellectui difficile alia suscipere: ideo ista tria pertinent ad vnum articulum, & sic patet D. Thomæ Conclusio.

ARTICVLVS VII.

Vtrum articuli fidei secundum successionem temporum creuerint?

CONCLUSIO Prima: Quantum ad substantiam articulorum fidei, non est factum eorum augmentum per temporum successionem: quæcumque enim posteriores crediderunt, continebantur in fide præcedentium Patrum, licet implicite. Itaque Diuus Thomas: & sumitur ex Magistro lib. 3. dist. 25. Et indicant Sancti Patres, quando docent eandem fidem nobiscum habuisse veteres antiqui Testamenti. Irenæus libro 4. cap. 13. Eusebius lib. 1. historię c. 1. Epiphanius in principio Panarij, vbi dicit fidem statim ab Adam Christianismi imaginem cōtinuisse & ostendisse: August. lib. 19. Contra Faustum cap. 14. Eadem (inquit) credebant omnes Iusti & Sancti etiam temporum illorum, & promissura erant omnia illa Sacramenta: omnisque ritus ille Sacrorum: nunc autem reuelata est fides in quam conclusus erat populus, quando sub lege custodiebatur.

153 Probatur ratione Diui Thomæ: Quia omnes articuli (inquit) implicite continentur in aliquibus primis credibilibus, scilicet vt credatur Deus esse, & providentiam habere circa hominum salutem; in Esse enim diuino includuntur omnia quæ creduntur in Deo æternaliter existere, in quibus nostra beatitudo consistit: In fide autem providentiæ circa salutem humani generis includuntur omnia, quæ temporaliter à Deo dispensantur ad hominum salutem, quæ sunt via ad beatitudinem.

153 Sed circa hanc Diui Thomæ rationem notandum est, Non posse in primis intelligi contineri reliquos quoad substantiam & implicite in duobus istis primis credi-

C ij bilibus,

bilibus, quatenus hæc naturali lumine intellectus sunt cognoscibilia: Primò, quia cognitio inferioris ordinis non continet virtualiter notitiam eorum, quæ non nisi supernaturali lumine cognosci possunt. v. g. cognitio Dei naturalis non potest dici continere notitiam aut fidem Sanctissimæ Trinitatis.

154 Secundò, quia sequeretur, quòd homo naturali ratione posset sufficienter cognoscere omnia necessaria ad finem supernaturalem, & proinde quòd quantum requiritur ex parte intellectus, posset sine lumine gratiæ pervenire ad iustitiam, quod est hæreticum. Oportet igitur id intelligere de illis, quatenus per divinam revelationem lumine fidei cognita sunt, & creduntur: & sic dicuntur virtualiter, siue implicitè continere alios fidei articulos quoad substantiam:

155 Non quidem, quòd ex illis etiam sic creditis possit humanus intellectus per consequentiam sibi notam, reliquos deducere: nam ex priori illo, Deus est: nunquam colligeret humana ratio, nisi divini lumine altius edocta, quòd Deus sit trinus in personis, Pater, Filius & Spiritus Sanctus: quodque personæ illæ inter se realiter distinctæ sint vnos numero Deus: multoque minùs ex secundo, quia Deus habet providentiam circa salutem humani generis, adinveniet aut colligit, quòd Verbum caro factum sit, quòd Filius Dei pro nobis crucifixus sit & mortuus: quandoquidem nequidem ex natura rei sint hæc necessariò connexa cum divinà providentià circa hominum salutem, sicuti connexa est Trinitas in personis cum Esse Dei: sed per liberam Dei voluntatem, qui sic dilexit mundum, ut Filium suum unigenitum daret, sit tantummodò illud medium præordinatum & assumptum.

156 Quare alio modo intelligenda sunt ista prima credibilia continere implicitè alios articulos: hoc scilicet sensu, quia qui ista credit propter divinam auctoritatem, censetur eadem animi submissione per omnia credere ista, prout à parte rei sese habent, vel prout à Deo ordinata sunt, quamvis in illis nondum sit plenissimè instructus. Ita ferè Bannes in Commentario ad hunc articulum. Alij autem nonnulli dicunt, ideo fidem istam generalem dici continere implicitè alios magis particulares & distinctos articulos de Deo, & de medio salutis, ut de Incarnatione Christi: quia minores seu rudiores credebant ea secundum modum, quo credebant maiores & magis illuminati, qui habebant fidem magis explicitam de divinis personis, & de my-

sterio Incarnationis, ut infra mox declarabitur.

CONCLUSIO Secunda: Quantum ad explicationem, crevit numerus articulorum: quia multa explicitè cognita sunt à posterioribus, quæ à prioribus non cognoscebantur explicitè. Est quoque Divi Thomæ, & communis Doctorum: & patet, quia multa particularia docuit Christus Apostolos, tum de mysterio Trinitatis, ut de processionibus, & proprietatibus personarum: tum de Incarnatione Verbi, totaq; Verbi incarnati dispensatione, quæ in veteri Testamento non ita particularim & distinctè fuerunt agnita. Illi enim qui fuerunt sub priori Testamento, à longè adspiciebant & salutabant repromissiones, ut dicitur ad Hebræos 11. Vnde & Apostolus ad Ephesios cap. 3. de Mysterio Incarnationis scribit: *Quoniam secundum revelationem, notum mihi factum est Sacramentum, quod alijs generationibus non est agnitus filijs hominum, sicuti nunc revelatum est Sanctis Apostolorum & Prophetarum, &c.* Vide Divum Hieronymum ad hunc locum. Irenæus quoque libro 4. capite 47. scribit in novo Testamento, eam quæ est ad Deum, fidem hominum auctam esse: additamentum enim accepit filium Dei. Et Divus Augustinus de Catechizandis rudibus: In veteri Testamento (inquit) est occultatio novi: In novo Testamento est manifestatio veteris. Quæ D. Augustini sententia continet in substantià utramque Conclusionem iam positam.

CONCLUSIO Tertia: Semper tamen fuit in Principibus populi fidelis, etiam tempore legis naturæ, & sub antiquo Testamento, aliqua cognitio Sanctissimæ Trinitatis, & Incarnationis filij Dei. Probatur ex Apostolo ad Hebræos 11. ubi de Moyse scribit: *Maiores divitiis aestimati thesauro ægyptiorum, improprium Christi: aspicebat enim in remunerationem* &c. Quibus indicatur Moysen intellexisse Christi passionem, & reiectionem eius ad Iudæis; quam & ipse maluit sustinere, eiusque fieri particeps, quam adhærere Ægyptijs, & eorum frui divitijs, & voluptatibus. Deinde quando erexit æneum serpente in signum, cuius aspectu sanaretur populus à moribus serpentum, haud dubiè intellexit tantus Propheta, in eo præfigurari Christi passionem & exaltationem in Cruce.

Vnde & Dominus Ioannis 5. de Moyse dicit: *De me enim ille scripsit: si autem novierit mysterium Incarnationis Verbi, etiam novit mysterium Trinitatis: quia Verbum est secunda Persona quæ assumpsit naturà humanam.* De Abrahamo conficit Ioan. c. 8. *Abraham Pater vestrer exultavit, ut videret diem meum*

meum; vidit, & gausus est. Vidit (inquit Aug. Tract. 44. in Ioannem) verbum apud Patrem manens in carne venturum. De Adamo quem sapientia eduxit de delicto suo, quod hæc mytheria nouerit, testatur D. Hieron. ad illa verba Apostoli: *Sacramentum hoc magnum est.* Ad Eph. cap. 5. Idem patet de Iacobo, Genes. 49. *Non auferetur sceptrum de Iuda, & lux de femore eius, donec veniat, qui mittendus est, & ipse erit expectatio gentium.* ubi consequenter multa prædicit de Christo Domino. Similiter idem constat de Isaia ex cap. 12. Ioannis: *Itac dixit Isaia, quando vidit gloriam eius, & locutus est de eo: scilicet de filio Dei, ut interpretatur Hier. in principio cap. 8.* Isaia. Idem constat de Simone, Sacharia patre Ioannis Baptiste, de Anna Prophetissa, & similibus alijs.

160

QUAERITUR autem hic Primò: Vtrū successione ætatum etiam post Apostolorum tempora, aliquid explicatius ab Ecclesia sit cognitum & creditum, quod ad fidem pertinet, quam ab ipsis Apostolis fuerit cognitum & creditum? Ratio dubitandi potest sumi ex Christi promissione, Ioannis 14. *Mittam vobis Spiritum veritatis, ut maneat vobiscum in æternum:* ergò Spiritus veritatis manet in Ecclesia ad docendam omnem veritatem, quoties opus fuerit ad Ecclesie ædificationem: & per consequens non videtur negandum, quin temporum successione etiam post Apostolos ex occasione hæreticorum, vel propter aliam Ecclesie necessitatem, aut utilitatem, quædam docuerit ipsam Ecclesiam, de quibus Apostoli non fuerant edocti. Confirmatur: quia multa in diuersis Concilijs fuerint explicata & definita, tanquam fide tenenda, quæ ante definitionem erant dubia; neque satis explicitè & certò cognoscebantur tanquam res fidei; ergò &c.

161

His tamen non obstantibus dicendum est, Apostolos explicatè nouisse & edidisse suis temporibus omnia mytheria fidei, quæ de post & modò Ecclesia eonoscit & credit, sic vt explicita fides à lapsu generis humani nunquam habuerit, neque habitura sit in populi fidelis siue Ecclesie principibus perfectiorem statum, quam habuerit quando lex gratiæ per Apostolos fuit prædicata, & per vniuersum orbem promulgata.

162

Ita communiter sentiunt DD. & Bannes ad hunc articulum dubitatione secundà contrarium dicit esse errorem in fide. Probatur primò ex Scripturis: Matth. 5. cap. dicuntur Apostoli: *Lux mundi.* Ioannis 15. *Vos autem dixi amicos, quia omnia, quaecumque audiui à Patre, nota feci vobis.* Et quæ-

uis ante passionem Christi non ea intelligerent omnino Apostoli, neque possent eorum intellectum tunc portare, postmodum de illis ipsis, quæ Christus eis dixerat, per Spiritum Sanctum plenius sunt edocti, iuxta illud Ioannis 14. *Itac locutus sum vobis apud vos manens: Paracletum autem Spiritum Sanctum, quem mittet Pater in nomine meo, ille vos docebit omnia, & suggeret vobis omnia, quaecumque dixero vobis: & Ioannis 16. Cum autem venerit ille Spiritus veritatis, docebit vos omnem veritatem: & Lucæ vltimo dicitur Christus eis aperuisse sensum, vt intelligerent Scripturas.*

163

Probatur secundò ex Antiquis Patribus: Diuus Gregor. Hom. 16. in Ezechielem; Plus Moyles (inquit) quam Abraham, plus Prophetæ, quam Moyles, item Apostoli quam Præphetæ in omnipotentis Dei scientiâ eruditi sunt: Quod ex Scripturis confirmat. Diuus Ambrosius serm. 14. & Cyprian. Epistola ad Pompeium, docent Apostolos fontes esse ecclesiasticis doctrinæ. Tertullianus de Præscriptionibus capite 22. & aliquor sequentibus refutat Hæreticos sui temporis, qui contendebant Apostolos aut non sciuisse omnia, quæ ad fidem pertinent, vel non omnia Ecclesie tradidisse: idque huiusmodi fere argumentis: Primò, quia videretur arguendus Christus, vt qui minus instructos, vel certè nimis simplices, aut non satis sinceros instituit Apostolos & Ministros noui Testamenti; cuius contrarium docet Apostolus 2. Corinth. 3. *Sufficiencia nostra ex Deo est, qui & idoneos nos fecit Ministros noui Testamenti, non littera sed Spiritu:* Et paulò infrà explicans hanc idoneitatem comparatione ad Moylen factâ, ait: *Nos autem omnes reuelatâ facie gloriam Domini speculantes in eandem imaginem transformamur à claritate in claritatem, tanquam à Domini Spiritu:* quibus verbis abundantiam intelligentiæ diuinorum mytheriorum dignam primis Principibus & Ministris noui Testamenti attestatur, vt ex contextu liquet. Secundò, quia verisimile nō est, eos ignorasse aliquid, quos dedit Dominus primos & vniuersales magistros nouæ legis, quos habuit indiuiduos comites in conuiuijs & in discipulatu, quibus obscuriora omnia solet seorsim edisserere, dicens eis: *Vobis datum est nosse mytheria regni Dei.* Tertio, quia verisimile non sit, aliquid latuisse Petrum iam dictum & designatum Petram Ecclesie ædificandæ, vel Ioannem discipulum Christo dilectissimum, eiusque peccatori incombentem, de cuius fonte in secreto potabat, quod postmodum publicè & in communi eructauit; quemadmodum nec alios, quibus post resurrectionem

C iij aperuit

aperuit sensum, vt intelligerent Scripturas, sicuti ex S. Luca diximus.

164 Ad hæc accedit ratio, quam subindicat D. Thomas in responsione ad 4. Quia nimirum conueniens fuit, eos qui proxime prodibant ex scholâ Christi in plenitudine temporis, in eâ mundi ætate quæ respondet illi ætati hominis, qua maxime pollet iudicio, constitui & formari absolutos magistros omnium temporum futurorum, sic vt ab ijs, & per eos traderentur Ecclesiæ omnia mysteria ad fidem, & nouum Testamentum pertinentia.

165 Ad Argumentum itaque adductum in contrarium, Respondetur, Spiritum veritatis in Ecclesiâ manere in æternum ad Apostolicam doctrinam & traditionem conseruandam, & ad Scripturæ sensum qui latet aut obscurior est, quando necesse fuerit ad Ecclesiæ ædificationem, aperiendum, & suggerendum Ecclesiæ Pastoribus & Prælati: ac denique vt semper assistat cum Pontifice Capite Ecclesiæ & Concilijs, vt in explicandis & definiendis veritatibus fidei à Christo & Apostolis sibi traditis & commendatis, errare non possint: non autem, vt mysteria, aut veritates ad fidem Catholicam pertinentes antea nunquam à Deo reuelatas aut doctas, nunc de nouo reuelet aut doceat.

166 Hinc Respondetur ad Confirmationem: verum quidem esse, quodd multa in diuersis Concilijs post Apostolorum tempora fuerint explicata & definita occasione hæreseon, aut quæstionum in Ecclesijs successiue exsurgentium; non quidem quodd tunc demum ista fuerint Ecclesiæ reuelata, ita vt antè non fuerint ab Ecclesiæ founderibus & Principibus explicatè cognita aut credita (præter argumenta enim allegata, satis etiam oppositum conuincit strenua contradictio ipsius Ecclesiæ contra eos, qui aliquid ab eius sensu alienum de nouo docere & inuhere conati sunt) sed quodd, licet illæ veritates essent à Christo & Apostolis explicatæ & traditæ, ac Ecclesia de illis in suis saltem Episcopis & primarijs Pastoribus sufficienter edocta, non tamen forent ita passim ab omnibus explicatæ, & in particulari cognitæ; neque ita determinatè & particulariter passim omnibus propositæ, siue ex aliquâ negligentia debita instructionis faciendæ, siue quodd distincta illa cognitio non esset ita omnibus necessaria; sed satis esset, quodd tenerentur illæ veritates saltem implicitè cum alijs, & non doceretur aut sentiretur aliquid contrarium.

167 Vnde etiam fit, quodd fideles ad eas explicatè, & in particulari credendas non obligantur, quamdiu sic quasi latent, & non

manifestè proponuntur tanquam quæ ad fidem pertineant, & proinde habeantur de illis aliquando diuersæ disputationes. Sed quando aliqui incipiunt pertinacius docere contrarium, & passim fidelibus obtrudere, tunc Ecclesia celerius aut iardius pro materig ratione & grauitate curat perquiri & examinari Depositum suum, de quo Apost. 2. ad Timoth. c. i. quod tum in Scripturis, tum in antiquis SS. Patrum traditionibus accepit à Christo & Apostolis custodiendum; & inde quæstiones metas elucidaat & definit. & hæreses damnat.

Sed contrâ Opponitur: Apostoli Act. cap. 15. celebrarunt Concilium, & conquisitionem fecerunt, vtrum eos, qui ex gentibus credebant, oporteret circumcidi, & deberent obseruare Legem Moysis, prout quidam descendentes de Iudæa docebant fratres; ergò Apostoli non videntur quoque nouisse omnes fidei veritates, nequidem post acceptum in die Pentecostes Spiritum Sanctum; sed pro occurrentibus necessitatibus in eis fuisse per Spiritum S. diuinitus instructi: & per consequens potest dici similiter Ecclesiæ contigisse post eorum tempora.

Et Confirmatur: Quia Act. 10. Petrus ex visione vasis descendentes velut lintei magni, in quo erant omnia quadrupedia, & serpentina terræ, & volatilia cæli; & ex voce ad eum factâ: Surge Petre, occide & manduca: Item ex illâ: Quod Deus purificauit, tu commune ne dixeris; cognouit etiam gentibus gratiam Euangelicam esse prædicandam; quod videtur prius vsque ad illam visionem ignorasse: excusabat enim se dicens: Absit Domine, quia nunquam manducaui omne commune & immundum; ergò &c.

Respondetur Primò: Argumeta illa, si quid efficerent, hoc tamen solum probarent, quodd Apostoli non statim ab accepto Spiritu Sancto fuissent consecuti illam plenitudinem cognitionis eorum omnium, quæ ad fidem Christianam pertinent, quam eis tribuimus: sed quodd sensum & per occasionem fuissent eis patefacta, prout nonnulli non omnino improbabiler existimant: non autem probarent, quodd non omnem cognitionem in toto legationis suæ tempore habuissent, quod ad minus de illis tanquam primis fidei Christianæ Magistris tenendum est. Hinc Apostolus ad Ephesios cap. 2. Fideles seu Christianos quos vocat ciues & domesticos Dei, dicit superædificatos super fundamentum Apostolorum & Prophetarum.

Addo autem, licet non omnino improbabiler quidam existiment, vt diximus, Apostolos sic successiue consecutos fuisse omnium mysteriorum fidei plenam cognitionem.

gnitionem, nihilominus tamen longè probabilius & verius esse, quòd statim in die Pentecostes receperint plenitudinem donorum Spiritus Sancti in tantà abundantia, vt ex tunc nouerint omnes fidei veritates, quæ fidelibus essent credendæ, & vt crederent proponendæ, siue ad cognitionem speculatiuam, siue ad practicam fidei cognitionem pertinerent. Nā illo die cœperunt ex professo fungi legatione pro Christo, & annuntiare Euangelium omni creaturæ: ergo tunc acceperunt virtutem, & omnem scientiam necessariam, vt essent idonei ministri, & vniuersales magistri noui Testamenti.

172 Confirmatur Primò: Quia complebantur vaticinia Prophetarum de effundendo spiritu Domini super omnem carnem, vt docet Petrus Act. 2. & implebantur promissiones Christi de Spiritu Sancto Apostolis mittendo, qui doceret eos omnem veritatem, & suggereret omnia cum pleno intellectu, quæ aliquando ex Christo audierant. Confirmatur Secundò: Quia dicendum est, quòd ministri noui Testamenti in die Pentecostes, quando lex noua promulgari cepit generaliter, non minorem lui ministerij acceperint notitiam, quàm Moyses in monte Sinai, dum à Domino acciperet legem antiquam, & eius institueretur minister & promulgator: atqui Moyses tunc legis antiquæ & legalium ceremoniarum plenam accepit cognitionem; & similiter totius tabernaculi, & vasorum formam & constructionem plenè cognouit, iuxta illud Exod. c. 26. *Et eriges Tabernaculū iuxta exemplar, quod tibi in monte monstratum est:* ergo dubitandū non videtur, quin Apostoli ministri noui Testamenti acceperint in solemnī promulgatione Euangelicæ legis, plenitudinem cognitionis eiusdem legis, & omnium eorum quæ ad Ecclesiæ noui Testamenti institutionem, & ædificationem erant necessaria.

173 Quare Respondetur Secundò ad argumentum antè positum: Quòd Apostoli celebrauerint Concilium, & fecerint conquisitionem super difficultate tunc motā, non quòd ignorarent gentes ad fidem conuersas non esse obligandas ad circumcisionem, & legem Moysi obseruandam; sed quia communi autoritate vouerunt sic in primo illo Concilio decernere & declarare, quòd iam prius à Spiritu Sancto didicerant: idque his de causis, videlicet, tum vt efficacius, & minori cum obloquio reprimerent eos, qui ex circumcisione fortius illud inculcabant, & vehementius urgebant: tum etiam, vt animos gentiliū iam conuersorum, qui contraria doctrinā

multum perturbati erant, suauius componerent & quietarent.

Conquisitionem autem faciebant, non quòd de re ipsā dubitarent; sed vt aptis testimonij Scripturæ Sacre id ipsum persuaderent Iudæis aliter sentientibus. 174

Ad illud, quod in confirmationem adducitur de Diuo Petro, dicendum est, similiter istam visionem ei exhibitam fuisse, non quòd ad illud vsque tempus nescierit gratiam Euangelicam gentibus esse annuntiamdam, eisque communicandam (hoc enim ignorare non potuit, accepto præsertim iam Spiritu Sancto, cum Christus etiam ante ascensionem suam demandasset Apostolis, vt euntes in mundum vniuersum prædicarent Euangelium omni creaturæ Marci ult. & vt docerent omnes gentes, baptizantes eos, In nomine Patris, & Filij, & Spiritus Sancti, Matth. ult.) sed alijs de causis, videlicet tum vt intelligeret iam tempus aduenisse Euangelium gentibus communicandi, tum etiam vt haberet particulare argumentum, quo satisfaceret fidelibus ex circumcisione conuersis, qui multum erant hæc re offendi, aut perturbandi, vtpote qui nimirum tribuentes suæ electioni in Dei populum, & suis prærogatiuis, existimabant gentes non esse admittendas ad gratiam Euangelicam, aut saltem non nisi prius efficerentur prosceliti, & circumciderentur, ac legalium ceremoniarū obseruantiam profiterentur. 175

Indicat illud D. Chrysost. hom. 22. in Acta, vbi sic scribit hæc de re: Quoniam igitur accusaturi erant omnes Petrum tanquam prævaricatorem, necessariò tempesti- 176 què dixit, Nunquam comedi commune & immundum; numquid ipse timuerat? absit, sed spiritus ita moderabatur eum, vt defensionem habeat contra eos, qui reprehensuri erant; moderabatur, inquam, ita vt prius recusaret quasi timeret manducare, vt proinde ex imperio Spiritus Sancti se agere posset attestari quod agebat, vt sic minus fratres ex circumcisione offenderentur & contradicerent.

177 Quæritur Secundò: Vtrum Ecclesia post Apostolorum tempora per succedentes ætates sit semper minus docta, minusque intelligens in mysterijs fidei? Ratio dubitandi sumitur ex eo, quod scribit D. Thom. hic in Responione ad quartum. Et ideo illi, qui fuerunt propinquiore Christo, vel ante, sicut Ioannes Baptista, vel post, sicut Apostoli plenius mysteria fidei cognouerunt.

Respondetur tamen negatiuè: quamuis enim loquendo de temporibus aduentum Christi antecedentibus rectè dici possit, quòd Ecclesia per singulos status, saltem 178

C iij in ali-

in aliquibus principibus populi fidelis, creuerit in fide explicatori: v. g. quia Moyses explicatius intellexit quædā, quā Abraham: Item Dauid, Isaias, & alij quidam plenius forsitā, quā Moyses: & deniq; Iohannes Baptista Præcursor Domini perfectius, quā omnes in antecedentibus sæculis; non tamen dicendum est de temporibus aduentum Christi subsequen-
tibus, quod quanto magis secundum tem-
pus à Christo distamus, tanto maioribus tenebris Ecclesia (vt heretici volunt) in-
uoluatur: quia licet sensim magis magis-
que fuerit illuminata, quanto propius ad
Solem Iustitiæ Christum accederet, non
tamen, vbi iam seculum plenum lumen rece-
pit, iterum deficit, & illud sensim amittit:
sed semper in iuuentute quasi perseverans
conseruat diligenter omnem cælestem do-
ctrinam sibi traditam.

179 Hoc pulchrè docet Irenæus lib. 3. ca. 4.
Prædicationem (inquit) Ecclesiæ vndiq;
constantem, & æqualiter perseverantem
per initia, medietates, & finem, & vniuer-
sam Dei dispositionem perceptam ab Ec-
clesiā, custodimus, quæ semper à Spiritu
Dei quasi in vase bono eximium quoddā
depositum conseruat, iuuenescens & iu-
uenescere faciens ipsum vas. Vnde nō sine
blasphemia vociferantur heretici, quod
Ecclesia aliquando præ senio delirer: non
enim sine effectu fuit, & est eius oratio;
qua Deum rogat edocta per Spiritum
Sanctum. *Vsq; in senectam & senium Deus ne
derelinquas me, donec annuntiem brachium tuū
generationi omni, quæ ventura est.*

180 Quod itaque Diuus Thomas dicit, vi-
ciniore Christo plenius mysteria fidei co-
gnouisse, accipiendum est de accedenti-
bus propius ad Christi aduentum quoad
eos qui Christum præcesserunt; non au-
tem de sæculis subsequen-
tibus. Id enim
sufficiebat proposito eius ad declarandū,
quod per temporum successionem creuif-
set fides explicator vsque ad Christum,
quando facta est vltima consummatio gra-
tiæ, & aduentus plenitudo temporis. Quod
clarius intelligitur ex verbis Diui Grego-
rij Hom. 26. in Ezechielem, quem D. Th.
imitatur; vbi sic scribit: Secundum incre-
menta temporum creuit scientia Sancto-
rum Patrum; quanto viciniore aduentui
Saluatoris fuerunt, tanto Sacramenta sal-
utis plenius percæperunt.

181 Ratio autem diuersitatis facillè ex dictis
percipitur. Hoc interim etiam concedi
potest, quod Ecclesiæ Patres subsecuti
aduentum Christi, qui fuerunt Apostolo-
rum temporibus viciniore, fuerint magis
illuminati & edocti immediatè per Spi-
ritus Sancti vñctionem, & instructionem in

Scripturarum sanctarum sensu & intelli-
gentiā, quā posteriores: sed tamen inde
non sequitur, quod Ecclesia semper des-
cendendo sit minùs docta, & intelligens
in fidei mysterijs: quia quod primi Patres
didicerunt immediatius per Spiritum San-
cti instructionem, hoc posteriores acce-
perunt ex illorum laboribus & scriptis Ec-
clesiæ relictis, qui fideliter vestigijs Pa-
trum suorum insistentes seduli antiquorū
omnium sapientiam exquirunt. Vnde &
de quibusdam Conclusionibus Theologi-
cis possunt etiam acquirere aliquando
scientiam clariorem: neq; tamen propter
ea nouissimi Doctores sunt pluris æsti-
mandi; sunt enim veluti paruuli (inquit
Bannes) super humeros gigantum, quos
mirum non est, si gigantum proceritate
elevatoros contingat aliquantulum longius
videre.

ARTICVLVS VIII.

*Virum Articuli fidei conue-
nienter enumerentur?*

C Onclusio Diui Thomæ est affirmati-
ua: quam probat Ecclesiæ autori-
tate sic enumerantis fidei Articulos. Quod
autem attinet ad eorum numerum, quidā
Symbolum distribuunt in Articulos quorū
quatuordecim, quorum septem referunt ad
diuinitatem, & septem alios ad Christi hu-
manitatem, vt latius explicat D. Th. in
Corpore. Illa enim duo maximè per se ad
fidem attinent: diuinitas quidem Sanctis-
simæ Trinitatis, quia eius visione & frui-
tione in futurā vitā beatificabimur: Hu-
manitas autem Christi, quia per illum ha-
bemus accessum in illam gloriā filiorum
Dei, vt dicitur ad Rom. 5.

183 Sed receptior & magis probata diuisio
est, quā distribuitur Symbolum in articu-
los duodecim, prout in Catechismo Ro-
mano & in alijs diuidi solet: quomodo &
D. Leo Epistola 13. ad Pulcheriam Aug-
ustam, illud diuidi significat: Siquidem
(inquit) ipsa Catholici Symboli breuis
& perfecta confessio, quæ 12. Apostolo-
rum totidem est signata sententijs tam
instructa sit munitione cælesti &c. Quod
etiam docet Aug. serm. 151. De tempore,
& Rufinus in Confessione fidei.

ARTICV.

ARTICVLVS IX.

*Utrum conuenienter Articuli
fidei in Symbolo ponantur?*

184 **C**onclusio Diui Thomæ est affirmatiua: quam similiter authoritate Ecclesiæ confirmat. Et declaratur, quia omnino conueniens & quasi necessarium est, quòd ea, quæ sunt principalia capita fidei nostræ, & ab omnibus sciri ac credi debent, redigerentur in vnum aliquod breue & dilucidum compendium pro simpliciorum faciliiori instructione: quia propter Scripturæ prolixitatem & obscuritatem non poterant ex ea omnes petere articulos sibi credendos, vt habet hic D. Thomas. Deinde hæc fidei articulorum compendiosa & clara collectio, necessaria fuit ad seruandam fidei, cuiusque prædicationis apud omnes gentes conformitatem: vt indicat Irenæus lib. 1. cap. 3. ac simul vt omnes in promptu habeant formulam professionis fidei Christianæ contra errores, & hæreses.

185 Vocatur autem istud compendium fidei Symbolum, siue quia est quædam articulorum fidei collatio facta à pluribus, scilicet à duodecim Apostolis; siue quia est veluti signum & tessera, cuius gestatione ac professione dignoscitur & distinguitur Christianus à gëtilibus & infidelibus; siue propter vtrumque; vt docet Clemens Rom. epistola 1. Et rectè quidem, quia vtrumque cum duplici nominis symboli significatione conuenit, & vtrumque optimè in rem ipsam quadrat.

186 **N**OTANDVM autem Primò, sermonem hic esse de Symbolo, quod dicitur Apostolorum: quia scilicet ab Apostolis est compositum, & nobis traditum, vt patet ex verbis Leonis artic. præcedenti adductis; & docent antiquiores Patres, vt Clemens loco citato, Irenæus lib. 1. cap. 2. & lib. 3. cap. 4. & Tertull. lib. contra Praxeam in principio: vbi recitat articulos huius Symboli, & dicit hæc fidei regulam esse omnibus hærelibus antiquiorem. Vnde necesse est, eam ab Apostolis descendisse. Similiter sentient Hieron. epistola ad Pamachium de erroribus Ioannis Hierosolymitani, Ambr. epistola 81. & alij.

187 **N**OTANDVM Secundò, præter hoc Symbolum, quod dicitur Apostolorum, tria adhuc esse alia in Ecclesiâ recepta: quæ aliquantulum explicatiùs continent pleaque, quæ ad Trinitatem, & mysterium Incarnationis pertinent: quorum primum est Symbolum Nycænum, editum in pri-

mo Concilio generali in Nycænorum vrbe contra hærelim Arij. Secundum est Constantinopolitanum editum in Concilio secundo generali Constantinopoli celebrato contra Macedonium, in quo adduntur quedam ad Symbolum Nycænum, pertinentia ad diuinitatem Spiritus Sancti; estque illud quod legimus modò in officio Missæ, præter quam quod ei fuerit additum à Latinis circa an. Dom. 600. vt notat Bellarm. lib. 2. De Pontifice cap. 14 illud, *Filiog.* Tertium est Symbolum Athanasij, quod in horis Canonicis ad Primam legitur diebus Dominicis: estque summæ authoritatis, non tam quia est Athanasij; sed quia iam olim ab vniuersâ Ecclesiâ est receptum. Quod autem fuerit à Diuo Athanasio compositum docet Nazianzenus Oratione de laudibus Athanasij, vbi vocat Confessionem Athanasij, quam omnes Ecclesiæ amplectuntur.

ARTICVLVS X.

Utrum ad Summum Pontificem pertineat fidei Symbolum ordinare?

188 **C**onclusio D. Thomæ est: Ad solam authoritatem Summi Pontificis pertinet noua editio Symboli, sicut & omnia alia, quæ pertinent ad totam Ecclesiâ. Probat autem huiusmodi ratione: quia editio noua Symboli dum fit, ordinatur ad vitandos insurgentes errores, vt constat de Nycæno, & Constantinopolitano; ergò eius editio pertinet ad eum, ad quem spectat determinare finaliter ea, quæ fidei sunt, vt ab omnibus inconcussa fide teneantur: hoc autem pertinet ad authoritatem Summi Pontificis; ad quam maiores & difficiliore Ecclesiæ quæstiones referuntur, vt dicitur (inquit) dist. 43. qu. 6. cap. Oppressus. Quod etiam confirmat ex cap. 22. Lucæ; vbi dicitur Petro: *Et tu aliquando conuersus, confirma fratres tuos.*

189 Probatur ratione: quia vna debet esse fides totius Ecclesiæ, quod seruari non posset, nisi quæstio fidei de fide exorta determinetur per eum, qui toti Ecclesiæ præest, vt sic eius sententia à totâ Ecclesiâ firmiter teneatur. Vbi Diuus Thomas tanquam notorium & indubitatum supponit, Rom. Pontificem toti præesse Ecclesiæ.

TRACTA-

TRACTATUS

DE

PONTIFICE.

OCASIONES eorum, quæ hic habet & tradit Diuus Thomas, solent ad finem primæ huius quæstionis plerique Commentatores disputationes aliquot admodum hisce temporibus viles ac necessarias adiungere: scilicet, De Pontifice Romano: De Ecclesia: De Scripturis: De Traditionibus, & Concilijs: quorum proinde vestigijs insistentes etiam breuem aliquem tractatum de singulis, præterquam de Scripturâ sacrâ, de quâ in prima Parte agit D. Thomas, subiungemus.

DVBIUM I.

Utrum Christus Dominus Ecclesiæ suæ toti præfecerit unum aliquem, nimirum Petrum, quando ipse secundum visibilem præsentiam ab eâ erat abcessurus?

1 Negant hæretici nostri temporis, qui nolunt agnoscere in Ecclesiâ regimen monarchicum à Christo Domino institutum, & hominibus commissum: sed contendunt esse aristocraticum, & democraticum. In cuius tamen explicatione nec ipsi inter se conueniunt, ut ostendit Bellarm. lib. 1. de Pontifice cap. 5.

2 Catholici è contra omnes docent Petrum fuisse à Christo præpositum toti Ecclesiæ, adeoque totius Ecclesiæ caput fuisse constitutum, ac vniuersale regimen eidem, tanquam Vicario Christi in terris, commissum. Estque hæc certa doctrina de fide, quam latè tradunt Sanderus lib. 6. Monarchiæ visibilis, & Bellarm. lib. 1. de Pontifice.

Probat autem ex Scripturis sacris, præsertim ex duobus locis: in quorum altero promittitur Primatus Petro, & in altero ei exhibetur; ac simul ex antiquis Patribus Græcis & Latinis sic intelligentibus, & interpretantibus eadem loca.

Prior locus habetur Matthæi 16. vbi Christus dicit Petro: *Tu es Petrus, & super hanc Petram ædificabo Ecclesiam meam: & tibi*

dabo clauis Regni Cælorum: & quodcumque ligaueris super terram, erit ligatum & in cælo, & quodcumque solueris super terram, erit solutum & in cælo. Quorum verborum planus & obuius sensus est, ut intelligamus sub duabus metaphoris promissum Petro totius Ecclesiæ Principatum. Vna metaphora consistit in formâ & ratione fundamenti & ædificij: quod enim fundamentum est in ædificio, id in corpore communitatis est Superior; in regno, Rex; in Ciuitate, Magistratus; in domo, Pater-familias. Altera desumitur à Clauibus: Cui enim traduntur Clauis Ciuitatis, agnoscitur ille vel Dominus, vel instituitur Rector & Gubernator, qui quos vult admittat, quos vult, excludat.

Ut autem efficaciam argumenti ex hac Scriptura petiti, elidant, aut potius eludant, effingunt hæretici diuersas interpretationes dictorum verborum contortas, & ab omni loquendi modo alienas. Vnde in primis negant Petrum designari, per Petram, quando dixit Christus: *Et ego dico tibi, quia tu es Petrus, & super hanc Petram ædificabo Ecclesiam meam:* quod manifestè est inferre vim sermoni & contextui. Declaratur hoc primò: nam illud pronomen, *Hanc*, cum dicitur, *& super hanc Petram*, demonstrat aliquam Petram, de quâ paulò antè Dominus sit locutus: proximè autem Dominus Petrum dixerat *Petram*: loquebatur enim Syriacè, & lingua Syriacâ Petrus dicitur *Cephas*, ut patet ex cap. 1. Ioannis: *Cephas* autem Petram significat, vt Hieron. docet in 2. cap. ad Galatas: & notissimum est apud peritos illius lingue. Dixit ergo Dominus: *Tu es Cephas, & super hoc Cepha ædificabo* &c. quod Latine sonat: *Tu es Petrus, & super hanc Petram ædificabo Ecclesiam meam.* Vnde euidenter constat non posse absque summâ contortione illud pronomen *Hanc* referri ad aliud, vel aliud demonstrare, quàm Petrum, quem Christus iam dixerat Petram. Deinde, quia nihil ad rem faceret id, quod Christus promittit: *Quia tu es Petrus, huc Petrus.* Accedit quòd non sine mysterio, Christus Ioannis 1. dixerit

dixerit Simoni, quod esset appellandus Cephæ: quod tamen euacuabitur, & nulum erit, illud, *Super hanc Petram*, detorqueatur aliò, quàm ad Petrum.

Græcus autem Interpres vertit priori loco, *Πτρω*, & secundo loco *Πτρω*, ideo quòd apud Græcos Petra & Petros idem significant. Putauit verò conuenientius, nomen illud sub genere masculino attribui personæ præsertim viro, quàm sub feminino. Ad efficacius tamen & clarius explicandam metaphoram, quâ Dominus vititur in illis verbis, voluit secundo loco non dicere siue vertere: *Super hoc Petro*, quod sensum & intentum magis fecisset ambiguum & obscurum; sed *Super hanc Petram*: quod nomen, quia non aliud significat quàm saxum, dat clarè & plenè intelligi quòd Dominus Simonem iam appellatum Petrum, seu Petram, vellet constituere Petram & fundamentum Ecclesiæ. Et hinc latinus Interpres ob eandem causam secutus est Græcum, & Cephæum primo loco vertit quoque Petrum, & secundo loco Petram.

Præterquam autem quòd sensus hic per se sit obuius, & ita incurrat in animum omnium legentium, vt non permittant verba vel alium pene concipere, in super confirmatur ex Sanctis Patribus, ac in primis totum Concil. Calcedonense in quo fuerunt 630. Patrès, Actione 3. Petrum vocat Petram, haud dubiè respiciens ad hæc Christi verba. Et iam à mille ducentis annis in Ecclesijs decantatum est ex versibus Diui Ambrosij: Hoc ipsa Petra Ecclesiæ canente, culpam diluit, vt testatur D. August. lib. 1. Retractionum cap. 21. qui sensus etiam (inquit) cantatur ore multorum in versibus beatissimi Ambr. vbi de gallo gallinaceo ait: hoc, ipsa Petra Ecclesiæ, canente culpam diluit. D. Athanas. epistola ad Felicem, quam suo & Synodi Alexandring nomine scribit: Tu es Petrus, inquit, & super fundamentum tuum Ecclesiæ columna (id est Episcopi) sunt confirmatæ. Basil. lib. 2. contra Eunomium: Petrus propter fidei excellentiam, Ecclesiæ ædificationem in se ipsum suscepit. Greg. Nazianzenus in oratione de seruanda moderatione: Petrus, inquit, Petra vocatur, atque Ecclesiæ fundamenta fidelis sue credita habet. Chrysost. hom. 55. in Marthæum: Dominus ait: Tu es Petrus, & ego super te ædificabo Ecclesiam meam. Vide eundem hom. 4. in cap. 6. Isaie. Euthimius autem interpretatur eadem verba, quasi Christus dixisset: Te ponam fundamentum credentium. Cyril. lib. 2. in Ioannem cap. 2. nec Simon fore iam nomen illi, sed Petrus, prædicit, vo-

cabulo ipso commodè significans, quod in eo tanquam in Petrà, *super* pedem firmissimo suam esset ædificaturus Ecclesiam. Tertul. de Præscriptionibus aduersus hæreticos: Latuit aliquid Petrum ædificandæ Ecclesiæ Petram dictum? Hilarius in cap. 16. Matth. ô in nuncupatione noui nominis felix Ecclesiæ fundamentum, dignaque illâ ædificatione Petra, quæ inferorum leges dissolueret; & cæli Ianitor &c.

Vbi ineptè vel potiùs dolo malo ad marginem appositæ hæc verba Erasmus: FIDES ECCLESIAE FVNDAMENTVM: cum Hilarius eo loco, nequidem nominauit fidem, & satis constet non fidem, sed Simonem nouo nomine nuncupatum, ipsumque esse qui dicitur, Beatus cæli Ianitor. Ambros. serm. 47. Denique, inquit, pro soliditate deuotionis Ecclesiarum, Petra dicitur; sicut ait Dominus: Tu es Petrus, & super hanc Petram ædificabo Ecclesiam meam: Petra enim dicitur, quòd primus in actionibus fundamenta posuerit, & saxum immobile totius operis Christiani compagem molemque contineat. Hieron. in cap. 16. Matthæi Secundum metaphoram Petræ rectè dicitur ei: Ædificabo Ecclesiam meam super te. August. in Psalmos contra partem Donati: Numerate Sacerdotes, vel ab ipsa Petri sede. Ipsa est Petra, quam non vincunt superbiæ inferorù portæ: & serm. 15. de Sanctis: Petrum itaque fundamentum Ecclesiæ Dominus nominauit, & ideo dignè fundamentum Ecclesia colit, supra quod Ecclesiastici edificij altitudo consurgit. D. Leo serm. 2. de Annũuersario die assumptionis suæ ad Pontificatum, postquam recitasset illa Christi verba: Tu es Petrus &c. subiungit: Manet ergò dispositio veritatis, & Beatus Petrus in acceptâ fortitudine Petræ perseuerans, susceptæ Ecclesiæ gubernacula non reliquit. D. Greg. lib. 6. epistola 37. Quis nesciat Ecclesiam in Apostolorum Principis soliditate firmatam. Eodem modo locuti sunt plures antiquissimi Pontifices, vt Clemens, Anacletus, Marcellus, Pius, Iulius, & alij.

Vnde apparet hæreticorum impudentia, qui negare volunt ab antiquis ita fuisse Christi verba intellecta: & Caluinus, quidem dicit, quod pro sua interpretatione possit antiquos adducere, sed quòd in re tam clarâ nolit lectori esse molestus, quòd addit, vt temeritate didi occulcet.

Oponi tamen potest D. Augustinus, qui tractatu vltimo in Ioannem, indicat Matthæi c. 16. per Petram designari Christum, non Simonem Ioannis: Super hanc (inquit) Petram, quam confessus es, ædificabo Ecclesiam meam. Et lib. 1. Retractionum

ætationum c. 2. i. expressè retractat, quod dixerat alicubi, super Petrum edificatam esse Ecclesiam, & docet super Christum potius ædificatam dici debere, & sic intelligendum hunc locum, de quo agimus. Vnde & Caluinus in hunc sensum, etsi paulò loquatur obscurius, videtur eundem locum exponere: ait enim esse perspicuum, super quam Petram ædificetur Ecclesia, cum Apostolus dicat 1. ad Corinth. 3. *Fundamentum aliud nemo potest ponere, præter id quod posuit est, quod est Christus Iesus.*

10. Responderetur D. August. quidem magis propendisse in eum intellectum, ut per hanc Petram intelligatur designari Christus, non Petrus: idque propter hæresim Donatistarum, qui volebant iustitiam esse ab homine baptizante; & potuissent apparens aliquod accipere inde argumentum, si admitteretur Ecclesia ipsa super homine Apostolo Petro fundata. Neque ita facile eum percepisse sensum istum verbis Scripturæ nimis esse incommodum, quia ignorabat, aut non ita attendebat ad vim sermonis Hæbrei siue Syriaci, quo vsus est Dominus, & quo Mattheus Evangelium suum conscripsit. Nam Augustini argumentum est, quia non est dictum: *Tu es Petrus*; sed *tu es Petrus*, quod apprehendit esse quasi nomen denominatiuum respectu Petri, sicut Christianus respectu Christi, & proinde non inconuenienter hæc sic intelligi: Dico tibi, quia tu es Petrus, & super hanc Petram, videlicet à quâ tu diceris Petrus seu Petrus (ut ita loquar) ædificabo Ecclesiam meam.

11. Verum iam ex supra dictis patet Christum dixisse suo sermone, quo vsus fuit, *Tu es Petra* siue *Cephas*: & quod Interpretes Græcæ & Latine posuerint tamen nomen Petrus masculinè potius, quàm nomen Petra cum quo plene idem significat, propter rationem ibidem explicatam. Vnde in nomine Petrus videtur deceptus D. August. quando existimauit esse concretum aut denominatiuum à Petra. Quare ab alijs Patribus hæc Scriptura semper nostro sensu fuit intellecta. Accedit quòd Diuus Augustinus non reprobet aliorum Patrum sententiam, nec putet esse blasphemum (ut censet Caluinus) Ecclesiam ædificatam super Petrum: Ita enim scribit loc. citato: Dixi in quodam loco de Apostolo Petro, quòd in eo tanquam in Petrà fundata sit Ecclesia; qui sensus canatur etiam ore multorum &c. & statim post: Sed scio me postea sæpissimè sic exposuisse, ut super hanc Petram intelligeretur, quem confessus est Petrus: non enim dictum est illi: *Tu es Petra*, sed *tu es Petrus*: Petra autem erat Christus. Deinde

adiungit: Harum autem nostrarum sententiarum quæ sit probabilior, eligat lector. Ex quibus liquet, quod D. August. de ipsa re idem nobiscum sentiat, quomuis de intellectu Scripturæ dubitet, vel in aliù propendat, quia aliquin non reliquisset lectori libertatem eligendi, si vnam partem existimasset continere doctrinam cõtariam veritati fidei.

Ad id verò quod allegat Caluinus ex Apostolo ad Corinth. Respondetur neminem Christianum dubitare, quin Christus sit Ecclesiæ fundamentum; & quidem primum ac principale, & in suo ordine ex multis titulis omnino singulare.

13. Ipse namque fundamentum Ecclesiæ est, quia fides & religio circa ipsum tanquam principale obiectum versatur quatenus Deus est, & secunda in Trinitate personæ & ut filius hominis est, quatenus scilicet assumptà naturâ humanâ. nos à peccatis liberauit, & in libertatem filiorum Dei restituit. Vnde quicumque partem volunt habere in ædificio Ecclesiæ, debent ante omnia credere & confiteri, quia Christus est filius Dei, qui missus est in mundum, non ut iudicet mundum, sed ut mundus saluetur per illum: prout vbique proclamat Scriptura Sacra.

Deinde ipse Ecclesiæ fundamentum est, quia ex propriâ & herili autoritate Doctor est Ecclesiæ, Legislator & Rector: Vnde ad Hebr. 3. de illo dicitur. *Amplior enim gloria iste præ Moyse dignus habitus est, quia amplior honorem habet quàm domus, qui fabricauit illam. Et Moyses quidem fidelis erat in tota domo eius tanquam famulus in testimoniis coram qua dicenda erant: Christum verò tanquam filium in domo sua: quæ domus sumus nos &c.*

15. Tertiò ipse fundamentum est, quia tanquã Author & causa principalis influit in Ecclesiam, et quæque membra omnem vitam & motum supernaturalem. Denique ipse finis & summum bonum Ecclesiæ est, cuius participatione & associatione sperat aliquando in æternum effici beata. Istis ergo modis Christus est Ecclesiæ fundamentum, & quidem prorsus singulare, sic ut nemo fundamentum aliud illius ordinis possit ponere præter id quod positum & prædicatum est ab Apostolis & à Paulo, quod est Christus Iesus: quicumque enim vult aliud istius ordinis ponere, vel hoc negare, mox Ecclesiam totam, eiusque religionem subuertit ac euertit, sicuti Mahumetani, Indæ, Gentiles.

16. Sed sicut in ædificio materiali est assignare duplex fundamentum, vnum primum, & per se locatum ac fundans alia, nec aliter subnixum, cuiusmodi v. g. est solidus terræ fundus vel rupes, in qua edificatur;

ficatur; & alterum fundamentum secundarium fundamentum in primo, ut lapides superimpoliti solido fundo terræ: sic etiam in ædificio Spirituali Ecclesiæ potest duplex fundamentum assignari: vnum primum non fundatum super alio, sed alia fundans: & aliud secundarium fundatum in altero. Primum ergo Ecclesiæ fundamentum iuxta explicata est Christus, & quidem solus: Secundarium autem Petrus à Christo constitutus, & in Ecclesiastico ædificio locatus, qui proinde etiam in Ecclesiâ, non vt hæres & dominus in domo sua, sed vt famulus in domo Dei, Ecclesiæ Christi præest & regit: quod sine Christi iniuriâ fieri posse nemo non videat.

17 Opponuntur Secundò quædam ex alijs Patribus, quibus videtur significare non super Petrum, sed super fidem aut confessionem fidei ædificari Ecclesiâ; vt ex Hilario lib. 6. de Trinitate, vbi ita scribit: Super hanc confessionis Petram Ecclesiæ ædificatio est. Item, hæc fides Ecclesiæ est fundamentum: per hanc fidem infirmæ aduersus eam sunt inferorum portæ: hæc fides regni cælestis habet clauas. Et D. Ambr. lib. 6. in Lucam cap. 9. Fundamentum Ecclesiæ fides est: ex Chryl. hom. 35. in Matt. Super hanc Petram ædificabo Ecclesiâ meam, id est, (inquit) fidem atque confessionem: ac denique ex Cyrillo lib. 4. de Trinitate: Petram opinor nihil aliud, quam inconcussam & firmissimam discipuli fidem vocatur. Et adhuc modum Lutherani passim exponūt citata Christi verba, vt super fidem significari velint Ecclesiâ ædificandâ: quod ex allegatis videtur probari.

18 Sed Respondetur, fidem siue confessionem fidei posse duobus modis considerari: vno modo absolute secundum se, & sine relatione ad Petrum, & hoc modo volunt hæretici Ecclesiâ dici ædificandam super fidem, sed admodum incongruè: primò, quia si ita esset, non fuisset ratio, cur Christus diceret: *Ædificabo, sed ædificauit, & ædifico*: iam enim multi crediderant in Christum & vt venturum, & de post vt adnisset, vt Patriarchæ, B. Virgo, Simeon, & alij. Deinde non esset connexio tunc orationis: dicit enim Christus, *Quia tu es Petrus, & super hanc &c.*, vbi illud pronomen *Hanc*, necessariò demonstrat aliquid, quod iam proximè præcesserit, Tertiò, etsi fides absolute posita rectè dicatur fundamentum iustitiæ, non tamè Ecclesiæ: quia fundamentum & ædificij partes sunt res eiusdem generis: est autè Ecclesiâ hominū congregatio, quasi lapidū viuorū, vt dicitur 1. Petri c. 2. debet ergo fundamentū huius ædificij esse lapis quoq; viuus ex hominibus, non aliqua qualitas.

19 Alio igitur modo potest fides, aut fidei

confessio considerari, scilicet cum relatione ad personam Petri: & sic quidem dici, quodd Ecclesiâ sit ædificanda super confessione seu fide nō cuiusvis hominis, sed Petri: non etiam vt priuati hominis, sed vt Pastoris Ecclesiæ: hoc enim, quo ad rem concidit cum eo, quod hæcenus diximus, scilicet super Petro significari Ecclesiâ ædificandam, qui nimirum suâ doctrinâ sustineat Ecclesiæ ædificium in sanâ fide, iuxta illud Christi, Lucæ 22. *Ego autem rogavi pro te, vt non deficiat fides tua. & tu aliquando conuersus confirma fratres tuos.* Sic enim modus loquendi satis vtilitatem permittit, vt actio aut proprietates attribuat nunc supposito, nunc virtuti, aut qualitati, per quem aut ratione cuius suppositū causat, vel recipit proprietatem: & hoc sensu loquuti sunt S. Patres: ac in primis Cyrillus expressè refert ad inconcussam & firmissimam discipuli fidem, non ad fidem omnium credentium: quod & Hil. loco citato satis declarat: addit enim Petrum supereminenter beatæ fidei confessione, locum commeruisse: vt videlicet fundamentū & Caput Ecclesiæ statueretur: ac paulò infra: Hinc (inquit) regni cælorum habet clauas, hinc terrena eius iudicia, cælestia sunt: &c. quod & de reliquis satis patet; quia alijs locis indifferenter dicunt Ecclesiæ ædificari super Petro; & Petrum esse Ecclesiæ fundamentum aut eius fidem esse Petram.

20 Sed cōtrâ replicat quidā Sectarius: Si super Petro siue eius fide, aut cōfessione fuisset fundata Ecclesiâ, mox corruisse dicenda foret: nam eodē capite dicit Christus Petro: *Vade post me Satana: scandalū es mihi, quia nō sapi ea quæ Dei sūt, &c.* Deinde in passione ter Christū negauit: ergo id dici nō potest.

21 Respondetur Primò cum D. Hier. in cit. cap. Matt. Petrum, quando audiuit, *Vade post me Satana*: & quando negauit Christū, nondum de facto fuisse constitutū fundamentum; quia hoc loco tantum promissit Dominus, quod post resurrectionē impleuit. Deinde cum dixit Petro, *Vade post me Satana*, non errabat tunc Petrus in fide; sed laborabat quādam ignorantia, nec satis intelligebat mysterium & necessitatem passionis Christi: idque eo minùs, quod tantā de Christo haberet existimationem, & talē præmisisset de eo confessionem: vnde apprehendebat illa quæ Christus referebat sibi obuentura, tanquam nimis Christo indigna. Similiter quando Christum in passione negauit, non à fide, sed à charitate excidit, vt infra ampliùs dicitur.

22 Et huiusmodi quidem sunt argumenta vnius classis, quibus heretici enervare conantur, ne ex dictis Christi verbis statui queat Primatus Petri. Deinde adiungunt

D & alia

& alia alterius classis, scilicet etsi verum esset, quod ibi per hanc Petram designaretur Petrus, & diceretur super eo ædificanda Ecclesia, nihilominus tamen inde non sequitur ergo Petrus est Rector & Caput totius Ecclesiæ. Ita enim alijs locis omnes Apostoli dicuntur Ecclesiæ fundamenta: Psal. 86. *Fundamenta eius in montibus sanctis*, id est, in Apostolis & Prophetis, ut ibidem exponit D. August. Et Apoc. 21. *Et murus civitatis habens fundamenta duodecim, & in ipsis duodecim nomina duodecim Apostolorum agni*: ergo non potest ex eo quod Petrus dicatur fundamentum Ecclesiæ, efficaciter colligi quod ipse magis sit Caput Ecclesiæ quam cæteri Apostoli.

23 Respondetur ex illâ promissione tam singulariter Petro factâ, ubi alij Apostoli erant quoque presentes, rectè colligi ipsum peculiari modo futurum fundamentum Ecclesiæ Christi, & peculiari ratione super eum Ecclesiam esse ædificandam; ac proinde licet alibi cæteri Apostoli dicantur etiam fundamenta Ecclesiæ, non tamen omni eo modo & ratione esse fundamenta, quibus Petrus: Sed modis suis qui non præiudicent prærogatiuæ & primatui, ac generali præfecturæ Petri.

24 Dicuntur itaq; ipsi fundamenta, Primò, quia omnes Apostoli fundarunt ubique Ecclesias: non enim Petrus solus per se conuertit totum mundum ad fidem, sed diuersas regiones susceperunt, & ad fidem Christi adduxerunt. Vnde D. Paulus ad Rom. 15. ait: *Sic autem prædicauit Euangelium hoc, non ubi nominatus est Christus, ne super alium fundamentum* (id est, fundamentum ab alijs iam positum, siue Christum iam annuntiatum) *ædificarem*: & 1. ad Cor. 3. *Ve sapiens Architectus fundamentum posui: alium autem super ædificat*. Sic ergo omnes Apostoli sunt fundamenta, quia omnes primitus fundarunt Ecclesias.

25 Secundò dicuntur fundamenta Apostoli & Prophetæ ratione doctrinæ fidei diuinitus ipsis reuelatæ: si quidem Ecclesia innititur reuelationibus, quas acceperunt Apostoli & Prophetæ: nam ut supra diximus post Apostolorum tempora non crescit Ecclesia in nouis fidei articulis nouiter reuelatis, sed persistit in eâ doctrinâ quam Prophetæ & Apostoli à Deo didicerunt, & ad posteros viuâ voce aut scriptis transmiserunt.

26 Tertiò dicuntur Apostoli fundamenta ratione gubernationis: omnes enim habuerunt quandam potestatem vniuersalē ubique prædicandi, Ecclesias fundandi, easque regendi & administrandi: sed non eodem modo quo D. Petrus: illi enim habuerunt hanc vniuersalem potestatem solum

tanquam Apostoli & Legati: Petrus verò tanquam vniuersalis Pastor ordinarius: unde etiam si haberent alij amplissimam illâ potestatem ad omnes mundi partes, tamen etiam suberant curæ & potestati ipsius Petrici, ut ab illo penderet in illius potestatis vltu & exercitio, & non è contra, ille ab istis: ut infra amplius ostendetur. Et hoc est quod et specialiter promittitur, dum Christus dicit: *Et super hanc Petram ædificabo Ecclesiam meam*. Vnde Chryl. hom. 55. in Mattheum ad hæc verba scribit: Ecclesiæ Pastorem illum constituit: & paulò infra: Ieremiam quidem vni genti Patrem; Petrum verò vniuerso terrarum orbi Christus præposuit: & D. Greg. lib. 4. epistola 32. Cunctis Euangelium scientibus liquet; quod voce Dominicâ Sancto & Apostolorum Principi Petro totius Ecclesiæ cura commissa est: ipsi quippe dicitur: *Tu es Petrus, & super hanc Petram ædificabo Ecclesiam meam*: & D. Hier. contra Iovinianum: Licet, inquit, super omnes Apostolos ex æquo Ecclesiæ fortitudo solidetur (modis scilicet iam antè explicatis) tamen propterea inter duodecim vnus eligatur, ut Capite constituto, schismatis tolleretur occasio.

Admittimus itaq; omnes Apostolos suis modis rectè dici fundamenta Ecclesiæ; sed tamen addimus peculiarem fundamenti rationem competere Petro, idque futurum præsignificari illis Christi verbis: vnde sequitur proinde, quod sit ipse vniuersalis Rector & Caput Ecclesiæ à Christo constitutus, sicuti iam explicuimus.

28 Similiter contra alteram eiusdem veritatis probationem desumptam ex metaphorâ clauium, quas ibidem Christus promittit se daturum Petro, cauillantur non minus hæretici, ut possint vim huius argumenti euadere: ac in primis licet verba sint tam clara, ut non possit vel alia pene occurrere cogitatio, quàm quod claves promittantur Petro, ac ipsi dicatur: *Et tibi dabo claves regni celorum*, nihilominus tamen volunt illi, nihil hic peculiare Simoni Petro promitti: sed quidquid hic dicitur, ad totum corpus Ecclesiæ dici ac pertinere.

29 Verum antequam ad eorum motiua, aut technas potius veniamus, veritas prius est declaranda & stabilienda: & quidem omnes circumstantiæ verborum Christi euidentissimè significant promissionem hanc peculiariter ad Petrum dirigi, ac ipsius personæ fieri: nam tot & tantas congerit circumstantias Christus ad personâ Petri designandam, ut nec notarij in publicis instrumentis soleant aliquem certum hominem pluribus describere, vt notauit Caiet. quia & substantiam personæ expressit, quando dixit, *Tibi dabo*, & præmisit no-

men

men propriū à natiuitate inditum Simon, & nomen Patris addendo Barionæ siue filius Ionæ; & nomen à Christo recenter impositum, Cephas, siue Petrus, ita vt accuratius nō posset persona illa delignari. Quorsum autem tam accurata huius personæ descriptio, si nihil ei peculiariter dicatur & promittatur?

30 Deinde ratio & connexio textus postulant, vt claus dicantur promitti illi, qui iam dixerat: *Tu es Christus filius Dei viui*: & cui dixerat Christus: *Caro & Sanguis non reuelauit tibi, sed Pater meus qui in cælo est*. Et rursum. *Ego dico tibi quia tu es Petrus* &c.

31 Huc accedit consensus antiquorum Patrum; nam Hilar. Chryf. Hieron. Teophil. in dictum caput Matthæi, disertè docent eadem dictum fuisse paulò infra: *Vade post me Satana*, Cui antea dictum erat: *Tibi dabo claus Regni Cælorum*: atqui istud dictum esse Petro in suā personā etiā hæretici agnoscunt: ergo etiam hoc illi sic dictum esse, fateri debent. Idem docet D. Aug. lib. 2. contra duas epistolas Gaudentij cap. 23. & Amb. lib. de Isaac cap. 3. exponens illa Christi verba apud Ioannem c. 13. *Non potes me sequi modo*: Claus (inquit) promiserat regni cælorum, & ad sequelam imparē indicauit. Denique si non Petro particulariter aliquid promittere intendisset, haud dubiè sermonem mutasset, & pluraliter dixisset: Et dabo vobis claus regni cælorum.

32 Sed contra Obijciunt: Petrus nomine omnium Apostolorum respondit, & dixit: *Tu es Christus filius Dei viui*: ergo etiam nomine omnium, siue Collegij Apostolorū audiuit, & hanc remunerationis promissionem accepit: *Tibi dabo claus &c.* & per consequens nihil hic particulare Petro præceteris, multoque minus aliqua potestas supra seu in cæteros promittitur. Probatur antecedens primò: quia omnes Apostoli à Christo rogabantur: *Vos autem quem me esse dicitis*? ergo ad mittendum est, quod Petrus nomine omnium responderit, aut cæteri accusandi essent rusticitatis, & stupiditatis quod Domino respondere neglexerūt. Probatur secundò: quia D. Chryf. hom. 55. id ipsum significat, vbi vult Petrum fuisse os reliquorum. Similiter D. Aug. serm. 13. de verbis Domini, dicit vnum pro omnibus respondisse. Probatur autem Consequentia primo, quia vbi est communis honorifica confessio & proinde commune meritum, licet ore vnus promatur, ibi non videtur neganda cōmunis & par remuneratio subsequuta; quamuis ad vnum qui nomine omnium est loquutus, dirigi videatur promissio. Probatur Secundò: quia plures antiqui Patres sic videntur intellexisse: D. Cyr. de Vnitate Ecclesiæ: hoc erant utiq;

& cætri Apostoli, quod fuit & Petrus pari confortio præditi & honoris & potestatis. D. Hil. lib. 6. de Trinitate: Vos, o sancti & beati viri ob fidei vestræ meritum, claus regni cælorum sortiti, & ligandi atque soluendi in cælo & in terra ius &c. Aug. tract. 5. in Ioannem: Si in Petro non esset Ecclesiæ Sacramentum, non ei diceret Dominus: *Tibi dabo claus regni cælorum*: quæcumque solueris &c. si hoc Petro (inquit) tantum dictum est, nō facit Ecclesia, hoc videlicet soluere & ligare. Et infra: si hoc ergo in Ecclesia sit, Petrus quando claus accepit, Ecclesiam Sanctam significauit. Similia habet diuersis alijs locis, vt tract. vltimo in Ioannem: Item in Ps. 108. & 118. concione 13. & lib. 1. de Doctrina Christiana c. 18. Denique D. Leo (serm. 3. de Annuario assumptionis suæ, explicans illa verba: *Ego tibi dabo claus regni cælorum* &c. Trāsiit (inquit) in alios Apostolos vis potestatis huius, & ad omnes Ecclesiæ Principes decreti huius constitutio commeauit. Probatur Tertiò: quia quod hic Petro promittitur, illud Matth. 18. communiter omnibus datur, quando Christus omnibus dixit: *Amen dico vobis: quæcumque alligaueritis super terram, erunt ligata & in cælo, & quæcumque solueritis super terram, erunt soluta & in cælo*.

33 Responderit Antecedens posse intelligi inprimis hoc sensu, quod Petrus nomine omnium responderit tanquam qui ab illis acceperit instructionem ac commissionem sic respondendi, & talem confessionem faciendi communi nomine: Secundò quod responderit nomine omnium, quia quod ipse primus ex diuinā reuelatione didicit, & confessus est, hoc alij eius confessioni adhærentes suo silentio approbarunt. Accipiendo itaque antecedens in priori sensu, consequentia habere apparentiam: sed eo sensu falsum est & negandū: quod enim non ex humanā consultatione, aut commissione responderit Petrus, satis declarant illa verba Christi Domini: *Caro enim & sanguis non reuelauit tibi; sed Pater meus qui in cælo est*: In sensu autem posteriori admittitur Antecedens, idque sufficit, ne reliqui Apostoli rusticitatis aut stupiditatis ob neglectum responsum arguendi dicantur.

34 Eoq; etiam tantum sensu Patres dicunt Petrum pro omnibus fuisse loquutum, aut respondisse: quod satis constat ex Chryf. eodem loco dum dicit: Quando idem petebat de sententiā vulgi, omnes responderunt, cum verò de sua eos rogaret, Petrus confestim præsiuit, ac præueniens ait: *Tu es Christus filius Dei viui*; & D. Hil. lib. 6. de Trinitate ita hæc de re scribit: Qui in sanctorum Apostolorum silentio, Deum in reuelatione Patris intelligens ultra humanam

D ij nē infr-

nam infirmitatis modum, supereminentem beatæ fidei confessione gloriam promeruit; & in hunc locum Matth. sic de Petro loquitur: Dignusque iudicatus qui quod in Christo, Dei esset, primus agnosceret. Cypri. lib. 12. in Ioannem cap. 64. vt Princeps (inquit) Caputque cæterorum, primus exclamat: *Tu es Christus Filius Dei vivi*: & Aug. serm. 124. Hic est Petrus qui diuinâ reuelatione primus omnium veritatem meruit confiteri dicens: *Tu es Christus* &c. Leo ser. 2. de SS. Apostolis Petro & Paulo: Tandiu respondentium sermo communis est, quamdiu humanæ intelligentiæ ambiguitas explicatur: at ubi quid habeat discipulorum sensus, exigitur, illi primus est in Domini confessione, qui primus est in Apostolica dignitate.

35 Hoc sensu itaque antecedente admissio negatur consequentia: & ad primam eius probationem ex dictis constat satis respondit: quia licet illa confessio fuerit aliquo modo & sensu omnium & communis, sicut explicuimus, valde tamē diuersimodē fuit illa Petri & cæterorum Apostolorum: nam Petri fuit tanquā primi dicentis sententiā, non ex aliorum cōsultatione, aut cōmissione; sed tanquam principalioris & præstantioris inter illos pluribus donis & maiori diuino lumine instructi & collustrati, sic vt licet pro illo tempore nondū accepisset primatum inter Apostolos, tamen ad eum diuini muneribus præparatur. Vnde & ab alijs suscipiebatur, & inter eos suo modo habebatur principalior; aliorum autem fuit illa confessio tanquam subscribentium Petri sententiæ, cum alijs ignorarent quid potissimum respondere debuissent: sed Petri confessione edocti, fidem recognouerunt & approbarunt. Quare satis apparet, non fuisse hic par omnino meritum, neque parem rationem retribuendi omnibus equaliter idem premium, & proinde nec debere subsequutam remunerationis promissionem ad vnum directam, extendi æqualiter ad omnes.

36 Quemadmodum si Rex aliquis casum proponeret Collegio Doctorum simul cōgregato; & vnus ex illis principalior ac præstantior doctrinā & ingenij promptitudine responderet ex tempore cum plenā satisfactione interrogantis; quam resolutionem cæteri collegæ collaudarent, licet fortassis ab initio eis non occurrisset: & tū auditā responsione Princeps ei qui respondisset, diceret: Ego te constitui Cancellarium regni mei; nemo existimaret promissionem illam ex æquo concernere omnes DD. illius Collegij, etsi is qui primus diceret sententiam modo quodam, omnium nomine respondisset, dici possit.

Quod ad veterum authoritates attinet, in primis ad D. Cypri. facillime respondit; quia admitterimus quidem Apostolos omnes habuisse quoddam par cōsultum Apostolicæ potestatis, & honoris, in ordine scilicet ad prædicandum Euangelium omni creaturæ, & ad Ecclesias per totum terrarum orbem instituendas, erigendas, & gubernandas: quemadmodum supra diximus, omnes Apostolos fuisse Ecclesiæ fundamētā, & fundatores. Sed dicimus cum illo cōsistere potuisse eos in ordine ad se mutuo non fuisse æquales: nam honorem & potestatem vniuersalem, quam cæteri habebant, vt Apostoli & Legati tantum, habuit Petrus tanquam ordinarius vniuersalis Ecclesiæ Pastor; & eo nomine ipsi Apostoli reliqui, qui alioquin in totum mundum habebant potestatem, erant etiam Petri curæ subditi.

38 Quod Cyp. eodem loco aperte significat: subiungit enim immediate: Sed exordium ab vnitatē proficiscitur: & Primatus Petro datur, vt vna Christi Ecclesia & Cathedra vna monstretur: & paulo ante postquam recitatet Christi verba ex cap. 16. Matth. & ex cap. 21. Ioannis, addit: Super illum vnum (scilicet Petrum) ædificat Ecclesiā suam, & illi pascendas mandauit oues suas, & quamvis Apostolis omnibus post resurrectionem suam, parem potestatem tribuat & dicat: *Sicut misit me Pater sic & ego mitto: accipite Spiritum Sanctum* &c. tamen, inquit, vt vnitatem manifestaret, vnā Cathedram constituit, & vnitatis eiusdem originem ab vno incipientem suā auctoritate disposuit: quia scilicet vnum Petrum constituit Pastorem vniuersalem ordinarium, à quo omnes Pastores essent dependentes, & vnā ei tribuit vniuersalem Cathedram cui omnes subiacerent. Quod D. Leo epistola 84. vbi ad Cyprianum verba videtur respicere, rectē explicat, ita scribens: Inter beatissimos Apostolos in similitudine honoris fuit quædam discretio potestatis, & cum omnium par esset electio, vni tamen datū est vt cæteris præmineret. Idem significant etiam verba Hieronymi supra allegata ex libro 1. contra Iovinianum, circa medium.

39 Similiter ad D. Hilarium dicimus, Verū esse quod omnes Apostoli acceperint clauas, & ius ligandi atque soluendi: sed addimus, quod non eodem modo quo Petrus, sicuti dictum & explicatum est: vnde ibidem Hil. scribit, quod Petrus in cunctorum Apostolorum silentio, beatæ fidei confessione supereminentem gloriam meruerit. Et in cap. 16. Matth. singulariter de Petro dicit: Beatus cæli ianitor, cuius arbitrio clauas æterni aditus traduntur.

Pro

20 Pro explicatione & intelligentiâ diuer-
forum locorum D. Augustini huc pertinẽ-
tium obseruandum est Primo, Aug. ponere
duos modos soluendi & ligandi in Eccle-
siâ; nam præter eum quo dicuntur Sacer-
dotes remittere aut retinere in admini-
stratione Sacramentorum Baptismi & pœ-
nitentiæ (qui modus propriè dictus est, &
quẽ passim cum alijs Patribus Aug. agnos-
cit) insuper solet ipse sapius sic loqui, vt
dicat Ecclesię Charitatem remittere suorũ
participum peccata, vt Tract. 131. in Io-
annem: Item remissionem peccatorum
dari per orationes Sanctorum, & per ge-
mitum Columbę siue Ecclesię, vt lib. 3. de
Baptismo c. 17. & 18. Item lib. 5. c. 21. &
lib. 6. c. 3. & alibi. Videtur autem D. Aug.
hunc loquendi modum usurpasse propter
Donatistas, quibus mirabile & extraneum
videbatur, hæreticos posse per baptismum
homines iustificare, & in Ecclesiam intro-
ducere, cum ipsi sint cooperti peccatis, &
extra Ecclesiam; Ad hanc itaque admira-
tionem tollendam, dicit Aug. non tam eum
qui baptizat, remittere peccata, quàm ge-
mitum Columbę: quia scilicet ministerium
eius acceptatur non tam propter ipsum ba-
ptizantem, quàm propter Ecclesiam, cuius
minister est, & cuius charitas ad eum qui
baptizat, extenditur: tum quatenus ora-
tionibus Sanctorum tanquam gemitu Col-
umbę impetrantur ei fides & pœnitentia;
tum etiam quatenus in baptismo ei infun-
ditur eadem charitatis forma, & efficitur
vium Ecclesię membrum. Verùm hæc remi-
ssio quatenus fit per gemitum Ecclesię
& Sanctorum preces fit, non exercetur ex
authoritate, quemadmodum per Sacramẽ-
tum pœnitentiæ datur: sed magis per mo-
dum impetrationis & cõmunicationis bo-
norum, quæ est in Ecclesia.

41 Notandum Secundò: D. Petrum dupli-
citer posse considerari: vno modo tanquã
hominẽ particulare & priuatũ: alio modo,
tẽquam personam publicam ad communẽ
Ecclesię vtilitatem institutam & ordinatã,
scilicet tanquam Pastorẽ & caput Ecclesię.

42 His Præmissis Respondetur: quando D.
Aug. scribit: In Petro fuisse Ecclesię Sa-
cramentum; Petrũ quando claus accepit,
Ecclesiã Sanctam significasse, vel Petrũ
in significatione personã Ecclesię gestasse,
non per ista negare, quod ea quæ sic dicit
Petrum accepisse, conueniant verè Petro
in suã personã: nam in Psalmum 118. Con-
cione 18. scribit quoq; Petrum significasse
personam Ecclesię secundum quãdã eius
membra, quando in passione Domini, ti-
more turbatus ad tempus Dominum nega-
uit: non potest autem quis dubitare, quin
interim Petrus ipse reuera sic Dominum

negauerit. Quare istis eiusmodi sermoni-
bus & formulis loquendi, nõ aliud docere
intendit Aug. quàm Petrum, non vt priuatũ
hominem ad suum particularem vsum tan-
tũ, vel honorẽ, accepisse claus quæ cum
ipso interituræ essent; neque illi vt tali &
ad eum effectum & finem à Christo claus
esse datas: sed eum sub ratione personæ
publicæ sub qua significabat & sustinebat
personam Ecclesię, accepisse claus, quæ
non cum Petro proinde essent mortituræ,
sed semper ad Ecclesię ædificationem &
vtilitatem in eã permanfuræ: accepisse, in-
quam, non quali procuratorio nomine, sic
vt eas Ecclesię tantũ, & non sibi accepisset,
vt hæretici contendere volunt: Sed acce-
pisse tanquam vniuersalem Pastorẽ, & ve-
rum Caput Ecclesię: sic tamen vt eas
accepit non suæ personæ soli; verũ etiam
pro omnibus successoribus, & simul
pro reliquis Ecclesię Prelatis & Episcopis,
quibus ipse & eius successores habent eas
communicare secundum gradum & ordi-
nem vniuscuiusque.

Hoc igitur modo Petrus in significatio-
ne accepit claus regni cælorum; idque
habet illustrem intellectum, quem requirit
Aug. in Psal. 18. & dicit non reperiri, si
ad Petrum tantum putentur spectare, quæ
dicta sunt à Christo, scilicet vt ad eius
solius vsum & vtilitatem seruirent, & cum
eo cessarent. Ipse itaque in personã Eccle-
się accepit claus, sicuti Rex aliquis acci-
peret nomine Regni & Communitatis, si
quæ adijcerentur Coronę in vsum & com-
moditatem subditorum: hanc autem fuisse
D. Aug. mentem, manifestè colligitur ex
eo quod penè vbicumque dicit Petrum ge-
stasse personam Ecclesię, explicet se hoc
dicere ratione Primatus Petri: vt tract. vlt.
in Ioannem: Cuius Ecclesię (inquit) Pe-
trus Apostolus propter Apostolatus sui
primatũ gerebat figurata generalitate per-
sonam: & in Psal. 108. Cuius (scilicet Ec-
clesiæ) ille agnoscitur gessisse personam
propter primatum, quem in discipulis ha-
buit: & serm. 23. de Verbis Dom. Petrus à
Petrã cognominatus beatus Ecclesię figurã
portas, Apostolatus principatũ tenens &c.

Deinde idem expressius significat tract.
vltimo in Ioannem circa finem, dum sic
scribit: Omnibus igitur Sanctis ad Christi
corpus inseparabiliter pertinentibus, pro-
pter huius vitæ procellocissimæ gubernacu-
lum ad ligandã & soluenda peccata claus
regni cælorum primus Apostolorum
Petrus accepit, eisdemque omnibus San-
ctis propter illius vitæ secretissimæ quẽ-
tissimum finem super pedibus Christi Ioan-
nes Euangelista discubuit: quoniam nec iste
solus ligat soluitque peccata: nec ille in
D iij princi-

principio Verbum Deum apud Deum, & cætera de Christi diuinitate, de fonte Domini pectoris solus bibit: sed ipse Dominus ipsum Euangelium pro sua cuiusque capacitate omnibus suis bibendum toto terrarum orbe diffudit: ubi Aug. vult Petrum accepisse clauces regni cælorum omnium nomine, siue pro omnibus, quemadmodum D. Ioannes bibit pro omnibus de fonte Domini pectoris mysteria Incarnationis & diuinitatis Christi: atqui certum est, quod Ioannes in sua personâ super pectus Christi recubuerit, & de fonte illo cognitionem istorum myſteriorum hausit, licet non sibi soli, neque ad suum tantum profectum: sed vt eandem cognitionem ceteris communicaret, & omnium fidelium salutem seruiret: ergo similiter Aug. tantum vult, quod Petrus pro omnibus, vel nomine Ecclesiæ accepit clauces, non quod ipse in suâ personâ eas principaliter & in supremo gradu non habuerit, quemadmodum Ioannes principaliter & in supremo gradu hausit illa myſteria de fonte Domini pectoris: sed quia eas non sibi soli accepit: verum vt communicaret quoque illas reliquis Ecclesiæ Prælatiſ secundum eorum gradum & ordinem, & ad communem vtilitatem ac salutem.

45 His addo pro pleniori intellectu, quod sicuti diximus Auguſt. ponere duos modos ligandi & soluendi in Ecclesiâ, sic quoque Petrum duobus modis ratione sui Primatus geſſiſſe figuram Ecclesiæ iuxta eundem Auguſt. Primum enim Petrus vt Summus Ecclesiæ Paſtor accipiens clauces significauit Ecclesiâ in suis Prælatiſ habituram clauces, sicuti explicuimus: & sic fuit Petrus figura omnium ministrorum totius Ecclesiæ. Quo sensu loquitur Aug. tract. 50. in Ioan. Alio modo idem Petrus accipiens clauces fuit figura totius Ecclesiæ Sanctę siue iustorum, qui in Ecclesiâ sunt: nam in eo quod ipse iustus & sanctus cõmunican- do alijs charitatem per orationes, obsecrationes, instructiones, ieiunia & alia pietatis opera, soluebat proximos à peccatis (quem tamen soluendi modum diximus antè esse minus proprium) præfigurabat, quod similiter in Ecclesiâ semper foret communicatio Sanctorum & timen- tium Dominum, & quod Ecclesia per charitatem subueniendo peccatoribus im- petrarat iſſdem veniam & remissionem. Et ad hunc modum videtur maximè respicere libro 3. De Baptismo cap. 17. & in Psal. 108.

46 Denique quod ad Diuum Leonem attinet, dicimus quoque vim potestatis clauium transmiſſe ad alios Apostolos, & decreti huius constitutionem ad omnes

Ecclesiæ Principes communicare: sed non eodem modo & gradu, sicuti ad Petrum, quemadmodum iam sæpius est explicatû: quod idem Leo satis agnolcit eodem loco: quia antea præmittit, De roto mundo vnus Petrus eligitur, qui & vniuersarum gentium vocationi, & omnibus Apostoliſ, cunctisque Ecclesiæ Patribus præponatur. Itè si quid cum eo commune cæteris voluit esse Principibus, nunquam nisi per ipsum dedit, quidquid alijs non negauit. Vnde quidam colligunt, etiam ipsos Apostolos omnem suam potestatem Iurisdictionis immediatè à Petro accepisse, licet sententia communior habeat, quod ipsi extraordinariâ quiddam ratione acceperint eam immediatè à Christo, vt ipse qui fuerat & erant corporaliter simul præſentes quando regnum Ecclesiæ instituebat, illudque seruis suis committebat.

Ad Tertiam Probationem Consequentie Respond. Negando Mathæi 18. de factò conferri, quod Matth. 16. Petro promittitur: Sed fieri ibi quoque promissionem de concedendâ Apostoliſ & Ecclesiæ in suis Prælatiſ potestate ligandi & soluendi: verum non cum primâ illâ superioritate, quâ Petro promissa erat, cui particulariter dictum est à Christo: *Tibi dabo clauces Regni Cælorum*: quamuis enim omnes erant accepturi potestatem ligandi & soluendi, non tamè pari modo & auctoritate cum Petro, cui tanquam ordinario Capiti clauces regni cælorum specialiter promittuntur: cæteris autem Apostoliſ tanquam extraordinarijs, & Legatis: alijs autem Prælatiſ tanquam subordinatis Petro totius Ecclesiæ vniuersaliſ Paſtori.

48 Hæretici itaque alio modo conantur enervare argumentum hoc ex metaphora clauium, quæ Petro promittuntur desumptum ad ostendendum eius Primatum: & contendunt non sequi: Petro promissæ & datæ sunt à Christo clauces regni cælorum, ergo ipse est constitutus vniuersalis Præſectus totius Ecclesiæ: quia (inquiunt) per clauces non aliud importatur, quàm posse ligare & soluere: sic enim Dominus ipse videtur exponere, quando addit: *Et quodcumque ligaueris*, &c. quid autem sit soluere & ligare exponitur Ioannis 20. ubi datur Apostoliſ potestas remittendi & retinendi peccata. Quomodo autem peccata remittantur & retineantur, Scriptura passim docet (aiunt) cum per Euangelij predicationem testatur illuminari homines, & liberari de prauitate vitiorum.

49 Ita fere Calvin. lib. 4. Institutionum cap. 6. & 11. & ad discipulorum suorum confirmationem adducit illud Pauli 2. ad Cor. 5. *Et posuit in nobis verbum reconciliationis: pro Christo*

Christo ergo legatione fungimur, tanquam Deo exhortante per nos: obsecramus pro Christo; reconciliamini Deo. Vnde secundum illos dicitur remittere peccata, qui per Evangelij prædicationem homines ad fidem adducit; ille autem retinere, qui eos quos videt obsecratos, declarat sempiternis supplicijs mancipandos: & consequenter accipere claves regni cælorum, non est accipere aliquam potestatem regiminis, sed accipere nudum ministerium Verbi.

Quod & confirmant hæc ratione, quia si prædictis verbis fuisset Petro datus aut promissus Primatus, non disputassent nec dubitassent postmodum Apostoli, quis eorū videretur esse maior, prout disputarunt Marci 9. Luca 9. & 22. aut saltem Dominus ad expediendam ipsorum difficultatem, dixisset eis: Nolite inter vos contendere eā de re; nam Petro promissi, & illum constitutum Principem & Rectorem super vos: & ille erit maior in vobis: nihil autem tale Christus dixit: ergo &c.

Verum contra ista hæreticorū fragmenta sustinent Catholici omnes cum antiquis Patribus, per claves regni cælorum Petro promissas significari, illi dandam supremam potestatem in totam Ecclesiam; & vniuersalem Ecclesiæ Pastorem constituendum. Idque probatur Primò, quia ex alijs locis constat consuevisse in Scripturis Sacris nomine clauum per metaphoram designari præfecturam & principatum, non autem nudum ministerium verbi. Isaïæ cap. 22. describitur depositio vnius Pontificis aut Præpositi templi, & alterius institutio, his verbis: *Vocabo seruum meum Eliacim filium Helcia, & induam illum tunicā tuā, & cingulo tuo confortabo eum, & potestatem tuam dabo in manu eius: & mox adiungitur: Et dabo claves domui David super humerum eius, & aperiet, & non erit qui claudat, & claudet, & non erit qui aperiat: vbi per donationem & impositionem clauium super humerum eius, manifestè significatur ei danda suprema potestas & principatus circa domum David. Hinc etiam de Christo prædicitur: Et principatus eius super humerum eius; quia Crux in quā triumphauit imposita est humeris eius: quemadmodum claves quæ principatum significant, super humeros imponi solebant vt ex allegatis Isaïæ verbis colligitur, forsitan ad significandum, quod principatus secum onus graue importeret. Apoc. cap. 3. *Hæc dicit Sanctus & Verus qui habet clauem David, qui aperit & nemo claudit &c.* hic iterum per clauem David significatur Christi imperium: sicuti de eodem prædixerat Angelus Lucæ cap. 1. *Et dabit illi Dominus Deus sedem David Patris eius, & regnabit in domo Iacob in æternum.* Idem Secun-*

do satis probat cōmunis & antiquus agendi vsus, quo clauēs offeruntur principi, aut victori in signum quo recognoscatur eius Imperium, aut quo Imperium illi & potestas gubernandi quasi concedatur.

Ita quoque intellexerunt Christi verba Sancti Patres: nam Chrys. hom. 55. in Matthæum exponens hanc Christi promissionem, dicit Petro commissum vniuersum orbem terrarum, & ipsum factum Pastorem totius Ecclesiæ. D. Greg. lib. 4. epistola 32. Cunctis (inquit) Evangelium scientibus liquet, quod voce Dominicā Sancto & omnium Apostolorum Principi Petro, totius Ecclesiæ cura commissa est: ipsi quippe dicitur: *Tibi dabo claves Regni Cælorum, &c.* D. Leo serm. de Annuario die suæ assumptionis: Beatus Petrus in acceptā firmitudine Petre persequens, suscepta Ecclesiæ gubernacula non reliquit.

Vnde ad ea quæ in contrarium ab hæreticis obtruduntur, Respondetur, promissionem ac subsequatam donationem clauium Petro factam importare quidē posse ligare & soluere: verum non quomodolibet, sed per modum Rectoris ordinarij, qui sit caput familiæ, sive Ecclesiæ Christi. Vnde etsi dederit quoque Christus cæteris Apostolis posse ligare & soluere, non tamen promisit nec dixit illis: vobis dabo claves regni cælorum, quia non mox vt quis extraordinario modo aliquo habet potestatem aliquam circa communitatem, aut familiam, dicitur simpliciter & absolute habere claves Prouinciæ, aut domus. sed ille qui tanquam Princeps aut ordinarius vicarius habet administrationis potestatem.

Deinde verum non est, quid Ligare & soluere sit, id exponi Ioannis 20. quando Christus dixit: *Accipite Spiritum Sanctum quorum remiseritis peccata, remittantur eis, & quorum retinueritis, retenta sunt:* ibique Petro cum cæteris dari, quod Matth. 16. peculiariter illi promittitur per hæc verba: *Et tibi dabo claves Regni Cælorum, &c.* nam licet potestas ligandi & soluendi comprehendat etiam potestatem remittendi & retinendi peccata, tamē ista vniuersalior est & ad plura se extendit: potestas enim ligandi non tantum est posse retinere peccata, sed generaliter est potestas præcipiendi, prohibendi, pœnas instituendi; ipsæque adiudicandi ac puniendi: nam præcipiendo, prohibendo, instituendo pœnas, & transgressores in easdem condemnando obligantur ac ligantur homines ad faciendā quæ præcipiuntur; ad fugiendā quæ prohibentur; ad pœnas subeundas aut luendas, quæ per legem aut sententiam infliguntur.

D. iiii. Quod

Quod idem manifestius colligitur ex 18. cap. Matt. vbi Christus edocens, quomodo rebelles sint ab Ecclesiâ puniendi, scilicet quod à communione fidelium separandi sint, & tanquam Ethnicis & Publicanis habendi, Adiecit: *Amen dico vobis, quæcumque alligaueritis super terram, erunt ligata & in caelo.* Quibus etiam ex Caluini confessione confertur potestas excommunicationis. Ita quoque Matth. 23. dicit Dominus: *Alligant onera grauiâ, & importabiles in humeros hominum; vbi alligare non est aliud quam præcepta onerosa imponere: ergo ligare aut alligare non est tantum posse peccata retinere, sed posse etiam præcepta imponere & obligare.* Similiter soluere est generalius, quàm remittere peccata: nam soluere etiam dicitur qui liberat à præceptis, à votis, à iuramentis, à pœnis debitis, quare per hoc quod Dominus addidit: *Quodcumque ligaueris super terram &c.* explicatur quidem vsus potestatis clauium quæ Petro tanquam futuro vniuersali Pastori promittitur per illa verba: *Tibi dabo clauis Regni Cælorum:* sed vsus iste ibidem significatus non coarctatur ad solam remissionem, aut detentionem peccatorum.

59 Præterea hoc iterum falsum est; quod remittere peccata non sit aliud quàm fidem & Euangelii prædicare, vt Caluin. videtur velle: possunt quidem non incongruè prædicatores dici prædicando illuminare, & à peccati somno excitare; quatenus scilicet ex auditu homines concipiunt fidem, timorem, spiritum pœnitentiæ: sed tamen solâ predicatione non dicuntur remittere peccata. Vnde Actorum c. 2. Petrus post concionem, quâ multos ad fidem, & compunctionem commouerat, addidit: *Pœnitentiam agite, & baptizetur vnusquisque vestrum in remissionem peccatorum vestrorum.* Quare potestas remittendi peccata est potestas administrandi Sacramenta, principaliter quidem pœnitentiæ, ac etiam baptisui, vt docent Cyril. & Chrys. ad locum Ioannis 20. & D. Hier. epistola ad Hedibiam cap. 9. D. Paulus autem 1. ad Cōrinth. cap. 1. distinguit illa duo euangelizare, & baptizare, dicens se missum non baptizare, sed euangelizare.

66 Ex dictis facile erit respondere ad illud quod Caluinus ex Paulo adducit. Dicendum enim est, verum scilicet esse quod Euangelij prædicatio ibi dicatur verbum reconciliationis; non quod prædicatio sola nos reconciliauit; sed quia proponit reconciliationem per Christum factam, & disponit & adducit nos ad communicationem seu participationem illius reconciliationis, modo iam supra explicato.

37 Denique ad confirmationem quam ad-

iungunt, dicendum est: Apostolos non plene intellexisse promissionem Petro factam, sicut & multa alia ante Christi resurrectionem non satis capiebant, quod ex ipsdē locis patet: Interim tamen eos fuisse suspicatos, tum ex illis Christi verbis, tum ex alijs indicijs, Petrum fore constituendum Primum ac Caput omnium: & ideo inter eos subortam contentionem, quis eorum esset futurus maior: quod docent Origines, Chrysost. & Hier. in cap. 18. Matth. vbi etiam huius contentiois fit mentio. Neque refert quod Christus non mox claris & expressis verbis dixerit eis. Iam sic ordinatum esse, quod Petrus deberet esse maior: quia propter Apostolorum infirmitatem quæ adhuc laborabat tunc tēporis, nō conueniebat hoc tā apertè eis explicari: verum suo tempore sicut & alia multa mysteria ad Ecclesiā pertinentia, erant hoc intellectu. Non tamen omisit Christus eis innuere etiam tum, quod aliquis inter eos esset futurus maior, quando Lucæ cap. 22. dixit: *Vos autem non sic: sed qui maior est in vobis, fiat sicut minor, & qui præfessor est, sicut ministrator.* Et paulo post: *Ego autem in medio vestrum sum sicut qui ministrat:* Quibus verbis significat futurum quidem inter ipsos aliquem maiorem, sed retundit ambitionem, & docet Principatum non esse appetendum honoris aut proprii commodi causa: sed qui obtingit, quod is debeat cum omni modestia & humilitate ad aliorum vtilitatem, illum administrare.

38 ALTER Scripturæ locus principalior ex quo statuitur Petri primatus, habetur Ioannis 21. vbi Christus postquam per ternas vices interrogasset: *Simon Ioanne diligis me plus hu?* dixit eidem primò: *Pasce agnos:* Secundò autem similiter, vt habet nostra versio, vel vt habet D. Ambros. in caput vltimum Lucæ, *Pasce ouiculas meas, & tertio, Pasce oues meas:* quibus repetitis verbis committit curæ Petri agnos, id est, communes fideles, qui nullam habent curam pastorem, quique tantum filij sunt Ecclesiæ: Ouiculas, id est, Præbiteros minores & parochos, qui gignunt quidem, sic tamen vt adhuc foueantur, & sint sub curâ Episcoporum; ac denique Oues, id est, Sacerdotes maiores & Episcopos, qui agnis & ouiculis præfunt, & generant Ecclesiæ filios, & tamen etiam Petro submituntur. Quem huius loci intellectum indicat Diuus Leo serm. 3. de Annuario suæ Assumptionis, vbi scribit Petrum à Christo esse præpositum omnibus gentibus, omnibus Patribus, & omnibus Apostolis. Ambros. autem loco citato intelligit distincto illo sermone, *Agnosum, Ouiculatum,*

larum, & omnium, committi Petro incipientes, proficētes, & perfectos: atque ita omnes fideles.

59 Et quidem hic Petro committi generalem curam ac regimen oculis Christi, & Ecclesiæ, docent passim Sancti Patres. Epiph. in Ancorato: Hic est qui audiuit: *Pasce oves meas*; cui concedendum est ouile &c. Chryf. in hunc locum: Alijs omīssis (inquit) Petrum duntaxat affatur: fratrum ei curam committit, & infra: Nam cum magna Dominus Petro communicasset, orbis terrarum curam demandasset: &c. Ambrol. in cap. vlt. Lucæ: Quem eleuandus in cælum, amoris (sui vicarium) relinquebat, vt haberemus Petrum, qui nos amore paterno & pastoralī foueret: quem admodum Christus ipse fecerat: & ibidem: Quia solus proficitur ex omnibus, omnibus antefertur. D. Greg. verbis supra recitatis idem significat. Theophilac. in caput vltimum Ioannis: Finito prandio (inquit) præfecturam ouium totius mundi Petro commendabat: non autem alijs, sed huic tradidit. Idem docet D. Leo ser. 3. suprā citato. Bern. lib. 2. de Consideratione: Cui (inquit) non dico Episcoporum, sed etiam Apostolorum, sic absolute & indiscretē totæ commissæ sunt oves: si me amas Petre, pasce oves meas: quas (inquit) illius vel illius populus Ciuitatis aut Regionis aut certē regni? oves meas, inquit, quibus manifestē attestatur Bern. per hoc quod Christus dixit absolute & indefinitē *Pasce oves meas*, Petro esse commissas simpliciter omnes Christi oves.

60 Sed contra Argumentum ex hoc loco petitum cauillantur quoque hæretici: ac inprimis volunt non soli Petro dictum: *Pasce oves meas*. Ad cuius confirmationem adduci potest D. Aug. lib. de Agone Christiano cap. 36. Cum ei (Petro scilicet) dicitur, omnibus dicitur: amas me? pasce oves meas. Deinde Chryf. qui lib. 2. De Sacerdotio dicit, Tunc exhibitum Basilium (quem ad suscipiendum Episcopatum ei oblatum exhortabatur) eximiam suam dilectionem in Christum, si pascat eius gregem, cum scriptum sit: *Si diligis me? Pasce oves*: quibus videtur indicare non ad solum Petrum, sed ad omnes Episcopos illa Christi verba pertinere.

61 Verum contra facit, quod omnes circumstantiæ textus probent oppositum: nam inprimis alloquitur Christus Petrum sub nomine proprio dicens: *Simon Ieanne*, quo eodem nomine etiam ipsum compellauit Matt. 16. quando ei promittebat clauēs Regni Cælorum, quas hic dat & tradit, dum cum oculis sui Pastorem constituit. Deinde dicitur eidem, *Pasce agnos, pasce*

oues, à quo Christus quærit: *Diligis me plus hu?* quod sine dubio non potest intelligi petitum simul fuisse ab omnibus: quia dum dicitur, plus his, distinguit Petrum ab alijs, non tantum qualibuscumque hominibus; sed etiam ab Apostolis tunc præsentibus. Denique patet ex contextu sermonis dictum esse eidem, *Pasce oves meas*, cui mox dicitur: *Amen, Amen dico tibi, cum eses iunior cingebas te, & ambulabam vbi volebas: cum autem senex es extendes manus tuas, & alius te cingat & duces quò tu non vis*: Atqui hoc dicitur soli Petro: additur enim: *Hoc autem dixit, significans quò morte clarificaturus esset Deum*: non enim omnibus prædixit illud genus mortis, sed Petro. Similiter intellexerunt hæc Christi verba omnes veteres supra citati: & D. Chryf. Cyril. & Aug. in hunc locum dicunt ei à Christo dictum esse: *Pasce oves meas*, qui aliquando ter Christum negauerat; qui sine dubio fuit solus Petrus.

Ad ea igitur quæ ex Aug. & Chryf. adducuntur, Respondetur verba Christi: *Pasce Agnos, pasce Oves*, per se & proximè dirigenda Petrum, ac specialiter ea ipsi dici, sicuti hoc ostendimus: nihilominus tamen suo quodam modo conuenire etiam omnibus Episcopis: quia videlicet omnes qui in partem sollicitudinis à Petro vocantur, debent Petri formam in pascendo grege imitari. Quod itaque ei qui supremus Pastor constituitur, dictum est, id suo modo seruata proportionē etiam alijs inferioribus Pastoribus dicitur: & in eo quod ter Dominus inquisit à Petro, an eum diligeret plus cæteris, admonuit eos ad quos pertinebat eligere & constituere Pastores, vt eos assumerent ad Episcopale munus qui charitate Christi & proximi magis excellunt.

63 Secundò cauillantur hæretici & contendunt per illud: *Pasce oves*, non dari potestatem superioritatis & regiminis; sed tantum Petro mandari officium dirigendi, prædicandi, ac docendi: nam pascere (inquit) non est præesse, sed cibum præbere ac ministrare: quod etiam ab inferiori fieri potest. Vnde non imperat Dominus fidelibus, vt Petrus obtemperet, sed illi datur præceptum, vt præbeat eis alimenta.

64 Verum contra facit primò, Quod non dicitur propriè pascere alios; qui cibum quacumque ratione ministrat, sed qui prouidet ac procurat alijs cibum: quod præpositi aut Rectoris familie est: quamuis etiam ministri apponent cibos ad mensam, non tamen illi, sed Patres dicuntur familiam habere pascendam, & eam pascere. Quod etiam indicatur Lucæ 12. *Quis putat esse filius dispensator ac prudens, quem constituit Dominus supra familiam suam, vt det illi in tempore*

pore tritici mensuram: In eo igitur quod oues committantur Petro pascendæ, simul constituitur ouium Præfectus & gubernator. Deinde per verbum (*Pasce*) ex communi loquendi modo intelligitur significari omnis actus Pastoralis: Idem enim est gregem pascere, & Pastorem gregis agere: Atqui actus pastoralis non est tantum præbere alimentum; sed etiam ducere, defendere, regere, ac etiam cogere: neque enim Pastores ouium tantum præbent alimentum, sed etiam antecedunt, dirigunt, & baculo pastoralis cogunt rectâ viâ incedere aberrantes.

65 Vnde verbum pascere vltimissimè accipitur in Scripturis Sacris pro regere. Psal. 2. vbi nos habemus: Reges eos in virgâ ferreâ, secundum Hæbreæ vocis proprietatem sonat: Pasces eos in virgâ ferrea. Certum autem est, eos qui pascuntur in virgâ ferreâ, non tantum ali, sed etiam gubernari ab eo qui sic pascit. Et Psal. 77. *De post fontem accepit eum pascere Iacob seruum suum: & paucis in innocentia cordis sui &c.* vbi manifestè per Pascere, intelligitur Regere. Itaque c. 44. *Qui dico Cyro: Pastor meus es tu;* quo loco non ministerium alimentandi, sed amplissimum regnū Cyro prædicatur, vt patet ex initio capitis sequentis. Idem manifestius importat Græcum vocabulum, quo vitur hic Euangelista, quod propriè significat Pascere prædicando & regendo. Et sic quoque veteres semper hunc locum intellexerunt; Aug. ad hæc verba: Oves ipsas (inquit) pascendas, id est, docendas, regendasque committit. Chryl. lib. 2. de Sacerdotio sæpius præfecturam vocar officium hic Petro commissum per verbum (*Pasce*) Similiter loquitur D. Greg. passim lib. De Cura pastoralis.

66 Ex his patet, quid dicendum sit ad oppositas rationes. Negandum enim inprimis est, pascere esse tantummodò præbere alimentum, & non præesse aut regere: Contrarium enim iam satis ostensum. Ad alteram verò dicendum; In eo quod dicitur *Pasce*, importari quidem præceptum, vt faciat officium pastoris: sed eo præcepto simul iustitui Ecclesiasticum principatum, & eundem attribui illi cui præceptū dabatur: quod etiam in humanis actionibus non est omnino insolitum: quod scilicet loquutione imperatiuâ simul quis præficiatur rebus, & vt officium boni præfecti exequatur, simul mandetur: vt si Rex alicui dicat, Vade & governa talem provinciam: aut vade & duc exercitum meum in tali bello.

67 Tertiò negant hæretici; quando Christus dixit: *Pasce oues meas*, ibi per oues in-

telligi vniuersam Ecclesiam. Sed id iam supra ex Sanctorum Patrum testimonijs satis demonstratum est. Deinde accedit & ratio: quia cum indeterminatè Christus dicat: *Pasce oues meas*, nulla est ratio cur potius hæc quam istæ dicantur illo sermone committi curæ Petri: ergo omnes intelliguntur committi: quia alioquin commissio nullius esset effectus. Declaratur quia si quis moriens indefinitè diceret: *Comendo tibi proles meas*, haud dubiè censerentur omnes proles illi commendari: oues enim & proles ibi tam latè essentur extendi, quâ pronomen, *meas*: omnes autem fideles sunt oues Christi. Vnde indefinitè illæ loquutiones iuxta communem apprehensionem æquivalent huiusmodi vniuersali: *pasce oues meas omnes*: commendo tibi proles meas omnes.

Sed contra Obijciunt primò: D. Paulus cap. 2. epistolæ ad Galatas, nullam agnoscat subiectionem ad Petrum, sicuti non ad Ioannem aut Iacobum: Ita enim scribit: *Quibus neque ad horam cesimus subiectiore*: & infra: *Mihi enim qui videbantur esse aliquid, nihil contulerunt*: & rursum; *Iacobus & Cephas & Ioannes qui videbantur columna esse, dextras dederunt mihi & Barnabæ societatu*: ac paulò supra: *Quales aliquando fuerint, nihil mea interest*.

69 Respondetur Neg. Assump. Ad ea autem verba quæ primo loco in confirmationem adducuntur, dicendum est, pronomen, *Quibus*, non referre Iacobum, Cepham, Ioannem: sed Pseudo-Apostolos: proximè enim præcedit: *Sed præter subintroducillos falsos fratres, qui subintrouerunt explorare libertatem nostram, quam habemus in Christo Iesu, vt nos in seruitutem redigerent*: & tunc sequitur: *Quibus neque ad horam cesimus*.

70 Quod ad ea attinet, quæ secundo loco allegantur, sciendum est, propositum Pauli non fuisse declarare se non esse Petro subiectum aut inferiorem quodæ gubernationem: neque enim illius rei ullam facit mentionem: sed tum capite 1. tum 2. id potissimum agere, vt ostendat Euangelium suum quod ipse prædicabat, æquè verum ac diuinum esse, quâ Euangelii quod Petrus aut Ioannes prædicabat, atque adeo se à Christo æquè immediatè illud accepisse, quàm ipsi acceperint suū: idque contra æmulos & falsos fratres, qui vt Pauli prædicationem diminuerent, iactabant Paulum esse tantum discipulum hominum, qui ab hominibus doctrinam Euangelicam didicisset, & proinde eius prædicationem & Euangelium non tanti esse faciendâ, neque ita indubitata habenda, sicuti Euangelium & doctrina magnorum Apostolorum qui proximè à Christo erant edocti.

Hinc

Hinc Epistolam suam orditur hoc modo: *Paulus Apostolus non ab hominibus, neque per hominem; sed per IESUM Christum: & infra, Notam vobis facio fratres Evangelium, quod euangelizatum est à me; quia non est secundum hominem (neque enim ego à homine accepi illud, neque didici) sed per revelationem IESU Christi.* Quando itaque Paulus dicit: *Mihi enim qui vivebantur aliquid esse, nihil contulerunt, solum significat se nihil doctrinæ Euangelicæ à cæteris Apostolis accepisse: sed in omnibus immediate à Christo fuisse instructum & edoctum.*

Ad ea quæ tertio loco adducuntur, scilicet. *Dextras dederunt societati*, dicendū est, inde hoc tantum effici, quod admiserint & approbaverint Paulum & Barnabam tanquā veros Socios in officio prædicationis Evangelij: sed cum eo bene consistere, Petrum fuisse maiorem Paulo in officio gubernationis: quemadmodum etiam modò Pontifex dat dextras societatis ac confraternitatis omnibus Episcopis: vnde eos fratres compellat: & tamen non idcirco sunt pares in autoritate & potestate regiminis. Illud denique: *Quales aliquando fuerint, qui videbantur esse aliquid, nihil mea interest*, non dicit ad contemptum Petri, Iacobi, & Ioannis, vt heretici videntur apprehendere: sed magis ad eorum commendationem: nam reddit rationem, cur cum illis contulerit Evangelium suum; tametsi enim aliquando fuissent imperiti & simplices prædicatores, tamen iam Dei gratiā erant sublimati, & à Spiritu Sancto edocti: atque adeo magni Apostoli & Columnæ quædam Ecclesiæ.

Imò ex totâ deductione satis colligitur, quod si alicuius prædicatio aut doctrina haberetur tum suspecta, aut in controuersiam reuocaretur, quòd ea cum Petro & eius Socijs esset conferenda, vt ab eo, vel probaretur, vel reprobaretur, & sic fidelibus fluctuantibus super tali doctrinâ fieret satis: dicit enim Paulus, se ascendisse Hierosolimam, vt conferret cum illis Evangelium, ne fortè in vacuum curretur, aut cucurrisset.

Obijciunt Secundo ex eodē cap. quod Apostolus ibidem significet diuisam fuisse communi cōsensu Iurisdictionem inter Petrum, & Paulum; ac Petro fuisse attributum populum Iudæorum; Paulo autem gentium: idque diuino nutu factum; *Sed è contra etiam vidissent (inquit Paulus) quod creditum est mihi Evangelium præcipui, sicut & Petro Circumcisioni: qui enim operatus est Petro in Apostolatū Circumcisionis, operatus est & mihi inter gentes &c.* Dextras dederunt mihi & Barnabæ societatu, vt nos in gentes; ipsi autem in Circumcisionem &c. ergo Petrus non fuit

vniversalis Apostolus & Pastor: neque eius cura ad nos se extendit, qui sumus ex gentibus.

Respondetur diuisionem illam de qua ibi Paulus agit, non esse iurisdictionis; sed provincialium, seu populorum, ad commodiū & citius longè lateque propagandum Evangelium ad diuersas nationes: quæ tamen diuisio ita est accipienda, quòd scilicet Petrus præcipuam operam collocaret pro illo adhuc tempore, sicut & prius fecerat, circa conuersionem Iudæorum: non autem quod idcirco potestate prædicandi gentibus esset priuatus, vel à prædicatione inter gentes prohiberetur. Contra autem Paulus principaliter incumbere conuertendis gentibus ad fidem, non tamen ita vt ideo interdictum ei foret, etiam Iudæis per occasionem & oportunitatem Evangelium annuntiare.

Quod enim ista partitio hoc modo sit intelligenda, manifestum est ex Scripturis: nam & Petrus A& cap. 10: prædicauit Cornelio & domui eius toti: & ibidem cœlesti visione ter admonitus diceret etiam se ad gentes destinari, vt eis Euangelicam gratiam annuntiaret. Vnde & cap. 15. dicit Petrus: *Vos scitis, quoniam ab antiquis diebus Deus in nobis elegit, per os meum audire gentes verbum Euangelij, & credere:* sic tamen vt ab initio debuerit studere conuersioni Iudæorum, vti diximus: quem ordinem indicat Christus A& c. 1. quando sic locutus est ad Apostolos. *Et eritis mihi testes in Hierusalem; & in omni Iudæa, & Samaria usque ad vltimum terræ.* Et propterea etiam diximus, quòd pro illo adhuc tempore principaliter Petrus incumbere prædicationi apud Iudæos: nam postquàm Romam venit, longè lateque etiam inter gentes Evangelium per se, & per alios disseminauit, vt cumulatè impleteret quod audierat A& cap. 10. *Occide & manduca;* vt notat Esthys circa prædicta D. Pauli verba.

Quod Paulus quoque non fuerit prohibitus prædicare Iudæis, patet ex cap. 9. A& vbi Christus de illo dicit: *Vas electiois est mihi iste, vt portet nomen meum coram gentibus & regibus & filiis Israël.* Vbi licet significetur quod primario destinetur ad conuersionem gentium, quæ primo loco exprimitur, tamen etiam indicatur quod possit, Imò quòd & portabit nomen Christi coram filiis Israël. Hinc etiam factum est, quod quocumque per gentes & nationes proficisceretur, intraret quoque & euangelizaret in Sinagogis Iudæorum, vbi eæ reperiebantur, vt A& c. 13. apud Salaminam, & Antiochiam Pilsidiz fecisse legitur, & cap. 14. apud Iconium, cap. 16. apud Thessalonicam & 1. ad Cor. 9. dicit: *Et fa-*

Et factum sum Iudæi tanquam Iudæum, ut Iudæos lucraretur: Docet autem hæc ita se habere Hieron. ad hunc locum Pauli, ubi proposita quæstione, An non licuerit Petro gentilem trahere ad fidem, & Paulo Iudæum? Respondet omnino licuisse, imò hoc fuisse utriusque propositum, vt ex toto mundo Ecclesiam congregaret: sed tamen Petrum habuisse principale mandatum de Iudæis, saltem vt ab illis inciperet, sicuti hoc explicauimus: Paulum autem de gentibus.

77 Obijciunt Tertio: Quod ibidem scribat Paulus se restitisse Petro in faciem; ergo non erat illi subiectus, sed Maior aut saltem æqualis. Respondetur Neg. Consequentiam: & ratio est, quia aliquando licet etiam inferioribus monere & corrigere superiores, quando res id postulat: modò seruetur debita reuerentia: suberat autem hic iusta causa vt Paulus loqueretur; quia ipse sic prædicauerat, & erudierat gentes, quod per fidem Christi Lex Moylis euacuata esset, & legalium observatio minimè necessaria ad iustitiam & salutem consequendam; quod Petrus etiam ab initio ibidem confirmarat suo exemplo, vt pote qui iam cum gentibus ceperat conuersari, & absque ciborum discrimine cum illis manducare: aduenientibus autem quibusdam ex circumcissione subtrahebat & segregabat se: & incipiebat Iudaicè agere, timens eos qui aduenerant: scilicet ne eos offenderet & scandalizaret. Quod Petri factum obseruabat Paulus cessurum in magnum scandalum gentium ad fidem cōuersarum, vt pote quæ accepturæ essent inde occasione dubitandi de veritate prædicationis & doctrinæ Pauli, & de sinceritate Petri; ac consequenter abiiciendi forsitan totam Christi fidem, quam susceperant. Quod verisimiliter incommodum non ita ex tempore aduerterat Petrus aut super eo se non reflexerat: vt pote qui maximè intentus erat curæ & saluti Iudæorum sibi peculiariter pro tunc demandatorum.

78 Hinc itaque potuit & quasi debuit monere Petrum ad obuiandū scandalo quod natum erat in gentibus sequi ex isto Petri non satis considerato ibidè agendi modo. Quemadmodum, si Patriarcha aliquis, aut Metropolitanus in Diocesi & districtu sui Suffraganei aliquid inconsideratè ageret, quod Episcopus aduerteret ibi pariturum magnam offensionem, & multa incommoda, liceret Episcopo cum debita reuerentiā monere illum, quod non oporteat sic agere; idque eo magis, quod episcopus debeat gerere particularem curam harum ouium sibi commissarum.

79 Ista ergo Pauli oppositio, siue resistentia

non infirmat primatum Petri; siue superioritatem eius potestatem; sed commendat virtutem & humilitatem eius, vt pulchrè explicat D. Greg. hom. 18. in Ezechielem, ita de Petro scribens: Se etiam minori fratri ad consensum dedit, atque in eadem re factus est sequens minoris sui, vt in hoc etiā præiret, quatenus qui primus in Apostolatus culmine, esset primus etiam in humilitate: atque ita implevit illam Christi doctrinam: *Qui maior est vestrum sit sicut minor*: & infra: Ecce à minore suo reprehenditur & reprobatur non designatur. Aug. quoque epist. 19. ad Hier. scribit: Rarius & sanctus exempli Petrus posteris præbuit, quo non designatur à posterioribus corrigi; quàm Paulus, quo confidenter auderent minores maioribus pro defendendā veritate, saluā charitate, resistere. Vbi Aug. commendans Petri exemplum supponit omnino Paulum fuisse posteriorem & minorem Petro, licet Petrum monuerit, eique resisterit saluā charitate pro defendendā veritate.

Obijciunt Quarto: Apostoli miserunt Petrum in Samariam, vt habetur Act. cap. 8. non erat igitur ipse Caput, aut Superior illorum; sed potius Imperio illorum subijcebatur. Confirmatur quia Act. 11. reprehenditur etiam ab alijs qui ex circumcissione erant, quod ingressus esset ad gentes.

Respondetur Neg. Consequ. Nomen enim missionis non importat necessariū superioritatem in mittente, & subiectionem in misso: nam dicitur mittere, quicumque alteri est principium, vel author vt aliquò se conferat; siue id faciat præcepto, sicut dominus mittit seruum; siue consilio & suasionem, quomodo etiā par parem, & minor maiorem mittit: Ita Matt. 2. cap. dicitur Herodes misisse magos in Bethlechem: & Iosue 22. Populus Iudæorum misit Phinees Sacerdotem ad filios Ruben & Gad: cum tamen summus Sacerdos iure diuino præfesset omnibus filiis Israël. Miserunt ergo Apostoli Petrum, suadendo & consulendo propter negotij magnitudinem, vt ipse in Samariam iret, quæ dicebatur recepisse verbum Dei: sicuti Consilijarii dicuntur mittere regem ad bellum, vel ad hanc vel illam provinciam, vbi iudicant eius præsentiam esse necessariam, aut multum vtilem futuram.

Ad Confirmationē Respondetur, Multos quidem ex Iudæis etiā conuersis fuisse, qui existimarent gratiam Euangelicam non esse ad gentes extendendam, & tales aliquos ibi disceptasse cum Petro super eā re: quæ disputatio aut disceptatio non aduersatur Superioritati Petri: nam etiam statim à Petro

Petro melius edocti tacuerunt: & acquieuerunt, vt eodem cap. dicitur.

83. PROBATOR Tertiò principaliter Primatus Petri ex illis Scripturis, quæ indicant diuersas prærogatiuas Petri præ alijs Apostolis; quarum vna significatur Marci 3. Lucæ 6. & Ioannis cap. 1. vbi Dominus mutat nomen eius, & dicit: *Tu es Simon filius Iona: tu vocaberis Cephas*: mutatio enim nominis diuinitus facta semper indicat particularem excellentiam personæ, & occultiora includit mysteria, vt notat D. Chrysostomus in citatum locum Ioannis. Ita Genes. cap. 17. Abraham Patriarcham cum diceretur prius Abram voluit postea appellari Abraham, id est, patrem multitudinis, vt huius nominis impositione significaret hominē illū qui iam senex erat, & uxorem anum & sterilem habebat, tamen sic prole fecundandum, vt fieret pater plurimorum filiorum; imò multarum gentium & populorum. Duplex itaq; in hac nominis mutatione, dum quī Simon vocabatur, appellatur Cephas seu Petra, potest considerari illius personæ præminetia. Vna est, quod soli Petro ex omnibus Apostolis nomen mutatum sit: nam etsi Marci capite 3. Zebedæi filij nominati sint Boanerges, tamen fuit illud potius cognomen, quàm proprium nomen. Itaque nusquam postea ab Euangelistis vocantur Boanerges: sed tantum vocantur Iacobus & Ioannes, vt antea vocabantur. At Petrus deinceps ferè semper appellatur Petrus: Et Paulus ad Galatas secundo Petrum sæpe nominat, & nunquam aliter, quàm Petrum aut Cepham, quod idem est. Ioannē autem sæpe quidem nominat, sed Ioannē perpetuò, nunquam Boanerges. Altera est, quod nomen Cephas ei dederit: nam Syriacè Cephas significat Petram, vt nos supra docuimus, & Hieronymus testatur in cap. 2. epistolæ ad Galat: Græcè autem significat caput, vt lib. 2. contra Parmenianum annotauit Optatus. Petra autē, vnum est ex celeberrimis Christi nominibus: nihil enim frequentius in Scripturis Christus appellatur quam Petra. vide Isai. c. 8. & 28. Daniel 2. Psal. 117. Matth. 21. Rom. 9. 1. Corinth. 10. Ephes. 2. 1. Pet. 2. & alibi. Christus ergo cum solo Petro suum ipsius nomen communicans, & nomen illud quo ipse significatur, vt fundamentū & Caput Ecclesiæ vniuersæ, quid aliud indicare voluit, quàm se facere Petrum fundamentum & Caput Ecclesiæ loco suo? Itaque quædā B. Leo epistola 89. ad Episcopos Viennensis Prouinciæ: Hunc, inquit, in consortium indiuiduæ vnitatis assumptū, id quod ipse erat, voluit nominari, dicen-

Wiggers in 2. 2.

do; Tu es Petrus &c. Et sermone tertio de Anniversario assumptionis suæ ad Pontificatum, ita Christum loquentem ad Petrum introducit: Sicut meus Pater tibi manifestauit diuinitatem meam, ita & ego tibi notam facio excellentiam tuam, quia tu es Petrus, id est, cum ego sum inuolabilis Petra, ego lapis angularis, qui facio vtraque vnum, ego fundamentum, præter quod nemo potest aliud ponere: tamen tu quoque Petra es, quia meā virtute solidaris, vt quæ mihi potestate sunt propria, sint tibi mecum participatione communia.

Secunda prærogatiua habetur ex omnibus illis Scripturis, vbi Petrus cum cæteris Apostolis enumeratur, siue cum omnibus simul, siue cum aliquibus tantum: estque in eo ita, quod is perpetuò constituitur primo loco in ordine, & in enumeratione: quod sine dubio indicat & importat Petrum alijs Apostolis fuisse maiorem, & inter eos primum habitum: Mat. 10. *Duodecim autem Apostolorum nomina sunt hæc: Primus, Simon, qui dicitur Petrus, &c.* Similiter cum omnibus enumeratur, & ponitur primo loco, Marci 3. Lucæ 6. & Actuum cap. 1. Item inter aliquos vbi non omnes enumerantur, ponitur primo loco Marci. 5. & Lucæ 8. *Non admisit quemquam se sequi, nisi Petrum & Iacobum & Ioannem.* Lucæ 22. *Misti Petrum & Ioannem.* Marci 13. *Interrogabant eum Petrus, Iacobus, Ioannes & Andreas.* Similia habentur Matth. 17. & Ioannis vltimo. Quamuis autem ordō aliorum Apostolorum sæpius inter ipsos mutetur, semper tamen Petrus primo loco nominatur.

Vt verò hanc prærogatiuā minuere possint heretici & extenuare, ne inde argumentum pro principatu Petri sumatur, dicunt eum sic primo loco positum, vel quia primò fuerit ad Apostolatū vocatus, vel quia omnium esset senior, aut certè ita casu accidisse: debet enim quispiam ex omnibus primò enumerari.

Sed quod non propter primam illam causam, patet quia manifestum est ex c. 1. Ioannis, Andream prius vocatum & secutū fuisse Christum, quàm Petrum: *Erat autem Andreas frater Simonis Petri vnus ex duobus qui audierant à Ioanne, & secuti fuerant eum.* Iuuenit hic primum fratrem suum Simonem, & adduxit eum ad IESUM. Similiter neque propter secundam, quia tradunt veteres Andream seniore[m] fuisse Petro: Diuus Epiphanius Hæresi quinquagesima prima: *Occursus Andree* (inquit) primus contigit, cum esset Petrus minor tempore ætatis. Ipsi quoque Magdeburgenses Censura prima libro 1. capite 10. agnoscunt,

E Andream

Andream verisimiliter Petro seniore.

87 Quod denique id casu non sit factum, colligitur primò ex eo, quod perpetuò tam varijs locis enumeretur primus: quod si abque ratione ordo contingeretur, haud dubiè sicut alij non semper eodem inter se ordine cohærent, sic nec Petrus semper primo loco constitueretur. Deinde non tantum semper primo loco ponitur, sed etiam Matth. 10. expressè additur, quod primus esset Simon qui dicitur Petrus: quod apertè significat non casualiter eum primo loco enumerari, sed ratione alicuius dignitatis & excellentiæ præ cæteris. Tertiò, non tantum primo loco ponitur, & primus fuisse dicitur: sed etiam sic de illo Scriptura loquitur, vt suo loquendi modo significet eum Duce & Caput reliquorum: nam quemadmodum Apocaliptis 12. dicitur: *Diabolus & Angeli eius*: Item *Michaël & Angeli eius*: quo sermone indicatur Michaël Dux fuisse cæterorum Angelorum, de quibus fit mentio: Similiter & Diabolus fuisse Dux Angelorum sibi adhærentium qui cum eo ceciderunt: Ita quoque Marci 1. capite de Petro dicitur: *Et profectus est eum Simon, & qui cum eo erant*: Item Lucæ 8. *Dixit Petrus, & qui cum illo erant*. Act. 2. *Stans Petrus cum vndecim*. Act. 5. *Petrus & Apostoli dixerunt*: 1. ad Cor. 9. *Nunquid non habemus potestatem Sororem mulierculam circumducendi sicut & cæteri Apostoli, & fratres Domini, & Cephas*: non igitur casu ponitur Petrus primo loco; sed quia Dux & Caput erat cæterorum Apostolorum. Alioquin quare peculiariter ipse semper exprimitur, si tantum cum cæteris fuerit par & æqualis Apostolus. Huc etiam accedit quod Petrus ferè semper nomine omnium loquatur: Matth. 19. *Ecce nos reliquimus omnia*: Lucæ 12. *Ad nos dicite hanc parabolam, an ad omnes*. Ioannis 6. *Domine, ad quem ibimus, verba vitæ habes* &c. in quem locum ita scribit Cyrill. Per vnum qui præerat, omnes respondent.

88 Sed Contra hanc prærogatiua potest opponi, quòd 2. cap. ad Gal. Iacobus numeretur ante Cepham, seu Petrum: *Cum cognouissent gratiam quæ data est mihi, Iacobus, & Cephas, & Ioannes* &c. ergo ex eo quod aliàs Petrus ponatur primo loco, non potest statui aliqua particularis eius prærogatiua. Respondetur Neg. Consequentiā, nam in primis dubium est, an Paulus eo ordine tres illos Apostolos ibi enumerauerit; Amb. enim, Hieron. & August. circa istum locum, & in textu, & in commentario legunt hoc ordine: Petrus, Iacobus, & Ioannes &c. Similiter Chrys. in commentario: Petrus (inquit) Iacobus & Ioannes: vnde credibile est, sic à Paulo fu-

isse scriptum. Deinde esto, quod sic scriperit prout nos legimus, non tamen debet id, quod semel non habitā ordinis ratione factum est, censeri derogare ordini tam constanter alibi semper in Scripturis obseruato. Ansel. autem, & D. Thomas existimant Iacobum hic fuisse anepositum, quia erat Episcopus Hierosolymis, vbi tunc Apostoli illi erant de quibus loquitur Paulus. Quod nihilominus habuerit Petrum maiorem alijs Apostolis, significat satis in eadem epistola cap. 1. Deinde (inquit) *post annos tres veni Hierosolimam videre Petrum*: non dicit videre Iacobum, et si ille quoque Hierosolymis esset: & 1. ad Cor. 1. gradatim ascendendo, Petrum proximè sub Christo constituit: *Vnusquisque dicat, ego sum Pauli, ego Apollo, ego Cepha, ego Christi*.

89 Tertia prærogatiua Petri est, Quod in diuersis occasionibus voluerit Christus Petrum peculiariter habere secum communicationem & consortium: sic Petrus solus vnā cum Domino ambulat super aquas Marci 14. de quā re sic scribit D. Bernard. lib. 2. de Consideratione: *Instar Domini (inquit) gradiens super aquas vnicum se Christi Vicarium designauit, qui non vni populo, sed cunctis præesse deberet: siquidem aquæ multæ, populi multi*. Quod etiam refert idem Bernard. ibidem illud Petri factum Ioannis 21. vbi cæteris discipulis in nauiculā ad Dominum qui in litore expectabat, venientibus Petrus se misit in mare: de quo sic ille: *Quid istud? nempe signum singularis Pontificij Petri, per quod non nauem vnā, vt cæteri quisque suam, sed sæculum susceperit gubernandum: mare enim sæculum est, naues, Ecclesiæ*. Matth. 17. iubet Dominus tributum solui pro se & Petro: *Da ei* (inquit) *pro me & te*: ex quibus verbis cæteros Apostolos collegisse Petrum omnibus alijs præponi, scribunt Origines, Chrysostemus, Hieronymus in cap. 16. Matth. Et Auditor quæstionum veteris & noui testamenti apud August. quæst. 73. dicit Christū soluisse duo didrachmata: vnum pro se, & alterum pro Petro; quia sicut in Christo, sic & in Petro omnes continebantur: ipsum enim constituit esse caput eorum (ait) vt Pastor esset gregis dominici.

90 Quartam Petri prærogatiua indicat Lucas cap. 5. & Ioannes 21. vbi explicantur duo miracula edita in piscatione ex nauiculā Petri; quorum primum iuxta Augustinum tractatu 122. in Ioannem, designat Ecclesiam militantem, & alterum Ecclesiam triumphantem: nam idcirco primum factum est ante resurrectionem Iesv Christi: Secundum post resurrectionem.

tionem. Deinde in primo dixit Christus generaliter: *Laxate retia in capturam*, quia scilicet ad fidem vocantur boni & mali, electi & reprobi. In secundo dixit, ut mitterent retia in dextrâ: quia soli electi colliguntur ad regnum. Sic etiâ in primo absq; aliquo determinato numero expresso capiuntur pisces; & rumpitur rete: in secundo autem certus numerus piscium legitur comprehensus; & rete non fuisse ruptum commemoratur. Insignis itaque Petri prerogatiua est: quod ipse vtroque semper principalis & quasi Dux reperitur: nam Lucæ 5. cum vidisset Dominus plures nauiculas, intrauit in vnam quæ erat Simonis: & ex ea docebat, ut intelligeremus scilicet in eâ tantum Ecclesiâ Christum esse, & docere, cuius Gubernator est Petrus. Vnde Ambrosius serm. 11. Hanc (inquit) solam Ecclesiæ nauem ascendit Dominus; in quâ Petrus magister est constitutus. Ibidem, Soli Petro dicitur: *Duc in altum*: vbi tanquam supremus nauclerus iubetur ducere alios in altum mare, siue sæculum ad piscandum scilicet homines: quod mysticè Dominus significat, & Petro exponit, dicens illi: *Noli timere: ex hoc eris homines capiens*: & Ioannis 21. *Ascendit Simon Petrus & traxit rete in terram*: quibus figuris non aliud indicatur, quàm Petrum esse qui homines de mundo ad fidem & Ecclesiâ militantem adducit, & qui eorum curam gerens ad triumphantem perducit.

91 Quinta prerogatiua desumitur ex capite 22. Lucæ, & 21. Ioannis: vbi priori loco Christus peculiariter pro Petro rogat, ut fides eius non deficiat, eidemque demandat, ut post lapsum quem ei prædicit, confirmet ipse fratres suos: quibus aperte significat ei curam cæterorum committendam. Vnde Leo serm. 3. de Annuario Assumptionis suæ: Pro fide Petri (inquit) supplicat, tanquam aliorum status certior sit futurus, si mens Principis victa non fuerit. Posteriori autem loco Christus peculiariter Petro prædixit mortem, & quidem conformem cum morte ipsius Christi: Ita ut sicut ei nomen suum Petrus donauerat, & officium suum imposuerat, ita & in mortis genere voluerit habere illum consortem.

92 Sexta & vltima à nobis hic recitanda prerogatiua habetur ex diuersis locis libri Actuum estque in eo sita, quod Petrus ostendatur in conuentibus Apostolorum semper se gerere ad modum Patris familias, siue Rectoris & Capituli: sic 1. c. Ipse exurgens in medio fratrum dixit: oportere vnū ex viris istis testem resurrectionis eius nobiscum fieri, cap. 2. post acceptum Spi-

ritum Sanctum, Petrus primò omnium loquitur & promulgat Euangelium Christi, & primà illà concione tria millia hominum conuertit. In quem locum ita scribit Diuus Chrysostomus: Petrus omnium erat os, sed adstant illi vndecim testimonio suo comprobantes, quæ ab illo dicebantur. Act. 3. cap. Ipse facit primum miraculum in testimonium fidei, dicens Claudio: *Argentum & aurum non est mihi: quod autem habeo, hoc tibi do: In nomine IESU Christi Nazareni, surge & ambula.* Act. 5. cap. tanquam supremus Iudex diuinitus agnouit & damnauit hypocritism & fraudem Ananias & Saphiras. Act. 9. de illo dicitur: *Factum est, cum Petrus transiret per omnes &c.* Scilicet quemadmodum Dux in exercitu obambulans considerabat (ut ibidem docet Diuus Chrysostomus) quæ pars sit coadunata, quæ suo aduentu egeat; vide illum (inquit) vbique circumcurrare, & primum inueniri. Act. 10. Petrus omnium primus incipit prædicare gentilibus, sicut ipse omnium primus prædicauerat Iudæis: ac illi soli sit visio, quâ significabatur tempus gentibus prædicandi Euangelium aduenisse.

Posset tamen quis contra opponere, quod Act. cap. 8. legatur Philip. intruxisse & conuertisse Æthiopem Eunuchū, & cap. 9. Legatur Paulus loquutus & disputasse cum Græcis: vnde apparet quod Petrus non fuerit primus qui gentibus prædicauerit Christum.

93 Respondetur Negando Consequentia: Quia quod ad Eunuchum illum attinet, quamuis natione esset gentilis, tamen professione & religione erat iam ante Iudæus & profelitus. Quod patet, quia venerat is adorare in Hierusalem, ut ibidem dicitur: & legebat Isaiam Prophetam; quare ille cum Iudæis venit numerandus. Vnde Act. cap. 11. adhuc expressè dicitur, eos qui dispersi fuerant à tribulatione quæ facta erat sub Stephano, perambulasse varias regiones euangelizando, nemini autem loquentes verbum nisi solis Iudæis. Quod itaque allegatur etiam de Paulo, quod egerit cum Græcis, ad hoc dicendum est, ibi per Græcos intelligi Iudæos, qui in Græcia fuerant nati, & Græcè loquebantur, & inde Hierosolymam redierant, ut indicant ibidem Chrysostomus & Oecumenius: aut si quis existimet de Græcis gentilibus sermonem esse, dicendum erit: quod Paulus non ex professo eis Euangelium prædicauerit, sed loquutus sit & disputauerit cum illis respondendo duntaxat eorum calumnijs, quas contra fidem iactabant, & quibus Iudæos magis à fide auertebant: atque ita illa disputatio
E ij princi-

principaliter tendebat ad conuersionem Iudæorum.

94 Act. 15. Petrus in Concilio primus loquitur & sententiam eius Iacobus, & omnes alij sequuntur vt docet Hieronymus in epistola ad Augustinum, quæ est 11. inter epistolas Augusti. Huc etiam accedit, quod Actor. cap. 12. oratio fiat sine intermissione ab Ecclesiâ pro Petro: quod neque pro Stephano antea lapidato, neque pro Iacobo prius in carcere etiam constituto & occiso, legitur factum fuisse: sed peculiariter pro Petro; quia corpus magis pro capite, quam pro cæteris membris solet esse sollicitum.

95 Plures alias Petri prærogatiuas est colligere, tum ex Scripturis, tum ex Sanctorum libris, quas videre licet latius explicatas apud Bellarminum de Romano Pontifice lib. 1. cap. 23. quibus comprobandis adiungi possint plurima adhuc veterum testimonia: sed satis multa ex occasione circa Scripturarum allegatarum sensum & intellectum explicandum, adducta fuerunt. Ex quibus omnibus clare constat, Petrum fuisse à Christo Domino supra reliquos Apostolos constitutum Prepositum, ac totius Ecclesiæ vniuersalem Rectorem & Principem.

96 Verum præter obiectiones aduersarium supra hæc occasione propositas & dissolutas, restat adhuc vna atque altera proponenda: ac in primis

Opponit Lutherus lib. de Potestate Papæ: Quod Iacobus fuerit Petro maior, quod probat: quia Christus fuit Episcopus Hierosolymæ, non Romæ, ergo Iacobus qui post Christi passionem, Episcopatum Hierosolymæ sortitus est, Christo debet dici succedere, aut dici eius esse generalis Vicarius, non Petrus. Deinde Hierusalem est mater omnium Ecclesiarum: quia Isaiæ cap. 2. dicitur: *De Sion exibit lex, & verbum Domini de Hierusalem*: ergo &c. Quibus addi potest, quod Clemens apud Eusebium lib. 2. Histor. cap. 1. legatur ita scripsisse: Petrus, Iacobus, & Ioannes post assumptionem Saluatoris, quamuis ab ipso omnibus pænè fuerint prælati, tamen non sibi vendicabant Primatus gloriam; sed Iacobum qui dicebatur Iustus, Apostolorum Episcopum statuunt: Item quod habet D. Chrysostomus hom. 3. in Acta: Vide Iacobi modestiam (inquit) acceperat Hierosolymis Episcopi munus, & tamen hic nihil loquitur: considera autem & aliorum discipulorum singularem modestiam, quo pacto concedunt ei solum, nec amplius ambigunt discipulantes inter se.

97 Respondetur Negando Assumptum: Et

ad primam probationem dicitur, quod Christus non fuerit Episcopus alicuius particularis vrbis, sed fuerit Pontifex, non solus Hierosolymæ, neque particularis Episcopus illius; sed totius Ecclesiæ: neque quempiam illi succedere, cum semper viuat & perseueret Pontifex in æternum: Verum quia visibiliter cum Ecclesiâ non conuerfatur, propterea constituisse Vicarium generalem in terris: quem diximus fuisse Petrum, ad explenda scilicet ea quæ necessaria sunt ad temporale & visibile Ecclesiæ regimen, eiusque statum: cui tamen ipse inuisibiliter præsidet tanquam Caput supremum & principale. Neque sequitur quoddam Hierosolymorum Episcopo debuerit hic generalis Vicariatus deferri: nam hoc in primis ex liberâ Christi dispositione dependebat. Deinde videbatur id ipsum minus conuenire, quia sicut per Christi aduentum mutabantur Lex & Sacerdotium; sic quoque conueniebat, vt locus Summi Sacerdotis transferretur.

Ad Secundam probationem Respondetur, Hierosolymorum quidem Ecclesiam posse certis rationibus & respectibus dici matrem omnium Ecclesiarum: in primis quia Euangelica prædicatio Hierosolymis suam cepit originem, ibidemque Christus ipse, Petrus, & cæteri Apostoli primum annuntiarunt Euangelium: idque est quod prædicatur apud Isaiam loco & verbis allegatis. Secundò etiam mater dici potest, quia mysteria redemptionis nostræ eo loco perfecta & consummata sunt. Non tamen est mater omnium Ecclesiarum superioritate, & iurisdictione; sed eo modo & iure mater est illa Ecclesia, cuius Episcopatus adiunctus est Pontificatus Supremus ex liberâ Christi voluntate primitus collatus Petro; & ideò Veteres omnes Cathedram Petri tanquam Ecclesiarum omnium matricem, & magistratam semper recognouerunt.

Ad ea autem, quæ tanquam Clementis allegantur ex Eusebio, respondetur locum illum Eusebij corruptè citari: quamuis enim sic legatur in Codice Basilienfi versionis Rufini, tamen in Codice Colonienfi ab homine Catholico verso, & edito, non habetur nomen Primatus; & pro illis verbis (Apostolorum Episcopum) habetur, Hierosolymorum Episcopum: quæ Lectio cohæret cum Nicephoro ita hunc locum allegante, & cum sententiâ ipsius Eusebij, qui in eodem libro 2. capite 14. scribit Petrum fuisse Apostolorum maximum, & primorum Principem; atque ita iuxta hanc lectionem idem erit sensus Clementis, qui & Chrys. scilicet quod Apostoli etiam præci-

præcipui non quæsierint propriam gloriam, & ideo non sibi assumpserint Episcopatum Hierosolimitanum, qui pro eo tempore erat omnium æstimatus nobilissimus ob rationes illi loco singulares, & iam à nobis explicatas: sed Iacobo minori eum deculerunt, eiusdemque Ecclesiæ Solium seu Cathedram illi concesserunt: & propterea commendat Chrysostomus Apostolorum modestiam, quod iam non amplius ambitiosè contenderint pro primo loco, vel pro primis dignitatibus: sicuti ante passionem Christi. Verùm hæc non derogant Primatui Petri, qui ex iustis rationibus, non Hierosolymis, licet multis alioquin titulis iam nobilitatis præ cæteris locis; sed alibi Sedem suam locauit.

100 Quod; Q. Chrysostomus Petrum prætulit Iacobo, patet euidenter ex homilia vltima in Ioannem, ad illa verba Christi, *Sequere me*: quibus verbis (inquit) iterum curam, & familiarem in eum affectum ostendit. Quod si quis percundaretur, quomodo Iacobus Sedem Hierosolymis accepit? Responderem, inquit, hunc Petrum totius orbis magistrum constituisse. Vbi fateretur Chrysost. Iacobum à Petro nunquam totius orbis magistro in Sede Hierosolymitanâ constitutum.

101 Obijciunt Secundo: Quod Paulus solet per Anthonomasiam vocari Apostolus: videtur ergo ipse potius dicendus Primas ac Princeps Apostolorum, quàm Petrus. Et confirmari potest, quia in antiquis sigillis, quibus diplomata Summi Pontificis aliquando obsignata fuerunt, reperiuntur Imagines Petri & Pauli: sed huius à dextris, illius autem à sinistris: ergo &c.

102 Respondetur Negando Consequentiâ; Ex alijs namq; rationibus Paulum per Anthonomasiâ nomine Apostoli designari, docet D. Augustinus lib. 2. ad Bonifacium cap. 3. breuiter his verbis: Apostolus cum dicitur, si non exprimitur quis Apostolus, non intelligitur nisi Paulus: & rationem addit: Quia pluribus est epistolis notior; & plus omnibus alijs laborauit: Ipse enim fidem Christi plantauit ab Hierusalem vsque ad Iliricum, prout indicat ad Rom. cap. 15. nec ibi tantum, sed etiam à mari rubro vsque ad oceanum prædicauit Evangelium, et restatur Hieronymus in cap. 5. Amos ad illa Prophetæ verba: *Qui vocat aquas mari & effundit eas super faciem terræ.* Propterea ergo, quia sic excelluit in scribendi munere, & Apostolicis laboribus, hinc ita singulariter nomine Apostoli intelligitur compellari; non quod potestatem aut superioritatem in alios habuerit. Vnde etiam fit, quod sicuti Petrus dicitur

Princeps Apostolorum, quia institutus est caput & pastor ouium, ita etiam Paulus Princeps appellari possit, sed alia de causa: quia scilicet excellentissimè munus Apostolicum expleuit.

Ad Confirmationem Respondetur, non hoc esse perpetuum in antiquis Imaginibus, quod Paulus sit à dextris: nam in ijs quæ nunc Romæ existant, vt in quibusdam tenet Paulus dextram, ita non in paucioribus alijs cernitur ad sinistram, vt habet Bellarminus libro supra citato cap. 27. quod consultò Veteres potuerunt fecisse ad significandum, quod ipsi noluerint inter eos quoad vitam præstantiam, & merita in Ecclesiam dijudicare: quamuis enim in authoritate Petrus excelluerit, tamen in laboribus & doctrinâ videtur excellisse Paulus. In honoribus autem qui post mortem deferuntur Sacris, non tam attenditur dignitas potestatis Ecclesiasticæ quâ præfulserunt, quàm Sanctimonia & labores ac merita. Hinc in Litanij præponitur Laurentius Sixto, sicuti & in celebritate officij, licet hic tueri Pontifex, ille autem tantum Diaconus. Accedit non esse quog; vniuersale & perpetuum, quod locus dexter semper, & vbique fuerit habitus, & habeatur honoratio, vt ex alijs notat etiam Bellarminus. Denique non incongruam eius rei rationem reddit Petrus Damianus: cur Paulus fuerit sic locatus à dextris: puta scilicet, quia Benjamin à Patre dictus fuit filius dextræ: in Benjamin autem typicè expressus fuit Paulus, vt docet Augustinus serm. 14. de Sanctis, vbi ratione Pauli qui fuit de tribu Benjamin, docet in benedictionibus Iacob Genes. cap. 49. prædictum fuisse: *Benjamin lupus rapax, manè comedes prædam, & vespere diuidet spolia*, quod ipse ibidem D. Paulo accommodat.

DVBIVM II.

Vtrum Petrus habeat successorem aliquem in Primatu Ecclesiæ ex Christi institutione, & quisnam ille sit?

NEgant hæretici, non tantum Petri Primatum, sed contendunt quod etiam illo posito, nihilominus consequens non sit, de post in illâ dignitate & potestate vniuersali supra totam Ecclesiam, quempiam illi succedere: quandoquidem neque in Apostolatu, neque in donis miraculorum, neque in alijs multis habeat aliquem successorem. Quod enim vni particulariter est concessum, non debet mox ad alios extendi. Sed contra eos sit

E iij

CONCLV.

105

CONCLUSIO Prima: Primatus, siue vniuersalis & suprema Pontificia potestas, quam Petrus habuit in ~~eam~~ Ecclesiam non fuit temporanea, vt cum vitâ Petri finiretur: sed sic fuit data & instituta, vt perpetuò quamdiu Ecclesia hic militabit, ipse perseueret, & semper aliquis in illo primatu siue summo Pontificatu succedat, qui toti ouili Christi, & omnibus reliquis Pastoribus ex officio præsit & imperet. Est fidei, vt patet ex Concilio Constantensi: vbi inter alios articulos Ioannis Hus damnatur ille, qui est 27. Non est scintilla apparentiæ, quod oporteat esse vnum Caput in spiritualibus regens Ecclesiam, quod semper cum ipsâ militante Ecclesia conuerteretur & conseruetur. Probat autem Primò: Quia quæ fuit ratio instituendi ab initio hunc principatum, & conferendi illum Petro, eadem subsistit & durat toto decursu Ecclesiæ militantis; ergo semper erit aliquis Petro in illâ præfecturâ substituendus. Confirmatur: Quia non instituit Christus, neque Petro contulit istam potestatem, vt tantum eleuaret & honoraret Petrum præ reliquis; vtque ipse pro suo tempore dominaretur in Clero: sed vt Ecclesiæ suæ & fidelibus omnibus quàm optimè prouideret.

106

Et propterea dicit August. in Psal. 108. Illam Christi promissionem, *Tibi dabo clauus Regni Calorum* &c. non habere illustrem intellectum, nisi cùm refertur ad Ecclesiam, id est, nisi quando intelligitur non ad personale priuilegium & honorem Petri tantummodo pertinere, sed intelligitur spectare ad perpetuum Ecclesiæ regimen, eiusque vtilitatem & fructum, sicuti suprâ latius hoc explicuimus. Neque enim post mortem Petri minùs indiget Ecclesia eiusmodi Christi vicario & generali Pastore in terris, quàm in vita eius: Imo ampliùs, tum propter maiorem fidelium multitudinem, quæ propter ingeniorum diuersitatem, difficilius in vno sensu fidei continetur, tum quia fideles modò non tam sunt perfecti & feruentes in fide, ac in fidei legibus obseruandis, quàm erant primi Christiani: tum denique, quia Apostoli reliqui non æque indigebant instructione & directione Petri, ac modò indigent Episcopi, vtpote multò imperfectiores, qui tamen Apostolis quoad munus Episcopale succedunt.

107

Probat Secundò: Quia Matth. 16. vbi promittitur Petro primatus Ecclesiæ, ibi sub nomine fundamenti metaphorice exprimitur ille Primatus: atqui fundamentum suæ quæ struitur ædificium, debet esse peris durationis cum ipso ædificio; ergo Primatus ille debet esse tam perpe-

tuus, quàm Ecclesia quæ desuper ædificatur. Deinde ibidem addit Christus: *Et porta inferi non preualebit: aduersus eam*; debet ergo fundamentum illud cui tam solidè innititur Ecclesia semper permanere, quamdiu à portis inferi illa oppugnatur. Hinc Leo serm. 2. de Annuario suo Assumptionis: Sicut permanet (inquit) id quod in Christo Petrus credidit, ita permanet quod in Petro Christus instituit: Item, Manet dispositio veritatis, & Beatus Petrus in acceptâ fortitudine Petri perseuerans, suscepta Ecclesiæ gubernacula non relinquit: quia scilicet eius dignitas etiam in indigno hærede non deficit, vt infra loquitur idem Leo.

Probat Tertiò: Quia Ioannis 21. vbi Petro cura agnorum, ouiculorum, & ouiu committitur, ibi instituitur vniuersalis Pastor ouilis Christi, non det et autem officium Pastoris cessare, quamdiu ouile & oues subsistunt.

CONCLUSIO Secunda: Petri successor in primatu & generali regimine totius Ecclesiæ est Romanus Pontifex. Est etiam certa de fide. Et Probat primò ex Concilijs: ac imprimis ex Concilio Nicæno quod fuit primum generale, cuius Sextus Canon sic habet, prout refertur in Concilio Calcedonensi Actione 16. Ecclesia Romana semper habuit primatum: mos autem antiquus perduret in Ægypto, Lybiâ & Pèntapoli, vt Alexandrinus Episcopus horum omnium habeat potestatem; quoniam & Episcopo Romano ea est consuetudo. Dixi, vt refertur in Concilio Calced. quia in Tomis Conciliorum, vbi Concilium Nicænum per se existat, non habetur illud initium huius Canonis, Ecclesia Romana semper habuit primatum. Sed hoc non ita mirandum est, quia acta illius Concilij admodum mutilatè habentur, eò quòd Arriani passim exemplaria exusserint, mutilarint, & corruerint præsertim in Ecclesijs Græcicis, vt constat ex Athanasio epistola ad omnes Orthodoxos; sic vt ipse, licet Concilium Nicænum in Græciâ esse celebratum, putauerit tamen eius acta seu Canones ex vrbe Romanâ petendos.

Deinde vt ab sit illud initium, potest tamen colligi primatus Romani Pontificis ex vltimis illis verbis: Quoniam quidem & Romano Episcopo ea est consuetudo, scilicet quod ipse permittat & concedat Episcopo Alexandrino præesse omnibus Episcopis & Ecclesijs istorum locorum, vti intellexerunt hunc Canonem Nicolaus primus in epistola ad Michælem Imperatorem, Leo primus ad Marcianum Augustum, & alij quos citant Turrianus & Bellar. Huc accedit, quod ista Synodus de-

creta

Acta sua petierit à Siluestro Papa Romano confirmari, & ab eodem fuerint confirmata, vt refert Turreanus lib. 3. pro Epistolis Pontificum c. 8. & alium addit Canonem eiusdē Concilij ex codice Arabico, qui sic habet: Qui Sedem Romæ tenet, superior est, & Princeps omnium Patriarcharum: liquidem ipse est primus, vt Petrus cui datus est principatus, &c. Et sine dubio temporibus illis, quando erant tot Græci Episcopi Armani studentes ad abolitionem Synodi Nicænæ, potuerunt facilius acta illius Concilij consensu in sua integritate in linguâ aliquâ peregrinâ, quàm in Græca: vnde Canones illi ex alijs Codicibus quam Græcis collecti etiam suam merentur fidem.

110 Similiter Concilium Secundum generale Constantinopoli celebratum in epistola ad Damasum, quæ habetur apud Theodoretum lib. 5. Historiarum cap. 9. scribit, se conueniente Constantinopoli in ipsius Damasi iussu, & ibidem Patres fatentur Romanam Ecclesiam Caput esse; se autem membra. Estque illud Concilium etiam à Damaso Pontifice Romano confirmatum, vt refert Photius Patriarcha de septem Concilijs Oecumenicis. Tertium Concilium generale Ephesi habitum, dicit se deponere Nestorem ex mandato literarum Cælestini Papæ Romani, vt est apud Euergrum lib. 1. Historiarum cap. 4. & in epistola ad eundem Cælestinū scribit, se causam Ioannis Patriarchæ Antiocheni, quæ magis dubia erat, quàm Nestorei, non fuisse ausum iudicare: sed reseruasse iudicio ipsius Cælestini: cuius eriam Vicarius, scilicet Cyillus, & alij submissi tres Legati Arcadius, Proiectus, & Philippus Præbiter primatum Apostolicæ Sedis sacro approbante Concilio, & verbis & factis professi sunt.

111 Quartum Concilium generale, quod est Calcedonenſe Actione 1. 2. 3. passim vocat Leonem Ecclesiæ vniuersalis Pontificem, & in epistola ad eundem sic scribit: Et post hæc omnia, in super & cōtra ipsum cui vineæ custodia à Salvatore commissæ esset, exirendit, (Eutiches) insaniam, id est, inquit Concilium, contra tuam quoque Apostolicam Sanctitatem; quibus apertè Synodus fateri Romano Pontifici custodiam vineæ Christi, quæ est Ecclesia tota, à Salvatore commendatam & commissam esse. In Conc. Constantinop. 2. Actione 4. sic legitur: Apostolicam sedē sequimur & obedi-mus, & ipsius communicatores, communicatores habemus, & condemnatos ab ipsa, & nos condemnamus. Si autem totum Conc. sequatur & obediatur Apostolicæ Sedī, ergo eam agnoscat Ducem & Superiorem.

Concilium Nicænum secundum Actione secunda recipit & approbat epistolam Adriani Papæ ad Tharalium, in qua inter cætera habentur hæc verba: Cuius iedes per totum terrarum orbem primum obtinens lucet, omniumque Ecclesiarum Dei caput exiit &c. Similia habentur cap. 5. in Concilio Lateranenſi celebrato sub Innocentio III. Romana Ecclesia disponente Domino, super omnes alias ordinariæ potestatis obtinet principatum, vt pote mater vniuersorum Christi fidelium, & magistra. Conc. Lugdunenſe sub Gregorio X. & habetur in 6. decretalium, de Electione, Capitulo Vbi periculum; vocat Pontificem Vicarium Iesu Christi, Successorem Petri, Rectorem vniuersalis Ecclesiæ, gregis Domini Directorem. Denique Concilium Flor. sub Eugenio IV. ita habet: Definimus Sanctam Apostolicam Sedem & Romanum Pontificem in vniuersum orbē tenere primatum, & ipsum Pontificem Romanum successorem Beati Petri Principis Apostolorum, & verum Christi Vicarium, totiusque Ecclesiæ Caput, & omnium Christianorum Patrem ac Doctorem existere, & ipsi in B. Petro pascendi, regendi, gubernandi vniuersalem Ecclesiam à Domino nostro Iesu Christo plenam potestatem traditam esse. Atque ita habemus hic nouem Concilia, quibus Græci & Latini interfuerunt, quæ simul attestantur, & approbarunt hanc catholicā doctrinam.

Præter ista autem, sunt & alia Concilia generalia, sed quibus non interfuerunt Græci, vt Constantienſe in quo Sess. 8. damnatur iste articulus Ioannis Wiclef. Nō est de necessitate salutis credere Romanæ Ecclesiæ esse supremā inter omnes alias Ecclesias, Conc. Lugdunenſe 1. sub Innocentio IV. & habetur in 6. De homicidio, capitulo 1. vbi ponit hæc tria: Primum, quod Dominus ascensurus in cælum post resurrectionem, ne Ecclesiam suam sine Pastore relinqueret, ipsius curam Beato Petro Apostolo commiserit, vt sua stabilitate fidei, cæteros in Christianā religione firmaret. Alterum quod Pontifex Romanus sit eiusdem Apostoli successor. Tertium, quod ipse teneat locum Redemptoris in terris. Idem indicat diuersis locis Conc. Trid. vt Sess. 6. cap. 1. De reformatione: & Sess. 14. cap. 7. vbi sic ait: Vnde merito Pontifices maximi pro suprema potestate sibi in vniuersa Ecclesia tradita, causas aliquas grauiores suo potuerunt peculiari iudicio reseruare.

Probatur Secundò ex Summis Pontificibus, qui in epistolis suis decretalium eandem veritatem, & supponunt, & attestantur.

E. iij

stantur:

stantur & De quibus, quia diuersimodè de diuersis sentiunt hæretici, rectè eos distribuit Beil. lib. 2. cap. 14. de Pontifice in tres classes: quarum prima continet Pontifices, qui lederunt, & humis di litteras ediderunt primis trecentis annis: inter quos primus est Clemens, qui epistola sua prima Primatum huius Sedis Romanæ agnoscit, & docet. Idem facit Anacletus epistola 3. Euaristus epistola prima. Alexander epistola 1. Pius epistola 2. Anacetus epistola 1. Victor epistola 1. Scephistus epistola 1. Calixtus epistola 2. & Melchisedes epistola 1.

115 Quoad hos fateatur hæretici in epistolis allegatis astitui Primatum Romani Pontificis, ac etiam illos fuisse veros & Sanctos Pontifices Romanos. Vnde ad hæc tantum respondent litteras illas esse rectè confictas, & falsò illis Pontificibus ascriptas. Sed contrà facit, quod eas esse antiquissimas constet ex antiquis auctoribus, qui harum faciunt mentionem: nam meminit eorum Ildorus in Proæmio sui Collectanei Sacrorum Canonum. Item Conc. Valsense citat epistolas Clementis, sicut nunc existant, quod fuit celebratum tempore Leonis 1. & sic trecentis quinquaginta annis ante Carolum magnum: ante cuius tempora volunt Magueburgenses, à nullo auctore alicuius momenti eas litteras fuisse allegatas. Item Rufinus, qui quadringentis annis præcessit, in præfatione in Recognitionis Clementis à se conuersas ex Græco, meminit epistolæ Clementis ad Iacobum. Quare etià eo admissio, quod aliqui errores aut mendæ irrepserint in dictas epistolas Pontificis (quod non omnino vult negare Bell.) nihilominus tamen in eo puncto, in quo omnes sic conueniunt, fidem suam merentur: nec possunt cum ratione aliquà haberi suspensæ, quasi illud in omnibus sit confictum & suppositiue adiectum. Vide Turrianum in Opere suo pro his epistolis: vbi eas rectè defendit.

116 Secunda classis continet eos Pontifices, qui floruerunt ab anno trecentesimo vsque ad 600. & similiter expresse Romanæ sedis præminentiam & auctoritatem in omnes alias Ecclesias: vt Iulius 1. in epistola ad Orientales, quæ exstat in Apologia secundà Athanasij: Damasus in epistola ad omnes Episcopos Orientales, quam Theodoretus recitat lib. 5. Historiarum, cap. 10. Item epistola 4. ad Episcopos Numidia: Cuncta (inquit) quæ possunt aliquam recipere dubitationem, ad nos tanquam Caput, vt semper fuit consuetudo, deferre nõ delinatis. Syricus in epistola ad Himerium Episcopum Tarraconensem. Zolymus

in epistola ad Hefichium Salomitanum Episcopum: Sciet (inquit) si quis hoc positum Patrum & Apostolicæ Sedis auctoritate neglexerit, à nobis districtius vindicandum. Innocentius in epistola 22. ad Episcopos Macedoniæ: Aduerti, inquit, Sedi Apostolicæ ad quam relictis quali ad Caput Ecclesiarum missa curabat, heri iniuriam &c. & in epistola ad Concilium Cartaginense quæ est 91. inter epistolas Augustini, dicit Romanam sedem esse fontem & Caput omnium Ecclesiarum. Leo idem docet pluribus locis, & ex ipso constat Romanum Pontificem, non tantum in Occidentales, sed etiam in Græciam, Afiã, Ægyptum, & Africam exercuisse Iurisdictionem: vt videre est ex epistola 84. ad Anastasium Episcopum Tessalonicensi: ex epistola 46. ad Anatolium Episcopum Constantinopolitanum, & ex epistola 81. ad Dioscorum Patriarcham Alexandrinum. Quod à Patribus nostris, inquit, propensiore curâ nouimus esse seruatum, à vobis quoque volumus custodiri. Vbi Leo imperat Patriarchæ totius Ægypti & Lybiæ. Vide eundem in epistola 87. ad Episcopos Africæ: Denique Item. 1. de Natali Apostolorum, his verbis Romam alloquitur: Per Sacram Beati Petri Sedem, Caput orbis effecta latius præfides religione diuinâ, quàm Dominatione terrenâ: quamvis multis audâ victoris ius Imperij tui terrâ marique protuleris, minus tamen est, quod tibi bellicus labor subdidit, quàm quod pax Christiana subiecit. Idem docet Gelasius in epistola ad Episcopos Dardaniæ: & in epistola ad Anastasium Imperatorem: fueruntque omnes hi Pontifices Sancti. Item Ioannes Secundus in epistola ad Iustinianum Senioremem Augustum, quæ habetur in Codice: Tit. primo, scribit, quod & Patrum regulæ, & Principum Statuta declarant Sedem Romanam esse verè omnium Ecclesiarum Caput. Gelasius Secundus epistola 1. ad Episcopos Orientis: Romana Sedes (inquit) instituta Domino Caput est omnium Ecclesiarum. Denique Greg. Mag. lib. 4. epist. 36. Pallium (inquit) Ioanni fratri nostro Corinthiorum Episcopo nos transmississe cognoscite: cui vos magnopere conuenit obedire: vbi elucet Gregorij auctoritas in Episcopos Græcos, qui pallij transmissio Corinthiorum Episcopum creat Archiepiscopum: & mox ceteros illius Prouinciæ Episcopos, quod habeant illi potestatem: & lib. 7. epistola 63. ad Ioannem Episcopum Syracusanum: Nam de Constantinopolitana Ecclesia (inquit) quis eam dubitet Apostolicæ Sedi esse subiectam: quod & Dominus Priscimus Imperator, & frater noster Eulcbius

Eusebii eiusdem Ciuitatis Episcopus as-
siduè proficuerit: & lib. 11. epistola 42.
ad Ioannem Panormitanum Episcopum:
Illud admonemus, vt Apostolicæ Sedis
reuerentia, nullâ præsumptione turbetur:
tunc enim status membrorum integer ma-
ner, si Caput fidei nulla pulet iniuria.

Ad horum autem Pontificum testimo-
nia quod attinet, neque audent hæretici
negare ea esse ipsorum scripta, neque illos
fuisse veros Pontifices: Sed fere duplici-
ter ad ea respondent: Primò arguunt,
quosdam nimis ambitionis & cupiditatis
dominandi in alios: & notanter D. Leo-
nem sic insinuat Calvin. lib. 4. Institut.
cap. 7. Verùm fuerunt isti semper ab Ec-
clesiâ habiti viri boni, & pene omnes San-
cti: Neque D. Leo ante Lutherum & Cal-
uinum fuit ab alijs superbiæ, aut ambitio-
nis notatus: Sed è contra in diuersis Lit-
teris Conciliorû & Imperatorum ad ipsum
Leonem, ac præsertim in epistolis Epis-
coporum Gallie valde pietas eius & au-
thoritas commendantur. Secundò res-
pondent, licet Pontifices Romani sese
interposuerint causis & difficultatibus al-
iorum Episcoporum, quod tamen non ex
authoritate & potestate id egerint, sed tan-
tum studuerint componendis dissidijs &
pacificandis, quantum lex & ratio Ecce-
lesiasticæ communicationis patiebantur.

Verùm duæ istæ responsiones parum
cohercent, si enim ita sit, quod tantum fra-
ternè & quantum permittit ratio Ecce-
lesiasticæ communicationis sese negotijs al-
iorum componendis immiscuerint, certè
non debent idcirco argui ambitionis, aut
cupiditatis dominandi, cum illud sit præ-
stare officium charitatis. Sed frustra id cõ-
fingunt hæretici: quandoquidem modus
scribendi, & verba Pontificum prædicto-
rum nimis manifestè declarant, quod non
tantum fraternè moneant & hortentur ce-
teros quoscumque Episcopos, Archiepis-
copos, aut Patriarchas, sed quod cum illis
agant ex autoritate, tanquam veri ipso-
rum superiores qui habeant potestatem iu-
dicandi & puniendi.

Tertia classis complectitur Pontifices
eos, qui suis epistolis eundem Primatum
Sedis Apostolicæ attestantur, & sederunt
ab anno 600. vsque ad nostra tempora, qui
plurimi etiam sunt. Quod ad hos attinet,
admittunt facile hæretici eos sic docuisse;
sed dicunt non esse fide dignos, & fuisse
Pseudo-Pontifices, non veros. Sed res-
ponsio ista non nisi manifestam continet
calumniam, & Christi Ecclesiam iam à
mille annis defecisse & extinctam arguit:
neque enim poterunt remonstrare, vllibi
locorum fuisse aliquam Christiani populi

congregationem habitam tanquam veram
Christi Ecclesiam, quæ Sedi Romanæ non
communicauerit: & proinde, si ab eo tem-
pore Romanus Pontifex fuerit Pseu-
do-Pontifex, & Romana Ecclesia à veri-
tate fidei & Euangelij aberrauerit, con-
sequens est, quod toto illo tempore nisi
quam vera Christi Ecclesia extiterit.

Probatur Tertiò: Ex alijs antiquis Pa-
tribus, tum Græcis, tum Latinis: Irenæus
lib. 3. cap. 3. Ad hanc enim Ecclesiam (lo-
quitur de Romanâ) propter potentiorē
principalitatem, necesse est omnem con-
uenire Ecclesiam: hoc est, eos, inquit, qui
sunt vndique fideles; in quâ semper ab his
qui sunt vndique, conseruata est ea quæ ab
Apostolis est traditio. Vnde Irenæus docet,
nos posse confundere omnes hæreticos ex
doctrinâ Romanæ Ecclesiæ: quia in eâ
semper conseruata est Apostolica traditio,
& proinde ad eam, tanquam quæ princi-
patum obtinet, semper esse recurrendum
ab omnibus alijs Ecclesijs. Epiphani. hæ-
resi 68. Vrsacius & Valens (inquit) præ-
nitentiam agentes, vñ cum libellis profes-
cti ad Beatum Iulium Romanum Episco-
pum, pro ratione reddenda de suo errore
ac delicto. Erant isti sanè Episcopi, non
igitur fuit cur à Romano Pontifice pete-
rent delicti sui veniam, nisi quia ipsum
omnium Episcoporum Iudicem, & Caput
agnoscerent. Athanasius in Apologia 2. de-
clarat, prædictos Episcopos à Beato Iulio
veniam sui erroris rogasse: & in epistolâ
ad Felicem Papam: Ob id (inquit) vos
prædecessoresque vestros, Apostolicos vi-
delicet Præsules, in summitatis arce con-
stituit, omniumque Ecclesiarum curam
habere præcipit, vt nobis succurratis &c.
Vide eundem lib. de Sententiâ Dionysij
Alexandrini Episcopi, vbi significat eum
accusatum fuisse à bonis viris apud Ro-
manum Pontificem, haud dubiè apud hunc
tanquam cognitum & habitum communè
omnium Episcoporum ac etiam Patriar-
charum Iudicem. Basiliius epistola 52. ad
Athanasium. Visum est (inquit) consentaneum
scribere ad Episcopum Romanum, vt vi-
deat res nostras, & iudicij sui decretum
interponat: vbi & plura alia adiungit, quæ
ad supremam potestatem Romani Ponti-
ficis pertinent. Chrys. epistola 1. ad Inno-
centium: Obsecro (inquit) vt scribas, quod
hæc tam iniquè facta non habeant robur:
illi autem qui iniquè egerunt, penæ Ec-
clesiasticarum legum subiaceant: Hic petit
Chrys. per Romanum Pontificem decla-
rari irritam sententiam contra se à Theo-
philo Episcopo Alexandrino in multorum
Episcoporum Concilio iniquè latam; ac
ipsum Theophilum cum suis iuxta leges
Ecclesi-

Ecclesiasticas puniri : Agnoscit igitur Chryl. Romanum Pontificem habere potestatem & iurisdictionem etiam in Episcopos Græciæ. Theodoretus in epistola ad Leonem : Ego Apostolicæ vestræ Sedis expecto sententiam, & supplico & obsecro vestram Sanctitatem, ut mihi opem ferat, iustum vestrum & rectum appellanti Iudicium &c. Sozomenus lib. 3. cap. 9. Cum propter sedis propriæ dignitatē cura omnium ad ipsum spectaret, singulis Ecclesiam suam restituit. Vbi loquitur de Iulio 1. quem dicit reddidisse Episcopatum Athanasio Alexandrinum, & Paulo, Constantinopolitanum. Iustinianus quoque Senior Augustus in epistola ad Ioannem, quæ habetur in Concilio Iuliano 1. Nec enim patimur quidquam (inquit) quod ad Ecclesiarum statum pertinet, quod non etiam vestre intoretur Sanctitati quæ Caput est omnium Sanctarum Ecclesiarum.

121

Idem constanter docent P. P. Latini : D. Cyp. lib. 1. epistola 8. Deus vnus est, inquit, & Christus vnus, & Ecclesia vna, & Cathedra vna super Petrum Domini voce fundata : Aliud Altare constitui, aut Sacerdotium nouum fieri præter vnum altare aut Sacerdotium, non potest : quisquis alibi collegit, ipargit. Hic Cyp. docet, quod sicut Deus vnus est, & vna Ecclesia, ita etiam esse Cathedram vnam, scilicet primam & principalem, quæ omnes alias Ecclesias contineat, regat, & doceat; eamque Cathedram esse Cathedram Petri, fundatam voce Domini. Item eodem lib. epistola 3. ad Cornelium, ubi loquens de Schismate Nouatianorum quæ nolebant Cornelium Pontificem agnoscere, ita scribit : Neque enim aliunde hæreses obortæ sunt, aut nata sunt schismata, quam inde quod Sacerdoti Dei non obtemperatur, nec vnus in Ecclesia ad tempus Sacerdos, & ad tempus Iudex vice Christi cogitur : cui si secundum magisteria diuina, obtemperaret fraternitas vniuersa, nemo aduersus Sacerdotum Collegium quidquam moueret : lib. 4. epistola 8. Ecclesiam Romanam vocat radicem, & matricem Ecclesiæ Catholicæ : & lib. de Vnitate Ecclesiæ dicit : Inde nasci hæreses, quod ad veritatis originem non redeatur, neque queratur Caput, nec magistri cælestis doctrina seruetur : & statim post explicat, ubi illa veritatis origo, & Caput, & doctrina cælestis magistri sint inquirenda : Probatio (inquit) est ad finem facili compendio veritatis : loquitur Dominus ad Petrum Matth. 16. Ego dico tibi, quia tu es Petrus, & super hanc Petram ædificabo Ecclesiam meam : & tibi dabo clauis Regni Cælorum &c. Idem, inquit, post resurrectionem dicit

Ioannis 21. *Pasce oues meas* : ac deinde paulò infra addit : *Vt vnitatem manifestaret, vna Cathedram instituit, & vnitatis eiusdem originem ab vno incipientem sua auctoritate disposuit* : quibus manifestè declarat ex Cathedra Petri, vnitatis originem pendere, eamque esse Caput & continere doctrinam cælestis magistri.

Sed his non obstantibus contendunt hæretici Cyprianum à parte sua stare, eumque non agnoscere Romanum Pontificem habere potestatem in totam Ecclesiam : & allegant primò ex lib. eius de Vnitate Ecclesiæ, ubi scribit : Episcopatus vnus est, cuius à singulis in solidum pars tenetur : ergo inquit, non est vnus Episcopus totius Ecclesiæ ; sed vnus Episcopus, qui totam Ecclesiam respicit, existunt plures Episcopi : qui singuli eius partem vnam in solidum tenent & administrant.

122

Pro pleniori horum verborum intelligentiâ, Aduertendum est, scopum Cyprianum eo loco esse declarare omnes eos, qui per hæresim vel schisma Ecclesiæ vnitatem, & Cathedram Petri, super quam fundata est Ecclesia (vt in antecedentibus loquitur) deserunt, non posse, nec debere expectare promissa à Christo Ecclesiæ, colligere filijs præmia : sed eos fore bonorum Christi extorres : idque ad eum finem ostendit, ne forsitan aliqui fallaciter sibi ablandientes existiment, quod quamuis à corpore Ecclesiæ se seingant, tamen quia Christi nomen & religionem in suis quoque conuentibus iuxta suum sensum profitentur, quod idcirco ipsi non fraudantur Christi meritis & beneficijs. Ad hoc autem ostendendum, docet Ecclesiam esse vnam, & vnum atque indiuisum esse Episcopatum : idque probat primò, quia super vnum ædificat Christus Ecclesiam, scilicet super illum cui dictum est : *Tu es Petrus & super hanc Petram ædificabo Ecclesiam meam* : vnde, inquit, ideo Primatus Petro datur, vt vna Christi Ecclesia, & Cathedra vna monstretur. Secundò idem demonstrat ex cap. 6. Cantici Canticorum, ubi Spiritus Sanctus ex personâ Domini, designat vnam esse eius Ecclesiam : his verbis : *Vna est columba mea, perfecta mea, &c.* Huius autem vnus Episcopatus admittit esse plures partes, sed quæ debeant à singulis teneri in solidum, id est, absque scissione & diuisione à toto.

His præmissis Respondetur Negando Consequent. in ordine ad priorem partem consequentis : quia possunt simul consistere, quod illius Episcopatus totius sit vnus Episcopus vniuersalis, & quod singularum eius partium sint singuli Episcopi, qui teneant vnam partem in toto non dis-

123

124

disruptam, aut diuulsam, sed coherentem & coniunctam Episcopatus toti: quemadmodum totius gubernaculi v. g. Belgij potest esse vnus Gubernator generalis, & tamen à pluribus teneri pars aliqua eius in solidum absque separatione ab vno gubernaculo; quatenus singularum prouinciarum sunt quoque singuli Gubernatores eidem generali gubernaculo coherentes.

125 Debet autem pars illa Episcopatus sic à singulis teneri in solidum absque separatione, vt si quis eam separaret, hoc ipso amitterat rationem & statum Episcopatus: quod pulchrè D. Cypr. ibidem declarat, quia scilicet Episcopatus hic vnus est, & Ecclesia vna, ita tamen vt in multitudinem latius incrementum fecunditatis extendatur: Quomodo, inquit, Solis multi radij, sed lumen vnum, & rami arboris multi, sed robur vnum tenaci radice fundatum; & sicut de fonte vno riuus plurimi defluunt, sed vnitas in origine seruatur. Quemadmodum igitur radius Solis à corpore aueli non potest, quia diuisionem lucis vnitas non capit, & sicut ab arbore præcisus ramus germinare non potest, inquit, & riuus à fonte præcisus arefcit; sic quoque nulla pars Episcopatus huius, neque villa pars Ecclesiæ à corpore separata potest in sua ratione subsistere: quamuis enim longè lateque partes Ecclesiæ & Episcopatus eius sint extensi, tamen, inquit Cyprianus, caput vnum est, & origo vna, & mater fecunditate successibus copiosa: & propterea fallitur quicumque putat se posse partem vnā auellere, & particularem Christi Ecclesiam constituere diuulsam à reliquo corpore: quia hoc ipso quo à capite, quod vnum est, quo ab origine quæ vna est, separatur, mox necesse est emori, nec fructum posse germinare: sed arefcere, vt ex similitudinibus à D. Cypr. allegatis comprobatur.

126 Sed dicit aliquis: Cypr. docet huius Episcopatus qui vnus est, partem in solidum teneri à singulis: ergo etiam à Romano Episcopo pars tenetur, & proinde non totum. Respondetur verum esse, quod à Romano Pontifice teneatur etiam pars aliqua illius Episcopatus, quatenus specialiter est Episcopus Romanæ Sedis: sed non sequitur inde, quod non teneat etiam totum: quemadmodum à singulis Belgij gubernatoribus pars aliqua tenetur in solidum, quatenus singulæ prouinciæ suam habent gubernatorem, & tamen vnus etiam tenet Gubernaculum totum. quatenus generalis Gubernator sibi reseruat gubernationem particularem vnus prouinciæ. Sic quoque igitur qui præficitur huic parti, quæ est particularis Ecclesia Romana, si-

mul accipit regimen vniuersale Episcopatus totius Ecclesiæ; quia hæc pars quæ illi regenda committitur, eum habet locum in Ecclesiâ quem habet radix in arboe, caput in corpore, & fons in aquarum muu-
lis: & proinde eius potestas scilicet ad omnes alias partes extendit. Dixi autem in resolutione primâ ad argumentum, negandam esse consequentiam in ordine ad priorem partem consequentis: non autem in ordine ad partem posteriorem; quia verum est quod magni illius Episcopatus, de quo loquitur Cyprianus, sint plures veri Episcopi, qui singuli teneant vnâ eius partem: nam particularis quilibet Episcopus alicuius Ecclesiæ est verus Episcopus, non Vicarius Pontificis.

Obijciunt Secundo, ex eodem Cypriano: quod in Concilio Carthag. exiens sic ad Confratres suos locutus fuerit: Neque enim quisquam nostrum Episcopum se esse Episcoporum constituit: Item quod vnus ab alio tam iudicari non possit, quàm vnus alterum non potest iudicare: sed vniuersi expectent iudicium Domini nostri IESU Christi, qui vnus & solus habet potestatem de actu nostro, inquit, iudicandi, vt refert D. Aug. lib. 3. de Baptismo contra Donatistas cap. 3. & lib. 6. cap. 6. ergo &c.

128 Respondetur D. Cypr. tantum loqui de Episcopis in Prouinciali Concilio Carthag. congregatis, de quibus rectè & merito dixit: quod nullus ex istis se Episcopum Episcoporum constitueret; nam reuera nullus ex illis talis erat: sed hoc non præiudicare Romano Pontifici, qui ibi non aderat, neque in numero illo includebatur. Ad illud verò quod ibidem addit, Dominum nostrum IESUM Christum vnum & solum habere potestatem de actu illorum iudicandi, Respondetur: hoc limitatè intelligi secundum rationem subiectæ materiæ, in quâ illic Cyp. versabatur: vt scilicet sensus sit, quod dum in Concilio aliquo examinatur res obscura, & controuersa, tum pro veritatis securiori & certiori indagine licere vnicuique Episcopo liberè dicere eâ de re suam opinionem absque eo, quod ideo debeat timere alicuius iudicium, aut Ecclesiasticam censuram: sed quod quoad actum illum, an bene, an malè, siue an sincerè, an dolosè in eo versetur, relinquatur Domino iudicandus. Sic intelligit Aug. lib. 3. cap. 3. supra citatis, vbi postquam prædicta Cypriani verba recitasset, subiungit: Opinor vtique in his questionibus, quæ nondum eliquatissimâ perspectione discussæ sunt: neuerat enim quâ tam scripturæ profunditate tunc omnis Ecclesia varia disputatione versabat (scilicet, an baptismus ab hæreticis collatus esset

vali-

validus) liberumque faciebat quærendi arbitrium, vt examinata veritas pandetur : nam quodd alioquin Episcopus hæreticus aut schismaticus ex sententiâ Cypriani possit iudicari de crimine suo, ac ob illud deponi etiam à Romano Pontifice, constat manifestè ex epistolâ eius ad Stephanum lib. 3. epistola 13. vbi eum monet & hortatur, vt iubeat Marcianum in Galijs Episcopum Arelatensem deponi, & alium in eius locum constitui: Dirigantur, inquit, in Prouinciam & ad plebem Arelatæ consistentem à te litteræ, quibus abito Marciano (id est, femoto aut deposito) alius in locum eius substituatur. Amb. in cap. 3. 1. ad Timoth. Cum totus mundus Dei sit, tamen domus eius dicitur, cuius hodie Rector est Damasus. Vide eundem lib. 3. de Sacramentis cap. 1. vbi proficitur, quod in omnibus cupiat typum & formam Ecclesiæ Romanæ sequi.

129 Dices, addit ibidem Amb. Sed tamen & nos homines sensum habemus : ideo quod alibi rectius seruatur (scilicet quam Romæ) & nos rectè custodimus: ergo non putabat Amb. sibi absolute per Ecclesiâ Rom. posse præiudicari. Respondetur, quod quo ad ea quæ vt necessaria ad salutem ab Ecclesiâ Rom. tradebantur aut seruabantur, haud dubiè Amb. permiserit sibi in omnibus istis præiudicari, & præscribi per doctrinam aut traditionem Ecclesiæ Rom. Sed in minoribus quibusdam, quæ liberè apud diuersos diuersimodè obseruabantur, non existimabat se adstringi ad vsum & consuetudinem Ecclesiæ Romanæ: Verùm si in eo genere videretur alibi aliquid rectius aut decentius fieri, quàm Romæ, quod possit illud magis sequi, quàm quod Romæ fieret, De quo genere erat cæremonia lauandi pedes baptizatis, de quâ ibi Amb. agit.

130 Optatus Mileuitanus lib. contra Parm. cap. 3. ponit quinque Ecclesiæ Catholicæ dotes: ac primam dicit esse vnicam ac singularem Petri Cathedram, in quâ ab omnibus seruari debet vnitas : illam autem Cathedram singularem non tantum Petri fuisse, sed etiam successorum esse ostendit enumerando Rom. Pontifices vsque ad Syricum, vt supra retulimus. D. Hieron. epistola ad Geronium de monogamia: Ante annos plurimos, inquit, cum in chartis Ecclesiasticis iuarem Damasum Romæ vrbis Episcopum, & Orientis atque Occidentis Synodicis cõsultationibus responderem &c. Vnde liquet, quod ex vniuerso orbe ab omnibus Ecclesijs, tam Orientis, quàm Occidentis recurrebatur in quæstionibus & difficultatibus ad Sedem Romanam & ab illâ petebantur res-

ponsa & determinationes. Item in epistola ad Damasum: De nomine Hypostasis, quâquam tui me terreat magnitudo, inuitat tamen humanitas: à Pastore præsidium ouis peto, cum successore Piscatoris & discipulo Crucis loquor: ego nullum primum nisi Christum sequens bestituidini tuæ, id est, cathedræ Petri (inquit) consocior: quicumque extra hanc domum, agnum comederit, prophanus est: Et paulò infra: Non noui Vitalem, Mileium respuo, ignoro Paulinum: quicumque tecum non colligit, spargit &c.

Vbi aduertit primo, Hieronymum etiam foret Præbiter Antiochenus, eiusque Episcopus esset Paulinus, tamen se computare ouem Damasi. Secundo Damasum dici à Hieronimo successorem Piscatoris, siue Petri. Tertio, Hieronymum velle adherere Damaso, etiam postpositis Episcopis omnibus Palestinæ, sub quibus ipse debebat. Quarto, cum omnes prophanos habere, qui extra hanc domum eius Damasi Rector erat sine extra Ecclesiâ quæ Damaso adhereret: agnum comederent: id est, Sacramenta perciperent aut ministrarent.

Sed Obijciunt hæretici ex epistola eiusdem Hieron. ad Euagrium, vbi scribit: Si authoritas quæritur, orbis maior est vrbis: quid mihi proferis vnus vrbis consuetudinem: vbi cumque fuerit Episcopus siue Romæ, siue Eugubij, siue Alexandriæ, siue Thanis eiusdem meriti est, & eiusdem Sacerdotij: potentia diuitiarum, & paupertatis humilitas sublimiorum vel inferiorum Episcopum nõ facit: ergo D. Hier. neque Ecclesiâ Romanam, neque Romanum Pontificem existimauit Caput reliquarum Ecclesiarum, aut Episcoporum.

Respondetur Neg. Conf. Contrarium enim satis clarè restatur reliquit in locis allegatis: quare ad obiecta respondetur, Ad primū quidem, quod ibi agat de quâdam particulari consuetudine, seu abusu quem Romæ introducebant Diaconi: quod scilicet inciperent se æquare, vel etiam præponere Præbiteris, & inter eos sedere: id quia pauciores ipsi erant, & præsent thesauris & prouentibus Ecclesiæ, eorumque dispensationi: vnde ipsi se eleuare, & alij illos colere ceperunt, prout circa rei pecuniariæ administratores etiâ hoc tempore fieri consuevit. Hoc itaque D. Hier. indignè accepit: vnde addit: Quid patitur mensarum & viduarum minister, vt supra eos se tumidus efferat, ad quorum preces Christi corpus, sanguisque conficitur. Hanc igitur exceptam consuetudinem in Romanâ Ecclesiâ, ipse reprehendit: & rectè quidem, quia antiquus vsus con-

formis

vnum etfi
 cuiusque E-
 n se com-
 Damalum
 piscatoris,
 velle ad-
 gis Epil-
 bus ipse
 ophanos
 ius Dr-
 clefiam
 come-
 pient
 la ciuf-
 bit : Si
 vrbis :
 fuctu-
 s siue
 driæ,
 idem
 pau-
 infe-
 tier.
 Ro-
 re-
 m-
 um i
 cis
 ur,
 i-
 us
 d
 a

235 D. Aug. epistola 126. In Romanâ Ecclesiâ semper Apostolicæ Sedis viguit Principatus. Item epist. 92. ad Innocentium: Quia te Dominus gratiæ suæ præcipuo munere in Sede Apostolicâ collocavit, talemque nostris temporibus præstitit, ut nobis potius ad culpam negligentiae valeat, si apud tuam venerationē, quæ pro Ecclesiâ suggerenda sunt, taceverimus &c. ubi Aug. cum toto Conc. Milevitano rogat, ut Innocentius Papa curam Pastoralē adhibere dignetur Ecclesiâ; scilicet cōtrōdendo Pelagianos qui Palæstinam, & Africam inficiebant. Quod ab eo sanè non peteret, nisi crederet illum etiâ Palæstinæ & Africæ Pastorem, atque adeo eius auctoritatem ibi quoque plus valere, quàm cuiuscumque; alterius istorum locorum Episcopi, aut Patriarchæ. Vide eundem lib. 1. ad Bonificiū c. 1. Prosper l. 2. de Vocatione gentium c. 6. Roma per Sacerdotij Principatum amplior facta est arce religionis, quam solio potestatis. Cui similem sententiam supra ex D. Leone adduximus.

136

Probatum denique ratione: Primò, quia nullus vnquam fuit Epifcopus, qui fe afferuerit Petri fuccefforem in Primatu, & generali curâ Ecclefiæ, vel qui pro tali habitu fuerit, præter Epifcopum Romanum: nam licet Antiochenus Epifcopus fuerit cognitus fucceffor Petri quoad particulare Epifcopatû Antiochenfis Ecclefiæ, vbi Petrus primùm refederat, nunquam tamen exiftimauit aliquis Epifcopum Antiochenum fucceffiffe Petro, quoad vniuerfalem Pontificatum Ecclefiæ; quia dum Petrus Sedem Antiochenam relinqueret, & alius ci fuccederet, non relinquebat vniuerfale Ecclefiæ regimen & curam. Vnde etiam in Concilio Nicæno Canone 6. Epifcopus Antiochenus declaratur tantum tertius Patriarcha: neq; Epifcopi Antiocheni preterderunt altiore locum fue ordinem: atqui dubio præcedenti oftendimus Pontificatum Petri non fuiſſe temporaneû pro vitâ eius, fed fucceſſione perpetuum: ergo &c. Confirmatur: quia nullû poteſt designari tempus, quo incæperit primatus Eccleſiæ attribui Epifcopo Rom. quin poſſit demonſtrari ab anteriori tempore fuiſſe in Romano Epifcopo Primatum agnituû vſque ad Apoſtolû Petrum; ergo nec eſſe eſſe dicere Romanum Epifcopû ſimul fucceſſiſſe Petro in Epifcopatum Romanum, & in vniuerſalem Pontificatû, fue totius Eccleſiæ Primatum. Quare rectè D. Greg. l. 6. epiſt. 37. ad Eulogium. Ipſe (ſcilicet Petrus) ſublimauit Sedem in quâ etiam quieſceret, & præſentẽ vitam finire dignatus eſt.

F Probatur

139 Probatum Secundò, Ratione desumptà ex authoritate, quam semper exercuerunt Romani Pontifices in totius orbis Episcopos quoad institutionem, depositionem, & restitutionem. Sic in Concil. Calced. actione 7. Legitur Maximus Episcopus Antiochenus confirmatus à Leone: & de Confirmatione Episcopi Constantinopolitani sic scribit idem Leo epistola 54. ad Marcianum: Scitis quòd vestræ pietatis auxilio & mei favoris assensu Episcopatum tantæ urbis obtinuit: Plura exempla recursum ad Sedem Romanam pro depositione, aut restitutione licet ex supra citatis sententijs Pontificum & Sanctorum Patrum colligere.

140 Probatum Tertiò, Ex authoritate ferendi leges & decreta, ac dispensandi & puniendi, quam Romani Pontifices semper exercuerunt in omnes vbiuis Ecclesiæ filios, quantumvis magnos & longè distitos. Sic cum Pius primus decreuisset, vt Pascha non celebraretur cum Iudæis die 14. primi mensis: sed die Dominica sequenti, & Alij nollent acquiescere, vt Pascha non celebraretur cum Iudæis die 14. primi mensis: sed die Dominica sequenti, & Alij nollent acquiescere, eos omnes Victor I. excommunicauit: vt scribit Eusebius lib. 5. Historiarum cap. 24.

141 Neque propositio nostro obstat, quod opponit Caluin. scilicet, quod Irenæus & alij nonnulli reprehenderint Victorem in illo facto: quia non reprehenderunt, quasi fecisset aliquid, cuius faciendi non haberet potestatem; vel quasi potestatem exercuisset in eos qui non essent illi subditi; sed quod non consultò & prudenter ad Ecclesiæ vtilitatem, illud factum fuisset. Vnde sic à de re scribit Eusebius: Exstant etiam ipsorum litteræ, quibus asperius obiurgant Victorem, velut inutiliter Ecclesiæ commodis consulentem: existimauerunt ergo illi Victorem quidem fecisse, quod poterat, sed non quod secundum prudentiam vt illi sapebant, deberet. Interim habebat ille rationes ob quas etià prudenter id fecit, licet eas alij ignoraret: Nam incipiebat eo tempore quidam Blasphemia latenter introducere Iudaismum, docens Pascha non aliter custodiendum esse, quam secundum legem Moyse die 14. mensis, vt habet Tertull. lib. de Præscriptionibus: idque Romæ seminabat, vt refert Eusebius supra cap. 19. Quare ad huic malo magis obuiandum, merito existimauit Victor legem Pij prædecessoris sui, de non celebrando Paschate cum Iudæis, fortius esse vrgendam, & executioni vbique mandandam.

142 Innocentius I. excommunicauit Arcadium Imperatorem Constantinopoli agentem, & uxorem eius propter exilium Chrysostomi, vt patet ex epistola eiusdem

Innocentij apud Nyeephorum lib. 13. Historiarum cap. 34. Nicolaus I. minatus est excommunicationem Lothario Regi, & de facto excommunicauit Concubinam eius, & Archiepiscopos Coloniensem & Treuirenses. Leo primus epistola 1. quatuor imponit leges omnibus Episcopis per Campaniam & Pycenum, vel Tusciam, & per vniuersas Prouincias constitutis; & tandem addit: Vt si quis contra fecerit, quod sciat se ab officio suo submouendum. Similiter epistola 81. Dioscoro Patriarchæ Alexandriæ duo imponit mandata, & addit, se velles ab eo hæc custodiri. Idem 12. p. fecit Greg. primus, vt patet ex eius epistolis: qui etiam dispensauit cum Anglis in gradibus prohibitis, quando primum erant conuersi, vt patet ex epistola 31. lib. 12. Registrari.

143 Quarta ratio sumitur ex appellacionibus interpositis ex toto orbe ab Episcopis & Ecclesijs alijs ad Romanum Pontificem: Ita vt ad eum ab aliorum iudicio semper licuerit appellationem instituere: ab eius autem sententiâ ad alios minime: quod manifestissimum Primatus eius in totâ Ecclesiâ est indicium. Quod appellandi ius confirmatum existit etiam in Concilio generali Sardicensi celebrato proximè post Nycænum, cum quo quasi vnum computatur, quia easdem tractat materias, & tantum explicatiùs eas definit & determinat: vnde inter generalia Concilia non enumeratur, vt distinctum ab isto. Canone autem 4. sic habet: Quod si quis Episcopus fuerit depositus, & proclamauerit sibi agendi negotium in vrbe Romanâ, non debere alium in eius Cathedrâ ordinari, nisi causa prius iudicio Episcopi Romani fuerit determinata. Sic Athanasius depositus ab Episcopis Orientalibus appellauit ad Iulium primum, qui etiam illum restituit, vt refert Sozomenus lib. 3. Historiarum cap. 7. idque accidit ante Concilium Sardicense, ne quis forsitan existimet tantum ex concessione Concilij, ius illud Romano Pontifici competisse. Chrysostomus depositus à Theophylo Alexandriæ Patriarchâ, ad Innocentium I. appellauit, vt patet ex duabus eius epistolis ad Innocentium. Fortunatus & Felix in Africâ depositi à Cypriano, & alijs Coepiscopis appellauit ad Cornelium Papam, vt patet ex epistola 3. eiusdem Cypriani lib. 1. Item Basilides depositus in Hispanijs appellauit ad Stephanum, teste eodem Cypr. lib. 1. epist. 4.

144 Neque refert quod epistola 3. citatâ, sicut & epistola 4. reprehendat eos qui ad Romanum Pontificem appellauerant: non enim reprehendit eos quasi ius non esset appellandi ad Romanam Sedem: sed in eo repre-

eo reprehendit illos, quod postquam iuxta Synodalia Statuta, causa eorum esset in propriis locis examinata, atque crimina eorum essent manifestè detecta, sic ut etiam ex propria confessione constarent, ut refert de Basilide, quod nihilominus ad vibem circumcurrarent; haud dubiè non alio fine, aut spe, quam quod possent Romano Pontifici longius distanti impingere, & Episcopos, à quibus erant iudicati, diuexare & molestias adferre. Atque adeò sicut ibidem loquitur Cyprianus ut Episcoporum concordiam coherentem suà subdoli & fallaci temeritate collidant.

145 Non aliud autem velle Cyprianum, manifestè colligitur ex epistola 4. citata: ubi postquam reprehendit Basilidem eà de causa, mox addit: Neque enim tam culpandus est ille (scilicet Stephanus Papa) cui negligenter obreptum est, quam hic execrandus qui fraudulentè obrepsit. Vbi licet nonnihil videatur culpæ in Stephano, quod forsitan non satis diligenter attenderit, verùm Basilidis causa esset talis, quæ mereretur admitti & in iudicio Romano audiri, atque ita negligenter ei obreptum esset: non tamen arguit, quod ad se causam deferri permiserit: quod sine dubio vel maximè reprehendisset, si persuasum sibi habuisset Romanum Pontificem ius non habere ad audiendos in suis causis & appellationibus Episcopos aliarum Ecclesiarum, idque in usu non fuisse: nam ea fuisset intolerabilis Romani Episcopi præsumptio & temeritas.

146 Dices, Cyprianus ibidem epistola 3. videtur in eo reprehendere istos appellantes, quod id faciendò ostendat minorem apud eos reputari auctoritatem Episcoporum, in Africa constitutorum scilicet, quam Episcopi Romani: ergò &c. Respondetur Cyprianum in eis reprehendere, quod minorem videantur existimare auctoritatem Episcoporum Africæ, non quam Pontificis Romani (hoc enim non addit) sed quam quæ sufficiat ad causam illorum dijudicandam: quod meritò reprehendit, quia causa eorum erat clara & evidens; nec difficultatem habebat, ut diximus. Vnde opus non erat altiori potestate vel auctoritate, sed planè sufficiebat ad tam manifestam causam auctoritas Episcoporum in Africa constitutorum.

147 Quinta ratio inde sumitur: Quia Romani Pontifices habuerunt passim in alijs locis suos Vicarios: Ita tamen, ut causas grauiores ad se vellent deferri: vnde patet eos habuisse potestatem in totam Ecclesiam. Sic Leo primus habuit Anastasium Episcopum Thessalonicensem Vicarium per Orientem, ut patet ex epistola

84. Hormista Papa habuit Salustium per Hispaniam, ut patet ex eius epistola ad Salustium. Similiter Greg. habuit Episcopum Arelatensem per Gallias, ut patet ex epistola 52. lib. 2. & Gelasius Episcopum Constantinopolitanum, ut patet ex eiusdem epistola ad Episcopos Dardaniæ.

Sexta & vltima ratio sit: Quia Episcopus Romanus non potest à quoquam iudicari, ut patet ex Concilio Sinuesano, quod dicit primam Sedem à nemine iudicari, ut refert Nicolaus primus in epistola ad Michaëlem Imperatorem. Item ex Concilio Romano sub Siluestro Can. 18. qui sic habet: Nemo iudicabit primam Sedem, quoniam omnes sedes à primà Sede iustitiam desiderant temperari: neq; ab Augusto, neque à Rege, neque ab omni Clero, neque à populo iudicabitur Iudex. Cuius Canonis etiam meminit Nicolaus I. suprâ. Similia habentur in Concilio Romano sub Adriano; cuius Concilij verba referuntur in 8. Synodo generali, actione 7. Romanum Pontificem de omnium Ecclesiarum Præsulibus iudicasse legimus, inquit: de eo verò quemquam iudicasse non legimus.

Neq; refert quod Dioscorus Patriarcha Alexandrinus aliquando in primam Sedem præsumperit sententiam ferre, excommunicando scilicet Pontificem Romanum: quia Conc. Calced. tum propter alias causas, tum maximè ob hanc damnauit eundè Dioscorum, ut patet ex epistola eiusdem Conc. ad Leonem I. & habetur actione 3.

Et ratio fundamentalis est, quia verus superior & Princeps totius Ecclesiæ habet potestatem non ab Ecclesia, sed immediatè à Christo Domino. Vnde etiam Ecclesia tota simul nullam habet in ipsum auctoritatem, & multo minùs Principes sæculares; quia horum est ea per se curare, quæ pertinent ad externam & temporalem tranquillitatem Reipublicæ, quæ tota ordinatur ad bonum spirituale tanquam ad suum finem. Cuius boni ac finis procuratio ad Pontificem pertinet tanquam Summum Principem ac Regem Sacrorum.

Quare etiam, cum iuxta Philosophum 1. Ethic. c. 1. ita subordinentur artes & facultates, quemadmodum inter se subordinantur earum fines, idque lumine naturali notum sit, consequens omnino est, etiam sæcularem & terrenam potestatem, ac Reges & Principes eà præfuentes proinde suo modo subordinari spirituali & cælesti potestati, ita scilicet ut leges Ciuiles contra finem sublimiorem militantes per Canones corrigantur, & si Principes pericacius auctoritate suà abutantur contra bonum spirituale, & in perniciem

ciem ſalutis animarum, poſſint à poteſtate ſpiritali penis conuenientibus coërceri. Hanc ſubordinationē recognouit D. Gregorius lib. 12. epiſt. 32. quando poſt diuerſa præuilegia monaſterio S. Medardi conceſſa decernit authoritatē diuinā, vice B. Petri Apoſtolorum Principis, vt nullus ea infringat: & in fine ſubiungit: Si quis Regum, Antiſtitum, Iudicum, vel quorumcumque ſecularium perſonarum, huius Apoſtolicæ authoritatis, & noſtræ præceptionis decreta violauerit, cuiuſcumque dignitatis vel ſublimitatis ſit, honore priuetur. Hanc agnouerunt & proceres Francorum, qui Zachariæ Pontifici ſupplicauerunt, quatenus Childericum Regem cuius ſupina ſocordia aut ſtupiditate omnia ſacra & prophana miſcebantur, ſic vt Cathedrales Eccleſiæ à Laicis & Publicanis poſſiderentur (quā de re grauiter conqueritur S. Bonifacius Episcopus Mogontinus & Martyr in Epiſtola ad præſatum Pontificem) permitteret Regio titulo priuari, & in Pipinum, qui negotia Regni ſcelicius adminiſtrabat, transferri: vt patet ex Cerdreno in vita Leonis Iſauri; Paulo Diacono l. 6. c. 5. de Geſtis Longobardorum, & ex S. Bonifacio in epiſtola allegata. Viſus fuit & Leo III. hāc poteſtate, quando Impetium, quod Græci in Occidente poſſidebant, dum non poſſent Eccleſiæ ibidem laboranti auxilium debitum præbere & ſupplicias ferre, tranſtulit illud in Carolum Magnum & in Succeſſores eius: in illo quali inſtituens Sacri olei inunctione Imperium nouum: & magis diuinum. Vnde & Sacrum Imperium appellatur: à quo deinceps Romani Imperij ſucceſſio, ad alios deriuaretur. Horum & quorundā aliorum ſuorum prædeceſſorum veſtigijſ inſiſtens Innocentius IV. ſic approbante Generali Conc. Lugdunenſi cōtra Fred. II. Imperatorem procedit: Nos ſuper præmiſſis & pluribus alijs eius (ſcilicet Frederici Imperatoris) nefandis exceſſibus, cum fratribus noſtris deliberatione præhabita diligenti, cūm Ieſu Chriſti vices licet immerito teneamus in terris, nobiſque in B. Petri perſonā ſit dictum: *Quodcumque ligaueris ſuper terram, erit ligatum & in calis*, memoratum Principem, qui ſe Imperio & Regnis, omnique honore & dignitate reddidit indignum ſuis ligaturis peccatis, omnique honore & dignitate priuatum denuntiamus, & ſententiando priuamus: omneſque qui ei fidelitatis iuramento tenentur obſtricti, à iuramento eiufmodi perpetuo abſoluentes, authoritate Apoſtolicā firmiter inhibemus, ne quiſquam de cætero ſibi tanquam Imperatori pareat &c. E contra verò, cū inferiores artes & ſaculta-

tes non præſcribant ſuperioribus, quæ ſine reſpiciunt altiorē & magis vniuerſalem, conſequenter ſecularis & terrena poteſtas non debet, nec legitime poteſt de Eccleſiaſtica & ſpiritali poteſtate iudicare. Quod bene perpendens Conſtantiuus Magnus, apertè profeſſus eſt, de Episcopis le iudicare non poſſe, vt qui Dij quidam ſint: ſed è contrā potius eorum ſeſtare ſubiectum iudicio, vt ſcribit Ruſſinus l. 1. Hiſtor. c. 2.

Verum contra anrè dicta obijcitur Primò, D. Gregor. epiſtola 32. lib. 4. valdè reprehendit nomen Episcopii vniuerſalis, & dicit eſſe nomen blaſphemix: & alibi eſſe prophānum ac Sacrilegum, atque prædeceſſores ſuos nō voluiſſe acceptare nec vti nomine illo, tametiſ à Concilio Calc. ob honorem D. Petri fuiſſet eis oblatum: Pro explicatione D. Gregorij,

Notandum eſt, hoc nomen, Episcopus vniuerſalis, poſſe duobus modis intelligi: Vno modo, vt excludat ab omnibus alijs Episcopis veram rationem Episcopii, ita vt cenſeantur ſortiri tantum officium & rationem Vicarij eius, qui Episcopus vniuerſalis exiſtit, aut dicitur; non autem ſint veri Episcopi ſuarum Eccleſiarum: quemadmodum Nuntij vel Legati Apoſtolic in locis in quibus Legatione funguntur, vices Pontificis agunt, nō autem ſunt iſtorum locorum Episcopi. Alio modo dici poteſt Episcopus vniuerſalis ille, qui habet curam totius Eccleſiæ, ſed generalem & altioris cuiuſdam ordinis, ſic vt non excludat particulares Episcopos particularium Eccleſiarum: ſicuti Rex Hiſpaniarum eſt vniuerſalis Dominus Belgij, qui Supremam Domini rationem in totum Belgium habet: quæ tamen non excludit quo minus multi Duces & Comites ſint veri quoque particulares Domini certorum locorum in Belgio.

Reſpondetur itaque Diuum Gregoriū durius loqui de nomine Episcopii vniuerſalis, neque illud ſuſtinere velle: ſed iuxta priorem eius acceptionem intelledum, ſecundum quam reuera nulli competit; nec tolerandum quod alicui ſic attribatur: eo autem ſenſu de illo nomine Gregorium loqui patet; primò ex illā ipſā epiſtolā, quando dicit: Sed abſit à cordibus Chriſtianorum nomen iſtud blaſphemix, in quo omnium Sacerdotum honor admittitur, dum ab vno ſibi dementer arrogatur: & ex epiſtola 34. vbi ſic ſcribit: Triste eſt, vt patienter feratur, quatenus deſpectis omnibus prædictis frater & Coepiscopus iners ſolus conetur appellari Episcopus: & epiſtola 36. eodem ſemper lib. 4. Si vnus Patriarcha vniuerſalis dicitur,

151

152

dicatur, Patriarchatum nomen cæteris derogatur: & lib. 7. epistola 69. Si vnus vniuersalis est, reitatur vt vos Episcopi non sitis: accipere ergo D. Greg. illud nomen eo sensu, quo alios vbi ratione Episcopi priuet, quando illud ita arguit.

Quod verò in acceptione posteriori secundum quam nos loquimur, Romano Pontifici tribui possit etiam ex mente D. Greg. demonstratur ex eiusdem scriptis: Primò, quia in eadē epistola scribit, Cunctis Euangelium scientibus liquere, quod & voce Dominici, Sancto & omniū Apostolorum Principi Apostolo Petro totius Ecclesiæ cura commissa est: Ipsi quippe dicitur Io. 21. *Petre amam me pasci oues meas*: ipsi dicitur Luc. 22. Ecce Satanas expetijt erubrare: ipsi dicitur Mat. 16. *Tu es Petrus & super hanc Petram* &c. ecce, inquit, clauis regni cælestis accipit, Mat. 16. potestas ligandi & soluendi tribuitur: Cura ei totius Ecclesiæ & Principatus committitur, & tamen vniuersalis Episcopus non vocatur. Vbi manifestè significatum illius nominis in posteriori acceptione admittit Petro competere (non enim aliud nomine Episcopi vniuersalis intelligimus, quàm illum qui totius Ecclesiæ habeat curam & principatum absque exclusione aliorum particularium à vera ratione Episcopi) licet interm addat eum Episcopum vniuersalem non esse vocatum, scilicet secundum eam rationem quā hoc nomen alios à verā ratione Episcopi excluderet.

154 Secundò, quia fateri ibidem Synodum Calced. quam veram & Catholicam ipse passim agnoscit, prout & fuit, attribuisse nomen illud Romano Episcopo pro beati Petri Apostolorum Principis honore: nec tamen Synodum reprehendit, quamuis cōmendat prædisscissos suos qui illo vñ nō fuerunt: ergo intellexit bene nomen istud certā ratione conuenire & posse Romano Episcopo attribui: quamuis ob diuersas cōsiderationes noluerint illud assumere.

155 Tertiò, quamuis Romani Pontifices nō se vocauerunt Episcopos vniuersales, vt rectè D. Greg. notat, tamen se vocauerunt Episcopos Ecclesiæ vniuersalis: quod quoad rem coincidit prout nos de illo nomine loquimur. Constat illud ex epist. 2. Sixti I. epistola 1. Victoris primi, & ex 54. 62. & 65. Leonis.

156 Verum quæret aliquis si nomen istud admittat communodum sensum, quare D. Greg. sic illud reiciat, ac detestetur? Respondetur in primis propter nominis ambiguitatem; & quia erat in Ecclesia nouum, ac inusitatum; apprehendebaturq; passim ab omnibus in priori significatione: vnde nascebantur summæ difficultates, & con-

traditiones apud omnes Episcopos, dum Episcopus Constantinopolitanus veller sibi nomen hoc temerè & arroganter assumere. Quā de re lic in eadem epistola circ. scribit: Ecce omnes hæc de re cauid. lum patiuntur. Deinde quia de isto nomine agebatur in ordine ad personam cui nullo modo, aut sensu conueniebat: quare tum ad sedandam commotionem aliorum Episcoporum ortam ex nouitate istius Episcopi Constantinopolitani, tum ad facilius deprimendam huius arrogantiam & temeritatem, putauit D. Greg. nomen illud omninò eliminandum, sic vt ne ipse quidem voluerit illud assumere, quamuis veris rationibus potuisset; sed maluit se cunctorum Sacerdotum seruum dicere, prout ibidem se vocat.

Obijciunt Secundò D. Aug. epist. 162. scribit Causam Cæciliani iudicatā à Pontifice, & quibuscūq; alijs iussu Imperatoris: & deinde secundo iudicatam ab Episcopo Arelatenſi, eodem Imperatore sic volente, & tertiò fuisse iudicatam ab ipso Imperatore: ergo Pontifex non est Supremus Princeps & Iudex Ecclesiæ. Confirmatur, quia non ex se, sed ex iussu Imperatoris iudicat in ea causa, quæ planè erat Ecclesiastica, vt pote quæ versabatur circa depositionem Episcopi. Deinde quia si ipse esset Supremus & Summus, non potuisset post eius iudicium deferri causa. ad Episcopum Arelatenſem; nec tandem iudicari ab Imperatore. Respondetur Neg. Conf. ad ea verò quæ in confirmationem adducuntur, dicendum est, Pontificem non iudicasse nisi quando Imperator ordinauit; quia Donatistæ qui causam contra Cæcilianum agebant, non detulerāt primò eam ad Pontificem, vt debuissent; sed hæreticorum ac schismaticorum more, iudicium Pontificis subterfugientes, negotiū ad Imperatorem detulerant: in quo eos malefecisse ibidem docet August. & addit, Constantinum ordinatū egisse, qui causam ad se primò delatam non ausus fuerit iudicare. His addo Pontificem permisisse secum federe & iudicare istos alios ab Imperatore assignatos, vt satisheret Donatistis, qui alioquin Pontificis iudicium habebant suspectum. Dico tertiò, post Pontificem, iterum iudicasse Episcopum Arelatenſem, & postea Imperatorem, non quia necesse erat, aut ita oporteret, vt ibidem August. ait: sed vt plenissimè Donatistis satisficeret, & omninò eorum os obstrueretur. Vnde etiam Imperator veniā petiturus ab Episcopis causam illā inuicis cognouit, vt in eadē epistola testatur Aug. Ex quibus liquet factum illud nihil contra Primatum Rom. Sedis facere.

F iij

Obijci-

158

Obijciunt Tertiò: Pontifex potest iudicari, & deponi ab Ecclesiâ saltem in casu hæresis: ergo non est supra totam Ecclesiam. Probatur Antecedens primò ratione Caietani, qui illud tenet: quia cœtus Cardinalium potest eligere Papam, & esse causa cur Papatus huic personæ applicetur: ergo si Papa fieret hæreticus, posset etiam Principatû & Papatum ab hac persona separare, & illum deponere. Probatur Secundò: quia alioquin poterit aliquando Ecclesiâ pro Capite suo habere hominem hæreticum, quod absurdum videtur: non enim credibile est, Christum velle cum retinere Vicarium, qui falsam tenet & fouet doctrinam; ac proinde verum pabulum cœlestis doctrinæ gregi fidelium non subministrat.

159

Respondetur Neg. Antecedens: Quod ad priorem probationem attinet.

Respondetur Neg. Consequent. Quando enim Papa eligitur, nondum est eorum Superior: vnde Electores non exercent potestatem in Superiore: sed tantum designant personam, cui Christus conferat Superioritatem & supremam potestatem. Deinde Electio non est actus Iurisdictionis in eum qui eligitur, neque exercetur necessariò circa inferiorem: sed etiam potest exerceri circa æqualem aut Superiorem. Si verò ijdem Papam deponere, iam deberent exercere potestatem in Superiorem, quia ille nunc Superior est, & quidè toto tempore & omni momento antequàm depositus sit, siue priuatus. Præterea deponere est quoddam punire: non conuenit autem Inferioribus punire Superiorem: sed è contra: fateretur autem Caiet. Ecclesiam non esse supra Pontificem: vnde sequitur euidenter, quod cum deponere non possit: Ex his itaq; patet diuersitatis ratio: & cur argumentum non procedat.

160

Ad alteram probationem Respondetur Neg. Assumptum, si loquamur de hæretico homine manifesto: & ratio est, quia Papa hoc ipso quo fieret hæreticus manifestus, licet ab Ecclesiâ non deponatur, tamen per se desineret esse Papa, & Caput Ecclesiæ, sicuti desinit esse Catholicus, & Ecclesiæ membrum siue pars: quia neque internâ neque externâ coniunctione aliquâ manet Ecclesiæ corpori vnitus, aut cohærens: nam vt rectè D. Hier. ad illa verba Pauli ad Titum cap. 3. *Hæreticum hominem post vnam & secundam correptionem deuia*: scribit: Alij peccatores per sententiam excommunicationis excluduntur ab Ecclesiâ; hæretici autem per se discedunt & præcinduntur à Corpore Christi. Similiter alij Patres docent passim hæreticum manifestum non esse Christianum.

Ita Cypr. lib. 4. epistola 2. Athan. sermone 2. contra Arianos, August. de Gratia Christi cap. 20. & alij. Siquidem Papa per hæresim manifestam desinat esse Christianus, & Ecclesiæ membrum, consequenter necesse est, vt desinat esse Caput & Pontifex.

Dixi loquendo de hæretico manifesto, quia alia est ratio de occulto: Nam verius est, Papam per hæresim internam & occultam etsi in illam incideret (quod an fieri possit disputatur, de quo infra) non amittere Papatû, nec desinere esse Ecclesiæ Caput: quia hic saltem externa fidei professione Ecclesiæ cohæret, cuique suo modo membrum manet. Et quandoquidem Ecclesiâ non innititur eius internis sensibus, sed externis doctrinis, hinc occultæ eius hæresis non adferret Ecclesiæ præiudicium quoad veram fidei doctrinam & professionem. Quamuis autem videatur aliquo modo incommodû & quasi violentum, quod talis sustineat Cathedrâ & professionem veritatis fidei Christianæ, tamen minus hoc Ecclesiæ obesse potest, quàm si ob internam hæresim, aut occultam existeret Pontificatu priuatus, tum propter multas calumnias quæ hac occasione contra Pontificem excogitari & strui possent non sine magnæ perturbationis & schismatû periculis; tum etiam quia Ecclesiâ sæpius de suo Capite hæreret dubia & incerta.

Aduertendum itaque est, si Concilium declararet Pontificem hæresi esse obnoxium, non idcirco deberet censeri deponere Pontificem: sed posita Concilij declaratione tanquam conditione sine quâ non, si aliàs euidentia facti non esset eius hæresis notoria, priuaretur ab ipso Christo, siue Christi institutione: ac sic sine alicuius hominis accedente authoritate iudiciariâ in depositione, desineret ipse Pontifex & Caput Ecclesiæ esse.

D V B I V M I I I.

Quo iure Romanus Episcopus sit successor Petri in Primatû Ecclesiæ?

Respondeo & Dico Primò: Iure diuino, siue Christi institutione ordinatum fuit, dum Petro Christus conferret vniuersalis Ecclesiæ Pontificatû, vt perpetuis futuris temporibus esset in eodem habiturus aliquem successorem. Constat sufficienter ex dictis dubio præcedenti circa primam potissimum conclusionem.

Dico Secundò: Non videtur simul eodem tempore à Christo definitum, quod Petro succederet in Primatu futurus Episcopus-

161

162

163

164

piscopus huius aut illius particularis & determinatæ Ecclesiæ fundandæ, & per ipsum Petrum vt particularem Episcopum regendâ. Probatur, quia videtur Petro liberum fuisse nullam Sedem particularem sibi vnquam eligere: quia primis quinque annis nullam assumpsit. Deinde ei liberum fuisse apparet assumere indifferenter, siue hanc Ecclesiam, siue illam. Vnde primò sedit in Ecclesiâ Antiochenâ, & postmodum mutauit: atqui si contigisset illis temporibus mori Petrum antequam Cathedram suam institueret & fixisset Romæ, non successisset in Primum Episcopus huius determinatæ Ecclesiæ Romanæ, qui modo succedit: sed vel ille quem Ecclesiâ delegisset, aut certè Episcopus Antiochenus, si in hac Sede obijisset: ergo Christus ab initio quo Primum cum futura successione instituit, non statim simul determinauit succedendi rationem aut certum successorem Episcopum alicuius determinatæ Ecclesiæ.

165 Dico Tertiò: Ex facto Petri habet initium successio, quâ Romanus Episcopus potius succedat in Pontificatum vniuersalem, quàm Antiochenus, aut quilibet alius: quia scilicet Petrus Cathedram Antiochenam reliquit, & Sedem suam Romæ fixit, illiusque Ecclesiæ particularem Episcopatum sibi delegit, & ad mortem vsque tenuit. Ita communiter sentiunt omnes DD. Et SS. Patres Romanam Sedem agnoscunt primam tanquam Sedem & Cathedram Petri.

166 Dico Quartò: Non videtur tamen id Petrus fecisse pro sua tantum voluntate; sed ex Christi Domini intimatione, & mandato eidem factis, qui sic Episcopatu Romano voluit in perpetuum fore annexum vniuersali Ecclesiæ Pontificatum: atque ita iure diuino Rom. Episcopus potest dici Petri Successor in Primatu. Non est quidem hæc Conclusio omnino certâ de fide: sed tamen probabilissima & diuinæ prouidentie valde consentanea, vt docent Driedo lib. 4. cap. 3. parte 3. de Ecclesiasticis dogmatibus & Scripturis, & Bellar. lib. 4. cap. 4. de Pontifice. Probatur primò, quia Marcellus Papa & Martyr epistola ad Episcopos Antiochenos scribit, Petrum iubente Domino Romanam Sedem suam ex Antiochiâ transulisse. Testantur idem D. Athanas. in Apologia 2. pro sua fuga, & D. Ambr. in Oratione de tradendis Basilicis: vbi referunt Christum omnino voluisse, vt Petrus Romæ moreretur: & addit Ambr. idcirco ei fugienti occurrisse ac dixisse: Venio Romam iterum crucifigi, quod manifestum est signum Deum voluisse per Petri mortem firmari

Romæ eius Sedem & Pontificatum. Quod etiam significat S. Leo in serm. 1. de Natali Apostolorum Petri & Pauli, dum sic scribit: Trophæum Crucis Christi Romanis arcibus inferebas, quò te diuinis præordinationibus anteibat & honor potestatis, & gloria passionis.

Probatur Secundò: Quia Sancti Patres significant non posse ad Rom. Ecclesiam vnquam perfidiam habere accessum: hoc autem non fit nisi ratione Pontificatus, & quia eius Episcopus est Petri successor, pro quo Dominus rogauit: ergo existimât etiam Pontificatum nunquam ab illâ Ecclesiâ posse separari. D. Cyp. lib. 1. epistola 3. Navigare audent ad Petri Cathedram, & Ecclesiam principalem &c. nec cogitare eos esse Romanos ad quos perfidia non potest habere accessum. Hier. lib. 3. Apologia contra Rufinum: Scito Romanam Sedem Apostolica voce laudatam eiusmodi præstigias non recipere: etsi Angelus aliter annunciet, quàm semel prædicatum est, Pauli auctoritate munitam non posse mutari. Nazianz. in Carmine de vita sua. Vetus Roma ab antiquis temporibus habet rectam fidem, & semper eam retinet, sicut decet urbem, quæ toti orbi præsidet, semper de Deo integram fidem habere. Quare etiam meritò creditur, quod populus & Clerus Romanus nunquam possit totus simul à fide scissare, vt nulli sint Ecclesiâ Romanâ fideles, & Pontifici adherentes.

Probatur Tertiò: Quia plurimæ & grauissimæ difficultates occurrerunt Romæ Pontificibus, sic vt vrgentissimæ fuerint rationes Apostolicam & primam Sedem aliò transferendi, & tamen nunquam Primum ad aliam Ecclesiâ Pontifices transulerunt: ergo existimarunt secundum diuinam ordinationem id fieri non debere. Antecedens patet: nam in primis Imperatores Ethnici per annos 300: grauissimas mouerunt persecutiones contra Dei Sacerdotes & Pontifices: ita quod omnes pænè occiderint, aut in exilium deportari curauerint: ægerrimè enim ferebant Romæ Sedem Sacerdotis collocari; ita vt scribat D. Cyp. lib. 4. epistola 2. quod multò patientius & tolerabilius Imperatores audirent leuari aduersus se æmulum Principem, quàm Romæ constitui Dei Sacerdotem. Secundò, quia Gothi per plurimos quoque annos Romanam vexarunt, & vastarunt sæpius, vt patet ex epistola Hier. ad Principem de obitu Marcellæ, & ex alijs historijs. Longobardi quoque per plures annos Romanam infestauerunt. Tertiò ipse populus Romanus per multos annos fuit Pontifici infestissimus, vt patet ex

F iiij epistolis

epistolis Bernardi 242. ad populum Romanum, & 243. ad Imperatorem, & ex alijs historijs. Denique per septuaginta annos resederunt Pontifices in Gallijs, nunquam tamen Pontificatum separarunt ab Ecclesia Romana; ergo &c.

169

Probatur denique Conclusio, quia hæc ratio fit, vt continuâ & perpetuâ successione Summi Sacerdotis in vna Cathedrâ reddantur fideles omnes certiores & securiores de Ecclesiæ Capite: adeoque Caput ipsum sic euadit illustrius, & magis conspicuum vniuerso mundo; quàm si per temporum varietates in diuersis Cathedralis subliteret: ergo videtur hoc ad diuinam providentiâ pertinuisse vt pro maiori Ecclesiæ profectu & soliditate ordinaret ac institueret, quod Primatus Ecclesiæ perpetuò vniuersum esset vni certæ & determinatæ Cathedrali, cuius Episcopatus in Pontificatum vniuersalē eueheretur. Quare id ex Christi mandato sic à Petro factū esse, omnino est existimandum.

170

Quæret aliquis: à quo potestatem suam accipiat nouus Pontifex? Respondetur breuiter accipere immediatè à Christo Domino, cuius est Vicarius primus & generalis in Ecclesiâ militante. Ita docent communiter D D. Theologi & Canonistæ. Et ratio est, quia potestas omnis vel datur à Superiore vel à multitudine quæ Regendi in hoc genere habet ius & auctoritatem: Pontifex autem non habet alium Superiorem, quàm Christum; à multitudine autem hanc potestatem non accipit, sicuti ordinariè Reges & Imperatores à Rep. accipere solent: quia non potest communitas dare potestatem quæ originaliter in ipsa non resideat: manifestum autem est quod potestas illa Spiritualis Regendi Ecclesiam Dei non sit ab origine in populo, sed tantum à Christo dependens: & proinde ab eo conferenda sit. Neque refert, quòd à Collegio Cardinalium Pontifex eligatur, quia eligendo tantum personam designant, cui Christum vices suas tunc committit & auctoritatē gubernandi Ecclesiam tribuit, quemadmodum ante diximus: sicuti quando Canonici eligunt Decanum, vel Clerus Episcopum, non ipsi electores tribuunt eis regendi & administrandi potestatem: sed Superior qui eos iam electos instituit, aut confirmat.

D V B I V M I V.

Vtrum Petri Successor, siue Pontifex Romanus sit Supremus Iudex in controuersijs fidei & morum dijudicandis?

Responderetur affirmatiue, & probatur primò ex Scripturis: Deutro. enim c. 17. clarè docetur, quod dubia de religione exorta ad Summum Pontificem debent referri dijudicanda: Si difficile & ambiguum iudicium esse perspexerit inter sanguinem & sanguinem, inter causam & causam, lepram & lepram, & iudicem intra portas tuas videri verba variari, surge & ascende ad locum, quem elegerit Dominus Deus tuus, veniesque ad Sacerdotem &c. & infra: Qui autem superbiuerit nolens obedire Sacerdotis Imperio, qui eo tempore ministrat Domino Deo tuo, & decreto Iudici morietur homo ille, & auferes malum de Israhel.

171

Vbi obseruandum est duas personas in illo textu distingui Pontificis, & Iudicis siue Principis: & quidem Sacerdoti iudicium de causa: Principi autem executionem demandari. 2. Paral. cap. 19. Omnis quæstio de lege, de mandato, de cæremonijs & iustificationibus remittitur ad Leuitas & Sacerdotes, & additur: *Amariæ autem Sacerdos & Pontifex vestier in his quæ ad Deum pertinent, præsidebit*: Ioannis 21. dicitur Petro: *Simon Ioannis pascere oues meas*. Vbi Petrus constituitur vniuersalis Pastor totius Ecclesiæ, & in ipso omnes eius successores, vt supra demonstratum est dubio primo & secundo: atqui Pastoris est discernere & dijudicare inter pascua ouili suo commoda, & perniciosa: ergo &c. Hinc D. Hier. vir doctissimus in quæstione & controuersia de tribus Hypostasibus nec eruditioni propriæ, nec Orientalium Episcoporum sententiæ, nec eciâ sui proprij Episcopi Paulini Patriarchæ Antiocheni satis fidens auctoritati, sic scribit ad Damasum Papam: A Pastore præsidium ouis flagito, discernere si placeat: non timebo tres Hypostases dicere, si iubebis. Vbi manifestè Hieronym. supremum Iudicem in genere fidei agnoscit Romanum Pontificem. Similiter Theodoretus etiam vir eruditissimus inter Gregos, scribit ad Leonem I. in hæc verba: Si Paulus præco veritatis, tuba Sanctissimi Spiritus ad magnum Petrum cucurrit, vt ijs qui Antiochiæ de institutis Legalibus contendeant, ab ipso afferret solutionem, multò magis nos qui abiecti sumus & pusilli ad Apostolicam vestram Sedem curruimus, vt Ecclesiarum vlcibus medicinam à vobis accipiamus. Prosper in Chronico anni 410. Concilio, inquit, apud Carthaginē habito ducente-

172

ducentorum sedecim Episcoporum, ad Pontificem Sozimum Synodalia decreta perlata sunt; quibus probatis per totum mundum Hæresis Pelagiana damnata est.

173 Ex quibus patet, quod semper Episcopi & Patres derulerunt Supremum & vltimum iudicium in controuersijs fidei Romanæ Sedi. D. Greg. qui omnium iudicio fuit vir modestissimus, & nihil arroganter sibi assumens, ita scribit epistola 52. lib. 4. ad omnes Episcopos Galliæ: Si quam verò contentionem (quod longè faciat diuina potentia) de fidei causâ euenire contigerit, aut negotium emerferit, cuius vehemens sit dubietas, & pro sui magnitudine, iudicio Sedis Apostolicæ indigeat, examinatâ diligenter veritate, relatione sua ad nostram studeant perducere notionem, quatenus valeat à nobis congruâ sine dubio sententiâ terminari.

174 Probatur denique ratione Theologicâ: quia iam supra ostensum est, Rom. Pontificem esse Petri Successorem in Primatu vniuersalis Ecclesiæ, atque adeo ipsum esse Pastorem & Caput totius Ecclesiæ: atqui euident est ad supremum Principem cuiuscumq; Reip. aut Communitatis pertinere supremum & vltimum iudicium omnium controuersiarum, quæ statum talis Reip. concernunt: ergo hoc ipsum de Rom. Pontifice dicendum est in controuersijs fidei & morum dijudicandis: idque tanto magis, quod non à multitudine siue ab Ecclesia, sed immediatè à Deo suam accipiat potestatem & supremum Pontificatum.

D V B I V M V.

Utrum Pontificis iudicium in controuersijs fidei & morum dijudicandis sit certum & infallibile?

175 **P**RO resolutione, Sit Conclusio prima: Iudicium Romani Pontificis cum Cōcilio generali in definiendis fidei controuersijs, aut questionibus mortum omnino infallibile & certissimum est. Ita sentiunt omnes Catholici: estque Conclusio certa de fide contra hæreticos nostri temporis, vt Lutherum in lib. de Concilijs, & Calvinum lib. 4. Institutionum c. 9. & alios eorum affectas; qui contendunt Pontificem etiam cum toto Cōcilio generali posse errare, & hæresim docere, ac definire: & ita volunt de facto aliquando accidisse. Quare nullam Ecclesiæ doctrinam existimant vnquam iam certam esse habendam, quin liceat semper eam reuocare iterum ad incudem, & ad Dei verbum, vt loquitur Arminius, tanquam ad Lydium lapidem

examinare: atque ita iuxta vniuscuiusque stolidum cerebrū licebit omnem doctrinam à maioribus traditam, & acceptā repudiare: ac noua figmenta & somnia obtrudere.

Vnde futurum est, quod nullius omnino sententiæ aut Conclusionis fidei vlla erit certitudo, nequidem etsi verbotenus in Scripturis Sanctis exprimat: quia vnicuique licebit sensum eius in dubium reuocare, & ad alia Scripturæ loca iterum conferre & examinare: non obstante quod planus eius sensus hæcenus ab Apostolis & Apostolicis viris satis manifestè fuerit Ecclesiæ traditus & explicatus, vel etiam vniuersi consensu Ecclesiæ definitus. Quæ doctrina in se absurdissima est, & satis se ipsam confutat: sed veritas Conclusionis magis confirmabitur ex dicendis, tum in Conclusionibus sequentibus, tum in Tractatu de Ecclesia quem subiungemus. Vnde amplius.

177 Dico & sit Conclusio Secunda: Pontificis iudicium in quæstionibus fidei determinandis non tantum cum Concilio generali, sed etiam quancumque ex Cathedrâ loquitur, & Ecclesiâ totam docet cum obligatione ad ita credendum & docendum, est prorsus certum & infallibile. Est hæc assertio non tantum contra hæreticos, sed etiam contra Catholicos nonnullos, vt contra Gersonem & Almainum de potestate Ecclesiæ; contra Alphonsum à Castro lib. 1. cap. secundo & quarto aduersus hæreses, Adrianum in 4. quæst. de Confirmatione ad secundum principale circa finem. Tenetur autem cōmuniter ab alijs Catholicis, ita vt opposita sententia habeatur improbabilis. Sic tenent S. Tho. hic art. 10. Waldensis lib. 2. doctrinæ fidei cap. 47. & 48. Ioannes de Turrecremata lib. 2. Summæ cap. 109. & sequentibus. Driedo lib. 4. de Ecclesiasticis dogmatibus cap. 3. parte 3. Caiet. in Opusculo de potestate Papæ & Concilij. Eskius lib. 1. de Primatu Petri cap. 18. Ioannes à Louanio de perpetua Cathedrâ Petri protectione & firmitate cap. 11. Petrus Soto in Apologiâ suâ parte 1. cap. 83. & sequentibus. Melchior Canus lib. 6. de Locis Theologicis cap. 3. & recentiores passim omnes.

178 Probatur Primò ex Scripturis: Matth. 16. Petrus pronuntiatur Petra super quâ sit ædificanda Ecclesia, aduersus quam portæ inferi nunquam sint præualituræ: quod non Petro tantum pro suo tempore, sed in ipso omnibus eius Successoribus promissum esse à Christo, supra ostensum est: ergo nunquam Petri Successor siue Rom. Pontifex deficere potest in susten-

tando Ecclesiæ ædificio: nam labefactato fundamento & in suo officio deficiente, mox ædificium inclinari & corruiere necesse est: atque ita portæ in feri aduersus Ecclesiam præuulerent: atqui si Pontifex ut vniuersalis Pastor & ex Cathedra Ecclesiam docens traderet, & proponeret ei erroneas doctrinas, ac hæreses tenendas ac credendas, iam manifestè deficeret in ratione fundamenti & sustentationis Ecclesiæ: quia iam non sustineret eam, sed in ruinam inclinaret & corruiere faceret: ergo omnino dicendum est, id prorsus fieri non posse.

179

Dicit aliquis: Pontifex est Petra & fundamentum Ecclesiæ, ac sanæ fidei: sed adhibendo simul ipsam Ecclesiam siue Conc. generale. Verum contra facit, quod sic fundamentum non præberet soliditatem ædificio: sed ab ædificio soliditatem acciperet, quod est contra omnem rationem. Lucæ 22. *Simon Simon, ecce Sathanas expetitis vos ut cribraret sicut trititum: ego autem rogaui pro te ut non deficiat fides tua, & tu aliquando conuersus, confirma fratres tuos:* hic Dominus primò rogat ut Petrus quantumcumque à Diabolo tentaretur, à fide non excideret: quod docet Aug. lib. de Correctione & Gratia cap. 8. Quando rogauit (inquit) ut non deficeret fides eius, rogauit ut haberet in fide liberrimam, fortissimam, inuictissimam, perseverantissimam voluntatem. Et Chryl. hom. 83. in Matthæum: Non dixit, inquit, non negabis, sed ut non deficiat fides: curâ enim ipsius & fauore factum est ne omnino Petri fides euanesceret. Similia habet Theophyl. in cap. 22. Lucæ: Non rogauit autem hoc loco Dominus tantum pro Petro, sed etiam pro alijs Apostolis, saltem mediâtè, quod colligitur primò ex orationis causa quam præmittit, scilicet Sathan expetiuit, ut cribraret vos, non dicit Petrum tantum, sed vos. Deinde ex eo quod addit Dominus: Et tu aliquando conuersus, confirma fratres tuos quo significat se impetrasse ut quantumuis Petrus in fidei confessione foret perturbandus, quod tamen ex fide seruât iterum ad penitentiam esset conuertendus: quodque sic mediante Petri firmitate, etiam cæteri Apostoli postmodum essent in fide confirmandi.

180

Atque ita duas dores hic Petro Christus impetrauit, fidei scilicet indefectibilitatem pro particulari eius personâ: quod significant Patres supra citati, & infallibilem firmitatem in rectè instruendis & confirmandis fratribus in sanâ fide: quod ei conuenit quatenus futurus erat Primas ac Princeps inter Apostolos confratres suos, quos Christus voluit à Petro firmari.

Vtrum autem prior ista dos transeat ad eius successorem dubitatur, qua de re infra aliquid dicemus: sed qua posterior non tam in gratiam Petri, quàm in utilitatem confratrum & Coepiscoporum, ac omnium fidelium fuit ei impetrata, dubitari non potest, quin hæc ad successores eius quoque pertineat: ipsdemque Christus in Ecclesiæ fauorem suâ istâ oratione eam impetrauerit. Vnde & Almainus admittit hæc oratione impetratū esse, ut fides Ecclesiæ nunquam deficiat: sed vult quòd Christus proximè & immediatè orauerit pro Ecclesia vniuersali, siue pro Petro, ut totius Ecclesiæ figuram gereret.

181

Verum omnes circumstantiæ textus apertè indicant Dominum peculiariter orasse pro Petro, & pro successoribus: pro reliquis autem, ut per Petrum acciperent quod ipsis pro soliditate conueniebat. Nam in primis Petrum bis compellat nomine proprio Simon Simon. Deinde cum dixisset: *Sathanas expetitis vos* (id est Apostolos omnes & in ipsis Ecclesiam totam) subito mutauit formam sermonis pluralis: & dixit: *Ego rogaui pro te:* certe si proximè rogasset pro totâ Ecclesiâ, debuisset dicere potius: *Ego rogaui pro vobis:* nulla enim poterat subesse causa mutandi sermonis. Similiter non dicit etiam, ut non deficiat fides vestra, quod potuisset intelligi dictū toti Ecclesiæ simul congregatæ: *Sed ut non deficiat fides tua.* Tertiò, quia additur: *Et tu aliquando conuersus,* hoc enim non potest accommodari toti Ecclesiæ, nisi velimus dicere, quòd Ecclesia aliquando tota cadat, saltem à perpetua sua dote sanctitatis, ut postea iterum conuertantur. Quartò, quia pro illo proximè rogatur, cui dicitur: *Confirma fratres tuos:* sed Ecclesia vniuersalis fratres non habet, quos possit aut debeat confirmare: ergò immediatè pro Petro tanquam Pastore Ecclesiæ vniuersalis eiusque in ea functione successoribus Christus rogauit, eisdemque impetrauit infallibilem firmitatē, ut sine errore possint perpetuò fratres docere, & confirmare in ijs quæ sunt sanæ fidei.

183

Confirmatur tandem hic sensus dictæ Scripturæ, & simul ipsa Conclusio auctoritate Sanctorum Pontificum & Patrum. Lucius I. Papa & Martyr epistola 1. ad Episcopos Hispaniæ & Galliæ: Ecclesia Romana, inquit, Apostolica est, & mater omnium Ecclesiarum, quæ à tramite Apostolicæ traditionis nunquam probatur defecisse, nec hæreticis nouitatibus deprauata succubuit secundum ipsum Dominum pollicitationem, dicentis: *Ego rogaui pro te* &c. Felix I. in epistola ad Benignum loquens de Romana Ecclesiâ, ait: *ut in exordio*

ordio fidei Christianæ percepit ab authoribus suis Apostolorum Christi Principibus, illibata manet iuxta illud: *Ego rogavi pro te, &c.* Leo serm. 3. de sua Assumptione: Specialis cura Petri à Domino sulcitur, & pro fide Petri propriè supplicatur, tanquam aliorum status certior sit futurus, si mens Principis victa non fuerit. In Petro igitur fortitudo omnium munitur, & diuinæ gratiæ ita ordinatur auxilium, ut firmitas quæ per Christum Petro tribuitur, per Petrum Apostolis cæteris conferatur. Vbi D. Leo utramque dotem, quam diximus hic Petro impetratam agnoscit: priorem, quando dicit: Si mens Principis victa non fuerit: & posteriorem, quando addit: In Petro igitur fortitudo omnium munitur, ut firmitas per Petrum Apostolis cæteris conferatur. Agatho Papa in epistola ad Constantinum: Dictum est Petro: *Simon Simon, ecce Sathanas, &c.* Ego autem rogavi pro te: hic Dominus fidem Petro non defecuram, inquit, promissit; & confirmare eum fratres suos admonuit: quod Apostolicos Pontifices meæ exiguitatis prædecessores cōfidenter fecisse semper cunctis est agnitus. Nicolaus I. in epistola ad Michælem = Priuilegia istius Sedis (scilicet Romanæ) perpetua sunt, diuinitus radicata atque plantata: & infrā rationem addens: Nam, inquit, & inter cætera is per quem nobis præcipuè ista sunt priuilegia collata: Tu aliquando conuersus, audiuit à Domino, confirmas fratres tuos. Leo I. X. in epistola ad Petrum Antiochenum: Nimirum solus est pro quo ne deficeret fides eius, Dominus & Saluator asseruit se rogasse &c. quæ venerabilis & efficax oratio obtinuit, quod hæcenus fides Petri non defecerit, nec defecitura creditur in trono illius. Innocent. III. Capitulo maiores: de Baptismo & eius effectu: Maiores, inquit, Ecclesiæ causas præsertim articulos fidei contingentes ad Petri Sedem referendas intelligit, qui nouit pro eo Dominum exorasse, ne deficiat fides eius. D. August. siue quicumque author est quæstionum noui & veteris testamenti, quæst. 75. Rogans pro Petro, pro omnibus rogasse dignoscitur: semper enim in Præposito populus aut corripitur, aut laudatur. Vbi in primis manifeste supponitur quod Petrus sit Præpositus omnium. Deinde significatur quod pro eo etiā in qualitate Præpositi Dominus rogauerit: quia ad omniū utilitatem, ut scilicet ipse reliquos confirmaret. Theophylactus in hunc locum: Quia te habeo Principem discipulorum, confirma ceteros; hoc enim decet te, qui post me Ecclesiæ Petra & fundamentum es. D. Bernardus epistola

190. quæ est ad Innocentium: Oportet ad vestrum, inquit, referri Apostolatam pericula quæque & scandala regni Dei; ea præsertim quæ de fide contingunt: dignū namque arbitror ibi potissimum resarciri damna fidei, vbi non possit fides sentire defectum: Cui enim alteri Sedi dictum est aliquando: Ego pro te rogavi, ut non deficiat fides tua?

184
Probatur denique Conclusio ratione Theologicā: Quia Rom. Pontifex est vniuersalis Pastor & Doctor totius Ecclesiæ, utpote cui dictum est Ioannis 21. *Pasce agnos meos, pasce oues meas*, sicut supra latius fuit explicatum: ergo Ecclesia tota debet eum audire & sequi; oues enim sequi debent Pastorem suum. Si posset igitur iste errare in docendo ea quæ fidei sunt, consequenter fieret, quod Ecclesia tota in fide erraret.

185
Dicit forsitan aliquis, Ecclesiam debere illum audire, si tamen rectè doceat: alioquin magis Deum, quam homines audiendos. Sed ab illo opponente pro responsione querendum est: quisnam iudicabit, vtrum benè an malè doceat Pontifex? cū Christiani non agnoscant alium maiorem Iudicem, aut Doctorem sibi diuinitus datum, ad quem recurrere possint, ut ex supra allegatis verbis D. Hieronymi, & aliorum Patrum manifestum est. Dicit forsitan, posse recurri ad Concilium generale. Contra hoc autem facit in primis: quia si loquatur de Concilio generali absque Rom. Pontifice, constat eiusmodi Concilium errare posse: atque adeo quædam de facto errasse, ut Ephesinum secundum, Aziminense, & alia quædam: si autem sermo sit de Concilio generali cum Pontifice, Contra facit primo: quod Dominus soli Petro dixerit: *Rogavi pro te &c.* rursum; *Pasce agnos meos, pasce oues meas*. Item quod Petrum solum dixerit Petram, super quā fundanda ædificandaque sit Ecclesia: quæ omnia iam ante latius deduximus. Quare non plus certitudinis & firmitatis in toto Concilio quam in Pontifice constituendum venit: utpote quod firmitatem suam à Pontifice recipit. Deinde si Pontifex & reliquum corpus Concilij inter se dissentirent, quis tunc iudicabit?

186
Accedit sæpe fieri, quod non possit Concilium generale cogi seu congregari, siue propter persecutores, siue propter alios Ecclesiæ perturbatores: & tamen frequenter oriuntur controuersię graues in negotijs fidei. Sic primis 300. annis non potuerunt cogi Concilia generalia propter varias persecutiones; & tamen diuersæ fuerunt exortæ quæstiones quæ necessariò terminari debuerunt, ne fides sincera inficeretur:

ficeretur : quia hæreticorum sermo ut cancer serpit. Vnde si oporteret semper exspectare Conc. generale antequam aliquid certi determinari ac definiti possit, plurima incommoda Ecclesiæ obuenirent.

187 Probatur Secundo ratione, quia plurimi Rom. Pontifices damnaverunt varios errores tanquam hæreses sine Concilio generali : qui postea ab Ecclesiâ vniuersa pro hæresi sunt habiti : sic errores Pelagij damnarunt Innocentius, Sostimus, Cælestinus sine generali Concil. ut patet ex Profpero contra Collatorem. Idem constat factum à Sixto in damnandis reliquijs Pelagianorum. Errores Priscilianistarum damnauit Leo I. ut patet ex eius epistola 93. Victor II. Nicolaus II. & Gregorius VII. damnarunt errores Berengarij. Item Innocentius II. errores Petri Abailardi : ut patet ex epistola 194. inter epistolas Bernardi. Sic alij Pontifices alios errores diuersos damnaverunt. Ita quoque plurima Concilia particularia celebrata sunt Romæ, & alibi in quibus varij errores sunt damnati, quæ à Pontificibus sunt confirmata : & exinde definitiones ab Ecclesiâ habentur pro determinationibus fidei, & oppositum quod damnaverunt tanquam hæresis rejicitur.

188 Dicit forsitan aliquis : definitiones eiusmodi ratas fuisse, quia ab Eccl. vniuersali receptæ sunt. Sed contra, quia nunquam visum est tale iudicium Rom. Pontificis rejici, aut ab Ecclesiâ de eo dubitari, sed dogmata sic damnata semper quoque ab omnibus Catholicis fuisse reiecta : ergo non ideo debent istæ determinationes dici haberi certæ ac infallibiles, quia Catholica Ecclesia eas accipit ; sed contra, ideo Ecclesia eas accipit, & semper recipit ; quia à Summo Pastore quem agnoscit fundamentum & pro cuius stabilitate nouit orasse Christum, proficiuntur. Vnde Concilia particularia sine Pontifice celebrata semper curarunt sua decreta quæ fidem concernunt, à Rom. Pontificibus approbari : quia sine eâ, rata ac certa minime habenda apud alios nouerant : illâ vero accedente ab omnibus è contra approbanda & recipienda credebant.

189 Sed quæret aliquis : Vtrû definitio Pontificis in difficultatibus fidei sit quoque certa & infallibilis si per se solum, etiam absque Concilio Cardinalium & Doctorum virorum illam edat & Ecclesiam proponat ? Respondetur omnino Pontificis determinationem in dubijs questionibus fidei semper esse certam & infallibilem, quandocumque ex Cathedrâ loquitur & definit, ac sub Anathemate proponit ab omnibus fidelibus ita tenendum

& credendum esse, et si desuper Concil. Provinciale non conuocauerit, neque Concilium Cardinalium aut aliorum adhibuerit.

Dices : Omnes docent Pontificem in talibus negotijs prudenter & maturè pro rei aut quæstionis grauitate debere procedere : ergo si secus fecerit, non erit eius iudicium certum & infallibile habendum. Respondetur verû esse quod debeat prudenter & maturè agere & procedere : sed omnino tenendum & præsupponendum est, eum quandocumque ex Cathedrâ definit & Ecclesiæ toti preponit credendum sub anathemate, nunquam temerè procedere : verum semper iunc maturitatem & prudentiam debitam adhibere : hoc enim omnino de Christo Domino confidere & credere oportet, quod sicuti promissit, & suâ oratione impetrauit Petro, ut fratres suos infallibiliter docendo confirmaret, sic quoque nunquam ei desuturum in medijs necessarijs adhibendis ad finem illum consequendum : atque adeo ita perpetuò directuram illum, qui in Petri Cathedrâ sedebit, ut nihil vnquam prætermittat quod sit requisitum ad certitudinem & infallibilitatē doctrinæ ex Cathedrâ procedentis : alioquin de omni definitione Pontificis, saltem extra Concilium generale pronuntiata, moueri posset dubitatio : vtrum satis grauitur & prudenter in tali determinatione processisset.

191 Quin & similis quæstio semper moueri posset etiam de rebus definitis per ipsum Concilium generale cum Pontifice. Quare licet Pontifices nunquam soleant quæstiones fidei determinare, nisi adhabitis Concilij saltem Cardinalium, & aliorum doctorum virorum, qui in lege Domini maxime sint versati ; idque ordinariè facere teneatur, quia Deus regit & docet Ecclesiam suam secundum ordinariam legem, concurrentibus etiam humanâ sollicitudine, diligentia, & doctrinâ, tamen si contingeret Pontificem ex Cathedrâ determinare quæstionem aliquam per se solum, non ideo illa definitio habenda esset temeraria, aut imprudens : sed potius præsupponendum, quod non requireret ampliore indaginem, vel quod peculiari instructione & instinctu Spiritus Sancti Pontifex sic sapienter processerit & rem definierit.

192 CONCLUSIO Tertia : Similiter Romani Pontificis iudicium in decretis morum, quæ toti Ecclesiæ præscribit, est quoque omnino certum & infallibile : sic ut fieri non possit quod lege vniuersali, quæ totam Ecclesiam concernat, mandet quippiam per se malum, aut saluti contrarium, vel prohibi-

prohibeat aliquid quod eſt ad ſalutem neceſſarium: verbi gratia, vt mandet circumciſionem, aut interdicit vſum baptiſmi, aut Sacramenti poenitentiae: quæ ſic explico, quia aliquin non eſt inconueniens dicere poſſe Pontificem in aliquibus legibus ferendis errores aliquos committere, verbi gratia, quod condat legem aliquã ſuperflua, aut minus vtilem, vel apponat grauiorem poenam, quàm meretur tranſgreſſio: quanquam non ſit ſubditorum de talibus iudicare. Probatuꝛ nunc Concluſio, Primò: Quia ſi Pontifex in lege circa mores per ſe bonos aut malos aberraret, conſequenter etiam erraret circa fidem: nam fides Catholica docet omne vitium malum eſſe, & fugiendum, & e contra omnem virtutem eſſe bonam, & temporis & loco amplectendam: ſi autem virtutes prohiberet, & vitia præciperet, deberet Eccleſia credere illas eſſe malas, & hæc eſſe bona, niſi vellet contra conſcientiam operari. Deinde hoc etiam impediret Eccleſiæ ſanctitatem, ad quam ſpectat quod eius profeſſio & leges ſanctæ ſint: & in nullo rectæ rationis aduerſentur. Similiter ſi aliqua alia contra ſalutem ordinaret, grauiffimè læderetur Eccleſia tota, & erraret in rebus neceſſarijs, quod diuinæ providentiæ minime eſt conſentaneum: & aduerſatur promiſſioni Chriſti Ioannis 16. Cum venerit Spiritus ille veritatis docebit vos omnem veritatem. Sed ita Concluſiones

193

Obijciatur Primò: Si Pontificis iudicium in quæſtionibus fidei determinandis, & in decretis morum edendis ſit modis explicatis certum & infallibile, ergo fruſtra aliquando conuocantur Concilia, aut certè minime neceſſaria ſunt. Reſpondetur Negando Conſequentiam: nam in primis eſt Pontifici infallibiliter Spiritus Sanctus aſſiſtat in eiufmodi negotijs dijudicandis, nihilominus tamen non debet negligere media ordinaria, quibus deueniri poteſt & ſolet ad veram rei cognitionem de qua agitur: nam per hæc ſæpius facit Spiritus Sanctus innoteſcere veritatem primitus reuelatam, & in ſinu Eccleſiæ depositam, licet poſtmodum fuerit nonnihil obſcurata. Vnde & Spiritus Sanctus Pontificem ad ea adhibenda mouet, quando per ea vult illum in difficultatibus propoſitis inſtruere: vnum autem principalius ex iſtis ordinarijs eſt Concilium maius aut minus pro grauitate negotij de quo agitur: eſt enim obuia & facilis ratio cognoscendi de poſitis apud Eccleſiam veritates, quod in vnum ex omnibus aut pluribus Prouincijs conueniant Epifcopi & ſinguli referant ſen-

Viggers in 2. 2.

ſum & conſuetudinem Eccleſiæ ſuæ circa res controuerſas.

Vnde etiam Apoſtoli Actuum 15. Conuocarunt Concilium, licet dubium non ſit, quin Petrus haberet infallibilem Spiritus Sancti aſſiſtentiam in doctrinâ fidei Eccleſiæ proponendâ & edocendâ: nec ille tantum, ſed etiam Paulus & alij Apoſtoli iam Spiritu Sancto omnino repleti, qui in omni occaſione docerent eos omnem veritatem. Accedit quod Concilia inſuper vtiliſſima ſint, vt decreta citius vbique innoteſcant, & ſuauius per totam Eccleſiam recipiantur: ſiquidem alijs nonnulli ignorantiam prætexere poſſent: alij conqueri quod ad eiufmodi definitiones non ſint vocati: alij tandem etiã ſuggillare & dicere, potuiſſe Pontificem errare quando generale Cõcilium non adhibuit: quæ omnia ceſſant, quando ex omnibus Prouincijs Epifcopi vocati ſunt, & ſubſcripſerunt. Et quidem illa tanti ſunt momenti, vt ijs de cauſis, plures antiqui ſic loquantur: de Concilijs etiam generalibus quali forent aliquando neceſſaria ad ſinceram fidẽ & ſanum regimen Eccleſiæ intertendenda: Aug. l. 4. contra duas epiſt. Pelagianorum c. 12. & l. 1. de Bapt. c. 7. Iſidorus in præſatione Conciliorum. Conſtantine quoque reſertur ſcripſiſſe, Non poſſe Chriſtianâ Religionem in tuto collocari, niſi vel omnes Epifcopi, vel maxima eorum pars in vnũ conueniſſent: non quod ſint ſimpliciter neceſſaria, ſed quia propter allegatas rationes tã ſint vtilia, nõ obſtante certâ definitione Pontificis, vt quodãmodo iudicari poſſint aliquando neceſſaria.

Obijciatur Secundò: Diuus Cyprianus pertinaciter reſtitit Stephano Papæ definienti baptizatos ab hæreticis non eſſe rebaptizandos: vt patet ex eius epiſtola ad Pompeum: & tamen non fuit ille circo hæreticus habitus, aut ab Eccleſia ſeparatus: ergò definitio Pontificis non eſt habenda certa & infallibilis tanquam dogma fidei. Confirmatur ex Diuo Auguſtino qui libro 2. contra Donatiſtas capite 7. & ſequentibus docet diuerſos diuerſimodè de quæſtione iſtâ inter Stephanum & Diuum Cyprianum agitatâ, fuiſſe locutos, & ſenſiſſe: ac potuiſſe Diuum Cyprianũ & alios ſaluâ charitate inter ſe diſſentire, quando non acceſſerat generalis Concilij definitio. Reſpõdetur, Cyprianũ non fuiſſe hæreticũ, tũ quia Stephanus non definierat tanquam de fide, quod hæretici non eſſent rebaptizandi: ſed tantum mandauerat quod antiqua conſuetudo Eccleſiæ non rebaptizandi, obſeruarietur ab omnibus: noluit enim ſummus Pontifex rem abſolutè definire ſine

G Concilio

194

195

Concilio Generali, vnde poſt obitum D. Cypriani demum, & ante D. Auguſtini natiuitatem, fuit ea quæſtio in Concilio Generali determinata ac definita, vt docet D. Auguſtinus ſuprà libro 2. de Baptiſmo capite 8. & hinc patet reſponſio ad confirmationem ex D. Auguſtino factam.

196 Dices: Auguſtinus libro de vnico baptiſmo cap. 14. ſcribit, Quod Stephanus non rebaptizaret hæreticos: verum etiam hoc facientes, vel vt fieret decernentes excommunicandos eſſe cenſeret: ergo videtur quod abſolute Stephanus quæſtionem illam definiuerit. Reſpondetur Negando Conſequentiam: quia non dicit Auguſtinus quod eos excommunicauerit; ſed ſolum quod excommunicandos cenſuerit, id eſt, dignos qui excommunicentur, vel quod eis excommunicationem comminatus fuerit. Quod autem non abſolute damnauerit illos cum authoritate, patet ex eodem Diuo Auguſtino, qui ibidem dicit, Quod cum Stephano Cyprianus in vnitatis pace permanſit, & quod duo erant eminentiſſimi Epifcopi, ambo in vnitatē Catholicā conſtituti.

197 Obijciunt Tertio: Concilium Africanum in epiſtola ad Cæleſtinum Papam, indicat minus poſſe errare Conciliū Prouinciale, quàm Romanum Pontificem: Ita enim ſcribit. Niſi fortè quiſquam eſt, qui credat vnique poſſe Deum noſtrum examinis inſpirare iuſtitiam, & innumerabilibus congregatis in Concilio Sacerdotibus denegare: atqui certum eſt Concilium Prouinciale poſſe errare, ergo &c. Reſponderet Concilium iſtud non agere ibi de iudicio fidei, ſed de iudicio facti, id eſt, de cauſis Epifcoporum & Præſbyterorum, qui de crimine aliquo accuſabantur: cuiuſmodi iudicium exiſtimabant Patres illius Concilij poſſe ſuauius & certius ferri ab Epifcopis iſtorum locorum, vbi erant crimina commiſſa, quàm à Romano Pontifice, qui propter locorum diſtantiam non poterat ita rectè & certò informari: quique proinde multis modis poterat ab impoſtoribus circumueniri, & decipi. Vnde non ita bene ferebant, quod Romani viderentur eſſe faciliores in admittendis appellationibus Crimiſoſorum à iudicio, non tantum ſui Epifcopi; ſed totius Synodi Prouincialis. Accedit quod illa epiſtola non contineat determinationes, ſed tantum opinionem & ſenſum Epifcoporum illius Prouinciæ, declararet & explicet. Vnde ſit

198 COMCLUSIO Quarta: Poſteſt tamen Pontifex non tantum vt priuata perſona, ſed etiam vt publica: non tantum

ſine Concilio, ſed etiam cum Concilio errare in iudicio ſuper particularibus quæſtionibus & controuerſijs facti, quarum determinatio tantum pendet ex hominum depoſitionibus & teſtimonijs, ad generalitatem autem morum non pertinet. Item errare poſteſt vt priuatus Doctōr in quæſtionibus Iuris vniuerſalis tam fidei, quàm morum ex ignorantia, ſicut alijs Doctōribus accidit. Eſt hæc Concluſio ſecundum vtramque partem communis omnium Catholicorum, & eandem hæretici libenter admittunt qui volunt eum etiam in quæſtionibus fidei ex Cathedrâ poſſe errare, vt dictum fuit, & e contra reprobatum. Sic itaque iuxta concluſionem poſteſt errare Pontifex, v. g. in deponendo Epifcopo ex crimine, quod ab aduerſarijs illi falſo opponitur. Similiter in illo abſoluendo à crimine, quaſi non eſſet eius reus, quod tamè verè illi obijciunt: atque ita poſteſt dici erraſſe Synodus 6. in damnatione Honorij, quem ex malis informationibus, aut eius ſcriptis non bene intellēdis exiſtimauit fuiſſe Monoteſtitarum hæreticum; cum tamen non fuerit, vt inſrà explicabitur latius. Sic quoque Ioan. XXII. vt particularis Doctōr, errauit in generali quæſtione, quando tenuit animas iuſtorum defunctorum non viſuras Deum ante diem Iudicij, qui tamen ob id non fuit Hæreticus, quia pro illo tempore reſ iſta determinata nondum erat.

Et quamuis aliquando propenderit ipſe ad definitionem ex Sede ſerendam, non tamen ad effectum deduxit: quia dum eſſet in præparatione & in conſultationibus, morbo & morte ſuperuenientibus, fuit impeditus. Vnde Ioannes Villanus libro 11. Hiſtor. capite 19. reſert Ioannem Papam pridie ante morrem priuatim ſe explicuiſſe, & priuatim renocaſſe opinionem ſuam: ac in primis deſiſſe, Quod nunquam in animo habuiſſet definire iſtam difficultatem, quando de illâ diſputauit: ſed voluiſſet tantum veritatem inueſtigare. Deinde addidiſſe, & ſi alteram opinionem tenuiſſet, quod mutata tamen tunc opinione ſua, exiſtimaret oppoſitam eſſe probabiliorē & veriorē. Ita quoque errauit Cæleſtinus, quando exiſtimauit Matrimonium fideiſolui ſolui per hæreſim, ſic vt liceret illi coniugem aliam accipere, cuius prior in hæreſim prolapsus fuerit. Sed neque cum pertinaciā ita ſenſiſſe conſtat, neque ex Cathedrâ rem ſic habere definiuit.

Dicit aliquis, illam Cæleſtini ſententiam olim exiſtiſſe in Decretalibus, prout ſe vididiſſe teſtatur Alphonſus à Caſtro libro

libro 1. de hæresibus, capite 4. ergo videtur Cælestinus definiisse propositionem erroneam in fide. Item Alexander III. Capitulo: Licet, de Sponsa duorum, cum definiisset matrimonium ratum cum una non solui per subsequens matrimonium consummatum cum altera, adiungit: Quamuis aliter à quibusdam prædecessoribus nostris sit aliquando iudicatum: ergo quidam Pontifices videntur aliquando definiisse errores. Respondetur: quidquid sit ea de re, verum illa Cælestini resolutio, siue sententia fuerit aliquando in Decretalibus, an non; nihilominus negandam esse consequentiam: quia non omnia rescripta & responsa Pontificum, quæ in iure Canonico recensentur, sunt habenda tanquam quæ ex Cathedrâ sint prolata. Vnde nec omnia faciunt rem illam fidei, super quâ dantur.

201 Quod inprimis satis manifestè indicat Innocentius III. Capitulo Quanto: de Diuortijs, de hac ipsâ Cælestini responsione, de quâ sic scribit: In eodem casu, licet quidam prædecessor noſter, sensisse aliter videatur. In eo namque quod dicit quendam suum prædecessorem aliter sensisse, & non dicat aliter definiisse aut deterimasse, satis declarat quod prædecessor ille, tantum secundum suam particularem sententiam, vt doctor priuatus responderit: quemadmodum & idem Innocentius ibidem ex sua priuatâ sententiâ contrarium resoluit dum sic scribit: Si verò alter fidelium coniugum vel habitatur in hæresim, vel transeat ad gentilitatis errorem, non credimus quod in hoc casu is qui relinquitur, viuente altero possit ad secundas nuptias conuolare. Quod enim non ex Cathedrâ respondeat satis patet: eò quod opinatiuè tantum dicat: Non credimus &c. Vnde à nonnullis assignantur quædam veluti Regulæ, quibus dignosci possit, quando cuiusmodi Pontificum responsa non habeant rationem & vim definitionis ex Cathedrâ: quarum prima sit:

202 Quodcumque Pontifex non omnino asseueranter loquitur, sed tantum per modum opinantis, aut cum aliquâ dubitatione, certum est signum, quod non intendat rem definire ex Cathedrâ. Vt quando dicit, Quantum apparet, aut Sic sentimus, aut Opinamur, vel aliquid simile. Secunda est: Quando Pontifex in suis responsis addit aliquid præter illud de quo principaliter consulitur, non censetur illa additio pertinere ad definitionem quam facit; sed tantum ex particulari eius opinione procedere: quemadmodum quando Nicolaus Papa respondens ad consul-

ta Bulgarorum, addidit sententiam suam priuatam de valore baptismi in nomine solius Christi collato. Tertia: Quando Pontifex rescribit tantum alicui priuatæ personæ, aut particulari alicui Ecclesiæ, & non significat se hoc vniuersaliter toti Ecclesiæ præscribere mandando sub Anathemate, vt sic ab omnibus teneatur, aut addendo secundum Euangelicam vel Apostolicam doctrinam ita esse tenendum, tunc quoque rescriptio non videtur censenda tanquam definitio ex Cathedrâ, quæ rem faciat esse fidei.

203 Næque hæc mira videri debent, quia multa referuntur ad Summum Pontificem tanquam supremum Iudicem, non quidem semper, vt ipse tanquam Ecclesiæ vniuersalis Doctor ex infallibili Spiritus Sancti assistentiâ illa diiudicat; sed sæpius tantum, vt autoritate supremâ secundum suam sapientiam & prudentiam particularem, desuper dicat iudicium; & difficultatibus quæ in facto sic occurrunt, finem aliquem imponat, saltem donec pleniori exanimè præmissio, si res sit grauior & ad fidem vel bonos mores tendens, ex Cathedrâ à Pontificibus definitur. Vnde etiam factum est, quando subinde sic erroneè responderunt Pontifices ex proprijs opinionibus vt particulares Doctores, & responsiones illæ possent cedere in grauius detrimentum, siue fidei siue morum, quod paulò post diuinâ providentiâ procurante, per eorum successores rebus melius examinatis, aliter Ecclesiâ fuerit instructa; sicut patet ex ijs quæ hic obiecta sunt. Quare quod Alexander III. Capitulo: Licet, supra dicit: Aliter à quibusdam Prædecessoribus suis fuisse aliquando iudicatum, id quoque accipiendum est, processisse ex particularibus eorum opinionibus, sicut modò explicatum fuit de resolutione Cælestini in altero casu.

204 CONCLUSIO Sexta & vltima: Omnino nihilominus tenendum est, nunquam Pontificem errare in Sanctorum Canonizatione. Vbi notandum nomine Canonizationis hic intelligi publicum testimonium de verâ sanctitate & gloriâ cælesti alicuius hominis defuncti; ac iudicium & ordinationem quibus ei decernuntur honores qui conueniunt, & debentur illis qui cum Deo feliciter in Cælis regnant. Est conclusio communis Theologorum. Diui Thomæ quodlibeto 9. quæstione vltima articulo vltimo. Driedonis libro 4. de Scriptoribus & Ecclesiæ dogmatibus cap. 1. Siluestri verbo Canonizatio, Melchioris Canilib. 5. de Locis, cap. penultimo: Bell. lib. 1. de Ecclesiâ triumphante.

G ij sue

sive de Cultu Sanctorum capite 9. Et Probatur, quia hæc Canonizatio non est reputanda mera determinatio quæstionis super particulari factò: sed est quid mediū iuxta Dium Thomam inter determinationes rerum fidei vel bonorum mōrum, & inter iudicialia sententias, quæ concernunt tantum particulare factum: quia ex hoc iudicio si erroneum foret, sequerentur gratia inconuenientia per totam Ecclesiam: Valde enim absurdum foret, quod publicis officijs & triumphis honorarentur à toto populo fideli tanquam Cives & domestici Dei in cælis: ac simul inuocarentur tanquam Dei amici, vt eorum intercessione desiderata beneficia impetraremus, qui forsitan essent Deo exosi, eius hostes, ac in eum blasphemī, & in inferno sepulti. Rursus, quod tanquam Magistri & exemplaria virtutum proponerentur fidelibus imitandi, qui in peccatis essent mortui. In quæ inconuenientia non est credibile, quod Deus vnquam vniuersaliter permittit Ecclesiam suam probabj quando ex parte sua debitam adhibet diligentiam, prout facere consuevit: neque enim Ecclesia leuis est corde, nec statim credit omni Spiritui: sed magnā prouidentia & circumspectione vitat in huiusmodi negotio: diligentissime enim totam vitam & conuersationē eius, de cuius Canonizatione agitur, perquirir: preces quoq; & ieiunia indicit & adhibet: nec solet ad effectum procedere, nisi vera & certa miracula deprehendat intercessisse, principaliter à morte: quæ videtur Deus operari in testimonium illius sanctitatis & gloriæ.

205

Sed Obijciunt quidam locum incertum Augustini, vbi dicit: Multorum corpora honorari in terris, quorum animæ torquantur in gehennā: ergo apparet, quod Pontifex in Canonizatione aberret aliquando. Respondetur, quidquid de illo loco sit, Negando Consequentiam, nam certum in primis est, non posse dici quod sermo sit de illis qui solemnī hoc ritu, de quo agimus, sunt adscripti Sanctorum numero: quia tempore Augustini hæc Canonizatio nondum fuit in vsu: sed videtur cœpisse circa tempora Leonis Papæ Tertij, ante quem dicit Bellarminus se non legisse, quod aliquis Pontifex Sanctos canonizauerit. Plurimi tamen etiam antè fuerunt, qui non tantum in particularibus prouincijs; sed etiam per totam Ecclesiam haberentur Sancti, & vt tales colebantur: Verum non tam Lege aliquā aut expresso iudicio siue decreto; quā pio- rum votis aut consuetudine, quæ sensim potuerunt obtinuisse vim legis ex appro-

batione saltem tacitā Summi Pontificis.

Vnde addo Secundò, nequidem etiam in tali consuetudine ab Ecclesiā vniuersaliter receptā, ac iam tacito saltem consensu Pontificis approbatā, fuisse vnquam errorem deprehensum. Quod itaque ad sententiam sub nomine Augustini allegatam attinet, potest illa alius habere sensus: Primò vt intelligatur de impijs, quorum corpora hic honorantur magnificis & superbis sepulchris, cū tamen animæ sunt in inferno, vel etiam de corporibus non Canonizatorum, qui aliquando à particularibus hominibus, vel particulari aliquo populo erroneè habebantur Sancti, & vt tales colebantur. Ad cuiusmodi particulares abusus tollendos & præcauendos videtur potissimum instituta solemnī illa Sanctorum Canonizatio, vt sine illā nullus possit à quoquam publicè, & in publicis officijs tanquam Sanctus honorari & coli. Vel denique vt intelligatur de martyribus Donatistarum, qui ab hæreticis Donatistis celebrabantur tanquam Christi Martyres, cū tamen sine dubio animæ eorum torquerentur in gehennā.

D V B I V M V I.

Vtrum Romanus Pontifex vt priuata persona possit esse hæreticus?

R Espondetur: Piè ac Probabiliter credi potest, non posse Romanum Pontificem, etiam vt priuatam personam, fieri absolutè hæreticum: licet oppositum à multis teneatur. Ita docent Pighius libro 4. Ecclesiasticæ Hierarchiæ cap. 8. Bellarminus libro 4. de Pontif. capite 6. & plures Recentiores. Probatur Primò: Quia hoc videtur diuinę prouidentię, quæ attingit à fine vsque ad finem fortiter, & disponit omnia suauiter, magis consentaneum, vt quem constituit ad Ecclesiam suam in sanā doctrinā erudiendam, & confirmandam, sic quoque ei assistat & dirigat, vt nunquam permittat illum pertinaci assensu mentis adherere doctrinæ alienæ & damnatæ: quia violentum est, aliter animo sentire in tantis negotijs, & aliter voce alios ex autoritate docere. Probatur Secundò: Quia hætenus non est quisquam Pontificum repertus, de quo manifestè & certè constet, quod in hæresim ipse prolapsus fuerit.

Obijciunt quidem Sectarij nostri temporis varia contra diuersos Pontifices, quibus ostendere conantur, quod non tantum Multi fuerint hæretici: sed etiam quod

206

207

208

quod hæresim professi fuerint, & docuerint. Verū ad ea satis appositè & solidè à pluribus Catholicis hæcenus responsum est. Nos hic tantum aliquorum causam discutimus, quos etiam veteres aliqui videntur notare hæreseos. Quorum primus sit Seuerinus : de quo scribit Tertullianus lib. aduersus Praxeam: Episcopum Romanum agnoscentem iam Prophetas Montani, Priscæ & Maximillæ, & ex eâ agnitione pacem Ecclesijs Asiæ & Phrygiæ inferentem, à Praxeâ fuisse persuasum litteras pacis reuocare, quas emiserat. Quibus indicat Romanum Pontificem (qui tunc erat Seuerinus, licet aliqui existiment fuisse Eleuterium) inisse communicationem, & adhæsisse Montanistis : qui tamen iam antea damnati erant ab Ecclesiâ : quia, ut ibidem Tertullianus indicat, potissimum eâ ratione induxerat Praxeas Pontificem ad reuocandas Litteras pacis, quia prædecessores eius, doctrinam illam Montani damnauerant.

209 Respondetur Primò, non multum hæc in parte tribuendum esse Tertulliano, qui iam tum à fide defecerat ad hæresim Montani : & proinde libenter pro autoritate erroris sui, inducere Romanum Episcopum, tanquam eiusdem sectæ Fautorem & Socium. Addo tamen Tertullianum non dicere, quod Romanus Episcopus fuerit Montanista; sed ex prophetijs siue reuelationibus aliquorum (à parte rei fictis aut illusorijs) restituisse pacem dictis Ecclesijs: non quod erroribus Montani consentiret, aut eos approbaret: at verò quia verisimiliter ipsi à Montanistis persuasum fuerit, doctrinam Montani non esse diuersam à doctrinâ Romanæ Ecclesiæ: ipsum autem fuisse falsò accusatum de erroribus, quos prædecessores Romani Pontificis tanquam sanæ doctrinæ aduersos damnauerant.

210 Solent enim hæretici aliquando uti hoc artificio, ut obscuritate quâdam, vel ambiguitate sermonis occultent errores suos, aut dissimulent apud eos, de quibus timeant, ne statim eorum doctrinam damnent, aut suppriment, vel reuocare cogant. Sicuti scribit Rufinus lib. 10. Historiarum cap. 11. Arium ut Constantino Imperatori persuaderet se esse Catholicum, tanto artificio scripsisse fidem suam, ut à Catholicis putaretur Catholicus, & à suis agnosceretur qualis erat. Et D. Leo epistola 86. ad Episcopum Aquileensem, monet eundem ut Pelagianos ad Ecclesiam redeuntes, iubeat hæresim apertis verbis abiurare, propterea quod soleant plerumque Ecclesiam decipere tam compositâ confessione fidei suæ, ut Ca-

tholici videantur, cum non sint. Quod etiam Pelagium fecisse scribit Augustinus. Simili itaque artificio circumuentus fuit dictus Romanus Episcopus, qui etiam ubi deceptionem deprehendit, mox litteras communicationis & pacis reuocauit: quod apertum signum est, illum nunquam errores & hæresim Montani approbasse, prout etiam nullus alius hoc ei imponit.

211 Secundus, de quo propter veterū scripta, ambigi posset, est Liberius Papa: de quo quidem hæc duo certò constant. Primum: quod ab initio Pontificatus sui usque ad exilium suum, quod pro fide Catholica subiit, fuisse acerrimum propugnatores Orthodoxæ fidei, ut amplè testatur D. Athanasius in epistola ad solitariam vitam colentes, & in vtraque suâ Apologiâ, Hieron. in Chronico, & in Cathalogo Scriptorum in Fortunatio, & plures alij. Alterum est: quod idem, dum rursus post exilium, Pontificatum gessit, fuerit etiam verè orthodoxus, & pie se gesserit: nam ut refert Socrates libro 4. cap. 11. postquam redierat ab exilio, noluit ad Ecclesiam recipere Macedonianos, nisi apertè hæresim detestarentur; & post mortem suam habitus fuit Sanctus: quod significat D. Ambrosius libro 3. de Virginibus in principio: Tempus est Soror (inquit) Sancta Beatæ memoriæ Liberij præcepta reuoluere, ut quo vir sanctior, eò sermo accedat gratior. Idem indicant Epiphanius hæresi 75. & Basiliius epistola 74. ad Episcopos Occidentis.

212 Difficultas autem est de tempore intermedio, quomodo se habuerit, & qualis fuerit. Nam de eo sic scribit Hieronymus suprâ in Fortunatio: Liberium Romanæ urbis Episcopum pro fide ad exilium pergentem primus sollicitauit (videlicet Fortunatus) ac fregit, & ad subscriptionem hæreseos compulsi. Et D. Athanasius suprâ in epistola ad solitariam vitam colentes: Liberius deinde post exactum in exilio biennium inflexus est, inquit, minisque mortis ad subscriptionem inductus est. Ex quibus nonnulli opinantur Liberium verè Arrianum effectum fuisse, ac hæresim professum, utpote qui ex allegatis, videtur hæreticus, & hæresi subscripsisse.

213 Et Confirmatur, quia alioquin Felix Papa Secundus, qui intermedio tempore sedit, & mortuus est, non fuisset verus vnquam Pontifex, cum non possint esse duo veri Pontifices simul: & quauis Liberius exularet, non tamen inueniatur deposuisse Pontificatum, & tamen Felix in Cathalogo Pontificum, tanquam

quam verus Pontifex, imò tanquam Sanctus Martyr, ab Ecclesia recipitur & colitur: ergo debet Liberius ratione hæresis intermedio tempore fuisse Pontificatu priuatus.

- 214 His tamen non obstantibus, verius est, Liberium nunquam verè & ex animo fuisse hæreticum: neque etiam apertè & formaliter fuisse hæresim vnquam professum. Prius satis colligitur ex ipso Athanasio loco citato, vbi sic de illo scribit: Verùm illud ipsum quoque, & eorum violentiam, & Liberij in hæresim odium, & suum pro Athanasio suffragium cum liberos affectus habebat, satis coarguit: quæ enim per tormenta contra priorem eius sententiam, extorta sunt, ex iam non metuentium, sed ita cogentium voluntates habende sunt. Quibus significat Liberij, quod tandem ad gratiam Imperatoris subscriplerat, non ex animo, sed inuitum fecisse, & proinde verè & ex animo non consensisse hæreticis. Posterius similiter ostenditur, quod scilicet expressè & formaliter non sit hæresim professus: nam quod scribit Athanasius eum inilexum, & mortis minis inducèdum ad subscriptionem, id non intelligit de subscriptione quâ approbaret doctrinam & confessionem Arrianam; sed de subscriptione quâ approbat condemnationem & ejectionem Athanasij: quod satis colligitur ex eodem Athanasio, qui in epistola citatâ, in præcedentibus ita scribit: Profectus igitur Romam Spado primùm incitabat Liberium, vt contra Athanasium subscriberet, & cum Arrianis communicaret: Id enim Imperatorem velle, & pro Imperio iubere: Huic igitur Imperatoris voluntati tandem se accommodauit Liberius.

- 215 Cæterùm licet hæretici reuerà persequerentur Athanasium propter causam fidei, tamen prætexebant aliam causam ejectionis, diuersa videlicet crimina, quæ Athanasio imponebant: & hinc ista Liberij subscriptio non fuit formalis professio hæresis. Sic quoque ex communicatione quam habuit cum hæreticis Arrianis, non conuincitur formaliter professus hæresim: nam in epistolis suis, ait, se communicasse cum Episcopis Orientalibus, quia inuenit eorum fidem congruere cum Catholicâ, & alienam esse ab Arrianâ perfidiâ: siue interim hoc existimauerit errore deceptus, quod illi hæresim suam verborum ambagibus dissimularent, siue hoc ita voluerit prætexere, vt offenderet apud Catholicos se hæresi non consentire.

- 216 Quod igitur D. Hier. scribit Fortunatum primùm sollicitasse ac compulisse Liberium ad subscriptionem hærescos, ita

quoque accipiendum est, sicuti verba Athanasij: quod enim addit ad subscriptionem hærescos, id dicit, quia licet non expressè & formaliter, tamen interpretatiuè censetur hæresim approbasse, & talis approbationis extitisse reus: nam Athanasium damnari permittit & subscripsit, quæ probè nouerat ipse causa fidei persecutionem pati, quantumvis aliud prætexeretur. Et quando cum Valente & Ursatio & alijs Arrianis communicauit, licet ipsi hæresim forsitan dissimularent, non tamen omnino ignorauit ipse, quales isti essent.

Priusquam verò ad Confirmationem respondeamus, aliquantulum latius explicanda est historia Pontificatus Felicis, de quo etiam tertio loco ambigi potest, an fuerit ipse Pontifex hæreticus? Felix II. itaq; erat sub Liberio, quando hic in exiliū mittebatur Diaconus: quæ nonnulli Arrianum fuisse volunt, quibus fauere videtur D. Hier. Cathologo Scriptorum in Acacio: de quo Acacio scribit ibidem, quod in tantum sub Constantio Imperatore clauerit, vt in Liberij locum, Romæ Felicem Arrianum Episcopum constitueret. Sed quidquid eà de re sit, de qua mox aliquid dicemus, hoc saltem verum est, quod Felix iste studuerit cōplacere Arrianis, & communicationem cum illis habuerit: quo factum est, vt fauore & commendatione Arrianorum, ac imprimis Acacij Episcopi Cæsariensis in Palæstinâ, fuerit in Episcopatum Rom. intrusus, vt ex Hieronimo citato constat, & testantur Rufinus lib. 10. Historiarum cap. 17. vbi dicit in Liberij locum Felicem Diaconum eius ab hæreticis subrogari: & Theodor. lib. 2. Historiarum cap. 17. vbi scribit: Successum est Liberio à fideli quodam illius Diacono nomine Felice, qui tamen si fidem in Concil. Nicæno expositam ipse seruauit integram, tamen cum illis qui eandem labefactare studebant, liberè communicauit.

Vnde neque Clerus, neq; populus Romanus voluit adhærere Felici intruso: neq; eum Pontificem agnoscere. Quod indicat Theodoretus, dum addit: Ac propterea nemo ex Romæ habitatoribus in Ecclesiam dum ille initurus erat, ingredi voluit. Et meritò noluerunt Romani eum recipere, tum propter communicationem quam intenebat cum hæreticis, tum quia Liberius verus Pontifex, tunc adhuc Orthodoxè se exterius habens, ac gerens superstes erat in exilio: quo viuo, alium non admissurum ad Episcopatum iuramento se adstrinxerat Rom. Clerus, vt colligitur ex Hier. in Chronico. Sed post biennium, obueniente lapsu Liberij, quod scilicet

scilicet condemnationi Athanasij subscriberet, & cum hæreticis pacem finiret & communicaret, tunc Clerus Rom. ad partes Felicis, quem nouerat Catholicum, transiit. Quod D. Hier. indicat in Chronico, cum ait: Permultos ex Romano Clero pejerasse (id est, iuramentum quod præstiterant de non admittendo alio Episcopo, quamdiu Liberius uiueret, non seruasse, in quo tamen verum peritium non fuit) & ad Felicem accessisse: & quidem tunc statim, Deo haud dubie inspirante & cor eius excitante, dum sic pro vero Pontifice acceptaretur, & vt talis ab Ecclesia haberetur, non tantum recessit Felix à communicatione Arrianorum, sed etiam coacto Concilio declarauit Imperatorem Constantium & Episcopos Vrsacium & Valentem, cum quibus pacem fecerat Liberius: verè esse hæreticos, & propterea remisso ac redeunte iam Liberio ad Urbem, Felix cum suis ab Arrianis eiectus fuit: & iterum Liberius in eius locum successus est: ipse autem Felix non diu post mortuus est, siue capite cæsus, siue ærumnis confectus fuerit: Id enim non ita certò habetur exploratum.

219 Ab Ecclesia autem inter Martyres fuit numeratus. Cum tamen anno 1582. ambigeretur Romæ, deberetne hic Felix in nouo Martyrologio poni, eò quod nonnulli veterum eum in Cathologo Pontificum inueniantur non recensuisse, vt D. August. epistola 165. tunc casu inuenta est arca marmorea in Basilica Cosmæ & Damiani cum hac inscriptione in marmore incisa antiquis characteribus: Hic iacet corpus Sancti Felicis Papæ & Martyris, qui Constantium Imperatorem hæreticū damnauit. Vnde sine dubitatione in nouo Martyrologio positus fuit, sicut & in antiquis fuerat repertus. Mortuo autem Felice, Liberius iterū sibi reconciliauit Clerum Rom. & se Catholicum præfulem per omnia præstitit, vt supra ostendimus eum fecisse in causa Macedonianorum. Quare omnium consensu cepit tunc rursus legitime federe, & sedit vsque ad mortem.

220 Ad Confirmationem itaq; quæ supra contra Liberium formata est, responderi poterit tamen Liberius non fuisse ex animo hæreticus, neque etiam expressè & formaliter hæresim fuisse professus, quod tamen propter subscriptionem in condemnationem Athanasij, & propter pacem & communicationem initam cum illis qui noti erant hæretici, & propter similes actus qui continent interpretatiue professionem hæresis, merito fuerit ab Ecclesia tanquam iuxta externam professionem hæreticus, habitus: nam interiora cordis scrutari non

poterat, ideoque & Pontificatu excidisse iudicatus siue declaratus fuit, atque ita cepit legitime ab eo tempore Beatus Felix Pontificatum gerere. An verò Felix ante tempus illud fuerit Arrianus, posset dubitari ex verbis D. Hieron. supra allegatis ex Cathologo Scriptorum in Acacio: sed Rufinus & Theodoretus satis aperte docent eum Arrianum non fuisse, licet cū Arrianis haberet communicationem: quare quod D. Hieron. dicit Felicem Arrianum fuisse constitutum in locum Liberij, id dictum intelligi oportet propter communicationem cum Arrianis, vel certè dicendum est illud Arrianum non à D. Hieronymo, sed ab aliquo alio fuisse adiectū, vt ostendit Bellarm. loco supra cit.

Quartus Pontifex, de quo multum disputatur est Honorius I. quem multi existimant fuisse hæreticum Monotelitam, quia scilicet in duabus epistolis ab eo datis ad Sergium videtur approbare doctrinā Monotelitarum: iubet enim quatenus non dicantur duæ operationes in Christo, & dicit eum non duas, sed vnā habere voluntatem. Et Confirmatur, quia in 6. Synodo vbi etiam hæc epistolæ referuntur, vna quidem Actione 12. & altera Actione 13. damnatur Honorius tanquam hæreticus. Similiter in Synodo 7. Actione vltima, totum Conc. dicit Anathema Honorio, Sergio, Cyro & cæteris Monotelitis. Et in Synodo 8. Actione 7. legitur & probatur epistola Concilij Romani sub Adriano II. in qua dicitur Honorius post mortem fuisse iudicatus tanquam de hæresi suspectus. Deniq; diuersi Scriptores, tum Greg. ci, tum Latini videntur id ipsum testari. Nihilominus tamen è contra pro defensione Honorij, scribit Albertus Pygius lib. 4. Hierarchiæ Ecclesiasticæ cap. 8. Hosius lib. 2. contra Brentium, Ioannes à Louanio lib. de perpetua Cathedra Petri Protectione cap. 11. Bellarm. lib. 4. de Pontifice cap. 11. & alij.

Quare ad Obiecta poterit responderi, quod ad epistolas illas attinet: inprimis posse dubitari, an non fuerint ab hæreticis confictæ, sicut constat fuisse quasdam litteras tanquam Vigilij Papæ Romani, & Menæ Patriarchæ Constantinopolitani insertas quintæ Synodo, quod deprehensum fuit in Synodo 6. dum relegerentur Acta quintæ Synodi. Deinde esto, quod verè sint epistolæ ab Honorio scriptæ, nihil tamen refert: quia si attentè legantur, facile videre erit, quod errore nullum contineant: nam quod ad rem attinet, satis aperte confitetur Auctor duas in Christo voluntates, diuinam & humanam, & duas operationes: ita enim scribit

G iij in 2. epi-

in 2. epistola: Vtriusque naturas in vno Christo vnitæ naturali copulatas cum alterius communicatione operantes, atque operatrices confiteri debemus: & diuinam quidem, quæ Dei sunt, operantem, & humanam, quæ carnis sunt, exequentem, non diuisæ, (scilicet ex parte personarum) neque confusæ, (scilicet ex parte naturarum) aut conuertibiliter Dei naturam in hominem, vel humanam in Deum conuersam edocentes: sed naturarum differentias integras conconstantes. Quæ sententia Catholica est, & Monotelitarum hæresim euertens.

423 Prohibentur tamen nomina tum vnius operationi, tum duarum, ab ijsq; abstinere mandatur: idque pro illo tempore prudenter facere potuit Pontifex, quia eo vsque non fuerat in vsu: neque agitata quæstio de illo loquendi modo: sed tum solum incipiebat Syrus Alexandrinus prædicare vnam tantum in Christo operationem; cui se oppositæ Sophronius Hierosolimitanus, prædicabat duas in Christo operationes. Sollicitus itaq; Honorius cum ad ipsum deferretur controversia, ne contentio ista in graue schisma abiret (prout accidit) putauit ab initio eam sopire, explicando ea quæ de re ipsa sunt sentiendi & consendi: ac simul mandando quatenus ab his vocabulis vnius operationis, aut duarum abstineretur, vt sic partes vtriusque facilius acquiescerent, dum neutra videretur reportare victoriam. Vnde scribit in epist. 1. abstinendum à nomine vnius operationis, & rursum à vocabulo duarum: Ne (inquit) aut duarum operationum vocabulo offensi Nestorianos sectantes vesana sapere arbitrentur; aut certe, si rursum vnam operationem fatendum esse censuerimus, stultam Eutichianistarum attonitis auribus de mentium fateri putemur. Et in epistola 2. Auferentes ergo scandalum nouellæ inuentionis, non vos oportet vnam vel duas operationes definientes prædicare: sed pro vna, quam quidam dicunt, operatione, oportet nos vnum operantem Christum in vtriusque naturis veridice confiteri; & pro duabus operationibus, ablato geminæ operationis vocabulo, ipsas potius duas naturas in vna personâ vniuerſi filij Dei, inconſuſe, indiuisæ, vt ante explicuimus, atq; inconuertibiliter nobiscum prædicare propria operantes. Vbi licet vocabulum duarum operationum remoueat, tamen manifestè admittit operationes proprias vtriusque naturæ.

224 Sed Dices, paulò infra aperte ponit vnam tantum voluntatem his verbis: Vnde & vnam voluntatem fatemur Domini nostri IESU CHRISTI. Respondetur ibi sermonem esse tantum de voluntate humanæ natu-

ræ, ac Pontificem docere non fuisse in Christo hominem duas voluntates pugnantes, vnam carnis, & alteram Spiritus, licet in nobis: sed vnam tantum, scilicet Spiritus: quod patet ex ratione adiuncta, quia, inquit, à diuinitate assumpta est nostra natura, non culpa; illa proinde quæ ante peccatum creata est, non quæ post præuicationem vitata est. Hæc enim ratio bene probat non esse in Christo voluntates illas pugnantes, quæ in nobis sunt: non autem probat in Christo Deo & homine non esse voluntates duas, diuinam & humanam: atque ita Sanctus Maximus in Dialogo, contra Pyrrum Monotelitam explicat verba Honorij, quem dicit semper, fuisse Catholicum: & confirmat explicationem suam ex testimonio Secretarij ipsius Honorij, qui epistolas ab Honorio dictatas scripserat, & tunc adhuc superstes erat: hic enim asserbat mentem Honorij nunquam fuisse, quod in Christo duas negaret voluntates; sed si quæ verba id præferat, ea esse intelligenda de duabus contrarijs & pugnantibus in natura eius humanâ, sicut in nobis quæ ex peccato oriuntur, quod in Christo non fuit.

Ad Sextam itaque Synodum responderi potest primò cum Bellarmino supra, nomen Honorij ibi inter eos qui à Synodo damnantur, postea insertum fuisse ab aliquo æmulo Romæ Ecclesiæ: idque pluribus argumentis declarat: inter quæ vnum notabile est, quod post Honorium S. Agatho Papa in epistola prima ad Imperatorem, quæ etiam lecta fuit in ipsâ Synodo, & approbata Actiōe 8. & 18. significabat: quod sicut Christus Petrum, cuius fidem promissit non defecturum, admonuit confirmare fratres, sic Apostolicos suos prædecessores semper fecisse: idque cunctis esse agnitum. Item quod Apostolica Christi Ecclesia (id est Romana) per omnipotentis Dei gratiam à tam irre Apostolicæ traditionis nunquam errauerit, neque hæreticis nouitatibus deprauata succubuerit. Si enim Honorius fuisse Monotelita, & in illâ ipsâ Synodo tanquam talis damnatus, aut damnandus, quemodo ausus fuisset B. Agatho de hac ipsâ hæresi pertractans scribere omnes suos prædecessores semper in sanâ fide fratres confirmare? idque cunctis omnino constare. Et iterum, quomodo præ cæteris Ecclesijs commaculatis suorum Præfulum erroribus, poruisset commendare Romanam, tanquam quæ sola semper manserit illibata, si tam recenter Honorius fuisset infectus illâ hæresi, de cuius extirpatione tunc agebatur? vel quomodo Synodus illam epistolam

epistolam Agathonis approbasset: Huc etiam facit quod Nicolaus Papa ad Michaellem Imperatorem de Romanis Pontificibus scribit: Hos enim nec tenuis saltem rumor aspersit aliquando cum prava sapientibus sapere: quod longè à veritate alienum esset, si in Synodo generali & celeberrimâ sæpius acclamatum sit Honorio tanquam hæretico, Anathema.

226 Secundo potest responderi cum Turrecremata lib. 1. de Ecclesiâ cap. 93. qui damnationem illam Honorij in 6. Synodo admittit: sed dicit ex malâ informatione processisse, scilicet ex falsis de illo rumoribus sparsis, & ex prædictis litteris non bene intellectis: quas melius intellexerant Honorij Successores Ioannes IV. Martinus I. cum frequentissimo Conc. Rom. Agatho & Nicolaus I. sub quibus sæpius causa Monotelitarum fuit discussa: & licet plures nominatim fuerint à Conc. sub Martino damnati, nulla tamen fit mentio Honorij.

227 Sed Petes: si Latini & præsertim Agatho Papa fuerint melius informati de causa Honorij, quare igitur Legati Agathonis in 6. Synodo non reclamauerint contra istam Honorij damnationem? Respondetur, supposito eo quod reuera Honorius in 6. Synodo fuerit condemnatus tanquam qui fuisset Monotelita, id videri prætermissum à Legatis Rom. Sedis ad vitandū grauius malum: nam periculum erat, si non dissimulassēt, vel si voluissēt reclamare contra Honorij damnationem, quod impedita fuisset definitio rectæ fidei, & quod non potuisset tolli Schisma quod iam 60. annis durauerat: cōdemnabantur enim in illo Concilio multi Patriarchæ, Constantinopolitani, Alexandrini, & Antiocheni, quorum successores non faciliè acquiescent, nisi etiam Honorius damnaretur,

qui cum illis simul accusabatur tanquam qui cum illis sensisset & docuisset.

Ad Synodum Septimam Respondetur Patres illius Concilij sequutos fuisse Synodum sextam, & tantum repetiisse quod in eâ legerant: & proinde ex illâ deceptos fuisse: quæ vel corrupta fuit, vt diximus, vel per errorem damnauerat Honorium.

228 Quod attinet ad epistolam Concilij sub Adriano II. Respondetur in eâ non asseri Honorium fuisse hæreticum: sed tantum fuisse ei dictum Anathema ab Episcopis Orientalibus: quia de hæresi fuerat accusatus. Vbi notanter Concilium videtur dixisse ab Orientalibus fuisse damnatum Honorium; idcirco scilicet, quia sciebat cum ab Occidentalibus, scilicet à Concilio Romano prius habito sub Martino, non fuisse condemnatum. Additur tamen, Orientales non fuisse aulos dicere sententiam in Honorium, nisi Romanæ Sedis consensus præcessisset, qui vt modò ante explicuimus, non fuit nisi quædam tolerantia ad maiora mala vitanda. Vbi hoc notandum, istud Concil. sub Adriano etiam ex 6. Synodo præsupponere (sicuti diximus ex eadem supposuisse Synodum septimam) Honorium in eâ fuisse damnatum.

229 Ad vltimum quod allegatur, diuerfos scilicet Authores ita scripisse de Honorio, Respondetur; Esto, sit ita: sed è contra multi quoque & valde Antiqui aliter scripserunt, & Honorium excusant; quare ex istis potest ostendi quædam rei obscuritas, aut dubietas: nō potest autem certo probari scilicet veritas. Vide plures alios Pontifices apud Bellarm. quos lib. 4. cap. 8. & quinque sequentibus, enumera tanquā de erroribus & hæresi accusatos saltem à nostris Sectaris: sed quos ipse expurgat & defendit.

TRACTA-

TRACTATUS

DE

CONCILIIS

ECCLESIASTICIS.

DVBIUM I.

Quid Concilium sit, & Quotuplex?

CONCILIUM, secundum nominis latitudinem, potest generaliter definiri, quod sit Conuentus quidam hominum prudentum publicâ auctoritate conuocatorum ad pertractandû & ordinandum communi intentione de rebus necessarijs aut commodis Reip. aut Communitati. Quæ definitio non tantum Concilia Ecclesiastica, sed etiam Politica Comititia complectitur: vtraq; enim Respub. & Spiritus, & Ciuilibus suos celebrat conuentus ad negotia communitatis magis ardua respectiue ad se pertinentia, pertractanda pro bono & pace ac vtilitate ipsius Reip.

Verum nos, non tam generaliter hic de Concilio disputationem instituimus, sed de Ecclesiastico tantum: quod in communi sic licebit definire, vt dicatur Conuentus siue congregatio. Rectorum ac Præfulum Ecclesiasticorum legitimâ auctoritate indicta, ad definienda, statutenda & ordinanda, quæ in grauioribus causis pro Ecclesiæ pace & bono sunt necessaria aut multum vtilia. Vnde Concilium constat quasi materiâ, Rectoribus & Prælatibus Ecclesiasticis; pro efficiente sua causa habet legitimam conuocantem potestatem: ad formam eius pertinet quod conuocatio fiat vt de grauioribus Ecclesiæ negotijs ibi fiant ordinationes & decreta: v. g. de fidei dogmatibus, & ritibus notabilibus Ecclesiæ, de disciplinâ & normâ vitæ Christianæ; aliquando etiam de litibus & contentionibus inter Primates Ecclesiæ sopiendis: finis denique est sanæ fidei & bonorum morum conseruatio, & si hæc alicubi mutilata fuerint aut corrupta, eorundem restauratio ac redintegratio.

Traxit Ecclesia formulam celebrandi concilia ab ipsis Apostolis, qui Act. 15. conuenerunt, & Concilium celebrarunt ad determinandas quæstiones obortas cir-

ca Legalium obseruantia. Vnde non est dicendum, quod origo huiusmodi conuentus sit merè humanâ & naturali tantum ratione excogitata, quatenus hæc dicat tales congregationes viles ad difficultates, & quæstiones determinandas, vt vult Pygchius lib. 6. Hierachiæ cap. 1. sed magis, quod diuinitus sit Ecclesiæ suggesta: nam primò dubitari de eo non debet, quin Apostoli iam S. Spiritu repleti, non nisi ipso admovente ac suggerente primū illud Concilium Ierosolimis celebrauerint. Deinde Concil. Chalcedonenſe in epistola ad Leonem: Sexta Synodus actione 17. Celestinus Papa in epistola ad Concilium Ephesinum, & Concilium Toletanum III. conformiter docent in Christo Concilia fuisse demonstrata in illis verbis: Matth. 18. *Vbi enim sunt duo vel tres congregati in nomine meo, ibi sum in medio illorum.*

Quod ad Concilij diuisionem attinet, quatuor communiter eius statuuntur genera: alia enim sunt Oecumenica siue Generalia: alia Nationalia, alia Prouincialia: alia Diocesana. Membrorum trium priorum meminit D. August. lib. 2. de Baptismo contra Donatistas cap. 3. vbi dicit: Concilia Prouinciarum, vel etiam maiora qualia sunt Regionum, emendari à Concilijs Plenarijs,

Concilium itaque Generale siue Plenarium, vt loquitur D. August. est Conuentus Episcoporum ex vniuersâ Ecclesiâ indictus ab eo, qui auctoritatem habet legitimam. Quare requiritur inprimis, vt conuocatio sit generalis, & innotescat omnibus Christianis Prouincijs, saltem maioribus. Secundò, vt nullus Episcopus cum Ecclesiâ habens communionē, ab eo excludatur, si ibi comparuerit. Tertiò, vt etiam de facto ex maioribus & principalioribus orbis christiani Prouincijs, aliqui saltem compareant. Vnde Synodus 7. Actione 6. iudicauit Pseudo-Conc. illud Constantinop. ab Inoclastis contra Imagines celebratum, non fuisse Generale: quia sonus eius non exierat in orbem terrarum; & quia

quia non habuerat (vt ibidem dicitur) Romanum Papam, neque illius Sacerdotes, nec per Vicarios, nec per Prouinciales litteras: quemadmodum (inquit) in Synodis fieri debet. Nō est autem necesse, quod omnes omnino Episcopi compareant, quāuis ex iuramento teneantur, vt constat ex Capitulo, Ego: extra de Iure iurando, nisi ex causis habeantur excusati: Sed satis fuerit, quod saltem aliqui ex maiori parte Christianarum Prouinciarum conueniant. Hinc, quando in Oriente Concilia fuerunt celebrata, non perinde æquē frequentes aderant Occidentales, sicuti Orientales.

6 Nam semper visum tunc fuit sufficere, quod ex Prouincijs Orientis interessent plurimi: ex Occidente autem forent aliqui missi à Romano Pontifice, qui reliquorum vices supplerent: vt colligere licet ex quatuor primis Oecumenicis Concilijs, quæ omnium iudicio sunt generalia, & semper talia fuerunt habita. Nam in magno illo Concilio Nycæno, ex Occidente tantum fuerunt duo Præbiteri ex Italia: vnus Episcopus ex Gallia, scilicet Nicaeus: vnus ex Africa, & vnus ex Hispania, scilicet Hosius. In secundā & tertā Synodis, nulli leguntur adfuisse Episcopi ex Occidente: Sed Romani Pontifices Damasus & Cælestinus ista Concilia respectiue nomine suo, & Occidentalium Antistitum, quos Romæ collegerant, confirmarunt. In 4. Synodo, scilicet Calcedonenſi, adfuerunt Legati Leonis, qui etiam submisit consensum aliorum Episcoporum Occidentis ex Hispanijs, Gallijs, Italiā: qui Concilijs habitis in suis Prouincijs, scripserant Leoni se in omnibus eius sequi sententiam.

7 E contra verò, Concilijs Occidentalibus pauci interfuerunt Orientales, vt magno Lateranenſi sub Innocentio III. Lugdunenſi sub Gregorio X. Viennenſi sub Clemente V. Tridentino & alijs, quibus Occidentales interfuerunt in magno numero. Concilio tamen Florentino adfuerunt Græci numero satis iusto.

8 Dixi esse conuentum Episcoporum; non autem aliorum Prelatorum inferioris ordinis: quia licet ad aliquot posteriora Concilia fuerint etiā vocati Abbates, præsertim exempti, & Generales ordinum: Idemque quoque subscripserint, tamen non est hoc ex necessitate requisitum ad Concilij generalis rationem. Imò neque ad Nationalis, aut Prouincialis substantiam pertinet: quod in primis satis colligitur ex omnibus antiquis Concilijs, quibus soli Episcopi subscripserunt. Deinde idem satis aperte docent Cypr. initio epistolæ ad Iubaianum, Hilarius lib. de Sy-

nodis, Ambr. epistola 32. August. epistola 119. Leo epistola 19. & sequentibus, Athanasius epistola ad Solitariam vitam agentes; & alij qui passim asserunt Concilia esse Episcoporum. Vnde in Concilio Calcedonenſi, cum ad Martinum Archiepiscopum mitteretur vt subscriberet, dixit non esse suum, sed Episcoporum tantum subscribere, vt habetur actione 1. & in eodem Concilio cum pro Diocoro Monachi & Laici essent ingressi, sæpius clamauerunt Patres: Mitte foras superfluos: Concilium Episcoporum est. Quod igitur modò alij isti vocentur, & ad suffragium ac ad subscriptionem admittantur, ex quodam privilegio conceditur, sicut & in quibusdam alijs, Abbates participes facti sunt dignitatis & honoris Episcopalis.

9 Dicit aliquis: Constat etiam Imperatores & Reges per se, vel suos Oratores consueuisse interesse. Item alios viros doctos: ergo videtur, quod plurimum sit conuentus Concilium generale, quam Episcoporum. Respondetur, consueuisse quidem etiam tales interesse, & rectè: non quidem vt sententiam dicant: sed Imperatores & Reges, vt sint Concilij defensores, & vt postmodum promptius cooperentur ad Decretorum executionem & obseruationem, quod natum est fieri, quādo ab initio facti sunt consij omnium eorum, quæ in Concilio ordinata & statuta sunt. Vnde & interdum subscripserunt: sed aliā formā quam Episcopi: non enim iudicando, aut definiendo; sed consentiendo, dicunt se subscribere. Similiter vocantur viri docti, sed tantum ad materias examinandas, & ad consultandum; non ad decisiuum suffragium ferendum, quare non essentialiter ad generale Concilium pertinent.

10 Concilium Nationale dicitur, in quo conueniunt Archiepiscopi & Episcopi vnus regni aut regionis legitimā auctoritate ad hoc vocati Eiusmodi sunt multa Concilia Romana, Toletana, Africana. Vbi hoc circa Nationale Concilium obseruandum est, quod licet simpliciter distinguatur ab vniuersali, & Prouinciali, nihilominus tamen aliquando vtriusque nomine compellatur: nam de Romano celebrato sub Symacho, dicitur Symachus Concilio generali prædens: & tamen aderant tantum Episcopi Italix: & in Concil. Toletano 3. capite 18. dicitur: Præcipit hæc Sancta & vniuersalis Synodus; & tamen intererant soli Episcopi Hispaniz. Idem constat ex Concilio 4. Carthaginenſi. Ratio autem eiusmodi compellationis reddi potest, quia in tali Concilio

cilio attenditur quædam vniuersalitas respectu totius Regni, aut Nationis quæ multitudinè notabilem Episcoporum concludit. Dicuntur etiam à Gratiano dist. 3. Canone, Porro: Prouincialia, quia certis Prouincijs eorum vis & auctoritas concluduntur, neque se extendunt ad omnes Christianos: sicuti quæ simpliciter sunt generalia.

- 11 Concilium autem Prouinciale specialiter dictum est, in quo tantum conueniunt Episcopi vnius prouinciæ, sub vno scilicet Archiepiscopo siue Metropolitano existente. Huius generis reperiuntur multa in Tomis Conciliorum. Denique Concilium Diocesæ est, in quo conueniunt Prælati & Sacerdotes vnius tantum Diocesis præsertim illi qui propinquius in cura animarum & regimine Diocesis Episcopo subseruiunt & quidem huiusmodi conuentus non ita propriè sortitur rationem Concilij, quia secundum loquendi modum antiquorum importat Concilium cōgregationem Procerum, siue Episcoporum quibus sua debetur Iurisdictio etiam externa: In hac autem congregatione est tantum vnicus talis, scilicet qui illi præsidet.

D V B I V M I I.

Cuius sit indicare Concilia, iisdemque præsidere?

- 12 **R**espondetur: & sit **CONCLUSIO** Prima: Concilium Diocesæ ab Episcopo: Prouinciale, ab Archiepiscopo siue Metropolitano: & Nationale, à Patriarcha vel Primatu legitime indicuntur, & conuocantur: quibus & respectiue incumbit iisdem præsidere. Est cōmunis: & docet sic August. epistola 217. ad Victorinam. Neque contradicunt hæretici: Tota autem difficultas est de Concilio generali: vnde sit

- 13 **CONCLUSIO** Secunda: Solius Romani Pontificis est conuocare Generale Concilium: eidemque præsidere, ita vt omnis generalis congregatio Ecclesiæ facta absque eius iussu, aut saltem consensu, vel quam ipse non ratificauerit, non verum Concilium Ecclesiæ, sed Conciliabulum & Pseudo-concilium habendum sit. Est quoque communis & certa omnium Catholicorum contra hæreticos: ex quibus Protestantes munus hoc deferre volunt Imperatori. Beza autem dicit esse Monarchæ Christiani, si quis sit: si autem sint plures Principes Christiani Supremi nullum agnoscentes superiorem, prout modo sunt, tunc esse omnium illorum si-

mul cum Imperatore & Ciuitatibus liberis.

Sed Probatur Conclusio, quia euident est, illius esse in omni regno siue communitate, cōuocare Principes aut Proceres ad tractanda regni negotia, qui supremam in eo obtinet auctoritatem, quique potest omnibus & singulis mandare, atque adeo compellere ad comparandum: atqui in regno Ecclesiæ solus Pontifex est, qui habet supremam potestatem: quique possit omnibus Ecclesiæ Episcopis, Archiepiscopis, Patriarchis quarumcumque ditionum aut Sedium mandare, eosque cogere ad conueniendum, non autem Imperator aut Rex vllus: ergo &c. Minor propositio quæ sola ab aduersarijs impugnatur, Confirmatur primò, quia Ecclesiæ Prælati, vt Episcopi, & alijs imperare, & ad Ecclesiæ negotia tractanda vocare est Ecclesiasticæ potestatis: atqui hæc non reperitur in Imperatore aut Regibus: quia nec eadem est cum Ciuili, neque Ciuili subdita siue subordinata: non enim temporalia confundenda sunt cum spiritualibus: neque hæc tanquam ordinis inferioris subiicienda sunt istis: sed è contra, vt supra diximus.

Secundò confirmatur: Quia nullus Imperatorum aut Regum, nequidem quoad actiones Ciuiles, habuit omnes Prouincias, ad quas se extendit Ecclesiæ, sibi subiectas; sicuti Pontifex eas habet, quoad actiones spirituales: nam Imperatores latissimè dominati fuerant & dominabantur tempore Leonis & Properi: & tamen tunc maior erat orbis Christianus subditus Papæ, quam orbis Romanus subditus Imperatori, quod testatur D. Leo serm. 1. de Sanctis Apostolis Petro & Paulo per sacram Beati Petri Sedem Caput orbis esse facta (scilicet vrbs Roma) latius præsidet religione diuinā, quàm dominatione terrenā: & Prosper lib. de Ingratis: Sedes Roma Petri quæ Pastoralis honoris facta Caput mundo, quidquid non possidet armis, religione tenet. Si verò dicant conuocationem ideo debere fieri non per vñ Imperatorem, vt vult Beza, sed per omnes Principes & Respub. superiorem non agnoscentes, iam reddunt celebrationem Concilij vniuersalis moraliter impossibilem: Neque enim moraliter fieri potest quod tot Principes & Respublicæ liberæ tantis inter se difficultatibus ac contentionibus dissidentes, conueniant ad vñ Concilium certo loco indicendum: & tamen volunt hæretici tantam esse necessitatem Concilij generalis: vt absque illo contendant non posse rectam Ecclesiæ gubernationem subsistere aut conseruari.

Tertio

16 Tertiò confirmatur : Quia Concilia Prouincialia indicuntur à Metropolitanò, & Nationalia à Patriarchà aut Primatè : quod etiam ſatetur Caluinus lib. 4. Inſtitut. cap. 7. Illicius Centuria 4. cap. 7. non à dominis temporalibus locorum, aut principibus regionis : ergò etiam generalia debent indicì ab vniuerſali paſtore Eccleſiæ ; & non ab Imperatoribus, aut Monarchis ſecularibus. Quartò confirmatur : Quia Aſt. cap. 1. D. Petrus exarrexìt in medio Fratrum, & curauit ea quę conueniebant fieri in nouella Chriſti Eccleſia, quatenus ſcilicet ſubſtitueretur vnus in locum miniſterij & Apoſtolatus, de quo præuaricatus erat Iudas : & quamuis non fuerit ibi propriè congregatum Concilium, ſatis tamen inde liquet primam & principale curam generalium negotiorum Eccleſiæ ad Petrum tanquam paſtorem vniuerſalem Eccleſiæ pertinuiffe : & Aſt. 15. Licet non expreſſe habeatur Petrum Concilium illud conuocaſſe, tamen ſatis conſtat de eius conſenſu & voluntate fuiſſe congregatum : quandoquidem ipſe quoque tanquam principalis Director ſit primum loquutus, & dixerit ſententiam ſuper quæſtione ibi morà.

17 Probatur Concl. 2. ex antiquiſſimo quodam Can. Eccleſiæ qui habet : Præter ſententiã Rom. Pontificis non poſſe celebrari Concilia. Quem Apoſtolicum eſſe ſcribit Beatus Marcellus Papa in epiſtola ad Episcopos Antiochenę prouincię. Eundem renouauit Synodus Nycæna prima, vt teſtatur Synodus Alexandrina in epiſtola ad Felicem. Item Iulius primus in epiſtola ad Episcopos Orientales : cuius meminerunt Socrates lib. 2. cap. 13. Soſymus lib. 3. cap. 9. & Nicephorus lib. 5. cap. 9. Quod ſi præter Romani Pontificis ſententiam non poſſit celebrari Concilium, ergo ipſius erit congregare aut ſaltem conſenſum præbere vt congregetur.

18 Reſponder Caluinus Canonem illum non aliud continere, quàm quod debuerit ad Concilium etiam Romanus Pontifex vocari. Sed ſi non aliud contineat, iam debuiffet aut potuiſſet fieri ſimilis Canon de Patriarchà Alexandrino, & Antiocheno : nam & hi erant præcipui Patriarchę, & ſecundum Caluinum æquales aut maiores Romano Pontifici. Hoc aduerſantes alij hæretici conantur aliò diuerſe ſenſum iſtius Canonis : ſed fruſtrà : nam verus eius ſenſus clariſſimè intelligitur ex epiſtola Iulij, de quâ ſuprà, ſiquidem in eâ Iulius reprehendit Orientales, quod abſque ſuo conſenſu Concilium Antiochię celebraſſent, & pro fundamento huius reprehendiſionis adducit allegatum Ca-

nonem : quare intellexit ſic ipſe Canonem, quod nullum Concilium vniuerſale poſſit ſine eius ſententiã celebrari : aut certè admodum impertinenter iſtum Canonem allegaſſet.

Neque apparentiam habet ſenſus ille, quem ex Græco ſermone conſingunt, puta quod præter ſententiam Romani Pontificis non poſſint dedicari Eccleſiæ : nullus enim veterum meminit talis decreti neque tuit vnquam, nec modò eſt talis vius, quod non poſſint templa dedicari abſque authoritate aut licentiã aut conſeſſione Romani Pontificis.

Probatur 3. Concluſio ex Conc. Chalcedon. Actio. 1. Vbi iubetur Dioſcorus Alexandrinus nò ſedere inter Episcopos, eò quod Synodum facere auſus fuiſſet ſine authoritate Romanę Sedis, quod nunquam ſicuit, vt ibidem dicitur, nunquam factum eſt. Sic quoque 7 Synodus reuocat Concilium ſeu potius Conciliabulum Conſtantinopolitanum illud, de quo ſupra mentionem fecimus ; quia non habuerat Roman. Episcopum cooperatum : & in Concil. Lateranenſi vltimo ſſ. 12. expreſſe aſſeritur Concilia generalia indicare, Romani eſſe Pontificis, Kurſum in Concilio Romano 4. Sub Symmacho cum dixiſſet Rex Theodoricus ſe Synodum conuocaſſe, vt iudicaretur cauſa Symachi Pontificis ; Reſponderunt Episcopos omnes non à Rege, ſed à Papa debuiſſe Synodum vocari, eſſi cauſa Papę ageretur. Quibus eà demum ratione Rex ſatiſfecit oſtendendo ſe Symachi Pontificis aſſenſu conuentum indixiſſe, quod & Pontifex præſens ita eſſe fateretur.

Probatur 4. ex antiquis Pontificibus : Leo epiſtola 93. cap. 17. Dedimus litteras, inquit, ad Fratres & Coepiscopos noſtros, eiſq; Concilium Synodi generalis indiximus. Pelagius Secundus in epiſtola 1. ad Orientales : Concilium Synodorum conuocandi authoritas Apoſtolicę Sedis Beati Petri, ſingulari priuilegio tradita eſt. Sixtus III. in epiſt. ad Orientales quoque ſic ſcribit : Valentinianus Auguſtus noſtrã authoritate Synodum conuocauit. Adrianus ſecundus in epiſtola ad Baſilium Imperatorem : Volumus, inquit, per tuę pietatis induſtriam Conſtantinopoli numerosum conuocari Concilium. Denique reſert Soſomenus libro 6. capite 7. Valentinianum Imperatorem cum ab Episcopis rogaretur, vt permitteret eis Concilium celebrare, reſpondiſſe : Mihi qui ſum in forte plebis, fas non eſt, talia curioſius perſcrutari : Sacerdotes quibus iſta curę ſunt, quocumque voluerint loco conueniant.

23 Sed contra Obijciunt hæretici, Quod prima Concilia generalia innemiantur pascim ab Imperatoribus indicta & conuocata: non autem à Pontificibus. De Concilio enim Nycæno primo scribit Solumenus lib. 1. cap. 16. Verum vbi contrā quam exspectabat, res succederet, & contentio reconciliationem concordie impediret, potiusque ad pacem faciendam missus re infectā reuenteretur, Constantinus indicit Concilium Nycææ vrbis Bythinie, scribitque ad omnes Ecclesiarū Presbiteros, vt ad diem constitutum adint. Quod etiam habet Rufinus titulus à Bellarm. lib. 1. de Concil. & Eccles. cap. 13. De Constantinopolitano autem primo testatur quoque Theodoretus lib. 5. Historiar. cap. 9. illud à Theodosio seniore indictum fuisse. Similiter Euagrius lib. 1. cap. 2. docet Ephesinum primum puti Theodosij iunioris conuenisse. Et Diuus Leo epistola 43. & alibi scribit Chalcedonens. Concilium ab Imperatore Martino coactum: ergo Imperatoris est, non Pontificis Concilium generale congregate.

23 Confirmatur Primò, Quia Diuus Leo epistola 42. ad Theodosium, rogat vt iubeat Imperator intra Italiam conuocari Concilium. Secundò, Quia etiam Liberius Papa apud Theodoretum lib. 2. cap. 16. hoc concedere videtur, quod Imperatoris potestatis sit generale Concilium conuocare. Terriò, Quia D. Hieronym. lib. 2. Apologie contra Rufinum loquens de quodam Concilio, cuius mentionem fecerat Rufinus, ita scribit: Dic quis Imperator hanc Synodum iusserit conuocari? vbi planè supponit Synodos non nisi ab Imperatoribus conuocari.

24 Respondetur, allegata Concilia fuisse quidem Imperatorum curā & operā conuocata: sed non absque Pontificum consensu & autoritate: nam quod ad Nycænum attinet, de eo sic loquuntur Patres 6. Synodi Achiene 18. Constantinus semper Augustus, & Syluester laudabilis magnam atque insignem in Nycæa Synodo congregabant, Et cum Rufinus supra dicat, quòd ex Sacerdotum sententiā Constantinus Concilium conuocarit, omnino sit verisimile illud quod Baronius circa annum Domini 324. in fine annotatum reliquit, vbi ita scribit: Res Romæ gestas à Constantino ante baptismū, Baptismi tempore, ac postea persecuti sumus, cum recedens idem Augustus ab Vibe de his que spectarent ad Oecumenicum conuocandum Concilium vñ cum Sancto Syluestro Romano Pontifice, consilio communicato, & que agenda fo-

rent firmiter stabilitis, profectus est in Orientem ciuitatem suo nomine conditurus, consulturus pariter assiditæ Orientali Ecclesiæ hæreticis, & schismaticis laceratis.

25 Quod vt plenius intelligatur, sciendum est, iam antea ad querelas & petitionem Alexandrini Episcopi Siluestrum Pontificem misisse Ozium Cordubensem ad partes Orientales, vt hi quā ratione posset, seditiones & schismata illic exorta tum propter quæstiones de die Paschatis, tum propter hæresim Arrii: cui & Constantinus ad eundem effectum suas litteras dederat vt testatur Epiphanius hæresi 68. Sed cum iam re infectā, vt testatur Solumenus supra, redijisset, tunc Constantinus Imperatorem simul cum Siluestro cogitante de remedio efficaciori adhibendo, atque inter eos tum conuenisse, vt Concil. generale Episcoporum indicere: quod anno sequenti videlicet 325. fuit effectum. Cuius Concilio etiam prædictus Ozium & Præbiteri Romani à Siluestro illuc missi tamquam Apostolicæ Sedis Legati præfuerunt: qui & eo nomine inueniuntur primo loco ante omnes Episcopos & Patriarchas Concilio Nycæno subscripsisse: vt licet videre Ianus deductum apud Baron. circa annum Domini 324. & 325.

26 De Concilio Constantinop. primo, prout refert Theodoretus constat non tam Theodosij indixisse Concilium illud, quā litteras Damasi Pontificis misisse ad Episcopos: sic enim apud Theodoretum lib. 5. Histor. cap. 9. leguntur Episcopi congregati scripsisse ad Damasum Papam: Mandato (inquiunt) litterarum superiore anno à vestra reuerentia ad Sanctissimum Imperatorem Theodosium missarum ad iter duntaxat Constantinopolitanum vsque faciendum, nos præparauimus. Quāuis igitur Theodosius conuocationē Concilij procurauerit, liquet tamen quòd ex autoritate Apostolicarum litterarum indixerit. Quare Patres in 6. Synodo dicunt Theodosium & Damasum obtulisse Macedonio per secundam Synodum, ficuti paulò ante dixerunt Constantinum & Siluestrum coegisse primam Synodum, vt obstitissent Arrio.

27 De Ephesino primo scribit Proseper in Chronico, Illud Cyrilli industria & Cælestini autoritate factum fuisse. Constat etiam ex Euagrio l. 1. c. 4. & ex epistola Cælestini ad Cyrillum, quæ habetur inter opera Cyrilli, fuisse eundem Cyrillum deputatum Legatum Sedis Apostolicæ, vt eius vices in illo Concilio gereret: quod clarum est argumentum Synodum non sine

sine Pontificis auctoritate fuisse congregatam.

- 28 Idem patet de Concilio Calced. ex epistola ipsius Martiani Imperatoris ad Leonem Papam, quæ habetur ante Concilium Lacedonenſe: vbi Imperator indicturus Concilium, rogat Pontificem, vt ipse veniat & Concilium faciat, aut si hoc onerosum esset, per litteras significet, quid agi velit, & in fine concludit se scripturum ad Episcopos omnes, vt ad certum locum conveniant, Et quæ Christianorū, inquit, religioni atque Catholicæ fidei profint, sicuti Sanctitas tua secundum Ecclesiasticas regulas definiuerit, suā dispositione declaret: item ex epistola Leonis 49. ad eundem Martinum, vbi postquam dixisset quod sui bene fuisset desiderij, vt celebratio Concilij ad tempus opportunius differretur, adiungit: Sed quia vos amore Catholicæ fidei congregationem Concilij nunc fieri voluistis, ne deuoto videret obuiare arbitrio, fratrem & Coepiscopum meum Paschasinum de eā prouinciā, quæ videtur esse securior, euocatum, qui vicem præsentia meæ possit implere, direxi, &c. Quibus manifestè Leo significat, quod non potuisset Imperator celebrare Concilium absq; suā accedente voluntate: quodque potuisset illud impedire, sed maluisse eius satisfacere piæ voluntati: quodque propterea eō mitteret suum Legatum qui vices præsentia eius ibi impletet.

- 29 Confirmatur illud ipsum ex epistola Gelasij ad Episcopos Dardaniæ, in quā dicit Pontifex solam Apostolicam Sedem, vt Synodus Calcedonenſis fieret, suā auctoritate decreuisse. Vbi nota illud signū exclusiuium (solam) non excludere Imperatoris operam, sed alias Sedes Episcopales, vt significetur quod, v. g. non Sedes Alexandrina, vel Antiochena, aut etiam Constantinopolitana: sed sola Romana auctoritate suā decreuerit illam Synodum faciendam, quamuis non sine opē & cooperatione Imperatoris Martiani: quod quia non aduerterunt hæretici, hinc immerito arguitur Gelasium splendidi mendacij.

- 30 Quæret aliquis, Quare non Pontifices soli & per se indixerint & conuocarint tunc Concilia, sicut de post fecerunt & modò faciunt? Respondetur, id non ideo accidisse, vt hæretici prætendant, quod nimirum Concilium sine Imperatoris auctoritate congregatum, non foret habitum legitimum, aut ratum apud Christianos, cum apertè scribat Athanasius in epistola ad vitam solitariam colente: Quando vnquam iudicium Ecclesiæ ab Imperatore auctoritatem habuit?

Sed propter multas alias rationes tunc temporis militantes, quæ postea cessarunt: quarum vna imprimis erat, Quia tunc adhuc vigeabant illæ Leges Imperiales, quæ prohibebant collegia & frequentiores nominum conuentus fieri sine Imperatoris auctoritate, propter metum scilicet & periculum seditionis, aut tumultuum. Vide L. 1. ff. de Collegijs illicitis: & L. Conuenticula: C. de Episcopis & Præbyteris.

Altera est, Quia etsi talis Lex non fuisset, cum eo tempore latissimè regnarent Imperatores, non poterat fieri Concilium, nisi in aliquâ vrbe Imperiali: ratio autem non permittit, vt in aliquo loco fiat conuentus tam generalis ex toto orbe sine licentiâ Domini illius loci: quem admodum etiam modò, si Concilium deberet congregari, non in terris Pontificis, sed in ditionibus Regis Gallij, aut Hispaniarum, sine dubio rogaretur consensus illius ad quem Ciuitas aut Prouincia pertineret.

Tertia; Quia illis temporibus fiebant Concilia sumptibus publicis quoad transactiones Episcoporum cum suis necessarijs ad locum Concilij, vt patet ex lib. 3. de vita Constantini apud Eusebium: vbi etiam addit toto tempore Concilij, omnes Episcopos sumptibus Constantinij vixisse: quod etiam colligitur ex Theodoretò lib. 1. cap. 16. vbi refert; Quomodo cum Liberius generale Concilium peteret fieri, fuisse responsum non sufficere censum publicum aduocationi Episcoporum.

Quarta deniq; ratio fuit, Quia eo tempore Pontifex, licet in spiritualibus esset caput omnium fidelium etiam Imperatoris, tamen in temporalibus submittebat se Imperatori, vt tradit Bellar. l. 1. De Concilio & Eccles. c. 13. & ideo non poterat cōmodè cum spe alicuius effectus tentare talem conuentum Imperatore nolente: & licet satis fuisset petere cooperationē Imperatoris, vel tantum petere vt sineret Synodum conuocari, tamen quia illum dominum in temporalibus agnoscebat, aut saltem vt talem colebat, maluit ei plus deferre, & rogare, vt ipse iuberet Concilium conuocari ad petitionem & voluntatem semper ipsius Pontificis: sic enim fiebat & quod Imperator cordatius, & magis seruiō cooperaretur Pontificis intentioni, & Pontifex certius assequeretur suæ voluntatis effectum: quia ferè promptius in omnibus obeditur suæ mādatis, suæ serijs votis Imperatorum aut Regum, quàm literis Pontificum aut Episcoporum sine istorū cōiuncta operā, cōtra quas solè aliàs fieri sæpius aut exceptiones aut excusationes.

Ex his patet responso ad Confirmationem

H ij nem

nem primam ex epistola 24. Leonis; cui addi possunt etiam quæ ad eundem Theodotium scribit epistola 25. & 33. non enim aliud rogat Leo Imperatorem, quam ut intra Italiam conuocet Concilium generale: idque, non quod ipse non haberet à se auctoritatem conuocandi Concilium, sed propter rationes alias iam explicatas.

33 Observandum autem est, quod Leo petat expressè generalem Synodum, non Prouincialem, ut quidam hæretici malitiosè allegant, ut sic magis eleuent & minuant auctoritatem Pontificis, & extollant Imperatoris potestatem: neque enim erat ratio cur Prouincialem Synodum peteret; nam solent Primares & Patriarchæ sine operâ Imperatoris Concilia Prouincialia celebrare: non enim res ita tantumolimini habebatur: quod ex ipsâ epistola 25. manifestum est: quia hæc ipsa, non à solo Pontifice, sed ab ipso & à Concilio Prouinciali scribitur ad Imperatorem: sic enim titulus habet: Leo Episcopus & Sancta Synodus quæ in vrbe Romæ conuenit Theodosio semper Augusto; & ex epistola 33. vbi habetur: Sin verò aliqui à puritate nostræ fidei & Patrum auctoritate dissentiant, Concilium vniuersale intra Italiam, sicut Synodus quæ ob hanc causam Romæ conuenerat, mecum petit, Clementia vestra concedat, &c.

34 Ad Secundam Confirmationem Respondetur, negando Liberium Papam dicere, aut admittere ad Imperatoriam potestatem per se & directè spectare conuocationem Concilij; sed tantum petit Liberium, sicut & alij Pontifices fecerunt, ut Imperator velit operam suam impendere ad generalem Synodum faciendam: idque, tum propter rationes dictas, tum quod hic esset Arrianus, & exproinde quidquid Pontifex eâ in parte fecisset, ipso non requisito, totum ab eo verisimiliter erat impediendum.

35 Ad Tertiam Confirmationem Respondetur, D. Hier. ibi rejicere assertionem quandam Rufini, quâ affirmabat Hilarij scripta, fuisse ab hæreticis ipso viuente sic vitata, ut etiam ipse Hilarius propter illa fuerit accusatus, & excommunicatus in quodam Concilio, quod ipse non exprimit: idque ut simili modo excusaret Scripta Origenis. D. Hier. itaque illud negat, & ad eius confutationem, petit hoc modo: Synodus, à qua fuit excommunicatus Hilarius, in qua, inquit, vrbe fuit? dic Episcoporum vocabula: doce qui eo anno Cōsules fuerunt: quis Imperator hanc Synodum iusserit congregari? Ut autem D. Hier. interrogatio & argumentum habeant vim suam, non est necesse dicere, quod ipse

agnoscat ad Imperatorem per se pertinuisse conuocare Synodum: sed satis est, quod ipse supponat id quod tum in vfu erat, videlicet, quod Synodi Imperatori curâ & operâ congregarentur.

Mouent Hæretici difficultatem & contra plura alia Concilia, quæ volunt ab Imperatoribus tantum fuisse conuocata: quod quidem de nonnullis ex istis verum esse admittimus; sed quæ non fuerunt vera Concilia, neque ab Ecclesiâ vnquam recepta: sed tantum hæreticorum Conciliabula. De alijs verò, quæ Ecclesiâ recepit, omnino negandū est: semper enim Pontificis auctoritas simul interuenit: quod iterum est manifestum de sexta Synodo, quam etiam causantur quidam Sedarij nescio Pontifice, esse indictam: Contrarium enim patet ex edito Imperatoris de conuocandâ Synodo ad Patriarcham Constantinopolitanum: quia narrat se ad Diuum Papam Antiquæ Romæ de Synodo congregari scripsisse, Et illo, inquit, de hoc sæculo migrante, Agatho Sanctus nuper ordinatus Papa, in Apostolicâ Sede prædictæ Antiquæ Romæ, huiusmodi nostros pios suscipiens Apices, destinauit in præsentem, propriam eius indutos personam Theodorum & Georgium Deo amabiles Præbyteros &c.

37 Ex quibus liquet, sicut & ex alijs hætenus dictis, Concilia generalia, non tantum fuisse semper ex consensu & auctoritate Romani Pontificis congregata: sed etiam per suos Vicarios aut Legatos ipsdem prædesse. Nec dubitari potest, ad illius auctoritatem primò & directè pertinere eiusmodi Conuentus conuocare: ad quem spectat ipsdem præsidere.

38 Quæritur hic: An non possit Concilium indici ab alio, quam à Papa, quando ipse non debet aut non potest illud indicere? v. g. si ponatur esse hæreticus, aut schismaticus, vel quando esset amens effectus, aut esset mortuus: Respondetur, non posse indici Concilium perfectum, & propriè dictum, de quo hic loquimur; quod videlicet auctoritatem habeat dubitationes & controuersias fidei determinandi ac definiendi: nam auctoritas & infallibilis certitudo in istis determinationibus ab alijs non habentur, sine Petro, sine eius successore, cui particulariter mandatū est, ut confirmet fratres suos. Addo tamen in istis casibus posse, aliquod Concilium imperfectum fieri, quod sufficiat ad prouidendum Ecclesiæ de Capite: nam Catholica Ecclesiæ sine dubio, quando Caput non est, habet auctoritatem prouidendi sibi de Capite, licet interim sine Capite non possit statuere de multis, de qui-

de quibus potest cum Capite : vt bene docet Caiet. Opusculo de Potestate Papæ cap. 15. & 16. Et colligitur ex epistola Cleri Romani ad Cypr. quæ est 7. lib. 2. inter epistolas Cypriani. Vbi Præbyteri & Diaconi Sede vacante per mortem Fabiani Papæ, ita scribunt: Cuius temperamenti moderamen (scilicet inter severitatem & indulgentiam circa lapsos) non hic tenere quæreates, & diu & quidem cum quibusdam Episcopis vicinis, & appropinquantibus, & quos ex alijs Provincijs longè positis persecutionis istius ardor eiecerat, ante constitutionem Episcopi (scilicet Romani) nihil innouandum putamus &c. Eiusmodi autem Concilium Imperfectum fieri poterit, inquit, Bell. lib. 1. cap. 14. de Concilijs & Ecclesijs, si vel iudicatur à Collegio Cardinalium, vel ipsi per se Episcopi in locum vnum conueniant.

39 Quæritur Secundò: Quid si Conciliū sit Ecclesiæ necessarium, & Papa ex malitiā nolit conuocare Concilium. Respondetur: nunquam diuina prouidentia permittit, vt in vera & absoluta necessitate ex qua Ecclesiæ salus totaliter dependeat, Pontifex desit officijs tam necessarijs: quæ admodum enim in fidei definitionibus & morum decretis infallibiliter semper Dominus ei assistit, instruit & dirigit, ne aliquid contra fidem aut morum honestatem determinetur aut statuatur, sic quoque tenendum est, quod nunquam prætermittit eum excitare, & efficaciter mouere ad Concilium congregandum, quando hoc ad Ecclesiæ conseruationem esset necessarium. Vnde etsi fortassis plurimi iudicarent vtilissimum fore, aut etiam necessarium esse, quod Concilium generale conuocaretur; si tamen Pontifex ab eo sit alienus, non est à quoquam, aut à quibuscumque tentandum, vt illud conuocent; sed præsupponendū potius quod alijs modis Deus Ecclesiæ necessitatibus succurrat; aut quod ipse velit permittere ad tempus Ecclesiæ premi, quam tamen nunquam permittit omnino opprimi. Vide Turrescremat. lib. 3. Ecclesiasticæ Hier. cap. 8.

D V B I V M I I I.

*Vtrum Concilia sint infallibilis
— authoritatis?*

40 C O N C L V S I O Prima, Concilium generale simul cum Pontifice, siue à Pontifice confirmatum, est infallibilis omnino authoritatis & veritatis, tñ in decretis fidei, quam morū. Vbi quod dicitur

de decretis morum, accipiendum est, sicut id supra explicuimus in Tractatu de Pontifice num. 192. Est autem certa de fide, & communis omnium Catholicorum.

Probatur Primò ex Scripturis Matth. 18. *Iterum dico vobis, quia si duo ex vobis consenserint super terram, de omni re quacumque petierint; fiet illis à Patre meo qui in celo est. Vbi enim sunt duo vel tres congregati in nomine meo, ibi sum in medio eorum*: Vnde conficitur huiusmodi argumentum: Christus hic promittit etiam duobus vnanimi affectu aliquid petentibus, effectum petitionis à Patre suo dandum; atque adeo se adfuturum, scilicet ope & directione tali congregationi in nomine eius factæ; ergo multò magis omnibus Prælati Ecclesiæ generaliter congregatis, & vnanimiter intelligere postulantiibus ea quæ ad sanæ fidei conseruationem, & fideliū sanctificationem pertinent, tribuet Dominus postulatos effectus, & aderit Christus in medio illorum ad instructionem & directionem, ne aliquid erroris contra fidem aut bonos mores in suis decretis committant: si enim in congregatione paucorum & priuatorum Christus adsit, vt eos iuuet in rebus minoribus & congruis totum ordini & statui, dubitari non potest quid certius adsit, & efficacius in congregatione totius Ecclesiæ, vt eam illuminet & dirigat in rebus istis maximis.

Confirmatur, Quia ad illud propositum videtur Christus ista dixisse; præmiserat enim si quis fraternè correptus non se emendaret, quatenus talis deferretur ad Ecclesiam, exponens simul Ecclesiæ potestatem istis verbis: *Amen dico vobis, quacumque alligaueritis super terram, erunt ligata & in celo: & quacumque solueritis super terram, erunt soluta & in celo*. Vt autem id credibilis magisque testatum reddat, quod Ecclesia tantum poterit, videtur adijcere: *Iterum dico vobis, quia si duo ex vobis consenserint, &c. Matth. 16. Et super hanc Petram ædificabo Ecclesiam meam, & porta inferi non præualebunt aduersus eam*. Item Matt. 28. *Eccē ego vobiscum sum omnibus diebus, vsque ad consummationem seculi*: quod intelligit per auxilia, illuminationes & directiones exhibendas Apostolis & eorum successoribus in omnibus ad Ecclesiæ fidem, eiusque conseruationem & gubernationem pertinentibus: 1. ad Timoth. 3. dicitur Ecclesia Dei vni, columna & firmamentum veritatis. Plenum igitur siue generale Conc. non potest in rebus fidei & decretis morum aberrare.

Confirmatur, Quia altoqui portæ inferi aduersus Ecclesiam præuarent: Christus quoque contra suam promissionem

H iij conuin-

convinceretur Ecclesiam deseruisse; neque ipsa foret, aut dici posset columna & firmamentum veritatis, quia Concilium generale repræsentat & sustinet personam totius Ecclesiæ, sicut enim quælibet particularis Ecclesia est & repræsentatur in Episcopo suo secundum Cyprianum lib. 4. epistola 9. ita etiam vniuersalis Ecclesia in Episcopis vniuersaliter simul collectis. Deinde quia Episcopi à reliquis fidelibus sunt habendi ut Pastores, audiendi ut magistri, sequendi ut duces, iuxta illud Lucæ 10. *Qui vos audit, me audit:* & ad Hebr. 13. *Obedite præpositum vestrum, & subiacete ei.* si igitur Episcopi legitimè congregati cum capite Romano Pontifice in fide errarent, necessum est quod tota Ecclesia consequenter aberraret, quia reliqui debent sequi doctrinam quæ ab illis traditur & dominatur.

- 44 Probatur Secundò ex Sanctis P. P. qui in primis docent Concilij generalis definitionem in causis esse vltimum iudicium irretectibile & omnino immutabile, sic ut ab eo nulla super sit appellatio, aut relinquatur vltieris examen causæ; ergo censent illud omnino certum & infallibile: alioquin immerito cogèrent omnes stare tali iudicio, nec admitterent vltiorem inquisitionem ad iterum iudicandum. Antecedens patet ex Athanasio. in epistola ad Episcopetum, vbi dicit, Decreta Concilij Nycæni non posse mutari nisi errando: vnde miratur quod aliqui audeant mouere quæstionem de rebus ibi definitis. Ex August. epistola 162. vbi id expressis terminis docet. Ex Leone epistola 33. ad Theodosium Augustum epistola 50. ad Marcianum Augustum, & epistola 61. ad eos qui in Concilio Chalcedonenſi congregati fuerunt. Idem docet Gelasius epistola ad Episcopos Dardaniæ, & statuitur in Concil. Ephesino circa finem, & in Chalcedon. Actione 5. Can. vltimo, Deinde docent Sancti Patres eos separandos à communione, & hæreticos habendos, qui non acquiescunt definitionibus Concilij generalis: quod patet primò, quia ipsi Patres Concilij dicunt, Contradictoribus Anathema, ut de Nycæni Patribus testatur Athanasius in epistola ad Episcopos Africae, de alijs autem constat ex ipsis actis Conciliorum. D. Greg. lib. 1. epistola 24. dicit Anathema non recipientibus generalia Concilia quinque, quæ sola ad illud vsque tempus celebrata erant, Quia, inquit, dum vniuersali consensu sunt constituta, se & non illa destruit quisque præsumit, aut soluere quos religant, aut ligare quos soluant: quisquis ergo aliud sapit, Anathema sit. Ibidem dicit se quatuor

prima Concilia generalia venerari tanquæ quatuor Sancta Dei Euangelia, quibus tunc quintum adiicit & æquiparat: vide etiam D. Leonem epistola 77. & 87. hinc D. Ambr. epistola 32. Sequor, inquit, tractatum Concilij Nycæni à quo nec mors, nec gladius poterit me separare.

Probatur denique rationibus, Quia si Concilium generale posset errare, nulum esset in Ecclesia firmum iudicium quo quæstionis & controuersie fidei posset componi & vnitas Ecclesiæ conseruari: nihil enim in Ecclesia maius est Concilio generali legitimo & approbato. Frustrà autem diceretur in Scripturis sacris haberi maius & vltimum iudicium, quia omnes controuertentes affirmant à parte suâ stare sententiam Scripturæ: debet ergo in Ecclesia alius esse Iudex, qui sine errore possit iudicare pro quâ parte stet sententia Scripturæ.

Secundo poterunt merito reuocari iterum in disputationem omnes hæreses damnatæ, si Concilia legitima errare possunt, diceret enim Arrius, errasse Concil. Nycænum: Macedonius, errasse Constantinop. Nestorius, errasse Ephesinum: Eutikes, Chalcedonense, & sic de reliquis.

Tertiò, Quia Scriptura attribuit Spiritui Sancto determinationes & decreta eiusmodi Concilij. Act. 15. *Visum est Spiritui Sancto & nobis:* Vnde etiam Cyrill. lib. 1. de Trinitate vocat decretum Concilij Nycæni diuinum & sanctissimum oraculum; ergo &c.

CONCLUSIO Secunda: Concilia particularia approbata à Summo Pontifice, nullum possunt continere errorem in fide aut moribus. Est hæc eiusdem rationis & certitudinis cum illâ quâ supra statuius Rom. Pontificem non posse errare in fide aut moribus, etiam abique Concilio generali, & inde sufficienter existit probata. Si enim Summus Pontifex errare non possit, euidenter sequitur nec vllum Conc. posse continere errorem in ijs, in quibus ab eo est approbatum. Deinde si eiusmodi Concilia non essent infallibiles veritatis, plurimæ hæreses quæ tantum damnatæ sunt in Concilijs particularibus, iterum posset in dubium reuocari: ut Pelagianorum, Priscillianistarum, & aliorum. Sed contra conclusiones positas

Obijciunt Hæretici primò, Concilium Iudæorū Præfide Summo Pontifice Caiaphâ errasse, quando pronuntiauit Christum blasphemasse, qui se Dei Filium dicebat; ergo &c. Respondetur, Summos Pontifices & legitima Concilia apud Iudæos non potuisse quoque errare, donec Christus quem Synagoga expectabat venturum,

rum, adueniſſet; ſed ipſo iam præſente, & Euangelium annuntiante, potuiſſe errare: nam & hoc prædicitum erat Iſaïæ 6. Danielis 9. & alibi. Iam enim ſtatus veteris Teſtamenti, qui potiſſimum conſiſtebat in figuris & vmbis futurorum, præſente veritate, diſſoluēbatur & exoleſcebat; atque ita eorum etiam qui in eo præerant, munia & officia ceſſare debebant, & ſic mirum non eſt, ſi ſuis priuilegijs diuinitus eis promiſſis vſque ad Meſſiæ aduentum tunc quoque priuarentur.

48 Obijciunt Secundò ex Sanctis Patribus: D. Gregor. Nazianzenus in epiſtola ad Procopium ita de Concilijs ſcribit: Ego, ſi vera ſcribere oportet, ita animo affectus ſum, vt omnia Epiſcoporum Concilia fugiam, quoniam nullus Concilij finem lætum fauſtumque vidi, nec quod depulſionem malorum potius, quam acceſſionem & incrementum habuerint; ergo non ſunt Concilia illius authoritatis & æſtimationis, cuius hic afferuntur eſſe. Reſpondetur, loquendo de legitimis Neg. Conſeq. Non enim negat Nazianz. hæc facere certam fidem, ſed conqueritur ſuo tempore, nullum potuiſſe fieri omni ex parte legitimum, idque meritò conquerebatur: nam eius ætas incidit inter duo prima generalia Concilia Nycænum & Conſtanti-nopolit. quo tempore intermedio ſunt multa tentata Concilia, que propter multitudinem Epiſcoporum ad hæreſim declinantiũ & hæreticis fauentium infelicem habuerunt exitum, vt fuerunt Seleuci-enſe, Ariminenſe, Mediolanenſe, & alia: & propterea non approbat Gregorius iterum tentari Concilium ad quod ipſe vocabatur nomine Imperatoris à Procopio: vnde & petebat haberi excuſatus, tum quod non ſperaret aliquem ſcèlicem ſucceſſum, tum etiam, quia detineretur grauiori morbo.

49 Poſſunt hæc confirmari ex D. Baſilio qui eodem tempore vixit, & in epiſtola 52. ad Athanaſ. ſcribit, Videri ſibi impoſſibile, vt eo tempore fieret legitimum Cõcilium, & ideo debere ſcribi ad Romanum Pontificem, vt ipſe ſua authoritate irritaret Acta Concil. Ariminenſis: alioquin quod Nazianz. putauerit omnino ſtandũ iudicio Concilij legitime celebratũ, patet ex eius epiſtola ad Clidonium: cum enim Appollinaris negarent ſe eſſe hæreticos, & allegarent ſe receptos in quodam Concilio Catholico, reſpondet ille, Oſtendant hoc & nos acquieſcemus: perſpicuũ enim erit, inquit, eos rectæ doctrinæ aſſentiri, nec enim aliter ſe res habere poſſet ſi id conſecuti ſunt. Deinde fuit ipſe maximus prædicator Cõcilij Nycæni, ſic quod eius operã Conſtanti-nopoli reuixe-

rit fides Nycæna, quæ per Arrianos iacebat ibi quaſi extincta, vt reſert hiſtoria Tripartita lib. 9. cap. 9. Præterea interfuit poſtmodum Concilio ſecundo generali, vt patet ex ſubſcriptione & ex oratione eius habitã ad ipſos PP.

Ex Aug. Obijciunt Primò, quod ſcribit 1. 3. contra Maximinum c. 4. Nec ego Nycænum, inquit, nec tu debes Ariminenſe tanquam præiudicatus proferre Concilium: nec ego huius, nec tu illius authoritate detineris; ergò &c. Reſpondetur Auguſt. ſic ſcribere ad Maximinum Arrianorum Epiſcopum, non quod cenſeret illum verè non teneri authoritate Concilij Nycæni, ſed quod ſciet illum non recipere illud Concilium, & proinde nec poſſe, aut velle ſtringi eius authoritate, & propterea in eã diſputatione id indulgebat Auguſt. quod ſcilicet non vrgeret aut premeret illum per doctrinam illius Concilij: nouerat enim quod ſi vrſiſſet Concil. Nycænum, quod alter è contrã oppoſuiſſet Conciliabulum Ariminenſe, quod fuit Arrianorum: atque ita priuſquam ad rem fuiſſet ventum, oportuiſſet diſputare de validitate vnius & inualiditate alterius: quam diſputationem declinauit Auguſt. quia ſuppete-bant ei ſufficientia & optima argumenta ad propoſitum ſuum ex Scripturis. Sensus itaque verborum Auguſt. eſt: Omittamus nunc Concilia quorũ vos non recipitis vnũ, & nos reſciamus alterum, ſed ad Scripturas quas communiter recipimus, veniamus. Patet hic ſensus ex adiunctis: addit enim, Scripturarum authoritatibus, non quorumque proprijs, ſed vtriſque communibus teſtibus res cum re, cauſa cum cauſa, ratio cum ratione concertet.

Secundò ex eodem Obijciunt, Quod ſcribit lib. 2. de Bapt. cap. 3. Ipſaque plenaria ſæpe priora (ſcilicet Concilia) poſterioribus emendari, cum aliquo experimento rerum aperitur quod clauſum erat, & cognoscitur quod latebat: ſi plenaria priora à poſterioribus emendantur, ergo aliquando plenaria errant. Reſpondetur Primò, dici poſſe Auguſt. ibi loqui de Concilijs generalibus in comuni, tam illegitimis & non approbatis, quam de legitimis & probatis: & ſic quidem fieri quod priora, quæ ſcilicet non fuerunt legitima & errores continent, emendentur per poſteriora legitima: ſicut Ephæſ. ſecundum fuit emendatum per Chalcedonenſe.

Reſp. Secundò, ſi quis contendat eum loqui tantum de legitimis, poſſe tribus modis contingere, quod priora dicantur emendari à poſterioribus: Primò ſi deci-

H iij derit

derit prius Concilium forsitan aliquam quæstionem facti: v. g. iudicauerit aliquem Episcopum aut Patriarcham certi criminis reum, ideoque à gradu suo illum deposuerit, poterit Concil. posterius id emendare, si experimento rerum innotescat eum non fecisse quod probatus fuerat fecisse. Secundò in Decretis & Legibus quæ ad Ecclesiæ conueniens regimen aut disciplinam pertinent, hæcenus scilicet, quod ea quæ in prioribus Concilijs pro ratione illius temporis bene quidem constituta erant, sed deprehenduntur posterioribus temporibus minus conuenire, aut inutilia esse, abrogari possint per Concilia subsequenter, & ordinari alia secundum rationem temporis commoda: leges enim & præcepta mutantur iuxta temporum, locorum, & personarum conditiones: quæ mutationes dicuntur emendationes, non quod res mala esset eo tempore quo institueretur, sed quod mala aut inutilis esse cœperit mutatis circumstantijs.

Tertiò in materijs doctrinalibus, puta quando priora Concilia non absolutè & simpliciter definitur vnam partem quæstionis, tanquam fide tenendam: sed solum vt probabiliorē aut apparentioris veritatis sequendam proposuerunt: tunc enim fieri potest, quod posteriora rebus omnibus magis examinatis, definirent absolutè & simpliciter oppositam quæstionis partem, & sic etiam quodam modo priora emendarentur, aut perficerentur à posterioribus.

Iuxta aliquem igitur ex tribus istis modis illigendum erit, priora emendari à posterioribus ex mente D. Augustini; non autem quod posteriora emendent determinationes in rebus fidei absolutè per priora factas: id enim nunquam fieri potest, quod etiam satis indicat August. lib. 1. de Bapt. cap. 18. Vbi excusat Cyprianum, quod ei cum multis alijs Africæ Episcopis visum fuisset, debere ab hæreticis baptizatos rebaptizari, priusquam plenarij Concilij sententia quid in hæc res esset sequendum totius Ecclesiæ consensus confirmasset, non excusaturus eundem, si post sententiam plenarij Concilij voluisset suæ sententiæ inhærere, si ante eius mortem fuisset generale Conc. celebratū.

Obijciunt Tertiò ex Diuo Leone, qui epistola 33. ad Anatolium Patriarcham Constantinopolitanum, epistola 54. ad Marcianum Augustum, & 55. ad Pulcheriam Augustam agnoscit Synodum Chalcædonensem tanquam legitimam; & tamen dicit eam tractam & impulsam in occasionem ambitus, & indebitam conniuentiam, quod scilicet ambitioni Anatolij

Patriarchæ fauisset, & ei locum supra Alexandrinum & Antiochenum contra constitutiones Concilij Nycæni attribuisse. Respondetur, nihil contra nos facere ea quæ scribit in illis litteris D. Leo: nam agnoscit quidem Conc. Chalcædon. legitimū, eiusque etiam Acta circa materias hæc, quibus eius Legati interfuerant, approbat & confirmat: In istis autem, nullus est repertus hæcenus error: sed improbat ac rejicit quandam eiusdem Concilij sententiam suæ constitutionem, quæ concernit particularem quæstionem facti, videlicet de loco & iure Patriarchæ Constantinopolitani: absentibus enim Legatis Sedis Apostolicæ & post conclusa Acta in quæstionibus fidei, reliqui Patres constituerunt, vt Constantinopolitanus Patriarcha præferretur Alexandrino & Antiocheno, etiam Sedibus horum auctoritati illius subuicis, vt colligitur ex citata epistola Leonis 33. Istam igitur ordinationem Concilij Chalcædon. tanquam repugnantem regulis apud Nycæm conditis in irritum se mittere & per auctoritatem B. Petri Apostoli generali prorsus determinatione cassare declarat. Scribit hoc ipsum Leo epistola 55. ad Pulcheriam Augustam, Hæc autem non pugnare cum nostris dictis, manifestum est prius: quia ista constitutio fuit tantum determinatio particularis facti. Deinde non est ordinata presentibus Legatis Pontificis. Tertiò, Non fuit à Sede Apostolicâ approbata aut cōfirmata: In istis autem factis & sic gestis admittimus posse interuenire errores.

Obijciunt Quarto Iliodorus, vt apud Gratianum habetur dist. 50. Can. Domino Sancto, dicit, quando Concilia inter se dissentiant standum est antiquioribus magisque probatis; ergo Concilia aliquando errant, quia quando dissentiant, & repugnantia tradunt, tunc necesse est aliorum errare. Respondetur, Loquitur Iliodorus de Concilijs, quorum est incerta auctoritas, de quibus videlicet non constat quod à Pontifice sint confirmata, in quibus posse reperiri repugnantes opiniones, aut errores non negamus.

Allegant denique hæretici & opponunt infinitos quasi errores Conciliorum: Sunt autem isti in triplici genere: quidam enim sunt veri & crassi errores, sed Conciliorum quæ nunquam fuerunt à Pontifice approbata, aut ab Ecclesiâ recepta, imo reiecta & reprobatæ: vt Ariminensis & Seleuziensis, Ephesini secundi, & similiū. Quos errores frustra cōgerunt quia nihil contra hanc Catholicorum doctrinam faciunt. Alij non sunt veri errores, sed vera dogmata fidei Catholice, & sancta decreta in Con-

53

54

in Concilijs legitimis determinata & condita, quæ tamen ipsi tanquam crassos errores reprehendunt, quia hæresis illorum aduersantur: sic allegant Conc. Chalcedonense errasse, quando in eo prohibentur Moniales votu continentie violare, & sic ex alijs multa allegant. Sed & huiusmodi frustra recentent, quia negamus esse errores, & oppositum, quod ipsi sustinent, dicimus erroneum & hæreticum. Alios denique adducunt errores ex veris & legitimis Concilijs, id est, sententias quasdam, quæ habent speciem erroris, atque adeo in sensu, quo ipsi eas accipiunt, errores sunt, non tantum ipsorum, sed etiam nostri iudicio: Verum quamvis verba seorsim prolata aliquoties possent videri præferre eiusmodi sensum, negamus quod ille sit sensus ex mente Conciliorum & Patrum, sed habent alium sensum verum & sanum, quem Concilia intenderunt significare. Prætermittimus autem hic ea proponere, quia circa diuersas Theologiæ materias solent obscuriores istæ authoritates Conciliorum opponi & ibi explicari.

55 **CONCLVSIO Tertia:** Concilia non tantum particularia, sed etiam vniuersalia absque Pontificis confirmatione aut approbatione, non sunt infallibilis auctoritatis, etsi quoque in ipsdē adsint Rom. Sedis Legati. De Concilijs particularibus, est certa & communis sententia. Et probari potest ex Can. 2. dist. 18. vbi dicitur, Concilia Episcopalia (id est, Prouincialia ab aliquo Episcopo aut Archiepiscopo indicta) esse inualida, ad definiendum videlicet quæstiones fidei, ita vt eorum definitio valeat ad certam fidem statuendam, non accedente superiori auctoritate. De Concilijs generalibus non ita sunt Doctorum sententiæ concordēs: nam qui putant Conc. generale esse supra Pontificem, cum alijs nonnullis tenent etiam Concilium vniuersale legitimum non posse esse obnoxium errori, quantumvis Pontificis approbatio non accesserit: Alij autem magis communiter docent contrarium. Vt verò hæc res plenius intelligatur:

56 Notandum est primò, Romanos Pontifices aliquando mittere suos Legatos ad Concilium generale cum certâ instructione de sua sententiâ circa quæstiones in Concilio disputandas & determinandas; sicuti constat factum in Concilio Chalcedonensi quarto generali per Leonem, quando suos Legatos misit: item in sexto & septimo Concilio: Aliquando autem sine instructione, vt factum est in Concilio Trid. Ratio autem huius diuersi modi agendi potest esse, quod in aliquibus Concilijs tantum quæstio vna aut altera sit

mouenda & definienda, vt accidit in primis illis Concilijs generalibus: & ideo Sedes Apostolica faciliè possit dare Legatis suis instructionem de mente sua: In alijs autem, aliquando plures materiæ, & variae quæstiones sunt examinandæ & determinandæ, vt in Concilio Tridentino: vnde non tam faciliè potest dari eiusmodi instructio Legatis. Accedit quod aliquando minùs dilict locus Concilij à Sede Apostolicâ, sic vt ad omnem occasionem possit facilis informari Concilium de Romani Pontificis sententiâ, vnde non ita opus est præuiam dare instructionem Legatis.

Notandum Secundò, Possē quatuor 57 modis contingere determinationem quæstionis per Concil. generale: Vno modo, quod Patres Concilij in vnam partem consentiant & eam definiant; sed dissentientibus Legatis Apostolicæ Sedis. Secundò, vt definiant etiam assentientibus Legatis, sed contra instructionem à Sede Apostolicâ eis datam. Tertiò, consentientibus omnibus etiam Legatis Sedis Apostolicæ, sed qui non habuerint instructionem Sedis Apostolicæ. Quartò, consentientibus omnibus & etiam Legatis conformiter ad instructionem, quam à Sede Apostolicâ habebant. De duobus itaque primis modis non apparet difficultas, quia satis constat sic procedendo, posse errores à Concilio committi: nam & de facto errauit Conc. secundum Ephes. quod repugnantibus Legatis Leonis Papæ processit ad decreta sana fidei contraria: vt patet ex epistola 24. & 25. Leonis ad Theodosium: item Conc. Constantinop. tempore Nicolai I. errauit, vbi Legati Nicolai contra instructionem Papæ egerunt, vt patet ex epistola eiusdem Pontificis ad Patriarchas & cæteros Episcopos Orientis; & ex Sonora in vitâ Michaelis Imperatoris.

Neque mirum videri debet: quia non possunt esse aut dici Concilia legitime celebrata, aut legitime processisse, quæ cū capite suo pugnant: quando autem alij Patres ad definitionem procedunt, reclamantibus ijs, qui tenent locum & vices Capituli, censentur pugnare cum Capite. Similiter quoque, si hi quidē consentiunt; sed contra expressam instructionem eis à Sede Apostolicâ datam: quia tunc non agunt vt Legati, cū non agant nomine Pontificis; disertè enim Leo epistola 45. & Agatho in epistola ad Imperatorem, quæ lecta fuit in 6. Synodo Actione 4. affirmant se non dare auctoritatem Legatis, nisi secundum traditas sibi regulas.

E contra autem de quarto modo res 59 apparet omnino certa, quod eiusmodi definitiones Concilij vniuersalis non possint esse

esse obnoxia erroribus: nā inprimis adest
sufficiens Pontificis approbatio, quia in-
uenitur expressus eius consensus datus
Legatis: quandoquidem ergo simul ac-
cedit consensus reliquorum Patrum Con-
cilij, consequens est, quod definitio illa
absolutè & simpliciter sit totius Ecclesiæ,
quæ sine dubio errare non possit.

60 Dicit aliquis: Instructio illa Pontificis
prævia non est definitiva sententia Sedis
Apostolicæ: quia Episcopi in Concilio
non sunt obligati illam sequi: alioqui enim
iam non essent libera suffragia, neque vi-
derentur comparere ut Iudices causæ,
quia per præuiam definitionem Sedis A-
postolicæ omnibus præiudicatum esset:
ergo videtur quod non sit firma & certa
adhuc determinatio Concilij generalis,
licet conformiter cum instructione quam
Legati Sedis Apostolicæ à Pontifice acce-
perunt, decernat & definiat: Respondetur
Neg. Conseq. quamvis enim ista instru-
ctio per se non sit definitiva sententia Se-
dis Apostolicæ, tamen quando Concilium
consentit cum illâ instructione, & sic for-
matur decretum à Legatis nomine Pontifi-
cis, tunc incipit esse sententia definitiva
& vltima, non tantum Concilij, sed etiam
Pontificis: nec potest eam Pontifex re-
tractare: nam vel hoc certissimum signum
est, fuisse eam à Deo, quando ab vniuer-
sali Concilio approbatur, quod conformi-
ter sentit.

61 Indicat id D. Leo epist. 63. ad Theodo-
ricum: Quæ Dominus, inquit, nostro prius
ministerio definierat, vniuersæ fraternitati
irrefragabili firmavit assensu, ut verò à
se prodire offenderet, quod prius à primâ
omnium Sede formatum, totius Christi-
ani orbis iudicium recepiisset, ut in hoc quo-
que Capiti membra concordent.

62 Ut autem hæc facilius apprehendantur,
sciendum est, dum Pontifices mittunt
Legatos cum instructione, quod soleant
eos mittere cum istâ conditione: Ve si
Conc. consentiat iudicio aut instructioni
Sedis Apostolicæ, tunc formetur decre-
tum: sin minus, tunc differatur decreti
formatio, donec Rom. Pontifex vltierius
informatus & consultus, respondeat. Quæ
constant ex Concilio Chalcedonensi: nam
Actione 3. mox ubi Concilium consensit
iudicio Pontificis circa Dioscori depo-
sitionem, formarunt Legati decretum sub
nomine Leonis Pontificis, quo Episcopali
dignitate nudabatur, & ab omni Sacer-
dotali opere fiebat extorris. Actione au-
tem 16. cum Concilium vellet aliquid de-
cernere contra informationem Pontificis,
dixerunt Legati, debere id prius significari
Sedi Apostolicæ; Quando igitur Conci-

lium decernit conformiter ad expressam
sententiam Pontificis, quam deterunt Le-
gati, petinde est, ac si Pontifex ibi coram
dixisset sententiam: & proinde ac si Con-
cilij decretum approbaret aut confirmas-
set. Vnde D. Leo epistola 61. ad Episco-
pos qui intertuerunt Concilio Chalcedo-
nensi, quâ illud quoad materias fidei con-
firmat, aperte significat opus non fuisse
nunc sua confirmatione, nisi quia vide-
bantur dubitare aliqui, vtrum reuerâ le-
cundum eius sententiam, & cum eius cõ-
sensione fuissent determinationes factæ.
Ut igitur omnibus constaret verè ex suo
expresso mandato acta esse, quæ eius Le-
gati retulerant & egerant, ideo submitte-
bat epistolam illam confirmationariam.

63 Probatur Secundò, Quia in eiusmodi
Concilij non expectata aliâ confir-
matione Pontificis, mox solet fieri exsequen-
tium, id est, damnantium qui contrarium sen-
tiant tanquam manifesti hæretici, & rei
deponuntur ab Episcopatu, aut opere Sa-
cerdotali. Ita in Nycæno Concilio dam-
nati sunt & missi in exilium sex Episcopi
simul cum Arrio, ut scribit Rufinus lib.
10. Historiarum cap. 5. In Ephesino, dam-
natus & depositus est Nestorius, ut testat-
ur Eusebius lib. 1. cap. 4. In Chalcedo-
nensi, Actione 3. deponitur Dioscorus, &
Actione 4. decem Episcopi Ægypti iudi-
cantur hæretici, quia volebant acquiescere
decreto prolato Actione 3. Similiter cum
Macario Patriarcha Antiochano fuit actû
in Synodo 6. Act. 8. & 12. Si autem ista
Concilia potuissent recte esse obnoxia
ante accedentem vltieriõ Pontificis con-
firmationem, iam non fuissent adhuc ma-
nifesti hæretici iudicandi, qui ante istam
confirmationem restitissent: ergo &c.

64 De tertio autem modo, res versatur
in controuersia, sed omnino videtur di-
cendum, tale Concilium posse errare, nec
eius iudicium habendum prorsus infalli-
bile ante confirmationem Pontificis acce-
dentem: Primò, Quia mittuntur acta eius-
modi Concilij ad Pontificem cõfirmanda, &
potest ea approbare aut reprobare, ut col-
ligitur ex Gelasio Papa ad Episcopos Dar-
daniz, & ex ep. Nicolai Papæ ad Michæle
Imperatorem, & ex praxi Conciliorum
petentium confirmationem: & nomina-
tionem ex Bullâ Pij IV. in qua confirmat
Cone. Tridentinum.

65 Sed contra hoc Argumentum, Forſitan
dicit aliquis: Etsi Concilia mittantur ad
Pontificem signanda aut confirmanda, nō
tamen idcirco posse ab eo reprobari, quan-
do sic præsentibus & consentientibus Le-
gatis eius, qui contrariam instructionem
non habent, omnia sunt legitime conclusa
& de-

& determinata. Confirmatur, quia Episcopi in Concilio adiuunt, non ut Consiliarij tantum qui causas discutiant & examinent; sed ut veri Iudices questionum & causarum, & propterea quoque Episcopi soli iure ordinario, tanquam absoluti Pastores & Principes in regimine Ecclesiarum habent suffragium definitivum: si enim essent tantum Consiliarij, tunc potius viri docti, quam Episcopi deberent vocari, & habere suffragium: ergo Pontifex qui in Concilio est veluti præses, siue per se, siue in suis Legatis, tenetur in decretis formandis sequi sententiam Concilij: imò etiam maioris patris: hoc enim ad præsidis officium pertinet: Quando igitur Patres Concilij concorditer cum Legatis Apostolicæ Sedis concluderunt quippiam, licet non habuerint particularem desuper instructionem Legati à Pontifice, non poterit Pontifex tamen illud reprobare: quia si personaliter præsens fuisset, debuisset ipse (ut apparet) secundum eandem sententiam concludere.

66 Responderetur Neg. prius assumptum: & ad confirmationem dico, admissio posteriori illo assumpto, Negandam esse consequentiam: quia licet præses Concilij agens purè & merè officium præsidis, debeat sequi in decreto formando maiorem partem suffragiorum, non tamen id perpetuò verum esse, si aliqua alia qualitas concurrat: quando enim qui præsidet simul est supremus Reipublicæ Rector, potest ipse ex causis, in concludendo non sequi maiorem partem iudicium, sed saniorum. Sic ergo Rom. Pontifex quoque, quia non merus Præses est, sed etiam summus Princeps & Pastor Ecclesiæ, potest emendare aut retractare quod à Corpore Concilij est iudicatum: idque iustiori ratione ei attribuitur, quia ipse est confirmare & dirigere fratres suos, & ad hoc habet Spiritus Sancti assistentiam, ne erret, ut ex ante dictis de Pontifice constat. Vide à Turrecremata lib. 3. cap. 63. & 64. & Melchiorum Canum lib. 5. de Locis cap. 5. quæst. 2.

67 Addo tamen, Nunquàm forsitan accidisse, ut cum Pontifice non consenserit maior pars, quando Concilia fuerunt sine fraude & dolo in præsentia Legatorum eius celebrata: Secus quidem, quando fraudes interveniunt: nam irritavit Damasus Acta Concilij Ariminensis, quibus maior pars Episcoporum consenserat; sed Episcopi Catholici decepti fuerant vocabuli Græci obscuritate, ut testatur Rufinus lib. 10. cap. 27. Sic etiam Leo irritavit certam constitutionem Concilij Calcedonen-
sis, cuius supra fecimus mentionem, quia

fraudulenter in absentia Legatorum Sedis Apostolicæ fuerat illa decreta.

Probari idem potest Secundò: Quia firmitas Concilij generalis nascitur ex coniunctione & consensione Corporis cū Capite; sed in tali Concilio nondum explicat Caput sensum & mentem suam; tametsi enim Legati præsideant nomine Pontificis, tamen non sunt reuera Pontifex, nec habent privilegium infallibilis assistentiæ, & non errandi in Ecclesiâ universaliter docendâ, & in rectâ fide confirmanda: quod Petro fuit per Christi orationem, impetratum.

Tertiò, Concil. Basiliense, vñà cum Legato Pontificis communi consensu statuit Concilium esse supra Pontificem: quod tamen Concilium non recipitur, & tantum in aliquibus toleratur.

Verùm obijciunt: Eiusmodi Concilium est Concilium generale legitimum representans totam Ecclesiam in Capite, & in membris: ergo non potest errare. Respondetur esto, quod sit Conc. legitimum generale: sed tamen non omnimode est còpletum, quia deest Capitis præsentia personalis. tam in re, quam in eius proprijs suffragio & sententiâ. Quamvis autem præsentia Legatorum etiam sine instructione sufficiat, ut Conc. habeatur legitimum, tamen sine instructione aut sententiâ Pontificis accedente, non sufficit, ut possint fieri definitiones aut constitutiones absolutæ, nisi adhuc dependenter ab accessione sententiæ personalis Summi Pontificis: neque enim censetur Pontifex committere Legatis decisionem aut definitionem ex nomine suo, quando eos de mente sua non instruit aut informat: sed tantum, ut nomine eius præsideant & dirigant Concilium, ac ipsum Pontificem de illis, quæ ibidem aguntur, informant.

Obijciunt Secundò: Addunt Concilia suis definitionibus Anathema contra contrarium sentientes, etiam antequam sint confirmata: ergo definitiones sunt infallibiles etiam ante confirmationem; Respondetur, Concilia quidem adijcere anathema, sed intelligere, illud habiturum vim suam, ubi fuerit à Pontifice confirmatum, à quo confirmationem petendam & obtinendam supponunt.

D V B I V M I V.

Vtrum Concilium generale sit supra Pontificem?

O bseruandum est, Dupliciter posse hanc questionem intelligi: vno modo: Vtrum Conc. generale seorsum sum-

prum sine Pontifice, id est, ipso absente, aut non consentiente, vel contradicente, alioquin legitimè congregatum, sit supra Pontificem. Alio modo: Vtrum Conciliū vnā cum Pontifice, id est, ipso præsentē & consentiente, sit maioris potestatis quā Pontifex, in eumque, eiusuē successores possit sic aliquā coactiua potestate vti? His explicatis sit

- 71 **CONCLUSIO Prima:** Concilium vniuersale seorsim sumptum absque Pontifice modo explicato, non est supra Pontificem, nec paris potestatis, sed Pontifex est supra ipsum Concilium, vtpote qui Concilij Caput est. Conclusio hæc non tantum est contra hæreticos omnes; sed etiam contra Catholicos nonnullos, vt contra Ioannem Gersonem, Iacobum Almainum in suis tractatibus de potestate Ecclesiæ: item contra Panormitanum ad Capitulum, Significasti: Extra. de Electione, & contra magistrum eius Cardinalem Florentinum, & Tostatum Abulensem in caput 18. Matth. quæst. 108. & quosdam alios.

- 72 Notandum tamen est, Differentiam esse inter hos autores, & inter hæreticos: nam hæretici volunt Pontificem nullo modo esse Caput aut generalem Pastorem Ecclesiæ totius: sed tantum esse Episcopum sue Ecclesiæ particularis, vel ad summum, Patriarcham Occidentis: hi autem Catholici admittunt & docent, Papam esse Caput & Pastorem singulorum fidelium, & singulorum Ecclesiarum, si separatim sumantur, & solum negant esse Caput totius Ecclesiæ simul congregatæ, vt in Concilio generali. Quare iuxta hos, Papa est in Ecclesiā, quod generalis præfectus Ordinis est in Religione, qui est supra singulos religiosos etiam Priores & Prouinciales; non tamen supra ipsam congregationem generalem, cum ei parere debeat, non imperare.

- 73 Volunt itaque hi Ecclesiam simul congregatam accipere veluti formam quandam corporis integri, & totā potestatem, quæ sparsim erat in varijs membris, ibi vniri. Et proinde comparare Papam cum cæteris Christianis, aut particularibus Concilij seorsim sumptis, est cōparare iuxta illos, membrum nobilissimum & prædominans cum minis nobilibus & inferioribus membris: sed comparare Papam cum Concilio, est comparare partem cum suo toto, & proinde est comparare minus cum maiore, cui consequenter debeat cedere, & obtemperare Papa.

- 74 Pro fundamento autem huius suæ doctrinæ vltierius statuunt, supremam Ecclesiasticam potestatem principaliter &

proximè à Christo esse collatam & attributam Ecclesiæ sic vniuersaliter congregatæ, tamen quia non potest Ecclesia perpetuò sic esse aut manere congregata, & exercere istam potestatem, hinc addunt, Christum instituisse Summū Pontificem, tanquam instrumentum generale ad omnes actiones Ecclesiæ, & in eo posuisse hanc potestatem, vt nomine Ecclesiæ eam exerceat: sic tamen, vt Papæ directionē in vsu potestatis velint ad Ecclesiam vniuersaliter congregatam pertinere, vtpote cui primò & principaliter illa potestas conueniat, & collata sit.

Eit nihilominus Conclusio certò tenenda, vtpote fidei proxima, & quæ ab omnibus penè cōmuniter doceatur. Colligitur autem ea imprimis ex antiquis Scholasticis, Alberto Magno, D. Thoma, Bonauentura, Richardo, Paludano, Durando, & alijs in 4. dist. 19. vbi de Clauibus tractant: quauis autem non ex professo hanc quæstionem disputent, dicunt tamen Pontificem adeo esse supremum in Ecclesia, vt nequidem possit se alterius sententiæ secundum potestatem coactiuam, submittere: quod falsum esset, si ipse de facto subiaceret potestati Concilij generalis. Expressè verò hic docent alij multi, vt Antoninus 3. parte titulo 22. cap. 10. Summæ hitorialis, & secunda parte titulo 3. cap. 11. Summæ Theologicæ: Turrecremata lib. 2. cap. 93. & 104. Summæ de Ecclesiā: Caiet. in tract. de comparatione Papæ & Conciliorum, & in Apologia pro eodem tractatu: Pygius lib. 6. Hierarchiæ Ecclesiasticæ. Ferrariensis lib. 4. Contra Gentes cap. 76. Turrianus in tribus libris de hac quæstione conscriptis: Sanderus lib. 7. de Vtibili Hierarchia, vbi agit de Concilio Constantiensi: & alij plures, quos citat Bell. lib. 2. de Concilijs cap. 14.

Et Probatur primò, Quia testimonia Scripturæ Sacræ supra in tractatu de Pontifice, Dubio primo allegata cum explanationibus SS. Patrum ad probandum quòd Christus instituerit vnum generalem præfectum, & vnum Caput Ecclesiæ, scilicet Sanctum Petrum, non tantum ostendunt eum fuisse constitutum Caput singulorum fidelium, sed etiam omnium quantumlibet simul congregatorum. Confirmatur, Quia Matth. 16. dicuntur non singuli fideles ædificandi super Petrā, quæ erat Petrus; sed Ecclesia dicitur super Petrā illā ædificanda: Ecclesia autem non significat separatim singulos, sed nomen collectiuum est, & significat populum in vnum conuocatū: ergo à Petro tanquam fundamento, non tantum pendent singuli fideles,

fideles, aut particulares Ecclesiæ seorsim sumptæ: sed etiam omnes quomodolibet simul accepti aut congregati: quia sic propriissimè dicuntur Ecclesiæ; atque ita etiam totius congregationis ipse fundamentum & Caput est: & consequenter, neque ipsi simul congregati erunt supra Petrum, sed Petrus supra ipsos.

77 Rursum dicitur ibidem, quod portæ inferi non præualebunt, non contra particulares homines Christianos aut particulares Ecclesiæ (hoc enim falsum est) sed simpliciter quod non aduersus Ecclesiam ædificatam super hanc Petram: ergo tota ipsa Ecclesiæ collectiue sumpta est, quæ munitor & sustentatur ab hac Petra: non igitur ipsa Petra dependens est ab Ecclesiæ, etiam vniuersaliter congregatâ. Tertiò ibidem non dicitur: Et Ecclesiæ dabo clauēs Regni Cælorum, & tu Petre eris eius negotiorum gestor, sed dicitur: *Tibi dabo clauēs Regni Cælorum*, ad utilitatem quidem & bonum Ecclesiæ, sic tamen quod tibi primò & immediatè ius & potestas clauium competat.

78 Hinc Concil. Calced. in epistola ad Diuum Leonem expressis verbis fatetur eum Caput, non singulorum tantum, sed ipsius Concilij: agens enim de Patribus in Concilio isto congregatis, sic scribit ad illum: Quibus tu quidem vt Caput præeras. Et in Concilio Florentino expressè habetur Romanum Pontificem esse totius Ecclesiæ Caput, & accepisse à Domino plenissimâ potestatem regendi vniuersalem Ecclesiam: tota autem & vniuersalis Ecclesiæ non significat singulos fideles separatim, aut particulares Ecclesiæ separatim sumptas; sed omnes in vnum collectos aut coadunatos. Item Ioannis 21. constituitur Petrus Pastor agnorum & ouium Christi: Pastor autem non tantum præest singulis ouibus, sed etiam toti gregi & toti ouli. Vnde Patres sic explicant, vt dicant Petrum à Christo esse institutum Pastorem ouilis Christi, & ei demandatam esse curam orbis terrarum & omnium ouium. Hinc etiam Ecclesiæ in Collecta pro Pontifice sic orat: Deus omnium fidelium Pastor & Rector, qui famulum tuum, v. g. Urbanum Ecclesiæ tuæ prælle voluisti. Concilium Lugdunense autem, vt habetur Capitulo, Vbi periculum: de Electione in 6. vocat Romanum Pontificem Rectorem vniuersalis Ecclesiæ: non igitur est tantummodo Pastor & Rector singulorum, sed etiam totius communis fidelium, quam propriissimè significat nomen Ecclesiæ vniuersalis. Conformiter D. Ambrosius ad illa verba Apostoli: *Vt scias quomodo oportet* Viggers in 2.2.

te in domino Deo conuersari: i. ad Timoth. 3. ita scribit, Dominus Dei Ecclesiæ dicitur, cuius hodie Rector est Damasus.

79 Probatur Secundò, Ex alijs Concilijs, quæ expressè hanc veritatem fatentur, vt non sit opus alios pro ipsorum autoritate contra veram doctrinam concertare. Concilium Sinuellanum sub Marcellino sic in fine habet: Prima Sedes à nemine iudicabitur. Idem habetur in Concilio Romano sub Siluestro cæn. vltimo: Nemo iudicabit primam Sedem: vbi Concilia, non tantum à particularibus remouent iudicium de primâ Sede, sed etiam ab ipsis Patribus simul congregatis. In Concilio Calced. Act. 3. recitantur multæ epistolæ ex varijs locis ad ipsum Concilium scriptæ, quæ omnes ita incipiunt: Sanctissimo & Beatissimo vniuersali Patriarchæ Magnæ Romæ Leoni, & Sancto vniuersali Concilio congregato in ciuitate Calcedonenſi: nemo autem ex omnibus Patribus oblocutus est, aut contendit non debere Pontificem anteponi toti Concilio, quod sine dubio non erant neglecturi, si existimassent Concilium esse supra Pontificem, non autem Pontificem esse supra Concilium: imo in fine Concilij extat eiusdem epistola ad Leonem, in quâ eum & Caput, & Patrem suum agnoscit: item ab eodem Concilio damnatus fuit Dioscorus cum secundâ Synodo Ephesinâ, cum ob alias causas, tum etiam præcipue quia iudicare & damnare ausi fuerant Leonem Romanum Pontificem: Quod etiam scribit Nicolaus I. in epist. ad Michaëlem Imperat. vbi dicit, Non tam ob hæresim fuisse damnatum Dioscorum, quam ob horridam præsumptionem, quâ in Summum Pontificem sententiam dicere ausus fuerat. Si autem Dioscorus, qui Patriarcha erat Alexandrinus primus post Pontificem cum generali Concilio iure non potuit iudicare Pontificem, certè sequitur euidenter Concilium supra Pontificem non esse.

80 In Synodo octauâ generali, Actione 7. dicitur quoque, Romanum Pontificem de omnium Ecclesiarum Præsulibus iudicasse: de ipso autem neminem vnquam iudicasse, videlicet iure & legitime, sic vt ab Ecclesiâ iudicium illud haberetur ratum. Vnde Concilium Lateranense sub Leone X. Sess. 12. disertè docet, penes solum Pontificem tanquam super omnia Concilia authoritatem habentem esse Conciliorum indicendorum, transferendorum, aut dissoluendorum plenum ius & potestatem: idque nedum ex Scripturæ sacræ testimonio, & dictis Sanctorum Patrum, & aliorum Pontificum Romanorum; sed propria

propria etiam eorumdem Conciliorum contestatione manifestè constare.

- 81 Ad quam Concilij huius doctrinam quidam videntur respondere, non fuisse Conc. generale: sed hoc malè, quia constat generaliter fuisse indictum, & omnibus patuisse accessum, licet pauciores Episcopi de facto interfuerint: insuper constat verum ac indubitatum Pontificè eidem præfuisse. Maiori itaque cum probabilitate dicunt alij, doctrinam illam non omnino determinare hanc quæstionem, eo quod Concilium nõ de finiat tanquam decretum fide Catholica tenendum: non enim dicit Anathema contrarium sentientibus: & propterea etiam nondum haberi, nec habendos esse hereticos qui aliter opinantur.

- 82 Probatur Tertio ex diuersis Pontificibus, qui hoc ipsum docent: D. Leo epist. 48. ad Anastasium in fine. Gelasius in epistola ad Episcopos Dardaniz: Nicolaus I. ad Michaiem Imperatorem: Patet profectò, inquit, Sedis Apostolicæ (cuius auctoritate maior non est) iudicio rem fore retractandam. D. Greg. I. 9. epist. 39. Paschalis Papa, vt habetur capitulo Significasti: Extra de Electione: Aium, inquit, in Concilijs statuta non inueniri, quasi Romanæ Ecclesiæ Legem Concilia præfixerint, cum omnia Concilia per Romanæ Ecclesiæ auctoritatem & facta, & robur acceperint; & in eorum Statutis Romani Pontificis patenter accipiatur auctoritas. Innocentius III. serm. 2. de Consecratione Pontificis. Bonifacius VIII. in Extrauagante: Viam sanctam: De maioritate & obedientia: Si deuiat, inquit, Terrena potestas, iudicabitur à potestate Spirituali, si deuiat Spirituality, minor à maiore, scilicet iudicabitur, si autem supremam, à Deo solo non ab homine poterit iudicari. Quod conforme est parabolæ Matt. 24. Pontifex enim peculiariter est seruus *quem constituit Dominus sum super familiam suam, vt det illi tibi in tempore: de quo dicitur ibidem: Si autem dixerit malus seruus ille in corde suo, moram facit Dominus meus venire: & cæperit percutere seruos suos, veniet Dominus serui illius in die quâ non sperat, & hora quâ ignorat & diuidet eum, partemque eius ponet cum hypocritis, illic eris fleus & stridor dentium.* quia scilicet Oeconomus vniuersalis & supremus super familiam à Domino constitutus non potest à familiâ iudicari aut puniri, etsi malè agat: sed causa eius reseruetur iudicio Domini sui. Ita ergo quoque si Pontifex qui est Supremus Oeconomus familiæ & Ecclesiæ Christi, malè egerit, & familiam Christi siue Ecclesiâ non bene rexit, non ab Ecclesia tamen iudicari & puniri potest: sed Domino suo reseruetur iudicandus, S. Bonif. Episcopus Mogun-

tinus vir magnæ auctoritatis, ita de Rom. Pontifice scribit. Cunctos iudicaturus à nemine est iudicandus, nisi deprehendatur à fide deuius, vt habetur dist. 40. Can. Si Papa.

Probatur denique ratione primò: Quia regimen Ecclesiæ est Monarchicum: ipsa enim Ecclesia in Scripturis passim comparatur regno aut familiæ, in quibus vnus imperat, penes quem est suprema potestas: ergò non penes multitudinē fidelium, aut penes Concilium Episcoporum est summa potestas, sed penes vnum aliquem: quia alioquin non esset Monarchia, sed Democratia, aut Aristocratia; ipsaque Ecclesia non esset Regnum, sed quædam communitas aut res publica. Secundo, quia appellationes semper fiunt ab inferioribus aut minoribus ad Superiores & Maiores: tunc constat vsum Ecclesiæ semper habuisse, quod à Concilio ad Pontificem appellaretur, quando putabatur ille non esse conscius, aut præbere assensum cum Concilio: non autem è contra.

Vnde Gelasius Papa ad Episcopos Dardaniz scribit: ad Sedem Apostolicam de quolibet mundi parte appellandum est, ab illâ autem nemini est appellare permisum. Et ne quis dicat Pontificem loqui tantum de particularibus iudiciis, & iudicijs; non autem de iudicio Conciliorum, subdit sæpe Romanos Pontifices soluisse quos Concilia ligauerant: Quis exstant exempla manifesta; nam Athanas. Episcopus Alexandrinus, & Paulus Episcopus Constantinopolitanus à Concilio depositi ad Iulium Papam appellauerunt: & ab illo in suas Sedes sunt restituti, vt refert Sotomonus lib. 3. Historiarum cap. 7. Similiter Flavianus Episcopus Constantinopolitanus appellauit à Concilio Ephes. secundo ad Leonem Papam, vt refert Leo epistola 25. ad Theodosium. Item ab eodem Concilio appellauit ad eundem Pontificem Theodoricus Episcopus Cyri, vt patet ex eius epistola quæ habetur ad finem operum Leonis. D. Chrysostomus quoque depositus appellauit ad Innocentium, vt colligitur ex epistolis Chrysostomi quas ad Innocentium scripsit. Tertio, quia Concilia omnia reuocari solent ad Pontificis examen, & quæ ipse probat & confirmat, recipiuntur: quæ autem improbat, reijciuntur: Constat autem ex gestis ipsorum Conciliorum quod petierint Pontificis confirmationem, quodque ipse plurima approbauerit. Similiter manifestum est, quod Pontifices sæpius Concilia reprobaerint, aliquando in totum, aliquando pro parte. Vnde D. Basil. epistola 52. ad Athanasium scribit, Consulit sibi videri, vt rogetur Rom.

Rom. Pontifex, quatenus mittat aliquos in Graciam, qui eius nomine reuocent ac irritent Acta Concilij Ariminensis, quod etiam Damasus præstitit. Leo quoque certam constitutionē Concilij Calcedonenſis annullauit, sicut antè diximus. Quartò, quia Conc. generale sine Pontifice errare potest: Pontifex autem, etiam sine Conc. generali nō potest errare, prout supra fuit ostensum. Quintò, si res ita se haberet, sicut alij volunt & explicant, iam Pontifex nō esset proximus & immediatus Vicarius Christi, sed tantum ipsius Ecclesiæ: Ecclesia autē immediatē sustineret vices Christi, quod est damnatū, vt apparet in Concilio Cōstantienſi Sess. 8. inter articulos Wiclef: quorum vnus erat: Pontifex non est immediatus & proximus Vicarius Christi & Apostolorum: ergo &c.

85 **CONCLUSIO** Secunda: Concilium generale cum Pontifice nō habet potestatem intenziuē (vt sic dicam) maiore quā Papa solus, licet possit dici habere maiore extenziuē. Probat, quia si haberet potestatem intenziuē maiore, vel eam acciperet ex cæteris Patribus qui sunt ibi cum Pontifice, vel ab ipso Pontifice, vel deniq; exoriretur ratione ipsius congregationis: atqui nihil istorū dici potest. Non primū, quia constat maiorem habere potestatem Pontificem, quā quoslibet alios in Concilio congregatos, ergo ab ipsis non accedit potestas intenziuē maior: non etiam secundum, quia Pontifex non confert, neq; adducit ad Concilium plus autoritatis vel potestatis, quā ipse habeat: non etiam tertium, quia suprā demonstratum est Supremā Ecclesiæ potestatem immediatē Petro & eius Successoribus fuisse à Christo attributam. Nusquā enim legitur Ecclesiæ seu Cœtui & congregationi fidelium in se ratione suæ totalitatis potestatem aliquam fuisse concessam: Sed bene legitur, quod potestas pascendi agnos & oues Christi sit data Petro. Itē quod cæteris Apostolis sit data potestas predicandi Euangelium omni Creaturæ, baptizandi in nomine Patris, & Filij, &c. Item remittendi & retinendi peccata: non autem quod ipsi Communitati ratione suæ congregationis, ergo &c.

86 Hinc autē fit, quod coactiuē non stringatur Legibus à Concilio generali latis etiam de suo, vel de prædecessorū consensu; sed tantum directiuē: imò quod ipse solus possit in illis dispensare, & ex causis eas mutare, vel abrogare.

Dicitur autem in Concilio esse maior potestas extenziuē, nō quod in plures possit exerceri: sed quia hic potestas plurimum concurrit, ipsaq; etiam potestas Pontificis quodammodo totum Concilium in-

format: atque ita reperitur ibi potestas magis extensa, quia in pluribus quā in Pontifice solo.

87 **CONCLUSIO** Tertia: Concilium generale, non solum non est supra Papā, sed nequidem potest Papa ita se submittere Concilio, vt Concilium possit aut valeat in eum potestatem coactiuam exercere. Ita communiter sentiunt Authores antè ad primam Concl. citati & alij plures. Probat, quia Pontifex iure diuino est superior & Caput omnium etiam Patrum in Concilio congregatorum; atqui Caput nō potest in hoc iure dispensare, aut superioritatem in alium transferre quamdiu Pontificatum sibi referuat: ergo &c. Deinde, non potest inferior causas à Superiore sibi reſeruatas committere alteri iudicandas: atqui causas Pontificis Deus reſeruauit sibi iudicandas, vt diximus modò: non potest igitur ipse eas quasi transferre & committere Concilio ex autoritate iudicandas.

88 Potest tamen committere causam suam Episcopis examinandam, & eorū sententiæ se submittere, nō quidem per modum perfecti iudicij, sed tantum per modum quasi arbitrij: sic enim plures Pontifices fecerunt, quando in aliquā re accusabatur: vt constat ex Cap. Mandasti, & Capitem Auditu 2. q. 5. Et ex Concilio 4. sub Symacho: Episcopi tamen iudicare simpliciter ausi non fuerunt: vnde in prædicto Concilio dum subscribitur, affirmant, se totum iudicium Deo relinquere.

89 Sed contra dictas Conclusiones, Obijciuntur primò: D. Leo epist. 63. sibi congratulatur de eo, quod epistola eius data ad Conc. Calcedonenſe fuisse ab eodem Concilio acceptata & approbata: ergo penes Concilium est suprema potestas & vltima determinatio. Respondetur Neg. Conf. quia Leo non miserat epistolam tanquam definitiuam Sedis Apostolicæ sententiam, sed per modum instructionis & informationis super materiā quæ erat pertractanda, vt eā adiuti Patres melius & certius iudicaret, sicuti suprā ista explicuimus: gaudet itaq; Leo quod Patres Concilij illam informationem sint secuti, & in eandem consenserint sententiā: quia hoc facto nulla erat occasio aut periculum Schismatis: & qui erroneam doctrinam inuehebant, fortius & efficacius euinebantur, & compescebantur: sed posteaquam Patres Concilij consenserunt epistolæ Leonis, tunc demum edita est determinatio & definitio vltima nomine Pontificis & Concilij.

90 Obijciuntur Secundo: Matth. 18. dicit Christus, *Si peccauerit in te frater tuus &c. Dic Ecclesiæ*: ergo etiam Pontifex debet aliquando peccatores ad Ecclesiam deferre,

I ij & per

& per consequens debet agnoscere quoddam Ecclesiæ Tribunal suo maius. Confirmatur, quia Christus ibi loquebatur Apostolis, inter quos erat & Petrus, cuius Pontifices sunt successores.

91 Respondetur Neg. Conf. Quia Christus ibi propriè Apostolos, & in ipsis omnes fideles instruit, quomodo debeant secundum charitatem vivere cum fratribus & æqualibus; non autem dirigit istam instructionem ad inferiores respectu superiorum, vel ad superiores respectu inferiorum. Unde quando monet Christus, ut si frater non audierit te fraternè corripientem nec solum, nec etiam testibus adhibitis, quatenus deferas eum ad Ecclesiam, tunc nomine Ecclesiæ intelligitur, vel ipse Præpositus siue Episcopus, prout in eum locum exponit D. Chrys. & Innoc. III. in Capitulo Nouit: Extra. de Iudicijs: quem sensum etiam antiqua & quotidiana Ecclesiæ praxis confirmat, vel certè intelligitur nomine Ecclesiæ fidelium Cœtus cum suo Capite: nā iuxta Cyprianum epistola ad Florentium, Ecclesia est plebs Sacerdoti adunata, & Pastori suo grex adhærens: non autē multitudo aliqua sine Capite. Sensus itaq; est: quod quocumque loco fratres peccantes qui priuatis correptionibus non possunt emendari, sint per fratrem deferendi ad Prælatum, aut Episcopum loci, ut ipse Ecclesiæ personam gerens, vel per se solum, vel etiam assumptis alijs peccatores eiusmodi corripiat, & si contumaces persistant, puniat.

92 Ad Confirmationē Respondetur, Illud quidem fuisse dictū Apostolis inter quos erat Petrus: sed qui tunc nondum erat superior & Pastor Ecclesiæ ac aliorum Apostolorum constitutus, licet eius rei haberet promissionem, & proinde ad illum quoq; tanquam priuatum hominem & fratrem tantum reliquorum dirigi istum sermonem: aut quando Superior ipse cognoscit peccatum subditi, rectè quidem in eo sequetur hanc instructionem, ut priuatim & fraternè prius quoq; corripiat: sed si non emendatur frater, non debet referre ad Ecclesiam: quia ipse est & sustinet personā Ecclesiæ. Quare tunc non amplius ut frater, sed ut Superior eum corripere & punire debet. Si autem ipse ut superior peccet, non debet ab inferioribus tā corripi, quam potius rogari ut pater: sicuti monet Apostolus agendū esse cum senioribus: si verò non acquiescat & habeat alium supra se, tunc ad illum deferendus erit: si autem sit Summus Pontifex, tunc Dei iudicio est referendus, quia non est vlla Ecclesia, ut antè satis est demonstratum, ad quam deferri posset.

Obijciunt Tertiò: Papa est membrum Ecclesiæ; ergo minor est ipsa Ecclesiā, eiq; subiectus, sicuti pars minor est suo toto. Respondetur, in cōsecrante vel accipitur Ecclesia seorsim sine Pontifice, & sic ipsa non est totum cuius Pontifex sit pars, quia supponitur distingui contra Pontificē, sed sic erit membrum cum Pontifice constituens vnum totum & perfectū corpus, sicuti caput & reliquis truncus corporis: & sic quidem Ecclesia est membrum maius, sed mole non virtute ac potentia: sicuti truncus corporis in homine est maior mole quam caput, sed nō sensu, & potentia: vel accipitur pro Ecclesiā simul cum Pontifice, & sic non est etiā aliquid maius virtute aut potestate intensiue, sed vt diximus, extensiue tantum. Et ratio est, quia Pontifex est tale membrum istius totius corporis, cui immediatè sit attributa omnis potestas quæ reperitur in toto reliquo corpore, sic vt ab eo in reliquum corpus deriuetur: ita quidem, ut ipse amplius habeat, & corpus quidquid habet in illo genere, accipiat ab illo membro: hoc autem membrum nihil recipiat à corpore.

Obijciunt Quarto: Conc. Constantiense Sess. 4. inter ea, quæ ibidem disponit & declarat, ponit primo loco, quod ipsa Synodus in Spiritu Sancto congregata legitimè generale Conc. faciens Ecclesiā Catholicam militantem representans potestatem immediatè à Christo habeat, cui quilibet cuiuscumque status vel dignitatis, etsi Papalis existat, obedire teneatur: ergo agnoscendum est quod Concil. generale simpliciter sit supra Pontificem.

Respondetur Neg. Conf. quia sessio illa nō fuit legitimè celebrata: nullus enim erat certus Pontifex, qui Concilio isti præsideret, & ex cuius autoritate eiusmodi materia proponeretur discutienda & determinanda: nam & Ioannes XXIII. qui Concilium inchoauerat, iam tum discesserat: ut patet ex decreto ibidem proximè subsequenti: quod etiam satis indicat illū non quocumque modo adfuisse, sed discessisse cum animo dissoluendi, aut transferendi, vel differendi Concilium: nam contra eiusmodi conatum videtur Secundum decretum ibi ex professo condi.

96 Sed dicit aliquis: Etsi declaratio illa tunc nō esset legitimè facta, tamē videtur postmodum transiisse in absolutam & legitimam determinationem per subsequētā confirmationem Martini V. Pontificis, qui omnia & singula determinata, conclusa, & decreta Conciliariter in materijs fidei per dictum Concilium, approbat & ratificat, ut habetur Sess. 45. siue vltimā in absolute Concilij; ergo &c.

Respond-

Respondetur, quod Pontifex non simpliciter & absolute approbet omnia acta illius Concilij: sed inprimis quæ Conciliariter sunt determinata & decreta, id est, more aliorum Conciliorum, rebus scilicet & quæstionibus discutiendis prius propositis & diligenter examinatis: satis autem liquet, allegatam declarationem nullâ præhabita disquisitione vel examine circa hoc punctum, ut præmittunt circa alias materias, fuisse à Concilio protolatam: Deinde, quod multum est obseruandum, approbat & ratificat Pontifex tantum ea, quæ sunt determinata, conclusa & decreta in materijs fidei: iam verò manifestum est, quod Conc. fl. 4. non tractet ex proposito materias aut quæstiones fidei: nec intendat ibi dogmata fidei statuere, aut hæreses vel errores damnare; sed tantum condere quædam decreta quæ seruiant ad tollendum Schisma quod tum vigeat, & ad Ecclesiæ unitatem conseruandam aut reducendam. Vnde talis præmittitur præfatio: Hæc Sancta. Constantiensis Synodus pro extirpatione præsentis Schismatis, & vnione ac reformatione Ecclesiæ in Capite & in membris fiendâ, ordinat, decernit, declarat, ut sequitur &c.

97 Nec refert quod quæstio de potestate Papæ supra Concilium, aut è contrâ sit pertinens ad materiâ fidei magis, quàm ad mores: quia satis constat, quòd quâ facit ibi Synodus declarationem circa rem illam, non faciat per modum determinationis aut definitionis istius quæstionis, sed tantum ponat per modum cuiusdam præsuppositionis, ac explicationis suæ opinionis ac sensus de suâ supremâ potestate: idque ut ea præsuppositione factâ haberent sequentia decreta, quæ conderet apud omnes maiorè authoritatem & robur. Quod verò non fecerint per modum definitionis, inde patet primò, quod non commiserint rem illam prius examinandam, sicuti commiserunt alias materias & quæstiones circa doctrinam Wiclef, & Hus examinandas, priusquam ad determinationes procederent. Deinde quia non additur, ita secundum fidem catholicam esse tenendum, nec dicitur Anathema contrarium sentientibus, aut docentibus: quemadmodum inhibetur ab eodem Concilio omnibus Catholicis sub Anathematis interminatione, ne quis articulos, aut aliquè illorum Ioan. Wiclef, quos reprobat & cõdemnat, audeat predicare, dogmatizare, tenere vel quando libet allegare &c. Non igitur ista declaratio facta fl. 4. comprehenditur sub ijs, quæ Conciliariter in materijs fidei sunt determinata, conclusa, & decreta: & proinde nec cadit sub appro-

bationem Martini V: quæ tantum respicit ad doctrinam Wiclef & Hus condemnatam per dictum Concilium.

Obijcit denique: Conc. Basilen. definit, fidei Catholicæ esse tenendum, Concilium esse supra Papam Sess. 33. quod Concilium legitime fuit conuocatum: ergo &c.

Respondetur Concilium illud fuisse quidem legitime inchoatum: nam ab initio aderant & Legatus Summi Pontificis, & Episcopi plurimi: sed de post Legatus recessit, & præcipui Episcopi omnes: nihilominus tamen quidam voluerunt illud continuare, & munus eidem præsidendi assumpsit sibi Cardinalis quidam Arlæntensis, & quia pauci Episcopi remanserant, introducti sunt plurimi Præbyteri, ita ut contra formam antiquorum Conciliorum, non iam Episcoporum, sed magis Præbyterorum Synodus esset: imò non Synodus, sed Conciliabulum Schismaticum, seditiosum; & nullius authoritatis, ut declaratur in Concilio Later. vltimo Sess. 11. Quare acta illius non sunt alicuius valoris, vel authoritatis.

99 Neque verum est quod quidam Sectarius allegat, quod scilicet Nicolaus V. successor Eugenij confirmauerit illud Concilium cum suis actibus: quia hic Pontifex, ut patet ex eius Bulla eidem Concilio annexâ, tantummodo approbavit, quæ dictum Concilium ordinauerat & statuerat circa Beneficia, & circa Censuras Ecclesiasticas: reliqua autem neque hic Pontifex, neque vllus alius confirmavit. Imò ut patet ex Sess. 28. eiusdem Concilij, mox Eugenius Pâpa, quem deponere idem Conciliū attentauerat, definitiones illas de potestate Concilij supra Pontificem, reprobavit: sicuti & postmodum fecit Concilium Later. Sessione vndecimâ.

D V B I V M V.

Utrum Concilium generale possit sua, vel præcedentium Conciliorum vniuersalium decreta reuocare?

100 **R**espõdetur breuiter, Decreta dogmatica fidei, quando illa approbante Pontifice formata sunt, non possunt vllò modo mutari: veritas enim fidei, sicut & Diuina veritas, est prorsus immutabilis: Decretâ autem quæ reformationem concernunt, quæque sequuntur naturam humane Legis, possunt mutari ad eum modum, quo in Prima Secundæ in tractatu de Legibus, diximus posse aliquando leges humanas mutari.

I iij TRA-

TRACTATUS DE ECCLESIA.

DV BIVM I.

*De Ecclesia nomine, & eius essentiali
ratione.*

ECCLÉSIA nomen Græcum est: Latine Euocationem siue Cœtum euocatorum significans: quod proinde aptius & convenientius est significando cœtui fidelium, siue populi Dei, quàm Synagogæ nomen vlitatum tempore antiquæ legis, generaliter significans quamlibet congregationem. Idque duplici ex causâ; Primò, quia euocari proprium est intelligentium, vt hominum & Angelorum; congregari autem etiam brutorum est. Vnde nomen Synagogæ pro illo tempore, quo homines & exercitia religionis magis carnalia erant, satis congruebat. Secundò, quia nemo ex se & ex suo proprio instinctu adiungit & associat se huic congregationi, sed omnes quotquot accedunt, à Dei vocatione preueniuntur. Vnde ad Rom. 8. dicitur: *Quos vocauit, hos & iustificauit, &c.* & Actorum cap. 2. *Et omnibus qui longe sunt, quoscumque aduocauerit Dominus Deus noster.* Hinc Paulus toties in omnibus suis penè epistolis fideles nominat vocatos.

Quod ad essentialē Ecclesię rationē attinet, pro clariori & pleniori eius intelligentiā

2 Obseruandum est primò cum D. Aug. in Breuiculo collationum cum Donatistis, Collatione tertij Diei cap. 10. & cum Clemente lib. 7. Stromatum, Ecclesiam habere se instar hominis qui constat spiritu & carne, vt loquitur Clemens, aut qui constat homine interiori & homine exteriori, vt loquitur Augustinus atque ita Ecclesiam constare veluti duplici formâ, scilicet internâ, & formâ quâdâ externâ: habet enim quædam quæ correspondent animæ, & eius perfectionibus, ac ornamentis: & quædam quæ cum exteriori formâ corporis, vt figuris & delineamentis eiusque motibus habent analogiam & proportionem. Animæ enim correspondet propriè fides Ecclesiæ: Ornamentis

animæ respondent Charitas & virtutes charitatem concomitantes, quæ ad dotem & perfectionem Ecclesiæ pertinent. Corpori autem correspondent externa fidei professio, opera fraternæ dilectionis, Cœmunio Sacramentorum & si quæ sint similia.

3 Obseruandum Secundò: Non semper omnia quæ dicuntur esse de homine, aut ad hominem pertinere, participare perfectiones ipsius animæ; imò neque omnia participare animæ informationem, quæ est essentialis hominis forma: sed multa cæteris partibus animatis adherere, aut illis quasi includi quodam veluti extrinseco vinculo, non autem vitæ vel animæ informatione, vt sunt v. g. pili, vngues, humores etiam superabundantes & corpori graues.

4 Obseruandum Tertiò, Ecclesiam militantem de quâ hic agimus, iuxta duplicem potissimum posse considerari statum, videlicet secundū statum temporis antiqui, quod præcessit Christi aduentum, & secundum statum Testamenti noui. Quæ quidem statuum diuersitas non inducit differentiam essentialē Ecclesiæ: vnde vna eademque censetur Ecclesia antiqui & noui Testamenti, & potest vnâ quasi definitione describi, vt Ecclesia dicatur

Esse hominum cœtus ad verâ veri Dei fidem, quâ intus tenet vocatus & eiusdem fidei professione, ac conuenientibus religionis externis exercitijs colligatus sub suis respectiue legitimis superioribus regentium. Non dico sub vnus Capituli regimine in terris: quia tempore antiquo in Ecclesiâ erant & vera ac viua etiam eius membra, non tantum multi ex Iudæis, aut ex semine Abraham secundum carnem: sed etiam ex gentilibus, vt Melchisedech, Iob, & alij, qui tamen non fuerunt omnes sub potestate & regimine vnus alicuius superioris in terrâ in ijs quæ ad Deum sunt: & tamen ad vnâ Ecclesiam illius temporis pertinebant.

5 Vnde Ecclesiæ vnitas pro illo tempore sita potissimum erat in professione eiusdē
veræ

veræ fidei circa Deum, ac in vnus cuiusdemque Dei cultu & religione: licet interim ritus & cæremoniæ externæ essent quoque diuersæ: ac denique in spe & tendentiâ ad vnum eundemque terminum & finem.

6 Ait verò, si velimus Ecclesiam describere iuxta statum noui Testamenti, conuenienter id poterit hoc modo fieri, vt dicatur hominum Cætus ad Christianam fidem quam intus tenet vocatus, & eiusdem fidei professione, & Religionis ac eorundem Sacramentorum communicatione adunatus sub regimine vnus in terris Christi Vicarij Romani Pontificis. Quâdoquidē enim Christus suo tempore præfecerit toti Ecclesiæ suę vnum pastorem, vt suprà ostendimus, Hinc necesse est quod omnes Ecclesię filij sub eius sint potestate, & eum Superiorem in spiritualibus agnoscant: vnde hæc ex parte Ecclesiæ accedit noua quædam & euidentior vnitatis ratio & fundamentum.

7 Dico autem in definitione, quod sit hominum cætus vocatus ad fidem, quia vt diximus, de militante hic Ecclesiâ ex hominibus lapsis congregatâ, agimus: ad quam nec Angeli beati, nec primi parentes ante suum lapsum pertinent: quos & ipsum Ecclesiæ nomen dictum ab euocatione, scilicet ab infidelitate & lapsu, excludit siue non admittit.

8 Adde Secundò: Ad fidem vocatus, quâ intus tenet, scilicet Cætus ipse, siue Corpus aggregatum: quia licet non sit necessarium, quod singuli qui quocumq; modo dicuntur esse in aut de Ecclesiâ, habeant intus veram fidem, sicuti non omnia debent informari animâ, quæ quocumque modo dicuntur esse de corpore animato, tamē ad essentiam Ecclesiæ pertinet, quod cætus ipse collectiue sumptus veram fidem habeat: quia fides est vera forma & veluti anima Ecclesię: cuius extrinseca forma & delineamenta ac figuræ sunt externa fidei professio, Sacramentorum communicatio, & subiectio sub legitimis Superioribus: quemadmodum etiam ad veram rationē corporis animati requiritur, quod ipsum totum siue aggregatum sit animâ informatum, sine quâ licet haberet omnē figuram externam, organa, & instrumenta corporis viuētis, non tamen verum esset corpus animatum: sed apparens duntaxat, & illius simulacrum. Similiter ergo dicendum etiam est de hominum cætu, qui nullam veram fidem haberet, sed tantum extrinsecus fallaciter eam profiteretur, quod non vera & propriè dicta, sed apparē duntaxat foret Ecclesia. Quare sicut Ecclesia vniuersalis deficere non

potest, ita nec fieri potest, quod in vniuersum omnes qui fidem Christianam profitentur, sint verâ fide vacui.

9 Adde Tertiò: Eiusdem fidei professione & religionis & Sacramentorum communicatione adunatus, quia Regnum Ecclesiæ non est inuicibile, sicut lucerna sub modio, vt hæretici volunt, aut merè internum: sed etiam externum manifestè foris conspicuum, sicut Ciuitas supra montem posita, & sicut candelabrum accensa non sub modio, sed super candelabro collocata. Redditur autem Ecclesia visibilis & conspicua ratione istorum, quæ ad externam eius formam diximus pertinere: sicuti homo visibilis ac cognoscibilis est ratione coloris, figuræ, delineamentorum, & externarum operationum.

10 Vnde non obstat: quod interna fides quam diximus esse intrinsecam & quasi essentialē formam corporis Ecclesiastici, non sit secundum se visibilis: quia licet hæc non videatur per se & in se, tamen sufficienter videtur in externis suis operationibus & effectibus, ac alijs signis, ita quod euidenter satis appareat congregationem talem esse verè cætum fidelium, in quo sit fides quâ profitemur: & quamuis hoc non ita certò constet de singulis illius multitudinis in particulari, tamen de toto corpore ex varijs & notabilibus effectibus ac signis certissimè id statui potest. Quæ admodum licet fieri posset, quod ex externis signis humani corporis non possit quis statim colligere de singulis partibus, quod sint vera membra informata animâ, puta, quia dubium esse potest, an non sit forsitan fictus siue fucatus color, aut artificiosus aliquis motus istius partis, tamen ex omnibus externis signis totius corporis & omnium membrorum euidentissimè colligitur corpus illud nō esse phantasticum tantum, sed viuum & verum animâ informatum: imò etiam quoad particulares personas illius cætus, si paulo attentius considerentur eorum facta & opera, non erit difficile cognoscere, an simulatè tantum fidē profiteantur, an verè & ex animo iuxta illud Christi Matth. 7. *A fructibus eorum cognoscetis eos*: neque enim hypocrysis semper & vbique tam est sibi similis & constans, vt non alicubi in dictis aut factis se prodant.

11 Ex hac Ecclesiæ definitione & explanatione potest colligi primò, falsam esse doctrinam Wiclef & Hus, & quorundā aliorum hæreticorum, quâ statuant solos prædestinatos esse in Ecclesiâ: non enim hi soli, sunt in & de cætu fidelium; sed de eo censentur omnes qui Christi fidem profitentur & Sacramenta eius participant.

I iij

Vnde

Vnde & antiqui Patres doctrinam illam reprobarunt per figuras inprimis & parabolas Ecclesiam & eos qui in Ecclesia continentur, adumbrantes, & in Scripturis expressas: vt per figuram Arcæ Noë habentis animalia munda & immunda, & in quâ non tantum columba, sed & coruus fuit: Genes. cap. 7. & 8. per parabolam Arcæ habentis triticum & paleas, quæ paleæ comburendæ tandem sunt igne inextinguibili Matth. 3. quod de prædestinatis dici non potest. per parabolam sagenæ missæ in mare Matth. 13. & ex omni genere piscium congregatis, quorum quidam postea foras mittuntur: per parabolam Conuiuij nuptialis Matth. 22. vbi etiam inter alios inuenitur homo non habens vestem nuptialem, qui idcirco eijcitur in tenebras exteriores, vbi est fletus & stridor dentium: qui proinde de numero prædestinatorum non erat. Vnde etiam ibidem Dominus concludit: *Multi sunt vocati, pauci vero electi*: Per parabolam decem virginum Matth. 25. quarum quædam futuræ sunt & exclusæ ab ingressu cum sponso ad nuptias: nec postmodum admittuntur: Per parabolam vitis in quâ inuenitur etiam palmes non ferens fructum, qui abscinditur & in ignem mittitur: Ioannis cap. 15. Per parabolam ouilis in quo reperiuntur agni & hædi, quos pastor segregat Matth. 25. Per parabolam imaginæ domus, in quâ sunt etiam vasa ad contumeliam 2. ad Timoth. c. 2. Idem probauit August. lib. 18. de Ciuitate cap. 48. ex illo Psalmi 38. *Annuntiavi & locutus sum: multiplicati sunt super numerum*: quia scilicet etiam reprobi ad prædicationem ingressi sunt Ecclesiam, qui non continentur numero electorum: sed super numerales sunt: quod etiam locis alijs D. August. vrget.

- 12 Probatur 2. ex hoc quod Christus etiâ inter Apostolos vnum voluerit reprobum admittere, scilicet Iudam, vt suo exemplo nimirum doceret Ecclesiam malos in se tolerare, donec messorum tandem omnia colligant zizania in fasciculos ad comburendum. Huc etiam faciunt illa Apost. ad Gal. 3. *Quicumq; in Christo baptizati estis: Christum induistis*: neq; enim omnes baptizati erant prædestinati: & 1. ad Cor. 12. *Etenim in vno spiritu omnes nos in vnu corpus baptizati sumus*.

- 13 Similiter & falsû est dogma illud, prædestinatos omnes semper de Ecclesia esse: non enim dubium est, multos prædestinatos inter incredulos Iudæos & gentiles tunc extitisse, quando Apostolus 1. ad Cor. 5. dicebat: *Quid enim mihi de ijs qui foris sunt, iudicare? vbi declarat eos foris esse, qui nondum fidem & baptismum Christi*

susceperant: ergo non omnes prædestinati sunt de Ecclesia, sed foris sunt quamdiu fidē & Christi Sacramenta non recipiunt. S. Paulus quoque, qui perfectus est Ecclesiam Dei, vt ipse fateatur, prædestinatus erat, & tamen quando Ecclesiam persequabatur, non erat tum de Ecclesia: ergo &c. Quare merito in Cone. Constantiensis Sess. 15. inter alios fuit damnatus hic articulus Ioannis Hus: Præcitus etsi aliquando sit in gratiâ secundum præsentem iustitiam, tamen nunquam est pars Ecclesiæ Sanctæ: & prædestinatus semper manet membrum Ecclesiæ, licet aliquando excidat à gratiâ aduentitia, sed non à gratiâ prædestinationis.

Contra autem Obijciunt: Canticorum cap. 4. Ecclesia dicitur: *Hortus conclusus, Fons signatus*: idque propter electos siue prædestinatos, extra quorum numerum, qui semel inscriptus fuerit, nunquam excidere potest, & nullus eorum qui inscripti non fuerunt, vnquam in eum intrare potest, vt exponunt D. August. lib. 5. de Baptismo contra Donatistas cap. 27. Namque in illâ ineffabili præscientiâ Dei (inquit) multi qui foris videntur, intus sunt, & multi qui intus videntur, foris sunt: ex illis ergo omnibus qui (vt ita dicam) intrinsecus & in occulto intus sunt, constat ille hortus conclusus, fons signatus &c. D. Greg. ad eadem verba in cap. 4. Canticorum. Hortus Sancta Ecclesia existit; qui hortus conclusus bene esse dicitur, quia charitatis vallo circumquaque munitor, ne intra numerum electorum reprobis aliquis ingreditur: ergo Ecclesia omnibus & solis constat electis: quia alioquin non esset hortus conclusus, vtpote ad quem promiscuè pateret omnibus ingressus & egressus.

Et Confirmatur, quia Ioannis 10. & 11. Christus electos omnes vocat oues suas, & filios Dei, etiam quando videbantur adhuc dispersi: ergo hi omnes sunt de Ecclesia & ouili Christi. Item 1. Ioan. 2. dicit ipse: *Et nûc Antichristi multi facti sunt, &c. Ex nobis prodierunt; sed non erant ex nobis: nam si fuissent ex nobis, permansissent vtrique nobiscum*: ergo reprobi quantumuis videantur esse in Ecclesia, tamen reuera non sunt: quia alioquin non egrederentur aut exciderent, & per consequens in eâ sunt electi soli. Confirmatur vtrumque Secundò ex August. lib. de Correp. & Grat. c. 9. vbi sic scribit: *Sunt enim filij Dei, qui nondum sunt nobis. & sunt iam Deo: de quibus ait Euangelista: Nec tantum pro gentes, scilicet moriturus erat Christus) sed etiam ve filios Dei dispersos congregaret in vnum: & sunt rursus, inquit, quidam qui filij Dei propter susceptam*

14

15

susceptam vel temporaliter gratiam, dicuntur à nobis, nec sunt tamen Deo: de quibus Ioannes dicit: *Ex nobis exierunt, sed non erant ex nobis*: & infra circa finem capitis: *Quia ergo non habuerunt perseverantiam, sicut non verè Discipuli Christi, ita nec verè hii Dei fuerunt, etiam quando esse videbantur & ita vocabantur.* Huc etiam facit, quod scribit lib. 3. de Doctrina Christiana cap. 32. Non enim (inquit) Domini corpus est quod cum illo non erit in eternum. Conformiter D. Cypr. epistola 55. quæ est ad Cornelium, dicit Ecclesiam quæ in Christum credit, & quæ semel id quod cognoverit, tenet, nunquam ab eo omnino discedere, & eos esse Ecclesiam, qui in domo Dei permagent: plantationem vero plantatam à Deo Patre non esse, quos videmus non fruenti stabilitate solidari, sed tanquam paleas dissipantis inimici spiritu ventilari, de quibus dicit Ioannes: *Ex nobis exierunt &c.* ergo &c.

16 Respondetur ad obiecta: Inprimis ea quæ in Canticis de Sponsa dicuntur, diuersas habere expositiones: quidam enim intelligunt ea dicta de Beata Virgine: quidam verò de qualibet animâ perfectâ, idque valde probabiliter. Sed citò, intelligantur de Ecclesiâ, vt multi etiam exponunt, negandum tamen est Ecclesiam in communi dici hortum conclusum, aut fontem signatum, quia nullus qui in eâ fuit, aliquando egrediatur, aut quod nullus qui fuit extra, aliquando ingrediatur. Contrarium enim satis manifestè declarat Cyprianus, & cum Cypriano August. lib. 3. contra Cresconium cap. 31. vbi ponit inprimis hæc verba Cypriani ex eius epistola 3. lib. 3. ad Presbyterum Maximum, & alios: *Et si videntur in Ecclesiâ esse zizania, non tamen impediri debet fides aut charitas nostra, vt quoniam zizania esse in Ecclesiâ cernimus, ipsi de Ecclesiâ recedamus: nobis tantummodo laborandum, vt frumentum esse possimus.* Apostolus in epistolâ suâ dicit: *In domo autem magnâ non solum vasa sunt aurea & argentea, sed & lignea & fictilia: & quædam quidem honorata, quædam vero inhonorata.* Postmodum August. adiungit: *Vides frater, secundum Scripturas diuinas hoc præcepisse Cyprianum non propter malos, qui cum sint à bonis vitâ, moribusque spiritualiter separati, corporaliter tamen eis in Ecclesiâ videntur esse permixti vique in diem iudicii, quo etiam corporaliter debitas separantur ad pœnas, non esse Ecclesiam deferendâ, vtpote nec frumentum propter paleam vel zizania; & sciri nec domus magna propter vasa in-*

honorata: & lib. 4. de Baptismo contra Donatistas cap. 7. vbi similiter recitatis quibusdam Cypriani sententijs, addit: *Hæc verba Cypriani admonere nos videntur, vt distinguamus inter eos qui mali toris sunt, & eos qui inus mali sunt: & illos de quibus dixit Apostolus quod Euangelium non caritè, sed per inuidiam annuntiarent, intus fuisse dicit, & verum dicit: & ita timet: Si enim hortus ille clausus potuit habere spinas diaboli, cur non etiâ extra hortum potuit manare fons Christi? vbi plane supponit in horto conclusum etiam esse spinas. Similiter etiam D. Greg. lib. 13. moral. cap. 5. ad illa verba Iob: *Roga meæ dicunt testimonium contra me*, docet, multos reprobos esse in Ecclesiâ.*

Dicitur itaq; Ecclesia hortus, vt Diuus Gregor. ad illa verba habet, quia multos fideles populos gignit, sicuti pulchros flores terra bona. Cur autem dicatur hortus conclusus, possunt assignari diuersæ rationes: Vna est, quâ distinguitur contra Synagogam Iudæorum, quia scilicet seps & maceria Ecclesiæ nunquâ sunt diruenda, aut conculcanda: sicuti è contrâ Iaiæ cap. 5. de Synagogâ dicitur: *Et nunc ostendam vobis, quid ego faciam vineæ meæ: auferam sepe meum, & erit in dirieptionem: dirnam maceriam eius, & erit in conculcationem, & penam eam desertam, &c.* Et Psalm. 79. *Vt quid destruxisti maceriam eius & vindemiam eam omnes qui prætergrediuntur viam, exterminauit eam aper de sylua, &c.* Ecclesiæ autem firmus & perpetuus murus & ætemurale Dominus est, quia vt habet Beda in Cantica ad hæc verba: *Domini ac Redemptoris sui protectione munita persistit, ne improbâ vnquam, vel hominum infidelium, vel spirituum immundorû corruptione violetur, & à fructuum celestium productione passim conculcata retardetur, sicuti Synagoge accidit.*

18 Alio modo potest Ecclesia dici hortus conclusus; verum non ratione totius corporis, sed ratione principalioris partis, videlicet ratione numeri electorû, seu predestinatorum qui in ea existunt & futuri sunt: qui numerus ita est conclusus, signatus & certus, vt nullus illi inscriptus ab eo excidere, vel non inscriptus in eum possit intrare: & sic D. August. & Greg. locis obiectis videntur intelligere Ecclesiam dici hortum conclusum: idque iuxta regulam secundam exponendi Scripturas traditam à Tichonio, quam refert & explicat D. August. lib. 3. de doctrinâ Christianâ cap. 32. quod scilicet Scriptura de eodẽ corpore quasi de vnâ personâ loquens, aliquando varia illi attribuat secundû diuersa eius membra, & aliquando

ab vno

ab vno ad aliud transeat; quò dicit idem August. pertinere illud ex Cantibus quodque: *Fusca sum & speciosa, vt tabernacula Cedar, vt pelles Salomonu.* Non dicit fusca fui (inquit) & speciosa sum: sed vtrumque se esse dixit propter temporalem vnitatem intra vnâ retia pisculum bonorum & malorum; vel etiam iuxta quartam regulam quam explicat cap. 34. secundum quam dicit ex modo loquendi Scripturæ, aliquando attribui toti quod parti tantum conuenit: Et è contra.

19 Sic itaque Ecclesiæ tribuitur esse hortum conclusum iuxta posteriorem considerationem ratione partis eius præstantioris, scilicet numeri electorum: quem sensum manifestè indicat August. in præcedentibus, dum sic ait: Et quod in Cantica Cantieorum Ecclesia sic describitur, hortus conclusus, soror mea sponsa, fons signatus, &c. hoc intelligere non audeo nisi in Sanctis & Iustis; non in avaris & fraudatoribus, &c. Et tum infra addit, ea quæ nobis obiecta sunt: vbi clarè significat illam proprietatem non ratione totius, sed ratione vnius partis attribui Ecclesiæ.

20 Quod attinet ad autoritates Scripturæ & Patrum adductas pro confirmatione, Notandum est, Dupliciter hominem dici Christi membrum, aut ouem Christi, aut filium, siue illius esse; vno modo secundum prædestinationem & præscientiam: alio modo secundum præsentem formam filiationis, & sanctificantem gratiam, vtrumque autem modum dicendi habere fundamentum in Scripturis, sic vt qui vno loco iuxta vnum modum dicuntur non esse Christi, non esse filij Dei; sed serui peccati, iuxta alium dicuntur alio loco esse oues & filij Dei: Ita Apostolus ad Rom. 6. scribit: *Nescitis quoniam cui exhibitus vos seruos ad obediendum, serui essu eius cui obedistis, siue peccati ad mortem, siue obediuntis ad iustitiam: gratias autem Deo quod fuistis serui peccati, liberati autem à peccato serui facti essu iustitiæ.* Et cap. 8. *Si quis autem spiritum Christi non habet, hic non est eius.* Et infra: *Quicumque enim spiritum Dei agnuit, y sunt filij Dei.* Et rursum: *Accepistis spiritum adoptionis filiorum, in quo clamamus, Abba pater.* Quibus locis manifestè Apostolus agnoscit eos solos tanquam qui Christi sint, & filij Dei, qui secundum præsentem suum statum sunt liberati à peccatis, obediunt iustitiæ, aguntur spiritu Dei, & acceperunt spiritum adoptionis: non autem illos qui adhuc exhibent membra sua seruire immunditiæ & iniquitati, & adhuc secundum carnem viuunt: etsi forsitan ad meliorem statum & finaliter ad gratiam adoptionis

reducendi sunt, prout multi, ad quos scribit, reducti erant. Sic etiam ad Galat. 3. dicit simpliciter eos Christum induisse, & proinde Christi esse, qui in Christo baptizati erant: quia scilicet, cum peccatorum remissione acceperant iustitiæ infusionem: quamvis verisimiliter non omnes essent prædestinati.

2. autem ad Timoth. cap. 2. iuxta aliud modum loquitur Apostolus, dum scribit: *Firmam fundamentum Dei stat, habens signaculum hoc: Cognouit Dominus qui sunt eius:* vbi illi dicuntur Domini esse, qui secundum prædestinationem & præscientiam æternaliter sunt futuri filij adoptionis, siue interim secundum præsentem eorum statum, haberent spiritum Christi & adoptionis, siue non: iuxta hunc itaque modum locutus est Christus Ioan. 10. & 11. Similiter & D. August. quando indicat electos omnes esse filios Deo, etsi nobis non sint. Verum quamdum secundum prædestinationem tantum sunt Christi, & non secundum præsentem saltem fidem & religionem, tamdiu nondum dicuntur esse in ouili aut Ecclesiâ Christi: quod Dominus ipse ipsdem locis satis apertè declarat, quando dicit: *Et alius oues habeo, & illas oportet me adducere:* ergò nondum erant in ouili: & rursum: Sed vt filios Dei qui erant dispersi, congregaret in vnum: ergò qui ibi dicuntur filij Dei, nondum erant ad vnitatem ouilis congregati: sed aberrabant adhuc & extra ouile erant. Quod clarè etiam docet August. lib. 4. de Bapt. cap. 3. Secundum præscientiam, inquit, multi etiam qui apertè foris sunt, & hæretici appellantur, multis & bonis Catholicis meliores sunt. Item tract. 45. in Ioannem: Secundum præscientiam, inquit, & prædestinationem quàm multæ oues foris, & quàm multi lupi intus. Non igitur electi omnes semper sunt in Ecclesiâ, quamuis si in eâ non sint, ad eam suo tempore sint adducendi.

22 Nunc quod attinet ad illa quæ allegantur ad confirmandum, quod reprobi non sint in Ecclesia: Respondetur ad Euangelistam, quod verba eius potius significant etiam reprobos esse in Ecclesia aliquando, quàm oppositum: quia expressè distinguit inter eos qui sunt simul cum ipsis & de numero eorum secundum externam congregationem corporis Ecclesiæ, & qui sunt non de numero illorum secundum rationem electionis, siue prædestinationis: quando enim dicit: *Prodiert ex nobis,* significat quod prius essent in eodem corpore cum ipsis: nam alioquin ex ipsis non prodissent. Quando itaque dicit & addit: *sed non erant ex nobis,* hoc secundum aliam rationem

31

22

rationem essendi ex ipsis debet intelligi, quam essendi ex ipsis secundum rationem quæ membra Ecclesiæ sunt vnita : puta quod non essent ex illis secundum rationem electionis.

- 23 Quod ad Augustinum lib. de Correctione cap. 9. citato attinet, explicat ipse in sequentibus mox seipsum, quo sensu dicat eos qui temporaliter gratiam susceperunt, non esse Deo filios, quamuis à nobis dicantur : non, inquit, quia iustitiam simulauerunt, sed quia in ea non permanserunt, & infra : erant itaque in bono, sed quia in eo non permanserunt, id est, vsque in finem non perseuerauerunt, non erant ex nobis : admittit igitur illos reuera esse filios pro illo tempore, quo temporaliter gratiam susceperunt, & verè iustos : ac proinde etiam Ecclesiæ membra, vt patet factis quoque ex verbis eiusdem supra allegatis : Quam multi Lupinus &c. sed tantum vult quod in Dei præscientiâ non habeant æternum esse filij. Vnde quod iterum postea dicit : quia non habuerunt perseuerantiam, sicut non fuerunt verè discipuli Christi, ita nec verè filij Dei fuerunt, etiam quando esse videbantur, intelligendum quoque est, non quod tunc non habuerint verè fidem & gratiam adoptionis siue sanctificationis, & sic temporaliter verè filij Dei : sed quia Deo præsentia sunt omnia, quæ nobis adhuc sunt in futuro, & quia finaliter isti ab illa adoptionis gratia, & ex filiorum numero prolapsuri erant ; nec hæreditatem filijs promissam participaturi, ideo dicit Augustinus quod non verè fuerint filij : quia verum esse Discipuli aut filij Dei magis putat vocandum, quod æternum est tale, quam quod temporaliter solum est tale, & non æternaliter. Sicut D. Greg. hom. 37. dicit temporalis vita æternæ vitæ comparata mors est potius dicenda, quam vita : scilicet propter eius celerem & corruptibilem transitum quo mox deficit & desinit esse, non quod vera vita alioquin non sit. Alij autem hoc modo explicant & dicunt, non esse verè filios veritate finis, quia finaliter non sunt futuri filij, nec finalem reprobationem filiorum hæreditabunt, quamuis pro tempore sint verè filij veritate essentiae : quia verè veram formam filiationis pro tempore participant.

- 24 Ad locum eiusdem Augustini ex cap. 12. libri 3. de Doctrina Christiana. Respondetur cum ibi reprehendere Tichonium, cuius adfert regulam, in eo, quod vocaret Ecclesiam corpus bipartitum ratione bonorum & malorum, siue potius ratione electorum & reproborum, quos

Ecclesia complectitur : & docet Augustinus. Ecclesiam non debere constitui aut dici duplex corpus, vnum scilicet electorum, & alterum reproborum, vt Tichonius videbatur velle : quia quodcumque Ecclesiasticum corpus, est corpus Christi ; non est autem agnoscendum aliquod Christi corpus, quod non erit cum illo in æternum : sicut neque corpus aliquod eius damnatum, siue defuncto, siue in eius præscientiâ, vt alibi etiam Augustinus docet. Vnde multitudo reproborum in Ecclesiâ non debet haberi tanquam vnum Corpus Ecclesiasticum separatim constitutum ; & ideo non debet propter reprobos Ecclesia vocari corpus bipartitum : sed corpus (inquit Augustinus) permixtum potius, quia est corpus promiscue continens electos & reprobos ; & hoc corpus erit in æternum cum Christo, quamuis non cum illâ permixtione, nec secundum omnes partes materiales quæ plurimæ decidunt, sicut etiam ex corpore humano : sed secundum omnes partes formales, quia ex omni ordine, gradu, sexu, ætate & ex omni statu erunt aliqui in perpetuum de illo Corpore & cum Christo.

Similiter loquitur etiam Cyprianus, 25 quando dicit Ecclesiam quæ in Christum credit, nunquam ab eo discedere ; quia totum corpus Ecclesiæ nunquam à Christo deficit, quamuis multæ partes decident. Addit autem & eos esse Ecclesiam, qui in domo permanent : quia illi sunt principaliores & solidiores partes in quibus Ecclesia perseuerat in æternum cum Christo ; reliquos autem non negat esse in Ecclesia, sed dicit, non esse plantationem illam singularem, scilicet à Patre plantatam, quam aper de syluâ nunquam valeat eradicare.

Obijciunt Secundo : Arca Noë fuit figura Ecclesiæ, vt dictum est, & docet D. Augustinus lib. 5. de Baptismo contra Donatistas cap. ultimo : sed non fuerunt in Arca Noë nisi qui liberandi erant ab aquis diluuij : ergo etiam in Ecclesiâ non sunt nisi electi qui saluandi sunt. 26

Respondetur, Figuras non in omnibus quæ cum illis concurrunt, debere conuenire cum rebus figuratis : alioquin cum etiam 1. Petri cap. 3. Baptismus comparatur cum Arca Noë, sequeretur nullum qui baptismum susceperit perire : & rursum cum in Arca Noë non tantum animalia munda, sed etiam immunda fuerint à diluuij præseruata, sequeretur non tantum bonos, sed etiam malos & immundos esse saluandos : non igitur in omnibus suis partibus semper, quod aliquam figuram gerit, est circa figuratū vrgendum & applicandum. Sed fuit Arca in eo Ecclesiæ figura, & con-

& conuenit Ecclesia cum Arcâ, quod sicut extra Arcam nemo saluari potuit, ita neque extra Ecclesiam, vt Auguſt. loco citato: Cypr. lib. de Vnitate Ecclesiæ, & Hier. in epistola ad Damasum de tribus hypostasibus, docent & explicant.

Non soli boni sunt in Ecclesia.

27 Secundò colligitur ex definitione Ecclesiæ supra allegatâ, non solos quoque bonos siue iustos in Ecclesiâ esse, vt docuerunt Nouatiani & Donatistæ apud Augustinû hæresi 69. excludentes omnes detentos aliquo delicto mortali saltem grauiori: multoque minù solos in charitate perfectos in eâ contineri, vt voluerût Pelagiani apud Aug. hæresi 88. quem errorem Caluinus attribuit etiam Anabaptistis nostri temporis: sed etiam malos & iniquos Ecclesiam completi, quia inter communicantes fideles in ijsdem Sacramentis, nihil obstat multos improbos reperiri.

28 Et Probatur Primò ex Scripturis: hoc enim satis apertè indicant pleræque figuræ, & parabolæ supra adductæ, quæ non tantum de reprobis, sed etiam de malis & iniustis apertè agunt. Item Matth. 18. dicit Christus: *Si peccauerit in te frater tuus, vade corripere eum &c.* ergò fratres in Ecclesiâ aliquando peccant: nec tamen ideo desinunt esse in Ecclesiâ, quia addit Christus, Si ad priuatam correptionem non attenderint, vt deferantur ad Ecclesiam, vt ab eâ expiantur: quam si non audierint, tunc eiciantur. Matth. 24. *Quoniam abundauit iniquitas, refrigeret charitas multorum.* Lucæ 12. describitur malus Ecclesiæ Præpositus qui percutit conseruos, comedit & bibit cum ebriosis: & additur: *Veniet Dominus serui illius in die quâ non sperat &c.* & diuidet eum, partemque eius cum infidelibus ponet. 1. ad Cor. 5. *Audietur inter vos fornicatio &c. qualis nec inter gentes ita vt vxorê Patris sui aliqui habeat:* erat ergo fornicarius iste, peccator grauis & notorius: & tamen adhuc erat in Ecclesiâ. Vnde ibidem Apostolus mōnet Corinthios, vt tollatur talis de medio ipsorum. Huc etiam faciunt exempla Iudæ proditoris, Ananæ, Zapheræ, Nicolai Diaconi, Simonis Magi, & falsorum fratrum qui ex emulatione, vt suscitaret pressuras vinculis Apostoli Pauli, annuntiabant Christum: quæ D. Auguſt. diuersis locis contra Donatistas allegatis vrgēt.

29 Probatur Secundò, quia concorditer ita docuerunt S. Patres: Cypr. lib. 3. ep. 3. Auguſt. pluribus locis supra citatis: item Breuiculus in collatione 3. diei cap. 9. *Ostendentes, inquit, multis Sacræ Scripturæ testimonijs & exemplis malos in Ec-*

clesiâ nunc sic esse permixtos, vt quâuis debeat vigilare Ecclesiastica disciplina ad eos non solum verbis, sed etiam excommunicationibus, & degradationibus corripiendos, tamen non solum in eâ latentes nesciuntur, sed plerumque propter pacē vnitatis cogniti tolerantur, sic ostendentes diuina testimonia consonare, vt & illa, quibus commendatur Ecclesia cum malorum commixtione, hoc tempus eius significarent, qualis est in præsentî sæculo: & illa testimonia quibus commendatur non habere commixtos malos, illud tantum tempus significarent, qualis venturo sæculo in æternum futura est. Gregorius Nazianzenus in Oratione 1. Apologeticâ comparat Ecclesiam beluæ ex varijs animalibus compositæ magnis, paruis, ferocibus, mansuetis, &c. vt ostendat maximam esse sollicitudinem & laborem Episcopi, qui regere debet tant diuersorum morum homines, perfectos & imperfectos, bonos & malos: Similia habet Chrysost. de Indole & Actibus eorum qui ab Episcopo reguntur lib. 3. de Sacerdotio: & ad illud Psalmi 39. *Multiplicata sunt super capillos capiti &c.* ita scribit: neque ex perfectis vniuersa constat Ecclesia, sed habet eos etiam qui orio & socordia vite dedunt, mollemque & dissolutam vitam amplectuntur, & libenter seruiunt voluptatibus: & quoniam est vnus corpus, inquit, tanquam ex vnâ personâ, hæc & illa pronuntiat.

30 D. Hieronymus in Dialogo contra Luciferianos vltra in medium: Arca Noë, inquit, Ecclesiæ typus fuit, vt in illâ omniū animalium genera, ita & in hac vniuersarum & gentium, & morum homines sunt: vt ibi pardus, hædi, lupus, agni: ita & hic iusti & peccatores, id est, inquit, vasa aurea & argentea cum ligneis & fictilibus commorantur. Fulgentius lib. de fide ad Petrum cap. 43. Firmissimè tenet, inquit, & nullatenus dubites aream Dei esse Catholicam Ecclesiam, & intra eam vsque in finem sæculi frumento mixtas paleas contineri, id est, additis bonis malos Sacramentorum communionem misceri. D. Greg. hom. 11. & 38. in Euangelia docet & probat multis argumentis malos esse in Ecclesia.

31 Sed contra Obijciunt Primò: Isaia cap. 52. dicitur de Ecclesiâ, vt apparet noui saltem Testamenti: *Non adijciet vltra, vt pertranscat per te incircumcisus & immundus: & rursus ibidem: Recedite recedite, exite inde: Pollutum nolite tangere, exite de medio eius.* Quæ etiam verba adducit Apostolus 2. ad Corinth. cap. 6. addens: *Et ego recipiam vos:* ergo non debent admitti aut tolerari mali in Ecclesia, vel oportet bonos inde recedere.

dere. Confirmatur: ex ratione quâ ibidem præmittit Paulus: *Qua enim participatio iustitiæ cū iniquitate, qua conuenio Christi ad Belial.*

illis, qui Belial & dæmonibus sunt deuoti, & seruientes.

Obijciunt Secundo: cap. 4. Cantic. dicitur de Ecclesia: *Tota pulchra es, & macula nō est in te.* Item in Symb. Apostolor. dicimus nos credere, *Sanctam Ecclesiam Catholicam.* Item ad Ephes. c. 5. de Christo dicitur: *Ut ipse exhiberet sibi gloriosam Ecclesiam non habentem maculam, aut rugam, aut aliquid eiusmodi:* ergo mali nō possunt dici esse in Ecclesia. R. N. C. ad verba ex Canticis Resp. primo, ea quæ de sponsa ibi dicuntur, à multis intelligi de animâ perfectâ. Secundo, Si applicentur autem ad Ecclesiam, tunc dicendum est, ea sic esse intelligenda ut Ecclesia dicatur tota pulchra, non quia omnes partes eius pulchræ; sed quia omnia quæ ad eius constitutionem, ordinem, ac finem per se pertinent, sunt pulchra, recta & sancta: quia fides, eiusque professio, Sacramenta, eorumque communio, subiectio sub vno Capite, & pietatis officia quæ ex suo instituto & fine exercet, omnia ad sanctitatem & pulchritudinem pertinent.

Quando autem de Ecclesia est sermo secundum qualitates singulorum qui in eâ sunt, tunc illa dicit de seipsâ: *Fusca sum & speciosa, ut tabernacula Cedar, ut pelles Salomonis,* sicuti ex August. illa explicuimus. Eodem sensu etiam rectissime Ecclesia dicitur sancta in Symbolo Apostolorum. Vnde Hesselius in explicatione Symboli, Capitulo de Ecclesiæ sanctitate scribit: Quod etiam ipsi mali Ecclesiæ adhærentes quâdam ratione, sancti dici possunt; professione scilicet sanctitatis, inquit, non opere: quomodo grammatici & fabri vocantur, non tantum illi qui artem tenent; sed etiam ij, qui se eiusdem artis studio dedecerunt, aut proficentur, etiam si præ desidia neque eam exercent, neque laborent ut discant.

Non tamen propter solam externam professionem sanctitatis, aut aliquam sanctitatis speciem externam debet corpus Ecclesiæ censeri dictum sanctum: sed quia etiam intrinsecus veram sanctitatem tanquam dotem propriam possidet, & vera sanctitatis opera exercet in suis saltē membris, & partibus potioribus: nec debet proinde similiter illi attribui, quod maculata sit, aut scelerata, quia licet maculatos aut sceleratos quoque contineat, non tamen ex suâ institutione, & præceptis proficetur malignitatē, vel habet immunditiam aut malitiam: sed per accidens solum & ex hominum vitio & perversitate hoc contingit.

Ad Apostolum ad Ephes. Resp. Ipsum ibi explicare & ostendere, ad quem finem Christus sibi Ecclesiam desponsauit, scilicet, ut exhibeat eam aliquando gloriosam,

Wiggers in 2. 2.

R. N. C. Ad priora verba Isaie quod arguitur, interpretatur Aug. in Breuicūlo coll. 3. dicit c. 9. & l. contra Donatistas post coll. c. 8. illa esse dicta, non de Ecclesia militante, sed de Ecclesia triumphante secundum illum statum & qualitates, ut futura est in cælis. Cyrillus intelligit literaliter, & secundum historiam promitti genti Iudæorum, quod cum à captiuitate redierint futurum, quod non ultra (id est ad longum tempus) quispiam infidelis & incircūcisus persecutor pertransibit & vastabit eos, sicuti iam acciderat. Secundum autem mitteri intelligitur promitti Ecclesiæ noui testamenti, futurum; *Ut porta inferi non præualeat aduersus eam,* ita ut per antonomasiam per incircūcisum & immundum significetur, ille rotus incircūcisus & immundus, scilicet diabolus, qui præcipuus est Ecclesiæ hostis & persecutor: quod & Christus indicat apud Ioan. c. 16. dicens, *Princeps huius mundi iam indicatus est.*

Ad alia verba Isaie, Resp. ibi iuxta sensum historicum admoneri Iudæos, ut de Babylone exeant, quando tempus captiuitatis fuerit finitum, & non cum illis pollutis maneant, aut inter illos commorentur: iuxta mysticum autem sensum docetur, quod Christiani postquam à diaboli captiuitate, sūt per baptismum liberati, debeant se separare ab infidelium cœtibus, templis, sacrificijs, cōiugijs, & alijs quæ quoquo modo ad religionem pertinent: & in eo sensu utitur Apostolus isto loco Prophetæ: non enim de cōmercio cum quibusvis peccatoribus illic agit, sed tantum de cōmercio cum infidelibus, à quo dehortatur Corinthios: *Nolite iugum,* inquit, *ducere cum infidelibus: quia par infideli cum infideli quia autem consensus templo Dei cum idolo?* ut itaque fortius & efficacius inculcet fideles debere à talibus abstinere, adducit allegata Isaie verba; nō autem ad ostendendum, quod in ipsorum societate nō possunt esse mali: sicuti neque per historiā Prophetæ voluit, ut gens Iudæorum extra Synagoga eiiceret quoscumque peccatores.

Ad ea quæ pro Confirm. ex S. Paulo adduntur, Resp. Nō esse sensum istorum, quod boni non possint cum malis esse in eadem Ecclesia, sed quod illi qui susceperūt lumē fidei Christianæ, & profitentur Christi religionē, & omnem iustitiam & sanctitatē, debeant se separare ab illis qui adhuc profitentur iniquitatē & immunditiam, & qui nolunt recipere lumē fidei: sed amant magis tenebras quam lucē, quia mala sunt eorum opera. Similiter quod multo magis qui Christo adherent, debeant se segregare ab

non habentem neq; rugam, neq; maculâ. Verum nõ compiebitur hoc quamdiu hic militat; sed in sæculo futuro in cœlis, vt diximus Augustinũ explicare verba Isaie.

39

Obijcitur Tertio: 1. ad Cor. 10. dicitur: *Vnus panis, vnum corpus multi sumus.* Vbi significatur, omnes qui sunt de Ecclesiâ esse vnus panis & vnũ corpus: atqui panis non componitur ex frumento & paleis, sed tantum ex frumento: ergo mali qui paleis sunt, nõ sunt de corpore Ecclesiæ. Confirm. Quia etiam Ier. c. 23. dicitur: *Quid paleu ad triticũ?* ergo &c. R. N. C. quia eiusmodi comparationes & similitudines non sunt semper spectandæ, nec accipiendę secundũ omnes proprietates quę extremis conueniunt: sed sufficiat eas subtiliter secundũ aliquam, aut aliquas: Ratio autẽ similitudinis corporis Ecclesię cum pane, consistit in eo, quod sicut ex multis granis commixtione aque fit vnus panis, ita etiam ex multis hominibus, accedente aquâ baptismatis, nascitur vnus populus Dei; sicuti hanc comparationẽ explicant Cyp. epist. 61. 1. & Iren. l. 3. c. 19. Accedit, non tantum ex flore, sed etiam ex fursure panem communiter cõstare: bonos autem in Ecclesiâ habere rationem floris; malos autẽ posse dici obtinere rationẽ fursuris, si quis dictã comparationẽ panis velit extendere ad Ecclesiam, vt cõtinet bonos & malos. Ad Ierem. Respondetur, locũ illum nihil hic ad rem facere: quia ibi tantummodõ comparatur verbum siue sermo Dei, quem Dominus ideo dicitur, cum somnijs Prophetarum quã ipsi somniant, aut fingunt: & dicitur sermo Domini esse, vt triticũ, quod plenum est, & reficit & replet animam esurientẽ bonis: fomina autẽ ista esse paleas inanes, quę nihil refectionis aut saturitatis adferunt audientibus. Ita ferẽ apud Aug. respondet Catholici Donatistis in Breuiculo, Collat. 3. diei, & alibi.

40

Obijcitur Quarto: Apost. c. 4. ad Ephes. ita scribit: *Ex quo totum corpus compactum & connexum per omne iuncturam subministratiõis, secundum operationem in mensuram vniuscuiusq; membri, augmentum corpori facit in ædificationẽ sui in charitate.* Hic, inquit, significatur totũ corpus Christi, quod est Ecclesia, incrementum ex eo capere per charitatem: ergo mali qui charitatẽ non habent, non sunt de illo corpore. Confirm. quia ad Rom. 8. dicit idem Apost. *Qui spiritũ Christi non habet, hic non est eius:* ergo non est membrum aut de Corpore Christi.

41

Respondetur significari quidem, Totũ Corpus Ecclesię in singulis quasi speciebus & ordinibus suorum membrorum augmentum facere in ædificationẽ sui per charitatẽ: non autem in singulis membris suis & partibus adhærentibus, siue de cor-

pore existentibus, facere tale augmentum: insinuari nihilominus simul, quod singuli ad hoc sint vniti ac inserti huic corpori, vt quoq; singuli incrementũ faciant: Ideoq; paulõ pōit, ex hoc quasi fundamento & motiuo, monet fideles, vt iam non ambulet sicut & gentes ambulantes in vanitate testis fui: sed potius studeant omnes ex illo capite Christo accipere incrementum, secundum charitatem.

Ad Confir. Respondetur eum qui non habet spiritum Christi, non esse ipsius tantquã corporis eius quod est Ecclesia, membrũ scilicet. viam vitam completã & perfectã charitatis; siue nõn esse eius tanquã huius: sed tamen posse esse membrũ, & de corpore Ecclesię, quia vita illa completa, quę est forma adoptionis filiorum, non est substantialis forma Ecclesię; sed quãdam velut dos eius, non omnibus partibus attributa: est ipsi corpori. Essentialis autem interior forma est fides, vt diximus, quę potest dici vita inchoata, sed adhuc incompleta: quare licet mali, spiritũ Christi non habentes, nõ sint eius tanquã filij ius ad hæreditatẽ habentes, quod ibi potissimũ docet Apostolus, neq; viua membra corporis Christi, tamen sunt de corpore, quia participant fidem & Sacramentorum communionem.

42

Obijcitur Quinto: D. Cyp. ep. 6. lib. 1. dicit in Ecclesia Dei non nisi concordēs & vnanimes habitare, loquente in Pl. Spiritu S. & dicente: Deus qui inhabitare facis vnanimes in domo: ergo peccatores qui cũ alijs rixas & contentiones mouent, & similitates ac odia fouent, nõ sunt in Ecclesiâ. R. N. C. quia quando dicit Cyp. in Ecclesiâ non nisi concordēs & vnanimes habitare, non excludit quoscumq; discordēs; sed qui concordię Ecclesiasticę aduersantur, sic vt schismata aut hæreses mouent; aut separat se ab vnitatẽ Ecclesię: agit enim de Nouatianis schismaticis: nã quod aliquin aliæ dissensiones possint esse in Ecclesiâ, ita vt pertinacibus odijs à se inuicẽ quidam dissideat, docet idem Cyp. ser. de lapsis. Vnde & agnoscit, eos fuisse intus in Ecclesiâ, qui ex odio & emulatiõne contra Paulum, prædicabant nomen Christi, vt vinculis eius fuscitarent pressuras, sicut supra ex Augustino diximus.

43

Obijcitur Sexto: Aug. l. 2. contra Cresconium cap. 21. Ac per hoc, inquit, etiam nesciente Ecclesiâ, propter malam pollutionem conscientiam damnatũ à Christo, iam in Corpore Christi non sunt, quod est Ecclesia: quia non potest Christus habere membra damnata. Similia habet l. 2. contra Petilianum c. vltimo & l. 4. de Baptismo contra Donatistas c. 3. & alibi. Respondetur D. Aug. citatis locis, & similibus alijs,

NON

non velle aliud docere, quam malos non esse in corpore Ecclesie, tanquam membra spiritu Christi vivificata, quæ in compage Ecclesie faciunt corporis augmentum, ad ædificationem eius in charitate, vt satis explicat sese lib. 2. contra litteras Petilianæ cap. vlt. alioquin varijs locis docet ipse ex proposito etiam malos esse in Ecclesia: & tract. 3. in epist. Ioan. dicit, malos esse in Ecclesia, sicut in humano corpore sunt humores corrupti, qui licet corrupti sunt, nõ desinunt ideo esse in corpore, & aliquid ipsius corporis: sicut sanguis inflammatus, aut pituita putrefacta non desinunt esse de corpore, etsi reliquum corpus grauant & male afficiunt.

44 Obijciunt Septimò: Idem Aug. lib. 3. de Baptismo c. 18. & lib. 6. c. 3. & l. 7. c. 5. significat solos sanctos esse illam Ecclesiam, quæ est fundata supra Petram, & cui sunt datæ clauis regni cælorum, & de quibus dicitur: Si Ecclesiam non audierit, sit tibi sicut Ethnicus & Publicanus: ergo &c. Respondetur, D. August. istis locis non aliud velle, quam priuilegia omnia quæ Ecclesie vniuersali à Deo concessa sunt, esse propter sanctos & electos concessa: id est, in vtilitate & salutem eorum concessa esse, qui æternam vitam consequuntur: sicut Apostolus ad Heb. c. 1. dicit de Angelis, quod sint Administratores Spiritus in ministerium missi propter eos, qui hæreditatē capient salutis: non enim significat, quod reprobi non habeant Angelum custodem, sed tantum quod ordinatio illa diuina & deputatio Angelorum ad ministerium hominis, sit facta in gratiā & vtilitatem prædestinatorum: alioquin enim D. Aug. frequentissimè inculcat malos Christianos in Ecclesia etiam vtiliter administrare Sacramenta: imò etiam ab hæreticis in casu necessitatis vtiliter suscipi Sacramentum baptismi, quando in hæresi aut Schismate non præbatur illis assensus, nec cum illis habetur cōmunicatio: & proinde etiam malos regenerare, soluere & ligare. Vide illū in tract. 5. in Ioan. & l. 2. contra Parmenianum c. 10. & 11. Agnoscit tamen Aug. quandam modū remittendi peccata siue soluendi minis proprium, quem vult esse particulare Ecclesie Sæcæ, siue cœtui Sæcōrū qui sunt in Ecclesia, videlicet quo impetratur remissio: quem modum ipse sæpius vocat, Gemitum columbæ, de quo plura diximus supra in tract. de Pontifice.

45 Obijciunt denique: Ecclesia est corpus Christi, vt ex Apostolo constat, ergo non possunt nõ mēbra aut partes huius corporis, in quibus nihil Christus operatur: atqui in impijs & hypocritis, vt apparet, nihil operatur Christus: ergo hi non pertinent ad hoc Corpus, quod est Ecclesia. Responde-

tur primò Neg. primā Conf. quia possunt in corpore esse quadam membra ad tempus impedita ab operatione, vel etiā arida quæ tamen adhærent reliquis externā colligatione & vinculo. Deinde Respondetur ad subsumptum Neg. Christum nihil operari in Christianis improbis: conseruat enim in illis fidē, quæ est interior forma Ecclesie, & inchoatio vitæ: ac mediante illā etiam alios motus virtutum sæpius in illis operatur, quibus vel tendant, aut excitentur ad vitam perfectam charitatis.

Infideles, Apostatæ, manifesti hæretici non sunt in Ecclesiā.

46 Tertiò colligitur ex definitione Ecclesie: Infideles, Apostatas, & manifestos hæreticos nõ esse in Ecclesia. De Infidelibus qui baptismum nunquam susceperunt, res est manifesta: neque enim sunt de illo hominum cœtui, qui ad fidem sunt vocati. De Apostatis autem, & de Hæreticis aliquid baptizatis mouet difficultatem Alphonsus à Castro lib. 2. de Iusta hæreticorū punitione, cap. 24. vbi vult eos esse membra & partes Ecclesie, etsi palam profiteantur suam perfidiam, & errores.

47 Sed contrarium omnino patet: quia non sunt aggregati cœtui qui ad fidem vocatus est, & eiusdem fidei professione ac Sacramentorū communicatione est colligatus: nam ipsi se ab eo segregarunt, deferendo Christianorum collectionem. Et Probatur primò ex Scripturis: ad Titum c. 3. *Hæreticum hominem, post vnam & secundam correptionem deuitas, sciens, quia subuersus est.* Hic præcipit Apostolus Episcopo, vt hæreticum vitet, quod non mandaret, si esset adhuc intra Ecclesiā: debet enim Pastor non vitare, sed curare eos qui ad suum gregem pertinent. Deinde addit Apostolus: *quia subuersus est, id est, euulsus & fundamentum omne amisit:* ergo à corpore separatus. Addit Apostolus: *Et delinquit, cum sit proprio iudicio condemnatus,* id est, vt Hier. exponit: Non Ecclesia eiecit illū per excommunicationē, vt alios peccatores cōtumaces solet eiecere: sed ipse ab Ecclesia se ipsum eiecit. Idem D. Ioannes 1. epistolæ c. 2. scribit de illis quos vocat Antichristos, qui per contrarias doctrinas deferebant collectionem fidelium. *Ex nobis prouenerunt, sed non erant ex nobis: nam si fuissent ex nobis, permansissent vique nobiscum:* quibus aperte significat aut supponit tales desertores non permanere in collectione Corporis Ecclesiastici. Idem significat Apostolus 1. ad Tim. 1. quando dicit quosdam circa fidem naufragasse: quia metaphorica illa locutione insinuat hæreticos fidei desertione, quasi naue rupta

pra ex Ecclesia in mare decidisse, quod etiam significatur parabola de reti quod præ multitudine piscium rubeatur Lucæ 5.

48 Probatur Secundò ex Concilijs: nam Conc. Nycænum cap. 8. & 19. dicit hæreticos posse recipi in Ecclesia, si redire velint, cum certis tamen conditionibus: ergò manifestè supponit eos esse extra Ecclesiam. In Concil. Later. vnde desumptum est Capitulum Firmiter: de summa Trinitate, & fidè Catholica, dicitur Ecclesia esse fidelium congregatio: atqui Apostata & Hæretici manifesti nullo modo sunt fideles ne externa professione quidem: ergò &c.

19 Probatur Tertio ex Patribus, qui in scriptis suis hoc etiam planè supponunt: Irenæus lib. 3. cap. 3. scribit Policarpum multos hæreticos ad Ecclesiam convertisse. Tertull. lib. de Præscriptionibus, dicit Marcionem cum ad Ecclesiam redire vellet, conditionè accepisse, vt cæteros quos peruerterat, Ecclesiæ restitueret. Cyr. in epistola ad Iubaanum scribit hæreticos cum sint extra Ecclesiam, tamen vindicare sibi Ecclesiæ auctoritatem more simiarum: quæ cum homines non sint, tamen homines videri volunt: Hier. in dialogo contra Luciferianos circa finem, idè docet, dum hanc notatu dignam regulam tradit: Sicubi audieris eos, inquit, qui dicuntur Christiani non à Domino IESU Christo, sed à quoquam alio huncupari, vt puta Marcionistas, Valentinianos, Montenses, &c. scito non Ecclesiam Christi, sed Antichristi esse Synagagam. August. lib. 4. contra Donatistas cap. 10. Magna quæstio est, inquit, vtrum peior fuerit Nicolaus, exterior eam, id est, extra Ecclesiam iam, quàm Simon, adhuc interior: quia ille hæreticos: iste magus. Vbi manifestè supponit hæreticum esse extra Ecclesiam: & lib. 7. cap. 5. scribit de hæreticis, quod iam magis ex domo, quàm in domo esse dicendi sint: de quibus dicitur, Ex nobis exierunt, sed non erant ex nobis: separatiores enim sunt, inquit, iam etiam corporaliter segregati, quàm illi qui interius (id est in Ecclesia) carnaliter & animaliter viuunt, & supernaturaliter separati sunt.

50 Probatur denique: quia Ecclesia est multitudo quædam inter se vnita: est enim ciuitas in monte posita: est regnum, & corpus vnum: quæ omnia requirunt quandam partium inter se coniunctionem, & colligationè: atqui non potest poni aliud huius connexionis & vnitatis Ecclesiæ fundamentum & vinculum, quàm eadem fides aut saltem eiusdem fidei professio, & earundem legum ac ceremoniarum ad diuinum cultum spectantium observatio:

Apostata autem & hæretici manifesti non sunt in his colligati, aut coniuncti reliquis de corpore Ecclesiæ: ergò &c.

51 Sed contra Obijcit Primò parabola, quæ habetur Matth. 13. de supereminatis zizanij in agro, in quo Paterfamilias bonum semen seminauerat: vbi per agrum D. Cypr. lib. 3. epist. 3. & lib. 4. epist. 2. intelligit Ecclesiam, sicuti & Aug. lib. 2. contra Cresconium c. 34. per zizania autem docet idem Aug. qu. 11. super Matth. intelligi hæreticos, sicut & Hier. & Chrys. in citatū locum Matth. Ergo etiam hæretici dicendi sunt esse in agro Dominico, siue in Ecclesia. Respondetur primò, hæreticos hætenus posse dici ab Ecclesiâ siue ab agro Dominico contineri, quia in Ecclesia hæreses exoriuntur, & aliquamdiu latenter subinde tolerantur, quamdiu scilicet vel Authores non omnino se produnt, aut ipsorum errores non sunt manifestè adhuc reiecti & damnati: non autem quando manifestè cogniti sunt vt hæretici. Vnde

52 Respondetur Secundò Neg. Conf. quia D. Cypr. quidem per agrum intelligit Ecclesiam: sed ipse per zizania non intelligit hæreticos, sed alios peccatores & improbos, atque ita iuxta intellectum Cypriani non importat hæc parabola, hæreticos esse in Ecclesiâ, quos ipse multis locis docet esse extra: verum tantummodo importat Ecclesiam etiam continere malos. D. Aug. citato loco contra Cresconium tractat & vrgit doctrinam Cypriani ex epist. eius 3. allegata, & verba citat: deinde inhæret sensui Cypriani, & cum eo ex dictâ parabola docet contra Donatistas, etiam malos esse in Ecclesiâ: sed qu. 11. super Matth. ibi quidem per zizania specialiter intelligit hæreticos: confert enim inter se triticum, paleas, & zizania: per triticum dicit significari bonos Christianos, per paleas autem malos, per zizania autè hæreticos: verum tunc D. Aug. per agrum non Ecclesiam, sed mundum docet significari, in quo omnes illi sunt & cresunt: quia Dominus sic ipse exposuit: ager est mundus. Nihilominus explicatio D. Cypriani non minus videtur accommoda parabola, & adiunctis. Vnde cum Donatistæ per agrum vellent quoque: nō intelligi Ecclesiam, sed mundū, ne cogerentur admittere zizania & malos esse in Ecclesiâ, ac opponerent expositionē Christi iam allegatam, respondebant Catholici ibi per mundum etiam Ecclesiam intelligi: cum rursus replicaret Donatistæ, mundum in Scripturis nunquam sumi in bonam partem, negabant id Catholici, & contrarium demonstrabant ex illo Apostoli: *Deum erat in Christo, mundum recom-*
cilians sibi. Refert hæc August. lib. post collationem

locationem cum Donatistis cap. 6. Quod autem Cypriani explicatio non sit minus accommodata, declaratur : quia Ecclesia proprie est ager in quo seminatur bonum semen, & ubi superseminantur zizania. Deinde quia Dominus generaliter exponit, quod zizania sint filij nequam. Denique concludit Angelos collecturos omnia scandala de regno suo : Regnum autem Christi proprie est Ecclesia.

53 Obijcitur Secundò : ad Tim. c. 2. epist. 2. dicuntur in magna domo, id est, in Ecclesiâ, esse etiam lignea vasa & fictilia, & vasa in contumeliâ : sub quibus videntur etiam comprehendendi hæretici : quia comprehenduntur illi, quorum sermo ut cancer serpit : ex quibus erant Hymenæus & Philetus, ut docet August. lib. 4. de Bapt. cap. 12. ex Cypriano epist. 2. ad Antonianum lib. 4. ergò &c.

Respondetur, negando sub vasis istis quæ in magnâ domo sunt, comprehendî hæreticos pertinaces & manifestos : posse tamen dici comprehendî aliquos, quorum sermo ut cancer serpit : quia scilicet in Ecclesiâ sunt homines astuti, & subdoli qui hæresim non profitentur, & tamen colloquijs pravis, quæstionibus & dubitationibus suis quas mouent, & obijciunt, corrumpunt mores bonos, & destruant aut labeficiant fidem in infirmioribus, & in ijs, qui prurientes auribus facile à veritate se auertunt, & ad fabulas conuertuntur. Huiusmodi itaque hominum sermo etiam ut cancer serpit, & plurimos in Reipubl. Christianâ inficere solet : ipsi autem tandem palam & publicè ad hæresim declinant. Tales itaque iuxta Augustinum videtur ab initio fuisse Hymenæus & Philetus : qui quidem fuerunt in Ecclesiâ per Sacramentorum communionem, & Christianæ religionis professionem, etiam dum essent vasa lignea, fictilia, & in contumeliâ, clam & astute errores inuehendo, & animis simpliciorum ingenerando : sed quando iam palam à veritate exciderunt, & hæresim pertinaciter professi sunt, tunc in illis locum habuit : Exierunt ex nobis, id est, ex Ecclesiâ. Vnde rectè August. de verâ religione cap. 8. de talibus scribit : ex his hominibus hæretici fiunt, qui etsi essent in Ecclesiâ, nihilominus errarent, &c.

54 Obijcitur Tertiò : 1. ad Cor. 15. dicitur : Quomodo quidam dicunt in vobis, quoniam resurrectio mortuorum non est? Vbi videtur Apostolus manifestè significare infideles circa articulum resurrectionis à mortuis, esse in Ecclesiâ : argui tales erant hæretici ; ergò &c.

Respondetur, illos nō fuisse manifestos & pertinaces hæreticos : sed fuisse sedu-

ctos aliquos, & in eam opinionem inclinatos ex quâdam ignorantia : quia nondum sufficienter circa illum articulum fuissent instructi. Vnde Apostolus ibidem diligenter Corinthios desuper instruit. Eos autem qui errores illos inuehebant astutis & cautis modis, in Ecclesiâ simulatè latuisse, sicut iam ante hoc explicuimus.

Obijcitur Quartò : Ecclesia habet potestatem iudicandi & puniendi hæreticos : ergò dicendi sunt ipsi esse in Ecclesia. 55

Probatur consequentia ex illo Apost. 1. ad Cor. cap. 5. Quid enim mihi (inquit) de ijs, qui foris sunt, iudicare? Præterea, hæretici retinent ubi impressum characterem baptismi, & si fuerint sacerdotes, etiam characterem Sacerdotij : ergo sunt ipsi Christiani, & de Ecclesiâ.

Respondetur Neg. Conseq. quia qui iniuste aut indebitè se subtrahunt & deserunt familiam, aut Reipubl. & aliò transfugiunt, desinunt esse membra illius familiæ, aut communitatis : & tamen paterfamilias, aut Princeps communitatis, non desinunt habere auctoritatem & potestatem puniendi, ac etiâ retrahendi eos ad se, & cogendi ut redeant, sicuti patet in seruis fugitiuis, & militibus desertoribus suorum castrorum, qui ad hostem transeunt.

Ad Probationem dicendum est, Apostolum ibi loqui de ijs qui foris erant, nec unquam dederant nomen Christianæ religioni : de talibus enim, quia nunquam subdiderunt se Ecclesiæ, non habet Ecclesia iudicare : secus est de illis, qui se aliquando vel suâ vel parentum voluntate, sub quorum arbitrio erant ; Ecclesiæ subiecerunt, & postmodum iniquè ab eius gremio se eximunt, & recedunt : Ad illud quod de characterē opponitur, dicendum est, characteres quidem illos in hæreticis remanere, sed non sufficere ut constituent hominem in & de Ecclesiâ, quia etiam in damnatis in inferno remanent, quos nullus dixerit idcirco adhuc esse in Ecclesiâ, cum neque actu, neq; potentia sint membra Christi, ut docet D. Thom. 3. part. quæstione 8. Quemadmodum etiam militas transfugæ, licet retineat signa militaria prioris Principis, non ideo conferentur amplius esse de castris illius.

Schismatici nō sunt in Ecclesiâ.

Quartò deducitur ex assignatâ Ecclesiæ definitione Schismaticos ad eam non pertinere : quia non sunt cum cæteris Ecclesiæ membris vniti & colligati : separarunt enim se, nec volunt cum alijs conuenire in Sacramentorum vtu, & alijs religionis exercitijs

eritij, nec Capiti debitam exhibere obedientiam : cum tamen Apostolus ad Rom. 12. de Ecclesia dicat : *Multi vnum corpus sumus : singuli autē alter alterius membra.* Militat hoc quoque contra Alphonsum à Castro supra, qui existimat præcisè per Characterem baptismalem constitui aliquem membrum Ecclesiæ.

58 Verum id quod dicimus, Probatur : quia sic habet communis sensus antiquorum, qui in primis per rupturā retis Lucæ 5. & egressionem siue elapsum pisciū qui inde sequi solet, docent significari futura schismata Ecclesiæ, & ab eā, egressionem hæreticorum & Schismaticorum. Augustinus tract. 122. in Ioannem : lib. 2. quaestio- num Evangelicarum quæst. 2. & lib. De verā religione cap. 6. & libro De fide & symbolo cap. 10. dicit Schismaticos qui discussionibus iniquis à fraternā charitate dissiliunt, ad Ecclesiam non pertinere. Idē docet Optatus lib. 1. & 2. contra Parmenianum : Fulgentius de fide ad Petrum cap. 38. & 39. Firmissimè tene, inquit, & nullatenus dubites, non solum Paganos, sed etiam Iudæos, hæreticos, schismaticos qui extra Ecclesiam Catholicam præsentem nāunt vitam, in ignem æternum ituros : ubi manifestè supponit schismaticos esse extra Ecclesiam Catholicam. Cypr. lib. 4. epist. 9. ad Florentium Papianum, ubi scribit : Ecclesia est plebs Sacerdoti adunata, & Pastori suo grex adhærens : vnde scire debes, inquit, Episcopum in Ecclesiā esse, & Ecclesiam in Episcopo : & si qui cum Episcopo non sint, in Ecclesiā non esse, &c. Hieron. in caput 1. Amos : Schismatici, inquit, separant quidem deceptam multitudinem ab Ecclesiā Dei, &c. & in caput 3. ad Titum : Inter hæresim, inquit, & Schisma, hoc interesse arbitramur, quod hæresis peruersum dogma habeat, Schisma propter Episcopalem dissensionem, ab Ecclesiā pariter separat.

59 Chrysostr. hom. 3. in epistolam 1. ad Corinth. Schismatis significantia, inquit, satis eos arguit, vel potius, est satis eius appellatio, quæ vehementer eos tangit : nō enim plures integræ partes factæ sunt, sed vna perijt : quibus significat Schismaticos neque esse in communi & vniuersali Ecclesiā, neque constituere per se aliquam veram Ecclesiam particularem : quia scilicet Ecclesia est corpus talis naturæ, vt quæcumque partes ab eo separantur, mox rationem & formam Ecclesiæ deperdant : vnde idem Chrysostr. hom. 11. in epistolam ad Ephes. comparat Schismaticū cum manu à corpore abscissā, quæ mox vt separatur, definit esse pars & membrum corporis viuī : & Cypr. lib. de Vnitatē Eccle-

siæ comparat Ecclesiam cum arbore, cum fonte fluente, cum sole radiante : vnde sicuti quando ramus ab arbore auellitur mox emoritur, & quando riuulus à fonte separatur, mox arefcit, & quando radius à sole disiungitur, cōtinuo deficit : ita quoque si quæ partes aut membra Ecclesiæ separantur à corpore, mox formam & rationem membri Ecclesiæ deperdunt, vt supra declarauimus. Et quamvis plures simul recedāt, non valent tamen Ecclesiam aliquam veram constituere. Denique Pelagius Papa Cap. Pudenda 24. quæst. 1. ex professo hoc agit, vt ostendat Schismaticos non esse in Ecclesiā. Similiter & Cap. Schisma ibidem.

60 Sed contra Obijciunt : Nicolaus Papa, de Consecratione : Dist. 1. Cap. Ecclesia, dicit Ecclesiam esse Catholicorum congregationem : item Innocentius Capitulo Firmiter de Summā Trinitate & fide Catholica, dicit Ecclesiā esse fidelium congregationem ; atqui Schismatici sunt Catholici, & fideles : ergo sunt in Ecclesiā. Respondetur primò, absolutum Schisma vix esse sine errore in fide, præsertim circa vnum Caput Ecclesiæ : sed etio quod aliqui Schismatici sint absque errore in fide, non tamen sequitur quod sint in Ecclesiā, quia non sunt de ipsā congregatione Catholicorum siue fidelium : non enim fideles quomodolibet se habentes, constituunt Ecclesiam, sed quatenus adunati, & in vnum corpus sunt compositi, & alter alterius est membrum : vnde Aug. & Optatus locis supra allegatis negant Schismaticos esse Catholicos, etsi fidem Catholicam teneant, nisi eam fidem in Ecclesiā profiteantur Catholicā : quia scilicet ipsi secundum rationem suæ congregationis, aut potius separationis, non vniuersaliter per totum orbem recepti sunt, aut recipiendi : sed in aliquibus tantum angustiis delitescunt, vt sæpius August. vrget contra Donatistas.

Excommunicati non sunt in Ecclesiā.

61 Quintò deducitur ex prædictā Ecclesiæ definitione, Excommunicatos quoque extra Ecclesiam esse, quia etiam non sunt adunati cæteris membris & Capiti Ecclesiæ : Sunt enim à sacramentorū cōmunionē & suffragiorum cōmuniū participatione exclusi : vt docet etiam Tertull. in Apologetico cap. 39. Quemadmodum enim hæretici & schismatici suā voluntate & malitiā separant se, & egrediuntur, ita excommunicati ob suam contumaciam, virtute

tute clauum separantur, & eiiciuntur ab Ecclesiastica Societate, vt docet D. Hier. supra in cap. 3. ad Titum: & significat Scriptura Sacra diuersis locis: & suis loquendi modis de excommunicatione, vbi illa insinuat, vel de illa agitur: Mat. 18. *Si Ecclesiam non audieris, sit tibi sicut Ethnicus & Publicanus.* Vbi Christus secundum omnium sententiam agit de excommunicandis, quos Ethnicis comparat quod confortium & communicationem cum fidelibus: atqui Ethnicus non sunt in Ecclesia: ergo &c. Vnde D. Chrys. & Theophylactus exponunt illud, haberi sicut Ethnicum & Publicanum, vt sit idem quod eijs de Ecclesia. 1. ad Cor. 5. *Cur non magis lucum habuisti, vt tollatur de medio vestrum, qui hoc opus fecit:* & infra, *Nescitis, quia modicum sermenum totam massam corrumpit:* & in fine cap. *Auferte malum ex vobis ipsis:* quibus omnibus Apostolus dat intelligere quid sit excommunicari, & satis declarat excommunicationem importare eiectionem hominis extra cœtum fidelium.

62 Hoc etiam clarissimè exprimitur Capitulo Canonica: 11. quæst. 3. vbi sic dicitur: Canonica instituta & Patrum exempla sequentes, Ecclesiarum Dei violatores auctoritate Dei & iudicio Spiritus Sancti, à gremio Sanctæ Matris Ecclesiæ, & à consortio totius Christianitatis, eliminamus. D. August. lib. de Vnitate Ecclesiæ cap. vltimo: Excommunicari dicit esse visibiliter præscindi à Corpore Ecclesiæ: & lib. de Correctione & Gratia cap. 15. Per excommunicationem, dicit ab omnibus sanis morbidam separari, ne per plures serpent dira contagia.

63 Sed contra Obijciunt primò, quod scribit idem Aug. lib. post collationem cum Donatistis cap. 20. Neque enim à populo Dei separamus, inquit, quos vel degradando vel excommunicando ad humilio-rem penitendi locum, redigimus: ergo manent in Ecclesia excommunicati. Respondetur, ex alijs locis satis constare in primis de sententiâ Augustini: Quod itaque ad obiecta verba attinet, valde verissimiliter multi existimant in ijs mendum irrepsisse, & vnum (non) esse prætermis- sum, ita vt deberet legi: Neque enim non separamus à populo Dei, &c. Proximè enim præcedit: Nec ideo tamè dormit Ecclesiastica disciplina (licet scilicet etiam malos in Ecclesia esse teneamus) vt corripit inquietos: & tum verba allegata subiicit: Post illa rursus subiungit: Et vbi hoc facere pacis & tranquillitatis Ecclesiæ gratiâ, non permittitur (videlicet per degradationem & excommunicationem à populo Domini separare inquietos pro-

pter periculum, scilicet maioris Schismatis) non tamen ideo Ecclesiam negligimus: sed toleramus quæ nolumus, vtentes cautela præcepti Domini, ne tui voluerimus ante tempus colligere zizania, eradicemus & triticum. Quæ omnia planè videntur indicare in verbis allegatis, illud Non deesse. Accedit, quod simili phrasi duplicis negationis paulò infra Aug. adhuc vtatur: Neque enim, inquit, in Ecclesia non fit quotidie, &c.

64 Quod si quis tamen velit locum non laborare vitio, Respondere poterit, per populum Domini ibi non intelligi Ecclesiâ nostrâ militantem, sed simpliciter numerum electorum & saluandorum: à quo per excommunicationem non intendunt Ecclesiæ Pastores separare hominem tametli præbeat se contumacem: sed potius tali correptione adducere ad resipiscen- tiam, & salutem: sicut significat Aposto- lus 1. ad Cor. 5. Et huic responsioni fauet, quod in superioribus ibidem August. egerit de electis, & de multitudinè tunc corpore reproborum, quod dicebat signifi- catum fuisse in illo vno qui sine veste nuptiali præsumperat intrare ad conuiuium, quod conuiuium docet ipse in Ecclesia militante celebrari, & ad illud bonos & malos accedere.

65 Obijciunt Secundò: Excommunicatus retinet baptismum, & potest quoque intet tenere fidei professionem, & subiectionem sub legitimis Superioribus, atque adeo subinde esse amicus Dei; si nimirum sit iniuste excommunicatus: vel etsi iuste, potest agere penitentiam, & delicta obtinere remissionem, & in gratiam cum Deo redire, antequam absolua- tur à Censura: igitur excommunicatus aliquando saltem dicendus est esse in Ecclesia. Respondetur in eiusmodi casibus talem excommunicatum esse animo & affectu in Ecclesia; sed tamen non simpliciter & absolute, si excommunicatio fuerit valida, quamuis non iusta: quia ad hoc satis non est, quod ipse ex parte sua optet & desideret esse in Ecclesia, & habere communicationem in sacris cum alijs membris, sed necesse est quod etiam de facto habeat, nec ab eâ sit seclusus, ad hoc vt simpliciter de Corpore Ecclesiæ esse censetur; quâvis ista emenda- tio & votum possint ei satis esse ad salutem, quando sic animo & affectu est in Ecclesia: & absque suâ culpâ negligentia realiter & corporaliter est foris.

*Catechumeni non sunt in
Ecclesiâ.*

66 Idem dicendum erit de Catechumenis nondum baptizatis, quod nondum realiter sint de Ecclesiæ corpore: dictum enim fuit Petro Act. 10. quando de accedendo ad Cornelium, & de illo Euangelizando ac baptizando per visionem monebatur: *Orde & manduca: ubi manducare significat per baptismi Sacramentum, tanquam quadam manducatione in Ecclesiæ corpus traicere, & Ecclesiæ incorporare. Et Act. cap. 2. Qui ergo receperunt sermonem, eius baptizati sunt: & appositæ sunt in die illa, animæ circiter tria millia.* Vbi manifestè significatur homines per baptismum habere ingressum ad fidelium cœtum, siue Ecclesiâ. Idem docent Sancti PP. Greg. Nazianz. Oratione in Sanctum Lauacrum dicit, Catechumenum esse in vestibulo pietatis, nec posse adhuc vocari fidelem, nisi intus ingreditur per baptismum: Chryl. hom. 24. in Ioan. dicit, Catechumenum esse alienum, siue extraneum à fidei; & nihil habere cum eo commune. Idem significant Cyril. lib. 12. in Ioannem cap. 30. August. tract. 4. in Ioannem: & Tertul. in lib. de Prescriptionibus reprehendit hæreticos, quod non distinguant Catechumenos à fidelibus. Et patet ex definitione Ecclesiæ assignatâ, quia Catechumeni nondum sunt cum alijs Ecclesiæ membris adunati & colligati fidei Christianæ professione, & Sacramentorum communione sub regimine vnius Capitis in Terris: quidam enim adhuc solum præbent se dociles, vt instituantur in fide: quidam etiam possunt fidem esse amplexati, sed præparantur adhuc ad baptismum, aut fortassis ex ignavia & tarditate animi ad meliora, differunt suscipere: nulli autem ex omnibus sunt absolutè & realiter vniti Cœtui Christianorum, nec ad Sacramentorum participationem sine baptismo admittuntur, neque ad illa ius habent.

67 Obijciunt: Catechumeni in statu suo possunt saluari, quando iam perfectè credunt & toto corde ad Deum per poenitentiam & dilectionem conuertuntur, licet de facto non sint baptizati: quod apertè docet D. Ambros. in Oratione de obitu Valentiani, qui & ipse de illorum numero erat, cum de hac vitâ migraret: ergo debent dici esse in Ecclesiâ: quia extra Ecclesiâ nemo saluari potest.

Respondetur Neg. Conseq. loquendo de eo quod est esse in Ecclesiâ actualiter & realiter, siue corporaliter, idque pro-

pter rationes iam antè explicatas. Ad Cōfirmationem Respondetur, neminem posse saluari extra Ecclesiâ, videlicet qui nec actu & realiter in eâ est, neque desiderio & affectu: quando enim quis ex verâ fide est toto corde ad Deum conuersus, & optat Ecclesiæ incorporari, ita vt per culpam eius non ster, quo minus exterius quoque & realiter incorporetur, tunc mediante vilo voto poterit saluari, quemadmodum mediante voto baptismi in simili occasione iustificari potest: sicut etiam posset quis à naufragio liberari, qui quidem alteram nauem integram nondum conscendit, sic vt in illa, sed eam manibus tenet, & sic simul ad littus & portum salutis trahitur: sunt enim ista vota & affectus quali manus quædam quibus nauem Ecclesiæ eiusmodi apprehendunt & tenent, licet nondum absolutè realiter & corporaliter sunt ingressi.

Obijciunt Secundo: August. tract. 4. citato suprâ, in Ioannem videtur expressè docere Catechumenos esse in Ecclesiâ: dicit namq;: Erant enim in Ecclesiâ futuri Catechumeni magnæ excellentiæ &c. ergo dicendū est quod iam in Ecclesiâ sint. Respondetur Neg. Conseq. quia sermo ille August. est talis, ac liquis modo diceret: sunt in tali religione Nouitij tantæ perfectionis, vt etiam religiosus superent &c. quo non significatur quod nouitij sint in tali religione, eiusque sint membra ac partes simpliciter; sed sic loquimur, quia iâ sunt candidati talis religionis, eamque sectantur, & ad eius incorporationem præparantur. Similiter ergo etiam Augustinus dicit: erant enim in Ecclesiâ futuri Catechumeni magnæ excellentiæ, non quod Catechumeni quamdiu tales, verè sint in & de Ecclesiâ; sed quia Ecclesiæ adherent & ad eius ingressum præparantur & disponuntur: vnde ibidem eos contra fideles distinguit, quando dicit futuros Catechumenos tantæ excellentiæ, vt possint videri etiam fideles superare: & lib. 2. de Symbolo fidei circa initium comparat eos cum factis, qui adhuc in vtero gestatur, & nondum in lucem editus est aut natus.

*Vtrum nō baptizati existimati
baptizati, & sic cum fidelibus
in Sacramentorum perceptione,
& fidei professione communicantes, sint in Ecclesiâ?*

Disputatur autem hic quid dicendum sit de illis qui putantur esse baptizati, & verè

68

69

verè baptizati non sunt : interim verò cum alijs fidelibus conueniunt in professione fidei Christianæ, & Sacramentorum communione, ac alijs religionis nostræ exercitijs.

Respondetur, probabiliter dici potest, tales esse in Ecclesiâ. Ita omnino sensisse videtur Driedo lib. 4. de Scripturis & Dogmatibus Ecclesiasticis cap. 2. parte 2. vbi sic scribit : Omnes qui habentur tanquam Sacramento fidei visibiliter adscripti Ecclesiæ, secundum pacem quandam corporaliter cum Christiano populo conuersantes, dicuntur esse in Ecclesiâ, donec vel iudicio Ecclesiæ separantur, vel suâ sponte exeunt, ipsam Ecclesiâ contemnentes & persequentes.

Et probari potest ex Innocentio III. qui Capitulo : Apostolicam, de Præbitero non baptizato, dicit eum in Ecclesiæ Matris fide mortuum, & indicat ac iubet pro eius animâ preces & sacrificia offerenda, sicut pro alijs fidelibus ; sensit ergo Pontifex eum in Ecclesiâ fuisse mortuum. Nec refert quod baptismus dicatur communiter ianua per quam ingredi oportet in Ecclesiâ : quia potest id intelligi ideo dictum, eo quod scienter & volenter nullus ingredi valeat, aut ad Ecclesiæ gremium & ad Sacramentorum cum fidelibus communicationem admitti possit, nisi mediante baptismatis Sacramento : hoc autem non omnino impedit, si quis ignoranter admissus & receptus fuerit ad commune fidelium commercium, & participationem sacrorum religionis Christianæ sub iisdem Rectoribus, quo minus talis dicendus sit esse de cœtu & corpore Ecclesiæ, quia communi professione & Sacramentorum participatione illi adunatus viuit. Obseruandum tamen est, quod licet talis Sacramenta exterius participet, non tamen effectum & fructum eorum consequatur : unde neque characterem impressum recipit, etsi Sacramentum Confirmationis aut Ordinis suscipiat, neque gaudet effectu ex opere operato.

Bell. autè lib. 3. de Ecclesia militante c. 10. quamuis Driedonis opinionem non improbet, ipse tamen existimat melius posse responderi, eos qui baptizati non sunt, & tamen pro baptizatis habentur, nō esse verè de Ecclesia, sed secundum apparentiam exteriorē trandū, & putatiuē. Verū sententię Driedonis multum fauet Innocent. cap. citato : & lib. 7. cap. 8. Historię Ecclesiasticę refertur Dionysium Alexandrinum iudicasse quendam fuisse verè in Ecclesia, quem constabat non baptizatū, sed tantum percepisse alia Sacramenta tanquā baptizatū. Accedit casum

esse possibilem, quod talis in Ecclesia habeat rationem Capitis : non potest autem esse Caput & habere autoritatem in Ecclesiâ, nisi ipse sit de Ecclesiâ & membrum : quod argumentum in alia simili materia multum vrget idem Bellar. vbi tamen constiterit aliquem talem esse in Ecclesiâ, si per suam culpam taliter intrauerit, erit expellendus donec pœniteat & baptizetur : si autem absque suâ culpâ, tunc non expelletur : sed quod deerat, erit in ipso supplendum.

Vtrum infideles & hæretici occulti sint in Ecclesia?

Difficultas denique est de infidelibus siue hæreticis occultis, qui interius nec fidem, nec aliquam Christianam virtutem habent : sed propter temporale commodum aut similem respectum, profitentur exterius Christianam religionem, & in communione Sacramentorum cum veris fidelibus permiscentur. Quidam DD. sic loquuntur, vt negent tales esse membra, aut partes Ecclesiæ, siue in eâ contineri : inter quos est Turrecremata lib. 4. de Ecclesiâ parte 2. cap. 20. Domin. Soto in 4. dist. 22. quæst. 1. art. 1. Antoninus, & alij. E contra plures sic loquuntur, vt dicant eos esse in Ecclesiâ, & partes ac membra Ecclesiæ. Ita Bell. lib. 3. de Ecclesia, cap. 10. cum alijs quos ibi citat.

Sed non videtur inter dictos autores tam esse pugnantia in re, quam in modo loquendi, si quis propius eorum verba & sensum inspiciat : quia neque priores negarent eiusmodi occultos infideles exterius vinculis adhuc Ecclesiæ adhærere & colligari, & externam Ecclesiæ formam participare : neque posteriores affirmarent tales internâ Ecclesiæ formâ, & internâ vnione Ecclesiæ esse coniunctos. Quare diuersitas illorum tota in eo videtur versari : vtrum propter externam formam, quæ tales occulti infideles communicant, & externam vnionē quæ reliquis Ecclesiæ partibus coheret, dici possint esse in Ecclesiâ, aut eius esse partes & membra : quemadmodum si disputaretur, vtrum brachiū aridum, sed pelle & ossibus ac neruis coherens reliquo corpori cum suâ figurâ & delineamentis possit dici membrum hominis ? & esse in homine tanquam quædam eius pars ? Bell. enim qui multum vrget, vt dicantur tales esse in Ecclesiâ, & Ecclesiæ membra, addit tamen quod sint membra arida & mortua.

Priores itaque id negant : Posteriores autem affirmant, quorum loquendi modus

vt magis vulgaris est, ita etiam videtur antiquorum scriptis conformior: ac etiam in particulari quâdam ratione fundatus, quæ non ita adhuc in membris aridis & in corpore vero animato militat, sicut in hoc corpore metaphorico, & talibus eius partibus adherentibus.

75 Prior pars responsionis declaratur: quia inprimis D. August. licet verba illa Ioannis 1. epistolæ cap. 2. *Non erant ex nobis, exponat aliquando secundum electionem siue prædeterminationem*, tamen in Commentario loci, & etiam alibi exponit, quod non erant ex nobis secundum fidem & affectum, & proinde vult significari tales qui exierunt, prius animo & affectu fuisse à fide & Ecclesia alienos: sic enim in Commentario scribit: Omnes hæretici, omnes schismatici ex nobis exierunt (id est, inquit) ex Ecclesia exeunt, sed non exirent, si ex nobis essent antequam exirent, ergo non erant ex nobis, si antequam exirent non erant ex nobis: multi intus sunt, inquit, qui nō exierunt, & tamen Antichristi sunt: vbi indicat hæreticos & schismaticos (quos intelligit per Antichristos) quantumvis animo & fide non sint nobiscum siue ex nobis, tamen esse adhuc intus in Corpore Ecclesiæ, donec manifestæ hæresi aut schismate se separant. Quomodo etiam D. Ioannes omnino ibi videtur fuisse locutus. Item lib. de Gestis cum Emerito cap. 1. Quidam (inquit) adhuc positi in parte Donati (scilicet hæretici) præsentia exhibent nobis corporalem carne intus, foris spiritu: & lib. de Catechizandis rudibus ita de huiusmodi hominibus scribit: Sunt qui propterea volunt esse Christiani, vt aut promereantur homines, à quibus temporalia commoda expectant, aut quia offendere nolunt quos timent: sed isti reprobi sunt, etsi ad tempus eos portat Ecclesia, sicut area vsque ad tempus ventilationis paleam sustinet. Vbi vult simulatos Christianos esse in Ecclesiâ, sicut palea in area cum frumentis. Quod enim loquatur de illis qui fidem tantum fidem Christianam suscipiunt, patet ex adfuentis: addit enim paulo infra: Sunt etiam alij meliori quidē spe, sed tamen non minori periculo, qui iam Deum timent, & non irrident nomen Christianum, nec simulato corde intrant Ecclesiam Dei, sed in ista vitâ expectant felicitatē. Quæ Antithesis euidenter ostendit, priores illos esse tantum simulatos & fideos fideles, qui in animo fidem non teneant, sed magis irrideant. Idem significat August. alijs locis, vt lib. 3. de Baptismo contra Donatistas cap. 19. lib. 4. cap. 10. tract. 61. In Ioannem ad cap. 13. vbi exeunte siue recedente Iudâ, dixit Ie-

sus, Nunc clarificatus est filius hominū.

Origenes hom. 21. in Iosue: Etiam hic in Hierusalem, id est, in Ecclesia, inquit, sunt quidam Iebusei, qui & fide & actibus peruersi sunt. D. Greg. lib. 13. moralium cap. 4. ad illa verba Iob, *Ruga mea testimonium ducunt contra me*: Quid, inquit, per rugas nisi duplicitas denignatur? Ruge itaque sunt Sanctæ Ecclesiæ; omnes qui in eâ dupliciter viuunt, qui fidem vobis clamant, operibus denegant: hi nimirum pacis tempore, quia potestatibus mundi eandem fidem honori esse conspiciunt, fideles se esse mentiuntur, &c. & infra: Etiam pacis suæ tempore sancta Ecclesia saliloquium patitur, dum sunt in eâ multi qui de æternitatis promissione diffidunt, & tamen se fideles esse mentiuntur. Quibus aperte D. Greg. docet in Ecclesiâ esse, qui mentiuntur siue simulat se esse fideles, siue Christianos, & non sunt.

Præterea cōmuni consensu Sancti PP. docent illos qui sunt extra Ecclesiam, non habere iurisdictionem vel autoritatem in Ecclesiam, vt licet videre apud D. Cyprianum lib. 1. epistola 6. & lib. 2. epistola 1. apud Optatum Mileuitanum lib. 1. contra Parmenianum, Ambrosium lib. 1. de Pœnitentia cap. 2. Hieron. in Dialogo contra Luciferianos: atqui infideles occultati si forte sint Episcopi, aut etiam Summus Pontifex, non propterea perdunt iurisdictionem & autoritatem: sed quæcumque faciunt ex potestate ordinis aut etiam dignitatis suæ & iurisdictionis, tenent & valida sunt donec vel se ab Ecclesiâ separant, vel de hæresi conuicti separantur. Significatur hoc in Canone Audiuimus: 24. quæst. 1. qui habet: Sin autem ex corde suo nouam hæresim confinxerit, ex quo talia prædicare cœpit, neminem damnare potuit: vbi dum additur, Ex quo talia prædicare cœpit, satis indicatur quādiu hæresim occultat tantum fouerit, potuisse damnare siue ligare, sicut & solueret, quod communiter quoque ab omnibus tenetur.

Et hinc confirmatur ac declaratur simul altera responsionis pars, quod scilicet posterior loquendi modus in particulari etiam ratione multum sit fundatus: quia nimirum præterquam quod fundamentum hoc, ipsis occultis hæreticis in ordine ad Corpus Ecclesiæ, & membris aridis in ordine ad corpus animatum, quadā proportionem sit vtrisque commune, quod videlicet externā colligatione trunco seu corpori cohæreant, & speciem seu formam externam membri retineant, insuper hoc peculiare est eiusmodi occultis infidelibus, quod etiam actiones & externas functiones al-

76

77

78

nes alterius membri internâ formâ informati valeant in corpore Ecclesiæ exercere, ipsaque Ecclesia per ipsos & in ipsis exerceat: quod non conuenit partibus aut membris corporis iam arefactis, & animâ intrinsecus destituta. Vnde magna & peculiaris militat ratio, cur eiusmodi occulti infideles debeant dici adhuc esse in Ecclesiâ, & eius esse membra: quia ita coherent, vt virtute ab Ecclesia & Christo acceptâ, possint & valeant officia membri etiam Capitis validè obire & exercere.

69

Sed contra Obijcitur: Nicolaus Papa dicit, Ecclesiam esse Catholicorum collectionem, sicut supra citauimus: & in Conc. Later. dicitur, Vnam esse fidelium Ecclesiam, vt habetur Capitulo Firmiter: de Summa Trinitate & fide Catholica. Item in definitione Ecclesiæ supra à nobis assignatâ, Ecclesia dicitur esse cætus ad fidem vocatorum, quam intus tenet: ergo dici non potest, quod hæretici quantumvis occulti, sint in Ecclesiâ. Respondetur Neg. Conseq. quia quando Pontifex dicit Ecclesiam esse Catholicorum collectionem, potest id optimè accipi, imo circumstantiæ requirunt ita accipi, vt Catholici intelligantur illi, qui fidem Catholicam profitentur: Iubet enim Pontifex vt non hiant Ecclesiæ, id est, vt ipse exponit: Catholicorum collectiones sine nutu Sedis Apostolicæ: in eiusmodi autem conuocationibus & collectionibus faciendis haud dubiè Catholici censentur, qui se pro talibus gerunt, & fidem exterius profitentur, quidquid sit de eo quod intus sentiunt. Eodem modo potest intelligi dictum in Conc. Lateranensi, Ecclesiam fidelium esse vnam, id est, eorum qui fidem Christianam profitentur. Addo tamen illud etiam posse accipi eo sensu, quo id explicatius posuimus in definitione Ecclesiæ supra assignatâ, scilicet quod Ecclesia sit cætus hominum ad fidem vocatorum quam intus tenet, nimirum ipse cætus: non autem necessariò singuli qui de cætu illo sunt: sicut si diceremus, corpus animatum esse aggregationem & coordinationem partium in ordine ad vitam seu animam, quâ etiam intrinsecè ipsum aggregatum informatur, posset quidem inde deduci ad rationem corporis animati requiri intrinsecus animam; non autem omne illud quod quocumque modò esset aut pertineret ad corpus animatum, debere esse animâ informatum: nam v. g. ad humanum corpus multa pertinent & dicuntur etiam in illo esse, quæ tamen non informantur animâ, vt humores, capilli, vngues &c. sicuti hoc ante explicauimus.

70

Obijcitur Secundò: Sancti Patres non

volunt hæreticos haberi aut computari cum Christianis, vt videre est apud Tertullianum lib. de Pudicitia: Athanasium serm. 2. contra Arrianos, & August. de Gratiâ Christi cap. 11. neque esse in Ecclesiâ. Respondetur Patres illos agere de hæreticis manifestis, qui nec corde credunt, nec ore faciunt fidei Catholicæ professionem: sed hæretim docent aut profitentur, de quibus id meritò dicunt, Quia Christianus, nomen est professionis, & illi habentur ac computantur Christiani, qui legem ac fidem Christi publicè colunt & sequuntur. His tamè deniq; addo: admittendum esse, quod tales occulti infideles non sint partes & membra Ecclesiæ omni modo, quo alij fideles: quia vera fides interior est primum quasi viaculum quo interna Ecclesiæ vnio subsistit, & prima forma quâ corpus Ecclesiæ Christo Capiti suo coniungitur, & adhæret: quâ fide & formâ illi supponuntur carere: vnde modo imperfectiori & quodammodo Analogicè tantum videntur esse partes & membra: & hac consideratione alij authores videntur negasse eos esse in Ecclesiâ, aut Ecclesiæ esse membra.

D V B I V M I I.

Vtrum Ecclesia sit visibilis?

Hæretici communiter docent veram Dei Ecclesiam esse inuisibilem: Catholici autem omnes tenent & affirmant esse visibilem & conspicuam, sic vt quilibet prudens rerû æstimator ex signis quæ sub sensum cadunt, dignoscere queat, quænam cætus hominum sit vera Ecclesia Dei & Christi: nec vquam ita obscuretur quin ex notis sensibilibus deprehendi ac demonstrari possit. Est doctrina certa de fide.

71

Et Probatur Primò ex Scripturis: Mat. 5. Non potest ciuitas abscondi supra montem posita. Vbi de Ecclesiâ secundum statum Euangelicum siue noui Testamenti, sermo est: & non solum dicitur esse visibilis, sed ita euidenter conspicua, ac si esset ciuitas in monte collocata. Vtitur hoc loco D. August. epistola 48. & lib. 2. contra Cresconium cap. 36: Existat Ecclesia cunctis clara atque conspicua: quippe ciuitas quæ abscondi non potest super montem constituta. Isaïæ cap. 2. Erit in nouissimis diebus preparatus mons domus Domini in vertice montium, & eleuabitur super colles; & fluens ad eum omnes gentes: vbi similiter sermo est de magnitudine & clarâ cōspicuitate futura Ecclesiæ noui testamenti: quæ eadem habentur apud Prophetam Micheam cap. 4.

72

Isaïæ

Haic 61. Omnes qui viderint eos, cognoscent illos: quia isti sunt semini cui benedixit Dominus. Quem locum etiam ipse Caluinus sic exponit, vt prædici intelligatur, Ecclesiam conspicuam fore omnibus gentibus. Psal. 18. In Sole posuit tabernaculum suum, id est, In manifestatione posuit dispensationem incarnationis, vt exponit August. ad illum locum Psalmi: quæ dispensatio non videtur nisi in Ecclesia, & proinde debet & illa esse in manifestatione. Vnde idem August. epistola 48. scribit: Quomodo autem cōfidimus ex diuinis litteris accepisse nos Christum manifestum, si non inde accepimus & Ecclesiam manifestam?

73 Neg; tantum testatur Scriptura Ecclesiam noui testamenti esse visibilem; sed etiam hoc satis declarat de Ecclesia antiqui testamenti. Num. 20. Cur eduxisti Ecclesiam Domini in solitudinem? 3. Regum cap. 8. Conuertisque Rex faciem suam & benedixit omni Ecclesia Israël: omnia enim Ecclesia Israël stabat &c. quæ loca planè supponunt Ecclesiam populi Israelitici fuisse notoriam & visibilem: quomodo enim aliqui nouissent illi quod Moyses eduxisset Ecclesiam Domini: & quomodo Rex conuertisset faciem suam ad Ecclesiam Israël, & benedixisset illi, si visibilis non esset. Huc etiam faciunt parabolæ Euangelicæ, vbi Ecclesia comparatur Lagenæ missæ in mare, Arcæ, Ouli, Conuiuii nuptiali, quæ sunt res sensibiles.

74 Probatur Secundo ex antiquis PP. D. Chrys. hom. 4. capite 6. Haic, dicit facilius solem extinguere posse, quam Ecclesiam obscurari. Origenes hom. 30. in Matth. Ecclesia plena est fulgore ab Oriente vsque ad Occidentem &c. Cypr. lib. de Unitate Ecclesiæ: Ecclesia Domini, inquit, luce perfulsa radios suos per orbem terrarum spargit. D. August. tract. 1. in epistolam Ioannis: Numquid ostendimus (scilicet digito scuti res exiguas & quasi inuisibiles a hominibus) Ecclesiam fratres mei? quasi diceret: minimè. & tunc addit: Nōne aperta est? nonne manifesta? nonne obtinuit omnes gentes? &c. & Tract. 2. Quid amplius dicturus sum, quam cæcos esse qui tam magnū montem non vident, qui contra Lucernam in candelabro positam, oculos claudunt. Similia habet lib. 3. contra epistolam Parmeniani; & alij diuersis locis.

75 Probatur Tertiò ratione ex Scripturis desumpta: Christus in Euangelio mandat fidelibus, vt si frater priuatim correptus non emendetur, quatenus tunc Dicant Ecclesia. Matth. 18. Rursum mandat illis, vt si qui Ecclesiam non audierit, habeant illum tanquam Ethnicum & Publicanum: atqui neu-

trum mandatum valebunt explere fideles, si Ecclesia inuisibilis, & in occulto tantum latens, neq; hominibus sit nota vera Ecclesia: sed Deo tantum sit cognita, vt heretici volunt. Quomodo enim poterimus Ecclesiæ dicere errorem aut delictum fratris, si Ecclesiam videre & cognoscere non possit? & quomodo sciet quod frater non audiat vel obtemperet Ecclesiæ, si Ecclesia inuisibilis sit. Rursum tenentur omnes sub periculo salutis se adiungere veræ Dei Ecclesiæ, eiusque membris communicare, & Capiti obedire: quæ etiam fieri nequeunt, si Ecclesiam exterius cognoscere & videre non possumus: ergo &c.

76 Sed contra Obijciunt Primò: Lucæ 17. Interrogatus à Phariseis Christus: Quando venit regnum Dei? respondet ille & dixit: Regnum Dei non venit cum obseruatione: neque dicent: ecce hic, aut ecce illic: ecce enim regnum Dei intra vos est: ergo Ecclesia quæ per regnum Dei hic intelligitur, non potest obseruari aut exterius videri: sed tota est interna, & intus in homine occulta latet. Respondetur Neg. Conseq. quia quod dicit Christus: Regnum Dei non venit cum obseruatione &c. non habet eum sensum, quod ægnum illud adueniens videri aut obseruari non possit: sed è contra, quod veniat cum tantâ manifestatione, cum tantâ euidencia, & claritate (loquitur enim de regno Ecclesiæ noui testamenti) vt non opus erit aliquâ accusationi attentione, & obseruatione, sicuti circa res obscuras & latentes, opus est, vt dum venerint, videantur: sed erit tam conspicuum & ita palam apparebit, vt facile videri & cognosci à cunctis possit. Vnde non erit in hoc angulo, aut isto angulo querendum, sed publicè & vbique erit expositum & visibile: quod significat Christus quādo dicit: Neg; dicent: ecce hic, aut ecce illic.

77 In eo qui sic in angulo & obscuro volunt illud constitutum, ibique remonstrare, non sunt audiendi. Et hinc etiam monet Christus, vt ad tales voces non exeamus, neque credamus. Per illud verò quod addit: Ecce enim regnum Dei intra vos est, non docet illud esse merè internum & inuisibile; sed arguit implicitè cecam phariseorum malitiam, quæ nebat eos Regnum Dei tam manifestum, quod Christus in medio illorum annuntiabat, & deprecabatur, attestante quoque illi Ioanne Baptista, videre & agnoscere. Quam autem regnū illud intra eos fuerit euidens & manifestū, satis declarat Christus Matth. 11. quando à discipulis Ioan. Baptiste ex eius nomine interrogatus: Tu es qui venturus es? an alium expectamus? nō aliud respondit

reſpondit, Euntes, renuntiate Ioanni quæ audiſtu & vididiſtu, Cæci vident, claudi ambulant, leproſi mundantur, ſurdi audiunt, mortui reſurgunt &c. quaſi diceret: Hæc omnia ſufficienter loquuntur me eſſe illum, de quo Ioannes inquit, ita vt nullus dubitandi vel inquirendi relinquatur locus.

Objicitur Secundò : x. Petri capite 2. dicitur : *Et ipſi tanquam lapides vivi ſuperædificamini domus ſpiritualis, Sacerdotium Sanctum, &c.* atqui domus iſta ſpiritualis eſt Eccleſia; ergò ea eſt inuiſibilis. Confirmatur ex illo Ioannis cap. 4. ubi dicit Chriſtus : *Credo mihi, quia venit hora, quando neque in monte hoc, neque in Hieroſolymis adorabitur Pater: & paulò intrà: Sed venit hora & nunc eſt, quando veri adoratores adorabunt Patrem in ſpiritu & veritate.* ergò Eccleſiæ filij qui ſunt veri adoratores, non ſunt alligati locis, aut externis cægemonijs, quibus ipſi innotefcant & efficiantur viſibiles: ſed omnis eorum ratio eſt interna & ſpiritualis, & proinde eorum cœtus ſive Eccleſia eſt inuiſibilis.

Pro explicatione, obſeruandum eſt, dupliciter aliquid dici ſpirituale: vno modo, quia ſecundum ſuam ſubſtantiam aut propriam rationem eſt tale, vt excludat omnem materiam ſenſibilem, ſive interius ſit ſubſtantia, ſive accidens: eſtque illud etiam phyſico modo ſpirituale. Sic accipitur quando ad Ephel. cap. 6. dicitur : *Quoniam non eſt nobis colluſatio aduerſus carnem & ſanguinem &c. Sed contra ſpiritualia nequitia in cæleſtibus.* Alio modo dicitur aliquid ſpirituale accidentaliter: & moraliter magis quam phyſicè, licet interim aliquid phyſici concurrat; vt ſcilicet dicatur illud ſpirituale, quod à Spiritu Sancto proficiſcitur, & ad Deum ordinatur ac tendit, vel in quo ſpiritus dominatur, ſive interim illud ſit quid æternum & materiale, ſive inſenſibile & immateriale: quo pacto 1. ad Cor. 2. dicitur homo ſpiritualis, qui contra animale ibi diſtinguitur. Et ad Gal. 6. *Vos qui ſpirituales eſtis.* Item 1. Petri cap. 2. hoſtiæ ſpirituales dicuntur opera pietatis, vt eleemoſinæ, ieiunia, beneficentia, & ſimilia. Quare ſic acceptum opponitur carnali, quatenus omne illud carne dicitur, quod ſpiritus aduerſatur, ſcil. quod à pravis concupiſcentijs carnis aut mentis prædominantur, vel in quo cupiditates illæ prædominantur, ſive interim ſit aliquid ſecundum ſuam rationem materiale & ſenſibile, ſive immateriale & inſenſibile: nam ad Gaſat. cap. 3. inter opera carnis non tantum numerantur fornicatio, immunditia, ebrietates; ſed etiam inimicitia, ira, diſſenſiones, ſectæ, inuidia quæ ſe-

cundum ſubſtantiam ſuam quidem immaterialia ſunt; ſed tamen quia oriuntur ex pravis hominis cupiditatibus, ideo opera carnis dicuntur.

Reſpondetur itaque N. C. Quia fideles Chriſtiani dicuntur à Diuo i. etro ſuperedificari domus ſpiritualis, non ſecundum priorem rationem ſpiritualis quæ excludit materiam & viſibilitatem; ſed ſecundum rationem poſterioiorem, qua ſcilicet propter certum ordinem aliquem, vel habitudinem ad ſpiritum gratiæ, dicitur aliquid ſpirituale. Et quod ſic ſpirituale eſt, poteſt quoque eſſe viſibile, non tantum materialiter ſive ſecundum materiam ſuam, ſed etiam cum ordine ſuo ad ſpiritum. Sic ſpiritualis domus Eccleſiæ relucet & videtur in cõſtanti ſanæ fidei doctrinæ profeſſione, in cõtinuatione in bonis & ſanctis operibus, quæ tam euidenter apparent, vt etiam æmuli & aduerſarij Eccleſiæ, alioquin patari ad detrahendum, ſæpius confundantur iſta intuentes & obmutefcant: imò ex illorum conſideratione gloriſcent Deum in die viſitationis ſuæ, vt ſignificat D. Petrus 1. epiſtolę ſuæ cap. 2. & 3.

Ad Confirmationem Reſpondetur, Chriſtum prioribus verbis docere, quod occaſio altercationis inter Iudæos & Samaritanos de cætero ceſſabit: quia ſcilicet adorandi ſive ſacrificandi ratio Iudæorū, quæ Hieroſolymis obſervabatur, abolenda erat, & quoque ſacrificia Samaritanorum erant tollenda; atque ita non amplius in vno tantum templo, vel in vno tantum loco aut monte, Deo Patri ſacrificium in poſterum fore exhibendum; ſed in omni loco & per totum orbem, vt exponit Diuus Baſilius lib. 2. de Baptiſmo cap. 8. Poſterioribus autem verbis explicat Chriſtus, qualis adorandi & ſacrificandi ratio ſuccederet, ſcilicet quæ erit in ſpiritu, id eſt, quæ ſpiritualis erit: & in veritate, id eſt, quæ erit ſecundum veræ fidei dogmata, vt exponunt Cyrillus lib. 2. in Ioannem cap. 93. Theophilaſtus in ipſum locum; Ambroſ. lib. 3. de Spiritu Sancto cap. 12. In eo itaque quod dicit, hanc adorationem futuram in ſpiritu, ſive ſpiritualem, ſecundum ſcilicet poſterioiorem rationem ſpiritualitatis ante explicatam, opponit eam ſacrificijs Iudæorum, quæ omnino corporalia erant; & ab eis ſine ſpirituali intellectu & virtute exercebantur: Si qui enim ea exercebant ex fide & cum ſpirituali ſenſu, hi etiam dicendi erant tum adorare in ſpiritu, verum nō erat hoc commune iſtis ſacrificijs: In eo autē quod dicit futuram, In veritate, opponit rationi ſacrificandi Samaritanorū, qui in multis à veritate aberrabant; & cõmiſcebant cultū

Idolorum cum cultu Dei Israël. Vnde hæc adoratio in spiritu & veritate non magis excludit externam visibilitatem, quæ quælibet alia pietatis & Spiritus S. opera, secundum rectam fidem facta, eam excludunt.

82. Quare in suis adorationibus & diuino cultu in spiritu & veritate exercitis, est Ecclesiâ visibilis: neque enim negare poterunt hæretici Paulum in spiritu adorasse (extendendo adorare ad omnem Dei cultum, nec restringendo ad sacrificium de quo principaliter est sermo apud Ioannem) quando ad Ephes. 3. dicit: *Huius rei gratiâ scilicet genua mea ad Patrem Domini nostri Iesv Christi: ac similiter Petrum Act. cap. 9. Quando pontis genua orauit: ac in spiritu quoque fieri eam confessionem fidei de qua dicitur Ore confessio fit ad salutem.* Vnde Apostolus ad Rom. 12. & 1. ad Cor. 12. & 14. inter operationes spiritus (quæ sunt sine dubio in spiritu & veritate) refert plurimas actiones externas & visibiles. Non itaque docet Christus tollendam Ecclesiam visibilem, aut visibilem & externum Dei cultum aut sacrificium; sed solum quod prædixit Malachias c. 1. *Non est mihi voluntas in vobis, dicit Dominus, & munus non suscipiam de manu vestra: ab ortu enim solis usque ad occasum magnus est nomen meum in gentibus; & in omni loco sacrificatur & offertur nomini meo oblatio munda &c.*

83. Obijcitur Tertiò: ad Hebr. cap. 12. dicitur: *Non enim accessistis ad tractabilem montem, & accessibilem ignem &c. Sed accessistis ad Sion montem, & Ciuitatem Dei viuentem Ierusalem Cælestem &c.* hic, inquit, comparatur Synagoga monti Sion visibili & corporali; Ecclesia autem monti Sion spirituali & cælesti: ergo Ecclesia inuisibilis est. Respondetur cum Chrys. Theophylacto, & D. Thomâ in illum locum, Apostolum ibi per *Montem Sion & Ciuitatem Dei viuentem*, non intelligere Ecclesiam militantem, in quam fideles intrauerant; sed triumphantem quæ ex Beatis & Sanctis Spiritibus constat: confert enim Synagogâ cum Ecclesiâ noui Testamenti: & dicit homines veteris Testamenti accessisse ad montem Sion corporealem & tractabilem seu palpabilem: vbi aliquo modo per corporeas imagines & species in fumo, igne, fulgure, ac tonitru Dei Maiestatem viderunt, & cognouerunt: sed homines noui Testamenti accessisse (nondum quidem adhuc re, sed spe, nam spe salui facti sumus, vt habet idem Apostolus ad Roman.) ad montem spirituales scilicet Beatorum, vbi Deus videtur non in speculo & enigmate: neque cum metu & horrore, sicuti in monte illo corporali: sed facie ad faciem cum summo gaudio & securitate. Vnde Apostolus addit: *Et multorum millium Angelorum frequen-*

tiam &c. & spiritum iustorum perfectorum &c.

Obijcitur Quartò: Ecclesia est corpus mysticum, non corpus naturale: atqui non videmus, aut sensibus percipimus nisi res naturales & corporeas: ergo &c. Respondetur, Ecclesiam esse corpus mysticum, non tamen tale, quod excludat omnem naturam, & formas sensibiles: sed quod potius includat & importet ea, ex quibus ipsum fit visibile: Inprimis enim constat hominibus, vt suâ materiâ. Deinde forma eius externa est vnus fidei Christianæ professio, & in Sacramentis, ac alijs diuini cultus caeremonijs communicatio. Item alias habet proprietates: tunc notas sensibiles, in quibus etiam sese satis inveniunt exterioris ipse formæ eius per se internæ, quæ ad eius tum constitutionem, tum perfectionem & ornatum diuinitus Ecclesiæ promissa, pertinent: Sed de istis infra latius.

Obijcitur Quintò: In Symbolo Apostolorum dicimus, nos credere Ecclesiam Catholicâ: ergo eam non videmus oculis aut sensibus corporeis. R. N. C. quia etiam S. Thomas post Christi resurrectionem credidit Christum, & tamen videbat & palpabat eum: vnde dixit illi Dominus Ioan. 20. *Quia vidisti me Thomas, credidisti, &c.* Ratio est, quia non repugnat idem sensu aut scientiâ cognosci, & fide etiam propter diuinum testimoniū teneri. Credimus itaque Ecclesiam, quia ex Scripturis sanctis, & diuinâ reuelatione tenemus illum hominum cœtum esse Ecclesiâ, qui fidei Christi professione & Sacramentorum communione adunatus cœheret sub vno in terris Vicario scil. Romano Pontifice: & etiam videmus Ecclesiam, quia oculis & auribus percipimus hunc hominum cœtum fidei professione & Sacramentorum communicatione seruire & adherere Christo sub vno Vicario eius generali: sicuti & Apostoli credebant & videbant Messiam venisse, quando Christo adhererant, & ab eo fieri cernebant omnia, quæ de Messia erant prædicta.

D V B I V M I I I

Vtrum Ecclesia aliquando defecerit aut deficere possit?

Hæretici admittunt & docent eam quæ est vera coram Deo Ecclesia; sed nobis inuisibilis, nunquam deficere: At Ecclesiam extrinsecus visibilem, quæ dicitur esse putatitiam tantum, posse in necessarijs errare, ac deficere: & quidem de facto sæpius errasse & defecisse.

Catholici autem nunquâ duas Ecclesias agnoscunt.

agnouerunt, licet Donatistæ tempore D. Augusti, hoc eis obiecerint: quod accurate D. Augusti. pluribus locis negat, ac diluit; & docet quod vnâ tantum agnoscunt quæ & coram Deo sit vera Ecclesia, & quæ extrinsecus ab omnibus est visibilis & cognoscibilis.

87 Ad duplicem autem eiusmodi Ecclesiam fingendam fuerunt coacti hæretici ex vnâ parte, ne aliquin cogantur omnē Ecclesię perpetuitatē & indefectibilitatem negare, quam tamen nimis manifestē testantur Scripturę, loquendo saltem de Ecclesiā noui Testamenti, de quā & ipsi possimum agunt; & ex altera parte, ne si externam & visibilem eandemq; indefectibilem admittant, compellantur consequenter demonstrare proximos suos Antecessores, in quibus ea existerit Ecclesię visibilis forma, & fidei professio cum simili Sacramentorum vsu, prout ipsi docent & seruant, & à quibus ipsi ista omnia immediatē acceperint; à quā demonstratione nunc sese exculant, dicentes: quod quidem haud dubiē semper aliqui fuerint, qui ista sic tenuerūt, & quidem etiam proximē ante illos: sed quod occultē latuerunt soli Deo cogniti: ipsi autem à Spiritu Sancto docti & excitati rursus incipiant veram Dei Ecclesiam in lucem reproducere: atque ita faciunt veram, quam vocant Ecclesiam, aliquando visibilem in visibilitate deficere.

88 Sed contra eos sit hæc Conclusio: Ecclesia visibilis, præter quam nulla est alia vera Dei Ecclesia militans, non potest deficere, multò minus vnquam defecit: vnde neque potest in necessarijs errare. Probatur primò ex Scripturis veteris Testamenti, in quibus prænantiantur magnitudo, splendor, & soliditas ac perpetuitas Ecclesię Christi, siue noui Testamenti: Ps. 47. *Sicut audiuiimus, sic vidimus in ciuitate Domini virtutum: in ciuitate Dei nostri: Deus fundauit eam in æternum, &c. Secundum nomen tuum Deus, sic & laus tua in fines terræ.* Vbi in eo quod dicitur: *Sicut audiuiimus, sic vidimus*, explicantur reluctance & manifestatio siue manifesta visibilitas huius ciuitatis, quæ Ecclesiam designat: In eo quod dicitur: *Deus fundauit eam in æternum*, significatur eius indefectibilitas: sicuti & in eo quod additur: *Sic & laus tua in fines terræ*, prædicatur eius amplitudo & vniuersalitas per totum orbem: locus autē vbi accipiet originem hæc splendidissima Ecclesię forma, indicatur quando dicitur ibidē: *Suscipimus Deus misericordiam tuam in medio templi tui: sicut in Ierusalem.* Psal. 88. *Thronus eius sicut sol in conspectu meo, & sicut Luna perfecta in æternum:* & ibidem: *Posam*

in sæculum sæculi semen eius, & thronum eius sicut dies celi. Vbi iterum manifestissimè promittit Deus Ecclesię indefectibilitatem & perpetuam eius visibilitatem. Itaq; 61. *Et sœdus perpetuum feriam eis: & scient in gentibus semen eorum, & germen eorum in medio populorum, omnes qui videbunt eos, cognoscent illos: quia isti sunt semen cui benedixit Dominus.* Et ne quis forsitan dicat has promissiones frustrandas effectū suo propter peccata filiorum Ecclesię, addit Plalm. 88. citato: *Si dereliquerint filij eius legem meā, &c. Et mandata mea non custodierint, &c. Visitabo in virgā iniquitates eorum, & in verberibus peccata eorum, misericordiam autem meam non dispergam ab eo, neque nocebo in veritate mea: & paulò infra: Neque profanabo testamentum meum, & quæ procedunt de labijs meis non faciam irrita, Danielis cap. 2. In diebus regnorum illorum suscitabit Deus celi regnum quod in æternū non dissipabitur, &c. & ibidem: Regnū illud prægnatur in lapide qui excisus est sine manibus & factus est mons magnus, & impleuit vniuersam terram: atqui magnus mons qui vniue: implet terram non potest non videri: cuius etiam stabilitas significatur, quando dicitur regnum per montem hunc significatum in æternum non esse dissipandum: eisdē &c.*

89 Probatur Secundò ex Scripturis noui Testamenti: Matth. 16. *Et super hanc Petram ædificabo Ecclesiam meam: & portæ inferi non præualebunt aduersus eam.* Vbi sermonem esse de Ecclesiā visibili ex eo patet; quia constituitur & ponitur fundamentum visibile ipsius Ecclesię, de quā Christus loquitur. Perpetuitas autem illius in eo significatur, quod dicitur: *Et portæ inferi non præualebunt aduersus eam:* nam haud dubiē aduersus eam præualerent, si ad defectum seu interitum aliquando eam redigerent.

1. ad Timoth. cap. 3. *Itac tibi scribo, vt scias quomodo oporteat te conuersari in domo Dei, quæ est Ecclesia Dei viui, columna & firmamentum veritatis.* Hic docuit Apostolus quomodo Timotheus Episcopus deberet in Ecclesia conuersari, tam quoad mores, quam quoad doctrinam, quæ frustra scriberentur illi si non posset Ecclesiam videre & nosse in quā oporteat eum sic conuersari. Est igitur sermo de Ecclesia visibili & eam dicit Apostolus esse columnam & firmamentum veritatis: non potest igitur Ecclesia visibilis deficere aut aberrare. Ad Ephes. 4. *Et ipse dedit quosdam quidem Apostolos, quosdam autem Prophetas: alios verò Euangelistæ: alios autē Pastores & Doctores ad confirmationem Sanctōrum in opus ministerij, in ædificationem corporis Christi donec occurramus omnes in vnitatē fidei, & agnitionis filij Dei, in virum perfectum, in mensuram ætatis plenitudinis Christi,*

L ij vbi

vbi Apostolus aperte docet, permansura in Ecclesiâ Pastorum & Doctorum ministeria ad continuam ædificationem Corporis Christi vsque ad iudicii diem; & proinde Ecclesiam in suâ visibilitate quoque perseveraturam vsque ad mundi finem. Matth. ultimo: *Ecce ego vobiscum sum omnibus diebus vsque ad consummationem sæculi.* Hic Christus Ecclesiæ visibili, scilicet Apostolis & reliquis discipulis tum Ecclesiæ Rectores constitutis, loquitur & promittit quod ad finem vsque sæculi sit futurus cum illis: quandoquidem verò isti homines in suâ persona non erant in hoc mundo permansuri vsque ad sæculi consummationem, necesse est dicere hanc promissionem pertinere simul ad eorum successores.

90 Vnde hunc locum de perpetuâ Ecclesiæ duratione intelligit D. Leo epist. 31. ad Pulcheriam Augustam; & D. August. in Psalm. 101. Concione secunda disputans contra Donatistas, qui volebant visibilem Ecclesiam aberrasse & defecisse, ac in solis quibuldam iustis in Africâ remansisse. Hinc ita scribit: Sed illa Ecclesia quæ fuit omnium gentium, iam non est? perijt? Hoc dicunt, inquit, qui in illâ non sunt: O impudentem vocem! Illa non est, quia tu in illâ non es? vide ne tu ideo non sis, quia illa erit etsi tu non sis. Et infra sic inducit Ecclesiam loquentem: *Quamdiu ero in isto sæculo? annuntia mihi propter illos qui dicunt: fuit & iam non est: annuntiavit: nec vacua fuit vox ista, Ecce ego vobiscum sum vsque ad consummationem sæculi.* Similia habet in Psalm. 147. & lib. de vnitæ Ecclesiæ cap. 13. & 20. Divus Bern. quoque serm. 79. in Cantica ad illa verba: *Tenui eum, nec dimittam illum,* &c. Ita est, inquit, & tunc & deinceps non deficit genus Christianum, nec fides de terrâ, nec charitas de Ecclesiâ: venerunt flumina, flauerunt venti, & impegerunt in eam: & non cecidit: eò quod fundata sit super Petram: Petra autem erat Christus. Itaque nec verbositate Philosophorum, nec cavillationibus hæreticorum, nec gladiis persecutorum potuit ista, aut poterit aliquando separari charitas &c. vbi manifestè loquitur de Ecclesiâ visibili, quia contra invisibilem, quam fingunt hæretici, non pugnant verbositates Philosophorum, nec cavillationes hæreticorum, neque persecutorum gladij.

91 Idem Tertiò Probari potest ex parabolis Ecclesiasticis de aræ: de lagenâ missâ in mare: de agro: de ouili. Aræ enim in quâ sunt paleæ cum frumento, Rete quo trahuntur boni & mali pisces: Ager in quo creverunt triticum & zizania, & ouile in

quo sunt oves & hædi, designant Ecclesiâ & quidem externam ac visibilem: quod nec hæretici possunt negare: quia in suâ Ecclesiâ invisibili malos esse negant: atqui eadē parabolæ docent Ecclesiam, quam denecant, non interitutam: sed perseveraturam talem, ut bonos & malos complectatur & proinde visibiliter quoque apparituram vsque ad diem iudicii. Nam Mar. 3. dicitur: *Et permundabis arcam suam, & congregabis triticum suum in horreum: paleas autem combures igni extinguibili:* quod manifestè ad diem iudicii retetur: & Matth. c. 13. *Sinite vtrique crescere vsque ad messem:* & infra exponit Dominus Apostolis: *Messis verò consummatio sæculi est:* Item ibidem post narratam parabolam de lagenâ missâ in mare, additur: *Sic erit in consummatione sæculi: exibunt Angeli & separabunt malos de medio iustorum &c.* Similiter Matth. 25. ostenditur, quod in die iudicii separabuntur hædi ab ovibus: ergo Ecclesia illa quæ promiscuè congregat & complectitur bonos & malos sine intermissione & defectu durabit vsque ad finem sæculi.

92 Neque tantum Ecclesia novi testamenti ab adventu Christi indefectibilis est, & indefectibiliter visibilis, de quâ potissimum loquuntur testimonia hætenus allegata: sed neque a tempore quo cepit Ecclesia esse, vnumquam defecit in se, aut in visibilitate, etiam ante tempora novæ legis: quod breui deductione declaratur: quia iuxta veriorum & magis communem sententiam, cepit Ecclesia in primis parentibus à lapsu ipsorum, quando per merita agni, qui dicitur occisus ab origine mundi, ipsi educati sunt ex peccato, & ad fidem reuocati, si modo dicendi sint fidem in lapsu amisisse, ut quidam volunt: quibus fauet D. Prosper responsione ad dubium tertium Genuensium: D. August. lib. 14. de Civitate cap. 17. Ambr. lib. 5. epist. 33. & Tertull. lib. 2. adversus Marcionem: quum hi Patres benè aliquam admittant aliā expositionem: Aut certè quando ex Redemptoris meritis hoc ipsum concessum est; ut in Adamo peccante donum fidei conservaretur, nō obstante eius demerito, idque iuxta eos qui existimant Adamum non amisisse fidem.

93 Sic Ecclesiæ origine constitutâ ostenditur ab inde non defecisse: quia vixit Adam vsque ad tempora Enoch, qui cum Deo ambulasse legitur: Interea autem Adam & filij eius fidem Dei professi sunt, & etiam muneribus & sacrificijs Deum coluerunt, ut legitur Genesios capite 4. *Factum est autem post multos dies, ut offerret Cain de fructibus terra munera Domino: Abel quoque obtulit de primogenitiis gregu, &c.* Enoch

Enoch autem translatus non fuit ante dies Lamech, qui genuit Noë magnum & nominatissimum Dei Cultorem, A Noë autem perseverante Ecclesiam usque ad Abraham declaratur: quia Noë vixit tempore usque; ad annum 60. Abraham: & Sem filius Noë vixit etiam post Abraham. Iam vero vltimus manifestum est ex Scripturis, fidem perseverasse in posteris Abraham usque ad mortem filij eius Ioseph. Similiter à morte Ioseph usque ad Moysen perseverasse dubitari non debet: in primis quia paucæ, scilicet tres, interceperunt generationes: & quod parentes Moysi fuerint fideles, colligi potest ex Apostolo ad Heb. 11. vbi dicitur quod fide Moyses, iam natus, fuerit à parentibus occultatus matribus tribus &c. Deinde Exodi c. 2. dicitur quod filij Israël ingemiscientes, vociferati sunt: & quod clamor eorum ascenderit ad Dominum, quodque Dominus audierit gemitum ipsorum. A tempore autem Moysi, qui legem accepit à Domino, deductio clara est usque ad Christi tempora, quod penes populum Iudeorum fuerit fides & cultus vnus Dei.

94 Ab initio igitur, quo homines ex peccatis & tenebris ad fidem sunt vocati (à quâ vocatione ipsa Ecclesia nominatur) nunquam ad hæc usque tempora delixit ipsa esse in se, aut in suâ externâ apparentiâ & visibilitate.

95 Sed contra Obijcitur Primò: Antiquis temporibus videtur aliquoties defecisse: Confirmatur primò, quia tempore Moysi, Aaron Summus Sacerdos proposuit vitulum constabilem adorandum, & totus populus clamavit: *Isti sunt dii tui Israël*: ergò tota Ecclesia apostatauit à fide & cultu vnus Dei: Secundò, quia Elias 3. Regum 19. dicit: *Derelictus sum ego solus, & Dominus ad eum: Et derelinquam mihi in Israël septem millia viro- rum, quorum genua non sunt curuata ante Baal*: ergò fuit saltem Ecclesia tunc occultata & omnino inuisibilis facta, cum ne Elias quidem illos fideles & Dei cultores nouisset. Tertio, quia dicitur Isaïæ c. 1. *Cognouit bos possessorem suum, & asinus præsepe Domini sui: Israël autem me non cognouit*. Et Ierem. cap. 2. *Confusi sunt domus Israël, ipsi & reges eorum, Principes, & Sacerdotes, & Propheta eorum, dicentes ligno: Pater meus es tu &c. Quid vultis mecum iudicio contendere: omnes dereliquisti me, dicit Dominus*: ergò &c.

96 Respondetur Neg. Aff. Ad primâ confirmationem, Respondetur, eo tempore, neque Caput, neque totum corpus Ecclesiæ defecisse: nam Caput Ecclesiæ ex Iudeis quæ erat illustrior, tunc erat Moyses, quem certum est non aberrasse nec defecisse in fide, vel cultu veri Dei: Aaron siquidem tunc

nōdum erat Summus Pontifex: quia c. 40. Exodi demum sic Pontifex. Non etiam corpus totum; nam Lenitæ fuerunt immunes ab illâ Idololatria, vt patet ex c. 32. Exodi, vbi dicit Moyses: *Si quis est Domini, iungatur mihi: congregatique sunt ad eum omnes filij Leui*.

Ad Secundam Confirmationem Respondetur, antiquis temporibus Ecclesiâ populi Iudaici in primis non fuisse Ecclesiam vniuersalē, sicuti modò est Ecclesia Christianorum: sed particularem, quamvis notior & notabilior pars esset. Vnde etiam extra Abraham sobole inuenti fuerunt fideles & iusti, vt Melchisedech, Iob, & alij. Quare et si Synagoga siue populus Iudeorum totus apostatasset, non tamē inde conuinceretur Ecclesiam aliquando totam defecisse. Sed Secundò Respondetur, neque Ecclesiam in toto populo Iudaico tunc defecisse, aut inuisibilem factam fuisse: quia non loquitur Elias de omni populo, sed tantum de illâ parte, quæ subiecta erat Regi Samarig: vnde etiā dixit Dominus illi: *Et derelinquam mihi in Israël septem millia viro- rum &c.* quatenus Israël scilicet contra Iudā tunc distinguebatur. Constat enim ex eodem 3. lib. Regum, tempore Eliæ in Hierusalem regnasse Aza & post illū Iosaphat (qui in Scripturâ commendantur) & sub illis fuisse, & populum, & Sacerdotes persistentes in verâ religione.

98 Sed contra replicari potest, quod Elias conuerterit Altaria esse destructa, atqui apud Iudæos siue Samaritanos non erant Altaria legitima, sed Idololatrica, de quorū destructione non potuisset Elias conuertere: ergò generaliter loquitur de toto populo Iudeorum. Et Probat, quia etiam de Aza & Iosaphat dicit Scriptura, quod excelsa non abstulerint: item quod fœdus fecerint cum impijs: ergò &c. Respondetur huic difficultati optimè posse satisfieri ex Lyrano ad illum locum, vbi sic scribit: Non loquitur, inquit, hic de altaribus quæ erant in Hierusalem, scilicet altare incensi & altare holocaustorum; quia illa manebant: sed de altaribus quæ fuerant facta in excelsis, tempore quo licitum erat, ibi immolare Deo ante ædificationem templi: & licet post ædificationem templi non esset licitum ibi Deo immolare, nisi ex speciali dispensatione Dei, tamen minus malū erat ibi Deo immolare, quā idolis. Itē, inquit, destructa fuerant in contemptu Dei, & in idololatriæ exaltatione: & propterea Elias plangebat eorū destructionē. Conuerterit itaq; & dolet Propheta: quod populus iste Israheliticus tanta procliuitate, & insaniā ad idola raperetur, vt omnia Altaria & quid quid reliquū erat diuini cultus destrueret.

L iij non

non ex zelo bono, quia altaria ista essent prohibita; sed in contemptum & abiectionem Dei sui: ubi erat sine dubio iusta querelæ causa.

Ad id quod in probationem adducitur, dicendum est: ex eo quod Reges illi tolerauerint excelsa in terris suis per dissimulationem, non posse convinci, eos non fuisse veræ religionis cultores, præsertim cū eos Scriptura quoad reliquam viuendi rationem commendat; sed solum colligi, quod vel fuerint nimis eā in parte pusillanimes, aut non sufficienter pro diuinæ lege zelosi. Multo autem minus idem convinci potest ex eo, quod cum impijs fœdus inierint, licet in hoc malè egerint.

99 Ad Tertiam Confirmationem ex Isaia & Ieremia Respondetur: Prophetas & Apostolos frequentius reprehendere vniuersum populum, quasi nemo sit bonus, licet permulti adhuc boni sint: & è contra etiam collaudare & consolari aliquando, quasi sint omnes boni, etsi in illo sint multi mali: qui enim in communi scribit, aut loquitur communitati, solet siue redargutionem, siue collaudationem sæpius generaliter sisti per materiæ rationem, quæ tractat: si vel vitium aliquod graviter regnet, aut virtus aliqua vel bonum opus notanter in Communitate emineat: etsi neutrum absolute habeat locum in omnibus. Sic Ezechiel cap. 3. dicitur omnis Israël attrita fronte esse & duro corde. Et tamen capite 9. dicitur: signum 7 super frontes virorum dolentium & gementium super vniuersas abominaciones &c. ad Gal. cap. 3. O insensati Galatæ qui vos fascinauit non obedire Evangelio? & cap. 6. Fratres etsi præoccupatus fuerit homo in aliquo delicto, vos qui spirituales estis, &c. Sic igitur etiam accipienda sunt verba allegata Isaia & Ieremæ. Quam doctrinam & solutionem tradit August. lib. de Vnitate Ecclesiæ cap. 12. & lib. contra Donat. post collationem cap. 20.

100 Obijciunt Secundo: Arrianorum tempore videtur Ecclesia defecisse, nam scribit Hier. in dialogo contra Luciferianos: Ingemuit orbis totus; & se esse Arrianum miratus est: & Hilari. lib. contra Auxentium circa finem scribit: Malè vos parietum amor corripit: malè Ecclesiam Dei in tectis ædificijs veneramini; malè sub his, pacis nomen ingeritis: montes mihi, & lacus, & carceres, & voragines mihi sunt tutiores: ergo secundum Hilarium ea, quæ tunc apparebat Ecclesia, non erat vera Ecclesia: sed hæc, in abstrusis latebat.

101 Respondetur Neg. Ass. ad Hier. verò Respondetur, quod dicat, orbem ingemuisse, non Christianos omnes: idque quia

multi ex Episcopis Catholicis, qui ad Conc. Ariminensē conuenerant, fuerint ibidem ab Arrianis quādam vocis obsecratione, decepti, & sic cum illis decreuerint nomen *quodum* è simbolo esse tollendum: qui postquam melius vim & proprietatem huius nominis intellexerunt, de sua deceptione & facto indoluerunt: sed idcirco sine dubio non fuerunt isti hæretici, nec à fide aberrantes: sed tantummodo laborantes ignorantia significationis istius vocabuli. Dicit tamen Hier. quod orbis se Arrianum esse nigratus sit: non quod verè & formaliter hæretici Arrii præbuisent illi assensum: sed quia propositioni hæreticæ ex ignorantia significationis subscripsissent, aut subscribendo approbassent: & forsitan postmodum ita quoque apud suos document: ubi autem melius significationem illius vocabuli apprehenderunt, tunc mirati sunt & ingemuerunt, quod sic ignoranter hæresim salutem materialiter approbassent. Quod vero Hieron. non velit Ecclesiam tunc totam factam Arrianam, patet ex adiunctis: quia dicit, quod nauicula Apostolorum periclitabatur, non quod submersa erat.

Ad Hilarium, Respondetur, Eum agere aduersus Auxentium Episcopum Arrianum, qui apud Mediolanenses potestate & viribus præualens occupabat Ecclesias & templa, ibidemque callidè hæresim disseminabat, ita vt à suis agnosceretur Arrianus, & à Catholicis simplicioribus haberetur Catholicus: qui inter cætera pro se & sua doctrinā videtur vsus fuisse etiam hoc argumentum: quod ipse doceret in antiquis templis, & ordinarijs suggestibus, aut Cathedralis: ac in consuetis Ecclesijs sacras suas functiones administraret: Cum è contra Sacerdotes Catholici ab hæreticis oppressi cogerentur in locis occultioribus sua sacra facere. Respondet itaque Hilarius, non esse populo attendendum ad parietes & ædificia, ac recta temporum: quia scilicet ab hæreticis in istis locis erant occupata: sed in tali Prouinciā melius ac tutius esse in montibus & latebris adherere sanæ fidei doctoribus: quia licet isti tenerent antiqua templa, non tamentenebant antiquam & orthodoxam doctrinam. Ex quo non sequitur quod Ecclesia vniuersaliter fuerit facta inuisibilis, quia loquitur Hilarius tantum de Mediolanensi districtu: non negamus autem quin fieri possit, quod Ecclesiā in vno aliquo loco siue regno, aut Prouinciā possit aliquando quasi inuisibilis fieri, aut etiam deficere. Sed tamen nequidem id de facto sic ibi euenisse ex Hilario conuincitur: nam & modò si hæretici qui in Angliā, aut Hollandia

102

landia imperant, vellent gloriari penes se esse veram fidem & religionem; quia antiqua templa occupant, posset illis idem dici, quod Hilarius respondit Auxentio: nec propterea sequeretur, quod vel ibi Ecclesia Catholica idcirco sit inuisibilis, cum adhuc passim cognoscatur, & quasi digito demonstraretur ab omnibus.

103 Obijcitur Tertio: D. Chrys. hom. 49. in Matthæum docet, aliquando nullum esse viuisibile signum, quo vera Dei Ecclesia cognoscatur, & ideo tunc solum ad Scripturas esse recurendum: ergo &c.

Respondetur hominam illam citari ex opere imperfecto, quod vel habet authoritatem hæreticæ Arrianum, vel certe fuit ab hæreticis deprauatum: nam & hom. 48. Homousianos vocat hæreticos: ubi est aperta confessio hæresis Arrianæ.

104 Obijcitur Quarto: Tempore Antichristi Ecclesia omnino obscurabitur, & reddetur inuisibilis: quod D. August. epistolâ 80. ad Helichium videtur interpretari prædictum in illis verbis Matth. 24. ubi dicitur: *Sol obscurabitur, & luna non dabit lumen suum, & stellæ cadent de cælo*; ad quæ verba loco citato scribit: Ecclesia, inquit, non apparebit, impijs tunc persecutoribus ultra modum sæuientibus: & Confirmatur ex illo Lucæ cap. 18. *Filius hominum veniens, putas, inueniet fidem in terra?* & ex Paulo 2. ad Theital. cap. 2. *Nisi venerit discessio primum, & reuelatus fuerit homo peccati*: ubi Apostolus significat ante iudicii diem debere præcedere discessionem, siue Apostasiam à fide: & sic Ecclesiam defecturam.

105 Respondetur: Possè concedi quod vltimis istis temporibus obscurabitur aliquo modo Ecclesia, hæcenus quidem quod non erit in tanto splendore vbique; nec ita in publicis locis ac templis poterit passim omnia sua sacra peragere, sicuti modò: nec erit tam frequens & copiosa in fidelibus filijs, sicut multis alijs temporibus. Sed negandum est, quod vel absolutè deficiet, vel totaliter obscurabitur, vt videri & cognosci nequeat. Ad Diuum Augustinum itaque dicendum est, non aliud velle illum docere, quàm quod modo iam explicato Ecclesia obscuranda sit: nam & quando dicitur, sol obscurari, aut obnubilari, vel luna non dare lumen suum, non significamus, quod vel in se deficiant, vel quod planè & omni modo inuisibiles efficiantur: sed quod minus resplendant, & non ita sese ostendent: Quòd verò August. non existimauerit Ecclesiam tunc ita obscurandam, vt planè abscondita inuisibilis lateret, patet ex adiunctis: quia dicit, quod in eam læuisc persecutores, & quod ex illis qui gratiâ fulgere videbantur stel-

larum initar, multi persecutionum metu cadent, & quod etiam fortissimi turbabuntur: non læuiscnt autem in eam persecutores, nisi illum viderent: neque neliæ Ecclesiæ conspicerentur cadere, nisi Ecclesia cognoscereetur, & quidam de Ecclesia tanquam eius quædam luminaria fulgere cernerentur. Vnde idem Augustinus dicit: quod etiam tum in suis humilissimis, Ecclesia eminebit.

Ad verba Lucæ, Respondetur Christum non significare, quòd nullam fidem inueniet; sed quod charitate refrigerente, & persecutoribus grauioribus humil ingruentibus, fides in pluribus emoriatur & deficiet, non tamen in omnibus: nam & fortes aliquos ac constantes futuros etiam vltimis temporibus, significat Dominus: quando propter electos docet dies illos abbreviandos, qui proinde ad finem vsq; non deficient. Ad Diuum Paulum Respondetur: Iuxta Chrysostomum, Theodoretum, Oecumenium in locum illum, & Diuum August. lib. 2. de Ciuitate cap. 19. nomine *discessionis*, ibi intelligi ipsam Antichristum per metonymiam sic appellatum; quia causa erit quod plurimi cedent, & apostatabunt à Christo: non tamen omnes abducent, quia vt diximus, propter electos abbreviati sunt dies isti: & sic accipiendo, tunc quod sequitur: *Et reuelatus fuerit homo peccati*, erit explicatio prioris. Quidam verò nomine, *discessionis*, intelligunt ipsam defectionem, quam Antichristus causabit: quæ tamen non erit absolutè generalis, sed multorum ac generalis omniū istorum qui tum erunt in Ecclesiâ occulti hæretici & infideles, vt docent quidam veteres apud August. loco supra citato: quia Antichristo veniente, omnes illi recedent, & se ei adiungent, Amb. autem, Sedulius, & nonnulli alij per *discessionem* intelligunt defectionem à Rom. Imperio. Quocumque autem modo verba accipiantur, non significant Ecclesiam totaliter defecturam, aut ita defecturâ, vt incognita aut inuisibilis efficiatur.

Ex dictis colligi potest, ac consequens est, quod in conclusione adieciimus, scilicet quod non possit quoque Ecclesia in necessarijs errare, scilicet in sana fide, vt vel falsum aliquid tanquam fide proponat credendum, vel aliquem fidei articulum abneget vel anathematizet: neque in tradendis decretis quæ ad bonos mores spectant, secundum sensum supra explicatum: neque enim esset columna & firmamentum veritatis si in talibus posset aberrare: sed hæc latius supra in Tractatu de Concilijs explicata existunt.

D V B I V M IV.

*De notis, siue externis signis, ex quibus
licetprehendere & cognoscere
veram Christi Ecclesiam.*

108 **D** Iuus Augustinus lib. cōtra epistolam Fundamenti cap. 4. ita de his scribit: Multa sunt, inquit, quæ in eius (scilicet Ecclesiæ Catholicæ) gremio me iustissimè tenent: quæ paulò infra appellat, Christiani nominis charissima vincula.

109 **C**alvinus autem lib. 4. Institutionum cap. 1. §. 9. & sequentibus, ac plerique huius temporis Sectarij, constituunt eiusmodi duas Ecclesiæ notas, scilicet sinceram verbi Dei prædicationem, & sincerum usum Sacramentorum. Sed licet hæc duo sint quædam veræ Ecclesiæ qualitates inseparabiliter eam concomitantes, non tamen rectè constituuntur aut constitui possunt notæ ipsius Ecclesiæ: quia æquæ aut magis obscurum est, penes quos sit sincera prædicatione verbi Dei, & sincerus ac legitimus Sacramentorum vsus; ac penes quos sit Ecclesia: unde omnes Sectar, quantumvis in doctrinis suis, & in Sacramentorum vsu & numero, maximè repugnent, iactitant tamen penes se illa duo repetiri. Quæ autem assignantur ut notæ rei alicuius, ex quibus liceat aut oporteat rem cognoscere, debent esse talia ut evidenter in re appareant, & faciliè videatur an & cui rei conueniant, & cui non.

110 **V**nde D. August. loco ante citato inter vincula Christiani nominis, siue notas Ecclesiæ, noluit allegare sincerissimam sapientiam quæ in Ecclesiâ Catholicâ reperitur: quia non tam evidens est, quin aduersarij negarent eam Ecclesiæ Catholicæ competere, & sibi non dubitaret eam adscribere. Quare nec debent, nec possunt quoque pro notis Ecclesiæ assignari ista duo prædicta, de quibus tanta est controversia, ubi & penes quos reperiantur, quæ de ipsâ Ecclesiâ timo Tertull. lib. de Præscript. vult ut per ipsam Ecclesiâ cognoscamus, quæ sit vera & sincera Christi & Apostolorum doctrina: sic enim scribit: Quid prædicauerint Apostoli, quid illis Christus reuelauerit, & hoc perferitam non aliter probari debere, nisi per easdem Ecclesias, quas ipsi Apostoli condiderunt, &c.

111 **C**allidè itaque hæretici lucem odientes (qui studia, & opera illorū mala sunt) statuunt eiusmodi obscuriores & controuersij obnoxias penes quos reperiantur, Ecclesiæ notas: Si enim proprias, simul &

evidentes ponerent, sicut D. Aug. supra, D. Hier. in dialogo contra Luciferianos, & alij, mox seipsos confunderent, & omnibus manifestum facerent penes ipsos nihil minùs, quam veram Dei Ecclesiam reperiri.

Catholici igitur lucē amantes, assignant alias euidenter cognoscibiles: quidam plures, quidam pauciores. D. August. loco citato indicat has quatuor generales quæ in Symbolo Constantinopolitano exprimuntur, & communiter assignari solent: scilicet quod Ecclesia sit VNA, SANCTA, CATHOLICA, & APOSTOLICA: sic enim ibidem scribit: Tenet me (scilicet in gremio Ecclesiæ) consensus populorum (quæ spectat ad Ecclesiæ unitatem) tenet autoritas miraculis inchoata, spe nutrita, charitate aucta, vetustate firmata, (quæ spectat ad Ecclesiæ sanctitatem) tenet me ab ipsâ Sede Petri Apostoli, cui pascenda oues suas post resurrectionem Dominus commendauit, vsque ad præsentem Episcopatum successio Sacerdotum: (ubi significat quod Ecclesia sit Apostolica) tenet postremò (inquit) ipsum Ecclesiæ Catholicæ nomen, quod non sine causâ inter tam multas hæreses, ista Ecclesia obtinuit: ut cum omnes hæretici Catholicos se dici velint, quærenti tamen peregrino alicui, ait, ubi ad Catholicam conueniatur, nullus hæreticorum vel basilicam suam vel domum audeat ostendere. Ita D. August.

113 **E**x recentioribus autem Scriptoribus, qui particulariùs explicant, & latius deducunt prædictas quatuor generales notas, & nostræ Ecclesiæ competere ostendunt, licet colligere duodecim magis particulares, quæ tamen ad istas generales reuocari possunt: & sunt hæc: Constans unio partium sine membrorum inter se, & cum Capite suo: Conformitas siue consensus doctrinæ quæ nunc est cum doctrinâ antiquorum: Continuatio non interrupta: Sanctitas & vitæ Innocentia eorum qui religionem & fidem propagarunt, & in eâ formâ in quâ nunc obseruantur, coluerunt: Miraculorum donum & operatio: In ipsâ doctrinæ efficacia: Doctrinæ puritas quoad mores: Lumen prophetiæ: Successio Episcoporum continua in Romanâ Sede, quam magistrâ & Caput omnium Ecclesiarū agnoscimus: Antiquitas: Multitudo credentium ex omnibus nationibus & locis: Ipsum denique Ecclesiæ Catholicæ nomen, quod veræ Christi Ecclesiæ semper ab omnibus fuit attributum, non sic quibuscumque hæresibus aut sectis.

114 **P**rima pertinet ad Ecclesiæ unitatem, caurque

eamque potissimum constituit: nam corporis unitas consistit in coniunctione membrorum cum capite, & ipsorum inter se. Ad eandem etiam reduci possunt secunda & tertia: quatenus scilicet Ecclesia non tantum una est, prout hoc tempore existit: sed quatenus etiam una seculum est per modum continui successiui, ut fuit ab initio usque ad hoc tempus. Et quid Ecclesiam debere esse unam, patet ex Scripturis quæ dicunt esse unum corpus ad Rom. 12. esse unam sponsam, Canticorum 6. *Esse unum quile*, Ioannis 10. & assimilant eam regno & familiæ, quæ etiam debent habere suam unitatem, alioquin non subsistunt: hinc veteres semper pro notâ Ecclesiæ habuerunt coniunctionem ceteris cum capite, scil. Rom. Pontifice. Irenæus lib. 3. cap. 3. Hieron. in epistola ad Damasum de nomine hypostasis: & in Epitaphio Marcelle. Cypr. lib. 1. epistola 3. & lib. 4. epist. 8. ubi de Cathedra Petri loquens scribit: Scimus hortatos nos esse, ut Ecclesiæ Catholicæ matricem & radicem agnoscerent & tenerent. Optatus lib. 2. contra Parmen. à principio per aliquot paginas, docet Ecclesiæ Christi dotem primam & præcipuam esse Cathedram Petri, quæ Romæ est: & inde ostendit Donatistas non pertinere ad veram Ecclesiam, quia non essent coniuncti cum Siricio Papa, qui tunc sedebat in Cathedra Petri: Augustinus epistola 162. de Cæciliano Episcopo qui impetebatur à Donatistis, scribit: Quod possit non curare conspirantem multitudinem inimicorum, cum se videret Rom. Ecclesiæ, in qua semper Apostolicæ Cathedræ viguit principatus, per communicatorias litteras esse coniunctum. Vide eundem in Psal. contra partem Donati. Leo epistola 87. ad Episcopos Viennensis Prouinciæ, & alij plures, quos licet requirere supra in tract. de Pontifice.

315 Quin & experientia docet, omnes illas Ecclesias seu populos, qui in fide & religione se diuiserunt ab isto Capite, mox tanquam ramos auulsos aut præscissos continuo arescere: Ecclesiæ enim Asiæ & Africæ quæ quondam ita floruerunt, ut frequentissima celebrarent Concilia, & semper haberent plurimos viros cum doctrinâ, tum sanctitate præcellentes: ab eo autem tempore quo ab Ecclesiâ Rom. fecerunt diuisionem & Schisma, omiserunt celebrare Concilia, neque habuerunt sic vitæ sanctitate aut doctrinâ viros celebres, & toti orbi notos sicut prius. Euidens quoque est coniunctionem membrorum inter se, signum esse regni Christi & veræ Ecclesiæ: nam & Christus illam nobis dedit notam, quando Ioannis 13. dixit, in hoc co-

gnoscebdos discipulos suos, si dilectionem habuerint ad inuicem: & sæpius pacem suam Ecclesiæ promisit, quam & eidem in Apostolis dedit Ioannis cap. 14. dicens: *Pacem relinquo vobis: pacem meam do vobis. Neque enim est dissensio Dei, sed pax*, ut dicitur 1. ad Cor. 14. *Et omne regnum in se diuisum destrahitur*, ut dicitur Matth. 12. Et ideo vt scribit August. lib. 18. de Ciuitate cap. 52. Diabolus summo opere laborauit per hæreticos efficere, vt in Ecclesiâ Christi essent liberæ dissensiones (ad quod etiam modò multi eius ministri contendunt) quomodo erant in Academicis Philosophorum, ut quemadmodum hæ per multam tandem diuisiones ab inuicem consumuntur & intereunt; ita fieret quoque in Ecclesia Dei.

116 Vtramque verò coniunctionem inesse ac conuenire Corpori Ecclesiæ catholicæ, in quâ versamur, faciliè ab omnibus videri potest: siquidem in primis Ecclesia nostra constanter fuit omnibus sæculis vnita & coniuncta illi, cui dixit Christus: *Pascite oues meas*: eiusdemque cathedræ & successoribus, quod nec aduersarij dissiteri possunt: quemadmodum & modò coniungitur & vnitur. Deinde Catholici omnes toto orbe dispersi de omnibus fidei dogmatibus idem sentiunt: easdem Leges vniuersalis Ecclesiæ recipiunt, atque ita in vnitate fidei, & morum qui ad religionis capita pertinent, omnino conueniunt: quod nulla vnquam secta qualiscumque religionis, siue gentilium, siue hæreticorum obtinere potuit, ut ex Scriptoribus cum antiquis, tum modernis manifestissimè constat.

117 Et quidem de sectis paganorum, ac Philosophorum gentilium id ostendit D. August. homil. 11. De verbis Domini; & lib. 18. de Ciuit. cap. 41. & D. Basil. Oratione prima de opere sex dierum, ubi dicit, non esse opus ut nos pugnemus contra Philosophos, cum illi mutui dissensionibus sufficiant ad suam ipsorum doctrinam euerendam. Idem de primis hæresibus, ut Simonis Magi & aliorum subsequenter demonstrant Irenæus lib. 1. cap. 21. & alij quot sequentibus: Epiphanius hæresi 80. & Theodoretus lib. 4. de Hæreticorum Fabulis: Diuus Augustinus libro 1. de Hæresibus cap. 46. Et lib. 1. de Baptismo cap. 6. scribit hæresim Donatistarum in multa minutissima frusta concilium fuisse suo tempore. Quomodo autem Ariani mox fuerint diuisi, scribit Rufinus lib. 1. Hist. cap. 25. de quibus etiam testatur S. Hilarius in vtroque lib. ad Constantinum, quod singuli se pene annis mutarent fidem. Denique quam diuisa statim fuerit hæresis Lutheri, & quomodo hæreses inde exortæ quotidie

quotidie inter se discindantur, magis cunctis notum est, quàm vt authoritate probari indigeat: ita vt de omnibus ex Luthero ortis non incommode dicatur, quod scribit Irenæus de Valentinianis: quod cum essent plurimi, vix duo aut tres conuenire reperiebantur in suis dogmatibus omnibus.

118 De conformitate autem doctrinæ cum doctrinâ antiquorum, qui veram Ecclesiam omnium consensu tenuerunt, nemo potest dubitare, quin ea sit certissima Ecclesiæ Christi nota. Constat verò etiam aduersariorū confessione, eos quos Ecclesia Catholica modò recipit Scriptores, & Doctores Ecclesiasticos ac Pontifices, qui saltem primis 400. aut 500. annis post Christum vixerunt & scripserunt, tenuisse, ac constituisse veram Ecclesiam. Quod autem doctrina Ecclesiæ Catholice huius temporis concordet cum doctrina istorum, euident est: quia omnia dogmata fidei; & Scripturas ipsas ab illis accepimus & hausimus: ac in omni difficultate aut dubietate, quæ oritur, & contradictione quæ opponitur, ad illos refugimus: vt ex ipsis difficultatem resoluamus aut determinemus, & contradicentium argumenta reiiciamus: quod sufficienter constat ex totâ doctrinâ fidei, & ex omni Theologiâ Ecclesiæ, quæ vbique, siue in Scholis ex Cathedrâ, siue in templis ex suggestu Christiano populo traditur & docetur: Tota enim finaliter in litteris sacris & in antiquorum P. P. scriptis ac testimonijs semper fundatur: ita quidem vt D. Augustino tempore pro re planè diuina habendū censuerit lib. 18. de Ciuitate cap. 41. quod omnes Scriptores Sacri tam mirificè consentiunt, quantumuis diuersorum temporum, quin & diuersorum locorum, nationum & linguarum.

119 E contra autem, hæreticorum doctrina, quatenus à fide Ecclesiæ Catholice recedit, discordat omnino ab antiquorum sensu & doctrinâ. Vnde Caluinus, quando nostra dogmata oppugnat, passim quoque super iisdem redarguit antiquitatem, quâ inficiari non potest nobiscum fuisse loquutam, & sensisse.

120 Quod, quia ipse inter hæreticos huius temporis primariæ authoritatis habetur, operæpretium fuit eius scriptis particularius ad eius doctrinæ confutationem ac illius confusionem demonstrare. Itaque lib. 2. Inst. c. 2. § 4. scribit, Semper apud Latinos nomines liberi arbitrij existit: apud Græcos vero vocabulum multo arrogantius: & tum infra: Ego verò, inquit, neque ipse eiusmodi vocem usurpare velim, & alios, si me consultât, abstinere optarim.

Ibidem dicit omnes veteres, excepto Augustino in hac re plus æquo extulisse humanas vires: & cap. sequenti § 7. etiam Augustinum reprehendit in eo, quod epistola 106. dicit voluntatem nostram gratiæ cooperari, non vt præuiam, sed vt pedissequam: vult autem Caluinus voluntatem, ne vt pedissequam cooperari: sed totum fieri à gratia: & lib. 3. cap. 11. § 18. Ac ne Augustini quidem, inquit, sententia per omnia recipienda est: qui gratiam ad sanctificationem refert, quia in vitæ nouitatem regeneramur per Spiritum.

In quæstionibus igitur de libero Arbitrio, de Gratia operatione, & de Sanctificatione per gratiam fatetur se recedere ab omnibus antiquis Ecclesiæ Doctoribus, tam Græcis quam Latinis. Item lib. 2. cap. 16. scribit: Fabula de loco subterraneo, qui dicitur Limbus, tametsi magnos Autores habeat, tamen nihil aliud quam fabula est: vbi doctrinam de Limbo & de purgatorio reiecit contra antiquos P. P. quos intelligit per magnos autores: quia Scholasticos non solet appellare nisi Sophistas lib. 3. cap. 3. § 10. Ab vno Augustino, inquit, sumant lectores si quid de sensu antiquitatis habere velint: Deinde addit: Porro inter illum & nos, hoc discriminis videri potest: quod ipse morbum concupiscentiæ tunc denuum peccatum fieri docet, cum appetitioni cedit voluntas: nos autem illud ipsum pro peccato habemus, quod aliquâ cupiditate contra legem Dei homo titillatur: vbi contra totam antiquitatem, fatetur se docere concupiscentiam, etiam sine consensu esse peccatum. Eodem lib. cap. 4. § 38. Omnes veteres quorum libri existunt, aut hac in parte lapsi sunt, vbi de satisfactione scribunt, aut nimis asperè & durè loquuti sunt: & cap. 5. § 10. Ante mille & trecentos annos, inquit, vsu receptum fuit, vt præcationes fierent pro defunctis: sed veteres omnes, fateor, in errorem abrepti sunt, & cap. 15. § 2. Vbi sunt, fateor, passim vetusti Doctores nomen meriti: & infra addit, Eum pessimè consuluisse fidei sinceritati, qui hoc nomine inuenit: & lib. 4. cap. 4. § 10. Peccauit antiquitas immodica seueritate, quod plus requireret in Episcopo, quam Paulus requirit, ac præsertim successu temporis, cælibatum: & 18. Excusari, inquit, non posse arbitror veteres, quin aliquid in actionis modo peccauerint: imitati sunt enim magis Iudaicum sacrificandi morem, quam aut ordinauerit Christus, aut Evangelij ratio sinebat.

Quibus allegatis locis, ostendit se recedere ab antiquis in doctrina de Satisfactione, de Oracionibus faciendis pro defunctis,

functis, de meritis operum, de cœlibatu Sacerdotum, & de sacrificio. Similiter loquitur de oblatione ieiunij quadragesimalis lib. 4. cap. 12. & cap. 15. reprehendit id quod ipse dicit multis ab hinc seculis atq; adeo ab ipso pene exordio Ecclesiæ fuisse vñ receptum, quod nimirum absente ministris Ecclesiæ, Laici in necessitate baptizet.

123 Ita quoque Centuriatores Magdeburgenses in unguis Centurijs cap. 4. annotant omnes iere DD. cuiusque sæculi doctrinæ catholica dogmata quæ hoc tempore Ecclesia Catholica contra ipsos sustinet: quæ ab illis Nœxi vocantur antiquorum Patrum. In secunda Centuria admittunt nostram doctrinam de libero arbitrio fuisse omnium PP. illius sæculi: ipsi tamen oppositum statuunt, quasi fundamentum totius sue reformatæ religionis, adeo ut Lutherus in assertionem articuli 36. velit in eo versari summam rerum, ita ut alij articuli eius de Papatu, Concilijs, summisque (inquit) respectu illius, nugæ dici possint. Ibidem dicunt doctrinam de iustificatione negligentius & obscurius à DD. illius sæculi fuisse traditam scilicet: Non docent (inquit) nos solâ fide iustificari. In Centuria tertia scribunt: Videas non obscura vestigia inuocationis SS. in Doctorum huius sæculi scriptis: & in Centuria quarta ponunt testimonia pene omnium veterum istius sæculi pro inuocatione SS. quam ipsi tamè audent vocare Idololatram: & sic de multis alijs articulis consequenter agunt.

124 In quibus autem sic à Sanctis Patribus & probatis Scriptoribus antiquis recedunt, in illis coincidunt cum diuersis antiquatis hæresibus, & hæresiarchis, qui cum suis doctrinis fuerunt notoriè ab Ecclesiâ reiecti, & hæretici habiti, ut facillè poterit videre, qui doctrinam Lutheri, Zuinglij, Caluini, & aliorum voluerit conferre cum hæresibus, quas in suis Catalogis recensent Irenæus, Hieronymus, Epiphanius, Augustinus, Theodoretus, Damascenus, & alij probati Authores.

125 De duratione non interruptâ fidei ac religionis siue ab initio mundi, siue à Christo Domino & temporibus Apostolorum, non potest quoque dubitari, quin sit certa Ecclesiæ Dei nota. Et hanc rursus Ecclesiæ Catholicæ, quæ nunc est, competere, cum ex alijs, tñ ex ijs quibus paulò antè ostendimus Ecclesiâ esse indefectibilem, & indefectibiliter visibilem, potest esse manifestum. Nulla autem alia religio potest hoc de se demonstrare, quin è contra facillè sit ostendere de quâlibet, quo tempore, quo loco, quo auctore inceperit, sic

quod initium vel originem suam non possit absq; interruptione deducere ad Christum & Apostolos: quod ab illis manauerit: multo minus ad Prophetas & Patriarchas.

Vnde factum est, quod cogantur hæretici facere Ecclesiâ aliquando inuisibilem, quia non possunt Hæresiarchæ ostendere proximè ante se vñ Pontifices, Episcopos, Doctores aut Pastores, de quibus constat quod continuo à Christi temporibus sine interruptione eiusmodi doctrinâ & fidem docuerint, & tradiderint, qualem ipsi effingunt & proponunt: & id quis forsità ante illos partem aliquam nouitatis ipsorum docuerit, constat è contra quod talis cū suis adhærentibus fuerit habitus ab Ecclesiâ alienus & reiectus. Quare Tertull. lib. de Præscriptionibus merito ridet tales, qui iactant se adducere verum lumen & intellectum Euangelicæ doctrinæ, & omnes Ecclesiâ iam dudum in errore & tenebris fuisse versatas: Ecquid verisimile est, inquit, ut tot & tantæ (scilicet Ecclesiæ) in vñam fidem errauerint? aliquos Marcionistas aut Valentinianos (nos diceremus aliquos Lutheranos, aut Calvinistas) liberanda veritas expectabat? inter eos perperam euangelizabatur, &c. Ait itaque Tertull. Ecquid verisimile est, ut tot & tantæ Ecclesiæ, &c. quasi diceret: nullo modo verisimile est: imò prorsus incredibile quod tot & tantæ Ecclesiæ in tam diuersis locis ac regionibus & gentibus constitutæ omnes errantes conuissent & coaduisissent in vñam erroneam fidem: cum enim error & recessus à veritate soleat esse varius, sicut & mendacium, fieri sanè id nullo modo potuit.

Sed ad argumentum quod contra Scismaticos ex ipsorum inter se dissensionibus & scissuris facimus, conatur respondere Caluinus in Præfationibus Institutionum, & dicit: non mirum videri debere, si ex suâ religione mox oriantur diuisiones & sectæ contrariæ; quia id acciderit etiam Ecclesiæ Apostolorum: ex illâ enim prodierunt Simoniani, Nicolaitæ, & alij: semper enim diabolus vbi bonum semen videt seminari, accedit & superfeminat zizaniam.

Verum contra illam responsionem replicatur, longe disparem esse rationem inter sectas natas ex Ecclesiâ Apostolorum, in ordine ad illam Ecclesiâ, & inter sectas quæ suboriuntur ex hæresi in ordine ad illam: quia sectæ exortæ ex Ecclesiâ Apostolorum, siue ex Ecclesiâ Catholicâ, postmodum nunquam pari passu progressæ sunt, aut pari gradu & ordine habitæ fuerunt, aut habentur cum ipsâ Ecclesiâ: sed hæc

hæc semper ab ipso exordio suo longe superauit qualcumque hæreses ex se exorientes. Primò, auctoritate, quia eas omni tempore condemnauit, & adinucentes à corpore suo separauit & reiecit: idque cum tantâ apprehensione omnium & efficaciâ, vt nec Nouatores illi, nec eorû doctrina apud alios fideles reciperentur: Ast verò semper temerarium & quasi ridiculum fuit æstimatum, si quis hæreticus aut Schismaticus quantuncumq; aliquin etiam antea præcineret Ecclesiasticâ dignitate, voluerit attentare in Ecclesiâ Catholicam, siue in eorum Episcopos & Rectores dicere Anathema: neq; ex eâ parte vnquam hæretici profecerunt. Secundò, Ecclesiâ Apostolorum & Catholica sectas ex se natas superauit amplitudine, & vniuersalitate locorum: quia nunquam hæresis aliqua valuit se extendere ad omnia loca, in quibus prædicatur Christiana fides, & vbi viget Catholica religio: sed dum variæ exoriuntur hæreses, vna inuadit vnam partem Ecclesiæ, & altera aliam. Tertiò etiam superat duratione: quia omnes hæreses exorta ceciderunt & cadunt à dextris, & à sinistris Ecclesiæ: & nunc vna emoritur, & alia nascitur: Ecclesia autem semper eadem stat & perseverat:

129

E contra verò hæreses ex qua statim nasci solent sectæ variæ, neque auctoritate illas ex se ortas superant: neq; fundamentum illi suppetit cur magis illas dammare, quam ab ipsis damari & anathematizari possint. Deinde solent malæ proles vix natæ statim amplitudine locorum superare infelicem matrem suam, ac simul excedere etiam temporis duratione, sic vt primariâ doctrina cuiuslibet hæresiarchæ mox pro maiori sui parte soleat obsolescere, & discipuli singuli noua & contraria dogmata adinuènire, & populo obtrudere: atque ita proprias adinventiones dilatare, sic vt non à lateribus hæresis prioris ceciderint hinc inde sectæ ab ea exortæ, manente ipsa in suâ integritate, & crescente ac dilatante sese, & perseverante in statu suo: sicut cadunt hæreses à lateribus Ecclesiæ Catholicæ: sed hæresis ipsa scinditur in partès, & sui diuisione citò ad nihilum deducitur, & sic interit: quod omnino experientia docuit de omnibus hæresibus hæcenus exortis, quæ sic perierunt: non autem ita Ecclesiæ Catholicæ accidit.

130

Quinque notæ sequentes ad Ecclesiæ sanctitatem possunt referri: quas Ecclesiæ nostræ competere, breuiter de singulis ostenditur. Est enim Ecclesia nostra primitus propagata per Patriarchas & Prophetas, Deinde Sacerdotio translato, & statu

legis mutato in Aduentu Christi Domini, aucta & per totum orbem dilatata fuit per Apostolos, eorûq; successores, & Pontifices & Episcopos, & alios Doctores qui & suis temporibus, & ab omni deinceps posteritate fuerunt habiti viri boni, innocentes, iusti, qui neminem læderent, nemini iniuriam intulerent: sed neque malum pro malo, quin è contra bonum pro malo redderent: & pro suis persecutoribus orarent, & apud Deum intercederent.

Vnde D. August. lib. 2. contra Iulianum scribit: Illi sunt Episcopi & Pastores, docti, graues, sancti, veritatis acerrimi defensores, qui Catholicam fidem in lætæ suxerunt: in cibo sumpserunt; cuius lac & cibum paruis, magnisque ministrauerunt: talibus post Apostolos Sancta Ecclesia plantatoribus, rigatoribus, ædificatoribus, pastoribus, nutritoribus credit. E contra autem Sectæ inprimis Paganorum habuerunt Authores & Præcones homines leuissimos, & superbissimos, vt Pœtæ, & Philosophos, vtrosque autem impurissimos: quod aperte significat Apostolus ad Rom. cap. 1. & satis ex Scripturibus profanis passim constat. De Hæresiarchis plurima dici possent; sed vnum est vitium omnibus commune, scilicet superbia: vnde lib. de Pastoribus cap. 8. scribit D. August. de illis, eorumque doctrinis: Diuersis locis, inquit, sunt diuersa: sed vna mater Superbia omnes genuit: sicut vna mater nostra Catholica omnes Christianos fideles toto orbe diffusos. Quâ de re videre licet plura apud Bellarm. lib. 4. de Ecclesiâ militante cap. 3.

Miracula patrata in testimonium fidei, quam quis annuntiat & profitetur, vel etiam in declarationem & attestationem sanctitatis vitæ illius præconis ante peractæ, & gloriæ æternæ nunc adeptæ, certissimè significant fidem illam quam annuntiavit, siue in cuius professione talis mortuus fuerit, esse fidem veram, & consequenter congregationem quæ illam tenet & profitetur, esse veram Dei Ecclesiam: quod sic ostendi & probari potest: quia miracula, vt hic supponimus, sunt diuina opera, & quidem talia, vt nullâ virtute creatâ vel absolutè, aut saltem non eo modo fieri possint, quo patrantur: quæ proinde non possunt magis fieri in attestationem fidei falsæ aut falsæ religionis; quàm Deus possit attestari falsum & mentiri.

Eadem est ratio de illis quæ sunt ad declarandam sanctitatem & beatitudinem alicuius, quia non potest quoque Deus attestari aliquem esse sanctum & beatum, qui talis non est: vnde si miracula sint certa signa sanctitatis eius, erunt etiam certa

131

132

133

certa signa rectæ fidei quam tenuit, & professus est: quia sine rectâ fide impossibile est placere Deo: *Corde enim creditur ad iustitiam, ore autem confessio fit ad salutem.* Hinc Dominus Deus ad confirmationem sermonis sui, quæ posuit in ore prophetarum aut Euangelizantium, solet adijcere virtutem & gratiam miraculorum. Sic Exod. c. 4. cū Dominus mitteret Moysen ad filios Israël & ad Regem Ægypti: dedit illi Dominus potestatem miraculorum: & dixit illi: *Procreant quod apparuerit tibi Dominus, &c.* Sic etiā Mat. c. 10. quando mittebat Christus discipulos ut prædicaret regnū Dei, dixit: *Infirmos curate, mortuos suscite, leprosos mandate &c.* Quod verò ex illis qui fidē nostram, quam modò tenet contra hæreticos omnes, Ecclesia Catholica, coluerunt & professi sunt, plurimi clauerunt notorijs & testatissimis miraculis, facile est ex Scriptoribus Ecclesiasticis per singula sæcula demonstrare: & quidem de primis vnde-
 134 cimi sæculi Centuriatores Magdeburgenses notant in singulis centurijs cap. 13. ex Authoribus illorum temporum, miracula plurima in confirmationem dogmatū nostræ Ecclesiæ facta & descripta: ut Confessionis Sacramentalis, Eucharistiæ, Primatus Pontificis, venerationis reliquiarum, imaginum, & similibus, ut ipsi ibidem affirmant: sed prætendunt omnia fuisse dæmonum illusiones, aut falsas narrationes: quod non aliter ostendunt aut probant, nisi quod dogmata illa ad quorū cōfirmationem facta sunt, pugnent cum Evangelio, iuxta scilicet sensum & persuasione non fundatam Martini Lutheri.

Sed in primis non nisi insolentissimè ab eis responderi potest, falsas ac mendaces esse narrationes eiusmodi factorum; qui enim ista scribunt & memoriæ tradiderunt, sunt plerique Scriptores primariæ authoritatis, ut Tertullianus in Apologetico capite 5. & libro ad Scapulam. Divo Basilio libro de Spiritu Sancto capite 29. Gregorio Nicensi in vita Gregorij Taumaturgi, Hieronymus, Athanasius, Augustinus libro 22. de Ciuitate cap. 8. D. Gregorius in dialogis, & lib. 9. epist. 59. Beda lib. 1. Histor. cap. 13. Sulpitius, & alij plures. Non itaque nisi insipientissimè & stolidè potest quis plus tribuere & magis fidē adhibere nostri tēporis Sectarijs, quoad illas historias antiquas, quibus hi non interfuerunt, veritatem earum negantibus, quàm huiusmodi Scriptoribus grauissimis, qui referunt ea quæ suis temporibus acciderunt. Deinde sicut Augustinus libro 10. de Ciuitate cap. 18. respondet Ethnicis negantibus historias miraculorum veteris Testamenti; sic

& nos respondere possumus hæreticis: Si absque ratione & fundamento liceat negare facta olim miracula memoriæ ab antiquis tradita, euacuabitur fides omnium librorum: & sic tolleretur omnis religio: quia (inquit) omnes qui pro Dijs habentur, quibusdam operibus mirabilibus voluerunt suam diuinitatem, siue veram, siue fictam hominibus persuadere, quæ à veteribus per scripta sunt posterioribus tradita. Quemadmodum itaque D. Aug. eodem illo responso Ethnicorum euacuat fundamentum religionis etiam ipsorum (si responso aliquid valeret) sic quoque posset similī modo euacuari fundamentum religionis Hæreticorum, scilicet negando miracula quæ in Scripturis sacris narratur à Christo & Apostolis patrata; sicut ipsi negant patrata ab Apostolorum successioribus, quæ à Scriptoribus fide apud omnes dignissimis, memoriæ sunt tradita.

Quod verò dicunt fuisse dæmonum prætigias, & illusiones, est antiqua calumnia omnium hostium Christianæ religionis: sic enim malitiosè calumniati fuerunt Scribæ & Pharisei miracula Christi Domini, quando ea negare non poterant, dicentes Matthæi cap. 3. *Illic non egreditur dæmones, nisi in Iesubus Principe dæmoniorum:* & iterum Ioannis cap. 8. *Non bene dicimus nos, quia Samaritanus es tu, & dæmonium habes?* Hos imitati sunt gentiles qui similiter calumniabantur miracula Martij, quos Magos & Nicromanticos vocare solebant: & sequuti quoque sunt antiqui hæretici, ut Arriani, Eunomiani, Vigilantiani, qui similes calumnias Catholicis impegerunt, ut testantur Divo Ambrosio sermone de Sancto Geruasio & Protasio: Hieronymus contra Vigilantium, & Victor libro 2. de Persecutione Wandallica. Deinde nullum allegant huius calumniæ fundamentum, neque subest vel minima illius apparentia: nam & illi qui hæc miracula scripserunt, viri fuerunt doctissimi, & plerique Sancti, qui rerum naturalium habuerunt magnam intelligentiam, & spirituum bonam discretionem: vnde nec speciem probabilitatis habet, quod hi pro veris miraculis mandassent scriptis dæmonum operas, & illusiones, & eas populo & posteritati obtrussissent. Præterea ipsi Authores qui leguntur ea fecisse, ut sanctus Gregorius Taumaturgus, Antonius, Hilarion, Nicolaus, Benedictus, Martinus, & infiniti alij, fuerunt viri modestissimi, humiles, simplices, sancti: qui tales & suis temporibus, & apud posteritatem semper fuerunt habiti. Vnde non nisi improbiissimè opponuntur eis eiusmodi calumniæ cū summā

iniuriâ tum diuinæ operationis, quâ facta fuerunt; tum veritatis fidei Christianæ, ad cuius reificationem, confirmationem & celebritatem Deus illa operari dignatus fuit per sanctos suos.

836

Post vndecim autem sæcula prædicta, multi etiâ sequentibus temporibus in Ecclesiâ Catholica claruerunt miraculorum operatione: Sæculo duodecimo Beatus Malachias, de quo in vita eius scribit S. Bernardus: Quo antiquorum, inquit, genere miraculorum Malachias non claruit? si bene aduertimus pauca ipsa quæ dicta sunt, non prophetia desuit illis; non reuelatio, non gratia sanitatum: non mutatio mentium: non denique resuscitatio mortuorum. Eodem sæculo ipse D. Bernardus innumeris miraculis effuluit, vt videre est in vitâ eius apud Godfridû, qui lib. 4. cap. 4. scribit vna die illum in Dioecesi Conitantiensi illuminasse cæcos vndecim: curasse mancos decem, & claudos octodecim. Sæculo decimotertio miraculis claruerunt D. Dominicus: B. Franciscus: item B. Petrus martyr. & S. Thomas ex ordine Prædicatorum: & B. Antoninus, & D. Bonauentura ex ordine Minor. Item S. Celestinus V. tam ante Pontificatum, quâ postea, vt in eius vita scribit Petrus Cardinalis Cameracensis. Similiter sæculo 14. miraculis clari fuerunt, S. Bernardinus, Catharina Senensis, Nicolaus Tolentinus, vt in vitis eorum habetur. Sæculo 15. plurimis miraculis effuluit S. Vincentius tum viuus tum mortuus: de quo, sicut de illis qui relati sunt, sæculo 13. & 14. videre licet B. Antoninum Florentinum ex ordine Prædicatorum 3. parte Historiæ: Titulo 2. 3. & 24. qui & ipse isto sæculo quindecim miraculis claruit, vt patet ex eius vitâ apud Surium. Denique sæculo decimosexto claruerunt B. Franc. de Paula, vt in Bulla Canonizationis eius scribit Pontifex Leo X. Sanctus Franciscus Xauerus apud Indos, & alij plurimi omnibus istis sæculis.

837

Sed contra notam hanc Ecclesiæ ex miraculis desumptam Obijciunt, quod D. August. Tract. 13. in Ioannem doceat, non esse credendum Donatistis, etsi faciant miracula: vbi etiam per contemptum eos mirabiliari vocat: & lib. de Vnitate Ecclesiæ, de miraculis scribit: quæcumque talia in Catholica sunt, ideo sunt approbata, quia in Catholica sunt; non ideo ipsa manifestatur Ecclesiâ, quia hæc in eâ sunt: ergo miraculorum operatio non debet poni inter notas Ecclesiæ. Confirmatur, quia legitur etiam Vespasianus apud Suetonium cæco lumen, & claudum gressum reddidisse: qui tamen erat Idolorum

cultor, ergo &c.

Respondetur D. Augustinum loco allegato contemnere miracula, seu potius mirabilia Donatistarum, eaque contemnenda esse docere: Primò, inquit, quia aut falluntur aut fallunt. Rationem itaque suę doctrinæ reddit, quia venditant promiraculis quæ non sunt vera miracula; sed vel illi ipsi illuduntur & decipiuntur à Dæmone, dum existimant se diuinashabere visiones, & reuelationes quas iactant (de quibus ibi potissimum Augustinus loquitur) cum sint tantum dæmonum illusiones; vel fallunt, quia scilicet scientes eaque iactant aut faciunt, non diuinâ, sed dæmonis virtute, aut illusione fieri, nihilominus tanquam à Deo essent, obtrudunt ea populo. Vnde August. præmittit: Pontius miraculum fecit, & Donatus orauit, & respondit ei Deus de cælo: hæc scilicet iactant Donatistæ: Respondet verò August. & monet: nemo vobis fabulas vendat: ridet ergo & contemnit tanquam signenta, & illusiones.

138

Sed Dices: addit August. ibidem: Fac illud (scilicet Donatum) montes transferre; quasi diceret: Eslo, quod montes transferat, & tamen non vult ideo Donatum esse recipiendum: præter vnitatem enim facit miracula, nihil est &c. vt ibidem habet: ergo &c. Respondetur Augustinû, istis hoc solum docere, scilicet quod tametsi hæretici aut Schismatici non tantum apparenter per præstigias & illusiones oculorum, aut phantasie, facerent aliqua mirabilia: sed à parte rei fierent ea quæ apparent, tamen eos nihil esse, ipsique non esse credendum; quia licet veri essent isti effectus: v. g. quod reuera mons transferretur; tamen illa non essent vera miracula, quorum operationem statuimus pro nota Ecclesiæ: sed quædam mirabilia & inusitata, sicut plurima faciet Antichristus, quæ non superant tamen virtutem creatam, & præsertim ipsius Dæmonis.

139

Patet hic sensus Augustini ex adiunctis: addit enim: Contra istos, vt sic loquar, inquit, mirabiliarios, cautum me fecit Deus meus dicens: In nouissimis temporibus surgent Pseudo-prophetæ facientes signa & prodigia, vt in errore ducant, si fieri potest etiam electos. Vult itaque Augustinus quod sicuti doctrina eorum quæ ab Ecclesiæ vnitatem separant, sic & opera eorum quantumcumque mira videantur, debeant tamen esse suspecta, & minimè recipienda: quia aut falluntur ipsi, aut fallunt.

Ex his potest etiam colligi sensus August. in lib. de Vnitate Ecclesiæ: quod scilicet miracula sine mirabilia & inusitata opera (sic enim generaliter de miraculis loquitur

140

non

non debent nos mouere & inducere, vt mox credamus penes eos esse Ecclesiam, qui aliqua talia operantur, & interim doctrinâ antiquorum, & sensu Ecclesiæ recedunt, faciuntque scissuras & schismata: quia eo calu ista suspecta sunt habenda, & tanquam illusoria aut fraudulenta rejicienda sunt. Nec hoc mirum videri debet, cum Apostolus contra similes audeat dicere ad Gal. cap. 1. *Licet nos, aut Angelus de celo euangelizet vobis, præterquam quod euangeliz. animus vobis, Anathema sit*: Oportet enim nos supercettare semel traditæ sanctis fidei, vt monet Iudas Apost. in sua epistolâ: contra quam nulla mirabilia manifestant satis alibi esse Ecclesiam: sed quando fiunt ab ijs qui Ecclesiæ vnitatem tenent, & fidem semel acceptam, prædicant: vel ab alijs qui iuxta Prophetarum Vaticinia annuntiant Christi aduentum, eiusq; Euangelium promulgant, tunc ea vt pote vera miracula, ad fidem prædicatoribus, & eorum doctrinæ, in cuius confirmationem fiunt, conciliandam, plurimum valere satis agnoscit Augustinus & illis ipsis locis citatis, & lib. contra epistolam Fundamenti cap. 4. vbi inter vinctula, quibus in Ecclesiâ Catholici scribit se contineri, numerat auctoritatem miraculis inchoatam.

Ad illud autem quod allegatur de Vespasiano, Respondetur, Cæcum illum & claudum non laborasse cæcitate verâ, neque claudicatione incurabili, vt refert Tacitus lib. 4. Historiarum respondisse medicos illius temporis: quare mirum non est, si operâ Dæmonis potuerint illi à malo suo liberari. Adde, quod vt docet Tertull. in Apologetico cap. 22. credibile sit totum illum morbum fuisse à Diabolo, qui insidens in oculo vnus, & alterius tibiâ impediēbat vsum istorum membrorum: idque eo fine vt videretur sanare, quando desinebat nocere.

Doctrinæ puritas illustrat quoque & demonstrat veram Dei Ecclesiam, quam oportet esse sanctam, vt Scripturæ sacræ, & ratio loquūtur & dicant: ad sanctitatem verò inprimis requiritur, vt professio eius nullam contineat falsitatem, quoad ea quæ proponit credenda, & nihil iniquum aut turpē, vel contra rectam rationem in moribus, quoad ea quæ tradit & mandat faciendâ. Vnde Plat. 18. vocatur Lex Domini immaculata, testimonium fidele, sapientiam præstans paruulis: iustitiæ Domini rectæ.

Ex hac autem notâ licet quoque ostendere, nullam esse aut fuisse veram Dei Ecclesiam præter nostram, quam demonstrauimus ab origine mundi per certam successionem & traditionem huc vsque per-

durasse: nulla enim est, aut fuit cuiusvis religionis secta, siue Paganorum, siue Philosophorum, siue Turcarum, aut hæreticorum, quæ non contineat & suis proponat aliquos exploratos errores, & rectæ rationi naturali apertissimè contrarios. Ad Paganos plurium Deorum cultores quod attinet, quàm absurda & indigna senserint, ostendunt Arnobius lib. 4. 5. 6. & 7. contra Gentes; & D. August. lib. 7. de Ciuitate Dei. De Philosophis antiquis idem declarat Theodoretus libro 9. aduersus Græcos; vbi allegat plurima ab omni ratione admodum aliena, diuersorum Philosophorum legibus constituta, aut concessa; etiam legibus ipsius Platonis quæ fuerunt visæ tamen saniores: approbant enim vitia horrenda, vt communionem vxorum, nefandam libidinem, extinctionem conceptum, cædes infantium, & similia. De Turcis patet ex Alcorano ipsorum: docent enim beatitudinem futuræ etiam vitæ consistere in cibo & potu, & vxorum multitudine. Item dicunt Deum & Angelos pro suo Mahumeto orare, & similes nugas obtrudunt.

De antiquis hæreticis idem potest ostendi: nam de Gnosticis refert Epiphanius hæresi 26. quod docerent scortationes, & omnem luxuriam debere exerceri, tamen vitandos esse conceptus, & alia grauiora, ac absurdiora, quæ ibidem explicat: Montanistæ sacrificium offerebant ex sanguine infantis, quem per minuta vulnera aciculis exprimebant incredibili crudelitate, vt refert August. hæresi 26. Manichæi dicebant esse peccatum æquale præcendere folium de arbore, & hominem interficere: de quibus vide August. hæresi 46. Donatistæ vt seipso facerent Martyres, præcipiebant ipsi se de montibus, in igne se conijciebant, aquis se præfocabant, aut ab alijs se occidi curabant; qui si nolent, ipsis mortem minabantur, & inferebant, vt testatur August. epistola 50. & Theodoretus lib. de Hæreticorum Fabulis: & similis generis alia plurima de cæteris hæreticis antiquis liceret adducere.

Hæretici verò nostri temporis docent Deum ab omni æternitate absque peccati consideratione, quosdam homines æternis exitijs & ignibus deuouisse, eosdemque ad peccata commouere, inducere, impellere, vt hoc suum propositum sub titulo iustitiæ exequi valeat: hominem carere libero arbitrio, ex necessitate omnia agere: omnia opera hominis lapsi esse peccata, & alia similia, quæ & diuinæ bonitati, sapientiæ, iustitiæ, & naturali rationi planè repugnant.

Contra autem Ecclesia Catholica non

M ij potest

potest ostendi docere errores vltos, aut vltas turpitudines, vel quicquam contra naturalem & rectam rationem: licet multa credat & doceat supra rationem naturalem: quod olim pulchrè & doctè demonstrarunt contra Ethnicos, Iustinus in vtraque Apologia; Tertull. in Apolog. cap. 36. & sequentibus: Arnobius lib. 1. 2. & 3. contra Gentes: August. in libris de Civitate: & D. Thomas tam contra paganos, quam contra hæreticos in libris contra Gentes. Quare meritò August. lib. 2. de Ciuit. cap. 28. scribit: Nihil in Christianis Ecclesijs turpe & flagitiosum spectandum, imitandumque proponitur: vbi veri Dei aut præcepta insinuantur, aut miracula narrantur, aut dona laudantur, aut beneficia postulantur: & lib. 22. cap. 7. Persuadebatur veritas noua, consuetudini, sed non rationi contraria.

148

Similiter Ecclesiæ veræ Dei nota est doctrinæ eius efficacia, quod scilicet non tantum pura sit, & omne illud quod rectè rationi & honestati cōtrariatur, excludat: sed insuper potens sit ad cōuertendas animas: hoc enim diuinæ legi tribuitur, Psal. 18. & quod sit sermo viuis & efficax penetrans vsque ad diuisionem animæ & spiritus: vt dicitur ad Hebr. cap. 4. Quod neque Philosophorum, neque hæreticorum doctrinæ competijt, aut competit; quantumvis enim magnam sapientiam iactarent veteres Philosophi, & eam summā eloquentiā cum suis præceptis & legibus proponerent, nunquam tamen mundū, aut notabilem eius partem quisquam ad suarum legum acceptationem & obseruationem adducere potuit: imò nequidem viciniora oppida & loca, vt notant Athanas. lib. de Humanitate Verbi: & Theodoretus lib. 9. supra citato, qui est de Legibus.

149

Vnde rectè de dogmatibus illorum scribit D. Hier. in cap. 13. Matth. ad parabolam de grano Synapis: Sed illa, inquit, in se nihil continent mordax; nihil viuendum aut vitale demonstrant: totum flaccidum marcidumque ebullit in olera & herbas, quæ cito arescunt & corrumpunt: quia scilicet non erant verba viua, sed mortua; non verba spiritus Dei, sed spiritus hominum. Similiter hæretici non leguntur primitus implantasse aut implantare potuisse gentibus doctrinam Christianam: sed tantummodò, vbi ea iam prædicata & suscepta fuit, corrupisse, & seduxisse fideles ac in errores misisse: quamuis enim & ipsi Scripturas habeant, quæ sunt Verbum Dei viuū, tamen eis abutuntur, & corrupto sensu exponunt: atque ita spiritum & virtutem earum enervant, ac tollunt. Vnde sit quod inefficaces sint & in animis au-

dientium non operentur: neque ab alijs suscipiantur.

Quod etiam notauit Tertull. lib. de Præscriptionibus: De verbi administratione (scilicet hæreticorum) quid dicam? inquit; cum hoc sit negotium illis, non Ethnicos conuertendi, sed nostros euerendi: nostra suffodiunt, vt sua edificent &c. Quod verò Catholicos peruertant, non magnæ virtutis est, nec mirum videri debet: quia prouisi sunt homines ad errores, prurientes auribus, & ad viam latiorē ingrediendam propensi: vnde faciliè à veritate, quæ est supra rationem, se auertunt, & ad fabulas conuertuntur: quod plerumque etiam propter ingratitudinem hominum, Deus videtur permittere, quia semel illuminati, & quando gustauerūt bonum Dei verbum, non student bonis operibus correspondere gratiæ oblatæ, & cooperari luminis accepto. Mahumetus quidem multos traxit, sed non persuasibilitate & efficaciā, quibus valet eius doctrina: sed terrore & vi armorum. Vnde in suo Alcorano docet, homines bello & armis ad fidem esse compellendos.

Doctrina autem Christiana olim brevissimo tempore per homines ex se rudes, pauperes, inermes pertraxit in sui amplexum & obedientiam, mundum quasi totum, magnos, paruos, doctos, indoctos, viros, fœminas, iuuenes & senes: neque traxit ad delicias & sæculi voluptates: sed ad res credendas supra omnem humanum captum, ad corporis marcerationem, carnis castigationem, ad paupertatem, mansuetudinem, ad tolerantiam iniuriarum, persecutionum, verberum; ac denique ad mortis ipsius promptam perpeffionem: idque non propter aliquod præmium huius vitæ quod conspiciatur; sed propter spem & præmium vitæ futuræ; quæ nondum apparet: de quibus videre licet Athanasium, Theodoretum locis supra citatis; & D. Augustinum lib. 22. de Ciuitate cap. 5. vbi inter præcipua miracula ponit, quod pauci Apostoli solā diuinī verbi efficaciam sine eloquentiā & armis, totum orbem subegerint: nec tantum ea vis doctrinæ Christianæ se exeruit in Apostolis; sed etiam sequentibus temporibus in ijs, qui pro patribus nati sunt filij, & eorū successoribus; vt ex historijs Ecclesiasticis passim constat.

Quin & his vltimis sæculis in nouo orbe, vastissimæ provincie, & regna gentium persenserunt efficaciam huius doctrinæ, & colla iugo Christi ad Euangelij prædicationem submisserunt. Nihil autem tale præstiterunt vnquam noui isti Euangelistæ, aut præstare potuerunt. Quare rectè Aug. lib. 13.

lib. 13. contra Faustum c. 12. applicat Hæreticis illud Ierem. c. 17. (vt ipse legit) perdidit congregauit, quæ non peperit : & pulchrè offendit in eis locū habere : cum e contra Catholica sit columba fecunda quæ non cessat ipsa nouos pullos parturire & parere.

153

Lumen Propheticum ad notas quoque Ecclesiæ pertinere, inde pater : quia sicut Marci ultimo promittitur Ecclesiæ miraculorū operatio, ita Ioelii cap. 2. promittitur donū Prophetiæ, vt declarat D. Petrus Act. 2. Et Isaiæ 41. dicitur : *Annuntiatē quæ ventura sunt in futurum, & scietis quia Dñs estis vos.* E contra Deuter. cap. 18. ponitur vt nota Pseudo-prophetæ & falsæ doctrinæ : si quis voluerit vaticinari, & vaticinia non euenerint. Apud gentiles verò & hæreticos nulla fuerunt, aut habentur vera vaticinia : sed falsa plurima, nisi forte fierent in testimonium fidei nostræ, vt fuerant vaticinia Sybillarum, & Balam. Quomodo autem apud Ethnicos in otaculis siue Apollinis, siue aliorum nihil fuerit veræ prophetiæ, sed omnia fuerint illusoria aut falsa, vide explicatum apud D. Athanas. in vitā Sancti Antonij, & apud August. lib. de Diuinatione Dæmonum, & Theodoretum lib. de Oraculis.

154

Similiter quotiescumq; voluerunt hæretici agere Prophetas, in mendacijs & falsitatibus deprehensi sunt. Vide Euseb. lib. 5. Historiarum cap. 16. & 18. vbi agit de falsis prophetijs Montani, & ei adhærentium Priscæ & Maximillæ, quæ se prophetissas ostentare volebant : & Cochilem in actis Lutheri de anno 1525. & de anno 1533. vbi refert falsas Prophetias Lutheri, & Thomæ Munceri, & aliorum.

155

Sed in Ecclesiā Catholicā præter Prophetas antiqui Testamenti, & eos qui fuerunt Apostolorum temporibus, de quibus in Actis, semper etiam fuerunt sequentibus sæculis : vt Gregorius Taumaturgus, de quo testatur Basil. lib. de Spiritu Sancto cap. 29. D. Antonius de quo B. Athanas. in vita eius. Abbas Ioannes de quo August. lib. 5. de Ciuit. cap. 25. D. Benedictus, de quo S. Greg. lib. 2. Dialogorum cap. 15. S. Malachias, de quo Berni in vita eius. Item ipse S. Bernardus, vt in eius vita habetur lib. 4. cap. 3. vbi inter alia de illo scribitur, quod cuidam petenti quatenus Bern. pro conuersione parentis illius oraret, responderit : Ne timeas, ego illum probatum Monachum in hac Clara-valle sepeliam : vbi multa simul prædicebat, scilicet illum pro quo eius preces petebantur, futurum Monachum ; in ordine monastico perseveraturum vsque ad mortem, & probatè ac sanctè moriturum ; idē

que ante Bernardum, & in Clara-valle, & ab ipso Bernardo sepeliendum : quæ omnia sic, vt prædicta erant, euenerunt, & impleta sunt : sic & alij plurimi Sancti qui vt miraculis excelluerunt, ita etiam spiritu prophetico illustres fuerunt.

Nona & Decima notæ ; scilicet successio Episcoporum continua in Romana Sede, & Antiquitas, ad tertiam notam generalem pertinent : quod scilicet Ecclesia sit Apostolica. Ex istā namque Episcoporum successione in Rom. Cathedra, vterque passim argumentum sumpsit pro sua Ecclesiā contra hæreticos. D. Irenæus lib. 3. cap. 3. enumerat Episcopos Romanos à Petro vsque ad Eleutherium, qui tunc præsidebat, & per eam successionem dicit confundi hæreticos omnes. Tertullianus in lib. de Præscriptionibus, impropert hæreticis, quod nec origines suarum Ecclesiarum, nec ordinem suorum Episcoporum ad aliquem ex Apostolis, aut ex Apostolicis viris tanquam antecessorem vel Authorem, possint referre : Optatus Mileuitanus lib. 2. contra Parmenianum, refert Episcopos omnes Romanos vsque ad Siriciū, qui tunc sedebat, vt ostendat Ecclesiam non esse apud Donatistas, qui per similem successionem ad Apostolos ascendere non poterant : Vos, inquit, vestræ Cathedræ originem ostendite, qui vobis vultis sanctam Ecclesiam vendicare. August. epistola 163. ad eundem finem enumerat Pontifices à Petro vsque ad Anastasium : & in Psal. contra partem Donati : Numerate Sacerdotes vel ab ipsa Sede Petri, & in ordine illorum Patrum, quis, cui successerit videte : & lib. contra epistolam Fundamenti c. 4. Tener me in Ecclesiā, ab ipsa Sede Petri, cui pascēdas oues suas Dominus commendauit vsque ad præsentem Episcopatum, successio Sacerdotum :

Euseb. quoque in historia & in Chronico : D. Hieron. & Prosper qui chronicon Eusebij continuauerunt, diligenter annotauerunt successionem Romanorum Pontificum, vt inde continuatio Ecclesiæ manifesta fieret. Vide etiam Epiphanium hæresi 27. Quod si Veteres tanti fecerint continuationem istam Pontificum, in Sede Petri per annos 300. 400. aut 500. ad ostendam veram Christi Ecclesiam contra quoscumque hæreticos aut Schismaticos, quanti ergo nos facere debemus eam ; quæ durauit nunc per annos mille sexcentos, non obstante, quod in vrbe Romanā sæpius mutata fuerit forma temporalis dominiij : nunc Imperatoribus : nunc Regibus Gothorum : nunc Exarchis Græcorum : nunc etiā consulibus, siue iustè siue iniustè

M iij Domi-

dominantibus: non obstante quoque quod Vrbis aliquoties euerſa fuerit.

158

Hæretici autem non poſſunt Eccleſias ſuas per ſucceſſionem Episcoporum neque ad Petrum, neque ad aliquem alium Apoſtolum qui pœnitens Eccleſiam fundauit, deducere: inprimis quia huius temporis hæretici nullos habent Episcopos veros, qui dici poſſint antiquis ſucceſſiſſe: nam vt quis Episcopus fiat, debet iuxta veteres Canones à tribus Episcopis ordinari, qui & ipſi ab alijs ſint ordinati: & hi ab alijs donec ad Apoſtolos veniatur, vt habetur Can. 1. Apoſtolorum: & in Concil. Nicæno 1. Can. 4. & in Carthaginenſi 4. Can. 2. quod etiam D. Paulus 1. ad Timoth. cap. 4. indicat, quando ſcribit: *Noli negligere gratiam qua in te eſt, qua data eſt tibi cum impoſitione manuum Preſbyterij.* Siquidem nomine Preſbyterij intelligitur ibi cætus Preſbyterorum ſue Episcoporum, qui ſimul cum principaliter ordinante, imponebant manus ſuper caput ordinandi, vt exponunt D. Chryſ. Theophil. & Oecumenius: Ideoque hæretici antiqui ſolent eſſe ſolliciti de huiusmodi ordinatione: hæreſiarchæ autem noſtri, neque ab initio fuerunt Episcopi ordinati ab alijs, neque ſe, aut diſcipulos ſuos ab alijs Episcopis qui ab Apoſtolis ducerent originem, ordinari curarunt: quare dum Martinus Lutherus iactatur Episcopus Wittembergæſis; Zuinglius Episcopus Tigurinus; Oecolampadius Episcopus Baſilgenſis primus, vt in eius Epitaphio inſcriptum habetur, & Caluinus Episcopus Geneueſis, rectè in eos quadrat quod ſcribit D. Cyprianus lib. de Simplicitate Prælatorum: Ij ſunt qui ſe vtrò ſine diuinâ diſpenſatione præficiunt, qui ſe præpoſitos ſine vlla ordinationis lege conſtituunt, qui nemine Episcopatum dante, Episcopi ſibi nomen aſſumunt.

159

Deinde ad Sedem aliquam Apoſtolicam ſe reducere non poſſunt: quia ipſi qualeſcumque ſint verbi Miniſtri, vt ſe vocant, nullis Episcopis ſucceſſerunt: ſed veros & proprios Episcopos ex ſuis ſediſbus pepulerunt: vnde etiam ſe primos Episcopos iſtorum locorum eſſe iactant, (vt diximus ex Epitaphio Oecolampadij) ad ſuam ipſorum conſuſionem & conuictionem. Nam inde iterum de iſtis rectè dici poſteſt, quod ſcribit Cyp. epiſt. 6. lib. 1. In Eccleſiâ non eſt, inquit, neque Episcopus computari poſteſt, qui Apoſtolicâ traditione contemptâ nemini ſuccedens, à ſe ipſo ordinatus eſt: debent ergò priùs vacare Sedes, ſue per mortem, ſue per legitimâ depoſitionem, priuſquam poſſit fieri vera & legitima ſucceſſio. Quod ſignificat etiâ

Cyp. epiſt. 2. lib. 4. dum ſcribit: Cornelius Episcopus factus eſt, cum Fabiani locus, id eſt, inquit, cum locus Petri & gradus Cathedræ Sacerdotalis vacaret: quo occupato de Dei voluntate, atque omnium noſtrûm conſenſione firmato, quiſquis iam Episcopus fieri voluerit, foris fiat neceſſe eſt. Quod ſi forſitan ex hæreticis velint aliqui contendere ſe noues & primos Episcopos eſſe locorum, vbi prius non fuerint, tunc ſaltem ſi non ad aliquem Apoſtolum aut Apoſtolicum virum tanquam antecſſorem in Sede, ſaltem ad aliquem talem, vt Authorem illius Sedis, & ſumæ ordinationis deberent poſſe munus ſuum & Episcopatum per continuam ſucceſſionem deducere, vt patet ex Tertull. ſupra.

De antiquitate autem Eccleſiæ noſtræ ſupra omnes ſectas & hæreſes, quæ modo vigent, ſatis doceri poſteſt ex antè dictis, tum dubio præcedenti de Eccleſiæ indeſectibilitate, tum hoc dubio de Duratione non interruptâ, De continuâ Episcoporum ſucceſſione, & de Conformitate doctrinæ huius temporis cum doctrinâ antiquorum: quæ ſanè Conformitas etiam rectè ad notam Eccleſiæ Apoſtolicæ referri poſteſt: docet enim Tertull. lib. de Preſcriptionibus, Eccleſiam dici Apoſtolicâ, non tantum propter Episcoporum ſucceſſionem; ſed etiam propter doctrinæ conſanguinitatem, vt ipſe loquitur: quia ſcilicet doctrinam retinet quam Apoſtoli tradiderunt. Quod verò ad alias ſectas attingit, quæ aliquando exortę fuerunt: ſed interierunt, maniſteſtum de illis eſt, quod non fuerint vera Dei Eccleſia, quæ vſque ad mundi conſummationem, iuxta promiſſionem Chriſti Matth. vltimo, durare debet.

Duę poſtremæ notę pertinet ad quartam generalem, ſcilicet quod Eccleſia ſit Catholica: ac inprimis quidem Amplitudo & Multitudo credentium ex omni loco & gente ad illam ſpectant: quia Eccleſia verè Catholica non tantum debet complecti omnia tempora, ſed etiam omnia loca, & omnium hominum genera: vnde rectè Vincentius in ſuo Commonitorio ſcribit: Eos propriè eſſe Catholicos, qui tenent id quod ſemper, quod vbique, quod ab omnibus creditum eſt. Hinc Propheta Dauid Pfalmo 2. prædixit: *Et dabo tibi gentes, hereditatem tuam, & poſſeſſionem tuam terminos terræ.* Et Pfalm. 71. *Dominabitur à mari vſque ad mare, ſcilicet Chriſtus Rex Eccleſiæ.* Et Lucę vltimo, & Act. 1. Similiter, ſignificat Chriſtus Euangelium ad omnes gentes divulgandum, & apud omnes prædicandum, ſumpto exordio à Hieru-

160

161

Hieru-

Iherusalem. Idem docent August. lib. de Unitate Ecclesiæ cap. 6. Et Beda in caput 6. Canticorum: In quo etiam distinguunt Ecclesiam à Synagoga, quæ Catholica non fuit: quia alligata erat ad præfinitum tempus, scilicet vique ad Messie aduentum: tum enim cessare debebat: Item ad certum locum, imò ad vnum templum Salomonis, extra quod non poterant Sacrificare, & ad vnā gentem, scilicet filiorum Iacob.

162 Notandum tamen ex Augustino epistola 80. Quod vt Ecclesia sit Catholica non requiri, quod in omnibus omnino sit hominibus totius mundi: sed sufficere quod, in omnibus mundi partibus innotescat, & fides eius vbique annuntietur, & fructificet, sic vt per totum mundum habeat suos filios.

163 Notandum Secundò, non requiri etiā, vt hoc simul fiat, sic vt vno tempore in omnibus mundi partibus & prouincijs reperiantur aliqui de Ecclesia: sed satis esse vt fiat hoc successiue: quod significat Christus, Matth. 10. Cum autem persequeretur vos in ciuitate ista, fugite in aliam: Amen dico vobis, non consummabitur ciuitates Israël, donec veniat filius hominū. Et capite 24. Et predicabitur hoc Euangelium regni in vniuerso orbe, in testimonium omnibus gentibus: tunc veniet consummatum.

164 Quod verò Ecclesia nostra sit amplitudine suā omnes mundi partes amplexata, ita vt vbique, siue in omni gente fructificare inciperet, testatur Apostolus etiam de suo tempore, ad Coloss. cap. 1. Si tamen permaneris in fide fundati & stabiles, & immobiles à spe Euangelij quod audistis, quod predicatum est in vniuersa creaturā (inquit) quæ sub cælo est. Et ad Rom. cap. 1. Quia fides vestra annuntiatur in vniuerso mundo. Idem de suis temporibus scribunt Irenæus lib. 1. cap. 3. Tertull. lib. contra Iudæos cap. 3. Cyprian. lib. de Unitate Ecclesiæ. Athanas. de Humanitate Verbi. Chrysost. & Hieron. in cap. 24. Matth. August. epist. 78. & 80. Leo serm. 1. de sancto Petro & Paulo. D. Gregor. idem satis ostendit per epistolas quas scripsit ad Episcopos Orientis, Africæ, Hispaniæ, Galliæ, Angliæ, &c. Beda in cap. 6. Canticorum. Et quā pateat modo latissimè, & quo modo omnes mundi partes peruaserit, ita vt nusquā fideles planè desint, notissimum est, neque potest à quoquam negari.

165 E contra autem sectæ omnes & hereses, sicuti certis temporibus circumscriptæ fuerunt, ac interierunt, ita quoque certis locis aut Prouincijs remanserunt quasi conclusæ: Mahumetismus, qui inter omnes sectas, vti tempore, sic & locorū spatij

magis videtur se extendisse, nunquam tamen ad Occidentem transiuit. Hæreses huius temporis alioquin satis famosæ, extra Europam non sunt egressæ: sed neque omnes Europæ partes penetrarunt: quia ad Hispaniam, & Italiam non habuerunt ingressum. Imò si singulæ scorsim spectentur, vt inter se sunt diuisæ, quælibet non nisi pauca & exigua loca principaliter occupauit.

Quāuis ergo sicuti Ecclesia est vbique, sic quoque vix viquā defecerint, aut deficiant aliquæ hæreses; illa tamen est differentia quam obseruat Aug. lib. de Pastore cap. 8. quod nimirum Ecclesia vna, eademque sit vbique, non sic vna hæresis: sed hæreses diuersissimæ & maximè inter se pugnantes, quæ se inuicem non recognoscant, imò se lacerent, & anathematizent, occupauerint Ecclesiæ loca, aliæ scilicet hunc locum, aliæ illum locum.

Denique ipse nomen Catholicum siue Ecclesiæ Catholicæ, manifestam quoque facit veram Christi Ecclesiam: quod semper communi intellectu & sensu ita fuit attributum & appropriatum veræ Ecclesiæ ab Apostolis sine interruptione descendenti, vt etiam ipsi hæretici quācumque occasione, aut casu interrogati, vbi sit Catholica, vel vbi sint Catholici, non domos suas aut conuentus suos, sed Ecclesias eorum qui antiquæ fidei & traditioni, atque adeo Ecclesiam nostrā demonstrant, sicuti supra id etiā ex Augustino diximus: qui refert quid suo tempore fieret. Et quāuis modò quidam sectarj callidiores, & obseruantes quantum inter se istius nominis compellatio, conentur illud suffurari & sibi applicare: nihilominus communis apprehensio vulgi, & passim omnium etiam hereticorum eadem adhuc perseuerat, vti ex vulgaribus conferentijs, & sermonibus satis semper apparet. Vnde etiam monuit Cyrill. Catechesi 8. Si iueris ad aliquam urbem, inquit, non petas vbi sit Ecclesia, vel domus Dei: nam etiam hæretici dicunt se habere domum Dei, & Ecclesiam: Sed petes, vbi sit Catholica Ecclesia: id enim nomen proprium est huius sanctæ Ecclesiæ matris omnium nostrum: quasi diceret, Si hoc petas, nullus hereticorum suam domum aut conuenticulum demonstrabit. Ipsi enim, vt Iustinus in Tryphone ait, sunt distincti cognominibus denominati à quibusdam viris, vt quisque fuit Author alicuius nouæ doctrinæ Ex illis scilicet hereticis, inquit, alij vocantur Marcionistæ, alij Valentiniiani, alij alio vocabulo: quisque à primo inventore sui dogmatis. Conformiter etiam D. Irenæus lib. 1. cap. 20. scribit de sectatoribus Si-

monis Magi: Habent & vocabula, inquit, à principe impijssimæ sententiæ Simone, dicti Simoniani. Vnde de istis & similibus rectè Lactantius lib. 4. cap. 30. Cum Marcionitæ, aut Arriani nominantur, Christiani esse, desierunt, qui Christi nomine amisso, humana & externa vocabula induerunt: non sic veri Ecclesiæ filij ab hominibus particularibus nomen fortiuntur: nam ut bene notauit Athanas. serm. 2. contra Arrianos, nunquam populus ab Episcopis suis, sed à Domino in quem creditum fuit, nomen accepit: Certè à Beatis Apostolis præceptoribus nostris, inquit, appellationes adepti non sumus, sed à Christo Christiani sumus & appellamur: quapropter explosus est Marcion inuentor Hæreseos: reliqui qui remanserunt, Christiani titulum retinuerunt: qui verò Marcionem sequuti sunt, non iam inde Christiani, sed Marchionistæ appellati sunt.

Sic etià hoc tempore obseruamus, quod nulli sectarij, vulgari & communi nomine Christiani, & multo minus Catholici cõpellentur; sed Lutherani, Caluinistæ,

Zuingliani, Armeniani, Gomaristæ, &c. & si de Catholicis aut de Catholicorum Ecclesiâ quis apud eos inquirat, apprehendunt omnes, non de suæ sectæ hominibus, nec de suis conuenticulis inquiri: sed inquiri de Ecclesiâ nostrâ, & de illis apud quos Sacramenta & reliqua quæ religionis antiquæ sunt, administrantur, & fides prædicatur iuxta antiquam traditionem, qui nunquam ex parte fidei sug, aut religionis, sortiti sunt nomen ab aliquo particulari homine: quod tamen sine dubio non minus nobis accidisset, si ea quæ à nobis fidei doctrina tenetur, fuisset ab aliquo superinducta aut inuicta (siue is Episcopus siue Pontifex fuisset) quàm omnibus ceteris, qui nouam doctrinam alienam à communi Ecclesiæ sensu, quem quasi per manus ab Apostolis simul cum Scripturis tradidimus accepimus, effingere & populo obrudere præsumpserunt: nam & Corinthij mox ut ad scissuras, & schismata erant procliuiores, ceperunt singuli dicere: Ego sum Pauli: ego sum Apolli: ego verò Cephei.

TRACTATUS

DE

TRADITIONIBVS.

DVBIVM I.

Quid & quotuplex sit Traditio?

SERMO est de Traditione, non rerum materialium, quæ fieri solet manibus corporeis: sed de Traditione intelligibilem aut credibilem, quæ fit intellectu & signis seu notis significatiuis: & sic quidem generaliter de Traditione loquendo, significat omnem doctrinam, quæ ab vno communicatur alteri, siue scripturâ, siue voce, siue alijs notis & signis. Vnde Apostolus 2. ad Thessal. cap. 2. sic de eâ loquitur: *Tenete traditiones quas accepistis, siue per sermonem, siue per epistolam.* Ita quoque ad doctrinâ scriptam extenditur Exodi 17. *Scribe hoc ab monumentum in libro, & trade in auribus Iosue: & A& 6. Lex Moysis & cæremonialia in eâ descripta, vocantur traditiones: Audiuiimus enim cum dicentem*

(inquit) quoniâ IESVS Nazareus hic, destruet locum istum, & mutabit traditiones, quas tradidit nobis Moyses. Quamuis igitur nomen hoc generale sit, tamè ab antiquis Ecclesiæ Scripturibus accommodatum fuit ad significandam tantum doctrinam non scriptam: & sic à Theologis vsurpatur. Iren. lib. 3. cap. 2. Euenit (inquit) neque Scripturis, neque traditioni consentire eos, &c. Tertull. lib. de Coronâ militis: Si legem populi, scripturam nullam inuenies: traditio tibi præcéditur authoris. Et Cypr. lib. 2. epistola 3. Admonitos autem nos scias, ut in calice Domini offerendo, Dominica traditio seruetur, ut calix qui in commemorationem eius offertur, mixtus vino offeratur: quibus locis Traditio contra scripturam distinguitur.

Obseruandum autem est, quod vocemus doctrinam non scriptam; non quæ absolutè nusquam scripta inueniatur: sed

quæ à primo Authore suo scripta non est, nec etiam scripta eo dictante.

Quod ad diuisionem Traditionis attinet, potest ea dupliciter fieri : vno modo vt desumatur ab Authoribus : alio modo vt desumatur à materiâ. Priori modo diuiditur in Diuinam, Apostolicam, & Ecclesiasticam. Diuine Traditiones dicuntur illæ, quæ ab ipso Christo Domino emanarunt, & tamen à nullo scriptore Hagiographo litteris sacris sunt madatæ, vt doctrina de perisq; spectantibus ad materiam, formam, & ministros Sacramentorum, Apostolicæ autem sunt, quæ ab ipsis Apostolis sunt institutæ cum Spiritus Sancti assistentiâ, quas tamen non habemus ab illis conscriptas : vt ieiunium Quadragesimæ, quatuor Temporum, & multi ritus Sacramentales. Solent tamen hæc duo membra in nominibus suis inter se aliquando confundi, vt diuine Traditiones vocentur aliquando Apostolicæ : & è contra : quia scilicet istæ licet primitus non sint ab Apostolis inuentæ & institutæ, sed à Christo, nihilominus Apostoli eas primum acceperunt, & Ecclesiæ promulgarunt : hæc autem dicuntur etiam diuine, non quod Christus eas immediate instituerit, sed quia non sine Spiritus Sancti instructione, Apostoli eas ordinauerint, & docuerint obseruandas. Ecclesiasticæ Traditiones, vt contra prædicta membra distinguntur, propriè sunt consuetudines quædam antiquæ ab antiquis Ecclesiæ Prælati, vel à Christiano populo inchoatæ & introductæ : quæ sensim aut vim legis, aut opinionem salutaris regulæ obtinuerunt.

Ex parte materiæ diuidi potest Traditio in doctrinalem, & moralem, siue in eam quæ continet doctrinam fidei, & in eam quæ continet præcepta, aut directionem morum. Prioris generis est, v. g. quod Beata Virgo semper fuerit & permanserit Virgo : quod septem sint Sacramenta nouæ Legis, non plura nec pauciora. Posterioris autem, quod certis diebus festa & ieiunia sint obseruanda, quod frons signo Crucis sit munienda. Inter traditiones autem, quæ ad mores pertinent, quædam sunt perpetuæ, vt exempla posita : aliæ fuerunt temporales, vt fuit obseruatio quorundam Legalium, quæ ad tempus fiebat, vsque ad plenam scilicet Euangelij promulgationem, vt facilis Ecclesia ex Iudæis & gentibus coalesceret. Rursum alię sunt necessarię, vt quæ sunt in forma præcepti, vt ieiunia dicta : alię autem sunt libere, vt quæ sunt in forma Consilij, v. g. vsus aquæ lustralis, & similia.

D V B I V M II.

Virum præter Scripturas sacras debeat Ecclesia admittere & recipere aliquam doctrinam non scriptam, siue traditiones à Christo vel Apostolis profectas?

Hæretici tam antiqui, quàm moderni semper reiecerunt Traditiones omnes : & volunt in litteris sacris omnia esse expressa, quæ scitu sunt necessaria, siue quoad fidem, siue quoad mores : Contra quos sit

CONCLUSIO VNICA:

Præter Scripturam sacram omnino etiam admittendæ & necessariò recipiendæ sunt traditiones à Christo, & Apostolis profectæ, & fidei custodiæ Ecclesiæ demandatæ. Est de fide, vt patet ex Concil. Trident. Sess. 4. in Decreto de Scripturis Canoniciis : vbi docet veritatem Euangelicam & disciplinam contineri in libris scriptis, & sine scripto traditionibus, quæ ab ipso Christi ore ab Apostolis acceptæ : aut ab ipsis Apostolis Spiritu Sancto dictante, quasi per manus traditæ ad nos vsque peruenerunt. Et in fine Decreti dicit Anathema illi, qui sciens & prudens Traditiones prædictas contempnit. Similiter Concil. Nycen. secundum, Act. 10. in fine : Si quis traditionem Ecclesiæ, siue scripto, siue consuetudine valentem, non curauerit, Anathema sit. Quod repetitur in Concil. Generali 8. Act. 8.

Probatur primò ex Scripturis quæ testantur Apostolos tum à Christo Domino, tum à Spiritu Sancto multa edoctos, quæ de mandato tradiderunt Ecclesijs : quæ spectabant tum ad instructionem & fidem, tum ad directionem & præcepta, quæ tamen scriptis non commiserunt. Ioan. 16. proximè ante passionem suam dicit Christus, *Adhuc multa habeo vobis dicere, sed non potestis portare modo*. Ista autem non semper tacuit, sed post resurrectionem, haud dubie explicuit : non enim sine ratione scribit Lucas Act. c. 1. de Christo : quod fuerit per dies 40. apprensus eis, & loquens de regno Dei. Item eodem cap. Ioan. 16. *Cum autem venerit ille spiritus veritatis, docebit vos omnem veritatem* : Et rursum : *Ille me clarificabit, quia de me accipiet, & annuntiabit vobis* : & cap. vltimo : *Sunt autem & alia multa quæ fecit Iesus, quæ si scribantur per singula, nec ipsum arbitror mundum capere posse eos, qui scribendi sunt, libros*. Multa igitur Spiritus Sanctus docuit, & annuntiavit Apostolis : & Christus multa dixit & fecit quæ ad Ecclesiæ seruiunt instructionem (omnis enim Christi actio, nostra est instructio)

struatio) quæ litteris sacris non continentur : paucissime enim de dictis & factis Christi post resurrectionem scripserunt Evangelistæ : nec tamen credibile est Apostolos illa neglexisse & non tradidisse Ecclesijs : neque enim inuidi, neque obliuioſi tûm erant, vt de illis dici queat, quod aut noluerint, aut non potuerint Ecclesiam de illis informare.

8 Et 1. ad Corinth. cap. 11. tractat Diuus Paulus duas materias, vnâ de modo orandi in Ecclesiâ : & alteram de modo sumendi Eucharistiam : Et vtriusque exordium sumit ab eis quæ tradidit Corinthijs : sic enim de priori scribit : *Laudo autem vos fratres, quod per omnia mei memores estis : & sicut tradidi vobis, præcepta mea tenetis.* Ista autem præcepta quæ tenebant Corinthij, nõ erant tum scripta : imò nec modò exstant scripta, vt notarunt D. Chrylost. & Theophyl. ad illum locum. Epiph. hæresi 61. & Basil. lib. de Spiritu Sancto cap. 29. Quamuis Apostolus eo cap. alia adhuc adiiciat, quæ ad conuenientè orandi modum decerant, quæ ibi scripta habentur. In fine autem concludens illam materiam, vt ostendat quantum sit traditioni & consuetudini Ecclesiæ tribuendum, adiungit : *Si quis autem videretur contentiosus esse, nos (inquit) salem consuetudinem non habemus : neque Ecclesiæ Dei.*

9 Posteriorem autem quæſtionem sic exorditur : *Ego enim accepi à Domino, quod & tradidi vobis :* illud itaque tradiderat eis, nõ tanquam scriptum, sed vt per se acceptum à Domino : & tamen nemo dubitare potest, quin Corinthij deberent illud recipere & credere, non minus quàm quæ scripta erant. In fine quoque huius materiæ & capituli, adiungit : *Cætera autem, cum venero, disponam.* Quæ autem disposuerit nusquam in sacris litteris inueniuntur expressa : neque tamen cum fundamento vel ratione existimari potest, quod vel non disposuerit, vel quod omnia illa sint oblitterata, & extra cognitionem Ecclesiæ exciderint : sed meritò illa creduntur esse inter ea, quæ Ecclesia per traditionem acceperit, & tenet de Sacramentorum materiâ & formâ, de eorum ministris, de ministrorû Ordinatione, & de multis ritibus sacramentalibus qui in Ecclesiâ antiquissimi sunt. 2. ad Thessal. cap. 2. Itaque fratres, *scite & tenete traditiones quas accepistis, siue per sermones, siue per epistolam nostram.* Hic præcipit simpliciter Apostolus, vt Thessal. teneant & obseruent non minus quæ acceperant viuâ voce sibi tradita, quàm quæ per epistolam : ergò indubitatè sunt tenenda, sicuti scripta.

10 Respondent heretici, nihil Apostolum

per sermonem tradidisse, quod non prius aut saltem postmodum fuerit sacris litteris demandatum. Sed contra facit primò : quia Apostolus voluit saltem illa teneri, etiam antequam omnia essent scripta, & licet nunquam fuissent scribenda, haud dubiè non idcirco Thessalon. fuissent liberati ab istâ obligatione. Deinde, apparentiam non habet, quod nihil Apostolus aliud per sermonem tradidisset, quàm quod scriptum est, quia eodem cap. dicit se illis prædicasse de Antichristo : & inter reliqua addit : *Et nunc quid deceat scitis, vt reuelatur in suo tempore :* vbi significat se quædam illis explicasse de aduentu Antichristi, eiusq; morâ, quæ nos ignoramus, nec inuenimus in litteris sacris expressa : quod etiam obseruauit August. lib. 20. de Ciuitate cap. 19. Plura itaque Apostolus per sermonem tradiderat, quàm quæ scripturis continentur. Et in hunc sensum acceperunt prædicta verba D. Basil. lib. de Spiritu Sancto, cap. 29. Apostolicum puto esse, etiam in traditionibus non scriptis perseuerare. Laudo vos, quod omnia mea meministis, scribit (scilicet Apostolus) & quemadmodum tradidi vobis, traditiones obtinetis. Similiter D. Chryl. ad ipsum locum Pauli : Hinc patet, inquit, quod non omnia per epistolas, sed multa etiam sine litteris tradiderint, scilicet Apostoli : eadem verò fide digna sunt tam illa, quàm ista. Idem scribunt ibidem Oecumenius, & Theoph. Sic quoque locum istum intellexit Synodus 8. A. & vltima Can. 1. Rursus idem Apostolus 1. ad Timoth. cap. vltimo. *O Timothee, depositum custodi :* & 2. ad Timoth. cap. 1. *Formam habes sanctorum verborum, quæ à me audisti in fide, & dilectione, &c. Bonum depositum custodi per Spiritum Sanctum, qui habitat in nobis.*

9 Quibus locis Depositum nomine nõ aliud intelligitur ; quàm Thesaurus Euangelicus, qui in diuinâ Christi, & Apostolorum doctrinâ primitiuè Ecclesiæ traditâ, plenâ omnis veritatis, sanctitatis & honestatis ; ac in huius doctrinæ sanâ & verâ intelligentiâ, consistit. Quod colligitur ex oppositione quæ fit priori loco, dum additur : *Deiitans prophanas vocum nouitates, & oppositones falsi nominis scientiæ :* & ex illo quod dicitur posteriori loco : *Formam habes sanctorum verborum, quæ à me audisti.* Deinde sic Depositum hic intellexit D. Irenæus lib. 3. cap. 4. vbi scribit : Apostoli quasi in depositarij diues, plenissimè in Ecclesiâ cõtulerunt omnia, quæ sunt veritatis : vt omnis quicumque velit, sumat ex eâ potum vitæ ; & lib. 4. cap. 43. Obaudire oportet Presbyteris Ecclesiæ, qui successionem habent ab Apostolis, qui cum Episcopatus succel-

successione, Charisma veritatis certum, secundum placitum Patris acceperunt. Ita quoque explicant D. Chrylost. Theophil. & alij. Neque dici potest, ad illud Depositum pertinere tantum libros sacre Scripturæ: non enim tam sollicitè & frequenter commendaret Apostolus depositum illud custodiri: quia facillimè conseruantur libri: nec tantum periculum est, ne excidant quando apud plures habentur: sicuti scientia viua voce tantum tradita & accepta, licet pluribus sit communicata. Deinde vult illud conferuari per Spiritum Sanctum, qui habitat, inquit, in nobis: libri autem magis in thecis & per seras & claustra conseruantur. Tertio, quia sequenti cap. 2. monet eundem Timotheum, quatenus ea quæ audiuit, commendat fidelibus hominibus qui idonei erunt, inquit, & alios docere: non dicit, quæ scripsi, aut quæ in scripturis sacris legisti: sed quæ audiui à me, eaque vult fidelibus hominibus tradi, qui idonei erunt alios docere: non dicit qui idonei erunt alij libros sacros tradere. Vide de his plura apud Vincentium Lirrenensem in Commonitorio aduersus prophanas vocum nouitates.

Neceffitas Traditionum, siue Doctrina non scripta probata iam ex scripturis, ostenditur quoque ex antiquis Patribus & Scriptoribus Ecclesiasticis.

12 Probatur Secundo Conclusio ex Sanctis Pontificibus, & antiquis Patribus tum Græcis tum Latinis. Fabianus Papa epist. 2. ad Episcopos Orientis, posteaquam dixerat, sacrum Chrisma singulis annis renouandum, subiungit: Ista à Sanctis Apostolis, & eorum successoribus accepimus: vobisque tenenda mandamus. Innocentius I. similiter scribit de institutis Apostolicis Ecclesiæ traditis epistola 1. quæ est ad Decentium. B. Ignatius Martyr, ut refert Euseb. lib. 1. Historiarum cap. 36. hortabatur omnes, quatenus Apostolorum traditionibus tenacius inhaerent: quas etiam caute gratia, dicebat scriptas se reliquisse, prout inueniuntur multæ in eius epistolis: quarum epistolarum meminit D. Hier. in lib. de Viris illustribus. Vide eundem Eusebium lib. 4. cap. 8. & lib. 5. cap. 20. vbi de Ægelyppo, & Polycarpo refert, eumodo agnoscent & commemorent doctrinam Christi & Apostolorum traditam, quæ scripta non est. Dionysius Ariopagita lib. de Ecclesiasticâ hierarchia c. 1. Primi illi

nostri sacerdotalis muneris duces summa illa & superflubstantialia partim scriptis (ait) partim non scriptis institutionibus suis tradiderunt. Quod etiam docet Iustinus Martyr in fine secundæ apologiæ pro Christianis. Ireneus lib. 3. cap. 4. Quid autem, inquit, si neque Apostoli scripturas quidem reliquissent nobis? nonne oportebat ordinem sequi traditionis, quem tradiderunt ijs quibus committebant Ecclesias? Vide plura ibidem, & cap. 2. & 3. vbi docet non esse aliam viam perueniendi ad veritatem, quam consulendo Ecclesias, in quibus est successio Episcoporum ab Apostolis, considerando quam illi dicant esse Apostolicam traditionem. Origenes in cap. 6. ad Rom. Ecclesia, inquit, ab Apostolis accepit traditionem etiam paruulis baptismum dare. D. Basil. lib. de Spiritu Sancto cap. 27. Dogmata quæ in Ecclesia prædicantur, quædam habemus è doctrinâ scripto prodita: quædam ex Apostolorum traditione in mysterio, id est, inquit, in occulto; tradita, receptim: quæ vtrique eandem ad pietatem vim habent &c. vbi mox subiungit multas traditiones non scriptas. Idem docent Chryl. & Theophil. & Oecumenius in cap. 2. epistolæ 2. ad Thessal. & dicunt eandem fide digna esse tam ista (scilicet quæ sine litteris) quam illa (scilicet quæ per epistolam) Apostoli tradiderunt.

Vnde conformiter ad antiquos Ecclesiæ Patres loquitur Conc. Trid. Sess. 4. in Decreto de Canonici scripturis, quando pari pietatis affectu & reuerentia dicit se suscipere traditiones à Christo & Apostolis profectas: & scripturam sacram. Quare immerito Kemnitius & alij hæretici in eo redarguunt Patres Concilij, cum ipsi Contra-dictores contra totam Antiquitatem, magis redarguendi sint. Vide etiam Chrylost. hom. 3. in epistolam ad Philip. vbi inter alia scribit, Non frustra ab Apostolis sanxitum ut in celebratione tremendorum sacrorum memoria fiat eorum qui hinc discesserunt: vbi agnoscit & recipit tanquam ab Apostolis traditum, quod in missæ sacrificio fiat commemoratio defunctorum. Cyril. Hierosolimitanus in suis Catechesibus mistagogicis præcipue explicat traditiones non scriptas, ut putatus baptismi, & aliorum Sacramentorum. Epiphani. hæresi 61. Oportet & traditione uti, inquit, non enim omnia à diuina Scriptura accipi possunt: quapropter aliqua in Scripturis, aliqua in traditione Sancti Apostoli tradiderunt. Damasc. lib. 4. cap. 17. Plurima, inquit, Apostoli sine scriptis tradiderunt.

Ex Latinis clarissimè & constantissimè pro Traditionum authoritate scribit Ter-
in calcat

quia non omnes habeant supernaturales oculos, ut dijudicare inter sacra & non sacra possint: sicuti etiam cæci corporaliter non possunt discernere inter lucem & tenebras. Secundò, fateamur quidem Scripturam sacram etiam habere suam cognoscibilitatem; sed quam modis & medijs diuinitus ordinatis voluit Christus ab Ecclesia & à fidelibus percipi, non per propriam cuiusque particularis industriam, ingenium, aut spiritum: sed per instructionem & traditionem maiorum, iuxta illud Deuter. 32. *Interroga patrem tuum, & annuntiabit tibi; maiores tuos, & dicent tibi.* Ex quibus dum humiliter & fideliter pendemus, & credimus, simul quoque præstantiam, virtutem, & diuinitatem istarum scripturarum, quas sic acceptamus, percipimus & agnoscimus; sic ut vicissim ex illis ipsis, diuino lumine intus cooperante, percipiamus & credamus Ecclesiam sedulam & fidelem esse Euangelici thesauri custodem, & omnis veritatis diuinitus reuelatæ magistrum.

19 Probatur Secundò & alia ratione: Quia non est satis scire, quod sit aliqua Scriptura diuina, & nosse qui libri eam contineant: sed etiam oportet certà habere instructionem de vero eius sensu, præsertim cum in multis locis sit obscura, & verba ac sententiæ diuersum possint admittere intellectum aut explicationem: atqui quomodo poterit aliquid certi in istis statui siue traditione, quæ patefaciat quomodo à viris Apostolicis, siue à proximioribus Apostolorum successoribus, fuerint ista intellecta: quæque testatur faciat intellectum talem ab Apostolis acceptum, & ad posteros ad nos usque per continuatam instructionem derivatum. Vnde adeo traditiones sunt necessariae, ut Diuus Basilii libro de Spiritu Sancto capite 27. dicat: Si consuetudines non scripto proditas rejiciamus, quod imprudentes & eadem damnabimus quæ in Euangelio habentur: imò potius ipsam fidei prædicationem ad nudum nomen contrahemus. Quia scilicet pro cuiuslibet affectu & prurigne traheretur verbum scriptum ad diuersos & incertos sensus, si non inhæreatur intellectui à maioribus per traditionem accepto.

Objectiones hæreticorum contra necessitatem Traditionum, siue Doctrinæ non scriptæ.

Wiggers in 2. 2.

Obijciunt hæretici primò: Deuter. cap. 4. dicitur: *Non addidisti ad verbum, quod vobis loquor, nec auferetur ex eo.* Quod etiam reperitur eodem libro cap. 12. Item Apocal. capite ultimo: *Si quis appoñerit ad hæc, appoñet Deus super illum plagas scriptas in libro isto, & si quis diminuerit, &c.* ergo præter doctrinam in Scripturis contentam non est admittenda aliqua doctrina non scripta.

Respondetur Primò: Si argumentum illud conuinceret, non tantum conuinceret traditiones non esse recipiendas: sed nullam omnino Scripturam præter librum Deuteronom. vel saltem nullam ex omnibus, quas postea Prophetæ & Apostoli scripserunt, esse recipiendam: quod per se absurdissimum est.

Respondetur itaq; Secundò, Negando Consequentiam: quia istis verbis solum prohibetur, ne quis crimen falsi circa libros sacros committat, deprauando illos: tunc per subtractionem eorum, quæ ad illos & eorum sensum pertinent, siue per additionem eorum quæ ad illos non pertinent.

Obijciunt Secundò, ad Gal. cap. 1. dicit Apostolus: *Sed licet nos, aut Angelus de calo euangelizet vobis, præterquam quod euangelizauimus vobis, Anathema sit:* ergo &c. Respondetur nihil inde licet contra conclusionem positam: Primò, quia Apostolus non dicit, præterquam quod scripsimus vobis, vel præterquam quod ex Scripturis sacris didicistis: sed præterquam quod euangelizauimus: illud autem quod euangelizauerat Apostolus, non tantum completitur doctrinam scriptam, sed etiam multa viuà voce tradita sine scripturis: vnde statim alijs verbis idem quasi repetit & dicit: *Si quis vobis euangelizauerit, præterquam id quod accepistis, Anathema sit.* Secundò, quia illud *Præterquam* ibi idem significat, quod contrariè aut contrariè, quam euangelizauimus: arguebat enim Apostolus Galatas quod tam citò transferrentur in aliud Euangelium, siue doctrinam contrariam Euangelio quod eis prædicauerat. Vnde cap. 3. scribit: *O insensati Galatæ, quis vos fascinauit non obedire veritati.* Non itaque sensus aut scopus Apostoli est, prohibere quo minus possent plura audire conformia Euangelio, seu Euangelicæ prædicationi Apostoli & sic perfici in omni veritate Euangelicâ, sed ne adhærerent Euangelizantibus contraria. Sic etiam sumitur vocabulum *Præter*, ad Rom. ultimo: *Rogo autem vos fratres, ut obseruetis eos, qui dissensiones & offensa præter doctrinam (id est, contra doctrinam) quam vos didicistis, faciunt.* Eodem sensu utitur Diuus Augustinus prædicatâ Apostoli sententiâ libro 3. contra litteras Petilianæ, cap. 6. & tract. 98. in Ioannem, N ubi sic

vbi sic de istis Apostoli verbis scribit: Non ait; plusquam accepistis; sed, præterquam quod recepistis: nam si illud diceret, sibi ipsi præiudicaret, qui cupiebat venire ad Thesal. vt suppleret quæ illorum fidei defuerunt.

- 24 Obijciunt Tertiò: 2. ad Timoth. cap. 3. dicitur: *Omni Scriptura diuinitus inspirata, utilis est ad docendum, ad arguendum, ad corrigendum, ad erudiendum in iustitiâ: vt perfectus sit homo Dei, ad omne opus bonum instructus*: ergo non est opus Traditionibus.

Respondetur Negando Consequentiam, siue accipitur vocula Omnis, collectiue, siue distributiue, id est, siue pro totâ Scripturâ simul collectâ; siue pro singulis eius libris: quia non dicitur, quod Scriptura sola sufficiat: sed quod omnis Scriptura sit utilis, & seruiat ad illos effectus, scilicet ad erudiendum in iustitiâ, item ad arguendum, ad corrigendum, &c. Vnde etiam conueniens non est, quod ipsa sufficiat, aut præter ea nihil requiratur: quia nequidem ex ipsis scripturis sufficiens nos haurire & capere doctrinam in illis contentam, nisi maiorum nostrorum instructio accedat, quæ nobis sensum aperiat, & in misterijs inibi latentibus inuestigandis nos iuuat & dirigat: sicut Christus Lucæ cap. ult. incipiens à Moyse, & omnibus Prophetis interpretabatur Discipulis euntibus in Emaus, in omnibus scripturis quæ de ipso erant: quarum sensum & mysteria ipsi ex solâ lectione vel recitatione nudâ textus, non percipiebant.

- 25 Quod verò ad mentem Apostoli attinet, non loquitur ipse de totâ Scripturâ collectiue, quæ nondum tora erat conscripta: sed de omnibus & singulis eius partibus, seu libris: adducit enim istud ad declarandum, quomodo cognitio sacrarum literarum, seu veteris Testamenti, quam ab infantiâ Timotheus didicerat, valeret etiam ad illum instruendum ad salutem per fidem quæ est in Christo IESU: nunc verò, nequidem hæretici dicere possunt vel auderent, singulas partes Scripturæ, & præsertim veteris Testamenti sufficere: quia tunc nouum esset superfluum. Obijciunt & alia Scripturæ loca: sed quæ solent allegare etiam contra potestatem Ecclesiasticam condendi leges: quæ adduximus & explicuimus. 1. 2. q. 96. a. 4.

- 26 Obijciunt Quartò varia loca ex antiquis PP. Sed quid veteres sentiant & doceant de Traditionibus, ex ipsorum verbis supra allegatis, & ex alijs pluribus locis, satis euidenter constat.

- 27 Quoad ea quæ adducunt, nihil omnino conuincunt. Quædam enim solum significanc scripturam continere fundamen-

tum doctrinæ Christianæ, siue eam doctrinam quæ omnibus est scitu necessaria: v. g. doctrinam symboli Apostolorum, & Decalogi, in substantiâ, vt ad baptismum gratiam & iustitiam possint peruenire: quam scilicet Apostoli in suis prædicationibus solent coram omnibus proponere, & docere: Ita intellige, quæ scribit D. Irenæus lib. 3. cap. 1. & Augustinus lib. 2. de Doctrinâ Christianâ cap. 9. sicuti etiam lib. de Peccatorum meritis & remissione capite vltimo: vbi dicit: Credo quod etiam diuinorum eloquiorum clarissima auctoritas esset, si homo illud sine dispendio salutis promissæ ignorare non posset: non autem volunt scripturam continere & explicare omnia omnino myteria, & Sacramenta religionis Christianæ: quia neque hæc solent promiscuè omni populo proponi & explicari: sed Episcopis & Pastoribus tradi, sicut monet Apostolus Timoth. loco suprâ citato: *Hæc commenda fidelibus hominibus, qui idonei erunt alios docere*, & 1. ad Corinth. 2. *Sapientiam loquimur inter perfectos & cap. 3. Ego fratres non potui vobis loqui quasi spiritualibus, sed quasi carnalibus. Tanquam paruulus in Christo, lac vobis potum dedi, non escam*, &c. Hoc etiam clarissime docet D. Basilii lib. de Spiritu Sancto cap. 27. *Consecramus autem aquam Baptismatis, & oleum vnctionis, præterea ipsum quod baptismum accipit: ex quibus (inquit) scriptis?* & respondet: *Nonne à tacitâ secretaque traditione. Et licet non debeant necessariò ista ab omnibus sciri, præsertim quando primum præparantur ad fidem Christianam, tamen à nemine, quando de illis instruitur, possunt negari.*

Quidam ex PP. istis loquuntur solū de certis quibusdâ dogmatibus, quæ satis clare in scripturis exprimuntur; & ad ea statuenda & firmanda dicunt scripturâ sufficere, & satis planè nos instruere, sic vt in illis non sit ad alia recurrendū, siue ad quorundâ particulariū scilicet figmenta, siue ad incertas quasdam auctoritates, vel particularium locorum consuetudines, vel doctrinam: prout faciebant hæretici qui dogmata illa impugnabant.

Alij autem movent & hortantur Doctores aut Prædicatores, vt sua quæ docent & prædicant, ex Scripturis sacris sumant & confirmant: quia vbi ex litteris sacris prodijt diuinæ vocis testimonium (vt loquitur Diuus Chrysostomus) tum & loquentis sermo, & audientis animus confirmatur: idque contra illos qui sine testibus & testimonijs dignis ex solâ animi vanâ cogitatione, aut ex libris apographis consingunt suam doctrinam & concionem: quæ sine dubio animum audientium non

non satiant, neque quietum & contentum reddunt: sed quasi elurient & vacuum relinquunt. Non autem contra illos, qui cum veterum testimonijs simul docent ea, quæ Ecclesia à Christo & Apostolis quasi per manus accepit.

30 Ad hæc itaque, si quis attenderit, poterit faciliè explicare difficultates quas ex P. P. hæretici adducunt. D. Cyprianus quidem in epistolâ ad Pompeium, durius aliquantulum contra traditionem quæ adversus eum de hæreticis non rebaptizandis allegabatur, loquitur: sed hoc mirum non est, quod errantium more conaretur declinare traditionis argumentum, quo se videbat maximè premi, & conuinci. Vnde D. Augustinus lib. 5. contra Donatist. cap. 23. & sequentibus, epistolam illam Cypriani refellit. Non tamen Cyprianus universali ter traditiones rejiciebat, ut hæretici faciunt: sed traditionem istam quæ contra se adducebatur: quia apprehendebat eam manifestis scripturis, quibus pro sua opinione vebatur, repugnare.

31 Obijciunt Quinto: Videtur impossibile potuisse conservari in sua integritate Traditiones non scriptas, cum plurima occurrant impedimenta, ut hominum obli-vio, imperitia, negligentia, malignitas; quæ nunquam in humano genere defuerunt; aut defunt: ergo nihil eis est tribuendum. Respondetur Neg. Assump. quia cum Christus promiserit Apostolis suis, & in illis toti Ecclesiæ Sanctum Spiritum, qui suggerat eis omnia quæcumque ipse dixerat & docuerat: imò cum Christus promiserit se ad futurum Ecclesiæ sug-vique ad consummationem sæculi, scilicet ad sollicitudinem excitando, auxiliando, instruendo, dirigendo, illuminando, potius impossibile est, eiusmodi Christi, & Apostolorum traditiones quæ ad fidem & religionem spectant, excidere; vel aliquâ negligentia, aut peruersitate corrumpi: Quemadmodum enim divinâ providentiâ & curâ principaliter traditiones ad veri Dei cultum & fidem pertinentes, sine Scriptura conservatæ fuerunt ab Adamo usque ad Moysen, cur non similiter possent traditiones à Christo vel Apostolis institutæ ad nos integrè trans-mitti.

32 Præsertim cum præter particularem Dei providentiâ, sint aliæ plures causæ eidem subseruientes: ut in primis sunt libri veterum Scripturæ: quamvis enim traditiones non continentur in Scripturâ Sacrà, tamen inveniuntur in monumentis antiquorum, & apud Ecclesiasticos Scri-ptores.

33 Secunda sit earundem assiduus usus:

pleræque enim traditiones sunt in continuo exercitio, ut quæ ad Sacramenta per-tinent, siue ut partes essentielles, siue ut ministri, siue ut ritus & cæremoniæ. Similiter Sacrificium missæ pro viuis & defunctis, ieiunia, dies festi, cultus Sanctorum, & imaginum, & similia.

Tertia causa sunt externa quædam monimenta durationis antiquissimæ: quæ quasi digito ostendunt, & mutâ veluti actione loquuntur ipsas traditiones semper fuisse, quas Ecclesia modò obseruat: ut sunt structuræ antiquissimæ templorum & altarium, memoriæ Martyrum, sacri fontes, imagines, Cruces, & alia similibus generis.

35 Quarta est hæresis ipsa, quæ perpetuò, nunc ex vnâ, nunc ex alterâ parte in diuersis fidei dogmatibus, Ecclesiam impugnat: singulis enim ætatibus exorti fuerunt hæretici, qui Ecclesiæ doctrinam & diligentiam excrucierunt: vnde divinâ quoque providentiâ factum est, quod singulis ætatibus existerent viri docti & Sancti, qui se istis tanquam murum pro domo Dei opponerent, & Ecclesiam propugnarent: Ad quem finem & effectum diligenter inuestigarunt illi doctrinam & sensum suorum prædecessorum, & traditiones antiquas, & magnâ vigilantia ac cautelâ eas ad posteros transmiserunt.

36 Quemadmodum enim illi, qui in longâ pace possident bona sua; sæpius titulos suos per incuriam ignorant, & munimenta perdunt; ita è contra qui frequenter litibus impetuntur, & habent aduersarios bonis ipsorum insidiantes, diligentissimè aduigilare solent, ut omnia instrumenta sua, titulos, & confines exactè cognoscant, & obseruent; ac ubi periculum fuerit, ne forsitan aliqua cum lapsu temporis obliteretur, aut excidant, tempestiuè procurant ea publicis testimonijs signari. Sic itaque continuâ Ecclesiæ lucta cum hæreticis, fecit & adhuc facit eam studiose sollicitam, ut per omnia conseruet antiquorum doctrinam, & intellectum in negotijs Christianæ religionis.

37 Quinto Obijciunt: Videtur hæreticorum semper fuisse proprium, obtrudere populo quod Christus & Apostoli quædam duntaxat coram omnibus, & palam docuerint, quæ scilicet scripta sunt: sed quod multa mysteria in occulto docuerit, & paucis quibusdam ea tradiderit & explicuerit. Siquidem Irenæus libro 1. capite 23. de Basilidianis scribit: quod dicant non oportere mysteria ipsorum effari: sed in abscondito per silentium continere; & cap. 24. de alijs scribit: Quod

IESVM dicant in mysterio discipulis, & Apostolis loquutum, & hos expostulasse, ut dignis & assentientibus seorim hæc traderentur. Tertullianus quoque lib. de Præscriptione: Solent (inquit) dicere non omnia Apostolos scivisse: vel omnia quidem scivisse, sed non omnia omnibus tradidisse: ergo videtur à talibus abstinendum, & minime ad traditiones confugiendum; sed standum in Scripturis, quæ omnibus notæ sunt. Et Confirmatur, Quia dabitur aliquando occasio plenius emingendi quidlibet, & introducendi multa falsa, & absorta sub nomine & prætextu traditionum.

38 Resp. N. C: Sunt enim hæretici quasi similes Orthodoxorum, ut notat D. Cyr. epistola ad Iubaianum: & hinc volunt, etiam quædam habere mysteria, & occultiores doctrinas: quemadmodum Orthodoxi Patres inquit fuerunt aliquando de mysterijs Christianæ religionis, quæ non volebant passim omnibus propalari.

39 Sed multum interest inter hæreticos illos, & Orthodoxos: quia illi occultabāt quædam sua, quia turpissima, & nefanda erant, ut refert Epiphanius de Gnosticis: & August. de Hæresibus c. 46 de Manichæis. Cuius etiam generis sunt occulta & mysteria Anabaptistarū. Catholici autem occultant præsertim ab initio quædam suæ religionis Sacramenta propter ipsorum sanctitatem, ne si omnibus in propatulo proponerentur, indignè fortassis ab externis gentilibus tractarentur: non autem quoddam lucem timerent sicut isti.

40 Deinde voluerunt hæretici mysteria religionis esse abscondita apud doctos quoque, & apud ordinarios Ecclesiæ Pastores & Prælatos: manifesta autem esse tantum quibusdam imperitis, & plebeis per particularem instructionem & illuminationem; quod Irenæus, & Tertullianus posissimum redarguunt in antiquis illis: quod scilicet dicerent Christum non explicuisse omnia mysteria Ecclesiæ suæ: namque Apostolos ea suis successoribus tradidisse, & manifestè Irenæi verba præseferunt. Catholici autem docent Christum plenissimè tum per se, tum per Spiritum Sanctum cœlitus missum instruxisse Apostolos, & hos quoque docuisse omnia, non quidem hunc, vel illum particularem hominem duntaxat: sed ipsam Ecclesiam, ac præsertim Episcopos & Pastores, quibus cura demandata est depositi custodiendi: atque ita non hic cuilibet datur facultas obtrudendi quidvis sub nomine Traditionis.

D V B I V M I I I

De Regulis, & medijs quibus licet cognoscere, & discernere veras: & germanas Traditiones ab alijs.

41 Q Vinque possunt assignari ad eum effectum regulæ: quarum Prima ut. Quando uniuersa Ecclesia aliquid tanquā huius dogma tenet, & non inuenitur in sacris litteris expressum, necesse est dicere & fateri, quod ex Apostolorum traditione illud habeatur. Patet, quia ut supra ostendimus: Non potest Ecclesia uniuersa, quæ columna est, & firmamentum veritatis, aberrare, ut tanquam diuinitus reuelata, & fide Catholica credenda proponat, quæ talia non sunt. Quando igitur aliquid dogma, ut tale proponit: & in Scripturis non repetitur, debet ipsa ab Apostolis hoc per traditionem accepisse: non enim nobis reuelationibus fides Catholica nunc accrescit, sed in istis permanet quæ tradiderūt illi qui fuerunt Apostoli ministri sermonis Christi: & propterea ad Eph. 2. dicitur: *Ædificata supra fundamentum Apostolorum & Prophetarum*: non tamen negamus quin aliqui articuli reuelati, aliquando minus fuerint tanquam tales cogniti, qui postmodum elucidantur, & tales declarationes per Ecclesiæ inquisitionem & definitionem.

42 Secunda regula sit: Quando uniuersa Ecclesia aliquid seruat, ut ad religionem pertinet, quod nemo instituire potuit, nisi Deus solus, quodque non inuenitur in litteris sacris scriptum, sine dubitatione etiam tenendum est, illud à Christo institutum, & ab Apostolis Ecclesiæ traditum. Rationem similem habet cum regula præcedenti. Et Confirmatur ex D. August. epistola 118. ubi arguit eos insolentissimam insaniam, qui existimant non rectè fieri, quod uniuersa obseruat Ecclesia; aut contra illud volunt disputare. Tale quid est baptisma paruulorum: nisi enim verum esset quod Christus hoc instituisset, grauis foret error, & magna temeritas baptizare eos, qui nullum ædum fidei, aut motionis in Deum habent, vel habuerunt: vnde Diuus Augustinus libro 10. de Genesi ad litteram cap. 23. Inter Apostolicas traditiones, illud reponit. Eò quoque spectat, quod Ecclesia non rebaptizet baptizatos ab hæreticis, vel infidelibus: sed baptismum illum ut validum approbet: neque enim potest Ecclesia illi dare valorem, nisi Christus etiam tales admisisset Sacramenti ministros: quod per Traditionem Ecclesia accepit, & cognouit. Hinc August. lib. 2. de Baptismo cap. 7. & ibi contra Donatistas, & quem pro se allegabant

bant Cyprianum, defendit principaliter valorem huius baptismi ab hæreticis collati ex consuetudine Ecclesiæ.

43 Tertia regula: Id quod in Ecclesiâ vniuersâ, & omnibus retro temporibus seruatum fuit, merito creditur ab ipsis Apostolis institutum esse, & profluxisse, etsi alioquin tale sit, quod Ecclesiæ potestatem non excedit. Indicat hanc regulam Aug. lib. 4. de Baptismo cap. 24. Eiusmodi quid est obseruantia quadragelimæ, quia licet Ecclesiâ possit eam instituere, tamen sursum ascendentes, & originem eius inquirentes, deprehendimus eam omni tempore vsque ad ipsos Apostolos in vfu fuisse.

44 Quarta regula: Quando omnes Ecclesiæ rautores, & DD. communi consensu tenent quippiam ex Apostolicâ traditione descendere, omnino tenendum est, illud Apostolicâ esse traditionem. Ratio est, quia isti representant Ecclesiâ vniuersalem, & si omnes isti errarent, cum populus debeat sequi Pastores & DD. consequenter fieret, quod Ecclesiâ tota in negotijs fidei, vel religionis erraret. Sic ad traditionem Apostolicam pertinere cognoscimus Cultum imaginum, quem vt talem asseruerunt Patres, & DD. Ecclesiæ in Concil. Nycæno 2. Actione vltima. Hæc ratione etiam probantur ritus baptismi pertinere ad Apostolicas traditiones; quia ita plerique Patres & DD. semper docuerunt; nec inueniuntur alij contrarium docuisse, aut aliter sensisse: quod dici potest sufficere, vt omnes communi consensu censeantur sic tenuisse.

45 Quinta & vltima regula sit: Id denique credendum est ex Apostolicâ traditione descendere, quod pro tali habetur in illis Ecclesijs, vbi est integra & continuata successio Episcoporum ab ipsis Apostolis. Hinc regulam statuunt Irenæus lib. 3. c. 3. & Tertull. lib. de Præscriptionibus: quia Apostoli cum officio Episcopatus tradiderunt suis successoribus & ijs quos instituebant Episcopos, etiam doctrinam Christianæ religionis, tam quoad fidem, quam quoad mores: vt satis colligitur ex Apostolo in epist. ad Timotheum & ad Tit.

46 Et quidem olim reperiēbatur successio integra, & sine interruptione in pluribus Ecclesijs, vbi Apostoli habuerant sedes suas, vt Hierosolymis, Antiochiæ, Ephesi, & alijs locis: ac propterea Tertull. remittebat ad tales Ecclesias ad cognoscendum de verâ, & Apostolicâ doctrinâ, ac traditione: sed nunc certa successio in omnibus, præterquam in Ecclesiâ Romanâ defecit: & idcirco ex testimonio huius duntaxat, potest modo sumi firmum illius rei argumentû; non sic ex alijs istis Ecclesijs.

D V B I V M IV.

Cuius Authoritatû haberi debeant Traditiones?

47 **R**espondeo & Dico Primò: Traditiones diuinæ & Apostolicæ sunt respectuè paris authoritatis cum doctrinâ diuinâ, & Apostolicâ scriptâ, siue ad fidem, siue ad mores pertineant: & paris quoque sunt dignitatis, quatenus in pari versantur materia. Declaratur: quia quod Christus docuit, vel quod Apostoli diuinitus reuelatum receperunt, non minori fide & veneratione dignum haberi debet, si istud nobis per traditionem innotuit, quam si per Scripturam: quia authoritas & dignitas doctrinæ non ex scripture, & litteris: sed ex ipso magistro dicente, aut docente vel reuelante dependent. Sic etiam præcepta morum à Christo, vel Apostolis instituta pari obseruantia respectuè sunt amplectenda, siue scripta, siue tradita inueniantur. Neque enim ista Apostoli mandata de quibus 1 ad Cor. cap. 11. dicitur: *Et sicut tradidi vobis, præcepta mea teneatis*, minus obligabant Corinthios, quam alia eius præcepta, quæ deinceps in eodem capite per epistolâ superaddidit, & sic de reliquis. Patent autem hæc ex Concil. Trident. Sess. 4. in Decreto de Scripturis Canonis: & ex Patribus, vt Chrysosthomo, Basilio & alijs supra allegatis.

48 Addidi autem, quatenus in pari versantur materiâ, ad obuindum offendiculo hæreticorum, quod in eo constituunt, quod dicant Catholicos æquè æstimare minimas suas traditiones, ac ipsam Scripturam sacram. Verum etenim est, quod æquè æstimant quoad veritatem, quando Apostolicæ sunt: non autem, quantum semper est ex parte materiæ: sicuti & Scripturæ partes omnes sunt æqualis authoritatis ex parte authoris edocentis, quamuis ratione materiæ, possint dici non paræ esse dignitatis.

49 Dico Secundò: Similiter Ecclesiasticæ Traditiones, id est, ordinationes, siue constitutiones ab Ecclesiâ antiquitus factæ, & solo vfu ac verbali doctrinâ ad nos deriuatæ, habent paræ authoritatem cum alijs Ecclesiæ præceptis, & ordinationibus, quæ in sacris canonibus inueniuntur expressa. Ratio eadem est: quia nō minor est Ecclesiæ authoritas viuâ voce duntaxat expressa & tradita, quam scriptis cõmendata. Ad huiusmodi traditiones potest pertinere, quod matrimonium iniquo metu extortum sit inualidum, saltem iuxta eos qui tenent eiusmodi metum non inualidare iure naturæ matrimonium, & similia.

N iij QVÆSTIO

Q V Æ S T I O II.

De Actu Fidei interno.

In decem Articulos diuisa.

ARTICVLVS I.

*An credere sit cum assensione
cogitare?*

HVIC articulo occasionem dedit: quod D. Aug. lib. de Prædestinatione Sanctorum, cap. 2. scriptum reliquit: vbi dicit, Ipsum credere nihil aliud esse, quam cum assensione cogitare.

Notat autem D. Thomas cogitare dupliciter sumi: Vno modo generaliter pro quacumque, & qualicumque actuali consideratione intellectus: sicuti accipitur à D. August. lib. 14. de Trinitate cap. 7. dum ait: Hanc nunc dico, intelligentiam, quâ intelligimus cogitantes. Alio modo magis strictè & propriè, scilicet pro eâ tantum consideratione intellectus, quæ est cum quâdam inquisitione, vt est ea quæ præcedit, antequam perueniatur ad eam perfectionem intellectus, quæ habetur per visionem rei.

Quamuis igitur D. Aug. loco citato non inuestiget ex proposito totam rationem siue definitionem actus credendi: sed solum intendat ostendere actum credendi sine cogitatione non haberi: & proinde nec sine Dei gratia, iuxta Apostolum: nihilominus D. Thomas respondet & docet dictis Augustini verbis contineri totam rationem actus credendi, si cogitare posteriori modo capiatur: nam per hoc verbum sic acceptum, excluduntur actus intelligendi, & actus sciendi: quia hi quidem cum assensione sunt: sed non sunt cum inquisitione: sunt enim considerationes omnino formatæ per cognitionem perfectam ipsius obiecti. Excludit quoque D. Thomas alios actus intellectus adhuc informes, qui sunt cum inquisitione, vt dubitationem, suspensionem, opinionem: quia non sunt cognitiones cum assensione, seu firmissimâ adhesionem ad vnâ partem. Vt verò etiam pertinax hæreticorum error excludatur manifestè, conuenienter addi potest, Cum assensione ex reuerentia diuinæ authoritatis ortâ.

Sed pro pleniori intelligentia & explanatione eorum, quæ ad actum credendi concurrunt, vterius obseruandum est, D. Augustinum loco allegato agnoscere duplicem cogitationem quæ ad fidem concipiendam, & exercendam concurrat: vnâ scilicet præuiam, quæ voluntatem & actum credendi antecedit, de quâ ait: Nullus quippe credit aliquid, nisi prius cogitauerit esse credendum: Item, quod quædam cogitationes; quâvis raptim & celeritè, semper anteuolent voluntatem credendæ & rursus; Necesse est, vt omnia quæ creduntur, præueniente cogitatione, credantur: Alteram verò, quæ sit ipsum credere: de quâ dicit, quancumque & ipsum credere nihil aliud est, quâcû assensione cogitare.

Prior itaque cogitatio, de quâ Augustinus, consistit potissimum in illo iudicio, quo homo ex notis fidei propositis & attentis, statuit & iudicat res fidei esse omnino credibiles, atque adeo secundum prudentem rationem esse amplectendas, & credendas propter diuinam authoritatem: & hoc quidem iudicium in substantia est naturalis adhuc ordinis: sed in modo tamen potest censeri supernaturale; fitque eo mediante quasi transitus in actibus ab ordine naturali ad supernaturalem: nam in eo fundatur voluntatis actus, siue voluntas absolutè credendi, quæ subsequitur, & in substantia est supernaturalis: non potest autè, saltè moraliter loquendo, hoc iudicium tam absolutum vti requiritur, absq; speciali gratiæ auxilio, & interiori illustratione diuinitus concurrente, formari solis naturæ viribus: vt etiam indicauimus sup. q. i. art. 4. & 5. nu. 147.

Quâvis enim notæ fidei sint tales, vt faciant res fidei euidenter credibiles, multa tamen concurrunt in mysterijs fidei quæ actum huius iudicii reddant valde difficilem: vt in primis, quia occurrunt non pauca quæ iuxta communem intelligendi rationem appareant inuoluerè repugnantiam, ad quæ ægrius intellectus se inclinat, aut potius eleuat, iudicanda credibilia, quia supra naturalis eius intelligendi sunt rationes.

Deinde plurima proponuntur, à quibus sensus & affectus hominum valdè abhorrent,

sent, quæ etiam efficiunt iudicium illud de talibus credendis magis arduum & difficile: & quali. offuscant & impediunt, quo minus appareat, aut apprehendatur credibilitas, quæ in Notis ipsis relucet: quod impedimentum indicat Christus Ioannis 5. *Quomodo vos potestis credere, qui gloriam ab invicem accipitis?* & Apostolus 1. ad Timoth. c. 1. dum scribit: *Itabens fidem & bonam conscientiam, quam quidam repellentes, circa fidem naufragaverunt.*

8 Observandum Secundò, ex eodem Augustino, intellectum ad prædicationem, & sufficientem rerum fidei propositionem non ex necessitate, sed liberâ voluntate in earum moveri assensum: quod in primis significat, quando loco citato dicit: quod quædam cogitationes voluntatem credendi anteolunt: & clariùs exprimit eodem lib. cap. 5. dum scribit: Non quia credere, vel non credere non est in arbitrio voluntatis humanæ; sed in electis præparatur voluntas à Domino, ideo ad ipsam quoque fidem, quæ in voluntate est, pertinet: *Quis enim te discernit &c.* Et hinc in scripturis frequenter fides ad cor, seu voluntatem hominis refertur: vt quando ad Rom. 10. dicitur: *Corde creditur ad iustitiam:* & Luca 24. *O! stulti & tardi corde ad credendum.* Et rationem indicat D. Tho. quando dicit, quod intellectus credentis determinatur ad vnum, non per rationem; quodque assensus in definitione, siue verbis Augustini sumatur pro actu intellectus secundum quod à voluntate determinatur. Fundamentum itaque est: quia per solam obiecti fidei propositionem non determinatur intellectus ad vnum: vnde debet accedere alia causa determinans & applicans ad agendum: nam se ex indeterminato reducere ad determinationem, ac sese determinare ad vnum, omnibus reliquis eodem modo se habentibus, est voluntati inter potentias, proprium, quæ intrinsecè & per se libera est, non autem intellectui convenit: & ideo debet accedere actus voluntatis qui intellectui imperet, vt rebus sic propositis assentiat, & credat.

9 Sed occasione eius quod Augustinus dicit, fidem in voluntate esse, Quæri potest: An igitur credere sit formaliter actus voluntatis, in eâq; tanquam proprio subiecto resideat? Respondetur negativè: certum est, quod formaliter sit actus intellectus, & in eo formaliter subiectetur: quod significant litteræ Sacræ diversis locis, vt quando credere exponunt per discere, contemplari, videre: quæ omnia manifestè ad intellectum pertinet: Ioannis c. 6. *Omni qui audit à Patre, & didicit, &c.*

2. ad Timoth. cap. 3. *Tu verò permane in his quæ didicisti,* 2. ad Cor. cap. 2. *Non contemplantibus nobis (scilicet per fidem) quæ videntur: sed quæ non videntur.* 1. ad Corinth. 13. *Videmus nunc per speculum in enigmate: ac denique ex illo* 2. ad Corinth. cap. 10. *In captivitatem redigentes omnem intellectum in obsequium fidei:* Ad Augustinum itaque Respondetur, illa verba non habere difficultatem: quia ex adiunctis manifestum est, quod dicat fidem in voluntate esse, quia in potestâte voluntatis est, vt intellectus credat vel non credat: non autem quod voluntas actum fidei efficienter eliciat, aut elicitus in voluntate subiectetur.

10 Quæritur Secundò: Quomodo Divus Thomas in descriptione actus credendi, rectè accipiat & explicet illud cogitare de cognitione cum inquisitione, cum fides hominem reddat securissimum & certissimum de veritatibus creditis, ita vt de illis nulla relinquatur dubitatio aut inuestigatio? Respondetur dupliciter posse haberi cognitionem cum inquisitione: vno modo, vt inquisitio procedat ex dubitatione, aut aliquâ formidine de opposito quoad veritatem: Alio modo, vt ex tali fundamento non oriatur, sed teneamus veritatem tanquam certissimam: Alit verò quia rem ipsam non videmus clarè, inquirimus & adlaboramus vt possimus eam intrinsecè. Priori modo non habet fides adiunctam inquisitionem secundum se: quamvis in cogitationibus voluntatè credendi antecedentibus seu antecedentibus, illa sæpius sese immisceat, vt D. Thomas ad 3. significat. Posteriori autem modo etiam fides habet inquisitionem: quamvis enim non dubitemus quin verissima sint, quæ credimus, nec desideremus certiores esse de fidei veritate, tamen desideramus & inquirimus, siue hic quantum possibile est, siue in patriâ claratè videre veritatem.

Vnde assensus fidei est quasi informis, in ratione scilicet cognitionis, vt hic indicat D. Thomas: quia non attingit rem vt est in seipsâ: sed ad hoc tendit: formabitur autem perfectè in patriâ per claram visionem: tunc enim animus non tendit ad ulteriorem intelligentiam; sed ibi plenè satiatus quiescet.

12 Cæterum posset breviter & clare definiri Credere hoc modo, vt dicatur esse, Assentiri ob divinam auctoritatem obscure revelantem, ac testificantem. Hic enim ponitur genus credendi, quod est assentiri: Deinde explicatur obiectum formale, scilicet: divina veritas revelans, vnde fides speciè accipit, per quod facillè potest ab alijs omnibus actibus intellectus distingui.

ARTICVLVS II.

Vtrum conuenienter distinguatur actus fidei, per hoc quod est, Credere Deo, credere Deum, & credere in Deum?

- 13 **C**ONCLUSIO D. Thomæ est affirmatiua. Et probat ex Auguſtino, qui diuerſis locis, vt ſerm. 61. de Verbis Domini ſerm. 181. de Tempore, & Tract. 29. in Ioannem, illa tria diſtinguit. Explicat verò D. Tho. eorum diſtinctionem ſecundū diuerſam relationem actus fidei ad obiectum, quod eſt Deus. Siquidem quatenus Credere eſt ab intellectu eliciente, verſatur inprimis circa Deum, ſeu primam veritatem vt formalem rationem, & medium credendi: ſicuti ſupra fuit explicatum: & ſecundum hoc dicimur credere Deo. Quia illi vt veritates reuelatas teſtificanti credimus. Deinde idem Credere etiam vt ab intellectu procedit, verſatur circa Deum, tanquam materiale obiectum: & ſecundum hoc dicimur credere Deum, videlicet eſſe cum omnibus ſuis attributis, & perfectionibus. Tertio, quatenus credere à voluntate imperatur, ſic quoque ſecundum particularem reſpectum & rationem verſatur circa Deum, vt ſcilicet habet rationem finis, tūm reſpectu intellectus, cuius ſuprema perfectio conſiſtit in contemplatione & apprehenſione primæ veritatis; tūm etiam reſpectu voluntatis: idque dupliciter: vno modo, quia voluntatis eſt mouere omnes potentias in ſuos fines, & ſic ſingularum virium fines, quatenus voluntas eos pro ſingulis curare debet, ſunt quodammodo etiam fines ipſius. Secundò quatenus habet rationem ſummi boni, & ſic circa illum verſatur tanquam obiectum ſuum proprium. Iuxta hoc igitur quod ex voluntatis imperio actus fidei tendit in Deum, ſeu primam veritatem vt finem, ſic dicimur credere in Deum. Ex quibus licet colligere quod tria iſta non ſint diuerſi actus realiter diſtincti: ſed in vno eodemque actu concurrant, quatenus ſub diuerſa ratione ſeu conſideratione reſpicit idem obiectum quod eſt Deus.

- 14 Explicat autem Beda hæc breuiter ſic ſcribens in cap. 2. Iacobi: Credere illi (inquit) eſt credere vera eſſe, quæ loquitur: Credere illum, eſt credere, quod ipſe ſit Deus: Credere in illum, eſt diligere illum.

- 15 Sed inde inferet aliquis: ergo peccatores non credunt in Deum; atque adeo falſum loquuntur, quando ſymbolum ſi,

dei recitant: Reſpondetur inſiſtendo rigori dictæ diſtinctionis, ſic quidem peccatores non perfectò modo credere in Deum, quod ſatis aperte habet Beda loco citato, dum addit: Credere Deo, & malos poſſe: Credere Deum & Damontes poſſe; Credere in Deum ſoli nouere qui diligunt Deum, qui non ſolo nomine ſunt Chriſtiani; ſed & factis & vitæ: in quibus imitatur Beda Auguſtinum locis ſupra citatis.

16 Addo tamē poſſe peccatores nihilominus, modo quocum imperfectioni dici credere in Deum: quia licet non diligant illum amore perfectò & charitate totum atque, qui tamen verè fideles ſunt, non carent omni omnino animi & affectus tendentiæ ac motione in Deum: quauis enim mundi & carnis illecebris & cupiditatibus poſſeſſi non valeant, aut non velint ſeſe efficaciſſe reſoluere, vt Deum omni creaturæ præponant, eiufque mandata omnia obſeruent, nihilominus habent ſuas velleitates & affectus imperfectæ dilectionis, quibus ſuo modo deſiderant & optant Dei amicitiam, eiufque bonis frui; & ratione eiufmodi motionis animorum poſſunt dici credere in Deum, quauis modo minus perfectò: & hoc ſenſu non erunt cenſendi falſam loqui, quando ſymbolum recitant.

17 Quo pacto & ſenſu docet Suarez Tom. 2. de Relig. l. 3. de Oratione vocali in communi cap. 8. Peccatores etiam obduratos poſſe orare & dicere in Oratione Dominica: Et dimitte nobis debita noſtra, ſicut & nos dimitimus debitoribus noſtris: modo ea proferant animo petendi diſpoſitionem, & vt Deus anumum illorum emolliat, auferendo ab eis cor lapideum, & dando cor carneum & pœnitens. Vnde addit etiam abſque mendacio poſſe intelligi eos dicere: Sicut & nos dimitimus debitoribus noſtris; qui tamen nondum plenè remittunt, non tantum quatenus ex perſonâ Eccleſiæ quæ ſuis debitoribus remittit debita, cenſentur hoc dicere, vt exponit D. Tho. 2. 2. quæſt. 83. art. 16. ad 3. ſed etiam vt ex perſonâ propriâ dicunt; quatenus conſtituit neceſſe eſſe, alijs remittere debita, vt conditionem neceſſariam ad veniam obtinendam: quam licet nondum efficaciſſe ponant, tamen optant illâ & ſupplicat pro auxilio vt eam ponant, & ſic initialiter remittunt.

18 Quod itaque ad ſermonem Credere in Deum attinet, haud dubiè non ſolis iuſtis tribuitur credere in Deum: nam Ioannis cap. 12. dicitur: Ex Principibus multi crediderunt in eum; ſed propter Phariſæos non conſitebamur, vt eſt ſynagoga non eſſentur: dilexerunt enim gloriam hominum magis, quàm gloriam

gloriam Dei. Isti enim Principes iusti non erant, neque perfecti amore Christum diligebant, ut satis Euangelista explicat: & tamen dicuntur credidisse in Christum, quia ei credendo simul affectu aliquo in eum inuuebantur. Ipse quoque August. lib. de Fide & Operibus cap. ultimo dicit, Malis non sufficere ad salutem, quod credant in Christum: ubi loquutus ista supponit, quod mali etiam possint dici credere in Deum, scilicet vel propter motum illum imperfectum tendentem in Deum ut finem: vel dicendum est, quod discrimen istud non fuerit perpetuo huc in Scripturis, tunc apud Scriptores Ecclesiasticos exactissime obseruatum, quin aliquando credere in Deum, & credere Deo, habeantur pro iisdem: quauis alioquin ista phrasia credere in aliquem, habeat aliquid plus energiae: atque adeo simul importet aliquem motum credentis in eum, in quem credere dicitur: videlicet tanquam in finem, & caput cui desideret esse coniunctus, potissimum si modus latine loquendi spectetur.

19 Vnde Rufinus in expositione Symboli, de hoc loquendi modo, Credere in: sic scribit: Hac itaque præpositionis fillabâ Creator, à creatura fecernitur, & diuina separantur ab humanis: quod etiam docet Aug. sermone supra citato de Tempore: & tract. 54. in Iannem, ubi dicit nos posse credere Apostolo: sed non in Apostolum. Idem ex D. Leone tradit S. Thomas.

20 Hinc patet quid respondendum sit: Si quaeratur an rectè possimus dici credere in Ecclesiam? Dicendum enim est, id non propriè dici posse, propter ea quæ diximus. Vnde quod iuxta lectionem Concilij Chalcedonenfis reperitur in Symbolo Constantinopolitano: Credimus in vnam Sanctam Catholicam & Apostolicam Ecclesiam, exponit D. Tho. supra ad tertium fuisse dictum per Meronymiam, ut in effectu causa intelligatur, nimirum in Ecclesia Sancta, Spiritus Sanctus sanctificans: aut dici posset id dictum ad imitationem modi loquendi Hebræorum; & nihil per hoc significari aliud, quam si diceretur: Credo Sanctam Ecclesiam, ut exponit Epiph. in fine Anchorati: quod etiam videtur inclinari D. Hieron. in epistolam ad Philemonem. Interim verò magis genuina est communis lectio, & Symboli istius recitatio, quæ habet: Et vnam Sanctam Catholicam &c. & non, in vnam.

ARTICVLVS III.

Vtrum credere aliquid supra rationem naturalem, sit necessarium ad salutem?

Manichei olim docuerunt nihil esse credendum, nisi quod ratione naturali euidenter probetur. Vnde totius sue doctrinæ promittebant discipulis claram scientiam, ut tradit D. Augustinus lib. de Veritate credendi cap. 10. ubi dicit, Se per annos complures cum illis sub eâ spe versatum. Sed rectè e contra idem Aug. ibidem cap. 10. & sequentibus ostendit, nequidem humanam vitam more humano & ciuili posse transigi absque fide aliquorum, quæ euidenter non videntur: quia omnes contra dictum passim, omnia fœdera, & humane societates nituntur fide aliquarum rerum, quæ non cognoscantur euidenter: sicuti etiam hominum amicitia: nullus enim diligit tanquam amicum, nisi eum, à quo se credit diligi. Item iudicia & tribunalia fide nituntur. Denique pietas filiorum erga parentes, & contra parentis in filios fide humana nititur: neque enim filij euidenter scire possunt, qui sint eorum parentes, nisi credant: nec pater euidenter nouit prolem suam, nisi quatenus credit matri: & sic in alijs multis, ex quibus patet vanitas istorum Manicheorum. Respondeo itaque, & sic

21
CONCLUSIO VNICA: Semper fuit, estque modò etiam necessarium ad iustitiam & salutem, credere aliqua, quæ sunt supra rationem naturalem. Quod intellige, non tantum ex parte actus, & causæ efficientis ea quæ sunt ordinis supernaturalis propter imbecillitatem virium naturalium; sed etiâ ex parte ipsius obiecti, quod scilicet oporteat credere res aliquas, quæ humano ingenio comprehendere non possunt. Probatur ex Scripturis: Id enim indicatur Psalm. 93. dum dicitur: Dominus scit cogitationes hominum, quoniam vana sunt: Beatus homo quem tu erudieris Domine, & de lege tuâ docueris eum: ubi significat cognitionem rerum, quæ humano intellectu cognosci possunt, ad beatitudinem non sufficere: sed ad eam requiri instructionem diuinam altiore. Sapientiæ cap. 9. Si quis fuerit consummatum inter filios hominum, si fugerit ab isto sapientia tua: in nihilum computabitur: & ad Hebr. cap. 11. scribit Apostolus: Est fides sperandarum substantiarum rerum, argumentum non apparentium: ac proinde est rerum quæ supra naturalem nostram sunt cognitionem: & de illâ fide dicit

dicat ibidem: *Sine fide impossibile est placere Deo: & ostendit illa fide saluos omnes antiquos Patres: idque tam in lege naturæ, quam in lege veteri: eamque semper fuisse necessariam. Ex exemplis quæ subsiit, manifestè constat, quod ad eam fidem pertinuerit credere ea quæ naturalem rationem excedunt; vt quando dicit, Fide intelligimus aprata esse secula: & similia quæ per totum eius discursum ibi miscentur.*

23

Ex illo autem, *impossibile est: colligitur, non solum necessitate præcepti, sed etiam necessitate mediij requiri ad salutem consequendam, vt homo credat aliqua, quæ supra rationem sunt: quod videtur esse contra Vegam lib. 6. in Concil. Trident. capite 17. 20. & 21. Vbi dicit inprimis: Etli quis inuincibiliter ignoraret esse vnũ Deum (quod fateretur esse impossibile) nihilominus eiusmodi hominem posse saluari itante illa ignorantia, si seruaret legem naturæ: & doleret de peccatis, si quæ contra legem illam commisisset. Sed quia Casus ille supponitur impossibilis, docet vltius naturalè cognitionè, quæ de Deo naturaliter potest haberi, posse ad salutem sufficere absq; fide, si quis inuincibiliter ignoraret fidem. Verùm ne hæc sententia arguatur Pelagianismi, addit eiusmodi hominè non iustificari sine gratia: quia quando habet talem cognitionem, datur auxilium voluntati necessarium; vt eliciat actum charitatis, qui in voto & implicitè continet fidem: hic enim includitur affectus, vt si sciret aliqua esse credenda ob diuinam auctoritatem, vellet credere. Quod gratiæ auxilium diceret Vega similiter præstari & concurrere in eo, qui inuincibiliter ignorans Deum esse, seruaret legem naturalem, & doleret de illis, quæ contra legem commisisset, si casus ille supponatur. Existimat itaque ille fidem rerum supernaturalium necessitate mediij ad salutem non requiri, dum admittit quod possit homo saluari solà cognitione naturali vnus Dei, si absque suâ culpâ fidem ignoraret.*

24

Sed isti opinioni erroræ aduersatur Apostolus ad Hebræos loco supra citato. Quod euidentius etiam constat ex Conc. Trident. Sess. 6. cap. 8. vbi de fide supernaturali tractans, dicit, Fidem esse fundamentum & radicem omnis iustificationis, sine quâ (inquit) impossibile est placere Deo, & ad filiorum eius consortium peruenire: & cap. 7. dicit, sine fide nulli vnquam contigisse iustificationè. Vide Conc. Mileuit. Can. 4. & Arausic. Can. 5. Idem sumitur ex toto argumento epist. ad Rom. & epist. ad Galatas: & huc faciunt etiam alia multa Scripturæ loca; Ioan. 3. *Qui credit in filium, habet vitam æternam: qui autem incredulus*

est filio, non videbit vitam, sed ira Dei manet super eum: ac rursum Marci 16. Qui verò non crediderit, condemnabitur.

25

Neque satisfaciunt figmentum illud, quo videtur huiusmodi argumenta ex Script. & Concil. velle euadere, dicendo scil. fidem esse quidem absolutè necessariam, non tamen in re, sed in re aut in voto; sicuti dici solet de baptismo. Inprimis, quia hic loquendi modus cum tali distinctione de necessitate fidei, hæctenus fuit inauditus: neque habet in Scripturis, aut antiquis Patribus fundamentum. Deinde subsistere non potest: quia fides est humanæ salutis initium, vt dicit Conc. Trid. cap. 8. supra citato; & fundamentum ac radix omnis iustificationis: vr. de non potest aliquid antecedere, ratione cuius vel in quod dicitur quis habere fidem in voto; secus est de baptismo: quia hunc præcedunt prædicatio & auditus verbi Dei, & ex auditu fides, ad quam consequitur voluntas adimplendi omnia, quæ lex & doctrina Christiana tradunt obseruanda: & sic illis positus potest in illà voluntate generali obseruandi omnia præcepta religionis Christianæ, haberi implicitè votum baptismi: vel etiam explicitè formari tale votum siue voluntas suscipiendi baptismum, etli nondum in re suscipiatur. Hoc autem votum tenuit semper Ecclesia sufficere, quando debet dispositiones adfuerit, & realis susceptio baptismi haberi non potest. Præterea si dicatur fides aliquando haberi in voto, quod ad iustitiam sufficiat, multo magis videbitur id dici posse de charitate: quia hanc antecedunt fides, & spes: & quædam aliæ bonæ in Deum affectiones: atqui nullus dixerit aliquem posse saluari per charitatem, quæ habet in voto: & non in re: ergo &c.

26

Probat Conclufio denique ratione: Primò, quia fini debent esse consentanea & proportionata media; atqui finis noster, scilicet beatifica Dei visio, est supernaturalis: ergo & media scilicet cognitio & amor, quibus ad illum tenditur & peruenitur, debent esse supernaturalia. Confirmatur: quia finis iste est perfectæ Dei & diuinorum mysteriorum scientia: atqui rationi consonum est, vt ad plenam tantæ rei visionem non perueniatur, nisi prius credendo iuxta illud Isaïæ 7. *Nisi credideritis, non intelligetis*, iuxta versionem 70.

27

Secundò, vt tendat homo in finem supernaturalem, debet illum cognoscere, & media quibus ad illum itur; quæ non potest solà ratione naturali intelligere: quia hæc non dicit Deum velle hominem admittere ad tale consortium gloriæ suæ: neque explicat media, quibus eò perueniri debeat;

debeat : ergò ad salutem necessarium est, ut quæ supra rationem sunt, & Dei tantum reuelatione cognoscuntur, credantur.

28 Tertio, si cognitio, quæ solis naturæ viribus haberi potest, aliquando sufficiat ad iustitiam consequendam; ergò principium salutis erit ex nobis; quod est Pelagianum. Et patet, quia principium salutis incipit ab eâ Dei cognitione, quæ sufficit ad poenitentiam & charitatem consequendam. Vnde D. August. sæpe docet, principium salutis ex nobis fore, si vel fides, vel initium fidei, siue affectus credendi ex nobis esset. De quo licet illum videre lib. de Prædestinatione Sanctorum, ubi per plura capita eam doctrinam tradit: & lib. 1. Retract. cap. 23.

ARTICVLVS IV.

Utrum credere ea, quæ naturaliratione probari possunt, sit necessarium?

29 **C**ONCLUSIO D. Thomæ est affirmatiua, scilicet, quod oporteat quædam credere, quæ aliquin etiam probari possunt naturali ratione. Talia sunt, quod sit Deus, quod sit omnipotens, habeat omnium rerum prouidentiam, & similia. Adfert autem D. Thomas huius suæ conclusionis tres rationes. Prima est, quia de his fides est necessaria, ut citius ad eorum cognitionem homo perueniat: quandoquidem enim sint fundamenta bonæ ac honestæ vitæ, debet statim eorum cognitio comparari & haberi: ergò necessarium est ea credere: nam ratione naturali tardius aut ferius solent ista cognosci. Secunda, quia fides horum est necessaria, ut cognitio sit vniuersalior & pluribus communis: nam pauci hæc valent solâ ratione naturali penetrare.

30 Tertia, ut cognitio sit quoque firmior, & absque periculo erroris. Ratio enim humana in ijs quæ Dei sunt, seu in diuinis rebus intelligendis multum est deficiens: nam Philosophi non tantum in illis, sed etiam de rebus humanis, & creatis naturali inquisitione percurantes, errauerunt in pluribus, & sibi contraria statuerunt: ut igitur indubitata & certa cognitio apud homines de Deo haberetur, oportuit (inquit D. Tho.) quod diuina eis per modum fidei traderentur, tanquam à Deo dicta, quæ mentiri non potest.

31 His licet addere quartam rationem: quia harū rerum cognitio, ut sit regula & mensura operum supernaturalium, quibus in Deū tendimus ut finem supernaturalem,

debet esse supernaturalis: quia requiritur ut sit proportio inter cognitionem dirigentem actionem ad finem, & inter ipsas actiones, ipsumque finem. •

ARTIC. V. VI. VII. & VIII.

Utrum homo teneatur ad credendum aliquid explicitè?

Utrum omnes teneantur ad habendum fidem explicitam?

Utrum explicitè credere mysterium Incarnationis Christi, sit de necessitate salutis apud omnes?

Utrum explicitè credere Trinitatem, sit de necessitate salutis?

32 **Q**UATUOR hos Articulos, propter materię connexionem, vnâ explicabimus: ne sapius idem cum credio. & ordine confuso dicere & repetere cogamur. Pro explicatione itaque & intelligentia doctrinæ horum Articulorum: Notandum dum Primò, Illa nos dici credere explicitè, quibus, ut sub proprijs & particularibus terminis nobis propositis & expressis, assentimur: v. g. credit explicitè mysterium Incarnationis, qui credit filium Dei hypostaticè assumpsisse humanam naturam, & Christum esse Deum & hominem: sic credit explicitè mysterium, Trinitatis, qui credit Patrem, Filium & Spiritū Sanctum esse vnū Deum, & tres personas. Implicitè autem credimus illa, quæ fide tenemus in alio, siue tanquā in principio vniuersaliori in quo ea continentur; siue tanquam in sententia. & sensu Magistrī fidei, cui adhaeremus, siue tanquam in figurâ vel vmbra, quam scimus non carere significatione: quāuis rem significatam non clarè & particulariter cognoscamus.

33 Notandum Secundò: Dupliciter aliquid dici ad salutem necessarium, videlicet, ut necessarium necessitate medijs, & ut necessarium necessitate præcepti. Priori modo necessarium est illud, sine quo salus obtineri simpliciter non potest, quācumque ex causa illud abesse contingat; etiā si absit absque nouâ culpâ, aut præcepti aliquis violatione. Posteriori autem modo necessarium dicitur, quod quidem demandatum est ut fiat, sic tamen, ut si absque nouâ culpâ contingat abesse: v. g. ex ignorantia

ignorantiâ inculpabili, tum defectus eius non impediât salutem.

34 Notandum Tertiò : In adultis solere ex necessitate mediij oriri necessitatē præcepti eiusdem obiecti, modo cognita sit necessitas mediij. Quando autem inuincibiliter necessitas illa ignoraretur, tunc absque nouâ culpâ contingeret medium istud non adhiberi, quia ignorantia inuincibilis excusaret ab obligatione illius præcepti, quod dicimus ex necessitate mediij nasci: nihilominus propter obices peccati siue originalis, siue personalis non remotos, talis damnaretur, quia absque medio tali adhibito, liberari à peccatis, & saluari non potest.

35 Notandum Quartò : à SS. Patribus & Doctõribus distingui diuersos mundi, siue humani generis status : v. g. Primum ponunt qui sunt innocentie ante lapsum primorum parentum; Alterum, qui sunt post lapsum ante datam legem in manu Moysis; Tertium, qui sunt à datâ lege vsque ad Christi aduentum; Quartum denique, qui comitatur & sequitur aduentum Christi.

36 Notandum Quintò : Inter homines in omni etiam statu, fuisse diuersos ordines in negotijs religionis; vt sicuti alij alijs præessent: sic quoque alij ab alijs erudirentur, & instruerentur in rebus fidei, & religionis diuinæ: quidam enim maiores peculiariter semper fuerunt à Deo illuminati & edocti in diuinis rebus, quibus incumberet, vt alios instruerent: Nunc sit

37 CONCLVSIO Prima: In omni statu humani generis debuit & debet homo credere quædam ad fidem spectantia explicite, non tantum necessitate præcepti sed etiam mediij in ordine ad salutem consequendam. Est D. Tho. hic a. 5. & communis aliorum: loquimur autem de homine adulto: & sic patet ex doctrinâ Apostoli ad Hebr. cap. 11. *Accedentem ad Deum, oportet credere, quia est: & inquirentibus se, remunerator sit:* vnde ad salutem non fuerit satis, si quis dicat, se credere omnia quæ parentes sui credunt, aut quæ Pastores vel Doctores credenda proponunt: & interim nullum fidei articulum in particulari & sub proprijs terminis, siue de Deo, siue de Christo cognosceret: debent enim omnes ad Deum accedentes credere explicite, quia est: (& proinde quod creator noster est, nosque eius sumus factura) & quia bonorum remunerator est: vt constat ex verbis Apostoli allegatis: ac proinde credere debent Dei providentiâ; & eius in bonis operibus remuneradis, & in malis puniendis iustitiam: quia absque horum explicitâ agnitione, & fide, non potest homo aut legitimè Deum colere, aut vitam &

actiones conuenienter in Deum, vt finem dirigere.

CONCLVSIO Secunda: In statu innocentie, si in eo homo perseuerasset, omnes habitus erant explicitam fidem, non tantum vnus Dei, & attributorum seu perfectionum essentialium eius, sed etiam mysterij Sanctissimæ Trinitatis: quin & ipsius Incarnationis Verbi diuini, si supponamus illud mysterium fuisse futurum, etiam si homo ab originali iustitiâ non excidisset: cuius tamen oppositum existimamus longè verius cum D. Tho. & alijs 3. p. qu. Probatur, Quia in primis de mysterio Trinitatis dubium esse non potest; cum hæc ipsa sit finis supernaturalis in ordine ad quem consequendū homo in tantâ iustitiæ perfectione conditus erat: atque adeo primum beatitudinis in patriâ obiectum: quare illa saltē fide cognosci debuisset in viâ: non enim finis ille, ad quem ex diuinâ ordinatione omnes tendere debebat, poterat ignorari, priusquam suo vitio homo erroream in viam declinauerat: neque conueniebat eos ignorare principale bonum, quod tanquam præmium viæ suæ intendebant & sperabant. Similiter Ignorare nõ debuissent mysterium Incarnationis, nam Filius Incarnatus siue Christus fuisse etiam secundarium beatitudinis obiectum & ad perfectionem & dignitatem naturæ humanæ plurimum contulisset, quam liberationē à peccatis (quam supponimus non futuram fuisse necessariam) non præstitisset. Quare verisimile nõ est, quod mysterium illud hominem in statu innocentie latuisset.

39 Et Confirmatur: Quia communis est SS. Patrum sententia primum hominem Adamum agnouisse illud ante lapsum suum; quia futurum erat, siue ex occasione præuili lapsus, siue ex aliâ causâ: de quibus in 3. parte disputatur: ergò sine dubio quodque erat cogniturus, etsi in iustitiâ perseueraturus fuisset, modò supponatur Verbum diuinum assumpturum carnem, etsi primi parentes non peccassent. Patet consequentia: Quia illius cognitio non magis spectabat modò ad statum Innocentie, imò fortassis minus, quam tum pertinuisse.

40 Antecedens probant S. Patres ex illo Genes. c. 2. *Hoc nunc, os ex osibus meis, & caro de carne mea &c. quamobrem relinquet homo patrem suum, & matrem, & adhærebit uxori suæ: erunt duo in carne vnâ.* Probant (inquam) ex istis cum adiunctâ eorum explicatione, quam habet Apostolus ad Ephes. cap. 5. dum scribit: *Sacramentum hoc magnum est: ego autem dico in Christo & Ecclesia.* Ita D. Hier. ad citata verba Apostoli in epistolam ad Ephes. D. August. lib. 9. de Genesi ad litteram

litteram cap. 19. Tertull. lib. de Anima cap. 11. & 21. Prosper de promissionibus & prædictionibus Dei: parte 1. cap. 1. Et quidem verba Adam continere prophetiam Incarnationis Christi, ex doctrinâ Apostoli allegata manifeste conuincitur: non est autem verisimile, Adamum in illo perfectionis statu, omnino mystici intellectus ignarum prophetasse adinstar Caiphæ dicentis, *Exiit vnum hominem mori pro populo*: vt habetur apud Ioannem c. 18.

Quamvis interim hoc admittendum sit, (quod plures etiam Patres indicant) nimirum non plene omnia, saltem quoad modos & circumstantias, Adamo tunc innotuisse, quæ diuina illâ ac mysticâ sententiâ præfigurabantur: nam etiam in illâ sacramentum Crucis, ac mortis Domini ex insinuat: dum enim formatur Eva ex latere dormientis viri, indicatur Dormitio Christi per mortem in Cruce; & præsignatur formanda Ecclesia ex latere illius, quod lanceâ apeririendum erat: quæ sit futura, Adam tunc nondum intelligebat. Vnde D. Tho. hic art. 7. in Corpore docet, Adamum habuisse explicitam fidem de Christi Incarnatione, vt ordinabatur ad consummationem gloriæ; non autem vt ordinabatur ad liberationem à peccato, per passionem & resurrectionem.

CONCLUSIO Tertia: Quæcumque fides, siue explicita, siue implicita, quæ in quocumque statu fuit, aut est ex parte suâ sufficiens ad gratiam iustificationis obtinendam, eadem quoque semper fuit ac modò est sufficiens ad consequendam salutem, & vitam æternam. Est communis DD. contra quosdam recentiores, vt Melchiorum Canum Relezione de Sacramentis in communi: parte 2. quæst. 2. concl. 3. à Castro lib. 2. de Lege pœnali cap. 14. & Bannesium hic articulo 8. in fine. Et Probatur Primò: quia gratia iustificationis & sanctificationis est gratia adoptionis filiorum Dei, quæ hominem constituit formaliter Dei filium, & confert spiritum in quo clamamus, Abba pater: vnde iustificatus omnis est filius: Quod si filius, ergo & hæres: vt argumentatur Apostolus ad Rom. 8. Si autem hæres, ergo non potest ab hereditate sine iniuria secludi. Rursum gratia sanctificationis est aqua illa saliens in vitam æternam: de quâ Christus apud Ioannem; ergò fides quæ sufficit ad iustitiam, sufficit quoque ad salutem, & vitam æternam. Secundò, quia Concil. Flor. in Litteris vniuersis definit, Omnes illos mox ad vitam ingredi, qui hinc discesserint in iustitiâ plenè purgati: quod falsum esset, si aliquid sint iusti, quibus ob defectum duntaxat explicatiōis

Wiggers in 2. 2.

fidei, non pateret aditus ad cælum: quia hi ethi plenè ab omni reatu culpæ & pœnæ essent purgati, non mox ingrederentur ad vitam.

Abiq; fundamento autem responderetur, fieri non posse, vt tales iustificati moriantur, priusquam vltiorem fidem explicitam acquirerint: neque enim constat de aliquâ diuinâ promissione desuper: neque talis Dei prouidentia nobis explicata existit contra omnes occurrentes occasiones talium quâ præseruandi sint, donec fidem plenius didicerint.

Neque etiam ad rem loquuntur, qui dicunt, eos mox ad vitam quidem ingredi; quia statim vt anima à corpore soluitur, edificat explicitè, quæ implicitè prius tenebat: eoque sensu ad salutem eis esse necessariam fidem explicitam, quæ non erat necessaria ad iustitiam: nam sic loquendo cum parvuli à baptismo hinc migrantes discant quoque actu & explicitè, quæ habitu duntaxat tenebant, oporteret etiam dicere, fidem illorum cum insulâ iustitiâ non sufficere ad regnum cœlestem, sed etiam in illis requiri fidem actuale, & explicatiorem, vt vitam æternam consequantur: quod nullus Catholicorum Doctōrum dixerit.

Accedit, quod cognitio quam anima tunc acquirit; dum iustificata & plenè purgata hinc discesserit, vt in paruulis contingit, non sit cognitio fidei aut viæ: sed visionis & Patriæ. Tertiò D. August. in Pelagianis reprehendit, quod agnoscerent siue docerent paruulos ante baptismum innoxios & iustos; & tamen negarent eos peruenire posse ad beatitudinem cœlestem, & diuinam visionem, si absque baptismo morerentur. Supponebat igitur Aug. præter libertatem à peccatis, & obtentam iustitiam nihil posse aut debere vltèrius requiri ad consequendam vitam beatam & cœlestem. Denique nec Scripturæ sacræ, nec Concilia, vel antiquiores Scholastici hic vllam ponunt distinctionem inter necessaria ad iustitiam sanctificantem, modò illa conferretur; & inter requisita ad cœlestem beatitudinem, vbi homo fuerit ab omni reatu plenè purgatus.

Sed contra Obijciunt Primò ex Diuo Augustino: qui lib. 1. ad Simplicianum quæst. 2. sic scribit: In quibusdam tanta est gratia fidei, quanta non sufficit ad obtinendum regnum cœlorum, sicut in Catechumenis; sicut in ipso Cornelio antequam Sacramentorum participatione incorporaretur Ecclesiæ: In quibusdam vero tanta, vt iam corpori Christi, & sancto Dei templo deputetur.

O Respon-

Respondetur, Illam Augustini doctrinam nostræ conclusioni magis fauere, quam ipsis, qui eam opponunt: prioribus enim verbis solum docet dari quandam inchoatam gratiam fidei, & imperfectam iustitiam, ut quando ex auditu concipitur fides cum quodam timore peccatorum vitæ futuræ, ac forsitan etiam cum aliquali displicentiâ malæ vitæ ante actæ, vel etiam cum affectu imperfecto iustitiæ: quodque eiusmodi gratia fidei nondum sufficiat ad regnum obtinendum: sed non dicit quoque eam sufficere ad sanctificationem, & ad optionem in Dei filium consequendam. Imò posterioribus verbis contrarium significat: nam illis adæquat, & eandem agnoscit iustitiam quæ sufficiat, ut quis sancto Dei templo deputetur, & ut corpori Christi, videlicet tanquam membrum viuum, uniatur.

47 Obijciunt Secundo: Cornelius Centurio Act. 10. dicitur fuisse religiosus & timens Deum: item quod orationes eius & eleemosynæ ascenderint in memoriam in conspectu Domini: imò ibidem expressè dicitur, iustus & timens Deum: & tamen ob defectum explicitæ fidei in Christum, non poterat saluari, ut colligitur ex capite 11. sequenti: ubi dicitur, quod iussus fuerit accersire Petrum qui loqueretur ei verba, in quibus ipse saluus fieret, & domus eius vniuersa: ergo &c.

48 Respondetur duas hic esse opiniones de iustitiâ Cornelij, antequam accersiuisset Petrum: quidam enim existimant eum verè fuisse iustificatum, quando Petrum accersiri curabat: alij verò id negant: Qui priorem sententiam sequi voluerint, dicent Cornelium fuisse de numero illorum qui attingebant duo tempora, in quibus concurrebant duo iustificandi modi: & fuisse illum ante Euangelij promulgationem iustificatum, & in eo proinde locum habuisse modum iustificationis obtinendæ ante Christi aduentum visitatum: sed tamen quia contingebat tempus noui testamenti, eum quoque fuisse obligatum diuino præcepto, credere in Christum: quam fidei legem non poterat diu ignorare; quia iam in locis vicinis Euangelium prædicabatur. Fuit autem ad illum missus Angelus, tum ut citius fidem Christi discerneret, & per eam in iustitia cresceret, & confirmaretur: tum quoque, ne propter ignorantiam futuram forsitan culpabilem, à iustitia excideret: unde rectè illi dictum est: quod Petrus eum edoceret, in quibus saluus fieret.

49 Sed sententia altera videtur verior, quæ dicit Cornelium non fuisse iustificatum antequam Petrum audiret: quod docet B. Aug. de prædestinatione Sanctorum c. 7.

& lib. 1. ad Simplicianum q. 2. verbis supra citatis: & Chrysostomus de Fide & Lege naturæ: Vocari autem virum religiosum, & timentem Deum, quia habebat quasdam ad iustitiâ dispositiones, quibus ad perfectiorem iustitiam preparabatur & tendebat: sicut de peccatoribus dicere solemus: quod tum religiose & timorata viuunt, quando timore Dei percussi ad iustitiam sese disponere observantur. Itaque ut perfectè iustificaretur Cornelius fuit ad eum missus Petrus, qui fidem Christi illi explicaret; non autem ne plenè iustificatus non admitteretur ad vitam beatam ob defectum fidei non satis explicitæ.

Nec refert quod dicatur etiam iustus, antequam audierit Petrum: quia id non dicitur nisi post illorū qui missi erant à Cornelio ad Petrum, qui nondum intellegebant, in quo consisteret vera iustitia: sed loquebantur generali & vulgari modo de illo, ut homine bono & iusto. Fuit tamen Cornelius iustificatus ante realem baptismi susceptionem, quando scilicet Petro catechizante ac instruente illos in fide, cecidit super eos Spiritus Sanctus, ut docet August. lib. 4. contra Donatistas cap. 21. & 24. Sed hoc alterius est loci.

Obijciunt Tertiò: In lege veteri multi fuerunt iustificati per fidem implicitam Incarnationis: nulli tamen admissi sunt ad regnum, nisi post quàm in purgatorio, vel limbo explicatiùs mysterium illud didicissent: ergo &c.

Respondetur non idcirco fideles & iustos ante Christum fuisse in limbo detentos, quia explicitam fidem de Incarnatione Christi non haberent: nam & illi qui explicitam habuerant: ut Abraham, Moyses, Isaias, alijque Maiores populi, inter quos etiam aliqui viderant Christum præsentem, ut Symeon, Ioannes Baptista, subierunt eandem sortem: sed aliâ de causâ: Ideoque etiam illos qui nihil purgandum habebant, tum detentos fuisse extra regnū: quia scilicet nondum propalata erat Sanctorum via, adhuc priore tabernaculo habente statum; donec Pontifex noster Christus per proprium sanguinem introisset semel in Sancta: ut dicitur ad Hebr. c. 9. & quando initiavit nobis viam nouam: ut dicitur ad Hebr. cap. 10.

CONCLUSIO Quarta: Fides explicita mysterij Incarnationis filij Dei non fuit ante Christi aduentum, neque ad iustitiam obtinendam, neque ad salutem, necessaria necessitate mediij: imò nec in præcepto, saltem quoad omnes homines. Probatur Primò ex Scripturis: ad Gal. cap. 3. *Primò autem quam veniret fides, sub lege custodiebamur conclusi in eam fidelem, qua tenenda erat.* Itaque

Itaque lex pædagogus noster fuit in Christo, &c. ergo qui quam in puerili etate continebantur sub pædagoگو ducente ad Christum, in figuris & sub velamine tenentes ea quæ reuelanda erant, non caruerunt medijs, & modis iustificacionis & salutis. Confrimatur, nam etiam parvulus qui sub Pædagoگو est, & sub Actoribus & Tutoribus, hæres est omnium, ut habet idem Apostolus capite sequenti. Item ad Ephes. cap. 3. scribit de mysterio Christi: *Quod alijs generationibus non est agnitus (inquit) filijs hominum, sicuti nunc reuelatum est Sancto Apostolo eius, & Prophetis eius in spiritu: & cap. 1. ad Coloss. de eodem dicit: Quod absconditum fuit sæculis & generationibus, nunc autem manifestatum est Sancto eius, &c.* atqui ea quæ fuerunt absolute necessaria ad iustitiam & salutem, non fuerunt à sæculis & generationibus abscondita, & incognita filijs hominum: fuerunt enim in præcedentibus quoque sæculis & generationibus fideles & iusti, non tantum magni illi viri, ut Patriarchæ & Prophetæ: sed etiam multi de communi plebe: ergo mysterium Incarnationis explicitè cognitum & creditum non fuit de numero illorum, quæ tunc erant absolute necessaria ad iustitiam & salutem.

53 Probatur Secundò: quia ita senserunt antiqui Patres: Euseb. lib. 7. de Præparatione Evangelica c. 3. D. Aug. lib. 19. contra Faustum cap. 14. D. Chrys. hom. 37. in Matth. unde huc etiam referunt scissionè veli in morte Christi, quum docent significasse manifestius & clarius reuelanda mysteria, quæ de Christo erant in lege, & Prophetis obscurius præsignata. Vide D. Aug. lib. de Spir. & Litt. cap. 15. & Enchirid. c. 118. & Originè ad c. 27. Matthæi.

54 D. Bernardus verò planè ex proposito epist. 77. ad Hugonem de Sancto Victore, refutat opinionem contrariam diuersis argumentis; inter quæ multum urget illud, quod qui aliud docet aut sentit, faciat Deum ante aduentum Christi vel nimis circa hominum salutem parcum, vel in excellentioribus donis & prærogatiuis concedendis immodicè profusum: aut enim numerum electorum (inquit) illius temporis sub paucitatem redigit rarissimorum spiritualium, quos præ sua sanctitatis speciali excellentiâ insignes illustresque illis temporibus existisse, ac singulari munere spiritus singula, ut futura erant, prævidere certissime potuisse Scriptura commemorat; & sic nimis abbreviat manum Dei, dum præter paucos illos perfectissimos, neminem eo tempore putat potuisse saluari, aut certè si illa tempora multitudinem salvandorum, etiam præter istos habuisse nō

difficetur, magnam, sed inauditam, veteri populo diuini muneris largitatem asserit collatam: cum enim ex istis (scilicet quum nunc de mysterio Christi explicitè credimus) quippiam tunc nec scriptum manifestum sit, restat, inquit, ut fateamur omnia omnibus per spiritum reuelata fuisse, & sic omnes spirituales, omnes perfectos, omnes existisse Prophetas: & sic fuit antiquis temporibus, aut perrara salus, aut nimis numerosa perfectio: vtrumque autem reiecit consequenter Bernardus.

Et tandem concludit: *Quanti hodie profecto in populo Christiano, vitæ æternæ, sæculique futuri quod indubitanter sperant & credunt, & ardentè desiderant, formam tamen ac statum ne cogitare quidem tenuerunt norunt: Ita ergo multi ante Saluatoris aduentum, Deum omnipotentem tenentes, & diligentes suæ salutis gratitutum promissorem, credentes in promissione fidelè, sperantes certissimum redemptorè, in hac fide & expectatione saluari sunt, licet quando, qualiter, quo ordine salus reponenda fieret, ignorarent. Quam doctrinam suam confirmat autoritate venerabilis Bedæ.*

Dixi in Conclusionè: Non tantum non fuisse illam explicitam fidem necessariam necessitate medijs, sed neque præcepti: quia quandoquidem ex dictis pateat vulgares fuisse abque illà explicatè saluatos, consequenter manifestum euadit, neque ex præcepto eos fuisse obligatos ad fidem explicitam illam tenendam. Addidi tamen saltem, nō quod emnes: quia non improbabilius existimant nonnulli, Maiores & præpositos Sacrorum debuisse ex præcepto habere fidem explicitam Incarnationis: pro quo adducunt D. Thom. hic art. 7. ubi dicit passionem Christi ante legem, & sub lege fuisse præsignatam quibusdam Sacrificijs: quorum sacrificiorum (inquit) significatum explicitè cognoscebant Maiores: quibus verbis voluit D. Tho. non tantum docere illos quomodo libet cognouisse, sed quasi ex officio; atque adeo ex præcepto, quod etiam ratione potest confirmari: quia conueniebat, ut qui sacrificijs præerant, eorum significationes & mysteria explicatius, & distinctius cognosceret: alioquin si & hi ista ignorarent, inutilis videretur eorum significatio, & omnis circa eiusmodi mysteria defuisset populi instructio.

Nihilominus tamen non minus probabiliter alij sentiunt, nequidem Maiores omnes, qui ordinariâ viâ succedebat ad Officia sacrorum, fuisse ex præcepto obligatos ad explicitam istorum cognitionem &

O ij fidem:

fidem: nam & rariores ex illis videntur ad illam intelligentiam peruenisse. Vnde D. Thomas 3. parte q. 47. art. 5. dicit, Principes ludæorum cognouisse quidem Christum fuisse Messiam: sed tamen ignorasse esse Deum. Nicodemus quoque, qui erat magister in Israël, parum aut nihil de misterio Incarnationis Verbi intelligebat, ut patet ex verbis Christi Ioannis 3. quin & ipsi Apostoli & multi discipuli, qui Domino prædicante, iusti erant, non tamen misterium Incarnationis tunc explicitè cognoscebant: Ita ut etiam Domino apertè prædicante, non satis intellexerint eius passionem & resurrectionem.

58 **CONCLUSIO Quinta:** Omnino tamen dicendum est, quod mox à peccato primorum parentum, misterium istud fuerit quibusdam reuelatum, & omni tempore ab aliquibus maioribus explicitè cognitum & creditum. Docet hoc propriè D. Thomas verbis supra citatis: & Hugo De Sacramentis: parte 10. cap. 6. ubi scribit: In Ecclesia Dei ab initio fides & cognitionem fuisse credimus Incarnationis, & passionis Christi: quia ab initio nonquam defuerunt qui hoc cognouerunt: alij saluabantur, quia horum perfectiori fide simplici iungebantur, & eos bene operando sequebantur. Idem docet D. Bernardus epistola supra citata: ubi dicit, antiquis temporibus paucos admodum, & perfectiores nouisse fidem, quam nunc omnis populus Christianus scire debet, & confiteri: quod & alij Sancti Patres passim tradunt.

59 **Quod itaque attinet ad Confirmationem** supra adductam ad ostendendum, quod omnes maiores ex præcepto obligarentur ad hanc explicitam fidem, Respondetur ad priorem partem, Non idcirco inutilem fuisse significationem, quia licet non perfectè eam intelligerent omnes maiores, tamen imperfectiori modo cognoscebant ibi præfigurari modum & formam purificationis à peccatis & salutis dandæ. Accedit, quod semper, ut diximus, fuerint aliqui, qui perfectè intelligerent. Ad partem autem posteriorem Respondetur ex Diuo Bernardo supra: quod illis temporibus misteria sacrificijs & cæremonijs Legalibus adumbrata, non debuerint tunc clarè & manifestè expositione populo explicari: nam ut D. Bern. ibidè supponit, homines qui istorum habebant spirituale intelligentiam, accipiebant eam, non passim ex aliorum prædicatione aut doctrinâ: sed immediate ex diuinâ instructione, & vocatione Spiritus Sancti. Quare non incumbebat præfectis sacrorum ex officio tradere explicitam cognitionem eorum, quæ in

sacrificijs & cæremonijs præfigurabantur, ipsi populo.

CONCLUSIO Sexta: A lapsu primorum parentum fuit omnibus necessaria omni tempore ad iustitiam, fides saltem implicita misterij Incarnationis & redemptionis per Christum faciendæ. Est communis Doctorum in 3. dist. 25. & in 4. dist. 1. ac Diui Thomæ hic art. 7.

Probatur Primò: Quia generatim indicant Scripturæ sacræ diuersis locis, neminem vnquam absq; hæc fide, ad minus implicitè, ad iustitiam & salutem peruenisse. Sapient. cap. 9. *Ter sapientiam sanati sunt quicumque placuerunt tibi Domine à principio.* Isaïæ cap. 28. *Eccè ego mittam in fundamentum Syon lapidem probatum, angularem, pretiosum in fundamento fundatum.* &c. ubi significatur ciuitatem Syon, siue ciuitatem populi Dei, siue Fidelium fundari super lapidem vnum, qui non est alius quam Christus Dominus. Est autem ciuitas fidelium vna ab initio huc vsque, & fundamentum aliud nemo vnquam potuit ponere: ergò omnes qui in hoc ædificio mystico sunt, inniti debent suo modo huic fundamento, scilicet Christo Domino per fidem. Huic consonat testimonium D. Petri Act. c. 4. quando ad verba Prophetæ subijcit: *Nec enim aliud nomen est sub cælo datum hominibus, in quo oportet nos saluos fieri.* Ad Rom. cap. 3. *Iustitia Dei per fidem IESU Christi, in omnes, & super omnes, qui credunt in eum, & postea: Iustificati gratia per gratiam ipsius, per redemptionem qua est in Christo IESU.* Huc etiam facit quod Ozeq. 13. sub persona Christi dicitur: *Ero mors tua! ô mors,* &c. Nullus igitur nisi per Christum & fidem in illum tanquam per aspectum ad Aëneum serpentem de mandato Dei à Moysè erectum, mortem euadit. Vnde & Apocal. cap. 1. dicitur de Christo, quod haberet clauem mortis & inferni.

Probatur Secundò ex sanctis Patribus: 61 D. Hieron. in cap. 2. ad Galatas: *Admonere debemus (inquit) sanctos, qui antiquitus fuerunt, ex fide Christi iustificatos: siquidem Abraham vidit diem Christi, & lætatus est, &c.* D. Aug. lib. 18. de Ciuitate cap. 47. ubi transiens de illis qui olim Deo placuerunt, adiungit: quod nemini concessum fuisse credendum est, nisi cui diuinitus reuelatus est vnus mediator Dei & hominum, homo Christus IESUS, qui venturus in carne, sic antiquitus prænuntiabatur, quemadmodum nobis venisse nuntiaturum est.

Sed ne quis hinc inferat Diuum Augustinum requirere cognitionem & fidem explicitam mysterij Incarnationis ad iustitiam, etiam ante Christi aduentum; Obseruan-

seruandum est, quod sese explicet alijs locis: vt epistola 47. quæst. 2. & libro 19. contra Faustum capite 14. & Enchiridij capite 118. vbi etiam docet neminem Antiquorum, præter fidem Christi, salutem inuenire: sed simul adiungit: Quæ quidem gratia nec ante defuit, quibus impertiri eam oportuit, quamvis pro temporis dispensatione (inquit) velata & occulta: quo satis indicat, non explicitam & manifestam fidem se requirere pro Antiquis temporibus: sed saltem implicitam & sub vmbis ac figuris velatam. Prosper in illud Psalmi 104. *Nolite tangere Christos meos*: Qui scilicet electi (inquit) ideo tunc christi dicti sunt, quia & ipsi in eā vivebant fide, quæ erat nouissimis temporibus reuelanda: ab initio & omnibus sanctis non nisi in Christo iustificatio fuit. Diuus Leo sermone decimo tertio de Passione, latè docet per eandem fidem omnium sæculorum, iustos esse renouatos: & sermone decimo quarto. Hoc consilium misericordiæ & iustitiæ Dei, licet in præteritis sæculis quibusdam velaminibus fuerit obumbratum &c. Diuus Gregor. hom. 17. in Ezechielem huic proposito mysticè accommodat, quod in Euangelio dicitur: *Et qui præbant, & qui sequebantur, clamabant, dicentes: Osanna*, &c. Omnes electi, inquit, in mediatorem Dei & hominum crediderunt, & credunt: qui præierunt, & qui sequuntur, Osanna clamant, &c. Idem docet D. Bern. loco & verbis citatis suprâ.

Sed Controversia inter Scholasticos mouetur, qualis debuerit esse fides illa implicita de Christo?

D. Thomas hic artic. 7. ad 3. indicare videtur suffecisse fidem diuinæ providentiæ, quā homo crederet Deum esse liberatorem hominum, secundum modos sibi placitos: quam opinionem sequuntur Soto de natura & gratia cap. 11. & 12. Caietan. & Bannetius hoc loco: Hugo etiam de Sancto Victore loco supra citato docet, ante Legem simplicibus non fuisse necessarium credere, vel generatim quod Deus missurus esset aliquem redemptorem: sed solum, quod Deus modo sibi placenti à peccatis eos esset liberaturus: tempore autè Legis debuisset ab omnibus credi, quod Deus eis esset missurus aliquem liberatorem.

Sed verisimilior est, eiusmodi fidem de aliquo mittèdo redemptore fuisse semper necessariam, etiam ante legem: nec vnquā fuisse satis fidem illam generalem de diuinā providentiā circa hominum salutem. Ita sentiunt Bonauent. in 3. dist. 25. art. 1. Albertus art. 2. Gabr. ibidem, & in eandē opinionem propendit Scotus qu. 1. n. 9.

Probatur Primò: Quia fides illa de diuinā providentiā circa liberationē & salutē hominū videtur generalior, quam vt in eā dici possit includi implicita fides Christi & mediatoris: quia et si non fuisset v. nturus aliquis mediator aut redemptor, tamē subsisteret fides de diuinā providentiā circa hominum salutem. Secundò: Quia omnia testimonia pro Conclusionē ante positā tā ex Scripturis, quam ex SS. PP. adducta satis significant, non qualemcumque implicitam fidem Christi fuisse necessariam: sed talem quæ versaretur circa aliquem particularem mediatorem ac redemptorem, qui à Deo mittendus erat: quamvis non fuerit necessarium explicitè & clarè cognoscere & credere, quod ille futurus erat filius Dei ac Deus, qui carnem assumeret: quodque per passionē & mortem cum rigore iustitiæ pro peccatis satisfaceret, & sic hominem redimeret, &c.

Vbi etiam aduerte, sanctos Patres sæpius inculcare nos, & veteres per eandem fidē mediatoris iustificari: quomodo autem poterit dici eadem fides mediatoris, si illi pænitus ignorabant, an esset futurus aliquis mediator, an non? Certè eo modo potuisset quoque dici eadem ipsorum & nostra fides, quamvis illi absque mediatore per solam gratuitam remissionem peccatorum, liberaliter à Deo factam, fuissent saluti: & nos per Christi merita & satisfactionem. Vide Diuum Leonem sermone decimo quarto de Passione: & Bernard. epistola supra citata: vbi agens de Implicita veterum fide de Christo, dicit quod erant sperantes certissimum redemptorē.

Probatur Tertiò: Quia mox à lapsu primorum parentū aperuit Dominus hoc mysterium de particulari liberatore venturo: quando serpenti maledicendo dixit: *Inimicitias ponam inter te & mulierem, & semen tuum & semen illius: ipsa conteret caput tuum*, &c. quod haud dubie Adam cognouit, & filijs ac posteris pro ipsorum solatio & spe redemptionis tradidit, & communicauit.

His addi potest & ratio congruentiæ: quia cum Christus sit causa vniuersalis salutis hominum, oportuit merito quod omnes eum aliquo modo cognoscerent, & illi per fidem ac spem venirent, credendo scilicet Deum missurum aliquem, qui foret illi acceptus & gratissimus, cuius intercessionē, meritis, & sacrificio Deus sibi hominem reconciliaret: atque ita simul sperando, quod illius vetūri mediatoris operā & meritis possent consequi veniā peccatorum & salutem. Vide Ruardū ad Articulum 8. Louanienf. contra Lutherum.

Sed obijciatur: Mediator vetūrus primū omnium dicitur promissus Abrahamo: de-

inde Davidi, & Salomoni, ut habet Divus Hieron. in cap. 1. Matthæi ad illa verba, *Filius Abraham*: ergo saltem ante illud tempus non fuit necessaria fides liberationis faciendæ per aliquem mediatorem. Præterea post Abraham videtur etiam res illa soli eius posteritati innotuisse.

70 Respondetur Neg. Omnium primum Abrahamo factam promissionem de venturo mediatore, quia & Adam in statu innocentie cognovit mysterium Incarnationis, quamvis non sub ratione redemptionis per Christum faciendæ, ut antè diximus. Deinde etiã statim post lapsum Deus prædixit & promisit nobis liberatorem in verbis iath antè citatis ex cap. 3. Genes. Enoch quoque, qui fuit septimus ab Adam, habuit notitiam vnus redemptoris Christi: quia ut scribit Iudas in epistola sua Canonica, prophetauit ipse Enoch de aduentu Domini ad iudicium. Similiter Iob, qui Iudæus non erat, habuit fidem vnus redemptoris sui, ut patet ex cap. 19. quod etiam amici eius non videntur ignorasse. Balaam quoque cum esset gentilis valde manifestè prophetauit de Christo: lib. Numer. cap. 23. Denique Sybillæ apud Ethnicos multa quoque ediderunt de Christo vaticinia. Quare Deus ab initio satis videtur mundo patefecisse venturum vnum aliquem, qui humano generi adferret remedium & salutem, ita vt omnibus meritò dici possit, huius cognitio & fides necessaria, iuxta scripturas allegatas, in ordine ad iustitiam & vitam recuperandam. Dicitur autem Christus primum omnium promissus Abrahamo, quia illi primum fuit promissum, quod ex eius posteritate esset nasciturus: & quod in semine illius, benedicerentur omnes gētes: non autem quod nulla prioribus temporibus facta esset promissio Christi seu Messie aut Saluatoris venturi.

71 Obijcitur Secundò: Eusebius lib. 7 de præparatione Euangelicâ, cap. 3. scribit: Abrahamo Scriptura mirabilem Iustitiam, quam non à Moysaicâ Lege, sed naturali fuit ratione consecutus, summâ cū laude attestatur: quibus videtur significare ante Legem ad iustitiam suffecisse cognitionē naturalem Dei, & rerum diuinarum: ergo non fuit necessaria fides alicuius redemptoris. Et D. Chrysost. homil. 37. in Matthæum: Poterant homines (inquit) tunc etiam Christum non confessi, saluari: non enim Christi qui nondum venerat, cultus ab eis petebatur: sed ut idolorum cultu spreto, solum Deum conditorum omnium noscerent; ergo &c.

72 Respondetur ad Eusebium, Quod tantum doceat, homines potuisse consequi iu-

sticiam in statu naturæ, quando non Lege aliqua diuinâ posituâ, sed ductu naturalis rationis adhuc vivebant: sic tamen ut licet absque Lege, dicat Abrahamum fuisse iustificatum, & quidem excellentem, non tamen excludat fidem & gratiam: subiungit enim ex Scripturis Abrahamum per fidem consecutum fuisse iusticiam; quod & patet ex alijs adiunctis quæ tractat de Enoch.

Ad Chrysost. Respondetur, eum loqui de explicatâ fide Christi, quâ scilicet cognosceretur non tantum ut venturus aliquis mediator; sed tanquam filius Dei, & ut Deus: quod scilicet absque tali confessione Christi, & cultu potuerint tunc homines saluari: quæ tamen fides & confessio ac cultus nobis modò ad iustitiam & salutem sunt necessaria; quod & ipsa eius verba allegata satis manifestè important.

CONCLVSIO Septima: In ipso Christi aduentu, & mox ab eius passione, nondum promulgato sufficienter per orbem Evangelio, non fuit omnibus necessarium necessitate medijs, credere explicite mysterium Incarnationis Christi.

Probat: Quia ut Divus Bernardus epistola citata contra quendam, qui asserbat ex quo primum dictum à Domino legitur: *Nisi quis renatus fuerit ex aqua & Spiritu Sancto*, &c. ex eo neminem absque eodem percepto actualiter visibili Sacramento, vel eius vice martyrio, vllatenus potuisse saluari, rectè arguit: Durum nimis austerū; videtur, quod videlicet Verbum absconditum palam iam noceat, & antè iudex feriat, quàm minetur, quodque interim quod in tenebris & in aure loquitur Saluator, nondum quidem saluet, quia nondum apparet: & iam mundum impleat condemnatis: & paulò infrà: *Quis ita sapiat?* non equidem vitæ concordat auctori, morte quam exterminare venerat, vti mox in initio viarum suarum ad præiudicium, cœlestem adhuc recentissimum ignorantis edicium. Nefas est profectò sentire de omnium largitore bonorum, quod tam malum principium dederit, adueniens. Et rursum: quod ergo sciri non poterat, nisi audiretur: valde quippe iniuste (inquit) exigitur obeditio, vbi non præcesserit auditio; num gentem ignorantem & iustam, ut cum Ethnico loquar (inquit paulò supra) debuit interficere Deus? neque mysterium Christi, sicuti & Baptismi eius, est tale quod & absque promulgatione naturalis Lex ignorare non sineret. Vide ibidem plura similia.

CONCLVSIO Octaua: Quando tamen cæpit Evangelium prædicari, etiam antequam sufficienter per totum orbem esset

esset promulgatum, tenebantur illi quibus annuntiabatur, necessitate præcepti credere explicitè in Christum. Patet ex cap. ultimo Marci: *Qui verò non crediderit, condemnabitur*: ad Evangelium enim prædicationem comitabatur præceptum, quo auditores iam sufficienter instructi Domino cooperante & sermonem confirmante sequentibus signis, obligabantur illud credere, & amplecti.

75 **CONCLUSIO Nona**: Sufficenter per orbem divulgato Christi Evangelio, perit necessaria esse necessitate mediæ iustitiæ omnibus adultis explicita fides Christi: quâ scilicet credatur Dei filium assumpsisse humanam naturam, ipsumque esse verum Deum & hominem, qui in hunc mundum venit, ut humanum genus morte suâ redimeret, ac Deo Patri reconciliaret. Est communior Theologorum sententia. Colligitur ex Diuo Thomâ: Hic enim art. 7. habet: Post tempus gratiæ reuelatæ, tam maiores, quàm minores tenentur habere fidem explicitam de mysterijs Christi, præcipuè quantum ad ea quæ communiter in Ecclesiâ solemnizantur, & publicè proponuntur, sicut sunt articuli Incarnationis: Et in 3. distinct. 25. qu. 2. art. 2. vult hanc fidem adeò esse necessariam, ut si quis non haberet prædicationem, Deus ei esset reuelaturus, nisi per culpam suam poneret obicem. Quod bene in Diuo Thomâ est notandum, in primis contra eos qui existimant explicitam illam fidem non esse necessariam ad consequendam iustitiam, quamvis admittant eam requiri ad consecutionem gloriæ, quos supra reieciimus. Deinde contra opinionem Andreæ Vegæ & plurium aliorum, qui putant eam tantum esse necessariam necessitate præcepti, non mediæ: nam si ita esset, non opus foret quod Deus per se reuelaret eis qui inculpabiliter ob defectum prædicatoris, hæc ignorarent. Tertio, contra illos qui admittunt extraordinariè saltem posse contingere, ut quis etiam saluetur, qui non crediderit explicitè in Christum.

76 Pro eadem sententiâ allegantur ex antiquioribus Magister in 3. distinct. 25. Albertus ibidem quæst. 2. artic. 6. Bonavent. ibidem artic. 1. quæst. 5. & Scotus quæst. 1. Gabriel eadem distinct. qu. vniuersa. Alensis 3. parte quæst. 82. memb. 3. artic. 1. qui licet disertis verbis eam non expresserint, tamen præsupposuisse omnino videntur. Manifestius autem tenent eandem Durand. cit. dist. 25. q. 1. Carthus. in 3. quæst. 1. & ex recentioribus A Valentia tom. 3. disp. 1. quæst. 2. puncto 4. Sanchez in Decalog. lib. 2. c. 2. Lorinus in c. 2. Act. Apostol. Lorca 2. 2. disp. 22.

Tannerus tom. 3. disp. 1. De Fide qu. 7. dub. 2. Malderus hic. quæst. 2. art. 7. & Louanienfes contra Lutherum Artic. 8. qui ita habet: Ad iustificationem ante omnia necessaria est in adultis fides, quâ certò credimus Christum IESUM esse filium Dei, pro nobis propitiatorem à patre popositum pro peccatis nostris in sanguine ipsius, sine quâ nullis nostris operibus, nullâque poenitiâ iustificatio obtineri potest. Et Kuardus ad dictum articulum pag. 10. sic scribit: Sed necessaria fuit hæc fides vsque ad Euangelij manifestationem distincta vel velata: in aperto, vel in mysterio, ut docet Magister post Beatum Augustinum inquit: Nunc autem necessaria est distincta, & expressa mediatoris fides.

Et Probatur Primò ex Scripturis Ioannis cap. 3. *Et sicut Moyses exaltauit serpentem in deserto, ita exaltari oportet filium hominis, ut omnis qui credit in ipsum, non pereat: sed habeat vitam æternam.* Hic significat Christum fidem in ipsum, esse necessariam ad evitandam perditionem, & consequendam vitam æternam: quemadmodum filijs Israël legis à serpentibus, necessarius fuit aspectus ad serpentem æneum à Moyle in deserto erectum.

Dicit aliquis: verba Christi allegata: *Ita exaltari oportet filium hominis, ut omnis qui credit in ipsum, &c.* non videntur plus importare, quàm quod fides in Christum crucifixum valeat ad euadendam mortem, & ad vitam consequendam: non autem quod absque illâ non sit alia ratio aut via euadendi mortem.

Respondetur Negando Assumptum: Comparatio enim à Christo instituta amplius requirit & importat: quia non tantum aspectus ad æneum serpentem inter alia media, valebat ad sanandos læsos; sed erat medium necessarium, neq; erat alius modus aut medium consequendi sanationem à moribus serpentum: & ita quoque significat Christus fidem in filium hominis in cruce exaltatum, se habere in ordine, ut quis non pereat, sed habeat vitam æternam. Quod eodem capite alijs verbis clarissimè exprimit, ut dum dicit: *Qui credit in eum, non iudicatur: qui autem non credit, iam iudicatus est, quia non credidit in nomine vnigeniti filij Dei: & in fine capitis: Qui credit in filium, habet vitam æternam: qui autem incredulus est filio, non videbit vitam: sed ira Dei manet super eum.* Quod autem loquatur de fide explicita Verbi incarnati, & crucifixi, manifestum est ex eo quod addit: *Quia non credidit in nomine vnigeniti filij Dei. Item, Qui incredulus est filio: & ex illo quod præmisit: Ita exaltari oportet filium hominis, ut omnis qui credit in ipsum, &c.*

O iiiij Quoda

80 Quodque hæc requirat, non tantum ad consequendam vitam æternam, vt Melch. Canus, a Castro & Banneſius volunt: sed etiam ad iustitiam, inde patet: quia non solum dicit: *Qui incredulus est filio, non videbit vitam*: verum etiam addit: *Sed ira Dei manet super eum*. Quod valde notandum est contra prædictos Auctores.

81 Rursum, quod loquatur de tempore noui Testamenti, similiter constat ex his adiunctis: *Hoc est autem iudicium, quia lux venit in mundum: & dilexerunt homines magis tenebras, quam lucem*. Ioan. c. 1. 7. Hæc est autem *vita æterna, vt cognoscant te solum verum Deum, & quem misisti Iesum Christum*: hic significat Dominus tam necessariam esse fidem in ipsum tanquam misum à Deo vt nobis sit mediator, quam fidem vnus veri Dei, ad hoc vt quis vitam æternam possit adipisci. Ad Rom. cap. 10. *Hoc est verbum fidei quod prædicauimus: quia si confitearis in ore tuo Dominum Iesum, & in corde tuo credideris quod Deus illum suscitauit a mortuis, saluus eris*. Vbi explicitam fidem mortis & resurrectionis Christi requirit Apostolus. Vide eundem eadem epist. cap. 3. & ad Gal. 2.

82 Probatur Secundò ex Diuo Augustino, qui libro de Correctione & gratia cap. 7. habet; quod non se liberabunt, qui dicere poterunt, se non audiuisse Christi Euangelium: putauit ergò fidem Euangelij esse medium necessarium, vt quis à damnatione & morte liberetur: vnde & infra eodem capite docet, quod absque dubio Deus procurabit Euangelium ab omnibus audiri & credi: qui diuinæ gratiæ largitate discreti sunt ab originali damnatione. quod necessarium non foret, si per implicitam fidem, quæ versetur circa diuinam prouidentiam quoad hominum liberationem & salutem, possemus ad iustitiā peruenire: & de prædestinatione Sanctorum cap. 7. (Si possit sine Christi fide (inquit) esse saluus (scilicet Cornelius Centurio) non ad eum edificandum mitteretur Architectus Petrus. Iluc etiam facit quod habetur Extrauagante, Vnam sanctam. vbi dicitur, eos qui nihil audierunt de Christo, non posse esse de Ecclesiā, in quā est vna Fides, vnus Baptismus, & extra quam non est salus, aut peccatorum remissio.

83 Probatur tandem ratione congruenti: quia supra ostensum est, quomodo ante Christi aduentum fuerit semper adultis necessaria fides de aliquo vltimo mediatore inter Deū & homines, licet non secundū determinatas eius qualitates: ergò cōueniēs est, vt postquā iste iam venerit, & sese mūdo exhibuerit, & qualitates ac Legationem suam exposuerit, ac cum hominibus con-

uersatus est, requiratur vt ab omnibus talis, qualis est, credatur & colatur; & liberationem per mortem eius homines agnoscant: vt sic Dei erga se benignitatem, misericordiam, & clementiam amplius confiteantur, ac venerentur.

Confirmatur: Quia status nouæ Legis, est status perfectionis, in quo, veritas antea velata, & figuris varijs adumbrata, tandem manifeste fuit patefacta: meritò igitur existimatur, nūc requiri cognitionem perfectiorem, & fidē magis explicitā redemptionis hominum, quam olim. Cuius rei ignum quoque est, quod Apostoli & primi Euangelij annuntiatores mox hæc fidem explicitam omnibus vbique inculcarunt: & quidem sub eā verborum formā, vt significarent sine illā non posse haberi peccatorum remissionem, aut salutem.

Sed contrā Obijciūt Primò: Vera de peccatis contritio, & perfecta Dei dilectio super omnia, sunt dispositiones vltimæ ad iustitiam, ita vt illis positīs infallibiliter homini infundatur iustitia: atqui possunt illæ haberi absque explicitā fide mysterij Incarnationis, ac redemptionis per Christum factæ: ergò &c.

Confirmatur Minor: Quia in multis iustis simplicioribus veteris Legis fuerunt istæ dispositiones absq; explicitā eiusmodi fide; quia vera fides vnus Dei, qui bonis reddat præmia, & malis supplicia cum agnitione peccati, videtur ex parte intellectus sufficiens fundamentum, vt homo inde, cum diuino adiutorio, possit peruenire ad perfectiōem de peccatis contritionem, & veram Dei dilectionem; ergò &c.

Respondetur admissā Maiore, loquendo de contritione & dilectione ordinis supernaturalis, negando Minorem: & ad Confirmationem Respondetur: Dispositiones ad iustificationem prærequisitas non omnino naturali & necessario ordine esse perpetuò inter se connexas: neque priorem naturaliter & necessariò causare, vel adducere posteriorem: sed eas inter se coherere, & antecederent aut subsequenter ad se mutuo poni secundum liberam Dei ordinationem congruis rationibus subnixam.

Quare licet antiquitus, quando erant tempora infantie; vmbrarum, ac imaginum, Deus ad fidem illam obscuriorem & minus perfectam præhabitam, promoueret tunc aliquos ad reliquas dispositiones; atque adeo ad ipsam iustitiam, non tamen sequitur, quod idcirco etiam illud modò faciat: quia postquā venit plenitudo temporis, & misit Deus filium Saluatore, iam oportuit euacuasse ea quæ sunt par-

tuli, &c

vuli, & deponere velamen figurarum. Vnde merito exigit perfectiorem omnium diuinorum mysteriorum, ac præsertim redemptionis nostræ agnitionem & fidem: quod & ratio suadet, vt ex antè dictis euidentibus est: Et probatur ex Conc. Trid. fl. 6. cap. 6. vbi de modo præparandi ac disponenda se nunc ad iustitiam, ita scribit. Disponuntur autem ad ipsam iustitiam, dum excitati diuinâ gratiâ & adiuti, fidem ex auditu concipientes liberè mouentur in Deum, credentes vera esse quæ diuinitus reuelata & promissa; arque illud inprimis, à Deo iustificari impium per gratiam eius per redemptionem, quæ est in Christo I. s. v. Nunc ergo absque fide explicitâ Christi nemo promouetur ad vltimas illas dispositiones supernaturales: & sic neque ad iustitiam: quia illa, iuxta diuinam ordinationem, modò prærequiritur.

verba eorum. Neque enim vquam locorum latere poterat quod Romæ palam & constanter prædicabatur. Cuius enim nationis homines in hac vrbe tunc non essent? aut quæ vquam gentes ignorarent, quæ Roma didicisset: vt habet D. Leo Serm. 1. De natali Petri & Pauli. Et sic etiam rectè intelligitur D. Chryl. dixisse hom. 76. in Matth. quod viginti, aut ad summum triginta annis ad omnes oras orbis Euangelium transcurrerit.

Ad illa igitur quæ in Confirmationem adducta sunt, dicendum est, ea tantum demonstrare, Euangelium prius modo non citius esse per totum mundum prædicandum: sed satis est, vt illa necessitas explicitæ fidei censeatur omnibus adultis iniecta, quod Euangelium posteriori saltem modo, per totum orbem fuerit divulgatum, quod manifestè sequitur ex doctrina D. August. lib. de Corrupt. & gratia cap. 7.

CONCLUSIO Decima: Explicita fides Sanctissimæ Trinitatis non fuit necessaria necessitate medijs; imò nec præcepti in ordine ad omnes homines temporibus antiquis ante Christi aduentum. Ita communiter docent Scholastici, &

Probatur Primò, quia mysterium Trinitatis nunquam fuit apertè & palam traditum ante natiuitatem Christi: ac proinde neque communiter fuit à fidelibus istorum temporum cognitum: poterant ergo fideles tunc saluari absque fide explicita illius, alioqui haud dubiè diuina providentia non permisisset illud passim à fidelibus ignorari; sed reuelasset apertius, & fecisset manifestius explicari, & populo fidei innoscere.

Probatur Secundò: Quia non fuit temporibus illis necessaria fides explicita mysterij Incarnationis, vt iam ostensum fuit: ergo nec Trinitatis, quia vtriusque videtur par ratio: imò potiori de causâ debuisset requiri cognitio Incarnationis, vt potè quæ propius nos tangit, & peculiari modo deseruiuit liberationi generis humani, ergò &c. Non est tamen negandum, quin Maiores aliqui, etiam istis temporibus, habuerint fidem explicitam mysterij Trinitatis, quibus illud peculiariter fuerit reuelatum; vt Abraham, David, Isaias, & alij, qui posita eiusmodi reuelatione eis factâ, etiam ex præcepto tunc debuerunt illud credere, & propterea in conclusione, quando dixi fidem illam non fuisse necessariam, nequidem necessitate præcepti, addidi, saltem quoad omnes.

CONCLUSIO Vndecima: Explicita fides Sanctissimæ Trinitatis hoc tempore noui Testamenti necessaria est necessitate medijs. Indicat hic D. Tho. art. 8. vbi dicit post

87 Obijciatur Secundò: Si Euangelio sufficienter promulgato per orbem, explicita hæc fides demum sit necessaria necessitate medijs, ergo non videbitur sic necessaria nisi circa finem mundi: neque enim prædicatum fuerit Euangelium per totum mundum, nisi quando instabit consummatio sæculi: quod inprimis indicat Christus Mat. 10. Dico vobis, non consummabitur ciuitates Israël, donec veniat filius hominis. & Matth. 24. Et prædicabitur hoc Euangelium regni in vniuerso orbe in testimonium omnibus gentibus, & tunc veniet consummatio: & ita docere videtur D. August. epist. 78. & 80. ad Hesichium: & lib. de Natura & Gratia cap. 2. & alibi, ergò &c.

88 Respondetur Neg. Conseq. & pro responsione ad Confirmationem, notandum est, Dupliciter dici posse Euangelium prædicatum per vniuersum orbem: vno modo sic vt vbique ad omnes mundi partes fuerint Euangelij annuntiatores: ibidemque Euangelium prædicauerint: & hoc sensu accipienda sunt verba Christi ex Mattheo allegata, prout ea intellexisse videtur Augustinus locis citatis: sed alio modo dici quoque potest Euangelium annuntiatum seu divulgatum per totum orbem: quando scilicet in principalioribus, ac mundi famosis partibus, aut prouincijs vel regnis prædicatum est; ex quibus ad alia etiam loca eius aliqua notitia, saltem per famam, defertur.

89 Quo sensu videtur Apostolus loquutus aliquoties in suis epistolis, vt 1. ad Thess. cap. 1. Non solum in Macedonia & Achaia, sed & in omni loco fides vestra, quæ est ad Deum, profecta est: Item ad Rom. 1. Quia fides vestra annuntiat in vniuerso mundo: & cap. 10. Numquid non audierunt? & quidem in omnem terram exiit sonus eorum, & in fines orbis terra

post tempus Gratiz divulgatz omnes teneri ad explicitè credendum mysterium Trinitatis: & ita docent Mald. Gregor. à Valent. Tannerus supra: & plerique alij citati pro conclusione g.

Probat^{ur} Primò: Quia explicita fides Incarnationis est necessaria necessitate medij tempore noui Testamenti, vt ostensum fuit: ergo & explicita fides Trinitatis: quia non potest illa sine hac haberi: non enim potest quis explicitè filium Dei incarnatum & conceptum de Spiritu Sancto credere, nisi explicitè credat totam Trinitatem: quia dum credit filium in diuinis, credit quoque patrem, sine quo non potest filius intelligi. Secundò, quia non renascimur in Christo, nisi expressà inuocatione Sanctissimæ Trinitatis: debet enim Baptismus, qui dicitur Sacramentum fidei, conferri in nomine Patris & Filij & Spiritus Sancti. Tertiò, quia Trinitas est principale obiectū beatitudinis quam speramus: ergo explicita eius fides, postquam filius Dei in carne apparuit, & cum hominibus conuersatus est; ac ipsa Trinitas tota clarè se manifestauit ad Iordanem, quando Christus à Ioanne baptizatus fuit, dum vox Patris audita est, & Spiritus Sanctus in specie columbæ descendit, merito requiritur ex necessitate ad salutem in filijs noui Testamenti.

94 Sed contra tam hanc, quam contra conclusionem nonam, vterius opponitur. Nimis apparet rigidum ac durum dicere, fidem explicitam Incarnationis filij Dei, & redemptionis nostræ per mortem illius in cruce, ac mysterij Sanctissimæ Trinitatis, esse adultis omnibus necessariam necessitate medij, ad peccatorum remissionem, & salutem consequendam: idque tum, quia quasi infiniti homines per orbem terrarum non habent Euangelij præcones, neque Christianæ fidei magistros, à quibus possint ista mysteria, valde supra naturalem omnem rationem eleuata, addiscere, & in eis instrui: tum etiam, quia plurimi simpliciores Christiani ita videntur rudes ac hebeti ingenio, vt nequaquā possint intelligere vel apprehendere, quid sit, In Deo esse vnā naturā diuinā, & tres personas distinctas: imò nec valeant concipere quid sit natura: quid persona.

95 Quare ingens Christianorum multitudo, vitæ alioquin satis probatz, videbitur à consecutione salutis secludenda, tantummodò propter defectum istius explicitæ fidei, quam assequi non sufficit propter ingenij tarditatem: Si enim necessitate medij dicatur necessaria, non excusabuntur propter impossibilitatem, siue

illa ex defectu Magistrorum fidei, siue ex naturali incapacitate auditorum obueniat: sicuti excusari poterunt, si ponatur solum necessaria necessitate præcepti: Vnde via salutis nunc possit videri difficilior, quam temporibus antiquis. Non igitur apparet existimandum, quod Deus illam fidem explicitam vt medium absolutè necessarium requirat.

Respondetur: Et si lex Christiana dici non debeat nimis rigida vel dura, tamen est ardua & perfecta: Vnde multa quoque continet præcepta infirmo homini nondum plenè per gratiā sanato, valde grauiat: vt quod inimicum, non solum odibile non possit, sed & illū diligere teneatur. Quædam autè affectui malè sano obijciuntur difficultates & certamina non exigua ex normā & regulā Christianæ vitæ; ita quoque ex lege fidei Christi occurrunt plura, quæ obcurato & ad terrena semper intento intellectu sunt difficilia, non solum in credendo, sed etiam in discendo vt credat. Sublimis enim est vita Christiana, & sublimem habet finem. Quare mirum videri non debet, quod regula illi dirigidè proportionata multum sit eleuata, & non sine labore addiscatur.

99 Quod igitur ad allegata incommoda attinet: Respondetur ad prius: Quemadmodum infiniti quasi homines sunt, qui dicuntur non habere Euangelij Christi præcones, ita quoque fuerunt antiquitus, & etiam nunc sunt quasi infiniti, qui non habuerunt, & qui modò non habent Magistros, à quibus instruantur circa illa obiecta rationem naturalem excedentia, quorum explicita fides omni tempore, in omni statu, communi omnium sententiā & iudicio, fuit necessaria necessitate medij ad consequendam peccatorum remissionem & iustitiam: vt sunt infectio hominis per peccatum, in quo nascitur; diuina prouidentia circa liberationem hominis ab illo & alijs peccatis: Iustitia Dei circa hominum actiones & opera, quā condignis supplicijs mala puniat, & bona condignis præmijs remuneret, non semper hic temporaliter, sed potissimum in futuro sæculo, æternaliter: & proinde etiam immortalitas animæ, & similia: & tamen nullus ideo, quia tam multi sunt qui idoneos magistros non habuerunt, & nunc sunt qui non habent, à quibus illa discant, existimat fidem istorum explicitam non fuisse & esse necessariam necessitate medij, ad salutem: nec arguit quisquam doctrinam, quæ hanc ponit necessitatem, tantum nimis rigidam, aut nimis duram: nisi quis opponat Vegā, de quo supra egimus: qui fortassis eā de causā cognitionem naturalem

naturalem posse sufficere existimauit ad consequendam iustitiam cum fide in voto, vt ibi explicuimus: verum ab omnibus ille rejicitur.

98 Et sanè tam Deo est facile per suā vñtionem intus, vel per angelum instruere homines sine magistro de mysterijs Incarnationis & Redemptionis per Christum, & Sanctissimæ Trinitatis, quàm de istis alijs quæ omnes fatentur, vt diximus, debere fide explicitâ ab omnibus teneri: vel etiam prædicatores mittere, qui sicut in his, ita in illis eos instruant. Quod addo: ne quis in eo forsitan ponat discrimen: Nemo enim potest solâ naturali inuestigatione sufficienter illa cognoscere & credere in ordine ad salutem.

99 Quare nullus debet, nec meritò potest propter eiusmodi argumentum moueri, vt hanc fidei explicitæ perfectionem dicat non esse mediū necessarium ad iustitiæ & salutis consecutionē: Sed inde magis oportet cum animi dimissione venerari iudicia Dei. Qui est *terribilis in consilijs super filios hominum*, vt canit Plaltes Psalm. 65. & *Qui annunciat verbum suum Iacob: Iustitias & iudicia sua* Israël: & *Non fecit taliter omni nationi: & iudicia sua non manifestauit eis: vt idem Propheta canit Psalm. 147.* atque ita cum gratiarum actione recognoscere & confiteri misericordias Domini magnas super nos; Et cum D. Augustino lib. 9. Confess. cap. 6. suauiter considerare altitudinem consiliorum Dei super salute humani generis. Vtū verò habeant omnes auxiliū Dei, & lumē sufficiens, quibus possint peruenire etiam isti in cognitionem necessariā fidei, disputauimus 1. 2. q. 111. a. 3.

100 Ad posterius autem incommodum allegatum Respondetur, Non requiri vt omnes mysteria illa intelligant, sed vt credant: quia fides, non tam consistit in intelligentiā rerum, quam in assensu: vnde bene D. Augustinus de talibus dixit libro contra Epistolam Fundamenti capite 4. Turbam non intelligendi viuacitas: sed credendi simplicitas tutissimam facit: & Tract. 4. in Ioannem: Quid est fides, nisi credere, quod non vides. Hinc Enchiridij cap. 9. docet, nobis non esse necessariam rerum & causarum cognitionem: sed (inquit) satis est Christiano rerum creaturarum causam, siue cœlestium, siue terrestrium, siue visibilibus, siue inuisibilibus, non nisi bonitatem credere Creatoris, qui vnus & verus est Deus: nullamque esse naturam, quæ non, aut ipse sit, aut ab ipso: eumque esse Trinitatem, Patrem scilicet & Filium à Patre genitum, & Spiritum Sanctum ab eodem Patre & Filio procedentem.

101 Sufficit itaque iuxta hanc D. Augustini

doctrinam simplicioribus, quod credant mysterium Sanctiss. Trinitatis sub illis suis terminis, etiam si ignorarent ea, quæ spectant ad illius explanationem: quod quidā sentiunt voluisse Scotum in 3. dist. 25. quando scribit: Si sit aliquis rudis, qui non possit concipere, quid est natura, & quid persona, non est necesse quod habeat actum explicitum de articulo pertinente ad essentię vnitatem & personarum Trinitatem distinctiōē, sicut habent Clerici litterati: sed sufficit quod credat (scilicet illud mysterium sub suis terminis proprijs propositum) sicut Ecclesia credit, scilicet in illo sensu & intellectu, quoad pleniorē eius explanationem.

Quæ satis concordant cū eo quod scribit Azorius Tom. 1. lib. 8. cap. 6. qu. 6. scilicet, sufficere fidem explicitam mysterij Trinitatis quoad substantiam, scilicet Credere Deum esse Patrem & Filium & Spiritum Sanctum, & hos tres nequaquā esse tres Deos, sed esse vnum Deū: Similiter quoque fidē mysterij Incarnationis: scilicet credere Christum Filium Dei natum ex Virgine, & pro nostra salute crucifixum & mortuum. Quibus tamen addo, neminem rationis viū polloquentem, censendum tam obtulum ac hebetem, quia adhibita instructione, possit saltem generali aliquo & confuso conceptu apprehendere, quid sit natura, & quid tres personæ, eumque conceptum generalem secundū sensum Ecclesiæ, applicare Deo quando credit Deum esse vnum in substantia, & trinum in personis: siue esse Patrem & Filium & Spiritum S. & esse vnum Deum.

102 Cæterum quidquid sit, speculatiuè loquendo, de oppositæ sententiæ probabilitate, quæ videtur nimis in libris inculcari, hoc interim indubitatum debet esse apud omnes, quod periculosa sit in praxi, vipote quæ sub specie humanitatis & commiserationis erga miseros & rudes, potest esse causa vel occasio perditionis multorum, & nulli penè seruire bono, vel adferre adiumentum ad salutem. Si enim à parte rei ex Dei ordinatione & decreto fides explicita istorum mysteriorum necessaria sit necessitate mediij, iuxta doctrinam quā sequimur, nulla probabilitas sententiæ alterius poterit hic defectum illius supplere: quemadmodum aliquando supplet defectum eius quod tantum ex præcepto est necessariū, quando per alios docetur probabiliter nō esse necessarium. Quid ergo superest, nisi vt cum in Episcopis, Pastoribus, Confessarijs, Catechistis, tum in ipsis fidelibus causet vel occasionem prebeat negligentię & socordię: in illis quoad debitam sollicitudinem suos instruendi:

struendi: in populo autem quoad debitam diligentiam, quam oportet adhibere in addiscendis ijs, quæ scitu sunt necessaria ad salutem. Facile enim omnes sibi indulgent, & sub titulo raritatis & incapacitatis plebis, existimabunt illi se non obligatos ad tantas operas impendendas in instruendo, & plebs parabit se à necessitate præcepti quali absolui propter discendi, ut loquuntur, impossibilitatē. Cū tamen si omnes ex utraque parte debitum explerent officium, contingeret fidelem populum sufficientem esse instructum in ijs, quæ fidei sunt & pietatis: ad quod haud dubiè magis excitabuntur omnes, si intelligant absq; istorum cognitione, nullam superesse spem salutis.

104 His sic explicatis, quoad ea potissimum quæ explicitè credenda sunt necessariò necessitate medijs, superest ut particularius subiiciamus ea, quæ tempore nouæ legis necessariò sunt homini Christiano cognoscenda & credenda explicitè ex necessitate præcepti: Vbi hoc in primis suppono, omnes ex præcepto obligari explicitè scire & credere illa omnia, quæ explicitè credenda sunt necessitate medijs: hoc enim citra controuersiam tenent DD. omnes: Ratio enim naturalis dicat, quod Deus qui uoluit hominem per certa media tendere ad talem finem, quæque uoluerit & obligauerit hominem illa media applicare, quæ ex parte eius secundum diuinam ordinationem sunt necessaria ad illius finis consecutionem. Similiter suppono illa quoque omnia necessariò ex obligatione præcepti cognoscenda & credenda, quorum cognitio est necessaria ad rectè & honestè uiuendum in ordine ad finem supernaturalem, ad quem conditi sumus: quia qui alicui iubet aliquid faciendum, censetur etiam iubere, ut comparet sibi ea sine quibus fieri non potest, quatenus in eius est potestate.

105 Cæterum quia de præcepto nunc occurrit sermo, obseruandum est, quod sicuti communiter præcepta distingui solent in affirmatiua, & negatiua, sic quoque duplex posse distingui præceptum fidei: vnum scilicet affirmatiuum, quod obligat ad credendum mysteria fidei: & alterum negatiuum, quod obligat ad non dissentiendum à mysterijs fidei: neque de veritate ipsorum dubitandum.

Est autem inter hæc duo magna differentia, quia affirmatiuum non obligat omnes ut credant in particulari explicitè omnia & singula obiecta, quæ à Deo reuelata sunt: neque etiam ut actum fidei de qualicumque obiecto exerceamus omni tempore: sed tantum, ut credamus sic expli-

cite quædam certa obiecta; ac certis temporibus actus fidei circa illa exerceamus. Negatiuum uero respicit omnia obiecta, & omne tempus, quia & pro semper est prohibitum dissentire, & quidem à quocumque obiecto fidei, quod iustitiam tanquam à Deo reuelatum proponitur: Vnde difficultas restans versatur circa illa, quæ ex præcepto affirmatiuo sunt explicitè & in particulari credenda: pro quorum explicatione sit

CONCLUSIO Duodecima: Præceptum affirmatiuum fidei, tamen si non obliget ad omnia obiecta in particulari explicitè credenda, ut dictum est, obligat tamen ad credenda explicitè omnia auctoritate in symbolo comprehensa, saltem quoad substantiam. Conclusio est D. Thomæ, hic art. 5. ubi dicit, quod prima credibilia, ut sunt articuli symboli, debeant explicitè credi: quod saltem de necessitate præcepti debet intelligi. Item Caietani, Banneij, Arragonij ibidem. Malderi art. 7. conclus. vltima: à Valent. tom. 3. Disp. 1. quæst. 2. puncto 3. conclus. 3. & puncto 4. ibidem & passim Scholasticorum in 3. dist. 25. & fauet Catechismus Romanus, qui sic habet: Quæ primùm Christiani homines credere debent, illa sunt, quæ Sancti Apostoli diuino spiritu afflati duodecim symboli articulis distinxerunt.

Probatur Primò: Quia quæcumq; symbolo Apostolorum continentur, sunt quasi prima Christianæ doctrinæ rudimenta: unde scribit August. serm. 135. de Tempore: Symbolum est regula fidei vestræ brevis & grandis: brevis numero uerborum: grandis pondere sententiarum: & ibidem serm. 181. Apostoli certam regulam fidei tradiderunt, quam secundum numerum Apostolorum, duodecim sententijs comprehensam, symbolum vocauerunt, per quam credentes catholicam tenerent unitatem, & hæreticam conuincerent prauitatem. A nullo igitur Christiano possunt illa ignorari, quia inordinatum est quod quis prima fundamenta & fundamentales regulas religionis ignoraret, quam profitetur. Confirmatur ex cap. Baptizandos de consec. dist. 4. Baptizandos oportet fidei symbolum discere, & 5. feria vltimæ septimanæ vel Episcopo, vel Presbytero reddere, & ex Cap. Non liceat ibidè, quod habet: Oportet autem in his diebus, qui baptizandi sunt, symbolum discant: sensit ergò Ecclesia, debere Christianos explicitè credere symbolum, siue ea, quæ in illo continentur. Vide Capit. Symbolum eadem distinct. 4. & Capit. Deus qui: De Pœnitentijs & Remissionibus.

Probatur

107 Probatur Secundò: Quia mox ab initio, Apostoli & Euangelij annuntiatores prædicarunt ac inculcarunt passim omni populo mysteria fidei, quæ in symbolo continentur, vt patet ex Actis Apostolorum, & eorum epistolis: vt cap. 1. 2. 10. 17. Act. ad Rom. cap. 3. 4. 10. 1. ad Cor. 15. 1. Petri cap. 3. & alibi promiscuè: signum igitur est, quod existimauerint hæc ab omnibus cognosci, & credi debere.

108 Tertiò, quia ex certissima DD. sententiâ tenentur omnes explicite credere ea, quæ dicuntur de Trinitate, & Incarnatione, ac redemptione; & quidem de Trinitate patet, nam in hoc excedit fides huius status fidem antiquorum: vnde & baptisimus, qui est ianua ad iustitiam & salutem, datur sub inuocatione expressa S. S. Trinit. & ipsum signum Crucis, quod est Christianorum proprium, sub inuocatione Trinit. ab omnibus formatur. Similiter de mysterio Incarnationis, Natiuitatis, Passionis, Resurrectionis, Ascensionis Christi satis constat: quia hæc solemnibus festis in Ecclesiâ celebrantur.

109 Quod verò etiam aduentum Christi ad Iudicium, omnes debent explicite tenere, Probatur: quia Apostoli hunc maxime fidelibus semper proposuerunt. Inde Petrus Act. 10. præcepit prædicare populo, quia ipse est, qui constitutus est à Deo Iudex viuorum & mortuorum: quod si Apostoli præceptum habuerint prædicandi hoc omni populo, consequens est, quod populus omnis debeat id scire & credere. Neque id mirum est, quia res ista plurimum ad Christi gratiam & Dei iustitiam commendandam facit, ac simul quoque plurimum valet, vt homines à peccato auocentur & deterreantur.

110 Debent quoque omnes scire, esse vnâ S. Ecclesiâ, nam & ea res difficilis nō est, & eius cognitio multū est necessaria vterque rectè credatur, quia fides plebis Christianæ secundum rationē credibilitatis, innititur plurimū authoritati Ecclesiæ proponētis.

111 Accedit quod debeant scire non à quibuscumque promiscuè petendam esse de religione instructionem, nec à quibuscumque petendam esse Sacramenta, sed à Pastoribus & ministris Ecclesiæ, quæ vnica est & Sancta.

112 Quod ad peccatorum remissionem attinet, fuit ea fides post lapsum necessaria omni tempore, vt ex supra dictis de necessaria fide liberatoris ac mediatoris satis constat. Tenentur quoque credere resurrectionem mortuorum, quia in eâ consistit tota spes nostra futuræ retributionis: qui enim resurrectionem non credit, futura præmia aut supplicia consequenter

Viggi in 2. 2.

non credit, vt deducit pulchrè & latè Apostolus 1. ad Corinth. 15. & D. Chrysostomus ad illum locum. Eadem est ratio de fide quoad vitam æternam tutam salutem.

Dixi in Conclusiōe, quod ex præcepto oporteat explicite credere omnes articulos fidei symbolo contentos, saltem quoad substantiam: quia non omnes ibi adiunctæ circumstantiæ videntur similiter cadere sub præceptum: v. g. tenentur omnes sub inortali explicite credere Christum pro salute nostra passum & mortuum esse, non tamen sub tam graui obligatione tenentur scire illum fuisse passum sub Iudice Pontio Pilato: sursum tenentur explicite credere, eum à mortuis resurrexisse, non autem similiter obligantur cognoscere quod die tertia resurrexerit: & ne de alijs quibusdam. Sic etiam omnes obligantur explicite credere Ecclesiâ Sanctâ Catholicam, & tamen non improbabiler docet Sanchez l. 2. in Decal. cap. 3. n. 7. rudiores non obligari ad explicite credendam in eâ Sanctorum communionē: quia res hæc non videtur continere principale momentum aliquod, siue in ordine diuinum rerum, siue in ordine eorum quæ faciunt ad pie & iuste viuendum: & habet suam subtilitatem; cum etiam Docti dispuent; in quibus rebus hæc communio consistat.

Sed quæret aliquis: An igitur fideles adulti non teneantur omnes totum Symbolum Apostolorum scire, sic vt possint ordine illud recitare?

Respondeo & dico Primò: Quod ad hoc non obligentur præcepto aliquo diuino: quia eiusmodi præceptum neque ex Scripturis; neque ex naturis rerum habetur, aut efficaciter deduci potest. Scripturæ namque eo ordine nusquam articulos Symboli tradunt: & ad hominis instructionem siue quoad intellectum, siue quoad affectus moderandos sufficere videtur, quod distinctè quis teneat res ipsas inibi contentas, vt tempori & loco valeat eas apprehendere & recogitare.

Dico Secundò: quod tamen lege Ecclesiastica, vt hic loquitur Banneusius, aut saltem consuetudine Ecclesiæ vim legis obtinente, debeant omnes symbolum Apostolorum ordine & verbotenus scire. Colligitur ex Canonibus supra citatis qui desumpti sunt ex Concilijs Laodicensi & Brachariensi, & alijs: quos & Romæ in vsu fuisse tempore Augustini patet & capite 2. lib. 3. Confessionum, vbi meminit quod baptizandi soleant publicè reddere fidem suam, quasi compendio comprehendam. Hæc tamen obligatio non videtur esse per se ad mortale; sed sub graui

P. (licet)

saltem venialis, vt docet Nauar. cap. 11. num. 2. & cum eo Malderus: quamuis interim propter periculû ignorandi etiam res ipsas & substantiam articulorum, quod solet concurrere quando negliguntur ordine edisci, possit eiusmodi negligentia subinde esse mortalis: nam fortassis non raro accidit, vt qui memoriter & ordine non possunt recitare, præsertim qui sic nunquam didicerunt, nesciant quoq; mysteria in eo contenta, quoad substantiam: neque possint distinctè illa recogitare.

117 Quod tamen aliquando fieri debet, tum ad gratiarum actionem pro diuinis beneficijs nobis collatis, tum ad alta pia exercitia, vt ad tentationes aliquas vincendas, ad torporem excutiendum, ad iustitiam deperditam per debitas dispositiones recuperandam, vt scilicet homo prolapsus in peccatum, ex fide suâ vtiliter diuinæ iustitiæ timore conuertatur; & ad considerandam Dei misericordiam conuertatur, & conuertendo se, erigatur in spem confidens Deum sibi propter Christum propitium fore, vnde & ipsum, vt iustitiæ fontem, diligere incipiat.

Quare nec satis fuerit nosse symbolum recitare sine aliquo conceptu & sensu ipsarum rerum, vt Idiomate, v.g. quod non intelligas: Hinc Pastores merito debent esse plurimum solliciti circa subditos suos, vt omnes diligenter symbolum ediscere procurent, ac pro eorumdem capacitate de sensu & substantiâ singulorum articulorum illos instruant: docent enim D. Chrysost. hom. 3. in acta: & D. August. lib. de Pastoribus, (vbi caput 34. Ezech. exponit non paucos perire Prælatos, quia nō satis diligenter plebem in fide instruxerunt. Imitentur itaque D. Paulum, qui de se dicit act. c. 20. ad maiores natu Ecclesiæ: *Vos scitu &c. Quomodo nihil subtraxerim vtilium quo minus annuntiarem vobis, & docerem vos publice & per domos testificans Iudeis atque gentilibus, &c.*

118 Quæret iterum aliquis, Vtrum ergo ad iustificationem adulti lapsi post baptismum, requiratur formalis & explicitus actus fidei omnium eorum, saltem quæ dicuntur necessariò credenda necessitate medijs?

Respondetur non semper requiri singulorum actum formalem & expressum: sed sufficere posse fidem eorum virtualem, quando aliàs formaliter & expressè ab eo credita fuerunt: v.g. qui dolet se offendisse Deum, virtualiter credit Deum esse, & remuneratorem esse boni & mali operis: & qui sperat veniam propter merita & satisfactionem Christi Domini, quæ aliàs professus est & credidit formali actû

Dei filium à patre missum & propter peccata nostra passum, etiam virtualiter credit mysterium Incarnationis & Trinitatis.

119 Rectè autem monet Ruardus circa articulum 8. Louauiem. contra Lutherum folio 10. fidem Mediatoris Christi in habitu tantum, hic non videri sufficere; sed requiri fidem eius in actu saltem virtuali, vt ipse loquitur; quâ scilicet poenitentes (inquit) sic dirigantur, vt non quasi ex operibus, aut ex merâ Patris gratiâ sine redemptionis per filium factæ interuentu, veniam, aut iustitiam sperent: sed ab ea procedat illorum poenitentia, saltem secundum spem veniæ, vt nimirum spes poenitentis virtualiter sit subnixâ fidei Mediatoris & propitiatoris Christi Domini.

120 CONCLUSIO Decimatercia & vltima: Præter illa quæ hæcenus diximus, tum omni tempore, tum post aduentum Christi fuisse & esse credenda explicite, insuper ex præcepto cognosci & credi debent explicite nunc ab omnibus tria saltem Sacramenta, scilicet Baptismus, Eucharistia, & Poenitentia, ac reliqua vbi & quando quis debet, aut vult illis vti. Item præcepta Decalogi, & ordinaria Ecclesiæ præcepta: quibus merito adiungitur Oratio Dominica, cōtines ea, quæ homini desideranda & petenda sunt à Deo: vt infra latius in Tractatu de Religione explicamus.

121 Probatur, quia tenetur quisque cognoscere, & tenere illa quæ sunt scitu & creditu necessaria, vt conuenienter possit vitam instituere ad finem sibi præfixum, vt antè diximus, & secundum exigentiam Corporis seu communitalis, cuius est membrum, aut pars: atqui omnia iam dicta sunt ad eos effectus cognitiu necessaria: baptismus enim cognosci debet, vt sciatur quâ viâ quis possit fieri aut factus est Christianus, & Ecclesiæ seu numero fidelium inseri: Eucharistia verò, quia eius vsus ex diuino præcepto adultis pro refectione animarum est necessarius: debentque posse dijudicare Corpus Domini, & discernere inter hunc supernaturalen cibum & corporalem, vt dignè eum percipere valeant, & pro tantis beneficijs gratias Deo agere. Poenitentia similiter agnosci & credi debet, quia fragiles sumus ac sapientis plerique à iustitia prolabantur: quare oportet scire & credere remedium institutum ad iustitiam & diuinam gratiam recuperandam.

122 De præceptis satis per se constat, quod absque cognitione eorum non possit homo vitam & actiones suas dirigere, prout debet, tam in ordine ad finem suum vltimû, quam iuxta exigentiam officij hominis Christiani:

Christiani. Vbi tamen hoc quidam annotant non teneri aliquo diuino, aut vniuersalis Ecclesiæ præcepto, fideles vulgares verbo-tenus & ordine posse ea recitare; sed hoc videri satis quod secundum rem eatenus ista cognoscant, vt interrogati valeant meminisse, quid de talibus quæ mandantur, aut prohibentur sentiendum; & noverint ea petere ac pio voto seu affectu desiderare, quæ Dominicâ oratione continentur. Hoc interim rursus Obseruandū est, valde periculosum fidelibus esse, non posse verbo-tenus illa recitare, quia cum hâc ignorantia solet fere esse coniuncta quoque ignorantia ipsarum rerum.

123 Peter aliquis: Quando præceptum discendi illa, saltem quoad substantiam, hominem obliget? Respondetur tam fideles quam infideles, vbi ad rationis vsum peruenierint debere esse sollicitos vt præceptores fidei audiant, & res auditas & debite propositas credant, sic vt illius præcepti transgressionis formaliter rei constituentur, qui hoc negligunt, etsi alioqui animo essent parati credere: imò etsi dicerent se credere quidquid Ecclesiâ credit, & interim negligerent discere quæ necessitate medijs, vel præcepti debent explicite & in particulari cognoscere & credere. Qui autem inuincibiliter hoc præceptum ignorant, excusari possunt quidem à nouo peccato, negligentia & omissionis, sed carent interim remedio ad consequendum aliorum peccatorum remissionem.

ARTICVLVS IX.

Vtrum credere sit meritum?

124 **C**ONCLUSIO Diui Thomæ est: Actus fidei potest esse meritorius, Non dicit simpliciter actus fidei est meritorius: idque ideo vt ex responsione ad primum potest colligi: quia actus fidei ex natura sua natus est præcedere charitatem, atq; adeo potest sæpius sine charitate exerceri, quæ est necessarium principium, seu subiecti dispositio ad meritum. Sed quia contingit etiam fidem exerceri postquâ accessit, aut dū simul habetur charitas, hinc conuenienti modo locutus est, quando dixit: actus fidei potest esse meritorius: quia scilicet non semper talis est.

125 Probat autem primò ex Scripturis: Act. cap. 16. *Crede in Dominum IESVM, & saluus eris:* ad Rom. 9. *Omni qui credit in eum, non confundetur:* ad Gal. 3. *Vt promissio ex fide daretur credentiū:* 1. Petri cap. 1. *Reportan-*

tes finem fidei vestra, salutem animarum vestrarum: & ad Hebr. 11. dicuntur Sancti per fidem adepti repromissionem: quod non esset (inquit D. Thomas) nisi credendo mererentur. Vnde & D. August. tract. 68. in Ioannem; Credenti, inquit, colligitur meritum; videnti redditur præmium, scilicet in patria, vbi est fructus visionis beatificæ.

Probat autem Secundo ratione: Quia omnia ad meritum requisita possunt in actu fidei concurrere: est enim actus liberi arbitrij siue liber, vt docet August. libro de Prædestinatione Sanctorum cap. 2. & 7. quia de re licet videre dicta supra articulo primo huius quæstionis: quamuis enim ipse assensus intellectus secundum se non sit intrinsecè liber, tamen denominatione extrinsecè liber est, quatenus pendet ex libero imperio voluntatis, ac libero affectu pæ credulitatis; quem prout quodammodo inuoluit actus fidei, poterit etiam ratione istius dicti intrinsecè esse liber. Tribus autem ex capitibus esse actus hic liber; Primò, quia homo liberè applicat se ad cogitandum de rebus fidei; Secundò, quia quando res illas recogitat, etiam liberè præbet eis assensum; Tertiò, quia non tantum, liberè præbet assensum quoad exercitum; sed etiam quoad specificationem actus: nam proposito ac recogitato fidei obiecto, non solum potest suspendere assensum; sed etiam potest contrarium actum elicere, & dissentire. Est præterea actus ille ordinis supernaturalis, vt ex ante dictis abundè constat: est quoque honestus, & Deo gratus: quia laudabile & rationi consonum est, quod homo intellectum suum diuinæ authoritati submittat, & eius assertioni fidem adhibeat: quod similiter non potest quantum ex se est, non esse Deo gratum & acceptum, nihil igitur ei ad meritum deest.

127 Accedit quod per Scripturam Sacram nobis fides commendatur tanquam virtus, quam imprimis & maximè Deus ab homine requirit. Patet ex locis citatis, & alijs plurimis. Imò ex receptâ Doctorum sententiâ, adeo actus fidei internus est honestus & bonus etiam informis, vt ne quidem possit fieri vitiosus, aut malè exerceri. Neque huic obstat quod pro obiecto actus hic habeat non bonum, sed verum supernaturale, vnde videri posset consequens, quod saluâ suâ substantiâ, quæ ex parte assensus quo imperatur, admittit aliquid repugnans bonitati, seu rationi virtutis: sicuti certum est, externum fidei professionem, & alios etiam externos virtutum actus, posse vitari & malè

malè fieri ob malam circumstantiam, aut prauum finè: quia hoc nihilominus locum hic habere non potest: quamuis enim vt præcisè est actus intellectus, non includat aliquid repugnans, tamen quatenus dicit essentialem ordinem ad pium credulitatis affectum, quo per diuinum auxilium vult homo submittere intellectum diuinæ auctoritati, eatenus excludit approbationem omnis malæ circumstantiæ, aut praui finis, quibus posset vitari.

128 Declaratur: Nam si v. g. velit quis dicere, quod possit homo exercere actum fidei ob vanam gloriam, negandum erit hoc fieri posse, inprimis quia actus credendi interior nullo modo est medium idoneum, aut vtile ad vanæ gloriæ affectionem, cum hominibus non pateat. Deinde principaliter & per se magis ad propositum, quia si affectus vanæ gloriæ hic imperet, iam actus intellectus subsequens reuera non erit actus fidei supernaturalis, qui debet ex pio & reuerentiali affectu erga diuinam auctoritatem & veritatem procedere, atque adeo ex bono fine: si enim ex affectu mali finis nascatur affectus credendi, potius ex illo prauo affectu dicendus erit credere, quàm ex illo pio credulitatis affectu: quemadmodum qui furatur vt mœchetur, non tam ex affectu furandi, quam mœchandi furatur: quia motium quod est ordinariè in furto, hic non mouet nisi virtute motiui quod est in adulterio.

129 Quandoquidem ergo motium quod fundatur in vanâ gloriâ, vel in quocumque alio malo fine, sit inefficax vt moueat ad credenda supernaturalia fide supernaturali, consequens est quod non possit eo modo imperari actus credendi, qui scilicet sit verus actus fidei & supernaturalis in substantiâ. Hinc docet August. de Cathizandis rudibus cap. 5. quòd qui ad temporalia bona assequenda, vel temporalia mala euitanda, vult fieri Christianus, Non fieri (inquit) vult potius, quàm fingere, significans scilicet non reperiri in tali veram fidem: & addit: Fides enim non est res saluandi corporis, sed credentis animi: quando itaque cap. 17. ibidem dicit: Sunt qui propterea volût fieri Christiani, vt promereantur homines à quibus temporalia commoda expectant, loquitur de illis qui assumunt externam professionem Christiani nominis, quamuis virtutem eius in animo non habeant. Denique actus fidei potest coniungi cum charitate, atque adeo etiam ab ipsâ charitate imperari: potest enim hæc imperare intellectui, vt recogitet & credat mysteria Dominicæ Incarnationis & Passionis, vt

credendo Deus honoretur & amor eius in nobis augeatur: constat igitur actum fidei posse esse meritorem.

Sed contra obijciunt: qui credunt, vel habent causam sufficienter inducentem; vel non habent: si non habeant, iam non erit fides prudens, & proinde nec diuina; sed levis & temeraria credulitas: si verò habeant, iam non videbitur intellectus liberè assentiri; sed ex necessitate: ergò &c.

Respondetur eos habere inductiuum sufficiens ad credendum, quod præstat vt non temerè aut leuiter dicendi sint credere: sed nego idcirco intellectum non assentiri liberè modis supra explicatis; quia non euidenter & clarè obijciunt intellectui veritas intuenda, sed ita proponitur vt prudenter possit & debeat iudicare veritatem subesse, atque adeo id quod proponitur esse credendum.

Refert autem hic resp. ad vltimum D. Thomas inductiuum istud ad hæc duo, scilicet ad diuinam auctoritatem miraculis confirmatam, & ad interioriorem diuinum instinctum, cui etiam primas partes adscribit: quantus enim ille sit, & quanta persuasio, & quantus tractus eius nemo nouit, nisi qui accipit: sicut dicit August. tract. 26. in Ioannem: Da amantem, & sentit quod dico; da desiderantem, da esurientem, da in ista solitudine peregrinantem, atque sitientem; & fontem æternæ Patriæ suspirantem: da talem (inquit) & scit quid dicâ: sin autè frigido loquar, nescit quid dicâ: Quare vel ex hoc capite ostendi possit immeritò da Iuliano Apostatâ & Porphyrio reprehensos fuisse Apostolos quasi qui nimis citò & leuiter crediderint ad vnam vocantis vocem sequentes Christum Dominum, prout rectè declarat D. Hieronymus in cap. 9. Matthæi: sed mirum non est, quod illi reprehenderint qui huius internæ doctrinæ Patriis cœlestis gultum & efficaciam non perceperant. Quæ omnia latius sunt suprâ explicata.

ARTICVLVS X.

*Vtrum ratio inductiua ad ea
qua sunt fidei minuat
meritum?*

132 **C**ONCLUSIO Diui Thomæ est: Ratio inductiua præcedens, siue quæ antecedenter se habet ad voluntatem credendi, minuit meritum fidei: Ratio autè consequens siue quæ consequenter ad voluntatem

luntatem credendi se habet, non minuit meritum, quin potius sicuti signum est vehementioris actus, ita quoque maioris menti eiusdem.

133 Pro intellectu & confirmatione huius Conclusionis quædam annotanda sunt: ac inprimis hic per rationem inductiuam ad ea quæ sunt fidei, non venire comprehendenda illa testimonia, siue externa siue interna, quæ necessaria sunt, ut quis ea quæ sub diuina autoritate credenda proponuntur, agnoscat esse verè credibilia, & quæ prudenter possit iudicare esse diuinitus reuelata, & ut talia credenda: quia cum sine istis non possit actus fidei esse, sed tantum leuis credulitas, non potest de talibus dubitatio suboriri; utrum meritum fidei minuant, cum sicuti absque illis non est fides, sic nec possit esse eius meritum.

134 Notandum Secundò, per rationem itaque inductiuam, de qua proponitur quæstio, intelligi ea argumenta (siue sint experimenta sensus, aut naturalis rationis, siue miracula) quæ iam præsupposita sufficienti propositione rerum fidei tanquam diuinitus reuelatarum, possunt superuenire, & ipsas res fidei, seu veritatem illarum demonstratiuè, aut dialecticè & probabiliter, vel quasi sensibiliter ostendere, vel quod à Deo sint reuelatæ, euidentius confirmare.

135 Notandum Tertio, D. Thomam per rationem quæ se habet ad voluntatem credendi, ut præcedens, vel ut consequens, non intelligere quæ (solum tempore antecedit, aut subsequitur; sed per eam quæ antecedenter se habet, intelligere illam quæ est causa voluntatis credendi, sic ut absque illà non vellet homo, aut saltem non ita promptè & seruenter crederet: quia ex duritià quâdam cordis plus exigit ad credendum, quàm necessarium sit, ut secundum prudentiam credere possit aut debeat: quale quid videtur Dominus reprehendisse in Regulo: Ioannis cap. 4. quando dicit: *Nisi signa & prodigia videritis, non creditis*: & in discipulis suis Marci ultimo: quando exprobrauit duritiam cordis & incredulitatem illorum: *Quia his qui vident eum resurrexisse, non crediderunt*: & quidem si hæc ratio ita sit causa voluntatis credendi, ut absque illà nollet credere, iam non tantum minuit, sed tollit meritum & fidem: quia non credit propter diuinam autoritatem sufficienter applicatam, sed propter aliud argumentum sibi probatum: & de talibus rectè intelligitur, quod scribunt D. Greg. hom. 26. in Euangelia, & Author de Cardinalibus Christi operibus serm. de Natiuit. Christi, quod fides non habeat meritum, ubi humana ratio præbet

experimentum.

136 Si tamen habitis istis argumentis velit homo credere & credat propter diuinam autoritatem sicut oportet, poterit hic consequi fidem; & actus eius efficitur meritorius, si cum charitate coniungatur: quia retrahat propositum illud de non credendo absque eiusmodi rationibus vel argumentis: quod videtur accidisse in Apostolo Thoma, qui non voluerat credere, nisi videret signa clauorum &c. quando postea dixit: *Dominus meus & Deus meus*: si verò tantummodo tardius aut staccidiùs absque illà ratione crederet, iam minuit fidei meritum: quia ostenditur quod minus moueatur motiuo formali fidei, minusque tribuat, quàm alij qui sine eiusmodi accedente ratione, promptius & seruentiùs credunt.

137 Per rationem, quæ consequenter ad voluntatem credendi se habet, intelligit eam, quæ post acceptam fidem, ex amore illius excogitatur & adinuenitur ad elucidandas & defendendas, & ad euincendas ac dissoluendas argumenta, quæ in contrarium videntur facere, & hæc non minuit meritum, sed magis auget: ut potest colligi ex illis Petri verbis 1. epist. cap. 3. *Dominum autem Christum sanctificate in cordibus vestris, parati semper ad satisfactionem omni poscenti res ratione de ea, quæ in vobis est, spe, sed cum modestia & timore, &c.* & ex c. 24. Ecclesiastici ubi Sapientia æterna loquitur, & dicit, *Qui elucidant me, vitam æternam habebunt*. Facit itaque D. Tho. hic distinctionem, inter rationem præcedentem ad voluntatem credendi, & inter rationem consequentem ad illam, sicuti solet poni distinctio inter passionem quæ præcedit actum virtutis aut vitij, quæ scilicet eius suo modo sit causa, & passionem qui sequitur tanquam quidam eius effectus.

138 Dices: videtur etiam ratio subsequens minuire meritum fidei, quia minuit difficultatem in credendo, ex qua etiam sumitur augmentum meriti. Respondetur Primò, quando ex amore virtutis aut ex eius exercitio nascitur facilitas, tunc non minui, sed potius augeri meritum: quod etiam locum habere dici potest, quando ex labore adhibito circa arduitatem aut difficultatem obiecti, efficitur ipsum leuius, aut minus difficile; quod hic locum habet, quia labor amore fidei susceptus facilitatem eam causat talem, qualis est: Denique quando laboribus istis incumbitur, fit quod fides simul eliciat actus frequentiores & seruentiores: cum sacris enim studijs solet crescere amor virtutis pro qua laboratur, & sic meritum non minuitur.

P. iij. Tertiò,

Tertiò: Quia illæ rationes supponuntur posterius & se cōsequenter habere ad voluntatē credendi; vnde non censentur afficere actū credendi in illo homine, ad quē ita se habent: Hic enim ex parte sua contentus diuinā autoritate sibi propositā, nō mittitur, neque vtitur in eliciendo fidei assensu, subsidio istarum rationum, aut persusibilibus humanæ sapientiæ argumentorum. Neque enim inuestigat vt credat: sed quia credit, & vt alios durioris cordis mediantibus istis, ad fidem adducere vel in eā firmare possit, ideo inquit: quamuis enim ista sola non sufficiant ad fidem diuinam concipiendam, tamen contingit quod illis mediātibus perueniatur ad pleniorē apprehensionem & cognitionem

diuinæ autoritatis, ob quam postmodum credant: sic vt assimilari possint Samaritanis illis, Ioannis 4. qui auditā muliere (quæ iuxta D. Thomam hic, & alios, rationem humanam significabat) referente quomodo Christus ei dixisset omnia quæcumque fecerat, incepterant in eum credere, sed postmodum audito Christo dicebant mulieri: *Iam non propter tuam loquelam credimus: ipsi enim audiuimus & sumus* (Patre scilicet cōlesti intus simul docente ac illustrante, non ex carne & sanguine) *quia sic est vere Saluator mundi*. Ex quibus euidentis euadit, quomodo rationes illę induciūz consequenter se habentes, nihil diminuant de fidei merito.

Q V Æ S T I O I I I.

De Exteriori actu fidei.

In duos Articulos diuisa.

ARTICVLVS I.

An Confessio sit actus fidei?

CONCLUSIO Diui Thomæ est affirmatiua: Et Probatur primò ex Apostolo 2. ad Tēssal. cap. 1. vbi fidei confessionem vocat opus fidei, sic scribens: *In quo etiam oramus semper pro vobis, vt dignetur vos vocatione sua Deus nosse, & impleat omnem voluntatem bonitatis, & opus fidei in virtute, vt clarificetur nomen Domini nostri Iesu Christi in vobis*; vbi Glossa opus fidei interpretatur fidei confessionē, quod textui conforme est, quia commendat eos quod pro fide persecutiones, & tribulationes sustineant: in quibus perferendis insignis relucet fidei confessio, & orat vt Deus impleat in eis hoc opus fidei in virtute, vtque sic in eis clarificetur nomen Domini nostri Iesu Christi.

2 Probatur Secundo ratione: Quia actus exteriores propriè sunt illius virtutis actus, ad cuius finem ex suā specie referuntur: quemadmodum ieiunare v. g. secundum speciem suam refertur ad finem abstinentiæ, qui est compescere carnis cōcupiscentias: & ideo est actus virtutis abstinentiæ: atqui confessio fidei secundum speciem suam ordinatur ad finem fidei, qui est inhærere primæ veritati eā firmitate, prout eam decet: & inhærendo de-

bitum honorem & venerationē illi deferre: vnde Apostolus 2. ad Cor. 4. dicit: *Habentes autem eundem spiritum fidei, sicuti scriptum est: credidi propter quod locutus sum: & nos credimus propter quod & loquimur*: est igitur fidei confessio actus virtutis illius.

Notandum verò est, externam fidei confessionem dupliciter esse actum fidei. 3 Primò, ipsius tanquā dirigentis: Secundò, tanquam imperantis. Vt dirigentis, est eius actus ratione assensus qui est in intellectu: nam interius iudiciū fidei dirigit externam locutionem, & alia exteriora signa: sic enim conamur eloqui exterius, sicut intus apprehendimus. Vnde fidei confessio est quidam actus fidei interioris; sicuti externa doctrina Theologiæ est actus & exercitium externum interioris scientiæ. Est autem confessio actus fidei tanquam imperantis, videlicet ratione voluntatis credendi: eadem enim voluntas quæ imperat intellectui internum assensum: volendo credere doctrinæ fidei ob diuinam autoritatē, quia eius veritas & dignitas id postulant, mandat quoq; ob eundem finē exterius eandem doctrinam profiteri.

4 Declaratur: quia ordine quodam ipse interior actus credendi, & ipsa exterior confessio sequuntur ex voluntate eiusdem finis, qui est præstare id quod postulat autoritas summæ veritatis: nam inde sequitur primò ipsum credere internum; & ex interno actu sequitur confessio externa, vt docuit Apostolus loco supra allegato. Sed

D V B I V M I.

Utrum negativum præceptum ita obliget, ut nullo unquam casu liceat fidem negare?

Sed dicit aliquis: videtur fidei confessio pertinere ad virtutem religionis; quia v. g. audiendo missam, percipiendo Sacramenta, & alia similia exterius exercendo profitemur fidem nostram: & tamen hæc sunt opera religionis: ergo &c.

Respondetur Neg. Conseq. Nam sicuti possumus actu suum honorare Deum, ita quoque actibus religionis possumus profiteri fidem, si eos præstemus ut exinde intelligant alij, quam fidem sequamur. Hoc itaq; modo prædicta religionis opera, possunt esse fidei quædam professiones, tum quia per ista implicite testamur tenere nos doctrinam illius religionis & fidei, quæ ista opera præscribit, & commendat: tum quia in eum finem possunt hi actus expressè imperari à voluntate credendi, quæ volumus interiùs & exterius præstare id quod postulat autoritas primæ Veritatis; & non ideo ista externa ad primam veritatem adhesio, seu externa fidei confessio induit rationem virtutis mediæ, quæ applicantur: sed potius illi actus mediæ quatenus à fide imperantur & referuntur in finem fidei, accipiunt inde bonitatem ipsius fidei; sicuti media accipiunt bonitatem à fine.

ARTICVLVS II.

An confessio fidei sit necessaria ad salutem?

CONCLUSIO D. Thomæ est: Confessio fidei, sicut cætera quæ sub præceptum affirmativum cadunt, est necessaria ad salutem, ut loco & tempore scilicet debitis fiat. Explicat autem locum & tempus tunc adesse, ubi & quando per omissionem confessionis subtraheretur honor debitus Deo, aut utilitas proximis impendenda; puta (inquit) si aliquis interrogatus de fide, taceret, & ob hoc crederetur, quod vel non haberet fidem, vel quod fides non esset vera; vel alij per eius taciturnitatem auerterentur à fide.

Porro cum præceptum omne affirmativum contineat implicitè præceptum quoque negativum; v. g. sicuti in præcepto charitatis continetur negativum præceptum non habendi Deum odiosum; proinde in præcepto quoque proposito locum habeat (in præcepto enim affirmativo de fide consistenda, continetur præceptum de fide nonquam neganda) hinc pro utriusque præcepti pleniori intelligentiâ, quædam occurrunt explicanda dubia.

Quæstioni locum dederunt Antiqui Hæretici, ut Gnostici, Priscillianistæ, & alij qui docuerunt licitum esse fidem negare, modò in corde servetur: ut videre est apud Tertull. in Scorpiaco, ubi hæc eorum verba & argumenta refert: Semel pro nobis Christus obiit: semel pro nobis occisus est, ne occideremur: si vicem repetit, num & ille salutem de meâ nece expectat? an Deus hominum sanguinem flagitat maxime si taurorum & hircorum recusat? & apud Eusebium lib. 6. Historiarum cap. 28. & August. de Hæresibus cap. 70. ubi refert Priscillianistas solitos dicere, Iura, periura, secretum prodere noli.

Sed fide Catholicâ omnino tenendum est, nunquam licere etiam ob periculum mortis, fidem negare.

Probatur Primò ex Scripturis Matth. 10. Omnium ergo qui cõstebitur me coram hominibus, confitebor & ego eum coram Patre meo, &c. qui autem negaverit me coram hominibus, negabo & ego eum coram Patre meo. Hic Dominus loquitur etiam de illis qui metu mortis eum negaverint, ut patet ex adiunctis: præcedit enim: Nolite timere eos, qui occidunt corpus: & sequitur postea: Qui inveniunt animam suam, perdet eam. Is verò invenire hic dicitur animam, qui ut vitâ servet, in persecutione Christum negat. Marci 8. cap. Qui me confusus fuerit, & verba mea in generatione ista adultera, &c. & filium hominû confundetur eum: & Lucæ 9. Qui me erubuerit & sermones meos, hunc filium hominû erubescet, &c. Ad Rom. 10. Corde credatur ad iustitiam, ore confessio fit ad salutem: 2. ad Timoth. 2. Si negaverimus eum (inquit) & ipse negabit nos. Hinc quando Petrus negaverat exterius Christum Dominum, flevit amarè, quamvis corde fidem eius retinisset.

Neque tantum illi censendi sunt Christum negare qui Christo abrenuntiant, sed etiam qui proferunt ea quæ fidei sunt contraria: sic enim tacite afferunt Christianorum fidem non esse veram, aut amplectendam: & consequenter doctrinâ Christi, ac ipsum Christum redarguunt falsitatis vel improbitatis & ab illis recedunt.

Probatur Secundò ex Sanctis PP. qui constanter ita docent: Tertull. in Scorpiaco cap. 1. Lib. de Corona militis, & alibi: Origenes hom. 10. in Numeros: Cyp. de exhortatione Martyrij, & lib. 3. ep. 25.

P iij & lib.

& lib. 4. epistola 2. Basil. hom. in Gordium martyrem: & August. lib. 8. Confess. cap. 2.

- 12 Idem probari potest ex factis Martyrum, qui nunquam induci potuerunt ut dicerent, aut facerent aliquid quo videri possent illo modo fidem negare. Vide l. 2. Machab. cap. 6. exemplum Eleazari: & Gordij martyris apud Basil. loco citato: ubi multæ adduntur rationes pro hac sententiâ: & Sancti Sabæ apud Metaphrastem, qui cum videret quibuscumque obtrudî carnes non immolatas, ut viderentur satisfecisse mandatis Tyranni de comedendis immolatis, exclamavit: Qui has comederit, Christianus esse non potest. Vide etiam Cypr. serm. de Lapsis post medium, ubi grauius reprehendit eos, qui etsi non sacrificassent, pecuniâ tamen à iudice libellum obtinebant, quo declarabantur Imperatoris edictis satisfecisse. Nec sibi (inquit) quominus agant poenitentiam, blandiantur, qui etsi nefandis sacrificijs manus non contaminauerunt, libellis tamen conscientiam polluerunt.

- 13 Nec tantum Cypr. sed & Ecclesia Romana eiusmodi libellorum usum grauius reprehendit, & damnauit: ut declarat Clerus Romanus in epistola ad Cypr. quæ inter eius epistolas est 31. ubi sic Clerus scribit: Hoc nos non falsò dicere superiores nostræ litteræ probauerunt, in quibus vobis sententiâ nostram dilucidâ expositione protulimus aduersus eos, qui se ipsos infideles illicitâ libellorum professione prodiderant, id est, se infideles foris ostenderant vsu & professione istorum libellorum, qui attestabant eos mandatis Imperatorum de sacrificando, obtemperasse, ac satisfecisse.

- 14 Vnde & constat in quo situm fuerit libellatorum crimen, scilicet in eo, quod à Magistratu pecuniâ emerent testimonium & attestationem, quod Imperator legibus obediissent, aut satisfecissent, ut illis mediantibus sese redimeret ab inquisitione & tormentis, etsi à parte rei non obtemperassent: quod & ex sequentibus amplius patet, ubi sic dicitur. Et qui vult videri propositis aduersus Euangelium vel edictis vel legibus satisfecisse, hoc ipso iam paruit, quo videri paruisse se voluit.

- 15 Reprehenduntur ibidem à Clero Rom. & illi qui quantumvis non per se, tamen per alium nomine suo curabant, aut permittebant coram Magistratu fidem abnegari, aut Idolis sacrificari: vnde de his dicitur: Non enim est immunis à scelere, qui ut fieret imperauit: sicuti de libellaticis additur: Nec est alienus à crimine, cuius consensu, licet non à se admissum crimen,

tamen publice legitur, videlicet crimen admisisse.

Manifestum igitur est, quod antiqui PP. pro maximo scelere semper habuerint omnem fidei negationem; non tantum quæ verbis, sed etiam quæ factis committeretur. Imò quod quis vel videri vellet abnegasse, aut alium aliquem fidei contrarium admisisse. Et ratio est, quia fidem exterius negare est mendacium perniciosum, quo irrogatur grauis iniuria primæ Veritati: quando enim fidem explicite aut implicite quis negat, contestatur diuinam doctrinam mendacem, aut fallibilem, quæ fidem non meretur.

Vnde ad Argumentum Gnosticorum apud Tertullianum Respondetur: Non vult aut præcipit Dominus, ut mortem assecemur, vel nos in necem conijciamus; vult tamen quando aut fides neganda est, aut mors oppetenda, potius nos pro ipso, & eius doctrinâ ac veritate mortem oppetere, quam fidem negare: non quod morte nostrâ indiget, sed quia nos fidei confessione, & mandatorum Dei obseruantia indigemus: atque adeo debeamus potius quælibet mala perpeti, quam Dei præcepta transgredi, & quæ per se mala sunt, perpetrare. Accedit omnino æquum esse, ut animam pro eius discipulatu & doctrinâ retinendis ac contestandis demus, qui morte suâ nos suos discipulos & amicos facere dignatus est: neque enim discipulus est supra magistrum, nec seruus supra dominum.

D V B I V M II.

Vtrum persecutionis tempore liceat ad declinandum fidei examen coram tyranno fugere?

R Espondeo: & Dico Primò: Fugere in persecutione secundum se non est illicitum. Est contra Tertullianum postquam à fide defecit: qui tunc librum de fugâ in persecutionibus, contra Ecclesiam scripsit, ut testatur D. Hieron. lib. de Viris Illustribus, in quo ostendere laborat, non licere fugere. Sed probatur ex Scripturis, Matth. 10. Cum autem persequerentur vos in ciuitate ista, fugite in aliam: neque verum est quod hic respondet Tertull. scilicet id Apostolis solis, & pro eo duntaxat tempore, quo Iudeis prædicabant, dictum fuisse: quia Patres communiter ad omnes, & ad omnia tempora pertinere intelligunt: nisi forsitan aliquæ particulares circumstantiæ aliquando obstant & aliud requirerent: de quibus infra. Ita Nazianf. Oratione de Laudibus Basilij circa initium:

Athanas.

Athanas. in Apologiâ pro fuga : Hilarus in hunc locum : August. epist. 108. quod & confirmari potest ex adiunctis, quæ ad omnes pertinent : & præsertim ex illis verbis : *Amen dico vobis, non consummabitur civitates Israël, donec veniat filius hominis* : nec refert quod D. Hieron. exponat ea verba in hunc sensum, si vos persecuti fuerint in vno Scripturæ libro, fugite ad alium : non enim litteralem, sed mysticum sensum tradit : quod interim idem nobiscum sentiat, patet ex libro de Viris illustribus in Tertullianum.

19 Probatur Secundò exemplis ex S. Scriptura petitis. 3. Reg. 18. Centum Prophetæ persecutione Iesabelis fugientes narratur fuisse absconditi : cap. 19. fugit quoque Elias persecutionem eiusdè : apud Matth. cap. 1. fugit Christus persecutionem Herodis : Ioannis 8. abscondit se, cum Iudæi vellent eum lapidare : & 11. fugit ad desertum : Act. 9. cap. demittitur Paulus in sporta per murum, & fugit : & lapidato Stephano diffugerunt ob persecutionem magnam in Ecclesiâ tunc concitatam omnes per regiones Iudææ & Samariæ præter Apostolos : cap. 8. & ad Hebr. 11. laudantur Sancti, qui in solitudinibus fuerunt errantes, in montibus & spelæis & cauernis terræ. Accedunt & exempla posteriorum novi Testamenti, cuiusmodi notum & illustre est D. Athanasij qui & insignem Apologiam profuga contra obrectatores scripsit.

20 Probatur Tertio ratione : Quia dilectio sui ipsius & dilectio proximorû, ac etiam inimicorum sapius fugam requirunt, aut suadent : dilectio sui ipsius, qui enim non fugit, quando facile potest, sed persecutoribus se occidendum offert, suæ ipsius vitæ apparet prodigus. Vnde scribit D. Athanas. in Apologia pro fuga, quod Martyres nunquam quando ad necem quærebantur, se persecutoribus obtulerunt, quin profiterentur ex peculiari Spiritus Sancti instinctu, hanc promptitudinem, siquæ oblationem esse profectam. Et D. Cypr. epistola 82. sic monet : Ne quisquam vestrum gentilibus se offerat : apprehensus enim & traditus loqui debet : siquidem in nobis Dominus positus illâ horâ loquatur, qui nos confiteri magis voluit, quam profiteri : vnde apprehensus & à Proconsule interrogatus de Præbyteris (qui scilicet latebant) lêgitur ei respondisse ; nec ipsi se ultro offerunt, cum hoc Scriptura Sancta prohibeat. Idem & dilectio proximorum aliquando suadet : fieri enim potest ut qui fugit, sit futurus Ecclesiæ multum utilis : quomodo D. Athanas. inter alia dicit se ad hoc ipsum fugisse, ut Imperatori

eiusmodi apologiam exhibere postea liceret : & addit : Sic Sancti fugiebant, ut tantum medici in vsum indigentium reservarentur. Postulat & dilectio inimicorû : qui enim non se subtrahit dum potest, & particularis circumstantia nõ aliud requirit, cooperatur suo modo Tyranno, & reus constituitur homicidij quod Tyrannus in ipsum admittit. Vnde Euthymius in cap. 10. Matth. docet ex Gregorio Nazianzeno etiam eo nomine vt parcamus persecutoribus, iniungi nobis à Domino fugam.

Neque vllâ ratione contrarium probari potest : nam quod fuga sit vel fidei negatio, aut fidei confessioni aduersetur (vt prætendit Tertull. in libro suo de Fuga) omnino falsum est : quinimò qui ob persecutionem cõtra Christianos motam fugit, tantum abest quod fidem neget, quin ipsâ suâ fugâ se Christianum constiteatur. Vnde non declinat, aut absolutè subterfugit fidei confessionem, quam suo factò facit ; sed declinat potentiam Tyranni, tormenta & mortem, quæ merito subterfugere potest, vt Christi & SS. exemplis constat : quia quandoquidem homines ignari sint temporis sibi à diuinâ providentiâ constituti, debent temporis sui decursum expectare latendo & fugiendo, quando persecutor instat, donec aut mortis definitum tempus adueniat, aut quoad usque definitor temporis Deus ipsis aliud indicet, vel persecutores inhibens, vel persecutoribus eos tradens, vt docet Athanas. in Apologia pro Fuga.

22 Ex quibus Responderi poterit etiam ad alterum Tertulliani Argumentum quod in eodem libro contra Fugam, opponit : Quod scilicet persecutio à Deo immittatur, vnde concludit eam non esse fugiendam : Respondetur enim primò, Persecutionem non propriè immitti à Deo ; sed quidem secundum certam Dei providentiam permitti ad Ecclesiæ exercitium, & alios bonos fines. Deinde ex tali immisione, seu potius permissione non esse consequens, quod fidelibus non liceat aut fugere, aut conari etiam ad persecutionem eam impediendam : quia vult Deus sæpe permittère, vt maligni multa attentent, quæ tamen non vult habere successum, & effectum suum : sed & bonis permittit, vt mala illa impediant & evertant, aut effectum eorum declinent : quin & ad hoc frequentius bonos adiuuat & promouet.

23 Adde vltcrius, quòd non tantum, dum quis adhuc liber existit, sed etiam quando à Tyranno comprehensus tenetur, licitè per se loquendo fugam capeat, si possit. Rationes eadem quæ supra, hic militant. Et cõfirmatur exemplo Petri Act. cap. 12. qui

qui ductu Angeli est e carcere egressus, & effugit manus & vincula Herodis & omnem expectationem plebis Iudæorum.

- 24 Sed contra dicta opponet aliquis, quod Apostoli peccauerint fugiendo in passione Domini: Similiter & ille, qui de numero 40. Martyrum ex aqua gelida in balneum calidum insiliit, ut patet ex Basilio oratione in 40. Martyres: ergo &c.

Respondetur: Apostoli non peccauerunt precise fugiendo ferociam Iudæorum, sed quia Magistrum suum videbantur deserere, & ab eo recedere cum quâdam Christi ignominia: idque ex diffidētia aliqua, ut apparet, quasi iam actum esset de ijs, quæ Christus promiserat. Miles autem ille peccauit, quia paratus fuit abnegare fidē; idē enim in balneum insiliit, quod ad hoc erat preparatū, ut si quis vellet à fide recedere, ibi se posset reficere. Accedebat & scandalum quod illa occasione obueniebat.

- 25 Dico Secundò: Fugere in persecutione non tantum secundum se illicitum nō est; sed quibusdam aliquando etiam est in præcepto. Et quidem D. Athanasius in verbis Domini Matth. 10. præceptum agnoscit, quamvis D. August. in fine epistolæ 180. disjunctim dicat, quod Dominus fugam præcepit, vel permisit. Sed probatur vterius, & simul explicatur ex rationibus pro prima responsione adductis, quæ dum bene perpenduntur, non solum ostendunt fugam non esse illicitam, sed etiam esse in præcepto, nisi aliunde accedant rationes aliæ quæ præualeant, & præceptum quasi faciant cessare.

- 26 Quare inferri potest primò, quod si particularis aliquis & priuatus homo infirmioris animi, & conscius imbecillitatis suæ timeat ne propter tormenta in confessione forte deficiat, teneatur fugere si possit, tunc quod non debeat prodigere vitam suam corporalem præsertim absque spe magni fructus spiritualis, tum propter periculum defectionis à confessione, quod vitare debet sicuti ipsam defectionē.

- 27 Inferitur Secundò: Quod similiter fugere debeat siue Pastor, siue vir alius Ecclesiæ aut Reip. Christianæ multum utilis, quantumvis in Domino confidat quod confessionem posset sustinere, si illē specialiter ad necem quæretur, & ex eius continuata præsentia non dependeat notabilis fidelium utilitas: quin & contra putetur absens, aut hanc persecutione cessante, posse Ecclesiæ & populo Christiano multum prodesse: quia charitas quam sibi debet, & quam debet proximo, omnino postulat ut & vitæ suæ tunc parcat, & ad aliorum utilitatem referret, ne sine ratione prodigere eam videatur.

Neque huic obstant verba Christi, Ioannis 10. *Bonus Pastor dat animam suam pro ouibus: Mercenarius autem, & qui non est Pastor, & cuius non sunt oues propriæ, videt lupum venientem, & dimittit oues & fugit: nam Christus vituperat non simpliciter illum qui fugit; sed qui dimittit oues & fugit, ut bene obseruauit D. August. epistola 180. In casu autem nostro pastor non dimittit oues, quia supponitur vel absens sufficienter posse curare, vel quod alij sint præsentēs qui eas debito modo curant. Similiter tenebitur fugere tam ex dilectione propriâ, quàm ex illâ quam inimicis debet, si ex eius præsentia non speretur utilitas, sed & contra timeatur offendiculum, & magna perturbatio ac scandalum hostium Ecclesiæ; qui ex occasione præsentis personæ talis putantur commouendi ad eius apprehensionem, ad inferenda tormenta & mortem: ex quibus maior eorum oritur ruina: quod significauit Nazianzenus Oratione prima in Iulianum, ubi scribit: Decet Christianos non solum res considerare proprias, etsi magno sint animo & fortitudine præditi: sed etiam persequentibus parcere, ne fortē ipsis acceptum feratur, quod hostium periculo non subuenerint.*

Dico Tertiò: quibusdam tamen fugere aliquando illicitum ac vetitum est. Probat, quia aliquando imminet ex quorundam fugâ, graue damnum spirituale proximorum præponderans supra vitæ corporalis curam, quam sibi impendere alioquin quisque debet: quod incommodum illi vel ex iustitiâ, vel ex charitate tenentur auertere & impedire: non licet igitur talibus tunc fugere. Quare non potest tempore persecutionis fugere pastor, si oues remaneant, & non sit alius qui eas fouere valeat: tunc enim locum habet: *Bonus Pastor dat animam suam pro ouibus suis*, ut docet ex eodem loco D. August. epistola citata: nam si vnquam doctrina illa locum habere debet, tunc vel maxime quando pastoris præsentia salutis subditorum est necessaria.

Nam, ut inquit Nicolaus Papa Can. Sciscitaris: 7 quæst. 1. Si pernitioium est, nautam in tranquillitate nauem relinquere, quanto magis in fluctibus: quando scilicet non adsunt alij, qui æquē officium obeant. Similiter, etsi quis non sit Pastor, tamen si præsentiam suam subtrahere non possit absque graui scandalo, ac decremento spirituali proximorum, non licebit tali fugere: quamvis enim non ex iustitiâ sicuti Pastor, tamen ex charitate obligatus erit remanere iuxta illud Ioannis 1. epistolæ cap. 3. *Et nos debemus*

pro fratribus animas ponere: quia bonum, scilicet spirituale proximorum, debet præponi vitæ propriæ.

31 Sed quæret aliquis, quid si plures sint qui possint singuli sufficienter populum curare, an tunc omnes tenebuntur remanere, & si non omnes, quis ex illis tenebitur?

Respondetur, imprimis non esse necessarium, quod omnes remaneant, & mortifera exponant: tenebitur autem imprimis ille, qui magis populo est obligatus, v. g. pastor, si aliquis inter eos sit, & reliqui pastores non sint. Quod si omnes æqualiter se habeant in ordine ad obligationem istam, tunc abscedent illi quos commune consilium iudicat Ecclesiæ vitæ suæ posse plus prodesse, & remanebunt alij: quod si eiusmodi concilium non habeatur, vel quod singuli cupiant remanere, aut quisque iudicet alterum fore Ecclesiæ utilio-rem, tunc inter eos fors poterit mitti, & decisio diuinæ providentiæ committi, ut latè docet August. epistola 180. iam sæpius citatâ. Si tamen aliquis imbecillior & minus promptus ad manendum: alij autè sint promptiores, existimarem tunc communi consilio parcendum infirmiori, etiam si alij putarentur fore alibi magis utiles, quàm iste.

32 Dico Quartò: Quemadmodum aliquando fuga quibusdam est illicita: & aliquando quibusdam in præcepto, sic aliquando etiam aliquibus potest esse libera, ut tantum sit consilij, aut fugere, aut non fugere. Declaratur, ut v. g. si quis sit animo forti qui cum Dei adiutorio confidat posse confessionem sustinere, & tamen absque scandalo se possit subducere: neque populo siue cæteris fidelibus sit necessarius, nihilominus præsentia eius putetur allatura spiritualem utilitatem alijs: neque ex eius morte, si obueniat, sint sequutura notabilia incommoda, poterit tunc talis negligere vitam corporalem pro laudabili confessione & honore Christi Domini, & utilitate spirituali tum suâ, tum proximorum: quia tamen non est ex iustitiâ obligatus eam impendere proximis, nec eius præsentia absolutè illis necessaria est, ideo ad illud faciendum, non existit obligatus. Quid autem consultus in talibus occasionibus fiat, aut non fiat, ex circumstantijs secundum prudentiam Christianam erit dijudicandum.

D V B I V M I I I.

Verum aliquando liceat occultare fidem?

33 Notandū Primò cum Caietano, aliud esse negare fidem verbis, factis, aut signis; aliud fidem aliquo istorum occultare: quamvis enim omnino qui negat, etiam occultet, quantum in se est, non tamè omnis qui occultat, debet dici negare.

Notandum Secundo: Signa vel actiones quibus contingit generaliter fidem occultari, esse in triplici differentiâ: quædam enim sunt talia, ut vel ex naturâ suâ, vel ex hominum instituto & accommodatione nullum habeat usum humanum, nisi religiosum & cærimoniale: ut genua flectere corâ idolo, & thus adolere, item vestes sacræ tantum ad sacrificium aut ad alios actus religiosos destinatæ. Quædam verò sunt talia, ut habeant etiam alium usum, & principalem, quamvis simul ex hominum consuetudine, quasi secundariò ad declarationem religionis videantur ordinata, ut sunt v. g. vestes religiosorum, aut vestes sacerdotum quibus à reliquo populo distinguuntur: quæ tamen habent alium principalem usum, puta humanum corpus cõtra aëris iniurias, vel alia incommoda tueri. Quædam denique non sunt ullò modo instituta, aut per homines accommodata ad religiosam significationem: sed tantum sunt propria quoad usum humanum infidelibus, aut gentilibus: ut v. g. sunt vestes seu habitus ordinarius Turcarum. His præmissis

34 Respondeo & dico Primò: Nunquam licet vti rebus vel actionibus ad occultandam fidem, quæ ex naturâ suâ, vel ex hominum instituto sunt præcisè ordinata ad professionem, aut ad cærimonias alicuius falsæ religionis aut sectæ. Colligitur primò ex Apostolo 1. ad Cor. 10. *Non potestis calicem Domini bibere & calicem demoniorum: & infra: Si quis autem dixerit: hoc immolatum est idolo, nolite manducare:* & ad Ephes. c. 5. *Nolite communicare operibus infructuosis tenebrarum:* quibus Apostolus fidelibus verat communicationem cum gentibus in ijs, quæ erant idololatriæ & falsæ ipsorum superstitionis & impietatis.

35 Probatur Secundo ex usu Ecclesiæ: quæ gravissimè sæpet in eos animaduertit qui, licet animo fidem retinuisent, tamen vel exterius tantum sacrificauerant, aut thus idolis posuerant: ut pater ex Canonibus t. 2. & 3. Concilij Elibertini, ubi veratur ne sacrificatis (sic enim appellabantur qui idolis sacrificauerant, licet in animo fidem

non perdissent) communio concedatur
nè in exitu quidem. Idem patet ex Cypr.
qui tamen epistola 32. in exitu, seu morte
communione illis concedit: & in epi-
stola 53. post triennij penitentiam illis
qui initio fortiter cōfiteres, postea non
tam in fide, quàm in carne victi sacrificau-
erant. Similiter etiam Concilium Ancy-
ranum graues ordinationes edidit contra
illos, qui sacrificassent, vel se Idolotrys
maculassent. D. Irenæus quoque lib. 1.
cap. 1. reprehendit in Valentinianis, quod
Idolotrys cum gentilibus vescerentur: &
festis eorum dies celebrarent.

Tertull. lib. de Idololatriâ, Christianos
reprehendit, qui sculpebant Idola, aut
adornabant: vel templa, aut aras eis ædi-
ficabant, vel in Cæsarum solemnitatibus
tabernas aut ianuas suas lucernis ornabāt,
vel laureis coronabant. Similia habet Cyp.
lib. de lapsis: & August. contra Mendacium
cap. 2.

16 Probatur Tertiò ratione, quia eiusmodi
signis aut actionibus uti, non est aliud
quàm profiteri sectam in cuius professio-
nem, vel proprias cæremonias sunt insti-
tuta, & sic fidem propriam exterius negare,
si quis aliam habet religionem. Vnde &
ipse infidelis, licet existimet se religiose agere,
peccat quoties illis utitur, quia professio-
nem facit infidelitatis.

17 Ex his constat meritò ab omnibus blas-
phemiam Adriani doctrinam reprehendi & rejici,
quam in 4. qu. 1. de Baptismo ad 5. argu-
mentum tradit his verbis. Item seriosè si-
mulando contingit, verum velle occultare
per signum, quo verisimiliter credimus
alios decipiendos: quomodo David co-
ram rege Achis simulauit se furere: & si
quis hoc modo (inquit) simulet Idolola-
triam, dum non requiratur consisteri cuius
sectæ sit: aut non talis habeatur, qui factò
suo alios in errore confirmet, vel à veri-
tate deiiciat, non videtur magis peccare
Idololatriam simulando, quàm si metum,
ut Iosue, vel furorem, ut David, simu-
larer: quibus docet per actum exter-
num Idololatricum posse fidem occultari,
sepositis scandalis, & necessitate consiten-
di fidem: quod falsum est. Actus enim
exterior Idololatriæ sub propriâ personâ
exercitus est sic obiectiue malus, ut non
possit rectè fieri quâcumque intentione
exerceatur, ut docent Lyranus & Burgen-
sis ad cap. 5. & 10. 4. Reg. & alij communi-
ter. Et patet ex ratione iam antè adducta.

18 Ad illi sub personâ propriâ exercitus:
aliud ei. m. est de illis, de quibus constat,
quod non faciunt eiusmodi actum ex per-
sonâ suâ, sed tantum representent facta
aliorum: sic enim neque mendacium com-

mittitur, neque exteriorem ipsi faciunt
eiusmodi falsi cultus professionem. Vnde
tunc in eiusmodi actibus non plus est pec-
cati, quam in relatu verborum blasphemiarum,
quæ alius quispiam dixerit: & ita à
peccato excusantur, qui in Comedijs re-
presentant historias, & ritus sacròrum gen-
tilium: à ratione enim mendacij secludun-
tur ioci, ut docet August. lib. de Mendacio:
Habent enim euidentissimam, inquit,
ex pronuntiatione atque iocantis affectu
(quibus addi potest, vel ex agendi modo)
speciem animi nequaquam fallentis, etiam
non vera nuntiantis.

Sed pro doctrinâ suâ adducit & oppo-
nit Adrianus primò: Naaman Cyrus 4.
Regum cap. 5. promittit, quod non vltra
holocaustum, aut victimam faciet Dijs
alienis; nisi Domino, & tamen petit ab
Elisæo, ut illi indulgeatur ac ignoscatur,
si Rege domino eius innitente super manum
eius, ac in templo Remmon adorante,
ipse adorauerit: atque istis videtur peti-
iisse sibi hoc concedi, ut possit simulare
adorationem in templo in præsentia Regis:
& Propheta respondendo, ut ibidem
sequitur, *Vade in pace*, videtur ei hoc con-
cessisse; ergò &c.

Quidam hic respondent admittendo
talem fuisse petitionem Naaman, ut in sub-
sumpto prætenditur: sed negant illi Prophe-
tam eius petitioni annuisse: verba enim
illa *Vade in pace*, dicunt non esse conceden-
tis, sed cum modestiâ dimittentis homi-
nem: neque voluisse Prophetam explicatius
negare, aut explicare concedi non
posse, quia obseruabat alterum non esse
paratum ab eo abstinere: vnde plenior in-
structio non nisi ad maius grauamen con-
scientiæ illius seruauisset.

Alij autem magis communiter, & ve-
rius respondent, non fuisse eam Naaman
petitionem, nec quicquam illicitum ei peti-
iisse, adeoque Elisæum approbasse, quod
petebat: de quo ipse ex timorata conscientia
dubitabat, ne forte sibi non liceret.
Non itaque petijt sibi ignosci, quod in
templo Remmon simularet cultum idoli
cum Rege suo: sed petijt ut ciuile mini-
sterium, quod Regi etiam extra templum
exhibebat, posset quoque ei præstare in
templo. Quod ergo dicit, ut sibi ignosca-
tur, si Rege in templo adorante & in-
nitente super manum eius adorauerit, hunc
habet sensum: Si in templo etiam genua
cum Rege flexerit non cultus diuini cau-
sa, sed obsequij Regi præstandi gratia: qui
enim seruit Regi in incensu, potest eidem
seruire in geniculatione eum sustentando,
ut sicut innotuit super manum congre-
dientis, ita geniculans innitatur simul ge-
niculanti:

miculanti: cuiusmodi seruitium etiam in ædibus aut templis falsi cultus, possunt serui dominis suis exhibere, vt colligitur ex Tertulliano lib. de Idololatria cap. 17. & cap. 16. vbi inter alia dicit: Si propter sacrificium vocatus assistas, ero particeps Idololatriæ: Si me alia causa coniungit sacrificanti, ego tantum spectator sacrificij: & Lyranus in caput quintum quarti libri Regum dicit, Captiuæ Christianæ licitum fore, eadem obsequia dominæ suæ præstare in æde Mahumeticâ, quæ domi & alibi ei, præstare consuevit.

Objicitur Secundo: D. Hier. in Iehu Rege commendat, quod simulauerit se cultorem Baal, vt facilibus cultores eius omnes internoscere, & interficere posset: sic enim in cap. 2. ad Gal. scribit: Verum simulationem & assumendam in tempore, Iehu regis Israël nos doceat exemplum: qui cum non potuisset interficere seruos Baal, nisi se finxisset velle Idolum colere, &c. Imo videtur Deus ipse Iehu in hac simulatione commendasse 4. Regum cap. 10. Quia (inquit) studiosè egisti, quod rectum erat, & placebat in oculis meis, & omnia quæ erant in corde meo fecisti, contra domum Achab, filij tui sedebunt vsque ad quartam generationem super thronum Israël. Si ergo Iehu rectè simulauit se seruum Baal, vt seruos, illius occideret, magis licebit seruis Christi simulare se seruos Idoli, thus ei ponendo, aut aliud simile agendo simulatè, ne à seruis Idoli interficiantur; saltem scandalis sepositis.

Respondetur: D. Tho. infra quæst. 111. art. 1. ad 2. vbi docet simulationem omnem esse peccatum, ad allegatam Hier. auctoritatem dicit, eum sumere generaliter simulationem pro quacumque fictione, vt scilicet etiam dissimulationem & occultationem comprehendat; & illud quidem sufficit, vt verba Hieronymi non obstant doctrinæ, quam Diuus Thomas ibi tradit: sed non sufficit proposito nostro, quia asserimus; nec ad dissimulandum vel occultandum, siue religionem, siue nationem suam, licere eiusmodi actionibus vti.

Quare dicendum est, quod Hier. per commentaria & doctrinam Origenis videatur longius aliquatulum fuisse abductus in defendendis istiusmodi simulationibus, quod; ideo magis D. Augustino ad hærendum sit, qui in hac parte contra D. Hieronymum sensit; Dominus Deus autem commendat quidem zelum Iehu quod magno studio diuinæ voluntati sit obsecutus in defendendâ domo Achab: interrim tamen in mediocrum electione & vsu

Viggi in 2. 2;

multum zelus iste excessit. Vnde D. Aug. lib. contra Mendacium cap. 2. scribit, Iehu mendacio impio, & sacrilegio sacrilego occidendos impios & sacrilegos inquisiuisse: neque scripturam commendare eum nobis imitandum: quandoquidem ipsa dicat, eum cor rectum non habuisse cum Deo: neque multum ei profuit (inquit) quod pro nonnullâ obedientiâ, quam de domo Achab delendâ pro cupiditate suæ dominationis exhibuit, aliquale transitoriam temporalis regni mercedem acceperit. Nihil hoc igitur exemplum Iehu nobis officit cum à sanctis passim reprobetur.

Objici potest Tertio: 1. ad Cor. 9. cap. dicit Apostolus: Factus sum Iudeus tanquam Iudeis, vt Iudeos lucrarer: & paulò infra: Iis qui sine lege erant, tanquam sine lege essim, &c. Vt lucrificerem eos qui sine lege erant: & paulò post: Omnisui omnia factus sum, vt omnes facerem saluos: ergo ex iusta aliqua causa; v. g. ad salutem infidelium aut hæreticorum procurandam, licebit assumere, & foris simulare quamlibet religionem, aut sectam: ergò etiam ad fidem occultandam & seruandam vitam, vbi saltem scandala absunt & non teneatur quis fidem confiteri.

Confirmatur ex D. Ambrosio serm. 69. vbi de Eusebio Vercelensi scribit: Sicut, ait, Sanctus Paulus: factus sum Iudeis Iudeus, vt Iudeos lucrificerem: Ita Eusebius Hæreticis se Hæreticum mentitus est, vt de hæresi filium liberaret: dixit enim illorum se consentire perfidiæ: hoc sibi quod illis placeret, sed quod sibi filium Dionysium in subscribendo præponerent, grauius se ferre: Vos enim (inquit) qui dicitis filium Dei Patri Deo equalem esse non posse, cur mihi filium prætulistis? cumque hac ratione obtinuisset filij Chyrogaphum deleri, insultauit Arrianis dicens: Neque ego me vestris sceleribus polluo, neque filium participare yobiscum permitto.

Respondetur Negando Consequentiam nam ex Diuo Augustino epistola ad Hieronymum rectè docent Anselmus & Beda, quod Apostolus dixit: Omnibus omnia factus sum: non mentientis assu, sed compatientis affectu; non simulatione fallaciæ, sed compassione misericordiæ: Quis, quando dicit: Qui infirmatur & ego non infirmor: non intelliget potius illum alterius infirmitatem doluisse quam simulasse: Iste verò compatientis affectus & compassio misericordiæ hoc in Apostolo operata sunt, vt abstinere ab illis, vel vt ea faceret quorum exercitio vel quorum præmissione respectiue offenderentur infideles, siue

Iudei

Iudæi, siue gentiles; vt eos facilius Christo lucrificaret; ab ijs (inquam) abstineret quæ secundum se indifferentia erant, vt colligitur ex c. 8. præcedente, vbi sic scribit: *Esca autem nos non commendat Deo: neque enim si manducauerimus, abundabimus; neque si non manducauerimus, deficiemus. Videte autem ne forte hac licentia vestra offendiculum fiat infirmis: &c. Quapropter (inquit) si esca scandalizat fratrem meum, non manducabo carnem in æternum, ne fratrem meum scandalizem*, ad Rom. 14. Si propter cibum frater tuus contristatur: iam non secundum charitatem ambulat: noli cibo tuo illum perdere, pro quo Christus mortuus est: &c. Noli propter escam destruere opus Dei.

48 Non igitur Paulus omnibus omnia factus est, vt eos faceret saluos, quasi cum gentibus mentitus fuerit se gentilem, Idolis thus ponendo, aut in eorum sacris participando, vel Idolotrytham manducando: vel quasi cum Iudæis mentitus sit se Iudæum, Legalia necessaria confitendo; aut tanquam necessarijs vtendo: sed sese habetis illis accommodando, vt apud gentiles abstineret a Legalibus, quæ nouerat iam mortua: apud Iudæos, quia mortifera nondum erant, ipsæ non iam tanquam signis; sed tanquam rebus indifferentibus vteretur, vt ex infirmitate non paterentur alij scandalum, sicuti alibi latius hæc explicantur.

49 Ad Confirmationem Respondetur sermonem illum non esse Ambrosij, vt significat Bellarminus in lib. suo de Scripturis Ecclesiasticis ad opera Ambrosij: grauissimus autem est error existimare, quod liceat le hæreticum mentiri, vt hæreticos quis lucrificat: vnde D. Augustinus illud grauiter reprehendit in quibusdam Catholicis lib. contra Mendacium cap. 2. & 3. qui videbantur existimare quod bene in eo facerent, quod dictis aut factis se Priscillianistas simulant, vt sic ad eos haberent accessum, & possent ab errore illos reuocare. Quare tamen si constaret Eusebium eam vltim fuisse simulatione, non tamen ideo imitandus esset, vt pote qui in hoc habuisset zelum non secundum scientiam: forsitan tamen propter aliquam ignorantiam inuincibilem potuerit zelus iste excusari.

50 Dico Secundò: Licitum tamen est, aliquando fidem occultare; & ad eam occultandam vt siue vestibus, siue formis & modis actionum ex communi vsu proprijs alicui nationi, vel populo, qui falsam sectam proficetur.

Est vtraque pars communis Doctorum: & Probat per modum: Quia non tenetur quis semper & vbique proloqui & profiteri

fidem suam: cum enim actus ille cadat sub præceptum affirmatiuum, non obligatur pro semper & vbique eum exercere: sed pro tempore & loco: potest ergo quis fidem suam aliquando liltere, & per consequens etiam occultare adhibendo ea, quæ distrahant aliorum animos, ne de fide aut religione meâ cogitent. Vnde in occultatione non intendimus alijs ingerere opinionem aliquam falsam, puta vt existimet, quod vel non simus Christiani, vel quod simus alterius sectæ: sed solùm cogitationes diuertere, ne apprehendant aut sese reflectant super religione aut fide, quam tenemus: id autem & sine mendacio; & sine fallacia ex parte nostra fieri potest: quod si alij forsitan falsas opiniones concipiant de religione meâ, ad id censebor non cooperari: sed permisiuè me habere, si legitimis modis & medijs fidem occultem.

51 Altera itaque pars responsionis, quod scilicet mediante eiusmodi habitu, aut modo agendi: v. g. inter Turcas vtendo veste Turcicâ, & accumbendo more gentis illius, tanquam medijs oportunis fidem occultare possum, probatur; quia vius istius habitus, aut modus ille accumbendi, siue comedendi & bibendi ex se indifferens est: neque aliquid superstitionis aut alterius mali in se includit: id autem ad quod adhibetur, scilicet vt fides mea maneat occulta, etiam tempore & loco licitum est: ergo &c.

52 Confirmatur, quod vsus ille malus non fit ex Tertulliano lib. de Idololatria cap. 17. & 18. vbi ostendit Iosephum apud Ægyptios, & Daniele apud Babylonios sine noxâ, & mundos ab Idololatria administrasse dignitatem & potestatem, & in ornameto & purpurâ existisse: prius quidem, quia potest alicui succedere, ac obuenire quod in honoris nomine incedat, nec sacrificet (inquit) nec sacrificijs suam autoritatem accomodat, non hostias locet, non curas temporum deleget. Posterius verò, quia purpura tantum honoris nomine consecratur his qui familiaritatem Regum merebantur: vnde (inquit) & purpurati regum vocabantur à purpurâ: neque superstitionis, sed ingenuitatis insigne erat. Quibus satis declaratur fidelibus licere inter infideles vti communi veste eiusmodi populi, seu nationis. Vnde & Iustinus Christianus factus gestauit adhuc pallium philosophicum & Sebastianus chlamidem militarem.

53 Dico Tertiò: Non potest quis fidem occultare veste sacris Idoli, aut superstitionis vibus falsæ sectæ tantummodò destinatâ quæ alium vltim non habeat: Imò neque

neque veste aliâ; quæ propria sit sacerdotum, aut ministrorum alicuius idoli, aut falsæ religionis, quâ ipsi distinguantur tanquam personæ sacris idolorum dicatæ à reliquo vulgo infidelium, et si vestis illa simul habeat usum communem instar vestium aliarum.

54 Probat ex Tertulli. loco antè citato, ubi sic scribit: Cæterum (inquit) purpura, vel cætera insignia dignitatum, & potestatum, inserta dignitati & potestatibus idololatricæ ab initio dicata, habent profanationis maculam. Quibus indicat insignia illa, quæ dicata sunt dignitati aut potestati ad sacra idolorum celebranda, esse prophana & profanationis maculam inducere. Vnde paulò infra addit: Tunicam si induas inquinatam per te, poteris forsitan illum non inquinare per te (quia scilicet à sacrificiis poteris abstinere) sed tu per illam mundus esse non poteris. Et Ratio est, quia habitus isti, siue religiosi sint tantum, siue religiosi & simul aliquè usum civilem habentes, ex institutione suâ denotant personas quæ ijs utuntur, aut gestant peculiariter idolis, aut falsis sectis, eorumque servitiis peculiariter esse devotas, ac dicatas: vnde qui illis induuntur, professionem publicam suæ servitutis ac devotionis erga idolum faciunt: quod per se illicitum est, ut antè ostendimus.

55 Dico Quartò: Si magistratus Christianus ob rationes politicas institueret, quatenus infideles, quos apud se habitare permittit, utantur veste certi coloris aut formæ, quâ distinguantur à Christianis, sicuti Romæ Iudæi gestare solent pileos flavi coloris; non licebit communiter & ordinariè Christiano talem vestem gestare illis in locis. Ratio est, tum quia sine scandalo id fieri non potest, tum etiam, quia si nulla subsit necessitas, vel causa excusans, censetur moraliter profiteri se vnum ex infidelibus. Vnde addo &

56 Dico Quintò: Probabile nihilominus esse, quod in certis eventibus Christianus poterit licitè uti eiusmodi veste ad occultandum, siue fidem, siue nationem suam. Declaratur, ut v. g. contingit istos infideles in oppido commovere seditionem, & prævalere, ac quovismode agnoscunt Christianos, aut alterius nationis occidere, verisimile est tunc mihi licere habitum eorum assumere: quia gestatio habitus talis fuit eis demandatus, ut publicè & ubique agnoscantur, ne per occultas insidias, aut machinationes possint statum Reip. siue in temporalibus, siue in spiritualibus perturbare, vel offendere: quando igitur status de facto est perturbatus & eversus, videtur quod tum cum sine ordinationis

etiam ceiler ipsa ordinatio: & proinde sit tunc vestis planè indifferens, nec habeat ulterius aliquam rationem distinguatam ex magistratus præscripto. Neque tunc solum, sed etiam apparet licitum illa uti, quando ex accidente mihi insidias ab eiusmodi infidelibus observo paratas cum vitæ meæ periculo, quas evadere nequeam, nisi personam meam aut religionem dissimulem, siue occultem.

Et ratio reddi potest, quia licet ex magistratus ordinatione debeant infideles illi ordinariè & publicè istum habitum gestare, ut agnoscantur, non tamen videtur tam certò & infallibiliter in eo collocasse signi rationem talis nationis infidelis, ut ex eius sensu & iudicio censetur facere professionem istius infidelitatis, quicumque etiam in gravissimâ necessitate, v. g. mortis, eo vitur ad periculum illud evadendum, præsertim priuatim apud infideles, ut coram illis se occultet, accedente simul eo, quod ordinatio magistratus non eò respiciat, ut per vestem illam faciant se edant professionem suæ sectæ (sic enim eos compelleret ad actus malos) sed solum ut à Christianis cognoscantur, quod talis sectæ sint. Pari ratione in similibus casibus licitum apparet deponere insignia, quæ iussu Magistratus forsitan alicubi gestare debent Christiani: quia in illis factis, cum talibus circumstantiis, non censetur subesse professio alicuius falsæ sectæ, neque negatio propriæ religionis, aut fidei: sed tantum huius occultatio; quæ tempore & loco, scandalis sepositis, & quando præceptum confitendi fidem non urget, fieri licitè potest: ut ante ostendimus.

58 Docet Becanus in Tract. de Fide cap. 9. cum Azorio lib. 8. Moralium cap. 24. quæst. 3. similiter licere Catholico diebus ab Ecclesia prohibitis, vesci carnibus inter hæreticos, si absque vitæ periculo non possit se Catholicum manifestare: & rationem reddunt, quia esus carnum istis diebus non est institutus ad professionem falsæ religionis, estque ex se indifferens: neque abstinentia illis diebus à carnibus instituta est ab Ecclesiâ ad discernendos Catholicos ab hæreticis: sed ob alium finem, scilicet ad carnis castigationem & refrænationem: neque intendit Ecclesiâ ad huius instituti observationem, obligare suos cum vitæ periculo, quando aliàs scandalum & contemptus absunt. Quare qui in tali casu carnibus vescitur, neque ex intentione propriâ, neque ex Ecclesiæ institutione, nec etiam ex prudenti aliorum æstimatione debet aut potest censeri per hoc factum, aut sequi aut profiteri sectam falsam, vel negare fidem propriam; sed tantum non

Quij velle

velle suam religionem manifestare, & alijs cum tanto suo periculo aperire.

19 Sed quæritur, quod si Rex infidelis aut hæreticus legem conderet, quâ mandaret quatenus Christiani omnes vel Catholici, qui in eius regno sunt, vrantur peculiari veste, quâ agnoscantur esse tales, Vtrum licebit Christianis propter periculū vitæ deponere, vel nō gestare talem vestē ad fidē occultandā, ne agnoscantur. Quidam respondent hic cum distinctione: si vestis illa, vel aliud signum publicā lege institutum sit propter finem tantum politicum, nimirum ut in Repub. discernantur ab infidelibus, tunc licere: si autem publicā auctoritate institutum sit ad significandam Christianæ fidei professionem, tunc non licere, modò lex illa passim obfeructur, & sit in suo vigore. Ita sentire videtur hoc loco Caiet. Ratio assignari potest, quia in tali casu videtur lex illa habere vim interrogationis de fide propostæ per auctoritatem publicā, cui oportet manifestē, & sine occultatione respondere.

60 Alij tamen probabiliter docent in utroque casu licere vestē illa vti ad mortem vitandam, modò absit scandalum, & aliunde præceptum confessionis fidei nō obliget. Ita Sanchez lib. 2. moralium c. 4. & Becanus de fide cap. 9. ratio finem cum pluribus alijs. Ratio autem sumi potest à contrario: quia si non liceret dimittere eiusmodi habitum aut signum ad mortem vitandam, vel id esset propter legem quæ præcipit vsum illius signi; aut certē quia lex illa habet vim interrogationis publicæ auctoritate factæ, prout vrget Caiet. Non propter prius, quia lex humana non obligat cum periculo vitæ sepositis alijs incommodis: Imo lex illa videtur iniqua quæ directè mandaret, ut quis seipsum proderet ad mortem iniustam subeundam: non etiā propter posterius, quia non potest Tyrannus pro libitu suo formare & extendere modos interrogandi, seu interrogationes proponēdi, sic vt illis ita factis succedat diuinæ legis mandatum de fide confitendā: nam sic etiam posset legem condere, quod quicumque vltro nō comparuerit, & sese carceribus & morti obtulerit, censendus foret fidem Christianam abnegasse: nemo tamen dixerit, quod quicumque tali ordinationi non satisfaceret, censeretur idcirco fidem abnegare, aut præuaricari præceptum confitendæ fidei. Ergo etiam dicendum est, quod lex illa ab infideli Principe lata de certo genere vestis gestando à Christianis, nō debeat censeri habere rationem & vim interrogationis à publicā potestate in iudicio aut quasi iudicio prepositæ.

D V B I V M I V.

An fides confitenda sit exterius, aliquando etiam cum periculo vitæ? & quando?

61 **R**espondeo & Dico Primò. Fides aliquando sine ambagibus & dissimulatione exterius confitenda est, etiam cum vitæ periculo.

Colligitur ex suprâ dictis, quia vti circa Conciutionem Artic. ex Diuo Thomà diximus, confessio cadit sub præceptum diuinum affirmatiuum: quod tempore & loco seruandum & implendum est, sicut alia diuina præcepta affirmatiua: quæ nequidem ad vitandam mortem licet præuaricari, quando punctum temporis & loci, pro quo obligant, occurrunt. Et probari specialiter potest ex illo Apostoli ad Rom. 10. *Quia si confitearū, inquit, in ore tuo Dominum I E S U M, & in corde tuo creideris, quod Deum illum suscitauit à mortuis: saluum eris. Corde enim creditur ad iustitiam, ore autem confessio fit ad salutem.* quæ verba tradens D. August. in lib. de Fide & Symbolo cap. 1. ait; Fides officium à nobis exigit & cordis, & lingue: oportet igitur tempore & loco fidem confiteri, etiam si adsit vitæ periculum, quemadmodum oportet alia diuina præcepta seruare. Quæ verò Pericillianistæ & Gnostici contra huiusmodi confessionem cum periculo mortis opposuerunt, suprâ circa dubiū primū allegata sunt & soluta.

Dico Secundò: Fides tunc inprimis palam & absque omni ambiguitate confitenda est, etiam cum mortis periculo, quādo quis à Rege, vel Præfide, vel alio qui publicā auctoritate fungitur, interrogatur: sitne Christianus aut Catholicus? vel vtrum credat & tenet hunc vel illum fidei articulum? tum enim tenetur tam apertè respondere, vt alijs non relinquat locum suspicandi, quod Christianus aut Catholicus non sit, vel quod articulum, super quo interrogatur, non credat.

Probatur Primò ex Scripturis: Matth. 10. *Ecce ego mitto vos sicut oues in medio luporum. Estote ergo prudentes sicut serpentes, & simplices sicut columbæ. Caute autem ab hominibus: tradent enim vos in Concilia, & Synagogi vestri flagellabunt vos: & ad Præsides & ad Reges ducemini propter me, in testimonium illi & gentibus &c.* Tradet autem frater fratrem in mortem &c. tunc infrâ: *Et eritis odio omnibus propter nomen meum: qui autem perseverauerit vsque in finem, hic saluus erit.*

62 His instruit Christus discipulos, quatenus prudenter & simpliciter ambulent: prudenter quidem, vt ab hominibus insidiantibus sibi caueant, quantum humanitus, & cum rectâ ratione fieri potest: Simpliciter ve-

ter verò, ut quādo obuenerit, quod diuino permisso fuerint apprehensi, & ad Reges & Præfides propter ipsū ducti in testimoniū illis & gentibus, tunc quoque in confessione nominis eius non desiciant; sed sic simpliciter & palam nomen Christi profiteatur: *Qui enim perseverauerit usque in finem, inquit, hic saluus erit, & cap. 24. Tunc tradent vos in tribulationem & occident vos: & eritis odio omnibus gentibus propter nomen meum: ubi rursum significat confessionem nominis, non esse deferendam, neque propter odium, neque propter carceres, neque propter mortem quando comprehenti à Magistratu super fide & religione examinantur, & Lucæ 12. Dico autem vobis amici mei, ne terreamini ab his qui occidunt corpus: & tunc paulò infra: Dico autem vobis, Omnium quicumque confessus fuerit me coram hominibus, & filius hominis confitebitur illum coram Angelo Dei: qui autem negaverit me coram hominibus, negabitur coram Angelo Dei. quod præfilius & efficacius ad propositum nostrum exprimitur cap. 9. ubi sic dicitur: Nam qui me erubuerit & meos sermones, hunc filius hominis erubescet, cum venerit in maiestate sua: & Marci 8. Qui enim me confusus fuerit, & filius hominis confundetur eum: qui enim coram publicâ potestate non audeat fidei Christianæ facere confessionem, is merito censetur Christum erubescere: ergo &c.*

63 Probatur Secundò ratione Theologicâ: Quia confessio fidei est necessaria ad salutem, & proinde etiam cum vitæ periculo facienda, quando per eius omissionem subtraheretur honor debitus Deo, ut in Articulo docet D. Thomas: atqui dum Christianus interrogatur à regibus, aut publica potestate, tunc per omissionem confessionis vel maxime subtrahitur Deo, si unquam, honor debitus: ergo &c.

64 Confirmatur Primò: Quia Scripturæ passim indicant magnam diuini nominis celebrationem & honorem ex confessione in tali casu dependere; atque adeo Deum voluisse in suis fidelibus, & per eos honorari & clarificari. Ioannis 15. Et vos testimonium perhibebitis, quia ab initio mecum essu: & consequenter cap. 16. Hæc locutus sum vobis, ut non scandalizemini: absque synagoga facient vos: sed venit hora, ut omni qui interficit vos arbitretur obsequium se præstare Deo: quibus indicat Christus, discipulos suos debere esse paratos ad ista sustinenda pro confessione, & testimonio ipsius. Item Ioannis ultimo, postquam Christus innuasset Petro mortis, & martyrij genus, addit Evangelista: Hoc autem dixit significans, quâ morte glorificaturus esset Deum. Act. cap. 9. Vm electionis est mihi iste, ut portet nomen meum coram gentibus & regibus, &c. Mat-

thæi cap. 10. monet etiam Christus suos, ut non terreantur ab his qui occidunt corpus: sed timeant illum, qui postquam occidit corpus, habet potestatem mittere in gehennam, significans, si ex terrore eum negarent & erubuerint, quod incidit in eius indignationem & grauiorem vindictam: ergo &c.

Confirmatur Secundò: Quia honor Dei hæc in parte coniunctus est cum honore ipsius fidei Christianæ, utpote cuius ipse author est: ergo ubi honor fidei exigit confessionem, ibi etiam Dei honor illam requirit: atqui honor fidei tum maxime exigit publicam cōfessionem: qui enim tunc fidem confitetur, maximum ei honorem desert, utpote cuius veritatem tam certam & solidam tenet, cuiusque excellentiam & præstantiam tanti facit, ut pro illâ non dubitet subire mortis periculum. E contra autem qui non confitetur, ostendit se illam parui facere, & quasi vilem habere, quam non audeat coram publicâ potestate, & quasi in theatro mundi profiteri, nec eius atrociniū suscipere: ergo &c.

Vnde D. Cypri. lib. de Laude Martyrij, contra timidiore; sic loquitur: Si iustus es, & Deo credis, quid pro eo sanguinem effundere metuis, quem pro te toties passum esse cognoscis? in Isaia lectus, in Abel occisus &c. D. Ambros. quoque lib. 10. in Lucam requirit claram confessionem reiiciens quæcumque subterfugia & inuolucra: Quid enim prodest (inquit) verba inuoluere, quando videri vis denegasse? Hinc Martyres in tali casu nonquam simulatione, aut dissimulatione seu occultatione fidei vsi sunt: & Libellatici qui videri volebant satisfuisse mandatis Tyrannorum, etsi non fecissent, grauius ab Ecclesiâ fuerunt reprehensi & puniti, ut supra ex Cypriano & antiquorum Concilij diximus.

Rectè tamen notat hic Malderus discrimen inter Libellaticorum factum, & quorundam fidelium, imò integralium quarundam Ecclesiarum, quæ etiam Tertulliani temporibus vixit aliquod beneficarij Cæsaris pendebat, ne cogerentur sacrificare: hoc enim licitum fuit: quamvis enim non liceat testimonium e mere sacrificij per te facti, ut alij existiment te fecisse quod nō fecisti, licet tamē redimere vexam & coactionem sacrificadi, quando nihil intercedit quod foris declararet aliquid fidei, aut fidei confessioni contrarium per te actum, aut gestum. Vnde in Angliâ & Hybernâ licet potuerunt Catholici pecunijs redimere, ne ad conditiones & cænas Caluinisticas cogerentur accedere.

Q iij Tertull.

68 Tertullianus in libro de Fuga, damnat etiam vetricales istos, sed iam tum ab Ecclesiâ defecerat, vt ex D. Hieronymo supra diximus: quare ista eius autoritas mouere non debet. Excusat autem illos Petrus Alexandrinus Episcopus & Martyr in Canone quodam penitentiali, quæ refert Baron. ad annum Domini 205. & 235. neq; enim illi contra fidei confessionem delinquant, quandoquidem se fideles & Catholicos profitentur, & tantummodo ne ad malum contra fidem perpetrandum cogantur, pecunijs sese redimunt: quæ & ipsa redemptio est quædam fidei confessio.

69 Dico Tertiò: Insuper fides erit consistenda etiam cum periculo vitæ, quando necessitas proximam illam requirit, cui ex iustitiâ vel charitate teneris succurrere. Probari potest ex dictis supra: quæ admodum in certis casibus non potest, v.g. Pastor, aut alius quispiam quando eius præsentia ad salutem communitatis est necessaria, fugere, ita quoq; debent iidem fidem publicè profiteri; et si nondum à publicâ potestate essent comprehensi aut interrogati; quando talis confessio ad alios in fide conseruandos, fuerit necessaria. Confirmatur: Quia tunc occurrit casus, quod per omissionem confessionis subtraheretur vtilitas proximo impendenda: quo casu docet D. Tho. præceptum confessionis obligare.

70 Dico Quartò: Extra eiusmodi casum scandali vel necessitatis proximorum, non tenebitur quis apud infideles, vel hæreticos priuatos homines, et si ab illis de fide interrogetur, eam confiteri publicè & palam: sed poterit tacere, aut reijcere, vel eludere eorum interrogationem. Ita communiter sentiunt DD. Et reddi ratio potest, quia priuati homines, nec verè, nec communi æstimatione habent potestatem examinandi, aut inquirendi de fide & religione aliorum, sicuti Reges & publici Magistratus. Vnde qui priuatis non respondet, aut apud eos dissimulat, non censetur idcirco erubescere, aut minoris quam oportet, fidem suam & honorem Christi facere: sed continere aut negligere importunorum hominum quæstiones & vexas de rebus, de quibus ad eos non pertinet inquirere.

71 Sed obijciat aliquis: Videtur esse omnino par ratio confessionis fidei manifestæ & palam faciendæ, dum quis interrogatur à priuatis hominibus, & dum interrogatur à publico Magistratu: ergò vel vtroque, vel neutrobique clarè & publicè cum vitæ periculo facienda erit.

Probatur Antecedens: Quia vtraque

confessio clarè facta cedit in honorem fidei, & religionis diuinæ: ex alterâ autem parte, sicuti priuati non me possunt suâ interrogatione obligare, vt eis cum vitæ periculo clarè respondeam de fide meâ, aut religione, ita neque Magistratus videtur me posse obligare, sic vt teneat illi respondere, & manifestare eâ, propter quæ scio me afficiendum iniquo supplicio: quia crimen non commisi. Accedit quod sæpius etiam contra aut præter ordinem iuris procedat eius interrogatio: ergò &c.

Respondetur Neg. Antecedens: Ad probationem autem dicendum est, quod tametsi confessio in vtroque casu possit cedere in honorem fidei, & nominis Christiani: non tamen censetur honor ille pariter ex vtrâque confessione dependere: longè enim alterius & quasi eminentioris rationis sunt actus illi, qui coram publicâ potestate fiunt, et si non omni ex parte seruetur iuris ordo, aut ratio; quàm sint qui priuatum inter particulares personas geruntur. Vnde per ea quæ coram Magistratibus fiunt, meritis potest censerî Deo subtrahi honor debitus, & tamen non ita per similia quæ priuatum geruntur, vt ex dictis potest colligi.

Neque refert: quod Magistratus dicatur non habere auctoritatem per se obligandi fideles, vt teneantur ipsi manifestare fidem & religionem, propter cuius confessionem sciunt se iniquo iudicio adiudicandos morti: quia non dicimus necessitatem clarè respondendi, & palam profitendi fidem, nasci præcisè ex mandato aut interrogatione ipsius Magistratus: quod manifestum est, quâdo contra iuris ordinem in suis interrogationibus procedit; sed ex ordinatione & præcepto Christi, qui voluit se & religionem suam tanto loco & honori à fidelibus haberi, vt dum à publicâ potestate interrogantur, siue iure, siue iniuriâ, non erubescant, ne timore quidem mortis, ipsam & religionem eius confiteri: quod ex Scripturis supra allegatis satis clarè intelligitur. Et si igitur præceptum Tyranni in se præcisè spectatum me non obliget ad fidei confessionem, tamen me in eâ temporis & loci ratione ac statu constituit, pro quibus præceptum diuinum de fide confitendâ me obligat ad eius confessionem.

D V B I V M V.

Vtrum aliquando præceptum affirmatiuum confessionis fidei obliget extra necessitatem aliarum virtutum, vt religionis, aut

aut charitatis, puta etiam aliquando, quando Dei honor aut salus proximi non periclitantur?

74 **R**espondetur: Probabiliter quidam existimant præceptum hoc aliquando etiam per se & ratione sui obligare: Et Probari potest Primò: Quia actus fidei interior per se cadit aliquando in obligationem, vt ex supra dictis patet: ergò etiam aliquando exterior confessio; præcepta enim accommodata sunt nostræ naturæ: constamus autem non tantum animâ, sed & corpore. Accedit quod per fidem adherere debemus Ecclesiæ visibili, quod fieri non potest sine exteriori confessione fidei. Præterea in statu innocentie aliquando etiam obligasset præceptum confessionis fidei, vbi tamen prædicta pericula non habuissent locum. Denique æ-

quum est, vt etiam lingua Conditorem, & eum à quo beatitudinem & omne bonum expectamus, aliquando glorificet, vt corpus sit particeps meriti, quod particeps erit gloriæ.

Opposita nihilominus sententia non est etiam improbabilis: cui fauet D. Thomas dum docet, præceptum confessionis obligare, quando eius omissionem subtraheretur honor debitus Deo, vel vtilitas impendenda proximo. Quidquid interim eâ de re sit, non apparet aliquid morale periculum præuaricandi eiusmodi obligatione, etiamsi admittatur aliquando subesse, eò quod Christiani, & Catholici frequentius in diuersis religionis actibus fidem suam profiteantur, vt in Sacramentorum perceptione, sacrificij communicatione, obseruantia ieiunij Ecclesiastici, & alijs similibus.

Q V Æ S T I O I V.

De ipsa fidei virtute.

In octo Articulos diuisa.

ARTICVLVS I.

Vtrum hac sit competens fidei definitio: Fides est substantia sperandarum rerum; argumentum non apparentium?

VERBA desumpta sunt ex Apostolo ad Hebr. cap. 11. vbi ita de Fide pronuntiat.

Responsio affirmatiua est: & probari primò potest, quia in his verbis definitionem fidei agnoscunt D. Hieron. in cap. 5. ad Galatas: August. traçt. 79. in Ioannem: Theodoretus, & Theophilactus in ipsum locum: Bern. epist. 190. & serm. 10. in Psalm. Qui habitas in adiutorio altissimi.

Non est tamen definitio omnino formalis & essentialis; sed descriptio quædam per officium, seu effectum; & quasi per propriam passionem, quæ ad notificandam formalem rationem, & essentiali fidei in primis valet, vt in notitiam eorundem nos inducat. Quod vt intelligatur, sensus verborum Apostoli ex planan-

das est: ac in hærendo vulgatæ Læctioni; prætermisiss alijs, quas expositoribus epistolæ relinquimus examinare; Occurrit prima difficultas, Quid nomine substantiæ, hic intelligatur?

Notandum pro substantiâ non poni Græcè *Ousiam*, quo nomine primam rerum categoriam Dialectici Græci compellant, quamvis nomen illud *Ousia*; propriè essentialiam significet: sed poni hypostasim, quæ vox latine substantiam, siue substantentiam sonat. Iuxta hoc igitur quod substantiæ vel substantentia attendi possunt diuersæ considerationes, quæ fidei, respectu rerum sperandarum congruunt, fit etiam, quòd diuersi diuersimodè explicent, quomodo & quâ ratione fides ab Apostolo dicatur substantia rerum sperandarum: quæ tamen expositiones ad duas videntur posse reuocari.

Quidam itaque fidem volunt eo sensu dici substantiam, siue hypostasim rerum sperandarum, quod earum sit quasi basis ac fundamentum, cui salus sperata ita scilicet innititur, vt absque illâ stare, seu obtineri nequeat: quemadmodum basis diceretur substantia aut substantentia columnæ; fundamentum substantia domus, & subiectum diceretur substantia aut substantentia accidentium. Ad quorum sententiam

Q. iij. accedere

accedere hic videtur D. Thomas, quando docet, fidem dici substantiam rerum sperandarum; quia scilicet prima inchoatio rerum sperandarum in nobis est per assensum fidei, quæ virtute continet omnes res sperandas: In hoc enim (inquit) speramus beatificari, quod videbimus aperta visione veritatem, cui per fidem adhæremus: quemadmodum principia indemonstrabilia (ait) quatenus sunt prima inchoatio scientiæ, & virtualiter eam continent, possunt dici substantia scientiæ.

5 Alij verò, & præsertim Græci, vt Chrysost. & Theodoretus volunt fidem dici substantiam seu hypostasim, quia fides dat rebus speratis certum ac indubitatum esse, seu existere quoddam, non simpliciter; sed obiectiue, & in nobis; quando scilicet fides nos ad eo certos de illis facit, ac si eas oculis ac manibus teneremus: Imò certiores, quam si quocumque sensu perciperemus, vel quacumque demonstratione intelligeremus: atque ita in sensu causali per metonymiam ab effectu fides dicitur substantia, seu subsistentia: quia causat eiusmodi rerum sperandarum subsistentiam obiectiue in nobis.

6 Et hanc expositionem, vt magis germanam approbat Estius in Commentario ad prædicta Apostoli verba, & Malderus circa hunc Articulum. Et fauet imprimis versio, seu paraphrasis potius Syriaca, quæ sic habet: Est autem fides persuasio super ijs quæ sunt in spe, ac si essent in actu, siue effectu. Vnde & quidam hypostasim hic certitudinem aut certificationem interpretantur, vt notat Estius.

7 Deinde maxime hic intellectus congruit ijs, quæ in textu subiunguntur: cum aliquin alij sensus non perinde videantur facere ad Apostoli institutum: nam in frâ de Moysse in commendationem fidei eius, dicitur: Fide, reliquit Egyptum, non veritum animositatem Regu: inuisibilem enim tanquam videns (quod scilicet ei fides præstabat) sustinuit: & omnia fidei præconia, quæ subiunguntur, ad hunc sensum potissimum videtur pertinere; vt quod de Abraham dicitur: Fide, demoratus est in terra repromissionis, tanquam in aliena, &c. Expellabat enim fundamenta habentem civitatem: cuius artifex & conditor Deus: Rursus quod dicitur: Iuxta fidem defuncti sunt omnes isti, non accepti repromissionibus: sed à longè eas aspicientes, & salutantes: & iterum: Fide obtulit Abraham Isaac, cum tentaretur: & vnigenitum offerebat qui suscepit repromissiones: (ad quem dictum est) quia in Isaac vocabitur tibi semen: arbitrans quia & a mortuis suscitare potens est Deus. Vnde D. Bernard. serm. in Psalm. Qui habitabat in adiutorio altissimi, scribit: Merito

igitur Apostolus fidem sperandarum rerum substantiam definit, quòd videlicet (inquit) non credita nemo sperare, non plus quam super inane pingere possit: vbi res speratas quasi quid iane, & tunc esse declarat absque fide præsuppositâ: non quidem simpliciter, sed in ordine ad nos. Et Primalius in Commentario loci: Fides, inquit, est ita animum firmum esse de his quæ non videntur, sicut de his quæ iam videntur: & dum hoc fit, fides facit ea subsistere in nobis credendo.

8 Denique concordat cum hac expositione optimè quod additur, nimirum quod fides dicatur, Argumentum non apparentium, id est, exhibitio quædam, seu offensio earum rerum, quæ alioqui à nobis non videtur, neque agnoscuntur: dicit enim Apostolus 1. ad Cor. c. 2. Quod oculus non vidit, nec auris audiuit, nec in cor hominis ascendit, quæ præparavit Deus ijs, qui diligunt illum: Parit verò fides in animis fidelium certitudinem firmissimam de rebus, quas neque sensu percipimus, neque intellectu comprehendimus. Vnde ab Augustino & alijs quibuldam Antiquis loco nominis Argumentum, ponitur subinde Conuictio: quia fides facit hominem captiuræ intellectû in obsequium Christi, & rerum à Deo reuelatarum, & tam firmiter illis adhærere, imò magis quàm si intellectus euidentissimâ experientiâ, vel demonstratione de istis esset instructus & conuictus: quod vocabulum Græcum, *πίστις*, significans ostensionem ac demonstrationem, manifestius importat: non quidem quod fides clarè ac manifestè ostendat aut exhibeat res creditas: sed quia propter diuinam auctoritatem facti intellectum captiuari, sicut diximus, in earum assensum, perinde ac si per euidentem exhibitionem, aut demonstrationem coniunctus foret: illa enim laus est & energia fidei, quam Apostolus tantopere extollit.

9 Cæterum, quando de fide dicitur non solum, quod sperandarum rerum sit substantia, modo explicato; sed quod etiam argumentum sit omnino non apparentiū, declarat fides, de quâ loquitur Apostolus, non tantum versari circa bona futura sperata, vt quidam volunt: sed etiâ circa alia, tam mala, quam bona, tam circa præsentia & præterita, quàm circa futura: quæ scilicet diuinitus sunt hominibus reuelata. Et quidem Apostolum secundum illam amplitudinem obiecti de fide disserere, & non tantum, vt respicit bona quæ sperantur, manifestè liquet ex sequentibus: addit enim; Fide, intelligimû aptata esse secula verbo Dei: vbi non de bono futuro, sed de re præteritâ fides habetur: rursus:

Rursum: *Creare enim oportet accedentem ad Deum quia est*: ubi fides est de re præsentis: & infra laudatur fides Noë, qua futurum diluvium credidit: quod non erat sperandum, sed timendum magis, etiam ipsi Noë: quia de illo dicitur, *Mœuens aptavit arcam in salutem domus sue*.

10 Vnde salò & sine fundamento notat Erasmus ad dicta Apostoli verba, fidem hoc loco non usurpari propriè pro eâ, quâ credimus credenda, sed speramus, id est, pro ipsâ fiducia: totus enim contextus subsequens, vt ostendimus, manifestè contrarium conuincit. Deinde nec de spe, siue fiduciâ rectè diceretur, quod sit substantia rerum sperandarum, & multo minus quod argumentum sit non apparentium: vt pote quæ tanquam quid posterius ex illis potius suboritur.

11 Sed quæret aliquis: Quomodo dicta Apostoli verba possint dici continere definitionem fidei, quæ virtus est Theologica, cum in illis nulla sit mentio Dei, qui obiectum est talis virtutis?

Respondetur, etsi expressè mentio non fiat, tamen fieri implicitè in eo, quod dicitur, substantia & argumentum: nam sicuti diximus, est eiusmodi argumentum ex diuinâ autoritate, quâ intellectus captiuatur, & quasi conuincitur ad assensum etiam rebus non apparentibus præhendû.

12 Si quis autem velit prædicta verba reducere & applicare ad formalem fidei definitionem, poterit illud, iuxta sensum D. Thomæ fieri hoc modo: vt fides dicatur Habitùs mentis, quo res speratæ & vita æterna in nobis inchoantur, faciens intellectum assentiri, etiam non apparentibus. Iuxta posteriorem verò expositionem dici poterit, esse habitus mentis, qui rebus speratis in nobis tribuat esse, seu subsistere certissimum: quique faciat intellectum, diuinâ scilicet autoritate, commotum perinde ac demonstratione conuictum, adhærere firmissimè etiam non apparentibus, quæ diuinitus nimirum reuelata sunt.

13 Obseruandum autem est, quod D. Bonauent. in 3. dist. 23. art. 1. qu. 3. existimet prædicta Apostoli verba, seu fidei definitionem conuenire tantum fidei formatæ: pro quo in primis videtur facere quod scribit D. Thomas infra artic. 7. ad 4. dicens, Fidem sine charitate fundamentum esse non posse, ac proinde vt apparet, neque substantiam: Item quod Apostolus in fine capituli præcedentis dicat: *Iustus autem meus ex fide uiuit*: ubi tantum videtur esse sermo de fide formatâ.

14 Nihilominus dicendû est, verba Apostoli generaliter conuenire fidei vt est virtus

Theologica, non tantum formatæ, sed etiam informi. Constat id satis ex dictis: nam etiam fides antequâ sit formata charitate est quædam inchoatio rerum sperandarum, & proinde substantia earum, vt exponit D. Thomas: & præstat quoque substantiam rebus speratis in animis fidelium; estque argumentum non apparentium.

Quare ad illud quod ex D. Thomâ adducitur, Respondetur illum ibi sumere fundamentum pro eo quod actu fundat & sustentat reliqua ædificij partes iam omnes inter se connexas: & eo sensu admittit sine charitate fidem non posse esse fundamentum: tum quod charitas sit vna & principalissima ædificij spiritualis pars, quæ fidei superædificari debet; tum quod huius ædificij connexio specialiter charitati attribui solet, iuxta illud Apostoli ad Colos. 3. *Super omnia charitatem habete, quæ est vinculum perfectionis*.

Ad illud autem, quod ex capite præcedenti allegatur; Respondetur Primò: Et si ibi esset sermo de fide formatâ tantum, non ideo consequens fore quod deinceps Apostolus de eâ solâ semper loquatur: facile enim, nec inconuenienter fit transitus à specie ad genus. Secundò dicendum est, quod quidem fides ibi supponat pro formatâ: quia est sermo de fide hominis iusti: sed non idcirco necessariò dicendum est sumi pro illâ solâ sic limitatâ; quia iustus etiam ex fide secundum se vt virtus est Theologica, rectè dicitur viuere, non quidem tanquam totali formâ vitæ, sed tanquam ex formâ partiali, & principio quasi fouente ac intertendente vitam totam: quod maxime videtur ibi Apostolus attédere, quatenus scilicet fides sustentat iustum in iustitiâ, proponendo amplissima præmia, quæ ne in cor hominis quidem ascenderant, & ita firmando & solatium præbendo, ne in aduersitatibus & tribulationibus multis & magnis obuolare solitis, deficiat; prout Apostolus ibi, & in sequentibus sufficienter declarat.

ARTICVLVS II.

Utrum fides sit in intellectu, sicut in subiecto?

CONCLVSIO D. Thomæ est: Necessè est, quod fides quæ est propriû principium actus credendi, sit in intellectu vt subiecto. Probatur, quia credere est actus intellectus secundum quod mouetur à voluntate ad assentiendum, vt supra dictum fuit: oportet autem hunc actum esse

esse perfectum, quandoquidem sit actus virtutis: debet ergo actiua potentia rectè & proportionaliter ad illum esse disposita: cuiusmodi dispositio confertur potentij per habitum eiusdem ordinis cū ipsi actibus: ergo oportet in intellectu ponere habitum illius perfectum ad actus credendi eliciendos; quandoquidem ipsum credere immediatè ab intellectu procedat: obiectum enim actus credendi est verum: circa quod constat per se & proximè verari intellectum: Ille autem habitus non est alius, quàm fides, scilicet infusa: ergo &c. Vide dicta supra quæst. 2. artic. 1. & 2.

- 18 Caluinus tamen docet contrarium, vt fidem suam specialem magis stabiliat: vnde in cap. 10. ad Rom. ad illa verba: *Corde creditur ad iustitiam*: Obseruamus (inquit) fidei sedē, non in cerebro esse, sed in corde: & nomen cordis, ait, pro serio & sincero affectu ponitur. Sed errat Caluinus; quamuis enim negandum non sit, quòd quando Scriptura tum ibi, tum alibi etiam fidem ad cor refert, & dicit corde credi, indicari fidem quoque ad voluntatem & affectum suo modo pertinere, vt supra quæst. 2. art. 1. annotauimus; tamen verum non est, cor accipi pro solo & nudo affectu: sed quidem pro intellectu vt à motione voluntatis est dependens, à quâ determinatur ad præbendum assensum rebus creditis: quod patet, quia loquitur Apostolus de corde, sicuti Scriptura quam ex Deuteronomio allegat, *Prope est verbum in corde tuo*: vbi cor non pro serio & sincero affectu ponitur: (neg; enim verbum propriè est in affectu) sed pro intellectu qui subiectum est verbi.

- 19 Deinde fides de historijs præteritis pertinet ad intellectum: de tali autem loquitur Apostolus, quia proximè præcedit: *Si credideris in corde tuo, quod Deus illum suscitauit à mortuis, saluus eris: corde enim creditur ad iustitiam*, &c. Quare ineptè fidem ab intellectu reuocat Caluinus, & in solo affectu collocare contendit. Quia tamen credere hætenus ad voluntatem pertinet, quod voluntas imperet intellectui, & determinet ad credendum, hinc D. Tho. tam in Corpore, quàm in Respōsione ad secundum docet, etiam in voluntate nō minùs, quàm in intellectu debere constitui habitum quendam, vt actus fidei sit perfectus: quia ad perfectionem actus, qui ex duobus principijs actiuis procedit, necesse est vtrumque habitum proportionato perfici, si vtrumque sit habitus capax, vt in proposito res se habet. Nihilominus fides simpliciter dicitur esse in intellectu, quia intellectus immediatè elicit assensum, quia actus

est proprius fidei: nam credere est assentiri; velle autem assentiri nondum est formaliter credere.

Habitus verò iste qui ex parte voluntatis requiritur, non est charitas: quia etiam ad actum fidei informis eliciendum requiritur: sed est pia quædam & supernaturalis inclinatio & affectio voluntatis erga primam Veritatem, quâ mouetur, vt propter illius respectum & reuerentiam, faciat intellectum assentiri, & firmissimè adhærere, etiam obscuris & non apparentibus, quæ illa attestatur. Vnde Apostolus ad Rom. 1. dicit: *Per quem accepimus gratiam & apostolatus ad obediendum fidei in omnibus gentibus*, id est, ad ingenerandam omnibus piam voluntatis obedientiam, quâ captiuent intellectum ad credendum: & 2. ad Cor. cap. 10. *Et in captiuitatem redigentes omnem intellectum in obsequium Christi*. Habitibus autem qui in intellectu ponitur, non est aliud quam lumen illud diuinum & supernaturale, quod Scripturæ in animis fidelium testantur infundi, quando fidem recipiunt. De quo Apostolus 2. ad Cor. cap. 4. *Deus qui dixit de tenebris lumen splendescere, ipse illuxit in cordibus nostris ad illuminationem scientiæ claritatu Dei*, &c. & ad Colos. cap. 1. *Qui dignos nos fecit in partem sortis Sanctorum in lumine*, &c. & D. Petrus 1. epistolæ cap. 2. *Qui de tenebris vos vocauit in admirabile lumen suum*. Eadem enim qualitas vt inclinatur, & potentiam proportionatam ad actum reddit, dicitur habitus; & quatenus suo modo manifestat obiectum, dicitur lumen: quemadmodum habitus intellectus seu principiorū, & habitus dicitur, & naturale lumen rationis.

Notandum denique ex responsione ad tertium, fidem propriè pertinere ad intellectum speculatiuum, quia primarium eius obiectum est Deus, & Dei perfectiones sub ratione cognoscibilitatis per diuinam reuelationem obscure factam. Vnde Apostolus 2. ad Cor. 3. scribit: *Nos verò omnes (scilicet fideles) reuelatâ facie gloriam Domini speculantes* &c. vbi ad speculationem refert actum fidei: neque enim dum ait, *Reuelatâ facie*, loquitur de clarâ visione patris, vt quispiam posset apprehendere: sed de cognitione fidei: quia illud speculari reuelatâ facie opponit tantum obuelationi oculorum & cecitati Iudæorum; qui Christum, eiusque gloriam omnem, tam excellentem in eius & Apostolorum prædicatione & miraculis manifestatam, recognoscere ac recipere noluerunt: super quorum cor vt præmisit Apostolus ibidè, vsque in hodiernum diem, quando legitur Moyse, manet adhuc velamen positum, quod Moyse posuit super faciem suam,

suam, cum filij Israël propter gloriam vultus eius ex consorcio Domini, non poterant in faciem eius intendere: quod velamen, quia à cordibus fidelium ablatum est, hinc dicit Apostolus, quod nos omnes reuelatâ facie speculemur gloriam Domini. Similiter ad speculationem pertinet fidem indicatur ad Hebr. 11. ubi dicitur: *Fide intelligimus aptata esse secula verbo Dei.*

22 Fit tamen fides practica quâdam sui extensione, ut notat D. Tho. ad ultimum: quemadmodum in 3. lib. de anima, intellectus speculativus dicitur extensione fieri practicus: quod D. Bonavent. docet contingere tribus modis, videlicet coniunctione fidei cum affectu credulitatis, unde ipsa procedit, secundum quod August. dicit, quod nemo credat nisi volens. Quatenus itaque etiam factâ obiecti propositione, non ex necessitate, sed ex voluntate sequitur actus fidei, eatenus ad proximum potest dici pertinere. Secundò, coniunctione ipsius cum affectu charitatis, ad quem inclinat: & quo mediante movet & inclinat, ad Deum amandum. Denique cōiunctione ipsius cum operatione, & exploratione eorū quæ Deus vult à nobis fieri: quatenus ad illa opera excitat, & eadem dirigit: iuxta quod Apostolus ad Galat. cap. 5. dicit, Fidem per dilectionem operari, & ad Hebr. 11. de Sanctis veteris Testamenti dicit: *Qui per fidem vicerunt regna, operati sunt infinitum, &c.*

23 Sed cōtra Divi Thomæ doctrinam posuit hic opponere Caluinus: quod scribit Hugo de Sancto Victore l. 1. de Sacramētis, parte 10. cap. 3. ubi sic ait: Fides in affectu habet substantiam, quia affectus ipse (inquit) fides est: in cognitione habet materiā, quia de illo & ad illud quod in cognitione est, fides est: ergo fidei sedes aut subiectum non est intellectus, sed voluntas aut affectus. Respondetur Neg. Conseq. & quidem D. Thomas in 3. explicat Hugonem, quod fidem dicat in affectu habere substantiam, non quod essentia fidei sit in affectu, sed quod quædam eius forma, scilicet charitas, sit in affectu seu voluntate, unde actus fidei informatur, prout art. sequenti dicitur.

Alij vero dicunt Hugonem ibi de cognitione apprehensivâ tantum loqui, quæ potest esse sine assensu: qualem aliquando etiam habent qui non credunt, in quâ proinde non est fidei substantia: & propterea dicere, quod fides in affectu habeat substantiam, quia ab affectu credendi dependet assensus, quatenus ab eo efficaciter, & cum necessariâ sequela imperatur, ratione cuius etiam dependentiæ & imperij vocat ipsum affectum credendi, fidem, scilicet

cum suo effectu necessario, qui est assensus rerum fidei: non autem vult & bene quidem ipsam nudam rerum fidei apprehensionem seu considerationem obtinere rationem fidei.

ARTICVLVS III.

Utrum Charitas sit forma fidei?

24 **R**esponso Divi Thomæ est: Quod Charitas dicatur forma fidei, non quidem essentialis & intrinseca: sed extrinseca: sicuti cuiuslibet actus voluntarij forma quodammodo est finis ad quem ordinatur, ut explicat satis in Corpore, & in Responsione ad 2. & 3. idque tum quia ex fine recipit formam seu speciem, tum etiam quia modus actionis debet respondere proportionabiliter fini: unde finis suo modo recte dicitur forma & quasi mensura actus, qui ad illum ordinatur.

25 Constituunt autem DD. diversos modos, quibus Charitas dicatur forma fidei. Primò si consideremus fidem à charitate coniunctâ accipere peculiarem rationem, seu statum virtutis: quandoquidem enim virtutis sit bene disponere habentem; plurimum autem ad bonam dispositionem habentis faciat, quod actus eius virtuosus sint beatitudinis æternæ meritorij, recte dicitur peculiaris quædam virtutis ratio siue status fidei accedere per accessum illius, quo actus eius efficiuntur capaces talis meriti.

Alio modo Charitas dicitur forma fidei, quatenus fides consideratur participare Charitatem, quatenus ab ea imperatur: sicuti participat voluntarium à voluntate imperante: secundum quod dicit Apostolus 1. ad Cor. 13. *Charitas omnia crederet.* Tertiò, Si consideretur Charitas ut coniungens fidem cum ultimo fine. Quartò, dicitur forma fidei quatenus fides consideratur operari per charitatem, ut habet Apostolus ad Gal. 5. res enim quæque per formam suam dicitur operari: de quâ re licet videre D. Bernardum serm. 2. de Resurrectione. Quintò & ultimò, quatenus consideratur charitas ut quædam consummatio fidei præbens illi, non tantum rationem & statum meriti; sed etiam illam corroborans ac movens ad perfectiùs & frequentius actus & assensus rerum fidei eliciendos.

26 Cæterum quod charitas recte à Scholasticis dicatur forma & quasi anima fidei, demonstrari etiam potest ex Scripturis, ut ex cap. 2. Iacobi: ubi dicitur, quemadmodum corpus sine spiritu mortuum est, ita

est, ita quoque fidem sine operibus, scilicet à charitate profectis, mortuam esse. Quemadmodum itaque spiritus est forma & vita corporis, sic etiam charitas radix & operatrix operum, rectè dicitur forma & vita fidei. Rursum 1. ad Cor. 13. dicitur, fides nihil prodesse sine charitate, & fidelis nihil esse sine charitate: rectè igitur charitas dicitur fidei esse forma quæ illi præbet ut prosit, & fidei præstat, quod meritò dicatur esse aliquid, & viuere, scilicet apud Deum: eiusmodi enim sunt effectus formæ & vitæ corporis, siue animæ. Huc etiam facit quod scribit D. Ioannes cap. 3. 1. epistolæ: *Qui non diligit manet in morte*. Meritò igitur dilectio ponitur forma, quæ fidem faciat viuam, & fidelem faciat viuere. Conformer itaque ad loquendi modum Scripturæ, docent D.D. fidem aliquando esse informem, quando mortua est, non habens spiritum charitatis coniunctum: aliquando autem formatam, quando viua est & per dilectionem operatur.

ARTICVLVS IV.

Vtrum fides informis possit fieri formata vel e conuerso?

27 **F** Verunt olim hæc de re opiniones diuersæ, quas refert & refutat bene hic D. Tho. Communis autem & certa doctrina habet, quod eadem specie ac numero fides, seu fidei habitus, nunc informis, nunc formata esse possit.

28 **P**robari potest Primò ex Scripturis, ut ex parabola illâ quæ est de decem Virginiibus; ubi fidem informem licet intelligere per lampadem sine oleo, quæ exstinguitur: & formatam per lampadem oleo refertam, & lucentem. Lampas autem vna & eadem est: quæ modò plena est oleo, & lucet; & modò vacua est, & exstinguitur. Item Iacobi 2. comparatur fides informis corpori mortuo, & spiritui siue animâ destituto: & formata, corpori animâ vegetato; atqui idem esse corpus quod nunc viuut anima informatum; nunc verò mortuum est & vitâ destitutum.

29 **P**robari Secundò potest ex Patribus: Irenæus lib. 4. cap. 25. dicit fidem, ut & prophetiam, & similia sine dilectione vacua esse, & frustra: sensit igitur ea ante dilectionem siue charitatem esse posse; & accedente dilectione non desinere esse; sed incipere prodesse. Idem significant D. Chrys. hom. in Encræijis: & Aug. in Psal. 13. & lib. 15. de Trinitate cap. 18. scribit, *Quod fides sine charitate possit esse, sed non prodesse*.

30 **P**robatur Tertio ex Conc. Trid. Sess. 6. Can. 28. ubi dicitur, Si quis dixerit, amissâ per peccatum gratiâ, simul & fidem semper amitti: aut fidem quæ remanet non esse veram fidem, licet non sit viua: anathema sit: ergò oportet agnoscere, eandem fidem aliquando in peccatore, quæ erat in iusto, quamvis nunc viua non sit, cum prius viua esset.

31 **P**robatur denique ratione, quia forma à quâ hic denominatur fides formata, non est intrinseca; & essentialis habitui fidei, sed extrinseca existens in eodem duntaxat supposito cum ipso habitu fidei, certo modo ipsum, eiusque actus efficiens, ut art. præcedenti explicatum fuit: atque adeo fides quoad suam substantiam ordine generationis prior est charitate, ut habet D. Tho. artic. sequenti: ergò potest & sine charitate, & cum charitate eadem numero & specie persistere.

ARTICVLVS V.

Vtrum fides sit Virtus?

32 **C**onclusio D. Thomæ est: Fides formata est virtus, fides autem informis non est virtus.

33 **P**robat priorem partem in hunc fere modum: quia omnis ille habitus, qui semper est principium boni actus, potest dici virtus hominis: atqui talis est fides formata. Confirmatur: quia cum credere sit actus intellectus vero diuinitus reuelato assentientis ex voluntatis imperio, requiruntur duo ut actus iste sit perfectus: Vnum est, ut intellectus infallibiliter moueatur in suum bonum, quod est verum: Alterum; ut infallibiliter ordinetur ad vltimum finem propter quem voluntas velit intellectum assentiri: vtrumque autem præstat fides formata, ac in eius actu vtrumque reperitur: ergò &c.

Probatur altera pars: Quia licet actus fidei informis habeat perfectionem debitam ex parte intellectus, non tamen perfectionem debitam ex parte voluntatis: ergò non est virtus.

34 **S**ed circa vtramque istius Conclusionis partem mouentur difficultates: Nam in primis Durandus in 3. dist. 23. quæst. 6. hanc materiam tractans, dicit virtutem duobus modis accipi: vno modo, generaliter pro quocumque habitu laudabili inclinante potentiam ad actum boni. Alio modo strictius, pro habitu constitutens potentiam in vltimo perfectionis debite suo actui. Priori modo dicit fidem esse virtutem; sed non magis formatam, quam informem: posteriori modo autem negat

tam formatam, quam informem esse virtutem: quia neutra videlicet addat ultimum perfectionis debiti actui intellectus: quia non perficit eum ad obiectum suum conspiciendum in se, aut per resolutionem in id, quod in se conspiciatur. Vnde eò inclinatur Durandus, quod fides, nequidem formata sit stricte & perfectò modo virtutis.

34 Sed hæc eius opinio ab omnibus passim rejicitur, & improbat: & meritò, quia parum concordat cum modo loquendi Scripturæ, & S. S. Patrum: Nam in primis Apostolus ad Gal. 5. peculiariter tribuit fidei quæ per dilectionem operatur, valere, & nobis prodesse. Ad Rom. 5. & 10. Item Actor. 15. & ad Ephes. 2. dicimur per fidem iustificari, per fidem dari ut non confundamur, ut purificentur corda, ut saluemur: non debet ergo negari, quin fides per dilectionem operans, sit absolute & perfectò modo virtus, 1. ad Cor. c. 13. *Nunc autem manent fides, spes, charitas: Triabac*: quibus innuit Apostolus, ea esse tres præcellentes virtutes: nihil alioqui magni diceret, quando addit, *Maiores autem horum est charitas*. Similiter & fortius passim loquitur S. S. Patres de fide charitate formatâ, tanquam de primâ virtute.

35 Quare ad argumentum Durandi, Respondetur inevidentiam, quam relinquit fides circa obiectum, non hic impedire perfectam virtutis rationem, quin potius ad huiusmodi virtutem peculiariter requiratur: quia principalis eius laus, & merendi ratio in hoc consistit, quod inclinet intellectum potentiam in obiectum inevidenter cognitum, sed infallibiliter verum: idque ex respectu ad divinam testificationem.

36 Quod autem allegat, virtutem strictius sumptam debere potentiam constituere in ultimo perfectionis; vel ut alij loqui solent, virtutem debere esse dispositionem perfecti ad optimum; illud verum est, si intelligatur, quantum scilicet status subiecti requirit. Vnde licet fides adhuc dicatur ex parte esse iuxta Apostolum, & cognitio quædam imperfecta seu obscura, ideoque in patriâ, cum venerit quod perfectum est, euacuanda sit, tamen perficit intellectum secundum cognitionem rerum supernaturalium, quantum convenit statui hominis viatoris. Sicut enim lucerna, quamvis non perficiat aërem, quando solis radijs illustratur, perficit tamen in nobis caligine: Itâ & fides tanquam lucens in caliginoso loco, multum perfectionis addit intellectui nostro ut supernaturalium capax est, donec dies elucescat, & lucifer oriatur in cordibus nostris. Vide *Viggers in 2. 2.*

D. August. de hac lucernâ fidei tract. 23. in Ioannem, ubi rectè monet, eam oleo misericordiæ foveri & conservari: Vnto autem superbiæ extingui.

Sed ex dictis difficultas oritur circa posterioriorem conclusionis partem: iuxta illa enim non videbitur minus fides informis esse virtus, quam formata: quod ulterius sic ostendi potest: Primò, quia fides informis est habitus inclinans in honestum sub ratione honesti, & formaliter principium actus moraliter boni, scilicet ipsius credere ex voluntatis imperio propter primæ vetustatis attestationem, quod honestum, & iudicio prudentiæ consentaneum est. Deinde quia alioquin non satis appareret quomodo sint tres virtutes Theologicæ, si omnis ratio virtutis quæ in fide reperitur, à charitate sit desumenda: Apostolus verò ad Corinth. loco supra citato, manifestè ponit & distinguit illas virtutes; ergò &c.

Pro expeditione huius difficultatis, Notandum est, dupliciter posse sermonem esse de virtute. Vno quidem modo de virtute propriè quidem, sed non cum omni virtutis perfectione & statu sumptâ, quam satis convenienter Durandus explicat supra in primo membro distinctionis virtutis. Alio modo de virtute secundum perfectionem eius rationem & statum, non quidem qualem ponit & requirit Durand. sed prout S. S. Patres solent perfectam virtutis rationem & statum explicare, quod scilicet in eo sit esse (sive ratione sui, sive aliorum adiunctorum) quod actus eius sint simpliciter boni & accepti apud Deum, atque adeò sint æternæ beatitudinis meritorij.

Fides itaque informis, virtus est prioris modo; & in statu imperfecto: idque solum, ac sufficienter quoque argumenta allegata probant, & communiter à Scholasticis tenetur; quod nec D. Thomas intendit negare, ut colligi potest ex respons. ad 3. ubi ab eâ tantum remouet perfectam rationem virtutis: & infra quæst. 6. artic. 1. docet assensum fidei esse à Deo interius mouente per gratiam: & artic. 2. ex professo docet fidem informem, quæ est sine Charitate, esse quoque denum Dei: fides tamen formata superat, quia est virtus secundum perfectam rationem & statum virtutis; quia cum Charitate actus eius coniuncti sunt æternæ vitæ meritorij: quod maxime S. Patres in virtutibus, ac eorum actibus attendunt.

Accedunt & aliæ rationes, quare fides formata sit perfectior in ratione virtutis, & potius dicatur simpliciter virtus: quam R. informis;

informis; ut in primis quia quâdo charitas informat & perficit voluntatem, fit quod affectus credendi promptius & instantius intellectum ad actus fidei urgeat: quodque intellectus firmitus & cōstantius ipsidem inhæreat. Secundo, quia ad perfectum statum virtutis requiri solet, ut omnes virtutes morales sint connexæ: una enim virtus non præstat ita faciliter & delectabiliter operari, prout status perfectæ virtutis postulat: nā v.g. ut quis nō patiatur difficultatem in materiâ temperantiæ, saltem ratione aliquarum circumstantiarum, non sufficit habitus temperantiæ: sed requiritur exercitatio, etiam in aliâ virtute, ad quam circumstantiæ illæ pertinent. Sic quoque obiecta fidei, quæ propter incipientiam creditu sunt difficilia, minus promptè, minusque delectabiliter ex solo habitu fidei creduntur, nisi credendi affectus profectus erit usque ad charitatem.

41 Denique sine charitate fides non coniungit habentem cum fine ultimo, in quo tamen principalis est virtutis perfectio, & ad quod potissimum ordinatur. Vnde D. August. lib. 4. contra Iulianum cap. 3. generaliter docet, quod virtus perfecta coniungat fini ultimo. Ex quibus constat immerito Durandum posuisse fidem informem in eadem ratione & perfectione virtutis cum fide formatâ.

42 Queritur hic tandem, An fides informis, secundum eam rationem, quâ diximus esse virtutem, sit virtus intellectualis; an ad aliud genus pertineat? D. Tho. in 3. videtur negare esse intellectualem virtutem. Cæter, autem hic dicit esse virtutem intellectus: sed non intellectualem, eo quod ponat quidem intellectum in ultima perfectione, quam natus est supernaturaliter habere in viâ: sed non ponat evidentiam in intellectu speculatio, in quo refidet.

43 Verum cum illa incipientia remanens non impediat absolutam rationem virtutis, ut diximus contra Durandum: quia alioquin nec fides formatâ esset absoluta virtus, non apparetratio dicendi quod impediat absolutam quoque rationem virtutis intellectuales. Vnde alij communiter docent esse virtutem intellectualem. Et prebari potest à definitione intellectualis virtutis; quia fides etiam informis talis est habitus, quo dicat anima verum, affirmando vel negando: estque maxima intellectus perfectio pro statu viæ, cum sit principium certissimæ ac omnino infallibilis rerum diuinarum cognitionis & assensus. Neque refert, quod Philosophus à virtutibus intellectualibus rejiciat existimationem & opinionem: nam ideo hæc rejicit,

quia his contingit subesse falsum: fidei autem, de quâ agimus, falsum subesse non potest.

Quemadmodum igitur virtus est voluntatis, quâ semper rectè utimur operando, sic virtus intellectus erit, quâ semper bene utimur iudicando, & enuntiando: quod fidei etiam informi conuenit. Participat tamen aliquid de virtute morali propter imperium, quod diximus ad eius actus requiri ex parte voluntatis, in quâ proinde etiam suos refidet habitus ad fidem spectans; & hinc videtur D. Tho. fidem, neque moralem, neque intellectualem voluisse appellare virtutem, sed virtutem Theologicam duntaxat: vnde quod ad rem attinet, non videtur alijs contradixisse.

ARTICVLVS VI.

Virum fides sit vna virtus?

45 **C**ONCLUSIO D. Thomæ est, quod fides sit vna specie in omnibus, sed in diuersis, sit numero diuersa ratione subiecti. Estque hæc communis & indubitata doctrina. Vbi hoc obseruari potest, quod fides non compositione vel aggregatione plurium habituum sit quid vnum specie, quo modo scientia phylica v.g. aut mathematica collectiue sumpta, potest dici vna specie scientia, quamuis constet diuersis partibus heterogenijs, & partialibus scientijs, ut plerique sentiant: quæ quâdam aggregatione & conuenienti coordinatione constituunt vnâ scientiam quasi completam & perfectam; sed quod sit habitus omnino simplex pro eâ parte, quâ est in intellectu, quia tota formalis causa & ratio assentiendi rebus fidei est vnica, estque eodem modo omnibus illis, quæ credimus, applicata: vnde licet plura sint obiecta materialia fidei, quæ etiam quoad naturas rerum plurimum differant, & diuersas habeant sui esse causas, non tamen habitus fidei quo creduntur, ideo multiplex est; aut ex pluribus partialibus compositus: quia non oritur pluralitas, aut distinctio habituum ex ordine ad diuersa obiecta materialia, sed ex ordine ad formales obiecti rationes diuersas. Vnde qui rectè dispositus est, ut assentiatur vni articulo fidei sufficienter proposito, etiam eadem dispositione, sufficienter erit instructus, ut assentiatur cuilibet alteri sufficienter proposito: quia ratio assentiendi non desumitur ex causis ac cognitione causarum ipsius rei, quas admittimus sæpius esse diuersas; sed tota ratio assentiendi est autoritas primæ Veritatis, quæ ad om-

ad omnes articulos eodem modo se habet.

Dixi, quod sit habitus & qualitas omnino simplex, pro ea parte, quæ est in intellectu: quia si agatur etiam de dispositione quæ ex parte voluntatis ad credendum requiritur, prout ex D. Tho. supra ostendimus, sic fides poterit dici composita ex duobus habitibus, quorum alter sit in voluntate & alter in intellectu, nihilominus tamén etiam sic diceretur fides simpliciter una specie in omnibus: quemadmodum homo, licet ex corpore & animâ sit compositus, item ex capite & pedibus, tamen simpliciter dicitur unus specie. Sed quando de fide est sermo, frequentius & principalius intelligitur habitus, qui est in intellectu, quia ab illo proximè procedit actus credendi.

ARTICVLVS VII.

Vtrum fides sit prima inter virtutes?

CONCLUSIO D. Thomæ est, quod fides per se sit prima virtus: per accidens verò, possit aliqua alia virtus esse prior fide. Probat primam partem in hunc ferè modum: Virtutes, quæ versantur proximè circa finem vltimum, sunt priores alijs virtutibus, quæ versantur circa media ad illum: quia finis vltimus in agibilibus est primum principium, quia primò habetur in intentione: ergò virtutes Theologicæ fides, spes, charitas, quæ versantur proximè circa Deum, sunt alijs virtutibus priores. Quia verò oportet finem vltimum prius esse in intellectu, & ab eo apprehendi ac cognosci, quam possit esse in voluntate, siue quam à voluntate possit desiderari & amari, hinc inter eas virtutes, illa debet constitui prima, quâ finis vltimus apprehenditur per intellectum, quæ est fides: ergo fides per se est prima virtutum. Et ne quis fortassis opponat, per lumen naturale posse finem vltimum apprehendi ab intellectu, occurrit & addit D. Tho. quod naturalis cognitio non possit attingere ad Deum, secundum quod est obiectum beatitudinis, prout tendunt in illum spes & charitas, vnde fides debet præcedere.

Ex his potest colligi, D. Tho. hic in primis propriè inter se conferre quoad prioritatem, virtutes quæ ordinem habent ad finem vltimum & beatitudinem supernaturalem: Deinde illum agere, non de prioritate dignitatis & præstantiæ, quâ ratio ne præcedit Charitas, ut satis constat ex A-

postolo, 1. ad Corinth. 13. sed de prioritate secundum ordinem naturæ & generationis.

Partem Secundam Concl. declarat hoc ferè modo: quia contingere potest ex parte subiecti aliqua subesse obstacula, quæ fidè impediunt: vt superbia, timor, ad quæ remouenda, & ad fidem promouendam, conducunt aliæ virtutes: vt humilitas, aut fortitudo: quæ proinde, vt erunt causa per accidens fidei, quatenus scilicet remouent prohibens, ita possunt per accidens, priores dici fide, quâvis (inquit D. Tho.) non sint veræ virtutes, nisi præsuppositâ fide: quod ostendit autoritate Augusti. lib. 4. contra Iulianum cap. 3. atque ita innuit, quod ne per accidens aliqua vera virtus, quæ scilicet per se habeat ordinem ad finem supernaturalem, sit prior fide. Hoc tamen non videtur negandum, quin dum homo superbior aut timidior ad fidem vocatur, Deus suâ præueniente gratiâ animum eius corroborando timorem minuat, aut humiliando superbiam dispellat, vt facilius & suauius fidem suscipiat: atque ita quædâ dispositiones, aut piæ affectiones humilitatis, vel fortitudinis aliquando fidem possint præcedere.

Possit quis opponere affectum piæ credulitatis, quem diximus in voluntate necessarium, videri virtutem priorem fide. Sed vt iam antè indicauimus, dicendum est, illum non esse statuendam virtutem distinctam à fide: hic enim affectus & fides habent se vt imperans & imperatum, quæ vnum actum morale efficiunt & constituunt.

ARTICVLVS VIII.

Vtrum fides sit certior scientiâ & alijs virtutibus intellectualibus?

NOtandum Primò: D. Thomam hic comparisonem instituere inter fidem cum virtutibus intellectualibus speculatiuis: vt ex Corp. patet. Eas 1. 2. quæst. 57. art. 2. docet cum Philos. tres esse numero, scilicet sapientiam, intellectum, & scientiam, vbi etiam illarum rationem & distinctionem explicat.

Notandum Secundò: Sub ipsdem nominibus etiam designari certa dona Spiritus Sancti pertinentia quoque ad intellectum potentiam, eamque perfectiorem de quibus infra agit quæst. 8 & 9.

Notandum Tertiò: Certitudinem dupliciter posse considerari: vno modo ex parte causæ: alio modo ex parte subiecti.

R ij Priori

Priori modo dicitur certius, quod certiorrem habet causam, siue quod superat certitudine luminis, vel mediij, vel alterius quod est loco mediij. Ex parte subiecti autem dicitur certius, vt explicat D. Tho. quod plenius consequitur intellectus hominis, siue cuius medium aut lumen, vel aliud subiens vicem mediij, amplius & perfectius penetratur à subiecto, siue ab hominis intellectu.

Notandum Quartò: Certitudinem ex parte causæ esse magis absolutam, quam eam, quæ est ex parte subiecti, quia vnumquodque iudicatur simpliciter secundum causam suam: secundum dispositionem verò quæ est ex parte subiecti, tantum iudicatur secundum quid: vt notat D. Tho. in Corp. His præmissis fit

52 **CONCLUSIO Prima:** Simpliciter loquendo, Fides est certior scientiâ & reliquis virtutibus intellectuallibus. Est D. Thomæ & communis Theologorum, Durando excepto, qui in 3. dist. 23. quæst. 7. § 10. dicit. Multos habitus scientiæ & actus esse in nobis certiores & notiores fide & actu eius, idque dupliciter, scilicet extensiuè, & intensiuè: quod sic explicat: quia illud quod plures modos habet certitudinis, est extensiuè certius: atqui scientia plures habet modos, quia habet certitudinem euidentiæ, & certitudinem adhesionis: Item illud intensiuè est certius, quod dubitationi est impermixtus; sed scientia nullo modo potest habere permixtam dubitationem, fides autem, inquit, potest habere aliquem modum dubitationis permixtum, etiam salua permanens; ergò &c.

53 Verùm Probatur Conclusio. primò ex Scripturis: Matth. 24. *Cælum & terra transibunt, verba autem mea non præteribunt:* Ad Gal. cap. 1. *Sed licet nos, aut Angelus de cælo euangelizet vobis, præterquàm quod euangelizauimus vobis, anathema sit.* Vbi priori loco significat Scriptura tantam inesse certitudinē cognitioni fidei: & posteriori, tantam esse debere firmitatem assensus & adhesionis, vt quæcumque vel maximè certa & necessaria potius sint defectura; quam veritas fidei deficiat & tam firmiter illi inhaerendum, vt nulla ratio, nulla authoritas, neque illa, quæ de cælo adduceretur, debeat fideles mouere, vt ab illâ recedant, aut contrarijs adhaereant. 2. ad Cor. 10. *In captiuitatem redigentes omnem intellectum in obsequium Christi:* vbi iterum Apostolus significat, fidem tantæ esse virtutis & certitudinis, vt omnis intellectus se sub illâ debeat captiuare, abnegando potius quæcumque euidentiā & quæcumque rationem, quæ videtur illi aduersari, quàm illi non firmissimè inhaerere, vel ab eâ re-

cedere: rursus ibidem dicitur, *Constituta destruentes, & omnem altitudinem excellentem se aduersus scientiam Dei,* vbi Apostolus significat, omnem scientiarum altitudinem, quæ fidei aduersatur, debere fidei cedere: sic vt quæcūq; illa altitudo sit, potius nulla sit reputada. Deinde fides, Dei scientia nominatur, quam scilicet ipse nobis reuelauit: 1. ad Tessal. cap. 2. dicitur verbum Dei, *Cum accepissetis à nobis verbum auditu Dei, accepistis illud, non vt verbum hominum, sed (sicut verè est) verbum Dei.* 1. Ioannis c. 5. dicitur, *Testimonium Dei;* atqui Dei scientia, Dei verbum, Dei testimonium sunt simpliciter certiora quæcumque aliâ notitiâ, quomodo libet per sensum, per experientiam, per lumen rationis, vel per ratiocinationem comparatâ vel habitâ: ergò &c.

54 Probatur Secundò: ex SS. PP. D. Basil. ad illud Psal. 115. *Credidi propter quod:* &c. scribit, fidem animum immutare & persuadere ad credendum præ omnibus naturalibus methodis: neque enim fides, inquit, geometricis probationibus nititur, quas necessitates vocant; sed animis nostris sese insinuat efficaci Spiritus S. operatione. Quibus indicat fidē certitudine, & firmitate superare etiam inæmaticas demonstrationes: & Hóm. 21. in epistolam ad Heb. docet, fidem dici non posse, nisi cum circa ea quæ non videntur, amplius quam circa ea quæ videntur, certitudinem habuerit. Vbi significat nos per fidem, (quam Apostolus arguentum non apparentium vocat) debere certius, firmitusque adhaerere istis non apparentibus, quàm quibuslibet quæ nobis aliâ ratione aut viâ euidentiſſima apparent. August. lib. 7. Confess. cap. 10. Facilius (inquit) dubitarem viuere me, quàm non esse veritatem, quæ per ea quæ facta sunt, intellecta conspicitur: Richardus de S. Victore lib. 1. de Trinit. cap. 2. Quotquot veraciter fideles sumus, nihil constantius, nihil certiùs tenemus, quàm quod fide tenemus. Ex PP. igitur sententia, certitudo fidei superat scientiam, & alias virtutes intellectuallibus.

55 Probatur denique ratione, Quia fides nostra innititur cognitioni & scientiæ Dei, qui eam reuelauit & testificatus est nobis: atqui illud fundamentum seu medium cognoscendi est longè certius, mereturque firmiorem assensum, quàm quodcumque medium creatum, aut lumen naturale quo res cognoscimus siue per scientiam, siue per sapientiam, siue per intellectum tantquam virtutes intellectuallibus; ergo simpliciter fides omnibus istis est certior. Maior est manifesta: minor potest amplius decla-

declarari, licet quoque satis aperta sit: quia Dei scientia tam est necessariò vera, quàm Deus ipse in suo esse est necessarius: similiter & reuelatio per ipsum facta, æquè necessariò est vera: quia non magis mentiri aut falsum testari potest, quàm ipse falli aut veritatem ignorare; atqui nulla causa vel mediû scientiæ, aut aliarû virtutum intellectualliu comparari potest cum certitudine ac necessitate ipsius esse Dei & veritatis ac veracitatis illius: ergo &c. Vnde huic fundamētò fidei nostræ, seu medio cognoscendi, tanta debetur assensus firmitas, vt intellectus noster naturalibus viribus eam præstare nequeat, sed egeat supernaturali lumine & auxilio.

56 Quod igitur ad doctrinam Durandi attinet, meritò passim ab omnibus ea rejicitur, nam imprimis, quòd asserit fidem habere solam certitudinem adhæisionis, nò tantum falsum, sed plusquam temerarium est dicere: quia certitudo adhæisionis propriè certitudo non est, cum non sit nisi firmitas quædam assensus, quod etiam ipse satis agnoscit: quando enim dicit, scientiam habere certitudinem euidentiæ, & adhæisionis, mox addit, Si tamen certitudo dici debeat, Vnde efficitur, quòd fidei nostræ nullam veram & propriè dictam certitudinem tribuat aut relinquat, non magis quàm Idololatriæ, aut hæresi in illis, qui firmiter seu potius pertinaciter suis erroribus adherent. Quare fidei necessariò est alia attribuenda certitudo, eaque est, quæ ex parte mediij, vel quasi mediij desumitur, quod fidei principium est: scilicet, ex parte primæ veritatis reuelantis ea, quæ fide cognoscimus & tenemus, vt modò explicuimus: quod etiam fundamentum est certitudinis seu potius firmitatis adhæisionis, adeo quod absque hoc principio, non possit ista certitudo seu firmitas adhæisionis esse prudens: & pertinacia potius dicenda esset, sicut in hæreticis, quàm certitudo.

57 Habet igitur ad minus fides tot titulos certitudinis, quot Durand. attribuit scientiæ: & titulus quidem ille certitudinis fidei ex parte causæ est longè potior, quàm titulus certitudinis scientiæ, quæ Durand. ponit ex parte euidentiæ: quemadmodum certitudo demonstrationis propter maiorem causæ necessitatem, est potior, quàm certitudo de rebus accepta per euidentiæ sensus. Vnde insistendo etiam terminis & modo loquendi Durandi, non debet scientia dici extensiuè certior fide, quasi habens plures titulos certitudinis.

58 His addo, non rectè à Durando principalem scientiæ certitudinem constitui in euidentiâ, sed eam sitam esse ac desumen-

dam ex necessitate causæ & principij conclusionis, vt hic generaliter de certitudine pronuntiat D. Thomas cū certitudo euidentiæ sit tantum certitudo ex parte subiecti, quatenus scilicet subiectum, siue intellectus plenius & perfectius rem, eiusq; necessitatem penetrat & cognoscit: quæ plenior penetratio & cognitio nò faciunt certitudinem simpliciter, sed quoad nos, quatenus euidentiùs ipsam certitudinem intuemur, quod D. Tho. docere intendit, quando in Corp. circa finem dicit, Sed alia sunt certiora (scil. ipsâ fide) secundum quid & quoad nos: qui D. Tho. sensus ex antecedentibus patet, vbi explicat, quare ex parte subiecti sint certiora hoc modo, quia ea (inquit) quæ sunt fidei, sunt supra intellectum hominis, non autem ea, quæ sunt sub tribus prædictis (scilicet virtutibus intellectuallibus) & ideo ex hac parte, inquit, fides est minus certa.

Quare non rectè hic intelligunt Diuum Thomam, qui ex hoc loco colligunt & existimant eum illius esse sententiæ, quòd actus fidei, ita ex parte causæ tantummodo sit certior scientiâ, vt nos non reddat tamen magis certos; quam actus scientiæ: quod vti verum non est, ita nec ex mente D. Tho. quia causa certior, scilicet veritas prima reuelans, & nobis certius cognita (licet minus euidenter) facit nos elicerè actus certiores, quàm causæ minus certæ & minus necessariæ, quamuis euidentiùs ab intellectu comprehensæ: est enim prima veritas reuelans, causa certissima, quæ etiâ ipsâ reuelatione cognoscitur reuelans: vt in superioribus latius fuit explicatum. Accedit præterea, vt quod ex parte euidentiæ rerum deest, hoc lumine supernaturali & diuino auxilio suppleatur ad actus certissimos eliciendos. In eo autem quod Durand. docet, certitudinem scientiæ intensiuè maiorem esse propter dubitationem, quam dicit fidem habere admixtam, videtur ipse secum pugnare: nam si fides admittat dubitationem, quæ minuat aliquam eius certitudinem, vnde debeat scientiæ cedere, haud dubiè minuet certitudinem adhæisionis, quandoquidem Durand. non aliam tribuat fidei, & tamen docet fidem certitudine adhæisionis superare scientiam. Non rectè igitur, nisi secum pugnando ostendit, scientiam habere certitudinem intensiuè maiorem, certitudine fidei.

Quod igitur ad rē attinet, potest ad difficultatem quam implicite mouet: Responderi, Negando fidem secum admittere dubitationem, quia, cum fides sit actus liber, non debet dici secum admittere dubitationem, nisi ipsa consistat cum liberâ dubitatione admixtâ, sicuti dici potest de

R. iij opinione

opinione aut exultatione. Certum autem est, quod fides, eiusque causa, penitus excludat omnem dubitationem liberam. Vnde Capitulo 1. de Hæreticis, dicitur dubius in fide esse infidelis: & hoc est quod D. Tho. ad Primum significat, quando dicit: quod dubitatio illa (cuius motum scilicet, credens aliquando patitur) non fit ex parte causæ fidei, utpote quæ ex se dubitationem omnem excludit, sed ex parte subiecti quoad nos, eo quod intellectus videlicet non euidenter conuincatur: vnde fit, quod aliquando surrepere possit non aduertentibus, aut etiam inuitis, dubitatio aliqua, quam tamen fides per imperiū voluntatis ex ratione sua excludit, sic ut voluntariè cum fide nonquam admitti possit. Ex hoc itaq; capite dici tantū potest, quod scientia, & aliæ virtutes intellectuales secundū quid, & quoad nos, fidem superent ex parte subiecti in certitudine, secundū has scil. conditiones: puta primò in euidentiâ: deinde quod inferant necessitatem assentiendi, ita ut non liberè assentiamur, quoad speciem actus: Tertiò, quod excludant omnem motum dubitationis ab intellectu propter sui euidentiā.

61 Sed obijciat aliquis: Fidelis est certior, v. g. Deum esse Trinum vel non Trinum, quam esse Trinum determinatè: ergo habitus intellectus simpliciter certior est fide. Antecedens probatur, quia nihil potest esse notius & euidentius & certius, quam hoc principium, Quodlibet est, vel non est. Respondetur, etsi lumine naturali euidentis sit, Deum esse Trinum vel non esse Trinum, non tamen ideo fidelis de illâ disiunctiua certior est, quàm de altera parte sit per fidem, videlicet de hac Deum esse Trinum. Quamdiu enim in ipso vera fides est, firmius per eam adhærebit huic parti determinatè, quàm per lumen rationis illi disiunctiua: quod vel inde ostendi potest, quòd in aliâ materiâ, vbi neutra pars à Deo esset reuelata, potius negaret eiusmodi disiunctiua, quàm recederet ab hac vnâ determinatâ parte huius disiunctiua. Neque verum est, quod quidam virgere videtur, euidentiā scil. naturalem illius principij, siue illud principiū, ut est euidentis lumine naturæ, esse fundamentū

affectus fidei: Nō enim ideo assentior alteri parti determinatæ, & nego alteram per fidem, quia lumen rationis mihi offendit, non posse Deum esse Trinum, & non esse Trinum: sed quia lumen fidei hoc ostendit: nam idem lumen quod ostendit & docet, Deum esse Trinum, etiam ostendit & docet, non esse non Trinum, & eadem certitudine qua me facit assentiri vni parti, facit me negare alteram.

His adde, illud principium quantumcumque videatur euidentis, tamen à doctissimis viris fuisse reuocatum in dubiū, an per potentiam absolutam non possit esse falsum.

Obijciatur Secundò: Hugo de Sancto Victore lib. 1. de Sacramentis parte 10. cap. 2. dicit, Fidem esse certitudinem quādam animi de rebus absentibus supra opinionem, & infra scientiam constitutam: ergo &c.

Respondetur, posse Hugonem explicari & dici eum sic loquutum de fide & scientiâ propter certitudinem euidentiæ, quæ maior est in scientiâ quàm in fide, uti diximus: atque ita quādam consideratione, ad quam ille videtur attēdisse, fidem esse certitudinem infra scientiam; sed tamen, quia hæc certitudo est tantum ex parte subiecti & secundum quid, modo quo antè explicuimus, hinc cum D. Tho. & alijs potius est loquendum & dicendum simpliciter, quod fides sit certitudo supra scientiam.

63 CONCLUSIO Secunda: Fides quoque simpliciter certior est tribus istis: sapientiâ, scientiâ, & intellectu, ut significent quædam Spiritus Sancti dona huius vitæ. Est D. Thomæ hic in Corp. & communis aliorum, & rationem reddit: quia comparantur ad fidem, ut ad principium suum, & cui cooperantur: vnde illorum certitudo à certitudine fidei est dependens. Vide D. Thomam infra quæst. 8. art. 7. vbi explicat istorum donorum inter se distinctionē, ex quibus plenius poterit intelligi, quomodo ad fidem, tantum ad principium, comparentur ac eidem cooperentur: sunt enim quasi quædam eius proprietates, quæ seruiunt ad certas fidei functiones præstandas.

QVÆST.

Q V Æ S T I O V.

De Habentibus Fidem.

In quatuor Articulos diuisa.

ARTICVLVS I.

*Utrum homo vel Angelus in
primâ sui conditione ha-
buerit fidem?*

CONCLUSIO Diui Thomæ est:
Angelus ante confirmationem, &
homo etiam ante lapsum habue-
runt fidem.

Probatur Primò ex Scripturis: Quia
vterq; & Angelus, & homo tunc in statu
erât, quo adhuc ad Deum, vt ad finem vlti-
mum & beatitudinem supernaturalẽ ten-
debant & accedebant: viatores enim erant
& non comprehensores; ergo fidem ha-
bebant. Probatur consequentiâ ex Apost. ad
Hebr. 11. *Credere oportet accedentem ad Deum*,
Probatur Secundò, quia Scriptura tantum
videtur agnoscere duos status, siue homi-
nis, siue Angeli in ordine ad Deum, vt ad
finem nostrum supernaturalem: scilicet
Vnum, quo ambulamus per fidem, & pere-
grinamur à Domino: Alterum, quo ambu-
lamus per speciem, & sumus presentes ad
Dominum per claram visionem: vt col-
ligitur ex Apostolo 2. ad Cor. 5. atqui
ante cõfirmationẽ, Angelus, & homo ante
lapsum, non erant presentes ad Dominum
per claram visionem, siue per speciem;
ergo peregrinabantur & ambulant per
fidem.

Dices, D. August. lib. 11. de Civitate
cap. 12. docet, Adamum in statu Inno-
centiæ non fuisse peregrinatum aut pere-
grinum; ergò &c. Respondetur: Aug. lo-
quitur de peregrinatione parâ aliter, quã
Apostolus, quia eam tantum intelligit pe-
regrinationem, quæ est per modum exilij
infecti in pœnam: & eo quidem sensu, non
fuit Adam peregrinus in statu innocentie:
sed tamen peregrinabatur, quatenus vt
viator ambulabat & tendebat ad Deum,
vt finem & terminum suum. Vnde in eo
statu, iuxta Apostolum, etiam fidem de-
buit habuisse. Probatur tercio ratione D.
Tho. quæ sic potest formari: Angelus &
homo in prima sui conditione creati sunt

cum dono gratiæ supernaturalis, vt alibi
latius traditur & explicatur, & docet et-
iam clarè D. August. de Corrept. & Grat.
cap. 10. & 11. quæ non reddebat eos con-
summatè beatos, neque confirmatos in bo-
no; sed quædam in eis erat inchoatio futu-
ræ beatitudinis ipsi præparatæ: Inchoa-
tio autem ista, in voluntate ponitur per
spem & Charitatem, in intellectu autem,
per fidem; ergò homo & Angelus, in pri-
ma sui conditione habuerunt fidem.

Obseruandum tamẽ cum Diuo Thoma
in Corp. sub finem, & ad Primum, tum
hominem in statu innocentie, tum Ange-
lum ante confirmationem, plura potuis-
se cognoscere ac cognouisse de diuinis mi-
sterijs & effectibus, & cognitione etiam
perfectiori ac altiori, vt ipse loquitur, quã
propius ad Deum accedebant, quàm mo-
do homines in statu lapso. Vnde videtur
factum, quod ex Antiquioribus quidam
negarint, Angelum ab initio habuisse fi-
dem: vt Bonau. in 3. dist. 23. & Durand.
ibidem: quidam etiam negauerunt de ho-
mine in paradiso terrestri: vt Hugo de S.
Victore lib. 1. de Sacramentis parte 6. cap.
14. quem sequitur Magister lib. 2. dist.
23. & lib. 4. dist. 1. sed tribuerint eis co-
gnitionem sublimiorem, quam vocant cõ-
templationis, distinctam à fide.

Verùm licet cognitionem perfectiorem
de Deo, & rebus diuinis, ac pleniorẽ
habuerint, certum tamen est, quod non
pertigerint ad claram intuitiuam Dei &
rerum diuinarum visionem: & proinde
qualemcumque habuerint, non tamen per
eam potuisse fidem euacuare: nam & mo-
dò in statu naturæ lapsæ, sunt qui clariùs
& perfectiùs res diuinas intellexerunt, vt
Prophetæ & Apostoli, quàm communiter
cæteri, nec tamen ideo fides eis denegan-
da est.

Sed dices, Magister dicit hominem co-
gnouisse diuina sine medio; ergò non po-
tuit, iuxta illum habuisse fidem. Respon-
detur: Distinguunt Scholastici duplex
medium: vnum obumbrans, quod æni-
maticum vocant, Alterum adinuilans,
quod vocant medium speculari. Dicen-
dum igitur Magistrum loqui de medio

R iiij obum-

obumbrante, non autem de medio admiculante: vidit enim primus homo per speculum, sed clarius & lymphidius, quam illud sit, quo nunc Deum tantum in ænigmate speculamur.

Sed contra fidem Angeli opponit Durandus. Quod Angelus in creatione, euidenter cognosceret Deum esse, qui reuelaret credenda; atqui euidens ista cognitio repugnat fidei: quomodo enim id quod reuelatur poterit esse inevidentis veritatis ei, cui euidens est Deum, qui nec falli nec fallere potest, esse qui illud reuelat? ita ferè ille.

Respondetur Primò, etsi modò communis status fidei sit talis, vt non tantum res reuelatæ sint obscuræ nobis, sed etiam ipsa reuelatio, non videri tamen fidem habere absolutam repugnantiam cum euidentiâ de Deo reuelante, præsertim quæ naturali lumine habetur, aut per discursum: nam, quod ad confirmationem istius repugnantiae adducitur, non cõuincit quod ipsæ res reuelatæ euidenter vt in se sunt, ab eo cognoscantur, qui euidenter intelligit Deum reuelare, vel quod earum veritas in se ab illo videatur; sed tantum, quod ei euidenter certum sit, res illas se habere prout ei reuelantur, eoque nomine firmissimè credat, eas ita se habere, & tales esse: sic tamen, vt non propterea illas, aut earum veritatem, clarè intueatur.

Deinde, nulla euidentiâ euacuat fidem, nisi simul certitudine adæquet ipsam certitudinē fidei: vnde suprâ diximus, circa idem obiectum posse consistere fidem & euidentiâ scientiæ; extra visionem autem Beatificam, nulla euidentiâ adæquat certitudinem fidei. Quare euidentiâ, quam habuit Angelus de Deo reuelante, cum per lumen naturale & discursum fuerit habita, nequidem euacuabat fidem de ipsâ reuelatione, quòd ea à Deo esset, cum intuitiue ipsam reuelationem lumine gloriæ non agnouerit. Pro priori parte responsionis facit D. Thomas artic. sequ. vbi docet, quod licet ex signo aliquo vt ex suscitatione mortui, conuincatur intellectus videntis, vt agnoscat manifestè dici à Deo, verbi gratia, quod Propheta prænnuntiat, per illud tamen non tolli rationem fidei, quando illud, quod prænnuntiat, in se euidens ei non esset. Similiter infrâ quæst. 171. art. 5. docet, quod Propheta certissimè nouerat à Deo reuelari, quæ prophetabantur; nec tamen idcirco ab eis sublatâ fuit ratio fidei.

ARTICVLVS II.

Utrum in demonibus sit fides?

Resp. D. Thomæ est, In demonibus fidem esse quandam coactam ex euidentiâ signorum quæ percipiunt; non autem fidem aliquam voluntariam, ex pio scilicet affectu, & debita reuerentiâ erga diuinam veritatem, qualis in fidelibus reperitur, quæque laudabilis est, & Dei donum. Vnde pater, D. Thomam hic generalius de fide, quam de infusâ & supernaturali loqui. Probatur itaque, quia generaliter dicitur quis credere, qui per intellectum assentitur ijs, quæ neque in seipsis, neque per resolutionem in sua prima principia in se visa intuetur: sed vel per voluntatis imperium inducit & captiuat intellectum, vel per quædam extrinseca ad assentiendum quasi compellitur: atqui illud posterius habet locum in demonibus. Hinc Apostolus Iacob cap. 2. dicit: *Et demones credunt & contremiscunt*; perferunt enim Dei potentiam in vindicandis ipsorum peccatis, & alia multa inditia manifesta percipiunt, ex quibus non tantum diuinam omnipotentiam agnoscunt; sed etiam, vt habet D. Tho. cognoscunt doctrinam Ecclesiæ à Deo esse, quamuis res ipsas; quas docet Ecclesia, vt in se sunt, non videant. Eiusmodi autem inditia quæ tantâ euidentiâ sese ingerunt eorum menti, vt non possint ea negare, sunt miracula, prophetiæ, salus credentium, incredulorum damnatio, victoria, qua ipsi à fidelibus superantur, nec contra eos præualere possunt.

Sed hic quaeritur, Utrum in demonibus supersit fides infusa: quod similiter de hominibus damnatis inquiri potest. Durandus in 3. dist. 23. quæst. 9. existimat in hominibus damnatis, qui fidē habuerint, manere fidem infusam: In demonibus verò, quia eos ante confirmationem negat fidem habuisse, conformiter dicit, fidem non superesse, mansuram tamen fuisse, si in viâ habuissent.

Sed contrarium omnino tenendum est, scilicet neque in damnatis hominibus, neque in demonibus fidem infusam superesse. Ita cõmuniter DD. tenent, & probatur primò, quia iuxta Apostol. ad Heb. 11. *Est fides sperandarum substantiarum rerum*, id est, fundamentum aut substantia speratarum rerum in animis fidelium; vt dictū est, atqui damnati nihil possunt amplius sperare. Secundò, fides est fundamentum iustitiæ,

fitia, & veluti semen eius: vnde in peccatore relinquitur, vt iustitiam possit recuperare, sed damnati nullo modo ad iustitiam redire possunt: quorsum igitur in illis semen illud relinquitur, Tertio per fidem sunt fideles membra Christi insita Corpori eius, quod est Ecclesia: vt supra diximus: damnati verò, neque actu, neque potentia sunt de Corpore Christi, sed sunt palmites planè aridi, abscissi, & missi in ignem. Quarto, fides est ambulantium in via, & tendentium ad speciem: iuxta illud Apostoli 2. ad Cor. 5. *Per fidem enim ambulamus*, &c. sed damnati sunt in ultimo termino viae suae, non tantum intrinseco, sed etiam extrinseco. Denique fides pendet à piâ affectione voluntatis erga summam veritatem; atqui damnati gerunt voluntatem maximè contrariam diuinæ auctoritati, adeo vt nisi suo malo nimis conuincerentur, libenter & Deum, & omnia, quæ Deus testatur esse negarent: nulla igitur fides infusa eis attribuenda est; sed rectè de illis intelligitur illud Proverb. 13. *Lucerna Impiorum extinguetur.*

11 Sed cõtra obijcit: Iacobi 2. c. hominū peccatorum fides comparatur fidei dæmonum, & D. August. istorum sæpe vocat fidē dæmonum: vt tract. 6. & 22. in Ioan. lib. 1. de Baptismo contra Donatistas cap. 9. & alibi; atqui in peccatoribus est fides infusa & supernaturalis; ergo hæc quoque reperitur in damnatis. Et cõfirmatur, quia fides non habet contrarium à quo corrumpatur; ergo &c.

Respondetur: Peccatorum fides comparatur quidem fidei dæmonum, non autem dicitur esse eadem: comparatur autem in eo, quod vtrique suo modo credant Deum esse; sed vtrorumque credulitas sit inutilis, si fideles ea quæ credunt, non satagant quoque bonis operibus adimplere: arida enim fides sine bonis studijs nihil prodest. Neque aliud tendit comparatio D. Iacobi, vt ex textu euadit manifestum: neque etiam Augustini dicta aliud significant.

12 Differunt verò fides peccatorum & fides dæmonum in multis: Primò, quod fides dæmonum non sit ex liberâ & piâ voluntatis subiectione ad Deum & eius veritatem, sicuti antea diximus: quod & docet Chrys. hom. 37. in Euangelia; & contra autem fidelium peccatorum fides adhuc sit liberâ, & ex voluntaria subiectione intellectus ad primam veritatem: Secundò, quod dæmonum fides tantummodo oriatur ex euidentia signorum, aut experientia malorum, quæ euadere nequeunt: non autem ex aliquâ captiuatione intellectus ad diuinam reuelationem obscure factam, sicut fides peccatorum: deni-

que quod illa sit naturalis quædam credulitas; hæc autem sit supernaturalis, Deique donum.

Ad Confirmationem autem respondetur, fidem non destrui à contrario, sed per subtractionem diuini influxus, quæ fit in primo instanti damnationis: sicuti gratia perit, dum homo mortaliter peccat: hoc ipso enim quo sunt in ultimo termino, nõ debent amplius habere eam virtutem, quã ad terminum tenditur. Accedit quod damnati mox concipiant voluntatem, qua illis sit exofa diuina auctoritas, & reuelatio, & mysteria reuelata: quæ voluntas repugnantiam quandam infert cum fide, per modum saltem dispositionis: vnde meritò fides eis tunc auferitur, sicuti Matth. 23. mandatur tolli talentum à seruo inutili, quando proijciendus erat in tenebras exteriores. Neque obstat quod Magister & alij nonnulli sic loquantur, vt dicant damnatos fidem habere informem, quia nomen fidei informis generatim accipiunt pro quauis credulitate de Deo, cuiusque mysterijs separatâ à charitate: quomodo etiam hic de fide diximus loqui D. Tho. quia etiam eodem sensu quæst. 18. art. 3. ad 2. dicit, in damnatis esse fidem informem, non tamen spem, quia scilicet secundum nullam speculationem qualitercumque aut quomodocumque latè acceptam, quidquam boni sperant, quemadmodum tamen alia quid veri credunt.

Obijcit Secundò: Vermis conscientie videtur in damnatis præsupponere fidem: cruciabuntur enim de carentia visionis diuinæ, de quâ nihil nouerunt nisi per fidem; ergo &c.

Respondetur Neg. Assump. si de fide infusa sit sermo: neque enim necesse est, vt de carentia beatitudinis crucientur, quasi eam fidē diuinā credant, sed satis est, quod alio modo, & in genere cognoscant magnam esse gloriam & felicitatem beatorum: quomodo autem illud cognoscant, tractari solet à Doctoribus circa finem Quarti sententiarū, & apud D. Tho. in fine Supplementi.

Obijcit præterea Durandus: Si fides non remaneat, non fore distinctionem in inferno inter fideles & infideles.

Respondetur Primò, non videri magnum incõueniens, etsi admittatur distinctionem non esse, nisi in pœnis & pœnarum acerbitate: de quibus satis constabit: Quod enim est incommòdum, si in loco, ubi nullus est ordo, sed sempiternus horror inhabitat, admittamus istam distinctionem non obseruari.

Respondetur Secundò, præter fidem infusam reperiri in fidelibus etiam fidem acqui-

acquistâ, & hanc posse dici remanere, quâ fideles ab infidelibus distinguantur. Quidam autem distinctionem istorum referunt ad characterem, & quidem rectè, quoad eos qui fuerint baptizati: sed ab eo non potest sumi distinctio vniuersalis, quia multi fideles veteris Testamenti, haud dubiè damnati quoque fuerunt, in quibus character locum non habet.

- 16 Quæret aliquis, cum character baptismi in damnatis remaneat, cur non etiam fides remanere admittatur?

Respondetur: illa duo non eiusdem esse rationis, nam character tantum est signum distinctionum, saltem ex principali sua ratione: vnde ad confusionem eorum, qui castra sua deseruerunt relinqui potest: fides verò est principium operatum & virtus ad operandum ea quæ salutis sunt, ordinata: vnde in inferno deberet perpetuò esse otiosa, sine fructu, & frustra: quare nulla subest ratio, cur diuinâ hanc virtutem in damnatis Deus conseruaret. Quare cum illis agitur sicut cum milite ignauo si auferantur ei arma, & ad confusionem cogatur gestare cingulum militare.

- 17 Quæritur Secundo: Vtrum illi, qui sunt in purgatorio vel in cælo, fidem habeant? Respondetur primò, certum est eos qui sunt in purgatorio fidem habere: peregrinantur enim adhuc à Domino, quatenus necdum admissi sunt ad speciem, siue vt videant Deum facie ad faciem: quamuis enim non sint propriè viatores, eò quòd merendo aut demerendo progredi, aut retrogredi ulterius non valeant, nondum tamen sunt intromissi intra portas patriæ, & regionis locis: sed adhuc foris stant, sicut qui peruenierunt ad portas ciuitatis ad quam tendebant, sed foris stant expectantes intromissionem. Cognoscunt igitur diuinâ mysteria adhuc per speculum in ænigmate, ex quâ cognitione Deum laudant, & ad spem, dilectionem, ac patientiam sese excitant.

- 18 Respondetur Secundo: Certum etiam est, in beatis non esse actum fidei: constare id potest ex dictis suprâ qu. 1. art. 5. & colligitur ex Apostolo 1. ad Corinth. 13. Videmus, inquit, nunc per speculum in ænigmate: tunc autem facie ad faciem: nunc cognosco ex parte: tunc autem cognosciam sicut & cognitus sum. Quibus satis declarat fidem, quâ hic diuinâ mysteria cognoscimus, desitutam tunc, & aliâ lōgè perfectiorē cognitionē successurâ. Similiter 2. ad Cor. 5. dicit, quod hic per fidem ambulemus: quando autem præsentem erimus ad Dominum, quod tunc non per fidem; sed per speciem videmus: rursum dicit 1. Cor. 13. Cum venerit quod perfectum est, euacuabitur quod ex parte est. Quo

significat imperfectiorem illam fidei cognitionem in patria tollendam.

Respondetur Tertio: Omnino quoque certum apparet, etiam habitum fidei non remansurum in beatis. Ita tere sentiunt Theologi omnes: & colligitur ex verbis Apostoli allegatis, *Cum venerit quod perfectum est*, &c. indicant enim ista, statum patriæ esse talem, vt possulet quod habitualis etiam cognitio illa imperfectior, omnino auferatur: nam habitus potissimum pertinet ad ipsum statum. Huc etiam facit illa definitio fidei, quâ dicitur substantia sperandarum rerum: quod autem videt quis, quid sperat? Et ratio est, quia cū status ille propter visionis claritatē penitus excludat actum fidei, nulla videtur ratio, cur ibi habitus conseruetur, qui non datur nisi propter actum: Itaque hoc ipso quo lumen gloriæ infunditur, definit habitus fidei per subtractionem diuini influxus, quo conseruabatur: definit, inquam, tanquam in posterum frustraneus & minus conueniens perfectioni illius status: quod tamen intellige de habitu fidei quâ parte est in intellectu: nam loquendo de habitu, quem dicimus simul requiri in voluntate, cum non includat imperfectionem illi statui incongruam, non apparet ratio, quare hic negetur remanere, ac etiam officium suum modo quodam exercere, quatenus beati ita sunt voluntate affecti, vt omnino vellent diuinâ mysteria firmiter credere ob diuinam auctoritatem, etsi illa clarè non viderent. Aduertendum quoque est, infer habitum fidei & lumen gloriæ non esse repugnantiam physicam, qualis inter qualitates contrarias: vtrumque enim est virtus quædam intellectus, perficiens ipsum infallibiliter respectu veritatis: neque absolute & physice repugnat, quod idem obscure cognitum sit per vnum lumen, quod est clarum per alterum. Hinc D. Tho. infrâ quæst. 17 q. art. 5. dicit, Paulum retinuisse habitum fidei in raptu illo, quo ex D. Thomæ sententiâ, vidit diuinam essentiam.

Sed contra dicta obijci potest, quod Tertull. lib. de Patientia: & Irenæus lib. 2. cap. 47. referant illud nunc, quando Apostolus dicit, *Nunc autem manent fides, spes, charitas*, ad statum patriæ, ibique velint eam tria reperiri.

Respondetur in primis, nō nisi violentè & contra mentem Apostoli posse illud nunc referri aliò, quàm ad vitam præsentem, vt ex ipso contextu satis liquet. Addo secundò, posse duo considerari, tum in fide, tum in spe, in fide certitudinem obiecti & obsecritatem; in spe autem amorem rei speratæ & eius absentiam. Quando itaque isti Authores volunt in patria etiam remanere fidem

Fidem & spem, intelligendi sunt id eo sensu dicere quia secundum aliquid, fides scilicet secundum certitudinem, & spes secundum amorem, quamvis iam ex alijs principijs, quàm istis habitibus, remanent.

ARTICVLVS III.

Utrum, qui discredet vnum fidei articulum, possit habere fidem informem de alyis articulis?

21 **C**ONCLUSIO D. Thomæ est, Quicumque cum pertinacia discredet vnum articulum fidei, non habet quodque actum nec habitum virtutis fidei circa alios articulos. Est communis Theologorum, Caiet. Aragonij, Bannesij, Malden hic: Suarez De triplici virtute Theolog. disp. 7. sect. 4. Scoti in 3. d. 23. qu. 1. ad 1. ibidem Gabrielis q. vnica ar. 5. Capreoli dist. 24. ad argumenta contra 3. conclus. & aliorum contra Durandum, qui in 3. dist. 23. qu. 9. non improbable esse existimat, manere habitum fidei in hæretico, qui circa aliqua particularia credibilia errat, & consequenter eum credere fide infusâ reliquos articulos, in quibus non errat. Sed à multis hæc opinio Durandi, tum erroris, tum temeritatis non immerito arguitur.

Probat enim Conclusio, inprimis ex Scripturis: Ad Galatas capite 5. *Euangelium esset à Christo, qui in lege iustificamini.* Hic Apostolus à Christo & eius fide pronuntiat vacuos illos; qui in hoc puncto pertinaciter errabant, docentes vel iudicantes circumcisionem & legalium observationem esse necessariam ad iusticiam & salutem; ergo vult fidem Christi simpliciter concidere, quando quis pertinaciter vnum articulum discredet, aut ab eo recedit.

Confirmatur ex ijs quæ infra subiungit: *Persuasio* (inquit) *non est ex eo, qui vocat vos: Medicum fermentum totam massam corrumpit, id est, error iste vnus, qui potest dici modicus, totam fidei massam, siue virtutem & habitum corrumpit & perdit; Huc etiam facit quod Apostolus 1. ad Timothei c. 1. dicit, Hæreticos naufragos circa fidem: quo indicat fidem in illis disruptam & contractam, atque adeo perditioni obnoxiam: sicuti naus istorum dissoluta est aut periit, qui naufragij passi dicuntur. Ad Titum c. 3. de hæretico dicitur, *Quid subuersus est*, id est, euulsus radicibus, sic vt fundamento non inhæreat. 1. Ioannis c. 2. dicitur, *Ex nobis prodierunt*, id est, abierunt*

à nobis, vt ex adiunctis patet; non igitur in hæretico manet fides: neque fidem habere dicendi sunt: quod etiam clarissè docet D. August. Enchiridij cap. 5. dum sic scribit; Si enim diligenter quæ ad Christum pertinent, cogitentur, nomine tenus inuenitur Christus apud quoslibet hæreticos, qui se Christianos vocari volunt: re verò ipsa non est apud illos: nullo igitur modo dicendum est, quod hæretici retineant habitum fidei Christianæ infusæ.

Probat Secundo ex Concil. Trident. Sess. 6. cap. 15. Afferendum est (inquit) non modo infidelitate, per quam & ipsa fides amittitur &c. hic Concil. affirmat simpliciter infidelitate fidem amitti; vbi per infidelitatem intelligit quemcumque infidelitatis actum: per fidem autem, ipsum habitum seu fidei virtutem: quod sic ostenditur, quia comparisonem facit inter infidelitatem, & quodcumque aliud peccatum mortale ex vna parte: & inter fidem & iustificationis gratiam ex alterâ: docet enim quod non tantum infidelitate amittatur iustificationis gratia; sed etiam quocumque alio peccato mortali: quod manifestè constat dici & intelligi de actu infidelitatis quocumque, qui ad peccatum mortale pertingit, & de gratiâ habituali iustificationis: ergo similiter, quando interfertur, quod illa infidelitate, etiam ipsa fides amittatur, sermo est de quocumque infidelitatis actu, scilicet pertinace & perfecto, & de ipsâ fide habituali: & per consequens Concil. vult eum amittere fidei habitum, qui pertinaciter discredet vnum articulum, sicuti docet habitum iustitiæ amitti per quodcumque peccatum mortale.

Probat Tertiò ratione D. Thomæ: quæ sic potest formari: quia cuiuslibet habitus species intercidit & perit, quando non inhæretur formali eius rationi obiectivæ: atqui formalis ratio fidei est veritas prima obscurè reuelans; ergo quando desinit quis illi inhære, amittit speciem habitus fidei, scilicet infusæ seu supernaturalis: atqui quicumque pertinaciter discredet vnum articulum, non inhæret amplius isti veritati, neque ab illâ afficitur, aut mouetur ad credendum: ergo &c.

Subsumptum hoc probatur: quia veritas prima reuelans omnibus fidei articulis æqualiter suo modo existit communicata, & eos testatur: ergo qui vni ex illis discredet, sic vt in eius fidem non velit intellectum captiuare, conuincitur non moueri ad credendum ob formalem istam rationem; & per consequens, neque alios articulos ob illius respectum vel auctoritatem

tatem recipere & credere: nam si v. g. hæreticus Calvinista crederet Deum esse trinum in personis, quia Deus dixit, etiam crederet Corpus Christi esse in Eucharistia, quia & illud dixit: quare omnino videtur resoluti eorum credulitas in humanâ & proprij cerebri persuasionem, quâ persuadent sibi hoc magis, quàm illud à Deo reuelatum: persuadent autem ita sibi, quia sic eligunt. Vnde ab eligendo hæresis dicta est.

- 25 Sed contra obijcitur Primò: Quamuis Veritas prima obscure reuelans eodem modo se habeat à parte rei ad omnes fidei articulos, non tamen eodem modo omnibus apparet applicata, & ideo videtur quod quis saluâ reuerentiâ erga Veritatem primam, & stante eius auctoritate ac motione, tam circa affectum, quàm intellectû hominis, possit credere aliquos fidei articulos, & aliquos non; ergo &c.

Confirmatur: Quia quædam reuelata, siue quidam fidei articuli euidenter & clare in Scripturis sanctis exprimuntur, de quibus constat quod sint verbum Dei, & quidam non ita.

- 16 Respondetur Primò: Quemadmodum prima Veritas eodem modo à parte rei se habet ad omnia reuelata, ita quoque proponitur & apparet eius applicatio ad omnia eodem modo, hæcenus quod omnia reuelata debeant eo modo tanquam reuelata proponi, vt tali propositione cuiusvis articuli sic factâ per quodcumque mediû, nemo prudenter possit iudicare vnum à Deo esse reuelatum, & alterum non: Et quidem iuxta ordinariam & communem legem, fides est ex auditu, auditus per verbum Christi, quod ab ijs annuntiatur, qui ad hoc missi sunt, vt docet Apostolus ad Rom. 10.

- 27 Quandoquidem ergo ab illis, quos dedit Deus populo suo siue Ecclesiæ Prophetas, Apostolos, Pastores & Doctores ad Consummationem Sanctorum, in opus ministerij, in ædificatione Corporis Christi, vt loquitur Apost. ad Ephes. non aliqui tantû fidei articuli traditur, vt à Deo edocui, & alij non sed vniformiter omnes tradantur tanquam qui à Deo sunt inspirati & accepti: & quibus modis & vijs constat ab illis hos esse traditos, iisdem modis & vijs constet, aut constare possit etiam reliquos ab illis esse traditos & acceptos, planè confirmatur neminem posse prudenter iudicare aut credere potius istos, quàm hos à Deo inspiratos ac reuelatos; aut iudicare istis vt talibus potius assentiendum esse quàm his.

- 28 Ad Confirmationem itaque responderetur nihil referre, etsi in Scripturis sacris

aliqui fidei articuli clarius & expressius positi inueniantur, quàm alij quidam: quia à quibus fidei Magistris audiuius & didicimus Scripturas Sanctas à Deo esse reuelatas seu inspiratas, & esse Dei verbum, ab iisdem audiuius & accepimus etiam articulos alios in Scripturis forsitan minus clare expressos, pariter quoque à Deo reuelatos & ad eius pertinere doctrinam. Quibus igitur fundamentis ob eorum testimonium, recepimus Scripturas Sanctas tanquam Dei verbum, iisdem quoque oportet nos recipere omnia reliqua, quæ ab illis proponuntur, & traduntur tanquam Christi doctrina & Dei verbum: sicuti Thessalonicenses quando Paulû audiebant, acceperunt ab illo non vnâ partem doctrinæ eius, & alteram non: sed totam eius prædicationem acceperunt, vt verbum Dei.

Qui verò aliter faciunt, non ob diuinam authoritatē sub quâ omnia ab iisdem præconibus proponuntur, sed ob particularia motiua, & secundû proprium sensum credere his potius, quàm alijs proinde conuincuntur. Cuius rei satis manifesta apparent exempla; nam qui tales sunt etiam inter illa quæ æqualiter, siue æquè manifestè in Scripturis (quas Dei verbum se credere iactant) continentur, reijciunt quædam; & alia quæ palato illorum sapiunt admittunt & recipiunt; prout in exemplo iam ante allegato de mysterio Trinitatis, & Sacramento Eucharistiæ satis declaratur. Neque hoc tantum, sed etiam ipsos Scripturæ libros qui minus eis sapiunt, audient à Dei Verbo secludere, & reijcere. Quare nec Scripturis, nec diuinæ auctoritati, sed tantum suo sensui adherere & credere dicendi sunt.

Quod docet August. lib. 17. contra Faustum cap. 3. Qui in Euangelio (inquit) quod vultis, creditis, quod vultis non creditis, vobis potius, quàm Euangelio creditis: & lib. 32. cap. 19. Videtis vos id agere, inquit, vt omnis de medio auferatur Scripturarum authoritas, & suus cuiusq; animus, author sit, quod in quâque Scriptura probet aut improbet, vt non sese auctoritati Scripturarum ad fidem, sed sibi Scripturas ipse subijciat. Et hinc fit, vt qui à fundamento fidei semel recessit, & in hæresim aliquam lapsus fuerit, nusquam firmiter dudum subsistat: sed semper variâ & molesta animi inquietudine agitur in diuersos prolābatur errores. Quod pulchre expressit Vincentius Lyrenensis in suo communitorio. Heu miseranda conditio, inquit, quantis illi turbarum ætibus, quantis turbidinis agitantur: nunc enim qua ventus impulerit, fluctus resistentur:

dantur: nunc temeraria præsumptione, & ea quæ incerta videntur, approbantur; nunc irrationali motu, etiâ quæ certa sunt, expauescunt: Incerti quâ cant, quâ redeant, quid appetant, quid fugiant, quid teneant, quid dimittant, &c.

Obijcitur Secundò: Potest quis habere veram scientiam de aliquibus passionibus subiecti alicuius, & errare circa alias; ergo potest quis credere aliquos articulos, & errare circa reliquos. Resp. N. C. & ratio patet ex dictis: quia multum discriminis hîc intercedit, quia in diuersarum conclusionum scientijs contingit diuersa esse media; quorum potest quis vnum cognoscere, & non alterum; in fide autem, omnium articulorum vnum est medium, sicuti explicatum est.

Obijcitur Tertio, fidem habituale seruo quâ homini credo, etsi in aliquo ei nō credam; ergo &c. Resp. N. C. & diuersitatis ratio est: quia hominis autoritas non semper sola per se est sufficiens, & totale mediū credendi quæ affirmat; sed admittit secum alia argumenta in subsidium, quæ ex varietate materię, contingit esse varia: vnde fit quod in eiusmodi fide humanā medium quasi totale sit aliud & aliud, saltem secundū aliquas sui partes: sed autoritas diuina semper per se, etiâ sola est sufficiens & totale medium credendi fide diuinā, quæ præualeat etiam contra omnia argumenta in quacumque materia contra eius assertionem occurrentia; quod rursus nō competit authoritati hominis.

Obijcitur Quarto: Hæretici illā facilitate credunt reliquos articulos, quos retinent, quā prius eos credebant; ergo in illis remanet fidei habitus. Confirmatur, quia affirmant se credere propter diuinā authoritatē, & non ob aliā causam; ergo &c. Respondetur, non ex eo quod facile & firmiter credant, consequens est eos fide diuinā credere, quia etiâ errores suos facile & firmiter tenēt ac credunt, & sepe multo firmitus aut pertinacius, quā veros articulos. Vnde firmitas illa non est signum sufficiens, aut demonstratiuū fidei supernaturalis: potest enim prouenire ex irrationabili animi obstinatione, firmitas autem fidei debet prouenire ex prudenti iudicio & rationabili voluntate, quod in eis locum non habet. Vnde verum quoque non est, quod eadē firmitate inhaereant, quā prius: est enim firmitas alia, longē alterius rationis.

Ad Confirmationē respondetur, negando eos credere ob diuinā authoritatem, quando cuius id inculcet; sed eis adherent ob propriū sensum & voluntariā electionē, vt ex dictis potest colligi: ideo enim in-

ter plura sufficienter proposita, vt prudenter possint ac debeant iudicari esse à Deo reuelata; hęc dā accēptāt tanquā reuelata, & credūt, quia videtur illis in talibus nihil repugnans, aut inconueniens; quia verò de alijs aliter humana ratione sentiunt, ideo hæc reijciunt.

Obijcitur Quintò: Obiectum fidei, sicut propositū sub attestazione primæ Veritatis, non necessitat intellectum ad credendū, sed debet accedere voluntas, quæ ex debita reuerentiā erga primā veritatē imperet intellectui, vt assentiatur: idq; voluntas liberē facit; ergo potest quis assentiri vni articulo propter diuinā attestatiōē & dissentire alteri, nō obstantē etiā pari propositione; idq; pro libertate ipsius voluntatis.

R. N. C. Quia etsi habitus fidei tam qui est ex parte voluntatis, quā qui est ex parte intellectus relinquat plenā libertatē quoad exercitiū actus: & simul quoad specificationem hætenus quod quis possit simpliciter dissentire articulis fidei, non tamē admittit quod ex ipso inhaereatur vni, & simul dissentiat alteri sufficienter proposito: vt ex ante dictis licet intelligere.

Obijcitur Sextò: sicuti homo obedit diuinæ veritati in credendo, ita obedit diuinæ authoritati in seruandis mandatis legis; sed potest quis præuaricari vnū mandatu, & seruare alia; ergo potest etiâ discredere vnum articulum, & seruare fidem circa reliquos: Respondetur distinguendo subsumptum, si intelligatur, quod possit quis præuaricari vnum præceptū, & seruare reliqua ex habito debite submissionis mētis sub Deo cuiusq; authoritate, siue ex respectu & reuerentiā debitis diuinæ authoritati; itaquam proprio motiuo istius obseruationis, sic negatur; quin ecōtra certissimū sit, quādo quis in vno contemnit, aut mortaliter negligit authoritatē Dei mādantis, eū tunc amittere habitū debite obediētis, siue institutionis ad Deū (sicuti dicimus fidei amitti, quādo quis in vno articulo est incredulus) siue habitus ille subiectionis ponatur aliquis generalis simplex, siue cōpositus ex alijs; qualis nomine iustitiae, quā iustificamur, solet intelligi, qui ex habito charitatis & alijs virtutibus supernaturalibus ei cōnexis constat. Et hinc est quod D. Iacob. cap. 2. dixit, eum qui in vno offendit, factum esse omnium reum. Si verò intelligatur subsumptum, quod qui vnum præceptū præuaricatur, possit quocumque modo, ex diuersis & particularibus motiuis seruare alia, sic quidē verum erit; sed hoc nihil ad rem facit, quia ita quoque, qui vnum articulum discredidit, potest generali modo ex alijs particularibus motiuis credere aliquos.

Obijcitur

36 Obijecitur vltimò: fieri potest, vt Theologus quispiam in hæresim incidat, atqui iste non amittet habitum Theologicū, qui tamen ex fide pendet; ergo neque fidem.

Respondetur Neg. talem non amissurum verum habitum scientiæ Theologicæ, eo quod essentialiter ex fide, tanquam suo proprio principio pendeat, retinebit tamen aliquid simile habitui Theologico, sicuti etiam retinet aliquid simile fidei infusæ, scilicet fidem acquisitam & humanam. Quemadmodum enim res & articulos fidei dupliciter tenemus, scilicet fide diuinâ, ac etiam quadam humana acquisita, ita etiam conclusiones, quas ex illis deducimus, duplici habitu tenemus.

37 His deniq; addo, quod dato etiam illo, quod qui vnum articulum discredit, possit adhuc suo modo ob diuinam auctoritatem moueri vt adhæreat quibusdam alijs credulitate quâdam, vt quidē videntur velle: proindeq; ratio D. Tho. nō foret in rigore efficacissima, non tamen ideo recedendum esset à cōclusionē, quæ auctoritatibus Scripturæ & Conc. Trid. sufficienter stabilita & probata existit. Et saltem hoc negari nō potest, quin ratio D. Tho. vti est explicata, satis ostendat peccatū illud discredentiæ vnus articuli debite propositi; habere peculiarem quandam disconuenientiam cum fide, sic vt infusissimâ ratione & quasi morali necessitate submoueatur habitus fidei propter demeritū illius peccati, quamuis propter demeritū aliorū peccatorum, tamen etiam graviora essent, Deus pro suâ benignitate eū nō submoueat, ne definaat conferuari. Cæterū credulitas, etsi admittatur ex motiuo diuinæ auctoritatis nasci, tamen nō erit nisi humana & naturalis, sicuti aliquando in peccatoribus oritur quidam affectus dilectionis Dei naturalis ex consideratione bonitatis diuinæ vt relucet in temporalibus beneficijs: non enim nitiatur auctoritati diuinæ diuinitus aut supernaturaliter eis applicatæ seu vt sic reuelatæ sed prout ipsi eam apprehendunt, & sibi pro suâ voluntate applicant, vt potest ex dictis satis intelligi: neque à principio supernaturali mouente præcedit.

ARTICVLVS IV.

Vtrum fides possit esse maior in vno quam in alio?

38 **C**ONCLUSIO Prima: Certissimum est, fidem in vno esse maiorem quàm in alio. Pater ex Scripturis, Matth. 8. *Non inueni tantam fidem in Israël:* cap. 14. *Modica fidei quare dubitasti:* & cap. 15. *O mulier, magna est fides tua;* ergo &c.

39 **C**ONCLUSIO Secunda: Fides non est maior aut minor ex parte obiecti formalis. Ita D. Tho. hic: Et patet, quia formalis ratio est veritas prima reuelans, quæ vna est & simplex, æqualiter se habens ad omnes fidei articulos.

40 **C**ONCLUSIO Tertia: Fides aliquando maior est in vno, quam in altero ratione obiecti materialis, secundum maiorem fidei explicationem, quatenus scilicet in vno ad plura credibilia explicitè se extendit, quam in altero, Ita quoq; D. Tho. & constat ex dictis q. 2. art. 5. & sequentibus.

41 **C**ONCLUSIO Quarta: Secundum participationem subiecti potest fides ex duplici capite esse maior in vno, quam in alio, scilicet ex parte voluntatis, & ex parte intellectus. Ita etiam D. Tho. Declaratur: ex parte intellectus quidem propter maiorem certitudinem & firmitatem (inquit) quæ ex eo hic nascuntur, quod intellectus vnus maiori lumine consequatur credibilia, quam alterius, prout hanc certitudinem explicat D. Tho. suprà q. 4. art. 4. ex parte voluntatis autem, propter maiorem promptitudinem, seu deuotionem, quæ augentur & fouentur plurimum per charitatem. Hinc rectè Hugo à S. Victore lib. 1. de Sacrament. part. 10. cap. 4. docet, fidem crescere, vel secundum cognitionem, vel secundum affectū: & distinguit quatuor genera fidelium, quosdam enim dicit, fidem magnam cognitione habere, affectu parum: alios affectu magnam, cognitione parum: Alios cognitione & affectū magnam: alios denique cognitione & affectu parum: addit tamen, ex affectus magnitudine in Euangelio fidem esse commendatam.

42 **C**ONCLUSIO Quinta: Sicuti contingit in vno esse fidem maiorem, quàm in alio, ita etiam fieri potest, quod in eodem sit ab initio fides minor, & postmodum maior. Patet ex illa Apostolorū Oratione apud D. Lucam cap. 17. *Adauge nobis fidem;* quam imitatur Ecclesia, quando in Collectâ quâdam sic præcatur, Deus da nobis fidei, spei, & charitatis augmentum: & ex cap. 1. 2. ad Tess. *Supercreuit fides vestra, & abundat charitas vniuscuiusque vestram in inuicem:* & 2. ad Cor. 10. *Spem habentes crescenti fidei vestra.*

43 Obseruandum vero est, etsi fides in eodem crescat, non posse tamen habitum fidei vicissim intensiue minui aut remitti, quia habitus infusus sine diminutione à Deo conseruantur, nisi contingat eos omnino amitti: sicut latius ostenderetur infra de Charitate, Cōringit nihilominus operationem fidei fieri remissiozem, quod amissâ charitate frequentius consequi solet.

QVÆST.

QVÆSTIO VI. VII. VIII. IX.

QVÆ D. Tho. quatuor istis quæstionibus pertractat, de Causâ scilicet fidei, eiusque Effectibus, ac de subsequentibus donis, Intellectus nimirum, & Scientiæ, quasi fidei proprietatibus, possunt tum ex ijs quæ hic autem qu. 4. art. 5. tum ex ijs quæ alibi diximus, præsertim in 1. 2. in Tract. de Gratiâ, & de Iustificacione, tum ex ipsâ D. Tho. lectione, satis intelligi: quare istis prætermissis ad sequentia progrediemur.

QVÆSTIO X.

De Infidelitate in Genere.

In duodecim Articulos diuisa.

ARTICVLVS I.

Vtrum Infidelitas sit peccatum?

RESPONSIO D. Tho. est: Infidelitas purè negatiua, sicut in illis qui nihil audierunt de fide, non habet rationem peccati, sed magis pœnæ: Infidelitas verò secundum contrarietatem ad fidem, qua scilicet quis repugnat auditui fidei, vel etiam illam contemnit, quæ perfectam infidelitatis rationem sortitur, est peccatum. Prior pars est certa. Est etenim hæc propositio: Infidelitas purè negatiua in eis quibus Christus non est prædicatus, peccatum est, reprobata à duobus Pontificibus. Et probari potest ex Scripturis, *Si non venissem, & loquutus fuissim eum, peccatū non haberent*, Ioan. 14. ad quæ verba D. August. tract. 90. in Ioan. Hoc est peccatū, inquit, quo in eum loquentem & operantem non crediderunt: ubi etiam, sicuti & in Tract. 89. dicit, Eos quibus nō est loquutus Christus nec per se, nec per prædicatores, habere excusationē de peccato, quo in Christum non crediderunt. Peccatum itaq; infidelitatis non habent, qui prædicationem nō audierunt: quod etiā indicat Apostolus ad Rom. 10. dum scribit, *Quomodo credent ei quem non audierunt? Quomodo autē audient sine predicante?* Hinc D. Aug. 1. 3. de lib. Arbit. cap. 19. Non deputatur, inquit, tibi ad culpam quod inuitus ignoras: & Epistola 105. docet ignorantiam in ijs, qui intelligere noluerunt, sine dubio peccatū esse, in ijs qui non potuerunt, pœnā esse peccati.

2 Vbi notandū, excusari illos, qui nō potuerunt, quales non sunt, qui de Christianæ doctrinæ prædicatione, puritate eius, & sanctitate audierunt, quamuis nondum sufficiēter eis fuerit proposita aut explicata,

si, si neglexerint viterius inquirere, & curare se instrui, dū eis hoc in potestate fuit.

Notandum Secundō, quod rectè monet D. Tho. etiam illos qui negatiuā infidelitate laborant, damnandos, non quidem propter speciale peccatum infidelitatis, quod dicimus eos non habere, sed propter alia sua peccata, à quibus sine fide liberari non possunt.

Probat pars posterior ex illo Ioan. 15. *Nunc autem excusationem non habent de peccato suo*, scilicet illi, qui Christi prædicationem audiunt & non credunt, Marci ult. *Qui non crediderit, condemnabitur*. Ad Heb. 3. *Quibus autem iurauit non introire in requiem ipsius: nisi illi qui increduli fuerunt*: Matth. 10. ubi Christus Apostolos designat & mittit ad prædicandum regnum Dei, dicitur, *Et quicumque non receperit vos, nec audierit sermones vestros: exeuntes foras de domo vel ciuitate, excutite puluerē de pedibus vestris*. Amen dico vobis, tolerabilius erit terra Sodomorum & Gomorrazorum in die iudicii, quam illi ciuitati: & Luc. 10. Dico vobis quia Sodomis in die illa remissus erit, quam illi ciuitati. *Va tibi Chorozaïm, va tibi Bethsaida: & infra: Qui vos audit, me audit: & qui vos spernit, me spernit, &c.* Ex quibus liquet, graue esse peccatum infidelitatis, quæ est secundum contrarietatem ad fidem, quā quis, vel adheret contrarijs erroribus, aut fidem non vult suscipere.

Sed contra priorem partem obijciunt Scriptura docet, iram & vindictam effundendam in eos, qui Deum non nouerunt: Ps. 78. *Effunde irā in gentes quæ te non nouerūt: & 2. ad Tess. c. 1. In flamma ignis dantis vindictam ijs qui non nouerunt Deū*. Apparet igitur, quod etiā ignorantia, siue infidelitas purè negatiua, sit peccatum & quidem graue, cui fiant tantæ comminationes.

Respondetur Primò, gentibus quæ Deū non nouerunt, haud dubiè referuari irā & vindictā, quamuis non propter infidelitatem,

S ij tem,

tem, casu quo nihil de fide audierint, tamē propter alia peccata, à quibus sine notitiā & fide veri Dei liberari non possunt.

Respondetur Secundò: Scripturas allegatas potissimum loqui de gentibus, quæ noluerunt Deum cognoscere, cum aliquin occasiones eum cognoscendi non defuerint: vel etiam satis cognouerunt, sed noluerunt illum ut Deum glorificare & gratias agere: Vnde obscuratum est cor eorū, & accidit, ut scribit de illis Apostolus ad Rom. 1. quod, *Euanuerunt in cogitationibus suis*, &c. Et mutauerunt gloriam incorruptibili Dei, in similitudinem imaginis corruptibili hominū, voluerunt, quadrupedum, &c. quorum infidelitas grauissimum fuit peccatū: sed purē negatiua non fuit. Quod autem de talibus loquantur Scripturæ, patet ex adiunctis: addit enim Pfaltes: *Et in regnā* (scilicet effunde iram tuam) *quæ nomen tuum non inuocauerunt: quia comederunt Iacob & locum eius desolauerunt*: qui enim filijs Israël tam erant vicini, satis audiebant & intelligere poterant fidem & verum cultum vniū Dei. Apostolus quoque ad verba citata adiungit, *Et non obediunt Euangelio*. Loquitur itaque de illis, qui Deum non nouerunt, quia Euangelij prædicationem recipere noluerunt.

Obijciunt Secundò: absentia fidei v. g. in infante, vel etiam in adultis qui nihil de fide audierunt, est ipsis voluntaria, taliter sicuti priuatio iustitiæ originalis, scilicet voluntate primi parentis; atqui priuatio iustitiæ originalis est peccatū, nimirum originis; ergo etiā ista carentia fidei.

Respondetur: non hic queri, utrū ista carentia fidei sit quædam pars peccati originalis, sicuti fides erat quædam pars originalis iustitiæ: & quidem etiam nunc ita ad iustitiam pertinens, ut sine illius infusione recuperari nequeat debita mentis subiectio ad Deum, & status amicitie cum illo: sed an infidelitas, siue ipsum non credere talium hominum sit eis peccatum nouum & personale? & illud est, quod hic D. Tho. negat: & quod Pontifices reprobant. Quod ad alterum attinet, certum est, non debere in homine vno constitui aut admitti plura peccata originalia, sed vnum tantum, quod dicit priuationem omnium habituum, præsertim qui superiorē hominis partē Deo subiiciebant: qui omnes per modū vniū formæ & perfectæ reditus hominis considerantur, vnde & priuatio per modum vniū sese habet.

ARTICVLVS II.

Utrum infidelitas est in intellectu, sicut in subiecto?

CONCLUSIO D. Thomæ est: Infidelitas, sicut & fides, est in intellectu tanquam in proximo subiecto; in voluntate autem sicut in principio motiui sue imperante. Constat satis ex dictis. Hoc dumtaxat notandum est, loqui D. Thomā de infidelitate secundum contrarietatem ad fidem, quā scilicet dissentitur fidei, aut ipsā cōteinnitur: quod ex eius deductione satis etiā patet; non de purā negatiua: quia licet hæc negatio, siue absentia fidei sit quoque suo modo in intellectu, non est tamen in voluntate ut principio motiui, quia neque directè, neque interpretatiuē est volita: alioquin culpa non careret. Ex quibus & hoc intelligitur, quod formale peccatum seu culpa infidelitatis sit proximè & intrinsecē in ipsā voluntate, à quā infidelitas quæ est in intellectu, denominatur peccatū, sicuti actus externi dicuntur boni vel mali ab interno actu voluntatis, prout latius explicatur in 1. 2. qu. 74.

ARTICVLVS III.

Utrum infidelitas sit maximum Peccatorum?

Responso D. Tho. est: Infidelitas est peccatum maius omnibus quæ opponuntur virtutibus moralibus: siue ut loquitur D. Tho. quæ contingunt in peruersitate nrorum: non autem omnibus quæ contra alias virtutes Theologicas committuntur. Prior pars colligitur ex Scripturis, quæ valde exaggerant peccatum infidelitatis. Ioannis cap. 8. dicit Christus Iudeis incredulis: *In peccato vestro moriemini*, Ioannis 16. ille (scilicet Spiritus Sanctus) *arguet mundum de peccato*, quod peccatū exponens Dominus addit, *De peccato quidem quia non credunt in me*. Vnde rectè August. docet, per peccatum, quando seorsim ponitur, neque de quo peccato sit sermo, exprimitur, intelligi quasi per Anthoniam peccatum infidelitatis. Vide lib. 3. contra duas epistolas Pelagianorum cap. 3. Ad Ephes. 2. filios dissidentie, siue incredulos vocat Apostolus simpliciter filios diaboli. Huc etiam faciunt alia Scripturæ loca art. 1. adducta ex c. 10. Mat. ex c. 10. Lucæ & 15. Ioannis.

Probatur Secundò ratione D. Thomæ: quia longius & directius per peccatū infidelitatis receditur à Deo, quā per quodlibet aliud peccatū, quod cōtra virtutes morales cōmittitur: quia ipsum principiū & viam accedendi ad Deum directè infidelis respuit, & ab illis se auertit: non ita alij peccatores, qui, contra bonos mores peccant; ergo directius & longius remouet & auertit.

& auertit illud peccatū hominem à Deo, quam hæc alia: vnde & hoc accedit, quod tollat omne mediū consequendi etiā aliorum peccatorum remissionem. *Impossibile enim est sine fide placere Deo: & dicit Christus: Si non crederitis quia ego sum, moriemini in peccato vestro: & Ioan. 3. Qui incredulus est filio, non videbit vitam.*

9 Obseruandum verò D. Thomam loqui, & eius conclusionem sic intelligendam, scilicet de grauitate peccatorum, quantū est ex genere ipsorum non autem negandum est, quin contingere possit ex circumstantijs ex vna parte alleuiantibus, & ex altera parte aggrauantibus, quod quædam alia peccata, præsertim in hominibus fidelibus, essent grauiora, quàm ipsa infidelitas: v. g. in gentili, qui quidem non omnino inuincibiliter fidem ignorat, sed tamen non habuerit nisi valde remotas occasiones discendi & apprehendendi fidē, possunt esse alia grauiora infidelitate eius.

Obseruandum Secundò, quod nōnet D. Thomas in responsione ad 3. Omnia scilicet cætera peccata, vt furta, adulteria, homicidia, & similia in homine fidei reliquis paribus esse grauiora, quàm in infideli, tum propter maiorem notitiam veritatis, quam ex fide habet, tum propter Sacramenta Christianæ religionis, quæ precepit, quibus irreuerentiam magnam peccando irrogat.

ARTICVLVS IV.

Utrum omnis actio infidelium sit peccatum?

CONCLUSIO D. Thomæ est negativa. Quia verò in Prima Secundæ solet hæc difficultas disputari, idō hic eam præmittendo progredimur ad sequentiā.

ARTICVLVS V.

Utrum sint plures infidelitatis species?

10 POnit D. Tho. tres infidelitatis species, quæ sunt Paganismus, Iudaismus, & Hæresis. Colligit autē eas ex diuersis modis, quibus contingit aliquem fidei reniti: potest itaq; eius discursus hoc modo formari. Quicumque pertinaciter negat aliquid ad fidem pertinens, is vel expressè profiteretur Christianā religionem, vel eam abnuitt & omnino reiicit: si expressè religionem Christianam profiteatur, iam eius incredulitas circa fidei articulum quem

negat, erit hæresis; si vero Christianam religionem expressè non profiteatur, imò expressè reiiciat, vel erit talis, vt saltem in signo & figuris eam teneat; vel erit talis, vt ne in signo vel figuris quidem: si priori modo se habeat, iam eius infidelitas erit Iudaismus, qui consistit in renisu contra fidem in signis & figuris susceptam: si posteriori modo, tunc erit Paganismus, qui consistit in renisu contra fidem nunquam & nullo modo susceptam.

Ex his colligere licet primò, ante Christi aduentum & veritatem angelicam manifestatam, & adimpletam, non fuisse nisi duas infidelitatis species, scilicet paganismum, & hæresim: nam Iudaismus pro illo tempore vera erat fides: hæresis autem tunc erat eorum; qui religionem Iudaicam profitebantur, sed in aliquibus punctis, seu articulis ab ea recedebant, vt fuit secta Saducæorum.

Colligitur Secundò, omnem infidelitatem necessariò sub vno, ex tribus membris illis contineri, quia in contradictione consistunt.

Sed contra obijcitur primò, Idololatraz videntur aliam habuisse infidelitatem, & aliam Philosophi, qui ductum ac dictamen rationis sequebantur; nec Idola credebant esse Deos; ergò &c.

Respondetur, etsi inter gentiles, alij habuerint plures errores, aut absurdiores opiniones circa mores, quàm alij quidam, tamen omnes conuenisse in hoc, quòd totam fidem reuelatam reiiciant; neque aliquid se credere propter diuinam reuelationem profiteantur: vnde tam Philosophi isti, quam Idololatraz ad primum membrum pertinere dignoscuntur: differentia autem, quæ inter illos existit, est tantum quasi materialis, quatenus circa plures veritates errant hi magis, quàm illi.

Obijcitur Secundò, Turcæ non negant omnia reuelata; sed multa videntur admittere, vt Christi Matrem esse Virginem; Deum esse conditorē cæli & terræ, futurum iudicium. Similiter admittunt multa ex religione Iudaicā; non ergo sunt Paganism, neque etiam sunt hæretici, vel Iudæi; ergo debent esse plures species.

Respondetur, Religio Turcarum est mixta; sed tamen quæ verè ad Paganismum pertinet, quia Mahometani suæ Turcæ fidem Christi ita reiiciunt, vt eam neque expressè, neq; in figurā velint profiteri, & quamvis dogmata quædam recipiant, quæ nos tenemus, non tamen ideo recipiunt, quia dogmata Christiana sunt, aut à Christo tradita, vel à Deo reuelata; sed quia Mahometus ea docuit & approbavit.

15 **QVÆRIT** aliquis, an dictæ tres infidelitates differant specie proprie dictæ? Respondetur, Ita quidam sentiunt: Verius tamē videtur, esse tantum diuisionem aliquius magis communis in minus communia restricta modis quibusdam accidentarijs: quatenus enim sunt peccata infidelitatis, siue contra fidem, non videtur nisi vna specie deformitas in eis reperiri, nimirum contemptus diuinæ autoritatis, siue nolle acquiescere Deo reuelanti & testati. Quod verò quis illam fidem, cui renitur saltem in parte, profiteatur explicitè, vel in signo, aut nullo modo, nō ponit diuersitatem essentialē in infidelitate; sed addit tantum circumstantias aliquas aut modos, ratione quorum infidelitas censetur magis aut minus voluntaria, aut magis aut minus extensa ad ampliorem materiam.

16 **QVÆRET** Secundò: Vtrum ad rationem hæresis requiratur, quod quis prius veram fidem Christianam habuerit? Ratio dubitandi potest esse, quia D. Tho. dicit, hæreticum esse qui renitur fidei susceptæ. Vnde quidam eius sectatores ita affirmant, existimantes hæresim in eo consistere, quod recedat quis à fide quā semel tenuit: Quare & hoc addunt, quodcumque Catholicus fidem deserit, etsi ad Iudaismum, vel Paganismum declinet, tamen verè & formaliter cum esse hæreticum.

17 Sed hic loquendi modus non videtur conformis modo loquendi antiquorum, nec etiam nunc recepto: nam hæreticorum filij qui nunquam veram fidem tenuerunt, passim & communiter hæretici dicuntur, & pro talibus iudicantur: & Concilia etiam solent tales vocare hæreticos, vt Arrianos, Paulinianistas, quos ne quidem ritè baptizatos ob defectum formę existimabant. Vnde quando ad Ecclesiā redibant, rursum baptizandi erant. Hinc neque illud satis conformē est recepto loquendi modo, quod hereticus diceretur, qui in totum deserit Christianam professionem declinando ad Iudaismum, vel Paganismum, sed potius Iudæus aut Paganus factus dicitur. Quod itaque D. Tho. dicit hæreticum esse, qui renitur fidei susceptæ, sic accipiendum est, vt idē sit, ac si diceretur; Ille hæreticus est, qui renitur fidei Christianæ quam suscepit, & proficitur: & cui saltem nomine tenus inhæret: prout D. Augustinus Enchiridij cap. 5. dicit hæreticos fidem Christianam tenere, vt supra retulimus.

18 **QVÆRET** Tertiò: An hæreses specie differat? Ratio dubitandi inde potest oriri, quia si quis incidisset in hæresim Arrianā, v. g. non videretur satisfasere dicendo in

cōfessione, se incidisse in aliquā hæresim, sed deberet ipsam hæresim exprimere.

Respondetur tamen cum Caiet. hæreses esse eiusdem speciei, si speciemus malitiam infidelitatis: omnes enim articuli æquē firmiter sunt credendi, cum æquē participant diuinam autoritatem, sub quā omnes ponuntur. Hoc interim verum est, quibusdam hæresibus ratione materiæ, quam negant, coniunctam esse peculiarem quandam blasphemiam, vel contra diuinam naturam, vel contra personas: vt v. g. contra diuinitatem Filij, aut Spiritus Sancti, & inde contingere, opus esse aliquando, vt hæresis in particulari exprimat in confessione, quando quis respicit.

ARTICVLVS VI.

Utrum infidelitas Gentilium seu Paganorum sit categoris grauior?

19 **R**espondet D. Thomas cum distinctione ad hunc ferē modum: Si consideretur infidelitas ex parte renisus, quatenus fidei scilicet reluctatur, sic hæreticorum infidelitas est omnium grauissima, Deinde Iudæorum; & postremò Paganorum: quia hæretici repugnant fidei magis sibi cognitæ, & cuius professionē faciunt, cuiusque Religionem se recipere dicunt, vnde maiorem inferunt fidei Christianæ iniuriam, quàm Iudæi aut Pagani. Si verò consideretur infidelitas ex magnitudine & multitudine materiæ quæ reijcitur, sic grauissima est Paganismus: Deinde Iudaismus, postremo hæresis: quia Pagani negant omnia diuinitus reuelata: Iudæus autem non omnia, sed ea tantum quæ peculiariter ad fidem Christianam noui Testamenti pertinent: Hæretici autem nec hæc omnia, sed quædam duntaxat, ex illis negant.

20 Notandū autem, ex sententiā D. Th. priorem grauitatem præponderari posteriori, quantum ad culpam: ac propterea hæresim esse pessimam, quia nimirum veritas fidei magis hæreticis innotuit, quàm alijs infidelibus, & diuina autoritas euidētius illis est proposita: quare censetur maior illius esse contemptus, quando nollit acquiescere. Quamuis enim Iudæi & Pagani plures veritates fidei reijciāt, tamē ratione istius contemptus magis voluntarij, & ex quādam perueriatiā profecti qui in hæreticis dominantur, superat hæresis in malitiā reliquas infidelitatis species. Ad quod etiam accedit, ordinariē coniunctā esse

esse hæresi Apostasiam à fide: communiter enim hæretici prius veram fidem tenuerunt: vnde veritatem susceptam semel, & cognitam deseruerunt: Ita vt de illis dicatur 2. Petri 2. *Facta sunt ei posteriora deteriora prioribus: melius erat illi non cognoscere viam iustitiæ, quam post agnitionem, retrorsum conuerſi ab eo quod illis traditum est, sancto mandato.* Quod etiam Apostasie peccatum D. Paulus exaggerat ad Heb. 6. *Impossibile enim est eos (inquit) qui semel sunt illuminati, gustauerunt etiam donum cælestis, & particeps facti sunt Spiritus Sancti, &c. Et prolapſi sunt, rursum renouari ad penitentiam, &c.*

21 Idem etiam docet August. lib. 21. de Ciuit. cap. 25. Peior utique est desertio fidei, inquit, & ex desertore oppugnator fidei effectus, quam ille, qui non deseruit quam nunquã tenuit. Similiter D. Chryſ. hom. 50. ad populum Antiochenum dicit, hæreticũ Ethnicis & infidelibus peiorem esse. Et ita quidem ordinariẽ res sese habet. Si tamen Iudaismo etiam coniuncta foret Apostasia à fide Christi, erit grauior huiusmodi infidelitas ipsã hæresi: & si quis à Christianismo deficiat ad Paganismũ, erit huius infidelitatis omnium grauiſſima. Pariter quoque dicendum erit, si contingat quod omnibus æqualiter fides sit annuntiata & proposita; & quidam remaneant in Paganismo, quidam suscipiant Iudaismũ, & alij amplectantur hæresim: quia quo plura expressẽ negantur quæ ad fidem pertinent, eo cæteris paribus, peccatum infidelitatis est grauius.

ARTICVLVS VII.

Vtrum cum infidelibus sit publice disputandum?

22 **C**ONCLUSIO Prima: Disputatio cum hæreticis ordinariẽ inutilis est, & periculosa: vnde vitanda erit, nisi aliunde periculum sufficiens caueatur, & compensetur. Probari potest primò ex Scripturis: 2. ad Timoth. 2. *Noli contendere verbum (ad nihil enim vtile est) nisi ad subuersionem audientium.* Vbi manifestẽ Apostolus docet periculum & inutilitatem disputationis cum hæreticis. Ad Titum 3. iubet Idem Apostolus, hæreticum hominem deuitari, non post disputationes; sed post vnam aut alteram correptionem. Idem docent antiqui Patres: Irenæus lib. 3. cap. 2. Tertull. lib. de Præscript. cap. 15. Iulianus epistola ad Claudium Ducem. Gelasius Papa in Commemoratorio ad Faustum: & Vincentius Lyrenensis in libello suo contra hæreses.

Probari etiam potest tertio rationibus: Vnam ponit D. August. lib. 13. contra Faustum cap. 12. Non enim disputare amant hæretici, inquit, sed quoquomodo superare impudentissimã perniciaciã, vt congregent quæ non pepererunt. Non itaque veritatis inquirendæ gratiã disputationes mouent, sed vincendi causa, & seducendi corda simplicium Catholicorum, quod indicat August. quando dicit; Vt congregent, quæ non pepererunt. Vnde fit quod, quomocumque veritas remonestretur, nunquã acquiescere velint. Altera ratio sumitur ex Tertul. loco iam citato; quia Scripturam obtendunt, inquit, & hæc suã audaciã statim quoddam mouent: In ipso autem congressu firmos quidem fatigant, infirmos capiunt, medios cum scrupulo dimittunt.

Tertia, quia indignum est cum illis agere de Scripturis, earumque sensu, qui illas solas quas volunt, & quomodo volunt, recipiunt: vti enim ipsi de Ecclesiã scissi sunt, ita vnus capitali sententiam scindunt, vt monet rectẽ Cyp. lib. de Vnitat Ecclesię.

Denique, quia experienciã satis constat, eiusmodi publicas disputationes cum hæreticis vix vnquam felicem habere successum aut fructum: quã de re licet videre Nycephorum lib. 9. Historiæ cap. 12. Driedonem de Sacra Scriptura lib. 2. cap. 3. & Ruardum Oratione 5. quodlibeticã.

C O N C L V S I O Secunda: Non tamen sunt eiusmodi disputationes cũ hæreticis & fidei aduersarijs simpliciter illicitæ: vnde & aliquando loco & tempori possunt consultò à Catholicis suscipi certis concurrentibus ac seruatis conditionibus.

Probat exemplis S. S. ac inprimis Christi Domini, qui cum Phariseis disputauit Ioannis 8. & alibi. Deinde Sancti Stephani Act. cap. 6. & 7. S. Pauli cum Iudæis & Græcis Act. 9. vnde etiam ad Titum cap. 1. inter reliquas qualitates requirit in Episcopo: vt sit potens exhortari, & eos qui contradicunt arguere: D. August. quoque frequentius cum hæreticis disputauit. Similiter in Concilijs sæpe fuerunt longissimæ disputationes cum hæreticis habitæ.

Quod verò ad condiciones requisitas attinet, solent huiusmodi à Doctoribus assignari: Prima, quod adfit quoddam necessitas, aut spes magis fructus notabilis, puta quod aliquo periclitetur causa fidei apud multos pusillos & quasi vacillantes, iam ab hæreticis sollicitatos, nisi quispiam contra insulationes, aut prouocationes hæreticorum suscipiat negotium fidei defendendum: vel quod affulgeat spes reducendi seductos: quæ potest existimari

S iij subesse,

fubeffe, quando magis ex quadam simplicitate aut insufficienti instructione, quam ex malitia vel superbiâ quâ intellectum in fidei obsequium nolunt captivare, à religione recesserint: Equum enim est, quod tum viri ad hoc idonei rationes & fundamenta fidei premant, quam fieri potest clariùs & efficacius, & argumenta aduersariorum resellant, ne indilcreto silentio, ut loquitur D. Gregorius, fidem videantur proderet: quia locum tunc habere videtur, quod scribit Apostolus 2. ad Timoth. 2. *Servum Domini non oportet litigare, &c. Sed cum modestia corripiant eos, qui resistunt veritati.* Propter ipsos tamen contumaces, & præsertim Corintheos, vel Hæresiarchas, qui etiam agnitam veritatem solent esse parati oppugnare, non est operæ pretium, neque consultum, suscipere aliquam disputationem.

26 Secunda Conditió sit, ut huiusmodi disputationes non fiant coram rudióribus, qui nihil de hæresi, & hæreticorum argumentis audiunt, nec ab illis ad hæresim sunt sollicitati, aut in scrupulos missi. Fundamentum huius conditionis peti potest ex secunda ratione primæ conclusionis, quam ex Tertull. adduximus.

27 Tertia est, quod Catholicus nunquam disputare possit, reuocando aliquem fidei articulum apud se in dubiū. Ratio est manifesta; quia qui deliberatè de fidei articulis dubitat, eo ipso efficitur infidelis, ut antè diximus.

28 Quarta, quod disputationem suscipiens debeat esse sufficienter idoneus, & solidè instructus: neque satis hic fuerit, quod parís eruditionis sit cum aduersariis; sed debet esse multo maioris: quia facilius est obijcere, & argumenta mouere, quam plenè & dilucidè soluere, præsertim in materijs fidei, quæ captum rationis naturalis excedunt, & sæpe rationi naturali secundum nostrum intelligendi modum apparent aduersari.

29 Quinta est, quod non possit esse persona Laica quæ disputationem suscipiat, etsi aliquin sufficienter docta esset. Paret ex Capitulo, Quicumque: de Hæreticis in 6. Inhibemus, inquit Canon, ne cuicumque Laicæ personæ liceat publicè, vel priuatim de fide Catholica disputare; qui verò contra fecerit, excommunicationis laqueo innodetur. Vbi malè glossa per personam Laicam vult intelligi virum illitteratum: quare passim à Doctoribus hæc explicatio rejicitur; sed per personam Laicam intelligendum est omnis ille, qui non est Clericus. Neque tantū prohibetur tali disputatione cum hæreticis, sed simpliciter disputatione de fide Catholica.

Excipiunt tamen hic DD. aliquos casus quibus dicunt etiam Laicis esse licitum de fide disputare: ut refert Maldeus ad hunc articulum. Primus ponitur, si disputatione non instituitur ad persuadendum illi cum quo agitur, sed tantum exercitij gratia fiat: ut si quis Laicus propter exercitium conferat quæstiones fidei cum aliquo Doctore: ista enim disputatione est tantum quasi materialis. Sic restringit dictum capitulum Caietanus.

Secundus est, quando occurrente necessitate, aut ipse magnæ utilitatis iuxta primam conditionem supra positam, deesset Clericus qualificatus, & adesset Laicus sufficienter instructus & idoneus, quod tum non censetur huic prohibitum, sed possit pro honore Dei, & salute proximorum suscipere fidei defensionem contra obstrepentes hæreticos: quia, inquit D. D. non semper secundum verba legis agendum est; sed etiam mens & intentio legislatoris inspicienda sunt, qui non censetur hic in tali rerum statu voluisse impedire Laicū ab hoc bono officio præstando.

Tertium casum ponunt; quando in aliquibus locis contraria consuetudine est Lex Ecclesiastica abrogata. Quædamodū videtur esse in multis locis, ubi hæreses multum grassantur & quasi prædominantur, ut hic notat à Valentia. Vnde in talibus prouincijs si aliud nihil obstat, poterit etiam Laicus fidei suæ partes agere, quia res quasi ad statum naturæ rediit, perinde ac si nulla lex posita in contrarium fuisset posita. Quam præscriptionem iuvat ac promouet, quod excommunicatio Canonis non sit lætæ sententiæ, sed à iudice ferenda: sic enim fit quod ex Superiorum dissimulatione facilius consuetudo firmetur. Hæc tamen intelligenda sunt, non de aliquâ disputatione publicâ, quæ ex conditio constituitur: (hoc enim consuetudo non obtinuit) sed de communibus & familiaribus conferentijs & disputationibus, quales fieri solent in vijs, curribus, & in mensis.

31 Sexta & vlt. Conditió est, ut in disputatione cum hæreticis à contentione, conuicijs, iactantijs abstinetur; sed cum omni modestiâ, & charitate agatur, & argumentorum vi ac sententiarum pondere premantur aduersarij, cum quadam accommodatione ad captum auditorum, qui fuerint præsentés. Hanc indicat Apostolus seruandam 2. ad Timoth. 2. 1. ad Cor. 11: & ad Titum. cap. 3. Idem docent Nazianf. Oratione de modestiâ seruandâ in disputatione, & Greg. in Pastoralis parte 2. cap. 4.

ARTIC.

ARTICVLVS VIII.

*Vtrum Infideles compellendi
sint ad fidem?*

32 **C**ONCLUSIO Prima: Infideles qui fidem nunquam susceperunt, etiam subditi Principibus Christianis, non possunt ad fidem compelli, multo minus illi, qui Christianis subditi non sunt. Videtur esse contra Scotum in 4. dist. 4. qu. 9: & Gabr. ibidem qu. 2. dub. 1. Sed conclusio est communis aliorum: D. Thomæ hic: Richard. in 4. dist. 6. art. 3: Halensis part. 4. qu. 18. membro 1: Bonauent. in 4. dist. 4. art. 2. qu. 1: Durandi & Palud. eadem dist. Fr. à Victoria relectione 5: à Castro lib. 2. de Hæreticorū reuisione c. 14: à Soto in 4. dist. 5. art. 1. Malderi hic & aliorū.

33 Et Probatur Primò ex Scripturis: Matt. 10: & Lucæ 10. Mittens Christus Apostolos ad prædicandum Euangelium præscripsit formam, quæ uti deberent, quæ ab omni violentiâ & coactione longè abest: iubet enim, ut primò pacem omnibus apprehenderent: Secundò, ut prædicent illis regnum Dei: Tertiò, ut curent infirmos, & alias virtutes adhibeant ad fidem persuadendū: Quartò, ut non ferant pecuniam, neque baculum, quibus terrorem possent incutere. Quintò, iubet ut sint veluti oves in medio luporum: prudentes quidem sicut serpentes, sed simplices sicut columbæ: Sextò, si recepti non fuerint, iubet illos exire, & non se vindicare; sed quidem excutere puluerem de pedibus in testimonium illis, & sic Deo vindictam relinquere. Hinc Lucæ 9. Cum Samaritani noluisse Dominum recipere, & Ioannes & Iacobus vellent eos punire, & facere ignem de cælo descendere super illos, reprehensi sunt à Domino, Nescitis, inquit, cuius spiritus estis: filius hominis non venit animas perdere, sed saluare. Marc. ult. quando Apostoli mittuntur, ut prædicent omnibus Euangelium, non alius relinquitur eis terror adhibendus, quàm quòd qui non crediderit, condemnabitur; ergò &c. & Apostolus 1. ad Cor. 5. aperte significat se potestatem non habere in infideles, Quid mihi (inquit) de his qui foris sunt indicare? nomen de his qui intus sunt vos indicat. Nam eos qui foris sunt, Deus indicabit.

34 Probatur Secundò ex Concil. Tol. 4. cap. 55. vbi Sancta Synodus præcipit, nemini deinceps ad credendum esse vim inferendam: Cui enim, inquit, vult Deus miseretur, & quem vult indurat: non inuiti sed volentes saluandi sunt, ut integra sit

forma iustitiæ: quod etiam refertur Capitulo de Iudæis dist. 45.

35 Probatur Tertiò ex Patribus: D. Amb. lib. 7. in Lucam ad illa verba: *Dedi vobis potestatem*, &c. Eos, inquit, misit ad seminandam fidem, qui non cogere, sed docerent, nec vim potestatis exercerent, sed doctrinam humilitatis attollerent: Aug. epistola 48. ad Vincentium: Serm. 6. de verbis Domini, & lib. 2. contra epistolam Gaudentij cap. 17. idem docet. Vbi etiam illud Luc. 14. *Compelle intrare*, dicit, non intelligendum de gentibus quæ fidem non susceperunt, sed de Hæreticis & de Schismaticis, qui fidem aliquando sunt professi: consentit & Chrysostomus hom. 34. in Matth.

36 Sed opponet aliquis: D. Greg. hom. 36. intelligit locum illum Lucæ citatum de Iudæis & gentibus esse dictum.

Respondetur, verum quidem id esse: sed Gregor. per compulsionem non eam intelligit, quæ minis & tormentis corporalibus sit, sed quæ suasionem ac prædicationem oportunitis, importunitis, miraculis & alijs virtutibus sit: Sicuti Luc. 24. Discipuli euntes in Emaus dicuntur coegisse Dominum, ut cum illis remaneret. Vnde idē Greg. lib. 2. epist. 52. scribit: Egregius Prædicator dicit: Argue, obsecra, increpa cum omni patientia & doctrina: noua autem & inaudita est ista prædicatione, quæ verberibus exigit fidem.

37 Sed iterum. Opponet aliquis: Concil. Tol. supra citatum mandat, nemini deinceps ad credendum vim esse inferendam, ut ex eo allegatum fuit: ergo videtur prius licuisse, & tantummodo Ecclesiæ constitutione esse prohibitum. Confirmatur, quia ibidem landat zelum religiosissimæ Principis Sisebuthi, qui Iudæos sibi subiectos ad fidem & baptismum compulisset, quæ prius non susceperant.

Respondetur Neg. Consequ. quia Concil. dicit, quod nemini deinceps liceat &c. non quòd prius licuerit, sed quia Princeps ille Sisebuthus de facto iam prius compulerat, quod Concil. improbat, & declarat in posterum nullo modo faciendum. Ad Confirmationem respondetur, Concil. quidem commendare ac laudare seruorem & zelum istius Principis, quem habebat ad Catholicam & Christianam religionem promouendam: nihilominus quia vsus erat zelo isto non secundum scientiam, idcirco reprehendere factum illius, & statuere vel potius declarare deinceps non sic esse cum infidelibus agendum, quantumcumque Principes Christiani bonum zelum habeant.

38 Obseruandum tamen est, posse Principes Chri-

pes Christianos cohibere infideles suos subditos ab Idololatriâ externâ, & à blasphemijs contra Deum vel Christianâ religionem: non autem posse compescere alios externos extra regnū suum ab Idololatriâ, & multo minus posse illis propter Idololatriam bellum inferre: vt contra à Castro rectè docet hic Mald. cū Molina de Iustitia & Iure Tract. 2. disp. 106. si tamen in suis sacrificijs innocentes occiderent ac immolarent, tū posse pro eorū defensione à Christianis Principibus bellum suscipi, si aliter à nece innocentum abstinere nollent.

39 Ratio autem Conclusionis assignari potest, quia cum fides & religio Christiana sit omnino supernaturalis ac diuina, non conueniebat quod homines inuiti ad eam compellerentur, qui suâ voluntate nunquā eius Sacramenta suscepissent, vel eam esset professi; sed magis, vt suauiter prædicatione, quæ fiat in ostensione spiritus & virtutis, sicut fuit Apost. 1. ad Cor. 2. alliceretur ad spontaneè religionem amplectendā, quæ nisi ex animo teneatur & colatur, nihil prodest. Hinc quamuis potuisset Christus Ecclesiæ dare potestatem infideles etiam vi & armis compelli ad religionem suam, tamen ita noluit: vnde & ipse doctrinam suam mundo prædicaturus, non venit cum externâ potentia & viribus, sed summā mansuetudine & humilitate, voluitque omnem terrorem humanum à persuasionē doctrinæ suæ multum abesse.

40 CONCLUSIO Secunda: Infideles compelli possunt ad fidei prædicationem in suis locis admittendam, & si eam impediunt, possunt etiam armis cogi, vt ab impedimento cessent. Est D. Thomæ hoc loco; & communis aliorum. Probatur primò, quia Ecclesia ius & potestatem habet prædicandi Euangelium vbique terrarum. Patet Matth. vlt. *Docete omnes gentes: & Marc. vlt. Prædicate Euangelium omni creaturæ.* Nō possunt igitur Principes infideles hoc Ecclesiæ ius impedire, quod illi diuinitus est concessum, imò præceptum, vt vbique prædicent, non obstantibus legibus vel edictis infidelium in contrarium. Quando ergo de facto impediunt, iniuriam faciunt Ecclesiæ, eiusque prædicatoribus, à quā iniuriā vt cessent, possunt proinde compelli nō secus, quā vt ab alijs iniurijs in bonis corporalibus, aut temporalibus Reipublicæ Christianæ inferendis supersedeant, ac cessent.

41 Sed obseruandum hic est, ius & potestatem hanc prædicandi Euangelium, non conuenire omnibus, sed solum legitimis & ordinarijs Ecclesiæ Pastoribus, ac illis qui à Pastoribus legitimè missi sunt, iuxta il-

lud Apostoli ad Rom. 10. *Quomodo prædicabunt nisi mittantur?* Vnde patet neminem in Ecclesiā prædicare posse, nisi à legitima potestate fuerit missus: quæ quidem potestas à Christo primitus concessa est Petro & Apostolis: ac deinde Romano Pontifici successori Petri, & Episcopis; sed tamen hi, quia limitatam habent iurisdictionem, non possunt mittere extra suam Diocesim, nisi ex concessione Rom. Pontificis, cuius est mittere in vniuersum orbem, & ad omnes infideles: Petro enim peculiariter, eiusque successoribus dictum est à Christo, *Duc in altum.*

Vnde ad illum ex officio pertinet cura 42 propagandi Ecclesiā, & infideles conuertendi ad fidem, ac proinde mittendi prædicatores per vniuersum mundum: Et quamuis posset Christus extraordinariè aliquem mittere per se, sicut olim misit Prophetas, tamen id nunquam fecit in nouo Testamento, sed omnes voluit ab ordinarijs Pastoribus Ecclesiæ ad munus prædicandi Euangelium mitti, & destinari, quo pacto omnes qui post Apostolos, gentes ad fidem vocarunt, missi fuerunt: vt ex historijs Ecclesiasticis sufficienter cōstat.

43 Quæret aliquis: vtrū eiusmodi infideles possunt etiā cogi, vt prædicationi Euangelij interfint, prædicatores audiāt? Respondetur: generaliter omnes cogi non posse: docet tamē Bannesius hic: dub. 4. concl. 4. eos qui Principi Christiano sunt subiecti, posse ab eo compelli, vt semel salte Euangelium audiant, quod rationi satis videtur consentaneum; quia illa auditio nullū potest dici eis inferre grauamen, & è contra potest eis causare maximum bonum, & æternam salutem. Quare nec à ratione videtur alienum, quod etiam aliquoties certis in anno temporibus cogerentur Cōcioni Christianæ interesse, sub pœnis salutem moderatis. Quando autem essent alterius nationis, & ex gratiā Principum Christianorum admissi ad ibi habitandum, tum nihil obstat quo minùs possent tales etiam sub pœna exilij, vel potius dimissionis ex Prouinciā, vrgeri ad Christianas Conciones aliquando audiendas, prout quidam Christiani Principes aliquando cum Iudæis, in suis terris commemorantibus, egerunt. Sic quoque licet imponere iusta aliqua tributa talibus, sub quibus admittuntur, & facere spem remissionis alicuius, si ad Conciones Catholicas accedant, & magis, si fidem suscipiant. Sic Paulus III. & alij Pontifices Iudæos ad fidem prouocarunt, quæ vel ideo iusta & licita sunt, quia ne alijs sint scandalo, possent ex regno dimitti, vel certis Prouinciæ terminis constringi.

CONCLV.

44 **CONCLUSIO** Tertia: Possunt hæretici & omnes Apostatæ, qui fidem Christi aliquando susceperunt & professi sunt, & postmodum ad Hæresim aut Iudaismum aut Paganismum declinarunt, ad Catholicam fidem compelli pœnis etiam corporalibus: Est D. Thomæ hic & omnino certa. Diuus quidem August. aliquando fuit in aliâ opinione, sed postmodum mutauit: vt patet ex epistola 48. l. 2. contra epistolas Petilianæ c. 92. & alijs eius libris contra Donatistas, in quibus ex professo varijs locis nostram conclusionem docet.

45 Probatur autem Primò: Quia Canones & Concilia ad fidei Christianæ obseruantiam decernunt cogendos etiam illos, qui metu aut necessitate ad actum baptismi susceperunt, & qui in infantia baptizati sunt, licet nunquam actu proprio fidem Catholicam sint professi; ergo multo magis omnes alij fidei desertores, ad eam compelli poterunt. De his videre licet Capitulum Contra Christianos, de Hæreticis, in 6. Capitulum Maiores, de Baptismo: Capitulum, de Iudæis: dist. 45. desumptum ex Conc. Toletano, quod tractans de Iudæis ad baptismum coactis per Sysebutum Regem decernit hunc in modum: Oportet vt fidem etiam, quam vi vel necessitate susceperunt, tenere cogantur, ne nomen Domini blasphemetur, & fides quam susceperunt, contemptibilis habeatur. Denique Conc. Trid. Sess. 7. Can. 14. sic definit: Si quis dixerit huiusmodi paruulos baptizatos cum adoleuerint, interrogandos esse, an ratum habere velint quod Patris eorum nomine, dum baptizarentur, polliciti sunt: & vbi se nolle responderint, suo esse arbitrio relinquendos, nec aliâ interim pœnâ ad Christianam fidem cogendos, nisi vt ab Eucharistia, aliorumq; Sacramentorum perceptione arceantur donec recipiscant: Anathema sit; ergo &c.

46 Probatur Tertio ratione, quia per fidei professionem ac susceptionem baptismi incorporati sunt Ecclesiæ, ac se obligarunt ad religionem Catholicam obseruandam: ergo possunt à superioribus suis compelli, vt obligationi sue satisfaciât, & si eam non seruent, puniri. Confirmatur primò: quia rationi consentaneum est, vt Magistratus Reip. habeat potestatem subditos suos continendi in illa vnitare, in quâ semel ritè se obligarunt: nam eiusmodi mutatione, ac diuisione seu schismate perturbatur plurimum status Ecclesiæ, & cuiuscumq; Reip. Confirmari Secundò potest ex illo ad Rom. cap. 13. Si malum feceris, time: non enim sine causa gladium portat: Dei enim minister est, vindex in iram ei qui male agit: possunt igitur etiam pœnis & vindictis coerceri

fideles, ne ad hæresim, aut aliam infidelitatem dilabantur: neque enim minus inter malefactores sunt reputandi, quàm olim Iudæi qui ad Idololatriam deficiebant, vel Pseudoprophetæ, aut Blasphemi: qui in antiquâ lege omnes iussi fuerunt occidi: quandoquidem non minus isti quam hi, omnia sacra conuitijs proscindant, & prophænant.

47 Sed contra obijci potest primò: Fides debet esse libera; ergo nunquam potest quis ad fidem compelli, etsi prius aliquando eam susceperit. Confirmatur, quia inde grauissima incommoda videntur sequi: qui enim compulsi religionem Catholicam colunt, raro interius verè sunt conuersi: vnde Sacramentis etiam iniuriam faciunt, indignè ea participando. Accedit frequentius maioris odium internum contra religionem, ad quam quis vi compellitur, maiorque ab eâ animi alienatio & auersio. Hinc Ioan. 6. vbi quidam discipuli à Christo recedebant, non legitur quòd eos ad manendum secum compulerit.

Respondetur: Debet fides esse libera antequam quis eam acceptauit, aut professus sit, ac priusquàm Ecclesiæ sit incorporatus: verum postquàm semel fidem quispia suscepit non debet ulterius esse libera: sed quisq; ad seruandum ad quod se obligauit, vt diximus, compelli potest merito ac iure: vt patet in alijs pluribus, quæ antequam suscipiantur libera sunt, vt in religione, in votis, in militiâ, in matrimonio, quæ tamè postquàm suscepta sunt, seruari debent: nec libera relinquuntur potestas ab illis recedendi.

48 Ad primam confirmationem respondetur, etsi ex eiusmodi compulsionem aliquando sequantur incommoda aliqua, tamè ex libertate opposita sequutura multo plura; atq; adeo Ecclesiæ statum futurum instansissimum, ac maximè perturbandum, si cuiuslibet foret ista libertas: vnde æquum non est quod propter quorundam malitiâ, Ecclesia, & Catholici Principes à iure suo discedant, & minis ac terroribus subditos suos in vnitare fidei & religionis non contineant, & Hæreticos ac Apostatas pœnis condignis non puniant: præsertim quia huiusmodi disciplinæ seuerioris exercitio & multi conseruantur in fide sanâ, qui alioqui proniores ex se ad eos, quorum sermo sicut cancer serpit, audiendos, fortassis inficerentur; & multi lapsi quoque seridè redeunt, & conuertuntur, vt docet August. diuersis locis contra Donatistas, & probat experientia.

49 Ad secundam confirmationem respondetur, noluisse tunc Dominum rti coactiuâ potestate, quia dum Ecclesia noni Testamenti

stamenti primum formaretur, non expediebat fortassis eiusmodi compulsionem uti. Deinde qui recedebant, forsitan nondum erant baptizati: sed sequebantur & audiebant Christum, quemadmodum nunc Cathaecumeni qui adherent & audiunt Ecclesiam, quos nec modo Ecclesia compelleret, aut compellere potest ad fidem, vel baptismum, si priusquam baptizentur ad infidelitatem aliquam declinent, ut probari potest ex Conc. Trid. Sess. 14. cap. 2. ubi dicit: quod Ecclesia in neminem iudicium exercent, qui non prius in ipsam per baptismum ianuam fuerit ingressus. Unde neque adolescens parentibus Christianis natus, sed qui patriam potestatem iam euasit, si Iudaismum aut Paganismum profiteatur, compelli potest ad baptismum, vel Christianam religionem. Ad præcauenda tamen aliorum scandala posset ac fortassis deberet in exilium relegari, aut moderato carcere contineri, vel sic aliqua nota affici, ut alijs tollatur occasio scandali & ruinae.

50 Obijciunt Secundo: Nemini ius acquiritur per iniuriam: ergo si quis coactus baptismum suscipiat, non acquirit Ecclesia iurisdictionem in talem, ac proinde si deficiat, compelli non potest.

Respondetur non semper verum esse, ius nullum acquiri ubi aliqua iniuria intercedit. Unde si quod diuersi contractus per metum, aut dolum extorti teneant, donec saltem rescindantur. Quandoquidem ergo talis verò consenserit in baptismi susceptionem, quamvis metu adactus, fueritque illi baptismus absolute voluntarius, licet secundum quid inuoluntarius, hinc Ecclesie fuit ius in illum acquisitum: quod ipsa dimittere non debet, tum ad fidei unitatem conseruandam, tum etiam quia sanctitas Sacramenti id postulat, ne per infidelitatem polluitur, ut notat Conc. Tolet. 4. cuius verba supra recitauimus.

Obijciunt denique: Hæresis ad mentem pertinet; ergo non est contra illam pugnandum gladio materiali, sed supernaturali.

Respondetur, si hæresis solà mente contineatur, & nullo modo se foras prodatur, tum posse locum habere: sed quando se foras effundit in sui propagationem & in aliorum scandalum, & diuisionem Ecclesiae quæ semper nata sunt sequi ex hæresis externa ostensione aut professione, tunc etiam gladio materiali esse eliminandam. Verum plura dicenda erunt infra quaest. sequenti art. 3.

ARTICVLVS IX.

Utrum cum infidelibus possit Communicari?

Notandum est, duplici de causa posse contingere, quod nobis communicatio cum alijs sit vitanda, scilicet vel ad cautelam nostram, vel in correptionem & poenam aliorum.

Respondetur ex priori capite, non ex posteriori vitandos esse Iudæos, & Paganos: idque ab infirmioribus Christianis, non autem à firmis, quibus ex communicatione cum istis non imminet peruersionis periculum, sicuti infirmis imminere posset.

Respondetur ex posteriori autem capite vitandos esse ab omnibus hæreticos & apostatas: ex utroque autem capite vitandos esse ab infirmioribus. Ita hic D. Thomas: & indicat hæc Apostolus in suis epistolis, ut 2. ad Thessalon. c. 3. *Ne commiscamini cum illo, ut confundatur.* & 1. ad Timoth. 1. *Quos tradidi Sathana ut discant non blasphemare:* & 1. ad Cor. 5. *Nescitis quia modicum fermentum totam massam corrumpit:* unde Cypr. lib. 1. epistola 3. ad Cornelium sic scribit. Declinent fortiter & euitent fratres nostri dilectissimi verba & colloquia eorum, quorum sermo ut cancer serpit, & paulò infra: nulla cum illis commercia, nulla cum illis colloquia miscantur: sitibus ab illis tam separati, quam illi sunt ab Ecclesia profugi. D. Anthonius quoque ut in vita eius refert S. Athanasius sollicitè monebat suos, ut cum omni diligentia vitarent hæreticorum, ac præsertim tunc temporis Arrianorum colloquia & congressum.

Obseruandum, etsi olim aliquando hæretici ex lege positua fuerint ab omnibus vitandi, ut ex multis Capitulis constat, modò tamen eos etiam notorios vitandos non esse quasi per legem positum (nisi sint specialiter à legitimo iudice denuntiati) idque propter moderationem adhibitam per Conc. Constantiense: quam in hoc sensu docet Suarez de Censuris Disp. 9. Sect. 2. vsu & praxi receptam esse accipiendam. Quamvis autem per legem positum modo vitandi non sint, tamen adhuc scienti diximus vitandi sunt, quatenus ius veluti naturale illud requirit: unde in primis propter priorem causam vitandi sunt ab infirmioribus Catholicis, ut diximus: deinde etiam à firmioribus ex capite posteriori, ex præcepto nimirum charitatis, si obseruetur eiusmodi vitacionem cum ipsorum erubescencia, esse necessariam aut fore

fore vtilem ad eorum correctionem & conuersionem: idq; præsertim quando nõ habet quis necessitatẽ cum illis conuersandi.

Notandum Secundo, diuersi esse generis & ordinis ea in quibus homines inter se communicant: posse autem inprimis reuocari ad duo generalia capita, quod scilicet alia spectent ad religionem: alia ad ciuilem aut politicam conuersationem. In ijs autẽ quæ religionis ipsorum sunt, nunquam fidelibus licere cõ infidelibus quibuscumque propriẽ communicare, siue ita eorum sacris interesse, vt horum efficiamur participes, vel censamur ea probare, vt patet ex Apostolo 1. ad Cor. 8. & 10. ac alijs locis: quia sic effemus sacrilegiorum quẽ committunt, simul cum ipsis rei. Similiter neque permittendum esse, vt sacris mysterijs nostræ religionis intersint, quãdo prohiberi possunt, vel vt Sacramenta participet, ne Sancta dẽtur canibus. Hinc & Ordinationorũ est institutus in Ecclesia, vt infideles & indigni repellatũ ab ingressu.

Quas itaque D. Tho. admittit aliquibus communicationes cum infidelibus, accipiendę sunt de communicationibus in rebus ciuilibus; non in rebus religionis, nisi quatenus forsitan instruerentur in doctrinã religionis & fidei nostræ.

Notandum præterea, multos esse casus in quibus per leges posituas prohibita est communicatio cum Iudæis: neque enim licet Christiano cum illis habitare, comedere, balneum intrare; nec eis tanquam medicis vri, aut ab illis medicinam accipere. Non licet quoque eorum filios domi retinere, aut azyms ipsorum vesci, neque villo seruitutis vinculo illis subesse, vt refert Malderus ad hunc articulum ex Capitulo Nullus, & Capitulo Omnes 28. quæst. 1.

Sed hic quæritur, Vtrum Christianis liceat vendere Iudæis, vel gentilibus res illas, quibus solent in cultu suæ infidelitatis abuti? Responderetur cum Syluestro V. Infidelitas, & cum alijs pluribus Doctoribus, inprimis si res sint tales quæ communiter alium vsum non habent, quã vt in sacrilego exercitio infidelitatis adhibeantur: v. g. Idolum, aut vestes sacrificijs duntaxat subseruientes, non licebit eiusmodi res infidelibus vendere: quando autẽ sunt tales quæ communiter habent alium vsum, vt est v. g. agnus, poterunt fideles vendere eiusmodi, si habeant iustam vendendi causam, puta aliquam necessitatem, vel notabilem vtilitatem, quatenus ratio vicius comparandi in talibus rebus vendendis consistit, etiamsi probabiliter existimaret quod infideles rebus istis abuturis sint.

Rationem reddit Syluester: quia meæ Viggers in 2. 2.

necessitati, vel vtilitati consulere possum; etsi video ex malitiã alterius, inde sequuturum aliquod peccatum: modò ego immediate non cooperer illi, quod illicitum est: & in meã actione præscindam ab eo quod aliter malè operaturus est. Quod si verò non haberet fidelis iustam aliquam rationem illis vendendi, non liceret tum vendere: quia moraliter censeretur velle & approbare peccatum ipsorum.

ARTICVLVS X.

Vtrum infideles possint habere Pralationẽ seu Dominium super fideles?

Supponendum hic inprimis, infideles simpliciter esse capaces dominij, tam despotici, quã politici.

Despoticum est, quale dominus habet in mancipium. Politicum est, quale Princeps habet in subditos. Ratio est, quia capacitas huius dominij fundatur in naturã rationali, vt colligitur ex illo Gen. c. 1. *Edicimus hominem ad imaginẽ, &c.* Et *prestit piscibus mari*, &c. ipsum verò dominium fundatur proximẽ in iure gentium: Neutro autem scilicet, neque naturã, neque iure gentium infidelis per infidelitatem priuatur, vt per se constat: neque enim infidelitas tollit intellectum: nec aufert per se quod iure gentium est institutum, aut concessum. His positis sit

CONCLUSIO Prima: Infideles iure diuino non priuantur dominio prius obtento despotico, vel politico, hoc ipso quo ipsorum subditi, vel serui sunt, aut fiunt Christiani. Videretur esse cõtra Hostiensẽ in Capitulum: Quod super his: de voto & voti redemptione, & alios quosdam Canonistas, qui existimant infideles esse incapaces dominij super Christianos. Verũ Conclusio est D. Thomæ hic cum suis Commentatoribus: & Scholast. in 4. dist. 24. & 25. Et docet D. August. in Psal. 125. vbi dicit, Christum non tam ex seruis suos facere liberos, quã ex malis seruis seruos facere bonos.

Constat ex Scripturis Matth. 22. Interrogantibus Iudæis: Vtrum liceat censum dare Cæsari, an non? respondet Christus viso numismate, eiusque imagine, & superscriptione: *Reddite ergo quæ sunt Cæsaris, Cæsari: cũ tamen Iudæi tunc essent fideles, & Cæsar infidelis.* Ad Rõ. 13 *Omni animã sublimioribus potestatibus subdita sit*, &c. ubi euidenter Apostolus docet, Principibus qui tunc Ethnici erãt, à Christianis necessariò esse obtemperandũ: & ad id in conscientia

T obligari;

obligari: quia potestas eorum à Deo est, & ipsi sunt Dei ministri ad laudem bonorum, & vindictam malorum: vt ibidem tradit Apostolus eoque nomine & ipsis tributa esse soluenda, idem indicat ad Colos. cap. 3. & ad Titum cap. 2. D. Petrus 1. suæ epistolæ cap. 2. ita mandat: *Subditi igitur estote omni humane creaturæ propter Deum, siue Regi, quasi præcellentis: siue Ducibus tanquam ab eo missis.*

59 Quod etiam antiqui Patres passim inculcarunt cum ipsa Scriptura: eoque diligentius, ne Principes & Reges infideles contrarium opinantes forent difficiliiores ad prædicationem Euangelij siue suscipiendam, siue admittendam: & ne quoque serui aut subditi sub prætextu Euangelicæ libertatis, in quam vocati erant, forent dominis suis immorigeri, aut rebelles: atque ita, eis essent scandalo, & ponerent fidei prædicationi, eiusque fructui impedimentum. Vnde ab eo specialiter dehortatur loco citato Petrus: *Quasi liberi (inquit) & non quasi velamen habentes malitiæ libertatem: sed sicut serui Dei, &c.*

60 CONCLUSIO Secunda: Quando agitur de aliquo dominatu, vel prælatione conferenda de nouo, tunc nullo modo permitti debet, quod infidelis præficiatur fidelibus, scilicet quantum est ex parte fidelium & Christianorum Principum. Est quoque D. Tho. hic & rationem reddit, quia hoc adferret fidei præiudicium, tum quia periculosum est subditis fidelibus, qui nisi magnæ sint virtutis poterunt ductu vel imperio sui Principis aut domini facile mutari, & iterum ad perfidiam pertrahi, tum etiam, quia illi qui præsumt, solent informari & cognoscere defectus subditorum, vnde & illi, si infideles sint & grauiiores aliquos defectus in Christianis obseruent, patientur scandalum, & in fidei ac religionis contemptum adducuntur: vnde & Apostolus 1. ad Cor. 5. grauius fideles reprehendit, quod iudicio contenderent apud infideles.

61 CONCLUSIO Tertia: Si qui infideles, principibus Christianis subiecti, habeant dominium in aliquem vel aliquos Christianos, possunt eo priuari. Est quoque D. Tho. hic, & Ratio est, quia hoc ordinariè necessarium videtur ad conseruandam integritatem Christianæ religionis, & ad præcauendum eiusdem contemptum ac iniurias, & simul ad conseruandam vnitatem & concordiam in regno aut Rep. Christiana: possunt autem Christiani Principes, & per eos Ecclesia, disporre de rebus ac bonis subditorum, in quantum hoc ad conseruationem fidei & ad tranquillitatem Reip. putatur esse necessarium; ergo &c.

Hinc Imperatores Theodosius & Iustinianus statuerunt, non licere Iudæis, Paganis, aut Hæreticis Christianum & Catholicum seruum habere, quod si habeant, statim effici liberum. Vide legem De nobis Cod. de Episcopis & Clericis, & Legem, Hac valitura Cod. de Iudæis & Cæcicis: idem contra Iudæos statuunt Canonones, vt patet ex Capitulo vlt. de Iudæis, & Capitulo Fraternitatem dist. 54. Neque aliquid difficultatis hic potest esse quo ad hæreticos, qui eiusmodi priuationem, per modum poenæ, promeruerunt per suam Apostasiam, neque etiam quoad Iudæos, qui inter Christianos conuersantes, sunt quasi eorum serui, hætenus saltem, quod non tantum ciuilitè subiecti sint; sed etiam seruilius tributarij. Vnde Capitulo, est Iudæos, de Iudæis & Sarazenis dicitur, quod propriâ culpâ eos perpetuè seruituti subiecerit, nusquam enim habent formatum regnū vel Remp. per se stantem; Hinc itaque, per modum tributū vel onerosæ conditionis, sub qua admittuntur in prouincijs Christianorum, potest ab illis omne dominium, vel iurisdicctio, si quam in aliquos Christianos habeant, auferri.

De Paganis verò, qui in proprijs sedibus sub Principe Christiano habitant, posset res videri obscurior, sed tamen propter rationem in principio adductam, dubium non est, quin ab illis dominium istud auferri posset, quandoquidem & de alijs bonis priuatorum Resp. disponere potest, quando commune bonum id exigit. Prudenter tamen in istis & similibus attendendum est, vt scandala caueantur, ne forsitan dum bonum minus procurare intendimus, grauiora mala tam religionis, quam quietis publicæ, incurramus.

64 CONCLUSIO Quarta: Infideles qui nullo modo subditi sunt Ecclesiæ aut principibus Christianis, quando non subest periculum subuersionis fidei ex ipsorum dominatu, non possunt priuari iurisdictione & dominio quod super fideles habent.

Probat, quia Ecclesia & Christiani Principes directè non habent potestatem in tales, cum non sint eis subditi, vt supponimus, neque etiam indirectè, quandoquidem non subit quoque periculum subuersionis fidei, puta non conantur subditos pertrahere ad infidelitatem aut alia peccata contra religionem, neque eos impediunt ab officijs religionis Christianæ; ergo &c. Confirmatur, quia Principes illi infideles iure gentium legitimam obtinent in hos, qui ad fidem conuertuntur, potestatem & ea non priuantur iure diuino

diuino per istam conuersionem, vt diximus; ergo per Ecclesiam, aut Principes Christianos priuandi quoque non erunt, nisi in Ecclesiam siue religionem Christianam sint iniuri, impediendo eius exercitia, vel aliud periculum cum iusto fundamento ab eis religioni & fidelibus timeatur.

65 Huc accedit, quod circa illos infideles qui Ecclesiæ, aut eius membris seu Principibus temporalibus Christianis non subsunt, hactenus tali autoritate non fuerit Ecclesia vsa: vt etiam notat D. Tho. qui alioquin videtur in hoc inclinari, quod de rigore Ecclesia possit quoque illos domino priuare sepositis scandalis. Quod ex eo capite forsitan sustineri poterit, quia semper meritò videtur timendum, quod Domini infideles qui à fide permanent auersi & alieni, sint molesti & graues futuri fidelibus circa officia religionis, vt fidem eorum subuertant, & ad suas infidelitates retrahant. Hoc interim extra controuersiam est, infideles qui terras & pronicias Christianas occupant, priuari posse omni dominio & iurisdictione supra fideles, inprimis in poenam ratione iniuriæ illatæ, ob quam tribunali Christianorum subiecti sunt: Deinde, in compensationem damnorum quæ intulerunt & ad recuperanda quæ inique possident. Hoc tamen ius directè pertinet ad Principes, à quibus prouinciæ sunt ablatæ: indirectè verò, ad Ecclesiam seu Pontificem.

ARTICVLVS XI.

Vtrum infidelium ritus sint tolerandi?

66 AD questionem hanc resoluendam pro principio & fundamento statuit D. Tho. aliquando quædam mala in humano genere, seu regimine eius esse permittenda aut toleranda, vel ne eueniant maiora mala, vel ne impediuntur maiora bona: quod sic declarat, quia regimen humanum ex diuino deriuatur, illudque imitari debeat: permittit autem Deus, quauis omnipotens & summè bonus, aliqua mala fieri in vniuerso, ne illis impeditis bona maiora tollantur, vel etiam peiora mala sequantur. Hinc deducit & concludit D. Tho. primò, quod licet infideles

in suis ritibus celebrandis peccent, tamen Iudæi in eis tolerentur, & quidem rectè, quia ipsi obseruant ritus suos, in quibus olim præfigurabatur veritas fidei quam tenemus, vnde magnum hoc bonum Ecclesiæ prouenit, quod testimonium fidei habeamus ab aduersariis & hostibus, per quos, quasi in figurâ nobis repræsentatur, quod credimus.

Et probati potest ex D. Greg. lib. 11. epistola 15. vbi vult Iudæis permitti, vt celebrent suas ferias & festiuitates: quod & refertur Capitulo, Qui sincera, dist. 45. D. August. quoque lib. 181. de Ciuit. cap. 46. docet, quod obliuerit Deus Iudæos occidi, sed quæque versum dispergi, prout prædixit Psalmista Psal. 58. vt Ecclesiâ, quæ vbique est, eos prophetiarum quæ de Christo sunt præmissæ, haberet testes in omnibus gentibus: similia habet lib. 4. cap. vlt. & Theodoretus oratione 10. de Prouidentia. Debet tamè adhiberi modus, quando fieri potest, ne forsitan nimis frequenti ac solemnî rituum exercitio patiant scandala, & sint fidelibus offendiculo & in laqueum. Hinc rectè Sedes Apostolica statuit, ne Iudæis liceat plures habere Synagogas in vna ciuitate, aut nouas in pluribus locis edificare, vel eas quæ sunt, extendere & ampliare: vt patet ex Capitulo Iudæi & Capitulo Consuluit Extra de Iudæis.

Concludit D. Thomas secundò, quod Ethnicorum & Hæreticorum ritus non sint tolerandi, utpote in quibus nihil est veritatis vel vtilitatis, quod in bonum Ecclesiæ possit deriuari: nisi tamen contingeret illud fore necessarium, quia alioquin grauiora mala sint obuentura, ad quæ precauenda & subterfugienda, possent etiam isti in suis ritibus tolerari.

ARTICVLVS XII.

Vtrum pueri Iudæorum & aliorum infidelium sint inuitis parentibus baptizandi?

DE hoc articulo, quia in 3. Parte quæ 68. art. 10. ex professo solet difficultas ista examinari & explicari hinc nihil de eâ hic dicendum duximus.

Q V Æ S T I O X I.

De Hæresi.

In quatuor Articulos diuisa.

ARTICVLVS I.

Utrum Hæresis sit infidelitatis species?

QUOD ad nomen Hæresis attinet. Notandum est, illud iuxta antiquos Patres ab electione dictum esse: Ita testatur D. Hier. in cap. 5. ad Gal. Isidorus lib. 8. Ethymologicarum rationum cap. 3. & Tertull. lib. de Præscriptionibus aduersus hæreticos cap. 6. Hæreses, inquit, dictæ Græcâ voce ex interpretatione electionis, quâ quis siue ad instituendas, siue ad suscipiendas eas utitur, & quidem secundû nominis grammaticam significationem vocabulum est generale ad omnem electionem, quâ quis sibi quod lubet, deligit sequendum vel amplectendum, sed ex vñu Scripturæ Ecclesiasticorû appropriatû est electioni, quâ quis suo arbitratu deligit ex ijs, quæ ob diuinam autoritatem credenda sunt, quæ ipse retineat & credat, & quæ rejiciat. Hinc semper propemodum in malam partem capitur apud eiusmodi Scriptores, unde Tertull. loco citato subiungit, De hæretico ideo & sibi damnatum dixit (scilicet Apostolus) quia & in quo damnatur, inquit, sibi eligit. & 1. ad Cor. 11. Oportet hæreses esse: & A. & s. Quæ est hæresis Saduceorum: quo fit, ut D. Paulus non fuerit passus Christianam doctrinam vocari hæresim, cum enim Tertullus Orator quidam, A. & 24. dixisset, Paulum authorem hæreseos Nazarenorum (ut in Græco textu habetur, quamvis interpres noster vertat sectæ Nazarenorum) reiecit illud Paulus in sua responsione ita resumens, *Secundum sectam, quam, inquit, dicunt hæresim, sic deseruio Patri Deo meo*, &c. ubi in primis vocabulû, quod noster interpres hic vertit quoque sectam, & à Paulo admittitur, vel potius assumitur, non est Græcè nomen hæresis, sicuti priori loco; sed aliud, quod viam significat, estque magis accommodum quam latine nomen sectæ, nam & hoc frequenter ponitur in vitio, & pro hæresi capitur. Quia tamen sectæ nomen magis, quam

nomen hæresis extendi solet ad disciplinas, ut secta dicatur quædam certa & ab alijs distincta disciplinæ ratio & via, hinc versio interpretis rejicienda non est, quin & Tertull. & Cypr. illum, ut apparet, summati religionem nostram interdum sectam appellarunt. Opponitur itaque hæresis, iuxta appropriationem dictam accepta, rationi fidei Catholicæ, nam ut scribit Isidorus ex Tertull. Nos nihil ex arbitrio nostro eligere debemus in rebus fidei: Apostolos enim Dei habemus auctores, qui nec ipsi quidquam, quod ex arbitrio suo inducerent, elegerunt, sed acceptam à Christo doctrinâ rationibus fideliter assignarunt. His præmissis de nomine

Conclusio Dni Thomæ est, quod hæresis sit infidelitatis species pertinens ad eos, qui fidem Christi profitentur, sed eius dogmata corrumpunt aut corrupte tenent. Constat satis ex dictis, & amplius ex modo dicendis constabit; hoc tantum obseruandum hic erit, scilicet sicuti nomen fidei accipitur aliquando pro obiecto quod credimus, & aliàs pro actu seu habitu quo credimus, ita & nomen hæresis aliquando capi pro hæretica propositione, aliàs autem pro iudicio erroneo, quo quis tali propositioni adhæret, & iuxta posteriore acceptionem, de eo esse sermonem.

ARTICVLVS II.

Utrum hæresis sit propriè circa ea quæ sunt fidei?

CONCLUSIO D. Thomæ est affirmatiua, rationem addit, quia sermo est de Hæresi, ut importat corruptionem fidei Christianæ: Si quis verò quascumque opiniones falsas, circa disciplinas vel res alias sibi sequendas deligat, præterquam quàm circa ea quæ fidei sunt, non pertinebunt opiniones illæ ad fidei Christianæ corruptionem; ergo &c.

Sed hic disputari solet quænam ad hæresim propriè dictam, prout de illa hic loquimur, requirantur?

Respon-

Respondetur, Inprimis ex parte intellectus requiritur error aliquis, sine quo ipsa consistere non potest, quique versetur circa dogma fidei: Constat ex communi modo loquendi & apprehensione omnium, nemo enim hæresim ponit aut apprehendit nisi in falso dogmate, & quidem non in omni, sed in eo quod circa res fidei versatur.

Requiritur Secundò ex parte suppositi errantis, quod profiteatur Christianismum: nisi enim nominis Christiani professionem retineat, error eius contra dogma fidei, non dicitur hæresis, sed Apostasia. Hinc Siluester verbo, Hæresis primò ad hæreticum requirit, ut adhuc teneat aliquem fidei articulū de humanitate vel diuinitate Christi, & D. Aug. lib. 18. de Ciuit. cap. 15. hæreticos describit eos, qui sub vocabulo Christiano resistunt doctrinæ Christianæ.

Tertiò requirunt DD. omnes antiqui & recentiores pertinaciam, ut error sit hæresis. Et probari potest ex Capitulo Dixit, 24. q. 3. ubi dicitur non esse hæreticos, qui hæreticā quam tenent opinionē, non pertinaciter defendunt. Idem colligi potest ex Clementina vnica de Summā Trinitate ubi dicitur, cum fore censendum hæreticum, qui cum pertinaciā negaret animam rationalem esse formam corporis. Docet idem Aug. epist. 162. Qui sententiam suam, inquit, quamuis falsam, nulla tamen pertinaci animositate defendunt, non sunt inter hæreticos deputandi, & lib. 18. de Ciuit. cap. 51. docet eos fieri hæreticos, qui prauum sectantes, correpti resistunt contumaciter, & nolunt mutare. Videre licet hac de re Capitulum, Qui in Ecclesia: 24. quæst. 3. supra citatis, & Clementinam Ex graui, de vsuris.

Sed contra id quod diximus, primo loco ad hæresim requiri errorem, quædam obijciuntur: primò, quod dubius in fide sit infidelis: ut habetur Capitulo 1. de Hæreticis, & docet D. Hier. in cap. 12. Abacuc; sed qui dubitat, nondum laborat errore, neque enim à scopo aberrat qui iaculum nondum mittit, sed suspendit; ergo potest esse hæresis absque errore.

Respondetur N. C. inprimis quia dubitatio ista, si sit de particularibus materijs fidei, solet præsupponere errorem de generalibus & quasi primis principijs fidei, quo v. g. iudicet Ecclesiæ iudiciū in rebus fidei determinandis ac proponendis non esse certum ac infallibile, atque ita talis dubitans nō est sine omni errore in materiā fidei: Deinde esto quod nō dubitet de primis illis & quasi generalibus articulis, nihilominus dici poterit non esse absque

omni errore intellectus, quia licet circa veritatem obiecti, de quo dubitat, nondū habeat errorem positium, tamen habet errorem de eius certitudine, quia iudicat veritatem eius non esse omnino certam, quæ certa est: definitur autem error ab D. Augustino Enchirid. cap. 17. quod sit, Verum putare quod falsum est, falsumque quod verum est, vel certum habere pro incerto, incertum pro certo. Denique, quia hæresis iuxta communem apprehensionē videtur magis sonare aliquid oppositum veritati fidei, quā certitudini eius duntaxat, ideo dici potest de tali dubitate, quod quidem infidelis sit, sed quod eius infidelitas nō sit perfecta hæresis, sed reductitiē ad eam pertinens, si in reliquis professionē Christianam teneat: quemadmodum reductitiē pertineret ad Iudaismum vel Paganismum, si de toto Christianismo dubitaret, an nō illi Iudaismus aut Paganismus sit præferendus.

Obijciitur Secundò, qui fide humanā tantum teneret ea dogmata Catholica, in quibus v. g. dissentiant Calvinistæ à nobis, esset potius Calvinista, quā Catholicus, & tamen non haberet errorem in intellectu, qui non negat articulos fidei, sed eos tenet & affirmat, quamuis non ex illo motiuo & cum tantā firmitate quibus oportet; ergo &c.

Respondetur, hic iterum cōcurrit alius error, quatenus scilicet ille, cui articuli isti præsupponuntur sufficienter proposti, tamen propter diuinam autoritatem credendi, non vult eos ut tales credere, sed solum, quatenus humanis quibusdam rationibus, vel coniecturis, aut signis trahitur & mouetur ad eis assentiendum: talis enim iudicat vel attestationem diuinæ autoritatis non esse infallibilem, vel dubiū esse de eius attestatione, quam tamen Ecclesia proponit & approbat, atque ita ex his erroribus erit hæreticus; aut si spectetur eius humana credulitas tantum circa aliquos articulos, tunc defectus iste fidei dici quoque poterit infidelitas & hæresis inchoata, & reductitiē pertinens ad speciem hæresis, quatenus scilicet hæresis completa dicit perfectam mentis adhesionem, adeoque perfectum errorem, qui contrarietur fidei, ut modò diximus.

Obijciitur Tertiò, ex verbis inordinate prolatis incurratur hæresis: ut ex D. Hier. refert Magister Sententiarum lib. 4. dist. 13. atqui inordinata verborum prolatio potest esse sine errore in intellectu; ergo &c.

Respondetur Primò incertum esse, utrū sententiā illa Hieronymi sit: Secundò, quia tamen videtur communiter recepta, di-

T iij cendum

cendum est cum D. Tho. quod ea hærenus sit vera & ita accipienda nimirum, quod verba inordinatè prolata, sint causa & occasio sæpius erroris aut hæresis, quâvis in illis hæresis per se non cõsistat: alioquin propriè loquendo potius dicendum est, eiusmodi sermonem malè sonare & sapere hæresim, quàm esse hæreticum. In foro interim exteriori de hæresi redditur suspectus, qui inordinatè in materijs fidei loquitur: præsumptio enim oritur ex talibus verbis de errore mentis, nemo enim existimandus est dixisse quod mente non cogitavit. Circa alterum, quod tertio loco diximus ad hæresim esse requisitum

QVÆRITUR, qualis debeat esse pertinacia, quæ errorem circa dogmata fidei constituat in ratione hæresis.

Diuersi diuersis modis rationem istius pertinaciæ explicant.

Respondet autem & dico primò, non requiritur aliqua temporis mora ad pertinaciam istam saltem maior, quàm vt cum plenâ rationis aduertentiâ possit quis de re iudicare, & velle iudicio suo inhærere: neque enim actus hæresis longiorem requirit moram, qui hæreticum constituat, quàm actus fidei, vt constituat fidelem: vnde non est per se necessarium, quod duret vsque ad secundam vel primam correptionem. Putat Bannes hæc esse contra Siluestrum verbo Hæresis primò; sed tantum dicit Siluester, eum pro hæretico habendum esse, qui diu in errore latuit: non autem dicit, moram temporis esse necessariam: imò dicit non esse necessarium, quod scriptis aut verbis sit monitus.

Dico Secundo: Duo hæc requiruntur ad pertinaciam de qua sermo est, & ad eam sufficiunt: Vnum, quod erranti sufficienter oppositum fuerit declaratum esse dogma fidei, & vt tale ab Ecclesiâ haberi & credi. Alterum quod eo non obstante velit inhærere opinioni suæ, & nolit acquiescere aut assentiri opposito. Colligitur ex D. Cyp. epistola 63. ad Iubaianum vbi sic scribit: Ignosci potest simpliciter erranti, post inspirationem vero & reuelationem factâ, qui in eo quod errauerat, perseverat sciens & prudens, sine veniâ ignorantie peccat: præsumptione enim & obstinatione quâdam nititur, cum ratione superetur.

Hinc inferri potest primò, eum non esse hæreticum, qui ex ignorantia in fide errat, modò paratus sit corrigi & aliter sentire melius instructus, etsi quoque fuerit illa ignorantia crassa, vt rectè contra Soto Canus ostendit lib. 12. de Locis cap. 9. ex D. Tho. in c. 3. ad Titum: talis enim ignorantia non excludit formale obiectum fidei, & cum illo errore ex tali ignorantia

constitit voluntas parata obedire & credere, quidquid ab Ecclesiâ ei credendum proponitur.

Sed petes; Quid dicendum, si erret ex ignorantia affectatâ? Respondetur cum distinctione, si errans affectet ignorare tantum, vt liberius faciat opus quod aliàs secundum doctrinam fidei mortale peccatum est: v. g. si quis vt liberius & cum minori conscientie remorsu fornicari possit, affectet ignorare fornicationem esse peccatum mortale, eoque nomine negligat inquirere, non censetur laborare errore pertinaci, qui eum constituat hæreticum: talis enim non est perfectè incredulus aut infidelis, quia eligit ignorantiam magis ad hoc, vt veritatem quam fides docet, non aduertat, quàm vt eam non credat, quando cognouisset sic fidem docere: Imò ideo eligit non inquirere vel discere, quia crederet, si ei constaret: vnde minus suæ voluptati, aut saltè minus liberè possit indulgere. Similiter dicendum videtur si errans ex aliquo nimio affectu erga suam opinionem nolit ex doctoribus inquirere de Ecclesiæ doctrina, aut fidei dogmatibus, ne si ea intelligeret suæ opinioni esse contraria, deberet illam deferere, quia & hic non vult repugnare illi doctrinæ, de quâ ei constat quod ab Ecclesiâ, tanquam fidei dogma sit recepta: sed potius animo paratus est tunc acquiescere: non tamen ideo negamus, quin errores isti ex eiusmodi affectatâ ignorantia sint peccata, etiam contra fidem; sed quod non videantur destruere fidei habitum infusum, & hæresim inducere ac ponere: quemadmodum omisio actus fidei, vbi & quando præceptum fidei obligat, est peccatum contra præceptum fidei, quo tamen fidei habitus non amittitur, nec efficitur quis infidelis, Si verò affectet ignorare dogma fidei ex animi alienatione à fide, quia v. g. statuit non credere quantumcumque; sciret aut intelligeret istud ab Ecclesiâ, vt fidei articulum proponi & teneri, erit sufficienter pertinax in errore fidei contrario, vt dicatur & sit hæreticus, quia absolute incredulus est, dum non vult credere omnia, quæ tanquam à Deo reuelata, Ecclesia proponit credenda: propterea enim non vult de veritate opinionis suæ contrariâ edoceri aut informari.

Inferitur Secundo ex dictis, Ad hæresim constituendum non satis esse pertinaciam in errore, quâ quis reluctetur viris doctis, vel etiam proprio Episcopo contrarium sentientibus, quia non habent isti infallibilem authoritatem definiendi aut determinandi res fidei; si tamen hi, præsertim Pastores aut Episcopi, ostendant & declarant

rent opinionem illius aduersari dogmati fidei ab Ecclesia recepto aut definito, tunc pertinaciam incurreret, si errorem suum nollet corrigere: nisi fortassis aliquam haberet rationem existimandi, eos ignorare aut non tam probè scire, quam doctrinam Ecclesia, tanquam dogma fidei teneat aut definirit, & parato esset animo à sua opinione recedere, quando certius de doctrinâ & sensu Ecclesiæ constaret. Ex hæcenus dictis colligi poterit, huiusmodi hæresis definitio, quod scilicet sit,

Homini Christianissimum profitentis error pertinax, contrarius dogmati fidei, de quo sufficienter ei constat, quod ab Ecclesia Catholica siue Romana, tanquam dogma fidei teneatur & credatur.

14 Petes, quid si aliquis existimet quippiâ ab Ecclesiâ Romanâ definitum, tanquam articulum fidei, quod definitum non est, & interim pertinaciter teneret contrarium?

Respondetur, de illo dicendum quòd verè hæreticus sit, quamvis enim non habeat errorem fidei contrarium circa illud obiectum, quod putat se tenere contra definitionem Ecclesiæ, tamen pertinaciter errat in eo contra fidem, quod opinetur Ecclesiâ in suis definitionibus errare posse.

15 Petes Secundo, quid si pertinaciter erret in aliquâ conclusione Theologicâ, ex quâ euidenter sequatur subuersio alicuius dogmatis fidei?

Respondetur, si is non neget dogma istud, sed potius ipsam consequentiâ, quantumcumque euidentem, non erit dicendus hæreticus, sed laborare errore hæresi proximo: ratio patet ex dictis.

ARTICVLVS III.

Vtrum hæretici sint tolerandi?

CONCLUSIO est negatiua & certa. Sed Quæritur hic Primò.

Vtrum propter hæresim possit quis affici extremo supplicio, seu puniri panâ mortis?

16 NEgarunt olim Donatistæ, vt patet ex August. epist. 50. Item lib. 2. contra litteras Petiliani cap. 10. & lib. 2. contra epistolam Gaudentii cap. 17. & ex Opt. Mileuitano lib. 3. contra Parmenian. Idem negauit Ioan. Hus, vt patet ex art. eius 14. qui in Conc. Constant. ff. 15. refertur. Eiusdem opinionis fuit Lutherus cum multis suis discipulis. Sed omnino dicendum est, quod iustè & rectè Hæretici propter hæresim possint mortis supplicio puniri. Hæ-

betur hæc responsio tanquam de fide certa, propter consensum Ecclesiæ & omnium Doctorum, qui tanquam dogma fidei id tenent. D. Thomas hic ita scribit: Ex parte Ecclesiæ est misericordia, & ideo ad errantium conuersionem non statim condemnat, sed post primâ & secundam correptionem, vt à postolus docet, postmodum: si adhuc pertinax inueniatur, Ecclesia de eius conuersione non sperans, aliorum salutem prouidet, cum ab Ecclesiâ separando per excommunicationem, & vltimè relinquit cum iudicio sæculari à mundo exterminandum per mortem: quod dicit cum ex parte suâ statim meruisse. Huc accedit articuli Ioannis Hus & Lutheri condemnati respectiue à Conc. Constantinensi & à Leone X. quibus contrarium asserabant.

17 Probatum Primò ex Scripturis: Deuteronomij c. 13. Propheta qui fictis somniorum visis ad cultum alienorum Deorum, populum sollicitat, iubetur à Domino occidi: & additur, Si tibi volueris persuadere frater tuus, aut filius tuus, &c. Eamus & seruamus Djs alienis, &c. Lapidibus obrutus necabitur: & si quam forsitan urbem abominandus cultus inquinasset, statim percuties (inquit Dominus) habitatores urbis illius in ore gladij. Atqui hæretici adinstar Pseudoprophetarum talium, incautos fallunt & ab vniuersi Dei verò ac legitimo cultu ad suorum somniorum ac fictionum, opinionumque Idola colenda seducunt corda innocentium. Rectè enim Lyrenensis docet in veteri Testamento, hæreticorum dogmata allegorico sermone, per Deos alienos designari, eo quod sic ab eis propria ipsorum adinuenta colantur, sicuti apud gentiles in obseruantia sunt Dij ipsorum: vnde non secus ac antiqui Pseudoprophetæ, etiam hi dicunt: Eamus, sequamurque novos, recentisque Deos, quos ignorarunt patres tui, nec coluerunt eos.

18 Neque tantum contra illos qui professione à Deo vero recedebant, sed etiam contra illos qui vniuersi veri Dei cultu retento, aliter in religionem peccabant, apud antiquos lex mortis lata fuit, Deuteronomij capite 18. Propheta autem qui arrogantia deprauatus, voluerit loqui in nomine meo, quæ ego non præcepi illi vt diceret, aut ex nomine alienorum Deorum, interficietur. An non propriissimè in hæreticos quadrat, quod arrogantia deprauati loquantur in nomine Christi ea quæ non præcepit eis Dominus vt dicerent: attendunt enim ipsi spiritibus errorum & doctrinis dæmoniorum, & alios in errores mittunt, currentes tanquâ Euangelistæ cum à nemine tamen mittantur.

Accedit & alia lex Deuteronomij c. 17. 19

T iiij Qui

*Qui autem superbiis nolens obedire Sacerdoti imperio, qui eo tempore administrat Domino Deo tuo, ex decreto Iudicis meretur homo ille, & auferes malum de medio Israël: Non tantum itaq; ob Idololatriam, vel ob falsam doctrinā sub Dei dicentis nomine obtrusa: sed etiā ob superbiam, quā summi Sacerdotis imperio quis noluerit obedire, mortis supplicio decernitur puniendus: Hæretici autem non tantum non sunt obedientes summo Sacerdoti, cui à Christo dictū est *Pasce agnos meos, pasce oues meas: sed extreme etiam in illum sunt contumeliosi inuidia ac odij facibus accensis: ac consequēter in eius dominum ac magistrum Christum, iniurijs ac blasphemis: Dixit enim ille: Qui vos spernit, me spernit.**

20 Quis ergo non iudicet equissimas & diuinis eloquijs consentaneas esse leges & iudicia: quibus corrupti illi homines, ac alios corrumpentes, & veritati semper, sicuti Moyse Iamnes & Mambres, resistentes, decernuntur à Republ. tollendi. Videt cap. 32. Exodi, 22. Iosue; & c. 1. l. 3. Regum, ubi sunt exempla sumpti supplicij de Idololatrijs & seductoribus ac inobedientibus.

21 Neque est, quod quisquam respondeat seueritatem illam legum ad antiqua pertinuisse tempora, quæ fuerunt timoris & seruitutis: ad tempus autem noui Testamenti non esse extendendam, quod est gratiæ, libertatis, & adoptionis filiorum, non est quod quis hæc respondeat (inquam) cum Diuo Augustino locis citatis, ubi etiam allegat decretum Nabuchodonosoris contra blasphemos in Deū Sydrach, Misach & Abdenego, diserte doceat (quamuis ipse in hac re semper fuerit mitissimus) ista decreta & facta antiquorum typum gessisse disciplinæ & seueritatis, quæ multo post in Ecclesiā obseruaretur per pios & religiosos Reges seruientes Domino in timore contra sacrilegos & deprauatores doctrinæ Christianæ. Neque hæc tantum dixit D. August. sed & Apostolus Petrus Act. c. 5. summæ seueritatis edidit iudicium & exemplum contra Ananiam & Saphiram, quos in instanti morte percussit, quia mentiri fuerant ausi Spiritui Sancto: D. Paulus quoque falsum Prophetam qui consulētem à fide impedire conabatur, nec desinebat subuertere vias Domini, percussit egeritate.

22 Huc accedit, quod hæretici in Scripturis dicuntur fures & latrones, qui veniunt, ut occidant & mactent, Ioannis cap. 10. Item lupi rapaces non parentes gregi Matth. 7. & Act. 20. atqui fures digni sunt morte, lupi quoque pro gregis incolumitate queruntur ad internecionem:

2. ad Timoth. 2. comparatur hæresis cancro qui totum corpus inscit & corrumpit, nisi maturè ferro excindatur; ergo &c.

Probatur Secundò Testimonijs antiquorum: Tertull. in principio Scorpiaci: Ad officium, inquit, hæreticos compelli, non illici, dignum est: duritia vincenda est, non suadenda: quod allegatis Scripturis & legibus ex veteri Testamento comprobatur: & post multa: Nec putem disputandum, an dignè Deus prohibeat nomen & honorem suum mendacio addici? an dignè quos ab errore superstitionis auulserit, rursus in Ægyptum regredi nolit? an dignè à se non pariatu abistere, quos sibi adlegit. Ita nec illud expectabit retractari à nobis, an obseruari voluerit disciplinam, quam voluit instituire? & an merito viciatur desertam, quam voluit obseruatam, quando frustra instituit, si obseruari eam noluisse, & frustra obseruari voluisse, si vindicare (inquit) noluisse. Hieron. in epistolam ad Gal. ad cap. 5. in illa verba, *Modicum fermentum totam massam corrumpit*: Igitur, inquit, scintilla statim ut apparuerit, extinguenda est, & fermentum à massæ viciniā amouendum: secundæ putridæ carnes, & scabiosum animal à stabulis ouium repellendum, ne tota domus, massa, corpus, & pecora ardeant, corrumpantur, putrescant, intendant. Arrius vna scintilla fuit, sed quia non statim oppressa est, totum orbem eius flamma populata est: & Epistola ad Tephonem cap. 2. de Prisciliano scribit, eum sæculi gladio, & totius orbis autoritate damnatum. Vbi approbat supplicium mortis, quo eum Maximus Imperator affecerat, ut idē testatur lib. de Viris illustribus. Quod obseruandum est, ne quis forsitan respondeat Imperatorem illum fuisse Tyrannum, & iniuste alterum oppressisse: quamuis enim Tyrannus fuerit, tamen in eò factò non egit tyrannicè: ut ex verbis D. Hieronymi patet. Oportuit Myleuit. lib. 2. contra Parmenianum, laudat factum Macharij præfecti, quod Donatistas aliquos enecasset, & comparat cum factò Moyse, Phinees, & Eliæ, qui Idololatrias & desertores legis occiderunt. D. August. epistola 50. comparat hæreticos cum Absalone sine cuius interitu, non potuerit domus David habere pacem. Tract. 11. in Ioannem docet meritò in Donatistas illud statui posse, quod Nabuchodonosor statuit contra istos, qui blasphemassent Deum trium puorum. Similia habet lib. 1. contra Parmenianum cap. 8. & lib. 2. contra litteras Petilianum cap. 83. & 86. ubi inter cetera habet, Etsi Donatistæ nondum supplicio capitali coercerentur ab Imperatoribus, non id fa-

23

id factum fuisse, quod eo non fuerint digni, sed ut supplicio Cain paricidæ, vitâ ipsâ catenificæ diu torquerentur.

24 Obleruandum tamen, D. Augustinum aliquando censuisse hæreticos nullâ vi externâ esse ad fidem compellendos, sed verbis & disputatione cum illis agendum & pugnandum, & sic reducidos: postmodum verò illam suam opinionem ex proposito retractasse, ut constat ex lib. 2. Retract. cap. 5. & alijs locis iam citatis.

Notandum præterea, etsi D. Augustinus posterior censuerit & docuerit, ut iam dictum est, hæreticos externis pœnis, ut mulctis pecuniarijs, exilijs ac etiam corporalibus castigationibus esse coercendos, tamen videatur istius semper fuisse consilij, ut contra eos ad penam mortis non procederetur, licet eos absolute iudicaret & censeret morte dignos; idque verissimiliter idem magis, quia eius temporibus nondum videntur leges Imperatoriæ de hæreticis morte puniendis existisse: ut ex verbis eius citatis potest colligi. Sed postmodum Marcianus & Valentinianus legem mortis contra hæreticos sanxerunt: ut patet lege, Quicumque, Cod. de Hæreticis: ubi iubentur occidi, & qui eorum conciones adeunt certum auri pondus persolvere. D. Leo epistola 93. ad Turribiū Episcopum, Merito igitur, inquit, patres nostri sub quorum temporibus hæresis hæc nefaria (scilicet Priscillianistarum) prorupit, per totum orbem instanter egere, ut impius furor ab universâ Ecclesiâ pelleretur, quando etiam mundi Principes, ita hanc sacrilegam amenitiam detestati sunt, ut authorem eius ac plerisque discipulos legum publicarum ense prosternerent. Vbi videtur respicere D. Leo ad factum Maximi Imperatoris, quod ex sancto Hieronymo retulimus, Et profuit, inquit, diu ista distractio Ecclesiasticæ lenitati, quæ etsi sacerdotali cõsenta iudicio, cruentas refugit ultiones, seueris tamen Christianorum Principum constitutionibus adiuuatur, dum ad spiritualis nonnunquam recurrunt remedium, qui timent corporale supplicium: quibus & leges mortis contra hæreticos, à Principibus latas, Pontifex approbat, & earum utilitatem declarat. D. Gregor. epist. 72. lib. 1. ad Gennadium Patricium, & Exarchum Africæ, Perfoluentes, inquit, præterea paternæ charitatis affectum, Dominum petimus, qui brachium vestrum ad comprimendos hostes (fidei scilicet & religionis sue Hæreticos, de quibus iam egerat) forte efficiat, & mentem vestram zelo fidei velut mucronem gladij vibrantis exacuat. Et lib. 4. Dialog. cap. 4. refert hæreticum quendam

Basilium dictum, à populo Catholico exultum. Idem docuit S. Bern. serm. 60. & 68. in Cantica.

25 Probatum Tertio, quia Ecclesia suis constitutionibus sancivit, quatenus hæretici qui conuerti nolunt, brachio sæculari tradantur puniendi: ut patet ex Capit. Ad abolendum, & Capitulo Excommunicamus primo, de hæreticis desumpto ex Concilio Lateran. & ex Capitulo; Super eo, de hæreticis in 6. ergo &c.

26 Probatum denique ratione D. Thomæ, quia multo grauius est corrumpere fidem, per quam est vita animæ, quàm falsare pecuniam; per quàm vitæ temporali subuenitur. Vnde si falsarij pecuniæ, vel alij malefactores statim per Principes seculares iuste traduntur morti; multo magis hæretici, inquit, statim ex quo de Hæresi conuincuntur, possunt non solum excommunicari, sed etiam iuste occidi. Ad cuius confirmationem faciunt, quæ ex Scripturis sunt allegata, scilicet quod fores, latrones, & lupi rapaces habeantur, qui ouile & oves Christi dissipent, diripiant, marcent.

27 Sed contra obijcitur Primò: Christus Matth. 18. docet, eos qui Ecclesiam non audiunt, habendos esse ut Ethnicos & Publicanos: & Apostolus monet, hæreticum hominem post vnam atque alteram correptionem esse vitandum, non autem docet hæreticos esse occidendos; ergo non possunt propter hæresim supplicio mortis affici. Confirmatur Primò, quia in primitiua Ecclesiâ per multa tempora non alia fuit in eos statuta aut exercita poena quam excommunicationis; postmodum verò statutæ quidem fuerunt aliquæ pœnæ externæ; ut exilij aut quædam mulctæ pecuniariæ, sicuti contra Donatistas, ut habet Aug. epistola 50. Non autem mortis ad seruandam, inquit, etiam contra indignos, Christianam mansuetudinem.

Confirmatur Secundò: Quia de Hæresi cognoscere pertinet ad Ecclesiasticum Iudicem; non licet autem Ecclesiasticis aliquem occidere, imo neque tradere sæculari potestati occidendum, quin potius allaborare debent ne à Iudicibus sæcularibus occidatur: hoc enim Canones ordinant, & docent exempla SS. P. P. D. Augusti epistola 127. Donatum proconsulem Africæ rogat, ne occidat hæreticos, ut sint quos pœniteat errasse; ergo &c.

28 Respondetur, Christum instruit vnumquemque Christianum particularem, quomodo debeat se gerere erga proximum & fratrem; non autem sæcularem Iudicem, quomodo se debeat habere & officium exercere circa malefactores, aut perturbatores Ec-

res Ecclesiæ & Reip. Christianæ, & proinde istud hic ad rem nō facit. Apostolus verò instruit Episcopum, cuius est deuitare, & deuitandos declarare hæreticos, postquam correptioni non acquiescunt. Vtrum verò, quando salus reliquit oculis plus postulare, scilicet vt etiam potestas secularis gladius famuletur Ecclesiæ, sint tunc tradendi vel relinquendi iudicio seculari, sicut non affirmat Apostolus, ita neque illud negat.

29

Ad Primam Confirmationem Respondetur, Quod non semper quidem voluerit Ecclesia penam mortis infligi hæreticis, sed hoc ideo accidisse, vel quia non potuit, quando Imperatores adhuc Ethnicerant, & nondum Ecclesiæ seruiebant, sed magis in eam seueiebant: vnde plus infestabatur tunc à persecutoribus gentilibus, quam perturbaretur à Christi nomen profitentibus hæreticis: & proinde magis erat sollicita de persecutionibus prudenter declinandis, aut fortiter sustinendis, quàm de hæreticis per pœnas corporales coëdendis: vel quia ab initio clementiæ studiosa, mitioribus pœnis voluit eorum correctionem tentare. Quod charitatis officium commendandum fuit, sicut D. Aug. commendat, sed hæcenus, vt charitas indulgeat, quando perniciacia & malitia nondum satis forte innotuerant, nec grauiora pericula cōstaret imminere, non quod indulgentiā hanc tanquā de iure debitam possit sibi hæresis arrogare. Vnde & Aug. dicit eos indignos: quin neq; concedi debet, quando experientia satis constiterit Ecclesiam lenitate & mansuetudine parum aut nihil apud eos proficere, & è contra obseruat eorum tolerantiam in periculum & exitium aliorum vergere. Quæ autem vltius adijciuntur, magis pro nobis faciunt: quamuis enim ab initio Ecclesiæ nō essent illæ pœnæ corporales, aut externæ contra hæreticos, tamen quando Imperatores sceptrum sua subdiderūt Ecclesiæ, & incepserunt illi famulari, tum per eos pœnæ fuerunt in hæreticos, (quamuis non statim mortis) decretæ: vt exilij tempore Constantini, sicut patet ex Concilio Nycæno, & multa decem librarum auri per Theodosium: vt habet August. epistola 50. Cuiusmodi constitutiones, cum constet ab Ecclesia non fuisse improbatas, sed plurimum commendatas, non debet quocunque censi iniquum, quod postmodum pluribus exsurgentibus & grassantibus hæresiarchijs & hæresibus, fuerint in eos etiā, pœnæ seueriores & corporales decretæ: quod factum similiter ab Episcopis & Pastoribus illorum temporum fuisse approbatum, ex sanctis Patribus supra citatis

& Canonibus satis constat.

Ad secundam confirmationem, Est pro Ecclesiæ & Ecclesiasticorum lenitate, quæ eis maxime conuenit, inhibitu sit illis proferre iudicium sanguinis, imò eia commendatum, vt apud seculares Iudices pœnus sanguinis pœnā deprecetur, quando scilicet id ad ædificationem, & non in destructionem putatur cedere: nihilominus tamen, quando pertinacia malefactorum, & publica salus, & fidelium quies aliud requirunt, tum merito Ecclesiastici ab eiusmodi intercessione apud Iudices, pro auertenda hæreticorum, sicut & aliorum malefactorū nece, desistere possunt: imò eos potius monere cōuenit in genere, officio debito desine, quamuis interim praxis adhuc obtemeat, vt quando Iudex Ecclesiasticus malefactorē tradit brachio seculari, petat vt pro meritis pūniat, citra tamen penam sanguinis.

Obijciunt Secundo, Matth. 13. iubet Paterfamilias suis ministris, vt sinant zizania crescere vsque ad messiem, id est, vsque ad diem iudicij; ergo non debent hæretici interfici. Confirmatur ex D. Chryl. hom. 47. in Matth. vbi scribit, Non prohibet Christus hæreticorum concilia dissipari, sed prohibet interficere & trucidare. Euthymius ad cit. verba sic scribit; Iubet ergo, vt utriusque generis homines (id est, orthodoxi & hæretici) sinant viuere crescentes; ergo &c.

Respondetur Neg. Conseq. ac imprimis quidem per zizania non intelliguntur hæretici soli, sed filij nequam siue mali omnes: & proinde, si argumentum aliquid pro hæreticis concluderet, etiam pariter concluderet pro omnibus malis, quod scilicet nullus malefactor eradicari & occidi posset, quod manifestè est contra Apostolum ad Rom. 13. Sensus igitur & scopus parabolæ est, quod semper futuri sint permixti mali cum bonis in agro Dominico, quodque proinde ministri patrisfamilias siue propositi Ecclesiæ, non debeant hoc existimare, quod aliquando omnes mali simul sint ab Ecclesiâ colligendi & tollendi, ne forsitan aliqui id existimantes, zelo indiscreto velint & laborent omnes malos è medio tollere, & cum non sit facile omnes discernere à bonis, iudicio forte indiscretiori, etiam bonos cum malis euellant vel auferant: cum quo tamen bene consistit, quod sceleratores & notorij malefactores, qui Reipubl. aut Ecclesiam perturbant, & quietem ac salutem aliorum impediunt, è medio tollantur. Quædam modum licet nō omnia zizania sint simul eradicanda & colligenda propter periculum euellendi simul triticum, tamen quæ

magis

magis superexcrescunt & à quibus periculum imminet, ne triticum ab illis obruatur aut suffocetur, omnino eradicanda sunt.

- 33 Quod ad D. Chrysoft. & Euthymium attinet, putant quidam eos à contraria sententia excusari non posse, inter quos est Bañnesius, qui tamen ea ex parte illos excusat, quod tunc temporis hæc doctrina nondum in Ecclesia esset satis eliquidata. Alij verò dicunt, eos ad sensum parabolæ fuisse loquutos, quod scilicet hæretici nō sint interficiendi cum periculo eradicandi triticum: v. g. quando tam potentes sunt, aut tam potentes habent defensores, quod periculum sit, ne se opposites opprimant Catholicos, aut fiant magna & quasi generalia schismata, prout etiam D. August. parabolam illam exponit quibusdam in locis. Vide dicta plura in tract. de Ecclesia, dub. 1. de verbis huius parabolæ.

Quæritur Secundò:

Quas pœnas, siue Ecclesiasticas, siue Civiles de Iure incurrant hæretici ipso facto?

- 34 Respondetur. Imprimis hæretici sunt ipso facto excommunicati. Ita communiter sentiunt omnes: & constat ex Capitulo, Ad abolendam, titulo de hæreticis, & ex bulla Cœnæ Domini; quod tamen intellige de hæreticis qui actu externo hæresim prædunt, quia sicuti de actibus merè internis non iudicat Ecclesia, ita nec eos punit: vt communis habet Doctorum sententia, & latius explicari solet in 1. 2. in tract. de Legibus. Deinde intellige quoque de illis, qui in animo verè sunt hæretici, & non tantum ex metu, vel ex aliqua vanitate foris se hæreticos ostendunt, vt passim D. D. tenent: & ratio est, quia tales reuera hæretici non sunt, vnde non debent censi subiacere, in foro salutem interno, pœnis, quia hæc restringendæ sunt. Vide Sylvestrum verbo, Apostasia parte 2. Nauar. cap. 27. num. 56.

- 35 Sed contra Obijciat aliquis, mandat Apostolus ad Titum cap. 3 vt post vnam & secundam correptionem vitetur hæreticus; ergo non ipso facto est excommunicatus.

Respondetur Negand. Conseq. imprimis, quia lex excommunicationis ipso facto incurrendæ, tunc nondum à Iure erat lata sicuti modò: quod verò ad correptiones attinet, quarum Apostolus facit mentionem, sufficienter illæ supplentur & sunt per legem ipsam, quæ omnes quasi continuò monet, vt ab hac hæresi sibi caveant: quando enim de lege prohibente sub pœna ipso facto incurrèda alicui con-

stat, & tamen opus facit, non minùs conuincitur contumax, quàm qui monitioni Ecclesiæ non vult acquiescere.

Secundò incurrunt hæretici ipso facto irregularitatem, ita vt non possint ad Ordines promoueri, quamuis hæresim abiurent antequam cum ijs dispensetur. Patet ex Canone, Saluberrimum: x. quæst. 7. vbi dicitur, eis adempta omnis spes promotionis, etsi redeant: si tamen prius fuerint in aliquo Ordine etiam sacro, poterunt in illo ministrare post pœnitentiam & absolutionem ab excommunicatione iuxta Sylvestrum, V. Irregularitas, qu. 7. & summam Angelicam ibidem: neque enim inuenitur manifestus textus in contrarium, & fauet satis Canon Saluberrimum citatus, quia ibi dicitur, quatenus in beneficio magno, si habeant, in quo inueniuntur ordine peramaneant.

Incurrunt etiam inhabilitatem ad beneficium, & officium publicum, vt expressè habetur Can. Quicumque, de hæreticis in 6. Nec tantum ipsi, sed etiam filij eorum vique ad secundam generationem, vt ibidem dicitur. Quod tamen Can. Statutum eodem titulo restringit ad lineam paternam, ita videlicet quod per hanc deriuetur pœna ad nepotes, non sic per matrem: quam restrictionem sic quasi exemplariter explicat Glossa: si v. g. Titius fuerit hæreticus, & habuerit filium & filiam: vterque ipsorum subiacebit prohibitioni, scilicet quod nec ad beneficium Ecclesiasticum nec ad officium publicum possit admitti, & si ille filius habeat filium, ipse nepos ex illo subiacebit prohibitioni: sed si filia habeat filium, hic nepos ex illa non subiacebit: item si mulier aliqua est hæretica, & habeat filios, soli filij includantur hac prohibitione; sed nepotes ex filiis, inquit, non. Declarat præterea idem Capitulum: Statutum, quod alterum Capitulum, Quicumque, sit intelligendum de parentibus qui in hæresi perseuerant, aut in eà decesserunt, non autem de illis qui hæresi reiecta ad Ecclesiam redierunt.

Quartò priuantur hæretici Ecclesiasticâ sepulturâ, non tantum, quia excommunicati (sic enim non nisi nominatim denunciati secludendi modo ab illa forent; sicut aliàs excommunicati modo vitandi non sunt, sed etiam particulari constitutione Alexandri Papæ, quæ habetur citato Capitulo Quicumque, de Hæreticis in 6. vbi etiâ excommunicantur qui eos scienter præsuperint Ecclesiasticæ sepulture tradere.

Quintò hæretici manifesti amittunt ipso facto omnem iurisdictionem supernaturalem, non sic occultis, quamdium scilicet eorū hæresis latet, & se pro Catholicis gerunt.

Prior

Prior pars est contra Caietanum Opusculo de autoritate Papæ & Concilij cap. 19. & contra Soto in 4. dist. 24. quæst. 2. art. 2. Sed docent eam à Castro lib. 2. de Iustâ hæreticorū punitione cap. 23. Driedo lib. 4. de Script. & Ecclesi. dogmatibus cap. 2. parte 2. vbi sententiâ 7. dicit, In ijs qui ab Ecclesia discesserunt, quales sunt hæretici & schismatici, nullam remanere potestatem spiritualem super eos, qui sunt in Ecclesiâ. Melchior Canus lib. 4. De locis cap. vlt. ad 12. & significat D. Thom. infra qu. 39. art. 3. in Corp. dicens, quod potestas iurisdictionalis non immobiliter adhæreat sicuti Sacramentalis seu Ordinis: Vnde, inquit, in hæreticis & schismaticis non manet, &

40 Probat ex Capit. Audiuimus: 24. q. 1. vbi dicitur, quod Episcopus hæreticus non possit excommunicare: & in fine sic concludit, Hæc autem quæ de hæreticis atque schismaticis excommunicatis dicta sunt, videlicet quod ligandi vel soluendi potestatem non habeant, multorum auctoritatibus comprobatur, ait enim Leo Papa &c. Idem satis manifestè tradunt alij Patres: Cypr. lib. 1. epist. 6. & lib. 4. epist. 2. Ambr. lib. De penitentiâ cap. 2. August. Enchyridij cap. 65. Et Opt. Meli. lib. 2. contra Parmenianum, docet hæreticos non habere claus, quibus aperire & soluere possint: retinent tamè potestatem Ordinis, siue sacramentalem, vt loquitur D. Thomas loco citato, si eam prius habuerint: quia hæc fundatur in charactere, qui immobiliter adhæret: vnde validè, quamvis illicitè, possunt consecrare & conferre Sacramenta, quæ iurisdictionem non requirunt: quin & probabile est, posse eos quoque validè facere Sacramentalia: vt consecrare Ecclesias, altaria, vasa sacra, sicut docet Glossa ad Can. Ecclesijs de cons. dist. 1. Neque obstat quòd ibi mandetur, quatenus Ecclesiæ consecræ ab illis qui fidem Trinitatis non tenuerant, iterum consecrentur: idcirco enim hoc mandatur, quia non putantur seruasse debitam formam ab Ecclesiâ institutam & præscriptam. Contrariū tamen à Castro lib. 2. de iustâ hæreticorū punitione cap. 22. tenet.

41 Pars posterior tenetur à Caiet. Soto locis suprâ citatis, Cano de locis lib. 4. cap. vlt. & à plerisque alijs. Ratio est, quia hæretici occulti sunt adhuc suo modo de Ecclesiâ, & sufficienter ei coherent, vt à superioribus regantur, quia nondum ab obedientia se subtrahunt; ac etiam regant inferiores. Accedit quod plurimæ perturbationes in Ecclesia nascerentur, si omnes eorum actus à iurisdictione depen-

dentes essent inuálidi & nulli.

42 Sexto, hæreticorum bona hoc ipso quo exterius hæresim quocumque modo produunt, sunt fisco addicta. Ita communiter tradunt DD. omnes, & habetur expressè Capitulo Cum secundum leges, de Hæreticis in 6. Bona hæreticorum, inquit Pontifex, qui grauius, horribilius, & detestabilius delinquant, quam prædicti (scilicet quorum bona secundum leges ciuiles confiscantur, de quibus iam antè erat loquutus) ipso iure, de fratrum nostrorum cõsilio, decernimus cõfiscata. Non potest tamen dominus temporalis exequutionem huius confiscationis facere, aut bona hæretici occupare, priusquam per Ecclesiasticam personam habentem ad id potestatem fuerit super crimine illo sententiâ promulgata, vt dicitur ibidem: multò minus tenebitur reus bona sua ad fiscū ante eiusmodi sententiâ deferre: imò neque post illam sententiâ: vt contra Soto lib. 1. de Iustitia & Iure quæst. 6. artic. 6. docent Nau. cap. 27. num. 66. & Couarr. in eptome decretalium part. 2. cap. 6. § 8. Estque hæc communior sententiâ, quia ad iudicem spectat exequi has pœnas, non ad reum, vt Capitulum citatum indicat, imò videtur hoc omnino supponere.

43 Accedit quod humanæ infirmitatis vires videatur superare, quod reus in se ipsū tam graues pœnas exequatur; quare ad id obligatus censeretur non debet, nisi quando legillatores discretissimè exprimunt & declarant eam esse suam mentem & intentionem, vt in quibusdam Canonibus & constitutionibus fit, qua de re plura diximus 1. 2. quæst. 96. art. 4. dub. 4. Hinc fit quod hæreticus licitè vtatur fruaturque bonis suis, & de illis disponat, siue donatione liberali, siue per contractum onerosum, quamdiu Fiscus manum non apponit, modò id faciat consueto suo more & bonâ fide: scilicet quod non faciat ad dissipanda bona in odiū & fraudem Fisci: suntque ea rata donec postmodum fortassis irritentur, & qui ea acceperunt, in conscientia tuti sunt vsque ad irritationem, licet etiam hæresim alterius nouerint, vt docent Couarr. loco citato, Caiet. verbo Pœna, & Sylu. verbo Excommunicati §. 8. Poterunt tamen omnes alienationes factæ post diem commissi criminis, siue hæresis exterius prodita per Fiscum irritari: vt patet ex Capit. 2. de hæreticis in 6. & omnia bona ac fructus ex illis percepti, vbicumque inueniuntur, occupari, etsi translati sint per venditionem. Neque emptori refunditur pretium; si non exstet, vel non auxerit tantundem bona alterius.

Quæres

Quæres, an hæreticus, etiam ipso iure, priuatus sit beneficijs Ecclesiasticis, si quæ habeat?

44

Respondetur, quod non videatur ipso iure priuatus, sed priuandus. Ita à Castro l. 2. c. 9. & Sylv. Verbo hæresis, § 14. Et probari potest ex Capit. Ad abolendam de hæreticis, vbi dicitur, Et totius Ecclesiastici ordinis prærogatiua nudetur, & ex Capitulo, Vt commissi, eodem titulo in 6. vbi inquisitoribus datur potestas eos priuandi officijs, & priuatos denunciandi: Couarr. tamen lib. 2. Variarum cap. 8. tenet eos ipso facto esse priuatos.

ARTICVLVS IV.

Vtrum reuertentes ab hæresi sint ab Ecclesia recipiendi?

45

CONCLUSIO Prima: Ecclesia semper recipit hæreticos ad poenitentiam, etiam sæpius relapsos, per quam illis impenditur via salutis, si per Dei gratiam ad fidem conuertantur. Ita D. Tho. hic. Patet ex Capitulo, Excommunicamus, de hæreticis, & Capitulo Super eo, Tit. eodem in 6. non enim claudit Ecclesia gremium

redecumbentibus ad ipsam, & delicti veniam dat poenitentibus: vt dicitur lege inter claras. Cod. de summa Trinit. quod conforme est doctrinæ & affectui Christi Domini, qui monet, vt laborantes omnes & onerati ad se veniant, vt eos reficiat: vnde Nouati & Montani dogma contrarium iam olim ab Ecclesia damnatum existit.

46

CONCLUSIO Secunda: Ecclesia ab hæresi reuertentes, pro prima vice conseruat in vita, & interdum etiam restituit eos dispensatiuè ad Ecclesiasticas dignitates quas prius obtinebant. Ita quoque D. Tho. hic.

Prior pars fundari potest in clementia Ecclesiæ, quæ tanquam pia mater bene de talibus præsumit, & credit eos seriò poenitentes, ac in posterum eos futuros in fide stabiles, quod de relapsis non tam iustè præsumi potest.

Ratio posterioris partis est, quia licet hoc disciplinæ rigorem aliquantulum minuat, tamen aliquando iudicatur necessarium aut multum expediens pro bono pacis Ecclesiæ. Vnde D. Tho. hic scribit, quod frequenter pro bono isto legatur id factum. De quo licet etiam videre D. August. epistola 50.

Q V Æ S T I O XII.

De Apostasia.

In duos Articulos diuisa.

ARTICVLVS I.

Vtrum apostasia pertineat ad infidelitatem?

1

NOTAT D. Tho. Apostasiam, quæ importat quandam retrocessionem à Deo, tripliciter dici, secundum tres modos, quibus homo Deo coniungitur. Primus autem istorum est, quo homo coniungitur Deo per fidem. Secundus, quo coniungitur per debitam subiectionem voluntatis ad obediendum diuinis præceptis. Tertius, quo coniungitur per quandam particularem consecrationem ac veluti dedicationem, quæ peculiariter se obligat ad Dei cultum & seruitium: vt fit per vota solemnia & ordines sacros; sic igitur etiam tripliciter retroceditur à Deo, & triplex constituitur apostasia, scilicet per retrocessionem ab illa dedicatione hominis facta per vota aut susceptionem ordinis sacri, per retrocessionem ab obedientia mandatorum Dei, & per

desertionem fidei Christianæ, quæ dum progreditur eo usque, vt non tantum quedam fidei dogmata negentur, aut contraria quedam asstruantur, sed vt etiam professio Christiani nominis abnegetur, tum hæc absolutissimè & quasi per antonomasiam dicitur apostasia, alloquin nomine hæresis compellari solet: Post hanc magis vulgari ter apostatæ dicuntur, qui à votis solemnibus ad sæcularem vitam transeunt. Recesus autem ab obedientia mandatorum Dei, non ita communiter apostasia vocari solet; est enim hoc nomen ex communi vsu magis odiosum, quàm vt cuiuslibet peccato etiam mortali tribuatur; Ecclesiastici tamen c. 10. ita Sapientia loquitur, secundum versionem vulgatam, quando dicit, *Initium superbia hominum, apostatare à Deo.*

Ex his facile est respondere ad articulum, quod scilicet apostasia secundum tertium modum dicta, pertineat ad infidelitatem, non sic iuxta secundum aut primum, quæuis primus hæresim sæpius habeat, aut apostasiam à fide coniunctam.

2

Viggers in 2. 24

V ARTIC.

ARTICVLVS II.

Utrum Princeps propter apostasiam à fide amittat dominium in subditos, ita ut ei obedire non teneantur?

CONCLVSIO D. Tho. est, Quà citò quis denuntiatur excommunicatus propter apostasiam à fide, hoc ipso facto eius subditi à dominio eius & iuramento fidelitatis, quo ei tenebantur, sunt absoluti.

Patet ex Capitulo Absolutos, de hæreticis: quod tamen non requirit denuntiationem excommunicationis; sed tantum, quod eius hæresis sit manifesta, sic enim habet, Absolutos se nouerint à debito fidelitatis dominij, & totius obsequij, quicumque lapsus manifestè in hæresim aliquo pacto quacumque firmitate vallato tenebantur adstricti; quando autem foret nominatim denuntiatus, tunc non tantum inferiores essent soluti ab obedientia, sed nequidem obedire possent, quatenus illis interdicta est cum illo comunicatio; quod tamen intellige, si absq; notabili suo incommodo illam obedientiam possint recusare,

QVÆSTIO XIII.

De Blasphemia in genere.

In quatuor Articulos diuisa.

ARTICVLVS I.

Utrum blasphemia opponatur confessioni fidei?

NOTANDVM Primò, Blasphemie nomen importare derogationem alicuius excellentis bonitatis, principaliter tamen diuinæ: ut monet hic D. Tho. vnde generaliter sumptum significat omne conuiitium aut maledictum prolatum in alium, contra eius virtutem aut excellentiam: ut etiam tradunt Hier. in c. 4. ad Ephes. & Aug. lib. 2. de Moribus Manichæorum c. 11. sic accipitur apud Apostolum 1. ad Cor. 4. Blasphemamur & obsecramus: & ad Tit. 3. Admone illos &c. neminem blasphemare: & Apoc. 2. Blasphemari ab his qui se dicunt Iudeos esse. Ex communi tamen usu peculiariter est accommodatum ad significandum maledictum, aut conuiitium quo derogatur diuino honori & excellentiæ, quod etiam D. Aug. loco cit. annotat: & iuxta hanc eius acceptionem, hic de blasphemia sermo est, siue interim immediatè sit contra Deum, siue contra Sanctos eius cum illo regnantes.

Notandum Secundò, Huiusmodi blasphemiam aliquando fieri secundum solam opinionem intellectus: ut quando quis sentit & loquitur Deo indigna, absq; aliquo malo affectu contra illum: v. g. Deum non habere rerum humanarum curam aut scientiam, ipsum mouere & impellere hominè in peccata, sicuti Calv. & eius sectatores docent; aliquando autè fieri secundum

solam malignæ voluntatis affectionem: ut dum aliquis malediceret Dei iustitiæ, scientiæ, omnipotentię quæ quidè crederet Deum habere, sed optaret, quod ijs careret; aliquando autem fieri secundum utrumq; tam intellectum quam affectum, quod scilicet quis sentiat Deo indigna, & illa affectu maligno quasi impropere: v. g. si quis sentiat quod Deus hominem in culpâ adigat, & id malo corde impropere, aut desuper Deum incuset, vel quod iniquè aduersitates immittat aut iniuste peccata puniat &c.

Notandum Tertiò, dictas blasphemias fieri posse, vel corde siue interiori tantum, vel etiam ore siue exteriori emitti. His premissis sit

CONCLVSIO Prima: Blasphemia, quæ fit secundum opinionem intellectus, siue habeat affectum coniunctum, siue nō, si exteriori se prodatur, opponitur confessioni fidei. Patet, quia continet assertionem externam rectè de Deo fidei contrariam: imò et si maligno tantum affectu proferretur absq; interiori tali opinione, nihilominus rectè opponi diceretur fidei confessioni: sicuti dum quis ex metu negat fidem, vel illi contraria profiteretur quam in animo retinet, dicitur contra confessionem fidei agere & peccare: & quidè huiusmodi blasphemia, quæ Deo attribuuntur indigna, vel ei negantur quæ perfectioni eius debita sunt, propriissime blasphemia dicitur. Vnde D. Aug. lib. contra mendacium c. 19. scribit, neminem posse esse blasphemum per veritatem, & blasphemando falsa dici de Deo: quare ista quæ secundum affectum solum procedit, videtur eatenus blasphemiam no-

miæ nomen & rationem tenere, quatenus saltem affectu vouet & attribuit, quantum in ipso est, ea quæ in Deum non cadunt, nec cadere possunt.

CONCLUSIO Secunda: Blasphemia, quæ est secundum malignum affectum solum, & altera, quatenus secundum affectum, rectè dicuntur opponi virtuti religionis. Ita Malderus, in hanc quæst. sect. 1. cum alijs quos citat. Et probari potest primò ex definitione quam tradit Hugo Victorinus in libello de fructibus carnis & spiritus cap. 6. siue quicumque huius libelli author est, quod scilicet blasphemia sit, cum quadam probrosa irreligiositate conuictorum iaculata in alium maledictio. Secundò probatur, quia malignus ille & detrahens affectus, manifestè est contra honorem & reuerentiam Deo debitam; ergò &c.

ARTICVLVS II.

Utrum blasphemia semper sit peccatum mortale?

CONCLUSIO D. Thomæ est: Blasphemia ex genere suo peccatù mortale est. Colligitur id in primis ex Scriptura sacra, quæ testatur graues pœnas blasphemix constitutas, eamque extraordinariè aliquando diuinitus grauiter vindicatam, atque adeo veros Dei cultores, plurimum eam exhorruisse, vt nequidem prolatione eius in alijs ferrent: Leuit. cap. 24. iubentur blasphemii occidi: 4. Reg. 19. percutiuntur 185. millia Assyriorum propter blasphemias Ducis Sennacherib contra Deum Israël & populum eius, & ipse fugiens gladio percutitur in templo Idoli sui: ibidemque Ezechias Rex pius cum istius blasphemias intellexisset, scidit vestimenta sua, & opertus est sacco. Danielis 3. Nabuchodonosor Rex gentilis decretum fert, vt morte moriatur, & domus eius vastetur, quicumque blasphemauerit Deum trium puerorum Israël, qui à camino ignis erant liberati. Imo vox ipsa blasphemare aut maledicere Deo tam horrenda est, vt impia ac procax mulier vxor Iob, & Iesabel ac calumniatores Nabaoth eam quasi subterfugerint, & contrario nomine, scilicet benedicere, vsi fuerint, volentes tamen blasphemiam in Deum significare: vt videre est Iob cap. 2. & 3. Reg. 21. Quare non tantum commune mortale est, sed admodum graue & horrendum peccatum.

Probatum Secundò ratione, quia opponitur principalioribus virtutibus, scilicet fidei & religioni, vt ex dictis patet, & versatur circa materiam grauissimam, scilicet contra primam Veritatem, & diuinam præ-

stantiam ac excellentiam; ergò &c.

Potest tamen aliquando esse peccatum veniale propter inaduertentiam, vt quando quis subitò ex aliqua passione in verba imaginationi obuersantia prorumpit, quorum significationem non considerat: vt habet hic D. Tho. ad 3. si tamen id fieret ex praua consuetudine quam non detestetur, neque exuere curat, non videbitur à mortali excusandus.

ARTICVLVS III.

Utrum peccatum blasphemix sit maximum peccatum?

CONCLUSIO D. Thomæ est, blasphemia est peccatum maximum inter ea, quæ ad genus infidelitatis pertinent, proinde etiam maius omnibus peccatis, quæ contra virtutes morales committuntur, Quia suprà quæst. 10. art. 3. ostensum fuit, infidelitatis peccatum in genere esse maius istis omnibus; quod verò inter peccata infidelitatis blasphemia excedat, sic declaratur: quia in primis falsa, imò indigna omnino sentit de ipso Deo, qui est primum fidei obiectum: deinde aggrauatur, quando accedit detestatio, & conuictum ipsius voluntatis, & vltèrius augetur, quando ista prorumpunt in maledica verba, aut iniuriosas actiones contra diuinam excellentiam; quemadmodum & laus fidei crescit per dilectionem & externam confessionem. Ita ferè D. Tho. vnde constat, eum potissimum agere de blasphemia, quæ habet infidelitatem coniunctam.

Quare poterit aliquis querere de blasphemia, quæ diximus aliquando esse posse citra falsam opinionem intellectus, Utrum illa sit grauior peccato infidelitatis?

Responderetur breuiter, quia ista affectio irreuerentialis, & derogatiua diuini honoris eiusque præstantiæ procedit ordinariè ex quodā odio alicuius diuinæ perfectionis, hinc etiam charitatem lædit, & ex illo saltem respectu, grauiorem videri simplici infidelitate; secus si subsisteret, absque omni odio aut designatione contra Deum eiusque perfectionem & virtutem.

De Pœnis in blasphemos videre licet Alphonf. à Castro lib. 1. de Hæret. punir. cap. 12. Leuit. 24. vt diximus, iubentur blasphemii occidi, quod etiam legibus ciuilibus aliquando in nouo Testamento fuit confirmatum: vt patet ex Authènticis; vbi Iustinianus refert multas calamitates ab irato Deo propter blasphemias immitti, ideoque has vltimo supplicio esse exstirpandas: nunc tamè mortis pœna abrogata apparet consuetudine contrarià: vt Azorius

V ij obseruat,

obseruat, tamen aliæ grauissimæ poenæ tam ciuili quàm canonico iure blasphemis irrogantur. Conc. Later. sub Leone X. Sess. 9. in reformatione Curie, & aliorum. §. Ad abolendū, præter poenas externas, quas contra Clericos & Laicos blasphemantes, & contra Iudices sæculares & Ecclesiasticos, qui eos non castigant, constituit, insuper ordinat, quod in foro conscientie nemo blasphemie reus, absque grauissima poenitentia seu confessionis arbitrio, inquit, iniuncta, possit absolui. Præterea addit, Quicumque blasphemantem audierint, eum acriter obiurgare teneantur si citra suum periculum id fieri posse contingit, eundemque deferre vel notificare apud Iudicem Ecclesiasticum seu sæcularem, intra triduum debeant. Corruptio autem illa videtur etiā facienda, quantumuis fortassis nō speretur blasphemantis emendatio: quia non tantum

ad eius emendationem dirigitur, sed etiam ad læsionem & iniuriam Deo aut Sanctis eius illatam, restaurandam ac reparandā.

ARTICVLVS IV.

Virum damnati blasphemant?

CONCLUSIO D. Tho. est affirmatiua: quæ sic declaratur: Quia retinent perueriam voluntatem & omnino à Dei iustitia auersam, & ad ea, quæ dilexerunt, & pro quibus puniuntur conuersam; vnde diuinam iustitiam ac Deum ipsum detestantur & abominantur, quæ detestatio est interior quædam blasphemia. Et credibile est (inquit D. Tho.) quod post resurrectionem erit in eis etiam vocalis blasphemia, sicut in Sanctis vocalis laus Dei.

QVÆSTIO XIV.

De blasphemia contra Spiritum Sanctum.

In quatuor Articulos diuisa.

ARTICVLVS I.

Virum peccatum in Spiritum Sanctum sit idem, quod peccatum ex certa malitia?

DE peccato & blasphemia in Spiritum Sanctum, loquitur Christus in Euangelio Matth. c. 12. & Marci cap. 3. & dicit, quod non remittetur hominibus, neque in hoc sæculo, neque in futuro. Hinc querit D. Tho. Quodnam illud peccatum sit? qua de re etiam agi solet in 3. parte quæst. 86. art. 1.

Notat autem D. Tho. Dupliciter posse peccari in certa malitia, vno modo ex praua inclinatione habitus ad malum, vnde fit quod quis sciens & prudens eligat peccatum; alio autem modo contingit ex eo, inquit, quod per contemptum abijcitur & remouetur, illud quod electionem peccati poterat impedire: hac distinctione posita

Ad articulum respondet, quod priori modo ex certa malitia peccare non sit idē, quod peccare in Spiritum Sanctum; sed peccare in Spiritum Sanctum, sit idem, quod peccare ex certa malitia modo posteriori: quia hoc est per contemptum abijcere dona gratiæ per Spiritum Sanctum specialiter ordinata, & homini oblata ad

peccata impedienda, & salutem promouendam, id autem est Spiritui Sancto contumeliosum, quia in donis & effectibus suis vilipenditur & contemnitur. Non nihil aliter rationem istius peccati, cum pluribus Sanctis Patribus, explicuimus in 3. parte quæst. 86. supra citata.

ARTICVLVS II.

Virum conuenienter assignentur sex species peccati in Spiritum S. scilicet desperatio, presumptio, impugnatio veritatis agnita, inuidentia fraternæ gratiæ, impoenitentia, & obstinatio?

DIuus Thomas inhærens expositioni, quoad rationem peccati in Spiritum Sanctum, respondet affirmatiuē, & probat in hunc ferē modū: quia sex sunt diuersa, quæ specialiter à S. Spiritu ordinantur & ingeruntur ad hominem à peccatis retrahendū, quæ dum singula ex certa malitia contemnantur, cōtingit sex distinctis modis Spiritui Sancto iniuriam & quandam contumeliam inferri: ac proinde rectē assignantur species sex peccati in S. Sanctū.

Declarat.

Declaratur, quia inprimis retrahunt hominē à peccatis consideratio diuinę misericordię ex vnā, & consideratio diuinę iustitię ex altera parte: Deinde, cōprobata agnitio veritatis diuinitis reuelatę aut ostensę, & internum gratię auxilium ac Spiritus Sancti operatio: Tertiō contide-ratio turpitudinis peccati ex vna, iterum & breuitas ac paruitas boni, si quod ineffe dici possit, ex altera parte: iuxta illud Apostoli ad Rom. 6. *Quem ergo fructum habuissis tunc in illis, in quibus nunc erubescitis; atqui per desperationem contemnitis Dei misericordia, quam Spiritus Sanctus nobis proponit: per præsumptionem, negli-*

tur timor diuinę iustitię: per impugnationem agnitę veritatis, rejicitur manifestata & comprobata diuina veritas: per inuidiam fraternę gratię; occluditur aditus diuinis influxibus, quoad illuminationem & emollitionem cordis: per impenitentiam seu propositum non penitendi, vt D. Thomas explicat, rejicitur consideratio turpitudinis peccati, quam Spiritus Sanctus solet interius suggerere, & ob oculos ponere: Denique per obstinationem in malo, remouetur omnis cōsideratio & reflexio super vilitatē ac breuitate delectationis omnis, quę ex peccato haberi possit; ergo &c.

QVÆSTIO XV. & XVI.

QVÆ vltcrius D. Tho. disputat de peccato in Spiritum S. & quę duabus quæst. sequentibus, de Virtijs intellectui & scientiæ oppositis, scilicet de hebetudine & cœcitate mentis, & de Præceptis fidei, respectiue tractat: tum ex ipso, tum ex ijs quę alibi traduntur, satis possunt intelligi. Vide dicta suprà quæst. 2: & in 3. partem quæst. 86. citata: vnde ad sequentia progredimur.

QVÆSTIO XVII.

De Spe.

In octo Articulos diuisa.

ARTICVLVS I.

Vtrum spes sit virtus?

NOTANDVM Primò, Tres posse hic considerari significationes nominis spei, quę quidem diuersę sunt, sed tamen habent inter se affinitatem & analogiam quandam: quarum prima est, secundum quam significat passionem quandam appetitus irascibilis circa bonum futurum, arduum, & adeptu possibile. Cuiusmodi spem docet D. Tho. 1. 2. quæst. 40. art. 2. etiam in brutis animalibus reperiri: quod colligit & ostendit ex motu eorum exteriori, Quia, inquit, si canis videat leporem, aut accipiter autē eminus distantem, nō mouetur ad ipsos, quasi non sperans se posse adipisci: si autem sit in propinquo, mouetur quasi sub spe. Distinguitur autem ista passio, quatenus boni est, à timore: quatenus futuri siuē absentis, à gaudio: quatenus circa arduum, à com-

muni desiderio: & denique quatenus circa possibile, distinguitur à desperatione: quę ideo hic obseruanda sunt, quia cum proportionē quadam, etiam locum habent in spe, de qua hic agitur.

Altera significatio quę hic potest considerari est, quā spes significat affectionē, vel habitum appetitus rationalis, similem analogiā quadam prædictę passioni appetitus sensitiui irascibilis, quibus scilicet voluntas tendat in bonum rationi commensuratum, siue honestum, absens, arduum, & possibile; sed quia præter bona sensibilia, & præter honesta rationi naturaliter conuenientia & cōmensurata, sunt homini proposita quę adhuc sublimiora ac omnino diuina bona; absentia quidem & maximē ardua, possibilia tamen. Hinc succedit

Tertia significatio spei, quā significat siue motum, siue habitum, qui tendat in hęc bona: duę significationes priores pertinent propriē ad philosophum moralem, nobis autem hic sermo est de spe iuxta tertiam significationem. Vbi

V ij) Notan-

3 Notandum Secundò, hic vñ venire etiam, quod in similibus vocalis solet, nimirum quod dum plura concurrunt circa hoc eius significatù, contingat quoque ipsum nomen spei vsurpari, aliquando pro habitu, aliquando pro actu: vt 1. ad Cor. 13. *Nunc manent fides, spes, charitas, tria hæc*, ad Rom. 5. *Gloriamur in spe gloriæ filiorum Dei*, & ibidem, *Spes non confundit*, & ad Rom. 8. *Spe salui facti sumus*: Aliquando autem pro obiecto, vt dum dicitur eodem loco: *Spes quæ videtur, non est spes*, id est, res sperande, quæ tenentur, iam non sperantur & ad Titum cap. 2. *Exspectantes beatam spem*: Aliquando verò pro eo, à quo speramus bonum: sic in Psalmis sæpius dicitur, *Dominus spes nostra*: Denique aliquando pro eo, per quem speramus bonum obtinere, quomodo Christus homo est spes nostra, quia per eius redemptionem & merita speramus saluari, & B. Virgo salutatur, Spes nostra, quia per eius intercessionem speramus nobis media salutis donanda, atque adeo ipsam salutem. His præmissis

4 **CONCLVSIO** D. Tho. est Affirmat. Estque communis & certa. Probatur autem primo ex Scripturâ, quæ satis testatur spem de quâ agimus, esse virtutem, quando tantopere ad eam nos hortatur, eam laudat, eius merita commemorat: Pl. 61. *Sperate in eo omnis congregatio populi*. Ad Heb. c. 10. *Nolite amittere confidentiam vestram, quæ magnam habet remunerationem*. Pl. 145. *Nolite confidere in principibus &c. Beatus, cuius Dominus Iacob adiutor eius, spes eius in Domino Deo ipsius*. Pl. 112. *Domus Israël speravit in Domino, adiutor eorum & protector eorum est*. *Domus Aaron speravit in Domino*, &c. Pl. 117. *Bonum est confidere in Domino*, &c. Bonum est sperare in Domino, ad Rom. 5. *Spes non confundit*, & cap. 8. *Spe salui facti sumus*, 1. ad Cor. 13. *Spes annumeratur cum fide & charitate*; ergò dubium non est, quin spes sit magna virtus. D. Aug. quoque lib. 2. quæst. Euangelic. cap. 22. & epistolâ 121. cap. 8. inter præcipua Dei dona spem recenset.

5 Probatur Secundò ratione, quia actus spei est rationi fide instructus admodum consentaneus, & in se maximè laudabilis, in medio rationis consistens; ergo habitus qui inclinât in actum illum est virtus. Antecedens declaratur, quia amare Deum nobis propositum, vt bonum, licet absens, quo supra naturæ nostræ conditionem, summus beatificandi, & in illud cum intentione assequendi tendere per media proportionata, scilicet diuinæ gratiæ auxilia, quæ ab illo quoque expectamus, rationi & honestati est conforme, & laude dignum; atqui ista in nobis causat spes, de qua agimus; ergò &c.

6 Sed contra obijcitur primò. In spe in-formi inest quidquid ad rationem spei requiritur: hæc tamen non videtur posse dici virtus; ergo spes non est simpliciter virtus. Probatur minor, quia temerè quis sperat beatitudinem sine charitate: vt patet ex Apostolo 1. ad Cor. 13. Prouerb. quoq; cap. 10. & Iob cap. 8. spes hypocritæ & impiorum dicitur peritura.

Respondetur Neg. minorem: & ad probationem dicendum, temerariam fore spem, si quis speraret beatitudinem consequi, non præhabita charitate; sed non esse temerariam, quâ quis nondum charitatem habens sperat cum Dei auxilio assequi beatitudinem, mediantibus scilicet & præuijs omnibus ad eam necessarijs; atque ita si non semper explicitè, saltem tacitè & virtualiter sperat etiam talis peccatorum veniam & charitatem.

Ad Scripturæ loca ex Prouerb. & Iob dicendû, quod ibi non sit sermo de spe virtute Theologicâ, sed potius de spe humanâ & inani, qua homines mundani ad temporalia bona, siue honores, siue diuitias anhelant, & omnia sua studia ad dirigunt, quæ spes simul cum ipsis absque aliquo illorum bono peribit: hoc interim verum est; spem nisi cum charitate sit coniuncta, non habere statum virtutis: sicuti supra fuit explicatum de fide.

Obijcitur Secundò, passiones non sunt virtutes, sed earum moderationes; ergo quod in mente siue in parte rationali correspondet spei non erit virtus.

Respondetur Neg. Conf. Pro intelligentiâ autem huius notandum est, passiones posse dupliciter considerari, scilicet vno modo quasi in habitu, pro inclinatione ad eiusmodi actus: secundo modo, vt in actu & tanquam operationes potentie. Similiter etiam posse affectiones correspondentes in mente dupliciter considerari: vno modo, vt in habitu: altero, vt in actu: & quidem licet in appetitu sensitivo passiones neutro modo sint virtutes, tum quod appetitus iste virtutis secundum se capax non sit, tum quod naturam sequatur, & moderationem non includant, tamen quæ in mente illis correspondent, siue acquisite, siue infuse, dicimus eas obtinere virtutis rationem, quia vt in habitu, sic sunt principia operandi secundum rationem & honestatè cum debitis circumstantijs omnibus: vt autem sunt in actu, sic operationes sunt exercitiæ tali modo ab istis principijs, sic v. g. habitus spei inclinans in beatitudinem in Dei visione consistentem, est quædam voluntatis affectio mouens, non quomodolibet, sed secundum rationem & per media proportionata, & cum alijs debitis

hæc circumstantiis ad bonum illud expectandum, & ad contendendū ad illud: actus verò spei isti habuit correspondens, & ab eo procedens, est motus quidam & tendentia in tale obiectum debitum modis. Vnde nihil ad virtutis rationem illis deest, quamvis in passione appetitus sensitivi ratio virtutis locum non habeat.

8. Observandum tamen est, quod diximus actum spei consistere in medio rationis, intelligendum id esse, non ut versatur circa suum principale obiectum, quia cum illud sit primum & summum appetibile ab homine, non potest motus in illud secundum se esse nimius aut excedens, ut docet D. Tho. art. 5. seq. ad primum: quod generaliter locū habet in virtutibus Theologicis, quia earum obiectū est Deus; sed ut versatur circa aliqua, quæ ad illud ordinantur, ut dicit ibidem Tho. v. g. circa vires & auxilia quibus ad illud tendendum est: ut si quis suis viribus consideret eò peruenire, vel etiam in Dei auxilio vellet considerare, & ex parte suā non cooperari, nec media convenientia simul adhibere, caderet ille in quandam excessum, sicuti qui de Deo, cuiusque auxilijs diffideret, caderet in defectum.

ARTICVLVS II.

Utrum beatitudo æterna sit obiectum proprium spei?

CONCLUSIO D. Th. est affirmatiua: scilicet, quod proprium & principale obiectū spei sit beatitudo æterna: quæ in fruitione ipsius Dei consistit.

Probatur ex Scripturis: Genes. cap. 12. Dominus dicit Abrahamo, *Ero protector tuus & merces magna nimis.* Ad Rō. 3. *Gloriamur in spe gloriæ filiorum Dei:* quibus locis tū Deus ipse, tū gloria ex ipso declaratur satis obiectum spei nostræ. ad Ephes. cap. 1. *Utrum sciat quæ sit spes vocationis eius, & quæ diuinitatis gloriæ hereditatis eius in Sanctis,* ad Titum 2. *Expectantes beatam spem; & aduentum gloriæ magni Dei:* ubi rursum Apostolus ostendit, spei nostræ obiectum esse gloriosam illam hereditatem Sanctorum in cælis, quæ non est aliud, quam Deus per visionem nobis communicatus: ad Titum 3. *Ut iustificati gratia ipsius, heredes simus secundum spem vitæ æternæ.* ad Heb. cap. 6. dicimur habere spem ut anchoram animæ, totam incedentem vsque ad interiora velaminis, ubi præcursor pro nobis introiit Iesus, & ubi Dei vultus cernitur, ut idem Apostolus significat ad Heb. 9. Constat igitur obiectum spei nostræ quod speramus, esse beatitudinem & vitam æternam.

Sed hic Primò Quæritur, An id quod dicitur de Beatitudine, sit intelligendum de beatitudine formali, siue de ipsa visione Dei: an de obiectiua, siue de ipso Deo, qui est supremum bonum nostrum nos beatificans?

Respondetur breuiter, de quâvis dicitur intelligi, parum interesse, quia eodem res recidit, si bene explicetur: quemadmodum siue dixeris spem avari esse pecuniam, siue esse pecuniæ possessionem, idem dices. Ratio est, quia homo sperat bonum, ut aliquando futurum suum; & se possidendum: ut docet D. August. cap. 8. & possessio quoque speratur tantum, quatenus est modus tenendi bonum illud; atque ita quando Deus dicitur obiectum spei nostræ, intelligitur etiam visio eius esse obiectum suo modo, quatenus scilicet est ratio & modus tenendi ac possidendi Deū, tanquam bonum nostrum, & quoque dum visio Dei dicitur esse obiectum, intelligitur Deus esse obiectum, scilicet tanquam bonum quod illā visionem tenemus ac possidemus.

Apparet tamen potius dicendum, quod Deus sit obiectum, quam quod visio, quia illum speramus tanquam bonum, cuius possessione sumus beatificandi; visionem autem tantum tanquam modum, quo teneamus bonum, cuius possessione gaudeamus & beatificamur. Si quis verò vellet considerare Dei visionem tantummodo, ut qualitatem & perfectionem quandam creatam inherenter intellectui nostro, non considerando bonum externum quod per eam possidemus, sic non nisi inter secundaria obiecta materialia spei veniret enumeranda.

Quæritur Secundò: Quodnam sit obiectum formale spei? Hactenus de obiecto materiali spei loquuti sumus, nunc difficultas est sub quâ formali ratione spes circa illud versetur?

Diuis Thomas quæst. 7. De Spiritualibus creaturis art. 1. dicit, formale obiectum spei esse auxilium diuinæ potestatis & pietatis, quod etiam art. 5. seq. videtur indicare quando docet, spem attingere supremam actum humanorum regulam, scilicet Deum ipsum, & tanquam primam causam efficiientem, in quantum eius auxilio innititur, & sicut ultimam causam finalem, in quantum ex eius fruitione beatitudinem expectat. Eodem inclinant illi qui docent, Dei omnipotentiam habere rationem huius obiecti formalis: Vsq̃ue in 1. partem disp. 84. & 1. 2. disp. 15. cap. 3. vult Deum, à quo bonum speratur ut sic, esse obiectum formale: vnde à sententiâ D. Tho. non videtur recedere, poterit
V iiii autem

plus inhæreamus, ac nobis amemus aliud quodcumque bonum quam ipsum, & propter aliud negligamus hoc querere, & ad eius amplexum & possessionem aspirare: quare constat satis, hunc Dei amore esse honestum & supernaturalem. His præmissis

16 Probari potest secunda sententia supra posita: Primò, quia vnus est virtutis habitus, à quo procedit hic Dei amor, quem vocant concupiscentiæ, quo illum nobis amamus, & à quo causatur desiderium illius, & spes, ac intentio consequendi ac possidendi bonum tantum; ergo idem est obiectum formale illius desiderij ac spei, quod est amoris: atqui formale obiectum huius amoris est increata Dei bonitas, quatenus supremum bonum nostrum & beatitudo nostra supernaturalis, quod nemo videtur posse negare; ergo etiam spei, de qua agimus:

Antecedens probatur, quia idem vsu venit in alijs virtutibus voluntatis, vbi tales actus secundum quandam proportionem similes procedunt ab eodem habitu; sicut declaratum est in charitate, & alioquin oporteret, quasi sine numero, admittere habituum multiplicationem.

17 Probat autem prior consequentia, quia idem est obiectum formale habitus, & omnium actuum ad quos per se & directè mouet & inclinatur; neque refert quod actus aliquando sint diuersi, siue connotato aliquo, siue etiam specie: quia talis diuersitas nasci potest ex diuerso modo quo influit aut applicatur obiectum potentiæ, quamuis sub eadem ratione formali influat quemadmodum amor Dei concupiscentie in hac vita, & delectatio ac fructus Dei in cælo, sunt actus multum diuersi, & tamen haud dubiè versantur ambo circa Deum, sub ea ratione, qua est summum bonum nostrum supernaturale.

18 Probat autem Secundo, quia spes Theologica est virtus voluntatis: vt infra docet D. Tho. sicuti altera est passio appetitus sensitui; ergo actus illius ratio formalis debet esse aliqua ratio boni; atqui per accidens est obiecto bono, quatenus tale, quod huius vel illius auxilij, his vel illis viribus sit obtinendum: hoc enim non mutat aut diuersificat bonitatis rationem in obiecto, quia non ideo bonum est alterius rationis, quia à tali causa nobis obuenire debet; sed potius, quia bona aliqua in se sunt diuersa, diuersique ordinis, ideo diuersas respiciunt causas, quibus mediantibus obtineri ac possideri à nobis possint; ergo auxilium diuinæ potestatis & pietatis, quod ipsi Deo amato tanquam bono nostro non addit specialem rationem boni

nobis appetibilis, non potest rectè dici formale obiectum spei: sed potius videtur se extrinsecus habere; quatenus eius apprehensio est necessaria, vt voluntas efficaciter, & cum intentione assequendi Deum vt bonum nostrum possit moueri, & ed tendere, quia alioquin iudicaretur impossibile aut nunquam obuenturum.

Confirmatur, quia si ista formalis ratio spei Theologicæ, sequeretur fore actum huius virtutis, si quis aliquod temporale bonum ex Dei omnipotentia & pietate expectaret, quantumvis hoc ad æternam beatitudinem non referret. Similiter quotiescumque expectaret quispiam à Deo auxilium ad operandum quemcumque virtutis actum ob formalem rationem boni, quod in tali virtute, aut in eius obiecto in est, semper dicendum esset operari ex spe Theologica, cum tamen actus talis pertineat ad virtutem, ex cuius bonitatis amore, & affectu, istud auxilium à Deo postulat & expectat: vt ex antè dictis potest colligi.

Neque eadem videtur hic esse ratio diuinæ potentiæ & pietatis auxiliantis, in ordine ad spem, quæ est diuinæ veritatis reuelantis in ordine ad fidem: quia hæc facit obiectum fidei nobis cognoscibile, atque adeo cognitum ob eius auctoritatem secundum suam propriam rationem, sic vt illa sit tota ratio credendi; diuina autem potentia & pietas non faciunt obiectum amabile & desiderabile, vt pote quod ex se est tale, & desiderabile etiam à nobis, quædo fide cognoscitur; vnde dici non debent tota ratio, quare bonum illud à nobis spectetur; sed solum præstant quod iudicetur nobis possibile: quo iudicio posito, mouetur voluntas ab obiecti bonitate ad efficaciter illud intendendum cum Dei auxilio; quod non est aliud, quam illud sperare.

Tertiò, pari ratione, quæ potestas & pietas Dei ponuntur obiectum formale, possent etiam poni Dei promissio, & eius veracitas in promissis: quia nisi hæc simul considerentur, non satis apprehendet intellectus bonum obuenturum: & proinde neque voluntas efficaciter appetet & ad illud tendet, quia Dei potentia & pietas non sufficienter generabunt opinionem de illo aliquando consequendo, nisi consideretur simul, quod Deus nobis tantum bonum ordinauerit & promiserit.

Quartò & vlt. quia sequeretur plures esse virtutes Theologicas quam tres: non enim dubitandum est, quin aliqua sit virtus, quæ proximè versetur circa Deum, sub ea formali ratione, qua bonitas eius increata est bonum nostrum summum, & supra naturam: quæque illum, vt sic ame-

mus ac

mus ac desideremus, quæ distincta est à fide & charitate; ergo in hæc non est virtus spei, efficitur quod quatuor ad minus sint Theologicæ virtutes, quod receptissimæ Theologorum doctrinæ repugnat.

23

Sed obijcitur, Scripturæ principaliter commendat nobis, atque adeo præcipuam laudem spei in eo positam significant, ut speremus in Domino; non autem in hoc, quod speremus Deum; ergo videtur quod Deus, ut potens & pius ad auxiliandum; debeat poni obiectum formale spei, non autem Deus, ut nobis bonus, siue ut summum bonum nostrum.

Antecedens patet ex locis supra num. 4. citatis, ad ostendendum spem esse virtutem; & ex alijs plurimis, quæ passim in Psalmis & apud Prophetas leguntur.

Respondetur in Scripturis sanctis multum quidem commendari spem in Domino, in eiusque auxilijs & protectione; sed tamen non minus etiam commendari, ut non respiciamus in infanias fallas; sed speremus & intendamus hereditatem æternam in cælis, & videre bona Domini in terra viventium, quæ non est aliud quam ipse Dominus, & Deus noster: iuxta Ps. 15. *Dominus pars hereditatis meæ &c. tu es qui restitues hereditatem meam mihi*: Ps. 143. *Beatus populus cuius Dominus Deus eius*: Psal. 26. *Vñ peti à Domino: hanc requiram, ut habitem in domo Domini omnibus diebus vitæ meæ: ut videam voluptatem Domini, & visitem templum eius*: & Genes. cap. 15. *Ego merces tua magna nimis: vide plura circa conclusionem huius articuli supra num. 9. allegata*. Huc accedit quod dum Scriptura commendat spem in diuinis auxilijs, id facere solet in ordine ad bona Domini in terra viventium consequenda & possidenda: quemadmodum etiam quando vituperat & reprehendit fiduciam in principibus & filijs hominum, id facere solet ad reuocandos affectus nostros à terrenis & mundanis bonis, quæ ab istis videntur aliquo modo dependere, ut nobis obueniant, vel à nobis auferantur.

24

Patent hæc passim ex Scripturis quæ de materia huiusmodi loquuntur: Psal. 35. *Filijs hominum in tegmine alarum tuarum sperabit, inebriabitur ab vbertate domus tuæ, & torrentis voluptatis tuæ potabis illos*: Psal. 36. *Spera in Domino, & fac bonitatem*: & infra, *Mansueti hereditabunt terram, & delectabuntur multitudine pacis: ac rursus, Nevis Dominus dies immaculatum, & hereditas eorum in æternum erit*: Psal. 72. *Deum cordis mei, & pars mea Deus in æternum: mihi autem adherere Deo bonum est, ponere in Domino Deo spem meam*: Ps. 141. *Clamavi ad te Domine, dixi: tu es spes mea, portio mea in terra viventium*: vide similia Psal. 36. & alijs iam citatis: imo quando Scriptura

simpliciter iubet aut monet, ut speremus in Domino, non tantum commendat, ut in eius virtute & pietate confidamus, sed etiam, ut ipse sit spes nostra, & bonum nostrum quod intendamus, & ad quod consequendum conatus nostros omnes conuertamus: quod tum Scripturæ allegatæ satis significant, tum modus loquendi Hebræorum importat, qui verbum, *Sperare*, sicut & alia quædam construere solent cum præpositione (*in*) siue particula illi æquivalente. Quandoquidem igitur Scriptura commendat utrumque, sed vnum ut medium, & alterum ut finem, videtur formalis ratio obiecti potius desumenda ex eo, quod rationem finis habet, quam quod medijs ad illud.

Obijcitur Secundò, Inordinatum esse videtur Deum amare amore concupiscentiæ, & cum sperare tanquam bonum nostrum, hoc enim videtur esse Deum ordinare ad creaturam tanquam ad finem; ergo &c.

Respondetur Neg. Antecedens, & simul illud quod ad eius probationem adijcitur, neque enim istud est referre Deum ad nos tanquam ad finem, sed esse ipsum ut finem nostrum nobis velle & nobis applicari desiderare, ut illi, tanquam summo bono, inhaeramus, ac ipso fruamur, quod ordinatissimum est, & Deo maxime honorificum, sicut supra de amore concupiscentiæ dictum est.

ARTICVLVS III.

Vtrum aliquis possit sperare alteri æternam beatitudinem.

CONCLUSIO Prima: Nemo propriè & absolutè sperat alteri quodcumque bonum, sed sibi. Colligitur ex D. Thoma hic: & probari potest auctoritate D. Augustini Enchr. cap. 8. ubi docet, Fidem esse, & suarum rerum, & alienarum; spem verò, non esse nisi rerum ad eam pertinentium, qui earum spem gerere perhibetur. Deinde probatur ratione, quia spes propriè motus quidam est, seu protensio appetitus in bonum arduum, ut sibi proportionatum & commodum; ergo propriè & absolutè non sperat quis alteri.

CONCLUSIO Secunda: Quatenus tamen alter est nobis per amorem vnitus, sic possumus etiam illi sperare bonum & æternam vitam. Est etiam D. Thomæ: & declaratur, quia quatenus amor illum nobis coniungit, sic quodammodo idem nobiscum est, & ipsi sperando bonum etiam nobis

nobis speramus, quia bonū eius quodammodo nostrum est, nam de illo conquisito alteri, tanquam de nostro, gaudemus cum ipso, ac bene inde nobis esse sentimus; Sed quando volumus alteri beatitudinem: quia hoc Deo gratum est, qui vult omnes saluos fieri, & vt sic, honorificetur Deus in illo, tum voluntas hæc non erit spei, sed charitatis.

ARTICVLVS IV.

Utrum aliquis possit licite sperare in homine?

28 **C**ONCLUSIO D. Thomæ est: Non licet sperare in homine, aut in aliquā creaturā, tanquam prima & principali causa nos mouente ac ducente in beatitudinem: licet tamen tanquam in aliquā causa secundariā, & instrumentali, per quam Deus adiuuat nos ad bona in beatitudinem ordinata assequenda: quemadmodum non licet quoque sperare bonum creatum tanquam finem vltimum, cuius possessione efficiamur beati; sed bene tanquam medium aliquod ordinatum, aut subseruiens ad consecutionem boni increati, quod est Deus ipse.

Priorem partem probant Scripturæ omnes, quæ reprehendunt & maledictum pronuntiant eum, qui in carne, in principibus, in filiis hominum in quibus non est salus, confidit: vt 2. Paral. c. 16. Ierem. 17. Psal. 43. & 146. & alibi frequenter: quia scilicet homo non potest nobis conferre quæ nos verè beatos faciant, & qualiacumque bona videatur nobis præstare aut procurare, non ille tamen prima & principalis causa vel author istorum habendus est.

Posterior pars probari potest ex D. Gregorio, qui lib. 1. Dialog. cap. 8. docet, prædestinationem precibus S. S. iuuari, quod in 1. parte & alibi latius ostenditur & explicatur.

ARTICVLVS V.

Utrum spes sit virtus Theologica?

29 **C**ONCLUSIO est affirmatiua: & probatur à definitione: quia virtus Theologica dicitur quæ versatur (scilicet proximè) circa Deum tanquam obiectum quod naturale intellectus nostri cognitionem excedit: siue quod est finis supernaturalis: vt docet D. Tho. 1. 2. quæst.

92. art. 1. & 2. atqui spes, sicuti ex hactenus dictis constat, versatur proximè ita circa Deum; quatenus est supernaturale bonum nostrum vltimatè & perfectè nos beatificans, quando à nobis possidetur: ergo &c. Accedit quod vt ordinatè in illum voluntas tendat, debeat quoque homo Dei virtuti, & benignitati inniti, sic vt principaliter per ipsum Deum eiusque auxilia misericorditer præstanda, & non viribus nostris, aut alicuius creaturæ, debeamus prætere de bonum illud increatum consequi, & obtinere, vt hic monet D. Tho. ergo &c.

Sed obijciat aliquis: spes non tantum circa Deum, sed etiam circa alia multa, v. g. circa peccatorum remissionem, circa iustificationem, imo circa omnia quæ Oratione Dominicā continentur, versatur, hæc enim oratio spem Christianam, continet & explicat: quemadmodum symbolum fidei, & decalogus charitatem vt significat August. Enchiridij cap. 7. & 113. & sequentibus, ergo non potius videtur dicenda virtus Theologica: quàm moralis.

Respondetur spem non versari circa ista, nisi ex motivo Summi boni: appetit enim & sperat Christianus ista propter Deum, siue increatum bonum assequendum, quod mediantibus istis obtinere intendit. Vnde in omnibus talibus causa mouens & trahens voluntatem, quatenus ex spe Christianā mouetur est finis vltimus quasi extrinsecè illa informans. Quare id nihil obstat, quo minus spes Christiana dicatur & sit virtus Theologica: quia in omnibus istis Deus speratur modo explicato.

ARTICVLVS VI.

Utrum spes sit virtus distincta ab alijs virtutibus Theologicis?

CONCLUSIO est affirmatiua: & certa, vt apparet de fide. Probatum autem primò, quia Apostolus 1. ad Cor. 13. apertè inter se distinguit tres has virtutes fidem, spem, & charitatem, dum non tantum distinctis nominibus eas exprimit, sed in super adiicit, *Tria hæc*: vbi autem non est distinctio, ibi non oritur pluralitas, aut numerus, vt hic notat D. Thomas: Insuper addit vterius: *Maïor autem horum est charitas*: quo etiam satis significatur eorum distinctio. Estque communis doctrina antiquorum ad citatum Apostoli locum: & D. Augustini Enchr. cap. 3. & cap. 113. & sequentibus.

Et cæ

32 **Ex proprijs rationibus ac obiectis** potest declarari, quia fidei obiectum primum est Deus, ut in se veraciter est: & ut verax in suis dictis, obiectum autem spei est Deus, ut nobis bonus, siue ut bonum nostrum per eius auxilia à nobis acquirendum & possidendum. Deinde fides est virtus intellectus: Spes autem voluntatis. In quo etiam charitas à fide distinguitur: cum spe autem conuenit quidem in subiecto, sed habet obiectum proprium & formale diuersum à spe: quia huius obiectum est quidem etià Deus: sed vt summè amabilis amore beneuolentiæ, & amicitia: propter infinitam eius præstantiam & infinitas eius perfectiones, ob quas dignissimus est quod illi omnem honorem & gloriam ac omne bonum deferamus ac velimus. Quare manifestum euadit, quod spes sit virtus ab alijs Theologicis, fide scilicet & charitate distincta.

ARTICVLVS VII.

Vtrum spes precedat fidem?

33 **CONCLUSIO** D. Thomæ est: fides absolute spem præcedit. Probatur, quia voluntas non fertur in obiectum, nisi apprehensum, & cognitum per intellectum; atqui obiectum spei, quam hic supponimus esse virtutem voluntatis, est Deus vt finis noster supernaturalis, & summum bonum nostrum, diuinis auxilijs obtinendum, quod non cognoscit, neque apprehendere potest mens humana, nisi per fidem; ergo fides debet præcedere spem. Quod intellige de necessitate quoad actus, vt explicat D. Thomas 1. 2. quæst. 62. art. 4. quia habitus in primâ iustificatione solent simul infundi.

ARTICVLVS VIII.

Vtrum charitas sit prior spe?

34 **CONCLUSIO** Prima: Spes prior est charitate viâ generationis. Ita D. Thomas hic. Et probari potest ex Concilio Trid. Sess. 6 cap. 6. vbi describens ordinem progressum iustificationis, ponit primo loco fidem: deinde timorē: tertio loco spem, & postmodum dilectionem. Ex eo namque quod quis speret ab altero multa & magna bona, inducitur quoque non tantum ad amandum bona eius; sed etiam ad ipsum amandum amore beneuolentiæ & amicitia, qui est actus charitatis. De quo videre licet D. August. Tract. 9. in epistolam 1. Iohannis. Hinc Scripturæ, & Concilia, ac Patres passim hoc or-

dine enumerant tres virtutes, vt primo loco fidem, secundo spem, & tertio charitatem expriment. Sed contra potest

Obijci ex Augustino lib. 1. de doctrinâ Christianâ cap. 37. vbi sic scribit: Porro si credit & diligit bene agendo, & præceptis bonorum morum obtemperando, efficit, vt etiam speret se ad id quod diligit, esse venturum: quibus significatur spem oriri ex dilectione coniunctâ cum obseruatione diuinorum mandatorum, quæ sunt charitatis; ergo charitas ordine generationis videtur prior Spe. Quod etiam indicat Ambros. in cap. 17. Luc. vbi dicit, spem esse ex charitate & fide.

Respondet Diuus Thomas, Patres illos loqui, & cum illis Magistrum Sentent. quem citat, de Spe formatâ, & vt habet statum virtutis: quod quidem eo sensu verissimum est; quia spes per accedentē charitatem redditur formata, sicuti supra de Fide est explicatum.

Alio modo potest responderi, quod Patres illi loquantur, de actu spei, quo quis omnino fiducialiter & proximè sperat & expectat bonum increatum, quod amat tanquam habens omnia necessaria ad beatitudinem obtinendâ: quia scilicet habet spiritum Dei in quo clamat, Abba Pater, & qui reddit testimonium spiritui eius, quod sit filius Dei, vt loquitur Apostolus ad Rom. cap. 8. cuiusmodi perfectissimi & fidentissimi actus Spei sequuntur charitatem.

CONCLUSIO Secunda: Charitas tamen prior est spe, sicuti & fide, dignitatis & perfectionis ordine. Patet ex Apostolo 1. ad Cor. 13. vbi enumeratis tribus istis addit: Maior autem horum est charitas: & ad Rom. cap. 13. docet plenitudinem legis esse dilectionem. Est igitur charitas cæteris virtutibus etiam fide & spe dignior & præstantior.

Sed disputatur, vtrum spes ordine dignitatis fidem præcedat, sicut fides præcedit illam viâ generationis.

Respondetur breuiter probabilius videri, quod fides non tantum ordine generationis, sed etiâ dignitatis spem præcedat. Ita tenet Bannes supra quæst. 4. art. 7. & cum illo Malderus hoc loco: fauet D. Th. quia quando hic spem & charitatem inter se comparat, dicit solum cum quâdâ quasi restrictione, quod spes sit prior dum addit, viâ generationis: quia, vt dicturus erat, charitas præcedit dignitate: quando autem articulo præc. comparat fidem & spem inter se, dicit absolute quod fides præcedat spem, insinuans per hoc quod spes non aliâ potiori ratione præcedat fidem. Huc etiam facit, quod infra qu. 20.

art. 3.

art. 3. doceat infidelitatem esse peccatum maius desperatione.
38 Et probari potest primò, quia spes suam certitudinem & firmitatem à fide accipit, unde dicitur fides hypostasis seu fundamentum rerum sperandarum. Secundò, quia maioris præstantiæ videtur esse cognoscere Deum, & eius attributa, quæ

omnem humanum captum superant, & ob diuinam autoritatē credere eā firmitate prout talis authoritas postulat, quod est munus fidei; quàm Deum & eius præmia sibi amore concupiscentiæ diligere, & ad illa assequenda adniti & intendere: quod ad munus spei spectat; ergò &c.

Q V Æ S T I O X V I I I.

De subiecto spei.

In quatuor Articulos diuisa.

ARTICVLVS I.

Utrum spes sit in voluntate sicut in subiecto?

3 **C**ONCLVSIO est affirmatiua: & satis potest constare ex dictis: quādoquidē enim obiectum spei sit bonum aliquod, efficitur quod ipsa sit in appetitu; & quia non bonum sensibile, sed bonum intelligibile, & quidem lumine tantum supernaturali, consequens est quod non in appetitu inferiori, aut sensitivo, sed in superiori & rationali spes collocanda sit ut in subiecto. Sed contra potest

4 **Obijci**, spes innititur Deo ut veraci in promissis; ergo videtur esse virtus intellectus potius, quam voluntatis.

Respondetur spem inniti Deo ut veraci hætenus quod præsupponat fidem, quā sperans credat Deum in suis promissis fidelem & veracem; sed actus iste non spei, sed fidei est, per actum autem spei expectat bonum quod promissit Deus, quem credit fallere non posse, & illud consequi intendit.

ARTICVLVS II.

Utrum spes sit in beatis?

3 **C**ONCLVSIO Prima: Principalis actus, ad quem virtus spei hic ordinatur, cessat in beatis. Est certa & manifesta ex Scripturis: imprimis, quia Apostolus sæpius citato loco ad Cor. docet, spem in patria euacuari, quod ad minus de actu eius principali, quem hic habet,

Vviggers in 2. 2.

debet verificari. Secundò, quia actus iste est sperare increatum bonum supernaturale nondum habitum; sed obtinendum; atqui beati iam possident & fruuntur illo præsentī: *Spes autem quæ videtur*, iuxta Apostolum ad Rom. 8. *Non est spes*, id est, quando res sperata iam possidetur, naturali quadam sequela sperari tum desinit: *Nam quod videt quis, quid sperat?* ut addit ibidem Apostolus. Declaratur idem ex Extratrag. Benedictus, quod scilicet visio Dei cuiusque fructus actum fidei & spei euacuent.

4 **Obijci**et aliquis, eiusdem rationis sunt sperare futuram possessionem alicuius boni, & sperare continuationem possessionis in futurum; sed beati possunt sperare continuationem; ergò principalis actus spei non videtur in totum cessare.

Respondetur Primò; quando possessio boni iam adepti est omnino necessaria & immutabilis, & clarè cognoscitur talis, tunc locum non habere aliquem actum eiusdem rationis circa continuationem possessionis cum actu spei, quæ est de bono absente adipiscendo; quia quod quis immutabiliter possidet, eo ipso perpetuò possidere censetur.

Respondetur Secundò, cum D. Thomas beatam vitam Sanctorum participare quandam æternitatem Dei, ut in eorum beatitudine non sit considerare præteritum & futurum, adeoque nihil sit quod expectent, cum totum simul possideant.

5 **C**ONCLVSIO Secunda: In beatis tamen, præsertim ante diem iudicii, supersunt quidam secundarij actus spei. Pater, quia in primis adhuc nobis viatoribus, quatenus amore nos habent sibi coniunctos, sperant beatitudinem; cuiusmodi actum S. Thomas supra art. 3. refert ad virtutem

X spei

spei. Deinde sperant corporis sui gloriosam resurrectionē: quem actum, licet quidam existiment etiam in via non pertinere ad virtutem spei Theologicę, eoquod corpus diuini boni, circa quod spes versatur, non videatur esse capax; tamen probabilius apparet, saltem secundariò ab illa virtute quoque procedere; quia rationi consentaneum est, quod habitus ille sese extendat ad omne bonum expectandum, quod ex Deo clarè viso, siue in anima, siue in corpore per redundantiam quamdam, nobis obuenturum est. Præterea possunt expectare quædam gaudia ac præmia accidentalialia.

6. **CONCLUSIO Tertia:** Quod ad habitum spei attinet, multi probabiliter tenent illum in patria euacuari ac desinere esse. Probari potest primò, quia ubi actus maximè proprius & principalis alienius habitus locum non habet, nec habere potest propter rationem status, ibi non videtur ratio cõseruationis, quia appareret frustraneus & otiosus; ergò &c. Secundò, quia sicuti actus eius principalis importat imperfectionem, quatenus postulat absentiam rei speratę, sic quoque videtur dicendum de ipso habitu. Tertiò, quia Apostolus loco suprà cit. potest dici loqui, non tantum de actu spei, sed etiam de habitu; ergò &c.

7. **CONCLUSIO Quarta:** Non tamen improbabiler alij quidam existimant, habitum spei quoad substantiam in patria remanere, quamuis non secundum nomenclaturam.

Probatur Primò, quia vt supra ostendimus, videtur omnino dicendum, eundem esse habitum, quoad substantiam, quo Deū tanquam finem nostrum supernaturalem amamus, siue absentem, siue præsentem amore concupiscentiæ, & quo illum speramus; atqui habitus iste amoris non debet dici in patria desinere aut euacuari, quia vel maximè ibi actus eius vigeant, tum amoris, tum fruitionis & gaudij de amato bono iam plenè possessio: ergò habitus spei quoad substantiam quoque remanet.

Secundò, quia, vt diximus, supersunt quidam actus secundarij spei: quandoquidem ergo absque incommodo potest dici, quod habitus secundum substantiam maneat, non videtur istud negandum, cum aliquis eius subistat vltus. Probatur consequentia, quia alioquin dicendū erit, quod actus isti (qui sine dubio supernaturales sunt) vel eliciantur absq; principio supernaturali intrinseco & permanente, quod est contra perfectam rationem & modum operandi; vnde eà de causa varij habitus Christo attribuuntur, ne illā perfectione

careat: vel oportet statuere nouum operandi principium tales actus in beatis; vel ad aliud principium generale eos obliquè reuocare, quæ omnia videntur minus congrua; ergò potius dicendum quod habitus remaneat.

Dixi quoad substantiam, non autem quoad nomenclaturam: quia ideo compellatur habitus ille nomine spei hic communiter, quia consideramus eum ordinariè secundum actum eius primarium & difficiliorē, propter quem primò & principaliter hic in via nobis communicatur & infunditur, qui est sperare aliquando adipisci bonum illud increatum, & Deo per claram visionem frui. In beatis itaque quia desinit ordo habitus ad hunc actum, propter mutatam circumstantiam obiecti, quod illi modo plenè possident, non quoque amplius nomine spei veniet compellendus, quamuis à parte rei idem supersit.

Qui itaque hanc conclusionem volent sequi, ad probationes alterius poterunt respondere.

Ad primam quidem, quod licet principalis actus spei, ad quem in via ordinatur, ibi cesset, tamen adhuc locum ibi habere actus secundarios, quod etiam alij fatentur. Deinde seruit ad actus amoris, fruitionis, & gaudij de fine vltimo obtento & possessio eliciendos: vnde adhuc vel maximum ibi habet vltum.

Respondetur ad secundam, quod habitus iste non simpliciter inuoluat imperfectionē, licet actus eius principalis viæ huius inuoluat; quia habitus secundū se inclinat ad Deum vt finem supernaturalem & summum bonum nostrum appetendum siue prosequendum & amandum, tum appetitu desiderij quando abest, tum appetitu complacentiæ quando præsens habetur & possidetur.

Ad tertiam dicendum erit sufficere verbis & proposito Apostoli, quod spes dicatur cessare aut non manere secundum officium suum & actum principalem, quorum gratia nobis in via hic infunditur, sicut id iam supra dictum est.

Notandum tamen, si habitus spei ponatur realiter & quoad substantiam diuersus ab habitu quo Deum, vt finem supernaturalem nobis amamus, quod tum videretur dicendum potius illum quoque in patria cessare ac desinere ob argumēta prædicta.

ARTICVLVS III.

Vtrum in damnatis sit spes?

19 **C**ONCLVSIO est negativa, & probari potest primò ex illo Prov. c. 11. *Mortuo homine, impio nulla erit ultra spes, & ex illo Psal. 6. Non est in morte qui memor sit tui, &c. In inferno autem qui confitebitur tibi? spes enim est quædam confessio diuinæ virtutis, & misericordiæ. Ratio autem est, quia damnati sciunt impossibile esse ut aliquando liberentur & saluentur; quemadmodum enim ad felicitatem beatorum pertinet ut sciunt perpetuam beatitudinis suæ, nec se posse ab ea excidere, ita ad completam damnationem & cumulum miseriarum facit quod sciunt se perpetuò fore miseros, nec posse vnquam euadere: vnde necessariò sequitur desperatio.*

21 Dicit aliquis, potest Deus per potentiam absolutam liberare damnatos, & videtur aliquando id re ipsa fecisse, quando v. g. per Sanctos suos miraculosè reuocauit impios ad vitam; neque enim verisimile est, inter tam multos à mortuis resuscitados, non fuisse aliquos in infidelitate sua vel alio peccato mortali defunctos: ergo possunt damnati adhuc apprehendere liberationem suam ut possibiliter futuram, & proinde eam sperare.

Respondetur Neg. Conseq. quia de omnibus illis, qui in peccato mortali siue in statu damnationis prius fuerint defuncti, & postmodum ad vitam reuocati, dicendum est, damnationis sententiam non fuisse in eos prolatam; sed suspensam, quæ alioquin ordinariè statim à morte in malos profertur; quam non tantum audiunt, sed etiam intelligunt, immutabiliter omnino fieri, neque vnquam mutandam, etsi dum in vita essent, sensissent cum Origene nullas pœnas creature rationalis fore perpetuas. Vnde fit quod nullam spem liberationis concipere possint.

32 Petet aliquis Primò, Vtrum animæ in purgatorio spem habeant?

Respondetur eas spem habere, non tantum quoad substantiam habitus, sed etiam quoad principalem eius actum, respectu scilicet beatitudinis quæ nondum fruuntur. Potest colligi ex illo Sapientie 3. vbi de Patribus & Prophetis qui erant in limbo dicitur: *spes illorum immortalitate plena est*: quod & in animabus in purgatorio existentibus locum habet.

Petebat Secundò, Vtrum in hæreticis spes remaneat?

Respondetur in hæreticis non esse veram spem supernaturalem, neque habitum, neque actum. Patet, quia spes præsupponit fidem supernaturalem, tanquam fundamentum virtutum omnium supernaturalium, ut alibi latius explicatur, & docet Concilium Tridentinum Sess. 6. cap. 6. Quare dupliciter spes amitti potest: primò per submotionem fundamenti siue fidei, quomodo etiam aliæ virtutes tunc euanescent: secundò per desperationem, ut si quis de sua salute desperet absque errore fidei contrario.

Obseruandum tamen est in hæreticis posse spem quædam naturalem seu potius præsumptionem reperiri, ortam ex persuasionem seu fide humana etiam falsa: in omnibus enim est amor quidam vitæ beatæ, cui si accedat opinio de illa consequenda, quamuis falsa, nascitur spes quædam, sed inanis.

ARTICVLVS IV.

Vtrum spes Viatorum habeat certitudinem?

14 **C**ONCLVSIO Vnica: Necessè est agnoscere certitudinem aliquam in spe viatorum. Patet ex Scripturis ad Heb. 6. *Interposuit iusiurandum (scilicet Deus) ut per duas res immobiles, quibus impossibile est mentiri Deum, fortissimum salutem habeamus: qui confugimus ad tenendam propositam spem, quam sicut anchoram habemus animæ tuam ac firmam.* 2. ad Timoth. 1. *Ob quam causam etiam hæc patior: sed non confundor: scio enim cui credidi, & certus sum quia potens est depositum meum seruare:* ad Rom. 5. *Spes non confundit;* & Psal. 30. *In te Domine speravi, non confundar in aeternum.* Idem constat Psal. 90. *Qui habitas.* Et confirmari potest ex Conc. Trid. Sess. 6. cap. 13. vbi ita scribit: *Nemo sibi certi aliquid absolutè certitudine polliceatur, tamen si, inquit, in Dei auxilio firmissimam spem collocare & reponere omnes debeant; Deus enim, nisi ipsi illius gratiæ defuerint, sicut cœpit opus bonum ita perficiet, operans velle, & perficere.* Vnde etiam Magister Sent. lib. 3. dist. 26. quasi describit spem esse certam expectationem futuræ beatitudinis.

Sed difficultas est in explicanda ratione huius certitudinis spei: vbi hoc inprimis.

Certissimâ fide tenendum est, non posse ita explicari, uti volunt hæretici, quod scilicet quisque fidelis teneatur certò cre-

dere & sibi persuadere sese esse iustum, & Dei filium, ac certissimè saluandum.

Pater ex Conc. Trid. in primis loco citato, ubi postquam dixisset, Omnes debere in Dei auxilio spem collocare, subiungit statim ex Apostolo ad Philip. 2. & 1. ad Cor. 10. Veruntamen qui se existimant stare, videant ne cadant, & cum timore & tremore salutem suam operentur in laboribus, in vigilijs, in elemosynis, in orationibus, &c. formidare enim debent, inquit, scientes quod in spem gloriæ, & nondum in gloria renati sunt, de pugna quæ superest cum carne, cum mundo &c. Sed contra vanam istam & præsumptuosam fiduciam & fidem specialem plura diximus in 1. 2. in tract. de Gratia & Iustificatione. Omissis autem varijs Catholicorum expositionibus.

16 Dico Secundò: Quod optimè & accommodatissimè ad scientiam & doctrinam Conciliorum, præsertim Conc. Trid. videatur ratio istius certitudinis spei explicari, si dicatur in tribus hisce consistere, & inde exsurgere:

Primò in certitudine ac soliditate obiecti, siue boni sperati, quod spes Theologica habet certissimum ac verissimum: & quidem obiecti certitudinem in primis facere ac necessariam esse, vt generaliter spes aliqua possit dici certa & fundata, satis constat: quia si de illo ambigatur, dicitur is, cuius spes circa obiectum tale versatur, planè in incertum sperare: & si veritas non subsit, dicitur spes eius inanis & vacua. Hinc in Scripturis toties ridetur & reprehenditur spes mundana. Sap. 5. Spes impij tanquam lango est, quæ à vento tollitur: & tanquam spuma gracilis, quæ à procella dispergitur: & tanquam fumus, qui à vento diffusus est, &c. Insuper autem in perpetuum viuunt, &c. Ideo accipient regnum decoris, & diadema speciei de manu Domini, &c. Psal. 51. Sperauit in multitudine diuitiarum suarum, & prauauit in vanitate. Psal. 71. Dormierunt somnum suum, & nihil inuenerunt omnes viri diuitiarum in manibus suis. Hinc & Apostolus 1. ad Cor. 15. contra eos qui dicebant resurrectionem mortuorum non esse, & obiectum spei nostræ tollebant, aut in dubium reuocabant, ita arguit: Quod si Christus non resurrexit, vana est fides vestra: & paulò infra: Si in hac vita tantum in Christo sperantes sumus: miserabiliores sumus omnibus hominibus.

17 Secundò certitudo spei fundatur in certitudine & infallibili veracitate promittentis Dei, & promissionis nobis factæ de illo tanto bono præstando & reddendo, si nos ea fecerimus, quæ à nobis requirit: quam certitudinem vtget & explicat Apostolus ad Hebr. 6. ita scribens:

In quo abundantius volens Deum ostendere pollicitatione hereditum immobilitatem consilij suis interposuit iuramentum: vt per duas res, &c. Fortissimum solatium habeamus, qui confugimus ad tenendam propositam spem, &c. & 2. ad Timoth. 1. Scio cui credidi, & certus sum, quia potèst est depositum meum seruari, & Psal. 144. ea de re dicitur: Fidelis Dominus in omnibus verbis suis. & Psal. 145. Beatus, cuius Deus Iacob adiutor eius, spes eius in Domino Deo ipsius; quia, scilicet custodit veritatem in sæculum sæculi, vt mox subiungitur. Erpassim vbique per Scripturam commendatur nobis veracitas ac fidelitas Dei in promissis nobis factis.

Tertiò, in certitudine potentie ac misericordie Dei, quibus ipse potest & inclinatus est nobis præstare auxilia, vt valeamus adimplere requisita ad consecutionem boni sperati: quod hic significat D. Tho. ad secundum ita scribens: Spes non innititur principaliter gratie iam habitæ (scilicet sanctificanti, de qua non sumus certi) sed diuinæ omnipotentie & misericordie, per quam etiam qui gratiam non habent, eam consequi potest, vt sic ad vitam æternam perueniat: de omnipotentia autem Dei, & misericordia eius, inquit, certus est quicumque habet fidem, & colligitur idem ex Concilio Tridentino verbis supra allegatis, quibus dicit, omnes debere firmissimam spem reponere & collocare in Dei auxilio &c. Conformeriter loquitur Scriptura sacra quæ sæpius spem nostram eiusque certitudinem ad Dei adiuvantis potentiam & bonitatem refert, Psal. 30. In te Domine speraui, non confundar in æternum, &c. Quoniam fortitudo mea & refugium meum es tu. Psal. 90. Quoniam tu Domine spes mea, altissimum posuisti refugium tuum: non accedet ad te malum: & infra: Quoniam in me speraui liberabo eum, protegam eum, &c. Clamabit ad me, & ego exaudiam eum. Et Apostolus ad Rom. 14. Stabit autem, potens est enim Deus statueri illum. Et similia passim occurrunt.

Propter tria itaq; ista, spes fidelium dicitur esse certa & exinde certitudinem habere. Sed

19 Dicit aliquis, stantibus tribus illis, contingit multos excidere à consecutione finis qui speratur; ergo non videntur sufficere, vt ab illis possit spes nostra dici habere certitudinem.

Respondetur Neg. Conseq. & quod eo non obstante sufficiant ista ad fundandam spei quandam certitudinem declarari potest à simili: nam si v. g. Rex aut Princeps aliquis multas diuitias & quidem veras, non fucatas tantum, subditis suis proposuisset mediandis operis & meritis consequendas

sequendas, & infallibilem adiecisset promissionem de illis dandis, sic vt de fide eius dubitari non posset, ac insuper necessaria ad operas requisitas exequendas prestare esset paratus; non dubium est, quin de talibus laborare volentibus diceretur, quod spem certam haberent consequi magnas diuitias, non obstante quod fortassis

multi ex animi ignauia, vel alia de causa negligenter, & licet ad propositas diuitias non pertingerent: sic quoque quod habentes spem deficient à consecutione beatitudinis ex defectu liberi arbitrij ponentis obstaculum peccati, non præiudicat certitudini spei Christianæ, vt habet D. Tho. hic ad 3.

Q V Æ S T I O X I X.

De Dono timoris.

In duodecim Articulos diuisa.

ARTICVLVS I.

Vtrum Deus possit timeri?

PR O explicatione materiæ notandum est primò, nomen timoris pluribus modis sumi: Inprimis aliquando capi pro timiditate, quæ vitium est oppositum fortitudini, de qua infra tractatur.

Secundò, pro passione quadam partis sensitivæ, de qua tractat D. Tho. 2. 2. quæst. 41. & sic est quædam fuga mali imminētis sensibus apprehensi, cui resisti facile non potest.

Tertiò, pro affectione seu actu quodam partis rationalis, refugientis scilicet malum imminētis intellectu apprehensum, tanquam quod facile repelli aut euadi non possit.

Notandum Secundò: Hic sermonem esse de timore iuxta tertiam acceptionem, non iuxta primam, quia agitur de actu aliquo, non de habitu vel habituali inclinatione: nob̄ etiam iuxta secundam, quia Deus non patitur sub apprehensionem sensuum:

Notandum Tertiò, dupliciter aliquid dici posse timeri: Primò, tanquam malum quod imminet: Secundò, tanquam id à quo, vt inferente imminet malum, vel quatenus ex ordine certo ad illud nobis malum obuenire potest. His præmissis

Respondetur cum D. Thoma Deum posse timeri, non quidem vt malum imminētis, sed vt qui malum, scilicet pœnæ inferat; & deinde vt per comparisonem ad ipsum (si scilicet ab eo auertamur & separamur) potest nobis prouenire malum

culpæ: sic enim in D. Thoma legendum est, non pœnæ, quamvis plerique textus ita habeant; tum quia alioqui ista duo non distinguerentur, neque significaretur quomodo Deus, etiam filiali timore, possit timeri: quod tamen adiunctione istius, & vt per comparisonem ad ipsum, &c. intendit insinuare; tum quia id clarius exponit infra artic. 5. ad 2. vbi sic scribit: Timor seruilis respicit Deum sicut principium inflixiuum pœnarum. Timor autem filialis respicit Deum, non sicut principium actuum culpæ, sed potius, sicut terminum à quo refugit separari per culpam.

Probatur conclusio, ac inprimis quod Deus timeri possit constat ex Scripturis Psal. 33. *Venite filij, audite me, timorem Domini docebo vos:* & Psal. 111: *Beatus vir qui timet Dominum:* & Matth. 10. *Sed potius timeate eum,* dicit Christus, *Qui potest & animam & corpus perdere in gehennam:* Quod autem non possit timeri tanquam malum quod imminet, per se manifestum est, quia ipse essentialiter est bonitas omnem mali rationem à se excludens: quod tamē iuxta conclusionis secundam partem timeri possit, declaratur, quia Deus iustus Iudex est, *Qui reddit unicuique secundum opera eius,* vt docet Apostolus ad Rom. 2. 13, inquit, *qui sunt ex contentione, & non acquiescunt veritati, &c. Ira & indignatio. Tribulatio & angustia in omnem animam hominis operantis malum,* Ex altera parte ipse benignus & misericors pater noster est: quare etiam ceteris timeri debet, ne per offensam & culpam nostram ab eo separemur; ergo &c. vbi tamen hoc

Aduertendū est primò, sicuti spes principaliter versatur circa bonum obtinendum, & ex consequenti ac per extensionem quandam, circa illud à quo vel per

X iij cnijs

cuius opem assequi bonum arbitramur, ita timorem quoque principaliter & directius versari circa malum impendens arduum, & consequenter ac per extensionem circa eum, qui illud illaturus est, aut circa eum ex ordine ad quem nobis malum provenire potest.

- 6 Aduertendum Secundò cum D. Tho. malum pœne esse bonum simpliciter, quia iustum & conueniens cum ordine finis ultimi, esse autem tantum malum secundum quid, in quantum priuat aut tollit aliquod particulare bonum; & proinde absq; omni inconuenientia, posse hoc Deo adscribi, quod ab eo, tanquam à iusto iudice iustitiam vindictiuiam exercente, intentetur ac infligatur.

ARTICVLVS II.

Utrum timor conuenienter diuidatur in filialem, initialem, seruilem, & mundanum?

- 7 O bseruandum est, nō moueri hīc questionem de timore omnino vniuersaliter, sed de timore, qui moraliter bonus aut malus est. Vnde plenitudini huius diuisionis non obstat, quod timor naturalis etiam, qui in parte superiori sit, vt incursionis hostium, sic nudè consideratus non contineatur propriè sub aliquo membrorum diuisionis.

- 8 CONCLUSIO itaque est affirmatiua, & potest sufficientia diuisionis breuiter sic declarari; quia omnis timor, de quo scilicet hīc agimus, aut ad Deum conuertitur, si videlicet moraliter bonus sit, vel ab eo auertitur, si malus sit. Si auertat à Deo, vt quādo quis timore amittendi ea quæ mundi sunt, v.g. ad paupertatem vitandam, ad vitam conseruandam, facit contra legem Dei, tunc timor ille mundanus erit, à quo dehortatur nos Christus Matth. 10. *Nolite timere eos qui corpus occidunt: & alibi Scriptura frequenter. Si ad Deum conuertat: is vel est timor pœnæ à Deo irrogandæ, vel timor culpæ seu offensæ diuinæ, vel timor vtriusque. Si sit pœnæ tantum, dicitur seruilis, quia tantum est de plagis quas Dominus fugitiui aut inobedientibus intentare & emittere solet: & de eo dicitur ad Rom. 8. *Non accepistis spiritum seruitutis iterum in timore*, vt scilicet solo metu supplicij mandata Dei vestri obseruetis, *Sed accepistis spiritum adoptionis, &c.* Si autem sit timor offensæ, tunc dicitur filialis, quia nascitur ex filiali affectu*

quo quis cupit Patri esse subiectus, & mutuo amore semper cum illo esse coniunctus: vnde filiorum est timere offensam patris. De hoc timore scribit August. Con. cione 23. in Psal. 118. Timore autem casto, inquit, peccare timet charitas, etiam si sequatur impunitas, & tract. 43. in Ioannem, Est, inquit, timor seruilis & castus, & timor ne patiaris pœnam. & timor ne amittas iustitiam. De hoc timore accipi potest illud Apostoli ad Rom 11. *Tu autem fide stas: noli alium sapere, sed time.* Item ad Philip. 2. *Cum metu & tremore vestram salutem operamini.* Si denique sit timor mixtum vtriusque, scilicet pœnæ & culpæ, dicitur initialis: quæ omnia ex subsequentibus magis constabunt.

ARTICVLVS III.

Utrum timor mundanus sit semper malus?

CONCLUSIO D. Thomæ est affirmatiua: & probatur, quia timor in genere moris est similis amoris ex quo nascitur, sed mundanus timor oritur ex amore mundano, qui vt hīc capitur & iuxta modum loquendi Scripturæ, semper malus est; quia mundanus amor est; quo quis incumbit mundo aut mundanis rebus tanquam fini suo, & sic eis est affectus, vt propter illas paratus sit Dei legem & iustitiam deserere, vt explicat D. Tho. partim in Corp. partim in responsione ad tertium. Hinc scribit D. Ioannes 1. epistolæ cap. 2. *Si quis diligit mundum, non est charitas Patris in eo, & Apostolus: Si adhuc hominibus placerem, Dei seruum non essem.* Timor itaque quo quis metuit amittere ea, quibus tali amore inhæret, malus quoque erit, dum propter eorum amorem, ne illa perdat, iustitiam deserit.

ARTICVLVS IV.

Utrum timor seruilis sit bonus?

CONCLUSIO D. Thomæ est: timor seruilis secundum substantiam suam bonus est, sed seruitas eius mala est: vnde

Notandum timorem seruilem quoad suam substantiam, non esse aliud, quàm timorem pœnæ: quemadmodum fides informis secundum suam substantiam, non est aliud, quàm habitus diuinitus infusus, quo credimus Deo & ea quæ credenda reuelauit

reuelauit. Porro sicuti fidei in sua substantia bonæ accidit infirmitas, quæ quoddam malum est, scilicet priuatio charitatis in eodem supposito; ita etiam timori in sua substantia bono accidit seruitutis quæ quoddam malum est: Quod à diuersis diuersimodè videtur explicari. Nam D. Thomas seruitutem in eo videtur ponere, quod pœna non quomodolibet timeatur, sed tanquam summum malum, ita ut bonum quo priuatur ametur tanquam bonum summum, & ut ultimus finis: quare cum nullum malum pœnæ sit eiusmodi, neque vllum bonum quo pœna priuatur, sit bonum supremum & super omnia amandum, sed malum culpæ sit tale malum, & quo illa priuatur, & à quo nos separat sit tale bonum; hinc facillè intelligitur, quod ista seruitutis omnino mala sit, atque adeo timor, habens eam coniunctam, ex parte eius quoque malus sit.

11 Alij verò aliter explicant seruitutem hanc, tanquam scilicet in eo sitam, quod timor sit de malo pœnæ, ita ut inde quis purè & merè moueatur ad faciendū quod Deus mandat, vel omittendū quod prohibet, absque aliquo affectu amoris erga honestatem actus, vel obseruantiam legis Dei, sed tantum, quia pœnas timet: & huiusmodi seruitutis est quoddam malum, quia priuatio melioris boni & maioris perfectionis, quatenus est carentia siue absentia amoris erga bonum honestum; non tamen est necessariò peccatum, nisi quis ita effectum in se composuit, ut haberet affectum positium contrarium, quod scilicet noller illud agere aut alterum omittere, nisi quia timet pœnas. Vnde

12 Notandum vltimò, tribus modis posse timorem pœnæ considerari & sese habere. Primò, ut solus est, & præcisè oritur ex amore boni particularis per pœnam amittendi, non adhibita comparatione, aut reflexione ad amorem Dei aut honestatis.

Secundò, ut habet adiunctum simul timorem culpæ, & sic pœnam timet quod etiam veneatur & metuat offendere aut displicere Deo, quem amat aut affectu colit.

Tertiò potest considerari, ut oritur ex amore inordinato boni seu commodi particularis per pœnam amittendi, quatenus scilicet illud pluri aestimatur quàm honestas aut Dei obseruantia, ita ut abstineat à malo, solum ne illud bonum amittatur, non omisurus propter Dei offensam, aut actus turpitudinem.

13 Differunt itaque explanationes seruitutis præmissæ, quod prior seruitutem ponit in eo, quod timori tertiò modo considerato accedit: Posterior autem in eo,

quod deest primo: modo considerato, scilicet quod non habeat adiunctum motiuum aliquod honestatis, vel amoris Dei, aut legis eius: inter quas explanationes videtur hæc secunda magis probandæ; tum quia sic faciliùs potest intelligi, quomodo timor seruilis secundum substantiam suam possit dici bonus, & esse etiam à Spiritu Sancto, quia seruitutis sic explicata non importat peccatum, sed relinquit actum quasi inchoantem, quo etiam Spiritus Sancti opera & directione aliquando retrahitur homo ab ijs, quæ à Deo auertunt, & disponitur ad conuersionem ad Deum: Tum quia iuxta alteram explanationem vix apparet distinctio, inter timorem seruilem & mundanum, quos tamen ponit S. Th. membra distincta, & de mundano pronuntiat absolūtè quod semper sit malus, nec dicit eum secundum substantiam esse bonum.

14 Cæterum quod timor pœnæ à Deo intelligendæ, secundum se utilis sit & bonus, probatur contra hæreticos: Primò ex verbis Christi supra allegatis ex Matth. 10. cap. *Sed potius timeate eum qui potest animam & corpus perdere in gehennam*; Deinde ex Conc. Trid. Sess. 6. cap. 6. ubi docet peccatores à diuinæ iustitiæ timore vtiliter concuti, & eadem Sess. Can. 8. ita definit: Si quis dixerit gehennam metum, per quem ad misericordiam Dei de peccatis dolendò confugimus, vel à peccando abstinemus, peccatum esse aut peccatores peiores facere, anathema sit. Vnde timor huiusmodi etiam adscribitur Spiritui Sancto, ad Rom. 8. *Non enim accepisti spiritum seruitutis iterum in timore*, ad quæ verba scribit Glossa, vnus est spiritus qui facit duos timores, scilicet seruilem & castum, ut hic citat D. Tho. seruilis enim, ut est à Spiritu Sancto, præparat & disponit ad castum: vnde August. dicit, timorem seruilem esse setam qua filium charitatis inducit. Patet igitur timorem huiusmodi secundum suam substantiam iuxta conclusionem D. Tho. esse bonum: de seruitute autem iam satis multa dicta sunt.

ARTICVLVS V.

Vtrum seruilis timor idem sit in substantia cum filiali?

15 **C**onclusio est negatiua, & probatur, quia differunt obiectis formalibus: timoris seruilis enim obiectum est malum pœnæ quod malum nostrum est, & timoris filialis obiectum est malum culpæ, siue offensa Dei quam timeamus, ut

X iij

malum

malum quodammodo Dei, quia illi iniuriosa, & quasi grauis aut molesta. Vnde timor seruilis, v.g. gehennæ, quo à peccatis deterreatur, potest ad virtutem spei pertinere, quia quâ virtute ferimur in bonum aliquod, eâdem refugimus malum isti bono oppositum: quandoquidem igitur spe tendimus ad fruendum Deo tanquam summo bono nostro, eâdem rectè dicimur refugere & timere gehennam, quatenus impedit nos à possessione summi boni nostri; sed si timeatur solum, quatenus carni aut naturæ adfert pœnam sensus, sic metus ille secundû se magis videtur esse motus aliquis naturalis, quo fugimus quæ naturæ sunt incommoda, quâ alius cuius virtutis. Potest tamen etiâ hic metus ratione principij, v.g. fidei vt fundamenti, aut Spiritus Sancti vt excitantis, & ratione finis ad quem ordinatur, v.g. ad hominis conversionem ad Deum, esse supernaturalis quoad modum, & disponere ac præparare hominem ad iustitiam: vt colligitur ex Conc. Trid. locis supra citatis. Timor autem filialis ad charitatem pertinet: sicut enim hæc diligimus Deum, & volumus illi omne bonum; sic è contra eâdem charitate refugimus ac timemus omne illud, quod Deo, vt potè amico & Patri nostro, iniuriosum, aut ingratum esse potest.

16 Sed obiecit, dicit Philosophus, neminem timere quod sit futurus iniustus; & ratio reddi potest, quia pendet hoc ab hominis libera voluntate; ergo filialis timor non potest dici pro obiecto habere malum culpæ, sed potius pœnam damni, siue æternam separationem à Deo & visione eius, vt videtur velle Durandus.

Respondetur, culpam considerari posse duobus modis: Vno, vt procedit à nostro arbitrio, & sic quidem obiectum odij est, non timoris; sic enim odisse debemus, non propriè timere, quod etiam cum Philosopho docet S. Tho. 1. 2. quæst. 41. Altero modo, vt habet principia quædam alia, quæ incitant & vehementer mouent ad peccandum: cuiusmodi sunt malorum societas, ignorantia, prauæ inclinationes, & concupiscentiæ carnis & oculorum, infirmitas lapsi hominis, tentatio dæmonis, & similia: & secundum hæc redditur malum culpæ arduum, quod non facile vitatur, et si à nostro arbitrio pendeat: atque ita etiam timeri potest, estque obiectum timoris filialis, qui oritur ex charitate & amore beneuolentiæ erga Deum, sicuti dictum est.

17 Quod ad pœnam damni attinet, si illa timeatur solum vt malum nostrum est, & priuatio boni nostri, videtur adhuc timor

iste seruilis consensus; si autem timeatur tanquam separatio ab amico summè dilecto, quam ille quoque ex se non vult, sed magis desiderat nos perpetuò & amore & fruitione illi inhærere, sic timor erit filialis quoque.

ARTICVLVS VI.

Vtrum timor seruilis remaneat cum charitate?

CONCLVSIO D. Thomæ est: Substantia timoris seruilis cum charitate manere potest, sed timor, in quantum seruilis, non manet. 18

Prior pars probatur: Quia qui charitatem habent, etiam timent damnationem incurrere, & ad præcauendam bonis operibus incumbunt, & cum Psalmista orant: *Conspice timore tuo carnes meas, à iudicijs enim tuis timui*: vnde & Christus moebat suos, vt non timerent eos qui corpus occidunt, sed cum qui animam & corpus potest perdere in gehennam. Vnde S. Ambros. in Psalm. 118. dicit Martyres timore gehennæ vincere timorem cruciatuum præsentium: & D. Basil. in Psalm. 33. ad verba illa, *Venite filij*, &c. ostendit quomodo homines sancti debeant superare tentationes diuini Iudicij: vnde & D. Hieron. scribit, semper sibi insonare tubam illam, *Venite mortui ad Iudicium*.

Secundò probatur ratione: Quia cum charitate manere potest ordinatus timor boni proprii, quatenus suo ordine & mensurâ istud diligitur; ergo etiam potest manere timor mali proprii seu pœnæ, quatenus ordinem & mensuram non excedit; atqui ibi reperitur substantia timoris seruilis, qui circa pœnam vt malum proprium versatur; ergo &c. 19

Declaratur pars posterior, quæ faciliè intelligitur si conditio seruitutis in exponatur, prout D. Thomas explicat, quod pœna timeatur tanquam malum summum, & quod proprium commodum illi oppositum ametur, vt summum bonum & finis vltimus, quia sic importat peccatum mortale in suo actu. Si autem explicetur altero modo, non etiam remanet, quia iusti non tantum agunt timore supplicij, sed etiam amore Dei & virtutis, ac odio habent peccatum, quia offendit Deum, quem vt patrem amant.

20 Sed contra priorem partem obiecit illud Ioannis 1. epist. cap. 4. *Timor non est in charitate, sed perfecta charitas foras mittit timorem*; ergo non debet admitti timor seruilis, nequidem secundum substantiam cum charitate.

Respons.

Respondetur Neg. Conseq. Quia loquitur de timore de timore opposito fiducia bene in die iudicii, de qua proximè in antecedentibus dixerat: *In hoc perfecta est charitas nobiscum, ut fiduciam habeamus in die iudicii*: Ille autem timor est, quo impij malè sibi conscij de improba conuersatione & malis moribus anguntur, & quasi horrescunt ad considerationem diuinæ iustitiæ & vltimi iudicii, nec possunt cum tali statu concipere bonam fiduciam & animi hilaritatem ad cogitationem aduentus Domini; quemadmodum boni, qui Deum & proximum charitate diligunt, & opera charitatis assidue exercent: hi enim quasi læti iudicem Christum sustinent, & ad eius aduentum quasi ad retributionis diem exultant. Istum igitur timorem excludit charitas, sicut iam dictum est de ijs, qui diligunt aduentum Christi: sed non excludit omnem timorem pœnarum bene ordinatum, sicut circa primam partem conclusionis est explicatum: & proinde potest substantia timoris seruilis cum charitate consistere.

ARTICVLVS VII.

Utrum timor sit initium sapientiæ?

21 **C**ONCLUSIO est affirmatiua: Pluribus enim locis Scriptura expressis terminis id testatur & inculcat, Psal. 110. Proverb. cap. 1. & 9. & Eccles. cap. 10. Sed quæritur, quo sensu timor dicatur, initium sapientiæ? D. Thomas hic interpretatur eo sensu dici, quia timor sit primum quasi opus, & primus effectus sapientiæ, quod hæc primò faciat hominem timere Deum. Alij autem volunt potius eiusmodi sententijs significari, timorem esse principium & fundamentum sapientiæ, siue vitæ bonæ & perfectæ virtutis: sic enim sapientia in Scripturis accipi solet, vbi sapientes dicuntur non illi, qui multa intelligunt & sciunt quæ faciendæ sunt, sed qui simul faciunt. Econtra stulti pronuntiantur, qui etsi multa sciunt, tamen non ea opere complent, ut patet Matth. 7. *Qui audit verba mea hæc, & facit ea, assimilabitur viro sapienti*. Est itaq; sapientia, de qua hic agitur, vera & perfecta virtus completens cognitionem & actionem; huius autem initium est timor, & quidem etiam seruilis, quamuis remotè; quia primò impelli solent homines timore pœnarum & damnationis, ut à peccatis abstineant, & rectè secundum leges Dei viuant: Timor autem filialis est proxima quasi radix & princi-

pium: postquam enim eo peruenierint, ut metu offensionis diuinæ & tantæ bonitatis bene agant, & mala deuitent, tunc ipsam sapientiam adepti sunt.

Sed quæret aliquis, Si timor est initium sapientiæ, quomodo ergo apud Iob c. 28. dicitur, quod timor Domini sit ipsa sapientia? Respondetur quando hoc tum ibi, tum alibi dicitur, sermonem illum accipiendum in sensu causali; cum enim timor Domini generet sapientiam, rectè etiam ipsa ad sapientiam pertinere, atque adeo etiam sapientia esse dicitur.

ARTICVLVS VIII.

Utrum timor initialis differat secundum substantiam à timore filiali?

CONCLUSIO D. Tho. est: Timor initialis prout hic capitur non distinguitur secundum essentiam à filiali.

Probatur & simul explicatur, quia initialis timor non dicitur hoc loco timor omnis qui quocumque modo est initium boni, siue recessus à malo, & accessus ad Deum, sed is tantum, qui conuenit incipientibus ambulare viam mandatorum Dei in charitate, siue qui competit statui incipientium, prout loquitur S. Tho. in quibus inchoatur simul quidam filialis timor, sed adhuc imperfectus, vt pote cui sapius permiscetur timor seruilis quoad substantiam, siue metus pœnarum; nam in talibus adhuc multum huiusmodi metus viget: Imò sapius debet quasi affligere & iuuare filialem recenter natum, vt constantius malum culpæ repudiet & virtutibus inhæreat: vnde & initialis dicitur, ac differt proinde à filiali sicut charitas imperfecta à perfecta: ut dicit D. Tho. quod igitur supra art. 2. dixit, tunc esse timorem initialem, quando quis ad Deum conuertitur aut ei inhæret propter vtrumque, scilicet malum culpæ & pœnæ, non id sic accipiendum est, quasi vno actu timoris timeatur vtrumque per modum vnius obiecti, quasi medij nascentis aut compositi ex vtroque; non enim illa duo rediguntur aut coalescunt in aliquid medium vnius rationis; sed quia in codè supposito, quod iam concepit timorem charitatis; remaneat adhuc plurimum timoris seruitutis quoad substantiam, modo iam explicato.

Similiter quod dicit initialem timorem esse medium, intellige non quod sit compositus ex vtroque, sed quod sit medius viâ generationis, quia à seruilis peruenitur ad initialem, & hoc interueniente ac mediantè

diante ad filialem: quæ conformiter traduntur ad doctrinam D. Augusti. tract. 9. in epistolas Iohannis.

25 Notandum verò hic est, quod etiam filialis timor iam perfectior, non solet in hac vita perpetuò omnem metum poenarum aut damnationis totaliter excludere; sed tamen qui in charitate plus profecerunt, soleant rariùs timore illo commoveri siue ad bene operandum, siue ad abstinendum à malo, sed magis ex diuino amore eiusque virtutum ac perfectionum, vtpote qui horum contemplationi, & intellectu & affectu magis inhærent, quàm attendant ad commodum propria, vel incommoda his opposita, sed vnicè solliciti sint, quomodo placeant Deo, & nomen eius in omnibus honoretur ac sanctificetur.

ARTICVLVS IX.

Utrum timor sit donum Spiritus Sancti?

26 **C**ONCLUSIO D. Thomæ est affirmatiua: & probari potest ex cap. 11. Isaie vbi inter dona Spiritus Sancti enumeratur: *Et requiescet super eum Spiritus Domini; spiritus sapientia, & intellectus, spiritus consilij, & fortitudinis, spiritus scientia & pietatis, & replebit eum spiritus timoris Domini.* Docet autem D. Tho. in primis, non mundanum timorem esse qui dicitur donum, qui vt ex supra dictis patet, is semper est malus, & ab eo nos Spiritus S. in litteris faciens dehortatur, cumque reprehendit & improbat: Deinde neque etiam seruilem; quamvis enim secundum substantiam possit esse à Spiritu Sancto, tamen potest quoque esse cum peccato, quando poena inordinatè timetur; dona autem Spiritus Sancti sequuntur charitatem, quia sunt quedam diuinæ affectiones habituales vel illuminationes, quibus anima redditur faciliè mobilis, vt Deo seu Spiritui Sancto obediat & obsequatur, sicuti per virtutes morales redditur faciliè mobilis per rationem naturalem ad honestatem, & per virtutes infusas redditur obsequiosa, vt faciliè moueatur à ratione supernaturaliter instructa, prout licet colligere ex ijs quæ tradit D. Tho. 1. 2. quæst. 68. An verò realiter à virtutibus infusis, cum quibus habent affinitatem, differant, non est huius loci examinare.

27 Videbitur interim sufficere si dicamus, doni rationem supra eiusmodi virtutem importare quandam ordinem peculiarem ad Deum, vt nos mouentem, cuius motibus ac instinctibus recipiendis faciat ho-

minem proportionatum & idoneum, vt faciliè moueatur ab eo ad res diuinas siue supernaturales, prout etiam De dono, loco citato facis significat. Concludit autem hic timorem itaque filialem seu castum numerandū inter dona Spiritus Sancti, quia hic excludit peccatum & præstat quod iustus faciliè secundum diuinos instinctus & motiones auertatur à peccatis quæ Deū offendunt, ac filiali affectu Deo inhæreat.

Quidam verò existimant, timorem vt inter dona Spiritus numeratur, sumi non præcisè pro metu mali alicuius futuri, sed pro reuerentia & religione erga Deum; quomodo apud Lucam Symeon dicitur iustus & timoratus; & in Actis dicuntur viri timorati sepeluisse Stephanum: sed non multum interest, quia timor filialis, saltem magna pars dici potest illius reuerentiæ, & totalis submissionis erga Deum,

ARTICVLVS X.

Utrum crescente charitate diminuaturs timor?

29 **R**esponso Diui Thomæ est, Crescente charitate, crescit timor filialis, sed timor seruilis, qui quoad substantiam remansit, diminuitur.

Probaturs prior pars, quia crescens causa etiam crescit effectus; timor autem filialis est quidam charitatis effectus, quia quantum quis aliquem magis diligit amore amicitia, tantè magis timet ei duplicere, & ab illo se separare; ergo &c.

Probaturs posterior pars, quia charitate in nobis crescente attendimus minus ad commoditatem propriam & ad mala quæ possunt eam impedire, sed intenti magis sumus, vt satisfaciamus & placeamus Deo per omnia: Deinde profectus charitatis, & opera bona quibus augetur, pariunt etiam quandam maiorem fiduciam de Dei erga nos beneuolentiâ, & de præmijs assequendis, quæ diutius nobis promissa sunt; atque ita timor poenarum minuitur, vt nec tam frequenter, nec tam vehementer sese ingerat, & nos commoueat, sed Dei bonitas & amicitia nobis obuersatur, ex hacque consideratione magis magisque insistimus operibus bonis & fugimus peccata.

Sed obijciat aliquis charitate crescente minuitur ac remotius fit periculum mali siue peccati; ergo videtur quod etiam tum minuaturs filialis timor.

Pro solutione notandum, duo esse ex quibus oritur, aut pendet magnitudo timoris, scilicet magnitudinem mali imminuentis,

uentis, eiusque exactam considerationem, & magnitudinem periculi.

Respondetur itaque Neg. Conf. quia licet periculum minuatur, tamen ex altera parte crescit apprehensio, & vera æstimationis magnitudinis mali siue culpæ; crescit autem multò magis timor ex magnitudine mali, quam ex propinquitate periculi, si malum sit leuius: Quare licet periculum hic fiat remotius, tamen quia magnitudo mali viuacius apprehenditur, & verius æstimatur, contingit quod timor filialis multò magis ex hac consideratione crescat, præsertim crescente etiam amore boni oppositi, quàm ex illa diminutione periculi possit intelligi diminui, accedente etiam eo, quod moneat Apostolus, *Qui stat, videat ne cadat: & rursum, Tu fide stas, time.*

ARTICVLVS XI.

Utrum timor remaneat in Patria?

CONCLUSIO D. Thomæ est: timor seruilis seu timor penarum nullo modo erit in patria; timor autem filialis, sicut augetur charitate augmentatâ, ita charitate perfectâ perficietur.

Probat prior pars, quia timor iste penarum totaliter ibi excluditur per securitatem æternæ beatitudinis, quæ est de ipsius ratione.

Sed difficultas est de parte posteriori, quomodo in patria perficiatur timor filialis, cum non superfit periculum culpæ.

Respondetur & dico primò, non illum perfici in eadem ratione actus, quemadmodum dici potest in via perfici, quando crescente charitate etiam ipse dicitur augeri: hinc D. Tho. expressè dicit, quod in patria non habebit eundem actum quem habet modò, scilicet propter rationem allegatam, quia obiectum timoris etiam filialis est malum arduum, vt possibile obuenire, quod in patria locum non habebit.

Dico itaque Secundò, timorem filialem in patria perfici, quia animi fuga, quâ iusti hic malum culpæ perhorrescunt, adhuc mutabiliter, ita quod possint idem malum sub specie boni prosequi & amplecti, ibi firmabitur ex charitatis plenitudine, ita vt mutari non possit: vnde quia non attenditur amplius vt malum possibile, sed tantummodo vt odibile & detestabile, hinc nò erit fuga timoris propriè loquendo, sed fuga odij perfectissimi & detestationis. Quæ significat D. August. dum lib. 14. de Ciuit. cap. 9. ita scribit: Timor ille castus permanens in sæculum sæculi,

si erit in futuro sæculo non erit timor exiens à malo quod accidere potest, sed tenens in bono, quod amitti non potest, ubi enim adepti boni amor immutabilis est, profectò si dici potest mali cauendi timor, securus est; timoris quippe casti nomine ea voluntas significata est quâ nos necesse erit nolle peccare, seu fugere & odisse peccatum, & non sollicitudine infirmitatis ne peccemus, sed tranquillitate charitatis cauere peccatum.

Remanet etiam in patria quidam timor reuerentialis, quæ mentes beatæ considerantes celsitudinem & incomprehensibilitatem diuini Esse eiusque maiestatis; & contra tenuitatem, imò nullitatē sui Esse, quantum ex se ipso, summâ animi dimissione Deum intuentur & venerantur, cum quadam etiam fuga curiosæ inuestigationis tantæ maiestatis, de quo timore antiquis accipi solet illud Iob cap. 26. *Columnæ cæli* (id est, primi & supremi Angeli, sicut Petrus & Iacobus dicuntur columnæ inter Apostolos) *contremiscunt, & pauent ad nuntium eius.*

Differt autem hic timor à præcedente à nobis explicato, quod præcedens sit propriè actus charitatis ab illa elicitus, hic verò religionis, qui tamen à charitate etiam imperatur: quod autem timor soleat pro eiusmodi reuerentiali recognitione excellentiæ & superioritatis aliquando capi, patet ex Scripturis ad Rom. 13. *Cui timorem, timorem*, id est, reuerentiam, vt exponunt D. Chrys. & Theoph. Item Luc. 7. *Acceptis omnibus timor*, id est, reuerentialis quædam attentio & admiratio diuinæ potentie aut maiestatis relucens in Christi operibus & miraculis.

ARTICVLVS XII.

Utrum paupertas spiritus sit beatitudo respondens dono timoris?

CONCLUSIO est affirmatiua, quam serè hoc modo declarat & probat D. Thomas: timor filialis parit in homine altam submissionem sui sub Deo, & summâ eius venerationem; vnde consequitur, quod homo non quærat in seipso aut alia quacumque re magnificari præter quam in Deo; atque ita fit quod non superbiat in se, siue in suis viribus aut virutibus, neque in externis honoribus vel diuitijs: quod vtrumque spectat ad pauperetatem spiritus, quæ est exinanitio inflati & superbi spiritus, vt exponit D. August. lib. 1.

De ser.

De sermone Domini in monte cap. 2. & 9. & fit per humilem de seipso existimationem; vel est abiectio rerum temporalium per instinctum Spiritus Sancti, quatenus hominem alioquin eleuare videtur, prout

exponit S. Ambros. lib. 5. in Lucam. Ex quibus patet, quomodo paupertas spiritus sit correspondens beatitudo timori Domini; sicuti nimirum effectus suæ propriæ causæ eiusdem quodammodo rationis.

Q V Æ S T I O XX.

De Desperatione.

In quatuor Articulos diuisa.

ARTICVLVS I.

Utrum desperatio sit peccatum?

SUPPONGO sermonem esse de desperatione opposita spei virtuti Theologicæ, vt est, scilicet de beatitudine consequenda, vel de peccatorum venia, quatenus ad illam est medium necessarium obtinenda.

Conclusio autem est affirmatiua, & probari potest primo ex Scriptura quæ reprehendit desperantes. Ecclesiastici cap. 4. *Va hu qui perdidit sustinentiam*: ad Heb. 10. *Nolite amittere confidentiam vestram*, &c. *Patientia vobis necessaria est*. Item Cain & Iudas proditor grauissimè reprehenduntur propter suam desperationem.

Probat. Secundo, quia desperatio est principium, & quasi fons omnium peccatorum, vt significat Apostolus ad Eph. 4. *Qui desperantes*, inquit, *semeipsos tradiderunt impudiciæ, in operationem immunditiæ omnium in auaritiâ*.

2 Probat. Tertiò ratione D. Tho. quæ sic potest formari. Omnis motus voluntatis conformiter se habens intellectui falso, est secundum se malus, quia quod in intellectu est falsum, hoc proportionem quadam in voluntate est malum; Atqui desperatio est eiusmodi motus voluntatis. Confirmatur, quia desperans per voluntatem conformiter operatur ad talem de Deo existimationem, Deus peccatori penitenti veniam denegat, vel peccatores non recipit ad penitentiam & iustitiam; quæ est existimatio falsa, & malè afficiens intellectum; ergo &c. vbi hoc pro explanatione istius argumenti.

3 Notandum est, quod desperatio dicatur operatio conformiter se habens prædictæ existimationi falsæ de Deo, non quasi necessario præsupponat semper talem opinionem aut iudicium de Deo in

ipso desperante, sic enim nunquam esset sine infidelitate, cuius contrarium docet D. Tho. art. seq. sed quia est motus voluntatis correspondens, & secundum quādam analogiam conformis eiusmodi erroneæ opinioni, à quocumque illa teneatur: & proinde sicuti huiusmodi opinio afficit malè, & vitium est intellectus, sic ille motus afficit malè & peccatum est voluntatis.

Sed quæri solet, Vtrum si Deus alicui suam reprobationem reuelaret, an talis peccaret desperando de sua salute?

Respondetur inprimis, non id esse suauitatis Dei prouidentie consentaneum, vt alicui in via suam damnationem aperiat, tum quod sit contra diuinam pietatem, constituere viatorem in eo statu, in quo intelligat se finem suum infallibiliter non assecuturum, tum etiam, quia talis reuelatio non videtur ad aliquid esse utilis, sed è contra esse occasio plurimorum peccatorum: vnde etiam si fieret alicui similis aliqua diuinitus significatio, non ea tanquam absoluta prædictio, sed vt comminatoria & conditionata esset accipienda. Sicuti illud Ionæ cap. 3. *Adhuc quadraginta dies, & Ninive subueretur*, nisi videlicet penitentiam egerit, & illud Christi ad Phariseos Ioannis 8. *Dixi ergo vobis, quia moriemini in peccatis vestris*; quod ex subiunctis constat; addit enim quasi prius explicans: *Si enim non credideritis quia ego sum, moriemini in peccato vestro*. Sed supposito tamen quod alicui euidenter & certò diuinitus constaret de sua reprobatione,

Dico Secundo, quod poterit talis licitè desperare negatiuè, siue non sperare salutem, quia non tenetur habere spem consequendi, quod ex diuina assertionem nouit se non adepturum: non poterit autem idcirco nolle & repudiare beatitudinem, siue summi boni ac Dei possessionem, quia hoc esset Deum, vt summum bonum creaturæ rationalis, contemnere aut vili facere, imò tenebitur etiam amore concupiscentiæ amare, & sibi velle seu desiderare, potest

potest enim hic affectus esse & haberi, quâ-
tumvis affectus finis ultimi de facto pu-
retur impossibilis, aut saltem infallibiliter
non obtinendus. Quare obligatio amandi
ac desiderandi sibi finem illum non cessat
bit, & eatenus desperatio est intrinsecè
mala, quatenus procedit ex animi auersio-
ne, qua quis nolit, aut repudiat beatitudi-
nem in diuina visione consistentem; non
autem ut est tantum negatio actus spei, aut
voluntas, quâ quis non velit sperare, quan-
do obiectum est illi impossibile ut ali-
quando illud assequatur.

Dico Tertiò: non poterit quoque talis
omittere ea, que sunt præcepta, vel facere
quæ sunt prohibita; quia non licet pro-
pterea peccatû aliquod committere: imò
tenebitur omnia alia facere (præterquam
actum spei modo dicto habere) sicuti alij
homines; quia tamen nouerit quod finem
non assequetur, tamen debet simul agnos-
cere illud futurum culpâ ipsius, quam te-
netur nihilominus vitare, quia nisi dica-
tur obligatus vitare, culpa non esset.

ARTICVLVS II.

*Vtrum desperatio sine infideli-
tate esse possit?*

CONCLUSIO est affirmatiua. Pro-
batur, quia cum iudicio generali quo
quis iudicat in Ecclesia esse remissionem
peccatorum, iuxta symbolum, potest ad-
mittere actum desperationis, quod sibi in
tali statu existenti non sit sperandum de
salute, aut de peccatorum venia obtinen-
da, idque propter vitium iudicium circa
particularia, ut v. g. in primis, quia ex
coniecturis aliquibus apprehendit firmi-
ter se esse reprobum, aut sibi propter mul-
tiplicata vel reiterata peccata & ingrati-
tudinem suam, non offerendum amplius
auxilium diuinum, quo ad veram poen-
itentiam, & iustitiam queat peruenire; vel
denique quod animo despondeat propter
inueteratam & vehementem peccandi cõ-
suetudinem, ita ut tœdium concipiat re-
pugnandi contra suas malas passiones ac
tentationes; unde contingat quod de sa-
lute desperet.

ARTICVLVS III.

*Vtrum desperatio sit maxi-
mum peccatum?*

CONCLUSIO Prima: Desperatio
est peccatum maius quâ vllum quod
Viguer in 2, 2,

opponatur virtutibus moralibus, vt Tem-
perantiæ, Fortitudini, & similibus. Ratio
est, quia directiùs desperatio auertit à Deo;
sicuti enim spes immediatè tendit in Deum
tquam summum bonum nostrum, ita
desperatio directè ab eo recedit, nolens ad
tantum bonum contendere & conari. Ita-
que in desperatione auersio à Deo est direc-
tè volita: in peccatis autem, quæ sunt
contra virtutes morales, quasi indirectè
& secundariò tantum est volita: consecuti-
uè enim per ista auertimur à Deo, quan-
do volumus inhærere bonis creatis, quæ
nobis interdixit, atque ea præferimus ita
eius voluntati & amor. Quod discernit
D. Tho. art. præc. ad primû, statuit gene-
raliter inter peccata contra virtutes Theo-
logicas, utpote quæ omnes versantur pro-
ximè circa Deum, & inter peccata contra
virtutes morales, quæ proximè circa aliam
materiam versantur.

CONCLUSIO Secunda: Desperatio
secundum se, est minus peccatum, quam
odium Dei aut infidelitas, siue hæresis; est
tamè desperatio homini periculosior. Lo-
quimur autem de desperatione per se sum-
ptâ, quæ non oritur scilicet ex odio Dei,
aut ex infidelitate, sed ex tœdio aut diffi-
cultate assequendi finem, aut ex simili oc-
casionè.

Probatur prior pars: & de odio quidem
Dei satis constat, quia directissimè repu-
gnat diuino Esse, & omnibus eius bonis,
quia sicut charitas congrauet Deo de Esse
ipsius, & de omnibus eius bonis & perfe-
ctionibus, eaq; quam maximè illi tquam
dilecto suo vult & optat, ita & contra odiû
tristatur de bonis & virtutibus Dei, ut
ipsius sunt, & vellet ea in nihilum conci-
dere: unde patet grauissimum esse pec-
catum.

De infidelitate probari potest: quia per
hanc infertur Deo iniuria, dum quis se à
veritate illius auertit, nolens admittere tes-
timoniû eius, & ea quæ de Deo per ipsum
reuelata sunt. Per desperationem autem,
saltem illam quæ ex quadam acedia vel
animi abiectione nascitur, non ita directè
& expressè auertit quis se à Deo, quia hæc
neque expressè & formaliter rejicit Deû,
ut summum bonum nostrum; neque negat
diuinam potentiam & misericordiam: sed
tantum negat aut diffidit se finaliter ipsius
fore consortem, aut participem, prout in
Corp. hic docet D. Tho. & de hac sola
videtur ille resoluerè suum articulum.

Vnde adhuc quæri potest: Quid dicen-
dum foret: de Desperatione, quæ nasce-
retur ex contemptu expresso beatitudinis
cœlestis, quæ in Dei contemplatione ac
possessione quâdam consistit?

Y

Ad

11 Ad quod breuiter respondendum videtur, eiusmodi desperatione esse peccatum grauius, nõ quidem odio de quo diximus, sed tamen inidelitate: tum quia eiusmodi desperatio videtur semper infidelitatem habere coniunctam: tum etiam, quia actus infidelitatis est culpabilis ratione voluntatis, quã quis non vult credere: quæ voluntas non tam proximè Deũ respicit, quàm voluntas desperationis, quã quis auersatur summum & increatum bonum, pro nihilo illud ducens.

12 Probatur altera pars conclusionis, scilicet quod desperatio, etiam prioris generis periculosior sit homini, quia qui desperat, solent laxare fræna omnibus vitijs: nihil enim est quod ipsos auertat à malo & conuertat ad bonum, non timor, non amor, non præmium, non supplicium, iuxta illud Ieremæ 18. *Desperauimus, post cogitationes enim nostras ibimus, & vnusquisque prauitatem cordis sui mali faciemus.* Vnde & Apostolus ad Eph. 4. sic scribit: *Qui desperantes semetipsos tradiderunt impudicitia, &c.* vel certè si etiam in vitijs incipiant patiturium aut molestiam, tunc seipsos faciliè interuentioni tradunt, & in mortem præcipitant.

ARTICVLVS IV.

Utrum desperatio ex acedia oriatur?

13 Respondetur nasci interdum ex luxuria & voluptatibus carnis, quibus sit, vt animus planè carnalis effectus non estimet bona cœlestia, tanquam ardua & digna ad quæ contendatur per dura & difficilia, & sic nolit pro illis laborare, nec ad ea intendere: Aliàs verò propriè nasci ex acedia & torpore animi refugientis labores bonorum operum, tanquam nimis graues & difficiles. Vult itaque S. Tho. desperationem potius, & magis propriè dici oriri ex acedia, quam ex luxuria, eo quod etiam aliæ affectiones versentur circa bonum vt arduum, & proinde defectus circa illud, non ita præcisè spei per se opponatur: sed spes peculiariter respiciat bonum, præterea vt possibile. Vnde ex eo magis propriè debet dici desperatio nasci, quod causat vtriusque reputetur quasi impossibile, quod acedia efficere solet: quàm ex illo quod causat, vt obiectum non æstimetur pro sua dignitate, & tanti prout æstimari debet, quod facit aliquando luxuriã.

Q V Æ S T I O XXI.

De Præsumptione.

In quatuor Articulos diuisa.

ARTICVLVS I.

Utrum præsumptio innitatur Deo, an propria virtuti?

1 **O**BSERVANDUM est, nomen præsumptionis multis modis accipi: ac interdum quidem pro actu intellectus, scilicet pro iudicio aut coniectura de intentione, aut voluntate alterius circa aliquod eius dictum aut factum: quæ acceptio frequens est apud Iurisperitos, qui distinguere solent triplicem eiusmodi præsumptionem, scilicet violentam, probabilem, & leuem.

Secundò sumitur pro actu voluntatis in bonam partem aliquando, scilicet pro spe validâ: Sic Iudith 6. dicitur: *Ostenda quoniam non derelinquas præsumentes de te: &c.*

cap. 9. *Exaudi me miseram deprecantem, & de tua misericordia præsumentem.*

14 Tertiò sumitur pro actu voluntatis in malam partem; & generaliter non est aliud, quàm motus voluntatis quo quis se extendit ad id, quod est supra eius potestatem: quod dupliciter contingit: scilicet vel extendendo se supra potestatem iuris & debiti: vel extendendo se supra vires præstandi, vel exequendi. Si priori modo fiat, tunc præsumptio talis consistit in hoc, quod cognita lege, aut voluntate Superioris velit quis nihilominus contrarium facere: iuxta quam acceptionem in Iure & Canonibus sæpius dicitur: si quis contra facere præsumperit. Et huiusmodi non videtur speciale peccatum, sed circumstantia quæ potest generaliter omni peccato obuenire, & illud aggravare. Si posteriori modo fiat, tunc consistet in eo, quod quis vult facere,

cere, ea virtutis opera siue intellectus, siue appetitus, aut etiam roboris naturalis, ad quæ exequenda non sufficienter est instructus, neque vires habet sufficientes: & huiusmodi præsumptio vagari potest per omnes materias virtutum moralium, in quibus quis potest excedere, & velle ea quæ potestatem eius excedunt: de qua potest intelligi, quando ipsa in operibus magnificis versatur, id quod habet D. Tho. in Corp. præsumptionem scilicet quandâ opponi magnanimitati.

Quartò sumitur magis specialiter pro vitio opposito spei Theologicæ: vt scilicet dicit quandam immoderantiâ huiusmodi spei: & de hac proponitur articulus. Respondet D. Tho. quod circa spei, quâ aliquis inhæret diuinæ potentiz, potest per immoderantiâ esse præsumptio in eo, quod tendat in bonum aliquod, vt possibile per virtutem Dei & eius misericordiam, quod possibile non est: sicuti dum aliquis sperat veniam obtinere absque poenitentia, aut gloriam cælestem sine bonis operibus consequi.

Ex quibus potest colligi præsumptione spei oppositam inniti Deo: sed modo indebito, quatenus de Dei potentia & misericordia inordinatè quis expectat diuinâ bonâ: quæ quidem Deus potest & vult homini conferre, sed non taliter, neque eodem modo, sicuti temerè expectantur. Huiusmodi itaque præsumptione laborare constat sectatores Lutheri & Caluini, qui poenitentiam & merita, tanquam inutilia & minimè necessaria ad peccatorum remissionem, & salutem consequendam, reiiciunt.

His addo, quod præsumptio spei opposita possit etiam inniti propriæ virtuti, vt quando quis existimat se posse, & contendit assequi peccatorum veniam, & æternam beatitudinem solis humanis viribus: quia non minus contra debitam formam & modum sperandi est, quod quis sine auxilijs & misericordia Dei prætedat viribus suis peruenire, & apprehendere brauium illud cæleste, quàm quod speret per Dei misericordiâ ad illud pertingere sine poenitentia & bonis operibus: quia utrobique intenditur beatitudo ijs modis & medijs, quibus ea nobis possibilis non est. Hanc autem posteriori præsumptione laborarunt Pelagiani, qui negabant gratiam Christi ad salutem esse necessariam.

Sed hic quæritur, an vtraque hæc præsumptionis species semper habitum spei expellat?

Respondetur, quando quis præsumit consequi veniam, & salutem vel solis naturæ viribus, vel solâ Dei misericordia absque poenitentia & bonis operibus, sem-

per amittit habitum spei. Idque duplici de causa. Primò, quia talis persuasio aduersatur fidei, & eam excludit sine qua non potest consistere habitus spei. Secundò, quia modus tendendi illius præsumptionis in obiectum est contrarius modo qui debetur spei: sicuti velle immoderatiùs, & sine mensurâ comedere est contrarium temperantiæ, quæ inclinat ad velle comedere secundum debitam mensuram. Quare per formalem & expressam istiusmodi præsumptionem redditur homo indispositus, & quodammodo incapax ad sperandum: & sic per modum contrariæ dispositionis euertitur habitus spei, si non physice, saltem moraliter, quatenus ille adus peculiariter meretur amissionem illius habitus: quia directè aduersatur modo & medio quibus spes debet inniti, vt obiectum in quod tendit, assequatur.

Quando verò præsumptio talis est, vt non ita contrarietur viæ & rationi assequendi bonum speratum: sed excedit in modo, qualis interdum in peccatoribus plurimum additis ad vitia sua, solet existere, qui nolentes adhuc mutare malam vitam, nihilominus securè sperant salutem, persuadentes sibi quod in fine vitæ dabitur eis vera poenitentia, & peccatorum remissio, tunc non necessariò excluditur virtus spei: quia peccatum est in ordine suo aliquatenus imperfectum: neque enim hi intendunt nec sperant salutem consequi sine poenitentia absolutè: sed cum serâ poenitentia, quam ad extremum diem vitæ, prætendunt saltem agere, & sic per eam saluari. Quod licet fieri possit, & interdum fiat, tamen rarè accidit: estque temerarium & præsumptuosum firmiter sibi eiusmodi poenitentiam polliceri, & sic securè salutem sperare.

ARTICVLVS II.

Vtrum præsumptio sit peccatum?

CONCLUSIO est: Præsumptio est peccatum, minus tamen quàm desperatio. Probatur prior pars: quia vt supra dictum est, omnis motus voluntatis conformiter se habens intellectui falso, est secundum se malus & peccatum: atqui præsumptio, de quâ agimus est talis. Confirmatur, quia conformiter se habet ad huiusmodi intellectum, quod in peccato perseverantibus Deus det veniam, & à bono opere cessantibus largiatur suam gloriam, vel quod naturæ viribus beatitudo acquiri possit: ergo &c.

¶ ij Probatur

Probatur altera pars: quia Deo magis proprium est misereri & parcere, ac homini benefacere propter ipsius infinitam bonitatem, quam castigare & punire: Istud enim Deo secundum se, & ex se conuenit: hoc autem solum secundum peccata nostra, quibus ad id prouocatur: ergo grauius delinquit qui contra prius peccat, uti facit desperans, quam qui contra posterius, uti facit præsumptuosus.

- 9 Sed hic quæri potest: Vtra præsumptio sit grauior: An ea quæ quis nititur proprijs viribus sine gratiâ Dei, eiusque auxilijs: An ea quæ quis, solâ gratiâ & misericordiâ sine penitentia, & bonis operibus sperat salutem?

Diuus Thomas hic ad Secundum, indicat posteriorem esse grauiorem: Quia, inquit, virtutem diuinam diminuit sperando, ut Deus faciat id quod ei non conuenit facere: peius autem est virtutem diuinam imminuere, quam suam extollere.

- 10 Alij tamen aliter sentiunt: Idque inprimis quia qui proprijs viribus contendit celestem beatitudinem assequi, contemnit aut negligit Christi redemptoris gratiam, & Dei auxiliâ nobis indebita & supernaturalia. Deinde non minor apparet blasphemia, si quis dicat: non indigeo Christi redemptione, & supernaturalibus auxilijs, ut saluus fiam: quam si dicat, non egeo bonis operibus & penitentiâ: sed mihi sufficit Christi meritum. Deniq; ista præsumptio de viribus proprijs, diminuit æstimationem summi boni increati, quod speramus: quia multum de eius æstimatione discedet, si tale sit, ut vires nostras naturales non superet: Vnde inferri posset &

naturaliter nos ad illud habere proportionem, & naturaliter nobis deberi: quæ omnia excellentiam tanti boni multum imminuunt.

ARTICVLVS III.

Utrum præsumptio magis opponatur timori quam spei?

CONCLUSIO D. Thomæ est: Præsumptio directius opponitur spei, quâ timori: quia præsumptio & spes conueniunt propinquius sub eodem genere. Vtrumque enim respicit idem obiectum (inquit D. Tho.) cui innititur scilicet diuinâ bonitatem & virtutem: sed spes ordinatè: præsumptio autem inordinatè.

ARTICVLVS VI.

Utrum præsumptio causetur ex inani gloria?

CONCLUSIO D. Thomæ est: præsumptio quæ propriæ innititur virtuti, nascitur ex inani gloria: quia attentare noua supra vires suas ponitur à D. Gregorio lib. 31. moral. cap. 31. inter filias inanis gloriæ: præsumptio verò quæ inordinatè innititur diuinæ misericordiæ vel potentie, videtur directè nasci ex superbiâ quâ tanti se æstimet, quod etiam eum peccantem Deus non puniet, vel à gloria excludet. Vide vtrumque articulum apud D. Thomam latius explicatum.

Q V Æ S T I O XXII.

De Præceptis pertinentibus ad spem & timorem.

In duos Articulos diuisa.

ARTICVLVS I.

Utrum de Spe debeat dari ali-quod præceptum?

- 1 **D**ISTINGUIT D. Tho. præcepta, in ea quæ sunt de substantia legis, videlicet positiuè à Deo lata, & in ea, quæ sunt præambula ad legem.

Prioris generis ea sunt, quæ ordinantur ad hominem iam capacè & dispositum ad suscipiendum præceptum: sicuti sunt præcepta in Decalogo expressa.

Posterioris autem sunt, quæ versantur circa talem materiâ, ut prius debeant homines illam admisisse & acceptasse, quam sint dispositi ad præcepta capienda: quæ idcirco dicuntur præambula ad legem. Et huiusmodi dicit D. Thomas esse præceptum fidei, & præceptum spei, quia non existentibus fide & spe non poterunt alia præcepta

præcepta locū habere; debent enim prius homines per actum fidei recognoscere Legislatorem Deum, & credere eum talem, cui in omnibus se debeant subdere, antequam induci possint ad suscipiendum mandatum, & illud exequendum: Ad quod acceptandum similiter per spem præmiorum ab initio induci debent.

Responsio itaque Diui Thomæ habet: quod præceptum existit de spe Christiana: quod tamen ab initio non fuit proponendum in lege per modum præcepti: sed quemadmodum præceptum fidei fuit proponendum per modum annuntiationis & instructionis, ut supra quæst. 16. artic. 1. docuit. Ita etiam præceptum Spei in prima Legislatione proponendum fuit per modum promissionis: Et hinc multæ reperiuntur in lege promissiones, quæ spem generant: quando enim obtemperantibus legi præmia promittuntur, spes in animis audientium excitatur, & hoc modo ab initio homines ad spem inducendi fuerunt: sed lege iam impostā & receptā conueniens fuit, ut quæ per denuntiationem, & per adiunctas promissiones sunt credita & sperata; tunc proponantur etiam ex mandato credenda & speranda; atque ideo in Scripturis post primam Legislationem inducuntur homines multipliciter ad sperandum, etiam per modum admonitionis vel præcepti, inquit D. Thomas, & non tantum per modum promissionis, ut Psal.

4. *Sacrificate sacrificium iustitiæ, & sperate in Domino.* Psal. 61. *Sperate in eo omni congregatio populi.* ad Hebr. 10: *Teneamus spem nostram confessionem.* Item: *Nolite amittere confidentiam vestram,* & similia passim in Scripturis occurrunt.

Sed petet aliquis: Pro quo tempore præceptum Spei obliget?

Respondetur dupliciter posse contineri, ut teneamus ad actum spei exercendum: Primò ratione alterius virtutis, cuius præceptum pro tunc obliget, quam tamen absque spe exercere non valemus; vel ratione periculi peccandi, quod etiam subterfugere absque exercitio spei naturæ diffidimus: & tunc obligatio spei concurreret quoties præceptum talis virtutis, aut occasio periculi sic vitandi sese offerret. Secundò possumus ad spem teneri ex proprio eius præcepto, ut videlicet obligemur per se, & ratione propriæ virtutis, quod licet nonnulli existiment nunquam contingere, contrarium tamen est longe verius:

Probat, quia summum & diuinum illud bonum, quod Deus est, requirit ut illud nobis desideremus & affectu amoris in illud tendamus, & ut accedentibus di-

uinis promissis & auxilijs idem speremus, & efficaciter consequi contendamus; hoc enim ad quandam æstimationem summo bono & diuinæ benignitati nobis opitulari, ac illud elargiri præparatæ debitæ pertinet, & illud nunquam facere, censetur quidam contemptus ac neglectus culpabilis tanti boni nobis oblatis ac promissis, tantæque benignitatis diuinæ erga hominem; ergo &c.

Confirmatur primò, quia alioqui obligatio sperandi non nasceretur propriè ex aliquo præcepto spei, sed tantum ex præceptis aliarum virtutum, ob quarum exercitium sit actus spei necessarius; ac proinde omisso huius actus non esset tam speciale peccatum contra spem, quam contra præceptum illius virtutis, propter quam oportebat elicere actum spei, v. g. propter penitentiam, ubi debet concurrere spes veniæ. Quando enim obligatio faciendi opus vnius virtutis solum oritur ex necessitate alterius, tunc malitia, quæ est in omissione operis illius prioris, magis est contra præceptum virtutis alterius, quam ut dici debeat nasci ex præcepto aliquo huius operis: ut quando quis tenetur confugere ad orationem, ut superet tentationem, v. g. carnis, vel odij proximi, omisso orationis erit contra præceptum, Non fornicaberis, aut diliges proximum sicut te ipsum; non contra præceptum Orationis propriè loquendo.

Confirmatur secundò, quia fides, quæ maximè videtur esse propter alias virtutes, utpote earum fundamentum, aliquando obligat ratione sui, ut supra docuit Diuus Thomas; ergo etiam spes.

Quòd itaque ad tempus attinet pro quo obliget præceptum spei secundum se, videtur rectè dixisse Banneſius illud obligare, quando quisque in proprio vsu rationis fuerit Dei gratia illuminatus, circa supernaturalem beatitudinem; ita ut debeat tunc elicere actum spei circa eandem. Deinde addo, adhuc sæpius obligati ad idem præstandum, & quidem toties, ut moraliter æstimando non possit quis censeri pro nihilo ducere, aut parvipendere tantum diuinum bonum, tam liberaliter à Deo nobis promissum & paratum: vnde expectat sæpius cum Psalmista ad illud suspirare & dicere: *Quando veniam & apparebo ante faciem Domini, &c. Fuerunt mihi lachryme pænes die ac nocte, &c. & rursum: Quemadmodum desiderat cervus ad fontes aquarum, ita desiderat anima mea ad te Deus.*

ARTICVLVS II.

Vtrum de timore fuerit dandum aliquod præceptum?

- 7 **R**espondet Diuus Thomas cum distinctione timoris: & quidem de timore serui dicit idem quod de spe, sicuti in prima Legislatione scilicet fuit dandum præceptum Spei per modum promissionis ad hominem inducendum, vt Legem susciperet: Ita de timore serui fuisse proponendum præceptum, per modum comminationis: sed sicut postea ad stabiliendos homines in obseruantia legis, Sapientes & Prophetæ documenta tradiderunt de spe per modum admonitionis & præcepti: Ita

etiam de timore ad eundem finem, fuisse factum.

Vbi tamen hoc notandum est; Præceptum huius timoris non videri vnquam obligare purè & merè per se, sed tantum quatenus timor iste necessarius est ad obseruanda alia mandata, vel vt quis ad viam iustitiæ reuertatur: nō enim sicuti dignitas sūmi boni nobis promissi & liberalitas Dei illud offerētis postulat, vt ad id aspiremus, ita seueritas eius exigit, vt timeamus, nisi quatenus id necessarium est ad firmam adhesionem & coniunctionem cum illo: vnde timor iste in patria cessabit, vt suprà diximus. Quod autem ad timorem filialem attinet, quia ad Dei dilectionem & reuerentiam pertinet, hinc sicuti in Lege datum est præceptum de dilectione, ita etiam de timore illo datum ibidem esse intelligitur.

Q V Æ S T I O XXIII.

De Charitate.

In octo Articulos diuisa.

ARTICVLVS I.

Vtrum Charitas sit amicitia?

- 8 **O**BSE RVANDVM Primò: Nomen Charitatis perpetuò penè in Scripturis sanctis, & apud Ecclesiasticos scriptores capi in bonam partem, & significare amorem honestum, & supernaturalem, eiusue principium, quod est habitus quidam animæ: ac peculiariter illum amorem, quo Deū super omnia diligimus. Hoc etiā satis commune est nomini dilectionis, vt in meliorem partē ordinariō capiat: Non ita nomini Amoris, quod indifferenter in vtramque, aut fortè sæpius in malam partem accipitur. Vnde Origenes in Prologo ad Cantica Canticæ, annotat Scripturam libentiùs nominibus Charitatis & dilectionis, quàm amoris vti.

- 2 **O**bseruandum Secundò: Quanquam multum sit affinitatis in significatione nominis charitatis, & nominis dilectionis, vt etiam ex prima Epistola Diui Ioannis appareat, tamen adhuc aliquid esse differentię, quod scilicet charitas frequentius vsurpetur pro virtute, seu habitu: non ita dilectionis nomen: quod sæpius pro actu illius virtutis sumitur. Deinde nomen dilectionis non videtur quoque sic impor-

tare rationem amicitię: quemadmodum de Charitate docet D. Thomas hoc articulo. Vnde & amor adhuc imperfectiori, quò primū incipimus erga Deum, aut res diuinas affici, potest nomen dilectionis attribui, quanquam nondū excreuerit ad eam perfectionem & fortitudinem, vt sæculi cupiditatem euincat. Et ideo D. Bernardus lib. De natura & dignitate diuini amoris, dicit quod Charitas sit quidam amor perfectus, & illuminatus; Iam, inquit, amor incipit confortari & illuminari, & transire in affectum, & nomen maioris virtutis & amplioris dignitatis: amor quippe illuminatus charitas est. His positis sit

3 **C**ONCLVSIO Vnica: Charitas est amicitia hominis cum Deo. Ita D. Thomas & communiter alij. Et quidem ex Scripturis manifestè cōstat inter homines & Deum, quandam intercedere amicitia: De Abraham enim dicitur Iudith 8. quod per multas tribulationes probatur Dei amicus effectus est: & Pl. 138. *Mibi autē nimis honorificati sunt amici tui Deus: & Ioan. 15. dicit Christus ad Apostolos: Vos autem dixi amicos. Quod autem hæc amicitia ex parte hominis fundetur in charitate, siue sit ipsa charitas, Probatur primò ex illis Christi verbis: Vos amici mei estis, si feceritis quæ ego præcipio vobis. Ioannis 15. Charitas enim est, quæ facit*

nos

nos facere, quæ Deus præcipit, & facit nos eius legem adimplere. Vnde ad Rom. 13. dicitur, plenitudo Legis esse dilectio: ergo hæc etiam fundamentum erit amicitie hominis cum Deo.

4 Probatur Secundò, ex diuersis amicitie proprietatibus, quæ charitati conueniunt, quarum tres recenset hic D. Thomas: & plures alias D. Ambr. lib. 3. De Officijs, cap. vltimo: sicut & Philosophus lib. 8. Ethyconum.

5 Primo autem loco requirit D. Thomas hic ad amicitiam, quod debeat esse amor benevolentie: est namque amor ad alterum suppositum non quodcumque: sed suppositum rationale siue intellectuale, quod aptum sit benevolentie quidam amari, & ipsum amore percipere ac intelligere. Vnde licet, contingat amari res inanimatas, ut cibum, potum, aurum; vel etiam res animatas irracionales, vt equos, canes, nemo tamen amorem illum dixerit esse amicitiam: quia non est amor ille benevolentie: nõ enim istiusmodi in ipsorum bonum, sed in nostrum commodum, aut voluptatem duntaxat amamus.

6 Secunda conditio est: quod amicitia requirat mutuam amorem benevolentie: hoc enim ipsum nomen importat: nam amicus ad amicum essentialiter dicit ordinem.

7 Tertia conditio requirit: vt sit quædam communicatio inter amicos, super qua nimirum fundetur ista benevolentia mutua: & quidem ad veram amicitiam homine dignam, necesse est, vt hæc communicatio sit in bono honesto: v. g. in doctrinâ, in virtutibus, aut similibus honestis studijs: Inclinatiores enim affectus in se inuicem fundati solum in communicatione boni vtilis, aut iucundi, nomen amicitie non merentur: vti etiam antiqui Philosophi censuerunt: In istis enim vix reperitur purus amor benevolentie: neque enim tam amicus diligitur, quam propria utilitas, aut voluptas.

8 Quarta est: vt alter alterius voluntati facile obsequatur, & satisfacere studeat, atque adeo vt inter ipsos sit animorum vnitas. Vnde de amico dici solet, quod sit Alter ego: aut Dimidium anime amici.

Quinta: quod amicitia faciat amicos sibi mutuo communicare sua secreta, quod consequitur ad animorum vnitatem.

6 Sexta est: quod non patiantur diuturnam amicorum a se inuicem absentiam.

9 Quod verò hæc proprietates in charitate quadrent, declaratur: ac de prima quidem, quia charitati proprium est, quod non quærat quæ sua sunt, vt dicitur 1. ad Corinth. c. 13. sed quæ sunt Dei, & proximi. Hinc ad Rom. 14. dicitur: *Si enim*

propter cibum frater tuus contristatur: iam non secundum charitatem ambulas. Noli cibo tuo illum perdere, pro quo Christus mortuus est. Vnde patet, quod charitas ut sollicita de ijs, quæ sunt Christi, & fratrum suorum plus quam de suis commodis. Et Apostolus ad Ephes. cap. 1. Charitate flagrans gaudet; quod Christus annuntietur, eiusque fides crescat, ac dilatetur, quantumvis id fieret ab illis, qui ex inuidia intendebant Apostolo iam victo in carcere maiores pressuras, & difficultates suscitare: Constat igitur charitatem esse benevolentie amorem hominis erga Deum.

De Secundâ ostenditur similiter, quia vicissim Deus amore benevolentie diligit diligentes se: Ioannis c. 14. *Qui diligit me (inquit Christus) diligitur à patre meo: & ego diligam eum:* est ergo mutuus benevolentie amor, ubi charitas Dei in homine reperitur.

Dicit aliquis: Amat nos Deus in ordine ad se: *Vniuersa propter semetipsum operatus est Dominus:* vt dicitur Proverb. 16. Non videtur ergo Deus nos amare amore benevolentie, sed magis concupiscentie.

Resp. Neg. Conseq. Quia amare nos Deus dicitur in ordine ad seipsum, non quasi in suum commodum, vtpote qui neque nostri, neque bonorum nostrorum indigus est: sed in ordine ad se, tanquam ad finem nostrum ad quem ordinati sumus, vt in eo nobis bene sit, & in quo solo possumus esse beati: iste amor autem ex parte Dei erga nos est summæ benevolentie: neque enim amor benevolentie excludit, quo minus bonum amici & ipsa amicitia referatur ab amante in suum debitum finem: imò vt ordinatus sit, omnino hoc includit.

Declaratur quod etiam tertia proprietates charitati conueniant: qui enim charitatem habet, communicat cum Deo, inprimis in quâdam participatâ diuinitate, ita vt dicamur diuinæ confortes naturæ. Deinde in virtutibus & affectibus bonarum & spiritualium actionum: Deus enim suas virtutes elargitur homini in iustificatione iuxta eius capacitatem; & inclinat ad sancta studia, quæ Deus amat, vt quæcumque sunt vera, quæcumque pudica, quæcumque iusta, quæcumque sancta, quæcumque amabilia, quæcumque bona famæ, si qua laus disciplinæ, hæc cogitet, hæc meditetur, & his mente & affectu inhaereat, iuxta monitionem Apostoli ad Philip. c. 4. atque ita maxima quædam ac perfecta est communicatio inter Deum & hominem charitate præditum: quandoquidem ista communicatio versetur in bonis altioris ordinis, scilicet supernaturalibus

Y iiii & di.

& diuinis: Ita vt Ioan. 1. epistolæ cap. 3. scribat: *Videte qualem charitatem dedit nobis pater, vt filij Dei nominemur & simus.* Hinc etiam amicitia in ea fundata est superioris & altioris ordinis, quam amicitia omnis humana, licet etiam fundata in studijs secundum rectam rationem naturalem honestis.

- 13 De Quarta conditione probatur: quia charitas semper ad Deum orat: *Fiat voluntas tua, sicut in celo & in terra:* ac libenter Dei sermonem & voluntatē explet, iuxta illud Christi Ioannis 14. *Si qui diligit me, sermonem meum seruabit.* Imò hoc tanquam certissima nota ponitur à Diuo Ioanne 1. epistolæ cap. 2. ita scribens: *Qui autem seruat verbum eius, verè in hoc charitas Dei perfecta est.* Et è contra quoque facit Deus voluntatem timentium se: vt habetur Psalm. 144. atque adeo facit charitas ex duobus quodammodo vnum. Vnde Apostolus ad Gal. 2. sic loquitur: *Vino ego iam non ego, vivis verò in me Christus:* & 1. ad Corinth. c. 6. *Qui autem adhæret Domino, vnus spiritus est:* & D. Ioan. 1. epistolæ cap. 4. *Qui manet in charitate, in Deo manet, & Deus in eo.*

- 14 De Quinta ostenditur: quia viri iusti & sancti omnes infirmitates, necessitates, & secreta cordis sui apud Deum exponunt, iuxta illud Davidis Psalm. 141. *Effundo in conspectu eius orationem meam, & tribulationem meam ante ipsum pronuntio.* Similiter Anna 1. Reg. cap. 1. respondet sacerdoti Heli qui eam ebrietatis arguebat: *Non bibi (inquit) sed effudi animam meam in conspectu Domini.* Vicissim quoque sua communicat Deus Sanctis suis: iuxta illud Christi Ioan. 15. *Iam non dicam vos seruos: quia seruus nescit quid faciat Dominus eius: vos autem dixi amicos: quia omnia quaecumque audiui à patre meo, nota feci vobis:* & Ioan. c. 14. *Et ego diligam eum, & manifestabo ei me ipsum:* & Genes. 18. dicit Dominus: *Num celare potero Abraham quæ gesturus sum?*

- 15 Sexta denique conditio conuenit quoque charitati: quia per hanc conuersatio nostra est in cælis, vt habet Apostolus ad Philip. cap. 3. Qui autem eam ignorarunt, dixerunt sicuti Chaldaei Danielis capite 2. Deorum conuersationem nō esse cum hominibus: aliter autem loquitur Christus Ioannis cap. 14. *Et pater meus diligit eum, & ad eum venimus, & mansionem apud eum faciemus.*

- 16 Sed contra Conclusionem obijcitur primo: Præter conditiones amicitiae recensitas requiritur etiam quædam æqualitas inter quos amicitia coalescere debet, adeo vt inter admodum inæquales non videatur posse consistere. Hinc quidam Philosophi, amicitiam dixerunt esse æqualitatē: & solent Reges eleuare & nobilitare eos,

si quos inferioris alioquin conditionis velint ad suam amicitiam recipere: atqui est extrema inæqualitas inter Deum & homines: vnde etiam Philosophus expressè negauit hominis ad Deum posse esse amicitiam: ergo &c.

Respondetur duplex distingui amicitie genus, vt habet Philosophus li. 8. Eth. c. 7. vnū æqualitatis, & alterū supereminentię. Prioris generis est illa, qualis v. g. inter conciuēs aliquot reperitur, quorum nullus alteri aliquid debet, nec vnus ab altero est dependens. Posterioris autē generis est illa, qualis intercedit inter dominū & vasallum, inter patrem & filium. Quāuis autem ad neutrum amicitie genus fundandum inueniatur sufficiens proportio inter hominem secundum sua pura naturalia, & Deum, tamen inter illum, vt diuinis virtutibus & donis spiritualibus eleuatum, atque adeo diuinæ naturæ consortem participatione quadam effectum omnino reperitur sufficiens proportio ad fundandam amicitiam posterioris generis, quæ admittit alteram partem simpliciter esse maiorem: sed requirit tantum aliquā æqualitatis proportionem: quæ hic sufficienter adest per diuina munera, quibus homo sublimatur. Vnde Christus suos Apostolos & amicos, & fratres dignatus est vocare: quæ quia Philosophi ignorarunt sicut & illud quod ad seipsum Deus hominem ordinasset tanquam ad finem cuius visionē & fruitionē esset beatificandus, mirum non est, eos quoque amicitia hominis cum Deo negasse.

Obijcitur Secundò: Amicitia est mutua beneuolentia non latens, vt docet Philosophus lib. 8. Ethic. cap. 2. Si namque duo sese diligant, & alter alterius amorem nesciat, neque diligendo intendat vices redere alterius amoris, non erit propriè amicitia: sed fortuita amoris reciprocatio: atqui nos nescimus, an Deus nos diligit, & vtrum nos illum diligamus prout oportet ad amicitiam: ergo non potest esse ibi amicitia.

Respondetur Neg. Subsumptū: quāuis enim nemo absolutissimā certitudine sciat, vtrum amore an odio dignus sit, tamen id probabiliter satis ex multis signis & coniecturis cognoscere licet, quantum sufficit ad amicitia rationem: nam etiam inter homines videmus alterum non posse esse omnino certissimum de alterius mutuo beneuolentiæ affectu: sed id quoque ex signis & coniecturis tantum cognosci. Quomodo autem cognitionem habeamus & qualem de dilectione Dei erga nos, & vicissim de nostra erga Deum, latius explicuimus 1. 2. quæst. 112. art. 5.

Obijcitur

20 Obijciunt Tertio: Caritas etiam se extendit ad peccatores, & inimicos, hi autem non redamant amore benevolentie; ergo caritas non est amicitia.

Respondetur Neg. Conseq. quia dicimus eam esse amicitiam hominis cum Deo: & quâvis eatenus nos moueat ad amanda omnia, quæ à nobis amari Deus vult, & acceptum & gratum habet, non tamen dicimus amorem hunc, prout ad quælibet ista se extendit, obtinere rationem amicitie in ordine ad ista, sed tantum in ordine ad Deum, ex cuius respectu illa diligimus.

ARTICVLVS II.

Verum caritas sit aliquid creatum in anima?

21 **C**ONCLUSIO D. Thomæ est: maxime necesse est, quod in nobis ad charitatis actum existat aliqua habitualis forma superaddita potentie naturalis: & proinde caritas est aliquid creatum in anima. Est contra Magistrum lib. 1. Sent. dist. 17. qui existimauit actum charitatis quo Deum diligimus, non mediante aliquo habitu supernaturali, quemadmodum alij actus virtuosij, vt fidei, spei: sed proximè à Spiritu Sancto produci, ipso agente & supplente partes omnis principij supernaturalis: idque propter excellentiam tanti actus.

22 Sed probari potest Conclusio primò per omnes illas auctoritates, tum Scripturæ, tum Conciliorum, & Patrum, quibus 1. 2. quæst. 110. art. 1. & 2. ostendimus gratiam sanctificantem esse quid creatum: atque adeo qualitatem inherentem animæ: expressius enim sub nomine charitatis plures loquuntur, quam sub nomine gratiæ: vide Apostolum ad Rom. cap. 5. 2. ad Corinth. cap. 1. & D. Ioannem c. 3. ep. 1. & Concil. Trid. Sess. 6. Can. 11.

23 Probatur Secundò ratione D. Thomæ: quia negare habitum creatum charitatis in anima, non solum non facit pro excellentiâ actus, sed potius est contra eius perfectionem: ergo oportet illum admittere. Antecedens probatur, quia ad perfectionem actus pertinet, vt procedat à potentia intrinsecus, & permanenter proportionatâ per formam aliquam, quæ sit principium talis actus. Vnde Deus qui omnia mouet ad debitos fines, singulis rebus indidit formas per quas inclinantur ad fines sibi præstitutos, & ita disponit omnia suauiter: vt dicitur Sap. 8. atqui voluntas sine habitu charitatis sibi superaddito, non est

proportionata actui dilectionis Dei super omnia eliciendo: quia hic actus superat naturalem virtutem, & operationem voluntatis: quare nisi ponatur ei superaddi & infundi forma supernaturalis, quæ sit principium proportionatum, consequens erit, quod actus iste quantum est ex modo productionis suæ, futurus sit imperfectior alijs actibus, non tantum supernaturalibus; sed etiam naturalibus; vt hic subindicat D. Thomas: oportet ergo admittere, charitatem esse quandam formam creatam inexistentem animæ, seu voluntati.

Hoc interim negandum non est, quin 24 Deus absq; creato habitu cooperante, possit voluntatem siue per actuale auxilium gratiæ, siue per cōcursum quandam supernaturalem eleuare ad eliciendum actum amoris diuini super omnia. Imò dum quis iustificatur per cōtritionē ante reālē suspensionem Sacramenti, id de facto accedit in actu dilectionis Dei super omnia; qui ab habitu charitatis non efficitur, cum sit ad illum dispositio, & proinde ordinē naturæ intelligatur prior existere, quàm habitus. Non autem perinde potest nos Deus constituere sui amantes absque influxu vitali animæ nostræ & voluntatis: neque enim potest causare actus vitales per se solum, quorum intrinseca ratio postulat, vt proficiantur à vitâ substantiali, & principio interno, cuiusmodi sunt actus amoris diuini. Vide dicta 1. 2. quæst. 3. art. 1. & 2.

25 Sed contra conclusionem obijciunt: 1. Ioannis cap. 4. dicitur: *Deum caritas est: & qui manet in charitate, in Deo manet, & Deus in eo.* In quibus verbis significari videtur, non solum quod Deus secundum se sit essentialiter caritas, sed etiam quod sit caritas, quâ nos illum diligimus: quia hæc est in qua oportet nos manere, & quæ in nobis manet: ergo &c.

Respondetur D. Ioannem verbis illis non aliud docere, quàm Deum esse charitatem per essentiam, & ab eo omnem charitatem participatam, quâ ipsum diligimus, diffundi, & cum illo habere necessariam connexionem, quamdiu existerit: & ideo dicit: *Qui manet in charitate*, scilicet participatâ & nobis proportionatâ, *in Deo manet*: quia cum illo habet necessarium vinculum, sicut lumen solis cum sole. Manet itaque in Deo, sicut dilectus in diligente; *Et Deus in eo*, quia vicissim hæc charitate Deum diligit, & in suis habet cogitationibus & affectibus. Contra hæc verò oppositi possent quædam ex D. Augusti. lib. 8. de Trinitate cap. 8. vbi planè videtur indicare, imò supponere charitatem quâ nos Deum diligimus, esse ipsum Deum: ex quibus fortassis Magister inductus fuit in eam

in eam opinionem. Sed ista hic prætermittimus, quia latè explicata sunt 1. 2. quæst. 112. art. 5. nu. 59. & seqq. ubi disputatur, an possimus esse certi de nostra iustitia.

ARTICVLVS III.

Vtrum charitas sit virtus?

- 26 **C**ONCLVSIO est affirmatiua: & patet, quia charitas est maximè conformis supremæ regulæ nostrarum actionum, qui est Deus, quem proximè & præstantissimo modo attingit: per illam enim diligitur Deus, prout eius bonitas & excellentia postulant. Idem constat ex Apostolo 1. ad Corinth. 13. & ex alijs Scripturis infra art. 6. nu. 31. allegandis.

ARTICVLVS IV. & V.

Vtrum charitas sit virtus specialis? & Vtrum sit vna?

- 27 **C**ONCLVSIO vtriusq; articuli est affirmatiua: & probari potest primò ex Apostolo 1. ad Corinth. 13: ubi charitatem connumerat & distinguit contra fidem & spem: quarum quælibet est virtus specialis, & vna.

Probat. Secundò ratione: quia obiectum formale charitatis est ratio specialis, & vna: scilicet diuina bonitas, ob quam diligimus Deum & proximum: ergo charitas est virtus quoque specialis, & vna.

- 28 **O**bseruandum tamen est, charitatem interdum vocari virtutem generalem, non quod sit genus aliarum virtutum, seu tantummodo aggregatum ex omnibus virtutibus: sed quia obiectum eius est finis omnium virtutum, quo fit, vt etià per se actus aliarum virtutum imperare, & ad finem suum conuertere possit. Itaque est generalis & vniuersalis imperio & causalitate, quatenus omnes aliæ sunt illi quodammodo subordinatæ: & vltimatè ad eius finem diriguntur.

- 29 **S**ed dicit aliquis: D. Thomas hic dicit bonum diuinum, vt obiectum beatitudinis, esse obiectum charitatis; atque bonum diuinum, vt obiectum beatitudinis est obiectum spei; ergò spes & charitas habebunt idem obiectum, & consequenter non erunt virtutes distinctæ.

- 30 **O**miffis varijs expositionibus & commentarijs circa illa D. Tho. verba. Respondetur breuiter eum per bonum diuinum, vt obiectum beatitudinis, intelligere bonum diuinum secundum eam rationem, quæ excedit omnem proportionem & ca-

pacitatem naturalem creaturæ cuiuscūq; & vt sic idoneum est omnè naturam intellectualem plenè beare. Hoc autè quatenus sideratur, vt est in seipso bonum & perfectum, atque adeo suum bonum, est obiectum charitatis; non spei: charitas enim illud diligit, vultq; illud esse, & conseruari, quia bonum est ipsius Dei, nullo habito respectu ad commodum ipsius hominis: at obiectum est spei, quatenus est bonum nostrum: atque ita distinctæ sunt rationes obiecti charitatis, quæ bonum illud diligit, vt obiectum beatitudinis diuinæ, & spei quæ illud amat vt bonum nostrum, quo nos sumus beandi.

ARTICVLVS VI.

Vtrum charitas sit excellentissima omnium virtutum?

CONCLVSIO est affirmatiua: & probatur primò ex Scripturis: vt ad 1. Corinth. 12. cum Apostolus de varijs episset virtutibus & donis Spiritus Sancti, tandem in fine subiungit: *Et adhuc excellentiorem viam vobis demonstro: scilicet charitatem*; de quâ mox sermonem subiungit, quamque toto cap. sequenti mirificè cum suis fructibus, extollit: ac comparando eam cum fide & spe concludit in hæc verba: *Maiores autem horum est charitas*: ad Colof. 3. *Super omnia autem hæc, charitatem habete, quod est vinculum perfectionis*: ad Rom. 13. dicitur. quod legis plenitudo sit dilectio: & 1. ad Timoth. 1. quod finis præcepti sit charitas. Vnde Matth. 22. præceptum charitatis dicitur primum & maximum, ex quo vniuersa lex pendeat, & Prophætæ: quia scilicet vniuersa eo tendunt, vt ad charitatem nos adducant vtpote sine quâ omnia nihil prosint: vt docet Apost. 1. ad Corinth. cap. 13. Idem patet ex multis quæ scribit D. Ioannes in 1. sua epistola.

Probat. Secundò ex Encomijs, quibus Sancti PP. charitatem celebrant. D. Irenæus lib. 4. cap. 63. Præcipuum dilectionis munus, inquit, quod est pretiosius, quàm agnitio, gloriosius autem quàm prophetia: omnibus autem reliquis charismatibus supereminens. D. Aug. in Ps. 103. Conc. 1. multa edisserit de excellentia charitatis: & tandè cõcludit: In omnibus Scripturis supereminentiissimã viã, inquit, supereminentiissimũ locum charitas obtinet. D. Hier. in cap. 5. ad Galat. quæ alia inter fructus spiritus debuit tenere primum, nisi charitas? si quidem & in lege, & in euangelio ipsa obtinet primum: ubi consequenter pro huius rei ratione vrgit, quod reliquæ virtutes sine charitate non reperiuntur.

reperiuntur esse virtutes, & quod ex charitate nascentur vniuersa quæ bona sunt. Cui conforme est, quod habet D. Prosper in sententijs numero 32. Quanta est charitas, quæ si desit frustra habentur cætera, si adit habentur omnia? ergo &c.

33

Probatur tandem ratione: quia excedit in primis virtutes omnes morales, eo quod proxime versetur circa Deum, vt formale obiectum & etiã vt materiale principales, sicuti suprà demonstratum est, cã de causã fidem & spem superare præstantiã virtutes illas. Deinde etiã charitas excellit supra fidem & spem: quæ licet attingant proximẽ Deum, tamen attingunt duntaxat, vt ab eo nobis prouenit aliquid, vt dicit hic D. Thomas, videlicet cognitio veri, & quidem ea obscura & adhuc imperfecta: & adeptio nostræ felicitatis, quæ etiã in re non habetur quamdiu sub spe militamus: charitas verò attingit Deum vt ipse est summum in se & sibi bonum: sic enim illum amat, & ex se egrediendo quodammodo in illum transfertur, & vnũ cum illo efficitur: quod diximus supra ad amicitiam pertinere. Quod quã verum sit de amicitia, licet videre apud D. August. lib. 4. Confess. cap. 6. vbi agit de dolore quo afficiebatur ex amissione amici. Et inter alia ita scribit: Mirabar enim cæteros mortales viuere, quia ille quem quasi non morituum dilexeram, mortuus erat: & me magis, quia ille alter eram, viuere illo mortuo mirabar. Bene quidam dixit de amico suo, Dimidium animæ meæ: nam ego sensi animam meam & animam illius vnã fuisse animã in duobus corporibus: & ideo mihi horrore erat vita, quia nolēbam dimidiũ viuere: & ideo forte mori metuebam, ne totus ille moreretur, quem multum amaueram.

ARTICVLVS VII.

Utrum sine charitate possit esse aliqua vera virtus?

Respondet D. Thomas: quod simpliciter vera virtus (quæ scilicet perfecte ordinat habentem ad finem suum vltimum) sine charitate esse non possit: posse tamen esse aliquam veram virtutem imperfectam sine charitate: quã videlicet ordinetur homo ad aliquod particulare bonum honestum, sed non perfectẽ ad bonum summum & vltimum, ad quod sola charitas ducere potest. Vide hac de re plura supra quæst. 4. art. 5. vbi explicatur, an & quomodo fides sit virtus.

34

ARTICVLVS VIII.

Utrum charitas sit forma virtutum?

Conclusio est affirmatiua desumpta ex D. Ambr. lib. 2. in Lucam. Explicat autem D. Thomas quomodo charitas sit forma, quia scilicet ad charitatem virtutes omnes accipiunt quandam ordinem ad finem vltimum, quatenus eius imperio, actus omnium virtutum ordinantur ad finem illum, qui est proprium charitatis obiectum: secundũ hoc enim ipsa dat formam actibus omnium aliarum virtutum. Vnde vt habet hic ad primum, charitas est forma, non exemplariter aut essentialiter, sed magis effectiue in quantum omnibus formam imponit modo iam dicto. Plures autem alios modos quibus possit charitas dici forma virtutum, vide explicatos supra quæst. 4. art. 3. vbi quaeritur an charitas sit forma fidei?

35

Q V Æ S T I O XXIV.

De Subiecto Charitatis.

In duodecim Articulos diuisa.

ARTICVLVS I.

Utrum voluntas sit subiectum charitatis?

Responsio D. Thomæ habet: Subiectum charitatis est appetitus non sensitius; sed intellectiuis seu rationalis, siue voluntas.

Probat, quia obiectum per se charita-

tis est bonum: debet igitur esse in illã potentia quæ per se circa bonum versatur: atqui illa est appetitus; non potest autem esse appetitus sensitius, quia obiectum charitatis est bonum non sensibile, sed intelligibile & spirituale: ergo debet esse appetitus intellectiuis seu voluntas rationalis, quæ versatur circa bonum intelligibile & spirituale, quatenus ab intellectu dirigitur.

ARTIC.

ARTICVLVS II. & III.

Utrum charitas causetur in nobis ex infusione? Et, Utrum infundatur secundum capacitatem naturalium?

- 37 **R**esponso ad priorem articulum est affirmatiua: ad posteriorem verò, est negatiua. Quæ ad hanc materiã pertinent, vide latius explicata 1. 2. quæst. 112. art. 1. & 4.

ARTICVLVS IV.

Utrum charitas augeri possit?

- 38 **C**ONCLUSIO D. Thomæ est: Charitas viæ potest augeri. Probatur breuiter ratione D. Thomæ: Quia inde, inquit, dicimur esse viatores, quod in Deum in hac vita tendimus, qui est vltimus finis nostræ beatitudinis: tanto autem magis procedimus ac tendimus, quanto magis Deo appropinquamus: appropinquo autem non fit gressibus corporis, sed affectibus mentis: ergo necesse est, quod in via charitas possit augeri: alioquin enim non possemus in Deum tendere, magisque illi appropinquare. Hinc D. August. cap. penult. Ench. Minuetur cupiditas, inquit, charitate crescente, donec veniat ad tantam magnitudinem, quã maior esse non possit. Vide eandem conclusionem latius ex Scripturis & Patribus deductam 1. 2. quæst. 112. art. 4. & 114. art. 8.

ARTICVLVS V.

Utrum charitas augeatur per additionem?

- 39 **Q**uæstio hæc generaliter disputari solet à Philosophis de qualitatibus omnibus quæ intensiorem & remissionem recipiunt, quomodo ista intensio fiat?
- 40 Multi negant fieri alicuius nouæ entitatis accessu, sed volunt eam fieri tantum, aut meliori interueniente subiecti dispositione, sicuti enim eadẽ efficiente causã manente contingit maiorem produci effectũ ob materię aptiorem dispositionem ad recipiendũ causę influxum, ita volunt etiam qualitatem eandem omnino manentẽ tribuere magis suum esse subiecto propter

meliores eius dispositionem: aut per firmiorem radicationem seu inhætionem in subiecto.

Alij verò magis communiter docent, intentionẽ fieri accessu alicuius noui gradus, qui sit eiusdem naturæ cum qualitate præexistente. Quæ sententia apparet verior, sicuti est communior & receptior. Et probatur breuiter reiiciendo alios modos: quod enim in primis dicitur de meliori dispositione subiecti, ex quã fiat quod eadẽ qualitatis entitas magis suum esse tribuat subiecto, facili refutatur: quia melior dispositio vel debet dici prouenire inde, quod subiectum habeat minus de forma contrariã, vel quod habeat aliquam aliam formam aut dispositionem positiuam intensiorem: atqui neutrum dici potest. Non prius, quia etiam qualitates intenduntur quæ non habent formam contrariã: & ab ijs dicuntur subiecta magis aut minus talia: vt à lumine dicuntur magis aut minus illuminata: quare non potest ista intensio dici fieri duntaxat per remotionem contrarij, ynde oriatur melior subiecti dispositio. Et declaratur, quia aer eodem modo dispositus illuminatur magis à lumine solis, quã à lumine lunæ; ergo &c. Non etiã posterius, quia recurret eadem difficultas. Quæ enim poterit, quomodo illa dispositio seu forma positiuam melius disponens sit intensior in vno subiecto, quàm in alio? si dicatur per aliam formam positiuam, idem de hac petetur, & sic abibit quæstio in infinitum.

Similiter reprobare potest, quod dicitur de firmiori duntaxat qualitatibus radicatione, & inhætionem in subiecto: quia tunc sequeretur, si Deus duas qualitates maximè inæquales secundum intensiõem & remissionem poneret extra subiectum, quod hoc ipso qualitates illæ essent æquales: quod ab omni apprehensione videtur alienum. Deinde contingit qualitates remissiones tenacius inhærere quibusdam suis subiectis, quàm intensiores suis: ergo dicendum est intensiõem fieri per additionem siue accessum noui gradus: qui quidem non necessariò est maior priori ad quem accedit: satis enim est ad incrementum quod qualitas ex utroque resultans, sit maior eã parte quæ prius existerat. Vide plura apud Durandum in 1. dist. 17. qu. 5. 6. & 7. vbi prolixè & satis accuratè de hac materiã philosophicè disputat.

Dicit aliquis: Inter id ad quod fit accessio, & inter illud quod accedit debet esse distinctio aliqua specifica vel numerica: atqui non potest hic esse aliqua talis distinctio, ergo non potest intensio dici fieri per accessum alicuius entitatis. Maior patet:

patet: quia alioquin nō potest intelligi accessus alicuius entitatis ad alterā. Probatur minor, non enim in primis potest allegari distinctio specifica: quia charitas præexistens & gradus qui ponitur accedere, versarentur haud dubie circa idem obiectū sub eadem ratione formali: ergo specie non differunt. Non etiam numerica, quia cum charitas sit accedens, & quidem spirituale, debet omnis distinctio numerica, quæ inter charitatem & charitatem esse potest, desumi à subiectis: atqui dum intensio fit, est idem numero subiectū: quod remissiori & intensiori charitate informatur. Neque enim potest gradus accedens poni in alio subiecto, vel aliā subiecti parte, quā in quo fit præexistens, scilicet in voluntate rationali, quæ partes nō habet: ergo & c. Ita fere ratiocinatur D. Tho. hic: unde ipse concludit, charitatem nō augeri per additionem.

Respondendi potest in primis iuxta communiorum Philosophorum sententiam, negando omnem numericam distinctionem essentialiter nasci, aut dependere ex materia, vel ordine ad materiam: prout à Scholasticis tradi solet in 1. p. in tract. de Angelis: & à Philosophis in Metaph. Deinde, esto quod distinctio numerica depēdeat à subiecto, non tamen aliud inde confici videbitur, quàm quod gradus accedens non possit habere actuale esse numero distinctum à charitate prius existente: non autē quod non possit in eodē subiecto produci, sic ut in eandē numero qualitatē coalescat, sicuti hic ponimus fieri. Ut autem dicatur aliquid accedere ad alterū, non est necesse utriusque se mutuo prius separatim existere: sed ad intelligendū hoc fieri, satis est quod vnum existat, & non alterum illud quod in sui productione fit cum priori vnum.

Quæri autem hic potest. Vtrum habitus charitatis non tantum intensiue, sed etiam extensiue augeatur? Respondetur cum D. Tho. negatiue: Quia, inquit, etiam minima charitas extendit se ad omnia, quæ sunt ex charitate diligenda. Fundamentum huius esse potest, quod sit vna simplex & indiuisibilis diligendi ratio, ob quam omnia diliguntur ad quęcumque charitas sese extendit, aut extendere potest. Unde habitus infusus mox constituit hominem proportionatum toti latitudini obiecti sui: neque extenditur substantia eius propterea, quod plures diliguntur, sicuti non augetur extensiue ipsa potentia videndi, quando plura obiecta videntur. Secus potest esse in habitibus acquisitis, præsertim scientiarum, prout notat hic D. Tho. quia scilicet sub diuersis particularibus rationibus versatur eadē scientia circa diuersas conclusiones.

Hoc interim certū est, actualem chari-

tatem siue dilectionis actum augeri posse extensiue secundū plura obiecta, circa quę vno tempore exercetur, & non alio. Item fieri etiā posse, quod facilius & promptius charitas exeat in actum circa quędā, quàm circa alia, etiā propter eandē rationē sint diligenda: idque idcirco quod forsitan in vno obiecto reperiat aliquid quod hominis voluntatem retardet, aut difficiliorem reddat ad charitatis inclinationem sequendam, quod in alio locum non habet.

ARTICVLVS VI.

Vtrum quolibet actu charitatis, charitas augeatur?

CONCLUSIO Prima: Quilibet actus charitatis etiam remissior habitu meretur augmentū charitatis. Est D. Tho. hic ad primū, & communis pænē DD. contra Dur. in 1. dist. 17. qu. 8. Probatur primò: quia quilibet charitatis actus etiā remissior meretur augmentum præmij essentialis, ut etiā Dur. admittit. Et constat ex Scripturis, quæ significant nullum esse tam exiguum charitatis opus, cui non correspondeat suū præmiū. Matt. 10. Et quicumque potum dederit vni ex minimis istis, calicem aque frigide tantum in nomine discipuli, Amen dico vobis, non perdet mercedem suam. 1. ad Cor. 15. Itaq; fratres mei dilecti, stabiles estote, & immobiles abundantes in opere Domini semper, scientes quod labor vester nō est inanis in Domino. 2. ad Cor. 4. Id quod in presenti est momentaneū & leue tribulationis nostræ, supra modum in sublimitate eternam gloriæ pondus operatur in nobis. Ergo oportet quod mereatur etiam augmentum charitatis, quia præmiū essentialē secundū proportionē correspondet charitati vniuscuiusque: qui enim plus diligit, plus etiā à Deo diligitur, & qui minus diligit, minus diligitur: secundū proportionē autē quā Deus nos diligit, etiam quantitatē præmij essentialis in patria distribuit. Unde à posteriori sequitur, quod si quilibet charitatis actus mereatur augmentum præmij essentialis in patria, quod etiā mereatur augmentum charitatis.

Probatur Secundò ex Trid. ss. 6. Can. 32. vbi simpliciter definit hominē iustificatum bonis operibus, quę ab illo per Dei gratiā & Christi meritum fiunt, mereri augmentum gratiæ, & vitæ æternæ. Similia habentur eadem Sess. c. 16. quæ sic generatim dicta sine fundamento restringuntur ad solos actus intensiores habitu charitatis, quasi his solis homo iustus mereatur augmentum gratiæ & charitatis: ergo & c.

Probatur Tertiò, quia alioquin auctior charitas habitualis esset causa minoris & parioris retributionis, atque adeo maior hominis

hominis cum Deo coniunctio & amicitia præiudicarent amplitudini præmij ipsius in pari actione. Quod omnino est inconueniens. Declaratur: quia si quis habens charitatem tantum vt quatuor, eliceret actum vt quinque, mereretur is augmentum charitatis, vbi si quis habens charitatem vt octo, eliceret actum vt quinque vel vt sex, non mereretur; ergo &c.

- 49 **CONCLUSIO Secunda:** Quemadmodum quilibet charitatis actus, quamuis habitus remissior, meretur augmentum charitatis, vt iam dictum est, sic veri similis est, etiam statim ad quemlibet actum dari istud augmentum absque dilatione, donec actus aliquis intensior eliciatur. Est cõmunior D. Gabr. in 1. dist. 17. q. 4. & in 2. dist. 27. Maioris in 1. dist. 22. Andr. Vega lib. 15. in Trid. c. 19. Arrag. hic. Zumel 1. 2. q. 114. 2. 8. disp. 3. licet in 1. p. aliter senserit. Henriquez de pœnit. 1. 1. c. 33. Mald. hic: & Suarez in Opus. Relect. de Reuiuifcentia meritorum: disp. 2. sect. 3. num. 34.

Probatur Primò, quia augmentum charitatis est quoddam præmium boni operis pertinens ad hanc vitam: quandoquidem ergo actus etiã remissior illud supponatur mereri, & operans sit nunc illius præmij capax, cum iam etiam charitatem habeat, abiq; iusta omnino ratione, negari videtur pro hoc tempore dari, sed differri, siue vsque ad ingressum ad patriã, vt vult Scotus, siue vsque dum eliciatur actus feruentior, vt vult hic D. Thomas.

- 50 **Probatur Secundò,** quia per meritum gloriæ mox acquiritur ius & proportio ad illam, non tantum secundum extrinsecam imputationem, aut fauorem, sed etiam secundum intrinsecam dispositionem & inherentes qualitates: quæ autem est ratio primi iuris ad illam gloriam, eadẽ est quoque augmenti istius iuris ad augmentum gloriæ: cum ergo primum ius secundum omnes fundetur in qualitatibus verè & realiter infusis, & inexistens in homine, cõsequens est, etiam incrementum illius iuris ad augmentum scilicet gloriæ, requirere & adferre secum augmentum istarum qualitarum, in quo pariter fundetur; ergo &c.

Sed contra obijcit: si ad quemlibet actum charitatis etiam remissiorẽ mox datur augmentum charitatis, debet dici istud dari secundum totam latitudinem actus. Confirmatur, quia aliquin poterit dari actus charitatis tam exilis, aut remissus cui nihil augmenti daretur, quod est contra conclusionem positam: atqui si augmentum dicatur sic dari secundum totam latitudinem actus, videtur id adducere magnum inconueniens: quia ita fieri posset quod charitas breuissimo tẽpore cresceret quasi

in infinitum: si quis enim, v. g. habens charitatẽ vt quatuor, eliceret vno die duodecies actum charitatis semper æqualem habitui, prout per priorem actum creuit, fieret vt qui mane habuisset charitatem tantum vt quatuor, sit habiturus in actu duodecimo charitatem plusquam ad viginti-quatuor millia. Rursum si actus meritorius durans vnico momẽto habeat sibi respondens augmentum quod statim additur, actus similis durans aliquo tempore, mox augebit charitatem in infinitum: quia sunt in quolibet tempore infinita momenta.

Pro responsione notandum est, sermone illum quo dicitur augmentum dari secundum totam latitudinem actus, admittere duplicẽ sensum: scilicet vnum hunc, quod singuli gradus & partes graduales quæ sunt in actu, concurrant & conferant ad augmentum quod datur, & in eo habeant sibi aliquid correspondens, ita vt si aliqua pars actus abesset, foret minus augmentum: Alterum verò istum, quod actus operetur augmentum secundum totam suam latitudinem, ad sui videlicet æqualitatem, ita vt dentur tot semper gradus augmenti ipsius habitus, quot habeat intensiõis ipse actus.

Respondetur itaq; ex eo quod per actum etiam remissiorẽ acquiritur augmentum habitus, nõ aliud posse inferri, quàm quod dici debeat, augmentum dari secundum totam latitudinẽ actus meritorij iuxta priorẽ sensum: nam ex eo quod quilibet intensiõis pars conferat ad augmentum, & habeat in eo aliquid sibi correspondens, saltem secundum certam proportionem geometricam, quamuis non ad sui æqualitatẽ, satis intelligi & ostendi potest, quomodo non poterit dari actus aliquis tam exiguus, qui non augeat etiam charitatem, cũ magnitudo seu quantitas secundum intensiõem sit in infinitum diuisibilis, vt aiunt Philosophi. Ac iterum, quia non ad æqualitatem actus datur, intelligi potest, quomodo nõ sit consequens, quod subito habitus crescat quasi in immensum; vt argumentum infert tanquam inconueniens: nam poni potest, quod actus v. g. vt decem non habeat fortassis præmij loco sibi correspondens augmentum habitus vt vnũ: quo casu actus, qui fuerit tantum vt vnum, habebit sibi secundum talem proportionem correspondens augmentum decimæ partis vnus gradus.

Sed hæc occasione queritur. An reuera actus meritorius putandus sit non habere correspondens augmentum secundum totam suam latitudinem ad æqualitatem?

Respondeo & dico Primò: certum videtur esse, quod actus meritorij, aliarum saltem virtutum quàm charitatis, non habent

beant augmentum habitus sibi correspondens, secundum totam latitudinem suæ intensiōis ad æqualitatem. Probatur, quia actus diuersarum virtutum pari feruore & intensiōe facti, ac cæteris etiam circumstantijs paribus, non sunt æquæ meritorij, siue inter se comparentur, siue cum actu elicitio charitatis. Confirmatur, quia substantialis bonitas actus multum confert ad meritum; sed actus diuersarum virtutum non sunt æquales in substantiali bonitate: maior enim est substantialis bonitas in actu charitatis vt quatuor, quā in actu fidei aut spei vt quatuor, & in his vt quatuor, est maior quam in aliquo actu temperantiæ vt quatuor; ergo licet sint æquales secundum intensiōis gradus & alias circumstantias, nō tamen erunt æqualis meriti: & proinde nō potest de singulis dici, quod addat augmentum habitus ad æqualitatem secundū latitudinē suæ intensiōis: si hoc enim dicatur de ijs qui minimi sunt, aut saltem minores alijs in bonitate substantiali, consequens erit, quod præstantiores in substantiā debebunt addere augmentum supra totam latitudinem suę intensiōis: quia hæc non ponitur maior in his, quam in istis: & tamen his debetur maius præmium & augmentum propter maiorem bonitatem in substantiā quam istis; ergo &c.

Dico Secundō, longē probabilissimum quoque est, nequidem per actus charitatis concedi augmentum habitus ad æqualitatem secundū totam latitudinem actus in sensu illo posteriori.

Probatur, quia ingens illud charitatis incrementum, quod inde videretur sequi, apparet incredibile; estque parum conforme Scripturis Sanctis: nam Matth. 25. post longi temporis negotiationem reportatum est luctum duplicati talenti, & tanquam bonus negotiator illi commendatur. Luc. 8. semen cadens in terram bonam fert quidem fructum centuplum, sed in patientia: & D. Iacob, cap. 1. epistolæ suæ dicit, patientiam habete opus perfectum. Quibus indicatur non facillē nec subitō perueniri ad tantam perfectionē charitatis; sed opus esse ad hoc magnā tolerantia, & multis charitatis officijs, & exercitijs.

Hoc tamen aduertendum, etsi istud cōcederetur perfectissimis actibus charitatis, qui in ipsum Deum secundum se tendant (neque enim imperfectioribus propter augmentum adductum ad primam propositionem concedi potest) non tamē sequitur tam immensum augmentū, vt quidam exaggerant: tum quia rarius exercentur perfectissimi eiusmodi actus cum omni puritate, & ab omni passione omnino liberi: tum etiā, quia rarius homines ope-

rantur secundum totam latitudinem habitualis charitatis, quā antecederet habent.

Quantum verō augmentum charitatis siue gratiæ correspondeat, cuilibet gradui cuiuscumque virtutis actus, quod cæteris paribus diximus esse diuersum pro diuersa bonitate substantiali singularum virtutum, Deus solus pondere, supremi Sanctuarij æstimare potest. Hoc tamen dicere possumus, quod illa sit proportio in tota serie & cumulo bonorum operū augmenti ad augmentum, quæ est actionis ad actionem, quoad intensiōem, dummodo aliquin sint actiones eiusdē virtutis & pares quoad reliqua, quæ ad meriti augmentum facere possunt.

Nunc quod ad secundam difficultatem motam atinet, scilicet quod si actus charitatis, qui vnico momento durat, habeat incrementum habitus, sequaturum, si duraret aliquo tempore, quod faceret incrementum infinitum propter infinita momenta quæ in tempore illo sunt. Respondetur Neg. Conseq. Vt autem ratio negatę consequentię explicetur & intelligatur, hic supponendū ex philosophia est, quod actio eiusmodi voluntatis habeat totum suum esse simul vno momento: vnde per hoc quod coexistat tempori, non accipit aliquod aliud nouum esse, & proinde non est eadem ratio continuationis, siue perseverantię istius actionis, quoad vim merendi, quæ est ipsius actus primitus elicit; quia per continuationem non ponitur aliqua noua operatio, neque noua pars operationis, neque vincitur noua difficultas, quæ solet esse in applicatione potentię ad opus, neque exercetur noua libertas; quæ omnia fiunt per operationem, quæ vnico duntaxat momento existit; sed in eo, quod factū est tantum perseveratur. Vnde propter has rationes nonnulli negant, quod actus continuatus plus mereatur. Quod quidem certis considerationibus dici posset, vt inprimis si contingeret voluntatem in actu liberē inchoato perseverare naturali quasi modo, sine omni exercitio libertatis. Deinde, si in illo actu consideretur duntaxat substantia actus, poterit de illā dici, quod sicuti illa toto tempore & omnibus instantibus continuationis sine incremento, eadem est; quod ita quoque actus ex eo capite præcisē consideratus habeat sibi idem correspondens sine incremento præmium.

Nihilominus tamen absolute dicendum est, vt cōmuniter DD. tenent, quod actus continuatus plus mereatur, quatenus scilicet in eodem actu consideratur continuatio siue perseverantiā eiusdem actus coexistens tempori maiori, per modum circum-

Z ij stantiam

stantiæ cuiusdam; atque ita adhuc difficultas obiectionis recurrit: quare admiffa accretione habitus propter continuationem actus modo iam dicto, negatur inde fequi, quod actus durans aliquo tempore addat augmentum infinitum? cuius hæc inprimis reddi poffet ratio, quod actus ille, vt meritorius, moraliter tantum operetur augmentum, & proinde de modo & forma aduenientis augmenti fit moraliter loquendum. Quare cum minima aliqua differentia in duratione poffit moraliter reputari pro nulla, hinc non quamlibet quantumcûq; minimâ continuatione actus augere prælium: fed quæ morali iudicio æstimetur tanquã quid amplius duratione vnius momenti in ratione actus & meriti: eiusmodi autem durationes non effe infinitas in tempore, cui forfitan actus charitatis cum morâ aliquâ perfeuerans cœxiſtit: quanta autem duratio ſatis fit vt opus in ratione meriti cenſeatur maius, nouit Deus, qui præmia meritis reddit.

59

Deinde eſto, quod valor meriti continuò augeatur prout actus magis ac magis durat, & proinde additione quãdam augeatur habitus, nec inde dicimus fequi infinitum augmentum tempore finito, non magis, quam ſi vno aliquo inſtante ponatur lumen in ſubiecto vt quatuor, quod fieri poteſt, & poſtmodũ continuã actione ad vnã horã intẽdatur; neque enim neceſſe eſt ſingulis momentis aut partibus temporis addi tantum luminis, quantum primo inſtante poſitum eſt, ſiue propter diuerſitatem cauſæ, ſiue propter diuerſam approximationem, aut approximandi modum: ſed creſcit ſucceſſione quãdã continuã, quæ licet ſit diuilibilis, ſicuti ipſum tempus in partes infinitas inæquales ſiue proportionales, non tamen habet determinatas & æquales infinitas, & ſic terminus non eſt infinitus actus: Quemadmodum itaque non ſequitur ibi lumen infinitum propter accretionem luminis continuam per aliquod tempus: ita neque hic infinitum augmentum charitatis: quia etiam diuerſa ratio eſt meriti & cauſæ in actu, qui vno vel primo inſtanti ſit, & diuerſa ratio meriti & cauſæ in circumſtantia cõtinuationis eiufdem actus, vt explicatum eſt: & alia quoque ratio productionis illius primi augmenti, quæ eſt inſtantanea, habens determinatum terminum totum ſimul, & alia ratio productionis reliqui augmenti, quæ eſt ſucceſſiua, in qua non eſt assignare determinatum terminum, aut determinatam partem certæ quantitatis termini quæ ſit tota ſimul: ſicuti nec in tempore, quo meſſuratur ex partibus proportionabilibus, etiam infinitis, ex-

furgit aliquod infinitum actu, vt in phyſica tradi ſolet.

ARTICVLVS VII.

Vtrum charitas augeatur in infinitum?

CONCLUSIO D. Thomæ eſt: Charitatis augmento nullus terminus præfigitur in hac vitã. Probari poteſt ex Scripturis, Apocal. 22. *Qui iuſtus eſt, iuſtificetur adhuc:* & Eccleſiaſtici cap. 18. *Non impediarũ orare ſemper, & ne verearũ vſque ad mortem iuſtificari,* id eſt, in iuſtitia creſcere: ſupponit itaque Scriptura ſancta, nunquam in hac vitã perueniri ad eum terminum iuſtitie aut charitatis, ultra quem non poſſit fieri incrementum.

60

Probatũ Secundò ratione D. Thomæ: quia terminus præfigitur formæ, quando certum terminũ habet, vel ex parte ipſius formæ, quia ſcilicet habet determinatam meſſuram, ita vt ſi ultra eam fuerit proceſſum, perueniatur ad aliam formã, ſicuti hoc explicat D. Thomas in pallore, cuius terminos tranſcundo peruenitur ad albedinem, aut nigredinem; vel ex parte cauſæ efficientis, cuius virtus non ſe extendat ad augmentum vltierius; vel ex parte ſubiecti, quod non ſit capax maioris perfectionis: nullo autẽ iſtorum modorũ imponitur terminus augmento charitatis in ſtatu vig: ergò &c. Non primo modo, quia ipſa ſecundum rationem propriæ ſpeciei non habet certam meſſurã: eſt enim quãdam participatio infinitæ charitatis, quæ eſt Spiritus Sanctus, inquit D. Tho. nunquam autẽ tam perfectè iſta poteſt participari, quin propter eius infinitudinem adhuc poſſit perfectiũs participari: quia charitas creata, quantumcumque perfectã, nunquam æquabit charitatem increatam. Non etiam ſecundo modo, quia cauſa efficiens eius eſt ſimpliciter infinitæ virtutis, nimirũ Deus ipſe. Nec denique tertio modo, quia ſemper charitate creſcente ſuperexcreſcitabilitas ad vltierius augmentum: quod videtur indicare Apoſtolus 2. ad Cor. 6. dicens, *Cor noſtrum dilatatum eſt, &c.* & paulò poſt: *Eandem autem habentes remunerationem (tanquam filijs dico) dilatamini & vos.*

Obijcitur D. Aug. Enchr. cap. penult. dicit, charitatem hic creſcere donec perueniat ad tantam magnitudinẽ, qua maior eſſe non poſſit; ergo habet hic certum terminũ, nec poteſt quaſi in infinitũ creſcere.

61

Reſpondetur Neg. Conſeq. Quia non loquitur D. Auguſtinus de magnitudine intentionis, de quã nos loquimur: ſed videtur agere de magnitudine in exhibitione operis

ne operis ac æstimationis: sicuti Christus Ioannis 15. (cuius verba ipse ibidem allegat) dixit *Maiores hanc dilectionem nemo habet, ut animam suam ponat pro amico suo:* quia scilicet lumen est officium & exhibitio charitatis, & maximæ æstimationis; quando quis maximum bonum, quod possidet, exponit pro proximo, ita ut non sit præstare exhibitionem aut ostensionem maiorem.

qui de perfectionibus accidentarijs aut extrinsecis.

Respondetur itaque, & Dico primò: *Habitus charitatis potest essentialiter esse tam perfectus in viâ, ac in patriâ.* 64

Probat ex illo ad Corinth. 1. epist. cap. 13. *Charitas nunquam excidit:* ergo debet secundum essentiam, tunc essentialem perfectionem manere in patriâ, quæ erat in viâ.

Dico Secundò: *Charitas potest quoque in viâ esse tam perfecta intensiue, quàm in patriâ.* Declaratur hoc inprimis fieri posse in diuersis hominibus: quia dubitari non potest, quin habitus charitatis in Diuâ Virgine, cum adhuc esset in viâ, fuerit tam perfectus intensiue, quàm habitus alicuius paruuli post baptismum statim mortui, sit in patriâ: Deinde etiam in eodem homine idem locum habere ostenditur, nam habitus paruuli in patriâ & in viâ est æquè perfectus, quia nullum meruit augmentum quod dici possit ei superaddi in patriâ: omnis autem gratia quam sacramenta conferunt, statim datur quando non inuenitur obex. Idem dici potest de adultis, iuxta eorum opinionem qui tenent augmentum charitatis semper statim conferri ad ipsum actum meritorij.

Dico Tertiò: Secundum tamen conditiones aliquas, quasi extrinsecas habitus charitatis in patriâ, semper perfectior est quam in viâ. 66

Probat ex illo, quia charitas viâ nondum habet statum suum naturalem, sed est quasi in statu alieno: naturalis enim status eius est ut sit coniuncta claræ visioni obiecti sui, & habere illud sibi perfectè applicatū & præsens, quod obtinet deum in patriâ, ubi videtur increata Dei bonitas per lumen gloriæ sicuti est: nam charitas est suprema participatio diuini amoris quo Deus se ipsum diligit sicuti est: unde naturalis eius conditio quoque postulat, ut habeat Deum præsentem sicuti est: in hac viâ autè coniungitur fidei, quæ præbet obscuriorē duntaxat obiecti illius cognitionem. Ex coniunctione autem istâ cum obiecto suo clarè viso sequuntur & aliæ quædam perfectiones, quæ in hac viâ etiam haberi non possunt.

Prima ex istis est, quod semper actu, & quantum potest secundum totam suam latitudinem tendat in Deum, & ab eo actu impediri non possit per quancumque creaturam. Secunda, quod omnia actu referat in Deum. Tertia, quod sit inamissibilis, non tantum propter externam Dei custodiam, quæ etiam in hac viâ adhiberi nobis posset, sed ob intrinsecam perfectionem quam sortitur ex clara visione sui obiecti.

Z iij Occasione

ARTICVLVS VIII.

Utrum charitas in hac viâ possit esse perfecta?

62 **R**espondet D. Thomas: ex duplici capite posse intelligi aut capi charitatis perfectionem: Primò ex parte obiecti diligibilis: Secundò ex parte diligentis. Ex parte rei diligibilis perfecta erit charitas, quando hæc diligitur in tantum, quantum est diligibilis, seu digna diligi: & sic quidem nulla charitas creata potest esse perfecta, quia non possumus Deum diligere, quantum est dignus diligi; sed sola increata eam habet perfectionem, quæ scilicet Deus diligit se & suam bonitatem, qui sicuti solus suam perfectionem comprehendit eam intelligendo quantum est intelligibilis, ita quoque solus eam amat, quantum amabilis est. Ex parte diligentis autem est perfecta, quando diligens amat quantum potest. Hoc autem posse est in triplici differentia: Vno modo enim dicitur amare quantum potest, qui toto affectu semper actualiter in Deum fertur, quomodo Sancti in patriâ Deum amant quantum possunt: Secundò, dum quis non quidem semper in actu dilectionis est, sed tamen sepositis & reiectis impedimentis & curis sæcularibus, vacat Deo, quantum per huius vitæ infirmitates & necessitates licet: Tertiò, dum quis appetitiue Deum omnibus anteponeat, neque quidquid admittit diuinæ amicitie contrarium. Ad primum modum ex tribus istis non peruenitur in hac viâ, sed ad secundum perueniri potest, & ad tertium. Ad secundum quidem, qui in religione, rebus sæcularibus abiectis, soli Deo vacare student, Tertius autem modus communis est omnibus iustis quamdiu in iustitia perseuerant.

63 Sed dubium moueri potest, Utrum charitas viâ quocumque modo peruenire possit, ad perfectionem quam habet in patriâ?

Obseruandum hic est, aliud esse loqui de habitu, aliud loqui de actu: Item aliud loqui de perfectione essentiali, aliud lo-

Occasione autem harum conditionum, etiam minima charitas patriæ, maior potest dici, quam maxima charitas viæ, quæ nunquam, etiam in hac vita, ad illas perfectiones peruenire potest. Vnde eo sensu rectè intelligi potest quod dicit Christus Matth. 11. scilicet minimum in regno cælorum esse maiorem Ioanne Baptista, quia scilicet habet charitatem, quam deperdere non potest; quæque omni conatu semper in Deum referatur, & omnia in eius honorem & laudes referat.

67 Dico Quartò, actus charitatis ordinariè non potest esse tam perfectus intensiue in vno eodemque homine in viâ, quam in patria; in diuersis tamen fieri potest.

Probatur prior pars, quia actus charitatis in patria erit semper æqualis habitui, tantum enim amabimus Deum quantum poterimus; in hac vita autem in primis raro actus est æqualis totis viribus, raro enim tam ardentem Deum diligimus quantum possumus. Deinde, quando hic Deum diligimus meremur amplius augmentum habitus, quod saltem in patria dabitur; atque ita sit, quod habitus in patria sit futurus maior quam hic habeamus dum hic actum amoris elicimus; Dixi tamen ordinariè, quia videtur dari casus quos habeat quis actum dilectionis in viâ, quod non sit intensior in patria: v. g. si quis iustificetur per actum contritionis & dilectionis Dei super omnia cū voto Sacramenti Baptismi, hic enim non accipiet maiorem habitum secundum intentionem quam sit eius actus dilectionis: ponatur itaque quod statim iste moriatur, fiet quod etiam in patria non habeat habitum intensiorem, & proinde quod neque intensiorem actum quam habuerit in viâ, non enim actus secundum intentionem superabit ipsum habitum, sicut visio beatifica non superabit lumen gloriæ.

Probatur altera pars, quia actus charitatis B. Virginis, vel Apostolorum haud dubiè in hac vita etiam intensiores fuerunt, quam dilectio alicuius paruuli in patria, quæ nõ superat habitum, vt diximus, qui in paruulis proportionem erit minimus.

68 Dico Quintò, actus dilectionis beatificæ probabiliter existimatur intrinsecè & essentialiter perfectior esse omni dilectione, quæ habetur in viâ: vnde actus charitatis viæ, quantumcumque crescat, nunquam poterit esse tam perfectus, quam actus amoris beatifici in patria.

Colligitur ex D. Tho. sup. art. 7. ad 3. vbi dicit, quod non sit eadem ratio quantitatis charitatis viæ, quæ sequitur cognitionem fidei, & charitatis patriæ, quæ sequitur cognitionem apertam, sicuti non

est eadem ratio quantitatis lineæ, & quantitatis superficiei: vnde ostendit, quod sicuti quantumcumque crescat quantitas lineæ, non tamen perueniat ad perfectionem quantitatis superficiei, sic etiam licet charitas in infinitum hic augeri possit, non tamen illam peruenire ad perfectionem amoris in patria. Ex qua comparatione satis intelligitur, quod velit esse diuersam rationem essentialem in dilectione charitatis in viâ, & in dilectione in patria. Idem docet Caiet. 1. parte quæst. 82. art. 2. & Ferrarien. lib. 3. contra Gentes cap. 62. & plures alij.

69 Probatur, quia actus charitatis in patria tendit in obiectum manifestè præsens, & clarè cognitum prout est; actus autem charitatis in viâ, tendit in obiectum suum obscurè & confusè quadam notitiâ apprehensum per fidem: quæ diuersitas propositionis obiecti ac modi tendendi in illud quamuis non constituat aut postulet habitus essentialiter diuersos, præsertim quando de supernaturalibus & infusis agitur, à quibus exeant actus, quibus vno vel altero modo voluntas in obiectum moueatur, tamen omnino videtur sufficiens, vt inducat diuersitatem quandam specificam in ipsis actibus, quod clarè D. Tho. loco iam citato significat: & declarat, quia licet sit idem bonum, & eadem ratio boni, quæ vtrobiq; amatur, tamen ista, vt obscurè & confusè tantum apprehensa, non eodem modo afficiunt & mouent voluntatem, sicuti afficiunt & trahunt quando clarè & distinctè ante oculos posita sunt, & cognoscuntur manifestè, prout in se sunt, quando enim non videntur neque apprehenduntur distinctè & clarè, vt in se sunt; non possunt tunc quoque omnino, prout in se sunt, afficerè & determinare potentiam, esseque causa amandi, sed tantum confuso & generali modo sub alienis quodammodo conceptibus, prout confusè intelliguntur: & quauis apprehensio non sit ipsa ratio diligendi, est tamen applicatio rei amandæ, quæ videtur modificare rationem amandi, ita quod tanta eius diuersitas possit etiam generare essentialem diuersitatem actuum.

70 Probatur Secundò, quia estimatio summa diuini boni, quam de Deo habebimus in patria, videtur futura longè perfectioris rationis & naturæ, quam sit illa, quæ de eo habetur in viâ; ergo etiam actus dilectionis qui istam sequetur, erit alterius rationis, quam qui sequetur hanc; secundum diuersam enim apprehensionis, & estimationis rationem de bono aliquo, sequitur etiam diuersa ratio motus, quo in illud ferimur. Antecedens probatur, quia bonum illud

illud increatum clarè visum, & vt in se est cognitum, rapit totum in se affectum, facitque se amari necessariò, vt impossibile sit, non totis animi viribus ei inhærere, ipsumque etiam amore beneuolentiæ diligere; cognitum autem & apprehensum per fidem, amatur omnino liberè, & facilè voluntas ab eo auocatur: quod euidentis signum apparet, longè aliam futuram estimationem tanti boni in patria, quàm ut ea, quàm modo habemus in via. Huc denique accedit, non satis credibile esse, beatos non amare amore perfectiori, quàm viatorem, cum amor iste ad eorum pertineat beatitudinem, neque minima eius pars suo modo sit. Quare debet esse etiam commendatus itatui illi, & beatificæ visioni, ac in ordine suo secundum sublimitatem illi adæquari.

71 Ex dictis facilè ostenditur, alterū quod in conclusione subinferencebatur; scilicet quantumcumque crescat dilectio Dei in hac vita, nunquam tamē in quantitate perfectionis adæquare amorem beatificum, quia semper dirigitur solum per fidem, aut aliam cognitionem; quæ diuinam essentiam clarè & distinctè non exhibeat, & proinde ad perfectionē illius amoris peruenire non potest, qui sequitur claram & distinctam visionem immensæ illius ac infinitæ bonitatis.

72 Sed contra obijcitur primò, visio facit obiectum præsens; atqui præsentia non videtur causare alium amorem, sed gaudium & quietem; ergo clara & distincta cognitio summæ boni, vt in se est, non efficit perfectiorem amoris speciem.

Respondetur Neg. Conseq. quauis enim visio præcisè quatenus facit obiectū præsens apprehendendo illud, & suo modo tenendo, non constituat aliam speciem amoris, tamen quatenus diuersimodè obiectū proponit & exhibet voluntati, ostendendo clarè & distinctè excellentiam & perfectiones eius, quæ hic ignorantur, aut admodum confusè & obscurè apprehenduntur, eatenus rectè dici potest causare diuersam amoris speciem, maioris perfectionis & sublimitatis: sicuti enim tunc intellectus eleuatur in estimatione illius boni, ita etiam voluntas in eius amore.

73 Obijcitur Secundò, in hac vita diligitur Deus appetitiuè, summè, & super omnia, quando ex charitate diligitur; ergo non potest dilectio patriæ dici maioris perfectionis quam viæ, propter maiorem appetitionē, siue estimationem obiecti. Respondetur Neg. Conseq. Quia inter amores, qui sunt super omnia, potest alius alio appetitiuè esse maior siue sublimior. Nam etiam naturalis amor, quo Deus su-

per omnia diligitur, est in suo genere appetitiuè summus, & tamen maior ac sublimior est amor supernaturalis, qui sequitur & dirigitur cognitione supernaturali fidei; estque etiam appetitiuè siue aestimatio boni increati, quàm ex fide de illo habemus, longè maior & sublimior, quàm sit aestimatio, quæ fit secundum naturalem rationem & cognitionem: sicigitur mirum non est, quod appetitiuè illa increati boni, dicatur maior & sublimior, quæ habebitur, quando clarè & distinctè, prout in se est, videbitur, præ illa, quàm hic formamus & habemus de illo, prout fide duntaxat nobis cognitum est.

ARTICVLVS IX.

Vtrū conuenienter distinguantur tres gradus Charitatis Incipiens, Proficiens; & Perfecta?

74 CONCLUSIO Diui Thomæ est affirmatiua: & sumitur hæc doctrina ex D. Augustino. Potest autem illa distinctio dupliciter explicari: Primò, vt charitas dicatur Incipiens, quamdiu præcipuum hominis studium est repugnare vitijs & malis cupiditatibus, quibus adhuc infestatur. Proficiens autem, quando iam principaliter incumbit in studiū virtutis, vt faciat progressum: Perfecta denique, quando homo iam quietem à temptationibus & prauis cupiditatibus vtemque consecutus, ac etiam facilitatem quandam in operibus virtutum, intendit totus contemplationi & diuinò amori. Sic explicat Diuus August. tract. 4. in Ioannis Epist. 1. quam expositionem hic sequitur D. Thomas, & DD. in 3. dist. 39.

75 Altero modo sic potest explicari, vt Incipiens dicatur, Charitas quæ infunditur in iustificatione, antequam operari iam incipiat: Proficiens verò, dicatur ab illo tempore, quo operari incipit vsque ad finem vitæ: Perfecta autem, post hanc vitam in patria: & ita quoque intelligit D. August. lib. de Spiritu & Litt. cap. 33. applicans aliquot versiculos, Psal. 102. quibus docet, hos gradus insinuari, primū quidē in eo, *Qui propitius omnibus iniquitatibus tuis secundum in isto, Qui sanat omnes infirmitates tuas*: & tertium quando dicitur, *Qui coronat te in misericordia & miserationibus*: & lib. 6. in Iulianum cap. 8. eadem distinctioni applicat illud Christi Lucæ 12. *Ece eicio demonia, & sanitates perficio hodie, & cras; & tertia die consummabo.*

ARTICVLVS X.

*Vtrum charitas possit
minui?*

76 **C**ONCLUSIO Prima: Non potest charitatis habitus minui in ordine ad subiectum, ut loquitur D. Tho. siue secundum gradus intensiouis. Est communis D.D. in 3. dist. 17.

Probat: qui si ita minui aut remissior fieri posset, id maximè videretur fieri debere per peccata venialia: nō enim per mortalia, quia horū quodlibet charitatem extinguit & tollit; atqui dici nō potest, quod habitus minuatur per venialia. Confirmatur, quia si vnum peccatum veniale diminuat, vt g. ad vnum gradum, aut medium gradum, fieri poterit quod pauca venialia tollant totam charitatem, quod est erroneum: certum enim est, non amitti charitatem siue iustitiam, nisi peccato mortali: ut dictum est 1. 2. quæst. 88.

77 Sed dicit aliquis, id non sequitur, si ponatur secundum veniale diminueri minus quam primum; atque adeo detractionem partium, siue diminutionem fieri secundum partes inæquales, siue proportionales, nam cum latitudo intensiua charitatis sit diuisibilis in infinitum, nunquā poterit sic procedendo tota absumi per peccata venialia quantumcumque multiplicentur, & quidem hoc modo voluit Altiusiodorensis 3. parte summæ tract. 6. cap. 5. quæst. 1. charitatem per venialia minui.

Sed id nullo modo dici potest: quia sapius cōtingit, quod secundū sit longè grauius quam primum, & tertiu, quam primū & secundum: tunc autem nulla subest ratio cur secundum minus diminueret, quā primū; & cur tertium minus quam secundum: solet enim Deus punire peccata iuxta certam proportionem grauitatis.

78 Dicit aliquis secundū: vltimum peccatum veniale, quo tollitur vltima pars charitatis, futurum mortale eo quod per illum homo se cōstituat extra statum gratiæ, ut vult Almainus lib. 2. Mor. cap. 13.

Respondetur nec id dici posse: In primis est contra communem D.D. sensum: deinde neq; cum ratione cōuenit, quia nō ideo peccatū est mortaliter offensiū, quia ad illud charitas desinit aut extinguitur; sed est contra ideo charitas per illud extinguitur, quia est mortale: subtrahit enim charitatis est pœna mortalis peccati, cui ratio mortalis culpæ debet præsupponi, sicuti causa suæ effectui. Deinde quando pecca-

tum ex se ventale redditur mortale propter damnum consequens, quod aliquando fit, tunc illud semper est mortale, quotiescumque exponit se quispiam periculo illius damni; atqui si peccatum aliquod veniale tandem extinguat charitatem, & occasionem illius damni, forsitan quis dicat fieri mortale, tunc semper vbi parua erit charitas, periculum erit illius amittendæ, ac proinde ibi omne peccatum veniale erit mortale propter periculum illius damni. Imo cum homo non possit scire, quando charitas sit in ea mensura, ut per vnu peccatum veniale sit extinguenda, neque etiam scire possit, quantum charitatis quodq; veniale corrumpat, consequens erit, quod tenebitur sub mortali vitare omnia & singula venialia propter periculum ne charitatem totam extinguat, & extra statum gratiæ se constituat, quæ à ratione & veritate sunt aliena.

CONCLUSIO Secunda: Non minuitur etiam habitus charitatis in seipso secundum extensionem. Patet quia supra cum D. Tho. diximus, charitatem non esse extensivè diuisibilem, sed quamlibet, quæ poni potest, se extendere ad omnia ipsius obiecta: quare sicuti extensivè non augetur habitus charitatis, ita neque secundum eam rationem minui siue contrahi potest.

CONCLUSIO Tertia: Potest charitas minui secundum exercitium actuum, tam secundū rationem extensionis, quā intensiouis.

Declaratur prior pars: quia sit aliquis qui habeat voluntatē exercitiam & promptam ad multa & diuersa charitatis officia, quæ non sunt in precepto, si negligentior fiat, & alijs operibus, præsertim quæ culpam venialem habent adiunctam, dedere se incipiat, paulatim ægrius sese ad plura ista & diuersa charitatis opera componet & accinget, neque tam multis operam dabit: nā sicuti exercitio charitatis minuuntur vires cupiditatis, non tantum memorie, sed etiam quasi efficiēter physicè, dum ex eo nascitur habitualis quædam inclinatio ad similes actus tum in voluntate superiori, tum etiam in appetitu inferiori, ita per negligentiam, & peccata venialia quodammodo vires resumit cupiditas, & nascitur maior difficultas ad ea quæ sunt charitatis.

Declaratur pars posterior: in primis quia venialia peccata ordinariè impediunt auxilia diuina & illustrationes diuinas, quibus solet Deus hominem præuenire: reddunt enim illum minus dispositum ad diuinos influxus recipiendos, quia depri-
munt animum ad quendam affectū minus ordinatum.

ordinatum ad creaturas : Delicata enim res est diuina consolatio, inquit D. Bern. non datur admittentibus alienam; Vnde fit quod charitas non prurumpat in actus tam intensos & feruentes, quàm forsitan prius proruperit, dum homo ab istis terrenis animum magis abstraheret.

Accedit quod venialia peccata, quamuis amicitia fundamentum non subuertant, tamen suo modo Deum offendunt, eique displicent : vnde fit quod minus familiariter Deus hominem visitet, nec tam suauiter intrus cum eo agat : ex quo contingit sæpius hominem in officijs charitatis flaccescere, & aliquando deficere : sicuti è contra diuina visitatio erigit hominem, & à bonum accendit iuxta illud Psalmi : *Viam mandatorum suorum curri, cum dilatasti cor meum.*

82 Altera ratio etiam reddi potest : quia peccata venialia generant quoque prauam quandam inclinationem ad res inferiores, quæ causat in homine difficultatem quandam in actibus charitatis exercendis : vnde fit quod minus vehementer in eos exire solet, iuxta illud D. Augustini : ad Deum sic loquentis : Minus te amat, qui aliquid amat, quod non propter te amat.

ARTICVLVS XI.

Vtrum charitas semel habita amitti possit?

83 Pures hæretici circa hanc questionem errant, tum antiquiores, tum recentiores : imprimis Iouinianus, vt lib. 1. cap. 2. & lib. 2. cap. 1. contra eundem tradit D. Hier. docebat enim ille eos qui plenà fide in baptismo renati sunt, à diabolo non posse tentari, ac minus subuerti : imò qui cumque tentati fuerint, hoc ipso constare eos aquà, & non Spiritu fuisse baptizatos. Beguardi & Beguing damnati Clementinà Ad nostrum : de Hæreticis, dicebant in hac vità posse hominem ad tantum & talem perfectionis gradum peruenire, quod reddatur pœnitens impeccabilis. Calu. lib. 3. Inst. cap. 2. §. 11. & 40. docet hæc duo : scilicet solos electos iustificari, & semen vitæ per regenerationem cordibus eorum insitum, nunquam disperire : vnde ille vult eos qui à iustitia videntur excidere, nunquam verè iustitiam aut charitatem habuisse; ac proinde charitatem nunquam verè amitti. Sed Petrus Martyr ad cap. 8. epistolæ ad Rom. videtur admittere. posse quidem charitatem semel habitam amitti : veruntamen ante finem vitæ semper recuperari. Quod correspondet cum illo prin-

cipio Caluini, quod soli electi iustificentur : de his enim constat, nunquam contingere quod aliquis eorum numero decedat extra statum charitatis. Sed contra errores illos fit

CONCLUSIO Prima: Charitas verè & realiter habita potest amitti, & qui labitur in quodcumq; peccatum, potuit prius verè, & non apparenter tantum fuisse iustus. Est de fide definita in Concil. Trid. Can. 23. de iustificatione, fuit etiam Iouiniani error, Romæ & in quodam Concil. Africano damnatus, teste D. Hier.

Probat autè primò ex Scripturis i. ad Cor. 10. *Qui se existimat stare, videat ne cadat,* inquit, Apost. quæ monitio euidenter præsupponit, cum qui iustus est, posse à iustitia excidere: ad Hebr. c. 6. aperte docet Apost. eos qui semel illuminati sunt interdū probabi: & c. 10. *Voluntarie enim peccantibus nobis post acceptam notitiam reuersati, iam non relinquitur pro peccatis hostia:* & Matth. 24. manifestè significat Christus, non omnes perseuerare qui charitatem acceperunt, *Refrigesceat charitas,* inquit, *multorum. Qui autem perseuerauerit vsque in finem, hic saluus erit,* vbi per illud, refrigescere, non significari tantum aliquem teporem in operando, sed amissionem charitatis satis colligitur ex illa aduersatiua adiuncta: *Qui autem perseuerauerit,* &c. Ezech. 18. *Si auerterit se iustus à iustitia sua,* &c. Luc. 8. *Ad tempus credunt, & in tempore temptationis recedunt:* ad Gal. cap. 5. *Enactus estis à Christo, qui in lege iustificamini: à gratia excidistis.*

Secundò probari potest exemplis SS. qui etiam in Scripturis narrantur in peccatum prolapsi : Dauid vir erat secundum cor Dei, & tamen adulterio adiecit homicidium. Vnde haud dubiè tunc à iustitia excidit : Petrus Apostolus quoque negando Christum, amisit charitatem.

Sed contra opponet aliquis ex D. Leone, qui serm. 9. de Passione Domini ita scribit Petrum compellens: Vidit in te Dominus non fidem fictam, non dilectionem auersam, siue vt alij legunt, euersam, sed constantiam fuisse turbatam; ergo secundum Leonem videtur Petrus non amisisse charitatem.

Respondetur Neg. Conseq. solum enim vult D. Leo, quod Petrus non odio Dei aut Christi, neque ex incredulitate peccaret, sed quadam animi inconstantia, quæ tamen peccatū fuit mortale, in eaq; lapsus D. Leo agnoscit quamuis deiectione omnimodam non admittat, non quod habitū charitatis & iustitiæ non amiserit, sed quia adhuc supererat in Petro quidam veluti igniculi, & motus alicuius dilectionis, siue naturalis, siue etiam supernaturalis, sed quæ

quæ ad perfectam rationem charitatis nõ pertingeret, superessent. Cæterum bene monet August. (serm. 66. in Ioannem illos accusare Christum dicentem Petro, ter me negaturus, qui peccatum excusant Petri, quod ipse quàm graue fuerit, lachrymarum vbertate declarauit.

86 Probari Tertio potest ex antiquis PP. Cypr. lib. de vnitate Eccl. Ideo scriptum est, inquit, tene quod habes ne alius accipiat coronam tuam, quod vtiq; Dominus non minaretur auferri posse coronam iustitiæ, nisi quia recedente iustitia, recedat necesse est & corona. Vide Tertull. De præscript. cap. 3. & Iustinum quæst. à genitibus posita 79 Prosperum ad Capitula Galorum cap. 2. & 7. & idem alij Patres passim tradunt.

87 Quarto probatur: quia nullam habet verisimilitudinem, omnes qui baptizantur infantes, & per baptismum in Christo regenerantur, totâ vitâ retinere, quam accipiunt, iustitiam, etiam si aliàs conspiciantur in plurima flagitia prolabi, aut etiam à fide & Christo ad hæresim vel paganismũ deficere.

88 Sed contra obijciunt primò illud Ioannis 1. Epist. cap. 3. *Omnis qui natus est ex Deo, peccatum non facit: quoniam semen ipsius in eo manet, & non potest peccare quoniam ex Deo natus est*; ergo qui semel charitatem Dei habet, non potest illam amittere.

Respondetur Neg. Conseq. quia scopus doctrinæ Diui Ioannis est, vt distinguat inter filios Dei, & filios diaboli, ac ponat quasi symbolum aliquod siue notam, quâ internosci & discerni illi possunt à se inuicem: dicit itaque; quod omnis ille, qui est filius Dei, siue ex Deo natus, non peccet nimirum grauitè & mortaliter, quia semen Dei, quod est iustitiâ siue charitas, in eo manet, quod non compatitur peccatur; ideoque manens scilicet filius Dei, siue ex Deo natus, peccare non possit; quia repugnantia est inter semen illud, seu formam quâ quis renatus est in Dei filiũ, & inter peccatum: ac proinde quos videmus peccare & Dei mandata non custodire, cognoscimus eos non esse filios Dei, neque ex Deo natos, sed esse filios diaboli. Vnde statim subiungit & planius quasi per exempla doctrinam suam explicat, *In hoc manifesti sunt, inquit, filij Dei, & filij diaboli. Omnis qui non est iustus, non est ex Deo, & qui non diligit fratrem suum, scilicet nec iustus, neque ex Deo est, quoniam hæc est annuntiatio, quam audistis ab initio, vt diligatũ alterutrum. non sicut Cain, qui ex maligno erat, & occidit fratrem, &c.* Docet itaque tantum formam filij non consistere cum peccato, & proinde per hoc quod aliqui peccant,

posse cognosci quod non sint filij Dei; sed diaboli: quod autem non velit docere, eum qui semel ex Deo natus est non posse desinere esse filium, & charitatẽ amittere, constat ex sequentibus, vbi sic scribit, *Qui habuerit substantiam huius mundi, & viderit fratrem suum necessitatem habere, & clausis viscera sua ab eo: quomodo charitas Dei manet in eo, vbi manifestè significat charitatem semel habitam, per peccatum, & per neglecta opera misericordiæ in necessitate proximi deperdit; & tunc addit: Filij mei non diligamus verbo, neque lingua, sed opere & veritate*: Vnde id quod diximus quali cõcludit, in hoc cognoscimus quoniam ex veritate sumus, & in conspectu eius suadebimus corda nostra.

Obijciunt Secundo ex Apostolo ad Roman. cap. 8. *Certus sum enim, quia neque mors, neque vita, &c. neque creatura alia poterit nos separare à charitate Dei, quæ est in Christo IESU Domino nostro*; ergo &c.

Respondetur ex antecedentibus, manifestum esse Apostolum ibi agere de electis siue prædestinatis. Dicendum itaque est, cum sub nomine, seu in persona illorum hic loqui, & sensum esse, quod nihil poterit electos diuidere (seu separare ab illa Dei dilectione, siue bona voluntate, quâ gratis Deus eos elegit, vt faciat illos suæ gloriæ participes, quodque creatura nulla poterit effectum illius bonæ voluntatis impedire: sicut Christus de omnibus, sibi à patre datus, dicit, quod nemo rapiet eos de manu illius. Aut si quis putet accipiendum esse de charitate Dei, quâ ipsi diligunt Deum, dicendum tunc erit, sensum esse, quod nihil possit eos finaliter & in perpetuum diuidere & separare ab illa charitate, quia scilicet tamen contingat eos ab illa cadere, tamen Dominus supponit manum ne irreparabiliter collidantur, sed erigit elisos, & si dereliquerint legem eius, visitabit in virga iniquitates eorum, vt est apud Psalmistã, Misericordiam autem suam non disperget ab illis.

Obijciunt Tertio illud 1. ad Cor. 13. *Charitas nunquam excidit*, ergo &c. Respondetur, charitatem dici nunquam excidere, non quod particulares aliqui nunquam perdant eam in hac vita, sed quia non tantum in vita hac, siue tempore viæ, sed etiam in patria manet & habetur: non enim dixit Apostolus, charitas à nullo, sed nunquam, scilicet in totum & omnibus euacuatur: prout fides & spes, de quibus dicit, quod nunc manent, non autem quod nunquam excidant, quia in patria sunt euacuanda, non sic charitas.

Obijciunt Quarto: Ex cap. 8. Cant. *Aqua multa non poterunt extinguere charitatem, er-*

ARTICVLVS XII.

*Utrum charitas amittatur per
vnum actum peccati
mortalis?*

CONCLUSIO Diui Thomæ est: Statim per vnum actum peccati mortalis perditur charitas. Est communis & certa contra diuersos errores & hæreses.

Probatur Primò, ex Scripturis ad Roman. cap. 6. *Stipendia peccati, mors*: non dicit, multorum peccatorum, sed simpliciter peccati; ergò etiam vnum mortale adducit mortem: & consequenter patet quod destruat charitatem, Iacob. 1. *Concupiscentia cum conceperit, parit peccatum: peccatum verò cum consummatum fuerit, generat mortem*; ergò vnus actus peccati mortalis pleno voluntatis consensu consummatus, perdit vitam iustitiæ & charitatis. Item c. 2. *Quicumque autem totam legem seruauerit, offendet autem in vno, factus est omnium reus*; ergò per vnum actum peccati destruitur amicitia cum Deo; & charitas tollitur. Confirmatur, quia qui illud committit simpliciter legis præuicator existit, & Dei legislatoris contemptor: *Qui enim dixit, Non machaberis; dixit &: Non occides. Quod si non machaberis, occides autem*, addit Iacob. *Factus es transgressor legum*; atqui præuicatio quæ adfert contemptum Legislatoris, non potest consistere cum eius amicitia, neque cum debita erga eum subiectione; ergò &c. Confirmatur Secundò, quia charitas importat legis plenitudinem, vt patet ex Apostolo ad Rom. 12. ergò qui legem violat, siue eius plenitudinem, etiam vno actu, tollit, necessum est, vt charitatem destruat, 1. ad Corinth. 6. *An nescitis quia iniqui regnum Dei non possidebunt? nolite errare: neque fornicarij, neque idolis seruientes, neque adulteri, &c. Neque fures, neque auari, &c. regnum Dei possidebunt. Vnde in primis patet, quod non per solum peccatum infidelitatis, vt nostri temporis hæretici volunt, perdatur charitas, sed neque etiam ad eius amissionem requiritur aggregatum omnium peccatorum, quandoquidè Apostolus, etiam eos qui vnam speciem peccati committunt, à regno celorum excludat. Sed neque requirit magnū numerum peccatorum, eiusdem speciei: Imò quandoquidem ea, quæ eiusdem speciei sunt, sint quoque eiusdem rationis, nõ erit fundamentū, cur magis secundū vel tertium dicatur extinguere charitatem, quā primum, quando plenè est consummatum; ergò &c.*

Probaturs

rum; ergò &c. Respondetur ibi commendari robur charitatis quorundam, non autem iustorum omnium, quod scilicet illa sit tam fortis & constans, vt fuit in martyribus, quod valeat omnes impetus tribulationum & persecutionum superare: iuxta illud Euangelij quod sit, qui domum suam fundat supra Petram, & quamuis flumina veniant ac in eam ruant, non tamen subuertant.

Obijecitur Quintò, Prouerb. 17. *Omni tempore diligit qui amicus est*; ergò vera charitas nunquam amittitur.

Respondetur Neg. Conseq. Dicitur enim amicus omni tempore diligere, quia sicut in prosperis, ita & in aduersis amicum non deserit: non enim sunt veri amici, qui amicum in aduersis constitutum derelinquunt; declarant namque facto suo, se non fuisse amicos hominis, sed opum eius & felicitatis, cum quo consistit quod amicus possit desinere, etiam in prosperis esse amicus, & fieri inimicus, ac tum non diligere, sed odisse.

CONCLUSIO Secunda: Non omnis qui aliquando charitatem habuit, & ab ea excidit, resurgit finaliter. Patet ex Conc. Trid. Sess. 6. Can. 17. vbi Anathema dicit eis, qui solis prædestinatis ad vitam, volunt contingere iustificationis gratiam: quod tamen necessariò dicendum erit, si verum sit, quod omnis, qui aliquando gratiam iustificationis obtinuit, resurgat ad eam finaliter: quia soli prædestinati ad vitam finaliter in charitate discedunt.

Et probatur ex Scripturis, quæ manifestè conclusionem nostram supponunt diuersis locis: vt Ezech. 18. *Si autem auerterit se iustus à iustitiis suis, &c. nunquid viuet? omnes iustitiæ eius, quas fecerat, non recordabuntur: in prauaricatione qua prauicatus est, & in peccato, quod peccauit, in ipsis morietur*. Ioan. cap. 15. *Si quis in me non manserit: mittetur foras sicut palmes, & arescet, & colligent eum, & in ignem mittent, & ardet*. Quibus manifestè indicatur, & iustos qui se à iustitiis auerterint, & eos qui in Christo fuerunt, sed non manserint, aliquando finaliter in peccato mori, & in ignem mitti. Item commemorat Scripturæ Luciferi lapsum, Saülis, Salomonis, Iudæ proditoris, quos non referunt, nec subindicant ad iustitiā rediisse, de Saule scribit Tertull. lib. De præscript. Saul bonus præ cæteris liuore postea eueritur. Iudam autem proditorem aliquando iustum fuisse, de quo dubitari posset, sentit D. Hieron. lib. 3. contra Pelagianos; ergò &c.

96 Probat^{ur} Secundò, ex Conc. Florent. quod definit, eorum animas, qui in actuali mortali peccato, vel in solo originali discedunt, mox in infernum descendere. Vbi non requiritur plura mortalia, aut sæpius frequentata, sed simpliciter determinat eos, qui in actuali peccato mortali moriuntur, damnari. Item Conc. Trid. Sess. 6. cap. 15. expresse dicit, asserendum esse non inodò infidelitatis: sed etiam quocumq; alio mortali peccato acceptam iustificationis gratiam amitti.

97 Probat^{ur} Tertiò ex Patribus: D. Basil. lib. 1. de Baptismo cap. 2. Observandum necessariò, inquit, quod non in multa peccata, sed in vnum est adeo horrendum & inevitabile iudicium, &c. D. Hieron. in cap. 5. ad Gal. Neque refert, inquit, vno quis peccato à beatitudine excludatur, an pluribus, cum omnia similiter excludant.

98 Probat denique D. Thomas huiusmodi ratione: Quilibet actus peccati mortalis contrariatur charitati secundum propriam rationem eius, quæ consistit in hoc, quod Deus diligatur super omnia, & homo totaliter illi se subiciat: vnde in eius rationem pertinet, quod homo ita se habeat, quod velit in omnibus ei esse subiectus, & præceptorum regulam in omnibus sequi. Quidquid enim contrariatur præceptis Dei, manifestè contrariatur charitati; ergò actus peccati mortalis, qui est absoluta prævaricatio diuinæ legis, & quo se erigit homo contra Deum, excludit charitatem.

99 Sed hic disputatur: Quomodo charitas excludatur quolibet actu peccati mortalis? An meritorie tantum? An etiam efficienter physice?

Variant hic Scholastici in opinionibus, & modis explicandi opiniones suas, etiam illi, qui alioqui in opinione videntur convenire. Pro resolutione & explicatione difficultatis

Respondeo & Dico Primò: Non rectè dicitur, quod charitas ita meritorie tantum excludatur per peccatum mortale, quasi nulla esset disconvenientia, aut ratio ex natura rei, id saltem requirens aut postulans.

Declaratur: quia nemo potest negare, quin maior intercedat disconvenientia aut oppositio inter actum peccati mortalis, & charitatem Dei, quam fuerit inter peccatum Adami, & inter immortalitatem corporis eius, quam demeritorie exclusit peccatum illud: vel etiam, quam sit inter peccatum, v. g. adulterij, & inter habitum fidei, si Deus ita statuisset, vt propter demeritum illius peccati, habitum illum auferret. Vnde videmus quoque peccatum

mortale cum immortalitate naturæ in Angelo consistere, & habitum fidei per culpam adulterij non amitti, quamvis rectè dici possit, etiam mereri illius priuationem.

Rursus, si tantum attendere^{retur} demeritum, tum dicendum videretur, habitum fidei aut spei, magis deperdi per actum odij Dei, qui est maximi demeriti, quam per actum infidelitatis, aut desperationis.

Dico Secundò: Peccatum mortale habituale excludit formaliter charitatem, sub ea saltem ratione, qua charitas est amicitia cum Deo, & debita conversio hominis ad illum, vt finem ultimum supernaturalem, idque non minus, quam nigredo excludat formaliter albedinem ab eodem subiecto.

Probat^{ur}: Quia habituale peccatum est essentialiter inordinata habitudo hominis ad Deum vt finem ultimum, atque adeo auersio ab illo includens inimicitiam quandam contra illum; ergò formaliter excludit charitatem, & nullatenus potest simul consistere cum illa, sub hac saltem ratione, quæ est debita hominis conversio ad Deum, & quædam cum illo amicitia. Et iuxta hanc considerationem rectè dixit Vasquez in 1. 2. disp. 91. cap. 2. inter gratiam seu charitatem, & peccatum mortale, esse oppositionem seu repugnantiam naturalem, plusquam inter album & nigrum: quod ita declarat: Opponuntur enim, inquit, non contrariè, sed quasi relativiè, sicut æquale & inæquale, quæ respectu eiusdem, nec per Dei potentiam eadem convenire possunt.

Dico itaq; tertiò, quamvis rectè & verè quis dicatur, quolibet actu peccati mortalis charitatem excludere demeritorie, nō tamen dici debet tantummodò excludere demeritorie, sed absoluto sermone, & simpliciter potest dici expellere etiam physice.

Desumitur vtraque pars ex D. Tho. sup. art. 10. vbi sic scribit: Neutro modo (scilicet neque effectiue, neque meritorie) peccatum mortale diminuit charitatem, sed formaliter corrumpit ipsam, & effectiue, quia omne peccatum mortale contrariatur charitati; & etiā meritorie, quia qui peccando mortaliter, inquit, aliquid contra charitatem agit, dignus est, vt Deus illi subtrahat charitatem: vbi cum aperte distinguat, inter corrumpere effectiue, & corrumpere meritorie charitatem, & dicat peccatum mortale vtroq; modo corrumpere, nō relinquitur locus aliter D. Thomæ interpretandi, quam quod senserit peccatum mortale efficienter physice, etiā charitatem corrumpere. Pro pleniori autem responsionis nostræ intelligentia,

Notan^{ti},

102

Notandum est, quod ut quis dicatur suo actu efficienter physice expellere formam aliquam, non sit necesse quod terminus aut effectus illius actionis sit forma physice actiua quæ in alteram formam quæ physice agit expellitur, quod patet in qualitatibus secundis contrariis, quæ in se inuicem non sunt actiue, & tamen agents, quod v.g. producit albedinem in subiecto, dicitur physice expellere nigredinē: quare suffecerit, quod sit forma aut quasi forma quæ non compatiatur secum alteram in eodem subiecto, sed formaliter illam excludat, siue id fiat propter immediatam repugnantiam quam cum tali forma habet: vt in exemplo adducto de albedine & nigredine, siue propter mediatam, quia scilicet tollit aut destruit subiecti dispositionem, quæ est necessaria ad conseruationem formæ præexistentis in subiecto, siue in materia: licuti agens quod inducit frigus & humiditatem, dicitur expellere formam ignis. Neque hic rursum requiritur, quod tanta sit repugnantia, vt nequidem per absolutam Dei potentiam possit cum forma quæ introducit, conseruari in eodē subiecto forma anterior, sed satis est, vt physice dicatur expellere, quod secundū connaturalem rerum existendi modum non possint esse simul, vt declarari satis potest per exempla adducta.

103

His positis declaratur Concl. Primò, quia actus peccati mortalis est causa physica peccati habitualis eo modo quo physica causam habere potest: nam huius, vt culpa est, non potest alia causa assignari; atqui peccatum habituale mortale est ita repugnans charitati quā parte saltem amicitia est, & conuersio ad Deum tanquam finē vltimum, vt ex natura sua nullo modo admittat sub tali ratione charitatem, sed formaliter expellat; ergo &c. Imò vltius inde inferri rectè potest, quod simpliciter excludat charitatem: quia secundum connaturalem modum suum non potest charitas esse in homine absque eo, quod conuertat hominem ad Deum tanquam ad amicum & finem vltimum: quidquid interim de eo sit, an charitas secundum entitatem suam, per absolutam Dei potentiam, conseruari possit cum peccato mortali.

104

Secundò, quia sicuti peccatum habituale mortale est habitualis auersio, & inimicitia ad Deum, ita peccatū mortale actuale, est actualis auersio siue actus auersiuus hominis à Deo, vt ab amico & fine vltimo, cum quo non magis potest stare charitas, quæ est opposita conuersio ad Deū, quam

Viggers in 2. 21

cum ipso peccato habituali; atqui homo est causa physica, & physice operans actū illum auersiuum; ergo etiam exclusionis formæ, quæ conaturali modo ad naturas rerum non potest simul cum eo permanere, siue id fiat, quia est contraria dispositio subiecti, quam non admittit charitas; siue quia sit quasi forma habens immediatam repugnantiam cum ipsa charitate.

Sed contra obijcitur primò: Non potest causa creata efficienter physice charitatem in subiecto producere; ergo neque expellere.

Respondetur Neg. Conseq. Quia manifestum est, non eam sēper virtutem requiri ad res destruendas, quæ ad compendendas, quod facit in multis ostenditur: non enim potest homo efficienter in materiā animam rationalem, quæ à Deo infunditur, producere, & tamen potest efficienter expellere, quando alterum hominem occidit: sic etiam, quomodo non possit homo producere lumen solis in cubiculo, potest tamen efficienter excludere, quando fenestram claudit, per quam intrabat: sic ergo etiam efficienter peccator suo actu expellit charitatem, quia actio illa, vt explicuimus, non compatiatur secum charitatem, iuxta connaturalem modum existendi. Vnde natura rei postulat, vt Deus desinat illam conseruare in subiecto accedente tali actu, quemadmodum vt desinat conseruare animam rationalem in corpore, quando dispositiones necessariz iuxta exigentiam naturæ, sunt sublatæ.

Obijcitur Secundò: Habitus vitiosus acquisitus ex actibus peccati frequentatis remanens, non destruit formaliter charitatem, quod patet, quia contingit hominem iustificari & recuperare charitatem pro tempore, quo vitiosus adhuc inclinationibus est subiectus, quibus tamen non assentiat; ergo neque actus peccati videtur formaliter illam destruere tanquam forma, cum quæ ex natura rei non possit charitas consistere.

Respondetur Neg. Conseq. Quia eiusmodi habitus vitiosus nō includit nec importat auersionem, quæ actualiter hominem a se à Deo retrahat, & conuertat ad creaturam, neque etiam quā habitualiter maneat auersus, quemadmodum diximus de actu peccati mortalis, ratione cuius fit, quod formaliter excludat charitatem, & is qui illum committit, dicatur physice efficienter charitatem expellere.

Aa

QVÆST.

Q V. Æ S T I O X X V.

De Obiecto Charitatis.

In duodecim Articulos diuisa.

ARTICVLVS I.

*Vtrum dilectio charitatis sistat
in Deo: An se extendat
etiam ad proximos?*

CONCLUSIO Diui Thomæ est,
quod dilectio charitatis etiam ad
proximum se extendat.

Probatur Primò ex Scripturis: 1.

Ioannis 4. *Et hoc mandatum habemus à Deo: vt
qui diligit Deum, diligit & fratrem suum:*
& ibidem paulo suprà: *Si quis dixerit, quo-
niam diligo Deum, & fratrem suum oderit, men-
dax est;* ergo dilectio charitatis ad proxi-
mum quoque, siue fratrem se extendit.

Probatur Secundò ratione, quia chari-
tas est amicitia quædam cum Deo; ad
perfectam autem amicitiam pertinet, non
solum illum diligere cum quo amicitia
primariò habetur, sed etiam ratione illius,
omnes eius filios, domesticos, amicos dili-
gere, & omnia quæ ipse diligit, aut vult ab
amico diligi. Vnde D.Th. quæst. disputata
de charitate art. 4. id sic explicat, Qui
Petrum diligit, omnes qui Petro coniun-
cti sunt, diligit: itaque qui Deum diligit,
oportet omnes illos diligit, qui ad Deum
ordinantur, in illis enim Deum diligit.

Pro pleniori autem intelligentiâ eo-
rum, quæ hoc articulo & in alijs sequenti-
bus D. Tho. pertractat, operæ pretium
fuerit aliquantulum distinctius & latius
explicare ea, quæ ad obiectum charitatis
in communi pertinent. Quæritur itaque
Primò,

*Quodnam sit propriè obiectum formale cha-
ritatis, vt virtus est Theologica?*

Respondetur: obiectum formale, siue
formalis ratio obiectiua charitatis,
est bonitas increata, & infinita excedens
omnem creaturæ naturalem proportio-
nem & capacitatem, tam secundum in-
tellectum, quam affectum, quæ reddit

Deum super omnia amore proportionate
amabilem propter se, & alia propter ipsum,
id est, amabilem amore beneuolentiæ, quo
scilicet præ omnibus etià præ nobis ipsis,
illi bene volumus, & omne bonum exopta-
mus idque propter illum, siue vt hoc eius
bonum est, & alijs similiter bene volumus
eosque amamus similiter propter ipsum,
quia hoc illi gratum & beneplacitum est.
Indicat hæc D. Tho. suprà quæst. 23. art.
5. ad 2. & artic. 6. in Corp.

Declaratur autem per singula: nam in-
primis quod debeat esse quædam ratio
boni siue bonitas quædam, patet, quia chari-
tas ad vires appetitiuas pertinet: estque
amor quidam, qui non potest in aliquid
tendere, nisi sub ratione boni: quod au-
tem sit increata & infinita bonitas super-
excedens naturalem creaturæ proportio-
nem & capacitatem ostenditur, quia in
hoc distinguitur charitas tum ab amore
erga creaturam, quamcumque, vt hæc propter
suam bonitatem diligitur, tum etiam ab
amore naturali, quo Deus sub hac formâ
vt author naturæ, diligitur super omnia:
sic enim amatur etiam vt habet summam
quandam bonitatem, sed quæ potest natu-
raliter à creatura intellectuali apprehendi
& teneri, quatenus cum ea habet
quandam communicationem sub ratione pro-
portionati principij & finis: ista autem,
quæ charitas respicit, non nisi supernatura-
li lumine cognosci, & non nisi viribus su-
pernaturalibus amplecti & teneri potest,
quia vt sic non est principium eius aut finis
secundum rationem naturæ. Quemadmo-
dum enim Deus habet duplicem rationem finis
vltimi in ordine ad creaturam intellectualem,
scilicet finis naturalis & supernaturalis, ita
quoque oportet admittere duplicem eius ra-
tionem, quia secundum diuersam illam ra-
tionem finis, oportet in eo considerare diuersi
ordinis respectu nostri bonitatis, & secun-
dum utramque existit haud dubiè amabilis
& diligendus. Ceterum quod amor ille di-
stinctus ac duplex sit necessariò admittē-
dus, quamuis aliqui distinctionem illam non
videantur

videantur voluisse, cõstat ex propositionibus cõdemnatis aut reiectis per P'ium V. & Greg. XIII. Pontifices maximos, & agnoscitur & docetur à D. Thomâ diuersis locis: vt 1.2. quæst. 109. art. 3. Quodlibeto 1. art. 3. & alibi: vnde etiam, vt nobis infinuaret hanc bonitatis rationem altioris ordinis supra omnem creatam naturam, dixit D. Tho. suprà, formale obiectum charitatis esse bonum diuinum; vt est obiectum beatitudinis, quia secundum hanc rationem, naturæ creatæ ordinem excedit.

Additur autem, Quæ reddit Deum amabilem; quia charitas includit ordinem ad personam quam facit bonitas amabilem: est enim amor quidam beneuolentiæ, qui necessariò debet terminari ad suppositum intellectuale. Additur, Propter se, id est, amore quo illi bene volumus, & de eius bono, quatenus ipsius est, gaudemus: vt distinguatur à formali obiecto supernaturalis amoris concupiscentiæ, qui ipsem generat: nam etiam huius amoris obiectum formale est increata bonitas, quam nec oculus vidit, nec auris audiuit, nec in cor hominis ascendit, sed quatenus Deum amabilem nobis facit propter nos, vt scilicet nos ex illo bene habeamus, & in illo beati simus.

Sed contra obijciunt primò: Deus est amabilis & diligendus ex charitate, non tantum quia bonus est, sed etiam quia sapiens, quia iustus, quia misericors, & propter alia attributa; ergo non rectè fuit explicata, aut saltem non sufficienter, formalis obiectiua ratio charitatis.

Respondetur Negando Consequentiam: dupliciter enim potest intelligi aut capi summa & increata Dei bonitas: vno modo, vt est attributum distinctum ab alijs dicens quandam summam, sed quasi particularem Dei perfectionem, scilicet in operando, & sese comunicando; & iuxta hanc considerationem, non est adæquata, & tota ratio dilectionis ex charitate: quemadmodum neque est ratio totalis adæquate beatificans hominem: Alio modo, vt dicit absolutam perfectionem in omni genere excellentiæ, siue absolutissimam excellentiam in omni genere perfectionis. Et hoc modo oportet accipere quādo dicitur formalis obiectiua ratio specialis & propria charitatis, quia licet hæc bonitas sit vniuersalis in continendo perfectionem omnem, propter quod sufficiens est ad explendum omnem appetitum, tamen in se est simplicissima ratio, quæ specialem quoque amorem & dilectionem exinde requirit.

Obijciunt Secundo, diligimus Deum ex charitate propter beneficia nobis collata;

atqui ibi ratio amandi non est increata Dei bonitas, sed magis bonitas creata, scilicet beneficium nobis præstitum; ergo &c.

Respondetur Primò, quando simul ex charitate Deū verè diligimus cum ordine ad beneficia nobis præstita, tunc actum illum amoris procedere à duplici virtute tanquam principijs, scilicet à virtute gratitudinis, quæ sicut docet Diuus Thomas infrà quæst. 106. art. 10. prout est ad Deum, est pars religionis, siue ipsa religio; & à virtute charitatis, quæ à gratitudine imperatur: hæc enim mouet, vt tale obsequium amoris pro beneficio rependamus Deo, & eatenus potest dici actus ille esse propter beneficium; à charitate autem elicitur, sed proximè propter ipsam Dei bonitatem increatam modo explicato, quæ digna est, vt taliter ametur.

Respondetur Secundo, præter primariam rationem formalem obiectiuam, quæ terminat actum amoris, non incongruè à Seco in 3. dist. 17. constituit quandam secundariam rationem allicientem ad amandum, quā dicit esse rationem aliquam relatiuam in diligibili ad amantem, in quantum est conueniens bonum, & sui comunicatum suis amatoribus: v. g. inter homines amatur aliquis primò & principaliter propter bonum honestum, quo pollet tantum quam propter primariam rationem terminantem actum amoris, vt propter virtutes & doctrinam illius: præterea autem, si cognoscatur redamare & beneuolus esse in eos qui illum diligunt; tunc affectus eius beneuolentiæ circa suos amatores est quædam specialis ratio amabilitatis alliciens ad amandum, & suo modo diuersa à priori: sic igitur quoque dici potest, quod infinita Dei bonitas est prima & principalis obiectiua ratio amandi illum ex charitate, sed quod ipse quoque nos amet, & se nobis communicet, sit quædam secundaria ratio prouocans & exstimulans ad amandum ipsum, principaliter tamen semper propter ipsammet bonitatem, quæ digna est affectu omni beneuolentiæ, & amore; & in hoc gradu secundò amabilitatis, dicit ille, possunt collocari omnia illa quæ Dei erga nos dilectionem demonstrant, siue in creando, siue in redimendo, siue in disponendo nos ad beatitudinem & salutem: ita tamen, quòd vt amor iste sit perfectus, non tam debeat esse propter beneficia quæ in nobis recipimus, quam propter diuinum amorem erga nos; ex quo nobis talia comunicantur. Vnde quando etiam tali respectu & motiuo Deus amatur, haud dubiè magis amatur ipse, quia tam bonus est vt nos amet, quam ametur propter beneficium propriè

Aa ij loquentur

loquendo. Quare nec actus istius ratio obiectiua, quam dicimus veluti secundariâ, est extra diuinam bonitatem: nam amor, vnde Deus se nobis communicat, est ipse Deus, & ad diuinas perfectiones, & infinitam eius bonitatem, quam diximus formale obiectum, pertinet: quamvis interim sub ista particulari ratione bonitatis conuenienter dici possit, secundaria quâdam ratio allicens & prouocans singulariter amorem & affectum nostrum.

8 Virû verò quâdam talis communicatio diuinæ bonitatis sit absolute necessaria ad eius in nobis amorē ex benevolentia, dubitari potest. Quidā enim videntur id requirere. Scotus tamē loco citato magis negat, & vt apparet, rectius, si saltem separatur ratio amicitiae, & tantummodo ponatur amor benevolentiae ex altera parte: nihil enim videtur absolute repugnare, quo minus possumus virtutes & perfectiones amare etiam in illo, cum quo nihil mihi communicationis aut dependentiæ intercedit.

9 Quæritur Secundò: An propter formalem rationem obiectiuam nunc explicatam, diligatur, non tantum Deus, sed etiam proximus, ad quem dictum est dilectionem charitatis se extendere?

Et quidem quod Deus propter infinitam illam eius bonitatem, & superexcedentem vires nostras, sit amore benevolentiae amabilis & diligendus, facile intelligitur, cum sit illi ininfeca & essentialis. Sed non ita facile apprehenditur, quomodo possit esse ratio diligendi ex charitate proximum, cui est omnino extrinseca: imò qui sapius opposita quasi malitiâ laborat.

Respondetur nihilominus, proximum etiam propter illam infinitam Dei bonitatem tanquam rationem motiuam, ex charitate esse diligibilem ac diligendum: neque enim refert quod sit ei extrinseca, vel quod ipse ab ea sit alienus, quia non semper necesse est inesse bonitatem ei quod amatur propter talem bonitatem, vt facile in alia materia potest exemplis declarari: nam v. g. medicina amatur (quamvis per se ingrata) propter bonitatem sanitatis, quæ tamen medicinæ est extrinseca: quare licet increata Dei bonitas proximo non inest, potest tamen esse causa illum diligendi.

10 Dicit aliquis medicina amatur propter bonum sanitatis, quia est conueniens medium ad bonum illud comparandum; atqui non ita se habet proximus ad Deum, vt illum amemus propter Deum, quasi medium ad Deum nobis comparandum; ergo non videtur exemplum ad rem facere.

Respondetur, exemplum hæcenus esse ad rem, & ad id solum adduci, vt declaretur quomodo res aliqua possit esse amabilis & amari propter bonitatem sibi extraneam, ad quam obtinet certum ordinem & respectum. Quâuis itaq; non idem sit ordo proximi ad Deum aut eius bonitatem, qui est medicinæ ad bonum sanitatis, tamen est ordo alius proximi nostri ad Deum, qui similiter sufficiens est, vt faciat proximum diligibilem propter Deum, eiusque bonitatem: qui ordo in pluribus potest fundari, ac imprimis in mandato quod Deus infinite bonus dedit de proximo diligendo: inde enim nascitur quædam necessitas diligendi proximum ad hoc, vt Deo amico nostro coplaceamus, & quod illi gratum est, præstemus: ea autem de causa diligere proximum, non est aliud quam ipsum diligere propter Deum & diuinam bonitatem, cui per omnia placere, & quod illi gratum est: præstare volumus; quod fundamentum significat D. Aug. lib. 8. de Trinitate c. 7. dum sic scribit, Qui diligit Deum; consequens est, vt faciat quod præcepit Deus: & in tantum diligit, quantum facit; Consequens est ergo, vt proximum diligat, scilicet propter Deum, siue ex Dei amore, quia hoc præcepit Deus. Idem statui potest ex illis verbis Christi apud S. Ioannem, *Qui diligit me, sermonem meum seruabit.*

11 Secundò potest ordo iste fundari in eo, quod infinita Dei bonitas sit quoddam bonum commune dignum diligi, atque adeo cui dilectio debetur ab omnibus, qui illius diligendi ac fruendi aliquando adhuc sunt capaces. Inde enim fit: quod non ego non tantum debeam per me illud amare, & per me illi bene velle, sed quod debeam velle & amare, quod ab omnibus pro sua dignitate, & secundum quod illi debetur, diligatur, & quod omnes affectu benevolentiae illi inhæreant: hoc autem est maxime diligere proximos, quia non possumus magis amare, nec quidquam ipsis melius desiderare, quam eis velle vt Deum ex charitate, prout dignissimus est, diligant: id autem illis volumus propter Deum, quia sicut dicimus, ideo volumus quod infinita Dei bonitas id mereatur, & digna sit ita diligi ab omnibus. Hoc fundamentum indicat Scotus in 3. dist. 28. vnde etiam patet quomodo & nos ipsos ex charitate diligimus propter Deum. Cæterum, quia formalis obiectiua ratio charitatis, infinita scilicet Dei bonitas vt superexcedit vires nostras, modo supra explicato, non inest proximo: sed ille charitate diligitur tantum propter certas habitudines ad illam, ideo non diligendus est ipse super omnia, quânis propter

propter summā bonitatem diligatur, quia debere diligere super omnia proprium est illi, cui summa & infinita bonitas intrinsecē & essentialiter competit; non autem commune omnibus, qui diligendi sunt propter qualemcumque respectum ad supremam illam bonitatem.

12 Sed quæritur tertio potest: Vtrum homo iustus non sit diligibilis ex charitate ratione suæ bonitatis supernaturalis creatæ, & sibi inhærentis, v. g. propter gratiam sanctificantem, fidem, spem, charitatem, & alias virtutes, & sanctas operationes.

Respondetur, per se inprimis satis constare ratione eiusmodi bonitatis proximū esse diligibilem, & quidem dilectione supernaturali: quia tam gratiosæ & sublimes virtutes non possunt non esse amabiles, & subiectum suum reddere dignum amore & benevolentia. Addo autem, & quidem dilectione supernaturali, quod etiam facile declaratur, quia proxima ratio motiua huius dilectionis est supernaturalis, cui proinde debet dilectio esse proportionata, atque adeo supernaturalis, ut talis sit qualem conditio obiecti requirit.

13 Sed difficultas est, Vtrum hic amor sit propriè amor charitatis ab habitu charitatis elicitus? Apparet enim quod non, quia charitatis ratio formalis obiectiua adæquata esse videtur bonitas increata; motuum autem huius dilectionis, est aliqua bonitas creata.

Respondetur propter istam & alias plures rationes, quæ adduci possent, non improbabiler posse dici, quod actus ille amoris sit alterius virtutis, scilicet amicitie moralis: quæ tamen sit infusa & supernaturalis, & respondeat amicitie humanæ morali, quæ se diligunt homines amore benevolentie propter dotes aut virtutes naturæ. Neque aliquid videtur hic multum ob stare, quo minus id dici possit, ut scilicet illius amicitie supernaturalis statuatur obiectum bonum honestum naturale, sicuti obiectum huius est bonum honestum morale secundum rectam rationem naturalem, nisi quod antiquiores Scriptores non videantur agnoscere duplicem amorem proximi supernaturalem, sed omnem illum amorem videantur reducere ad charitatem. Ad hoc tamen responderi possit, Scriptores illos loquutos esse, de dilectione, quam debemus omni proximo, quæ est sine dubio semper charitatis, & propter Deum: non autem respectisse ad dilectionem, quæ ex particulari ratione & particulari motivo potest aliquibus impediri: quod colligi potest ex D. Tho. dum hic ad 2. ita scribit: unde eodem amore charitatis diligimus omnes proximos, in

quantum referuntur ad vnum bonum commune, quod est Deus: & clarius ex eodem infra quæst. 103. art. 3. ad 2. ubi sic habet, Ad secundum dicendum; quod ratio diligendi proximum, Deus est; non enim per charitatem diligimus in proximo; nisi Deum: & ideo eadem charitas est, qua diligitur Deus & proximus. Sunt tamen, inquit, aliæ amicitie differentes à charitate secundum alias rationes quibus homines amantur.

Si quis tamen putauerit non esse admit-tendum habitum supernaturalem amicitie moralis, sed tantum habitum charitatis Theologicæ, poterit is dicere, quod amor, de quo quæritur, etiam sit à charitate; Verum in quem charitas inclinatur non primò, sed quasi secundariò: dum enim habitus charitatis per se primò tendit in bonitatem illam infinitam, & omnem naturalem proportionem creaturæ superexcedentem, consequutiue natum esse fieri ut etiam tendat & moueat in istam bonitatem, quæ huius est fructus & radius quidam, eiusdè quodammodo ordinis ab illa promanans & dependens, ut sunt gratia sanctificans, & virtutes infusæ.

Ad illud itaque quod in oppositū allegatur, poterit responderi, quod quidem primaria ratio obiectiua adæquata sit bonitas Dei increata, sed secundaria etiam sit bonitas illa supernaturalis, de qua dictum est: à primaria autè ratione obiectiua sumi virtutis speciem & substantiam, ac proinde, eo etiam non obstante, charitatem posse dici habitum simplicem, neque ex diuersis partibus compositum.

Alij autem dicunt, formalem obiectiua rationem adæquatam esse bonitatem Dei infinitam, vel per se, vel per participationem, neque referre quod istæ bonitates nō sint numero aut specie vnū quid in esse reali, hoc enim nō requiri ad constituendā vnā rationem habitus: sed sufficere quod sint vnū secundum quandam analogam convenientiam in eodem gradu & ordine rerum.

ARTICVLVS II.

Vtrum charitas sit ex charitate diligenda?

17 Notandum cum D. Tho. per amicitiam aliquid dupliciter amari: Vno enim modo amatur aliquid, tanquam persona ipsa ad quam habemus amicitiam, cui scilicet bona volumus: Alio autem modo amatur aliquid per amicitiam, tanquam bonum quod amico volumus.

Ad iij CONCLVĒ

C O N C L U S I O itaque est, quod charitas diligatur per charitatem, non quidem priori modo, sed posteriori, tanquam scilicet bonum quod amico volumus, siue nobis, siue proximis propter Deum. Desumpta autem videtur hæc doctrina ex D. August. lib. 8. de Trinit. cap. 7. ubi sic scribit: Qui diligit proximum, consequens est, ut etiam dilectionem diligit, qui ergo ex charitate diligit proximum, etiam ex charitate diligit charitatis dilectionem, & ipsam charitatem. Id vero dupliciter fieri posse, in hunc ferè modum explicat D. Tho. Primò, quia amor ex sua propria ratione habet, quod sit spontaneus motus amantis in amatum; unde fit quod supra se implicite semper reflectatur, & seipso sit volutus, & quodammodo amatus, nisi enim quis vellet amorem, & amaret amare, non amaret. Secundò, quia obiectum appetitus & amoris est bonum vniuersale: quandoquidem ergo charitas etiam contineatur sub ratione boni in vniuersali, potest etiam voluntas actu directo & expresso velle & diligere ipsam charitatem: & hoc modo, non tantum per charitatem diligimus charitatem, sed etiam alia bona spiritalia, ut cæteras virtutes, & ipsam æternam beatitudinem, quæ nobis & proximis optamus propter Deum, cui tanquam amico & dilecto nostro, cupimus per eiusmodi bona complacere, & perpetuo benevolentia affectu inhærere.

ARTICVLVS III.

Vtrum etiam creatura irrationalis sint ex charitate diligenda?

C O N C L U S I O D. Tho. est: Creaturæ irrationales non diliguntur ex charitate, tanquam supposita ad quæ habemus amicitiam; possunt tamen ex charitate diligi, tanquam res aut bona quæ volumus amico, quem charitate diligimus.

Prior pars patet, quia amicitia non potest esse nisi ad eum, qui amorem nostrum possit intelligere, & vicissim amorem respondere, quod locum non potest habere in creaturis irrationalibus. Deinde, charitas est amicitia fundata super quadam communicatione in bonis diuinis & cælestibus sine spiritualibus, in quibus nobiscum non possunt communicare creaturæ irrationales: unde nec illis eiusmodi bona possumus velle, immo ex quo carent ratione, ac proinde non habent proprium aut fruitionem boni, dicit generali-

ter D. Tho. nos affectu benevolentia non posse propriè bonum aliquod velle irrationali creaturæ. Vnde etiam Philosophus 2. phys. docet quod eiusmodi rebus non dicamus aliquid bene vel malè contingere, nisi secundum similitudinem.

Posterior pars declaratur, quia possumus velle earum esse, & cõseruari ad laudem & gloriam Dei, tanquam amici nostri, & ad salutem proximorum, quia diuinam potentiam, sapientiam, & bonitatem in illis discimus & consideramus, & ex eis in diuinas laudes assurgimus: unde Plal. 135, & 148. item in hymno trium puerorum, omnes creaturæ prouocantur ad laudandum & benedicendum Dominum: ex Dei quoque ordinatione & directione sunt quædam nobis adminicula ad æternam beatitudinem consequendam; ergo &c.

ARTICVLVS IV.

Vtrum homo debeat seipsum ex charitate diligere?

C O N C L U S I O Prima: In genere loquendo non diligit homo seipsum propriè amore amicitia. Ita D. Tho. nemo enim habet propriè amicitiam ad seipsum: unde sic charitatem, sub propria ratione amicitia considerando, dicit D. Greg. hom. 17. in Euangelia, quod charitas minus quam inter duos haberi non possit. Ratio est, quia amicitia per se tendit in alterum, qui amantem redamet: ut patet ex Philosopho lib. 8. Ethic. cap. 3. & 5.

C O N C L U S I O Secunda: In genere tamen est amor bene ad seipsum, qui etiam maior dicitur, quam amor amicitia quem habemus erga alios homines. Declaratur, quia amicitia vnionem quandam importat, amor enim est virtus vnitiua, ut docet Dionys. de diuinis nominibus cap. 4. parte 2. unicuique autem ad seipsum est vnitas, quæ potior est vnione ad alterum. Vnde sicut vnitas est principium & quasi exemplar vnionis; ita amor, quo quis diligit seipsum, est radix & forma amicitia, quæ diligit alios homines; quia in hoc dicimus habere amorem ad alios, quod ad eos nos habeamus, sicut ad nos ipsos. Dico autem, quia quis diligit alios homines, quia dilectio sui ipsius non potest nec debet dici principium & forma dilectionis Dei, nam hæc debet esse maior, neque ad amorem sui ipsius potest mensurari, sed eum debet excedere: oportet enim patrem, & matrem, imo & animam odisse, & omnia postponere dilectioni Dei: ut docet Christus apud Lucam cap. 14. Neque ad alium amorem

amorem amicitie, quam qui est inter homines, respexit Philosophus quâdo voluit amorem proprium, esse formam & mensuram amicitie ad alium, quem D. Thomas hinc citatur de doctrinæ confirmationem.

22 **CONCLUSIO** Tertia: Debet itaque quilibet homo seipsum diligere ex charitate. Probari potest ex illo Matth. cap. 22. *Diliges proximum tuum sicut te ipsum.* ubi implicitè mandatur unicuique dilectio sui, tanquam necessaria mensura & forma dilectionis proximi. Confirmatur ex D. August. lib. 1. De doctr. Christiana cap. 26. ubi tamen docet opus non fuisse præcepto, scilicet particulari & expresso, ut ite quilibet & corpus suum diligit, tamen in fine capituli sic concluditur. Sed dictum est, Diliges proximum tanquam te ipsum, simul & tui abs te dilectio non est prætermissa.

23 Probaturs Secundò ratione, quia Deus, ut finis noster supernaturalis & infinitè bonus, dignus est, ut ab omnibus diligatur amore amicitie; ergò debemus, etiam propter Deum, nobis velle istum amorem amicitie ad Deum; atqui hoc est amare nos ipsos ex charitate, & propter Deum, sicut ex antedictis de dilectione proximi ex charitate satis patet; ergò &c. & quidem hoc modo diligimus nos ipsos, etiam tanquam personam cui beneuolo affectu bonum volumus, sed propter Deum, estque amor benevolentie etiam, ut ad nos terminatur, quamvis non amicitie propriè loquendo, ut constat ex dictis. Deinde etiam alio modo possumus ex charitate diligere nos ipsos, nimirum sicuti creaturas irracionales diximus ex charitate diligi, videlicet tanquam bonum aliquod ipsius Dei, quod laudi & gloriæ eius tanquam dilecti nostri, cui omne bonum volumus, deuouemus.

24 Dicit aliquis, solent vituperari homines amantes sui ipsorum; ergò &c. Respondetur, solet quidem vituperari amor sui, sed non qui est secundum charitatem, de quo hic loquimur, sed qui est secundum cupiditatem malam, qua homines se amant secundum sensibilem & corruptam naturam, cui indulgent & obtemperant.

ARTICVLVS V.

Utrum debeat corpus suum homo ex charitate diligere?

25 **CONCLUSIO** est affirmatiua: Potest probari ex D. Augustino lib. 1. De doctr. Christiana, cap. 23. ubi dicit, quatuor à nobis esse diligenda; vnum quod supra nos est, scilicet Deum; alterum quod nos sumus; tertium quod iuxta nos est, scilicet proximi; & quartum quod infra nos est, scilicet corpus nostrum. Deinde probatur ratione, & simul explica-

tur, quia corpus nostrum est à principio bono, scilicet à Deo nobis datum, ut sit instrumentum bonorum operum, quibus Deus honoretur, & ei grata obsequia præstentur. Vnde Apostolus ad Roman. 6. *Exhibete vos Deo, tanquam ex mortuis uiuentes: & membra vestra arma iustitiæ Deo: & infra; Sicut exhibuistis membra vestra seruire immunditiæ; & iniquitati ad iniquitatem, ita nunc exhibete membra vestra seruire iustitiæ in sanctificationem:* oportet ergò, etiam corpus nostrum propter Deum diligere quatenus eius voluntati & obsequiis deferuit.

26 Sed Quæres: Utrum corpus nostrum tantummodo ex charitate diligatur, tanquam res, quam volumus esse ad bonum amici, siue ad eius obsequium. Respondetur, sic quidem præcipue ex charitate diligi, sed tamen etiam posse suo modo diligi tanquam id cui bonum volumus, quatenus suo modo ad laudem & gloriam Dei quoque; capax est participata beatitudinis, quæ ex anima gloriosa in ipsum redundabit, iuxta Apostolum 1. ad Corinth. 15. *Seminatur in ignobilitate, surgit in gloria: seminatur in infirmitate, surgit in virtute: seminatur corpus animale, surgit corpus spirituale:* vnde 2. ad Corinth. 5. sic scribit, *Nam & qui sumus in hoc tabernaculo, ingemiscimus grauati: eo quod nolumus exspoluari* (id est, nolumus planè quidem corpore carere) *sed superuestrui, ut absorbeatur quod mortale est, à vita.* Hinc rectè etiam docet D. Thomas, quod licet corpus sit diligendū, non tamen debeamus diligere infectionem culpæ & corruptionem, sed magis ad eorum euacuationem anhelare. Sed neque contra corporis debitam dilectionem agunt, qui continentia quadam, & laboribus quasi persequi corpora sua videntur, quando illud prudenter agunt, ut docet Diuus August. lib. cit. cap. 24. quia non id agunt odio corporis, sed odio rebellionis carnis & indomitæ concupiscentiæ, ut habeant ipsum corpus spiritui subiugatum, & ad opera bona & necessaria paratum, utque inferior pars sit superiori subiecta, prout rectus ordo postulat. Imò vel maxime amant tales hoc ipso vitam & corpus suum, quia qui sic oderunt in hoc mundo, in vitam æternam illa custodiunt, ut significat Christus Ioannis 12. Vnde August. tract. 5. in Ioannem scribit, *Fœlices qui oderunt custodiendo, ne perdant amando.*

ARTICVLVS VI.

Utrum peccatores sint ex charitate diligendi?

27 **CONCLUSIO** D. Thomæ est: Peccatores ex charitate diligendi sunt secundum naturam, secundum quam capaces sunt æternæ & cœlestis beatitudinis, nō secundum culpam, quā ipsi contrariantur Deo.

Aa iij

Proba-

Probatum prior pars, inprimis exemplo Christi Domini, qui dicit, *Non veni vocare iustos, sed peccatores*. Vnde Apostolus ad Rom. 5. scribit, *Commendat autem charitatem suam Deus in nobis: quoniam cum adhuc peccatores essemus secundum tempus, Christus pro nobis mortuus est*; ergo & nos peccatores diligere debemus. Secundo, quia generaliter præceptum est, *Diligere proximum tuum sicut te ipsum*: quod autem nomine proximi etiam peccator veniat intelligendus, colligitur ex doctrinâ Christi Matt. 18. *Si peccaverit in te frater tuus, vade, & corripe eum*, &c. ubi peccator dicitur etiam frater, & proinde quoque proximus noster est. Neque agitur tantum ibi de leui peccati, sed etiam de peccato, quo frater perditur & moriatur spiritaliter: ut patet ex eo quod additur, *Si te audierit, lucratus eris fratrem tuum*. D. August. quoque lib. 1. De doctr. Christiana, cap. 3. sic scribit de hoc præcepto, Nam quod nullum hominem exceperit, qui præcepit ut proximum diligamus, & ipse in Euangelio Dominus ostendit: & inf. a. Nullum autem exceptum esse, cui misericordiarum denegetur officium, quis non videat, quando vique ad inimicos etiam portectum eodem Domino dicente, *Diligite inimicos, benefacite his qui odierunt vos*: Imò & eâ ratione magis proximi nomine intelligendus est peccator, quod magis ope nostrâ indigeat.

28 Probatum posterior pars, quia hoc ipso quo culpa aduersatur Deo, quem supra omnia diligere debemus, implicat ut illam propter Deum diligamus: Imò hoc opus dilectionis est, quod culpam in proximo oderimus, quia & ipsi mala est, & Deo iniusta & ingrata: unde propter Deum debemus illam odisse. Quate rectè Prosper sententia secunda: Sic diligendi sunt homines, inquit, ut eorum non diligantur errores, quia aliud est amare quod facti sunt, aliud est odisse quod faciunt: & August. lib. 14. de Ciuitat. cap. 6. Nec propter vitium oderit hominem, sed oderit vitium, & amet hominem. Estque illud odium perfectum contra peccatores: de quo dixit Psaltes, Psal. 138. *Perfecto odio oderam illos*.

29 Dicit aliquis: Propheta & SS. sæpius in Scripturis videntur velle, & apprecari peccatoribus multa mala, quæ aduersantur eorum conuersioni & saluti, ut Psal. 9. *Conuertantur peccatores in infernum*. Psal. 103. *Deficiant peccatores à terra, & iniqui ut non sint*. Isaïe 6. *Excæca cor populi huius, & aures eius agraui*, & similia repetuntur Matth. 13. & Ioannis 12. ergo apparet quod etiam Sancti oderint ipsos homines, illisque mala voluerint.

Respondetur cuiusmodi Prophetarum & Sanctorum sermones & increpationes, quæ in Scripturis sæpius occurrunt, tripliciter intelligi: vno modo, per formam prænuntiationis & prædicationis, non per modum opta-

tionis: ut quando dicitur, *Conuertantur peccatores in infernum*, sensus sit, futurum esse quod conuertentur, & cadent in infernum: similiter quando dicitur, *Excæca cor populi huius*, sensus est, futurum esse, quod Iudei excæcandi sint. Secundo modo, inquit D. Thomas per modum optationis, sic tamen, ut desiderium optantis non referatur in malum peccatoris, sed adiustitiam punientis, ut sit quasi iusta indignatio, non contra hominem, sed contra culpam: & quædam approbatio diuine iustitiæ vindicantis peccatum; iuxta illud Psal. 57. *Lætabitur iustus cum viderit vindictam: manus suas lauabit in sanguine peccatoris*: letatur autem in iustitia Dei, non in ipso malo hominis, nec ipse Deus puniens letatur in perditione impiorū, ut dicitur Sap. cap. 1. sed in sua iustitia, quâ iustus est Dominus, & iustitiam dilexit. Tertio, ut desiderium referatur ad remotionem, & annihilationem peccati, non ad pœnam aut malum hominis, ut scilicet Sancti intelligantur optare & rogare, quatenus peccata destruantur & homines salui fiant peccata deferendo, & iustitiâ apprehendendo, quomodo rectè accipitur illud Psal. 103. *Deficiant peccatores à terra, & iniqui ut non sint*, scilicet secundum quod peccatores & iniqui.

ARTICVLVS VII.

Utrum peccatores diligant seipsos?

30 O stendit D. Thomas triplicem in homine posse inueniri amorem sui ipsius: Vnus est naturalis, qui communis est bonis & malis, quo scilicet vnusquisque amat suum Esse, qui tamen in malis multum solet perueriti. Alter est, quo plus diligitur, quod in homine præcipuum est, scilicet homo interior, & bonum eius spirituale, quomodo soli boni diligunt seipsos. Tertius est, quo plus diligitur, quod in homine inferius est, scilicet exterior & animalis homo, quomodo se mali diligunt contra charitatem vique ad contemptum Dei.

31 Absolutè itaque loquendo ad articulum Respondetur, quod peccatores non diligant seipsos. Declaratur, quia homo secundum id quod in eo principale est, venit absolutè æstimandus: peccatores autem non amant quod in ipsis principale est, scilicet animam, & eius bonum & salutem: iuxta illud Psal. 10. *Qui diligit iniquitatem* (prout peccatores) *odit animam suam*: & D. August. lib. 1. De doctr. Christiana, cap. 23. docet, quod talis dilectio sui (qua scilicet quis cupiditatibus appetitus indulget & obsequitur) melius vocetur odium, quàm dilectio. Vnde & S. Iudas in sua Canonica sic monet, *Odientes & eam, quæ carnalis est, macula-*

tam tunicam: Ad quæ verba scribit Beda: Carnalem tunicam dicit corpus nostrum, non autem corpus nostrum debemus odisse, sed maculatam hoc omnimodis debemus odisse, & quantum valeamus, agere ut hoc immaculatam reddamus, ut de carnali spirituale mereatur effici. Cui ergo peccatores ament cupiditates partis inferioris, quas debent odisse, & negligat charitatem qua secundum mentem & partem superiorem debent Deo firmiter inhaerere, consequens est, quod absolute seipsos non diligant.

ARTICVLVS VIII.

Vtrum sit de necessitate charitatis, ut inimici diligantur?

12 **N**otandum Primum, Inimicum dupliciter posse considerari: vno modo, secundum quod inimicus est, siue secundum prauam animi eius affectionem, quam inique nobis aduersatur. Altero modo, ut homo est, & capax diuini amoris & fruitionis.

Notandum Secundum, duplicem posse considerari dilectionem inimici: Vnam, quam diligam illum in particulari per specialem actum dilectionis circa eius personam singulariter exercitum: Alteram, quam diligam illum in communi, sicut omnes alios homines etiam mihi incognitos. Nunc sit

33 **C**ONCLUSIO Prima: Non debet inimicus, secundum quod inimicus est, diligere, id est, non debet ipsa inimicitia eius diligere.

Patet, quia non possumus illam in eo optare aut velle: ergo neque eum propter illam diligere: Deo enim aduersatur, estque ipsi ingrata.

34 **C**ONCLUSIO Secunda: De necessitate charitatis est, ut communi dilectione inimicos, quatenus homines sunt, diligamus. Ita S. Tho. & probatur primum ex Scripturis Matth. 5. *Diligite inimicos vestros: benefacite hiis qui oderunt vos, & orate pro persecutoribus & calumniatoribus vos, ut sitis filii patris vestri qui in celis est:* quæ clausula adiecta indicatur, istud non tantum consilij, sed etiam præcepti esse. Ad Rom. 12. *Nulli malum pro malo reddentes:* & infra: *Sed si esurierit inimicus tuus, ciba illum: si sitis potum da illi,* Matth. 22. *Diliges proximum tuum, sicut te ipsum:* atqui inimicus est quoque proximus, ut colligi satis potest ex dictis supra art. 6. & significat Christus Luc. 10. per

parabolam de Samaritano, ut docent Sancti PP. Hilarius, Chrysostomus, & Hieronymus ad parabolam allegatam. Amb. in cap. 6. Lucæ: & D. August. lib. 1. de Sermone Domini in monte cap. 41. & serm. 61. de Tempore, & alibi: Accedit quod Apostolus ad Gal. 3. inimicitias & emulationes enumeret inter opera carnis, quæ excludunt à regno Dei:

Neque tantum in noua lege; sed etiam in veteri fuit & obligauit præceptum de inimicis diligendis. Quod probatur quoque ex Script. Exod. 23. *Si occurreris bonis inimici tui, aut asino erranti, reduce eum:* Leuit. 19. *Non quæres ultionem, & non eris memor iniuriæ ciuium tuorum:* & cap. 25. Proverb. *Si esurierit inimicus tuus, ciba illum: si sitierit, da ei aquam bibere.* Idem confirmari potest ex illo Iob cap. 31. *Si ganisui fui ad ruinam eimi qui me oderat, & exulauit quod inuenisset eum malum, &c:* ubi inter alia ob quæ meremur iram, & vindictam diuinam, quæque à se Propheta remouet, ponit etiam gaudium & exultationem de ruinâ & de malo inimicorum: non licet igitur inimicis malum optare, aut reddere: sed oportet eis bonum, saltem cõmuni affectu velle. Hinc etiam Sapiens Proverb. 24. monet: *Cum recideris inimicus tuus, ne gaudes: & in ruinâ eimi ne exultet cor tuum.*

36 **C**ONCLUSIO Tertia: Non est de necessitate charitatis aut salutis, quod specialem actum dilectionis in particulares personas quæ sunt inimici, exerceamus de facto: sed suffecerit quod id habeamus in animi præparatione, siue quod habeamus animum paratum ad hoc, quod etiam particularem actum dilectionis exhibebimus illis personis in particulari quando necessitas vel ratio aliqua iusta occurreret. Est D. Thomæ: & patet, quia neque necessitas est ad alios quoslibet homines singulariter moueri actu dilectionis speciali: hoc enim ad singulos est impossibile: ergo neque id facere debemus circa inimicos. Interim rectè monet D. Thomas, idipsam facere extra necessitatem, spectare ad perfectionem charitatis: & in eo monstrari maiorem Dei dilectionem, quæ operatur tantum effectum, ut ob eius amorem etiam particulariter diligamus eum, qui nos oderit.

37 Et de hac perfectione dilectionis inimicorum, dixit Augustinus Ench. cap. 73. quod hoc tam magnū bonum tantę multitudinis non sit, quantam credimus exaudiri, cum in Oratione Dominica dicitur: *Dimitte nobis debita nostra, sicut & nos dimittimus debitoribus nostris:* quibus significat eam perfectionem non esse de necessitate charitatis Christianæ: docet tamen ibidem, quod

quod debeat omnis fidelis se extendere, & humanum animum ad hunc affectum orâdo Deum, secumque agendo, luctandoque perducere. Vnde oportet in animi præparatione semper gerere dilectionem inimici, etiâ in particulari pro casu necessitatis: quod manifestè significant Scripturæ suprà citatæ tum ex nouo, tum ex antiquo testamento ad secundam conclusionem.

38

Sed contra hoc quod diximus, necessitatem talis dilectionis inimicorum quoque ad tempus legis veteris extendi.

Obijciunt illud Christi Matth. 5. *Audistis quia dictum est: diliges proximum tuum & odio habebis inimicum tuum*: Ex hoc enim apparet quod in antiqua lege potius fuerit inimicorum odium in præcepto, quàm eorum dilectio.

Respondetur, nusquam in antiquo testamento inueniri scripta verba illa: odio habebis inimicum tuum: sed reperiri multa eis contraria, vt ex Scripturis suprà allegatis patet. Ista igitur verba: *Et odio habebis inimicum tuum*, non sunt dicta à Deo per Moysen, neque sunt verba Scripturæ antiquæ: sed dicta sunt à Scribis & Phariseis qui malè ex Scripturis hoc colligebant: cum enim Leuit. 19. dicitur, *Diligens amicum tuum sicut te ipsum*, inde concludebant illi quasi à contrario sensu, inimicum igitur esse odio habendum, idque populo obtrudebant, in quo multum errabant: quia nomen amici generatim ibi accipitur pro communi proximo. Vnde Christus quando in Evangelio quasi repetit illud præceptum, corrigens simul peruersam eorum intelligentiam & additionem, dixit simpliciter: *Diligens proximum tuum sicut te ipsum*. Non itaque dixit Christus: *Audistis, quia dictum est*, quasi significaret ita legem habere: sed quod eorum quasi traditio sic doceretur: vnde neque addidit: *Audistis*, quia dictum est antiquis, quod posset videri indicare quasi primitus per Moysen hoc fuisset dictum Patribus ipsorum: sed simpliciter: *Audistis, quia dictum est*: Quod quidam rectè videtur obseruasse. Sunt & aliæ diuersæ expositiones istorum verborum Christi, quas videre licebit apud Maldenum ad hunc Articulum, & apud Commentatores loci.

ARTICVLVS IX.

Vtrum sit de necessitate salutis vt quis signa dilectionis inimico exhibeat?

39 CONCLUSIO D. Thomæ est: quod cōmunia signa dilectionis, quæ ob

communem aliquam rationem habentem etiam in inimicis locum exhiberi solent, sint quoque inimicis exhibenda: specialia autem non necessariò exhibenda, nisi in præparatione animi, vt quis scilicet paratus sit etiam illa exhibere, quando casus necessitatis occurrat. Ratio vtriusque est, quia non tenemur magis, aut aliter diligere inimicos, vel eis dilectionis signa exhibere, per se loquendo, quàm generatim alijs quibuscumque proximis: non tenemur autem generatim omnibus hominibus nisi communia dilectionis signa & officia exhibere, præterquam in casibus necessitatis: ergo &c. Dixi per se loquendo, quia per accidens potest contingere, quod magis teneremur inimico exhibere aliquod signum dilectionis, quàm alteri: v. g. ad vitandum scandalum, vt si tales concurrant circumstantiæ quod alij iudicarent nos exercere & fouere inimicitias, & odia ex nostra parte contra aduersarium nostrum, nisi tali vel tali occasione signum aliquod contrarium exhiberemus: aut si existemus id necessarium ad hoc, vt animum nostrum intus ab odio cohibeamus, vel etiam ad placandum inimicum, vt ipse iniustum odiū deponat: nam tunc pro salute ipsius tenebimur illud ex charitate facere, vt docet rectè Caiet. in cap. 5. Matt. ad illa verba: *Esto consentiens aduersario tuo*.

Ex dicta autem doctrinâ inferunt DD. eum qui orat pro communitate, vel qui optat omnibus iustitiam & salutem, non posse ab illâ suâ oratione, aut bonâ apprehensione excipere inimicos suos, si forsitan inter illos aliqui sunt. Item quod oporteat nos salutantem resalutare, adeò vt omisso illius (si non resalutare tunc existimaretur notabilis contemptus, attentata cōditione personarum, locorum, aut aliarum circumstantiarum) foret peccatum mortale eo casu. Similiter eū qui cōstituit benefacere communitati, non posse à suo benefactio excludere inimicos: Ratio est, quia eiusmodi exceptiones secundum prudentem æstimationem sunt signa odij, aut malevolentia: adhuc in corde latentis, & alios ad maius odium excitant: & scandala, ac animorum dissensiones parere solent.

Quod tamen ad beneficia communitati impendenda attinet, si abesse scandalum, posset aliquando saltem pro tempore fieri exceptio ad eorū qui iniquè aduersantur, correctionem, vel etiam ad aliorum exemplum: vt si sit superior qui communitati aliqua beneficia velit impendere, & passim omnibus constat, quod tales vel tales iniquè illum in officio diuexauerint, quæ debuissent meritò venerari, & amari; ac si-

41

ac simul pateat & ab alijs apprehendatur, quod secludat illos non ex rancore & odio, sed ad ipsorum emendationem & aliorum exemplum, ut hi cessent indignè agere cum Superioribus, & alij non imitentur.

42 Quæret aliquis, quando & quousque tenemur inimico iniuriam remittere?

Observandum est, ex iniuriâ aut damno iniquè alicui illato posse tria exoriri: Primum est rancor siue amaritudo, & malevolentia in animo eius cui iniuria inferitur. Secundum, sunt signa eiusmodi amaritudinis in opere externo. Tertium, est actio in foro externo contra iniuriantem ad iniuriæ illatæ vel damni reparationem.

43 Respondetur itaque: Primum statim esse remittendum, siue odium statim esse deponendum: seu potius ab initio nunquâ esse admittendum. Hoc enim significatur in Oratione Dominica, quando oramus: *Dimitte nobis debita nostra, sicut & nos dimittimus debitoribus nostris.* Et docet Christus Matth. 6. *Si autem non dimiseris hominibus, nec pater vester dimittet vobis peccata vestra.* Quod attinet ad secundum, nunquam etiam oportet externa signa odij, ac malevolentiae alteri exhibere, sicut nec odium concipere; sed tamen non est necesse, exhibere specialia signa benevolentiae, aut dilectionis, nisi certis casibus: quando scilicet omisso censeretur indicium, aut quidam effectus latentis malevolentiae, aut reservati odij in animo. Hinc quando is qui offendit, rogat veniam, tenemur sufficienter foris ei declarare, nos aut odium nullum contra eum concepisse, aut certe deposuisse, ac deponere: neque malevolum affectum contra illum velle gerere, aut fouere: quod à nobis requirit Christus Luc. 17. *Si peccaveris in te frater tuus, increpa illum: & si penitentem egeris dimitte illi, & si septies in die peccaverit in te, & septies in die conuersus fuerit ad te, dicens pœnitet me: dimitte illi: & prolixius adhibita parabolâ idem mandat Matth. 18.*

44 Hoc autem aduertendum est, quamuis oporteat foris sufficienter depositi odij dare significationem, quando venia petitur, non tamen eodem modo & iisdem signis hoc circa omnes esse faciendum: alia enim debet filius erga patrem, vel subditus erga dominum exhibere signa tali casu: quàm e contra: spectanda enim est conditio personarum & iniuriarum. Imò neque necesse est, quod offensus, præsertim qui superiores sunt, mox admittant eos ad eandem familiaritatem, quam prius, antequam offenderent, eis exhibere solent: hoc enim ali quando potest vitale esse ad ipsorum cautelam in futurum, & ad aliorum exemplum. Imò etiam ad quandam castigatio-

nem: sicuti Dauid non voluit filium suum Absolon statim admittere ad suum conspectum, quamuis ei culpam remisisset, eique animo esset reconciliatus. 2. Reg. 14. Quod ad tertium attinet, non est absolute necessarium remittere actionem; quam offensus potest licitè secundum iuris ordinem contra iniuriantem instituire: quia potest quilibet ius suum prosequi apud legitimam potestatem: & satisfactionem exigere. Ut patet ex Can. Illic: causa 23. quæst. 4. & Can. Officiâ ibidem quæst. 5. præsertim quando agitur de restitutione famæ, aut externorum bonorum. Non tamen oportet indiscretè premere, ne alter fortassis cum magno suo detrimento cogatur modicum forsitan quid reparare: quia hoc charitati consentaneum non est.

45 Quando verò agitur tantum de vindicatione aut de infusione pœnæ iustæ ob delictum siue iniuriam, vnde nihil utilitatis obuenit parti læsæ, expedit plerumque quod pars læsa condonet, ut magis animum ab omni affectu inimicitiae, & odij expurget: quamuis non idcirco Iudex debeat negligere exercere iustitiam ad comprimendos malos & ad conferuandam publicam quietem & tranquillitatem.

ARTICVLVS X.

Utrum debeamus Angelos ex charitate diligere?

46 **C**ONCLUSIO est affirmatiua: quam docet August. lib. 1. de Doct. Christiana c. 23. & 30. Idque ex eo quod nomine proximi intelligantur etiam Angeli, quando nobis mandatur dilectio proximi, & hoc ex duplici capite: Inprimis, quia rectè proximus dicitur, cui vel præbendum est, vel à quo nobis præbendum est officiū misericordiæ, ut cap. 30. citato exponit Augustinus. Quod autem Angeli præstent nobis officia misericordiæ patet ex cap. 1. ad Heb. ubi dicuntur administratorij Spiritus, qui mittantur in ministerium propter eos qui hæreditatem capiunt salutis: & Luc. 15. dicuntur gaudere super uno peccatore penitentiam agente. Deinde etiam ex alio titulo rectè intelliguntur nostri proximi, quia sunt capaces & participes eiusdem beatitudinis nobiscum, & ad eundem finem ordinati. Vnde Apoc. 19. & 22. Angelus non tantum S. Ioannem, sed & omnes, qui seruant verba libri huius, conseruos suos vocat.

ARTIC.

ARTICVLVS XI.

*Vtrum debeamus dæmones ex
charitate diligere?*

- 47 **R**espondet D. Thomas: Primò, quod dæmones non sunt diligendi secundum vitium siue peccatum, quod dæmonis nomen ingerit. Patet id satis ex dictis suprà artic. 6. & 8. Respondet Secundò, quod etiam secundum naturam non sint ex charitate diligendi amore amicitie tanquam amici. Ratio est, quia non possumus actu absoluto eis velle salutem & beatitudinem, quam amicus amico ex propria ratione amicitie velle solet & debet; quia constat quod iusto & irrevocabili Dei decreto in perpetuum ab illis sint exclusi, & æternis cruciatibus adiudicati. Vnde non possumus illis propter Deum velle ista bona: quia iam Deus non vult illis talia bona: suntque illorum incapaces ex diuinâ sententiâ contra eos latâ. Respondet Tertio, quod tamen tanquã res quædã Dei, sicuti illæ quæ sunt naturæ irration-

alis, possint ex charitate diligì, in quantum scilicet volumus spiritus illos in suo naturali esse conservari ad Dei gloriam, quatenus in ipsis Dei iustitia relucet, quando eorum peccata ita vindicantur.

ARTICVLVS XII.

Vtrum convenienter enumerentur quatuor ex charitate diligenda? scilicet Deus: proximus: corpus nostrum: & nos ipsi?

CONCLUSIO est affirmativa: & habetur ex D. August. lib. 1. de Doct. Christiana cap. 23. & 26. Et constat ex dictis, quia de singulis in particulari demonstratum est, quod ex charitate diligenda sunt. Vnde de illis sic scribit D. Prosper lib. 3. de Vita Contempl. cap. 15. Deus præcipit, ut corpora nostra propter nos, proximum sicut nos, & ipsum pliusquam nos diligere debeamus.

48

QVÆSTIO XXVI.

De Ordine Charitatis.

In tredecim Articulos diuisa.

ARTICVLVS I.

*Vtrum in charitate sit
ordo?*

CONCLUSIO D. Thomæ est affirmativa. Et colligi potest ex Scriptura: Cantic. cap. 2. *Introduxit me Rex in cellam vinariam, ordinavit in me charitatem.* Ex quibus id probat D. Hieronymus in cap. 10. Matth. ad illa verba: *Qui amat patrem aut matrem, pliusquam me, non est me dignus; addens in omni affectu ordinem esse necessarium.* Hinc D. August. lib. 1. de Doct. Christiana cap. 27. ita scribit: Ille autem iustus & sanctus vivit, qui rerum integer æstimator est: ipse est autem, qui ordinatam dilectionem habet: ne aut diligat quod non est diligendum, aut non diligat quod est diligendum: aut amplius diligat, quod est minus diligendum: aut æquè diligat quod vel minus vel amplius est diligendum, &c.

Probatur Secundò ratione: quia multa obijciuntur charitati, quæ non sunt inter se æqualia, & ad quæ non æqualiter se habet ratio formalis obiectiva charitatis: ergo necesse est, ut sit ordo aliquis quo illa ex charitate diligantur.

ARTICVLVS II.

Vtrum Deus sit magis diligendus quam proximus?

Observandum est, communiter à DD. distinguì tres modos quibus vnum magis, quam alterum possit diligì: obiectivè scilicet, appetitiivè seu æstimatoriè, & intensivè. Illud autem dicitur obiectivè magis diligì, cui maius bonum diligimus & volumus, quàm alteri. Appetitiivè verò magis diligitur, quod pliusquam res alia, æstimatur, ita ut si ex pluribus vnum esset deferendum, potius parati simus alia deferere, quam istud. Intensivè verò magis diligitur

diligitur in quod ferimur maiori conatu voluntatis, sic ut entitas huius amoris habeat plures gradus, quàm amoris alterius ad quem comparatur. His præmissis sit

CONCLUSIO Prima: Deus obiectivè, appetitativè, atq; omnino simpliciter loquendo, est magis diligendus, quam proximus: Probatur primò ex Script. Matt. 22. *Diligens Dominum Deum tuum ex toto corde tuo, & in tota anima tua, & in tota mente tua: hoc est maximū & primū mandatū.* & Matt. 10. *Qui amat patrem, aut matrem plusquam me; non est me dignus.* Act. 5. *Obedire oportet Deo magis quàm hominibus: vide Luc. 14. & Act. 4.* Quibus significatur, quod debeamus omne bonū potius velle Deo, quā quibuscūq; alijs: & tali affectu illi adhærere, ut malimus omnes alios relinquere, quā Deo offendere, eiusq; amicitia privari: Hoc autem est magis obiectivè & appetitativè diligere Deum, quā proximum: atq; adeo est simpliciter magis diligere: nemo enim negabit nos illū maximè diligere cui præcipua bona volumus, & tali affectu adhæremus, ut potius omnium aliorum familiaritatis dispendiū, & indignationē simus parati subire, quā aliquid committere, quo ab eius amicitia separemur; ergò &c.

Probatur Secundo, quia Deo essentialiter convenit formalis ratio obiectiva charitatis: proximus autē tantum diligendus propter ordinē ad Deū, aut propter quandam participationem illius bonitatis: ergò Deus est magis diligendus, quā proximus.

CONCLUSIO Secunda: Deus haud dubiè dignus est, qui etiā intensivè magis diligatur, quā proximus. Patet, quia nō potest ab illā creaturā tam perfectè diligi, quin perfectiori dilectione ipse dignus sit: nam *Glorificantes Dominum quantumcumque poteritis, superabebit enim adhibe, ut habetur Eccl. 43.*

CONCLUSIO Tertia: Non tamen peccat contra præceptū charitatis, qui diligit intensiori aliquo actu amoris suæ naturalis, siue supernaturalis proximum, quā Deū, modo obiectivè & appetitativè semper Deū magis amet: Est contra Pet. à Soto de Instr. sacerdot. lect. 15. Vbi rejicit distinctionē dilectionis maioris in maiore appetitativè, & maiore intensivè, quā dicit esse novā, & quā neq; Scriptura, neq; SS. Patres vñ sunt. Accedit, quod D. Th. hac qu. distinguit tantū duos modos diligendi, scilicet obiectivè & intensivè: unde vult Soto omnē maiore dilectionē esse vel intensivè, vel obiectivè maiore. Quandoquidē igitur certū sit, nō sufficere quod Deū magis diligamus obiectivè quā alios (peccator enim potest Deo suum esse, & increata beatitudine velle, quæ sunt summa bona, & interim velle inhærere proprijs cupiditatibus magis Deo) consequitur iuxta opinionē illam, ut oporteat etiam

intensivè magis diligere Deum, quā proximum: Probatur, quia tūc appetitativè magis aliquid diligitur, quando voluntas ei magis adhæret, atqui non videtur magis adhærere, nisi quia magis cobatur, & intensiorem actum circa illud habet; ergò &c.

His non obstantibus Concl. communiter à DD. tenetur, qui similiter etiā loquuntur de cōtritione de peccatis, quod scilicet debeat esse dolor summus appetitativè, nō intensivè. Probatur Primò, quia certum est (quod etiā Pet. à Soto admittit) nō teneri nos ad maximā intensiōnē amoris Dei nobis possibile; neq; ad eam perfectionē quā exercet qui relinquit omnia, ut vni vacet dilectioni: sic enim omnes ad consilia Evangelicā obligarentur, & consilia transirent in præcepta: penam ergo actū divini amoris, quo præcepto satisfiat, esse ut quatuor aut ut 3, & proximum honesto amore naturali aut supernaturali diligi actū intensio ut sex, non apparet sanè ratio, quare eo ipso quod amor honestus, aut charitas abundat in proximum, peccatur contra Deum, præsertim cum per dilectionē erga proximum oporteat proficere in dilectione Dei, quia ut ait S. Ioan. *Qui non diligit fratrem quem videt, quomodo diligit Deum quem non videt?*

Probatur Secundo, explicando quomodo dilectio maior appetitativè & maior intensivè possint esse distinctæ. Ad cuius rei maiorem evidentiam observandum est, duo vel plura obiecta aliquando esse amabilia propter causas eiusdem naturæ, & eodem modo vtriusque applicatas, ac proinde etiam actibus amoris similibus, & eiusdē rationis: & quidē eo casu in talibus nō videntur separari maior appetitatio, & maior intensio amoris: nō enim videtur subesse causa, quare nō dicatur etiā magis appetiari siue estimari quis illū, quē intensius diligit, ubi idē per omnia in utroq; est motiū, & ratio boni ac amandi: Interdū verò rationes amandi plura obiecta esse diversas, vel si sint aliquo modo eadē, tamen diversimodē se habere ad obiecta illa, unde fit quod actus sint quoq; vel omnino diversi specie, aut certe aliquo gradu dignitatis distinguantur. In his autem facile potest consistere appetitatio maior in vno cum minori intensiōnē, & e contra maior intensio cum minori appetitione.

Declaratur, quia fieri potest, quod voluntas per digniorem actum, qui respiciat motiū maioris momenti, adhæreat multo firmitus obiecto, quamvis aliqui hic actus minus sit intensus, quam per actum minus dignum, qui minoris momenti motiū habeat, alteri inhæreat, licet interim hic actus in entitate sua sit intensiori: quod in primis in simili potest ostendi in actibus

ARTICVLVS XI.

*Vtrum debeamus daemones ex
charitate diligere?*

- 47 **R**esponderet D. Thomas: Primò, quod daemones non sunt diligendi secundum vitium siue peccatum, quod daemones nomen ingerit. Patet id satis ex dictis suprà artic. 6. & 8. Responderet Secundò, quod etiam secundum naturam non sint ex charitate diligendi amore amicitie tanquam amici. Ratio est, quia non possumus actu absoluto eis velle salutem & beatitudinem, quam amicus amico ex propria ratione amicitie velle solet & debet, quia constat quod iusto & irrevocabili Dei decreto in perpetuum ab illis sint exclusi, & æternis cruciatibus adiudicati. Vnde non possumus illis propter Deum velle ista bona: quia iam Deus non vult illis talia bona: suntque illorum incapaces ex diuinâ sententiâ contra eos latâ. Responderet Tertiò, quod tamen tanquàm res quedâ Dei, sicuti illæ quæ sunt naturæ irratio-

nalis, possint ex charitate diligì, in quantum scilicet volumus spiritus illos in suo naturali esse conservari ad Dei gloriam, quatenus in ipsis Dei iustitia relucet, quando eorum peccata ita vindicantur.

ARTICVLVS XII.

Vtrum convenienter enumerentur quatuor ex charitate diligenda? scilicet Deus: proximus: corpus nostrum: & nos ipsi?

CONCLUSIO est affirmativa: & habetur ex D. August. lib. 1. de Doct. Christiana cap. 23. & 26. Et constat ex dictis, quia de singulis in particulari demonstratum est, quod ex charitate diligenda sunt. Vnde de illis sic scribit D. Prosper lib. 3. de Vita Contempl. cap. 15. Deus præcipit, ut corpora nostra propter nos, proximum sicut nos, & ipsum plusquam nos diligere debeamus.

QVÆSTIO XXVI.

De Ordine Charitatis.

In tredecim Articulos diuisa.

ARTICVLVS I.

*Vtrum in charitate sit
ordo?*

CONCLUSIO D. Thomæ est affirmativa. Et colligi potest ex Scriptura: Cantic. cap. 2. *Introduxit me Rex in cellam vinariam, ordinavit in me charitatem.* Ex quibus id probat D. Hieronymus in cap. 10. Matth. ad illa verba: *Qui amat patrem aut matrem, plusquam me, non est me dignus;* addens in omni affectu ordinem esse necessarium. Hinc D. August. lib. 1. de Doct. Christiana cap. 27. ita scribit: *Ille autem iuste & sanctè vivit, qui zerum integer æstimator est: ipse est autem, qui ordinatam dilectionem habet: ne aut diligat quod non est diligendum, aut non diligat quod est diligendum: aut amplius diligat, quod est minus diligendum: aut æquè diligat quod vel minus vel amplius est diligendum, &c.*

Probatur Secundò ratione: quia multa obijciuntur charitati, quæ non sunt inter se æqualia, & ad quæ non æqualiter se habet ratio formalis obiectiva charitatis: ergo necesse est, ut sit ordo aliquis quo illa ex charitate diligantur.

ARTICVLVS II.

Vtrum Deus sit magis diligendus quam proximus?

Observandum est, communiter à DD. distingui tres modos quibus vnum magis, quam alterum possit diligì: obiectivè scilicet, appetitivè seu æstimatorivè, & intensivè. Illud autem dicitur obiectivè magis diligì, cui maius bonum diligimus & volumus, quàm alteri. Appetitivè verò magis diligitur, quod pluris quam res alia, æstimatur, ita ut si ex pluribus vnum esset deferendum, potius parati simus alia deferere, quam istud. Intensivè verò magis diligitur

diligitur in quod ferimur maiori conatu voluntatis, sic ut entitas huius amoris habeat plures gradus, quam amoris alterius ad quem comparatur. His præmissis sit

CONCLUSIO Prima: Deus obiectivè, appetitativè, atq; omnino simpliciter loquendo, est magis diligendus, quam proximus: Probatur primò ex Script. Matt. 22. *Diliges Dominum Deum tuum ex toto corde tuo, & in tota anima tua, & in tota mente tua: hoc est maximum & primum mandatum.* & Matt. 10. *Qui amat patrem, aut matrem plusquam me, non est me dignus.* Act. 5. *Obedire oportet Deo magis quam hominibus:* vide Luc. 14. & 4. Act. Quibus significatur, quod debeamus omne bonū potius velle Deo, quā quibuscūq; alijs: & tali affectu illi adhærere, ut malimus omnes alios relinquere, quā Deū offendere, eiusq; amicitia privari: hoc autem est magis obiectivè & appetitativè diligere Deum, quā proximū: atq; adeò est simpliciter magis diligere: nemo enim negabit nos illū maximè diligere cui præcipua bona volumus, & tali affectu adheremus, ut potius omnium aliorum familiaritatis dispendiū, & indignationē simus parati subire, quā aliquid committere, quo ab eius amicitia separemur; ergò &c.

Probatur Secūdò, quia Deo essentialiter convenit formalis ratio, obiectiva charitatis: proximus autē tantum diligendus propter ordinē ad Deū, aut propter quandam participationem illius bonitatis: ergò Deus est magis diligendus, quā proximus.

CONCLUSIO Secunda: Deus haud dubiè dignus est, qui etiā intensivè magis diligatur, quā proximus. Patet, quia nō potest ab ullā creaturā tam perfectè diligi, quin perfectiō dilectionē ipse dignus sit: nam *Glorificantes Dominum quantumcūque potueritis, superabundabit enim adhuc,* ut habetur Eccl. 43.

CONCLUSIO Tertia: Nō tamen peccat cōtra præceptū charitatis, qui diligit intensiori aliquo actū amoris suē naturalis, siue supernaturalis proximum, quā Deū, modo obiectivè & appetitativè semper Deū magis amet: Est contra Pet. à Soto de Instit. sacerdot. lect. 15. Vbi rejicit distinctionē dilectionis maioris in maiore appetitativè, & maiore intensivè, quā dicit esse novā, & quā neq; Scriptura, neq; SS. Patres vti sunt. Accedit, quod D. Th. hac qu. distinguat tantū duos modos diligēdi, scil. obiectivè & intensivè: vnde vult Soto omnē maiore dilectionē esse vel intensivè, vel obiectivè maiore. Quandoquidē igitur certū sit, nō sufficere quod Deū magis diligamus obiectivè quā alios (peccator enim potest Deo suum esse, & increatū beatitudinē velle, quē sunt summa bona, & interim velle inherere proprijs cupiditatibus magis Deo) consequitur iuxta opinionē illam, quod oporteat etiā

intensivè magis diligere Deum, quā proximū: Probatur, quia tūc appetitativè magis aliquid diligitur, quando voluntas ei magis adhæret, atqui nō videtur magis adhærere, nisi quia magis cohatetur, & intensiorem actum circa illud habet; ergò &c.

His nō obstantibus Concl. communiter à DD. tenetur, qui similiter etiā loquuntur de cōtributione de peccatis, quod scil. debeat esse dolor summus appetitativè, nō intensivè. Probatur Primò, quia certum est (quod etiā Pet. à Soto admittit) nō teneri nos ad maximā intensiōē amoris Dei nobis possibile: neq; ad eam perfectiōē quā exercet qui relinquit omnia, ut vni vacet dilectioni: si enim omnes ad consilia Evangelicā obligarentur, & consilia transirent in præcepta: penam ergo actū divini amoris, quo præcepto satiascat, esse ut quatuor aut ut 3, & proximum honesto amore naturali aut supernaturali diligenti actu intensio per se, non apparet sanè ratio, quare eo ipso quo amor honestus, aut charitas abundat in proximum, peccaretur contra Deum, præsertim cum per dilectionē erga proximum oporteat proficere in dilectione Dei, quia ut ait S. Ioan. *Qui nō diligit fratrem quem videt, quomodo diligit Deum quem nō videt?*

Probatur Secūdò, explicando quomodo dilectio maior appetitativè & maior intensivè possint esse distinctæ. Ad cuius rei maiorem evidentiam observandum est, duo vel plura obiecta aliquando esse amabilia propter causas eiusdem naturæ, & eodem modo utriusque applicatas, ac proinde etiam actibus amoris similibus, & eiusdē rationis: & quidē eo casu in talibus nō videntur separari maior appetitativè, & maior intensio amoris: nō enim videtur subesse causa, quare nō dicatur etiā magis appetiari siue estimare quis illū, quē intensius diligit, vbi idē per omnia in vitro; est motiū, & ratio boni ac amandi: Interdū verò rationes amandi plura obiecta esse diversæ, vel si sint aliquo modo eadē, tamen diversimodē se habere ad obiecta illa, unde fit quod actus sint quoq; vel omnino diversi specie, aut certè aliquo gradu dignitatis distinguantur. In his autem facile potest consistere appetitatio maior in vno cum minori intensiōe, & cōtra maior intensio cum minori appetitione.

Declaratur, quia fieri potest, quod voluntas per digniorem actum, qui respiciat motiū maioris momenti, adhæreat multò firmitus obiecto, quamvis aliqui hic actus minus sit intensus, quam per actum minus dignum, qui minoris momenti motiū habeat, alteri inhæreat, licet interim hic actus in entitate sua sit intensior: quod in primis in simili potest ostendi in actibus

intellectus : nam per actum scientificum, licet remissum, inhaeret intellectus firmitus conclusioni, quam per actum opinativum valde intentum : similiter per actum fidei, quamvis remissum, firmitus adhæret articulis fidei, quam per actum scientie intensiorem conclusioni demonstrationis : idque propter diversitatem rationum, quæ movent ad assensum : quia ad illam firmam & constantem adhæSIONEM suæ intellectus, huc voluntatis ad obiectum suum, non facit tantum intentio actus, sed etiam aliarum conditiones : ut motiva perfectiora, aut perfectiori modo ipsi applicata : potest idem etiam in actibus voluntatis iuxta communem apprehensionem, & loquendi modum, satis observari, quia parentes sæpius intensiori amore feruntur in paruulas proles præfentes, quam in maiores abentes quæ virtutibus & alijs dignitatibus præstant, quas tamen longè pluris estimant & magis invitè perderent, quàm minores. Ratione reddit Domin. Soto dist. 17. a. 4. quia intentio actus fit ex vehementia obiecti moventis; obiectum autem sensibile suapte natura vehementius movet voluntatem, quàm spirituale : quoniam voluntas sequitur cognitionem intellectus; intellectus autem in hac vita sumit cognitionem à sensibus, sensibilia autem sunt propinquiora obiecta, quàm spiritualia, quæ abstrahunt à sensu; quo autem obiecta sunt propinquiora, eò vehementius movet; ergo amor sensibili potest esse intensior, quàm spiritualium: supposita autem eiusmodi dist. non videtur superesse ratio dubitandi de conclusione, non magis quàm de eo, quod non peccet contra præceptum fidei, qui actu scientifico intensiori assentitur conclusioni demonstrationis quàm actu fidei adhæreat articulis fidei. Ad obiecta igitur Per. à Soto respondetur, ad Primum, quod licet distinctio illa sub terminis illis non fuerit ita antiquitas in usu, tamè quoad rem satis fuisse vilitatam: nam quando Scriptura dicit, *Qui amat patrem aut matrem plusquam me*, &c. clarè eum habet sensum, quo significetur, vt D. Hieron. annotat, quod si necessitas venerit, vt amor parentum Dei amori comparandus sit, & non possit vterque servari, tunc odium in suos, pietas sit in Deum: & D. Aug. enist. 89. docet eodem sensu plus diligere Christum, quàm divitias qui spem ab his transferunt in ipsum, paratque sit (inquit) quæadmodum parentes, & filios, & fratres, & vxorè, hoc modo & istas relinquere, si talis conditio posita fuerit, vt nisi dimisso Christo eas habere non possit. Quibus tum Hier. tum Aug. totam vim maioris dilectionis Dei plusquam patris, matris, divitiarum &c. ponunt, non in actu vehementiori, seu intensiori, sed in actu tenacioris affectus, vt sic dicam, qui

non ex intensione graduum semper, sed aliunde provenire potest: vt ex sublimiori estimatione in presenti proposito, quàm habemus de illo bono, quod Deus est, supra quàm de alijs quibuscumque bonis habemus, licet voluntas in hæc tamen sensibus aut cognitioni humanæ magis obvia moveatur aliquando vehementiori actu in hæc quàm in illud.

Quod verò attinet ad D. Thome, rectè obferuat Suarez illud nomine intentionis largiùs vti, prout significat conditionem quancumque actus, ratione cuius voluntas magis adhæret obiecto: quæ quidem conditio interdum potest esse intentio gradualis, de qua loquimur ar. 7. 11. & 12. interdum verò potest aliunde provenire, prout loquitur ar. 13. quod hic etiam indicat Bannes quando scribit, quod minima intentio charitatis sit excellentior & magis aquant voluntatè, quàm omnis alia intentio amoris alterius, quia sunt diversæ rationis amores ipsi. Itaque consideranda erit materia de qua hic D. Th. & secundum hoc explicandus: satis autem aperte in suppl. q. 3. a. 1. agnoscit diversitatem, inter actum maiorem intensiùs, & appetitiuè, dum ita scribit. Homo etià bene dispositus quandoque magis in se percipit horrorem præcedentis poenæ, quàm præcedentis culpæ, quamvis magis esset paratus pati eandem poenam, quàm committere eandem culpam: sic tamen, quod appetitiuè magis timeatur culpa quam poena, vt scilicet magis sit paratus subire poenam, quam culpam iterum committere.

Ad probationem itaque in contrarium resp. neg. subf. scilicet quod voluntas nunquam adhæreat firmitus vni quàm alteri, nisi quādo actu intensiori ei adhæret: hoc enim falsum esse ex dictis constat: nam & actu remissiori potest firmitus adhærere vni, quia ex altiori motivo, quàm alteri actu intensiori, cui ex debiliori ratione adhæret.

Sed petes, an quis possit amore charitatis diligere intensiùs proximum, quàm Deum? Ratio dubitandi est, quod quando diligatur proximus ex charitate, debeat diligere propter Deum: unde apparet quod non possit actu charitatis intensiùs diligere, quàm diligatur Deus.

Respondetur nihilominus affirmatiuè scilicet id fieri posse. Et probatur, quia potest seorsim haberi dilectio actualis Dei, quia ille ex charitate diligatur, non autem aqualiter proximus, & e contra potest haberi actualis dilectio proximi, quia hic ex charitate diligatur, non autem aqualiter Deus tanquam scilicet obiectum quod, ergo sicut ista potest esse intensior quàm hæc, ita e contra fieri poterit, quod hæc intensior sit quàm ista. Confirmatur, quia sicuti sunt actus à se independentes in suo esse, ita etiam in

maiori

maiori aut remissiori conatu ipsius potentia circa hunc vel illum.

15 Ad rationē ergo dubitandi responderur; inde ad summum sequi Deum esse diligendum amore perfectiori, qualis est quo appetitiuē magis amatur quam perfectionem rationem quidam vocant maiorem intentionem essentialē, quia ex ratione obiecti desumitur (non autē amore intensiori secundum gradus siue ex parte subiecti: quia intensio actus circa obiectum secundarium non semper ex maiori intentione actus circa primum nascitur, sed potest ex alijs obuenire, vt ex pleniori cognitione eius & maiori facilitate actus, aut in præfenti proposito, ex necessitate proximi. Verum tamen est, quod dum proximus amatur propter Deum, eodem tunc actu etiam amari quodāmodo Deum, & proinde eādem intentione: verū non tanquam obiectum quod, sed vt motiū duntaxat amandi, de qua ratione diligendi Deum iam nō loquimur: sed de illa, quā diligitur obiectū quod actus nostri, quæ rationes amandi Deum sunt multū diuersæ: quia longē perfectior est dilectio Dei, quā illū diligo in se propter suam bonitatem, præ illa, quā illum diligo in proximo: sicut præstantior est honor, quo veneramur Principē in sua persona, quam ille quē defero alicui eius familiarē propter respectum ad ipsum.

16 Altera difficultas mouetur, Virum excessus ille intensiōis in dilectione proximi, possit esse etiam ex charitate, an verō semper sit ex alio motiū. Bannes negat esse ex charitate vel habitu supernaturali, sed prouenire tantum ex viribus nature: vt ex attentione ad rem sensibilem, aut delectatione appetitus sensitiui, qui mouet voluntatē: sicut si quis intensius assentiatur conclusioni quā principijs, quia conclusio ei per sensum sit notior, eiusmodi maior assensus non erit ex assensu principiorum.

17 Responderur tamen verius esse, totum actum etiam secundū gradus illos, quibus excedit actum amoris Dei secundū intensiōē, posse procedere à charitate & auxilijs gratia: sicut enim vsus charitatis est in potestate liberi arbitrij, vt cum illā possit operari aut nō operari, ita nulla subest ratio dicendi, quod non similiter sit in potestate liberi arbitrij, vt eādem remissius aut intensius utatur vno tempore, quā alio; & circa vnū obiectū magis, quā circa alterū, intra limites tamen quantitatis charitatis & auxiliōrū, vt non possit eos excedere. Quare cum sæpius contingat hominem non elicere actum dilectionis Dei tam intensum quā possit ex habitu suo, si extrinsecus cooperaretur, nihil obstat videtur quominus tamē ex charitatis habitu possit totum

actum intensiōē elicere circa proximum. Hoc nihilominus admitti poterit, quod possint concurrere quædam naturalia tanquam conditiones sine quibus non, ad intensiōem illam operationem charitatis: vt ex dictis patet: sed hoc nō impedit, quominus charitas influat in totum actum.

18 Tertia difficultas mouetur, Virum habitus charitatis magis inclinet ad diligendū Deum, quam proximum? Respondeo affirmatiuē: idque obiectiue, tum appetitiuē. Patet, quia charitas ordinata est; atque secundum rectum ordinē debet Deus magis appetitiuē & obiectiue diligī, vt constat ex dictis ad Concl. primam huius arti.

19 Dico Secundū: nō tamē habitus charitatis intensius mouet ad diligendū Deū; quā proximum. Declaratur, quia est simplex habitus & quæ intensus, vt respicit Deū, & proximum; ergo dicendum, quod æquali quasi pōdere moueat potentia ad dilectionem vtriusque, modo tamē vtrique proportionato. Vnde quidā & hoc addunt habitū charitatis nō inclinare ad diligendū Deum intensius, quam proximum amore proportionato, quia habitus, quantum ex se est inclinatur vt potentia agat secundum totā latitudinem ipsius habitus. Quandoquidem ergo habitus sit idem & æquē intensus; quatenus Deum respicit, & quatenus proximum, consequens erit, quod inclinet ad actum amoris æquē intensum circa proximum, ac circa Deum. Confirmatur, quia beati in patria, cum ex tota virtutis perfectione operentur, æqualiter intensē diligunt & Deum & proximum, sed actibus disparibus in perfectione, scilicet Deum super omnia, & proximum, sicut seipsum;

ARTICVLVS III.

Utrum homo debeat ex charitate plus Deum quam seipsum diligere?

20 CONCLUSIO est affirm. & certa de fide: Constat ex Scripturis: Luc. 9. Si quis vult post me venire, abneget semetipsum, & tollat crucem suam quotidie, & sequatur me, qui enim voluerit animam suam saluā facere, perdet illam: Luc. 14. Si quis venit ad me, & non odit patrem suum, & matrem suā, &c. adhuc autem & animam suam, non potest meus esse discipulus: Similia habentur Marc. 8. & Matth. 10. neque ea de re potest esse difficultas.

21 Sed cōtrouertitur, Virum homo etiam naturalem habeat inclinationem ad magis diligendū Deum quam seipsum: Quidā sentiunt, vt refert Dur. in 3. dist. 29. quod naturaliter homo magis diligit seipsum, quam Deum: sed quod per charitatem ele-

uetur ad diligendum Deum plusquam seipsum, inter quos sunt Bonau. & Gab. in 3. dist. 29. iam citatâ, vbi & Gab. addit, in hoc gratiâ repugnare naturæ, quod per gratiâ homo plus diligit Deum, quàm seipsum.

- 22 Sed communis & vera sententia est, quâ D. Tho. hic, & in 3. dist. 29. ibidem Scotus & Dur. sequuntur, quod non tantum charitas eleuet & inclinet, sed quod etiam homo naturali pondere voluntatis moueatur ad diligendum Deum amore naturali scilicet, plusquam seipsum. Et probari potest primò: quia si homo sit naturaliter inclinatus vt plus seipsum diligit, quàm Deum, ergo Deus author esset vitiosæ inclinationis. Probat, quia omnem inclinationem naturalē rebus indidit author naturæ qui Deus est: quod verò ista vitiosa sit, probari potest: quia vitiosus est diligere se propter se, & non propter illum quo fruendū est, vt docet Aug. lib. 1. de Doct. Christiana c. 22. Quia, inquit, nec seipsum debet quisquā propter seipsum diligere, sed propter illum quo fruendum: si autem se propter se diligit, non se refert ad Deum: sed ad seipsum conuersus, non ad incommutabile aliquid conuertitur, & propterea cum de se & aliquo, inquit, se fruitur. Quod tamen locum habet in ordine naturali, quando consideratur Deus vt naturalis finis hominis, quàm in ordine supernaturali: nulla enim apparet diuersitatis ratio: secundum vtrumque enim Deus est finis & vltimū bonum hominis: atqui qui diligit se plusquā Deū, diligit se propter se; ergo inclinatio ad eiusmodi dilectionem vitiosa est, sicut & ipsa dilectio inordinata & vitiosa est.

- 23 Probat, Secundò, quia bonum vniuscuiusque comparatur ad bonum diuinum, sicut bonum partis ad bonū totius; sed pars plus amat bonum totius, quàm suum bonū particulare: quod constat tam in naturalibus, quàm politicis: nam v.g. & manus naturaliter exponit se pro conseruatione totius corporis, & ciuis exponit se pro conseruatione Reip. & communitalis; ergo naturaliter debet etiam quilibet magis diligit Deum & bonum eius, quàm se & suum bonum particulare.

- 24 Dicit aliquis: quod non videatur subsistere paritas, eoquod in toto naturali contineatur pars formaliter, secundū, quod est in propria natura, & in salute totius proinde salutis partis, & similiter in communitate contineatur Ciuis eiusque; bonum; non autē ita contineatur quilibet in Deo, eiusque bono: & ideo dici poterit, quod pars non exponat se, sed quod totum exponat ipsam partem; ergo &c.

Respondetur Primò, sufficienter hic subsistere paritatē, vt argumentum proce-

dat: quia licet in bono diuino non contineatur formaliter Esse, & bonum vniuscuiusque particularis, sicut in alijs allegatis; tamen in eo est conuenientia, vt sicut bonum partis pendet à toto, ita quod eo corrupto etiam bonū partis intereat, ita quodque bonum & Esse totius creaturæ à Deo pendeat, vt nec in se, nec in suo simili, nec in aliqua causa superesse possit sine illo.

Ad alterum itaq; dicendum est, non id provenire tantum ex imperio totius, sed etiam ex naturali appetitu partis: quia parti melius est quod secundum aliquid supersit, scilicet secundum reliquum suppositum cuius est pars, quàm nullo modo, quod accideret, si totum intereat.

Respondetur Secundò: quod pars exponat se pro toto, non id referendū esse, eò quod sic intendat bonum suum proprium, nam manifeste se exponit periculo interitus; sed hoc fieri, quia est propter totum, non è cōtra. Vnde rectè D. Th. hic ad secundum dicit, quod pars diligit bonum totius, vt sibi quiddē conueniens, non tamen ita, quod bonū totius ad se referat, sed potius, quod seipsam referat in bonitatem totius. Hinc Dur. loco cit. dicit, quod si pars haberet propriam electionē, deberet magis diligere bonum totius, quàm seipsam. Quæ tamen intelligas de parte, quæ per se & quasi essentialiter est pars, & ordinata ad tale totum, & sic etiam procedit argumentū formatum: quia homo, & omnis creatura per se est propter Deum tanquam finem, & ad eum ordinata: proindeque debet illum magis quam se diligere.

Probat, Tertiò, quia gratia perficit naturam, non autē destruit; ergo dicendū non est, quod aliqua naturalis inclinatio sit contraria charitati aut gratiæ: illa enim foret per gratiam destruenda.

Dices: defectus naturæ sunt per gratiam sanandi & tollendi; ergo &c. Respondetur si inclinationem illam ad se diligendum plusquam Deum uelint reponere inter defectus & vitia naturæ, iam non debebit dici naturalis, sed potius contra naturam: & inclinatio opposita verè dicēda erit naturalis. Quod si eo sensu aliqui loquuntur, vt potest videri loqui Bon. tum non apparbit multum differentiæ, nisi in modo loquendi, ab ijs qui aliter sentiunt.

ARTICVLVS IV.

Vtrum homo ex charitate magis debeat diligere seipsum quam proximum?

VT plenius explicetur & intelligatur hic articulus:

Obser-

17 Observandum est: alia esse bona corporis, alia bona animæ: inter bona autem animæ, quædam esse absolute necessaria ad hominis amicitiam cum Deo: alia verò non esse absolute necessaria; quamvis homini sint convenientia & utilia. Prioris generis sunt fides, spes, charitas, iustitia, observatio mandatorum Dei. Posterioris autem generis iterum sunt duplicia, quædam enim sunt talia, ut licet ad amicitiam cum Deo non sint simpliciter necessaria, tamen augent eam & faciunt hominem Deo gratiorem: ut incrementum charitatis & aliarum virtutum, item observantia consiliorum Evangelicorum, & similia opera supererogationis: alia verò sunt, etiam bona quædam spiritualia, quæ neque sunt necessaria, neque per se faciunt hominem Deo gratiorem; sed magis serviunt aliorum utilitati: eiusmodi sunt gratiæ, quas vocant gratis datas: ut donum linguarum, donum prophetiæ, gratia sanitatum, &c. His præmissis sit

18 **CONCLUSIO PRIMA:** Tenetur homo absolute seipsum magis diligere in bonis animæ necessariis ad divinam amicitiam, quam proximum in iisdem; vel alijs quibilibet: ita ut oporteat aliorum quævis mala facia, & damnationem potius permittere, quàm unum peccatum mortale in nobis admittere: & proinde simpliciter loquendo, tenetur homo magis seipsum diligere quam proximum. Est communis DD. & certa. Probatur primò ex Scripturis Matth. 16. *Quid enim prodest homini, si mundum universum lucretur, anima vero sua detrimentum patiatur, aut quam dabit homo commutationem pro anima sua?* vnde Apostolus 1. ad Cor. 9. *Castigo corpus meum, & in servitutem redigo: ne forte cum alijs prædicaverim, ipse reprobus efficiar.* Matt. 18. *Si manus tua, vel pes tuus scandalizat te, abscinde eum, & proice abs te, &c.* Et si oculus tuus scandalizat te, erue eum, &c. Ad quæ verba D. Hier. ita scribit, Igitur omnis truncatur affectus, & universa propinquitas amputatur: ne per occasionem pietatis unusquisque credentium scandalis pateat: & paulò infra: Melius est, ut propinquitatem & emolumentis careas carnalibus, quàm dum vis lucrifacere cognatos, & necessarios, causas habere ruinarum. Ad Rom. 3. docet Apostolus eorum qui dicunt, *Faciamus mala ut eveniant bona, dānationem iustam esse:* & D. Aug. lib. cont. Mendaciū ostendit, Nunquam, etiam propter proximi utilitatem, esse mentendum.

19 Probatur Secundò ratione, quia amor quo nosipsum diligimus, debet esse regula diligendi proximum, quod significavit Christus Matr. 12. quando dixit, *Diliges proximum tuum sicut teipsum:* hinc Aug. lib. 1. de Civit.

cap. 20. Dilector, inquit, regulā diligendi proximum a seipso accepit; non potest ergo amor in proximum esse maior, quam in nosipsum, ne regulam excedat, quam debet imitari: ut scilicet quemadmodum quisque sibi bona ad divinam amicitiam necessaria vult, & nihil mali; similiter se erga proximum habeat, sic tamen, quod semper primo velit sibi, ut amor quo se amat ex parte obiecti, possit dirigere dilectione erga proximum. Vnde rectè D. Aug. Enchr. c. 76. Qui autem vult eleemosynam ordinatè dare, à seipso debet incipere, & eam sibi primum dare: est enim eleemosyna opus misericordie, verisimileque dictum est, inquit, *Miserere anime tue placens Deo, &c.*

Probatur Tertiò, quia implicare videtur, quod aliquis diligeret amplius proximum, quàm seipsum in bonis necessariis ad divinam amicitiam: quia hoc esset ex Dei amore ipsum Deum offendere; & eius amicitiam negligere & contemnere; atque adeo esset magis diligere proximum, quàm ipsum Deum; quia est divinam indignationem prouocare, ut proximo bene sit, nullo igitur modo id fieri debet aut potest.

Sed contra obijciunt Exod. 32. sic loquitur Moyses ad Dominum, *Aus dimitte eum hanc noxam, aut si non facis, dele me de libro tuo quem scripsisti.* Item Apost. ad Rom. 9. *Optabam enim ego ipse anathema esse à Christo pro fratribus meis;* ergo licet magis amare proximum quàm seipsum, etiā in bonis necessariis ad Dei amicitiam: non enim illi, dum sic loquerentur & vellent, censeri debent peccasse: prior autem pro fratribus optabat delecti de libro vitæ seu electorum, ut appareat, & alter repudiari à Christo.

Resp. N. C. Sunt autem diversæ expositiones istorum locorum; tum Moysis, tum Apostoli, ut videre est apud Sixt. Senesem lib. 2. Bibliotheca Sæc. verbo, Liber vitæ, Quidam existimant tam Moysen, quàm Paulū voluisse tantum exponere, & quasi prodigere vitam temporalem pro fratribus, quod haud dubiè licitū est. Et ne videatur nimis huic sensui ob stare, quod Apostolus dicat, *Optabam esse anathema à Christo;* cum per mortem temporalem quis à Christo non separatur, sed magis coniungatur (cupiebat enim Apostolus dissolui, & sic esse cū Christo) dicunt istud, *à Christo,* positum more Hebræico pro eo quod est, *propter Christum,* quemadmodum, autem Pl. 118. dicitur, *à mandatu tuo,* id est, propter mandata tua intellexi, & Pl. 106. posuit, &c. terram fructiferam in salsuginem a malitia inhabitantium in ea; id est, propter illorum malitiā. Et rursum, ne sit difficultas de libro scripto à Domino, quasi ille non possit intelligi alius, quā liber prædestinationis, addunt

Bb iij quod

quod sicut duplex est vita hominis, scilicet temporalis vita corporis, & æterna animæ, sic quoque duplicem librum à Domino scriptum posse distinguere: Moysen autem loqui de libro in quo Deus intelligitur scribere omnes qui ingrediuntur in hanc mortalem vitam suis certis terminis circumscriptam, non autem de libro prædestinationis siue electorum: ita videntur verba Moysis & S. Pauli accepisse Greg. & D. Hier. in epistola ad Algam quæst. 9. & in cap. 14. Zachariæ.

13 Alij verò accipiunt dictum Moysis de libro electorū, non tamen ita intelligunt, quasi Moyses absolute voluerit deleri de libro illo pro salute populi sui, sed vt hoc loquendi modo, maximum desiderij & affectum erga populum suum, eiusque salutem exprimeret, efficaciusque quod petebat à Domino consequeretur, vtens ad hoc quadam summā confidentiā de Dei erga se amore & benevolentia. Quæadmodum si amicus ex confidentia amicitie diceret alteri amico, aut huic misero pro quo rogo ignosceas, aut me deleas ex albo amicorū tuorum: cum enim nouerit alterū hoc nullo modo absque alia causa facturum, plurimum tali ratione eum vrget ad concedendum quod petit: ita D. Aug. qu. 147. in Exodum, à quo non videtur recedere Lyranus & Tostatus, qui dicunt esse sermonē hyperbolicū: neq; enim potuit simpliciter ex animo voluisse illud propter eiusmodi finem, cum nullatenus esset medium ad eum conueniens aut ordinatum.

14 Similiter quoad verba Pauli, dicit Estius in Comment. loci, maxime sibi probari eorum expositionem, qui hunc sensum faciunt, *Optarem enim ego ipse*, si liceret scilicet, & si fieri posset, ac foret conueniens medium, *Esse anathema à Christo*, id est, separatus & alienus à Christo *pro fratribus meis*, Iudæis. Quam dicit esse sententiam D. Chrys. Theoph. Oecumenij & aliorū: vtraque autem expositio tam prima quam secunda probabilis est. Secundum neutram vero ex dictis istorum SS. Moysis & Pauli aliquid sequitur contrarium nostræ conclusioni, vt per se satis euident est.

15 Objicitur Secundo: Caritas nostra est quædam increata charitatis, quæ Deus est, participatio; sed Deus magis diligit meliores; ergo etiam caritas quæ in nobis est, inclinabit vt diligamus meliores magis, quam nosmetipsos. Pro resolutione

Notandum ex D. August. Ench. cap. 101. non conuenire, vt eadem semper velit homo, quæ Deus vult. Respondetur itaque vt caritas nostra ordinata sit, debet sequi non tam ordinem quo Deus diligit, quam quo vult nos diligere: & quia in pri-

mis vult, vt quilibet diligat ipsum super omnia, inde necessariò conficitur, quod etiam proximè velit quemlibet in necessarijs ad vilius amicitiam, diligere magis seipsum, quam proximum, quia alioquin ipse ab amore Dei recederet.

Sed quæret aliquis: Vtrum debeamus etiam magis nosipsum diligere, quā Christum Dominum vt homo est, secundum quam rationem potest dici proximus noster: vt videtur posse colligi ex parabola de Samaritano.

Respondetur, si Christus consideretur præcise vt proximus ratione communis nostræ naturæ, non apparere quod oporteat eatenus magis amare, quam nosipsum; sed si consideretur tanquam vniuersalis causa meritoria salutis nostræ, & omnium bonorum spiritualium, quæ humano generi conferuntur, ita vt ab ipso in fieri & conservari dependeat, sic debere nos tanquam eiusmodi principium & causam efficientem charitatis nostræ, & omnium nostrarum virtutum, magis diligere, quam nosipsum vt subiectum charitatis & virtutum: ita vt si alterutrum foret necessarium, quod vel Christi dissolueretur, vel nos in nihilum abiremus, potius deberemus præoptare nostrum interitum, quam interitum & dissolutionem Christi Domini: quia caritas Dei in nobis, & participatio diuinæ beatitudinis à Christo, tanquam principio vniuersali debent provenire. Quare sicut Deus, vt habet D. Tho. art. 2. sup. quia causa est beatitudinis, super omnia diligitur, ita quoque Christus Dominus, tanquam communicans etiā vt homo in hac vniuersali causalitate, debet à nobis diligi supra nos: in reliquis autem sanctis hoc non ita locum habet. Ita fere Bannes circa hunc articulum: tamen quoad alios sanctos, v. g. quoad B. Virginem meritò diligimus eam magis obiectiue, quatenus maiora bona illi volumus, quā nobis ipsis: quia ei maiora bona decreta certo cognouimus.

Quæret Secundo, an potius oporteret in nobis admittere peccatum mortale, quā tolerare siue permittere dissolutionem Christi hominis vt homo est, & causa meritoria salutis nostræ, & omnium bonorum spiritualium?

Respondetur in primis, non posse peccatum nostrum vllatenus esse medium ad impediendam dissolutionem Christi, & proinde frustra id inquiri: si tamen eiusmodi casus fingatur, dicendum videbitur, quod caritas magis nos inclinaret ad permittendam dissolutionem Christi Domini, etsi quoque consequenter caritas & aliæ virtutes (sed absque peccato meo) desinere-

finerent, quàm vt ego Deum peccato mortali offenderem, quia charitas per se primo vult subiectum suum Deo per amorem beneuolentiæ esse unitum, nihilq; potest magis ei contrariari quatenus in me est, quàm quod ego Deum offendam, & eum abiiciendo, tumul me ab illo separem.

38 **CONCLUSIO** Secunda: Non inclinat etiam charitas ad committendum aliquod peccatum veniale pro spirituali salute proximi curandâ, vel pro eius aliquo peccato auertendo. Colligitur ex D. Aug. qui lib. de Mendacio ponit octo modos siue genera mendaciorum, & nequidem septimum vel octauum, quæ dicit leuissima, vult esse committendum siue pro salute proximi, siue etiam pro pudicitia corporali tuendâ, vt videre est cap. 19. & 21. Ratio autem reddi potest (quam etiam August. insinuat) quia peccatum, licet veniale, non est medium ordinatum curandæ salutis propriæ, vel etiam impediendi peccati grauioris in nobis, & proinde nec in alijs: proximus autem diligendus est sicut nobis: & charitas debet esse ordinata.

39 **CONCLUSIO** Tertia: Licitum est, imò fieri potest, quod aliquando ex charitate obligemur versari in aliquo honesto vitæ genere pro spirituali salute proximi, quamuis probabile sit nos in eo facturos maiorem progressum in charitate: quemadmodum & licitum est velle dilationem gloriæ celestis propter necessitatem vel utilitatem aliorum.

Probatur prima pars, scilicet quod licitum sit sic versari aliquando in tali statu vitæ, quia non tenetur homo semper conari ad summum incrementum charitatis: neque enim omnes tenentur amplecti consilia Evangelica, & abijcere omnia quæ quocumque modo sunt impeditiua maioris profectus in charitate; ergo dubium esse non potest, quin liceat ista omittere, vel hæc detinere eo intuitu, vt magis quis proficiat salutem proximorum.

40 Probatur Secunda pars, scilicet fieri posse, vt aliquando ad id obligemur. Nam propter corporalem necessitatem parentum potest fieri, quod filius prohibeatur ingredi religionem, si nimirum absq; eius ope non possint sustentari, vt docet expressè D. Tho. inf. quæst. 101. art. 4. ad 4. & reijcit sententiam eorum, qui dicebant filios posse eo casu deserere parentes, & curam eorum committere Deo: quia inquit, hoc esset tentare Deum, cum habens ex humano consilio quid areret, periculo parentes exponeret sub spe diuini auxilij; ergo fieri potest, quod similiter quis ex charitate obligetur non amplecti

eiusmodi statum aliquem, propter spirituales necessitates proximorum.

41 Tertia pars colligitur ex Apostola ad Philipp. cap. 1. *Coartor autem est duobus: desiderium habens dissolui, & esse cum Christo, multo magis melius: permanere autem in carne; necessarium propter vos. Et hoc confidens scio, quia manebo, & permanebo omnibus vobis, ad profectum vestrum, & gaudium fidei.* Dixi autem in conclusione, in honesto vitæ genere, quamuis probabile sit quod in alio genere faceret maiorem profectum in charitate; non autem quod in aliquo quod per se excluderet absolutè maiore aut parem profectum: quia sicut charitas nunquam inclinatur, & multò minus nunquam obligat, vt ipsum detrimentum eius per se appetamus pro salute proximi (neque enim potest hoc etiam esse medium conueniens ad ordinatum) ita nec videbitur nunquam inclinare aut obligare ad aliquod genus vitæ, quod absolutè per se, & ex necessitate habeat detrimentum charitatis coniunctum: sed sunt status vitæ honesti, qui licet probabilius secum adferant minorem profectum propter diuersas occasiones occurrentes, non tamen absolutè excludunt maiorem profectum, quin imò habent aliquas opportunitates exercendi singulares actus charitatis, & in charitate proficiendi, quâuis propter humanæ mentis inconstantiam & fragilitatem, non ita natum sit contingere, quod homo in ijs propter plura negotia externa animum distrahentia, proficiat tantum, quantum in alio statu ab externis omnibus magis abstracto.

42 **CONCLUSIO** Quarta: In bonis illis spiritualibus siue internis quæ non faciunt hominem Deo gratiorem, non debet homo magis seipsum diligere, quàm proximum in alijs quæ ad salutem eius pertinent. Probari potest primò ex illo Proverb. cap. 12. *Qui negligit damnum propter amicum, iustus est:* quod rectè capi potest, non tantum de damnis in bonis externis aut corporis, sed etiam de damno in bonis animæ quæ per se non faciunt ad maiorem cum Deo amicitiam: v. g. de damno in doctrina etiam sacra, in gratijs gratis datis, in internis animi recreationibus, aut suauitatibus spiritus, quæ in abstractione à negotijs magis percipiuntur.

43 Confirmatur: Quia charitas principaliter inclinatur habentem, vt velit & faciat, quæ Deo magis sunt placita; atqui hoc Deo magis placitum est, vt inprimis nobis ei amore amicitia inhaereamus, & secundò, vt quantum possumus præstemus, quatenus & alij quoque simili amore illi coniungantur; ergò inclinatur vt etiam in bonis illis animæ, quæ non efficiunt

h b iij Deo

Deo gratiores, sustineamus damnum pro proximo, ut ille Deo amore charitatis inhæreat: non enim querit charitas quæ sua sunt, ut scilicet bona propria siue corporis, siue animæ, quæ ab Dei amicitiam non faciunt, anteponat ijs quæ sunt Iesv Christi, v. g. ædificationi & profectui proximorum in charitate.

ARTICVLVS V.

Vtrum homo debeat magis diligere proximum; quam corpus proprium?

44 **C**ONCLUSIO Prima: Si proximus sit in extremâ necessitate spirituali, tenemur ei cum periculo vitæ corporalis succurrere. Ita communiter tradunt DD. in 3. circa dist. 27. aut 29. & indicat hic D. Tho. ad 2. & clarius docet Opusculo 18. cap. 14. Probatur ex Scripturis: 1. Ioannis 3. *Ei nos debemus pro fratribus animas ponere*: & cap. 15. in Evangelio: *Hoc est preceptum meum, ut diligatis invicem, sicut dilexisti*: atqui ille pro nobis mortuus est. Matt. 22. *Diliges proximum tuum, sicut te ipsum*; atqui debemus corpus exponere pro salute animæ propriæ. Hinc D. August. lib. de Mendacio c. 6. Temporalem vitam suam pro æternâ vitâ proximi non dubitavit Christianus amittere: & lib. 1. de Doctr. Christiana cap. 27. Amplius, inquit, alius hominem diligendus est, quàm corpus nostrum: quia propter Deum (inquit) omnia ista diligenda sunt: ergo ad minus in casu quo versabitur in extremo periculo salus proximi, oportebit vitam pro illo exponere.

45 **Q**uæres: Quando debeat censeri proximus esse in extremâ necessitate spirituali, præsertim in ordine ad te? Respondetur, si manifestè obferues ei certò instare perpetuam damnationem, nisi modò iuuetur in ijs quæ sunt salutis: & advertas simul eum non ab alio adiuvandum, etsi potiori obligatione ad illud teneatur, ac præterea quod apparentia nō sit eum proprijs actibus aut motibus ad Deum & ad iustitiam convertendum: v. g. si infans non baptizatus iaceat iam moriturus in ædibus gravi contagio infectis, quas omnes fugiunt, censetur infans esse in extremâ necessitate spirituali in ordine ad te, si formâ baptismi noveris, nec sit apparentia de alio qui illi succurrat.

46 **N**otant autem DD. quod non censentur versari in extremâ necessitate spirituali, qui per puram malitiam se exponunt

certo periculo damnationis, ut qui vadunt ad bellum iniustum contra Catholicos, aut ad duellum. Si quis tamen ex quâdam infirmitate animi seipsum sic coniecturus in æternam damnationem, oportebit etiam tali succurrere, v. si quis ex diabolica suggestione, aut pusillanimitate, aut desperatione tentet seipsum interire, tenebimur etiam cum vitæ periculo ei succurrere; ut factum tale impediamus, & cum in spem meliorem erigamus; modò tamen periculum illud vitæ nostræ ipse nobis non causet: quia tunc videretur agere per puram malitiam.

CONCLUSIO Secunda: In gravi necessitate spirituali, quamvis non extremâ, licet unicuique privato succurrere proximo cum propriæ vitæ periculo: non tamē ad id tenetur nisi forsitan tota aliqua communitas versaretur in tali necessitate, vel esset quis specialiter ex officio obligatus.

48 **P**robatur Prima pars ex illis Christi verbis apud Ioan. c. 15. *Maiorem hac dilectionē nemo habet, quā v. animam suam quis ponat pro amicis*. Vnde DD. colligunt, quod possumus etiā succurrere proximo existenti in extremâ necessitate vitæ corporalis cum periculo vitæ nostræ propriæ: quod & docet D. Hieron. in cap. 5. Micheæ, & plures alij Patres: non quidem quasi maioris æstimaremus vitam alterius, quā propriā (hoc enim nec rationi consentaneum est; nec laude esset dignum), sed quod plaris æstimemus, magisque optemus nobis honestatem amicitiae, quā vitam corporis; ut explicat D. Thomas in 3. dist. 29. quæ unica art. 5. Quod si autem liceat succurrere proximo in necessitate vitæ corporalis cum periculo vitæ nostræ: ergo multo magis hoc licebit in necessitate gravi spirituali, quamvis omnino extrema non sit. Notat tamen DD. in utroque opus esse prudentiā: in hoc quidem, ut quis conferat certitudinem aut magnitudinem periculi de vitâ suâ cū certitudine vel magnitudine spei de salute proximi per expositionē vitæ suæ, procurandā, ne forsitan exponat vitā certissimo periculo vbi nulla vel exigua spes est, quod vel sic proximum ab illa necessitate spirituali poterit liberare: hoc enim pertineret ad quandam istius generis prodigalitatē, neque satis convenit cum charitate, quatenus illa se extendit ad dilectionem proprii corporis.

49 **I**n altero autem, dum quis pro corporali vitâ amici se exponit, hic insuper considerandum erit: Vtrum moriendo conferret bonum notabiliter & evidenter maius bono vitæ propriæ, cuius dispendium facit, eo considerato non tantum ut in se est, sed etiam secundum sua adiuncta. Vnde

si vitæ

si vita tua sit magis Reip. necessaria quam amici, non poteris pro vita eius exponere tuam. Item si proles habeas quibus expediat tam ad alimentum, quam ad bonam instructionem, aut ad alterutrum quod superfluum remaneas: rursus si ambigas, utrum in statu salutis constitutus sis: quia maius bonum est seruire Reip. curare familiam & proles, quæ opera tua indigent, procurare sibi statum salutis, quam sit bonum humanæ amicitie moralis. Vnde ulterius potest colligi, raro accidere quod Christianus prudenter agat, si pro sola morali honestate humanæ amicitie moriatur pro amico: frequentius autem & certius continget prudenter id fieri, quando mors simul appetitur propter bonum charitatis & spirituales salutem proximi, quæ pendet ex vita eius temporali.

50 Sed oppones: Author libri de amicitia Diuo August. ad Scripti, cap. 10. docet diuinam auctoritatem sanxisse, ut etiam vitam corporis pro amico ponamus; ergo est præcepti.

Respondetur Primò, Librum illum non magnæ esse auctoritatis. Secundò, aliud esse pro fratre vel amico mori, quam mori pro vita eius temporali: nam istud fere intelligitur de vita eius principali, quæ est animæ: homo enim secundum illud dici intelligitur, quod in eo principale est, ut rectè annotauit D. Thomas sup. Hoc autem aliquando præcepti esse, ut vitam corporis pro vita animæ proximorum exponamus, iam antè dictum est.

51 Probat Secunda pars concl. quandoquidè enim nō sit extrema necessitas, ut supponitur, possumus sperare aliter proximi salutem curandam aut promouendam absque tanto nostro periculo: & proinde licet vitam nostram illius salutis curandæ non impendamus, non idcirco censebimur pluris vitam nostram æstimare, quam spirituales salutem proximi; utpote quæ aliter haberi potest.

52 Addidi in conclusione: Nisi forte tota aliqua communitas versaretur in eiusmodi graui spiritali necessitate, quia ubi sic se habet communitas, ibi moraliter certum est, multos particulares jesse in necessitate extrema, quibus cum vitæ periculo oportet succurrere: Deinde etiam talis necessitas plurimum videtur præponderare supra bonum vitæ propriæ.

Addidi Secundò: Vel nisi peculiariter ex officio essemus obligati, quia iuxta communem DD. sententiam, qui ex suscepto munere habent curam animarum, aliter ad curandam salutem subditorum tenentur, quam quilibet alij ad salutem proximi: de quibus Sapiens dixit, Mandauit

Deus unicuique de proximo suo: ut alibi latius solet explicari.

ARTICVLVS VI.

Vtrum vnus proximus sit magis diligendus quam alius?

CONCLUSIO D. Tho. est: Tam secundum internum affectum, quam secundum externum effectum oportet diligere magis vnum proximorum, quam alterum. Probat, quia debet maior esse dilectionis affectus erga diligibile secundum maiorem eius propinquitatem ad principium dilectionis, hoc enim naturis rerum est consentaneum, quare cum duplex sit dilectionis principium, scilicet Deus, & ipse homo diligens, efficitur quod proximus ille qui vel Deo, vel nobis est coniunctior, sit magis diligendus quam alter qui remotior est. Confirmatur ex Apostolo ad Gal. 6. *Dum tempus habemus, operemur bonum ad omnes, maxime autem, inquit, ad domesticos fidei.*

54 Sed contra obijcitur ex August. lib. 1. de Doct. Christiana c. 28. ubi sic scribit. Omnes homines æquè diligendi sunt, sed cum omnibus prodesse non possis, his potissimum consulendum est, qui pro locorum & temporum, vel quarumlibet rerum opportunitatibus conficiunt tibi, quasi quadam sorte, iunguntur; ergo in animo debet esse par dilectio erga omnes, quamuis non sit par in exhibitione operis.

Respondetur Neg. Conseq. Quod autem ad verba August. attinet possunt ea dupliciter exponi: vno modo, quod omnes æquè sint diligendi eatenus scil. quod idè bonum in cōmuni, quod Deus est, oporteat omnibus velle; non autem quod diligendi sint æquali affectu secundum intensionem vel æstimationem. Secundò, quod omnes homines æquè sint diligendi eatenus, quod nullus debeat ab affectu amoris & beneuolentie excipi; non autem quod omnes æqualiter actu vel æquali actu sint diligendi. Vnde etiam contingit, ut locum habeat id quod addit: scilicet, ut cū omnibus prodesse quis non possit, his potissimum consulendum sit, &c. Vtramque explicationem indicat hic D. Tho: posterior autem videtur magis ad mentem & propositum Augustini.

ARTIC.

ARTICVLVS VII.

Utrum magis debeamus diligere meliores, quam nobis coniunctiores?

55 **D**ecuit iam D. Thomas ordine quodam, & non æqualiter proximos omnes diligendos. Nunc incipit inquirere: quis ordo seruandus sit in eorum dilectione?

CONCLUSIO Prima: Meliores debemus magis diligere obiectiue, quam nobis coniunctiores, hætenus quod illis secundum præsentem iustitiæ statum in quo sunt, debeamus velle maiorem gloriam & beatitudinem, quam alijs minus bonis licet nobis coniunctioribus secundum præsentem ipsorum statum. Est D. Tho. & communis. Pater, ad charitatem enim pertinet approbare & collaudare diuinam iustitiam, & se illi conformare, secundum quam meliores & qui plus meriti sunt, debent reportare maius bonum & præmium.

56 **CONCLUSIO** Secunda: Nobis tamē coniunctiores diligimus magis intensiue. Est etiam D. Thomæ, quia intensio motus pendet à principio agente, quod vehementius natum est influere in sibi coniunctiora, quā in remotiora, & ideo affectu intensiori diligit homo sibi propinquiores, ad bonum illud ad quod omnes diligit, scilicet ad beatitudinem in communi, quam diligit meliores ad illud maius bonum, siue ad maiorem illam beatitudinem, quam eis pro præsentem eorum statum potius vult, quam propinquioribus sibi.

57 **CONCLUSIO** Tertia: Possumus etiam secundum appretiationem magis digere nobis coniunctiores, quam meliores. Declaratur, quia in primis possumus magis optare, ut ipsi non peccent, ut à salute non excidant, quam ne id contingat melioribus: vnde etiam oritur ordo subuentionis & curæ spiritualis in operis exhibitione, ut scilicet quis debeat magis curare salutem filiorum, aut parentum, quam extraneorum, licet hi meliores sint. Præterea quædam in via ambulamus possumus etiam nobis coniunctioribus velle maiorem charitatem & iustitiam, & sic mediatur quoque illis velle maiorem beatitudinem & gloriam: hoc enim statui huius viæ consentaneum est, vbi iustorum semita, quasi lux splendens procedit, & crescit vsque ad perfectum diem.

58 **CONCLUSIO** Quarta: Est præterea alius modus quo plus diligimus ex charitate magis nobis coniunctos, quam melio-

res: quia scilicet pluribus modis eos diligimus. Est quoque D. Thomæ, & sic ferè explicat: quia ad alios non habemus nisi amicitiam charitatis, ad eos verò qui nobis sunt coniuncti, habemus aliquas alias etiam amicitias secundum modum coniunctionis eorum ad nos: v. g. amore filiorum ad parentes, aut è contra, item fratris ad fratrem, conciujs ad conciuem.

Sed dices, Illæ dilectiones non hanc ex charitate, sed naturales aut morales, ergo &c.

Respondetur, non quidem elici ab habitu charitatis, sed tamen in hominibus bene ordinatis imperari à charitate: quia cum bonum omne, super quo fundatur quælibet alia honesta amicitia, tanquam finem respiciat bonum illud summum in quod tendit charitas, efficitur quod hæc ex propria ratione sua impetret omni alteri amicitia, sicuti ars quæ est circa finem, imperat arti quæ est circa illa quæ ordinantur ad finem. Propterea itaque, quia plures isti modi subiacent saltem imperio charitatis; hinc dixit D. Tho. quod illorum ratione, etiam ex charitate, plus diligamus nobis coniunctiores, prout habet conclusio.

ARTICVLVS VIII.

Utrum sit magis diligendus ille qui nobis est magis coniunctus secundum carnalem originem?

60 **P**ræsupponit articulus diuersos diuersis modis posse nobis esse coniunctos, de quibus quæritur hic, quo ordine sint diligendi.

Notandum itaque est, quatuor posse statui nobiscū coniunctionis modos principales, quorum primus sit, iuxta quem aliqui nobis coniuncti sunt secundum originem siue sanguinem: sicuti parentes cum filijs, & è contra. Item fratres, sorores, & consanguinei inter se. Secundus potest esse, iuxta quem aliqui nobis coniunguntur secundum politicam societatem, qualis coniunctio est inter concines, & inter cōmilitiones in militia, idque tum inter se, tum cum suo magistratu, aut ducibus belli, & ipsorum ducum & Magistratus cum suis militibus & ciuibus respectiue. Tertius modus erit, quo aliqui nobis coniuncti sunt ratione spiritualis obsequij, quod accepimus, aut ijs impendimus, siue ratione alterius cōmunicationis. Quartus quo peculiariter coniuges, maritus scilicet &

vxor sibi coniuncti sunt. Sed quia particularis est difficultas in collatione parentis cum coniuge, idcirco seorsim de illa particularium tractatur articulo 11. His positus sit

- 61 **CONCLUSIO Prima:** Parentes, & alij nobis secundum originem propius coniuncti, in ijs quæ temporalis siue corporalis necessitatis sunt, præferendi veniunt alijs, qui secundo vel tertio modo nobis tantum coniuncti sunt, spectando solum id quod nascitur ex ipsa coniunctione. Colligitur ex D. Tho. qui docet, hic in ijs, quæ spectant ad naturam (vt sunt quæ concernunt corporalem necessitatem) debere nos plus diligere consanguineos. Et probatur ex Apostolo 1. ad Timoth. c. 5. *Si quis autem suorum, & maximè domesticorum curam non habet, fidem negauit, & est infideli deterior.* Vbi in Commēt. loci docet Erius, inter suos & domesticos illud esse discrimen, quod suos vocet quodcumque; propinquos, domesticos autem sanguine proximos: vt sunt parentes, fratres, filij, nepotes: quia etiā domestica habitatione solent esse coniuncti, & curam dicit intelligi prouisionem rerum ad vitam necessariam, quæ præcedentibus planè congruunt. Huc facit quoque, quod in decalogo peculiariter demandetur honor deferendus parentibus, quæ in primis in subministratione rerum necessariorum intelligunt omnes. Vnde Christus Matth. 15. & Marc. 7. Scribas & Phariseos reprehendit, quod vel sacrificiorum & religionis causa docerent parentes esse deferendos.

- 62 Dixi spectando tantum obligationes ex coniunctione natas, quia posset accedere ad coniunctionem, v. g. politicam aut etiam spiritualem, quædam alia obligatio: vnde fieret quod taliter coniuncto potius deberent subuenire, quam parenti: vt si ille esset persona publica cuius vita sit necessaria ad incolumitatem Reip. aut Ecclesiæ. Verum id non fit præcisè propter coniunctiones, sed quia bonum publicum debet præferre bono particulari.

- 63 Dicit aliquis: fieri potest, quod pessimè de me sit pater meritis, & alius quispiam de me sit optimè meritis: vt si parens in me educando nullam posuerit curam vel operam, & in generatione quoque magis bonum voluptatis suæ, quam bonum prolis spectauerit; amicus autem mihi vitam conseruauerit suis laboribus & impensis; ergo tum magis oportebit me subuenire illi in necessitate corporali, quam parenti. Rursum ponatur casus, quod Sacerdos aliquis me in fide instruxerit, & per baptismum regenerauerit; pater autem, vt pote

Ethnicus aut Hæreticus adhibuerit omnem operam, vt me peruerteret, aut in perfidia & hæresi detineret, videbor in necessitate plus debere sacerdoti tali quam parenti: tum quod Euangelium mandat odisse parentes & propinquos qui salutem nostram aduersantur, tum quod plus videamur debere in istis bonis minoribus, illi qui in maioribus amplius profuit, vt potest colligi ex Apostolo ad Galat. 6. *Communicet autem u qui catechizat ur verbo, ei qui se catechizat in omnibus bonis.*

Respondetur Primò, conclusionem nostram loqui de ijs, quæ per se, & in genere conuenit facere, non autem de particularibus casibus vestitis peculiaribus circumstantijs.

Respondetur Secundò: Nequidem in casu priori loco proposito præferendum esse eiusmodi benefactorem parenti, quia meminisse oportet, vt monet Ecclesiastic. cap. 7. *Quoniam nisi per illos natus non fuisset:* ipsi enim parentes sunt causa nostri esse & nostræ vitæ. Vnde nullum beneficium, quod ad hanc vitam pertinet, comparandum est per se cum eo, quod à parentibus accepimus: non tamen videtur negandum, quin possit in tantum exercere iniuria parentis in filium, vt liceret eum in necessitate postponere alteri singulari benefactori, vt si pater voluerit filium innocentem occidere aut suffocare, & alter cum vitæ suæ periculo liberauerit eum ex manibus parentis, & in filium adoptauerit, videbitur hic meritò præferendum tali parenti: idem facilius contingere poterit, quod sic benefactor quispiam notabilis veniat in necessitate præferendum fratri aut sorori, & magis adhuc cognatis remotioribus, erga quos omnes non est tanta obligatio, quam erga parentes.

Ad alterum casum respondetur: esto beneficium quod filius accepit à tali Sacerdote esse maius quam quod parens contulit, tamen quia Sacerdos non æquè est causa principalis nostræ regenerationis spiritualis, quod Deo & Christo proprium est, sicuti parens est causa nostræ generationis secundum carnem, hinc non in tantum oritur ex illo beneficio licetè maiori, obligatio erga sacerdotem, quam ex altero licet in se minori erga parentem. Ad quod accedit, quod generatio secundum carnem sit quasi primum fundamentum vitæ nostræ spiritualis, hætenus quod ista debeat necessariò præsupponi, neque possit hæc absque illa possideri. Ad ea verò quæ in confirmationem ex Scripturis allegantur, dicendum ad primum quidem, quod præcipiantur odisse parentes qui nostræ salutis aduersantur, non simpliciter, sed in

sed in ijs in quibus aduersantur : ita ut oporteat nos auerfari & rejicere omnia, quæ adhibent ut nos à Christo abducant, aut ad peccata pertrahant : non autem ita quin datà occasione necessitatis debeamus illis ex charitate subuenire, quandoquidem etiam inimicis iubeamur diligere, ut supra ostensum est.

65 Ad alia duo loca Apostoli dicendum, inde quidem consequens esse, quod debeamus etiam temporaliter sustentare & in corporalibus necessitatibus subuenire illis, qui nobis spiritualia beneficia contulerunt, sed non quod in necessitate temporali debeat præferri parenti secundum carnem, quando utrique subuenire non possumus.

67 **CONCLUSIO** Secunda : Similiter etiam pater in necessitate spirituali constitutus, præferri debet cuilibet alteri privato, etiam si quoque huic aliquo vinculo spirituali sis coniunctus aut obligatus.

Sed opponet aliquis : Iam antè dictum fuit ex D. Tho. quod qui in vno genere nobis sunt coniunctiores, sint magis diligendi in bonis quæ ad illam coniunctionem pertinent; ergo in spirituali necessitate oportebit præferre patrem spiritua-lem, qui nos in Christo genuit; aut filium spirituale, quem nos regenerauimus parentibus & filiis secundum carnem.

Respondetur, bonum beatitudinis esse bonum ita generale, ut non debeat censi peculiare certo generi alicuius coniunctionis: quia omnia particularia bona ad illud, tanquam ad finem, referuntur: & ideo quando agitur de necessitate aut periculo illius amittendi, oportet succurrere potius illi, qui nobis simpliciter est coniunctior; ut est parens, aut filius secundum carnem: quia hæc coniunctio est prior & antiquior omnibus, ac immobilior, quia est secundum id quod pertinet ad substantiam, inquit D. Tho. Non tamè foret mortale, si hic ordo mutaretur circa aliquem, qui in spiritualibus esset de te optimè meritis, & parens neglexisset tuam salutem, vel etiam conatus fuisset impedire, prout habet secundus casus supra positus ad primam conclusionem.

68 **CONCLUSIO** Tertia : Similiter etiam fratres secundum carnem in necessitate videntur præferendi fratribus spiritualibus ratione scilicet spiritualis communicationis, aut professionis eiusdem vitæ religiosæ: sicut enim natura primum inclinat in conseruationem sui suppositi, deinde in alios qui magis ei sunt coniuncti, sic etiam charitas primum inclinat, ut faciat subiectum suum amore inhaerere Deo: Deinde illos, qui sunt magis subiecto con-

iuncti. Neque enim apparet ratio, quare charitas hic non imitaretur, & percheret inclinationem naturæ. Poterit tamen fieri, quod frater spiritualis sit præferendus, si spiritualia beneficia plura contulisset, ut non tantum esset frater, sed etiam pater spiritualis: & e contra frater secundum carnem conatus fuisset ad mala pertrahere, & alijs modis eius salutem impedire. Cæterum ubi sic utrimque rationes occurrunt, quarum aliæ videntur suadere hunc præferendum, aliæ verò alterum, non erit periculum magni peccati, siue quis hunc, siue illum præferat, quandoquidem neque DD. satis inter se conveniunt in ordine quoad tales constituendo.

69 **CONCLUSIO** Quarta : Extra necessitatem frequentius contingit, quod quis debeat magis curare spiritualem profectum, & bonum aliorum, quam parentum; vel sibi secundum carnem magis coniunctorum. Colligitur ex D. Amb. lib. 1. Officiorum cap. 7. ubi de suis subditis scribit: Non minus vos diligo quos in Euangelio genui, quam si in coniugio suscepissim. Quam dilectionem D. Tho. hic ad secundum exponit, quoad beneficia spiritualia impendenda, ut instructionis in fide, & in bonis moribus. Probat, quia certum est, pastorem debere magis inuigilare salutem suorum subditorum, quorum cura ex officio ei incumbit, quam suorum cognatorum, aut etiam parentum qui sub alia parochia degunt, & ab alio pastore scilicet suo; sufficiunt curari possunt: imò etiam proprium filiorum si quos forsitan ante Sacerdotium ex coniugio suscepisset, quando iam sunt emancipati, & sub alio pastore agunt. Similiter frater spiritualis debet quoque in ordinariâ conuersatione magis diligere, & subuenire fratri spirituali, quam fratri secundum carnem extra casum necessitatis: hoc enim familiaris & domesticæ coniunctio, ac eiusdem religiosæ vitæ professio omnino postulunt, & ad pacis & unitatis conseruationem, necessarium est.

70 **CONCLUSIO** Quinta : Pastor in necessitate spirituali totius communis, & in necessitate spirituali parentis, non potest deferere communis, ut necessitati parentis subueniat. Ita Mald. hic. Ratio est, quia bonum commune est diuinus & preponderans particulari: unde eius procuratio debet, præsertim, accedente obligatione ex officio, præferri bono alicuius particularis etiam parentis.

ARTICVLVS IX.

Utrum homo ex charitate magis debeat diligere filium, quam patrem?

71 **C**ONCLVSIO Prima: Pater est magis diligendus obiectiue, siue ex parte obiecti, vt loquitur D. Tho. quod sic explicat, quia diligimus patrem sub ratione principij, quod habet rationem eminentioris boni, & magis Deo similis. Vnde & Deum appellamus Patrem, ac propterea etiam debemus præstantiora bona velle & deferre patri, quam filiis: puta honorem & reuerentiam. Probatur ex D. Hier. in cap. 44. Ezech. Post omnium Patrem Deum, inquit, carnis quoque pater diligitur & mater.

72 **C**ONCLVSIO Secunda: Filius tamen magis diligitur tanquàm nobis coniunctius, & magis nostrum. Probatur, quia filius magis est aliquid patris, quam pater sit aliquid filij: quod enim ab alio procedit, dicitur aliquid illius, non sic è contra: rami enim & fructus dicuntur esse aliquid ipsius arboris, non autem arbor esse aliquid ipsorum. Vnde fit, quod in bonis illis quæ causa solet subministrare effectibus ad esse & conseruari, magis diligendus sit filius quam pater. Quare parentes solent thesaurizare filijs, non autem filij parentibus: vt habet Apostolus 2. ad Cor. 12. sed debent parentes gerere ordinariam curam de filiis educandis & sustentandis, non sic filij de parentibus, quibus supponitur, iam ab alijs, aut per seipso esse de necessarijs prouidum. Quia tamen pater absolute est magis appetitiue diligendus quàm filius, hinc si vterque sit in necessitate & periclitetur de vita, potius erit subueniendum patri, quàm filio: vt significat D. Tho. hic ad 3. Quamuis in articulo necessitatis, inquit, filius obligatus sit ex beneficijs susceptis, vt parentibus maximè subueniat. Et ita communiter tradunt Doctores.

ARTICVLVS X.

Utrum homo magis debeat diligere matrem, quam patrem?

73 **C**ONCLVSIO D. Tho. est: quod pater sit magis diligendus, quàm mater per se loquendo. Ratio est, quia licet vterque sit principium respectu nostri, tamen pater rationem excellentioris principij habet. *VViggers in 2. 2.*

bet, quia est principium per modum agentis, mater magis per modum patientis & misericordiæ. Dixi per se loquendo, quia non est hic tantus excessus obligationis maioris ex radicali fundamento, quin possit facile contingere, vt propter virtutes & bona merita matris, & è contra verò propter iniurias vel negligentias patris circa proles, mater debeat patri præferri.

ARTICVLVS XI.

Utrum homo debeat plus diligere uxorem, quam patrem & matrem?

Respondet hic D. Thom. eodem modo, quemadmodum ad articulum 9. & sequuntur alij DD. scilicet quod oportet magis diligere patrem ex parte obiecti, utpote qui habet rationem eminentioris boni; quod vxor autem magis sit diligenda intensiue, tanquam quid homini coniunctius: vxor enim coniungitur viro tanquam vna caro cum illo existens, iuxta illud Matth. 19. *Itaque iam non sunt duo, sed vna caro*; in necessitate tamen debet magis assistere parentibus, quàm vxori: vt significat D. Tho. in resp. ad 1.

ARTICVLVS XII.

Utrum homo magis debeat diligere benefactorem, quàm beneficiatum?

Respondet hic iterum D. Tho. benefactor esse magis diligendum ex parte obiecti, utpote in quo relucet ratio maioris boni, quia habet rationem principij respectu doni quod contulit; magis tamè diligi eos quibus benefecimus, tanquàm nobis coniunctiores: quia beneficiatus à nobis est quasi opus quoddam nostrum. Vnde dici solet de eo, qui per alium ad dignitatem, aut bonam conditionem promotus est, quod sit factura aut creatura illius: vt habet hic D. Tho. naturale autem est cuiuslibet, vt diligit opus suum, tanquam aliquid ad ipsum scilicet pertinens. Vide plures alias rationes apud D. Tho. quas ex Philosopho adducit.

ARTICVLVS XIII.

Utrum ordo charitatis remaneat in patria?

Respondetur: Haud dubiè remanet ordo charitatis in patria, quantum ad *Ce hoc*

hoc quod Deus est diligendus præ omnibus & super omnia. Hoc enim tunc perfectissime complebitur, quando perfectè homo fruatur Deo: Quod autem attinet ad ipsum diligentem in respectu ad alios, manebit quoque ordo hætenus quod quisque in patria magis intensiue, vt loquitur D. Tho. seu potius magis appetiatiue, vt distinctius loquamur, diligit seipsum, quàm proximum etiam meliorem: ita scilicet, vt potius vellet proximum meliorem à diuino amore & beatitudine excidere, quam se ab illis cadere: quia perfectio charitatis ordinat hominem perfectè in Deum, nec ab aliquo magis abhorret, quàm à diuino amore separari. Eatenus verò non magis ordo iste, quod absolute velit quisque maiorem gradum gloriæ proximo meliori quàm sibi: est enim quilibet suo gradu contentus, & nouit non esse tempus proficiendi amplius. Quod autem ad proximos alios inter se, nec obiectiue, nec intensiue, aut appetiatiue feruat eundem ordinem Beatus, quem viator. Nam coniun-

ctiores secundum carnem, vel secundum aliam rationem huius vitæ, minus boni nullo ex modis illis diliguntur amplius, quàm alij meliores taliter non coniuncti: nam his, & absolute maius bonum volet, & plurius eos, eorumque beatitudinem faciet, quam aliorum, qui hic fuerunt coniunctiores.

Notat tamen D. Tho. quod illi qui coniunctiores fuerunt, ibi pluribus modis diliguntur: neque enim beatitudo excludit omnes alias honestas causas dilectionis, quibus tamen incomparabiliter præfertur ratio dilectionis, quæ sumitur ex maiori propinquitate ad ipsum Deum, quæ ibi certa & inuariabilis est, non inconstans & defectibilis, sicut in hac vita. Vnde nobis magis coniunctus potest hic magis diligere obiectiue, & appetiatiue, quia nondum sumus in termino, & oportet nos laborare, vt in charitate crescamus; & hinc etiam equum est, vt velimus eos crescere, qui iuxta modum huius vitæ corporalis magis vnium sunt nobiscum.

QVÆSTIO XXVII.

De principali actu charitatis, qui est dilectio.

In octo Articulos diuisa.

ARTICVLVS I.

Virum charitatis sit magis proprium amari, quàm amare?

EXPLICATA naturâ charitatis, pergit D. Thomas tractare de eius actibus & effectibus, qui recensentur septem numero: quorum primus & precipuus est dilectio, reliqui quasi secundarij, tres interni: gaudium, pax, & misericordia, tres externi beneficentia scilicet, elemosyna & correctio fraterna.

CONCLUSIO D. Tho. est: magis proprium est charitati amare, quàm amari, siue quâ reddere suppositum amabile, seu amore dignum. Ratio est, quia facere amabile conuenit ei secundum rationem boni in communi, quomodo omnis virtus facit subiectum amabile; sed facere amantem, competit ei secundum propriam rationem quâ charitas est: utpote quæ sit habitus

quidam in hoc genere operatiuus, vnde dilectio est actus illi maxime proprius.

Obseruandum tamen est iuxta opinionem illorum, qui gratiam sanctificantem non volunt esse habitum à charitate distinctum, non incommode dici posse, quod non minus esset proprium charitatis amari, siue facere subiectum amabile, secundum eam scilicet rationem; quæ est forma adoptionis filiorum Dei, quàm amare: quia tam intendit Deus per internum donum constituere hominem sibi filium & amabilem, quam facere eum sui amantem.

ARTICVLVS II.

Utrum amor secundum quod est actus charitatis sit idem quod beneuolentia?

CONCLUSIO D. Tho. est: In dilectione secundum quod est actus charitatis includitur quædam beneuolentia, sed im-

sed importat viterius quādam vnionem secundum affectum amantis ad amatum, in quantum scilicet estimat amatum tanquam vnum secum, vel ad se pertinens. Probat ex Philoſopho 9. Eth. cap. 3. vbi dicit, beneuolentiam esse principium amicitiae. Et declaratur, quia possumus bene velle alicui absque eo quod illum diligamus: v. g. victori in certamine volumus praeſium propoſitū, & male nos habet si alteri donetur, nō propter amorem quo erga illum mouemur, sed ob amorem iustitiae, sicut & auerſatio, siue odium iustitiae gignit quasi tristiſtiam, si aliter fiat. Quod verō in dilectione charitatis includatur beneuolentia, constat satis ex dictis ſuprà, vbi diſtinximus inter amorem amicitiae, & amorem concupiſcentiae.

Aduertendum tamen est, quando quis bene vult alteri, nō quia iustitia id poſtulat, sed tantum vt ei bene ſit, cuiusmodi beneuolentiam non diſtingui à dilectione, quia amare non est aliud, quā velle bonum alicui vbi ipſi bene ſit, ſue bonum hoc ſit illi debitu, ſue non: & ſic magis communiter videtur etiam ipſum nomen beneuolentiae capi.

ret, quia eſſet vt fruendis, & velle ſui vtendis: eſt enim Deus ſinis vltimus, quo nihil melius eſt, & ad quem omnia ſunt referenda; ipſe autem non ad aliud.

Declaratur pars poſterior, quia poteſt Deus dici diligi propter beneficia ab eo accepta, & propter praeſia à Deo ſperata, quatenus haec ſunt cauſa diſpoſitiua hominis & inductiua, vt ad dilectionem Dei ex charitate proſiciat & in ea creſcat.

Quæret aliquis: An non poſſit etiam Deus diligi propter beneficia ſpiritualia aut temporalia, vt propter cauſam principalem illius amoris?

Reſpondetur, quando Deus ſic diligitur, tunc amorem illum non eſſe dilectionem charitatis, ſed potius amorem concupiſcentiae, quo nobis bene volumus. Ad id tamen amorem illum eſſe honeſtum, quia honeſtū eſt recognoſcere benefactorē, & amare illum propter beneficia, quae quis accepit aut ſperat; non tamen debet ſic eſſe affectus, vt non velit Deum amare, niſi propter beneficia, quia ille affectus inordinatus eſt, quatenus excludit amorem charitatis.

ARTICVLVS III.

*Virum Deus ſit propter ſe-
ipſum ex charitate
diligendus?*

NOtat D. Tho. in præpoſitione illa *Propter*, intelligi poſſe quadruplicem habitudinem, ſecundu quadruplex genus cauſae: ita tamen vt ad cauſam materiale reducatur etia ſubiecti ſue materialis diſpoſitio, quae non eſt cauſa ſimpliciter, ſed ſecundu quid.

Reſpondetur itaque, quod ſecundu tria cauſarum genera Deus non diligitur propter aliud, ſed potius propter ſeipſum; quarto autem modo dici poteſt diligi propter aliud. Declaratur prior pars, quia in primis non diligitur propter aliud vt cauſa efficientem, quemadmodum aliquando diligitur filij propter parentes, quia Deus nullam habet cauſam efficientem, ſed à ſeipſo habet ſuum eſſe, ita vt à nullo alio: non etiam propter aliud tanquam cauſam formalem, ſicuti homo diligitur propter virtutes ſibi inherentes à ſe diſtinctas, quia Deus ſic diligitur propter ſuam increatam bonitatem quae cum eius Eſſe omnino idem eſt: nec quoque propter aliud, vt finem, ſicuti medicina diligitur propter ſanitatē: hoc enim inordinatiſſimum fo-

ARTICVLVS IV.

*Utrum in hac vita poſſit Deus
immediate amari?*

REſpondet D. Thomas: Deum in hac vita poſſe immediate diligi, quamuis non immediate cognoſcatur. Rationem reddit, quia poſtra cognitio debet incipere à ſenſibilibus, & per ea aſcendere ad immaterialia & ſpiritualia. Vnde non poſſumus cognoscere, niſi mediante ſubiectione ſenſibilibus cognitio, atque ita ſpiritualia non cognoscuntur à nobis ſine medio, poſſunt tamen absque medio diligi: quia vbi cognitio noſtra ad illa fuerit terminata, tunc poteſt incipere in nobis eorum amor, nec opus eſt amare aliquid, cuius amore mediante illa diligamus. Declaratur exemplo: ſi quis in pictura alteri exhibeat rem raram & pulchram; poterit is ſtatim affectu trahi in rem illam & eam amare, quamuis non amet ipſam picturam, licet ſine pictura non potuiſſet in illius rei quae longiſſimè v. g. diſtat, cognitionem peruenire: ſic itaque Deum poſſumus amare absque amore creaturae, quamuis hic ſine cognitione creaturae non cognoscatur à nobis.

ARTICVLVS V.

Utrum Deus possit totaliter amari?

10 **D**istinguit D. Tho tres modos totalis dilectionis: primum ponit ex parte obiecti; alterum ex parte subiecti; & tertium ex parte proportionis & adæquationis inter dilectionem, & rem dilectam.

Respondetur itaq; quod non tantum possit, sed etiam debeat. Deus amari totaliter, primo modo, ita vt ipse, & quicquid eius est, diligatur: Item debet ex parte subiecti, siue diligentia amari quoque totaliter, sic vt diligens amet eum ex totis viribus, & omnia sua in Deum referat, iuxta illud, Diliges Dominum Deum tuum ex toto corde, tuo, & ex tota anima tua, &c. Sed tertio modo non potest à nobis totaliter diligi, vt scilicet adæquatio sit in amoris quantitate, & rei amate dignitate: quia nulla creatura potest diligere Deum in tantum, in quantum ex se diligibilis est: sed ipse solus ita seipsum diligit.

ARTICVLVS VI.

Utrum diuina dilectionis sit aliquis modus habendus?

11 **R**espondetur cum D. Bern. lib. de Diligendo Deo electa initiū: Causa diligendi Deum, Deus est: modus autem est, sine modo diligere. Ratio est, quia finis est appetibilis & amabilis tantus, quantus est: quia cum finis sit mensura essentialiter (ex ordine & proportionem ad quem debent mensurari, & modificari ea quæ sunt ad finem, ita vt in tantum dicantur moderata, in quantum attingunt: & immoderata, in quantum deficiunt vel excedunt respectu illius) consequens est, quod totus finis sit modificatus, quia ratio mensuræ importat essentialiter debitam modificationem, sic vt in ea nihil possit accipi aut dici immodificatum, quod sit excedens aut deficiens. Hinc medicus procurat sanitatem tantam, quanta haberi potest, sed non dat tantam medicinam quantum potest, quia hæc debet modificari ex proportionem ad sanitatem comparandam. Quandoquidem ergo Deus, qui finis noster est, sit infinitus & infinita bonitatis, erit ipse infinitum appetibilis & amabilis, & ita absque termino diligibilis: unde tam obiectiue & appetitiue, quam etiam intensiue sine limitatione aliqua est diligendus: infinitum enim bonum ei optandum est, omnibus simpliciter antefereendus, & semper in diuini amoris intentione, quantum fieri potest, proficiendum est.

In continuatione tamē huius amoris aliquis hic modus est seruandus, sed per accidens propter nostram infirmitatem, quæ requirit modum aliquem non ex lege, sed ex necessitate, ne in firmitas corporis succumbat: similiter in actionibus externis seruandus quoque modus est, quia sunt media quibus in dilectione, & animæ cum Deo coniunctione proficiamus: unde attemptandæ sunt, secundum quod magis conuenit huic profectui.

ARTICVLVS VII.

Utrum sit magis meritorium diligere inimicum quam amicum?

Circa hanc questionē non videntur satis inter se Scholastici conuenire. Si quis tamen exactè consideret; forsitan magis in modo loquendi, quam in re ipsa videntur dissentire. Quare vt distinctè res explicetur. Sic

C O N C L U S I O Prima: Dilectio amicorum ordinariè est seruandus, & magis intensa, quam inimicorum, & proinde melior est, & magis meritoria, quantum est ex parte intentionis actus. Est D. Tho. in fine Corporis. Patet, quia forma quo versatur circa obiectum magis dispositum ad recipiendum influxum, eo soler ad ipe sua producere effectum intensiorem: amicus autè est materia & obiectum, magis conueniens dilectioni, vt habet D. Tho. quia inimicus neq; enim in eo est aliquid quod pariet sustentiam, aut difficultatem circa inclinationem charitatis, unde dubium non est, quin ordinariè (saltem diligatur intensius amicus, quam inimicus: intensio autem actus facit ad incrementum bonitatis eius & meriti.

C O N C L U S I O Secunda: Dilectio amici potest etiā dici melior ex parte obiecti quasi materialis, quā inimici. Declaratur, quia amicus melior est: amicitia enim melior est quam inimicitia, estque ipse nobis coniunctior, atq; ita actus dilectionis supra hanc materiā transiens, est ex ea parte melior. Sic quoq; D. Tho. Sed hæc bonitas talis qualis est, non videtur multum facere ad augmentum meriti dilectionis, tū quia se valde materialiter habet, tum etiam, quia dilectio amicorum non est meritoria, quia amici sunt: nam etiā Ethnicæ & Publicanæ amicos & benefactores diligunt: sed quia est dilectio proximi propter Deum.

Dices: Amicus est etiam melior apud Deum & illi coniunctior: & eo nomine dilectio illius videtur notabiliter fieri melior, & magis meritoria. Respondetur in primis

primus assumptum posse esse incertum: nam esto quod inimicus meus inique mihi aduerfetur, poterit fimiliter fieri quod meus amicus alii aliter magis inique aduerfetur, & alijs pluribus peccatis fit obnoxius, & proinde a Deo magis alienatus, quam meus inimicus. Vnde non videtur inde estimanda bonitas dilectionis amici pre dilectione inimici, absolute & simpliciter loquendo; si quis verb amicum non tantum vt amicum & proximum diligit propter Deum, sed etiam vt virum pium & probum, sibi complacendo & quasi congauendo de hoc Dei dono extrinseco, quod hic scilicet debitum amorem & honorem Deo deferat, haud dubie multum bonitatis & meriti inde accedet actui, quia est instar duplicatae dilectionis. Sed hoc iterum non oritur ex eo, quod sit dilectio amici: nam idem potest habere locum circa extraneum, vt scilicet diligatur propter Deum, quia Deus vult nos diligere proximum; Deinde etiam propter particularem illam rationem iam explicatam. Hinc etiam potest simile quid accidere in dilectione inimici, si diligam illum, non tantum comuni amore, que oportet habere erga omnes; sed peculiari affectu desideret, vt a peccatis se auertat, & ad Deum conuertatur, vt sic in eius conuersione Deus honorificetur. Quare etiam ista consideratio non videtur per se facere ad dilectionem amici prefrendam dilectioni inimici.

16 **CONCLUSIO Tertia.** Dilectio inimici est laboriosior & difficilior ex propria ratione quatenus est inimici, quam amici; & ex eo magis meritoria. Quod sit difficilior, perse euident est. Nam subiectum, cui obiectum sua formalis ratio dilectionis ex charitate hic applicatur, habet sibi adiunctam rationem, quae plurimum aduerfetur voluntati, quam charitas debet inclinare & mouere ad exercendum actum dilectionis. Quare acrius ex sua parte propter resistentiam obiecti, accommodat se inclinationi charitatis: quod autem humilifodi labor & difficultas actus augeant meritum, constat ex ijs quae alibi de merito doceti solent: quare sit

17 **CONCLUSIO Quarta.** Dilectio inimicorum ceteris paribus, vt quod sit tam seruicilis, & que intensa & extensa, v.g. quoad bona quae illi volumus, est per se magis meritoria, quam dilectio amicorum. Sequitur ex dictis, quia habet illa ex materia propria circa quam versatur labor & difficultatem coniunctam, vt iam explicatum est, quam non habet dilectio amicorum; alia vero quae videtur militare pro maiori bonitate & merito dilectionis amicorum, aut valde materialiter se habent ad boni-

tatem dilectionis ex charitate, aut per accidens ei iunguntur, & possunt etiam in dilectione inimicorum similia reperiri: vt ex dictis facile est intelligere.

Probatut autem primo ex Scripturis, quae non obscure inimicorum dilectionem, tanquam quid maius videntur commendare, Matth. 5. Ego autem dico vobis: diligite inimicos vestros, benefacite his qui oderunt vos: & paulo infra: Si enim diligitis eos qui vos diligunt, quam mercedem habebitis? nonne & publicani hoc faciunt? &c. Eflote ergo vos perfecti, sicut & pater vester caelestis perfectus est: ad Rom. 5. Commendat autem charitatem suam Deus in nobis: quoniam cum adhuc peccatores essemus secundum tempus Christus pro nobis mortuus est: vbi Apostolus exaggerat charitatem Dei ex eo, quod Christus pro inimicis & impijs mortuus sit.

Probatut Secundo ex Patribus: Idem enim tradit satis aperte D. August. Enchir. cap. 27. D. Chrys. hom. de Charitate, & D. Greg. lib. 9. moral. cap. 12. & hom. 27. in Evangelia: Vnde quippe & summa est probatio charitatis, inquit, si & ipse diligatur qui aduerfatur.

Sed contra obijcitur: Ioannis 15. dicitur, Maiorem hac dilectionem nemo habet, vt animam suam ponat quam pro amicis suis; ergo dilectio amici simpliciter est maior, & magis meritoria, quam inimicorum; alioquin illud dictum Christi non videtur verum: nam maiorem & praestantioram adhuc charitatem haberet, qui animam suam poneret pro inimicis.

Respondetur Neg. Conseq. Et ratio in primis redditur, quod non fiat comparatio dilectionis amicorum ad dilectionem inimicorum, sed dilectionis quae exponit bona temporalia fortituz pro amicis cum illa, quae exponit animam seu vitam pro amicis: Itaque solum hic docebitur quod haec superexcedat omnem illam.

Deinde potest alia reddi ratio, & forsitan magis appositae, quod scilicet Christus non dicat, non esse, siue non posse dari maiorem dilectionem: sed quod nemo habeat, quia hoc videtur summum amoris quod humana infirmitas potest attingere, vt quis ponat vitam pro amicis: & sic ostenditur Christi charitas erga hominem esse singularis & superexcellens, quod apertius docuit Apostolus ad Rom. cap. 5. cit. ita scribens, Vix enim pro iusto qui moritur: nam pro bono forsitan qui audeat mori? Deinde addit, Commendas autem charitatem suam Deus in nobis: quoniam cum adhuc peccatores essemus, &c. & paulo infra: Si enim cum inimici essemus, reconciliati sumus Deo per mortem filij eius, &c. atque ita locus ille hoc sensu, non aduerfatur nostrae conclusioni, sed magis eam confirmat.

C c iij ARTIC.

ARTICVLVS VIII.

*Utrum sit magis meritorium
diligere proximum quam
Deum?*

21 **C**ONCLUSIO Prima: Si vtraque dilectio seorsim consideretur, quatenus scilicet vna versetur circa Deum vt obiectum quod, & altera circa proximum vt obiectum quod, ira vt neutra tamen excludat alteram, sic dilectio Dei haud dubiè melior est & magis meritoria, quam dilectio proximi. Videtur hic sensus esse D. Tho. in prima sua responsione. Patet ex supra dictis, quia quo obiectum quod habet rationem formalem obiectiuam sibi magis unitam, aut altiori habitudine coniunctam, eò actus virtutis circa tale obiectum est præstantior in illo genere: Deus autem essentialiter est in infinita bonitas, quæ formalis est ratio obiectiua charitatis: proximus autem est tantum diligibilis propter certos respectus ad Deum & eius bonitatem; ergo &c. Confirmatur à simili:

quia præstantior est honor, & præstantius obsequium, quæ deferuntur regi in persona propter eius excellentiam, quam quæ illius ministris propter respectum ad Regem, aut propter eius mandatum.

CONCLUSIO Secunda: Si accipiatur dilectio Dei secundum quod solus ille diligatur cum exclusione proximi; dilectio autem proximi accipitur secundum quod proximus diligitur propter Deum, sic dilectio hæc proximi erit melior. Ita etiam D. Tho. in altera parte suæ responsionis. Declaratur, quia dilectio proximi includit dilectionem Dei, quatenus Deus supponitur esse ratio motiua diligendi proximum; ista autè dilectio Dei non includit, sed excludit dilectionem proximi. Vnde est comparatio, inquit D. Tho. dilectionis Dei perfectæ quæ se extendit ad proximum, cum dilectione Dei insufficiente & imperfecta: quia hoc mandatum habemus à Deo, vt qui diligit Deum, diligit fratrem. Ex quibus verbis satis patet quod loquatur D. Tho. de dilectione Dei in hac parte responsionis, quæ excludit dilectionem proximi, quamvis id expressis terminis non dicat.

22

QVÆSTIO XXVIII.

De Gaudio.

In quatuor Articulos diuisa.

ARTICVLVS I.

*Utrum gaudium in nobis sit
effectus charitatis?*

1 **C**ONCLUSIO D. Tho. est: Spirituale gaudium, quod de Deo habetur, causatur ex charitate. Patet, quia gaudiū generaliter ex amore procedit: nascitur enim vel ex boni amati præsentia aut possessione, vel quia amico dilecto bene est: quādo igitur gaudemus de bonis Dei siue internis, siue externis, causatur id in nobis, quia Deum ex charitate diligimus. Vnde gaudium ad Rom. 14. adscribitur Spiritui Sancto; qui & charitatem, & mediante charitate gaudium spirituale in nobis operatur.

ARTICVLVS II.

*Utrum spirituale gaudiū, quod
ex charitate causatur, reci-*

piat admixtionem tristitiæ?

2 **D**istinguit D. Tho. duplex gaudium charitatis: vnum dicit esse principale, quo scilicet gaudemus de bono Dei secundum se: & de hoc dicit, quod non recipiat admixtionem tristitiæ. Et ratio est, quia bonum illud non potest admittere admixtionem mali: & ideo monet Apostolus ad Phil. 4. *Gaudere in Domino semper.* Alterum dicit esse gaudiū, quo gaudemus de bono diuino, vt participatur à nobis: & huiusmodi gaudium recipit aliquam admixtionem tristitiæ: quia illa participatio potest impediri per aliquod contrarium, quod dum contingit, dolemus de illa participatione impedita, siue in proximis, siue etiam in nobis, quatenus in amore Dei non proficimus.

De reliquis duobus articulis huius questionis. Vtrum, scilicet illud gaudium possit esse plenum? & Vtrum sit virtus? vide D. Thomam, qui satis clarè ea explicat.

QVÆSTIO

QVÆSTIO XXIX.

De Pace.

In quatuor Articulos diuisa.

ARTICVLVS I.

Vtrum pax sit idem quod concordia?

DOCET D. Tho. pacem aliquid amplius esse quam concordiam: Concordia enim est, Diuersarum voluntatum in diuersis vno: Pax autem, non tantum includit consensionem voluntatum quæ sunt in diuersis, sed etiam omnium appetituum, qui sunt in eodem, Nemo enim dicitur habere pacem ex hoc solo, quod cum alijs concordiam colat: sed requiritur vt etiam in seipso sit concors & pacatus, & appetitum inferiorem habeat consentientem superiori: neque tantum requiritur appetituum consensio, sed etiam quædam tranquillitas appetitus omnis, vt scilicet in bono appetito conquiescat: quamdiu enim eius carentia, aut non plena possessio animû affligit, nondum perfectam pacem habemus. Vide plura hæc de re apud Caiet. in hunc locum.

ARTICVLVS II.

Vtrum omnia pacem appetant?

RESPONDET D. Tho. affirmatiue: & docet ex D. August. lib. 19. de Ciuit. cap. 12. vbi Aug. id ex professo probat. Ratio autem breuiter reddi potest, quia omnia appetunt tranquillam boni sui possessionem, & consequenter vt nemo ipsis aduersetur: appetere autem vt nullus sibi aduersetur, & nullus sit appetitus contrarius, est pacem appetere. Quod adeo verum est, vt etiam seditiosissimi homines, qui perpetuò temp. turbant, & pacem eius odisse videntur, tamen pacem ament: vt ibidem D. Aug. ostendit. Etsi enim oderint pacem præsentem, desiderant tamen aliam quandam pacem, in qua ipsi dominentur, & nemine repugnante omnia eorum arbitratu gerantur, ideoque seditiones & bella mouent, vt ad hanc pacem præsentem perueniant; omnes ergo pacem quandam appetunt.

ARTICVLVS III.

Vtrum pax sit effectus charitatis?

CONCLUSIO D. Tho. est: quod pax sit effectus charitatis. Declaratur, quia charitas facit, vt appetitus nostri inferior, scil. & superior consentiant, quando vtrûq; submittit Deo: & etiam, vt consentiant cum voluntate proximi, amando illum & optando illi bonum sicut quis sibi. Hinc potest intelligi, quomodo dictum sit à Propheta Isaia cap. 48. *Non est pax impijs, dicit Dominus*, quia scilicet pax est quædam consensio hominis, tum secum, tum cum alijs, conquiescentis in vero bono. Si autem consensio & quies animi fundentur in bono apparente, erit quoque pax tantum apparens. Ad quod accedit, nunquam in bonis apparentibus duntaxat firmam haberi, & stabilem animi quietem: & proinde nec pacem.

ARTICVLVS IV.

Vtrum pax sit virtus?

CONCLUSIO D. Thomæ: Non datur alia virtus, cuius pax sit actus proprius, nisi charitas. Pro cuius rei declaratione ad memoriam reuocandû est, quod supra in Tra& de spe annotauimus, scilicet contingere, quod ex vno habitu diuersi actus secundum eandem rationem, per quandam subordinationem, procedant, quorum vnus sequatur ex altero: sicut ex amore sequuntur desiderium, & gaudium. Quare virtus quæ inclinat in amorem obiecti, causat etiam desiderium si abicit, & gaudium si presens sit & possideatur. Et ita charitas dum inclinat vt Deum diligamus, consequenter facit, vt illi tanquam dilecto nostro omnia bona desideremus, & de eius beatitudine ac bonis omnibus, quæ possidet, gaudeamus: vt etiam docet D. Tho. quæst. præc. art. 4. sic ostendens, quomodo gaudium spirituale non sit aliqua virtus specialis, & distincta à charitate. Deinde notandû cum D. Tho.

Cc iiij ibidem,

ibidem, quod virtus soleat nomen habere ex ordine ad primum actum. Vnde quia dilectio inter omnes actus charitatis est primus, idcirco ab illâ nomen suum habet.

Nunc explicatur Concl. quia pax causatur, quatenus charitas operatur in nobis dilectionem Dei & proximi; ita ut omnia nostra velimus esse submissa Deo, eiusque voluntati, & proximo velimus bonum licet nobis ipsis. Inde enim fit, quod om-

nia nostra, & quæ corporis, & quæ animæ sunt, referantur in Deum, & omnes vires quadam totius hominis consensione, illi subdantur: deinde etiam, ut cum proximo consentiamus, dum illi bona volumus sicut nobis ipsis; quæque ipse secundum rectum ordinem velle potest: ex quibus consequimur magnam omnis appetitus tranquillitatem & quietem.

Q V Æ S T I O X X X.

De Misericordia.

In quatuor Articulos diuisa.

ARTICVLVS I.

Utrum malum sit propriè motiuum ad misericordiam?

RESPONDETUR: Malum inuoluntarium alterius est proprium motiuum misericordiae. Probatur, quia misericordia, ut eam explicat Diuus August. lib. 9. de Ciuit. cap. 5. est, alienæ miseris in nostro corde compassio, quâ utique, si possemus, subuenire compellimur. Similiter Iud. lib. differentiarum dicit, esse affectum cordis, quò compellimur, ut miseris subueniamus. Miseria ergo alterius est quæ prouocat & mouet ad misericordiam: miseria autem propriè est malum inuoluntarium: is enim miser dicitur, qui mala patitur quæ non vult: sicuti beatus, qui habet quod vult, & nihil mali vult.

Notat autem D. Tho. triplex posse distinguere malum inuoluntarium. Vnum est, quod contrariatur voluntati seu appetitui naturali, quo res quælibet appetit suum esse & conservari: quomodo morbus & quælibet corruptiua sunt mala inuoluntaria. Alterum est, quod obuenit contra electionem particularem per infortunium: ut si quis lucri honesti causa vadat ad nundinas, & in via perdat merces suas. Tertium est, quod obuenit homini contra constantem & continuam eius voluntatē & actionem, quique studuit causas & occasiones eiusmodi mali evitare, ita ut dignus habeatur citale quid non contingat: omnia autem hæc prouocant ad misericordiam, & secundum magis, quam primum, & tertium magis, quam secundum; ut ostendit D. Tho. ex doctrina Philosophi.

Sed contra dicta obijciuntur primò, inde sequi quod in primis peccatum proximi non erit obiectum misericordiae, quia est malum voluntarium, istud tamen non videtur dicendum: nam peccatores sunt maxime miseri; & eorum dicitur Deus misereri: Deinde quod passionibus Christi Domini & Martyrum non moueant ad misericordiam: rursum quòd neque proiectio mercium in mare propter tempestatem, quia malum quoque voluntarium est; ergo &c.

Respondetur, actum peccati quatenus voluntarius est; verè non esse obiectum misericordiae secundum se, sed potius iustæ indignationis; quatenus tamen habet mala inuoluntaria annexa ex quibus causatur, vel quæ ab illo causantur, sic potest mouere ad misericordiam: ut ratione ignorantie, quâ non cognoscunt, aut non apprehendunt malitiam peccati: rursum, quia reddit hominem damnationi obnoxium, quod etiam est contra eius voluntatem: Præterea, quia saltem malum est quod contrariatur naturali inclinationi voluntatis rationalis, quamuis per electionem sit voluntarium. Similiter passionibus Christi & Martyrum, etsi simpliciter voluntariè fuerint susceptæ, tamen quia aduersantur appetitui naturali, & quia nisi aliqua necessitas, ut præcepti, vel aliqua iusta ratio ad eas voluntariè obeundas urgeret, non susciperentur, hinc censentur malum quoddam suo modo inuoluntarium saltem secundum quid, quia nisi urens causa subesset, nolent eas subire. Sic quoque proiectio mercium in mare propter tempestatem censetur inuoluntaria, quia metus mali maioris, quod aliter euadi non potest, eam causat: quare qui sic eâ abiecit, dicitur meritis inuitus pati eiusmodi facturum.

Obijci-

Obijcitur Secundo: Compassio importat quandam animi passionem & dolorem de malo alterius; atqui ista non habent locum in Deo, in quo tamen reperitur misericordia, non tantum secundum effectum sicut ira aut furor, sed etiam formaliter & secundum affectum; ergo non videtur rectè per compassionem definiri.

Respondetur: D. Augustinum quando sic misericordiam definiuit, respexisse ad nominis originem: dicitur enim misericordia ex eo, quod aliquis habeat miserum cor super miseria alterius, ut patet hic D. Tho. & quia in hominibus id communiter contingit, hinc de misericordia ferè talis formatur notio, cui D. August. nomen generis accommodauit. Possumus tamen per compassionem accipere affectum siue voluntatem, quâ secundum rationem mouemur ad subleuandam miseriam proximi, siue hic affectus habeat aliquam adiunctam passionem tristitiæ seu doloris super illa miseria, siue non: & sic nomen illud accipiendi, conueniet definitio misericordiae secundum notionem rei, prout etiam in Deo & in beatis existit. Ex quibus hoc quoque liquet, compassionem propriè acceptam, ut inuoluit dolorem animi, non esse primum & principalem actum misericordiae, sed eum simpliciter esse velle subuenire miseria alterius. Vnde Clemens Alexandrinus lib. 4. Stromatum explicans illam beatitudinem, *Beati misericordes*, reprehendit Philosophos qui dicerent, misericordiam esse molestiam propter alienas calamitates susceptam; & docet, esse diuinum quid, scilicet voluntatem leuandæ alterius miseriae, quam voluntatem dicit consequi talem honorem in ijs quibus facultas non suppetit exequendi, ac in ijs quibus suppetit.

Obijcitur Tertiò: Eccles. 30. dicitur: *Miserere anime tue placem Deo*; ergo motum misericordiae, non tantum est malum alterius, sed etiam proprium.

Respondetur cum D. Tho. ad secundum, misericordiam esse propriè ad alterum, sicut & iustitia ad alterum est: illud autem Sapientis dictum esse accipiendum secundum quandam similitudinem, quatenus anima consideratur etiam aliquid quasi à supposito diuersum, & de cuius malis tollendis debeat esse sollicitum nostrum suppositum, atque ita animæ subuenire, & à malis & peccatis expellere.

ARTICVLVS II.

Vtrum defectus ex parte miserentis sit ratio miserendi?

CONCLUSIO D. Tho. est affirmatiua. Vbi obseruandum primò, imbecillitatem animi, aliosq; defectus esse causas dispositiuas ad miserendum: qui enim varijs defectibus aut miserijs subiecti sunt, dum vident alios malis affligi, eisdem concipiunt ea tanquam ad se quodammodo pertinentia, & quasi in seipsis perlentescunt: Vnde facile ad compassionem, & curam ea leuandi mouentur: robustiores autem & altioris animi non ita per se commouentur, quis non concipiant aliorum miseriae & mala ut ad se pertinentia.

Notandum Secundo: Et si defectus ex parte miserentis sit causa dispositiua, non tamen esse causam principalem aut necessariam miserendi: sed potius amorem, qui potissimum facit, ut malum eius, qui in miserijs est, censeatur ad nos pertinere. Vnde et si in Deo ac beatis nullus sit defectus & miseriae locus, tamen amor abundantiissime illos disponit ad miserendum, & facit, ut defectus aliorum quodammodo eorum sit, & ad eos pertineat: atque eatenus propriè habet locum, quod defectus ex parte miserentis in illis quoque sit ratio miserendi, Christus autem quando in nostra carne posuit miseriae & defectus assumptis, etiam modo proprio habuit ex parte suae defectum eiusmodi, qui ad miserendum commouet: nam sicut ex his quæ passus est didicit obedientiam iuxta Apostolum, ita etiam misericordiam, iuxta D. Bern. in Tract. de humilitate cap. 2.

ARTICVLVS III.

Vtrum misericordia sit virtus?

CONCLUSIO Prima: Misericordia, ut dicit affectionem appetitus rationalis, quæ sit veluti quædam displicentia miseriae alterius cum voluntate subleuandi, & regulatur secundum rationem, & quidem in nobis dirigit motum appetitus sensitui (sicut de misericordia hic agimus) sic ea est virtus. Est D. Tho. & docet August. lib. 9. de Ciuit. cap. 5. adducens ad id illa verba Ciceronis de laudibus Cæsaris, ubi sic loquitur, Nulla de virtutibus tuis nec admirabilior, nec gratior misericor-

misericordiâ est, & constat ex Scripturis, quæ misericordiam adus misericordiam extollunt: vt in Psalmis, *Beatus vir qui misereatur & commodat: Beatus qui intelligit super egenum & pauperem: & similia* frequenter in illis occurrunt: Matth. 5. *Beati misericordes quoniam misericordiam consequentur*. Iac. 2. *iudicium suæ misericordiam illi qui non facit, misericordiam; ergo &c.*

CONCLUSIO Secunda: Probabiliter dici potest, quod misericordia sit virtus specialis, & distincta à charitate. Ita D. Tho. hic, vt clarè patet in resp. ad 3. & 4. D. August. quoque loco cit. videtur omnino loqui de illa tanquam virtute speciali & morali. Et probari potest ex Apostolo ad Coloss. 3. vbi de misericordia & charitate agit tanquàm de virtutibus distinctis: cum enim dixisset, *Induite vos viscera misericordiam, benignitatem, &c.* subiungit: *Super omnia autem hæc, charitatem habete.*

10 Probatur Secundo ratione, quia visâ miseriâ proximi, potest in nobis exurgere motus appetitus anticipans iudicium rationis, quo nimium moueamur malis proximi, & nimis compatiamur: & huiusmodi animi passionem appellans misericordiam, non satis propriè dixit Salustius: *Omnes homines qui de rebus dubijs consultant, ab irâ & misericordiâ vacuos esse debet: vel aliàs potest exurgere motus quo nimis retardemur ad compatiendum, & subleuandum malum proximi, iudicantes eum dignè pati miseriâ; ergo vt huiusmodi animi motus reducantur ad inedium rationis, requiritur aliquis habitus electiuus in mediocritate consistens, qui iuxta rationis regulam moderetur istas animi passiones. Hinc quæst. seq. art. 1. ad 3. docet D. Tho. quod sicuti benefacere, aut bona dare sub ratione debiti spectat ad virtutem specialem, scilicet iustitiam, ita benefacere proximo sub ratione subleuandi miseriâ aut defectum eius, pertineat quoque ad specialem virtutem, scilicet misericordiam: eod quod amicitia siue charitas in beneficio collato respiciat duntaxat communem rationem boni.*

11 Sed contra obijciunt: Auctus misericordiam, vt elemosyna est auctus charitatis, vt

colligi potest ex cap. 3. r. Ioannis: *Quia habueris substantiam huius mundi, & videris fratrem suum necessitatem habere, & clausit viscerâ suâ ab eo: quomodo charitas Dei manet in illo? ergo misericordia non debet poni specialis & distincta virtus.*

Respondetur Neg. Conseq. quia elemosyna idcirco dicitur auctus charitatis, quia charitas mediante virtute misericordiam elemosynam facit: vt docet D. Tho. infra quæst. 32. art. 1. quia virtus misericordiam etiam ipsa suo modo capitur à charitate. Vnde D. Tho. hic de illa agit reponendo eam inter effectus charitatis.

ARTICVLVS IV.

Utrum misericordia sit maxima virtutum?

12 **N**Orat D. Tho. dupliciter virtutem aliquam posse dici maximam: vno modo secundum se: alio modo per comparisonem ad habentem.

Respondet itaque primò, quod misericordia sit maxima virtutum secundum se: quod Caiet. & Bannes explicant hoc ferè modo: quia scilicet misericordia secundum se, & vt est in perfectissimò gradu, habet quod tollere & subleuare possit omnem defectum & miseriâ, quodque illa proinde nulli defectui subiaceat.

13 Respondet Secundo, quod misericordia per comparisonem ad habentem, non sit maxima virtutum, nisi ipse habens sit maximus, qui nullum habeat superiorem. Probatur autè quod sic non sit maxima, quia illis qui superiorem habent, maius & melius est coniungi huic, quam supplerè defectum inferioris: vnde charitas in ordine ad nos, maior & præstantior est: ad cuius tamè acquisitionem & incrementum plurimum valet misericordia, vt meritò dixerit Ambr. lib. 1. Offic. cap. 11. *Bona misericordia quæ & ipsa perfectum facit, quia imitatur perfectum patrem: nihil tam commendat Christianam animam, quam misericordia, & infra, Si nudum velias, te ipsum induis iustitiâ.*

Q V Æ S T I O X X X I.

De Beneficentia.

DOCEt D. Tho. hâc quæstione imprimis beneficentiam esse actû charitatis, quia beneficere amico secundum rationem boni, non considerando scilicet vel rationem debiti erga proximum, aut eius miseriam, sequitur ex actu dilectionis: in actu enim dilectionis includitur beneuolentia, qua quis bonum vult amico: voluntas autem est effectus eorum quæ vult, si facultas adsit. Pater igitur beneficere esse effectum charitatis. Deinde docet omnibus benefaciendum esse, quia sicut dilectio charitatis se extendit ad omnes, ita debet se extendere beneficentia: sed tamen pro loco & tem-

pore, quia omnes actus virtutum sunt secundum debitas circumstantias limitandi. Oportet autem & ordinem seruare inter eos quibus beneficimus, & circa quos beneficentia exercenda est, iuxta supra dicta de ordine charitatis seruando. Denique docet beneficentiam non esse virtutem specialem distinctam à charitate, quia beneficentia & beneuolentia non differunt nisi sicut actus exterior & interior, quia beneficentia est exequutio beneuolentiæ: quare sicut beneuolentia non est alia virtus à charitate, ita neque beneficentia, nam vtrique respicit rationem communem boni.

Q V Æ S T I O X X X I I.

De Eleemosyna.

In decem Articulos diuisa.

ARTICVLVS I.

Vtrum dare eleemosynam sit actus charitatis?

NO T A N D U M Eleemosynæ nomen Græcis idem esse quod Latinis; nomen misericordiæ in communi tamē vñ sic ferè distingui, quod misericordia intelligatur designare virtutem quasi in habitu, eleemosyna autem magis designare actum, nunc sit

C O N C L V S I O Prima; Eleemosyna est actus laudabilis, & virtutis. Probari potest ex varijs Scripturæ locis prosequitur latè Cyp. Tract. de opere & eleemosynis dicunt enim eleemosynis delicta redimi. Eccl. 3. Daniel 4. Tob. 12. Luc. 11. Docet idem D. August. Ench. cap. 72. & lib. contra aduersarium Legis & Prophetarum cap. 16. vbi ex Evangelio ostendit eleemosynam neglectam, esse causam æterni supplicij, & e contra pauperibus erogatem, esse vitæ æternæ meritum. Quin imo ex eleemosynis præstitis, aut neglectis, quasi in illis summa iustitiæ consisteret, mundum iudicandum in generali resurrectione præmonuit Christus Matth.

25. Irenæus lib. 4. cap. 26. docet exemplo Zachari, eleemosynâ solutionem fieri præteritæ cupiditatis.

C O N C L V S I O Secunda; Dare eleemosynam est immediatè actus misericordiæ, & mediante misericordiâ est actus charitatis. Ita D. Thomas: & declaratur breuiter: quia virtus misericordiæ est quasi soboles charitatis: vnde largitio eleemosynæ, non tantum debet dici actus charitatis, quia ab eâ imperatur, sed etiam quia suo modo ab illâ elicitur, scilicet mediatè, sicut nepos dicitur ab auo progenitus.

Observandum autem est, eleemosynam frequentius etiâ imperari à virtute religionis, quatenus refertur ad placandum Deum. Vnde in Scripturis nomine hostiæ, aut sacrificij compelliari solet. ad Heb. 13. *Talibus enim hostijs* (inquit Apostolus) *promeretur Deus*, Olee 6. *Misericordiam volo, & non sacrificium*: & Matth. 25. quæ præstat pauperibus eleemosyna, dicit Christus sibi præstari. Sanè quando eleemosyna fit propter Deum, vt sanctâ societate inhaereatur Deo, spirituale quoddam est sacrificium admodum Deo acceptum: vt idcirco dixerit August. lib. 10. de Ciuit. cap. 5. In allegatis Olee verbis, sacrificium sacrificio anteponi. Aliquando quoque impera-

imperatur à virtute iustitiæ, quando scilicet adhibetur ad satisfaciendum Deo pro peccatis: quomodo recenseri solet inter opera satisfactoria.

4 Quæret aliquis: an eleemosyna à peccatoribus facta, eis proffit? Respondetur in primis non prodesse eis ad iustitiam & salutem, quamdiu affectu & voluntate in peccatis mortalibus versantur: vt expresse docet August. Enchir. cap. 77. Non ergo se fallant (inquit) qui per eleemosynas quaslibet largissimas fructuum suorum, vel cuiuscumque pecuniæ, impunitatem se emere existimant in facinororum suorum immanitate & flagitiorum nequitia permanenti, &c. Et constat manifestè ex Apostolo 1. ad Cor. 13. *Et si distribuero in cibos pauperum omnes facultates meas, &c. Charitatem autem non habuero, nihil mihi prodest.*

Respondetur tamen Secundò: eleemosynam à peccatoribus factam adducere posse diuersas illis utilitates: nam primò valet ad auertendas plagas temporales: Deinde si fiat ex motione Spiritus S. valebit etiam vt disponat hominem ad iustitiam. Tertio, etsi fiat tantum ex motiui naturali, tamen poterit iuuare ad iustitiam consequendam, quatenus ille cui fit, mouebitur vt ipse oret pro dante, & ei gratiam & misericordià apud Deum impetret.

ARTICVLVS II.

Vtrum conuenienter eleemosynarum genera distinguantur?

5 CONCLUSIO D. Thomæ est: Rectè distingui eleemosynas in corporales & spirituales: quod declarat, quia sunt diuersi proximorum defectus: quidam enim sunt ex parte animæ, ad quos subleuandos, aut tollendos ordinantur eleemosynæ spirituales: & quidam sunt ex parte corporis, ad quibus subueniendum ordinantur corporales. Solent autem communiter septem quasi species enumerari vtriusque generis: Spirituales sunt: Docere ignorantem: Consulere dubitanti: Consolari tristem: Corrigere peccantem: Remittere offendentem seu iniuriantem: Supportare molestos & graues: Denique pro omnibus orare: & indicantur hoc versiculo:

Consule, castiga, solare, remitte, ser, ora.

Vbi D. Tho. notat sub Consule comprehendì docere, & consilium præbere. Corporales sunt hæ: Pascere esurientē, Potare sitientē, Vestire nudū, Recolligere hospitem, Visitare infirmum, Redimere captiuum, & sepelire mortuū; & indicantur isto versiculo:

Visto, poto, cibo, redimo, rego, colligo, condo. Huius numeri rationem licet videre satis eleganter & clarè hic apud D. Thomam explicatam. D. August. verò Ench. cap. 72. commemorat quædam alia misericordiarum opera: sed quæ ad prædicta capita veniunt reducenda; vt sunt, fugienti latebras concedere, erranti ostendere iter, præbere cæco ducatum, mederi ægro, & quædam alia. Sed quæstio moueri solet:

Vtrum condere siue sepelire mortuos rectè an numeretur operibus misericordiarum?

Ratio numeratū potest esse: quod Matth. 25. cum alijs non recensatur. Deinde non videtur ad hominis miseriam pertinere, quod careat sepulchro: dicitur enim Luc. 12. *Ne terreamini ab his qui occidunt corpus, & post hæc non habent amplius quod faciant*, quod igitur relinquant corpus insepultum, vel dent auribus discerpendum, vel bestijs dilaniandum, non facit ad malum vel miseriam aliquam ipsius occisi. D. Aug. quæq; lib. de Cura pro mortuis cap. 2. & lib. 1. de Ciuit. cap. 12. sic scribit. Ista omnia, curatio funeris, conditio sepulturæ, pompa exequiarum magis viuorū solatia sunt, quàm subsidia mortuorum: si aliquid prodest impio prætiosa sepultura, oberit pio vilis, aut nulla; non videtur ergo sepultura mortuorum inter misericordiarum opera numeranda.

Respondetur nihilominus rectè alijs annumerari, esseque verum misericordiarum opus: quod ex Scripturis satis est manifestum. Sic enim commendatur Tobie cap. 1. 2. & 12. vbi habetur: *Quando orabas cum lacrimis & sepeliebas mortuos, & 2 Reg. cap. 2. dicit expressè David eos fecisse misericordiam cum Saul, qui cum sepelierant: Benedicti vos à Deo (inquit) qui fecistis misericordiam cum Domino vestro Saul, & sepeliuistis eum.* Alibi verò pro maledictione & punitione habet Scriptura, non inferri sepulchris patrum suorum: & pro grauiori adhuc poena sortiri sepulturam asini, vel proijci insepultum, & sepulturæ etiam peregrinæ carere: vt patet ex cap. 13. lib. 3. Reg. ex cap. 22. Ierem. & ex cap. 5. lib. 2. Machabæorum.

Hinc igitur potest etiam ostendi ratione: quandoquidem enim idem propter delictum insignatur in punitionem carentia sepulturæ, & abiectio cadaueris, inde satis intelligitur, quod sepultura carere pertineat ad quoddam malum & miseriam defuncti: ergo præstare sepulturam est misericordiam exhibere: quia est proximum à miserià quâdam subleuare. Multis autem modis censeri potest sepultura ad bonum defuncti pertinere: Primò quia dum certo tumultu corpus sepultum asseruatur,

uatur, adhuc aliquo loco inter viuos quodammodo reputatur, in quorum memoria scilicet occasione sepulchri, quasi viuit. Secundò, quia occasione sepulture, præsertim in locis sacris, participes efficitur multorum suffragiorum, quæ pro sepultis ibidem fieri solent. Tertiò, quia honor sepulture redundat quodammodo in animam & in parentes ac propinquos. Vnde Iehu lib. 4. Reg. c. 9. dicebat de Iezabel: *Sepelire eam, quia filia Regis est.* Quartò, quia solent homines esse solliciti, ut etiam corpora post mortem honestè tractetur tanquàm adhuc aliquid ipsorum, ut quæ in resurrectione sperant gloriosè reuiuere. Vide Ambr. l. de Tobia: c. 7.

Ad arg. itaq; dicendū est, quod Christus Mat. 25. nō meminit huius operis, forsità quia nō videbatur necesse, cū in eo nō soleat esse tātus defectus, præsertim apud Iudæos, cū quibus Christus agebat, quā soleat esse ferè nimis excessus in sepulchris curandis.

Ad alterum ex D. Luca petiitū, responderet cū D. Aug. lib. de Cura pro mortuis c. 6. Tyrannos non habere post mortē quid amplius faciant, scilicet quod doloris sensum, aut molestiā adferat; quodue minuat Christianam sollicitudine, vel quod impedire possit quò minus corpora sua integerrima sint resumpturi: & quia gloriosum est, pro Deo, & religione pati hoc ipsum, carere scilicet sepultura (quod alijs est quedā miseria) hinc illud ipsū reputatur ijs qui pro Christo moriuntur, & insepulti forsitan abiciuntur, honorificum, & quoddam ipsorum bonū: quatenus scilicet ad cumulum meritorū accedit, quod illud probū parati fuerint pro Christo subire.

Ad D. Aug. responderet, quod solū doceat magnificas sepulcras, & pompas exequiarum nō adducere per se aliquod commodum animabus defunctorū in vitā futurā, siue quodā præmij augmentum, siue quodā pœnatum diminutionem: nō autem negare, quin sepultura spectet ad quoddam bonum hominum, & quasi temporale adhuc bonum defunctorum.

ARTICVLVS III.

Vtrū eleemofyna corporales sint potiores quàm spirituales?

CONCLVSIO D. Tho. est: quod spirituales eleemofynæ simpliciter loquendo, sint potiores corporalibus: idq; ex triplici capite: primò, quia id quod in misericordia spirituali exhibetur, tanto est nobilius eleemofynā corporali, quàm bonū spirituale præminet temporali: secundò ratione eius cui exhibetur, quia spiritus siue anima cui per spirituales eleemofynas pro-

xime subuenitur, est præstantior corpore. Vnde sicut homo debet sibi magis providere quoad animam, quàm quoad corpus, ita etia proximo ceteris paribus: quia debet illū sicut seipsum diligere: tertio ex parte ipsorum actuum, quibus proximo subuenitur: quia spirituales actus sunt nobiliores corporalibus, quos dicit D. Thomas esse quodammodo steriles.

Et probatur ex D. Aug. ep. 199. vbi scribit: Si habet magnum locum ibi panis fractus esuriienti, quantum locum ibi concedenda est habere misericordia, quā homo eripitur diabolo tāquam leoni rugienti, & quem deuoret inquirenti. Similiter ex D. Greg. probari potest lib. 22. Moralium c. 12. vbi sic scribit: Qui omnino aimitit, & non dat, etsi non bene operatus est, meliorem tamen misericordie partem tenuit. Neq; obstat, quod subinde in particulāri casu proximus sit potius iuuandus secundū corpus, quàm secundum animam: id enim non arguit eleemofynam corporalem esse potiorē, aut præstantiorem: sed tantum hic & hunc magis regere illius necessitatem.

ARTICVLVS IV.

Vtrū eleemofyna corporales habeant effectum spiritualem?

CONCLVSIO Prima: Eleemofyna corporalis considerata secundum suā substantiā (et loquitur D. Tho.) siue secundum suum esse physicum, non habet nisi corporalem effectum. Patet, quia sic tantum supplet corporales defectus proximi.

CONCLVSIO Secunda: Alio tamen modo considerata habet effectū, siue fructum spirituale dupliciter: Est D. Tho. & declaratur: nam in primis, talē habet ratione causæ: quia quatenus ex charitate & virtute misericordie procedit, & exercetur propter Deum, est meritoria vitæ æternæ. Quod colligi potest ex illo Eccl. 29. *Perde pecuniam propter fratrem & amicam tuum, & c. pone thesaurum tuū in præceptis Altissimi, & proderis tibi magis, quàm aurum:* & ex illo Tobie c. 4. *Premium enim bonū tibi thesaurizasti in die necessitatis:* quando scilicet ut præmittitur, pauperi elargiris eleemofynam. Deinde est etiam satisfactoria pro pœnis post peccata remissa restantibus: quo sensu accipi potest illud consiliū Danielis Regi Nabuchodonosor datum: *Peccata tuā eleemofynā redime, & iniquitates tuas misericordiis pauperum, ut intelligatur scilicet monere Regē quatenus præmissā penitentia, quæ præsupponi debet, redimat pœnas sibi à Domino propter ipsius peccata comminatas, idque in primis elargitione eleemofynarū in*

D d paup.

Viginti in 2.

pauperes, & alijs misericordiæ operibus.

16 Præterea habet eleemosyna effectû spirituale, quando ex motione Spiritus Sancti quamvis nondum inhabitantis, sed tamen excitantis, propter Deû fit, quod hominẽ præparet & disponat ad iustitiã, sicuti supra diximus: & verisimiliter etiã seruiat ad diminutionẽ, pœnẽ quẽ post peccatorum remissionẽ aliquin maior restaret.

17 Alio modo habet quoque effectum spirituale (inquit D. Tho.) in quantum proximus cui per corporalem eleemosynam subuenitur, mouetur ad orandum pro benefactore. Vnde apud Ecclesiast. loco cit. subditur: *Conclude eleemosynam in corde pauperis, & hoc pro te exorabit ab omni malo: tũ scilicet quia ipsa propter Deũ facta instar orationis fortissimẽ prouocat, & inuitat Deũ, vt tui quoque miseretur, & à malis te liberet; tum quod etiã ipsi pauperes precibus suis solent apud Deum pro suis benefactoribus intercedere, & sepius efficaciter exorare: non autem quod liberet aut peccata remittat absq; pœnitentiã, prout quidã aliquando sibi persuaserunt: contra quos agit D. Aug. Ench. c. 75. & aliquot seqq. estq; manifestẽ contra Apostolum 1. ad Cor. 13. vt diximus: Et si distribuero in cibos pauperum omnes facultates meas, &c. Charitatem autem non habuero, nihil mihi prodest.*

18 Sed obijciunt illud Christi 11. Luc. Verũtã quod superest, date eleemosynã: Ecce omnia munda sunt vobis: ergo apparet quod sola eleemosyna sufficiat sine pœnitentiã ad remissionẽ, quãtũvis etiã alijs peccatis indulgeatur. Resp. N. C. Sanẽ (inquit D. Aug. loco cit.) qui sceleratissimẽ viuunt, nec curant talem vitam, moresq; corrigere, & inter ipsa facinora & flagitia sua, eleemosynas frequentare non cessant, frustra sibi ideo blandiuntur, quoniam Dominus ait: Date eleemosynã &c. Rationem itaq; negatẽ consequ. reddit D. Aug. c. 26. Ench. eod quod per eleemosynã veniat intelligẽdum quodcumq; misericordiæ opus ordinatẽ factum: vt autem ordinatẽ quis misericordiã exerceat, debet à seipso incipere, & sibi misericordiã impẽdere: Quare peccatores ante omnia debent animæ suæ misereri, quod faciunt dum per pœnitentiam ex fide conceptam, & per dilectionẽ student animam à peccatis mundare, & bonis operibus Deo inhærere. Qui sic ergo dant ordinatẽ eleemosynã, de illis dici potest: *Et ecce omnia munda sunt vobis*: non autem iuxta sensum obiectionis.

19 Alio autẽ modo dici potest: Hoc quod Dominus ait: *Et ecce omnia munda sunt vobis*, esse dictum cum respectu ad illa quæ præcesserunt: *Quod autem intrinsecus vestrum, plenum est rapinã &c.* vt significetur scilicet, quod si

incipiat dare eleemosynas, & affectus auaritiæ sic vincere, quod eo modo maculas quas per rapinã & iniustitias suas contraxerunt, eluent & ab eis mundabuntur: quẽ sensum indicat D. Basil. in Regulis brevioribus: respons. 27. sic vt illa Christi verba contineant quasi eandẽ monitionem cum illã quam facit Apostolus ad Ephes. c. 4. *Qui surabatur, iam non fuitur: magis autem laboret operando manibus suis quod bonum est, vt habeat vnde tribuas necessitatẽ patienti: quia scilicet hic modus est, & via quibus citius ad iustitiã peruenitur, & à peccatorum sordibus purgatur, quando mutato per pœnitentiã affectu deserimus opera iniustitiæ, & incumbimus contrarijs operibus iustitiæ.* Alias expõsitiones istius loci videre licet apud Tolet. & alios commentatores in cap. 11. Lucæ.

ARTICVLVS V.

Virum dare eleemosynam sit in præcepto?

CONCLUSIO D. Tho. est affirmatiua. Et probatur, quia illud est in præcepto absq; cuius obseruatione non potest conseruari charitas Dei & proximi: atqui absque præstatione eleemosynæ aliquando non potest seruari charitas: iuxta illud Ioannis 1. c. 3. *Qui habuerit substantiã huius mundi, & viderit fratrem suum necessitatẽ habere, & clauserit viscera sua ab eo, quomodo charitas Dei manet in eo?* Rursum, nullus damnatur propter omissionem alicuius quod nõ fuit ei in præcepto: sed plurimi damnabuntur propter omisã opera misericordiæ: vt patet ex c. 25. Matth. & c. 2. Iacobi: ergo &c.

Idẽ confirmari potest ex alijs Scripturis vt Eccl. 29. *Propter mandatum assume pauperẽ: & propter inopiam eum ne dimittas eum vacuum. Perde pecuniã propter fratrem & amicũ tuũ, &c.* & Prou. 21. *Qui obturat aurẽ suam ad clamorẽ pauperũ, ipse & clamabit & non exaudietur:* quandoquidem ergo propter mandatum oporteat assumere pauperem, & quidẽ sub comminatione quod non exaudietur, scilicet à Domino, si obturauerit aurẽ quis ad clamorem pauperum, cõstat satis eleemosynam tempore & loco esse in præcepto.

Quæret aliquis: ad quodnam ex decem Decalogi mandatis spectet præceptum eleemosynæ?

Omissis diuersis sententijs Respondetur convenientissimẽ dici, præceptum de danda eleemosyna generalius esse, quã vt vno aliquo ex istis totaliter contineatur, sed contineri totã secundã tabulã, potissimum tamen quarto mandato, quod in eã primũ & solum affirmatiuũ est. Declaratur, quia per

per violationem præcepti de eleemosynâ contingit singula ista suo modo violari. Quartum enim violatur quando nō communicamus patienti egestatē ea quæ à Domino nobis concessa sunt: iste enim honor tunc proximo cōmuniter cum parentibus debitus est. Neq; enim honor qui parentibus debetur in sola reuerentia consistit, sed vel maximē in subuentione eorum, quando indigent. Quintum suo modo violamus, si fame morientem non pascimus: iuxta illud D. Amb. Pisce fame morientem, si nō pauperis, occidisti. Contra 6. & 9. peccat qui pauperem finit opprimi quoad violationē thori ipsius, quando posset impedire. Cōtra 7. & 10. qui permittit eum opprimi in rerū suarum iniquā ablatione: & contra 8. qui finit opprimi falso testimonio. Discutrit itaq; eleemosynā per omnia præcepta secundæ tabulæ, sicut & dilectio ipsa proximi. Qui tamen cōtra ista præcepta delinquit solum quatenus non subuenit proximo, prout ex charitate tenetur, non ideo redditur obnoxius restitutioni: prout alibi latius explicabitur.

ARTICVLVS VI.

Utrum quis debeat dare eleemosynam de necessario?

PRO PRINCIPALI intelligentia eorū quæ ad hanc materiam pertinent, Notandum primò: ad obligationem præcepti de eleemosynā dandā duo debere cōcurrere, scilicet quod proximus indigeat, & quod quis habeat vnde tribuat necessitatem patienti.

Notandum Secundò vtrumq; posse secundū diuersos gradus obuenire: dicitur enim proximus indigere, vel quia est in extrema necessitate, vel quia in graui, vel deniq; quia in necessitate est cōmuni. Similiter quis dicitur non habere vnde tribuat pauperi, vel quia non habet omnino, vel quia quod habet est ipsius vel suis quibus providere tenetur, necessarium ad vitā, aut si non omnino ad vitam, saltem est necessariū ad congruam status intertentionem.

Notandum Tertio: tunc iuxta D.D. proximū versari in necessitate extremā in ordine ad aliquem, quādo eò devenit angustiarū, vt nisi tu eum iuues, imminet periculū moraliter certū, quod præ indigentia morietur: neq; requiritur quod sit in agone aut articulo mortis, sed satis est, quod adsint euidētia signa mortis sequuturæ ex paupertate & miseris, si tu nō subueneris: quando enim subuenientia differtur vsq; ad mortis articulū, tūc redditur penē impossibilis reſtauratio. Eiusmodi tamen euidēs signū nō mox censetur, & si quis dicat se

esse in tāns angustijs, quia testimoniū fert in propriā causā: idq; præsertim si medicare ordinariē soleat, quia eiusmodi hominū fides solet magis esse suspecta. Similiter neq; sufficiens erit, si habeat aliquod testimoniū parochi aut confessorij in terminis communibus, quia forte nō de visu, sed ex ipsius relatu testantur: secus autē si pastor, vel alius fide dignus testaretur se domum visitasse, aut aliis probē habere perspectam extremam talis personæ, aut illius familiæ necessitatem, nec adesse qui possint, aut de quibus liceat sperare, quòd eā subleuabunt. Neq; etiā expedit nimis exactū aut curiosum velle esse indagatorē in hac parte, quia nō perdit quis de suo merito & mercede, quamvis contingeret aliquem errorem subesse, & ex alterā parte possit fieri, quod proximus interea inediā tabesceret non absque nostro reatu.

In graui necessitate versantur qui cōiecturā non improbabili, licet nō certitudine morali, videntur in periculo vitæ esse, aut qui euidenter sunt in certo periculo incidēdi in aliud notabile incommodū minus morte. Prior est propriē necessitas grauis: posterior autem potest dici extrema secūdum quid, quæ in hac materia equipatur graui. Communis deniq; necessitas est, quā passim & cōmuniter patiuntur pauperes.

Notandū Quartò: bene ex quibus possumus pauperibus subuenire, esse vel talia vt sint necessaria vitæ nostræ, vel vt sint necessaria personę, siue ad status intertentionem, vel sint superflua vltra vtrumque. Necessaria vitæ censentur bona illa, sine quibus quis, aut familia eius deueniret in extremā aut quasi extremam necessitatē. Necessaria autē personę sunt, sine quibus statui suo congruerent quis viuere non posset, quorum æstimatio non consistit in indiuisibili, sed habet terminos satis latos: vt notat & explicat hic D. Thomas.

Neque in hac æstimatione faciendā tantū est habenda ratio præsentis temporis, sed etiam onerū quę quasi moraliter certò instant pro futuro: vt si habet proles paruulas, non tantū censetur ei necessariū ad statū id quod requiritur ad eas nunc alendas, sed etiam quod requiretur ad illas postmodum maiores intertendas & elocandas. Similiter censetur necessarium, quod reſeruat pro morbo vel senectute ingruente, si ordinarij proventus non sufficerent ad onera illa pro ratione, status sui ferenda. Imò non tantum potest attendi status præſens in quo quis versatur, sed etiam is ad quem licitē aspirat: vt post Petrum Nauar. tradunt etiā multi recentiores: quod tamen videtur limitandum ad casum, quo esset probabilis aliquis,

D d ij & non

& non nimis remota spes, alioquin nunquam videtur quis habere superflua personæ suæ ad status intentionem: quare in hoc, sicut & in alijs præmissis dijudicandis, opus erit bonæ & sinceræ mente, ne ambitio vel avaritia iudicium pervertat, & locum habeat illud Psalms, *Et mentis est iniquitas sibi*. Deinde cōsultissimum & præneccellarium est, vt & aliorum prudentum censuram super talibus exquirant.

Ex his verò potest intelligi quænam sint superflua, scilicet quæ ad vitam, nec ad statum, modis iam explicatis, necessaria sunt. His præmissis sit

- 18 **CONCLUSIO Prima:** Non tenetur, imo nec potest quis dare eleemosynam de eo, quod sibi & suis quos alere debet, est necessarium ad vitæ sustentationem. Eit D. Thomæ.

Probatur Primò: quia secundum rectum diligendi ordinem, debet quique magis se & suos domesticos diligere, cæteris paribus, quàm extraneos; ergo non potest se, & suos filios aut parentes, vel alios ad se pertinentes priuare necessarijs quoad vitā, vt subueniat alteri extraneo, quantumvis hic etiam sit in extrema necessitate.

- 29 **Dico,** cæteris paribus, quia si extraneus esset aliqua magna persona per quā Ecclesia vel Resp. sustentatur, vt habet hic D. Tho. tum pro illius conseruatione aliquis laudabiliter posset se & suos mortis periculo exponere, sibi nimirū necessaria subtrahendo, & illi personæ subministrando: non tamen tenebitur quis sub mortali id præstare cum certissimo periculo vitæ suæ: imò etiā posset in tali necessitate præferre parentes, vxorē, & liberos eiusmodi personæ publicæ: vt sensit Dom. Soto lib. 4. de Iust. & Iure qu. 7. art. 1. & plures alij cum ipso: non sic tamen fratres aut sorores.

- 30 **CONCLUSIO Secunda:** Non tantum de superfluis ad statum, sed etiā de superfluis ad vitam, licet ad statū essent necessaria, oportet sub mortali dare eleemosynam & subuenire illi, qui est in necessitate extremæ. Ita post Nauar. tradit Malderus circa hunc articulum.

Probatur Primò: quia quādo proximus est in ea necessitate, vt sine nostra subuentione non valeat sustentare vitam, tunc locum habet illud Amb. Pæse fame morientem, si non paueris, occidisti: vt docet D. Tho. art. præc. in Corpore; ergo quando non sumus in necessitate tali, tenemur sub mortali succurrere, ne dicamur occidisse. Et confirmatur ex c. 3. Luc. Vbi Ioannes dicit, *Qui habet duas tunicas, det non habenti;* ergo oportet proximo extremè indigenti succurrere, etiam de ijs quæ sunt ad statū necessaria, prout cenferi debet secundum tu-

nica, modo referemus necessaria ad vitā. Quod enim id proponatur vt præceptum, colligi potest ex antecedentibus: præcedit enim, *Omnis ergo arbor non faciens fructum bonum, excidetur, & in ignem mittetur*. Vnde querentibus, quid ergo faciamus? respondit ea quæ allegauimus.

Probatur Secundò ratione quam habet D. Tho. in 4. dist. 15. qu. 2. a. 1. quia debemus proximum sicut nosiplos diligere: natura autem nostra circa nosiplos non concedit conuerti in augmentum quod necessarium est ad nutrimentū; ergo illud sine quo non potest viuere proximus, est subtrahendum statui, qui non facit etiā subistentiam nostram, quàm ad augmentū & ampliationem quandam. Quare tenebitur diues, etiā vestes præciosiores, aut vasa argentea diuendere, quāuis statui eius conueniat, vt pauperi extremè indigenti succurrat, & provideat de cibis contra famem, aut de veste contra frigora & nuditatem, ex quibus ei moraliter certò mors imminet, si alia media subueniendi non sint ad manum, nec ab alijs probabiliter putetur ei subueniendum.

Sed circa hæc rectè notat Malderus: quod attinet ad pauperes qui in locis publicis ad mendicandū sunt expositi, & exhibere videntur signa quādā extremæ necessitatis, rariùs contingere quod ex præcepto quis teneatur illis subuenire ex necessarijs ad statum, tū quod eiusmodi necessitates soleant maiores, quàm à parte rei sint, ostentari, & aliquando etiam simulari, tum quod ab alijs commodiùs & faciliùs iuuandi præsumi possint.

Sed cōtra concl. obijciat aliquis: D. Th. hic in fine Corp. quando posuit casum extremæ necessitatis cū alijs duobus, & tunc subiungit: In his enim casibus laudabiliter prætermittet aliquis id, quod ad decentiā status sui pertinere videretur, vt maiori necessitati subueniret; ergo videtur tantū esse consilij non præcepti, de necessarijs ad statū subuenire etiā extremè indigenti.

Respondetur N. C., nam satis clarè docuit loco sup. cit. præceptum legis de eleemosyna etiam obligare, vt de necessarijs secundum quid, siue de necessarijs ad statum subueniamus proximi necessitati absolute: neque hic id negat verbis citatis: nam etiā laudabiliter sit illud, quo quis satisfaciat præcepto. Ocasio autem quare D. Tho. ista loquendi forma vtatur, fuit, quia antea dixerat inordinatum fore, si quis tanta multa de necessarijs ad statum largiretur alijs, vt de residuo non posset vitam transigere conuenienter secundum proprium statum & negotia occurrentia: ab hac itaque inordinatione, inter alia, excipit elargitionem.

gitionē quā sit cum detrimento sui status, occurrente extremā necessitate, alicuius priuatę personę, vel aliqua magna necessitate &c. & ē contra dicit, quod quis tum non inordinatē, sed laudabiliter pręmittat id quod ad decentiam sui status pertinere videtur; non ergo sic loquitur, quia velit negare esse in pręcepto, sed ut ostēdat nō includere inordinationē, & faciat sic oppositū antithesim inter illa duo.

34 CONCLVSIO Tertia: De ijs quę sunt superflua, ita vt nequidem ad statum censeantur necessaria, oportet ex pręcepto, & quidem sub mortali, facere eleemosynā, non tantum in extrema, sed etiam in graui necessitate proximi. Est penē communis D. D. Caiet. hoc loco, & Opusc. de Eleemos. cap. vbi etiam citat multa loca D. Tho. ex quibus docet hanc eius esse sententiam. Adriani in 4. tract. de Restit. non longe à fine. Syl. verbo Eleemos. quaest. 5. Bannes hic dubit. 2. vbi citat pro eadem opinione Franc. à Victoria. Dom. Sotō, Canum & alios. Idē docet Petrus Nauarria lib. 3. de Restit. cap. 1. nu. 369 & seqq.

35 Probatur autem Primo: quia Matth. cap. 25. significatur plurimos damnandos ob neglecta opera corporalia misericordię; atqui non est verisimile omnem illum neglectū accidisse tantum in casu necessitatis extremę, quia hic casus forsità rariū occurrit respectu huius vel illius in particulari; ergo dicendum, quod pręceptū eleemosynę etiam extra illum casum obliget: atqui non apparet, quando probabilis id locum habere dici possit, quā dum proximus est in graui necessitate, & tu superflua habes ad statum; ergo &c.

36 Probatur Secundō: quia certum est obligationē pręcepti de eleemosyna oriri ex necessitate proximi & alterius facultatibus; grauis autem hic supponitur necessitas, & facultates tuę sunt illius proportionatę, quia habes quibus nec ad vitam, nec ad statum indiges: si enim superfluum ad vitam sit medium proportionatum & debitum subleuandę necessitati extremę proximi, superfluum intertentioni status erit proportionatum necessitati graui; ergo nō apparet, quā ratione, supposito pręcepto eleemosynę in tot Scripturis fundato ac commendato, non sequatur hic ex natura rei grauis obligatio sub mortali.

37 Probatur Tertiō: quia nisi ad statum superflua essent in graui necessitate proximi eroganda, necessariū sequeretur homines diuites non magis obligari ad eleemosynas, quā homines mediocres ac tenuēs, quia solum teneretur dare in extrema necessitate proximi, quādo etiam mediocres obligantur; atqui hoc non est consentaneū

Scripturis & PP. qui agnoscunt & inculcant specialem obligationem in diuitibus ad eroganda superflua, vt ex modo dictendis constabit.

38 Quertō, quia contra charitatē est, quod non subleuem proximum, non tantum ab extrema necessitate, sed etiam quod non à graui, quando saltem cū leui detrimento, & quasi nullo id possum. Quę autē leuior est iactura, quā eius rei quę neque ad tuendam naturam, neque ad tuendum statum est necessaria? ergo debeo eiusmodi bona exponere, vt subleuem proximum à necessitate graui in qua versatur. Quinimō potest contingere, quod necessitas proximi sit tam grauis, licet nondum extrema, vt teneatur quis ei subuenire etiā sub mortali de ijs quę sunt aliquo modo necessaria ad statum, sed tamen absq; notabili diminutione potest illis carere, aut aliunde breui ea resarcire: vt sentiunt Franc. à Victoria, Dom. Sotō, & Canus, quos hic citat & sequitur Bannes. Quocirca diligenter erit semper obseruanda proportio suorum mediorum, & quatenus tibi necessaria sunt cum magnitudine necessitatis proximi.

39 CONCLVSIO Quarta: Tenentur diuites de absolute superfluis dare eleemosynas, et si non occurrant necessitates graues proximi, sed communes tantum, quales sunt passim pauperum. Est Adriani loco sup. cit. similiter Caiet. & in Summa verbo, Eleemosyna: Bannes hic, & plurimū aliorum. Probatur ex illo Matth. 16. Nemo potest duobus Dominis seruire, adiuncto commentario D. Hier. & Chryl. qui interpretantur, *Seruire Mammona*, esse opes superfluas seruare: qui enim eas in pauperes erogant, non seruiunt, sed imperant Mammonę: illi autem qui eas apud se detinent amore earū inescati, & quodam modo ab illis possessi, ita vt oblata occasione honestā, eas à se diuellere nequeant, seruire illis merito æstimantur; qui ergo nō volunt Mammonę seruire, debent de opibus superfluis proximo subuenire in necessitatibus etiam communibus si alię grauiiores non occurrant.

40 Probatur Secundō ex SS. PP. qui generaliter valde exaggerant vitium auaritię, & tenacitatis eorum qui superflua habent, & indigentibus non subueniunt: D. Chryl. hom. 34. ad populū: Tuarū esto homo distributor pecuniarū; non ad hoc accepisti vt in delitiis absumeres, sed vt in eleemosynas erogares: res pauperū tibi sunt creditę, siue ex laboribus iustis, siue ex hereditate paternā possideas. D. Basil. hom. contra diuites auaros ad illa verba Luc. 12. *Deservit horrea mea*: An iniustus est Deus, inquit, inqualiter nobis res distribuēs, vt tu abundas, D d iij illo

ille verò mendicat, nisi vt tu bonæ dispensationis merita consequaris, ille verò patientiæ brauijs condecoretur. Est panis famelici quæ tu tenes: nudi tunica, quam in conclauī conseruas: discalceati calceus, qui penes te marcescit: indigentis argentum, quod possides inhumatum. D. August. serm. 119. de tempore docet, excepto victu & vestitu, cætera esse eroganda: quid enim Deus plusquam opus est dedit, non nobis specialiter, sed per nos dedit erogandum pauperibus, & in Psal. 147. dicit superflua diuitum esse necessaria pauperum, & res alias possideri quando possidentur superflua: D. Hier. vt refertur dist. 42. Capitulo 1. dicit, quod aliena rapere conuincatur, qui vltra necessaria sibi retinere probatur. Et similia apud alios passim reperiuntur; ergo apparet quod etiam in communibus necessitatibus obligentur diuites de suis superfluis eleemofynas facere.

41 Obseruandum tamē est. circa sententias SS. PP. allegatas, quod dum dicunt superflua non esse diuitum, sed pauperum, id sic accipiendum esse, non quasi bona temporalia quæ homini diuinitus cōferuntur etiam vltra omnem necessitatem, non sint eius quantum ad dominium & proprietatem: sed quia quantum ad vsum non solum debent esse eius, verum etiam aliorum qui indigent, & ex ijs sustentari possunt: vt explicat D. Tho. art. præc. ad 2. quia scilicet diuites ex præcepto charitatis debent ea in vsum pauperum expendere, non secus ac si pauperum essent. Similiter dicunt diuites esse dispensatores, quia verè obligantur dispensare, licet non lege iustitiæ, tamen lege charitatis: Dicunt etiam eos raptores aut exspoliatores, si non erogent aut dispenſent quæ ipsis superflua sunt, quia videlicet detinent quod pauperibus debet elargiri: sicuti raptor & fur est, qui detinet quod aliorum aut alienum est. Eiusmodi ergo loquutiones sunt accipiendæ secundum quandam accommodationē terminorum, non secundum rigorosam eorum acceptionem & proprietatem.

42 Dicet aliquis: D. Thomas infrà quæst. 118. art. 4. ad secundum dicit, hīc subesse obligationē debiti legalis: sic enim intelligit illud Diui Basil. Est panis famelici quem tu tenes, &c.

Respondetur, quod D. Thomas ibi generaliter vocat legale debitum, quidquid ex legis obligatione debet præstari, etiam si lex illa non sit lex iustitiæ, vt potest colligi ex qu. 80. artic. vnico. ita vt ad eiusmodi legale debitum constituendum sufficiat etiam obligatio legis charitatis siue misericordiæ: alioquin Quodli-

*beto. 6. art. 12. expressè docet diuitem non dantem eleemofynam ex patrimonio suo, non vsurpare sibi tanquam proprium quod est alienum: sed peccare abusu rei suæ non erogando quando oportet.

43 Probatur Tertio Concl. ratione: Quia licet necessitates communes singulæ non sunt tantæ æstimationis aut momenti, vt hanc vel illam præterire sit peccatū, præsertim quia quæ ab vno non subleuatur, solet subleuari ab alio, tamen multæ occurrentes in vna aliqua communitate aut Rep. efficiunt quoddam notabile gtanamē siue miseriam grauem, quam diuites habentes superflua merito debet singuli pro aliquā parte subleuare. Quare licet singulis pauperibus mendicantibus non teneantur aliquid necessariū sub peccato elargiri, tamen tempore & loco debent aliquando aliquibus dare, sic vt non sine periculo peccati mortalis possint formare propositum nunquam dandi eleemofynam, nisi in extrema aut graui necessitate.

Confirmatur, quia si vni habenti superflua id liceat, etiam licebit alijs: si autem omnes ita se erga pauperes communes gererent, breui futurum est quod plurimi constituantur in extrema, aut valde graui necessitate, quod merito debent ex charitate auertere, quando absque incommodo suo (quod verum incommodum mereatur reputari) id possunt, prout tales verè possunt.

44 Sed contra obijcitur primò: Apostolus 2. ad Cor. 8. dicit, se non imperare; sed magis dare consilium Corinthijs, vt abundantia eorum suppleat inopiam pauperū; ergo non videtur esse præcepti.

Respondetur, Apostolus petebat ibi eleemofynam pro fidelibus externis, quibus non tenebantur Corinthij sua superflua erogare: poterant enim erogare in suos conciuēs pauperiores, & ideo Apostolus dicit, se non imperare. Deinde Corinthij illi forsitan nō habebant passim superflua, sed tantum ea quibus poterant secundum statum viuere, quod videtur ipse vocare abundantiam respectu magnæ inopiæ aliorum: idque potest colligi ex his eius verbis, Non enim vt alius sit remissio, vobis autem tribulatio, sed ex æqualitate. In presenti tempore vestra abundantia illorum inopia suppleat, quibus satis insinuat, quod Corinthijs non esset quoque nimia affluentia ac superfluitas diuitiarum.

45 Obijcitur Secundò: Si diuites debeant ex præcepto erogare sua superflua in pauperes, etiam extra casum extremæ & grauis necessitatis; ergo peccabant semper mortaliter, quoties aliqua prodigē expendunt in vestes, in conuiuijs, & in alias voluptuarijs

luptuarias recreationes, imò consequens videbitur, quòd si pauperes non se pro eleemofynis offerant, quod diuites debent querere, vt illis sua superflua largiantur, quæ videntur esse contra communem sensum & apprehensionem.

Respondetur, Negando illam hypotheticam, siue assumptum: neq; enim dicimus quod diuites debeant statim dare omnia sua superflua pauperibus: sed quod ex illis teneantur facere eleemofynas tempore & loco, etiam in necessitatibus communibus. Quod si interea profusè & inutiliter quædam expendant, non propterea semper peccabunt mortaliter: non enim propter neglectum præceptum misericordiæ, nam illud & voluntate & opere possunt tempore & loco simul implere: neque etiã propter prodigalitatem, quia illa per se ex communi sententia non putatur esse peccatum mortale. Quod si verò ita prodigè sua expendere, vt propter eiusmodi expensas non præstarent opus misericordiæ in extremis vel graui necessitate, aut etiam alias nunquam tribuerent pauperibus in necessitatibus communibus, faciliè admisero tales à peccato mortali non esse excusandos, idque plurimis obuenire. Potest satis colligi ex verbis Christi Matt. 25. & Luc. 12.

Ad alterum Respondetur: quamuis id valde laudabile sit, & à viris sanctis obseruatum, quod etiam pauperes inquirerent quibus beneficerent, hoc tamen generaliter non esse in præcepto, nisi forsitan occurreret iusta occasio suspicandi esse magnam, aut grauem necessitatem in aliqua familia, quæ propter verecundiam & honestatem non auderet miseriam & angustias suas explicare; alioquin poterunt sua reseruare in tempus opportunum, quando occasio occurreret pauperibus subueniendi. Episcopi verò, vt hic docet Bannes dicit, vlt. circa finem, tenentur etiam inquirere pauperes in suo Episcopatu ad faciendum aut procurandum eis fieri eleemofynas, ita vt non satisfaciant, si solum occurrentibus pauperibus exhibeant misericordiam: hoc enim & reliqui de populo tenentur facere: Episcopi autè, quoniam sunt patres spirituales, obligantur spiritualem salutem suorum subditorum procurare, quæ sæpius propter egestatem impeditur: vnde debent esse solliciti, vt in sua Diocesi pauperes & infirmi, quantum sibi possibile fuerit, charitatiuè iuuentur, & eis de necessarijs prouideatur: quod dicit, nò minus facile posse fieri & cognosci per parochos, & alios pios ministros, quam per fiscales cognoscantur delicta, quæ multis sunt obnoxia, & lucrum apportant. Certè ex epistolis D. Pauli ac alijs

Scripturæ locis constat, quam fuerint Apolloli solliciti de fidelibus pauperioribus, vt eorum necessitatibus subueniretur.

Sed difficultas hic mouetur:

Vtrum extremè, vel grauius indigenti oporteat dare absolutè illud, quo indiget; an verò sufficiat ei succurrere vendendo, aut mutuuum dando, vel simili contractu oneroso.

Doctores circa hanc quæst. inter sese differunt, saltem in modo loquendi, dum multi videntur stare pro priori parte: vt Dom. Soto lib. 4. de Iust. & Iure, quæst. 7. Bannes, & Valentia hoc loco: Petrus Nauarra lib. 3. cap. 1. num. 365. Syl. verbo, furtum. E contra alij pro parte posteriori: vt Adrianus Quodlibeto 1. art. 2. & in 4. Tract. de restitut. Nauar. cap. 24. Ench. num. 5. Couar. ad regulam peccatum parte 2. §. 1.

Pro resolutione autem & explicatione Respondeo & Dico primò: Diuites, qui habent superflua vltra victum & statum, tenentur dare gratis pauperi in extremà vel graui necessitate constituto, qui nec alibi, habet bona, nec est in proxima spe illa consequendi.

Probat, quia tenentur ex diuino præcepto diuites de superfluis facere eleemofynas tempore & loco: vt iam antè ostensum est; ergo vel maximè in casu posito.

Dices: Faciunt eleemofynam dando mutuuum, aut vendendo sub credito. Respondetur, hoc quidem esse præstare aliquam gratiam, aut misericordiam; sed tamen non esse propriè facere eleemofynam, prout Scriptura commendat, aut præcipit eleemofynam, quæ non solet intelligere aliam, quàm donationem gratuitam, vt ex pluribus locis potest colligi, Ecclesiastici 12. Benefac iusto, & inuenies retributionem magnam: & si non ab ipso certè à Domino: cap. 14. Secundum vires tuas exporrigens da pauperi. Non defrauderis à die bono, &c. da, & accipe, & iustificas animam tuam: & cap. 29. Verde pecuniam propter fratrem & amicum tuum. Psal. 111. Dispersit, dedit pauperibus. 2. ad Cor. 8. hortatur Apostolus, vt abundantia vnius suppleat inopiam alterius, quod non fit nisi liberali donatione: neque enim desinit esse inops qui nihil acquirit, nisi tantumdem debendo: imò dum ad tuendam vitam consumit quod mutuuum datur, aut sub credito venditur, redditur quodammodo pauperior, quia nihil retinet, & alteri obæratu exsistit: quæ obligatio haud dubiè nouam afflictionem & tribulationem ergo cordis addit afflictio. Quandoquidem ergo eiusmodi dantes abique suo incommodo alicuius momenti possint absolutè subleuare huiusmodi pauperis necessitatem

Dd iiij extremam

extremam aut grauem, mandat omnino charitas, vt ita faciant, & non nouo onere miserum grauent ac premant.

49 Dico Secundo: si proximus tantum sit in necessitate pro hoc loco, aut pro hoc tempore, quia sibi habet bona sufficientia, aut quia tempore aduentante expectat sibi quali certo obuentura, non tenebitur quis etiam de superfluis, dare gratis ea quibus hic & nunc indiget, sed sufficiet dare mutuo, aut vendere sub credito.

Prebatur: quia talis non est absolute pauper, sed habet in re aut in spe propinqua vnde possit restituere: quare obligatio talis non censetur quoc; eius miseria & afflictionem augere; ergo poterunt diuites ita cum illo agere, & sua superflua in alios, qui absolute pauperes sunt, gratis erogare.

50 Dico Tertiò: Similiter videtur sufficere dare mutuo, quando non habes quo succurras proximo in extrema necessitate constituto, nisi quod tibi ad vitam & statum moderatè intendendum est omnino necessarium, ita vt si gratis donares quibus indiges, incideres ipse in grauem necessitatem. Neque hic refert quod forsità proximus restituendo caderet in aliquam quoque grauem necessitatem, quia nemo tenetur se in eandem conijcere necessitatem, vt ab ea liberet proximum: secus esset si proximus non valeret restituere, nisi reincidento in necessitatem extremam tum enim oporteret gratis ei dare, etiam de illis, quæ necessaria sunt ad statum, inmodò non sint necessaria vitæ.

51 Altera hic mouetur difficultas.

Vtrum pauperi in extrema vel graui necessitate constituto liceat clam surripere, aut inuito domino auferre ea quibus necessitatem suam leuet.

Respondeo & dico primò: non licere pauperi surripere in quacumque necessitate sit, nisi prius petierit si dominus sit preflens, & speretur quod rogatus donabit: si tamen surripuerit absque petitione præuia, non peccabit absumendo, si sit in extrema necessitate, quamuis inordinate fecerit ita surripiendo, dummodo spes fuerit aliter obuinendi. Meritò enim displicet domino tunc talis surreptio: vnde nec auctus ille excusatur à peccato furti: non tamen tenebitur ad restitutionem, quando in tali necessitate surripuit & consumpsit, modò res vtriusque sic sint constitutæ, quod dominus debuisset eis subuenire per absolutam donationem, & nò tantum per mutuum vel venditionem sub credito iuxta ea quæ dub. precedenti dicta sunt: sicut & in tali casu necessitatis extremæ, si diues rogatus recusat subuenire, poterit in-

digens etiam inuito domino auferre quod suæ inopiæ subleuandæ est necessarium. Est communis hæc doctrina.

Notat tamen rectè Dom. Soto lib. 5. de Iust. & Iure quæst. 3. art. 4. debere pauperem propter quædam iura ciuilia, quæ id requirunt, antequam surripiat indicare Magistratui suam inopiam, quando id commodè fieri potest, idque meritò, ne sub prætextu necessitatis impleantur omnia turis & rapinis.

Dico Secundo: probabile est, non tantum in necessitate quæ absolute extrema est, sed etiam in valde graui licitum esse pauperi auferre illud quo indiget ab homine diuite, qui per eiusmodi ablationem non incidit in aliquam necessitatem aut notabile status detrimentum. Ita Syl. verbo furtum qu. 15. Summa Angel. eodem verbo furtum §. 37. & Petrus Nauarra lib. 3. cap. 1. nu. 376. cum alijs nonnullis contra Dom. Soto, & Couar. loco sup. cit. qui tamen admittit hanc sententiam esse probabilem: quæ potissimū vbi venire potest in necessitate famis: nam hæc grauius urget, & minori detrimento restaurari potest. Non est autem generaliter verum, vt quidam existimare videtur, quòd quandoquique diues obligatur ex charitate subuenire necessitatibus pauperis, tū semper pauperem posse auferre, si non denotet omnino enim rationi consonum est, vt requirit dicatur ad hoc maior inopia & necessitas. Quare haud dubiè peccant frequentius diuites non dando eleemosynam, quando tamen etiam pauperes peccarent, si illis surriperent. Sed contra

Obijciunt Primò: In Capitulo, Si quis; de furtis dicitur: si quis propter necessitatem famis aut nuditatis, furatus fuerit cibaria, vestem, aut pecus: peniteat hebdomadas tres, & si reddiderit, non cogatur ieiunare; ergò licet necessitas extrema, de qua nullus existimat Canonem loqui, excuset surripientem à peccato furti, non tamen videtur excusare necessitas grauis, quandoquidem illi qui propter necessitatem furatus est, imponatur penitentia.

Respondetur; cum Glossa & D. Thoma inf. quæst. 66. Capitulum loqui de necessitate sedde extrema, neque etiam valde graui, sed de aliqua vtriusque communi, quæ licet minuat vtrumque peccatum, tamen non omnino tollit: videtur enim Author alludere ad illud Prou. 6. Non gravior est culpa cum quis furatus fuerit, furatur enim vt esuriens impleat animum, &c. Itaque propter aliqualem culpam dicitur furatus, ob quam etiam imponitur penitentia trium hebdomadarum in ieiunijs scilicet, cum hac tamen moderatione, vt si reddiderit, prout

prout talis obligatur, non teneatur ieiunare: quia restitutio est illi prout tenuioris conditionis, grauis, & sic in partem satisfactionis & penitentiae potest illi reputari.

Deinde obseruandum, quod Capitulum illud non sit alicuius Pontificis, sed alterius, vt appareat, authoris satis incerti.

55 **O**bjicitur Secundo: D. Tho. Quodlibeto 8. art. 12. docet, si non appareant euidentia signa extremæ necessitatis, diuitem non teneri dare pauperi eleemosynam; ergo multo minus extra hanc necessitatem pauperi licebit surripere.

Respondetur D. Tho. ibi appellare necessitatem extremam, quam infra quæst. 66. appellat euidentem & urgentem, eamque proinde distinguere non contra eam quæ simpliciter grauis est, de qua nos loquimur, sed contra grauem secundum quid, huc contra communem: tantummodo enim ponit duas species necessitatis, sub extrema comprehendens omnes quæ ad illam accedunt.

Obseruandum verò est, non censi aliud in extrema aut graui necessitate, quando mendicando saltem tantum accipere potest, quantum necessitatibus eius subleuandis potest satis esse.

56 **S**ed Quæritur: Vtrum vir honestus, qui dedecus magnum sibi reputat mendicare, non possit surripere, quando non potest aliter, quam mendicando necessitati suæ prouidere?

Admittit Bannes ad art. seq. posse eum surripere in tali casu. Sed rectius videtur sentire contrarium cum Titelmanno in Plal. 36. Nauarrus ad cap. Quiescamus dist. 42. num. 35. Neque enim pudor ille mendicandi in tali necessitate videtur sanctus & Christianus: nam vir bonus cogitare debet non absque diuina prouidentia sibi obuenire eam necessitatem, siue ad præcedentium delictorum purgationem, siue ad virtutis exercitum: vnde conformiter ad hæc meritò sese habere debet: quare Nauar. eiusmodi verecundiam videtur existimare potius vanam superbiam. Hoc interim verum est, vt bene monet D. Ambrosius lib. 1. Offic. cap. 30. in delictu pauperum quibus eleemosynam quam erogare cupit, esse habendam rationem verecundiae quæ ingenuos prodit natales, quando nobis innotescit.

ARTICVLVS VII.

Utrum fieri potest eleemosyna de iniuste acquisitis?

57 **P**er iniuste acquisita intelligit D. Tho. generaliter, acquisita modis illicitis,

siue quia contra iustitiam propriè dictam, siue quia cum præuaricatione alterius virtutis aut præcepti: vt patet ex primo argumento, & ex corpore.

Respondetur: cum distinctione & imprimis dicit quædam sic illicite esse acquisita, vt debeant illi à quo accepta sunt, neque retineri possint ab eo qui illa acquisiuit: sicut contingit in rapina, furtis, vlturis, & de his docet non posse fieri eleemosynas. Patet, quia non sunt ipsius possidentis, sed illius à quo sunt accepta, cui proinde debent restitui, nõ alteri dari, nisi forte proximus esset in extrema necessitate, & sur non habere proprium vnde succurreret. Eadem erit ratio, si reperiri nõ possint à quo iniuste sunt ablata: tunc enim in eleemosynas aut alios pios vsus sunt impendenda.

Secundo dicit, quædam sic esse illicite acquisita, vt nec ab illo qui acquisiuit, nec ab eo à quo sunt accepta possint retineri iuribus sic disponentibus, vt quæ quispiam simoniace acquisiuit: & eiusmodi docet in eleemosynas debere erogari, aut ad alias pias causas applicari, scilicet iuxta Canonum dispositionem, prout latius infra in Tract. de Simonia explicabitur.

Tertiò dicit: quædam esse illicite acquisita, non quod eorum apprehensio & detentio sit in se illicita, sed quia per modum, siue causam illicitam acquiruntur: sic illicite acquisitum est, quod mulier accipit propter prostitutionem sui corporis, quæ potest quidem licite illud accipere post actum & retinere, & tamen eiusmodi merces reputatur inter illicite acquisita, & vocari solet propter turpe lucrum. Eadem est ratio de illis, quæ quis accipit vt aliud turpe facinus perpetret, v. g. vt aliud occidat: & de his, docet D. Tho. posse quoque fieri eleemosynas. Fuit tamen in antiqua lege Deut. 23. prohibitum offerre mercedem prostibuli in domo Dei, tum propter scandalum, tum propter reuerentiam, inquit S. Tho. hic ad 2.

ARTICVLVS VIII.

Utrum qui est in potestate alicuius constitutus possit eleemosynam facere?

60 **R**espondetur cum D. Tho. Ille qui est sub potestate alterius constitutus non potest eleemosynam facere de re secundum quam superiori subijcitur, nisi quatenus fuerit ei à superiore commissum: sed si habeat aliquid quod potestati superioris non subit, quatenus circa illud sui proprii iuris

iuris exiſtit, poterit de eo eleemofynam facere. Hinc non poteſt vxor facere eleemofynā ſine conſenſu viri expreſſo vel rationabiliter præſumpto, niſi in articulo neceſſitatis: quamvis enim mulier ſit æqualis viro in actu matrimonij, tamen in his quæ ad regimen, & ad diſpoſitionem domus pertinent, vir caput eſt mulieris. Si tamen mulier præter dorem ſuam quæ ordinatur ad onera matrimonij ſuſtentanda, haberet aliqua alia bona propria, ſive ex labore, ſive alio honeſto modo acquiſita, de talibus ſine conſenſu viri eleemofynas facere poſſet, imo eſſi non haberet propria, ſed vir eius eſſet turpiter avarus, poterit facere moderatas eleemofynas & ſubvenire indigentibus, idque pro ſalute iplius & familiæ ſuæ: vt egit Abigail vxor Nabal 1. Reg. 25 cum Dauide & ſocijs eius. Vide plura apud Syl. verbo Eleemofyna.

ARTICVLVS IX.

Vtrum propinquioribus ſit magis eleemofyna facienda?

61 **Q** Vid ad hunc articulum dicendū ſit, conſtat ſatis ex dictis ſuprà de ordine charitatis. Sed occaſione eius Scripturæ quam D. Tho. in primo argumento adducit ex cap. 12. Eccleſiaſtici, ſcilicet *Da miſericordiæ, & ne ſuſcipias peccatorem &c. benefac humili, & non dederis impio.*

Quæritur hic: Vtrum non ſit eleemofyna danda peccatoribus?

Reſpondetur breuiter, etiam illis in extremâ aut graui neceſſitate cõſtitutis eleemofynam dandam eſſe. Patet ſatis ex dictis ſuprà quæſt. 25. art. 8. de dilectione inimicorum. Vnde Luc. 6. dicitur, *Omni petenti te, tribue*: & ad Rom. 12. *Si eſurierit inimicus tuus, ciba illum.*

62 Ad Scripturam itaque adductâ reſpondetur cum D. Tho. Non eſſe dandam eleemofynam peccatoribus, in quantum peccatores, id eſt, vt per hoc in peccato foueantur. Vnde Capitulo, Quoniam multas, Cauſa 11. quæſt. 3. excipitur caſus dandi eleemofynam peccatori, quando illa fieret ex cõmunicato in ſuſtentione ſuperbiæ, & Capitulo non omnis, Cauſa 5. excipitur ab eleemofyna peccator qui per ſecuritatem cibi neglexerit iuſtitiam: alioqui eſſe faciendam eleemofynam peccatori in quantum homo eſt, ſcilicet vt natura ſuſtentetur: quod etiam docet D. Greg. in tertia parte Paſtoralis Admonitione. 21.

Sed iterum contra obijci poteſt ex cap. 16. Luc. *Facite vobis amicos de Mammona iniquitatu: vt cum deſeceritis, recipiant vos in æterna tabernacula.* Item ex cap. 25. Matth. vbi Chriſtus dicit, *Quamdiu ſiſciſti vni ex his fratribus meis minimu, mihi ſeciſti.* ex quibus apparet quod eleemofynę tantū ſint faciendæ Sanctis, qui ſuo tempore ad æterna tabernacula nos poſſint recipere: item illis qui in die iudicij cū Chriſto à dextris eius ſtabunt, non autem malis & peccatoribus.

Reſpondetur ex illis locis non aliud colligi, quàm eleemofynas factas bonis & Sanctis fore admodum ſuis factoribus proficuas, & meritò quidem, cæteris paribus, meliores in eleemofynarum diſtributione eſſe præferendos; non verò alijs non eſſe faciendas: quia licet ipli forſitan non ſint in tabernaculis cœleſtibus futuri, vt nos poſſint recipere, tamen ipla eleemofyna propter Chriſti amorem facta, non erit apud Deum in obliuione, & ipla pro nobis orabit, & nos excipiet iuxta illud Eccleſiaſtici 29. *Conclude eleemofynam in corde pauperu, & hac pro te exorabit ab omni malo.*

ARTICVLVS X.

Vtrum eleemofyna ſit abundanter facienda?

64 **R** eſpondetur cum D. Tho. Multum dare ſecundum proportionem facultatum iplius dantis, ſicut vidua miſit in gazophilacium Luc. 21. eſt laudabile, modò tamen ſeruentur ea, quæ ſuprà docuit art. 6. de ſe non inordinate exuendo rebus ſuis: ſicut etiam multū dare reſpectu accipientis, hæcenus vt eius inopia perfeçtè ſubleuetur, laudabile eſt, non verò vt detur ei ad ſuperfluitatem: præſtat enim in plures diuidere quam vni dare nimium.

Sed quæritur an melius ſit iuuare plures imperfectè, quam pauciores perfeçtè.

65 Reſpondetur cum Maldero: Poſteriore potius prætermittendum quam communis iſte modus elargiendi pluribus minutiores ſcil. eleemofynas, aboleretur, atq; adeo hunc retinendum: eſſe præ altero propter plura quę in tota communitate ſecum adfert commoda: ſi tamen eo ſaluo quis poſſit aliquibus, quamvis paucioribus prodeſſe plenius & efficaciùs, continere poterit, vt hoc ſatius ſit: quamvis enim ex genere bonum commune præſtantius ſit, fieri tamen poteſt vt aliunde exciſus iſte compenſetur cum ſcenore.

QVÆST.

QVÆSTIO XXXIII.

De Correptione Fraterna.

In octo Articulos diuifa.

ARTICVLVS I.

*Utrum fraterna correptio fit
actus charitatis?*

INTER eleemosynas spirituales præcipua facile est fraterna correptio, & circa quam plures occurrunt difficultates: vnde D. Tho. peculiariter de hac præ cæteris instituit disputationem.

Notandum itaque primò, aliquid interesse inter correptionem, & correctionem, vt insinuat August. lib. 1. de Ciuit. cap. 9. dum ait, Quosdam nolle corrigere cum tortasse possint corrigere corripiedo: ex hoc enim licet colligere, quod corrigere sit monere & reprehendere, siue emendatio sequatur, siue non; corrigere autem sit ita monere vt emendationis effectus sequatur. D. Tho. tamen & communiter Scholastici vtuntur nomine correptionis pro correptione, forsitan quia quicumque corripit, quantum in se est, corrigit fratrem, sicuti mederi dicitur non tantum qui curat morbum, sed etiam qui medicamenta applicat, licet propter infirmi intemperantiam effectus sanitatis non sequitur.

Notandum Secundò: correptionem de qua hic agitur, dici fraternam, quia non fit auctoritate iudiciali quasi à superiore: sed à pari & socio, neque tendit ad punitionem, sed ad emendationem proximi tanquam fratris, vt malum animæ eius auferatur: Deinde quia familiariter & suauiter solet & debet adhiberi: non autem cum austeritate & seueritate iudicum, ac tribunalium. His præmissis

CONCLUSIO D. Thomæ est: Fraterna correptio quatenus adhibetur in remedium peccati prout est malum ipsius proximi delinquentis, est actus charitatis. Probat eam hoc ferè modo, quia remouere malum alicuius est eiusdem rationis, cuius est procurare illi bonum oppositum; atque bonum proximi procurare pertinet ad charitatem; ergo etiam amouere peccatum quatenus est malum peccantis, erit actus charitatis, & per consequens correptio fraterna per quam illud amouemus, ad cha-

ritatem pertinebit: & quidem erit actus charitatis tanto præstantior eleemosyna corporali; quanto grandius est spirituale malum, quàm necessitas & miseria corporalis. Dicitur in Conclusionem, Prout est malum ipsius delinquentis: quia correptio quæ adhibetur in remedium peccati quatenus peccatum est malum & noxium communitati, siue alijs, sic est actus iustitiæ, & competit propriè magistratui & Superioribus, quorum est conseruare bonum communitalis, & bonum iustitiæ vnius ad alterum.

Sed quæres: Utrum correptio fraterna sit actus charitatis, sic vt proximè ab ea eliciatur?

Respondetur, correptionem fraternam dupliciter posse fieri, scilicet aut proximè ex hoc motiuo, quòd peccatum sit simpliciter quoddam malum & quoddam spiritualis miseria proximi, quam ex compassione quis cupit amouere: aut proximè ex isto motiuo, quòd peccatum proximi sit malum quoddam displicens & ingratum Deo quodque ipsū offendit. Si priori modo fiat, erit actus proximè elicitus à misericordiâ, & mediâtè à charitate. Si posteriori autem modo, sic erit actus proximè à charitate elicitus. Quomodo autè peccatum, non obstante quod volucariè committatur, possit esse obiectum misericordiæ, licet hoc dicatur esse malum proximi inuoluntarium, supra est explicatum quæst. 30. art. 1.

ARTICVLVS II.

*Utrum correptio fraterna sit in
præcepto?*

CONCLUSIO D. Tho. est affirmatiua: & probatur ex D. Aug. serm. 161. de verbis Domini, vbi dicit, Si neglexeris corrigere, peior eo factus es qui peccauit; sed hoc non fieret, nisi quis per illam omissionem, siue neglectum preuaricaretur aliquod præceptum; ergo &c. Deinde probari potest ex Scripturis Matth. 18. Si peccauerit in te frater tuus, vade, corripe eum, Lucæ 17. Attendite vobis: si peccauerit in se frater tuus, increpa illum, & ad Tell. 5. Corripite inquietos: Sed

Sed quaeritur hic, an correptio fraterna tantum sit sub praecepto positum, an etiam sub naturali?

Respondetur, omnino esse sub praecepto naturali. Declaratur primò, quia magis est malum animae quam corporis, & potius est elemosyna spiritualis, quam corporalis; ergo tam erit naturalis obligatio subuenienti proximo, ut liberetur à malis & miseris animae, quam à necessitatibus corporis: Deinde si lege naturae tenemur reducere bouem proximi errantem, certè multo magis tenebimur reducere ipsum proximum errantem. Quare non tantum in Evangelio, sed etiam tempore antiquorum reperitur saepius inculcatum: Ecclesiastici 17. *Melius est a sapiente corripi quam a muliere adulatore decipi*, ibid. c. 11. *Prusquam interroges ne vituperes quemquam: & cum interrogaueris, corripe iuste*, & cap. 19. *Corripe amicum, ne forte non intellexerit, & ne dicat: non feci: aut si fecerit, ne iterum addas facere*. Similia habentur prou. cap. 27. & quidem si peccatum consideretur ut malum proximi contra rationem naturalem, erit obligatio corripiendi ex lege omnino naturae; si autem ut est contra ordinem supernaturalem, sic erit naturalis obligatio, quia connaturalis ordini supernaturali & fidei.

Quaeritur Secundò: An praeceptum correptionis obliget ad quemlibet proximum peccantem corripiendum?

Ratio dubitandi est, quod nomen proximi se extendat ad omnem hominem, ut sup. de dilectione proximi diximus: Christus autem dum de correptione agit, tantum dicat, ut corripiamus fratrem, si in nos peccauerit, nomen verò fratris non se extendit ad omnes homines, quia distinguitur frater contra alienum Deuter. 13. *Non fateraberis fratri tuo*, &c. sed alieno: praeterea addit Christus: si correptus non se emendauerit, ut sit nobis sicut Ethnicus & Publicanus. Quo significat quod ulterius non erit corripiendus, ac proinde insinuat, quod Ethnicus non sint à fidelibus corripiendi; ergo appareret quòd praeceptum illud non se extendat circa quemlibet proximum siue hominem peccantem.

Respondetur nihilominus, praeceptum illud, prout ex naturali lege dilectionis nascitur, nos obligare ad quemlibet proximum peccantem pro loco & tempore corripiendum, quemadmodum cuiuslibet proximo debemus dilectionem.

Ad ea itaque quae ex Evangelio opponuntur Respondetur: Christum eo loco potissimum velle docere, quomodo debeamus cum fratribus fidelibus agere, eos scilicet peccantes corripiendo ex charita-

te, & quis ordo debeat seruari; non autem excludere correptionem citra alios, quauis non faciat expressam mentionem, idque quia ordo iste, quem volebat commendare non sic potest cum ijs, qui foris sunt, seruari, et rectè docet Theophilactus; tum etiam, quia rarior est calus obligationis, quia rarior est spes emendationis ex eo quod fidelis corripiat infidelem antequam fidem susceperit: vnde circatalem magis debet incumbere fidelis, ut cum in fide prius instruat, quam corripiat, hec iterum si ipse aliquis sit, quod eius correptioni auscultaret, non foret ea praetermittenda. Hic autem quod Christus dicit: *Sic tibi sicut Ethnicus*, &c. significatur quod à conuersatione nostra sit reiciendus, qui correptioni non auscultauit, neque Ecclesiam audire voluerit, nec iam quidem amplius corripiendus, quia hanc correptionem contemnit & negligit; sed tali facto corripiendus sit. Neque per hoc insinuat Christus, quod Ethnicus & Publicani aut similes externi corripi non debeant, sed solum supponit, quod cum talibus non sit nobis conuersatio aut ordinaria communicatio.

Quaeritur Tertiò: de quibus peccatis sit corripiendus proximus?

Respondet & dico Primò, de peccatis mortalibus tantum ordinariè corripiendus est, non sic de venialibus. Ita communiter tradunt DD. & colligitur ex verbis Christi Matth. 18. *Si te audierit, lucratus eris fratrem tuum*. Hinc intelligimus, inquit August. peccatum ob quod frater corripiendus est esse tale, ut periturus sit si istud non relinquat; quare patet istud esse mortale. Idem potest colligi ex cap. 5. Iacobi: *Frater mei, si quis ex vobis errauerit a veritate, & conuerteris quis eum: scire debet, quoniam qui conuerit fecerit peccatorem ab errore viae suae, saluabit animam eius a morte*. Ratio autem reddi potest: quia qui versatur in peccato veniali non censetur esse in graui necessitate spirituali: vnde non est ei necessaria talis elemosyna spiritualis.

Dicit aliquis: peccatum veniale est malum maius quam grauissima necessitas corporalis; ergo magis obligamur illud tollere, quam subuenire proximo in grauissima necessitate corporis.

Respondetur Neg. Conseq. quamuis enim peccatum veniale sit maius malum absolutè, utpote superioris ordinis, tamen in suo ordine non adfert homini tantam necessitatē animae, quantum adducit corpori grauissima indigentia rerum temporalium: Itaque se habet in ordine spirituali, sicut se habet communis necessitas, vel potius sicut communis imperfectio aut

grauedo

grauedo quædam corporis in ordine corporali: quæ ex parte ipsius sustentantis non censetur magna necessitas; & per alium quoque non potest facile tolli, aut subleuari: quare sicut non tenemur proximum subleuare ab illis communibus necessitatibus, & miserijs corporis: ita neque corrumpere de peccatis venialibus.

Dico Secundò: Corripiendus est proximus de peccatis præteritis in quibus videtur persistere: quæ, nisi corripueris, non emendabit. Ratio est: quia qui in illis hæret, est in magna miseria, à quâ teneor corripiendo eum liberare. De præteritis verò quæ emendauit per penitentiam, non debet corrigi: quia iam malum est sublatum. Accedit quod Christus Luc. 17. iubet dimittere ei, qui in nos peccauit, si post correctionem penituerit: ergo magis dimittendum est, si ante correctionem penituerit. De futuris verò huiusmodi corripitur, quia nondum commissa sunt: & ait Dominus: *Si peccaueris in te frater: non autem; si peccaturus sit.* Habebit tamen hic locum admonitio, aut instructio: quando enim videmus proximum esse in periculo ne in peccatum labatur, monendus est, vt sibi caueat ne peccet, & Deum offendant.

Dico Tertiò: Non tantum corripiendus est proximus de peccatis quæ in nos committit: sed etiam de illis quæ in alijs suis in Deum, siue in homines committit. Ratio est: quia correctio non est tam instituenda, vt repararet læsio aut iniuria nobis illata, quàm ne frater qui peccauit, peccet: perierit autem quocumque peccato mortali siue in nos, siue alios commisso, nisi penitentiam egerit. Neque obstat quod Christus dixerit: *Si peccaueris in te frater, &c.* In primis, quia omne peccatum quo Deus offenditur in nostra presentia, etiam suo modo contra nos committitur: sicut in filium peccatur, si eo vidente pater afficitur iniuria. Et sic D. Augustinus verba Evangelij generaliter extendit. Deinde, etsi verba illa *in te* non tam generaliter accipiamus sensu iam dicto, tamen reliqua peccata facile intelliguntur comprehendere isto modo loquendi: si namque etiam tunc quando in te peccando frater perijt, curare debes vulnus proximi, multo magis, si perierit impingendo in alium: dum enim remotiora Christus præcipit, censetur viciniore includere. Nec deest ratio, quare Christus addiderit: *In te*: nam istud idoneum est ad insinuandas conditiones & circumstantias peccati, de quo secundum ordinem ibi præscriptum frater corripiendus est. Debet enim esse priuatum, sicut ea quæ

inter fratres geruntur: nam publicè peccantes coram omnibus redarguendi essent. Debet etiam illi bene esse exploratum, qui correcturus est, vt sunt ea quæ contra nos committuntur. Præterea debet adesse spes emendationis, quæ facilius eo casu concipitur: quia merito putatur frater ad penitentiam commouendus, quando te ab illo læsum videbit non de vindictâ, sed de emendatione & salute eius esse sollicitum. Solet etiam peculiariter commendari correctio super peccatis ex ignorantia, vel infirmitate: quia de his quoque est maior spes emendationis, quàm de peccatis ex certâ malitia: quando tamen etiam istorum emendatio speratur, debet quoque super his fieri correctio.

Dixi, ordinariè de mortalibus tantum, non sic de venialibus: quia aliquando in casu potest esse obligatio ad correctionem venialium, etiam sub peccato mortali; v. g. Prælati religionum quibus ex officio incumbit suos promouere ad maiorem perfectionem, tenentur etiam sub mortali corrigere illos abusus, qui licet in singulis sint tantum veniales, tamen in communitate multum teneant disciplinam, & notabiliter impediunt perfectum, & disponunt ad maiorem defectum.

Quæritur Quartò, quæ debeant concurrere, vt præceptum de correctione faciendâ censetur obligare sub mortali?

Respondetur: In primis, vt nobis moraliter certò constet de peccato commisso, super quo proximus sit corripiendus. Ita Dominicus Soto cum alijs De tegendo & detegendo secretis Membro secundo. Solent enim homines grauitè offendi, quando de peccato quod non admiserunt, redarguuntur; & conueniunt de temerario iudicio, vel iniuriâ sibi illatâ. Vnde ad subterfugiendum periculum; ne per omissionem correctionis quis delinquit; consultum est, non se facere curiosum scrutatorem alienæ vitæ, præsertim quando quis priuatam personam gerit iuxta illud Proverb. 24. *Ne querat impietatem in domo iusti, neque vastes regnum eius, si quis tamen cognouerit probabiliter delictum alterius, poterit eum absque grauiori inculpatione benignè monere: præsertim quando non est periculum notabilis offensionis, & spes emendationis si peccatum subellet, vt inter familiares accidere solet.*

Secundò, vt certum aut probabile sit, eum diutius in eiusmodi peccato permanentem, aut idem vel similia reiteraturum, nisi meis monitis, & correctione ad meliorem mentem & frugem reuocetur. Si enim certò aut probabiliter admodum sciam

illum ab alio corripiendum æquali, vel maiori cum fructu, quam ego possum præstare, vel illum per se emendandum, iam non censetur indigere meo officio misericordie: & proinde non obligabor sub mortali erit ut impendere: grauior autem erit obligatio, si certò existimem illum sine me non emendandum, quam si probabiliter tantum ita existimem, & oppositum simul iudicem probabile: nam priori casu tenebor etiam cum magno meo incommodo id præstare propter extremam quasi necessitatem, in qua proximus versatur, non sic in casu posteriori.

16 Requiritur Tertiò, quod iuxta prudenti iudicium adit spes fructus, siue emendationis: si enim nulla aut vix illa subest talis spes, non erit tanta obligatio; quia frustra adhiberetur, ubi non est spes attingendi finis. Hoc tamen de priuatis, siue particularibus personis accipiendum est: nam de publicis personis est alia ratio, ut dicemus articulo sequenti. Blasphemique corripendi sunt, quando maius malum non timetur, quamuis non appareat spes fructus: quia peculiariter per blasphemiam læditur diuinus honor, qui quodammodo per correptionem restauratur. Vide dicta supra quæstione 13. Quod si verò non tantum nulla affulgeat spes emendationis, sed etiam timeatur maius peccatum, vel plura mala, non solum non tenebimur correre, sed magis ex charitate tenebimur omittere: ut hic docet D. Tho. ad 3. ex Aug. lib. 1. de Ciuit. cap. 9.

17 Similiter si quidem adit aliqua spes fructus, sed è contra sit periculum maioris mali, non obligamur quoque correre, nisi proximus esset omnino in discrimine mortis, & æternæ damnationis: ut si non corripiam, certò perierit proximus, si corripiam autem, restat aliqua spes salutis: hoc enim bonum magis erit attendendum in tali necessitate, quam malum quod occasionaliter timetur: nam huius mali non erit correptio propriè causa, sed maligna voluntas alterius. Sicuti medici in morbis desperatis solent aliquando adhibere medicamenta periculosa, dummodo ex illis aliquam sperant sanitatem, quamvis etiam timeant inde æquè aut magis verisimiliter incommodum, v. g. aliqualem accelerationem mortis. Ita hic Bannes.

ARTICVLVS III.

*Utrum correptio fraternali
solum pertineat ad
prælatos?*

CONCLUSIO Prima: Correptio fraternali propriè dicta, quæ fit sine auctoritate iudiciali, & combinatione penarum, pertinet ad omnes omnino homines.

Probatur, quia sicuti præceptum correptionis postulat, ut cuilibet proximo illud officium misericordie impendatur, prout ostensum est, ita etiam naturali lege charitatis omnes obligantur tempore & loco impendere proximo illam misericordiam, qui valent eam præstare, puta qui habent sanum rationis iudicium circa illud in quo proximus errat aut delinquit. Et confirmari potest ex capite Ecclesiastici 17. ubi dicitur, quod Deus Mandauit illi unicuique de proximo suo: Deinde ex Capitulo: Tam sacerdotes: Causa 25. quæst. 3. ubi dicitur, Tam sacerdotes, quam reliqui fideles omnes summam debent habere curam de his, qui pereunt, quatenus eorum redargutione corrigantur; aut si incorrigibiles sint, &c. Idem docent SS. PP. D. Chrysostomus hom. 25. in Acta: Testificor vobis (inquit) qui sani estis, quod iudicium vobis & condemnatio erit, si quis videns inordinatè viuentem, non admonuerit aut corripuerit. Vide eundem hom. 30. in epistolam ad Hebr. D. August. lib. 1. de Ciuitate Dei, ubi inter cæteras causas, Cur boni plerumque affligantur cum malis, recenset hanc: quod videlicet aliquo timore humano, ut alicuius offensionis aut alterius incommodi, negligat arguere & correre ea, quæ in proximis arguenda cognouerunt.

CONCLUSIO Secunda: Ad correptionem iudicialiam, & punitionem coactiuam pro conseruatione boni communis, obligantur prælati & superiores, non autem priuati & particulares homines. Est quoque D. Thomæ hic: debent enim illi ex proprio officio consulere Communitati & Reip. non autem hi.

CONCLUSIO Tertia: Obligantur etiam prælati multò strictius ad fraternali correptionem ex charitate, quam alij particulares. Ita D. Thomas ad 7. & colligi potest ex illis Christi Domini verbis: Vos esis sal terræ, vos esis lux mundi: quæ specialiter ad Episcopos & Pastores Ecclesiæ dicta

dicta sunt. Et probat D. August. lib. 1. de Ciuit. cap. 9. ex illis Ezech. cap. 3. & 33. ubi speculatori dicitur: *Si me dicente ad impium: Impie, morte morietur: non fueris locutus ut se custodiat impius à viâ suâ, ipse impius in iniquitate suâ morietur, sanguinem autem eius de manu tua requiram.* Vnde tam sollicitè D. Paulus cap. 20. Act. dixit: *Quia mundus sum à sanguine omnium.* Non enim subterfugi, quo minus annuntiauerim omne consilium Dei vobis: & infra, ad Episcopos quos constituerat Spiritus Sanctus regere Ecclesiâ Dei: *Vigilate, memoria retinentes, quoniam per triennium nocte & die non cessavi, cum lacrimis monens vnumquemque vestrum.*

enim solum considerandus est tanquam pater secundum communem naturam, aut fidem ac religionem, & tanquam superior ac iudex: sed etiâ ut spiritualis parens, qui ex charitate peculiariter obligatur eleemosynas spirituales facere hisce determinatis & particularibus personis; tanquam suis filiis. Quod autem sic debetur determinatæ ac certæ personæ (inquit D. Thomas art. præc. ad 4.) siue corporale siue spirituale sit, oportet quod ei impendamus non expectantes quod nobis occurrat, sed debitam sollicitudinem habentes inquiramus; ergo tenentur prælati inquirere defectus, & necessitates spirituales suorum filiorum, ut ex charitate illis subueniant.

Probat Secundo, quia debet quisque ex lege charitatis, mala proximi præsertim spiritualia, depellere ijs modis, quibus tollere potest; atqui prælatus potest sine alijs incommodis inquirere in vitam subditorum: quia id propter authoritatē & officium non parit scandalū, aut offensionem; ergo etiam ex charitate tenetur id facere, ut eos corrigat & emendat, si spirituali defectu laborat aut laboraret tenetur.

Recte tamen monet Caietanus, cauendū esse prælato vñ ex parte, ne fiat multâ suspitione præcep̃s & odiosus, & alterâ ex parte, ne committat ut per suam incuriam inualecant occulta delicta. Debet insuper prudenter attendere, ne nimis particulariter in vnum aliquem inquirendo absque particularibus indicijs, reddat eum apud alios infamem aut suspectum. Quare pro conseruatione omnis boni ordinis ac religionis in quacumque communitate, inprimis sollicitè in hoc laborandum est, ut prælatus habeatur vix prudens experientiâ, & indole sagaciori perspicax, ut magis videantur ei occurrere defectus subditorum, quam nimia curiositate inuestigare.

Cæterum quæ de prælati diximus, extendit Capitulum Duo ista: causa 23. quæ 4. desumptum ex August. etiam ad Patrefamilias, maritos, parentes, iudices, Reges secundum disciplinam cuique aptam, & accommodatam.

ARTICVLVS IV.

Vtrum quis teneatur corrigere suum Prælatum?

Respondet D. Thomas primo: quod subditus non possit corrigere prælatum suum correptione iudiciali, & per authoritatem. Res est clara: quia inferior non potest exercere actum potestatis contra actum in superiorem.

Ee ij Respoñs

11 Probat Secundo ratione: quia lege naturæ obligatur magis pater diligere filios suos, illisque in corporalibus necessitatibus subuenire, quam teneatur externi, aut etiam alij propinqui; ergo etiam Prælatus qui est pater spiritualis, magis obligatur impendere eleemosynam spiritualement subditis suis, utpote filiis suis spiritualibus, quam externi, aut etiam fratres spirituales. Accedit quod Prælati censentur in hoc genere ditiores & potentiores, ac ordinari possunt cum maiori spe fructus eiusmodi spirituale officium misericordie præstare; ergo &c.

12 CONCLUSIO Quarta: Tanta est hæc obligatio Prælati, ut teneatur corrigere suos, etiam ubi non apparet spes emendationis, præsertim accedente ratione officij. Constat satis ex locis Ezechielis citatis & docent SS. PP. D. Hieron. in Ezech. sup. Non respondeamus (inquit) quid prodest docere, si nolit audire facere, quod docueris; unusquisque enim ex suo animo, & officio iudicabitur; tu si loquutus non fueris, ille si audire contempserit. D. Ambr. serm. 83. Ego parrens (inquit) tacere vellem: sed malo vos contumaciæ causas reddere, quam me negligentie sustinere iudicium. Et D. Chrysostom. 4. in epistolam ad Heb. Dicemus, ait, etsi nullus audire velit, propter incumbentem nobis Dei timorem; ergo &c.

23 CONCLUSIO Quinta: Prælati sic obligantur ad correptionem fraternali, ut etiam ex charitate teneantur in subditorum vitam inquirere. Ita docent Soto Resol. De sigillo secreti memb. 2. quæst. 3. conclus. 3. membro 3. à Valentia tom. 3. Disp. 3. quæ 10. puncto 3. Mald. hic & alij plures; Caiet. autem ad artic. præc. existimat ad id non teneri Prælatos ex charitate; est tantum ex officio, & quasi ex lege iustitiæ. Sed probatur Conclusio Primo: quia oportet in prælato non duas tantum (ut fecisse videtur Caiet.) sed tres qualitates attendere, & distinguere: non

Respondetur Secundò: quod correptio fraterna quæ est actus charitatis, pertinet ad unumquemque respectu cuiuslibet personæ ad quam debet habere charitatem, si in eà aliquid corrigibile inueniatur. Quare cum inferior debeat habere charitatem erga prælatum suum, consequens est, quod teneatur quoque prælatum suum corrumpere: & quidem obligatione strictiori, quam teneatur ad alios corripiendos, modò circumstantiæ quibus id prudenter fiat, adfuerint.

28 Probatur Primò, quia prælato tanquam patri spirituali maiorem debet dilectionem, quam alijs, ut constet ex dictis de ordine charitatis. Deinde, quia maius inde est periculum communitati, si hic non corrigatur, quam ex alio: nam periculum est: ne morbus totum corpus incipiat inuadere, inquit D. Greg. lib. 1. epistola 36. si languor non fuit curatus in Capite. Tertio, quia prælati versantur in maiori periculo: puta quia pauciores solent illis exhibere eiusmodi spirituales operam misericordiz: unde fit quod sæpius careant hac eis necessaria correptione.

29 Interim verò magnà opus est circumspeditione, & prudentià in hoc negotio: debent enim plures circumstantiæ concurrere & obseruari, ut debite fiat correptio prælati, quàm ut inferioris aut fratris: nam in primis summa hic est habenda ratio famæ & pudoris, ne quis cum Cham reuelando turpitudinem patris, referat maledictionem. Hinc non poterit publicè aut coram alijs argui: neque in faciem potest ei resisti, nisi quando doceret hæresim, vel notabile scandalum publicè præberet. Et ideo quoque non conuenit quod concionatores in suggestu inuehantur in Superiores & prælatos Ecclesiæ, vitia eorū ibi corā plebecula recensendo & exaggerando: quia ex eiusmodi inuectionibus parū emendationis aut fructus sperari potest, cū absint cōtra quos agitur: & si referatur, solet indiscretio talis ad amaritudinem magis quàm ad correptionem commouere: ex altera autem parte populus offenditur, & ad contemptum Superiorum suorum adducitur. Hinc Clementinæ Religiosi: de Privilegijs valde strictè prohibetur religiosi, ne in suis sermonibus, Ecclesiarum prælati detrahant: quod renouauit Leo X. in Conc. Lat. Sess. 11. Constitit: quæ incipit: Superne Maiestatis. Haud dubiè plus fructus sperare merito poterunt, si priuati eos charitatiuè & cordatè moneant, & quàm turpe sit eos sic cōuersari remonstrent. Sed plerumque accidit, quod qui maxime corā alijs in absēntem clamant, adulentur illis ipsi quando coram sunt illis præsentem.

Secundò debet is qui prælatum corripit, esse spectatæ virtutis, & prudentiæ: Si be-
30 sissia tetigeris montem (ut refertur ad Hebr. cap. 12.) lapidabitur: quod D. Tho. hic ad primū interpretatur de illo, qui indiscretè ac temerè cum superiore tractat, illū corripiendo. Sic etiam percussit Dominus Ozam 2. Reg. 6. quia temerè admouebat manum ad arcam Domini.

31 Tertio, etiam quando priuati inferior corripit prælatum, non debet id facere nisi cum modestià, & reuerentià illum monendo, ut hic in Corpore docet D. Tho. iuxta illud Apostoli 1. ad Timoth. 5. Seniores ne increpaueris, sed obsecra ut patrem. Vide plura hac de re apud D. Greg. lib. 5. Mor. cap. 20. & parte 3. Pastoralls: Monitione 5. ubi utitur exemplo Davidis dolentis quod oram vestimenti Regis Sculis abscidisset.

ARTICVLVS V.

Virum peccator debeat corrigere delinquentem?

32 Respondetur: potest peccator corrigere aliquando alium delinquentem absque eo quod in hoc peccet, & nonam sibi condemnationem acquirat. Ita hic D. Tho. imò potest aliquando ad id faciendum teneri: nam peccatū per se non tollit facultatem fraternæ correptionis: quia potest peccator retinere sanum iudicium rationis circa illud in quo frater delinquit, atque ita habet, unde fratri delinquenti possit subuenire. Quare si cognoscat peccatū illius, & ad sit spes emendationis, neque putetur correptio per alium oportuniùs adhibenda dum frater in periculo versatur, debet ipse fratrem corrumpere.

33 Rectè tamen notat D. Thomas, quod tamen si peccatum non per se tollat facultatem correptionis fraternæ, tamen multipliciter ponat impedimentum, quominus conuenienter possit hæc correptio fieri a peccatore: in primis, quia ex peccato proprio redditur quis indignus, ut alium corrigat: & quidem si maius peccatum commisit, non est dignus (inquit D. Tho.) ut alium corrigat de minori: quod significare videtur illud Psal. 49. Peccatori autem dicite Deus: Quare tu enarras iustitiam meam, &c. Tu vero odisti disciplinam, &c.

Secundò propter scandalum quod inde nascitur, quando peccatum corripiens est manifestum: quia solent alij apprehendere eiusmodi correptionem, non tam ex charitate, quàm ad ostentationem fieri.

Tertio, quia id arguit superbiam corripiantis,

piens, qui sua peccata quasi parui pendens seipsum proximo præfert in corde; peccata eius leuitate aulterâ diiudicans, inquit D. Tho. ac si ipse esset iustus. Quando itaque peccator cum scandalo, vel ex superbiâ ad ostentandam iustitiam suam, quam tamen non habet, corripit fratrem delinquentem, tunc corripiendo ipse delinquit, Sed

34 **Quæri potest primò:** Vtrum si ista duo abint, peccet etiam tantummodo ex eo capite, quia dicitur esse indignus qui alterum corripiat? Respondetur non peccare ratione cuiusmodi minus congruæ dispositionis, si bona sit intentio, & scandalu abint: imò ipsum facere opus bonum, præsertim si non sit alius qui oportunius id præstare possit: sicut dare elemosynam corporalē, orare pro alijs, ieiunare non sunt peccata, licet ab homine in peccato existente, exerceantur: imò quando ex motione Sancti Spiritus fiunt, tunc etiam hominem ad iustitiam disponunt: neque enim istæ actiones habent in se aliquam peculiarem sanctitatem præter eam, quam accipiunt ex ratione virtutis, & bonâ voluntate operantis. Vnde ad eas obediendas non datur peculiaris aliqua consecratio, vel vñctio: secus est de Sacramentorum consecratione, & administratione: vt in 3. parte explicari solet.

35 **Quæritur Secundò:** Vtrum peccator teneatur aliquando vitam emendare, vt reddatur qualificatus ad corripiendum vtiliter proximum? Respondet & dico primò: qui ex officio tenentur alios instruere & corripere, vt Episcopi, Parochi, & alij Superiores sæpius obligantur, etiam sub mortali, emendare vitam quatenus hoc est necessarium, vt eorum instructio & correptio reddantur efficaces. Patet, quia tenentur procurare ea quæ sunt necessaria ad munus quod eis incumbit, vtiliter subeundū: quare si eorum inordinata vita reddat monita eorum inefficacia apud subditos, vt fieri solet, tenentur vel hac de causa emendare illam inordinationem.

36 **Dico Secundò:** Idem dicendum est de eo cuius vita alios scandalizat, quamuis non habeat curam animarum. Patet, quia tenetur cessare à scandalo: & præterea eos quos suo exemplo in peccatum pertraxit, tenetur peculiari quâdam obligatione præ alijs, etiam reducere. Vnde si ad eorum reductionem iudicatur necessaria eius emendatio, vt sæpe contingit quando is est magnæ auctoritatis apud alios, tenetur se vel ob hunc finem emendare.

37 **Dico Tertiò:** Siquis peccato suo non quidem scandalizauit proximum, tamen iudæi innouit, qui idcirco parui pendet

correctionem ab eo profectam, nisi videat illum se emendare, probabile est, quod non idcirco obligetur emendare, saltem sub nouo mortali, vt illum salubriter corripiat: nisi alioqui putaretur proximus in peccatis moriturus: & nisi quis ex officio teneretur corripere, vt dictum est. Ita Bannes hic. Et probatur: quod enim proximus se nolit emendare nisi ego me emendem, sibi debet imputare: quando enim ego meo exemplo in peccatum eum non pertraxi, non video obligatus vt meo exemplo illum à peccato liberem. Quando tamen putaretur in peccato moriturus, tum propter talem proximi necessitatem videbor ad id obligari: sicuti & alia quædam mihi incommoda aut gratia subeunda essent, si aliter non sit spes efficaciter subueniendi proximo, & illis mediamentibus spes bonâ affulgeat.

ARTICVLVS VI.

Vtrum aliquis debeat à correptione cessare ex timore, ne alius fiat peior?

38 **CONCLUSIO Prima:** Si agatur de correptione quæ est actus iustitiæ & sit auctoritate iudiciali, non debet hæc prætermitti metu maioris turbationis, aut peruersitatis proximi. Est Dicitur Thomæ, & ratio est, tum quia huiusmodi correptio ordinatur, vt qui propria voluntate emendari nolunt, per penas cogantur à malis factis abstinere, tū quod in ea non tamen spectetur emendatio delinquentium, quàm exemplum aliorum, & bonum commune.

39 **CONCLUSIO Secunda:** Loquendo de correptione fraternali propriè dictâ, debet ea omitti quado prudenter timetur, ne inde proximus fiat deterior. Ratio est, quia tunc cessat finis & motiuum huius correptionis: imò tunc contrarium finis illius eueniret. Constant hæc satis ex dictis.

ARTICVLVS VII.

Vtrum in correptione ex necessitate precepti debeat admonitio præcedere denuntiationem?

40 **CONCLUSIO Prima:** Quando peccatum proximi est publicum, non est necesse, vt tum secreta admonitio præcedat sine publicam correptionem, sine denuntiationem, Est D. Tho. & constat: quia Ec iij cessat

cessat ratio priuatæ admonitionis : ideo namq; priuati ante monendus est; quam publice, ne fama eius lædatur; vt docet D. Hier. in cap. 18. Matth. explicans illam doctrinam Christi; atqui quando peccatum est publicum, iam fama læsa est: Deinde, quia talis debet publice argui, ne qui peccatum eius norunt, scandalizentur, si videant illum non reprehendi.

41 Obseruandum tamen hic est, contingere interdum vt peccatum fratribus pluribus notum & publicum, non sit referendum ad Superiorem ante monitionem priuatam: quando scilicet non cedit in detrimentum aliorum, & putatur frater magis emendandus priuatâ monitione, quàm superioris correptione. Ita tradunt Palud. in 4. dist. 4. & Adrianus ibidē qu. de Corrept. fraterna.

42 CONCLUSIO Secunda: Etsi peccatum sit occultum, si vergat in aliorum detrimentum, statim denunciandum erit, omittâ secretâ monitione, vt eiusmodi nocuumtum impediatur. Ita hic D. Tho. Ratio est, quia magis debet nobis esse curæ, ne proximus innocens in corpore, vel in anima lædatur, quâ ne peccator iste famâ apud superiorem pēdat: Vt v.g. si quis tractaret de ciuitate tradenda; aut machinaretur mortem alterius, vel hæreticâ persuasionē inficeret alios.

43 Vbi tamen rursum D. Thomas hanc ponit exceptionem, nisi aliquis firmiter existimaret quod statim per secretam admonitionem posset eiusmodi malâ impedire. Quare et si sciret aliquem esse hæreticū, non teneret illum denunciare inquisitoribus, si mihi moraliter certissimum foret, ipsum priuatâ monitione emendatum iri, imò si certum esset eum pro tempore aliquo nihil mali facturum, neque alios peruersurum: & interim probabile admodum foret, quod eum priuatim sim ad fidem reducurus, non obligaret illum denunciare, quamuis quædam leges statuant, vt quouis sciens aliquem hereticum statim illum denuntiet. Ratio est, quia in primis hic cessat causa cur statim denunciandus sit, videlicet aliorum periculum; & cum magna ad sit spes emendationis eius per priuatam admonitionem & instructionē, postulat charitas, vt non denuntietur: hæc enim requirit vt proximum emendemus cum minimo eius incommodo, quando id absque aliorum malo & periculo fieri potest.

44 Quæres: Quare igitur tam vniuersaliter leges illæ de hæreticis denunciandis sint datæ, absq; exceptione quam ponit D. Thomas? Respondetur: quia rarius habetur certitudo sufficiens, quod meâ priuatâ

monitione malum seu periculum sit impediendum: vnde legislator respiciens ad id quod plerumque fit, exceptionis eiusmodi mentionem non facit, quæ tamen ex natura rei & lege charitatis inest.

CONCLUSIO Tertia: Si peccatum sit occultum, & non cedat in detrimentum aliorum: sed tantum ipsius peccantis, & in tuum in quem peccauit, tunc tenetur secretam monitionem præmittere ex necessitate præcepti ante denuntiationem. Est quoque D. Thomæ: & patet ex verbis Christi Matth. 18. *Si peccauerit in te frater tuus, iade, corripe eum inter te, & ipsum solum: vbi Dominus loquitur de peccato occulto, suo occultè commisso. Ratio est in primis, quia lex charitatis dicit proximum esse curandum quàm minimâ fieri potest ipsius læsione; ergo fama eius non est minuenda apud superiorem, quando per priuatam monitionem speratur emendatio. Deinde, quia sepius sequuntur maiora incommoda ex eiusmodi delatione & diffamatione apud superiores: vt quod illi quos adhuc pudor à malo cohibebat, fiant impudentiores ad peccandum, dum vident se bonum nomen apud superiores amisisse, quod erat adhuc quasi fœnum quoddam quo aliqui vsque à peccatis continebantur, vt docet D. Hier. ad cit. locum Matthæi: Corripendus est frater seorsim, inquit, ne si vel pudorem aut verecundiam amisisset, per maneat in peccato. Rursum, quia suscipiuntur aliquando occulta odia cōtra fratrem deferentem, quæ non facili deponuntur. Huc accedit quod subinde in vno infamantur plures alij: vnde non facile tunc publicandum est, quando peccatum vnus de communitate redundat in notam totius communitatis: scribit enim D. Aug. epistola ad Hipponensem plebem: Cum de aliquibus, qui sancti nomen profitentur, aliquid criminis, vel falsi sonuerit, vel veri patuerit, instant, satagunt, ambiunt (scilicet æmuli & maligni) vt de omnibus hoc credatur.*

Assignantur tamen à DD. aliquot casus in quibus secreta monitio nō sit necessario præmittenda ante denuntiationem, vel publicam correptionē. Primus est, quando ex iustâ ratione putatur omnino monitio secreta nō profutura: quomodo excusat quidam actus Iosephi, quādo fratres suos apud patrē accusauit de crimine pessimo, vt habetur Gen. 37. quia obseruabat se nihil priuatis monitis posse efficere, præsertim quia oderant illum. Ita docet Abulen. in cap. 18. Matth. quæst. 97. quamuis D. Thomas in responsione ad secundum aliter explicet: sed opinio Abulen. videtur verior.

Alter est: si quis sit dominus tamq; al-

terius,

alterius, talis enim non tenetur istum ordinem seruare; vt tradit hic D. Tho. ad 2. vnde Deus occulta hominum peccata potest publicè prodere & punire. In quo tamen non potest homo eum imitari, cum non sit alterius famæ dominus, nisi forte peculiariter hoc ei Deus iusserit, sicuti Peccus Act. 5. diuinâ auctoritate peccatum Ananias & Saphira occultum manifestauit & puniuit.

48

Tertius est: quando qui peccauit, renuntiauit iuri suo hac in parte: quod aliquando ex honestis causis, vt ad maiorem cautelam, ad humilitatem animi, & alios profectus spirituales laudabiliter fieri potest, præsertim in illis cõmunitatibus, vbi eiusmodi praxis sine maioribus incommodis obseruari potest: tunc enim si quis delinquentem deferat sine monitione præmissâ, non fiet ei iniuria, quia cessit ille iuri suo: idque non tantum in paruis & venialibus, sed etiam in maioribus & mortalibus defectibus obseruari potest: quomodo in quibusdam religionibus dicuntur posse deferri defectus omnes ad superiorem, qui obseruari extra confessionem fuerint: quia religiosi cum volūtariè amplectantur religionem in qua nouerunt talem consuetudinem aut constitutionem obtinere, censentur iuri suo (quod alioquin ad oppositum eis compet) renuntiare. Fundamentum huius casus sumi potest contra nonnullos ex cõmuni sensu doctrinâ, quod scilicet homo sit dominus famæ suæ: proindeque ex honestâ causâ & si. e. præsertim in ordine ad bonum spirituale possit licitè velè subire eius detrimentum. Quod autem attinet ad verba Christi Domini Matt. 18. non continent illa præceptum aliquod positum superadditum legi naturæ, vt ex sententia D. Thomæ 1. 2. q. 108. art. 2. & Quodlib. 4. art. 13. & cõmuni aliorum satis colligitur; qui docent in nouo Testamento nullam esse factam additionem ad præcepta naturæ per leges positas nisi in illis quæ ad Sacramenta & Sacrificium nouæ legis pertinent: quare cum per licitam renuntiationem iuris ad famam fiat, quod sine iniuriâ & sine peccato contra legem naturæ, possit delictum peccatoris alioquin occultum deferri proximè ad Superiorem, consequens est quod hoc ipsum etiam in illo casu non aduersetur mandato Christi quod proposuit & dedit locò citato. Præsertim tamen debent Superiores attendere, vtrum ex quæ pro aliquo tempore salubriter & fructuose sunt instituta, vt quando minor esse fratrum numerus, quorum verè est cor vnũ & animus vnus, qui seruationi cõtati tendunt omnes ad proficiendum in charitate. Vtrum, in qua

expediat illa etiam seruari, mutatis notabiliter rebus & circumstantijs: facile enim fieri potest quod hæc quæ in paru cõmunitate valde promouent virtutes omnes, è contra in cõmunitate maiori, & præsertim quando fraternum amorem incipit turbare occulta & latens æmulatio, vergant in multa incommoda & magna mala;

ARTICVLVS VIII.

*Vtrum testium inductio debeat
precedere publicam denuntiationem?*

Respondetur: post admonitionem priuatam, prius esse adhibendos testes corâ quibus fiat correctio illa, quàm procedatur ad denuntiationem publicam. Est D. Thomæ & patet ex doctrina Christi Matth. 18. Si autem te non audieris, adhibe tecum adhuc vnum, vel duos, vt in ore duorum vel trium stet omne verbum: Rationem indicat D. Thomas hanc: quia de extremo ad extremum non est progrediendum nisi per medium, vt videlicet frater cum inimico quo fieri potest, incommode emendetur.

49

Notandum est, vt testium adhibitio sit necessaria, duo requiri. Primum, vt priuata monitio non profuerit, vel omnino putetur non profutura, etsi bis terue adhiberetur: nam si quis speraret per monitionem priuatam aliquoties iterandam proficere, non deberet statim adhibere testes, nisi forsitan in dilatione esset periculum, ne vel alijs noceret, vel apud se iterũ peccaret. Secundum est, vt ipse sit adiunctione testium non obfuturâ sed profuturâ: aliqui enim ista prætermissa statim ad denuntiationem erit veniendum: totus enim ordo fraternæ correctionis, quæ Dominus præscripsit, est iuris naturæ, vt modò diximus, non tantum secundum singulos actus, sed etiam secundum ordinem actuum, vt scilicet primò moneatur priuatim, secundò adhibeatur vnus aut alter testis, & tertio denuntietur Ecclesiæ siue prælatis, qui cū maiori auctoritate illum corripiant.

50

Sed obijcet aliquis: Videtur esse contra legem naturæ, quod quis adhibeat vnũ aut alterum dum corripit fratrem super crimine occulto, & quod ad superiorem deferat, si non fuerit emendatus: quia id videtur esse proximum infamare: dum peccatum eius occultum, alijs publicat: Deinde non apparet quo bono fine & fructu possint eiusmodi testes adhiberi, qui non sunt conscij criminis. Ob hoc argumentum Durandus in 4. dist. 19. quæst. 4. Ecce iiii existit

51

existimat in primo gradu sistendum, quando non sunt alij qui peccatum norūt; Adrian. autem in 4. tract. de Corrupt. vititur distinctione, videlicet, si peccatum sit transactum, neque continetur actu, vt v. g. alienæ rei detentione: neque putetur iterandum, quod tunc, vt vult Durand. in primo gradu sit sistendum: si verò vnum ex istis subsit, quod tunc testibus & prælato iuxta ordinem præscriptum, possit aperiri. Sed absolute dicendum est, siue illa subint, siue non, modò constet quod proximus se non emendauerit per penitentiam, debere illum corripi secundum ordinem Euangelicum, etsi tibi soli cognitum crimen fuerit: vt docet Soto supra de tegendo secreto membro 2. qu. 1. Mald. hic, & alij communiter.

52 Vnde ad argumentū Respondetur Neg. Assumpt: neque enim hoc est infamare fratrem, sed cum aliquo detrimento in minori bono, vt est famæ, maius eius bonum vt est animæ, curare: quomodo medicus pro conseruatione totius corporis abscondit membrum minus necessarium: prout D. Tho. hac qu. diuersis locis subindicat. Accedit quod vix debeat reputari detrimentum, quia apud prudentes, quales adhibendi sunt, poterit tantundem ferè re-

cuperare penitendo, quantum amisit peccati sui apud eos manifestatione.

Ad alterum respondetur, quod diuersi sunt boni, & fructus adiunctionis testium: primò, vt ipsi conformiter iudicent esse peccatum quod frater admisit, si forsitan id minus viuaciter apprehenderet: Deinde, vt Ecclesiæ possit constare de proteruità correpti, si nec sic monitus coram alijs se emendet, ac simul pateat eum qui corripit, fecisse officium, neque ipsum esse in causa, quo minus saluà famà secreuùs emendatus fuerit, si fortassis ob perseverantem contumaciam cogatur denuntiare Ecclesiæ: quam rationem attingit Chryl. Tertio, adhibentur, vt simul exhortentur ad resipiscentiam, vt videlicet plurius autoritate & respectu moueatur, & pudore salutari iniectione ad saniorē mentem conuertatur: Ita Hier. videturque hæc pene probabilior ratio: vnde non tanta vis in proprietas nominis testium erit faciendā: sed dici potest, sumi generaliter quasi pro arbitris qui rei magis vtiliter gerendæ simul adhibeantur: quāuis iuxta primam & secundam rationem etiam proprio officio testium fungantur, licet iuxta primam nō sint tam testes facti quā iuris.

QVÆSTIO XXXIV.

De Odio,

In sex Articulos diuisa.

ARTICVLVS I.

Vtrum quis possit Deum odio habere?

1 INCIPIIT modò D. Thomas tractare de vitij cheritati oppositis, ac imprimis de odio: quia verò odium est motus potentie appetitiuæ, quæ non mouetur nisi ab aliquo apprehenso, hinc priusquam ad articulum respondeat, præmittit Deum dupliciter ab homine apprehendi: vno modo secundum seipsum sicuti est: vt quando clarè videtur per essentiam: alio modo per effectus suos, cum scilicet inuisibilia Dei per ea quæ facta sunt, intellectu conspiciuntur.

2 Notandum præterea est, duplex odium à DD. distingui, scilicet odium abominationis, & odium inimicitiz: prius dicitur illud, quo fugimus & auersamur aliquid

vt malum siue nobis, siue alteri quem diligimus: posterius autem dicitur, quo volumus perfonæ malum vt illi malè sit. Nunc sit

CONCLUSIO Prima: Impossibile est quod aliquis clarè videns Deum per essentiam, cum odio habeat. Est D. Thomæ & communis. Paret, quia Deus per essentiam est ipsa bonitas: quando igitur clarè videtur sicuti est, fieri nequit vt odio habeatur, quia totum quod videtur est obiectum amoris: est enim plenitudo omnis boni, vnde nihil mali apprehendi in eo potest, quia malum est defectus boni.

CONCLUSIO Secunda: Similiter Deus odio haberi non potest, vt cognoscitur in creaturis, & consideratur secundum illos effectus qui nullo modo possunt humane voluntati displicere & ingrati esse: sed potest odio haberi ab improbis, vt est author eorum effectuum, qui peruersæ & inordinatæ voluntati displicere & mo-

& molesti esse solent. Est quoque D. Thomæ, & declaratur; quia secundum quod Deus cognoscitur dare nobis Esse, Vivere, & Intelligere, non possum illum ut præcise auctorem horum effectuum refugere & auerfari; aut ei malè velle, quia sunt effectus omnibus appetibiles & amabiles: nam & boni sunt, & nihil molestiæ adferunt, neque voluptatem impediunt quantum ex ipsis est: sed quatenus Deus author est legis prohibetis facere ea in quæ natura corrupta hominis est proclivis; & ut vindex transgressionum contra legem, pœnas debitas reddat, sic à perditis quibusdam & desperatis odio habetur; iuxta illud Psal. 73. *Superbia eorum qui se oderunt ascendit semper*; & Ioan. 25. *Nunc autem auertunt se me & patrem meum*. Quod igitur mali Deum oderiat, non fit quod in Deo aliquid mali reperitur, sed quia ipsi mali sunt; quibus bonus Deus bene est contrarius coercendo & iuste puniendo.

Cæterum quæ, in utrâque Conclusionem dicta sunt, locum habent tam in odio inimicitie, quam abominationis: neque enim Deo clare viso secundum essentiam suam possumus malè velle, neque illum tanquàm malum refugere & auerfari: sicut nec ea contra illum prestatè possumus ut author rem effectuum qui omnibus simpliciter secundum se amabiles sunt: sed utroque odio potest impius odisse Deum, ut auctorem aliorum effectuum: potest enim auerfari ac detestari tanquam mala ac sibi contraria ea quæ voluptates desideratas excludunt, & magis pœnas quæ eà de causâ infliguntur, & proinde etiam auctorem eorundem, ut authorè talium: & quia Deus est eorum author; fit quod etiam contra ipsos Deum maligno affectu inardescant; eique pessimè velint desiderando quoddam perfectione & virtute, ac ipso suo Esse destitueretur, atque adeo non esset. Solet enim odiù inimicitie nasci ex odio abominationis: quando enim aliquem tanquam nobis grauem & contrarium, aut ut molestus inferentem auersamur, solet tunc accedere; ut etiam odio inimicitie in personam incipiamus commoueri, & illi malè velle.

ARTICVLVS II.

Vtrum odium Dei sit maximum peccatum?

CONCLUSIO. D. Thomæ est: Odiù Dei inter alia peccata est grauius. Probatur Primò: Quia ratio culpæ consistit in voluntaria auersione à Deo; atqui

hæc auersio à Deo per se importatur in odio Dei: in alijs autem peccatis quasi participatiue, & secundum aliud, sicut enim voluntas per se inhæret ei quod amat, ita per se refugit id quod odit. Vnde quando Deum quis odit, voluntas eius secundum se, & per se à Deo auertitur; sed quando alio peccati genere peccat, ut quando fornicatur, non auertitur secundum se, inquit D. Tho. sed solum secundum aliud, in quantum appetit inordinatam dilectionem quæ habet annexam auersionem, quatenus scilicet est contra diuinum præceptum; quod per transgressionem contemnitur. In odio itaque Dei per se & directe auertit se peccator à Deo, dum auersatur eum, eique malè vult: in alijs peccatis autem interpretatiue & indirectè auertit se, dum facit ea cum quibus non potest stare mutua conuersio, scilicet ipsius hominis ad Deum, & Dei ad ipsum. Quodd autem per se est tale aut tale in quolibet genere est potius, quàm quod tantum secundum aliud, & quasi participatiue est tale; ergo &c.

Probatur Secundo, quia caritas est maxima virtus cui odium opponitur; ergo odium est maximum peccatum: quando enim vnum oppositum secundum se euerit substantiam & formalem rationem optimæ virtutis, non potest non illud esse vitium pessimum: peius namque est quàm amare rem summo odio habendam; quia in omni re odibili quæ diligitur, inuenitur adhuc aliquid boni, quia malum per se non subsistit: in re autem summe diligendâ, ut in Deo, nihil omnino mali reperitur; ergo cum omne peccatum sit odisse diligendâ, vel amare odiendâ, consequens est, odium Dei omnium peccatorum esse pessimum.

Notandum tamen est, odium Dei aliud alio posse esse grauius: quia odium inimicitie est grauius odio abominationis: & inter odia siue abominationis, siue inimicitie, possunt etiam esse gradus secundum quod sunt magis deliberata, aut magis continuata, aut secundum alias circumstantias. Dicitur itaque odium Dei esse peccatum grauius, scilicet ex genere suo; ita ut cæteris paribus hoc ex propria sua ratione grauius sit quolibet peccato alterius rationis.

ARTICVLVS III.

Vtrum omne odium proximi sit peccatum?

CONCLUSIO. D. Thomæ est: Simpliciter accipiendo odiù fratris, puta secundum

secundum id quod à Deo est, siue quoad naturam, siue quoad gratiam) sic semper est cum peccato. Declaratur quia odium opponitur amorì quem proximo debemus, et quæque per le excludit; ergo &c. Quod itaque dicitur Luc. 14. *Si quis venit ad me, & non odit patrem suum, & matrem, &c. non potest meus esse discipulus*, hoc intelligendū est, non quod parentes sint odio habendi secundum naturam, vel affinitatem quā nobis coniunguntur (sic enim amandi & honorandi sunt) sed secundum affectus inordinatos, quibus præstant nobis impedimentum progressus in iustitia & virtutibus. Sic etiam dixit P'saltes: *Perfecto odio oderam illos*, scilicet peccatores: quia oderat in ipsis peccatum, quod non est à Deo, sed ab homine & diabolo: idq; volebat destruxim & annullatum, vt bene esset illis secundum ea quæ à Deo habent: hoc autē simpliciter spectat ad amorem fratris, atque adeo etiā ipsius Dei, velle malum culpæ destruxim & abolitum, quod Deo displicet & bonum fratris impedit. Vnde eiusmodi odium non est simpliciter odium proximi: imò nec odium proximi dicendum, sed magis amor, & beneuolentia.

ARTICVLVS IV.

Vtrum odium proximi sit grauissimum peccatorum quæ in proximum committuntur?

- 10 **R**espondetur cum D. Thoma: Odiū proximi esse peccatorum grauissimū quæ committuntur in proximum, quantum est ex parte deordinationis ipsius peccantis: atque ita sit, quod simpliciter inter illa peccata sit grauissimum in ratione culpæ ex genere suo: sed quantum ad nocumentum quod proximo inferitur, exteriora contra proximum, esse peiora siue magis noxia. Patet, quia omnia externa peccata in proximum eatenus peccata sunt, quatenus ab aliquā malignā voluntate contra proximum procedunt, & sunt veluti participatum quoddam & limitatum odiū: vt v. g. fur malè vult proximo quoad res eius exteriores, quibus eum exuit, sed non quoad vitam, & sic de alijs: qui autem proximum odit, capit eum omni bono

destitui, vt illi malè sit: atque ita in ratione culpæ, odium proximi est cæteris grauius. Interim hæc maligna voluntas interna non adfert proximo tanta mala, & incommoda, quàm actus iniuriosi exteriores, vt per se manifestum est.

ARTICVLVS V.

Vtrum odium sit vitium capitale?

CONCLUSIO D. Thomæ est negativa. Et ratio est, quia capitale vitium dicitur ex quo vt plurimū nascantur alia peccata, ita vt sit principium in destructione virtutis, quæ sit per vitia; odium autem non est initium eiusmodi destructionis, sed potius consummatio & complementum.

ARTICVLVS VI.

Vtrum odium oriatur ex inuidiâ?

CONCLUSIO D. Thomæ est affirmatiua. Et probatur, quia sicuti mouemur ad amandum ea quæ nos delectant, in quantum ex hoc ipso accipiunt & induunt quandam rationem boni (nam & ipsa delectabilitas & delectatio sunt bonum quoddam) ita mouemur quoque ad odiendum illa, quæ nos affligunt & contristant, in quantum ex hoc ipso accipiuntur sub ratione mali: atqui inuidia facit nos contristari & affligi ex bono & prosperitate proximie, aque apprehendi sub ratione mali, & sic consequenter facit nos moueri tum ad illa, tum ad proximi odio habendum, quia nos contristant in quantum sunt bona illius; ergo odium ex inuidia causatur. Addit D. Thomas in resp. ad 3. odium etiam posse ex irâ causari, sed minus directè: in quantum scilicet perfram appetimus ab initio malum proximi secundum quandam mensuram, prout scilicet habet rationem vindictæ; sed postmodum per continuitatem eò dilabimur & transferimur, vt malum proximi desideremus absolute, quod pertinet ad rationem odij.

QVÆST.

QVÆSTIO XXXV.

De Acedia.

DE Acedia proponit D. Thomas quatuor articulos, scilicet vtrum sit peccatum? an speciale? an mortale? & an capitale? Respondetur autem ad omnes affirmatiue. Pro intellectu autem horum

Notandum Primò cum D. Thomas hic artic. 1. ex Damasceno, Acediam generaliter esse tristitiam quidam aggrauantem, quæ sic deprimit hominis animum, vt nihil agere libeat: sed à Theologis communiter accipi pro eiusmodi tristitia circa spirituale bonum; quæ si sit circa actus necessarios, siue ex præcepto, siue ex voto, semper est mala: & quidem si inualescat vt causet operis omissionem, vel animum paratum ad omittendum, erit mortale si materia grauis sit.

Notandum Secundò, tristitiam hanc non constituere speciale peccatum, quatenus consideratur esse circa spirituale bonum in communi, siue circa operationes cuiuslibet virtutis: quia vitium quodlibet oppositum cuiusque particularis virtutis natum est generare talem tristitiam aggrauantem hominem circa actus virtutis.

Addit autem D. Thomas, neque habere rationem specialis peccati in quantum refugit spirituale bonum prout laboriosum aut molestem corpori, vel delectationis eius impedimentum: quia (inquit) hoc etiam non separat acediam à cæteris vitijs carnalibus, quibus aliquis quietem & delectationes corporis querit: sed esse peccatum speciale, quatenus est tristitia quædam de diuino bono, quæ scilicet opponitur gaudio, quod supra diximus profluere à charitate; quæ quia Deum tanquam amicum dignissimum habet, procreat gaudium de omnibus eius bonis, & perfectionibus: sed non sicut gaudium illud effectus est, & quasi secundarius actus charitatis, ita acedia ista erit effectus odij: quin magis videtur ipsa esse quædã origo & causa odij: quando enim quis concipit tristitiam quæ animo eius grauat de bono Dei, eiusque perfectionibus, vt de eius omnipotentia, scientia, iustitia, quia eius virtutes & perfectiones non lubet imitari & pro modulo nostro assequi, tunc sequi solet inde odiũ contra Deum, eiusque bona. Ex quibus patet etiam, quomodo acedia vt speciale vitium ex genere suo sit quoque peccatum mortale; quia de se, secundum propriam rationem,

contrariatur charitati saltem secundũ charitatis effectum, qui est de diuino bono tanquam de bono amici gaudere.

Rectè autem docet D. Thomas art. 1. ad 3. Acediam esse vincendam resistendo: è contra autem luxuriam esse vincendam fugiendo: quod etiam docet Bern. serm. 3. de Ascensione: tunc enim oportet fugiendo superare, quando vitium est tale, vt assidua cogitatio materie augeat incentiuum peccati, prout contingit in carnalibus: sed resistendo oportet vincere, quando vitium est tale, vt oriatur ex non satis seria & maturã apprehensione materie, ita vt assidua eius cogitatio minuar, vel tollat incentiuum peccati, prout in acedia fit: quia quo quis magis grauit & maturè considerat diuinum bonum, & diuinas perfectiones, eo amplius excitatur ad carum amorem, & ex amore sequitur gaudium, quod tristitiam aggrauantem animum depellit.

Denique docet D. Thomas ex S. Gregorio lib. 31. Moral. c. 31. acediam esse vitium capitale, vt pote ex quo nota sunt sequi plura alia vitia, quæ cit. loco D. Gregorius sex numero ponit: scilicet Desperationem, Pusillanimitatem, Torporem, Rancorem, Malitiam, & Euagationem circa illicita: quia acedia vt est tristitia quædam & vult fugere contristantiã, & illa quoque impugnare. Vt itaque vult ista fugere, caulat desperationem quã fugit bonum diuinum, à quo tanquam causã tristitiæ abhorret, ad quod nos alias spes ducit: Similiter pusillanimitatẽ & torporẽ: quia non tantũ ipsum bonum diuinum vt contristans fugit, sed & illa quæ ad ipsum habent ordinem, & sic pusillanimitate abijcit bona ardua ad Deum tendentiã, vt quæ sunt consilij: & torpore refugit illa quæ faciunt ad communem iustitiam, vt quæ sunt præcepti. Quatenus autem impugnat contristantiã, sic caulat rancorem, quod auersatur & indignatur cõtrã eos qui bonis diuinis & spiritualibus insistant: & ipsi gaudent: Item malitiam, quã in detestationem bonorum spiritualium abripitur: pro tali enim animi affectione hic accipitur, non in communi, vt est genus vitiorum, vt notat D. Tho. Vltimò euagationem circa illicita, quã amplexatur exteriora delectabilia, & fugat spiritualia ex quibus ipsa acedia tristitiam sumit.

QVÆST.

QVÆSTIO XXXVI.

De Inuidia.

PROPOſIT D. Thomas ſimiliter quatuor articulos de inuidiâ, ſcilicet an inuidia ſit triftitia? an peccatum? an mortale? an capitale? & reſpondet quoque ad ſingulos affirmatiuè. Pro intellectu pleniori

Notandum eſt, Inuidiam propriè eſſe triftitiam de bono proximi vt hoc conſideratur tanquam malum quoddam noſtrum, quatenus ſcilicet apprehenditur tâquam diminutiuum noſtræ æſtimationis, aut excellentiæ, dum cupimus alios in eo ſuperare, aut æquari: atque ita manifeſtum eſt, quod aduerſetur charitati quæ gaudet de bono proximi tâquam de ſuo: & proinde ex genere ſuo eſſe peccatum mortale cum contrarietur charitati, quæ eſt vitæ animæ.

Cæterum, quia inuidiâ triftatur de bono alterius, vel gloriâ, quatenus obſcurat noſtram virtutem in quâ cupimus ei æquari, aut excellere, hinc ſit vt inuidia non ſoleat eſſe niſi circa eos qui ſunt aliquo modo ſimiles, aut æquales nobis: nullus enim niſi inſanus ſtudet ſe extollere, aut æquare ijs qui ſine omni comparatione ſunt ipſo ſuperiores. Vnde non ſolet eſſe inuidia plebei contra Regem, nec Regis contra plebeios.

Oritur autem hoc vitium partim ex ſuperbia, partim ex puſillanimitate, vt indicat D. Tho. art. 1. ad 3. ſuperbia enim facit, vt inordinatè appetatur propria excellentia, aut æſtimatio apud alios: puſillanimitas autem facit, vt alterius gloria, & excellentia appareat nobis valde magna, & offuſcare noſtram.

Differt verò inuidia à zelo, & alijs quibuſdam vitijs affinis, vt odio, & indignatione, ſiue Nemefi vt vocatur à Philoſopho: à zelo quidem, quod hic doleat de bono alterius, non quia proximus illud habet, ſed quia à nobis non habetur: poſteſt quoque zeloſus eſſe bonus: nunquam autem poſteſt bona eſſe inuidia, teſte D. Hieronymo in cap. 5. ad Gal. æmulari enim ſpiritualia bona, laudabile eſt, iuxta illud Apoſtoli 1. ad Cor. 12. *Æmulamini autem chariſmata meliora*: vnde quando zelus excitat ad comparandas eaſdem virtutes bono & recto fine, quas in proximo contemplamur, tunc honeſtus erit: In temporalibus autem frequenter eiufmodi triftitia ſolet eſſe mala, videlicet dum in-

ordinatè quis dolet, quod bonis temporalibus non aſſuat, ſicuti alterum aſſuere videt: quæ inordinatio non ſic habet locum in bonis ſpiritualibus, quæ nos meliores efficiunt: nemo enim poteſt nimis humilitatem, & alias veras virtutes appetere, ſicuti contingit excedere in appetitione inordinatâ & nimia bonorum temporalium, ex quâ naſcitur inordinata triftitia ob eorundem carentiam.

Ab odio autè differt, quod hoc ſit propriè quædam nolitiſ boni quatenus proximo bonum eſt, & affectus perditionis ac interitus proximi & bonorum eius, vt ipſi malè ſit: ſed inuidia eſt triftitia de bono proximi quatenus illud apprehenditur malum noſtrum ſub ea ratione, qua putatur nos diminueret aut obſcurare, vt dictum eſt.

Ab indignatione denique ſiue Nemefi differt, quod hæc ſit dolor quidè de bonis & proſperitate aliorum eâ de cauſâ, quod talibus bonis reputentur indigni: cuiusmodi motum videtur paſſus ille qui dixit: *Mei autem panis moti ſunt pedes, panis effuſi ſunt grefſus mei, quia zelatus ſuper iniquos, pacem peccatorum videns*. Hæc autem Chriſtianiſ etiam in vitis eſt, quando deliberatè admittitur, quamvis non fuerit à philoſophis pro vitio habita, qui non audierant hanc lectionem Spiritus Sancti Pſ. 36. *Noli æmulari in malignantiis, neque zelaueris ſuper facientes iniquitatem*: & iterum *Noli æmulari in eo, qui proſperatur in viâ ſua: in homine faciente iniuſtitias*, id eſt, nolite cruciari, & aſſligi proſperitate malignorum, vt exponit S. Auguſtinus.

Et ratio eſt, quia non eſt inordinatum, quod improbi temporalibus bonis ex diuinâ permiſſione, aut conſeſſione aſſuant, & abundant: inprimis quia hæc ſunt quædam bona inſima, & quæ pro veris bonis non reputantur, iuxta illud Chriſti ſpud Lucam cap. 16. *Si ergo in iniquo mammona fideles non fuiſtis: quid verum eſt, quæ credet vobis?* vnde etiam Pſaltes poſtquam dixerat: *Noli æmulari in malignantiis* poſtea addidit: *Quoniam tanquam ſenum velociter aſcendit: & quemadmodum olera herbarum cito decidunt*. Deinde quia ille eſt ordo diuinæ prouidentię, quod vel pro quibuſdam ſteriliter bonis operibus, quæ mali etiam aliquando exercent, terrenam accipiant mercedem, vel quod in grauius iudiciũ ijs obueni-
ſſentur,

finantur, iustū tamen, quibus ipsi suā malā voluntate noscuntur abulsi: sic vt inde grauiotes penas suo tēpore luēt. Quare super istis non debemus indignari: sed Dei diuinę prouidentię, & occulto iudicio cū modesti animi relinquenda sunt.

Aduertendum tamen est hos animi motus etſi aliquo modo contra charitatem proximi ſint, raro tamen eſſe peccata mortalia, niſi ita increſcerebūt; vt homo inſurgat cōtra diuinam prouidentiam, aut iudicatur ad deſerendum ſtūdium virtutum, & pietatis, vbi ſe videt multa aduerſa, aut incommoda pati, & impius in via ſua proſpere agere; ideoque ſinat ſe pertrahi ad amplectendam viam impiorum: quā tentatione etiā iuſti aliquando pulſantur, in quorum perſona videtur d. xille Pſaltes ea quę allegauimus ex Pſal. 72. *Mei autem paſſe moti ſunt pedes*, &c. Vt autem contra eiuſmodi tentationem ſe muniant, attende debent quod ſequitur circa medium eiuſdem Pſ. *Veruntamen propter dolos poſuiſti eos; deieciſti eos dū allenarentur. Quomodo facti ſunt in deſolationem? ſubito deſecerunt: perierunt propter iniquitatem ſuam*, &c. Non habet autem eiuſmodi indignatio locum in ſpiritualibus: quia bona ſpiritualia, vel ſunt virtutes; vel ſcientię, quę ſunt dotes voluntati, vel intellectus: ſi enim virtutes ſint, faciunt hominem ſe dignū eo ipſo quo habentur; ſcientię autem non ita per ſe faciunt hominem dignum, ſed labor & ſtūdium quibus ſunt comparatę.

Denique hic quoque articulo 4. docet D. Tho. de Inuidiā, ſicuti antea de Acediā ex D. Greg. quod ſit vitium capitale, quia ſcilicet in promptu eſt, vt ex illa oriantur alia vitia, quę loco ſupra citato ponit hęc eſſe: ſcilicet Odium, ſulurrationem, detractiōem, exultationem in aduerſis proximi, & aſſictiōem in proſperis eius: quę hac ratione ex inuidia naſci oſtendit D. Tho. in reſp. ad 3. Quia in conatu ſeu ſtudio ipſius inuidiā eſt aliquid ſe habens vt principium, aliquid vt medium, aliquid vt terminus. Principium autem eſt, vt quis diminuat gloriam alterius, idq; vel in occulto, & ſic naſcitur ſulurratio, vel in maniſeſto, & ſic committitur detractio. Mediū locum tenent exultatio de aduerſis, & aſſictio de proſperis: quādo enim inuidus intendens diminūere bonum proximi, idipſum aſſequitur, tunc exultat de illā diminutione: ſi autem non valeat aſſequi, tunc aſſigitur. Terminus autem eſt in ipſo odio, quia ſicut bonum delectans cauſat amorem, ita triſtitia cauſat odium, quando amouere nō poteſt illud vnde ipſa oritur.

Notat autem D. Tho. aſſictiōnem de bonis proximi dupliciter poſſe naſci: vno modo, vt quis triſtetur de bonis proximi quatenus hęc ſunt cauſa glorię & aſtimationis eius, & ſic non diſſert ab inuidiā: alio autem modo, vt quis triſtetur de illis, quatenus ea eueniunt contra conatum ipſius inuidentiſ, quo nititur ea impedire; & ſic eſt filia inuidiā.

QVÆSTIO XXXVII.

De Discordia.

PROPOſIT D. Thomas hac de re duos art. ſcilicet, Vt ſi discordia ſit peccatum? & an ſit filia inanis glorię? Pro explicatione

Notandum eſt, discordiam generaliter eſſe voluntatum, aut iudiciorum diſſenſionē quę oriri poteſt ex diuerſis principiis vel cauſis; & ſecundum hoc poſſe aliquādo eſſe iuſtam, & actum virtutis: aliquādo iniuſtam & peccatū. Iuſta enim eſt discordia, quā quis ab altero diſſentit in hæteſi, aut falſa doctrinā cōtra bonos mores; aut non conſentit alteri in propoſito, aut voluntate malę faciendi. E contrā, discordia alicuius qui ex proteruita diſſentit ab eo qui ſanam doctrinā tū fidei, tum morum tradit, aut tenet, & qui cupit in omnibus honorem Dei, & proximi bonum promouere, eſt iniqua, & peccatum: & qui huſmodi fouet, iſ proprie dicitur cauſa di-

cordiæ, & peccati quod ſecundum communem apprehenſionem, nomen discordiæ importat.

Reſponder itaque D. Tho. discordiam, quę aduerſatur concordiæ quam generat charitas, quatenus hæc multorum corda ad idem ſapiendum, & idem volendum ſecundū Deū pro diuini amoris promotione, & proximi bono, in vnum coniungit & vnit, eſſe peccatum: & quidem ex genere ſuo mortale, quando quis ſcienter & ex intentione diſſentit proximo, ſic vt velit, aut teneat contra illum quę ſunt contra bonū diuinum, aut contra proximi ſalutē: hoc enim maniſeſtē contrariatur charitati, quę adunat corda diuerſorum ad idem in talibus ſentiendum, & volendum: Licet (inquit) primi motus huius discordiæ propter imperfectionem actus, ſint peccata venialia.

Notat autem, aliquando Concordiam eiusmodi tolli per accidens, vt quando intentio diuersorum tendit nimirum sincerè ad bonum quod pertinet ad honorem Dei, vel vtilitatem proximi: sed vnus existimat hoc esse bonum: alius autem habet contrariam opinionem: vbi ex alterutrâ parte poterit esse discordia contra bonum Dei, vel proximi: sed per accidens, vt patet propter aliquam scilicet ignorantiam: & talem discordiam dicit non esse peccatum, neque repugnare charitati: quia v. delictet vtraque pars putat bonâ fide se pro charitate agere: & sic est consensus voluntatum circa finem, quamvis sit diuersitas opinionum circa media.

Addit tamen D. Thomas exceptionem: nisi eiusmodi discordia esset cum errore circa ea quæ sunt de necessitate salutis, aut qui aliâ sit culpabilis, vel nisi fiat cum indebitâ pertinaciâ. Cæterum poterit etiam discordia esse contra alias virtutes, prout

diuersæ virtutes possunt nos obligare ad consentiendû alteri: vnde vitium illud nõ semper tantum modò est contra charitatẽ: quando enim quis discordat à voluntate superioris cui ex obedientia tenetur consentire, erit discordia eius contra obedientiam. Item quando quis discordat à voluntate creditoris exigentis debitum, vbi & quando debet illi satisfieri, erit discordia illius contra iustitiam. Sed D. Thomas tractat hic specialiter de discordia, vt modo explicato aduersatur charitati, & prout videtur statuere speciale peccatum.

Quomodo autem discordia sit filia inanis gloriæ sic demonstrari potest: quia discordia ex eo nasci solet, quod aliquis inordinatè inhæreat suo affectui, vel opinionioni: quod autẽ quis ita insistat proprijs, vt nolit cedere meliùs sentientibus, aut operantibus, caulatur ex superbia; quâ refugit videri inferior alijs in scientiâ aut virtute; ergo &c. Vide D. Tho. hic art. 2.

QVÆSTIO XXXVIII.

De Contentione.

PROFONIT D. Thomas hac quæstione duos articulos: scilicet, vtrû Contentio sit peccatum mortale? Et, an filia inanis gloriæ? Pro explicatione

Notandum est, Contentionem generaliter esse pugnam verborum: importat enim contrarietatem quandam in sermonibus, sicut discordia in voluntatibus. Est autem duplex Contentio: vna quâ veritas oppugnatur; & definitur à D. Amb. esse impugnatio veritatis cum confidentiâ clamoris: & hæc est peccatum mortale, quando de industriâ & ex animo oppugnatur veritas pertinet ad fidem, vel bonos mores: secus est si ex probabili ignorantia, aut exercitij gratiâ id fiat.

Altera est, quâ oppugnatur falsitas: & hæc non est peccatum, sicut nec illa quâ tantum exercitij causâ, veritas impugnatur, vt diximus: nisi tamen esset excessus, v. g. in clamore incondito, in gestibus incompòsitis, in præcipitatione, in animosi-

tate, vel in alijs similibus: qualia adhiberi solent sæpius ad ostentationem magis, quâ ad instructionem auditorij: quæ tamen per se non tam contra charitatem sunt, quàm virtutem modestiæ: nec sunt peccata mortalia, nisi fortassis interuenirent gratiores iniuriæ, aut scandala. Quando autem veritas defenditur, aut falsitas oppugnatur absque omni excessu, tunc potius eiusmodi disputatio, dicenda erit defensio veritatis, quàm contentio quæ secundum communẽ apprehensionem videtur semper importare aliquid vitij. Vnde Ambr. non sine ratione addidit in eius descriptione, cum confidentiâ clamoris: quod etiam potest habere locum, quando falsitas impugnatur, aut veritas defenditur.

Oritur autem hoc vitium proximè ex discordiâ, vt ex dictis tum quæst. præced. tum hæc, satis potest intelligi. Et mediât ex appetitu vanæ gloriæ. Vide D. Thom. artic. 2. & D. Aug. lib. pene toto contra Cresconium grammaticum.

QVÆST.

QVÆSTIO XXXIX.

De Schismate.

In quatuor Articulos diuisa.

ARTICVLVS I.

Vtrum schisma sit peccatum speciale?

NOTANDVM est, schisma generatim significare scissionem, seu diuisionem ex vsu autem SS. PP. ac DD. hoc nomen accommodatum esse ad peculiariter designandam Ecclesiæ diuisionem, seu rupturam: iuxta quam acceptionem describi potest: Quod sit dissensus quo quis ex intentione se separat ab Ecclesiæ unitate, Interim tamen retentâ Christiani nominis professione. Colligitur hæc descriptio ex D. Tho. hic in Corpore. Quamuis itaq; omnis hæresis habeat conuentum schisma, non tamen omne schisma habet necessariò coniunctam semper hæresim: sicut enim ad Ecclesiæ unitatem non tantum requiritur fides, sed etiâ fidelium tanquam membrorum vnus corporis vnio & communicatio, tum inter se, tum cum superioribus in Dei cultu, Sacramentis & sacrificijs, ita ab hac unitate receditur, non tantum per infidelitatem; sed etiam per substructionem, quâ quis se separat à communicatione in rebus diuinis cum alijs Ecclesiæ membris.

Vnde D. Augustinus lib. de Fide & Symbolo cap. 10. Schismatici (inquit) dissensionibus iniquis à fraterna charitate distrahunt, quâuis ea credunt quæ credimus. Tale schisma fecerunt Chore, Dathan, & Abiron Num. 16. quando contra Moysen, & Aaron, Sacerdotiū inuadere voluerunt. Hinc ab aliquibus diuiditur schisma in illud quod est cum hæresi coniunctū, & in illud quod est absq; hæresi seiunctū. Hoc interim verò docent D. Hier. in c. 3. ad Tit. & D. Aug. l. 2. contra Cresconium, pene super schisma continuatū abire in hæresim.

Addidi in descriptione, Retentâ Christiani nominis professione, quia si quis trāseat ad Iudaismum vel paganismum nō solet dici schismaticus, sed Iudæus aut Paganus. Si quis etiâ contra hæreticum velit omnino schismaticum distinguere, addat: & Catholicâ doctrinâ retentâ: quod & nomen Schisma secundū notionē à DD. ei accommodatâ, videtur satis requirere: in-

gerit enim audientibus apprehensionem: quod facientes schisma constituent aliquā partem eiusdē rationis suo modo cum ijs à quibus se separât: quod perfectius cōuenit illis schismaticis, qui eandem adhuc tenent doctrinam cum Ecclesiâ, quâ hæretici: licet etiâ de his id suo modo propter nominis Christiani professionē possit dici. Vnde Aug. loco cit. in principio capitis ita scribit: Credimus & S. Ecclesiâ, utique (inquit) Catholicam: nam & hæretici & schismatici cōgregationes suas Ecclesias vocât.

Aliter etiam diuidi solet schisma in illud, quo receditur à summo Pontifice: & in illud quo immediatè receditur à Pastoribus, siue Episcopis inferioribus: & consequenter ab alijs qui communionem cum istis retinere volunt: quemodo schisma fecerunt Donatistæ qui se primò sequebantur à cōmune Cæciliani Episcopi Carthagenensis obijcientes ei crimina nō probata, inquit Aug. lib. de Hæresibus, hæresi. 69. & appellantes pro suo Maiorino (quem in cathedrâ volebant intrudere) ad Melchiam Romanū Pontificē: sed post causam corā eo dictam atque finitam, falsitatis rei deprehensi pertinaci dissensione firmatâ, in hæresim schisma verterunt; tanquam Ecclesiâ Christi propter crimina Cæciliani, de toto terrarum orbe perierit, atque in Africâ tantum in parte Donati remanserit: in alijs autem terrarum partibus quasi cōtagione communionis, inquit Aug. (scilicet cum Cæciliano, & ei adherentibus) fuerit exstincta. His præmissis

Respondetur cum D. Thoma, Schisma esse peccatum speciale contra charitatem: Declaratur, quia pluribus modis aduersatur charitati: ac in primis proximi, dicit enim D. Greg. lib. 18. Moral. cap. 5. de illo, qui de Deo rectè sentiens à S. Ecclesiæ unitate diuisus est, constare quia proximum non amat, quem habere socium recusat: & D. Augustinus de fide & symbolo cap. 10. docet, quod schismaticus non pertineat ad Ecclesiâ, quoniam Ecclesiâ diligit proximum: schismatici autem à fraternâ charitate iniquis dissensionibus distrahunt: Deinde aduersatur schisma sicut & hæresis etiam charitati Dei, cuius tunicam puta Ecclesiâ lacerant & discindunt:

F f ij Vt con-

Vt constat ex vitâ S. Petri Episcopi Alexandrini ubi legitur, quod Deprecatoribus pro Arrio à fidelium communione se iuncto, responderit: noctu tibi apparuisse IESUM veste discissâ, causamque rei sciscitanti dixisse: Attrius vestim meam, quæ est Ecclesiâ, dilaceravit. Tertio etiam charitatij propriæ siue erga seipsum: quia omnibus fraternæ charitatis, & communionis emolumentis se priuant, qui ab Ecclesiâ unitate recedunt: & omnia bona spiritualia quæ alioquin haberet, sibi reddût inutilia, utpote quorum nec martyriû habeat præmium; sed pœna est supplicij, vt docet August. lib. 1. contra Donatistas cap. 9. Quod etiam tradit D. Chrys. hom. 11. in epistolam ad Ephes.

- 6 Ceterum propriissimè intelligitur schisma esse peccatum speciale contra charitatem; quatenus corpus Christi, quod est Ecclesiâ, lacerat & dividit, cuius unitati & integritati affectu & opere inhæret & incumbit Charitas.

ARTICVLVS II.

Vtrum schisma sit peccatum grauius infidelitate?

- 7 **C**ONCLUSIO D. Thomæ est: Infidelitas ex obiecto suo est peccatum grauius, quàm sit schisma. Probatur, quia infidelitas est peccatum cõtra ipsum Deû, quatenus est prima veritas: schisma autem est contra Ecclesiasticam unitatem, quam sollicitè procurat & amat charitas: quæ unitas est quoddam bonum participatum, inquit S. Thomas, & minus quam sit ipse Deus; ergo infidelitas est peccatû grauius ex obiecto, ac proinde simpliciter loquendo, dicendum est esse grauius.

- 8 Ex diuersis tamen circumstantijs fit, quod schisma frequenter sit grauius: vt propter maiorem contemptum, propter maiora pericula & incommoda grauiora coniuncta. Vnde illud exaggerat valdè August. lib. 2. contra Donatistas cap. 6. ubi notat Idololatriam in veteri Testamento fuisse punitam gladio; schisma autem hiatu terræ, & cœlesti igne. Similiter de illo loquitur D. Chrys. loco antè cit.

vt schismaticos equiparat crucifixoribus Christi, & vult non esse peccatum minus hæretici: Eius autem originem rectè docet esse ambitionem, & affectum gerendi imperij siue magistratus, vt possint esse dominantes in Clero.

ARTICVLVS III.

Vtrum schismatici habeant aliquam potestatem?

Responderetur: non amittunt schismatici potestatem Ordinis, si quam prius habuerint: quâ tamen non possunt licitè vt: perdunt verò potestatem iurisdictionis: vnde non possunt (inquit D. Thomas) neque absoluerè, neque excommunicare, nec indulgètiâ facere, aur aliud huiusmodi, quod scil. à iurisdictione necessariò est dependens: Omnem enim potestatem talem censetur Ecclesiâ ab illis auferre, quando se manifestè ab Ecclesiâ separant.

ARTICVLVS IV.

Vtrum schisma sufficiat ad excommunicandum?

CONCLUSIO est affirmatiua, & probari potest primò ex Scripturis: L. b. Numeror. enim cap. 16. mandat Dominus filijs Israel, quatenus recedant à tabernaculis impiorum, qui schisma fecerant, & ne tangant ea quæ ad illos pertinent; ergò Ecclesiâ meritò etiam excludit illos à societate, & communione fidelium, qui Ecclesiâ discindunt.

Probatur Secundo: Quia iustissima pœna est, vt quis in eo puniatur in quo delinquit, vt significatur Sap. cap. 11. atqui schismatici delinquant in eo, quod separant se ab Ecclesiâ; ergo iustissimè agit Ecclesiâ, quando in punitionem illius ipsa rescindit eos à corpore suo, & priuat omni communione cum fidelibus suis: atque adeo vt illi, qui Ecclesiâ subdi nolunt, nec eius spirituali potestate corrigi & emendari, coërcantur potestate seculari. Vide dictâ supra de hæreticis.

QVÆST.

QVÆSTIO XL.

De Bello.

In quatuor Articulos diuisa.

ARTICVLVS I.

Virum bellare semper sit
peccatum?

RESPONDETUR & sit Conclusio vnica: Bellum non semper est peccatum: sed aliquando licitum est, etiã tempore noui Testamenti Christianis: quando scilicet tres conditiones concurrunt: quod nimirum indicatur ab eo, qui habet autoritatem: Deinde, quod iusta adsit causa: Tertiò, quod rectã intentione geratur. Ita ferè D. Tho. hic: Estque conclusio de fide certa, contra Machabæos imprimis, qui absolute bellum dabant, tanquam ex naturã suã & obiecto ita malum, vt nunquam licitè possit, aut potuerit geri aut suscipi. Vnde teste D. Augusti. lib. 22. contra Faustum cap. 74. & seqq. reprehendebant grauiter Sanctos illos veteris Testamenti, qui leguntur fuisse fortes in bello, & castra vertisse exteriorũ, vt loquitur Apostolus ad Hebr. c. 11. Deinde etiã est contra quosdam hæreticos nostri temporis, qui volunt nullo modo licitum esse bellum tempore noui Testamenti, quamuis antiquis fuerit permissum, sicuti multi sentiunt de libello repudiij, cum quibus videtur sentire Erasmus in annotat. ad c. 3. & 32. Lucæ & alibi. Sed

Probatum Conclusio Primò ex Scripturis: Abraham Genes. 14. expeditis vernaculis suis trecentis decem & octo gessit bellum, & persecutus est quatuor Reges qui tulerant Loth filium fratris eius cum omni substantiã suã, & percussit eos. Dum autem à cæde rediret, benedictionem à Melchisedech Sacerdote Dei altissimi meruit accipere: *Benedictus Abraham* (inquit) *Deo excelsio, qui creauit cælum & terram: & benedictus Deus excelsus, quo protegente, hostes in manibus tuis sunt.* Iudic. c. 3. dicitur: *Ha sunt gentes quas Dominus dereliquit, vt erudiret in eis Israel, & omnes qui non nouerant bella Chananaeorum: & postea discedent filij eorum certare cum hostibus, & habere consuetudinem praliandi.* 1. Reg. 15. ita loquitur Samuel ad Saulem: *Hac dixit Dominus exercituum &c.* Nunc ergo

vade, & percutite Amalec, & demolire vniuersam: non parcas ei, &c. Quæ itaque commendantur in Abrahamo: & quæ Dominus voluit filios Israel addiscere, quæque mandauit Saùli Regi vt faceret, non possunt dici ex se mala esse, & illicita: ergo &c.

Deinde probatur ex nouo Testamento: Luc. 3. Militibus rogantibus quid facerent, vt effugerent venturam iram, quam Ioannes peccatoribus intentabat, non mandauit ille militiam deserre: sed docuit eã benè vti, dicens: *Neminem concutiat, neque calumniam faciat: & contenti estote stipendijs vestris:* atque ita militiam tacitè approbabat. Ad quem locum respiciens D. Augusti. epist. 5. ad Marcellinum scribit: Si Christiana disciplina omnia bella culparet, potius militibus consilium petentibus in Euangelio diceretur, vt abijcerent arma, seseque militiæ omnino subtraherent: dictum est autem: *Neminem concutiat, &c.* Deinde addit: Quibus proprium stipendium sufficere præcepit, militare vtique non prohibuit. Matth. 5. à Christo commendatur fides Centurionis, qui & ipse habebat milites sub se: neque in eo reprehenditur. Similiter Act. cap. 10. à religione & timore Domini laudatur Cornelius Centurio cohortis quæ dicitur Italica: ergo &c.

Probatum Secundò ex Patribus, qui idem docuerunt: D. Ambrosius lib. 1. de Officijs cap. 40. & in 3. cap. Lucæ ad illa verba: *Contenti estote stipendijs vestris.* D. Chrysost. hom. 21. in Acta. D. Augusti. locis antè citatis: & epistola 50. ad Bonifacium Comitem. D. Gregor. lib. 1. epistola 72. & D. Bernard. serm. ad milites templi cap. 3. Si percutere, inquit, in gladio omnino fas non est Christiano, cur ergo præco saluatoris contentos fore suis stipendijs militibus indixit: & non potius omnem militiam interdixit.

Probatum Tertiò ratione: quia bellum duplex est, vt DD. illud distinguere solent: scilicet defensuum, & offensuum siue aggressuum: manifestum autem est imprimis de bello defensivo, quod licitum sit: quia etiã priuato vim vi repellere licet: hoc enim omnia iura permittunt, vbi habet Regula Iuris: quam docet Cicerò

F f iij omnibus

D V B I V M I.

Pœnes quem sit legitima autoritas incendi bellum, quam in Conclusionē diximus esse necessariam, ut bellum sit licitum?

Responderur: Est illa autoritas apud omnem Rempubl. perfectam, quæ in temporalibus non agnoscit Superiorem. Deinde apud omnem principem ius simile habentem: non autem apud Principes inferiores, aut Resp. imperfectas. Ita communiter sentiunt Theologi & Iurisperiti: D. Thomas hic cum suis Commentatoribus: Syluest. Verbo Bellum 1. quæst. 1. Molina De Iustitia Tom. 1. tract. 2. Disp. 100. Couarr. ad Regulam peccatum, 2. p. 9. Nauarrus in Rubric. de Iudicijs. num. 104. Petrus Nauarra lib. 2. cap. 3. num. 269. Turrecremata ad cap. Quid culpatur. 23. quæst. 1. & alij.

Notandum itaque est, Remp. aliam esse perfectam, videlicet eam, quæ non est pars alterius: ut Regnam Hispaniæ: Regnū Galliciæ, Ducatus Brabantię: Aliam imperfectam, ut Bruxella, Louanium: pertinent enim ad vnum Ducatum. Rursus Inter Resp. perfectas, aliam habere Superiorem in quem suam autoritatem, quam ad se regendam iure naturæ habet, transtulit: sicuti Gallia, Brabantia: aliam autem non habere eiusmodi Superiorem aliquem, sed sibi retinere suam autoritatem, qualis est Venetorum, Helueticorum, & similes: Similiter principes esse alios qui agnoscunt Superiorem in temporalibus, ut Comites & Duces qui subsunt regibus; alios autem non agnoscere Superiorem aliquem in temporalibus. His sic explicatis

Probatur Conclusio Primò ex D. August. lib. 22. contra Faustum cap. 75. ubi ita scribit: Ordo ille naturalis mortalium paci accommodatus hoc poscit, inquit, ut suscipiendi belli autoritas, atque consilium pœnes Principem sit. Quibus indicat iure euidem naturæ illam autoritatem principi competere, scilicet qui temporalibus superiorem non habet. Quæ autem est ratio principis, eadem est Reip. perfectæ superiorem non habentis.

Probatur Secundò ratione: quia eius est indicare bellum, cui ex officio incumbit tueri & defendere Remp. contra iniurias & damna. illiusque bonum procurare: at qui hoc est Principis supremi, & Reip. non agnoscantis Superiorem: Magistratum verò inferiorum tantummodo est ex commissione & autoritate supremi Principis;

F f iij aut.

12 Responderur Neg. Conseq. quod enim attinet ad Concil. Nicæn. respicit illud ad militiam repetitam sub tyrannide Lycinij cum implicat quædam negatione fidei: illi enim de quibus ibi agitur deposuerant militiæ cingulum propter fidem Christianam: vnde illud resumentes centebantur iam parari fidem negare. D. Leo autem agit de ijs qui iam experti erant se in militia vivere non posse absque euidenti periculo peccandi, ut explicat Glossa in Capitulum Si quis: Distinct. 50. talibus enim qui peccatum de quo pœnitebāt, commiserant in militia, solet iniungi, ne ad militiam redirent, scilicet propter periculum recidui: ut patet Capitulo Faltis: de pœnitentiâ Dist. 5. quare licet prædictis casibus meritò ijs prohiberetur militia, nō tamen inde efficitur bellum esse in se illicitū. D. Basil. quoq; non damnat bellum, quod inter mala pœnæ hominis. Quod Deus non est author malorum, reponit: iustā tamen ratione potuit constituisse, ut aliquamdiu à cōmunionē absternerent, qui humani sanguinis effusione, minus apti diuinis mysterijs essent effecti. Sicuti & David eā de causā à templi ædificatione fuit à Deo prohibitus.

13 Solent etiam quædā obijci ex Tertull. lib. de Idololatria cap. 19. & de Corona militis cap. 11. Sed dicendum est, quod reprehendat eos qui militiæ Christi per baptismum erant adscripti, & dabant nomen militiæ sæculari sub ducibus Idololatriis cum periculo animæ suæ, & committendi multa illicita: quod vehementius ipse apprehendens videtur studio dissuadendæ militiæ in verbis aliquantulum excessisse.

14 Obijcitur denique: bellum plurima mala adfert, etiam innexijs: estque occasio multorum peccatorum; ergo &c.

Responderur, inde rectè quidem sequi bellum nunquam esse suscipiendum, nisi ex maximis causis, & in magnā necessitate, quando nullum aliud superest medium, quo Resp. possit damna & iniurias sibi illatas curare compensari, & restaurari: non autem sequi bellum per se esse illicitum: quia per accidens mala illa & incommoda ex bello sequuntur, sicuti & ex alijs quæ in se licita sunt, possunt sequi mala. Præterea bellum per se intendit commoda & bona: nam ut docet August. in epistola ad Bonif. bellum geritur ut pax acquiratur. Vnde addit: Esto ergo bellando pacificus, ut eos quos expugnas ad pacis utilitatem vincendo perducas. Sed ut perfectius & plenius censere ac iudicare possimus in particulari: quodnam bellum licitum sit sunt hic quædam circa conditiones ad hoc requisiti, mouenda & explicanda dubia:

aut Magistratus. Quod itaque inferior Princeps aut Magistratus bellum indicare non possit, patet, tum quia si quis fecerit his iniuriam, poterunt recurrere ad auctoritatem, vel iudicium superioris; qui eis ius dicat, aut iniuriam vindicet: tum etiam, quia bellum indicendo inferent ipsi iniuriam superiori suo Principi, quia usurparent sibi ius alterius.

19 Petes, An etiam ad bellum defensuum opus sit illa auctoritate Principali?

Respondetur non opus esse: Ius enim se defendendi contra inuadentes habet etiam quisque particularis: multo magis Respublica quamvis imperfecta, cuiusque Magistratus: sed actus supremæ iustitiæ vindictariæ, qualis est belli offensiuus indicio conuenit supremæ potestati, nisi quatenus fortassis contingeret offensuum necessarium esse iuxta defensionem: quod fieri potest, ut si hostis inuadens certo loco quiescat, ubi percussus possit: non autem super sit contra eum defensio, si permittatur ulterius progredi: vel quando Princeps notabiliter negligens est in damnis & iniurijs Reip. vindicandis, ita ut inde grauissima incommoda patiatur: tunc enim ipsa possit suas iniurias bello vindicare: semper enim hanc potestatem tanquam necessariam ad sui corporis conseruationem censetur apud se retinere, quamvis sibi Superiorem constituat. Denique poterit Princeps inferior bellum indicare, si antiquissima consuetudine illud ius possideat, ut tradit à Victoria Relect. de iure belli: & insinuat hic Caiet., ut si Dux aliquis vel Comes in alijs omnibus subditus Regi, solitus fuerit iam inde ab omni memoria bellum indicare, censetur præscriptione hoc ius obtinuisse Superiore dissimulante, aut tacite consentiente.

20 Quod tamen intelligendum est de bello contra externos, non autem contra alios eiusdem Superioris subditos: hoc enim à lege naturæ alienum est, inferre bellum, ubi accedendo ad Superiorem Tribunal queas ius tuum obtinere: quando autem utraq; pars habet communem Superiorem, tunc ita per accessum ad Superiorem potes curare resciscere iniurias vel damna tibi illata; ergo &c.

21 Dices, quid si Princeps supremus sit negligens in vindicanda iniuriâ, aut procuranda alicui satisfactione à parte noxiâ, quæ illi quoque est subiecta?

Respondetur etiam tum licitum non esse: quia partes sunt instar priuatorum qui communem habent Superiorem: atqui priuatus quamuis superior ei ius dicere negligeret, non tamē potest ipse sibi ius dicere; ergo neque vi aperta resciscere damna,

inuadendo alterum qui est in pacificâ possessione tali ut nimirum non censetur nunc aggressor amplius, multoq; minus vilesce potest iniurias illatas. Confirmari hæc possunt: quia alioqui omnia piena essent seditionibus & tumultibus: quare in tali casu tenentur subditi potius patienter sustinere incommoda, quæ aliter subterfugere non possunt. Potest tamen Resp. imperfecta, vindicare iniuriam sibi, vel suis illatam, si malefactorum deprehendat intra limites sue iurisdictionis: illud enim censetur concessum à summis Principibus ad commodiorem Reip. administrationem: estque quasi iure gentium usurpatum; nam ratione delicti sortitur quis forum, & efficitur subditus. Non tamen potest ei vim inferre extra limites sue iurisdictionis absque consensu Magistratus illius loci. Sed contra dicta

Obijciunt: Omnes Principes Christiani habent Superiorem Pontificem; ergo sine eius consensu nullus poterit bellum indicare, saltem alteri Christiano.

Respondetur ob hoc argumentum Dom. Soto in cap. 12. ad Rom. existimare videtur, bella inter Christianos Principes raro esse iusta, cum habeant aliam viam expeditiorem terminandi suas contouersias, recurrendo ad Tribunal communis superioris Pontificis. At dicendum tamen est, Principes Christianos absolute non teneri, saltem ex iustitia ad Pontificis iudicium, causas suas referre, quamdiu ipse non interposuerit auctoritatem suam exigente hoc spirituali bono fidelium & Ecclesiæ: non enim directe in temporalibus vel in temporalium administratione aut gubernatione subduntur Pontifici: sed tantum indirecte, quatenus id necessarium est ad spirituale bonum Ecclesiæ, & ad fidei ac religionis conseruationem: Quod si in vim indirectæ huius potestatis Pontifex ex iusta consideratione malorum quæ in spiritualibus impendunt Ecclesiæ & fidelibus, interponat sese, & causam ad se reuocet inhibendo bellum, tenebuntur partes audire & obedire: alioquin non tantum peccabunt, sed etiâ iniuste bellabunt aggressores qui noluerint acquiescere: atq; adeo ad reparationem damnorum quæ ex bello sequutura sunt, obligabuntur. Ut docet Suarez de triplici virtute Theologica disp. 13. sect. 2. num. 5. & 7. & colligitur ex Maldero in 2. quæst. 40. art. 1. dub. 1. & Molina tom. 1. de Iustitia: tract. 2. disp. 100. & 111. Panormitano ad cap. Sicur. de Iureiurando. Ratio est, quia tunc se habent ad instar priuatorum, qui per se vindicant se de iniurijs sibi illatis, inferendo alijs damna & nocumenta; ergo &c.

Fieri

Fieri etiam potest, vt contra charitatem peccent non referendo causam antequam bellum indicant, ad Sanctam Sedem, quamvis hæc non se interposuerit per authoritatem: puta si incommode foret controuersiam posse illius iudicio decidi & sopiri seruata tranquillitate publicâ: nam recurrere ad medium pro sui iuris reparatione, vnde tot mala & incommoda nata sunt occasionaliter sequi, prætermisso altero istis malis non obnoxio, quo probabiliter idem finis posset obtineri, planè charitati aduersatur, vt per se euidens est.

23 Petes, Vtrum ad restitutionem teneantur qui bellum intulerint sine legitimâ authoritate: sed alioquin iustum?

Respondetur certû inprimis esse, quod sic inferendo peccent, Addo etiam teneri illos ad restitutionem damnotum illatorum, vt docet Nauarr. supra ad rubricam de iudicijs num. 165. non tamen teneri ad restitutionem quatenus res suas prius sibi ablatas recuperauerint. Imò si adfuerit præsumpta principis voluntas, non obligabuntur ad restitutionem, quatenus illa adfuit: de quo licet videre plura apud Molinam de Iust. & Iure tom. 1. tract. 2. disp. 111.

D V B I V M I I.

Qua sit iusta causa belli indicendi?

44 **R**espondetur: Iusta & sufficiens eius rei causa est, iniuria grauis illata Reipub. cuius alta ratione debita satisfactio ac reparatio haberi non potest. Ita communiter DD. Et sumitur inprimis ex Capitulo Cuius: causa 23. quæst. 2. & ex D. August. quæst. 10. super Iosue: vbi ita scribit: Iusta autem bella de finiri solent, quæ viscontur iniurias, si qua gens vel ciuitas quæ bello petenda est, vel vindicare neglexerit quod à suis improbè factum est, vel reddere quod per iniuriam ablatum est Et probatur ratione: quia ideo bellum licitum est, vt Respub. quolibet possit esse tuta, & seruari indemnitas contra iniumenta & iniurias aliorum; ergo dum hæc subsunt, nec aliter possunt reparari aut vindicari, nisi per bellum, iusta erit ratio suscipiendi.

45 **D**ico in concl. Non simpliciter iniuria, sed iniuria grauis: quia contra rationem esset velle exigui damni aut leuissimi iniuræ reparationem curare tali medio, quod tam extrema mala adducit aduerzæ parti seu alteri Reip. solent enim bello homines spoliari bonis suis, & liberare, & frequenter viâ. Quinimo & ipsius Reip. subditis quæ bellum suscipit, aut aggredi-

tur, solent bella adducere multa grauamina, & incommoda: quare iniuria ob quam bellum suscipitur debet esse talis, vt iudicari possit ad sui punitionem, aut reparationem mereri tale remedium & tolerantiam seu permissionem tantorum malorum.

Eadem de causâ additur: Si aliter haberi non possit eius debita satisfactio: si enim alia ratione haberi potest, vt v. g. si putetur, quod Princeps aliorum qui iniuriam intulerunt, monitus aut requisitus per se vindicabit, & reparari curabit, non licebit inferre bellum.

27 Notandum tamen est Primò: posse aliquando iniuriam apparere leuem quæ nihilominus attentis omnibus possit esse iusta causa belli: vt si incursionibus aliquæ fiant ab exteris in partem aliquam provincie: vel exigua aliqua loca ab eis occupentur: quamvis enim hæc in se possint censeri parua, tamen propter sequelam quæ timendum est, ne paulatim plura attentent, & audaciores fiant, si non reprimantur, & debita exigatur satisfactio, hinc poterit etiam eiusmodi iniuria esse sufficiens causa belli, præsertim si Princeps aliorum, aut Magistratus admonitus contemnat facere reparationem.

28 Notandum Secundò, varias esse iniuriandi rationes, quæ iustam belli præbeant causam: & ad tria possunt reuocari capita: quorum primum sit: si Princeps vel Respublica vna occupauerit & detineat res vel bona alterius, & requisita non velit dimittere & restituere: quod etiam reduci potest, quando subditi contra Principem seditionem mouent, & egerant obedientiam: quæ de causâ mouit bellum Dauid 2. Regum cap. 20. contra Seba filium Bochri, qui cecinerat buccinâ, & dixerat: Non est nobis pars in Dauid, neque hæreditas in filio Isai. Eodem pertinere potest, si iudex iniuriam violenter: ex quo bellum mouetur 4. Reg. 3. Alterum, si quis princeps aut populus neget communia iura gentium, vt transitum innoxium viarum, commune commercium, & similia: sic Num. 21. filij Israël bellum gesserunt contra Schem Regem Amorrhæorum qui innoxium transitum eis negabat. Tertium est grauis contumelia, aut laesio in famâ aut honore: sic Dauid 2. Reg. 10. mouit bellum contra Hanon Regem filiorum Ammon, ob insignem contumeliam, quæ ex consilio suorum principum affecerat seruos Dauid, quos ad eum destinauerat, vt illum super morte patris solarentur.

29 Peret aliquis: In quem vel quos debeat esse iniuria commissa, vt possit Princeps iuste mouere bellum?

Respon-

Respondetur satis esse in primis, quod vel in Principem, vel in subditos eius sit commissa: nam ipse est constitutus custos Reip. & subditorum, ac vindex iniuriarum, si quæ illis inferantur. Deinde etiam sufficere, quod in eos qui protectioni Principis se commiserunt, vel eius sunt amici, & cum eo confederati, ut constat exemplo Abraham Gen. 14. Et ratio reddi potest, quia amicus est alter ego, ut habet Philosophus 9. Ethic. cap. 4. & 9. Id tamen intellige dummodo amicus, aut confederatus habeat ipse ius ad tale bellum: & ad sit eius voluntas explicita vel implicita: nam alioquin iniuria alteri ad meam curam non pertinenti illata, non mihi ius tribuit ad illam vindicandam, nisi quando ipsi licet iuste sese vindicare, idque a me rogat aut petit fieri: eo enim posito auxiliū meum est cooperatio cum altero ad debitam & iustam vindictam, siue executio bonæ & iustæ voluntatis alterius. Seclusā autem illā voluntate eius qui iniuriam passus est, non potest quisvis alius se intrinsece ad vindicandam: quandoquidem is qui iniuriam fecit, non cuiuslibet factus sit subditus ratione illius, sed tantum læso. Sed contra dicta

Obijciunt: Si propter iniuriam sibi vel suæ Reip. illatam possit Princeps indicare bellum, consequitur quod idem erit Actor & Iudex in eadem causa: quod apparet iniqui, & contra naturalem rationem. Probatur sequela, quia idem Princeps offensus in se vel in suis subditis assumit officiū actoris & iudicis alios aggrediendo, & præsumendo per bellum ad satisfactionem. Neque hic refert, ut apparet, quod per alium non possit vindicare iniurias: quia etsi quispiam non posset vindicare suas iniurias per iudicem, eo quod sit iniquus, aut inuoluntarius, non tamen posset idcirco priuatus sibi ius usurpare, & sua auctoritate se vindicare de illo qui iniuriam intulit; ergo &c.

Respondetur admittendo quod in casu belli eadem persona subeat quodammodo munus actoris, & iudicis: quod etiam in Deo conspicimus, quando peccatores puniunt: cui in eo suprema publica potestas quasi similis est. Neque id mirum debet videri, multoque minus iniquum, aut contra rationem naturalem: quin potius æquū & secundum rationem: nam hic actus iustitiæ vindicatiuz, quo iniuriæ ab exteris illatz vindicentur, & cohibeantur, planè fuit necessarius humano generi ad tranquillam vitam degendā, ut per se evidens est: quando enim offendens perseverat contumax & satisfactionem recusat, non suppetit tam alia via commoda & suffi-

ciens, nisi ut tali modo se vindicet Res publica.

Ad id ergo, quod adducitur de homine priuato qui suas iniurias vindicare non potest, quamuis Iudex id non præstet, dicendum est, hoc quidem verum esse, non idcirco esse licitum priuato suā auctoritate sumere vindictam: sed non eandem esse rationem de Rep. supremā, & de homine priuato: oportet enim in his negotijs attendere ea quæ per se sunt, & ea quæ per accidens tantum eueniunt: iam verò personæ priuatæ habent expeditam & ordinariam per se viam, ut scilicet per auctoritatem superiorum eurent puniri delicta contra se commissa: quod autem id obtinere non possint, omnino per accidens est, & propterea tolerandam, ne maior in Reip. & in humano genere perturbatio & confusio sequantur: at verò necessitas se vindicandi inter duas Resp. supremas, dū altera alteri infert iniuriā, & abnuat reparationem, omnino per se est: neque datur aliquod aliud ordinarium medium, quo valeat Resp. læsa reparationem iniuriæ obtinere, nisi quod ipsa agat causam suam, & se de altera vindicet.

Huc accedit, quod dū huiusmodi actus vindicatiuz iustitiæ ex parte supremi principis, aut magistratus contra aliam Reip. exercetur, tunc non geritur proprio aut priuato alicuius consilio, sed communi & publico: neque pro particulari & proprio alicuius bono, sed pro bono communi & salute Reip. Vnde fit quod hic non sit tantum periculum alicuius excessus ex propria passione, sicuti foret si quilibet priuatus suo consilio & pro sua libidine posset se vindicare de altero, qui iniuriam intulit quando ex accidente fieret, quod Iudex non vindicaret.

Petens Secundò: Vtrum sint alij aliqui tituli iusti belli: qui Principibus Christianis sint proprij?

Respondetur: Hostiensis, Panormitanus, & alij nonnulli Canonistæ Capitulo super his: De voto: quos refert Cauer. ad Rēg. peccatum §. 10. & quidam etiam Scholastici ut Gabr. in 4. d. 15. quæst. 4. tenent affirmatiuam partem. Diferenti autem videntur diuersos eiusmodi titulos assignare. Alij ponunt infidelitatem eorum qui veram nolunt recipere Religionem. Alij ponunt Idololatriam & vitia contra naturam ab aliqua gente frequentata, ut Deus ab iniurijs, quæ contra eum committuntur, vindicetur: alij ponunt brutalitatem, seu hebetudinem quasi brutalem mentis, quæ in quibusdam barbaris videtur reperiri, ut minus videantur apti ut se gubernent & regant in politica & ciuili vita.

35 Sed reuera tituli illi simpliciter per se nō subsistūt, vt partim ex ijs quæ de infidelitate dicta sunt q. 103a. 8. & 10. & partim ex alijs quæ alibi tradūtur, potest satis cōstare, nisi quatenus haberent adiunctā iniuriā contra ius Ecclesiæ, quæ potest vti & apud omnes Euangelium prædicare, vel quatenus continerent quandam oppressiōem innocentium : vt si Princeps cogeret ad Idololatriam, aut non sineret eos amplecti religionem Christianam quam amplecti sunt parati, vel gens aliqua suis idolis immolaret infantes, pro quorum defensione potest Princeps suscipere, non quidem vt iniurias istis illatas vindicet, sed vt ne ulterius inferantur, impediatur. Sub titulo autem hebetudinis brutalis bellum inferre, eilet sub pretextu charitatis exercere tyrannidem. Quid enim est aliud (inquit Malderus) quam multos occidere, vt reliquos erudias ? & quā facere malum, vt eueniat bonum ? prædicare tamen licebit eis legem Euangelicam : & qui prædicationem impediunt, poterunt armis compesci.

36 Diuus autem August. nihilominus qu. 10. ante citatā super Iosue aliam indicat causam & veram, scilicet diuinum præceptum, cū ita scribit. Sed etiam hoc genus belli sine dubitatione iustum est, quod Deus imperat, apud quem non est iniquitas : & nouit quid cuique fieri debeat : in quo (inquit) bello, exercitus vel ipse populus non tam author belli, quam minister iudicandus est. Vnde eo titulo iustificat lib. 22. contra Faustum cap. 74. bella quæ gessit Moyses. Nec bella, inquit, per Moysen gesta miretur, aut horreat : quia & in illis diuina sequutus imperia, non seruiens, sed obediens fuit : nec Deus cum iubebat, seruebat ; sed digna dignis retribuebat. Et in principio capitis sequētis addit : Bellum autem quod gerendum Deo auctore suscipitur, rectè suscipi dubitare fas non est, ad terrendam, vel obierendam, vel subiugandam mortalium superbiam.

37 Duplex itaque his locis à D. Augustino insinuatnr causa, cur Deus iubeat bellum aliquando inferre : vna scilicet vt digna dignis retribuantur, quando per bellum condignè peccatores pro suis iniquitatibus puniuntur : Altera, vt superbi qui ponunt brachium fortitudinem suam, humilientur, & Dei virtutem in suā ultione recognoscant.

38 Multum verò aberrarunt gentiles qui existimauerunt iura regnorum posita in armis, ac licet bellum intentare pro gloria, & nominis celebritate : siue pro imperij ac ditionum ampliacione : quæ S. Aug. lib.

citato contra Faustum c. 74. reprehendit in bellis tanquam secundum naturalem rationem absurda. Neque enim debent in primis ista tantis impendijs, & dispendijs propriorum subditorum Principes procurare, quanta solet bellum requirere. Deinde non possunt ista fieri absque manifestā & atrocissimā iniuriā partis quæ inuaditur, quando hæc læsionem nullam intulit.

D V B I V M III.

Quæ certitudine de iustitia causæ constare debeat cuique Bellantium, vt iuste bellum moueat, aut promoueat, siue cooperetur ?

39 **O**bservandum est, triplex posse considerari hominum genus quod ad militiam concurrit, scilicet Principem supremum, siue supremum Magistratum : Deinde Principes & Duces inferiores : ac tertio communes siue gregarios milites.

40 Respondeo itaque & Dico Primò : Indubitatum est, in omnibus illis requiri certitudinem quandam practicam de iustitiā belli, quod gerunt, aut gerere intendunt quæ consistit in eo, quod quilibet eorum, prudenter iudicat sibi bellum istud esse licitum. Patet ex ijs quæ dicta sunt 1. 2. de conscientia, quæ quisque debet operari.

41 Dico Secundò : Supremus Princeps, si iustitia causæ non sit omnino evidens, debet ipse diligenter examinare, & perquirere, vtrum causā sit iusta ? & eo facto, si certò deprehendatur iustitia causæ, iam indubitātè poterit iuste bellum indicare, si pars aduersa requisita nō velit satisfacere. Vbi obseruādum, quòd sub iustitiā causæ etiam comprehendamus, quòd sit sufficiens & satis magni ponderis & incommodis belli proportionata, ita vt bellum mereatur iuxta prius dicta.

Probatnr itaq; prior pars : quia bellum est res grauissima propter multa quæ secum adducere solet, incommoda : naturalis autē ratio postulat, vt in quouis negotio aliquatenus dubio adhibeantur cōsultationes, & examina qualitati eius & magnitudini accommodata ; ergò &c. Deinde Princeps supremus hic agit simul partes iudicis, dum bellum indicit, vt supra n. 31. indicatur est : arqui iudex in quolibet negotio, etiam priuatorum, debet adhibere diligentiam debitam in examinanda iustitia causæ, antequam ius pro vnā parte dicat, & alteram condemnet ; ergo vel maxime id debet circa bellum indicendum obseruare Princeps.

Posterior pars per se satis evidens est, præsup.

Præsupposito quod bellum ex naturâ suâ non sit res mala (prout non esse antè ostendimus) quia quisque potest ius suum prosequi licito medio contra alium ; quamvis illi sit graue & incommodum, quando saltem monitus suâ sponte non vult satisfacere. Quod addo, quia priusquam bellum suscipiatur, videtur necessarium, vt prius satisfactio requiratur, vt colligi potest ex illo Deuter. 2. *Si quando accesseris ad expugnandam civitatem, offerre ei primum pacem: & ex D. August. epistola ad Bonifacium, vbi docet, quod pacem habere debeat voluntas: bellum necessitas.*

42 Dico Tertiò: si post diligens examen causa inveniatur dubij iuris, & ius vtriusque partis æqualiter probabile, aut æquè dubium, vnde cumque id oriatur, & alter sit in bonæ fidei possessione, non poterit tunc illi bellum moueri. Ratio est, quia cæteris paribus melior est conditio possidentis. Vnde si bellum illi moueatur, poterit ipse bonæ fidei possessor existens cum iure probabili, licet bellum defensionum sustinere, alter autem inferet iniquè.

43 Quod si nullus possideat, & dubium, aut probabilitas vtriusque sint æqualia, tum vt refert Suarez disp. 13. de bello sec. 6. ex communiori sententia, habebit eorum quilibet ius ad primò occupandum: quia in simili casu Iudex posset adiudicare rem suo arbitratu cui vellet partium litigantium. Ipse Suarez tamen ab hac sententia recedit, negatque etiam iudicem eo casu posse pro suo arbitratu rem totam vni parti adiudicare: sed vult eum obligatum, vt rem inter partes diuidat, aut si diuidi nequeat, tunc per compensationem, aut alio modo curet vtrique parti satisfacere: atque ita vult quoque Principes in talibus casibus debere diuidere, aut sorte dirimere, vel alio modo componere. Quod si verò tentaret vnus rem totam occupare & aliu excludere, hoc ipso censetur inferre alteri iniuriam: quare proinde hic posset etiam bello reprimere.

44 Quod si denique Princeps per examen inueniat ius suum magis probabile, magisque fundatum quam aduersæ partis, poterit iuste illud prosequi, inquit Suarez: quia in sententijs ferendis tenet ipse, semper à Iudice esse sequendam partem probabiliorem; & proinde Princeps, quatenus sustinet partes Iudicis, iuste poterit sibi adiudicare, & prosequi: non tamen ad id obligabitur, sicut Iudex in causis aliorum: quia potest ipse iuri suo cedere, si velit, nisi fortassis suorum subditorum interesset, qui inde paterentur grauiora incommoda.

45 Dico Quartò: Duces, & alij Principes

regni inferiores, quoties ad consilium vocantur, vt de bello inchoando sententiam dicant, tenentur diligenter quoque statum rei, & veritatem causæ perquirere, & examinare: non vocati autem non obligantur magis, quam alij communes milites.

Prior pars patet, quia à domino suo ad consilium adhibiti in re tam graui obligantur prudens quantum possunt, & iustum consilium dare: alioquin illis imputari poterit, si sit iniustitia in bello: ergo tenentur diligenter negotium examinare. Patet etiam pars posterior, quia non vocati neque rogati ad consilium & sententiam dicendam, iam se habent tanquam privati milites, ac solum à Principe mouentur, non autem ipsi sunt simul causa mouens.

46 Dico Quintò: Communes milites, qui sunt subditi Principis indicentis, aut sustinentis bellum, nullam tenentur adhibere diligentiam in examinandâ iustitia: sed à Principe vocati ad bellum, ire possunt resoluentes se in iudicium sui supremi Magistratus, siue Principis; dummodo non constet illis esse iniustum: aut non ad sint tanta indicia iniustitiæ, vt non possint nisi affectatè, aut crasse ignorare illam iniustitiam.

Probat ex D. August. lib. 12. contra Faustum cap. 75. vbi scribit, quod vir iustus, si fortè sub rege homine etiam sacrilego militet, rectè possit illo iubente bellare ciuicæ pacis ordinem seruans: cui, quod iubetur, vel non esse contra Dei præceptum, certum est: vel vtrum sit, certum non est: ita vt fortasse reum regem faciat iniquitas Imperandi, innocentem autem militem ostendat ordo seruendi. Ex quo tanquam antecedente tunc inferit, quod magis innocenter proinde, in administratione belli diuersatur, qui Deo iubente belligerat, vt Moyses bellauit scilicet.

47 Et confirmatur Primò, quia minister iudicis potest exequi sententiâ nullo præmisso examine, dummodò non constet ei esse iniustam. Confirmatur Secundo, quia in dubijs tenentur subditi obtemperare suis superioribus, & ex eorum autoritate, ac mandato facere sibi iudicium practicum certum, quo iudicent simpliciter sibi licitum esse hic & nunc, quod iubetur: quia in dubijs melior est conditio possidentis: est autem Princeps in possessione subditis imperandi, quare tenentur tunc obedire: alioquin enim maxima nata sunt sequi in Rep. incommoda, & seditiones, vt per se satis est evidens. Estque hæc communis doctrina: Caietani in summa: V. bellum Dominici à Soto de Iustitia & Iure lib. 4. quæst. 7. artic. 2. Syl. V. bellum 1. quæst. 9. à Victoria relect. de Iure belli.

Driedo.

Driedonis lib. 1. c. 2. de Libert. Christiana, & aliorum.

48 Dico Sextò: Plerique D.D. sentiunt eos qui Principis non sunt subditi, teneri ad examinandam iustitiam, priusquam dent nomen militiæ, si illa evidens non sit. Fundamentum potest sumi ex regula iuris 9. in 6. & 38. in ff. quæ habet, quod non sit ille sine culpa qui rebus, quæ ad ipsum non spectant, se immiscet cum periculo alterius: & ex Capitulo: Denique causa 14. quæst. 5. ubi generaliter dicitur, Neminem debere cum discrimine alterius iuvare alterum: quod delumptum est ex D. Ambrosio lib. 3. Officior. cap. 9. atqui ista locum habebunt in eiusmodi militibus externis, dum ad bellum vadunt de cuius iustitiâ dubitatur; ergo &c.

49 Eadem aliquibus videtur esse ratio de subditis qui abq; vocatiuo mandato Principis, sed suâ voluntate & pro stipendio militant: nam alios videtur tantum excusare obedientia. Verum potest hic aliqua diversitatis ratio assignari inter externos & inter subditos etiam mandato non coactos: quia iura Principis, eorumque conferuatio etiam suo modo, pertinent ad subditos, & ad ipsorum bene esse: non ita se habent ad externos: ac proinde non militant contra illos regulæ iuris & canones suprà allegati, sicuti contra extraneos. Neque sola obedientia (quatenus illa plurimum valeat, & valde ab antiquis virgeatur) censeri debet concurrere ut subditus possit iuvare Principem suum, licet ipse speculativè dubitet, modò practicè ut dictum est, iudicium certum formet.

50 Suarez verò sect. 6. suprà citatâ, tenet probabilius esse, in dubio externos quocumque posse ire ad bellum nullo examine facto: sed onere in Principem reiecto, modò hic sit probæ existimationis, & dubium ipsorum sit merè negatium, scilicet quod nec habeant rationes contra iustitiam istius belli, nec etiam pro illâ, quod dicit etiam apertè docere à Victoria. Et potest confirmari à simili, quia cuique licet elocare operam suam mercatori ad cooperandum contractibus eius, quos ipse non noverit esse iniustos, nec probabilem habet rationem dubitandi de iustitiâ: neque enim tenetur alioquin singulorum iustitiam examinare.

51 Quare pro his ad fundamentum alterius opinionis, poterit responderi: quod etiam externorum quodammodo interfit, quatenus exinde habent occasionem locandi operas suas, & lucrandi stipendium, & victum. Si tamen dubium esset positivum, & utrimque rationes occurrant probabiles, tunc meritò vult eos obligatos ad

Wiggers in 2. 2.

inquirendam veritatem, quam si non possint allequî, si militare velint, debebunt sequi eius partes cuius ius est probabilius: quod si æquè probabile iudicetur, tunc, inquit, dubium perinde erit, ac si foret merè negatium.

D V B I V M I V.

Quis belli finis debeat esse in intentione; ut casus restat prout requiri dixerimus, ut bellum licitè geratur?

C Ontingit nō infrequenter bella aliqui iusta, malè geri: quia ob indubitatos fines geruntur. Vnde inquit Augusti. lib. 22. contra Faustum cap. 74. In bello culpantur nocendi cupiditas, vilescenti crudelitas, impacatus & implacabilis animus, feritas rebellandi, libido dominandi, & alia similia. Quare Respondeo &

Dico Primò: Nihil istorum, aut similitum potest esse in intentione tanquàm finis, aut motium belli. Est per se evidens.

Dico Secundò: Tres præcipui sunt fines, quos in bello licet spectare: qui sunt stabilimentum quietis & pacis Reipub. bonorum iniquè ablatorum recuperatio: & iniuriæ illatæ competens vindictio. Ita tradunt communiter D.D. ubi postremum siue tertium de quo principaliter posset suboriri aliqua dubitatio, satis apertè nobis indicat Augusti. loco iam citato: quando post allegata subiungit: quæ (inquit) ut iure puniantur siue Deo, siue aliquo legitimo imperio iubente, gerenda ipsa bella suscipiuntur à bonis.

Id verò hic observandum, satis in eo convenire D.D. quando aliàs iustum est bellum, etsi non sine peccato geratur propter indebitas intentiones, non tamen induci ideo obligationes restitutionis, sicuti quando causa est iniusta, aut deficit legitima autoritas. Posset tamen Princeps, si immoderatus se habeat, & improvidè bellum aggrediendo, cauere magna incommoda Reipub. suæ propriæ, quæ evitasset se recto ordine & sine processisset, incurrere obligationem restitutionis faciendæ subditis suis, qui propter immoderatas eius passiones damna perpessi sunt.

DVBIUM V.

Quis modus in belli executione, progressu, & victoria seruandus: tum à Principe erga suos milites, & à militibus erga Principem: tum ab his utrisque tam erga hostes, quam erga amicos & alios qui non sunt hostes?

55 **R** Elpondeo & Dico Primò: Ex iustitiâ obligatur Princeps suis militibus dare debita stipendia terminis elapsis. Patet, quia intercedit inter illos legitimus contractus conducti & locati. Vnde sequitur teneri Principem ad reparationem damnorum, quæ milites postquam ex sua parte impleuerunt contractum, ob defectum solutionis inferunt Reipubl. ex iustâ necessitate inopiæ: secus de ijs damnis dicendum est, quæ suâ malitiâ aut petulantia occasione deficientis stipendij superaddunt, vt solent in suis seditionibus facere: ad hæc enim non in totum tenetur Princeps, sed pro latitudine culpæ.

56 **Dico** Secundò: Milites è contra obligantur pactam operam, etiam cum vitæ periculo, præstare. Vnde non licet illis stationem deferere, sed fortiter debent suum officium obire, quamuis etiam his in particulari, certò mors imminet, quamdiu spes est, quòd pugnando poterit exercitus præualere, aut subsistere, vel ciuitas contra hostium impetum defendi: si contrâ fecerint, peccabunt mortaliter cum obligatione restituendi damna, quæ ob eiusmodi fugam obueniunt Principi, aut Reip. & iustè poterunt capite plecti, vt patet ex legibus ciuilibus: ff. de re militari. Eadem est ratio de præfectis arcium, quas nullo metu tradere possunt, quamdiu spes est eas conseruandi: quia ad eiusmodi præstanda se licito & honesto contractu obligarunt. Addo, quamdiu spes est, &c. aliquando enim cedere loco seu recedere, potest etiam esse actus fortitudinis, quatenus hæc temeritatem reuocat ad medium rationis.

57 **Dico** Tertiò: Tenentur præfecti & duces belli curare, vt habeant sub suis vexillis plenum numerum militum prout illa sunt constituta, & pro quo numero Princeps, aut Respub. soluit stipendia. Quare qui in delectu alios supponunt, & plures representant, quàm habeant, valde grauiter delinquant. Primò, quia iniustitiam committunt contra Principem, cuius pecunias suffragantur. Deinde, quia inde fit, quod ciuitates, aut provincie aliquando perdantur, vel exponantur maximis periculis, dum putantur adesse sufficientes milites illis custodiendis, aut hostibus re-

sistendis, qui tamen eiusmodi fraudibus imminuti, non sufficiunt. Vnde etiam ad restitutionem damnorum quæ ex tali occasione Princeps aut Respublica patitur ipsi obligati existunt. Quare & hæc de causâ illicitum planè medium est ad faciendam compensationem occultam, si forsitan aliqua ipsis Princeps debeat, quorum nequeant obtinere solutionem: quod valde contra quorundam doctorum viro- rum nimiam indulgentiam est notandum. Eiusdem criminis & obligationis quoque rei sunt, qui à Principe constituti, vt præfint delectui, scienter conuiuent, & dissimulant eiusmodi defectus & fraudes.

Dico Quartò: Tam præfecti, quàm milites tenentur contenti esse stipendijs suis, sic vt neminem concutiant, neque calumniam faciant, quærendo scilicet qualemcumque prætextum sub quo spoliare & opprimere innocentes possint. Constat ex doctrinâ Ioannis Baptistæ cap. 3. Lucæ. Et ratio est per se manifesta: constat enim de apertis iniurijs, si aliter faciant. Quare cum obligatione restituendi delinquant illi, qui à suis hospitibus plus extorquent, quàm sit eis constitutum, licet præfecti dissimulent: vt docent Caiet. V. bellum, & Driedo lib. 1. de Libertate Christiana cap. 2. Quod tamen intellige, nisi aliqua duntaxat acciperent, vt suæ necessitati extremæ, aut quasi extremæ satisfacerent: & non vltra. Similiter quoque delinquant qui plures pagos, aut domos sibi ad hospitandum designari curant, & ab ijs quos prætereunt, pecunias accipiunt. Ista enim & similia ad cõcussione notoriè pertinent.

Dico Quintò: Mobilia in iusto bello capta ab hostibus iure gentium sunt capientium, etsi excederent compensationem damnorum, aut iustam vindictam. Sunt autem ista secundum peculiares leges, ac consuetudines cuiusque nationis & populi diuidenda siue Principi, siue du- cibis, siue militibus. Addo, quod iure gentium, quia stando in terminis omnino iuris naturæ, non posset amplius ex rebus hostium, siue mobilibus, siue immobilibus occupari, quàm satis esset ad iustam damnorum, ac expensarum compensationem, aut illarum iniuriarum vindictam.

Dico Sextò: Pro hostibus autem habendi non sunt quoad bonorum direptionem, peregrini, mercatores, exteri hospites, & quicumque non sunt partes Reip. hostilis, quamuis in terrâ illius inueniantur. Ita docet à Victoria Relect. de Iure belli: num. 36. & patet ex Capitulo, In nouamus: De Treuga & pace: vbi idem docet Panormit. Cum istis autem meritis censendi sunt Ecclesiastici, qui verè etiam

non

non sunt pars populi hostilis, vt docet hic Caietanus.

61 Dico Septimò: Si hostis prædas egerit, & mobilia abstulerit, ab aduersis partibus, eaque ad loca tuta asportarit, iure & consuetudine efficiuntur hoc militū ea recuperantiū; exceptis tamen ijs quæ habent ius postliminij: de quibus videre licet l. 2. ff. de Captiuis: & l. Hostes ibidem. Non censentur autem tuto loco, quamdiu dominus prosequitur, aut prosequi curat: alioquin terræ prædantes censentur ad loca tuta asportasse, quando illa nocte vnâ absque prosecutione habuerint. Si autem milites recuperent priusquam tuto loco fuerint (ad quod allaborare tenentur ex officio) debebunt gratis restituere dominis à quibus ablata erant.

62 Dixi, si à partibus aduersis hostis abstulerit prædas &c. nam quod attinet ad bona neutralium directæ, non tenentur inprimis milites ad ea recuperanda laborare; si verò recuperauerint etiā postquam censentur ad loca tuta asportata, debebunt tamen ea dominis restituere: non enim ius & consuetudo aliter de his disposuerunt. Poterunt nihilominus milites aliquid pro suis operis exigere, vt pote qui habebunt actionem negotiorum gestorū, siue negotij bene gesti: Neque fuit aliqua æquitatis ratio aliter disponendi de bonis exterorum; siue neutralium: non enim ita potest Princeps, aut Respublica transferre dominia quoad bona exterorum, pro necessitate vel utilitate suæ communitalis, sicuti potest priuare suos subditos ex iustis causis, & transferre bona illorum in alios.

63 Dico Octauo: Non licet vnquam innocentes, etsi pars sint Reipub. hostilis, ex intentione occidere, etsi quoque hostis aliquos ex iustè bellantibus occidisset; vel ipsi innocentes relictī fuissent in obsides, & hostis interim fidem falleret: fieri tamen potest, quod per accidens occidantur innocentes absque peccato, puta quando aliter ciuitas capi non potest, aut hostis vinci, nisi cum accidentariā interfectione innocentum: Ita communiter DD. estque doctrina indubitata.

Præsumuntur autem quoad bellum innocentes, inprimis Ecclesiastici: tum quia arma, aut consilia belli tractare non solent, tum quia non sunt pars populi, quemadmodum neque peregrini, & similes: ex ipso autem populo innocentes sunt pueri, & mulieres, cum quibus etiam censentur agricolæ ruri scilicet degentes, & quicumque viri togati & pacifici: vt habet à Victoria supra nam. 36. nisi contrarium constiterit.

Prebatur prior pars, quia occidere innocentem est intrinsecè malum; nunquam ergo poterit Princeps curare innocentes occidi.

Dices; Antecedens verum est quando fit priuatā autoritate, & sine causa iusta; hic autem fiet autoritate publicā, & ex iusta causa, scilicet propter delictum Reip. cuius pars sunt.

Respondetur, Antecedens semper verum esse, quando fit ab eo, qui non habet absolutum dominium vitæ & mortis in hominem, & citra huius mandatum: quod quidem aliquando Deus dedit filiis Israël: vt patet Ioues 6. & 1. Reg. 10. idque ad terrorem illarum gentium, & propter multiplices earum iniquitates: vt colligi potest ex Deutero. cap. 9. alioquin sine tali mandato, nulla causa potest hic sufficere, aut iusta censi: propter solam enim culpam propriam concessit Deus gladio puniri, & e medio tolli hominem autoritate legitimi Magistratus. Quare etiam nullā lege occiditur filius propter peccatum patris. Imo Deut. 24. expresse dicitur, *Non occidentur patres pro filiis, nec filij pro parentibus, sed vnusquisque pro peccato suo morietur*: & Exod. 23. *Insensum & insulum non occides*.

Probatur Secundò: Ex gestis S. Ambrosij, qui grauiter reprehendit, & excommunicauit Theodosium propter similes cædes innocentum: vt habetur cap. Apud Testalonicam causa 11.

65 Probatur pars posterior, quia eo casu illi qui impugnant hostem aut ciuitatem, censentur moraliter se habere tantum permixtū ad mortem innocentum: non enim intendunt illos occidere, sed tantum adhibent media necessaria vt hostem superent, aut ciuitatem occupent, ad quæ adhibenda ius habent: neque tenentur aliorum incommoda vitare cum tanto suo præiudicio. Quare si contingat simul innocentes occumbere, hoc debet imputari vel illis qui eos detinent inter nocentes, vel ipsorum imprudentiæ, aut quasi miseriæ, quod nocentibus sint permixti, vel in iisdem cum ipsis locis se reperiant.

Confirmatur, quia alioquin impossibile foret bellum vnquam perficere: posset enim hostis contra omnem impetum semper exponere, & obijcere innocentes.

66 Dico Nondò: si necessarium fuerit ad plenam satisfactionem Reip. læsæ, licebit innocentes spoliare suis bonis, etiam libertate: Probatur, quia sunt partes vnus Reip. iniquæ: propter delictum autem totius potest pars, etiam quæ ad delictum non concurret, puniri in omnibus ijs quæ subiacent potestati & dominio ipsius Reipub.

G g ij

pub. Quandoquidem enim Resp. ex iustis causis potest etiam citra delictum, à privato auferre bona eius propter publicam necessitatem, hinc mirum videri non debet, quod ipsa possit quoque in illis bonis puniri, sic vt Auerfarius cui illa facta est ubnoxia, possit tam ipsam, quam priuatos exuere dominio, quod in illa bona habebant. Confirmatur, quia hoc titulo solent paruuli Saracénorum effici serui Christianorum: vt notat Suarez sectione 7. ergo &c.

- 67 Obseruandum est tamen, inter Christianos quasi iure gentium esse receptum, vt capti bello non efficiantur mancipia, quauis possint iuste detineri, vt puniantur si nocentes sint, vel pretio seu litro redimantur. Priuilegio autem hoc ex consuetudine fruuntur etiam hæretici, quia saltem aliquo modo Christum & libertatem per eum nobis donatam profitentur: non sic verò fruuntur illi apostatæ, qui recedunt omnino à professione Christiani nominis, sed ex consuetudine tales bello capti aut superati, etiam in seruitutem rediguntur.

Obseruandum præterea, inter Christianos quoque introductum esse, vt bona Ecclesiastica & personæ sint immunes, tum ob reuerentiam ministerij & Ecclesiæ, tum quia hæ personæ constituunt quasi Rempub. spiritualem distinctam à temporali.

- 68 Dico Decimò: Immobilia hostibus deuictis aut pulsis non sunt militis occupantis, sed principi reseruanda sunt: in cuius erit arbitrio, vbi publica vtilitas postulauerit, etiam arces hostiles demoliri, aut ciuitates euertere.

Petes, an possit loca hostibus erepta iure belli sibi in perpetuum retinere?

Respondetur, si hostes sint Christiani non continuo possunt eorum prouinciæ, aut regna in perpetuum à victore retineri; sed post satisfactionem, & iustæ vindictæ modum, erunt restituenda principibus, aut eorum heredibus, nisi forsitan propter iniuriæ atrocitatem, vel damnorum & expensarum magnitudinem aliter iusta vindicta aut compensatio haberi non possit. Dixi, si hostes sint Christiani, quia quoad Turcas attinet, qui sunt perpetui hostes Christiani nominis, semper possunt loca ab ipsis recuperata, detineri à Christianis, quia nunquam sufficienter possunt satisfacere de iniurijs illatis: vt habet à Victoria num. 42.

- 69 Dico Vndecimò: Princeps victor non potest semper in bello progredi, nisi vsque ad iustam suorum damnorum & expensarum recuperationem, aut iniuriæ sibi illatæ debitam vindicationem: quibus ob-

tentis tenebitur ab ulteriori bello inferendo superedere.

Colligitur ex antè dictis, quia omnis iusta causa belli reducitur ad iniuriam acceptam: vbi igitur hæc fuerit sufficienter reparata & compensata, non licebit ulterius mouere bellum. Quibus tamen addo, quod possit Princeps victor, qui iuste militauit, facere omnia illa circa hostem, & bona vel terras eius, saluâ vitâ, quod necessarium est ad tranquillam pacē Resp. suæ in futurum conseruandam. Vnde si necesse foret, poterit hoc titulo etiam occupare & retinere arces & ciuitates hostium ad id oportunas: quæ tamen etiam simul in compensationem computandæ erunt, quatenus opus fuerit. Ita communiter tradunt DD. & ratio sumitur ex fine honesti belli: nam hoc maximè geritur, vt sit quasi via ad tranquillam pacem, quæ turbant illi contra quos bellum suscipitur.

Sed petes, Quid si pars aduersa, contra quam iustum bellum geritur, post illud inchoatum, offerat damnorum & expensarum reparationem, aut iniuriæ illatæ vindictam?

Respondetur, Principem debere acceptare satisfactionem, modò iusta & æquiualens sit: nec posse progredi in bello cæpto: sed in satisfactione iustâ includi inprimis, quod restituantur omnia iniquè ablata cum toto interesse: Deinde vt sumptus facti in apparatu belli, recompensentur. Tertiò, vt iniuria illata ac ipsa contumacia vindicentur: Quartò, quod etiam pars aduersa præstet ea, quæ videbuntur necessaria pro quiete & securâ tranquillitate in futurum: quia hic principalis est finis belli, vt diximus, statuere & firmare pacem in futurum pro Repub. Illa quoque satisfactio debet offerri extra tempus pugnæ, quia in seruire pugnæ non est tempus examinandi satisfactionē quam hostis præsentat, & si à pugnâ supercedatur, vt illa examinetur, interea fortassis certa spes victoriæ, quæ ad manum erat, præteruolabit, & satisfactio oblata fortè non iudicabitur nec erit sufficiens, neque volet tum hostis eam augere, vel perficere.

D V B I U M V I.

An detur bellum utrimque iustum?

Respondetur breuiter: Nunquam potest bellum esse utrimq; iustum materialiter & formaliter: potest tamen ex utrâque parte aliquando dici iustum formaliter, id est, Nonquam potest bellum esse

esse utriusque; iustum à parte rei; potest tamen fieri, quod utriusque partes licite & sine peccato bellum gerant. Probatur prior pars, quia veritas iustitiae non potest in re ipsa stare nisi ab una parte inter se contradicenti.

73 Probatur pars posterior; quia vel sententia de iure probabilis, vel aliqua ignorantia inuincibilis efficere potest, quod utraque pars bonâ fide & bonâ conscientia, & sine peccato bellum sustineat. Oritur itaque illud semper ex aliquâ ignorantia, quia scilicet nescitur de cuius parte, re ipsa sit iustitia. Sic communiter tradunt D. D. Couar. ad regulam, Peccatum parte 2. §. 10. nu. vi. à Victoria de iure belli n. 32. Molina disp. 103. & alij suis locis.

ARTICVLVS II.

Utrum Clericis & Episcopis sit licitum pugnare?

74 CONCLUSIO D. Thomæ est negativa. Etque communis & certa. Colligitur in primis ex illo Apost. 2. ad Timoth. 2. *Nemo militans Deo implicat se negotijs secularibus*; ergo multo minus bellicis.

Probatur Secundò, quia diuersi Canonès ita statuerunt: ut videre licet Causa 23. quæst. 8. & dist. 36. Cap. Si quis.

Probatur Tertiò ratione, quam indicat D. Thomas: si enim qui Imperatori homini militanti, prohibeantur negotiari, ne in militia suâ seculari impediatur, quanto magis qui imperatori Deo militanti, seculo militare non debent? quia secularis militia non tantum inquirit & distrahit personas Ecclesiasticas in suis officijs; sed etiam repugnat lenitati quam postulat altaris ministerium, in quo recolitur Passio Dom. nostri IESU Christi, qui pro inimicis mortuus est. Hinc merito ministri illius debent potius esse candidati patientiæ ad martyriû, & ad propriû sanguinẽ profundendû, quam initiari militiæ ad effundendû alienû: ideoque non potuit Dauid ædificare templum, quia multum sanguinem fuderat. Accedit quod occidere hominem iuste quamuis sed in templo sit sacrilegiû propter indecentiam loci; ergo bellare, quamuis in bello iusto erit sacrilegium Sacerdoti. Vnde Clericus bellator, non tantum sit irregularis, sed pro ipso mortuo in bello interdicuntur oblationes, orationesque; ut patet Capitulo Quicumque Clericus: qu. 8. C. 23. Idem tradunt passim SS. PP. Naz. Oratione 2. de pace: Ambrosius Oratione in Auxentium, quæ exstat lib. 4. epistolaru: Arma Episcopi sunt, inquit, lachrymæ, & orationes. Chrys. epistola ad Innoc.

& Bern. lib. 4. ad Eugenium.

Sed tamen hic quædam sunt obseruanda: ac primò quidem Clericis esse licitû hortari. Latos ad bellû pro defensione oppresorum, & Ecclesiæ. Colligitur ex D. Bernardo loco citato, ubi dicit. Sacerdotis nutu, non manu materialẽ gladiû esse exerendum: & patet ex Cap. Omni timore, Quicumque; ex Clericis & Cap. Hortatu: q. 8. C. 23. & ex D. Aug. epist. 30. ad Bonif. Commitem. Poterunt itaque in genere hortari milites ad fortiter pugnandum, sicut in veteri lege Sacerdotes buccinis sacris incitabant filios Israël ad pugnandum bellum Domini; idque non tantum antè prælium; sed etiam in prælio: non tamen eis licet in particulari hortari ad occidendum vel mutilandum.

76 Obseruandum Secundò: Clericos posse interesse bello de consensu Superiorum, ut milites rectè instruant, exhortentur, & Sacramenta pro opportunitate, vel necessitate eis administrent: si autem adint, ut ipsi pugnent, peccare mortaliter, exceptis certis casibus, de quibus statim infra; non tamen incurrere irregularitatẽ, si neminẽ suâ manu occidant, aut mutilent, vel suo hortatu in particulari faciant occidi, aut mutilari.

77 Obseruandum Tertiò: Clericos qui dominium temporale habet cum auctoritate indicendi bellum, posse non tantum indicare bellum, sed etiam ad illud gerendum sub hominẽ aduocare & constituere Duces: ut D. D. colligunt communiter à simili: quia Capitulo Episcopis: ne Clerici vel Monachi in 6. declaratur, Clericos sine irregularitatis metu, posse causas sanguinis alijs delegare: non tamen possunt ipsi esse duces belli, quæ eis personaliter non sint pugnatori.

78 Obseruandum Quartò: Certis casibus licitum esse Clericis in bello iusto pugnare: ut in primis si Papa dispenset, & eis facultatem pugnandi faciat. Neque enim verum est, quod Gratianus circa initium qu. 8. causa 23. dicit, Clericos scilicet, nequidem Papæ auctoritate posse arma capere: nam licet rationi & statui Clericorum sit valde congruum ab armis abstinere, tamen simpliciter per se malum vel illicitum non est, nisi quatenus iure positum est prohibitum: Quidam autem Gratianum explicant, quod tantum voluerit significare; nõ hoc ipso quo Papa præbet Clerico consensum ad mouendum alieni bellum, posse idcirco propriâ manu pugnare, nec eiusmodi facultatem datam debere intelligi.

Alter casus est, quando Clerici non possent aliter vitam tueri, quam proprijs manibus pugnando.

G g ij

Tertius,

Tertius, si cum subsidio Clericorum simul pugnantiur ciuitas sit liberanda ab hostium expugnatione, quæ alioquin imminet: quo casu putat Caiet. Clericos teneri ad pugnandū. Illius autem rei existat exemplum Eunomij Episcopi apud Theodoret. lib. 5. Histor. cap. 37. Eadem & maior erit ratio, si communis salus Reip. pendet à pugna Clericorum.

Quartus casus, si Clericus pugnando posset innocentem, qui eius opem implorat, eripere ab iniqua occisione.

79 Sed peret aliquis: quinam intelligentur per Clericos, quando bellum dicitur illis esse interdictum?

Respondetur, omnes omnino qui vel primam tantum tonsuram habent, ut tradit Sylu. Verbo: Clericus 1: non peccabit tamen is mortaliter qui nondum est initiatus sacris Ordinibus, nec habet beneficium Ecclesiasticū ratione cuius teneatur vitare irregularitatem: peccabit nihilominus venialiter quamdiu gaudet privilegio fori, etiam absq; beneficio Ecclesiastico: si autem nec beneficio fori quidem gaudeat, non erit modò propter consuetudinem introductam, peccatum vllum, si ad iustum bellum vadat: ut tradit Couarr. ad Clementinam, Si furiosus parte 2. §. 2.

ARTICVLVS III.

Vtrum licitum sit in bello vti insidijs?

80 **C**ONCLUSIO D. Thomæ est affirmatiua, modò tamen id fiat absque mendacio, & sine violatione fidei, si quæ sit hosti data. Constat ex cap. 8. Iosue, ubi filij Israel instruuntur, & mandatur eis vti insidijs contra ciuitatem Hai. Vnde D. August. quæst. 10. supra Iosue scribit, Cum iustum bellum quis susceperit, vtrū apertè pugnà, vtrum insidijs vincat ad causæ iustitiam non facere. Idem docet Hieron. in c. 2. ad Galat. & ratio est euidentis: non enim tenetur Princeps indicare hosti consilia & media quibus intendat cum aggredi & debellare: vnde potest diuersa præferre, ut dum hostis contra vnum se munit, possit facilius per aliud inuadere.

81 Addidi, Modò tamen fiat absque mendacio, quia illud nunquam est licitum: ut docet ex proposito D. August. lib. contra Mendacium: similiter addidi, Et sine violatione fidei datæ, quia etiam hosti fides seruanda est, ut habetur Capitulo: Noli quæst. 1. causa 23. quod desumptum est ex D. August. epistola 205. vnde & do-

mus Saül 2. Reg. cap. 21. legitur punita, quia non seruasset fidem datam Gabaonitis: si tamen hostis prior violaret fidem, tunc quoq; data non esset ei seruanda, ut omnes fatentur: quia hæc conditio censetur inesse, si aliter vicissim fidem seruet. Vti colligi potest ex Capitulo Peruenit 2. de Iurciurando, quod sic habet: Nec tu ei, etsi promissum tuum iuramento, vel hdei obligatione, interposità conditione firmasses, aliquatenus teneris, si constat eum conditioni minimè paruillè.

ARTICVLVS IV.

Vtrum liceat diebus festis bellare?

CONCLUSIO D. Thomæ est: Pro 81
tutione Reip. fidelium est licitum iusta bella exercere diebus festis, si tamen necessitas hoc exposcat. Præbatur, quia præceptum de obseruandis festis non impedit ea quæ sunt necessaria ad salutem corporalem, etiam priuatorum. Vnde cum increpatione ad Phariseos loquitur & dicit Christus Ioan. 7. *Mihi indignamini quia totum hominem saluum feci in sabatho*: vnde & medici possunt adhibere necessaria ad curandum hominem in die sabathi; ergo multo magis adhibere licet ea, quæ sunt necessaria ad cõseruandam salutem totius Reip. sue populi. Imò id prætermittere & à bello velle tunc cessare, esset tentare Deum: vbi notat D. Tho. Ex quo rectè infertur, non tantum esse licitum si hostis ingrat, sed etiam esse præceptum bellare & se defendere: quando autem necessitas non est: siue necessitate cessante, inueni S. Tho. licitum non est illis diebus bellare. Circa quod tamen

82
Notandum est, quod elata occasio oportuna cædendi hosti, quæ forte transitura est, & sic liberandi Reip. à periculo hostium, vel hostem domandi, meritò sufficiens cõsuetur necessitas, ut pugnare liceat: quia belli onus, magna quædam est necessitas: quando ergo oportunitas adesse sese ab illo onere expedicndi, aut subleuandi, non erit contra præceptum de festis obseruandis, tunc præliando Reip. ab illa necessitate saluare. Confirmatur ex Capitulo Licet, de Ferijs: ex quo generaliter constat, ea seruilia diebus festis esse licita, quibus incumbitur rei tempore perituræ, siue quæ temporis moram non patitur absque periculo perditionis vel interitus.

Possent autem hic opponi Capitulum Treugis: de Treuga & pace, ubi dicitur, Treu-

tur, Treugas esse seruandas ab occâsu solis feræ quartæ vsque ortum solis feræ secundæ, & quibuscumque alijs temporibus. Sed breuiter respondetur cum Glossa, Capitulum illud non esse vsu receptum. De-

inde dici potest vetari prælium aggressi-uum absque omni necessitate, ita vt alio quocumque tempore æquè commodè & pari profectu fieri possit.

Q V Æ S T I O X L I

De Rixâ.

In duos Articulos diuisa.

ARTICVLVS I.

Vtrum Rixâ sit semper peccatum?

NO T A N D U M hic cum D. Thoma, quod sicut contentio importat quandam cōtradictionem verborum, ita rixam importare quandam contradictionē in factis: vnde Glossa in cap. 5, ad Galat dicit, Rixas esse quando ex ira se inuicem percutiunt. Ex quibus D. Thomas deducit huiusmodi rixæ descriptionem, scilicet quod sit priuatum quoddam bellum, siue pugna quæ inter priuatas personas agitur, non ex aliqua publica autoritate, sed magis ex inordinata voluntate: & proinde concludit, rixâ semper importare peccatum, quod euidenter ex dicta definitione patet, & quidem ex parte inuasoris ex genere suo est mortale: quia bellum offensiuum absque publica potestate est cōtra iustitiâ. Quandoquidem verò ad bellum iustum defensiuum non sit opus publicâ autoritate, vt supra dictum est; hinc contingit eum qui in rixâ se defendit, id facere aliquando sine peccato, quando nimirum seruat moderamen inculpatae tutelæ: aliquando tamen peccare venialiter, si aliquantulum excedat: aliquando etiam mortaliter, si ex odio vel ardore vindictæ procedat, & magis cogitet se vindicare quàm defendere, vel iniurias duntaxat auertere. Quia autem rixæ affine admodum est duellum: hinc solent DD. hic de illo quoque disputare,

DVBIVM VNICVM.

Vtrum duellum aliquo casu sit licitum?

VBi obseruandum in primis, rixam & duellum in eo conuenire, quod v-

trumque sit quædam pugna paucorum inter se, differre autem in duobus: Primò, quod rixâ fiat subito ex iracundiâ vel simili passione; duellum autem ex condico & pacto vtriusque partis ad certum diem & locum, idque aliquando cum diuersis alijs solemnitatibus: & hoc dicitur solenne & publicum: aliquando absque istis solemnitatibus: & dicitur priuatum. Deinde, quod rixâ semper fiat priuatâ auctoritate; duellum autem generaliter loquendo, fiat aliquando auctoritate publicâ.

Obseruandum Secundò: Plures possunt occurrere causas ex quibus contingit duellum suscipi, quarum hæ sunt præcipuæ: scilicet pro ostentatione, pro voluptate spectaculi, pro vindictâ, pro defensione honoris, pro obiecti criminis purificatione, pro defensione bonorum temporalium, pro euadenda morte alioqui certò imminente: Denique pro dirimendo bello quod aliquotin inter Principes & Resp. intercedit. His præmissis Respondeo &

Dico Primò: Duellum, quod suscipitur pro solâ ostentatione virium aut artis, vel pro spectaculi voluptate, aut vindictâ est semper illicitum, etsi fieret ex consensu vel mandato publicæ potestatis.

Probat, quia vtraque pars exponit se periculo occidendi innocentem, aut saltem nondum condemnatum: quod nec propriâ autoritate, nec mandato potestatis publicæ licitè quis potest facere, etsi quoque alter, siue vterque faceret alteri eiusmodi occidendi facultatem: quia nec dare potest, nec alter vti. Deinde vterque absque necessitate prodigè exponit vitam suam, quod iterum illicitum est, & contra charitatem propriam.

Dices: Potest Magistratus condemnare iniuriantem, & constituere eum, qui iniuriam passus est, executorem suæ sententiæ; ergo publicæ potestatis mandato poterit aliquis suscipere duellum pro vindictâ.

G g iiii ejRpõs

Respondetur Neg. Conseq. quia inprimis Magistratui non licet tali modo curare exequi suam sententiam: quamvis enim nocens possit iuste occidi, & etiam mandari executionem illi qui iniuriam passus (quamvis id minus conveniat) tamen non potest id facere cū evidenti periculo vitæ ipsius innocentis; cui eam exponit, quando committit ei duellum pro vindicta suæ iniuriæ. Deinde, non licet etiam innocenti sic vitam suam prodigere. Quare & propter periculum, quod illi ex duello immineret, redditur ei illicitum, cum iniuria alijs modis possit vindicari, & non tanti quoque sit facienda ista vindicta iniuriæ, vt pro eâ debeat quis subire periculum recipiendi longè grauius malum, quàm fuerit prior iniuria.

- 6 Dico Secundo; Similitè illicitum est duellum quod suscipitur causa defendendi honoris, puta quia scilicet apprehendit quispiam se fore infamem, si prouocatus duellum non acceptet. Est Caiet. infra qu. 95. artic. 8. & in summa V. duellum. Tostatus ad cap. 17. lib. 1. Reg. quæst. ult. Dom. Soto lib. 5. de Iustitia quæst. 1. art. 8. Nauarra. c. 15. nu. 28. Suarez disp. 13. sect. ult. & aliorum communiter.

Probari potest Primò ex bulla Pij I V. in qua subiicit excommunicationi reseruatz illos, qui ex quâcumque causa, etiam à legibus non improbatâ quocumque pretextu duellum admittunt; ergo neque pro honoris defensione licet.

Confirmatur, quia iudicio cuiuscumq; viri prudentis contra rectoris rationē censebitur vterque illorum tunc eligere, aliū inuadere, aut percutere: tum quia non contrahitur aliqua vera infamia ex recusatōe duelli tanquam rei illicitæ, quamuis imperitum vulgus stolidè aliter apprehendat, tum quia illa acceptatio non est defensio, sed aggressio: defensio enim tantum habet locum vbi vis vi repellitur: hic autem nulla vis intercedit. Vnde neque eadē videtur esse ratio huius sic acceptantis duellum, quæ est alicuius viri nobilis aut militaris percutientis pro honoris sui defensione illum, qui ignominiosè eum inuadit & percutit, quamuis illam percussione potuisset fugiendo euadere. Sed de hoc casu infra latius De homicid.

- 7 Dico Tertiò: Illicitum quoque omnino est duellum quod spontaneè suscipitur siue ad probandum crimen quod quis alteri obijcit, siue ad purgandum quod alicui obijcitur: idque tam offerenti, quàm acceptanti illicitum est. Ita communiter DD. & constat ex Canonibus: vt Cap. 1. extra. de purgat. vulgari, & Capitulo Monomachiam Causa 2. quæst. 4. & Cap. Henricus

Præbiter: de Clericis pugnantis in duello. Et probatur ratione, quia duellum reuera nullum est medium, siue ad probandam veritatem criminis, siue ad innocentiam declarandâ, cum & iniusti accusatores, & innocentes soleant indifferenter in duello occumbere. Deinde, quod quispiam accuset alterum criminis, esto etiam iniuste, non est sufficiens ratio ob quam possit eum occidere; ergo neque vt possit in duello, quamvis prouocatus, eum aggredi, & ad eius occisionem conari. Præterea militat contra charitatem propriam: nam licet sit iustus accusator, aut innocens accusatus, tamè exponit se periculo mortis dum pro sua volūtate duellum suscipiūt: si autē sint nocentes, quia scil. vel iniuste accusant, vel iuste accusati sunt, magis delinquant, volentes superstitioso modo, aut crimen confictum probare, vel verum crimen negare, & à se auertere. Quare etiam, quocumque modo id fiat, tentatur in eo Deus, dum per medium indebitum præsumunt ab eo sperare auxilium, prout saltem præferunt.

Sed difficultas est. Vtrum innocens iniuste accusatus, & cerèd dammandus ad mortem per iudicem, nisi acceptet duellum quod accusator præsentat, possit acceptare, præsertim approbante principe, vel etiam mandante: Quod antiquitè fieri frequentius solet, vt colligitur ex citato Capitulo Monomachiam: quod planè reijcit omne duellum: & ex Cap. Henricus Presbyter, quod damnat eum homicidij, qui in duello ad probandum crimen eius, alium occiderat.

Multi sunt qui affirmatiuam partē tuerentur: sic Lyranus ad caput 17. lib. 1. Reg. Caiet. locis supra citatis. Nauarra. c. 9. cum Petro de Nauarra lib. 2. de Restitut. cap. 3. num. 289. Fundamentum horum esse videtur, quia huiusmodi acceptatio duelli, siue ipsum duellum est quædam necessaria, & vt appareat, iusta defensio vitæ suæ, quam alio medio, aut modo conseruare non potest. Confirmatur, quia talis accusator aggreditur hunc innocentē gladio Iudicis, sicuti in Scripturis David dicitur Vriam Hethæum occidisse gladio filiorum Ammon; ergo licebit illi se defendere, & per consequens adhibere medium quod vnicum superest, quo se contra illam aggressionem possit à morte saluare.

Negatiuam tamen partem docent Syluester V. Duellum. Tostatus sup. Antoninus parte 3. tit. 4. §. 3. Soto lib. 5. de Iustitia & Iure qu. 1. art. 8. Mald. q. 41. cum alijs quos citat & sequitur Suarez loco antè citato; & hæc sententia videtur verior, & magis amplectenda.

Probatum

Probatur Primò: Siseponatur Iudicis authoritas vel voluntas (quam quidam in hoc casu non videntur etiam requirere) quia tum apparet omnino evidens, quod non sit hic iusta defensio, sed priuata aggressio: defensio enim locum non habet, ubi ab actuali aggressore non infertur vis: atqui iste accusator iniquus reuera non infert vim, quia non cogit ad pugnam, sed inuitat: nec aliâ vi externâ aggreditur, sed tantum obruit calumnijs: calumnia autem non debet vi, sed veritatis manifestatione propulsari: quod si hæc tibi possibilis non sit, non ideo tamen licet ad media inordinata progredi, quæ verè non sunt media: sed adhibenda necessariò est patientia: quemadmodum si innocens à latronibus detineatur, cumque occisuri sint, nisi ipse alterum innocentem occidat, non poterit id facere, nec adhibere tanquam medium defensionis vitæ suæ.

11 Confirmatur, quia si acceptatio duelli tunc liceret ratione iustæ defensionis vitæ, eodem casu liceret etiam oblatio duelli, etis accusator illud non offerret: quia etiam huiusmodi oblatio foret simili ratione necessaria & iusta defensio contra vim quam accusator ei infert imminenti gladio iudicis, atque ita licet posset accusatorem provocare ad duellum, quod tamen alterius sententiæ auctores non admittunt.

12 Deinde sequeretur, quod sic iniquè accusato, & condemnando liceret occultè occidere accusatorem suum, si inde speraret fore quod sic mortem euaderet, à qua non posset alio modo se liberare: imò sequeretur, ut apparet, quod simili ratione, quis poterit occultè occidere actorem qui per Iudicem exiiturus cum est iniquè omnibus suis bonis fortunæ, aut maximâ eorum parte. Probatur, quia pro defensione horum licet occidere inuasorem, siue raptorem aut furem, quando aliter repelli non potest: atqui si aggressio quæ fit in iudicio per calumnias, debeat censeri aggressio violenta quæ vi externâ possit repelli, iam hic actor per vim inuadere dicitur omnia mea bona, quæ conseruare non possum contra talem inuasorem, nisi illum occidam: ergo ista occisio erit iusta defensio, & conseruatio bonorum meorum: sicuti occisio accusatoris in duello esset defensio vitæ innocentis. Quæ quidem sunt absurda, & feminaria plurimarum cædium & aliorum maiorum tendentium ad perniciem & summam confusionem Reip. vel cuiuscumque communitalis.

13 Sed neque in casu proposito reddetur licita acceptatio duelli propter accedentem Principis aut Iudicis authoritatem, vel voluntatem, quia nō potest iuste Prin-

ceps dare eiusmodi facultatem, multo minus velle, siue mandare: Confirmatur: quia secundum allegata & probata vel ipsi constat accusatum esse innocentem, vel constet esse nocentem, vel neutrum ex illis constat: si primum detur, evidens est quod teneatur illum absolueri, neque possit iustâ vel honestâ ratione illum periculo duelli committere. Idem dicendum est, si tertium ponatur: quia iura & ratio iustitiæ postulant, ut accusatore non probante absoluator reus; & in dubijs similiter secundum iura, reo est fauendum: si autem secundum supponatur, tunc obligatur Iudex secundum ordinarium ius illum condemnare.

Dices: Iudex qui est supremus Princeps potest ex plenitudine potestatis, etiam conuictum, aliquando absolueri; ergo potest etiam huic facere gratiam pro aliqua parte offerendo illi medium euadendi mortem per duellum, quod accusator præferat, si forsitan ibi superet.

Respondetur Neg. Conseq. quia inprimis eiusmodi factum Principis parum foret Christianum: esset enim exponere vtrumque periculo salutis animæ; quia in altero accusatum, & accusatorem vix potest committi talis pugna absque odijs & affectibus priuatæ vindictæ, cum quibus natum est sequi, quod alteruter occumbet. Deinde non potest publica potestas exponere innocentem periculo vitæ absque iustâ ratione, nec ei facere licentiam vt ipse suâ voluntate id faciat, vnde si fiat, & magistratus & ipse peccabunt: ferendo autem eiusmodi sententiam exponeret accusatorem qui legitime iuxta ordinem iuris probauit crimen alterius, periculo vitæ.

Dices iterum: potest fieri quod priuatâ scientiâ Iudex cognoscat innocentiam ipsius conuicti de crimine, & per calumniam tantummodo fuisse accusatum, & probatum reum; ergo tum saltem poterit Iudex ita ordinare, quia non fiet iniuria accusatori, ut apparet: est enim ipse reuera nocens, & dignus morte.

Respondetur Neg. Conseq. quia non potest Iudex morte aliquem afficere quâuis priuatim sciat illum esse reum; priusquam sit conuictus de crimine secundum formam iuris, & proinde neque dare licentiam occidendi illum propter talem calumniam, quamdiu de illâ non fuerit conuictus. Neque refert, quod accusator offerat duellum; quamuis enim per hoc possit Iudex excusari ab iniuria in hanc particularem personam, non tamen ideo eo ei licet hoc concedere: sicuti non potest id concedere duobus suâ sponte volentibus duellare, & quamuis consentiret

aut concederet, non tamen idcirco duellum esset licitum: alijs itaque modis debet Iudex adlaborare, vt in tali casu innocens liberetur, vt infra latius dicitur de Officio Iudicis.

16 Petes: An si duo essent iustè condemnati ad mortem, & Iudex illis demandaret, vt per duellum alter in alterum conaretur exequi sententiã eã conditione, vt victor donetur vitã, vtrum ipsi possint duellum illud suscipere?

Respondetur videri quod ita: quia vterque habet ius occidendi alterum tanquam executor sententiæ iustæ, quã vterque ad mortem est condemnatus ad id à publicã potestate constitutus, quare ad id poterit vterque conari. Neque dum se defendunt, debent censeri lædere iustitiam publicam, quasi illi per vim resisterent, tum quia quilibet eorum non tam ex intentione agit defensivè, quàm aggressivè ad explendam sententiã iustitiæ, tum etiam quia publica potestas dum eis hoc committeret, censetur vtrique dare quoque ius se defendendi contra talem ministrum iustitiæ, qui ex alio capite est reus, & legitime condemnatus. Non tamen huiusmodi Rei obligabuntur tale duellum, & executionem suscipere, quamvis Iudex illis demandaret. Neque enim sine peccato, & fortassis non absque periculo censurarum posset eis demandare talem executionem, quando iam morituri sunt, aut evidens mortis periculum subituri: quia tunc occupare illos eiusmodi concertationibus, vnde indebiti, & maligni motus faciliè oriuntur, apparet præsertim inter Christianos, valde inordinatum. Quare & multo gravius delinquerent Iudices, & qui eiusmodi duellum committerent partibus quarum vel neutra, vel saltem altera nondum est conuicta & damnata, prout ex dictis faciliè potest intelligi.

17 Dico Quartò: Videtur licitum fore duellum pro vitæ defensione si quis iniuste inuassus ab altero, non posset alio modo mortem euadere nisi acceptet duellum quod inuasor ei præsentat. Ita ad hanc quæstionẽ Mald. & probatur quia ex parte inuasi est pura defensio inculpara, neque propriè ex condicito, sed ex necessitate suscipit pugnam, & tantùm quasi consentit sibi dari arma quibus vim alterius iam contra se paratam conetur propellere & sic se saluare; non tamen illi liceret passivè de duello committendo alio tempore ad certum locum & diem postquam liberati suæ esset restitutus, quia pactum illud esset de re illicita: postquam enim in sua est libertate extra potestatem & vim alterius, certum est, quod non illi liceat accedere vt

cum ipso duellum ineat: quare si promississet, aut iurasset non tamen liceret adimplere.

Dico Quintò: In simili casu non improbabiliè existimant quidam posse etiam acceptari duellum pro defensione bonorum temporalium quando scilicet illa essent magni momenti, & acceptans duellum commensurando vires cum viribus alterius, iudicaret quod nõ subiret nisi commune periculum, sicuti quilibet subit qui inuasorem bonorum suorum facientem etiam resistentiam aggreditur armis vt sua bona saluet. Declaratur, quia hæc obligatio duelli, magis est quædam permissio vt accipiat alter arma quibus possit res suas defendere, quàm duelli propriè omninò dicti. Addo autem, si commensurando vires suas &c. quia si obsequaret, quòd euidenti mortis periculo se exponeret, videretur tunc peccare contra charitatem propriam quæ dicat vitam esse præponendam bonis fortunæ.

Dico Sextò: Non peccabit Princeps qui iustum bellum gerit, si totũ belli pondus reuocet ad duellum, siue ad pugnam inter paucos, modò tamen id faciendo non deducat victoriam ad statum magis dubium, quàm foret si bellum generale interteneatur.

Probatur, quia potest Princeps qui iustum bellum gerit, condescendere aut ordinare, vt prælium vniuersale condicito loco & tempore fiat, quando prudenter sic sperat victoriam, vt eã ratione ad belli finem perueniat, & multa mala, quæ sequuntur ex belli diuturnitate, evitentur; ergo poterit similiter condescendere, vt pauci aliqui præliantur, quãdo adest equalis aut maior spes victoriæ, quàm sit in prælio vniuersali, & sic bellum terminetur. Confirmatur, quia non apparet cur prælium generale potius esset licitum, quàm pugna paucorum quando sit ex eadem auctoritate publicã ob eosdem fines cum spe paris, aut maioris profectus quoad victoriam, & consequutionem pacis: sola enim differentia multitudinis personarum non variat honestatem vel iustitiam pugnæ.

Addidi in Conclusionẽ: Modò tamen non ad statũ magis dubiũ &c. quia aliqui Princeps tunc peccaret cõtra ius debitum suæ Reip. cui ex officio tenetur omni securiori modo providere, ac consulere. Huc accedit, quod etiam videretur iniquior contra istos suos subditos qui imprudenter, & sine iustã causã exponerentur periculo in tali pugna. Imo Caiet. locis sup. cit. existimat tunc demum posse Principem mutare belli pondus in duellum, quando videt se aliter inferiorem, & succum-

succumbere: quod tamen non videtur absolute necessarium: quando enim spes victoriæ non minuitur, nec minus certa redditur ex eiusmodi mutatione, sanè non apparet tunc cuique adduci incommodum, aut fieri iniuriam: interim verò euitantur cædes plurimæ etiam subditorum innocentium. Sed quoniam conueniens & utilis mutatio eiusmodi belli fortassis rariùs accidit, ideo opus erit magnâ prudentiâ, & circumspectiōe: nec facillè nisi in aliqua necessitate videtur eò deueniendum.

21 Dico Septimò & vltimò: Possunt milites, qui iustum bellum sequuntur, de licentiâ Principis suscipere duellum, quo recluso exercitus hostilis fieret animosior, & suo modo fortior: Contra autem exercitus proprius timidior, & sic infirmior. Ita ex Nauar. cap. 15. circa finem docent Mald. & Suarez locis antè citatis.

Probat, quia est quoddam partiale bellum habens iustitiam causæ eandem cum toto bello, & tendit ad eundem finem scilicet ad deiiciendos hostes, & ad victoriam consequendam, ad quam est veluti quedam præparatio & introductio. Vnde hoc modo iustificari potest duellum Davidis contra Goliath: quamvis alioquin non indigeat hac excusatione, quia ex di-

uino instinctu fuit David illud aggressus, & ex diuinâ reuelatione cognouit quod gigantem illum deiceret, & superaret. De poenis autem quas incurrunt tum ipsi illicite duellantes, tum alij qui ad id auxilio vel consilio vel alijs modis cooperantur, videre licet Conc. Trid. Sess. 25. de reformation. cap. 19. de quibus etiam agi solet in Tract. de Censuris.

ARTICVLVS II.

Vtrum rixa sit filia ira?

CONCLUSIO D. Thomæ est affirmatiua. Declaratur: quia rixa importat contradictionem quâ deuenitur ad verbera, & intèditur læsio alterius scientis & reluctantis: hoc autem prouenire solet ab animo irato, cui etiam non satis esset alterum occultè læsisse, vel nocuisse: sed vult apertè & non latenter alterum lædere: in quo differt ira ab odio, quod etiam vergit & intendit ad malum alterius: sed huic satis est, quòd alter mala patiat, nec desiderat alium cognoscere, vnde mala illi proueniant.

22

QVÆSTIO XLII.

De Seditiōe.

21 DOCEt hæc quæst. D. Thomas imprimis Seditiōem esse peccatum speciale: quia speciali bono unitatis & pacis multitudinis, siue communitatis est opposita. Deinde docet

esse ex genere suo peccatum mortale: quia est iniquus tumultus tendens ad pugnam contra commune bonum pacis, & unitatis Reip. siue Communitatis: quæ licebit videre latius hic explicata apud D. Thomã,

QVÆSTIO XLIII.

De Scandalo.

In octo Articulos diuisa.

ARTICVLVS I.

Vtrum scandalum conuenienter definiatur, quòd sit dictum, vel factum minus rectum præbens occasionem ruinae?

21 OBSERVANDUM hic est primò, Scandalum esse dictionem Græcam, & significare generaliter offendiculum in

via, ad quod impingens quispiam offendit se & cadit. Vnde translatus est ad offendicula spiritualia, quorum occasione animus inducitur in peccatum, siue ad spiritualem ruinam.

Obseruandum Secundò, quod sicut in alijs contingit effectum nomine causæ, & causam nomine effectus compellari, ita etiam hic euenire: nam & ipsa scandali actiua obiectio, & ipse incurfus siue impactio in offendiculum obiectum, ac ipsa ruina nomen scandali admiserunt: quod subindicat etiam D. Hier. in cap. 15. Matth. dum

2

dum scribit: quod Græcè scandalum dicitur, nos offentionem vel ruinam, aut impactionem pedis possumus dicere.

Vnde scandalum, sic de illo latè loquendo, diuidi solet in scandalum actiuum, & passiuum: vt scilicet actiuum intelligatur in eo qui ponit alteri offendiculum: passiuum autem in eo qui in offendiculum impingit & labitur. Prius potest subdiuidi in scandalum formale, quo explicite scilicet intenditur ruina proximi, & in interpretatiuum, quando non quidem expresse intenditur ruina proximi, sed tale opus fit coram pusillis, quod natum est inducere illos ad lapsum. Posterius diuiditur in scandalum acceptum, & in scandalum datum: Acceptum passiuum tunc est, quando quis ex dicto aut facto alterius capiat occasionem peccati ex propria malitia: nō autem quod intentio facientis, vel opus ex sua conditione tale sit, vt pusillos inducere natum sit ad ruinam: & istud vocatur communiter scandalum pharisaicū, sic dictum, quia Pharisei ex Christi doctrinā & miraculis ita malitiosè accipiebant frequentius occasionem grauius peccandi, vt ex Euangelij constat. Passiuum autem datum tunc est, quando quis ad peccatū inducitur ex opere alterius quod vel ex ipsius intentione, aut suo modo ex conditione operis natum est alios, in quorum conspectu fit, vel ad quorum deuenit notitiam, mouere ad peccandum.

Notandum itaque tertio: hic quæstionem esse potissimum, non de scandalo passiuo, nec de ruinā succumbentis: sed de scandalo actiuo cui correspondet passiuum datum, sicuti illud iam explicuimus. His præmissis respondetur & fit

CONCLUSIO Vnica: Scandalum ita sumptum rectè definitur, esse dictum vel factum minus rectum præbens alteri occasionem ruinæ. Ita hic D. Thomas ex S. Hier. in cap. 14. Matth. Non additur, vel Concupitum, sicuti in definitione peccati apud Augustinum: quia licet solo actu interno frequenter peccetur, non tamen solus actus internus potest esse causa, siue occasio ruinæ proximi, quandoquidem ei non innoscat. Porro quemadmodum in definitione peccati, sub dicto & facto subintelliguntur etiam dicti aut facti debiti negationes siue priuationes, ita etiam hic intelligendæ sunt: quia etiam omissiones tam dicti, quam facti possunt ponere alij offendiculum. Dicitur autem potius in definitione, minus rectum, quam malum: quia frequenter committitur actiuū scandalum, etiam vbi vnus circumstantiæ defectu actio est minus recta, vel vbi tantum habet speciem mali: eoque nomine pro

tempore & loco illicita. Vnde Apostolus 1. ad Thessal. cap. 5. vult nos ab omni specie mali abstinere, & ad Rom. 12. vult nos prouidere bona, non tantum coram Deo sed etiam coram hominibus.

Additur præbens occasionem ruinæ, scilicet siue ex intentione expressa, siue interpretatiua facientis modo supra explicato. Hoc itaque est quod per modum differentiationis, constituit actum in ratione scandalali, de quo agimus. Dicitur verò præbens occasionem ruinæ, non autem dicitur, efficaciter inducens: Primò, quia potest actus habere malitiam scandalali actui, etiam proximus de facto exinde in peccatum non cadat, modò ipse ex intentione facientis, vel ex operis conditione fit inductiuus modo quo dictum est. Quare respondet illi scandalum passiuum vt natum est ex illo sequi, siue de facto sequatur, siue non. Deinde, quia efficax causa ruinæ est propriè ipsa voluntas eius qui peccat. Inductiuus itaque ratio ad ruinam sequitur ex imperfectione aliquâ rectitudinis actus, puta quia licet fortassis in se malus non sit ipse actus, tamen non fit cum omnibus debitis circumstantijs in ordine ad loca & personas, vbi & coram quibus fit. Conformer penè definit Tertull. scandalum lib. de Velandis virginibus cap. 3. quando dicit, esse malæ rei exemplum & edificans ad delictum: bonæ enim res, inquit, (quæ scilicet omni ex parte bonæ sunt) neminem scandalizant, nisi malam mentem.

ARTICVLVS II. III. & IV.

*Vtrum scandalum sit peccatū?
Vtrum speciale? Et, vtrum mortale?*

CONCLUSIO Prima: Scandalum est peccatum: & quidem ex genere suo mortale, quatenus contrariatur nimirum charitati proximi & misericordiæ, vt hæc inclinatur ad correctionem fraternam. Colligitur ex Script. ad Rom. 14. Si enim propter cibum frater tuus contristatur: iam non secundum charitatem ambulas, id est, contra charitatem: actus autem qui per se sunt contra charitatem, sunt ex genere peccata mortalia 1. ad Cor. 8. Percutientes conscientiam eorum infirmam, in Christum peccatis, & Matth. 18. de illo qui alios scandalizat dicitur, melius fore illi, si mola asinaria ad collum eius suppendatur, & demergatur in profundum. Quo peccati huius grauitas multum exaggeratur, sicuti & per illud quod Apostolus dicat eos in Christum peccare,

peccare, qui percutiunt infirmâ conscientiam fratris. Huc etiam facit quod apud Matth. sequitur, *Va homini illi, per quem scandalum venit*: quando enim in Scripturis propter aliquod sit comminatio, *Va*, significari solet illud esse peccatum graue & mortale.

8 Probatur Secundò ratione, quia sicuti corripiendo quis fratrem lapsum lucratur, ita offendiculum ponendo perdit illū pro quo Christus mortuus est, dum stantem & in via Dei ambulante propellit in ruinam & mortem spirituale; ergo &c. Confirmatur, nā mortaliter peccat qui proximum corporaliter occidit, ergo magis qui causa est mortis animæ. Cæterum tunc scandalū ceriò mortale semper erit, quando intenditur ruina proximi in peccatum mortale; veniale autem ordinariè quando per actum indifferentem, aut qui veniale peccatum tantummodo est, intenditur expressè aut interpretatiuè lapsus proximi in aliquod veniale. Quamuis enim scandalum ex genere sit mortale, tamen ratione paruitatis materiæ contingit etiam esse veniale, quemadmodum aliquando etiā fieri posset ob defectum plenæ aduertentiæ.

9 Contingit autem committi scandalum duobus modis: vno quā viā exempli ad simile peccatum perpetrandum: sicuti Ieroboam & alij in libris Regū dicuntur fecisse peccare Israël, quando Idola erigendo vel ijs immolando induxerunt populum Israëliticum ad Idololatriā. Alio modo, quā viā alienationis à bono: sicuti filij Heli scandalizabant populum Israel, quando per suos sacrilegos abusus circa sacrificia alienabant illū à cultu & sacrificijs Domini; cuiusmodi scandalum nimis etiā modò esse in Ecclesia Christi frequens timendum est, dum propter ambitionē, avaritiā, & alia vitia superiorum Ecclesiæ & Sacerdotum, multi ad hæreses aut liberiores vitā inducuntur, vel in ijs obdurātur.

10 CONCLUSIO Tertia: Scandalum habet rationē specialis peccati, vbi de actiue est sermo, sicut prius indicauimus. Est D. Tho. & communis aliorū sic indefinitè loquendo de scandalo. Et declaratur breuiter, quia opponitur spectali bono, scilicet charitatis & misericordiæ spiritualis erga proximum, quia tendit ad spirituale eius ruinam, quā charitas & misericordia ex suo munere student præcauere & auertere vel restaurare.

11 Dixi quod Conclusio sit communis sic indefinitè loquendo: quia inter DD. multum controuertitur, an actiuum scandalum formale solum habeat rationem specialis peccati, an etiam illud, per quod diximus interpretatiuè intendi ruinam proximi. Nā

multi existimant solum formale, quo expressè intenditur ruina proximi, habere rationē specialis peccati, non sic alterum. Ita docent hic Caiet. a. 3. & in Summa V. scândalū. Palud. & Durand. in 4. dist. 38. Banez hic art. 4. Alij vero contrarium sufficient. Syl. V. scândalum q. 2. Antonius 2. parte tit. 7. §. 4. Nauar. cap. 6. num. 19. à Valentia & Malderus hic, quorum sententia videtur verior.

Probatur Primò, quia in alijs peccatis sufficit interpretatiua voluntas, huc intētiō mali affectus, aut finis, vt actus ab eo contrahat specialem malitiam, & distinetur v. g. si quis tantum intendens suæ libidini satisfacere, fornicetur cum sanctimoniali, vel in loco sacro, accedit species sacrilegij, ergo similiter quando quis corā alijs peccatum committit, aut eiusmodi actū exercet, vnde natū est sequi quod illi ædificabuntur ad peccatum, contrahet actus ille specialem inde malitiam quæ erit propria peccato scandali, quamuis non explicite intendat mittere proximum in ruinam.

Probatur Secundò: quia Apostolus ad Rom. 14. & 1. ad Cor. 8. clarè docet, eos grauiter peccare, qui opus altoquin in se licitum, faciebant, sed tale quod corā alijs factum vel ab alijs cognitum causabat eis ruinam. Neq; vrget quòd explicite intendere causare ruinam fratru, sed simpliciter quod dum illi tale quid facerent, alijs ædificarentur ad lapsum, & peccatum; ergo opus scandalosum, quo licet quis non explicite, sed tantum interpretatiuè voluntate intendit ruinam spiritualem proximi, habet specialem rationem peccati. Patet consequētia: quia illa de quibus Apostolus agit, non habebant ex se aliam malitiam, & tamē grauiter eos reprehendit qui ista coram alijs facerent; vt ex verbis eius cōstat. Ad Rom. loco cit. sic loquitur: *Scio & confido in Domino Iesu, quia nihil cōmune per ipsum, nisi ei qui existimat quid commune esse, illi cōmune est*: & tum addit: *Si enim propter cibum frater tuus contristatur: iam non secundum charitatem ambulas*. Vbi agnoscit malitiam scandali in illa comestione cibi per se aliquin liciti: illud enim: *Non secundum charitatem*, id est quod contra charitatem: vt constat ex eo quod sequitur: *Noli cibo tuo illum perdere pro quo Christus mortuus est*: & intrā ad dñm: *Noli propter escam destruere opus Dei*. Omnia quidē sunt munda: sed malum est homini qui per offendiculū manducat: & loco cit. ad Cor. Videte autem ne foris hac licentia vestra (quia scilicet liberā conscientia comeditis Idolotrytha, sine idolis immolata perinde vt alios citos, quia scitis idolum nihil esse, & ita in tali comestione nihil ei venerationis deferatis) offendiculum fiat infirmis: & paulo post:

Viggers in 2. 2.

H h

Et per-

Et peribit infirmus in tuâ scientiâ frater: & in fine capitis: Quapropter si esca scandalizat fratrem meum, non manducabo carnem in æternum, ne fratrem meum scandalizem.

- 14 Ex quibus satis conitat ad peculiarem malitiam scandalizandi contrahendam, sufficere quod actio ipsa sit talis, ut dum tali loco & tempore coram his personis exercetur, nata sit eos inducere in ruinam: quam proinde operans interpretatiue censetur intendere, quamvis expressè siue explicitè minime intendat istam ruinam. Pro quo etiam facit, quod Christus Matth. 18. simpliciter dicat: *Va homini illi per quem scandalum venit*: non autem, quid de industriâ fratrem ad peccandum inducit: quod notavit quoque Antoninus loco supra cit.

- 15 Probatur Tertiò: Quia alioquin rarissimum foret scandalizari peccatum, & demonibus penè proprium: quia rarius agunt homines sua ex proposito, ut proximum in ruinam spiritualem pettrahant: sed alios habere solent sibi fines propósitos; quod nihilominus vitium illud sit magis commune & obuium satis indicat verba Christi: *Va mundo à scandalis. Necessè est enim ut veniant scandala: veruntamen vix homini illi, per quem scandalum venit*; ergò &c.

- 16 Sed contra Obijciunt alij primò, quod hinc sequatur actum externum semper adijcere interno nouam & distinctam malitiam, cuius contrarium tradi solet in 1. 2. ergò &c.

Respondetur negando id sequi, quia multa possunt inprimis committi peccata externa, quorum alij non sint conscij: deinde non quorumbet hominum quælibet peccata solent edificare alios ad ruinam etsi illa cognouerint, & fortassis scandalum paterentur si ab alijs fierent. Accedit quod non in omnes, coram quibus potest cōtingere peccatum committi, cadat scandalum: ut infra dicetur: quod autem peccatum scandalizans frequenter sit adiunctum externis peccatis non negamus.

- 17 Obijciunt Secundò saltem fornicatio semper erit duplex peccatū propter scandalum complicitis: præter intemperantiam enim erit spirituale homicidium quoddam proximi, qui inducitur ad peccandū, quod tamen non videtur debere dici. Hoc argumento potissimum nititur Caietanus.

Respondetur autem negando assumptum, quia inprimis ante æqualem congressum fornicationis, iam altera pars cōsentit, & sic hæc fornicatio non causat illi spiritualem ruinam, neque illius fornicationem, quam nunc prius admittere cum illo constituit.

- 18 Dices, sed fornicator hic suis lenocinijs aut blanditijs alteram partem induxit in

contentum quæ de incontinentia committenda non cogitabat, forsitan minus autem consensiebat.

Respondetur id fieri posse, & fortassis frequenter fieri, sed cubium non videri, quin illa inductio alterius ad secum fornicandum sit speciale peccatum contra charitatem & incurrat cum scandalo annumerandum quotiescumque ita fit; An verò debeat specialiter in confessione exprimi, noua est quæstio: quidam existimant viros non debere id exprimere, eo quod soleat hoc esse commune quod viri pelliceant fœmmas, & propterea sine expressione id à confessarijs satis intelligi, fœmmas verò, si virum induxerint, debere hoc exprimere, quia presumunt, alioquin inducti, non induxissent: Existimo tamen etiam viros debere exprimere, quando virgines aut mulieres, alioquin castas, induxerint ad eiusmodi lapsum & spiritualem ruinam, tum quod etiam de hoc peccato debeant se accusare tum quod ex eo quod iuuenis dicat simpliciter se commississe fornicationem, non satis alterum percipitur, nisi saltè addat cum muliere aut puella aliâs pudica & casta: nā multæ possunt fieri fornicationes cū illis, quæ noscuntur aut satis obseruatur appetere, aut satis paratæ esse: & si quæ inductione ad consensum extorquendum.

Tertiò potest obijci autoritas D. Tho. qui videtur aliter sentire: nam hic art. 3. distinguit scandalum actiui in illud, quod est per se, & in illud quod est per accidens: explicat autem scandalū per accidens sic, ut sit illud, quod est præter intentionem, et puta, inquit, cum aliquis facto suo vel verbo inordinato non intendit alteri dare occasionem ruinæ, sed solum suæ satisfaccere voluntati, & sic scandalum actiuium, addit, non est speciele peccatum, sed quod per se est, illud vult esse peccatū speciale: tunc verò dicit per se esse, quando aliquis suo inordinato dicto vel facto intendit alium trahere ad peccandum; ergo ad specialem malitiam scandalizandi videtur necessaria expressa intentio ruinæ proximi ex mente D. Tho.

Respondetur, quamvis illa sic nodè considerata videantur satis fœtere alteri opinioni, tamen collata cum illis quæ habet a. 1. ad 4. manifestum euadit, quod nebulosum sentiat: ibi enim scribit, dictum vel factum alterius posse dupliciter alteri esse causam ruinæ, per se scilicet, & per accidens: tunc autem docet per se esse generaliter, quādo quis suo modo vel intendit verbo vel facto alium ad peccandum inducere, vel etsi hoc non intendat, tamen ipsum factum est tale, quod de sui ratione habet quod sit inductionem ad peccandū: vnde addit: Et tunc ille,

ille, qui huiusmodi actum facit, propriè dat occasionem ruinæ, ex quo manifestè consequens est, quod contrahat etiam propriam malitiam scandalizantis: per accidens autè tunc vult esse alteri causam ruinæ, quādo & præter intentionem, & præter conditionem operis quispiam malè dispositus ex opere tali inducitur ad peccandum: vt dum ex bonis factis alicuius alter inducitur ad inuidiam: Articulo etiam 6. in Corpore dicit, scandalum actiū propriè esse, cum aliquis tale quid dicit vel facit, quod de se tale est, vt alterum natum sit inducere ad ruinam.

20 Ex quibus simul collatis faciliè obseruatur, quomodo intelligenda sint quæ scribit art. 3. & hic obijciuntur, scilicet quod tum D. Tho. intelligat quempiam intendere dare alteri occasionem ruinæ, quādo eam vel expressā voluntate intendit, vel interpretatiuā propter operis conditionem taliter coram alijs facti censetur illam velle: quod confirmatur ex adiunctis: ibidem addit enim furtum esse speciale, propter speciale nocumentum proximi quod intenditur; cum tamen fures non soleant expressè intendere proximo nocere, nisi fortassis aliquando particulare habeant odiū, sed tantūm sibi bona acquirere vt inde viuant in otijs, vel cum luxu consumant; veruntamen ex conditione operis sequitur speciale nocumentum proximi: id igitur sufficit, vt dicatur fur intendere.

Confirmatur Secundo, quia in actibus malis ad contrahendam malitiam alicuius peccati non est necesse, quod malitia illa per se intendatur, sicuti requiritur vt bonitas sit per se intenta ad constituendum actū in tali vel tali specie virtutis, sed sufficit quod per modum circumstantiæ sit coniuncta illi, quod hic & nunc per se intenditur, prout in 1. 2. tradi solet.

21 In actu itaque scandalizantis considerari possunt tres defectus:

Vnus est, qui ipsi operi quasi intrinsecus est, quatenus est malum aut habens speciem mali, vnde non debet hic & nunc fieri.

Alter est, quem participat ex parte peccati quod committit scandalizatus: qui enim suā inordinatā vitā vel indiscreto vsu potestatis suę inducunt pusillos ad peccata, efficiuntur quoque istorum peccatorum participes: vt patet ex Capitulo 1. Hi quoscumque; Dist. 1. ex D. Hier. in cap. 3. Michæ desumpto vbi dicitur, illos qui promouent malæ vitę Sacerdotes, esse infidelitatis eorum reos qui inde scandalizantur.

22 Tertius est proprius ipsius scandalizantis, vt speciale peccatum est, & consistit in eo, quod hoc dictum aut factum propriè præbeat proximo occasionem ruinę spiritua-

lis quæ ex charitate debet caueri. Non itaque ratione primi aut secundi defectus habet rationem specialis peccati, quia hi possunt ad varia peccata pertinere, sed tantūm ratione tertij. Quare scandalum passiuum nō est etiā speciale peccatū: vt notat D. Tho. quia ex opere alterius minus recto contingit alios in diuersa induci peccata, & sic spiritualiter labi: est tamen semper peccatum, quamuis non semper mortale, nam etiam veniale peccatum est quidā lapsus spiritualis. Ex quibus etiā intelligitur improprie eos loqui qui dicunt se scandalizari ex facto alterius, ea de causa, quod iusta indignatione contra eiusmodi factum commoueantur, sed in peccatum aliquod non inducuntur. Quomodo autem semper sit peccatum scandalum aut illicitum petere aliquid ab altero quod non putatur prestiturus sine peccato, dum tamen potest, ex alijs locis, vt ex Tract. de vsura & de scripturis satis intelligi potest, quate illud hic prætermittimus.

ARTICVLVS V. & VI.

*Vtrum scandalum, siue acti-
uum, siue passiuum cadat
in viros perfectos?*

CONCLUSIO Prima: Scandalū passiuum nō cadit in viros perfectos. Ita 23 S. Tho. Probatur, quia perfecti sunt qui Deo perfecte inhærent per dilectionem quæ fortis dicitur vt mors; non ergo subiacent scandalo passiuo: sicuti enim Deo fortiter inhærent, non propter homines, ita neque propter facta hominum ab eo recedunt. Idem colligitur ex Scripturis quæ de illis, qui scandalizantur, loquuntur tanquam de paruulis qui nondū creuerunt in scientia & rerum diuinarum: vt Matth. 18. Qui scandalizauerit vnum ex pusillis istis, qui in me credunt, & Pl. 118. Pax multa diligentibus legem tuam: & non est illi scandalum, ergo &c.

CONCLUSIO Secunda: Similiter scā- 25 dalum actiuum locum non habet in perfectis, qui scilicet pro modulo vitæ huius reijciunt omnia impedimenta perfectę charitatis. Declaratur, quia dum sibi inuigilat vt omnia sua secundum legē Dei & rectę rationis ordinem faciant, etiā ne alijs sint offenculo proinde cauēt. Neque obstat quod perfecti etiam peccatis, saltem venialibus, subiaceant, quia solent hæc ferē ex aliqua obreptione aut inaduerſetia ab illis committi, & minora esse vt aliquis capiat inde occasionem offenculi.

Debent tamen intelligi duæ istę con- 26 clusiones de eo quod ordinatiō fit; nam
Hij sicuti

sicuti contingit perfectos aliquando demonis suggestionibus ac tentationibus cadere, ita potest contingere quod idem fiat concurrente etiam peccato alicuius alterius, & sic patiantur scandalum passivum, cum quo iterum potest esse coniunctum, quoddam illo suo peccato inducant alios ad lapsum & spirituales ruinas, atque ita committunt scandalum activum.

ARTICVLVS VII.

*Utrum bona spiritualia sint
propter scandalum di-
mittenda?*

26 **C**ONCLUSIO Prima: Spiritualia bona, quæ sunt de necessitate salutis, non sunt propter scandalum prætermittenda. Est D. Tho. & communis ac certa. Sic v.g. non potest quisquam prætermittere observationem præceptorum legis naturæ sub prætextu vitandi scandali. Ratio est manifesta, quia non potest quis peccare ut alterum à peccato impediatur: nam secundum ordinem charitatis debet quisque magis velle ipse inhærere Deo per amorem, quam proximum, & magis cauere ne ipse Deum offendant aut illi displiceat, quam ne alius quispian. Quare ne venialiter quidem mentiendum est ad scandalum aliorum vitandum: quia quæ intrinsecè mala sunt, non sunt media eligibilia ad bonum finem: ut hic docet D. Tho. ad vltimum. Simili modo non poterit quis prætermittere ea quæ ex necessitate salutis tenetur hic & nunc facere, quamvis alij sint inde scandalizandi: ut pastor non potest omittere baptizare infantem iam iam morituum, quamvis adsint qui inde capient occasionem blasphemandi sacramentum & religionem Christianam: sic etià in articulo pro quo obligat præceptum confessionis fidei, non licet eam omittere propter scandalum Tyranni, & ministrorum eius, qui accepturi inde sunt occasionem diversorum peccatorum: scandalum enim istud passivum in talibus casibus non censetur datum, sed acceptum.

27 **C**ONCLUSIO Secunda: Bona spiritualia, quæ neque absolute, neque hic & nunc sunt necessaria ad salutem, aut ad vitandam Dei offensam, aliquando sunt differenda, aliquando prætermittenda ad vitandum scandalum pusillorum qui ex ignorantia aut aliqua humana infirmitate inde fierent deteriores: sic opera diuini præcepti affirmatiui, quod non pro semper obligat, debent aliquando differri pro aliquo tem-

pore quando causerent pusillis scandalum, donec illi sint melius instructi, aut circumstantiæ illius scandali sint mutata: ita ut contingat præceptum affirmatiuum etiam iuris quasi naturalis, aliquando hic & nunc non obligare propter concursum negatiui præcepti de non ponendo offensivum pusillis. Ita docet Adrian. Quodlibeto 1. non longè à fine: à Valentia hic pun. 4. & alij.

Potest autem colligi ex Capitulo: Duo mala, & altero seq. Dist. 13. Ex quibus etiam hoc habetur, quoddam casu considerandum ut, ex quâ parte maius malum imminet, & quoddam secundum rationis discretionem, n. inus sit amplectendum. Ita quoque bona spiritualia, quæ tantum sunt in consilio, differenda subinde sunt propter eandem causam: ut ingressus religionis, si obferuentur parentes sic dispositi, quoddam inde peccandi occasione apprehenderent ex aliquâ ignorantia aut infirmitate: ut quoddam & filium, & ipsum Ordine odio prosequerentur, aut damnis afficerent, vel institutum religionis blasphemarent. Postquam tamen modeste & sensim desuper fuerint moniti & instructi, neque appareat spes quod aliter sese habebunt, non tenebitur filius ab ingressu religionis simpliciter abstinere, præsertim quando id cederet in detrimentum salutis, aut in notabile, damnum spiritualis profectus: quia tunc passivum parentum scandalum erit: pharisaicum acceptum, non datum à filio.

29 Sic frequenter omittenda veniunt quæ legibus humanis sunt constituta, ut colligitur ex Capitulo de Syracusanæ urbis Antistite: dist. 28. & Capitulo Aliquantos: dist. 3. Vnde & Augusti. lib. 3. contra epistolam Parmeniani cap. 2. docet, abstinendum esse ab excommunicatione, quando timetur inde seditio, aut schisma in Ecclesia. Propter scandalum autem pharisaicum nunquam sunt omittenda spiritualia bona, quâdiu iusta causa subest illa faciendi, Colligitur ex verbis Christi Matt. 18. ubi postquam Apostoli dixerunt ei, *Seu quia Pharisei audito verbo hoc, scandalizati sunt.* respondit: *Sinite illos: cæci sunt, & ducet cæcorum, &c.* Addo, quando iusta causa subest, sicuti dum Christus populum doceret veritatem euangelicam, & mysteria fidei explicare, quæ omittere non debebat propter malitiam Phariseorum: nam alioqui si causa non subesset, prohiberet charitas, etiam ex malitia peccaturo, offerre peccandi occasionem: abhorret enim illa ab omni eo quod Deum offendit; licet quasi cogatur ex necessitate, aut alijs iustis rationibus id aliquando cum gemitu tolerare, quando aliter impedire non potest.

ARTIC.

ARTICVLVS VIII.

Virum propter scandalum sint temporalia bona dimittenda?

CONCLUSIO Prima D. Thomæ est: Quæ non sunt bona nostra, sed tantum curæ nostræ commissa, sicut bona Ecclesiæ sunt commissa prælatis, & bona pauperum magistris & tutoribus, non sunt dimittenda propter scandalum.

Ratio reddi potest, quia dum illa ex officio seruamus ijs quorum sunt, non potest quis inde scandalizari, nisi ex malitiâ capter occasionem peccandi: quandoquidem ex præcepto obligemur illa non dimittere alijs.

CONCLUSIO Secunda est: Quoad no-

stra bona temporalia, aliquando hæc sunt dimittenda si penes nos sint, vel relinquenda si apud alium, ad vitandum scandalum pusillorum, idque vel simpliciter, vel ad tempus donec pusilli sint aliter instructi, & constet eis, quàm meritis & iustis ex causis detineamus, aut repetamus nostra: quod si vltius inde scandalizentur, iam ruina illa non ex infirmitate, sed ex malitiâ eorum censetur proprie provenire. Vnde addit D. Tho. quod aliquando propter scandalum, quando scilicet illud est pharisaicum, non sint temporalia nostra dimittenda, imò aliquando suadet & requirit contrarium charitas: ut si propter nostram facilitatem homines nequam euaderent audaciores ad aliena inuadenda & occupanda, vel si eis sic occasionem daremus, ut in suis iniustitijs amplius perseuerarent: tunc enim ex charitate, pro bono animæ ipsorum, est illis resistendum, non acquiescendum.

QVÆSTIO XLIV.

De Præceptis charitatis.

Octo habens Articulos.

PRÆSUPPOSITIS ijs, quæ hæcenus de charitate, & ad eam pertinentibus diximus, super sunt aliquot dubitationes breuiter examinandæ hic circa materiam huius quæstionis.

DVBIVM I.

Virum sit aliquod præceptum speciale de actu dilectionis, distinctum à præceptis aliarum virtutum?

Sunt nonnulli Scriptores qui id videtur negare, eo quod ad legem charitatis spectet obseruantia omnium mandatorum Dei, iuxta illud Christi Ioanni. cap. 14. *Si diligite me, mandata mea seruate*: ergò non videtur admittendum speciale præceptum de charitate, sed ad eam tantum requiritur, ut alia præcepta omnium virtutum obseruentur.

Dicendum nihilominus est, omnino de charitate, ac dilectione extare speciale præceptum, idque duplex scilicet de diligendo Deo, & de diligendo proximo. Cõstat clarissime ex doctrina Christi Marthæ. cap. 22. Vbi à legis Doctore interrogatus: *Magister, quod est mandatum magnum in lege?*

Respondit: *Diliges Dominum Deum tuum ex toto corde tuo, & in tota anima tua, & in tota mente tua. Hoc est maximum & primum mandatum. Secundum autem simile est huic: Diliges proximum tuum sicut teipsum.*

Et probatur ratione: quia charitas est virtus specialis: ut ex supra dictis constat: proindeque habet actum specialem, qui est debitus seu necessarius tanquam finis vitæ spiritualis: sui consistit in vnione cum Deo quæ fit per dilectionem: In quantum autem aliquid habet rationem debiti, in tantum cadit sub præcepto, ut habet hic D. Tho. art. 1. quod & satis patet de actu dilectionis ex Scriptura iam allegata: ergo admittendum est speciale quoque mandatum de charitate, siue de eius actu.

Ad argumentum itaque in contrariũ Respondetur Neg. Conseq. nam illa bene consistunt, quod charitas habeat proprium suum actum, qui in affectu dilectionis consistit, sitque in præcepto: & quod ipsa simul curet in omnibus alijs obseruari voluntatem sui dilecti: Hæc enim ratio amicitiae postulat, ut quis amet amicum, & præcaueat ne offedat, aut ne faciat ea quibus nouit amicum offendi: & qui ista negligit, conuincitur amicum non amare. Neque refert, quod in Decalogo non ponatur

Hh iij natur

natur speciale præceptū dilectionis: quia ut bene docet D. Tho. hic art. 1. ad 3. omnia præcepta Decalogi ordinantur ad dilectionem Dei & proximi, *finis autem præcepti est charitas de corde puro, & conscientia bona, & fide non ficta*, ut dicit Apostolus 1. ad Timotheum, cap. 1. & ideo præcepta charitatis non fuerunt connumerata inter præcepta Decalogi: sed hæc veluti principia per se nota supponuntur, & in ordine ad ea assequenda seu adimplenda, præscribuntur expressius ista alia tanquam quædam conclusiones practicæ ex uniuersalioribus quibusdam principijs naturali ratione, sed non sine quâdam difficultate, alioquin deducendæ. Accedit quod præcepta Decalogi sint accommodata statui antiquæ legis, qui fuit seruitutis & timoris: non adoptionis filiorum & dilectionis: & ideo in decalogo non connumerantur præcepta charitatis. In Deuteronomio tamen, quo significatur secunda lex, & status Euangelicus, ibi c. 6. exprimuntur præcepta de diligendo Deo & proximo.

DV BIVM II.

Vtrum non sufficiat exhibere externa opera dilectionis proximo? An vero oporteat etiam interno affectu illum diligere?

Pures sunt opiniones circa hanc difficultatem, ut videre est apud Malderum hæc quæst. 44.

Pro resolutione & explicatione respondendo & dico primò: Præceptum de diligendo proximo sæpius inculcatum in Scripturis Sanctis, non de solâ exhibitione externæ operum, quæ dici solent esse charitatis: sed etiam de interno affectu dilectionis accipiendum est. Colligitur ex D. Th. sup. quæst. 25. art. 9. ubi dicit, dilectionem internam ad inimicum in communi esse de necessitate præcepti: in speciali autem non absolutè, sed secundum præparationem animi. Quod & apertius significat Quodlib. 4. art. 24. ad 1. ubi dicit, præceptum illud, *Diliges proximum tuum sicut teipsum*, pertinere ad internam actum.

Et probatur ex Scripturis, quia conformi planè sermone mandatur nobis diligere Deum & proximum: ut suprà apud Matthæum cap. 22. & 1. Ioannis cap. 4. *Hoc mandatum habemus à Deo: ut qui diligit Deum, diligit & fratrem suum.* 1. Petri c. 1. *In fraternitatis amore simplici, ex corde inuicem diligite attentius.* Imò ut diligamus fratrem sicut Christus dilexit nos, Ioannis c. 13. *Mandatum nouum do vobis, ut diligatis inuicem: sicut dilexi vos, ut & vos diligatis inuicem.* Ioannis

c. 15. *Hoc est præceptum meum, ut diligatis inuicem, sicut dilexi vos:* debemus autem diligere Deum interiori affectu charitatis & sic Christus dilexit nos; ergo &c.

Confirmatur: quia verbum diligere, & nomen dilectionis significant magis affectum, quam opus, huc effectum. Deinde nullus dixerit illum diligere qui exhiberet alicui opera beneficentia: sine interiori affectu & amore: imò si vellet haberi tanquam diligeret, diceretur fidei agere & hæc diligere; ergo &c.

Probatum Secundò ex D. Aug. qui lib. 1. de Doctrina Christiana c. 28. expressè dicit, omnes homines affectu diligere debere: effectum autem cum non possint omnes diligere, eos esse diligendos quos fors quædam nobis coniunxerit; ergo &c.

Hinc dico Secundò: Oportet ergo ex necessitate præcepti diligere proximum interiori animæ affectu, & precari ac velis omnibus salutem, & ea quæ ad salutem spectant. Constat satis ex dictis: & amplius declaratur ex D. Augustino qui ad citata Christi verba Ioannis 13. *Mandatum nouum do vobis*, docet, nouitatem mandati consistere in hoc, quod olim non fuerat datum distinguere, ut diligeremus inuicem in vitam æternam, sicuti Christus in nouo Testamento hoc præcepit, ut sicut ille dilexit nos ad vitam æternam, ita quoque diligeremus fratres & proximos.

Hoc autem notandum est, quando præter opus externum dicimus requiri internum affectum dilectionis, non sic esse accipiendum, quasi necessariò sit exercendus interior actus absque omni externo, sed quod vel hic seorsim sit exercendus, aut certè coniungendus cum alijs externis operibus, prout communiter solet esse coniunctus cum spiritalibus operibus charitatis: quando enim quis in ijs quæ sunt salutis: v.g. instruit ignorantes, aut dubitantibus bene consulit, aut peccatores arguit, tunc solent ista fieri ex, & cum affectu dilectionis, quo desideramus ipsis salutem: Similiter quando oramus in communi, ut adueniat nobis regnum tuum, ut dimittantur nobis peccata, nobis & alijs optando & apprecando bona ista, diligimus interno quoque affectu proximos.

Hinc admodum utile & salutare fuerit quod populus à pastoribus instruat, quomodo in Oratione Dominicâ sint exercendi actus virtutum Theologicarum, & eis adhærentium: Ac in primis actus fidei nostræ in præambulo, quando dicimus, *Pater noster qui es in calis:* In illis enim verbis continetur quidam ascensus mentis in Deum: quo contestamur nos Deum recognoscere & credere patrem nostrum, tum ratione

creatione

creationis, quâ nos condidit secundum naturam; tum ratione adoptionis, quâ nos regenerauit per gratiam sanctificantem: simul quoque; nos recognoscere illum Regem ac dominum Cælorum in quibus propter diuersas rationes peculiariter dicitur esse, ac suam habere residentiam: quamuis aliquin simpliciter loquendo sit ubique præsens. Actus verò excellentissimæ charitatis erga Deum exercetur: quando precamur: *Sanctificetur nomen tuum* per hoc enim cupimus & desideramus, vt nomen Domini glorificetur, celebretur, ac in veneratione & reuerentiâ à nobis & ab omnibus habeatur: deprecidentur virtutes eius, magnitudo, pulchritudo, potentia, sapientia, bonitas, misericordia, iustitia, & cæteræ eius perfectiones, ipseque Deus & Dominus in se-Sanctus & Aternus permaneat: Quare dum summa quæque bona hic Deo exoptamus, eademque illi quasi aggratulamur, euidens est, quod magnæ dilectionis actû exhibeamus. Quod cum aliud est diligere aliquem, quàm ei bene & bona omnia velle. Quando autem oramus: *Adueniat regnum tuum*, tunc exercetur virtus spei, & actus dilectionis tum propriæ, tum proximorum, quatenus scilicet petimus & desideramus, vt Deus in nobis & in proximis nostris hic regnet per suam gratiam & sanctas operationes, quæ sunt præcipua bona quæ possumus nobis & proximis hic velle: & vt istis median-
tibus deducat omnes ad regnum gloriæ cælestis, quod finis & terminus est spei nostræ. Similiter exercetur dilectio proximi, quando in communi petimus vt Dei voluntas à nobis obseruetur: vt nobis & proximis debeat panis quotidianus, dimittantur nobis debita siue peccata, & à malis liberemur: sicuti iam antè diximus.

10 Cæterum dicit Malderus loco cit. probabile esse cum non peccaturum mortaliter (omissione scilicet huius dilectionis) qui tunc saltem affectum dilectionis proximi habuerit, quando illum postulat vel necessitas exterior subueniendi, vel deponendi contrarium odium, aut, quid similiter: quod etiam satis indicat à Valentia Tom. 3. Disp. 3. q. 19. puncto 2.

11 Dices: Potest fieri, vt alicui tota vita non occurrat talis casus necessitatis, puta quia tanquam Eremita quis solus habitat, qui nihil nouerit de indigentia alicuius proximi, ergo talis nunquam tenebitur toto vitæ tempore elicere actum dilectionis proximi. Respondetur: Ita quidam videtur de tali sentire, quod non sub mortali tenebitur: quamuis non absque veniali posset præmittere. Sed aliter responderi

potest, nullū esse, qui aliquantulū diutius viuit, cui non obtingat necessitas iuuandi proximum: quia tamen fieri possit, quod ex suâ abstractiori ab hominibus ratione viuendi, non cognoscat particulares necessitates horum vel illorum, tum temporales tum spirituales, tamen non potest ignorare, quin saltem in communi multi laborent necessitatibus spiritualibus: Vnde tenetur in communi orare & orationibus iuuare proximum: atque ita tenebitur etiam tunc affectum dilectionis erga proximum exercere: hoc vel simili modo orando: *Deum misereatur nostri, & benedicat nobis*: illuminet vultum suum super nos, & misereatur nostri: Vt cognoscamus in terra viam tuam, in omnibus gentibus salutare tuum. Consecantur tibi populi Deus: consecrantur tibi populi omnes. Item, Per viscera misericordie Dei nostri: in quibus visitauit nos oriens ex alto: Illuminare hu, qui in tenebris, & in ymbra mortis sedent, &c.

DVBIVM III.

Vtrum præceptum de diligendo Deo possit in hac vita impleri?

V Idetur quod non: quia D. August. lib. de Perfectione iustitiæ in Resp. Ration. 16. scribit: quod in plenitudine charitatis patris præceptum illud implebitur *Diliges Dominum Deum tuum ex toto corde tuo: & in totâ animâ*, &c. nam cum aliquid adhuc est carnalis concupiscentiæ, quod continendo frænetur, non omnino ex tota anima diligitur Deus. Et confirmatur ratione: quia vt docet D. Thomas hic art. 6. isto præcepto mandatur, vt tota voluntatis intentio feratur in Deum: quod est ex toto corde diligere Deum: & quod intellectus noster totus subdatur Deo, quod est in totâ mēte: & quod appetitus noster totus reguletur secundum Deum, quod est in totâ animâ, inquit, & quod exterior actus obediât Deo, quod est totâ fortitudine, siue virtute, siue ex totis viribus diligere Deum: atqui non possumus præstare, quod tota voluntatis intentio feratur in Deum, quia sic nunquam peccaremus venialiter: neque etiam quod intellectus totus in omnibus suis apprehensionibus sit Deo subditus: & minis quod omnes motus sensitiui appetitus sint regulati secundum Deum; ergo &c.

Respondet Diuus Thomas articulo 13 supra citato dupliciter posse præceptum aliquod impleri vno modo perfectè, & alio modo imperfectè. Tum perfectè impletur, quando simul coniungitur finis, quem præcipiens intendit: tunc autem imperfectè, quando licet ad finem nō

H h iiii perue-

petueniatur, tamen non receditur ab ordine ad finem: vt si Princeps mandet: Sic pugnate, vt vincatis hostem, perfectè implebunt illi mandatum qui pugnando hostem vincunt: Implebunt tamen & alij, sed minus perfectè seu minus cõpletè, qui pugnant, & licet non vincant hostem, tamè nihil contra militarem disciplinam admittunt.

14 Vt itaque hoc plenius intelligatur, obseruandum est, quædam præcepta sic ferri, vt non tantum contineant id quod est faciendum, sed etiam monstrent finem ad quem est contendendū, & ad cuius assecutionem est laborandum, sicuti hoc patet in præcepto Principis ita expresso, Sic pugnate vt vincatis: & eiusmodi præceptum quoque est hoc de Dilectione, iuxta sensum D. Augustini, & secundum expositionem datam: quia mandatur dilectio Dei super omnia, & simul monstratur, quò debeamus tēdere, & ad quid cõari: scilicet ad hoc vt ita homo totus per charitatem Deo uniatur, vt nullus ab eo procedat

morus animæ vel corporis, qui non sit planè secundum diuinum præscriptum, & referatur ac tendat in Deum, tanquam in finem vltimum hominis.

15 Respondet itaque D. Thomas art. cit. quod præceptum illud de diligendo Deo in viâ possit impleri imperfectè: quia hic cum Dei gratiâ potest homo diligere Deū super omnia tanquam finem vltimum, sic vt nihil admittat contrarium ordini ad ipsum, quo voluntas eius auertatur ab illo fine, & simul conari & proficere in assecutione eius, quod proponitur obtinendum. Verùm quia in hac viâ nunquam plenè & perfectè id assequimur, hinc docet non posse nos in viâ implere perfectè illud præceptum, modo scilicet dicto, quia non plenè & perfectè possumus assequi illud ad quod assequendum monstratur esse nobis laborandum: Sed sic perfectè implebimus illud in patriâ. Vide quæ in simili difficultate circa præceptum *Nom concupisces*, diximus in 1. 2. quæst. 74. art. 4. num. 16. & sequentibus.

Q V Æ S T I O L X V.

De Dono sapientiæ correspondente charitati.

1 **Q**UÆ D. Thomas hac quæst. per sex articulos de dono sapientiæ disputat, breuitatis, & commodioris ordinis causa, propositis aliquot dubijs explicabimus.

D V B I V M I.

Quidnam sit Sapientia, vt inter dona Spiritus Sancti numeratur? & an sit speculatiua tantum? An etiam practica?

2 **R**ESPONDEO & DICO PRIMÒ: Sapientia hæc est donum Spiritus Sancti: quo redditur homo habilis & dispositus vt à Spiritu Sancto motus quasi connaturali quadam consensione rectè ac dignè secundum regulas diuinas iudicet de Deo, eiusque perfectionibus: ac de medijs ab eo ordinatis pro salute humani generis. Colligitur ex ijs quæ scribit D. Tho. partim art. 1. partim 4. & 5. Et quidem quod sapientia aliqua sit donum Spiritus Sancti patet ex illo Isaïæ c. 11. *Requiescet super eum Spiritus Domini, spiritus Sapientia, & Intellectus*: quod ex modò dicendis amplius constabit, Declarantur autem reliqua: quia

sicut generatim ad sapientem pertinet cõsiderare causam altissimam, quemadmodum docet Philosoph. lib. 1. *Metaphys.* in principio, per quam de alijs inde dependentibus certissimè iudicatur, & secundum quàm omnia ordinari oportet: siue ea sit altissima simpliciter, siue tantū in certo aliquo genere, vt in medicina, vel architectura, iuxta quod Apostolus 1. ad Corinth. 3. dicit: *Vt sapiens architectus fundamentum posuit*, &c: ita ad sapientem simpliciter, ac perfectissimò modo talem pertinet, vt cognoscat causam altissimam simpliciter, quæ est Deus, & nouerit rectè de rebus diuinis iudicare & per regulas diuinas de alijs etiam bene disponere & ordinare: idque non tantū ex nudâ speculatione, vel aridâ consideratione rerum: sed cum quadam connaturalitate siue internâ coniunctione mentis cum Deo, vt affectus conformiter sit imbutus cum intellectu, & cum quadam sympatia sibi correspondeat, quod fit per informationem charitatis: atque ita charitatem præsupponit: Ideoque docet D. Thomas artic. 4. quod donum sapientiæ nõ possit esse cum peccato mortali: iuxta illud Sap. cap. 1. *In maleuolam animam*

animam non introibit sapientia, nec habebit in corpore subito peccati: facultatem autem sic iudicandi de Deo & de rebus ad eum ordinatis, non atlequitur homo nisi per Spiritum Sanctum iuxta illud Apostoli 1. ad Corinth. cap. 2. Animalis homo non percipit ea quæ sunt Spiritus Dei: stultitia enim est illi, & non potest intelligere: quia spiritualiter examinatur. Spirituali autem iudicat omnia: & ipse à nemine indicatur: spiritus enim, ut ibidem dicitur, omnia scrutatur, etiam profunda Dei: & sic manifeste constat hanc sapientiam esse donum Spiritus Sancti.

D V B I V M I I.

Virum Donum sapientia competat omnibus iustis?

3

Dico Secundò: Sapientia hæc non tantum est speculativa, sed etiam practica. Ita docet expressè Divus Thomas hic articulo tertio: Caietanus & alij: & ad id ostendendum allegat illud Apostoli ad Coloss. cap. 4. *In sapientia ambulate ad illos qui sunt tempus redimentes*: quia hoc pertinet ad actionem, ergo sapientia quoque est practica. Idem confirmat ex D. Aug. lib. 12. de Trinit. ubi in primis cap. 7. dicit, quod superior hominis ratio intendit rationibus supernis & conspiciendis & consulendis: conspiciendis quidem secundum quod divina in seipsis contemplatur: consulendis autem, secundum quod per divina iudicat de humanis actibus, per divinas scilicet regulas dirigens actus humanos: capite autem 14. sequenti docet, superiorem partem rationis sapientie deputari, inferioriorem autem scientie: ergo sapientia, sicuti superior pars rationis cui est deputata, intendit quoque rationibus divinis consulendis in ordine ad directionem actionum spiritualium: neque refert, quod sapientia, quæ ponitur virtus intellectualis, sit speculativa tantum: quia ut habet D. Thom. art. cit. ad 1. quantum virtus aliqua est excellentior, tantò se extendit ad plura: & hinc quia donum sapientie est excellentius, utpote magis de propinquo Deum attingens per quandam spiritus unionem animæ ad ipsum, fit quod non tantum dirigat hominem in contemplando, & dignè iudicando de Deo & eius perfectionibus in seipsis: sed etiam in iudicando de actionibus secundum regulas divinas in ordine ad Deum: & sic iuxta illud quod dicitur Sap. c. 8. *Non habebis amaritudinem conversatio illius, (nimirum sapientie) nec tadium convivium illius, sed letitiam & gaudium*, contingit, quod labor, & amaritudo quæ in actibus humanis solent reperiri, vertantur in suavitatem & quietem, quatenus ex directione spiritus sapientie intendenti in superna & æterna exercentur.

INQUIRIT hoc D. Thomas hic art. 3. Distinguit autem duplicem gradum huius doni: Vnum qui tribuit rectam iudicium circa divina tum contemplanda, tum etiam consulenda ad bene ordinandum de humanis ad Deum, quantum est necessarium ad salutem: Alterum verò ponit magis perfectum & altiore, tum ad conspicienda & contemplanda divina, quia per hunc profundiora mysteria Deitatis cognoscantur, & dignè æstimentur, ac etiam explicari possunt: tum quoque ad dirigendas actiones sublimius in ordine ad Deum iuxta divinas regulas. Donum itaque sapientie iuxta priorem gradum docet simpliciter nulli deesse immuni exiitenti à peccato mortali: ita ut in resp. ad 3. dicat, quòd etiam pueri & amentes baptizati habeant habitum sapientie, secundum quod est donum Spiritus Sancti: licet non habeant actum propter impedimentum corporale quo impeditur in eis usus rationis. Probat autem suam doctrinam D. Thomas: quia si natura non deficiat in necessarijs, multo minus gratia in suis filijs deficiat: Vnde 1. Ioan. c. 2. inquit, dicitur: *Unctio docet vos de omnibus*. At secundum gradum posteriorè dicit non còpetere omnibus habentibus gratiam gratum facientem: quia sic magis spectat ad gratias gratis datas, inquit, quas Spiritus Sanctus distribuit prout vult, iuxta illud 1. ad Corinth. cap. 12. *Alij quidem per Spiritum datur sermo sapientia*.

D V B I V M I I I.

Virum donum sapientia distinguatur à fide præsertim formatà? & quomodo? Item quomodo differat à donis Scientie, & Intellectus?

VIDETUR Donum sapientie etiam non distinguì à fide formatà: quia fide divinà primò cognoscimus Deum, & Sanctissimam Trinitatem, aliaque plura de Deo tum secundum se, tum ut est generalis provisor humani generis in ordine ad beatitudinem naturalem: ac simul etiam regulas divinas secundum quas oportet dirigere actiones nostras in ordine ad Deum ut finem, idque etiam cum quadam connaturalitate, quia fides formatà habet charitatem coniunctam. His tamen non obstantibus docet D. Thomas hic quæst.

quæst. 45. art. 1. ad 2. quod donum sapientia distingatur simpliciter à fide: nā fides assentit veritati diuinæ secundum seipsam, inquit; Sed iudicium quod est secundum veritatem diuinam, pertinet ad donum sapientia, & ideo donum sapientia presupponit fidem.

6 Vbi oritur difficultas, quomodo illud discrimen subsistat, quandoquidem in ratione assensus importetur iudicium: quicumque enim assentit absque formidine, iudicat sic esse: & è contra qui iudicat ita esse, ille assentit. Respondet Caiet. quāuis assensus & iudicium communiter se inferant, nihilominus inter se distinguuntur: assensus namque propriè est determinatio sui ad alteram partem contradictionis: quicumque enim assentit alicui affirmationi vel negationi suæ ex causis, siue ex euidētia rei, siue ex autoritate dicentis, dicitur assentire quia intellectum determinat ad talem partem siue ad adhærendum tali parti. Iudicium autem magis est determinatio rei ut est, vel esse debet: ex eo namque dicitur quis iudicare aliquid, quod determinet illud sic esse, aut debere esse; quæ duo non sunt omnino idem: nā prior videtur esse assensus secundum naturæ ordinem, quā iudicium quod per rationem affectus sepius solet formari: & distinctionis iudicium euidentius potest esse, quod in aliquibus materiis quis nesciat iudicare, & tamen bene potest vni parti assentiri, ut vbi utraq; contradictionis pars est valde probabilis, potest quis assentiri & adhærere vni parti, & non iudicare rem ita reuera se habere.

7 Sic igitur explicat Caietanus distinctionem à D. Thoma positam, quod fidei primò sit assensus: Sapientia primò sit iudicium. Dicit primò, tum quia vnum infert alterum in materiâ istâ, tum inquit, quia non intelligo dona Spiritus Sancti sic distinguuntur à virtutibus Theologicis, ut perficiantur ad actus disparatos: sed ut perficiantur inchoationem bonitatis, quā actus qui secundariò sunt Theologicarum virtutum, ab ijs sortiuntur. Ut v.g. fidei actus primò est assentiri: & eiusdem etiam est percipere res diuinas, & iudicare: ut hi ergo secundarij perfectius eliciantur, adduntur dona Spiritus Sancti, puta donum intellectus, quo profundius diuina mysteria cognoscuntur: Donum sapientia, quo de ipsis bene iudicetur. Ita ferè Caiet. quæ verè videntur dicta. Hoc tamen putarem addendum, quòd iudicium illud quod sapientia appropriatur non tantum sit determinatio, quod res ita sint, & sic se habeant, sed quod simul importet reuerentialem æstimationem de illis, dignam tan-

to obiecto: ut clariùs licet intelligere ex ijs quæ D. Tho. tradit quæst. seq. de Stultitia ut vito opposito sapientia: diciturque ideo eis inherendum & ab oppositis recedendum, ut dicit D. Tho. sup. quæst. 8. artic. 6. in Corp. quodque in eo potissimum quasi superexcedat fidem etiam formatam.

8 Quod verò attinet ad donum intellectus, & ad donum scientia, distinguit illa sic D. Thomas sup. quæst. 9. art. 1. tum inter se, tum à dono sapientia, quod scilicet ad donum sapientia spectet iudicium illud de Deo & diuinis attributis siue perfectionibus, quod iam explicuimus: ad donum autem scientia pertineat simile secundum quandam proportionem iudicium de rebus creatis ad fidem spectantibus cum ordine quoque ad dirigendas actiones nostras secundum legem & regulas fidei: nam sicuti sapientia non tantum est speculatiua, sed etiam practica, ut hic docet D. Thomas; quāuis 1. 2. quæst. 68. art. 4. aliter senserit, ita quoque scientia non tantum est practica, sed etiam speculatiua, ut docet sup. quæst. 9. art. 3. vbi addit, & donum consilij in eo distinguuntur ab istis duobus, quod per hoc ad singularia opera applicemus iudicia illa, scilicet tum de rebus diuinis, tum de rebus creatis, quatenus hæc seruiant actibus nostris dirigendis. Ad donum verò intellectus spectat quod diuina mysteria, quibus per fidem assentimur, intellectu apprehendantur, & quasi penetrantur: sicuti intellectus ut est virtus potentia intellectus, dicitur quidam habitus quo prima principia scientiarum cognoscimus & quasi intuemur.

9 Cæterum utrum dona Spiritus Sancti differant à virtutibus, & quomodo, disputatur inter Scholasticos: & variæ eade sunt opinionēs: ut videre licet apud D. Thomam 1. 2. quæst. 68. art. 1. vbi ipse quidem resoluit ea esse reipsa distincta à virtutibus: & art. 3. docet esse quosdam habitus super naturales & infusos, quibus scilicet homines iusti (in ijs enim solis & omnibus vult dona Spiritus Sancti habere locum) sunt specialiter dispositi ut instandui & motioni Spiritus Sancti quasi extrinsecus aduenient aut immisso promptè & facili cooperentur, sicuti per virtutes infusas disponuntur ad cooperandum bonæ inclinationi gratiæ sanctificantis, & adoptionis: quæ quasi superior quædam natura est: sed quia non est per se connaturalis homini, sed supra naturam hominis, & præter suam propriam homini infusa, ideo in ipso planè sufficiens est ad omnes operationes cōuenientes tali statui hominis in ordine ad finem supernaturalem ex-

lem exercendas : & propterea necesse est hominem etiam singulariter sapius à Spiritu Sancto moueri : & quia hoc necessarium est, hinc vult D. Thomas ponenda ista dona in homine tanquam habitus supernaturaliter infusus & à virtutibus distinctos, vt diximus, vt per illa sit habitualiter dispositus tum ad recipiendos influxus istos Spiritus Sancti: tum maximè ad eos sequendos, siue ad cooperandum cum illis: & ita cum D. Thoma docent Caiet. Conradus, Medina ibidem ad qu. 68. cit. Richard. in 3. d. 34. art. 1. quæst. 1. Greg. à Valentia tom. 2. ibidem quæst. 8. p. 1. & alij multi. E contra Scotus in 3. d. 38. quæst. vnica. Gabriel ibidem art. 2. Maior quæst. 1. Almainus in Tract. 3. Moral. cap. 23. Vasquez. in 1. 2. Disput. 89. c. 2. existimant dona esse septem ipsas virtutes præcipuas, scilicet tres Theologicas, & quatuor Cardinales, aut certè peculiare quosdam earum actus.

Quandoquidem verò D. Thomas & alij passim doceant illa dona Spiritus Sancti esse communia omnibus iustis, & his solis conuenire, videtur mihi non improbabili- ter dici posse de quatuor illis quæ poten-

tiam intellectiuam habent pro subiecto, de quibus nobis hic iam est aliquis sermo, quod non distinguantur omnino à dono seu habitu fidei: sed quod superaddant rã- tum peculiarem quandam Spiritus Sancti assistentiam propter coniunctionem cum charitate, quæ hæc vt habitus fidei valeat peculiari & quasi connaturali modo ad illos omnes actus, qui ad illa dona respec- tiuè dicuntur spectare: omnia enim illa quatuor ad cognitionem supernaturalem ordinantur, quæ in nobis per fidem fundatur, vt habet D. Tho. sup. quæst. 9. cit. art. 1. quæque extendit se saltem secunda- riò vt etiam Caiet. supra dixit, ad omnia circa quæ dicuntur dona hæc versari, quæ- uis modo minus perfectò, qui per connaturalitatem appetitus ad res diuinas, quam quirit voluntas informata charitate, potest intelligi sufficienter perfici, adiuncta si- mul peculiari assistentia Spiritus Sancti quasi permanenter per modum habitus ad cooperandum fidei: Neque videtur nu- merus habituum supernaturalium omnino distinctorum sic multiplicandus absque grauiori aliqua necessitate vel causa.

Q V Æ S T I O X L V I.

De Stultitia quæ sapientiæ opponitur.

TR I A docet D. Thomas hac quæ- stione de Stultitia per totidem ar- ticulos: Primò quod stultitia op- ponatur sapientiæ: dicit enim D. Greg. lib. 2. Moral. cap. 36. Donum sa- pientiæ dari contra stultitiam. Porro hic nomine stultitiæ non intelligitur amentia siue priuatio omnimoda rationis: sed quæ- dam obtusio ac hebetudo mentis circa res diuinas, vt nihil dignè de illis valeat iudi- care, neque eas vt decet æstimare. Secun- dò itaque docet huiusmodi stultitiam esse peccatum, quatenus scilicet quis ita sensus suos immergit rebus terrenis & actibus mundanis, vt totus animalis non percipiat ea quæ sunt Spiritus Dei, vt dicitur 1. ad Corinth. cap. 2. & reddatur contrarijs dis-

positionibus ineptus ad sapiendas res diui- nas: sicuti habenti gustum infectum malo humore, non sapunt dulcia: Tertiò docet huiusmodi stultitiam esse filiam luxuriæ: quia sensus spiritualis & mens hominis maximè hebetantur, vt rectè de diuinis re- bus & sentire & iudicare non possit, per carnales & luxuriosas delectationes, quæ sic animam absorbent sæpius, vt non solum non æstimet homo diuina, sed etiam om- nem honestatem cuiuscumq; virtutis, no- men quoque & famam propriam negli- gat & contemnat. Hinc tam sollicitè & se- riò Sapiens lib. Proverbior. cap. 5. & 7. hortatur ad vitandam luxuriam iuuenes quibus sapientiæ studium conatur pera- suadere.

F I N I S.

Nomini tuo Domine da gloriam

INDEX

INDEX RERVM

QVÆ IN HOC VOLVME

CONTINENTVR.

Littera *P.* denotat Paginam, *N.* Numerum.

A.

Acedia.

Acedia est species tristitia. p. 335. n. 1.
 Acedia in communi non est speciale peccatum, ibidem n. 2.
 Acedia quatenus est tristitia de diuino bono est speciale peccatum, ibidem. n. 3. est *causa* odij. & gaudij de bono diuino opponitur, ibidem.
 Acedia est ex genere suo peccatum mortale, ibid.
 Acedia est vitium capitale. p. 135. n. 4.
 Acedia sex filia, ibidem.
 Acedia est vincenda resistendo, ibidem.

Adam.

Adamus ante lapsum cognouit mysterium Incarnationis. p. 156. n. 19. & seqq. non tamen omnes eum circumstantias. p. 157. n. 9. 1.
 An ponitur in illo statu dici peregrinus. p. 199. n. 2.

Adorare.

Adorare in spiritu & veritate quid. p. 121. n. 81. & seqq.

Amicitia.

Amicitia condiciones. p. 259. n. 4. & seqq.
 Amicitia alia aequalitatis, alia supereminetia. p. 260. n. 17.
 Amicitia esse potest inter Deum & hominem. p. 268. n. 3. & seqq.
 Est supereminetia. p. 260. n. 17.
 Perfecta amicitia ad qua extendit. ut. p. 278. n. 1.
 Amicitia non est ad res inanimatas. p. 259. n. 5. & p. 282. n. 18.
 Nemo habet amicisiam ad seipsum. p. 282. n. 20.

Amor.

Amor non accipitur semper in bonam partem. p. 258. n. 1.
 Quid amor. p. 303. n. 9.
 Amor seipsa est volutus. p. 282. n. 17.
 Amor sui triplex. p. 284. n. 30.
 Amor beneuolentia se non extendit ad inanimata. p. 259. n. 5. & p. 282. n. 18.
 Amor concupiscentia quid? p. 236. n. 15.
 Amor Dei alium naturalium, alium supernaturalium. p. 278. n. 3.
 Amor beneuolentia Dei differt ab amore concupiscentia obiecto. p. 279. n. 4.
 Amor Dei super omnia requirit in anima principium sibi connaturale. p. 261. n. 23.
 Vide verbum Diligere.

Inter amores appetitiuus summus alius est alio sublimior. p. 271. n. 73.
 Amor mundanus quid? p. 246. n. 9.
 Diuersa obiectis apprehensio eiusdem amorem distinguunt. p. 270. n. 67.

Andreas.

B. Andreas ante Petrum & Cbristum est vocatus. p. 49. n. 86.

Fuit senior Petro. ibidem.

Apostasia.

Apostasia triplex. p. 229. n. 1.
 Apostasia a fide est species infidelitatis. ibid. n. 2.
 Princeps apostatando a fide amittit dominium in subditis. p. 230. n. 1.
 Apostata possunt compelli ad fidem corporalibus poenis. p. 215. n. 44.
 Apostata cur & quando vitandi. p. 216. n. 50.

Apostoli.

Omnes Apostoli potestatem a Christo acceperunt. p. 38. n. 26.
 Apostolica potestas in sui exercitio suis dependens a D. Petro. ibidem. & p. 40. n. 37.
 Apostolica potestas in omnibus Apostolis quoad qua par fuerit. p. 40. n. 37.
 A Petro potestatem iurisdictionis in ceteros Apostolos collatam quorundam est opinio. p. 42. n. 46.
 A Christo immediate datam verum est. ibidem.
 Omnes Apostoli fuerunt fundamenta Ecclesiae. p. 38. n. 24. & seqq.
 Omnes Apostoli habuerunt infallibilem assensionem Spiritum Sanctum in decretis fidei. p. 73. n. 194.
 Apostolos successiuè fuisse edoctos fidei mysteria etiam post acceptum Spiritum Sanctum est probabile. p. 30. n. 120. & seqq.
 In die Pentecostes plenam accepisse mysteriorum fidei cognitionem verum est. p. 31. n. 171. & seqq.

Articulus.

Articulus quid? p. 27. n. 149.
 Credibilia distinguuntur per articulos ibidem.
 Articulus fidei quid. ibidem. n. 150.
 Omnes articuli fidei implicitè continentur in aliis quibus primum credibilibus. ibidem. n. 152. & seqq. & p. 28. n. 156.
 Articuli fidei sunt euidenter credibiles. p. 20. n. 111. & seqq.

Vide

Index rerum.

Vide verbum Credibilia.

Articulus fidei alim in se, alim in alio reuelatus. p. 5. n. 17. & seq.

Articuli fidei quibusdam immediate, quibusdam per internum reuelati. p. 6. n. 20.

Articulus vni personæ reuelatus, non censetur statim sufficienter alijs reuelatus. p. 8. n. 35.

Articulus vni priuati reuelatus credi potest fide diuina. p. 7. n. 32. & seq.

Nemo faciliè ablandiri sibi debet de reuelatione priuati sibi factâ. p. 8. n. 46.

Reuelatio diuina seipsam quodammodo reuelat. p. 9. n. 43.

Isdem argumentis sit credibilis, quibus ea quæ reuelantur. p. 8. n. 39. & seq.

Autoritas Ecclesiæ est causa applicans reuelationem factam articulo fidei. p. 9. n. 44. & seq.

Ea quæ in Concilijs definiuntur, primò fuerunt reuelata. p. 30. n. 166. & seq.

Veritas prima reuelans omnibus articulo fidei æqualiter est applicata. p. 293. n. 24. & seq.

Hæc propositio, Deus est, est articulus fidei. p. 8. n. 35.

Reuelatur omnibus in creatura ipsi. ibid. n. 42.

An quædam articuli prius, alij posterius veniunt credendi. p. 10. n. 52.

Omnès sunt æquè credibiles. p. 203. n. 24.

Numerus articulorum fidei successu temporis creuit quoad explicationem. p. 28. n. 157.

Non creuit quoad substantiam. p. 27. n. 151. & seq.

Articuli Trinitatis & Incarnationis in nouo testamento magis sunt explicati quam in antiquo. ib.

A tempore Apostolorum non creuit quoad explicationem numerus articulorum fidei. p. 29. n. 161. & seq.

Articuli fidei non sunt modo Ecclesiæ Prælati magis explicati quam fuerunt Apostoli. ibid.

Maiores ante Christi aduentum quo Christo viciniore, eo in fide magis illuminati. p. 32. n. 178.

Vide verbum, Credere.

Articuli fidei cur in symbolum collecti. p. 33. n. 184.

Vide verbum, Symbolum.

Discredens pertinaciter vnum articulum fidei, amittit fidem omnium. p. 203. n. 21. & seq.

Qui vnum articulum non alterum credit, suo sensu tantum ducitur. ibid. n. 24. & seq. & p. 205. n. 33.

Facilitas assentiendi quibusdam articulo fidei in hæretico non arguit eum habere fidem insusam. p. 205. n. 33.

Hæreticum posse ex motu diuinæ autoritatis habere aliquam naturalem credulitatem articuli cuius probabile est. p. 206. n. 37.

Assensus.

Assensus principiorum non innititur principaliter in discursu. p. 7. n. 29. & seq.

Ipsam tamen precedere possunt varij discursus, ibidem.

VViggers in 2. 2.

Assensus principiorum tanquam in causam à prioribus resoluitur in connexionem immediatam exteriorum. p. 9. n. 45.

B.

Baptismus.

Baptismus est ianua Ecclesiæ. p. 116. n. 66. & p. 117. n. 70.

Votum baptismi interdum sufficit ad salutem. p. 154. n. 25.

Ad baptismum metu coacti subsunt Ecclesiæ iurisdictioni. p. 215. n. 45. & seq.

Possunt compelli ad fidem. ibid.

Bellum.

Bellum non est in se illicitum. p. 341. n. 1. & seq.

Bellum aliud offensuum, aliud defensuum. ibid. n. 5.

Belli iusti triplex conditio. ibid. n. 1.

Belli finis est pax. p. 343. n. 14.

Autoritas belli iudicandi est tantum penes Principem supremum, & Rempublicam perfectam non habentem superiorem. ibid. n. 15. & seq.

Quibus casibus possit Princeps inferior aut Resp. imperfecta bellum indicare. p. 344. n. 19. & seq.

Principes Christiani non tenentur ex iustitia causâ referre ad Pontificem antequam sibi bellum indicant, sed aliquando ex charitate. ibid. n. 22.

Sine autoritate indicens bellum aliâs iustum, an teneatur de damnâ. p. 345. n. 23.

Sufficiens causa belli est iniuria grau. p. 345. n. 24. & seq.

Varia iniuriandi rationes quæ sunt iusti belli causa. ibid. n. 28.

In quem debeat iniuria esse commissâ ut sit sufficiens belli causa. ibid. n. 29.

Diuinum præceptum est sufficiens belli causa. p. 347. n. 36. & seq.

Non licet bellum intentare pro gloriâ aut diuinum ampliatione. ibid. n. 38.

Princeps certitudinem quandam de iustitia belli habere debet. ibid. n. 40.

Princeps in iustitia belli iudicanda agit partes iudici. p. 346. n. 31. & seq. & p. 347. n. 41.

Si iustitia causa belli sit dubia quid faciendum. p. 348. n. 42. & seq.

Principes inferiores à supremo rogati super iustitia belli, timentur de eâ inquirere. p. 348. n. 45.

Communes milites subditi Principi non tenentur de belli iustitia inquirere. ibidem. n. 46. & seq.

Quid de non subditis dicendum. p. 349. n. 48. & seq.

Bellum iudicandum non est nisi primò requisita satisfactio. p. 348. n. 41.

Ex bello iusto in se, quamuis sinistra intentione gesto, non obligatur Princeps ad damnorum partis aduersæ restitutionem. p. 349. n. 49.

Quibus

Index rerum.

Quibus casibus liceat Principi Christiano bellum
 mouere contra infideles. p. 346. n. 34. & p.
214. n. 38.
 Duces belli tenentur habere plenum numerum mi-
 litum. p. 350. n. 57.
 Non licet cui causâ alicuius compensationis facien-
 da habere minorem debito. *ibidem.*
 Vide verbum, Miles.
 Bellum potest virumque esse materialiter iustum,
 non formaliter. p. 352. n. 72. & seq.
 Princeps victor in bello oblata vel obcentâ plenâ
 satisfactione & pace Reip. firmatâ cessare de-
 bet. *ibidem.* n. 69. & seq.
 In bello licet vii iniurijs, sine tamen mendacio &
 fidei violatione. p. 354. n. 80.
 Diebus festis an bellare licitum. *ibidem.* n. 82.
 & seq.
 Clericus bellare est iure positio illicitum. p. 353.
n. 74. & seq.
 Qui tunc per clericos intelligantur. p. 354. n. 79.
 Clericus bellator est irregularis. p. 353. n. 74.
 & 76.
 Quibus casibus liceat Clerico bellare. *ibidem.* n.
78. & seq.
 Clericus licet bortari Laicos ad iustum bellum. *ibi-*
dem. n. 75.
 Etiam interesse de consensu superiorum pro spiri-
 tualium administratione. *ibidem.* n. 76.
 Clericus habens communium temporale cum antho-
 ritate bellum indicandi, potest ad gerendum
 suo nomine Ducem constituere. *ibidem.* n. 77.
 Qui pro hostibus in bello non habendi. p. 350.
n. 50.
 Innocentes quoad bellum qui habendi. p. 351.
n. 63.
 Innocentes in bello non licet ex intentione occide-
 re, sed per accidens. *ibid.* & n. seqq.
 Bonus & libertate spoliari possunt quando ad sa-
 tisfactionem Reip. laesa est necessarium. *ibid.*
n. 66.
 Inter Christianos bello capti qui efficiantur serui.
 p. 352. n. 67.
 Inter Christianos in bello bona Ecclesiastica &
 Personæ sunt immunes. *ibid.*
 Immobilia hostibus bello villis reservantur Prin-
 cipi. *ibid.* n. 68.
 An illa perpetuo retinere possit. *ibid.*
 Mobilia in iusto bello capta ab hostibus iure gen-
 tium sunt recuperantim. p. 350. n. 59.
 An præda ab hostibus creptæ fiant militum recupe-
 rantium. p. 351. n. 61. & seq.
 Beneficentia.
 Beneficentia est charitatis actus. p. 311.
 Quomodo differat à benevolentia. *ibid.*
 Blasphemia.
 Quid sit. p. 230. n. 1.
 Tripliciter committitur. *ibid.* n. 2.
 Blasphemia ex genere suo est mortale peccatum.
 p. 231. n. 5. & 6.
 Potest ob inaduerentiam esse veniale. *ibidem.*
n. 6.

Blasphemia est maximum peccatum inter ea quæ
 ad infidelitatem spectant. *ibid.* n. 7. & 8.
 Blasphemia quæ fit secundum opinionem intel-
 lectum, aduersatur confessioni fidei. p. 230. n. 3.
 Quæ est secundum affectum, opponitur religioni.
 p. 231. n. 4.
 Blasphemorum pena. *ibid.* n. 5. & 9.
 Damnati blasphemant. p. 232. n. 10.
 Bonitas.
 Bonitas increata dupliciter accipitur. p. 279.
n. 5.
 Quid bonitas increata ut est obiectum formale
 charitatis. *ibid.*
 Vide verbum, Charitas, & verbum Dilectio.
 Bona.
 Bona temporalia, alia necessaria vitæ, alia perso-
 na. p. 315. n. 26.
 Bona superflua quæ. p. 316. n. 27.
 Vide verbum, Eleemosyna.
 Bona animæ duplicia. p. 293. n. 27.
 Bonum sui totius pars magis appetit quam pro-
 prium. p. 292. n. 23. & seqq.

C.

Canonizatio.

Canonizatio Sanctorum quid. p. 75. n. 204.
 Cur instituta, & quando. p. 76. n. 205.
 & seq.

Pontifex non potest errare in canonizatione San-
 ctorum. p. 75. n. 204.

Catholici.

Catholici qui dicantur. p. 138. n. 161.

Certitudo.

Certitudo alia est ex parte causæ, alia ex parte
 subiecti. p. 195. n. 51.

Certitudo causæ est potior quàm ex parte subie-
 cti. p. 196. n. 51.

Certitudo evidentiæ est ex parte subiecti. p. 197.
n. 58.

Charitas.

Charitatis acceptio. p. 258. n. 1.

Charitas est qualitas animæ inherens. p. 261. n.
21. & seqq.

Charitas est virtus. p. 262. n. 26.

Charitas est virtus specialis, & quæ una. p. 262.
n. 27. & seqq.

Charitas est virtus generalis imperio. p. 262.
n. 28.

Charitas est excellentissima virtutum. p. 262.
n. 31. & seqq. est dignior spe & fide. p. 240.
n. 37.

Charitas est forma aliarum virtutum. p. 263.
n. 35. & p. 191. n. 24. & seqq.

Sine charitate nulla virtus potest esse perfecta. p.
263. n. 34.

Charitas est amicitia hominum cum Deo. p. 258.
n. 3. & seqq.

Charitati conditiones amicitie competere offen-
 ditur. p. 259. n. 9. & seqq.

Charitas

Index rerum.

Charitas non est amicitia respectu omnium ad qua extenditur. p. 261. n. 20.
Obiectum charitatis est Deus ut summè in se bonum. p. 240. n. 32.
Obiectum charitatis distinguitur ab obiecto speciei. p. 262. n. 30. & p. 263. n. 31.
Obiectum formale charitatis est bonitas increata in se vi excedens creaturæ capacitatem naturalem. p. 278. n. 2. & seqq.
Ratio motiva charitatis ab increata bonitate distincta aliqua esse potest. p. 279. n. 7.
Non est tamen necessaria ad actus charitatis. p. 280. n. 8.
Charitas ad proximum extenditur. p. 278. n. 1.
Bonitas increata est formalis ratio obiectiva charitatis in proximum. p. 280. n. 9.
Bonitas creata supernaturalis probabiliter potest esse secundaria ratio formalis motiva charitatis. p. 281. n. 14. & seqq.
Subiectum charitatis est voluntas. p. 263. n. 1.
Charitas incipiens, proficiens & perfecta. p. 271. n. 74. & seqq.
Charitas vix potest augeri. p. 264. n. 38.
Augmentum charitatis fit per additionem noui gradus. ibidem. n. 41. & seqq.
Habitus charitatis non augetur extensivè. p. 269. n. 45.
Potest ita augeri charitatis actus. ibidem. n. 46.
Charitas augetur per quoslibet actus meritorios, etiam ipsa remissiores. ibidem. n. 47. & seqq.
Augmentum charitatis statim datur ad quemlibet actum meritorium. p. 266. n. 49. & seqq.
Actus virtutum à charitate distinctarum non merentur augmentum charitatis ad aequalitatem suæ intensiōis. ibidem. n. 54.
Charitatis actus non mereri eiusdem augmentum ad aequalitatem suæ intensiōis probabilissimum est. p. 267. n. 55.
Charitas est intensibilis sine fine. p. 288. n. 60.
Charitas non habet terminum in via. ibidem.
Charitatis habitus minui non potest. p. 272. n. 76. & seqq.
Charitas minui potest secundum exercitium actiui. ibidem. n. 80. & seqq.
Peccata venialia non minuant habitum charitatis. ibidem. n. 76. & seqq.
Charitas ex parte diligentis tripliciter potest esse perfecta. p. 269. n. 62.
Charitas vix non habet statum sibi naturalem ibidem. n. 66.
Habitus charitatis potest esse essentialiter & intensivè tam perfectus in via quam in patria. ibidem. n. 63. & seqq.
Charitas patriæ est extrinsecè perfectior charitate viæ. ibidem. n. 66. & seqq.
Minima charitas patriæ potest dici maior quam maxima viæ. p. 270. n. 66.
Actus charitatis in patria est essentialiter perfectior actu charitatis in viâ. ibidem. n. 68. & seqq.

Actus charitatis in diuersis potest esse equalitatis intensiōis in viâ & in patria. ibid. n. 67.
In eodem similiter accidere non repugnat. ibid. n. 68.
Actus charitatis in viâ perfectissimus raro excutitur. p. 267. n. 56.
Charitas patriæ semper est in actu, & inamissibilis. p. 269. n. 66. & seqq.
Charitas vix potest amitti. p. 273. n. 83. & seqq.
Charitas quolibet mortali peccato amittitur. p. 275. n. 95. & seqq.
Vide verbum, Peccatum.
Habitus vitiosus non excludunt formaliter charitatem. p. 277. n. 106.
Charitatem nunquam excidere quò sensu dictum ab Apostolo. p. 274. n. 90.
Charitas semel amissa non semper recuperatur. p. 275. n. 93. & seqq.
In charitate manens quomodo maneat in Deo. p. 261. n. 25.
Deus est charitas per essentiam. ibidem.
Charitas plurium actuum causa. p. 236. n. 14.
Actus charitatis septem. p. 302. n. 1.
Directio est primus actus charitatis. ibidem. n. 2.
Vide verbum, Dilectio.
Charitatis an magis sit amare quam amari. p. 302. n. 2 & 3.
Gaudium charitatis duplex. p. 306. n. 1.
Charitas non omnem timorem pœnæ expellit. p. 248. n. 18. & seqq.
Charitatis augmentum minuit pœnæ metum. p. 250. n. 29.
Præcepta Charitatis cur non sunt in Decalogo enumerata. p. 366. n. 4.
Vide verbum, Dilectio.

Christianus.

Christianus quis dicatur. p. 119. n. 70.
Christiani cur olim dicti Sarmatensium & Semissarum. p. 24. n. 134.

Cognitio.

Cognitio naturalis non continet supernaturalium notitiam. p. 28. n. 153.
Cognitio Dei naturalis non sufficit ad consequendam iustitiam. p. 154. n. 23. & seqq.
Medium cognoscendi aliud ænigmaticum, aliud speculare. p. 199. n. 5.

Concilium.

Concilij definitio. p. 82. n. 1.
Concilij Ecclesiastici definitio. ibid. n. 2.
Conciliorum origo. ibid. n. 3.
Concilij diuisio quadrimembri. ibid. n. 4.
Concilium generale quod? & quæ eius requisita. ibid. n. 5. & seqq.
Concilio generali de iure intersunt soli Episcopi. p. 83. n. 8.
Habent soli in eo suffragium decisivum. pag. 95. n. 65.
Ad Concilium generale admittuntur ex privilegio non Episcopi. p. 83. n. 8.

Index rerum.

Imperatores & Reges cur aliquando ad illud admitti? *ibidem*. n. 9.
Doctores in illo non habent suffragium decisivum. *ibidem*.
Concilium nationale quod. p. 83. n. 10.
Convocatur à Primatè. p. 84. n. 12. & p. 85. n. 16.
Concilium nationale cur interdum univèrsale, & provinciale appellatum. p. 83. n. 10.
Concilium Provinciale quod. p. 84. n. 11.
Convocatur ab Archiepiscopo. *ibidem*. n. 12. & p. 85. n. 16.
Concilium Diocesannum quod? *ibidem*. n. 11.
Convocatur ab Episcopo. *ibidem*. n. 12.
Concilium generale convocare rite præsidere solum Romani Pontifici est. p. 84. n. 13. & seqq.
Imperatoribus aut Regibus non competit talis potestas. *ibidem*. n. 14.
Objectiones Hæreticorum. p. 86. n. 22. & seqq.
Pontifex Imperatoris opera in Concilio convocando usus est, & quare. *ibidem*. n. 24. & seqq. & p. 87. n. 30. & seqq.
Concilium Constantinense in quibus approbatum à Martino V. p. 100. n. 95. & seqq.
Concilium Nicaenum primum quomodo convocatum. p. 86. n. 24. & seqq.
Concilium Constantinopolitanum primum iussu **Damasci Papæ** fuit convocatum. *ibidem*. n. 26.
Concilium Ephesinum primum Cælestini auctoritate fuit indictum. *ibidem*. n. 27.
Concilium Chalcedonense à Leone fuit coactum. p. 87. n. 28. & seqq.
Synodus à consensu Pontifici indicta est. p. 88. n. 36.
Concilium Basiliense nullum est auctoritatis. p. 101. n. 98.
Concilium imperfectum quibus casibus possit ab alio quam Papa convocari. p. 88. n. 38.
Concilium generale Papæ repugnantem ab alio cogi possit si necessarium videatur. p. 89. n. 39.
Concilium generale simul cum Pontifice errare nequit in decretis fidei & morum. p. 89. n. 40. & seqq.
Secus sine Pontifice. p. 93. n. 55. & seqq.
Concilium generale in his quæ definit consentientibus Legatis sanctæ sedis an errare possit. *ibidem*. n. 59. & seqq.
Legati Sanctæ sedis in Concilio non habent potestatem definiendi nomine Pontifici. p. 95. n. 68.
Concilium etiam cum suo capite in questionibus facti errare potest. p. 74. n. 198.
Concilia particularia à Pontifice approbata nullum errorem continent in fide & moribus. p. 90. n. 46.
Objectionibus respondetur. *ibid.* n. 47. & seqq.
Concilium generale apud Iudeos ante Christi adventum non potuit errare in fide. *ibidem*.
Secus Christo præsentie. *ibidem*.
Concilia priora emendari à posterioribus an possint. p. 91. n. 51. & seqq.
Concilium generale suæ & aliorum conciliorum decreta an revocare possit. p. 101. n. 100.

Concilium generale sine Pontifice est infra Pontificem. p. 96. n. 71.
Opinio quorundam Catholicorum contraria exponitur. *ibidem*. n. 72. & seqq.
Rejicitur tanquam improbabili. *ibidem*. n. 75. & seqq.
Objectiones solvuntur. p. 99. n. 80. & seqq.
Concilium generale cum Pontifice, non habet potestatem maiorem quam Papa solus. *ibid.* n. 85.
Habet tamen maiorem extensivè. n. 86.
A Concilio ad Pontificem aliquando appellatum. p. 98. n. 83. & seqq.
Pontifex non stringitur coactione legis à Concilio generali. *ibid.* p. 99. n. 86.
Concilium generale non potest exercere potestatem coactionis in Pontificem, ne quidem de eius consensu. *ibidem*. n. 87.
Concilium Nicaeni ætæ corrupta sunt ab Ariano. p. 54. n. 108.
Circa ab Apostolo Concilium Ierosolymitanum celebratum. p. 31. n. 173.
Concilia non convocantur frustra pro doctrina fidei determinanda quamvis Pontifex selus possit. p. 73. n. 193.

Confessio fidei.

Confessio fidei est actus externus eiusdem, tanquam dirigentis & imperantis. p. 174. n. 61. & seqq.
Fides est aliquando exterius confitenda. p. 184. n. 61.
Confessio fidei est necessaria ad salutem. p. 175. n. 6.
Quomodo obliget. *ibidem*.
Fidem palam confiteri etiam cum mortis periculo Christianus tenetur à potestate publica de illa interrogatus. p. 184. n. 61. & seqq.
Vnde hæc obligatio oritur. p. 186. n. 72. & seqq.
Fides etiam cum periculo vite est confitenda exterius quando necessitas proximi illam requirit cui succurrere tenetur. p. 186. n. 69.
Extra casum scandali & necessitatis proximi non tenetur Christianus à primato infidelis interrogatus de sua fide, respondere. *ibidem*. n. 70. & seqq.
Licet Christiani inter Hæreticos pendunt, illi verbigalia ne cogantur scilicet ipsorum exercitiis interesse. p. 185. n. 67. & seqq.
Præceptum confessionis fidei aliquando ratione sua probabiliter obligat. p. 187. n. 74.
Opposita sententia non est improbabili. *ibidem*. n. 75.

Contentio.

Contentio definitio. p. 338. n. 1.
Contentio duplex. *ibidem*. n. 2.
Contentio quæ peccatum mortale & quæ veniale. *ibidem*.
Contentionis vitium oritur proximè ex discordia. n. 3.

Cornelius.

Cornelius act. 10. ante Petri adventum probabiliter iustificatus fuit. p. 158. n. 48.
Altera opinio est verior. *ibidem*. n. 49.
Fuit iustificatus ante baptismum. *ibidem*. n. 50.

Correptio.

Index rerum.

Correptio.

Correptio à correctione in quo distincta. p. [323. n. 1.](#)
Correptio fraterna qua. ibidem. [n. 2.](#)
 Est actus caritatis. ibidem. [n. 3. & seq.](#)
 Proximè interdum elicitur à misericordiâ ibidem.
[n. 4.](#)
Correptio fraterna est praecepti. ibidem. [n. 5.](#)
 Non tantum positivi sed etiam naturalis. p. [324. n. 6.](#)
Præceptum correptionis obligat ad quemlibet proximum peccantem suo tempore corripiendum. ibidem. [n. 7. & seq.](#)
 Raro obligat ad corripiendum infideles. ibid. [n. 8.](#)
 Debet moraliter certo, de peccato commissio tibi consistere ut obligari corripere. p. [325. n. 14.](#)
 Infuper ut certum sit vel probabile proximum sine tua correptione non emendandum. ibidem. [n. 5.](#)
 Debet adesse spes fructus. p. [326. n. 16.](#)
 Quando periculum est maiori mali si corripas, non debes corripere. p. [326. n. 17. & p. 329. n. 29.](#)
 Blasphemi corripiendi sunt etsi non adsit spes fructus, nisi malum malâ timeretur. p. [326. n. 16.](#)
 Proximus de peccatis mortalibus tantum ordinariè est corripiendus. p. [324. n. 9. & seq.](#)
 Et quidam de præteritis in quibus peccasset. p. [325. n. 11.](#) Et de in quolibet commissu. [n. 12.](#)
 Prælati tenentur suorum etiam veniales defectum corrigere. [n. 13.](#)
 Præceptum correptionis fraterna obligat omnes eius capaces. p. [326. n. 18.](#)
 Magis obligat Prælatos quam particulares. ibidem [n. 20. & seq.](#)
 Prælati tenentur corripere suos etsi non adsit spes emendationis. p. [327. n. 23.](#)
 Prælatus peccantem inferior debet corripere. p. [328. n. 27. & seq.](#)
 Quis modum in eo servandus. ibid. [n. 29. & seq.](#)
 Prælatorum Ecclesiæ defectus non sunt ex suggestu coram plebe corripiendi. ibidem.
 Peccator alterum delinquentem interdum obligatur corripere. ibidem. [n. 32.](#)
 Corripientis peccatum saepe impedit debitam correptionem. ibidem. [n. 33.](#)
 Peccator corripiendo alium delinquentem quando peccet. p. [329. n. 31. & seq.](#)
 Ex officio obligatus corripere, tenetur quandoque vitam suam emendare ut rite corripiat. ibidem. [n. 35.](#)
 Quid de alijs dicendum. ibidem. [n. 36.](#)
 Publici peccatores sunt publice corripiendi. p. [330. n. 40.](#)
 Quando peccatum est publicum non est necessaria monitio secreta ante denuntiationem vel publicam correptionem. p. [329. n. 40.](#)
 Si peccatum vergat in alterum detrimentum secreta monitio omittenda est. p. [330. n. 42.](#)
 Nisi constet certo secretâ monitione posse emendari. ibidem. [n. 43. & seq.](#)

Secreta monitio ante denuntiationem vel publicam correptionem adhibenda quando peccatum non vergit in detrimentum alterum. p. [330. n. 45.](#)
 Quibus capitulis peccatum denunciare licet nō præmissa monitione secreta. ibid. [n. 46. & seq.](#)
 An in Religiosis liceat peccata Religiosorum denunciare superiori sine secreta monitione. p. [331. n. 48.](#)
 An & quando testium inductio procedere debeat publicam denuntiationem. ibid. [n. 49. & seq.](#)
 Cur testes ante publicam denuntiationem interdum adhibeant. p. [332. n. 52.](#)
 Correptio iniuncta non est emittenda timore mali maiori delinquenti. p. [329. n. 38.](#)

Credere.

Credere est cum assensione cogitare. p. [150. n. 3.](#)
 Clarius eius definitio. p. [151. n. 12.](#)
 Credere est actus intellectus. ibidem. [n. 9.](#)
 Credere excludit ambiguitatem. ibidem. [n. 10.](#)
 Credere est actus liber à voluntate imperatus. ibidem. [n. 8.](#)
 Alium credendi qui actus precedant. p. [150. n. 4. & seq.](#)
 Difficultas in credendo unde oriatur. ibidem. [n. 6. & seq.](#)
 Actus fidei triplex, Credere Deo, Credere Deum, & credere in Deum. p. [152. n. 13.](#)
 Peccatores possunt credere in Deum, sed non perfecte. ibidem. [n. 15. & seq.](#)
 Credere in Ecclesiam non dicitur. p. [153. n. 20.](#)
 Veritas prima reuelans est ratio credendi sine assensu. p. [5. n. 15. & seq.](#)
 Non datus credendi ratio prior veritate primâ. p. [9. n. 44. & p. 10. n. 54.](#)
 Motiva ad credendum partim externa, partim interna. p. [15. n. 84. & p. 172. n. 130.](#)
 Externa motiva non sufficiunt ad credendum. p. [15. n. 85. & seq.](#)
 Ex ipsius motui externis contingit vnum credere, alium non. ibidem.
 An possit falsum sic proponi ut prudenter iudicetur credendum. p. [14. n. 80. & seq.](#)
 Ad prudenter credendum, quid requiratur. p. [20. n. 112.](#)
 Actum credendi non terminari ad denuntiabile quo sensu dicit D. Tho. p. [11. n. 58.](#)
 Rationes inducentes voluntatem ad credendum si antecedant, quandoque minuunt meritum fidei. p. [172. n. 132. & seq.](#)
 Secus si sunt consequentes voluntatem credendi. p. [173. n. 137. & seq.](#)
 Voluntas credendi potest actus religionis referre in finem fidei. p. [175. n. 5.](#)
 Credere aliqua quæ ratione naturali demonstrantur, est necessarium. p. [155. n. 29. & seq.](#)
 Semper fuit ad salutem necessarium credere quædam quæ supra rationem naturalem sunt. p. [153. n. 22. & seq.](#)
 Manichæorum error contrarius rejicitur. ibidem. [n. 21.](#)

Li iij. Necessa

Index rerum.

Necessarium est necessitatē medij credere quadam qua supra rationem naturalem sunt. p. 154. n. 23. & seqq.
 Sententia Vega rejicitur. ibidem.
 Semper fuit necessarium necessitate medij & precepti quadam explicitē credere. p. 156. n. 37.
 Credi explicitē vel implicitē qua dicuntur. p. 155. n. 32.
 Necessarium est necessitate medij & precepti credere Deum esse & Providentiam eius. p. 156. n. 37.
 Credere explicitē mysterium Incarnationis non fuit ante Christi aduentum ad iustitiam necessarium. p. 158. n. 52. & seqq.
 Maiores ante Christi aduentum probabiliter debuerunt explicitē credere Incarnationem. p. 159. n. 56.
 Opposita sententia est probabilis. ibidem n. 57.
 Mysterium Incarnationis a lapsu primorum Parentum semper fuit ab aliquibus explicitē creditum. p. 160. n. 58. & seqq.
 A lapsu Adam fuit semper necessarium implicitē credere mysterium Incarnationis. ibidem. n. 60. & seqq.
 In ipso Christi aduentu non fuit omnibus necessarium necessitate medij explicitē credere Incarnationem. p. 162. n. 73.
 Post Evangelium promulgatum necessarium est necessitate medij explicitē credere mysterium Incarnationis. p. 163. n. 75. & seqq.
 Non fuit ante Christi aduentum omnibus necessarium explicitē credere mysterium Trinitatis. p. 165. n. 91. & seqq.
 In maioribus tamen fuit necessarium. ibidem. n. 92.
 In novo testamento necessarium est necessitate medij explicitē credere mysterium Trinitatis. ibidem n. 93. & seqq.
 Obiectiones solvuntur. p. 166. n. 94. & seqq.
 Opposita sententia periculosa est. p. 167. n. 103.
 Quid de mysterio Trinitatis & Incarnationis debeant necessario fideles credere. p. 167. n. 100. & seqq.
 Omnes tenentur credere explicitē omnia quoad substantiam qua symbolo continentur. p. 162. n. 106. & seqq.
 Quenam insuper explicitē credenda sunt necessarium necessitate medij. p. 166. n. 97. & p. 168. n. 104.
 Tria Sacramenta explicitē credenda. p. 170. n. 120. & seqq.
 Omne dogma fidei contrarium est evidenter incredibile. p. 21. n. 115.
 Credibilia.
 Qui inter credenda ordo. p. 10. n. 52.
 Non omne evidenter credibile, est evidenter possibile. p. 20. n. 112.
 Credibile evidenter fide humana non excludit falsitatem. ibidem.
 Credibilitas rei maximē desumitur ab argumentu extrinsecu. ibidem.

Evidens credibilitas obiecti, non est adaequata ratio movens ad assensum eiusdem ibid. n. 113.
 Dispositio prava voluntatis sepe impedit credibilitatem apprehensionem. ibidem n. 114.
 Articuli fidei sunt evidenter credibiles. p. 20. n. 111. & seqq.
 Vide verbum, articulus.
 Quaecumque Ecclesiae proponit credenda sunt evidenter talia. p. 21. n. 115.
 Nota quibus redditur doctrina Ecclesiae evidenter credibilia. ibidem n. 117. & seqq. & p. 6. n. 21. & seqq.
 Miracula nota sunt credibilitati mysteriorum fidei. p. 22. n. 121. & seqq. & p. 6. n. 23.
 Sanctitas eorum qui fidei mysteria tradiderunt, credibilitati eorum est nota. p. 23. n. 129. & seqq.
 Vaticinia Prophetarum nota sunt credibilitati mysteriorum fidei. p. 21. n. 117. & seqq.
 Puritas doctrinae Christi est argumentum credibilitati ipsius. p. 23. n. 130.
 Modus propagationis Evangelij est argumentum credibilitati ipsius. ibidem n. 131. & seqq.
 Ex signis inducuntur communiter infideles ad indicanda mysteria fidei credibilia. p. 7. n. 28.
 Lumine naturali intellectum potest videri credibilitas mysteriorum fidei. p. 26. n. 147.
 Sine interno auxilio non possunt revelata apprehendi credibilia sufficienter ad fidei assensum. p. 10. n. 51. & p. 16. n. 91. & p. 26. n. 147.
 Habitus fidei iuvat ad credibilitatem mysteriorum fidei percipiendam. p. 16. n. 89. & seqq. & p. 26. n. 146. & 148.

D.

Damnati.

Damnati non possunt sperare liberationem. p. 242. n. 10. & seqq.
 Non retinent habitum spei. p. 243. n. 10.
 Post sententiam damnationis nullus ad vitam revocatur. p. 242. n. 11.
 Statim a morte profertur ordinariē. ibidem.
 Præsciens suam damnationem an teneatur servare Dei præcepta. p. 253. n. 6.
 Decalogus.
 Vide verbum, Præceptum.
 Desperatio.
 Desperatio est peccatum. p. 252. n. 1. & seqq.
 In quo consistat eius malitia. p. 253. n. 5. & n. 8.
 Non præsupponit necessario falsum iudicium de Deo. p. 252. n. 3.
 Potest esse sine infidelitate. p. 253. n. 7.
 Unde oriatur. p. 254. n. 13.
 Desperatio est peccatum maius ceteris qua sunt contra virtutes morales. p. 253. n. 8.
 Est per se minus odio Dei & infidelitate. ibidem. n. 9.
 Ipsa tamen est periculosa. p. 254. n. 12.

Dilectio.

Index rerum

Dilectio.

Dilectio ordinariè accipitur in bonam partem. p. 258. n. 1.
 Dilectio est primus actus charitatis. p. 302. n. 2.
 Involuit benevolentiam. p. 302. n. 4.
 Dilectio Dei ex charitate in ordine ad beneficia practica procedit à duplici virtute. p. 279. n. 6.
 Obiectiva ratio dilectionis potest esse extrinseca ei quod diligitur. p. 280. n. 9. & seqq.
 Duplicitèr aliquid potest diligi propter bonitatem extrinsecam. ibidem. n. 8.
 Dilectio qua iustus diligitur propter iustitiam ipsi inbarentem, an sit charitatis actus. p. 281. n. 12. & seqq.
 Deum est obiectivè & appetitivè magis diligendum quam proximum. p. 289. n. 4. & seqq.
 Non tamen necessarii magis intensivè. ibidem.
 Tribus modis aliquid diligitur magis quam alterum. p. 288. n. 3.
 Dilectio maior appetitivè, & maior intensivè quomodo differant. p. 289. n. 9. & seqq.
 Habitus charitatis an magis inclinet ad dilectionem Dei quam proximi. p. 291. n. 18. & seqq.
 Dilectio proximi & dilectio Dei ex charitate non sunt semper simul. p. 290. n. 14.
 Dilectio proximi ex charitate potest esse intensior dilectione Dei. ibidem. n. 14. & 15.
 Excessus ille intensivus potest esse à charitate. p. 291. n. 17.
 Præceptum speciale dilectionis est tam Dei quam proximi. p. 365. n. 1. & seqq.
 Quomodo præceptum dilectionis Dei possit impleri in hac vita. p. 368. n. 14. & seqq.
 Præceptum dilectionis proximi obligat etiam ad affectum interiozem anime. p. 366. n. 6. & seqq.
 Quanta sit hac obligatio. p. 367. n. 10.
 Dilectio Dei est magis meritoria quam dilectio proximi. p. 306. n. 21.
 Homo debet ex charitate plus Deum quam seipsum diligere. p. 291. n. 20.
 Homo naturaliter movetur magis ad diligendum Deum quam seipsum. p. 292. n. 22. & seqq.
 Deum non diligitur propter aliud secundum triplex genus causæ. p. 303. n. 6.
 Potest diligi propter aliud vt causam dispositivam ibidem. n. 7.
 Dilectio Dei propter beneficia vt causam principalem non est charitativa. p. 303. n. 8.
 Deum potest in hac vita immediate diligi. ibidem. n. 9.
 Non potest à nobis tantum diligi quantum est diligibile. p. 304. n. 10.
 Dilectio Dei totalis triplex ibidem.
 In dilectione Dei non potest per se committi excessus ibidem. n. 11.
 Potest in eiusdem continuatione ratione nostra infirmitatis. ibidem. n. 12.
 Homo tenetur seipsum diligere ex charitate. p. 283. n. 22. & seqq.

Item corpus suum. ibidem. n. 25. & seqq.
 Dilectus qui potest esse amor benevolentie, sed non amicitie. p. 282. n. 20.
 Dilectio sui ipsius est mensura dilectionis proximi. ibidem. n. 21. & p. 293. n. 29.
 Peccatores sunt diligendi secundum naturam, non culpam. p. 283. n. 27. & seqq.
 Peccatores non diligunt seipsos. p. 284. n. 31.
 Communis dilectio inimicorum est præcepta. p. 285. n. 34.
 Dilectio inimici duplex. ibidem. n. 32.
 Dilectio inimicorum etiam in lege veteri fuit præcepta. ibidem. n. 35. & p. 386. n. 18.
 Dilectio specialis inimicorum quomodo præcepta. p. 285. n. 36. & seqq.
 Communia signa dilectionis sunt inimicis exhibenda. p. 286. n. 39.
 Specialia autem in præparatione animi. ibidem.
 Signa dilectionis exhibere inimicis magis quam alijs aliquando oportet. ibidem.
 Dilectio inimicorum quia difficilior, est magis meritoria quam amicorum. p. 305. n. 16. & seqq.
 Horum tamen dilectio ordinariè est intensior. p. 304. n. 12.
 Angeli sunt diligendi ex charitate. p. 287. n. 46.
 Demones non diliguntur amore amicitie. p. 288. n. 47.
 Quomodo creatura irrationales diligantur ex charitate. p. 282. n. 18.
 Charitas diligitur tanquam bonum quod alteri volumus. ibidem. n. 17.
 Homo tenetur se magis diligere in bonis necessarijs ad Dei amicitiam quam proximum. p. 293. n. 28. & seqq.
 Homo non tenetur in bonis spiritualibus que non faciunt Deo gratiores, se magis diligere quam proximum in alijs. p. 295. n. 41.
 An Christum vt hominem debcamus magis diligere quam nos ipsos. p. 294. n. 36.
 Dilectio proximi aliquando obligat ad vite genus honestum amplectendum etsi minor spei fructus spiritualis in eo appareat. p. 295. n. 39. & seqq.
 Inter proximos ille magis diligendus est qui Deo vel nobis est coniunctior. p. 297. n. 53. & seqq.
 Meliores debemus diligere obiectivè magis quam nobis coniunctiores. p. 298. n. 55.
 Coniunctiores diligimus magis intensivè. ibidem. n. 56. & etiam pluribus titulis. n. 58.
 Possumus etiam diligere eos magis appetitivè. n. 57.
 Parentes an magis diligendi quam filij aut vxor. p. 301. n. 71. & n. 74.
 Pater est per se loquendo magis diligendus quam mater. p. 301. n. 73.
 An benefactor magis diligi debeat quam beneficiatus. ibidem. n. 75.
 Beati Deum super omnia, & se magis quam alios appetitivè diligunt. p. 302. n. 22.
 Beati inter suos concives magis simpliciter diligunt meliores. ibidem.

Index rerum.

Sibi tamen coniunctiores diligunt pluribus lib.

lib. ibidem. n. 23.

Discordia.

Discordia generatim alia iusta, alia iniusta. p. 337. n. 1.

Discordia speciatim, est peccatum ex genere suo mortale. ibidem. n. 2.

Discordia circa media ad finem aliquando non est peccatum. p. 338. n. 3.

Discordia aliqua potest esse circa virtutes à charitate distinctas. ibidem. n. 4.

Discordia est sitia superbia. ibidem. n. 5.

Doctrina.

Doctrina Christi per homines infinita sortu propaga-
ta. p. 23. n. 131.

Doctrina Christi contradicentibus Principibus & Sapientibus à mundo est recepta. p. 24. n. 134.

Est ubique predicata. ibidem. n. 138.

Doctrina Evangelij quam efficax. p. 136. n. 148. & 151.

Doctrina fidei nostra à Christo ad nos vsque sine interruptione peruenit. p. 24. n. 137.

Dominiun.

Dominiun aliud Politicum, aliud Despoticum. p. 217. n. 56.

An infideles sint capaces Domini in fideles. Vide verbum infideles.

Donum Spiritus Sancti.

Vide verbum Spiritus Sancti.

Duellum.

Aliud publicum, aliud priuatum. p. 355. n. 2.

Causa duelli varia. ibidem. n. 3.

Duellum pro silentatione, voluptate, aut vindicta susceperur, est illicitum. ibidem. n. 4. & seqq.

Similiter susceptum intuitu honoris defendendi. p. 356. n. 6.

Aut etiam causi purgandi criminis obiecti. ibidem. n. 7.

Innocentem iniuste condemnandum nisi duellum ab accusatore oblatum acceptet, posse acceptare iudice approbante, quidam putant. ibidem.

Opposita sententia est longe verior. ibidem. n. 10. & seqq.

An duo iuste ad mortem condemnati possint ex iudici mandato acceptare duellum ea conditione ut victor donec vivat. p. 358. n. 16.

Duellum pro vita defensione interdum potest acceptare iniuste iniustus. p. 358. n. 17.

Etiam probabiliter pro defensione bonorum temporalium magni momenti si euidens periculum vite propria absit. ibidem. n. 18.

An Principi possit pondus belli mutare in duellum. ibidem. n. 19. & seqq.

Militibus in iusto bello ex Principi consensu cum hoste duellum quando licitum. p. 359. n. 21.

Duellum David contra Goliath fuit iustum, ibidem.

E.

Ecclesia.

Ecclesia nomen quid significet. p. 102. n. 1.
Ecclesia noui testamenti & antiqui est una. p. 102. n. 4.

Ecclesia noui testamenti definitio. p. 103. n. 6. & seqq.

Ecclesia antiqui temporis vinitas qua. p. 102. n. 5.

Non habuit vnicum caput in terra. ibidem. n. 4.

Ecclesia fundamentum duplex. p. 37. n. 16.

Christus est primarium fundamentum Ecclesie. p. 30. n. 12. & seqq.

Ecclesia forma alia interna, alia externa. p. 102. n. 2.

Fides est interna essentialis forma Ecclesie. p. 103. n. 3.

Forma Ecclesie externa qua. ibidem.

Ecclesia imitatio definitio. p. 102. n. 4.

Eam duplex statum. ibidem.

Ecclesia vera est visibilis. p. 119. n. 71. & seqq.

& p. 123. n. 86. & seqq.

Ecclesia antiqui testamenti fuit etiam visibilis. p. 120. n. 71.

Ecclesia militans invisibilis nulla est. p. 123. n. 88. & seqq.

Ecclesia Catholica est fide nescibilis. p. 122. n. 85.

Ecclesia horum conclusus dicitur. p. 105. n. 17. & seqq.

Ecclesia cur tota palabra. p. 109. n. 35. & seqq.

Ecclesia cur dicitur Sancta. ibidem.

Non debet dici maculata. n. 37.

Quomodo Ecclesia vni panis dicitur. p. 110. n. 39.

Et quomodo donum spirituale. p. 121. n. 79. & seqq.

Ecclesia est corpus mysticum. p. 122. n. 84.

Quare dicitur Catholica. p. 138. n. 161.

Sola Ecclesia Christi est Catholica. p. 139. n. 167.

Ecclesia populi luciani non fuit vniuersalis. p. 125. n. 97.

Ecclesia Romana cur Apostolica dicitur. p. 137. n. 156. & seqq.

Ecclesia vera indefinitibilis est & indefinitibiliter visibilis. p. 123. n. 88. & seqq.

Ecclesia ante Christi aduentum non defecit. p. 124. n. 92. & seqq.

Obiectiones solvuntur. p. 125. n. 95. & seqq.

Ecclesia initium à quo. 124. n. 92.

Ecclesia ab Adam ad Christum vsque duratio ostenditur. ibidem. n. 93.

Ecclesia tempore Arrianorum non defecit. p. 106. n. 100.

Non deficiet totaliter tempore Antichristi sed observabitur. p. 127. n. 105.

Nota Ecclesie Christi. p. 128. n. 112. & seqq.

Nota Hæreticorum reijciuntur. ibidem. n. 109.

Consians unio membrorum Ecclesie est eiusdem nota. p. 129. n. 114. & seqq.

Conformitas doctrinae Ecclesie cum antiquorum doctrina est nota eiusdem. p. 130. n. 118. & seqq.

Inter.

Index rerum:

Interrupta fides à Christo ad hæc tempora est vera Ecclesia nota. p. 131. n. 125. & seqq.
 Alia nota Ecclesia sunt, Miracula vera. ibidem. n. 132. p. 134. n. 137. Item doctrina puritas. p. 135. n. 143. eiusdem efficacia. p. 136. n. 148. Donum Prophetia. p. 137. n. 153.
 Successio Episcoporum continua in Romanâ sede. ibidem. 156.
 Primi Parentes non fuerunt ante lapsum membra Ecclesia. p. 103. n. 7.
 Non soli prædestinati sunt in Ecclesia. p. 103. n. 11. & seqq.
 Non omnes prædestinati sunt semper in Ecclesia. p. 104. n. 13.
 Obiectiones Hæreticorum. ibidem. n. 14. & seqq. & p. 107. n. 26.
 Non soli boni sunt de Ecclesia. p. 108. n. 27. & seqq.
 Mali non sunt viua membra Ecclesia. p. 110. n. 41. & 43. Quomodo sint in Ecclesia. p. 111. n. 44.
 In mortua membra Ecclesia etiam insuit Christus. p. 111. n. 45.
 Impiæ non sunt in Ecclesia. ibidem. n. 46.
 Hæretici manifesti sunt extra Ecclesiam ibidem.
 Obiectiones aduersariorum. p. 112. n. 51. & seqq.
 Ecclesia in Hæreticos habet potestatem. p. 113. n. 55.
 Schismatici non sunt in Ecclesia. ibidem. n. 57. & seqq.
 Excommunicatus est ab Ecclesia praeclusus. p. 114. n. 61. & seqq.
 Excommunicatus valide licet iniuste non est de Ecclesia. p. 115. n. 65.
 Cathecumini non sunt simpliciter in Ecclesia. p. 116. n. 66. & seqq.
 Saluari possunt voto offendi in Ecclesia. ibidem. n. 67.
 An qui baptizati putantur & non sunt, sint Ecclesie membra. ibidem. n. 69. & seqq.
 Hæreticos oculos esse in Ecclesia verum est. p. 117. n. 72. & seqq.
 Obiectionibus satisfi. p. 119. n. 69. & seqq.
 Hæreticus oculus iurisdictionem Ecclesiasticam valide exercere potest. p. 118. n. 77.
 Secum qui sunt extra Ecclesiam. ibidem.
 Extra Ecclesiam non est salus. p. 116. n. 67.
 Arca Noë fuit figura Ecclesia. p. 107. n. 26. & p. 108. n. 30.
 Ecclesia Catholica exortas Hæreses quomodo semper superauit. p. 131. n. 128.
 Ecclesia Catholica per quos & quales propagata. p. 132. n. 130.
 Ecclesia ante Christi aduentum quo illi vicinior, eo fuit magis illuminata. p. 31. n. 178.
 Ecclesia senio non deficit in doctrina fidei. p. 32. n. 178. & seqq.
 Eius doctrina semper fuit pura. p. 135. n. 14.
 Ecclesie regimen est Monarchicum. p. 98. n. 83.
 Particulares Ecclesia non habent insalibilem au-

thoritatem in fidei decretis. p. 14. n. 79.
 Eleemosyna.
 Eleemosyna est actus laudabilis p. 311. n. 1.
 Est in caritate actus misericordiae, mediate charitatis. ibidem. n. 2. & p. 310. n. 11.
 Eleemosyna à virtute religionis & iustitia saepe iniperatur. p. 311. n. 3.
 Eleemosyna alia spiritalis, alie corporales. p. 312. n. 5. Vnde, opera misericordiae.
 Eleemosyna aliquando est in precepto. p. 314. n. 20.
 Preceptum eleemosynæ discuitur per omnia mandata 2. tabulae. p. 314. n. 21.
 Ad obligationem eleemosynæ duo requiruntur. p. 315. n. 22.
 Eleemosyna proprie est gratuita donatio. p. 319. n. 48.
 Eleemosynas de necessarijs sibi vel suis ad vitam, facere non licet. p. 316. n. 28.
 Nisi extraneum persona publica sit à qua bonum commune dependet. ibidem. n. 29.
 De superfluo ad statum vel vitam eleemosynas facere est preceptum in extrema necessitate proximi. ibidem. n. 30. & seqq.
 De superfluo ad statum in grauî necessitate proximi eleemosyna facienda est ex precepto sub mortali. p. 317. n. 34. & seqq.
 Diuites tenentur de absolute superfluo facere eleemosynas in communibus proximi necessitatibus. ibidem. n. 39. & p. 319. n. 45.
 Quæ hic censentur necessitas extrema. Vide verbum, necessitas.
 Preceptum eleemosynæ nõ obligat ad singulos pauperibus aliquid largiendum. p. 318. n. 43.
 Nolle vquam facere eleemosynam in communibus necessitatibus peccatum est. ibidem.
 Diues sic prodigus sua ve eleemosynas facere omitterat, peccat mortaliter. p. 319. n. 45.
 Diuites non tenentur pauperes inquirere quibus eleemosynas faciant, nisi certis casibus. ibidem. n. 46.
 Secum Episcopi circa suos subditos. ibidem.
 An diuites teneantur gratis dare eleemosynas. p. 319. n. 47. & seqq.
 Non teneri gratis dare si sic dando incidere in grauem necessitatem. p. 320. n. 50.
 De iniuste ablatis si dominus reperibilis sit eleemosynas facere non licet. p. 321. n. 57.
 De illicitè acquisitis, sed quæ licite retinentur, possunt fieri eleemosynæ. ibidem. n. 59.
 Vxor de bonis communibus sine consensu rationabili mariti facere eleemosynas non potest. p. 322. n. 60.
 Eleemosyna etiam peccatoribus faciendæ sunt ibidem. n. 61. & seqq.
 Eleemosyna an abundantè danda. ibidem. n. 64. & seqq.
 Eleemosyna non liberat à peccatis absque penitentia. p. 314. n. 17. & seqq.
 Quomodo proficiat à peccatore salus. p. 322. n. 4.

Episcopi.

Index rerum

Episcopi.

- Episcopi à triuſus Episcopis ordinari debent. p. 138. n. 148.
 Episcopi non habent potestatem predicandi Euan-
 gelium extra suam Dioceſim. p. 214. n. 41.
 & seq.
 Episcopatus vniuersali particularis sibi coheren-
 tes ſecum admittit. p. 58. n. 124. & seqq.
 Vide verbum Pontifex.

F.

Fides.

- F**idei multiplex acceptio. p. 1. n. 1.
 Fides pro habitu, actu & obiecto accipitur.
 ibidem. n. 2.
 Fides alia diuina, alia humana. ibidem.
 Fides est habitus intellectualis. p. 189. n. 17.
 Calumni error reſoluitur. p. 190. n. 18. & seq.
 Fides est habitus ſpeculatiuus. ibidem. n. 21.
 Est extenſiue practicus. p. 191. n. 22.
 Fides requirit in voluntate habitum à charitate
 diſtinctum. p. 190. n. 19.
 Fides est habitus ſimplex. p. 194. n. 45.
 Fides est vna ſpecie in omnibus. ibidem.
 Fides est ſubſtantia rerum ſperandarum &c. p.
187. n. 1. & seqq.
 Deſinitio non est formalis. ibidem. n. 2.
 Poſſet accipi vi formalis in aliquo ſenſu. p. 189.
n. 12.
 Eiſdem duplex ſenſus exponitur. p. 187. n. 4.
 & seqq.
 Fides non verſatur tantum circa reſperatas. p.
188. n. 9.
 Deſinitio ab Apoſtolo data continet etiam fidei
 informis. p. 189. n. 13. & seqq.
 Fides quomodo argumentum non apparentium. p.
188. n. 3.
 Euidentiā de Deo reuelante non enacuat fidem. p.
200. n. 6.
 Obiectum materiale fidei est quodlibet diuinitus
 reuelatum. p. 2. n. 3.
 Deus est obiectum primarium fidei. p. 2. n. 3.
 & seqq.
 Formale obiectum Quo fidei est veritas prima ob-
 ſcurè reuelans. p. 4. n. 7. & seqq. & p. 9.
n. 44. & seqq.
 Scoti ſententia reſcitur. p. 5. n. 12. & seqq.
 Inter ſecundaria obiecta fidei primum locum ob-
 tinet humanitas Chriſti. p. 3. n. 4.
 Obiectum ſecundarium fidei cadit ſub fidem quan-
 tum habet certum ordinem ad Deum ibidem.
 & n. 5.
 Obiectum fidei debet eſſe euidentiū credibilitati.
 p. 20. n. 111. & seqq.
 Obiectum fidei non debet neceſſariū prius eſſe vi-
 ſum vel ſentiri quam credatur. p. 17. n. 96.
 Obiectum fidei non poſſet euidenter eſſe cognitum
 p. fidem. p. 18. n. 97. & seqq. & p. 19. n.
108. & seqq.
 Obiectum fidei non poſt ordinariā potentiā ab

- eodem eſſe ſimul creditum & viſum riſione
 b:atiſſica. ibidem. n. 99.
 Poſſet tamen abſolutā Dei potentiā. ibid. n. 100.
 Obiectum fidei non poſſet ab eodem ſimul eſſe cre-
 ditum & ſentiri, ſed ſucceſſiue. ibidem. n. 101.
 & seqq.
 Obiectum fidei ex parte credentiū eſt complexum,
 ex parte rei credita incomplexum. p. 10. n.
55. & seqq.
 Fides non poſſet ſubſeſſe falſum. p. 11. n. 59. &
 seqq.
 Priſcillianiſtarum error. ibidem. n. 60.
 Fidee nunquam inclināt in falſum. p. 13. n. 74.
 & seqq.
 Cur minus habitus fidei inclināt in falſum mate-
 rialiter, quā virtus moralis in malum mate-
 rialiter. p. 19. n. 77.
 Fidei habitus non eſt cauſa libera. p. 13. n. 74.
 Fides ex ſua ratione verſatur circa obſcura. p. 18.
n. 97. & p. 19. n. 108. & seqq.
 Fides & ſcientia eiſdem obiecti in habitu eidem
 inſunt: earum actus ſacceſſiue. p. 18. n. 102.
 & seqq.
 Fides vltimè reſoluitur tanquā in rationem à
 priori in veritatem primam reuelantem. p. 9.
n. 94. & seqq.
 In auctoritatem Eccleſie reſolui poſſet vt appli-
 cantem motum credendi. ibidem.
 Fides alia informis, alia formata. p. 192. n. 26.
 Fides eadem numero poſſet eſſe formata & infor-
 mis. ibidem. n. 27. & seqq.
 Fides formata eſt perfecta virtus. ibidem. n. 32.
 & seqq.
 Durandi ſententia reſcitur. ibid. n. 33. & seqq.
 Obſcuritas fidei non tollit ab eā rationem virtutis.
 p. 193. n. 36.
 Fides informis non habet ſtatim perfectā virtutis.
 ibidem. n. 37. & seqq.
 Fides formata cur perfectior virtus quā fides in-
 formis. ibidem. n. 39. & seqq.
 Charitas eſt forma fidei & quibus modis. p. 191.
n. 24. & seqq.
 Fides, etiam informis, eſt virtus intellectualis. p.
194. n. 42. & seqq.
 Participat aliquid de virtute morali. ibid. n. 44.
 Fides eſt per ſe prima virtutum. p. 195. n. 47.
 Fides eſt perfectior ſpe. p. 240. n. 37.
 Fides intenditur ſed non reſcitur. p. 206. n.
42. & seqq.
 Fides in vno maior eſſe poſſet quā in alio tam ex
 parte voluntatis quā intellectus. ibidem. n.
38. & 41.
 Fides non eſt maior vel minor ex parte obiecti for-
 malis. ibidem. n. 39.
 Secus ratione obiecti materialis. ibidem. n. 40.
 Fides eſt certior ſcientia. p. 196. n. 52. & seqq.
 Durandi ſententia exponitur & reſcitur. ibidem.
 Fidei certitudo ex parte cauſe deſumitur. ibidem.
 n. 54. & seqq.
 Scientia non eſt extenſiue certior fide. p. 197.
n. 58.

Non

Index rerum.

Non etiam in consensu. *ibid.* n. 59.
 Actus fidei reddunt nos certiores quam alius scientie. *ibid.* n. 59.
 Fides dubitationem secum non admittit *ibidem.* n. 60.
 Quaedam dubitatio inuiti interdum surrepere potest. *p.* 198. n. 60.
 Scientia in quibusdam superat fidem. *p.* 197. n. 60.
 Fides certior est alijs virtutibus intellectualibus. *p.* 198. n. 63.
 Dubitatio in fide non est sine errore intellectu. *p.* 221. n. 7.
 Fides infusa non manet in Hæreticis. *p.* 203. n. 21. & seqq. Secus acquisita. *p.* 206. n. 36.
 Fides habet specialem repugnantiam cum Hæresi. *p.* 206. n. 37.
 In Adamo ante lapsum & Angelis fuit fides. *p.* 199. n. 1. & seqq.
 Cognitio fidei in illis aliorum fuit quam modo in hominibus. *ibid.* n. 2.
 In Dæmonibus alijsque damnatis nulla est fides infusa. *p.* 200. n. 9. & seqq.
 Fides coacta in Dæmonibus est. *ibid.* n. 8.
 Fides peccatorum in quibus conueniat aut differat à fide damnatorum. *p.* 201. n. 11. & seqq.
 Fides infusa quomodo à damnatis *excluditur.* *ibid.* n. 13.
 Cur minus maneat fides infusa in damnatis quam character sacramentalis. *p.* 202. n. 16.
 Fides in animalibus purgatorij manet. *ibid.* n. 17.
 Fides non manet in Beato quoad intellectum. *ibid.* n. 18. & seqq.
 Manet quoad habitum voluntatis. *ibid.* n. 19.
 Inter habitum fidei & lumen gloria non est repugnantia physica. *ibid.*
 Habitus Theologicus pendet essentialiter à fide. *p.* 206. n. 36.
 Fides in voto nulla datur. *p.* 154. n. 25.
 Fides infusa cur dicatur catholica. *p.* 7. n. 34.
 Præceptum fidei aliud affirmatiuum, aliud negatiuum. *p.* 175. n. 7.
 Fidei occultatio, vide verbum Occultare.
 Fidei negatio, vide verbum Negare.
 Articulus fidei, vide verbum Articulus.
 Finis fidei quæ. *p.* 174. n. 2.
 Iustus ex fide viuunt, quo sensu dictum. *p.* 189. n. 16.
 Fidei actus.
 Actus fidei est liber. *p.* 171. n. 126. & p. 205. n. 34.
 Ex pio voluntatis affectu procedit. *p.* 171. n. 127.
 Potest imperari à charitate. *p.* 172. n. 172. & n. 129.
 Non potest fieri malus. *p.* 171. n. 127. & seqq.
 Actus fidei in iustus est meritorium. *ibid.* n. 124. & seqq.
 Assensus fidei non innititur principaliter in discursu. *p.* 5. n. 15.
 Assensus fidei sæpe præcedunt varij discursus. *p.* 7. n. 29. & seqq.

Assensus fidei non habet dubitationem adiectam. *p.* 151. n. 10.
 Inuitum quo quis ex signis & miraculis indicat doctrinam fidei esse veram non est actus fidei. *p.* 7. n. 28. & p. 150. n. 5.
 Ad illud non pertingitur sine speciali Dei auxilio. *ibidem.*
 Defectu debita instructionis contingit multos, fidei actum raro exercere. *p.* 17. n. 94.
 Præambula ad fidem eiusdem sunt ordinis cum principali actu. *p.* 26. n. 147.
 Fides alia explicita, alia implicita. *p.* 155. n. 32.
 Explicitam fidem SS. Trinitatis, omnes in statu innocentie habuissent. *p.* 156. n. 38.
 Incarnationis similiter supposita futuritione. *ibid.* & seqq.
 Fides quæ sufficit ad iustitiam, etiam ad salutem sufficit. *p.* 157. n. 42. & seqq.
 Obiectionibus satisfactis. *ibid.* n. 46. & seqq.
 Fides implicita Christi mediatoris qualiter omnibus necessaria ante eius aduentum. *p.* 161. n. 63. & seqq.
 Sine fide explicita Christi mediatoris in nouo testamento non peruenitur ad iustitiam. *p.* 164. n. 85. & seqq.
 Vide verbum, Credere.
 Ad iustificationem adultorum fides explicita credendorum an consuertere semper debeat. *p.* 170. n. 118.
 Fides Christi in habitu non sufficit. *ibid.* n. 119.
 Fideles per habitum fidei viciè euidenter creditilitatem eorum quæ Ecclesia proponit credenda. *p.* 26. n. 146.
 Plerique non per habituale sed per actuale lumen fidei vident credendorum creditilitatem. *ibid.* n. 145. & 146.
 Iudicium de creditilitate mysteriorum fidei non est necessarium supernaturale. *ibid.* n. 147.
 Fuga.
 Fugere tempore persecutionis non est secundum se illicitum. *p.* 176. n. 18. & seqq.
 Error Tertulliani. *ibid.*
 Fuga persecutionis tempore non aduersatur confessioni fidei. *ibid.*
 Dilectio sui ipsius & proximi & etiam inimicorum sæpius fugam requirit in persecutione. *p.* 177. n. 20. & seqq.
 Fugere tempore persecutionis quibus præceptum. *p.* 178. n. 25. & seqq.
 Fugere persecutionis tempore, quibus illicitum. *ibid.* n. 29. & seqq.
 Quibusdam in persecutione est liberum fugere vel non fugere. *p.* 279. n. 32.
 A Tyranno comprehensus licet fugam capessit ubi potest. *p.* 177. n. 23.
 Pastor in persecutione an & quando fugere possit aut debeat. *p.* 178. n. 27. & seqq.
 Quibus fugere licitum è pluribus qui eiusdem populi curam habent. *p.* 179. n. 31.
 Cur peccauerint Apostoli fugiendo in passione Domini. *p.* 178. n. 24.

Habitus

Index rerum:

H.

Habitus.

Idem est obiectum habitus, quod actus eiusdem. p. 237. n. 17.

Habitus non inclinatur in obiectum nisi subiectus formali eius motuo. p. 13. n. 14.

Obiectum formale habitus cognoscitur quod? p. 3. n. 6.

Habitus perit si non inhereatur formali eius motuo. p. 203. n. 23.

Habitus inclinans in assensum veritatis obsecra, quandoque inclinatur etiam in evidentem. p. 27. n. 148.

Habitus distinctio unde desumenda. p. 194. n. 45.

Idem habitus potest plures specie actus producere. p. 236. n. 14.

Hæresis.

Quid hæresis. p. 209. n. 10.

Vnde dicta. p. 220. n. 1.

Est species infidelitatis. ibidem n. 2.

Est pessima inter infidelitates. p. 210. n. 19.

Seius quandoque accidit. p. 211. n. 21.

Hæresis nunquam est sine errore intellectu. p. 221. n. 4. & 7. & seqq.

Veratur circa ea quæ sunt fidei. p. 220. n. 3.

Ad Hæresin requiritur pertinacia. p. 221. n. 6. Quam & quanta. p. 222. n. 10. & seqq.

Hæresis definitio. p. 223. n. 13.

Dubitatio in fide non est perfecta hæresis. p. 221. n. 7.

Hæresis non potest proponi populo ut prudenter credenda. p. 14. n. 78.

An ex verbo inordinatè prolato incurratur hæresis. ibid. n. 9.

Omnes hæreses continent contraria naturali rationi. p. 135. n. 145.

Hæresis exorta, mox in varias sectas diuisa. p. 131. n. 128.

An hæreses differant specie. p. 210. n. 18.

Species hæresis est exprimenda in confessione. ibid.

Hæresis non supponit necessariò fidem autè esse habitam. p. 210. n. 16. & seqq.

Nulla hæresis vnquam tam latè diffusa est quàm fides Catholica. p. 25. n. 141. & seqq.

Hæreses omnes vix durarunt vltra sæculum vnum. ibid. n. 141. & seqq.

Hæresis merè interna non puniatur Ecclesiasticè pœni. p. 216. n. 51.

Hæreticus.

Errans in fide non pertinaciter non est hæreticus. p. 222. n. 11.

An errans in fide ex ignorantia affectata sit hæreticus. ibid. n. 12.

Reyctus pertinaciter articulum quem affirmat ab Ecclesia Romanâ definitum, quamvis non sit, est tamen hæreticus. p. 223. n. 14.

Errans pertinaciter in conclusione Theologica non est hæreticus, ibidem. n. 15.

Hæretici sunt ipso facto excommunicati. p. 227. n. 24. & seqq.

Sunt irregulares ipso facto. ibid. n. 36.

Non tamen quoad ordines prius susceptos. ibid.

Sunt inhabiles ad beneficium & officium publicum. ibid. n. 37.

Filij eorum similiter & nepotes per filios. ibid.

Hæretici priuantur sepultura Ecclesiastica. ibid. n. 38.

Retinent potestatem ordinis. p. 228. n. 40.

Probabile est eoi validè facere quadam sacramentalia. ibid.

Si manifesti sunt, amittunt potestatem iurisdictionis, non sic occultis. p. 227. n. 39. & seqq.

Hæreticorum bona sunt sisco addita. p. 228. n. 42.

Non tenentur ea per se deferre Fisco. ibid.

An & qualiter de illis disponere possint. ibid. n. 43.

Non priuantur ipso iure beneficijs Ecclesiasticis. p. 229. n. 44.

Possunt puniri pœnâ mortis. p. 223. n. 16. & seqq.

Obiectiones soluuntur. p. 225. n. 27. & seqq.

Possunt compelli ad fidem. p. 215. n. 44. & seqq.

Reuerentes ab hæresi qualiter recipiendi. p. 229. n. 45.

Hæretici cur & quando vitandi. p. 216. n. 51.

Hæreticorum ritus tolerandi non sunt. p. 219. n. 68.

Disputatio cum hæreticis ordinariè inuiliu est & periculosa. p. 211. n. 22. & seqq.

Disputare cum hæreticis, quibus & quando licitum. ibid. n. 24. & seqq.

Laici cum hæretico disputare an licitum. p. 212. n. 29. & seqq.

In disputatione cum hæreticis à quibus abstinentum. ibid. n. 31.

Hæreticorum doctrina discordat ab antiquorum PP. doctrina. p. 130. n. 119.

Hæretici nulli fuerunt Propheta veri. p. 137. n. 154.

Hæreticorum doctrina quam inefficax. p. 136. n. 148. & seqq.

Hæretici doctrinam suam & Ecclesiam ad Apostolos per continuam successionem deducere nequeunt. p. 131. n. 125. & seqq. & p. 137. n. 156. & seqq.

I.

Iehu.

Iehu se cultorem Baal illiusit simulauit ut sacrificium eius cultores occideret. p. 181. n. 42. & seqq.

Imperium.

Imperium Romanum cur sacrum dicitur. p. 64. n. 150.

Indignatio.

Quid sit. p. 336. n. 6.

Rarè est peccatum mortale. p. 337. n. 8.

Infidelitas.

Index rerum:

Infidelitas.

Infidelitas purè negatiua non est peccatum. p. 207. n. 1. & seqq.
Secus infidelitas non purè negatiua. *ibid.*
Infidelitas purè negatiua in non baptizato potest dici pars originalis peccati. p. 208. n. 5.
Infidelitas est in intellectu ut subiecto. *ibidem.* n. 6.
Infidelitas positiua est insuper in voluntate ut principio mortuo. *ibid.*
Formale peccatum infidelitatis proximè est in voluntate. *ibid.*
Infidelitas nomine peccati Antinomasticè solet intelligi. *ibid.* n. 7.
Infidelitas *gravior* est peccatum contra virtutes morales commissum. *ibid.*
Potest quibusdam casibus esse minus grauè. p. 209. n. 9.
Infidelitas triplex. *ibid.* n. 10.
Ante Christi aduentum fuit tantum duplex. *ibid.* n. 11.
Non differunt specie propriè dicta. p. 210. n. 15.
Infidelitatum quæ pessimæ. *ibid.* n. 19. & seqq.
Infidelis.
Dubium in fide est infidelum. p. 221. n. 7.
Infideles qui nunquam fidem susceperunt, non possunt vi compelli ad fidem. p. 213. n. 32. & seqq.
Secus qui aliquando fidem susceperunt. p. 215. n. 44. & seqq.
Infideles subditi Christiani possunt cohiberi ab idololatria externa; & blasphemys contra Deum. p. 214. n. 38.
Secus non subditi. *ibid.*
Infideles compelli possunt ad fidei prædicationem admittendam in suis terris. *ibid.* n. 40.
Subditi Christiani possunt cogi ut aliquando intersunt prædicationi Euangelij. *ibid.* n. 43.
Allici possunt promissione remissionis onerum ad illam audiendam. *ibid.*
Cura convertendi infideles ad quos spectet. n. 41. & seqq.
Infideles possunt habere dominium in Christianos. p. 217. n. 56. & seqq.
Non sunt præficiendi Christianis. p. 218. n. 60.
Infideles subiecti Christiani possunt priuari dominio in Christianos. *ibid.* n. 61. & seqq.
Secus non subditi, nisi essent in fidem insurij. n. 64. & seqq.
Infideles occupantes terras Christianorum possunt priuari dominio in fideles. p. 219. n. 65.
Reus quem hac potestas. *ibid.*
Infidelium serui si Christiani sint, efficiuntur liberi. p. 218. n. 62.
Cum infidelibus disputare an licitum. Vide verbum, *Hæreticus.*
Infideles à quibus & quando vitandi. p. 216. n. 51.
In quibus liceat communicare cum infideli. p. 217. n. 52. & seqq.
An eorum ritus inter Christianos tolerandi. p. 219. n. 66. & seqq.
VViggers in 2.

Inimicus.

Inimicus à communibus beneficijs secludi non potest. p. 286. n. 40. Exceptis certis casibus. *ibid.* n. 41.
Vide verbum, Dilectio.
Iniuria.
Princeps potest vindicare iniurias illatas Reip. p. 346. n. 30. & seqq.
Homo primatus non potest vindicare iniurias sibi illatas, quantum Index id non præstaret. *ibid.* n. 32.
Intensio.
Intensio qualitatis fit per accessum noui gradus. p. 264. n. 41. & seqq.
Gradus intensus vnde distinguantur inter se. p. 265. n. 44.
Intensio alius vnde nascatur. p. 290. n. 10.
Firmitas actus voluntatis, & intellectus an ex intensione pronemus. p. 289. n. 10.

Inuidia.

Inuidia definitio. p. 336. n. 1.
Aduersatur charitati. *ibid.*
Est tantum circa aliquomodo nobis æquales. *ibid.* n. 2.
Partim ex superbia, partim ex pusillanimitate nascitur. *ibid.* n. 3.
Quomodo differat inuidia, à zelo, odio & indignatione. *ibid.* n. 4. & seqq.
Inuidia est vitium capitale, & quæ eius filia. p. 337. n. 9. & seqq.

Indaismus.

Quid sit. p. 209. n. 10.
Indaismus habens coniunctam apostasiam à fide est peior hæresi. p. 211. n. 21.
Catholicus deficiens ad Indaismum est Iudeus. p. 210. n. 17.
Iudæi in quibus vitandi iure positiui. p. 217. n. 53.
Iudeorum ritus cur & quantum tolerantur ab Ecclesia. p. 219. n. 66.

L.

Lex.

Ex Ecclesiastica potest corrigere civilem. p. 63. n. 151.
Libellatici.
Qui, & vnde dicti, & quod eorum crimen. p. 176. n. 12. & seqq.
Ligare.
Duo modi ligandi & soluendi in Ecclesia iuxta D. Aug. p. 41. n. 40.
Potestas ligandi quid comprehendat. p. 43. n. 54.
Luxuria.
Luxuria est vincenda fugiendo. p. 335. n. 4.

Kk

Matrimo-

Index rerum.

M.

Matrimonium.

Matrimonium fidelium solui per hæresim putavit Cælestinus Papa, sed non definiuit. p. 74. n. 199. & seqq.

Mendacium.

Deum nec per se nec per alium mentiri potest. p. 11. n. 60. & seqq.

Iacob non est vsus mendacio in obtinendâ patriâ benedictione. p. 12. n. 65. & seqq.

Meritum.

Duratio actus quomodo conferat ad meritum. p. 267. n. 57. & seqq.

Non omnium virtutum actus sunt æquæ meritorij. p. 266. n. 54.

Vide verbum, Charitas.

Miles.

Miles obligatus præstare pastam operam cum vita periculo. p. 350. n. 56.

Milites debent esse contenti suis stipendijs. ibid. n. 58.

Principes obligatur ex iustitia soluere militibus stipendia termino elapso. ibid. n. 55.

Princeps tenetur ad restitutionem damnorum quæ ob defectum solutionis milites inserunt Reip. ex inopiâ. ibid.

Vide verbum, Bellum.

Miracula.

Miracula omnibus sæculis facta sunt in Euangelij confirmationem. p. 22. n. 121. & seqq. & p. 133. n. 133. & seqq.

Sunt notæ veræ Ecclesiæ. p. 131. n. 132.

In attestationem falsitatis fieri non possunt. p. 132. n. 132.

Vestimenti falsa miracula. p. 135. n. 142.

Donatistarum apparentia miracula. p. 134. n. 138. & seqq.

Hæreticorum calumniæ contra verâ miracula. p. 133. n. 134. & seqq.

Misericordia.

Quid sit. p. 308. n. 1.

Misericordiæ motuum est miseria alterius. ibid. & seqq.

Miseria quæ est notitium misericordiæ, est triplex. ibid. n. 2.

Quomodo peccatum possit esse motuum misericordiæ. ibid. n. 3.

Passio Christi & Martyrum sufficiens motuum misericordiæ fuit. ibid. (n. 4.)

Misericordia reperitur in Deo formaliter. p. 309.

Misericordia est virtus, probabiliter à charitate distincta. p. 309. n. 8. & seqq.

Misericordia causatur à charitate. p. 310. n. 11. & seqq.

An sit maxima virtutum. p. 310. n. 12.

Actus principalis misericordiæ est velle subuenire alterius miseria. p. 309. n. 4.

Amor ex parte miserentis est causa principalis miserentis. ibid. n. 7.

Defectus miserentis est etiâ causa miserentis. ibid. n. 6.

Opera misericordiæ.

Opera misericordiæ alia spiritualia, alia corporalia. p. 312. n. 5.

Opera misericordiæ spiritualia sunt præstantiora corporalibus. p. 313. n. 12. & seqq.

Operum misericordiæ corporalium effectus spiritualis qui. ibid. n. 15. & seqq.

Sepelire mortuos est opus misericordiæ corporalis. p. 312. n. 6. & seqq.

Vide verbum, Eleemosyna.

Missio.

Missio non importat necessariò superioritatem. p. 41. n. 81.

N.

Naaman.

Naaman Cyrus Domino suo coram idolo genuculanti seruitum sufficienter licet exhibuit. p. 180. n. 41.

Necessitas.

Necessarium aliud necessitate medijs, aliud præcepti. p. 155. n. 33.

Ex necessitate medijs in adultis oritur necessitas præcepti. p. 156. n. 34.

Necessitas corporalis.

Necessitas corporalis extrema quæ. p. 315. n. 24.

Non tenemur statim credere obferenti se in extrema necessitate esse. ibid. & p. 316. n. 32.

Necessitas corporalis grauis quæ. p. 315. n. 29.

Quæ communis necessitas. ibid.

In extrema necessitate vel graui constituto non licet clam surripere, si potest sit spes obtinendi. p. 320. n. 51.

Debet etiâ Magestratus indicare inopiam suam prius quam surripiat. ibid. n. 52.

In extrema necessitate, & probabiliter in graui, licitum est à diuite surripere necessaria. ibid. n. 53.

Vir boneſtus in necessitate an surripere possit ne inopiam suam detegat. p. 321. n. 56.

In extrema necessitate vite corporalis proximi quandoque ei succurrere licet cum vita propria periculo. p. 296. n. 48.

Quandoque est illicitum n. 49.

Parentes & consanguinei in necessitate corporali alijs sunt præferendi. p. 299. n. 61. & seqq.

Quibus casibus aliter faciendum. ibid. n. 62.

Fratres secundum carnem fratribus spiritualibus in necessarijs sunt præferendi. p. 300. n. 68.

Necessitas spiritualis.

Necessitas extrema spiritualis proximi quæ. 296. n. 45.

Non versatur in extrema necessitate qui se per puram malitiam exponit periculo damnationis. ibid. n. 46.

Secus qui ex quadam infirmitate. ibid.

Proximo in extrema necessitate spirituali, succurrere tenemur cum vite periculo. p. 296. n. 44.

In graui

Index rerum:

In gravi necessitate spirituali proximi licet priuato succurrere cum vita periculo. p. 296. n. 47. & seqq.

Non tamen semper obligatur. p. 297. n. 51.

In gravi necessitate spirituali communis tene-
mur ei succurrere cum periculo vite. *ibidem.*
n. 52.

Ex officio obligati, tenentur sui succurrere cum
periculo vite in graui necessitate spirituali.
ibid. n. 52.

Necessitas spiritualis communis est preferenda
necessitati Priuati. p. 300. n. 70.

Pater in cā est preferendus cuius alteri priuato.
ibid. n. 67.

Extra necessitatem alij quandoque possunt praefer-
ri parentibus. *ibid.* n. 69.

Extra necessitatem Pastor debet curare subditos
ante Consanguineos. *ibid.* n. 69.

Negare.

Fidem negare nullo casu licitum. p. 175. n. 9.
& seqq.

Prisilianus error. *ibid.* n. 8.

Proferre ea quae sunt fidei contraria est fidem ta-
cite negare. *ibid.* n. 10.

Qui vult videri admisisse actum fidei contrarium,
censetur fidem negare. p. 176. n. 12. & seqq.

O.

Obiectum.

Objectiua ratio formalis obiecto materiali
extrinseca esse potest. p. 280. n. 9. & seqq.

Obiectum materialiter falsum, non potest esse for-
maliter verum. p. 14. n. 77.

Occultare.

Occultare fidem aliquando licitum. p. 182. n. 50.

Signum triplex quibus contingit fidem occultari,
p. 179. n. 33.

Occultare fidem signis ex natura sua vel hominum
instituto praevis ordinatū ad professionem fal-
sae religionis non licet. *ibid.* n. 34. & seqq.

Adriani sententia reijcitur. p. 180. n. 37. &
seqq.

Ad occultandam fidem licet interdum vii vestibus
ex communi vsu proprijs nationi falsae scilicet. p.
182. n. 50. & seqq.

Non licet occultare fidem *vestibus*, supersticiosi
vestibus tantummodo destinatis. *ibid.* n. 53.

Similiter nec vestibus Sacerdotum falsae sectae,
quibus distinguantur à reliquo populo. *ibid.*

An liceat aliquando fidem occultare veste quā
videntur infideles ex praescripto Magistratus
Christiani vt distinguantur à fidelibus. p. 183.

n. 55. & seqq.

Vesci carnibus inter haereticos diebus ab Ecclesia
prohibiti an liceat ad fidem occultandam. *ibid.*

n. 58.

Quid agendum Christianis inter infideles si Rex in-
fidels mandet vt omnes Christiani certā veste
viantur, quā distinguantur ab alijs. p. 184.

n. 59. & seqq.

Odium.

Odium aliud abominations, aliud inimicitiae. p.
332. n. 2. hoc ex illo nascitur. p. 333. n. 5.

Odium Dei quid. p. 253. n. 9.

Odium Dei est grauissimum peccatorum. *ibid.* n.
6. & seqq.

Odium Dei aliud alio grauius. *ibid.* n. 8.

Quomodo possit Deus haberi odio peccatoribus.
p. 332. n. 4. & seqq.

Deum clarē videns non potest illum odisse. *ibid.*
n. 3. & p. 333. n. 5.

Odium proximi est semper peccatum. *ibid.* n. 9.

In ratione culpa est grauius ceteris quae sunt
contra proximum, non in ratione damni. p.
334. n. 10.

Odium oritur ex inuidia. p. 334. n. 12.

Quandoque etiam ex ira. *ibidem.*

Non est vitium capitale. *ibid.* n. 11.

Odium inimicorum non est licitum. p. 287. n. 43.

Inimici signa odij ostendere nunquam licet. *ibid.*

Quomodo peccatores possint odio haberi. p. 284.
n. 28. & 311.

Offensa.

Offensus veniam roganti dimittere debet. p. 287.
n. 43. & seqq.

Non tamen tenetur actionem iuri remittere. *ibid.*
n. 44. expedit tamen plerumque id facere
quando agitur tantum de vindicta. *ibidem.*

n. 45.

Offensus circa subditum aut filium veniam rogan-
tes quomodo se gerere possint. p. 287. n. 44.

Oratio Dominica.

Orationis Dominica breuī explicatio. p. 366.
n. 9.

Fideles tenentur scire orationem dominicam. p.
170. n. 120. & seqq.

Eam sine menācio recitare possunt Peccatores. p.
152. n. 17.

Paganismus.

Quid sit. p. 209. n. 10.

Paganismus an sit peior Haeresi & Iudaismo. p. 210.
n. 19. & seqq.

Turcarum secta spectat ad Paganismum. p. 209.
n. 13.

Catholicus deficiens ad Paganismum sit Paganus.
p. 210. n. 1.

Pascere.

Pascere in Scripturis accipitur pro regere. p. 46.
n. 65.

Pascere est officium Praepositi & Rectoris. n. 45.
p. 64. & seqq.

Verbum Pisce, dictum Petro importat praeceptū.
p. 46. n. 66.

Pascha.

Pim L. decreuit celebrari Pascha Dominica post
14. primi mensis. p. 62. n. 140.

Victor L. Asianos non seruantes legem Pij primi de
non celebrando Paschate cum Iudeis, excom-
municauit. *ibid.*

Index rerum.

D. Paulus

- D. Paulus cur dicitur per antonomasiam Aposto-
lus. p. 53. n. 102.
- D. Paulus fuit inferior Petro in Ecclesia regimi-
ne. p. 46. n. 70. & seqq.
- In antiquis imaginibus cur Paulus interdum à
dextris Petri locatus. p. 53. n. 103.
- D. Paulo fuit specialis cura gentium demandata.
p. 47. n. 74. & seqq.
- Iudeus etiam predicandi potestatem habuit. *ibid.*
- D. Paulus quomodo omnibus omnia factus. p. 181.
n. 47. Pax.
- Quia pax. p. 307. n. 1. est effectus charitatis
ibid. n. 3. & seqq.
- Omnia appetunt pacem. *ibid.* n. 2.
- Peccatum.
- Peccatum ex certa malicia committitur duplici-
ter. p. 232. n. 1.
- Peccatum in Spiritum Sanctum quod. *ibid.* n. 2.
- Peccatum in Spiritum Sanctum sextuplex. *ibid.*
n. 4.
- Quodlibet peccatum mortale exstinguit charita-
tem. p. 275. n. 95. & seqq.
- Idque tam physice quam demeritorie. p. 276. n.
99 & seqq.
- Peccatum mortale habitualiter excludit formaliter
charitatem. *ibid.* n. 100.
- Aliud peccati mortalis est causa physica peccati
habituali. p. 277. n. 103.
- Non licet ob vilius finem peccare venialiter. p.
295. n. 28.
- Peccatores pios motus in Deum quandoque habent.
p. 152. n. 16. & seqq.
- Persecutio.
- Persecutiones boni non immittuntur à Deo sed
permittuntur. p. 177. n. 22.
- Vide verbum, fugere.
- D. Petrus.
- Petrus fuit à Christo toti Ecclesie prefectus. p.
34. n. 2. & seqq. & p. 40. n. 37.
- Petrus esse Ecclesie fundamentum ostenditur.
ibid. n. 3. & seqq.
- Petrus est secundarium Ecclesie fundamentum. p.
37. n. 16.
- Petrus à Christo dictum Petram manifestè osten-
ditur. p. 34. n. 4. & seqq.
- Obicitur D. Augustinus. p. 35. n. 9.
- Obiectiones ex alijs Patribus. p. 37. n. 17. &
seqq.
- An super fide Petri possit dici Ecclesia edificata.
ibid. n. 18. & seqq.
- Petrus non potuit errare in fide. p. 70. n. 179.
& seqq.
- Ex metaphora Clavium Petri primatus adstruitur
contra hereticos. p. 38. n. 28. & seqq. & p.
34. n. 3.
- Claves regni celorum specialiter fuisse Petro pro-
missas ostenditur. p. 38. n. 29. & seqq.
- Obiectio hereticorum. p. 39. n. 32. & seqq.
- Petrus vi persona publica accepit claves à Christo.
p. 41. n. 42. & seqq.

- In persona Ecclesie quò sensu potest dici accepisse.
ibid. n. 43. & seqq.
- Petrus accepit claves pro se, suis successoribus &
alijs Ecclesie Pralatis. *ibid.* n. 42. & seqq.
- Petrus Ecclesie figuram gessit duobus modis. p. 42.
n. 45.
- Quid per claves Petro promissas intelligant hære-
tici *ibid.* & seqq.
- Per claves Petro promissas significatur potestas su-
prema ipsius in Ecclesiam. p. 43. n. 51.
- Primatus Petri probatur ex cap. 21. item. p. 44.
n. 58. & seqq.
- Primatus Petri ex varijs eius prerogativis statui-
tur. p. 49. n. 83. & seqq.
- Sex Petri prerogativae *diversae.* *ibid.* & p. 50.
& seqq.
- Petrus non fuit successor Christi sed vicarius. p.
52. n. 57.
- Primatus Petri non fuit temporaneus. p. 54. n.
115. & seqq.
- Romanus non is ex est Petri successor.
- Vide verbum, Pontifex.
- D. Petrus habuit etiam in gentes potestatem. p.
47. n. 74. & seqq.
- Specialis Inuocatum cura fuit illi demandata.
ibidem.
- Petrus Christum gentibus primus predicavit. p.
51. n. 92. & seqq.
- Petrus quid ex visione lintei à calo missi didicit. p.
31. n. 175.
- Petrus antiochia Romam sedem transfudit ex Chris-
ti mandato. p. 67. n. 164. & seqq.
- Episcopus Antiochenus non fuit successor Petri in
regimine Ecclesie universalis. p. 61. n. 138.
- Cur Ierosolyma non fuerit fixa Petri sedes. p. 12a
n. 97.
- Iacobus minor fuit constitutus à Petro Episcopus
Ierosolymitanus. p. 52. n. 99. & seqq.
- Pontifex.
- Romanum Pontificem succedere Petro in regimi-
ne vniuersali Ecclesie ostenditur ex Concilijs.
p. 54. n. 108. & seqq.
- Probatur ex varijs Pontificibus. p. 55. n. 114.
& seqq.
- Probatur ex Patribus. p. 57. n. 120. & seqq.
- Probatur rationibus. p. 61. n. 138. & seqq.
- Pontifex Romanus in totius oris Episcopos potes-
tatem semper exercuit. p. 62. n. 139. &
seqq.
- Semper licuit ad Romanum Pontificem ab alijs
Episcopo appellare. *ibid.* n. 143.
- A Romani Pontificis sententia ad alios Episcopos
appellare nunquam licuit. *ibid.*
- Romani Pontifices passim in alijs locis habuerunt
suis vicarios. p. 63. n. 147.
- Summus Pontifex iure diuino succedit Petro. p.
66. n. 161.
- Suam auctoritatem habet immediate à Christo.
p. 63. n. 150. & p. 68. n. 170.
- Cardinales eligunt Pontificem sed non constituunt.
p. 66. n. 159. & p. 68. n. 170.

Pontificia

Index rerum.

Pontificia potestas in Ecclesia est perpetua. p. 54.
n. 105. & seqq.
Romanus pontifex à nemine indicatur. p. 63. n. 148. & seqq.
Ecclesia non potest deponere pontificem. p. 66. n. 159.
Vide verbum, Concilium.
Si Pontifex incidat in hæresim manifestam, desinit esse Pontifex. *ibid.* n. 160.
Secus si in occultam incidat. *ibid.* n. 161.
Romanus Pontifex est supremus iudex controuersiarum fidei & morum. p. 68. n. 171. & seqq.
Errare non potest cum Concilio generali in decretis fidei. p. 69. n. 175. & seqq.
Similiter sine Concilio generali. *ibid.* n. 177. & seqq.
Indefectibilitate istam imperauit illi Christus sua oratione. p. 70. n. 181. & seqq.
Definitiones pontificis etiam sine Concilio facta, passim sunt recepta ab Ecclesia. p. 72. n. 187. & seqq.
Pontifex in rebus fidei determinandum non debet nunquam presumi temere processisse. *ibid.* n. 190. & seqq.
Pontifex in rebus fidei determinandum debet veritatem DD. consilia adhibere. *ibid.* n. 191. & p. 73. n. 193.
Definitiones pontificis sine consilio DD. edita sunt etiam infallibiles. p. 72. n. 189.
Pontifex in decretis morum quæ toti Ecclesie præscribit, errare non potest. p. 72. n. 192. & seqq.
Pontifex in legibus ferendis quos defectus committere possit. p. 73. n. 192.
Pontifex etiam vi persona publica in quibusdam questionibus facti errare potest. p. 74. n. 198.
Pontifex ut priuatus doctor in questionibus fidei & morum errare potest. *ibid.*
Vnde dignosci possit quando Pontifex loquatur ex cathedra. p. 75. n. 200.
Non omnia pontificia scripta quæ in iure Canonico recensentur habentur definitiones ex cathedra. *ibid.*
Romanum Pontificem etiam vi priuatum personam non posse fieri hæreticum, probabile est. p. 76. n. 207.
Senerius Pontifex non fuit hæreticus. p. 77. n. 208. & seqq.
Non etiam Liberius Papa. p. 78. n. 214. & seqq.
Honorius Papa non fuit hæreticus. p. 79. n. 221. & seqq.
Quomodo à Synodo 6. damnatus fuit. p. 80. n. 225.
Felix II. fuit verus Pontifex. p. 79. n. 218.
Quomodo in pontificatum ante intrusus. p. 78. n. 217.
Summi Pontifices Iudæorum ante Christi aduentum in fidei decretis infallibiles fuerunt. p. 90. n. 47.
Secus Christo iam presente. *ibid.*

Pontificatum perpetuo annexum Romane Ecclesie ex Christi ordinatione, probabile est. p. 67. n. 166. & seqq.
Pontifex est Ecclesia Romana proprius Episcopus. p. 59. n. 126.
Roman Pontifici quanta potestas in Reges & Principes. p. 63. n. 151.
Potestas prædicandi Euangelium per totum orbem soli Pontifici ordinario iure competit. p. 214. n. 41. & seqq.
Præceptum.
Præcepta alia sunt de substantia legum, alia præambula ad legem. p. 256. n. 1.
Omne præceptum affirmatiuum continet implicitè negatiuum. p. 175. n. 2.
Impletio præcepti alia perfecta, alia imperfecta. p. 367. n. 13.
Omnes adulti tenentur scire præcepta Decalogi. p. 170. n. 120. & seqq.
Similiter ordinaria præcepta Ecclesie. *ibid.*
Quando incipias hæc obligatio. p. 171. n. 123.
Prælati.
Prælati tenentur ex charitate inquirere in vitam subditoꝝ. p. 227. n. 23.
Prudentia hac in parte adhibenda. *ibid.* n. 25.
Prælati corripere quomodo debeant. *Vide verbum, Corruptio.*

Præsumptio.
Præsumptionis variæ acceptione. p. 254. n. 1. & seqq.
Præsumptio spei opposita imminuit Deo indebitæ. p. 255. n. 4.
Potest etiam imitari propria virtuti. *ibid.* n. 5.
Præsumptio destruit spem dupliciter. *ibid.* n. 6.
Præsumptio est peccatum grauius desperatione. *ibid.* n. 8. & seqq.
Quanam præsumptio sit grauius. p. 256. n. 9. & 10.
Præsumptio vnde causetur. *ibid.* n. 12.
Primatus.
Primatus Petri. *Vide verbum Petrus.*
Prudentia.
Prudentia insuasa non inclinat in falsam. p. 13. n. 75.

R.

Respublica.

Respublica alia perfecta, alia imperfecta. p. 343. n. 15.
Resp. imperfecta potest iniurias sui illatas vindicare si malefactorum deprehendat intra terminos suæ iurisdictionis. p. 344. n. 21.

Reuelatio.

Reuelatio diuina. *Vide verbum Articulus.*

Rixa.

Quid sit. p. 355. n. 1.
Rixa ex parte iniuriosæ est peccatum ex genere suo mortale. *ibid.*
Ex parte descendenti non est semper peccatum. *ibid.*
Rixa quomodo à duello distincta. *ibid.* n. 2. *Est filia ira.* p. 359. n. 22.

K. k. iij Scanda-

Index rerum.

S.

Scandalum.

Scandalum vnde dictum. p. 359. n. 1.
 Aliud actuum, aliud passivum. p. 360. n. 3.
 Scandalum actuum, aliud formale, aliud interpretativum. *ibid.*
 Passivum aliud datum, aliud acceptum. *ibid.*
 Scandalum Pharisaicum quod. *ibid.*
 Scandali actui definitio *ibid.* n. 5.
 Actus internus non est scandalum. *ibid.*
 Scandalum est peccatum ex genere suo mortale, quatenus charitati proximi vel misericordia aduersatur. p. 360. n. 7.
 Ratione materia vel inadvertentia potest esse veniale. p. 361. n. 8.
 Scandalum duobus modis committitur. *ibid.* n. 9.
 Superiorum Ecclesie vitia frequens scandalum sunt. *ibid.*
 Scandalum est speciale peccatum. *ibid.* n. 10.
 Etiam interpretativum. n. 11. & seqq.
 Non omnia peccata sunt scandala. p. 362. n. 16.
 An fornicatio habeat semper adiunctum scandalum. *ibid.* n. 18.
 In actu scandali triplex est defectus. p. 363. n. 21. & seqq.
 Scandalum passivum non est speciale peccatum. p. 363. n. 22. aliquando est mortale, aliquando veniale. *ibid.*
 Scandalum in perfectu ordinariè non invenitur. p. 363. n. 23. & seqq.
 Bona spiritalia qua sunt de necessitate salutis, non sunt propter scandalum omittenda. p. 364. n. 26.
 Ad vitandum scandalum nequidem veniale peccatum committere licet. *ibid.*
 Bona spiritalia quamvis propter scandalum omittenda aut differenda. p. 364. n. 27. & seqq.
 Propter scandalum frequenter omitti debent qua legibus humanis sunt constituta. *ibid.* n. 29.
 An bona temporalia propter scandalum dimittenda. p. 365. n. 1. & seqq.
 Schisma.
 Schismatis descriptio. p. 339. n. 1.
 Hæresis habet semper sibi coniunctum schisma sed non contra. p. 339. n. 1.
 Deficiens à fide ad Paganismum vel Iudaismum non est dicendus schismaticus. p. 339. n. 3.
 Schismatis divisio p. 339. n. 2. & 4.
 Schisma est peccatum speciale contra charitatem. *ibid.* n. 5. & seqq.
 Est minus infidelitate ex obiecto no. p. 340. n. 7.
 Ex circumstantiis est frequenter gravius. *ibid.* n. 8.
 Schismatum origo. p. 340. n. 8.
 Schismatici amittunt potestatem iurisdictionis non ordinis. p. 340. n. 9.
 Schisma sufficit ad excommunicationem. p. 340. n. 10.
 Scientia.
 An scientia sit certior fide. Vide verbum Fides.
 Certitudo scientia ex principiis est desumenda. p. 197. n. 58.

Donum scientia quid sit. p. 370. n. 8.

Scēta.

Scētarum mutabilitas. p. 129. n. 116. & seqq.
 & p. 131. n. 125. & seqq.
 Omnes scēlas continere errores naturali rationi contrarios offenditur. p. 135. n. 144. & seqq.
 Omnes scēlary passim ab autore sua scēta nomen acceperunt. p. 140. n. 167. & seqq.

Seditio.

Quid sit. p. 359.

Est ex genere suo mortale peccatum. *ibid.*

Specs.

Spei varia acceptiones. p. 233. n. 1. & seqq.
 Spes est virtus. p. 234. n. 1. & seqq.
 Est virtus Theologica. p. 239. n. 29.
 Distinguitur à fide & charitate. *ibid.* n. 31. & seqq.
 Spes est prior charitate viâ generationis. p. 240. n. 34. & seqq.
 Obiectum principale spei est Deus. p. 235. n. 9. & seqq. & p. 239. n. 29.
 Secundarium obiectum spei quod. *ibid.* n. 30.
 Visio Dei quodnam spei obiectum. p. 235. n. 10. & seqq.
 Obiectum formale spei esse auxilium divinae pietatis & pietatis, quorundam opinio. p. 235. n. 12.
 Obiectum formale spei est bonitas increata ut summum bonum nostrum. p. 236. n. 13. & p. 237. n. 16. & seqq.
 Spes innitur divina potentia & pietati. p. 237. n. 20. Item promissioni & veritati Dei. *ib.*
n. 21. & p. 241. n. 2. & p. 244. n. 17.
 Spes accipit suam certitudinem à fide. p. 241. n. 18. & p. 187. n. 41. & seqq.
 Est in voluntate ut subiecto. p. 241. n. 1.
 Actus spei qualis? p. 234. n. 5. & p. 235. n. 7. & seqq.
 Actus spei principalis quid? p. 241. n. 3.
 Actus spei circa obiectum principale non potest esse nimis. p. 235. n. 8.
 Vary actus spei. p. 237. n. 16. & p. 242. n. 7.
 Actus spei perfectiones oriuntur ex charitate. p. 240. n. 36.
 Virum quis possit alteri sperare bonum. p. 238. n. 26. & seqq.
 Sperare in creaturâ quomodo illicitum. p. 239. n. 28.
 Spes viatorum est certa. p. 243. n. 14.
 Certitudo spei ex tribus exurgit. p. 244. n. 16. & seqq.
 Habitus spei non manet probabiliter in patria. p. 242. n. 6.
 Opposita sententia non est improbabilis. *ib.* n. 7. & seqq.
 Qui actus possint attribui habitui spei in patria. p. 242. n. 7.
 Actus spei principalis non manet in patria. p. 241. n. 3. & seqq.
 Secus actus secundarij. *ibid.* n. 5. & seqq.
 Spes potest dupliciter amitti. p. 143. n. 13.

Præceptum

Index rerum.

Præceptum spei fuit in lege veteri & est in noua.
p. 257. n. 2.

Quomodo & quando obliget. *ibid.* n. 3. & seqq.
Spirituale.

Spirituale aliquid dici potest duobus modis. p. 121. n. 79.

Spiritualia non possunt in hac vita sine medio cognosci. p. 303. n. 9.

Spiritus Sanctus.

Spiritus Sanctus quomodo Ecclesiam doceat. p. 30. n. 165. & seqq.

Non reuelat Ecclesie ante non reuelata. *ibid.*

Dona Spiritus Sancti quæ. p. 250. n. 26.

Quomodo differant à virtutibus infusis. *ibid.* n. 27. & p. 370. n. 9. & seqq.

Ad quid seruiant. p. 370. n. 9. & seqq.

Dona Spiritus Sancti ad intellectum pertinentia in quo distinguantur à fide. *ibid.* n. 10.

Donum sapientiæ quid sit. p. 368. n. 2. & seqq.

An timor sit donum Spiritus Sancti. Vide verbum,

Timor.

Donum scientiæ & intellectum quid sint. p. 370. n. 8.

Stultitia.

Stultitia sapientiæ opposita quid sit. p. 371. n. 1.

Est peccatum. *ibid.* n. 2.

Est filia luxuria. *ibid.*

Symbolum.

Symbolum fidei quid sit. p. 33. n. 185.

Triplex fidei symbolum à simbolo Apostolorum distinctum. *ibid.* n. 187.

Symbolum Apostolorum diuidunt quidam in articulos 14. p. 32. n. 182.

Rectius in articulos 12. diuiditur. *ibid.* n. 183.

Noua editio symboli ad Papam spectat. p. 33. n. 188. & seqq.

Symbolum Apostolorum continet prima doctrina Christianæ reuerentiæ. p. 162. n. 106.

Contenta in illo debent adulti omnes scire. *ibid.*

Non omnes tamen eius circumstantiæ cadunt sub fidei præceptum. p. 169. n. 113.

Legē Ecclesiasticā tenentur omnes fideles symbolum verbotenus scire & intelligere. *ibidem.* n. 104. & seqq. Quanta huius sciendi obligatio. *ibid.*

Synagoga.

Synagoga quid. p. 102. n. 10.

T.

Timor.

Timoris varia acceptio. p. 245. n. 1.

Timor principaliter versatur circa malum arduum. p. 246. n. 4.

Timori aliquid dupliciter potest. p. 245. n. 3.

Timor in filialem, initialem, seruilem & mundanum diuiditur. p. 246. n. 7. & seqq.

Timor mundanus quis. *ibid.* n. 8. est semper malus *ibid.* n. 9.

Timor seruilis quis. *ibid.* n. 8. & 10.

Differt formalis obiecto à timore filiali. p. 247. n. 15.

Cum virtutis actus esse possit. p. 248. n. 15.

Timor seruilis secundum substantiam est bonus. p. 246. n. 10. & seqq. potest esse cum charitate. p. 248. n. 18. & seqq.

Quia seruilitas eius, & an peccatum. p. 247. n. 10. & seqq. non manet cum charitate. p. 248. n. 19.

Timor panæ tripliciter considerari potest. p. 247. n. 12.

Timor panæ à Deo irroganda bonus est & vitiosus. *ibid.* n. 14.

An Deum possit timeri. p. 245. n. 3. & seqq.

Obiectum timoris filialis quod. p. 247. n. 15. & seqq.

Timor filialis est actus charitatis. p. 248. n. 15.

Panæ cuius timor sit obiectum. *ibid.* n. 17.

Timor initialis quæ. p. 246. n. 8. & p. 249. n. 23. & seqq.

Non differt essentialiter à filiali. p. 249. n. 23.

Timor filialis in hac vita non excludit totaliter metum penarum. p. 250. n. 25.

Timor filialis est donum Spiritus Sancti. *ibid.* n. 26. & seqq. non sic seruilis. *ibid.*

Timor filialis crescit crescente charitate. *ibid.* n. 29. & seqq.

Timor seruilis minuitur crescente charitate. *ibid.* n. 29.

Magnitudo timoris unde oritur. *ibid.* n. 30.

Timor Domini initium sapientiæ, quo sensu dicitur. p. 249. n. 21.

Timor seruilis non manet in patria. p. 251. n. 22. & seqq.

Timor filialis in patria qualis. *ibid.*

Timor quidam reuerentialis reperitur in Beatis. *ibid.* n. 34. & seqq.

Paupertas spiritus est effectus timoris filialis. *ibid.* n. 35.

Præceptum timoris exstat. p. 258. n. 7.

Quomodo & quando obliget. *ibid.* n. 8.

Traditio.

Quid sit. p. 140. n. 1. & seqq.

Traditionis diuisio. p. 141. n. 3. & seqq.

Traditio diuina quæ. p. 141. n. 3. rude dignoscenda. p. 148. n. 42.

Traditio Apostolica quæ. p. 141. n. 3. unde dignoscenda. p. 149. n. 43. & seqq.

Traditio Ecclesiastica quæ. p. 141. n. 3.

Traditiones diuine & Apostolicæ sunt, respectu paræ authoritatis cum doctrina diuina & Apostolicæ scripta. p. 149. n. 47. & seqq.

Traditiones Ecclesiasticæ sunt paræ authoritatis cum canonibus scriptis. *ibid.* n. 49.

Necessitas admittendi traditiones ostenditur ex Scripturis. p. 141. n. 6. & seqq.

Probatur ex Paribus. p. 143. n. 12. & seqq.

Probatur rationibus. p. 144. n. 17. & seqq.

Obiectiones hæreticorum. p. 145. n. 20. & seqq.

Scriptura sacra non est sufficiens sine traditionibus ad plenam instructionem. p. 146. n. 24. & seqq.

Quomodo traditiones possint in sua integritate conservari. p. 147. n. 31. & seqq.

Bapissim

Index rerum.

Baptismus parvulorum est ex divina traditione. p. 148. n. 43.
Quadragesima est ex Apostolica traditione. p. 149. n. 43.

Virtus Theologica qua. p. 239. n. 29.
Virtutes Theologicae sunt alijs priores. p. 195. n. 47.

Vitium.

Vitium capitale quid. p. 331. n. 11.

V.

Virtus.

Virtus dupliciter accipitur. p. 193. n. 38.
Status perfectus virtutum exigit omnes virtutes morales simul esse connexas. p. 194. n. 40.
Passiones appetitus inferiorum virtutes non sunt. p. 234. n. 7.

Z.

Zelus.

Quid sit. p. 336. n. 4.
Potest interdum esse bonus. *ibid.*
Zelus in bonis temporalibus est frequenter malus. *ibid.*

E R R A T A.

Paginâ 24. columnâ 1. lineâ 34. *Sarmentij & Semissarij lege Sarmentij & Semissarij vel Semaxij, aut Semaxarij, ut legit Patmelius ad finem Apolog. quia ad stipitem semiaxis exurebantur.* p. 25. c. 1. l. 6. *propagandam lege propagandam.* p. 29. c. 2. l. 23. *fontes lege fontes.* p. 37. c. 1. l. 18. *significare lege significari.* *ibid. c. 2. l. 7. *concidit lege incidit.* p. 54. c. 1. l. 22. *prædictura lege prædictura.* p. 80. c. 1. l. 15. *operationi lege operationis.* p. 104. c. 1. l. 14. *congregati lege congreganti.* p. 105. c. 1. l. 59. *ecclesiâ lege ecclesiam.* p. 111. c. 1. l. 57. *non membra lege esse membra.* p. 124. c. 2. l. 12. *extinguibili lege inextinguibili.* p. 139. c. 2. l. 21. *ipse lege ipsum.* p. 171. c. 2. l. penult. *externum lege externum.* p. 188. c. 2. l. 42. *coniunctus lege coniunctus.* p. 206. c. 1. l. 21. *quidem lege quidam.* p. 226. c. 2. l. 15. *post genere, adde, ne.* p. 237. c. 2. l. 9. *post ista, adde esset.* p. 260. c. 1. l. 51. *paterus me lege pater meus.* p. 261. c. 2. l. 21. *accidit lege accidit.* p. 262. c. 2. l. 4. *studeratus lege consideratus.* p. 284. c. 1. l. 15. *peccati lege peccato.* p. 331. c. 1. l. 45. *positus lege positus.* p. 349. c. 2. l. 41. *se lege si.* p. 367. c. 1. l. 39. *debetur lege desur.* p. 370. c. 2. l. 59. *planè lege non planè.* p. 371. c. 2. l. 19. *quiris lege requirit.**

